





Ex libris
M. Joannis Volekh
Presb.







Die Erst vorrede.

Die vorrede

Der vorrede Ober

Das buch des gro-
ßen gotweisen heyl-
ge bischofs vñ mar-

tres Dionisij von dē hymelischē furstē
tüb. spricht d̄ grof lerer maister hugo
de sancto victore. Das vil grossere er-
clerung der gothait gezaigt vñ bewisen
werd in dē sacramente der gnade. vñd
in dem fleisch des worts vñd in seiner
haimlichen bedeutlichen wurckung. dē
Durch die naturlichen gestalt der ding
Dāñ dem menschen waren furgehaltenē
zwayerlaij pildnus. Durch die er die vn-
sichperñ ding mocht sehen. Nemlich
ein pildnus der natur. vñd ein pildnus
der gnad. Nun die pildnus der natur
was die gestalt dīser werlt. Aber die
pildnus der genadē was die menschait
des worts. Vñd in disen baijden pild-
nussen ward got gezaigt. aber nit in yn
baiden verstandē. Dāñ wie wol die na-
tur durch ire gestalt iren werckmaister
zaiget. so mocht sie doch des schauers
augen nit erleuchten. Aber die mēsch-
ait des hailmachers ist gewesē ein ertz-
neij. Durch die. die plindē das liecht en-
pfienngen. vñd dar zu ein lere. Das die.
die gesehen. die warhait erkennetē. al-
so hat sie vor erleuchtet. vñ darnach ge-
zaiget. Die natur mocht zaigē. aber nit
erleuchten. Dāñ nach dem sie zū der dis-
enstperfait beschaffē was. so zaiget sie
iren schopfer. Dis was aber ein frem-
de gleichnūß gegen der vbertreffendē
herschenden maiestat. Vñd mocht yn

allen disen dingen nit offenbare ercler-
rung finden. Wan sie was auch nit ge-
sund. Das sie vast klar wer in der schaw-
ung dāñ sie het nit ebenpild. Die durch
die genad geformiert wurde. zū gesunt
hait des ynneren gesichtes. Vñ merck
was er furbas spricht. wan es ist ein be-
werung des billichen namens des nach-
folgenden buchs das der schatzbehal-
ter oder schrein der waren reichthümer
der ewigen seligkeit genennt wirt. Dar-
vmb das es von dīser archen der weyß-
hait vñd schatzbehalter sagt. von dem
dīser lerer furbas spricht. Sie westē
auch nit die archen der weisheit. vñ dē
behalter d̄ schetz das fleisch des ewigē
worts in der menschait iesu. Darvmb
haben sie geirret. vñd seind verschwun-
dē. da sie sich mit dem gemüt schwing-
en wolte. ober die ding. die sie zuerkēnē
empfangen hetten. Vñd da sie yn yr-
wōnen tasteten nach den dingen die sie
nit sehen mochten. da sind sie plind ge-
funden worden die da mainatē. das sie
gesehen. Dāñ billich was das. das die
in dē höchsten dingen geschendt wurde
die sich vō der erkentnus der vntterste
ding oberhuben. Vñd das die die des-
mutigkeit des glaubens in dē tod des
hailmachers verachteten sich seiner hē-
he verwunderten in erkentnus des scho-
pfers. In disen wortten zaigt mai-
ster hugo vorgeant. den vntterschaid
der erkentnus. die die werltweisen mai-
ster nach menschlicher vernunft haben
gehabt. vñd der erkentnus. die die crist-
glaubigen durch den glauben vñd auß
göttlicher genad habē. In welchen wor-
ten er zūersten gebē wil. Das die weis-
hait der naturlichen maister. tuncckell

zweifelich. eytel. lügenhaftig. irrig. ver-
plendend. vnd schendend ist gewesen
Vnd hinwiderumb. das die weishait
der glanbigen durch die genad christi
in den sie glauben. lauter. clar. gewis.
fruchtber. nutz. warhafftig. rechtfür-
end. erleuchtend. erenreich. vnd selig-
machend ist. Wan solche christenliche
erkantnus helt in yr. die waren archen
gotlicher weishait. vnd den schrein der
schatz aller genade. das dan ist die me-
schait vnseren herren iesu cristi. Vñ so
nun diß büch. vñ der selben menshait
vnseren herren iesu cristi. vnd von seinē
wercken vnd leiden. von seinem leben
vnd sterben. von seiner würdigkait vnd
demütigkait. von seiner tugend vñ ge-
dult. sagt vñ lert. so sol das auß gar bil-
lichen ursachē seiner darin beschlosener
materi der schatzbehalter oder schrein
der warē reichthümer des hailen vñ ewi-
ger seligkait genennet sein. vnd ist die
entlich mainung diß büchs. das wir dar
auß lernen. durch das leiden cristi vnd
sein verdienst. got den herren krefftig-
lich anrufen. vnd dar durch verdienen.
das wir entlich zu vnserm hail vñ nutz
erhöret werden. Vñ darumb was gut-
tes yn disem buch gefunden wirt. Da
von sey dem heyligen gaist ewiglichen
lob. ere. vñ dack gesagt. was aber vber
flüssigs oder mynder zierlichs. darinn
erschine. das wolle der leser diß büchs.
mit in arg. sunder gütlich zulegen. dem
der das. zusammen gelesen. vnd etliche
vberflüssige vnd mynder tapfere wort
eingemengt. vñ sich einer schlechten form
vnd weyse yn dem auffschreibenn ge-
praucht. vnd das darumb gethan hat.
das auch den ihenn die scharps ge-

sicht zuuersteen mit gewonet haben. Si
se materi zu hören oder zu lesen mit ver-
driesslich werde. Diß buch wirt yn
drei bücher als in drei fürderliche tail
getailt. Das erst ist ein beraitung zu
den anderñ. In dem anderñ ist die für-
derlich materi gesetzt. Das drit ist als
ein zusatz. Das erst buch hat drey
tail. der erst ist gleich als ein vorred vñ
ein bewerung des titels oder namens
diß büchs. das es warhastiglich mag
der schrein oder schatzbehalter d̄ was-
ren reichthū des hailen vnd der ewigen
seligkait genent werden. so es das ley-
den cristi zu einer materi vnd für einen
gegenwurf hat. welches der war schatz
der ewigē seligkait ist. vñ dasselb wirt
durch vil lerer. als glaubhaftig zeugen
vnd die heiligen geschrifft beweret.
Das ander tail des ersten büchs setzt
von der nützberkait vñ von den frucht-
ten des leides cristi vnd seiner betrach-
tung. Vnd wirt da mancher schöner
spruch der lerer gesetzt. Das dritte
tail leret vnd setzt. wie man sich yn der
betrachtung des leides cristi oben sol.
vnd legt die mainung diß büchs an den
tag. Das ander buch setzt hundert
gegenwürff des leides cristi. vñ nach
dem diße materi zum erste mit in büchs
weyse. sunder yn einer tafeln mit ver-
fürzüg entworffen worden ist. so sind
die gegenwürff gar vngleich. etlich vast
verfürzet. etlich allain genennet. doch
bey den die etwas auß gelegt sind mag
man die anderñ auch inrecken. Das
drit buch ist von den letzten Worten vn-
seren herren fürderlichen vñ setzt etlich
gegenwürff zu den vorigenn. von den
dingen die an dem creutz. vñ nach dem

Die ander vorrede

god cristu beschehen sind. Czum letzten etlich betrachtung yn gebettes weys. Wie man aber dise geschriffte des teutschenthalb lesen sol. so ist zu einer warnung vñ hilff oder fürderung clerer verstantnus zu wissen. Das in disem buch gar vil vñd setz sind. Die mā friechisch parentheses nent. vñd weren also C O gezeichnet. vñ ein tail sind vast lang vñ vnderweil yn den selben langen. ander klain ader kurtz. Welcher nun clar verstantnus der materien will haben. Der laß zum ersten alles das vntterwegen. Das zwischen solchen zaichen steet. vñ lese. was darnach volget zu dem das vorsteet on mittel. vñ weñ er die mainung vñd verstantnus des fürderlichen syns hat. Darnach lese er es mit einander der gantz.

Ein andere vorrede

Vñ der mainung des vorgeschriben spruchs des grossen maisters Hugonis vñ sant victor. mag bewissen werden. Das die materie dises büchleins vbertreffend ist. Zum ersten der würdigkait halb des gegenwurffs. Dan kein geschriffte mag einen höheren gegenwurff habenn. Denn den waren wesenlichen got. Der der gantzenn heiligen geschriffte gegenwurff ist yn gemain. Aber der heiligen ewangelischen geschriffte in einer sōndern weys. nach dē als er ein erloher ist. das yn im auch vordert die menschlich natur. vñ nach solcher weyse hat dise materi cristu waren gott vñ menschen zu einem gegenwurff. Das der edelst gegenwurff ist. Der da mag sein. Czum anderen vbertrifft dise materij der lieplichkait halb

Ben der sache. Dan so vnzelich sachen sind vntter den man cristu mag für nemen. so ist doch die vntter andern die lieplichst. als man yn fürnympt. als der auß barmhertzikait vñ liebe. Die er zu vns menschen gehabt hat. für vns hat wollen leiden vñ sterben. auff das das er durch dasselb got seinem vatter für vns vñd vnser sünd genug tete. vñ vns also mit im versünete. vñd vns sein genad widerumb erwürbe. Darumb spricht sant Bernhard. vber alle ding C O guter herr iesu C mach dich mir lieplich. Der kelch. den du getruncken hast das werck vnser erlösung. Das ist das im vnser liebe gentzlich zu aignet. Czu dritte vbertrifft sie der nutzberkait vñ fruchtberkait halb. wan es weyset auf die vbung durch die der mensch allein vbeln entgegen. vñ alles gut erlāge mag Vñd dasselb dannoch leichtiglich an grōs arbeit als durch süß lieplich gedanken. vñ hertzlich begird. vñd ymer gaitlich anruffen. vñd was schweres in disen dingen allen sein. Was schweres sol das dē menschen sein. Das er gedenc oder bedenc vñ betracht. wie lieb yn der almechtig got hab. vñ was er vmb seiner liebe willen gethan. was er vmb des menschen sele willen gelitten hab. Ja C weyter zu reden C was solt dem menschen süßers. lieplichers. lustlichers. vñ frōlichers sein. den bedencen wie werd er got dem herren ist. Der so vill an yn gelegt hat. das er sich nit hat lassen benūge. das er himel vñ erd zu nutz zu dienst zu ergetzlichkait des menschen geordnet hat. sūnder er hat sich selber zu dienstberkait des menschen ergeben. in arbeit. in leyden. vñ auch

in sterben. vñ in bitter hert sterben. Das
Der mensch durch dasselb. zu volkommer
rñ. zu voller frewd. vnd zu ewiger selig
kait in got kome. Gibt das den mensch
en frewd. das sie von grossen personen
lieb vnd werd gehabt werden. wem sol
es den nit frewd geben. wē er bedēckt.
was lieb vnd freuntschafft der herr hi
melreichs vñ ertreichs dem menschen
vor andern creaturen bewisen hat.

Darumb wer groß reichthümer mit
leichter gerüger arbeit oberkomē. groß
sen penen durch süsse ding entrinnen.
grossen lōn vñ hōhe kron. mit gerüige
leben. mit sicherem fechten vnd mit vn
uerfertlichem streit verdienen woll. Der
geb sich auff dise obung. vñ halt sy. als
einen reichen kōstlichen schatz. als ein
gewis pfād des himelischē kōnreichs.
verharret er darinnen bis an sein ende.
so warte der genad gottes so gewislich
als ob er ir ein gewis pfand. in seinem
gewalt hett. Man es spricht ye das rō
misch ordinariū C Das ist das buch
dar ynnen geschriben steet. wie man al
le ding in dem gotlichen ampt ordelich
thun sol. vntter andern. wie man ein
en menschen der zum tod naht. fragē.
vñ ermanen oder bewaren sol. da setzt
es. das mā ainen also fragē sol. Freust
du dich. das du in dem hailigen cristen
glaubē stirbst. Er sol antworten. Ja.
ich frew mich sein. Vergichst oder be
kennst du. das du nit gelebt hast. als du
soltest gelebt haben. Ja. ich bekenn es.
rewt es dich. Ja. hastu willenn dich zu
bessern. ob du lenger leben soltest. Ja.
glaubst du auch. das vnser herr ihesus
cristus des lebendigen gottes sun. für
dich gestorbe ist. Ich glaub es. Dāckst

Du im. Ich danck im. Glaubst du. das
du sunst nit magst behalten werden. dē
du rech seinē tod. Ich glaubs. Ey so setz
alle dein zuuersicht C Die weil dein sell
in dir ist. D allam in disen tod. vñ in kaim
ander ding habst du hoffnūg. In disen
tod senck dich gantz vnd gar. mit disem
tod bedeck dich gantz. In disen tod wi
ckel dich. vnd ob dich got der herr rich
ten oder ertailen will. so sprich. Herr dē
tod vnser herrē iesu cristi. deies suns.
würff ich zwischē mich. vñ dein vrtail.
sunst rechte ich nit mit dir. Spricht er.
Du habst verdient. Das du verdāpt solt
werden. So sprich. herr. den tod vnser
herrē iesu cristi würff ich zwischē mich
vñ mei verwürckūg. vñ seinen verdiēst.
für das verdienen. das ich solt haben.
vnd hab es nit. Sprich aber. Herr den
tod vnser herrē ihesu cristi deies suns.
setz ich zwischen mich vnd deinen zorn.
Darnach sprich zum dritten mal. Herr
in dein hendt enphihl ich meinen gaist.
Merck ein trostlich wort.

Folgt hernach in dem selben buch
Securus morietur qui hec ate mortem
confitetur. nec ridebit mortem in eter
num. Der wirt sicher sterbenn. Der di
se ding vor seinem tod vergicht. vñ wirt
den tod nimmer ewiglichen sehen.
Sihst du hie. was die getrew muter als
ler cristenhait ratet. was sy leret. war
auff sy vnns weyhet. zu wein oder war
zu sy vns schicket. yn den aller grōsten
letsten nōten. so vnser stād zu der ewig
kait beschlossen vñ des menschen stād
aintwēders zū vnd in dem bösen. oder
in dem guten vnuwanderberlich zu ewig
kait. bestetiget werdē sol. Sihstu. das
d hailig andechtig lerer sant Anselm

Reinholdus Haas. Fingerhut.

Die ander vorred.

in des geschaffteins solche frag. erma-
nüg. vñ gelüptnuß gefunden werde. vñ
die aller weiseste vñ getreueste muter
die romisch kirch yr höchste vñ größte
hoffnüg. in das leiden vñ sterben cris-
ti setzen. vñ dise muter weiset yre kin-
der in den größten vñ letzten nöten zu
dem selben. darmit sy gezeugt nus gibe
das kein sicherer zúflucht ist. yn nöten.
den zu dem selben.

Was das leiden cristi. der war schatz ist.

Zu lob vnd eren der allerheiligste
vñ höchsten götlichen triueltigkeit. Da
het hie an das buch. das der schrein od
schatzbehalter der waren reichthümer
des hails vñ der ewigē seligkeit heisset



Wreß die genade des gutigen barmhertz-

igen gotes vahet sich an C Got geb
seligklich. Das buch. das da heisset
der schatzbehalter der waren reichthü
mer. des hails vnd der ewigē seligkeit.
Wann es helt vnd beschleuß in ym die
gegenwürff des würckens vnd des lei
dens cristi. seins lebens vnd seins ster
bens. seiner würdigkeit vñ seiner demü
tigkeit. seiner tugent. vnd seiner gedult
in dē vnuerfchulten vnd aller verdien
lichsten leiden. In dem aller menschen
C die behalten sullen werden. C heil vñ
seligkeit steet. als sant Johannes mit
dem gulden mund in der neunundvier
zigisten predig vber matheum spricht
Vñ Rabanus magnencius maurus in
dem buch vñ dē lob dē heilige creutzes
in der auslegung d̄ adern figur schreybt
also. Das leiden cristi helt den hymel
auff. es regirt die werlt. es durchgrebt
die hell. In ym werden die engel beste
tiget. In im. vnd durch es werden die

volcker erlöset. In im werdē die feind
zerriben vnd überwunden. In im werdē
die versteenden ding erleuchtet. die en
pfindendē behalten zc. Wann auch als
der selb Rabanus schreibt in dem yetz
genannten buch in prosa vber die vier
dē figur. Unser kōig cristus hat auff
dem altar des heiligen creutzes mit den
flammen seins leidens die vngerechtig
keit vnd schuld vnser missetat ver tze
ret. Vnd in der zeit seins sterbens. als
le. widerbortige gewaltsamkeit überwun
den. vñ den fursten diser werlt außge
wosffen. vñ die schloß der helle zerpro
chen. vñ das alter vnser sünd getilgt vñ
vns die kōigreich des paradieses. yn
die der erst mensch gesetzt was. wider
eingegeben. Er hat vns mit got dē va
ter versōnet. vñ zū der kron des himels
ischen reichs. vñ zū dem kon der tugent
erhebt.

Das alles menschlich heyl an dem
leiden cristi steet.

Das aber alles vnser hail
vnd seligkeit hang vñ stee
an dē leide cristi verdienst
lich. Das bezeugt sant Jo
hannes mit dem gulden mund in ainer
predig von dem leiden cristi. da er also
spricht. Das creutz cristi ist vns die sach
aller vnd gantzer seligkeit. Es hat vñ
erlöset von der plintheit des irzfalls. Es
hat vñs von den vinsternussen pracht
zū dem liecht. Es hat die fremden. got
zūgefügt. die. die ver warē. nahēd ge
macht. Es hat die pilgrā purger bewi
sen. Es ist ein ablegüg der zwitrechtig
keit. Ein befestigung des frides. Ein
vbergenußsame gebung aller gaben.

Aufs dem selben merck. was voller

Was das leiden cristi. der war schatz ist.

Schatz das leidē cristi sey. durch das al-
le gnad gegeben wirt. Als aber der ege-
melt Kabanus ynn der auflegung der
sechstenn figur spricht. das durch den
baum des creutzes cristi. der werlt alle
tugent verlihen ist. Wan in dem ist als
er ding volkommenheit volpracht vñ er-
fült wordē vñ da entspringē die frucht
des geists die sant paulus erzelet ad ga-
lathas. v. so er spricht. Die frucht des
geists ist die lieb. die freud. der frid. dy-
gedult. die langmutigkeit. die gutheit.
die gütigkeit zc. Vñad pillich wirt die
geistlich frucht dem heyligen creutz zū
gezelet. Wan an dem ist der auffges-
henckt wordē der ein vñhab ist aller güt-
ter. wā so cristus des fleischs halbē dar-
an hatt wollen sterbē. so hat das mēsch-
lich geschlecht das volkomē gantz heil
empfangenn. Das spricht Kabanus.
Sihst du. das das leidē cristi. d̄ schatz
des heils ist. **A**ber von der seligkeit
desselbigen leidens. spricht aber Johā-
nes crisostomus mit dem gülden mund
vber Matheum. Das leidē vnser her-
ren ist warlich das haubt vñnd der vrs-
prung vnser seligkeit. von dem wir le-
ben. vñd durch das wir sind. Vñd dar-
vmb sollen wir das creutz cristi mit fro-
lichem gemüt. gleich als ein königliche
krön vmb tragē. wā durch das creutz
werden alle ding. die vnns zu dem heil
dienen volbracht dan so wir gottes kin-
der geporn werden. so ist das creutz cri-
sti da. dan wir werdē in creutzes weyse
getaufft. wē wir mit dem heilige fron-
leichnam cristi gespeist werden. so wer-
den wir in creutzes weyse gesegnet. wē
wir gefirmet oder gewerhet werdenn.
so steet vns albeg das sygzaichen des

creutzes bey. Das aber in 3 weyer od̄
dreier. oder auch merer gezeu gēnis. be-
wert vñ befestiget werd das das leidē
vnser herren. der schatz vnser heils
sey mit allein nach dē als es in im selbs
beschē ist. sōnder auch nach d̄ weyse
als es in vnns. durch den andechtigen
glaubē. mit danckbarkeit erk̄et. betrach-
tet. geliebet. gehört. gelesen. bedacht. ge-
opfert. āgerufft. nachgeuolgt. gelaubt.
verwūdet. vñ bewaynet wirt zc. So wil
ich hie ein wenig sprich der götlichen
lerer vñd heiligen geschrift setzen. als
die ich nemen will. zū gezeugnis der
kostparlichkeit des leidens cristi. vñd
der ding. die da dienen zū andechtiger
betrachtung desselben leidens. also das
man erkenne vñ bedenk die würdigkeit
vñd tugent cristi. vñ die selben halt ge-
gen dem leiden. vñd widerumb das lei-
den gegen solchen tugenden. das also
eins gegen dem andern desterbas vñd
klerer scheine. wie grōs vñd entlos das
sey. dar zū dan d̄ pūchlein hantreich-
ung vñnd anleitung gibt. wer das mit
fleisch empildet.

Das sant Bernhart ein gezeugnis
gibt. das man das leidenn cristi auff
ein solche weyse sol furnemen. als es in
disem pūch fur gewendet wirdert.

On sollicher gegēhaltung
vñd betrachtung
des lebens vñd leidens cri-
sti vñd vō irer kostparlich-
keit. verdienst. vñnd nutzparkeit. Gibē
zeugnis der heilig homigflüssig lerer
sant bernhard. do er schreibt vber das
būch der lobgesang oder liebhabendē
sel. in d̄ vierūd vierzigistē predig. vber
das wort. fasciculus virre dilectus me

Von den zeugen der materi.

us 2c. Mein lieb ist mir ein mirre büschlein. zwischen meinen prusten wirt es wonen. spricht sant Bernhart. die zwu prust der preit. sind die mitfreund vnd das mitleidē. Als sant Paulus spricht. Man sol sich freuen mit den froliche. vnd wainen mit dem wainenden. Auß dem merck. das man sich in der würdigkeit cristi freuen. vnd ein mitleiden mit dem leiden haben sol. Spricht fürbas sant Bernhart. vñ ist es. das du weyse bist. so wirst du nachvolgē der weyßheit der preit. vñ wirst dir diß weerde. lieb. vnd köstliche mirren büschelein ein stund vō deiner prust nit lassen hin nemē. sōnder du wirst albeg in deinem gedechtnus behalten. vnd mit steter wetrachtung hy vñ her weltzen die bittere ding alle. die deinem liebhaber für dich gelidten hat. das du auch sprechē mügest. ein mirre büschelein ist mir mein lieb. zwischē meinen prusten wirt es wonen. vñ nach dē als sant Bernhart an dem selben ort ertzelet. wie er sich von iugent auff. in sollicher betrachtung geübt hab. vñ er wöll sich auch darynnen vben die weil er leb. das sol im nymant benemē. spricht er darnach. das hab ich weyßheit geheissen. das man diße ding betrachte. yn dyße ding hab ich mir gesetzt die volkomēheit der gerechtigkeit die volligkeit der künst. die reichtümer des hails. die genügsamkeit der verdienus. Vnd hernach spricht er. Diß ist die weil. die mein höhere philosophie christum wissen. vnd dē selbē gekreuziget. **D**iser ist ein zeug vñ merck ebē das er spricht. das er in die betrachtung des leydens christi die reichtümer des hails gesetzt hab. das sōnderlich hie

her dienet.

Der ander zeug ist sant iohannes mit dem gulde mund. der vber matheum in der sibē vnd uertzigstē omelia also spricht. Alle ere gottes. vñ alles hail der mensche. ist yn den tod christi gesetzt. vñ ist kein ding. das mer zu der menschen hail gehōrt. dan sein tod. vñ ist auch nichtz anders vmb des willen wir gott mer danckem sollen. den vmb seins tods willē. vñ dar vmb. da vil schar dē herren nachvolget auff dem weg. da nam er die zwelfspoten allein heimlichē einhalb hin. vñ ver lundet ynen allein. die heimlichen be deutung seins todes. wan mā beschleusset albeg die kostparē schetz in bessere gefess. **S**ihstu das er das leidē christi mit allein kostpar oder einen schatz. sōnder den kostparē schatz heisset. diß ist der ander zeug.

Der dritte zeug ist der maister vō den hohen synnen od mer sant Augustin auß dē er das nympt. schreiben dē in der maysterliche glos vber das wort das sant Paulus spricht zu den von galacia yn dē letztē capitel. Weit sol von mir sein. mich zu berōmen anders dan in dem creutz vnser herren iesu christi 2c. **S**pricht d selb maister. Sih an dannē her. der liebhaber der weyßheit der werlt. sich geschempt hat. da hat der zwelfspot einē schatz gefundē. diß ist der dritte zeug.

Der vierde zeug ist sant Jeronimus. der in dē andern pūch der auslegug vber matheum spricht. Der schatz in dem alle schetz d weyßheit. vnd der kunst verporzen sind ist einweder gottes wort. das in dem

Was das leidē cristider war schatz ist.

fleisch verporgē wirt gesehen. oder die heiligen geschribten. in den die erkent nus des behalters oder heylands gelegen ist. vmb des willē (so mā dē findet in den geschribten) sol man allen gewin diser werlt verschmehe. das mā ym mūg behalten. Vnd hernach spricht er aber. Hör o marcian hör manichee. gut margaritte oder feinperlin sind das gesetz. vñ die prophetē. vñ die erkentnus des altē instrumentz. aber ein aller köstlichs feinperlin ist. das mā christū wyß den behalter. vñ das sacrament seines leidens. vñ die heimlichkeit seiner vñtē. das ist Jeronimus der vierde zeug. Er funfte zeug. ist der heilig prophet moyses der figurlich. Im bedeutnis des gesetzz des leidens Christi begeret. vñnd das gottes schatz geheissen hat. da er für got den herren nyder fiel auff die erdē mit seinē bruder aaron vñ sprach herz gott hör das geschrey disz volkes. vñ thu yne auff deinen schatz den prünen des lebendigē wassers. das sy gesetigt werden. vñ ir murmeln auff hōre. Got der herr. hieß die gertē. die vor seinem angesicht was. nemen. vñ vor dē volck mit den felsen redē. so wurd er wasser geben. Moyses nam die gerten. vñd sa melt das volck für den felsen. vñd redet als ob er zweyfelt (pres vngelaubens vñ mutwillen) halbē vñ hub auff sein hand. vñ schlug zweymal an dē felsen. so gieng oberflüssiglich wasser dar auf. Wie merck das sacrament des leidens christi. der fels ist christus. Als sant pauls spricht yn der ersten epistel zu den Corinthiern in dē zehenden capitel. Moyses. die iudischeit oder auch

das gesetz. Aaron die priesterschafft d iuden. die gert das heylig creutz. Das schlahē. das creutzigē. das wasser. die genad des sacrametz. Moyses. das ist die alten. die richter der iuden. die lerer des gesetzz. Aaron die bischoff. haben den felsen christum. mit der gerten des creutzes geschlagen vñ gepeiniget. vñd vor dē volck mit strichen gemartert vñ verurēdt in dem leben. vñd mit dē sper. nach dem als er gestorbe was. das hat Aaron gethan. das ist die bischoff vñd die lerer des volks. vñd die regirer mit moyse. das ist mit dem gesetz. wann sie sprachen. wir haben ein gesetz. vñ nach dem gesetz sol er sterbē. vñ die zwey mal bedeutten in dem leben vñ in dem tod. da wasser vñd plüt vō christo miltlich geflossen ist. da ist der schatz geöffnet worden. als moyses begert. nach dem als er die heiligen propheten. patriarchen vñd gerechten bedeutet. Er thet es aber selber. das er denn schatz öffnet durch die schleg an den felsen. nach dē als er die iudischeit bedeutet. Aber alls er zweyfelt vñnd verwurct durch dasselb. das er nit in das gelobte land kam. so bedeutet er die iudischeit die vmb yrs vngelaubens willen. vō dē eingāg in das himelreich gehindert ist worden. Lise auch die glos vñd die andern auflegūg ober das zwaintzigist capitel des buchs der zal. da findest du die. auflegung. auß der dise gezogen ist. Doch als moyses seins zweifels halbē die vngelaubigen iuden. die nit yn das reich der himel können. bedeut hat. also ist er groß in dem reich gottes worden. Darumb das er groß von dē leidē christi gehalten hat. vñ so groß das er alle

Was das leidē cristi der war schatz ist.

ere. freud. wollust. vñ reichtümer diser
werlt. vmb des willen. das er des verdi
enens desselben leidens christi teilhaf
tig werden möcht. vbergeben hat. Also
bezeuget er mit den wercken die kost
parlichkeit desselben schatz des leidens
christi. wen er auch die obgemelten red
mit gesprochē hett. die wir in vnsern bi
blien finden. vnd an dem freitage mit
ten in der vasten. in der epistel lesen. vñ
das du das clerlicher wissest mit alleyn
nach dem geystlichen syn der den glau
ben antriffst. sunder auch nach dē pūch
stabe offenbarlich. so hör was die hey
lig geschrift setz. Ad hebreos. in dem
ailften capittel. Durch dē glauben hat
moyeses. da er groß ist worden gelaug
net. das er des konigs pharaonis tocht
er sun wer. vñnd hat mer erwelt. Das
er mit dē volck gottes gepeinigt wurd
dann das er freud oder wollust zeitlich
er fund het. vñnd hat das laster christi
für grosser reichtümer gehalten. denn
den schatz der von egipten land. wann
er sahe yn die wydergeltung. Sihst du
was die geschrift spricht. das er das
laster. oder die auffhebung christi. vnd
sein leiden. für grösser reichtümer ge
achtet hab. dan den schatz der egipcier
die zu den zeitrē vber alle iuden hersch
eten. Also ist er mir der funfte zeug. vñ
billich der funft. wann durch sein funf
bücher alle. bezeuget er. die vnausspre
chlichen kostparlichkeit des leidens chri
sti. Als Rabanus setz. vñ dem lob des
creutzes. in der ailften figur. Da er die
funf pūcher moysi. yn die figur dessel
ben creutzes setzet. mit solchen versen
obē an. Te genesis crux alma beat tua
munera laudat. Zu der rechten hant.

Erodus atqz canit transitus carmen a
more. In der mitte. Juro sacerdos
ris leuiticus optime psallit. Zu d unck
en seitten. Est numerus cantat mag
nalia mira triumphhi. Unten. Nam
deuteroniū renouantis gaudia dicit.
Vnd in der auslegung der selben fi
gur. erzelt der selb Rabanus. Wie ma
nigueliglich das creutz. vnd das leidē
christi in den selben büchern bedeutet
ist das ich C Lenge der vorred zu mei
den d hie ansteen las.

Er sechst zeug ist d heilig pro
phet Ysaias der in dem drey
undreissigsten capitel seins
pūchs spricht. die reichtümer des heils
sind die weisheit. vnd die kunst. die for
cht des herren ist sein schatz. ober das
wortlei. sein. spricht die glos das ist des
heyls. alß ob er sprech. Die forcht des
herrē. ist der schatz des heils. Warauff
aber die selb forcht entspringt. das setz
Rabanus in dem egemelten puch. in d
auslegung der andern figur. da er also
spricht. Von dem leidē christi wirt die
forcht gefüert oder gezogen die. die ge
laubigen vñnd der pein ledig macht. zc.
Vnd in der auslegung der sechsten fi
gur spricht er. hie. das ist. an dē creutz
verleihet die flückheit den andechtigē
menschen die vberkömng der weisheit.
vnd die begreiffung der warheit. vñnd
von danne her enphet ein yeglicher ge
laubiger die gaben der fursichtigkeit.
der verstentnis. vnd gedechtnus. Ent
springet nun die forcht auß dem leydē
christi. alß Rabanus spricht. vnd ist die
forcht der schatz des heils. alß Ysaias
sagt. so kñpt aller schatz des heils auß
dē leidē christi. Item sind die weis

Was das leidē cristi. der war schatz ist.

heit vnd kunst. die reichthümer des heils.
vnd das heisset sant Bernhart die weis
hait. das man betrachte das leiden chri
sti. als obengemelt ist. vnd sant Jeroni
mus spricht. das die erkentnis des be
halters. der schertz der weisheit vñ kunst
ist. so hast du aber dise manung bewert.

Dar zu drat auch her zu einem
zeuge. der heilig lerer sant am
brosius. der da spricht. als die
glos setzt. ad collossens. An dem ander
ren capitel. Der zwelfspot will die gemüt
wermen oder stercken in der lieb. Das sy
war nemen das. das die reichthümer. der
weyßheit vnd kunst seyen. ist es. das chri
stus erkēt wirt. in der volkomēheit sein
er gottheit. an zupetten. wañ alle heym
ligkeit des sacramētz gottes. ist in chri
sto. also. das es scheint. wer in kēnet. das
der selb hab die kuntschaft. oder erkent
nis aller ding. wañ das synd die reich
tümer der weisheit vnd kunst. ist es. das
man christum erkent. wann in ym ist die
kraft aller mechtigkeit. vñ darumb wirt
wol vō ym gesprochen. yn dē alle schertz
der weisheit vnd kunst verporgen synd.
wann alle sach der kunst aller creatur. sy
sey himlisch oder irdisch. ist in ym. d̄ das
haupt vnd der vñhaber aller himlischen
vñ irdischē ding ist. Also wer in erkēnet.
das er nichtz anders für das sūche. weð
weisheit noch tugēt. der in erkent. yn dē
volkomene tugent. vnd auch volkomene
weisheit ist. wann was man anderswo
sūcht. das findt man volkomēlich hie.

Diz spricht Ambrosius. vñ hernach
spricht er. Ob man in den ewangelien
vñ propheten. nit die kunst von den ster
nen zesehen vnd zerteilen. vñ die kunst
der messung lisset. vnd der gleichen. So
synd solch kunst verachtet von den heili

gen. wann sie dienen nit zu der sel heil.
sunder sie füren mer in irrtum vnd wens
den von gott. Dañ weñ sich die mensch
en mit lernung sollicher kunst. vnd mit er
farung irer vrsachen bekümmern. so vers
saumen sie da mit die pfleg vñ sorg irer
sele. Wer aber christū erkent. der hat dē
schatz der weisheit vñ kunst gefunden.
wañ er wayß vnd kan. das da nütz ist.

Dise wort allein solten den mensche
bewegen. das er vil anders fürwitzigs
kündens. lesens vnd wissens hin. legte.
vnd sich gebe auff die erkentnis des le
bens. wurckens vnd leidens christi. Auf
dem im alles gut möcht verlihen. vnd al
les vbel hingeleget werden. Als rabanus
vō dē lob des heiligen creutzes spricht
in prosa der aylsten figur. was mag ich
mer von dir sagen den das. das du alle
güter gegeben. vñ alle vbel hyngenomē
hast. Darumb billich maint sant Ambro
sius. Das man nichtz anders sūchen od̄
lernen sol. Dañ cristum. wañ yn ym findt
mā alle nütze kunst. alle tugent. vñ alles
gut. Darumb wirt wol vñnd warhaftig
lich gesprochen yn seiner person in dem
puch der sprūch. yn dem achten capitte
Wer mich vñdr. der vñdt das leben. vñ
schöpft das heil von dem herzen. vñ obē
in dem selben capitel stet aber in der per
son des herze. Ich hab die lieb. die mich
lieb haben. vnd die frū zu mir wachen.
die finden mich. Bey mir sind die reich
tümer vñ die ere. bey mir synd hohe gū
ter vnd die gerechtigkeit. Mein frucht
ist pesser den gold vñ edel gestein. mein
gewechs besser denn außervelt silber.
Ich wandere enmitten des steigs des
gerechtem gerichtes. Das ich die reich
mach. die mich lieb haben. vnd das ich ir
schertz erfülle. Sihtu wie die ewig weis
b

heit bestetigt die wort sancti Ambrosij.
wan sie spricht auch daselbst. mein ist d
rat. vnd die gerechtigkeit. meyn ist die
fluckheit. vnd die sterck. durch mich reg
nieren die könig. vnd die. die gesetz ge
ben. urteilen recht. wan besser ist die weis
heit. den alle allerhöchliche habe. vnd
alles das man begern mag. das mag yr
mit zugegleicht wer dē. vñ die weyßheit
stet in der betrachtung des lebens vnd
des leidens christi. Als sant Bernhart
spricht. vñ sant pauls bestetigt das. das
die lere vnd der glaub des leidens cristi.
die recht war weyßheit sey. als er spricht
in dem erstenn capitel. der ersten epistel
zu den von chorintho. Wir predigen cri
stum den gekreuzigten. das den iuden
ein schädel oder ein ergernus ist. den hey
den ein tozheit. aber den die berufft vñ
C als die glos meldet erwelt sind. predi
gen wir cristū. das ist C nach der glos C
die creutzigung vnd das leyden christi.
die kraft vnd die weyßheit gotz. Wann
als die glos spricht. er hat C als er vber
wunden ist worden C den tod. die iude.
vnd den teuffel vberwunden. darynnen
scheint sein kraft. vñ hat den teufel flüg
lichen gelaicht. darynn sein weyßheit er
scheint. Vñ hernach schreibt fürbas
sant Paulus. wie cristus ist von got die
weyßheit. die gerechtigkeit. die heiligkeit
vnd die erlösung den glaubigē. die sich
freuen. vnd darinn sich geeret halten.
das sie den herren wissen vund kennen.
als die glos erdert durch Jeremiam. ist
das nun also. das die andechtig erkent
nus vñ betrachtung cristi. seiner lere. sein
er werck. seiner tugēt. seiner gedult. sein
er hohenwürdigkeit. seiner verdienstlich
en arbeit. seiner ewigen gotheit. seiner
tieffen demütigkeit. in seiner gnadreich

en menschait. die war weyßheit ist. Bil
lich sol man das vber alle and künst ach
ten. schetzen. wegen vnd erwelen. vñ sich
darinn vben. vnd begeren zuzenemen.
als yn dem. man fürderlich findet. das.
des alle menschen begerē. das ist. die se
ligkeit. die kein andere kunst. on dise ge
bē mag. aber dise mag sie on alle ande ge
bē. als sat Augusti clerlich setz vñ sand
Ambr. C Als obē gemelt ist C bezeugt.
dē ich für dē sibēde zēigē genomē hab.

Der Acht zēig sey sant gregorius.
in dem achzehende buch. vber den
heiligen Job. der von dem selben iob al
so spricht. welche weyßheit schawet der
heilig man. denn die. von der. der heilig
zwelfpot sant Pauls spricht. cristū got
tes kraft vñ gottes weyßheit. diser weyß
heit kostparlichkeit wayß d mēsch nicht
wā er findt nichts so köstlichs das yr zu
gegleicht mūg werden.

Der neünd zēig. ist der heilig an
dechtig lerer Bonauentura. oder
Johannes von parm. oder wer desselbē
allerandechtigsten buchs schreiber ist.
der yn dem buch das man nennt. Stimu
lum amoris. so manigueliglic beweis
set. wie kostper der schatz des leidens cri
sti vber alle ding sey. das er es auch vber
die werck der schöpfung. der regierung.
der glorifizierung. vnd der seligmachung
weyt erhebt. als es in der achtueltigē be
rümung erscheint. yn dem dreyundfuntz
igisten capitel desselben buchs. vnd yn
dem tittel des nechsten capitels vor dem
selben als des zwayundfuntzigstem
spricht er. das die andechtige schawen
de sel. die waren schetz findt yn den wū
den ihesu cristi. vnd daselbst spricht er
auch. O herz ihesu criste. O werlich du
allerlieplichster freind. führe mich dem

Was das leiden cristi der war schatz ist.

en unwirdigē diener. in den schatzbehal-
ter des warē tempels. das ich sehē müg.
was. vnd wie vil du an dem creütz deine
vatter für vns geopfert hast. O warer
maister. lere mich die schetz d weyßheit.
deines allermildesten tödes. vñ aber vñ
aber. bitt ich dich. das du deinem aller-
schalckhafftigstem knecht wöllest auff-
thun dein leitten. vnd mich fleysigklich
behüten in deinem leiden. wan on dem-
en tod stirb ich. on dein wüden wird ich
verwundt. on dein lesterung wird ich ge-
lestert. on dein geyseln wird ich mit der
gerte der vngerechtigkeit gegaiselt. vñ
so ich nit verharz in deinem gebenedei-
ten leidē. so bin ich gleich zu nichtē. wor-
den. so ich die schand deins creützes ge-
lassen hab. so bin ich der aller töretst vñ
der aller vppigst wordē. so ich die krack-
heit des creützes vñ des leidē hab hin-
geworffen. so bin ich krank worden. so
ich von den schmerzen deiner dörm ge-
wichen bin. so bin ich mit den dörm d
bösen wegirden gestochen worden. was
sol ich sagen. es sey deñ. das mein hertz
auffgesperet werd deine schmerzē. so
wirt es sünst auffgesperet dē allerschet-
lichiste vntugendē. es sey deñ. dz es sich
kündet verpergē in dei wüden. so wirt es
verbündt. vñ beraubt vō dē raubern. wā
wid die hohfart. vppig eitel ere. geitig-
keit. neid. vñ haf. wid die tragheit zorn
füllerey. vñ vnkeüßheit. ist dei leidē die
aller volkomeneste ertzney. on die kein
andere ertzney helfen mag. wann wir
der die hohfart ist deins leidens demü-
tigkeit. wider die eytell vppig ere. ist die
vnachtsamkeit. od schmachheit. wider die
geitigkeit. sein größe miltigkeit. vñ des
geleiche mit den andern In dem sy-
benzehendē capitel des egenāte puchs

spricht Bonaventura. O mēschliche sel-
Jst es. das du das fleysch lieb hast. so
wolt ich. das du kām anders. denn das
fleisch cristi lieb hettest. wann dasselb ist
für dich. vnd für das heil alles mēsch-
liche geslechtes auff dē altar des creützes
es geopfert worden. desselben leidē solt
du teglich bedencken in deinem hertzen.
wenn die stet betrachtung des leidē cris-
ti erhebt das gemüt. vñ weist. was mā
thun vnd begeren sol. es entzundt dich
zu hohen dingen. vnd sterckt dich yn ge-
dencken. in reden vnd in wercken. O we-
gürlichs leidē. O wunderlicher tod. was
ist wunderparlichers. dann das der tod
lebendig macht vnd die wunden machē
heyl. das plut machet weyß vñnd rayn.
grosser schmerz prynget grosse süßig-
keit. Die öffnung der seytten. schließet
zusamen die hertzen. vnd das nit mynd
zuuerwundern ist. Die vertunkelt sün.
leuchtet mer dan sün. das verlosche feur
entflämet mer. das schetlich leidē mach-
et eretreich. d durstig herr an dē creütz
macht trücken. der nacket. ziert mit den
klaydern der tugent. vnd die angenagel-
ten hend. machen vñns ledig. die durch
gegraben füß. machē vñns lauffen. Er
gibt auff seinen geist. vnd plaket vñns
dē geyst ein. Als er vō dē holtz genümē
wirt. so nympt er vñns in den himel. O
wunderberlichs leiden. das seine betrach-
ter entfremdet von ym selbs. vñ machet
yn nit alleyn englis. sunder auch göt-
lich. wan er durch die betrachtung wonet
in den schmerzen cristi. so siht er nicht
anders. ia auch sich selbs mit. deñ allein
got. er siht albeg seinen leydenden herre
an. er will mit im das creütz tragen. vnd
tregt mit dē creütz. dē. der yn seiner hād
hymel vnd erden helt. vñb des willen im

Alle pürde leicht wirt. Er will mit ym an dem creütz verspott werden. vñ wirt vñ den engeln geeret. vñ vñ der iunckfrawen maria zu einem sun genommen. Er will mit cristo gepeinigt werde. so wirt er getröst vñ ser erfrewt. vñ von cristo süßiglich vmbfangen zc. Sih an die appotegk aller edeln ertzney vol. ist auffgethan. durch die ladē der runden gee eihyn vñ nym ertzney. durch die du müßgest gesunt. widerpracht. wiß künfftig Franckheit bewart. vñ yn gegenwertiger gesuntheit auffenthalten werde. da findest du alle spetzeren. die du haben wilt. da magst du allerley zarten lattweriem der du begerst mit süßer lindender salben nemen. Sih an geöfnet ist die thür des paradises. vñ durch longinus sper ist hingenomē das weerschwert. Sih an den baum des lebens in den ersten vñ dē stammē. durch löchert. In welche löcher setz du dem füße. das ist dein begirde. so magst du sein frucht wol prechē. Sih an. auffgeschlossē ist der schatz der götlichen weisheit vñ der ewigē süßigkeit. Gee ein. durch die offenen wunden. so findest vñ erlangest du. wollust mit erkenntnis. Im aulten capitel spricht er. ist sach. das du das leiden cristi bedenckest vñ vast yn sein seitten geest. so kumpt du bald zu seinem hertzen. vñ weñ du dein gemüt allein in gott festigst. vñ allein im zu gefügt wirst. denn so wirt die süßigkeit seiner red in deinen oren lautē. den wirt er dir die schetz deiner weisheit offenbaren. denn wirt er dich in dē bömgflüssigen vollustē seiner endlosen süßigkeit trencken. vñ einschenckē. das du dein selbst nit mer entpfindē wirst. sunder das dir gott alle ding sey in allen singen. In dem vierunduertzigstē

capitel spricht er. durch die warheit. die in dem allerseiligsten leiden cristi außgedruckt ist. werden die mensche. die eh an schawen. zu der erkenntnis der götliche warheit erleuchtet vñ. also geschickt das der for der schönleuchtē. liechtchein endenn. gotweyßen. engel der cherubin. durch sie wider gepracht werd. In dem dreyunduertzigstē capitel spricht er. Wann ich wayß nichtz in der werlt. das so vast erler. die warheit der heyligen geschriff. das so vil raitze zu der heilichheit himlscher ding. das so ser erleucht zu dem. das dem menschen got wol schmack. als das leyden cristi. yn dē alle volkomēheit. alle schonheit. alle zierlichkeit. der englischen veracheyen leuchtet. In dem vierunddreissigsten capitel spricht er. wan es ist dauids schlüssel. der schlüssel ist es vns. der heilige geschriff. der da auffthut vñ nyemāt beschleusset. eh beschleusset vñ nyemant thut auff. an den es vnmüglich ist. zugelauben oder die heylig geschriff zuuerssteē. weñ man aber diß leidē wol in das gemüt truckt. so leuchte in ym. als in einē spiegel. alle ding in dem liecht. Von disem aller heiligsten leiden ziehen alle cristenliche sacrament ir krefftē die vñ die aller heilsamsten ertzney synd wiß alle geistliche siechtagē. In dē zway unddreyssigsten capitel spricht er. yn dē sem erentreichen leiden. wider scheint dē spiegel. der weisheit. vñ der verstēnus des rates vñ der sterck. der kunst vñ der miligkeit. vñ auch der forcht. gottes. Wie aber die sun vñ volkommenheit der weisheit darinn sey. vñ wie es ein volprachter syn ist. vñ ym zugedeckē. vñ wie der mensch in ym. der aller weyßest werd. vñ vñ andern gaben alle

Was das leide cristī der war schatz ist.

zeshreibē wer zu lang. Dis sey ein we
nig von den sprächen. dis pūchs es sey
eins andern oder des süßprinnenden le
rers Bonāventure. Der von dem wirdi
gen leiden christi. gantze pūcher tieffer
synnen. vnd feüriger andacht geschribē
hat. yn den er zeügnus der kōstparlich
keit. nutzparkeit. billichkeit. vmd süßig
keit. der betrachtung desselben gibt. der
sey der neinde zeüg.

DEr zehend zeüg ist d̄ heilig zwelf
pot sant Pauls. der yn dem ande
ren capitel. der ersten episteln zu d̄ von
Corintho. also spricht. Ich hab mich nit
bewisen oder geurteilt etwas vnd euch
zewissen oder zekünden. Dañ iesum cris
tum vnd den selben gecreütigt. Vñ in
dem vierden capitel der andern epistel.
zu den Corinthiern spricht er. Wir predi
gen nicht vns selbsts. sūnder vnsern her
ren ihesum cristū. aber vns ewer knecht
durch ihesum. Wan gott d̄ da gesproch
en hat. das das liecht vonn den vñster
nussen scheinen solt. der hat eingeleucht
et in vnser hertzen. zu der erleuchtung
der kunst. der clarheit gottes in dem an
gesicht iesu cristī. Aber wir haben disenn
schatz. in yrdeinen veflein das die hōhe
der krafft gottes sey. Merck zum er
sten spricht er. das er sich geachtet hab.
nichtz anders zekünden oder zewissen.
Dañ den gecreütigten cristū. Zum ande
re spricht er. das er das hat auß der ein
leuchtung gottes. Zum dritten. nennt er
dise kunst einen schatz. vñ das du gewis
seyest. von dem selben. das er die kunst.
von cristo maynt. Das ist die kunst durch
die man cristum erkennet. So merck
was die hōh vñnd maisterlich glos des
maisters vō den gotlichen sinnen C die
er nit auß seinem kopf gemacht. sūnder

mer auß den geschrifften der heilige le
rer vnd gottlichen maystern zesamen ge
lesenn hat C vber dasselb wort setzt die
clerlich sprich tt. Eemals hat der heyl
ig zwelfspot geredt. von der hōhe seins
er kunst. hie redt oder handelt er. vō der
plōdikeit des fleischs. Als ob er sprechē
wolt. Gott hat vns eingeleuchtet. oder
eingesehynē. zu erleuchtung d̄ kunst. Aber
disen schatz. das ist. die kunst. durch die
wir ander leut leren. haben wir yn yrde
nē veflein. das ist in d̄ schwachē leibē.
Dis spricht die glos. vñ volget hernach
in der glos. Den schatz nennt er das sa
crament gottes. Vnd das kein einfelti
ger. durch die selben wort. von d̄ gemel
ten synn abfalle. So merck was hie das
sacrament genennt werd. In d̄ drit
ten capitel der episteln. zu den von ephē
so spricht der selb heilig zwelfspot sant
pauls. nach der offenbarig. ist mir dis
sacrament kundt getan worden. als ich
oben in kurtz geschriben hab. Vnd her
ab paß spricht er aber. Wir dem minste
aller heiligen. ist dise genad gegeben. Das
ich vnter den heiden. die vnausspürlich
en reichtümer cristī predigē. vñ alle mē
schen erleuchten soll. Welches die auß
spendung. sey des sacramentes. Das von
den werltenn yn got C der alle ding bes
chaffen hat C verporgen ist gewesen.
So spricht die glos. das ist wie wunder
berlich. vñ auß wie grösser lieb. die heil
ich volbringig vnser erlösung besche
hen sey. Dis synd die vnausspürlichen.
vnd die grundlosen oder vnergründlich
en. vnerforschlichen reichtümer. Wan das
haisset der zwelfspot hie das sacramēt.
das er obenn die reichtümer geheissen
hat. Das spricht die glos. Doch der hei
lig zwelfspot. legt sich selbst auß. vñ setzt

erlichen was er mit dē wort des sacra-
ments. an den genäten orten maine. Do
er spricht in der epistel zu den vō Colos
in dem ersten capitel. Welches ewange-
lies heet ich worden byn. nach gottes or-
dnung od̄ gnad. Als die glos spricht
die mir in euch gegeben ist. das ich erfüll
das wort gottes. die heimlichkeit. die vō
den werlten vnd geslechten verporge ist
gewesen. Aber nun ist sie offenbar wor-
den seinen heiligen. den got hat wollen
kund machen. die reichthümer der ere dī
sacraments in dē heiden. das cristus ist.

Nie legt sich der heilig zwelfspot auß.
denn das er vor hin ein heimlichkeit od̄
heimlich bedeutung nennt. Das nennt
er darnach das sacrament. Darumb die
hoh glos spricht. ober das erst wort der
heimlichkeit. das ist die heimlichkeit der ge-
purt cristi auß got. vnd der gepurt auß
maria. der behaltung oder seligmachung
der heiden. vnd des gantzen wercks cri-
sti. vnd dasselb wort ist ein heimlichkeit.
das ist verporgen. denn was das kund.
das man lase. In dem anfang was das
wort. so was doch nyndert gelesen. das
wort ist fleisch worden. vnd andere ding
des gleichen. die zu dem sacrament der
menschwerdung gehören. vnd herab paf
ober das wort des sacraments spricht die
glos. dī sacramēt ist die mēschwerdung cri-
sti. durch die. die heide od̄ die geschlecht
behalte werde. Also hastu die meinung.
Wie hoh vñ köstlich sant paulus die er-
kenntnis cristi achte.

Die hoh aber vñd wie kostber der
heilig zwelfspot die erkenntnis
cristi achte. das meldet er yn der epistel
zu den philippen in dem dritten ca-
pitel. Da er nach erzehlung. was er ere vñ
guts gehabt het. nach dē indischē won-

Er cristum erkennet. spricht. Aber die
ding die mir gewin sei gewesen die hab
ich umb cristus willen für schade geach-
tet. Doch so acht ich alle ding Schaden.
vmb der vbertrefflichen kunst willen
meins herren ihesu cristi. vmb des willen
ich alle ding Schaden gemacht. gelet vñ
berופן hab. vñ scherze sie. als das kōt.
das ich cristum gewonnen mīg zc. Dī
sein sant pauls wort. ober das wort vñd
d̄ vbertreffliche kunst wille ihesu cristi.
spricht die hoh glos. das ist vñd d̄ kunst
wille. die wir vō cristo habē. die den and̄
kunst weit vbertrifft. vñ hernach ober das
wort das sant paulus spricht. zu erken-
ne. vñ die krafft seier vñsted. spricht die
glos. das ist. das ich in erkenne. warumb
er geporn sey. warumb er gelitten hab.
vñd hernach paf. Vñd das ich erkenne
die frucht die da kumpt auß der gefells-
chaft seiner leiden. Wann er spricht yn
dem erste capitel der andern episteln zu
den von Ehorinthien. Wie die leidē cri-
sti ober hand nemen in vns. Also nympt
durch cristum vnser trost ober hand. vñd
herab baf spricht er. Wir wissen. als ir
gesellē synd der leidē. Also wert ir auch
gesellen sein. des trostes. Zu den Rō-
mern in dē achten capitel spricht er. Ist
es. das wir mitleidē. so werde wir auch
geeret. Wie werden wir geeret. das wir
als die kinder gottes erben werden. vñ
seins suns miterben. als sauor steet. vñ
volgt den hernach. Ja ist es anders. das
wir mitleiden. das wir auch mitgeeret
werden. In der andern epistel zu thi-
motheo yn dē andern capitel spricht er.
Ist es. das wir mitsterbē. so werde wir
mitleben. Sulden wir. so werden wir mit
herrschen. Do spricht die glos. Seyē wir
der werlt gestorben. oder den sünden in

Was das leidē cristi. der war schätz ist.

Dem tauß. als cristus. dem altē mensche
So werden wir auch mit im leben in dē
ewigen leben. Also haben wir. wie hoch
vnd kostpar sant paulus die erkentnis
cristi achtet. vnd das er sie einen schatz
nennet. vñ so kostper. das mā ander kist
vnd reichthümer dargegen. als das kot.
achten sol. Wan alß er meldt. Es ist die
höchste weisheit der mensche. i. ad Cho
rinth. i. Von welcher weisheit der aller
wolredēt Phylō. In der person des al
lerweysesten königs Salomons spricht
in dem buch der weisheit. in dē sybendē
capitel. Ich hab sy dē königreichē. vñ dē
thronen fūrgesetzt. vnd hab gesprochen
das die reichthümer nichtz seye. gegē dē ze
rechē. Ich hab der. nit zugegleicht edel
gestein. Wann alles gold gegen der ze
achten. ist als der samnd. vnd das silber
wirt als das kot gegē dē. geschetzt. Ich
hab sie vber die gesuntheit. vñ schoheit
lieb gehabt. vñ herab baf. Wir sein
alle gūter miteinander. mit ir kumen. vñ.
Da spricht die glos. welcher die kumt
schaft cristi enphet. der hat mit ir hie al
ler tugent genad. vñ dort das ewig lebē
Darib volgt billich hernach in dē text.
Sie ist den mensche ein endloser schatz.
Durch des prauchung sie teilhaftig wer
den der freuntschafft gottes. vñ.

Das durch die betrachtung des lei
dens cristi das köstlichst. das der mēsch
au ff diser erd mag haben. erlāgt wirt.

M Erst hie wie durch die andechti
gen betrachtung. des lebens vnd
des leidens cristi. der mēsch die huld vñ
freuntschafft gottes erwirbt vñ erlangt.
Das an die lieb gottes nit sein mag. Wā
die werden allein eigentlich freund ge
nennt. die einander lieb habē. Darumb
wer die freuntschafft gottes hat. d hat

auch die lieb. vñ die genad gottes. die in
dem namē der freuntschafft begriffen
ist. Also prungt oder gepirt dise vñ die
götlche lieb. Das verstee. verdienstlich
nach zymlichkeit. Darumb so der mēsch
dardurch verdiēt. das got der herr sein
genediger freund werd. des freuntschafft
vnd genad vber alle ding. zewünschenn
zebegere vñ zehalten ist. so merck aber
wie groß die vñ die gesuntheit. an
dechtigē. betrachtung zeachten ist. durch
die. gottes huld vñ genad erworbe wirt.
Jesús sprachs sun spricht yn dē sechste
capitel seiner weisheit. Eym getrewem
freund mag nichtz zu gegleicht. vñ wed
gold noch silber. gegē der gütigkeit. sein
er treu gleich gewogen werden. Ein ge
treuer freund. ein starcke beschützung.
Wer in aber findt. der findt einē schatz
Ein getreuer freund ist ein ertzney des
lebens. vnd der vntörllichkeit. vnd die got
föchten. die finden dē. Meinstu auch.
Das man dise wort des weysen. mūg ver
steen. von der freuntschafft der lautern
mensche. die zerstörllich vnd törllich sind.
vñ den yn dem fünffunduertzigstē vñ
hundersten psalmen. könig dauid spricht
Ir sollt nit ein getraue habē in die für
ste. noch in dē mensche sūn. in dē kein heil
ist. Vñ Jeremias yn dē sybēzehendē ca
pitel. Verflucht ist der mensch. der in dē
mēschē getraut. vñ. Wie mūgē die das
lebē gebē. die ir lebē nicht in irē gewalt
habē. od wie mūgē sie die vntörllichkeit ver
leihen. die da sterblich vnd vergentlich
sein. Darumb volgt in dem nechstgenan
te psalme hernach. Sei geist. das ist. des
mēschē sel. geet auß. das ist so vil. als. er
stirbt zu zeitē geblingē od vnuersehen
lich. wen er nicht will. als die glos spricht.
od nicht wais. oder allerminst gedentt

Vnd er keret widerüb in sein erde. wann
er verbyset vnd fault. An dē tag vergeē
alle ir gedēck. Das ist. alle ir anschleg ge
en hinter sich. volgt hernach. Selig ist d.
des iacobs got helffer ist. sein hoffnūg
ist in got seinem herren. der himel vñ erd
gemacht hat. Das mere vñ alle ding die
darynn sein. Spricht die glos. Das ist yn
cristo. vnd das erzeigt der prophet für
pas bis an das end des psalmen. das er
cristum durch seine werck beschreibet. vñ
erzelet seine treu. das sey gemelt das mā
merck. welches d recht war getreu freind
sey. der dem menschē so nutz ist. das der
selb allein cristus ist. der mit allei mēsch.
sünder auch warer wesenlicher. ewiger
gott ist. dēhalb er will vnnd mag. selig
machen die. die sein freuntschaft süchē.
lieb haben. vnd vber alle ding achten.
Dē darumb do er vō ewigkeit almech
tiger vollkomner got was. So ist er auß
genaden vñ barmhertzigkeit mensch wor
den. Das er die menschē zūge vñ precht
zu seiner. vnd seins liebē vaters freunt
schaft. durch das sie selig würdē. die an
die freuntschaft mit selig mochten sein.
Aber er bedorft irer freuntschaft nichtz.
der in im selbs. im selbs. vor aller creatur.
die wesenlich endlos seligkeit ist. So ist
er der pruñ. die sach. der vsprung. der an
fang. der mitler. der volckōmē volbringer.
der gegēwurff aller warē seligkeit. d ver
stentlichen vnd vernünftigen creaturen.
als in dem erstem gegenwurff. hernach
gemelt wirt. Darumb spricht der weyse
prierster ihesus hie obē gemelt. pillich vñ
warhafftiglich. Wer in findt. der findt
einen schatz. vnd der reichen schetz. diß
schatz. gedencē er viermal. in dē ersten
capitel seiner weyßheit. do er auch cler
lich zeuersteen gibt. Das die obgemelt

freuntschaft zu cristo. die war weißheit.
vnd der vollschatz. aller seligkeit ist.

Vnd das die selb freuntschaft. ent
spring auß der betrachtūg dē lebens.
vnd des leidens cristi. Das schreibet sant
Bernhart offenerlich super cantica. o/
melia xliiij. do er nach dē. als er gesproch
en hat. das er. die weil er leb. nimmer
mer vergessen wöll. d engstē. pitterkeitē
der kintlichen nordōfftigkeitemm seins
herren. der arbeit. die er gehabt hat yn
dem predigen. der müde in dem hin vñ
her lauffen. des wachens in dem gepet.
der anfechtung in dem vasten. der zeher
in mitleidung. der hinderlag in zuredē.
der ferkeit der falschē brüder. der ver
argung. der verspeyung. verspottung. der
schleg. der nagel. vñ des gleichē. spricht
er darnach. Wen ich diße ding bedenck.
die machen mir den richter der werlt. zu
einem freünd. so sie den. der den gewalt
ten erschrockenlich ist. senftmütig vñ de
mütig figurirē vñ beweisen. Merck
ebē das er spricht. das die dig. die d hēz
gelitten hat. zusamen gelesen. betrach
tet vnuergeßten machē im den richter d
werlt. der sunst erschrockenlich vnnd zu
fürchten ist. freuntlich vñ heimlich. als
er hernach in der selben geschrifft. noch
mer meldt. Also gewidē d andechtig be
trachter vñ contēplierer des leidens cri
sti. cristū d die ewige endlöse weißheit
ist. zu einem freünd. In dem er alles hei
le vnd seld. vnd kurtzlich zereden. alles
gütt findt.

Das die erkentnis cristi vber alles
güt liebgehabt soll werden.

Darumb so solt die erkent
nis des lebēs. der lere. d werck
vñ des leidens cristi. dē mēschē
vber gelt. vber gold. vber alles zeitlichs

Was das leiden cristi der war schatz ist.

gut lieben. als der schatz. yn dem alles gut begriffen wirt. deshalb. das in der obung der selben erkenntnis. vnd in der ernstigen andechtigen betrachtung. die weisheit vnd gottes freundschaft erlāgt wirt. von der Salomō spricht. In pūch der sprūch am andern capitel. Wenn du sie wirst sūche. als das gelt. vnd nach yr graben. als nach den schetzen. so wirstu die kunst gottes finden. Wann der hertz gibt die weisheit. vnd auß seinem mūd kom̃t die kunst. vnd clugheit. vnd herab paf in dem dritte capitel spricht er. Selig ist d̃ mensch. der die weisheit findt. Wañ ir gewin ist pesser. dañ dz geberb mit silber vnd mit gold. Ir frucht sein fürnem vnd lautter. Sie ist kostperer dē alle reichthūmer mūgen sein. vñ alle ding der man begeren mag. mūge ir nicht zu gegleicht werden. Die lēge der tag ist in yrer rechten hand. vnd in der lincken. Die reichthūmer vñ ere. Sie ist der paum des lebens. dē. die sie ergreifen. vñ wer sie hest. der ist selig. Das sey von der genugsamkeit der gezeigtnus. von d̃ kostperkeit des betrachtens des leidens cristi. C Das der schatz alles guten ist d̃ ge sagt. deshalb d̃ pūchleyn desselben schatzbehalter genent mag werdē. Dar vmb das es die weis vñ materiē solcher betrachtung. ynnhelt vnd anzeigt.

Das ander teil d̃s ersten puchs von den fruchten. vñ nutzperkeiten des leidens cristi vñ seiner betrachtung.

Vm andern wer etwas zemeldē. von den manigfaltigen fruchten vnd nutzperkeiten. der betrachtung des leidens cristi. Aber es wirt gemaynlich in vil pūchern. souil dauō gesetzt. das es mich nit not bedunckt. das ich mich hye da mit bekūmer. auff das das dise vor

red nicht zulāg werd. Aber doch wil ich ein wenig sprūch der lerer setze. Auß dē man wol mercken mag. wie nütz. fruchtper. heilsam. vñ verdienstlich es sey. das man sich oft vnd teglich darynnen vbe wiewol man dasselb. auß den stücken. die oben gemelt synd. merckē möcht. ob man auch nichtz mer dauon meldete.

Wie pillichs aber sey. das mā teglich. des leidens cristi gedēck. Das meldet sant Bernhart zu den brüdern. von dē perg. So er spricht. welcher dē syn gottes hat. der wayß wie fürderlich das. der cristen lichen miltigkeit sey. Wie gepūrllich vñ nütz. dem diener der erlösung cristi. das er zum minst. ein stund des tags zusammen lese. die guttate des leidens cristi. vñ seiner erlösung. mit auffmerckung zenies sen süßiglich in der gewissen vñ zebetrachten in der gedechtnus. Wann als aber d̃ selb sant Bernhart spricht. vber das pūchlein der liebhabēdē sele. d̃ milt vnd gūttig herr vñ hertzog cristus. wil das das angesiht vnd die augē. seins andechtigen ritters. auff gehebt werdē yn sein wunden. das sein gemūt. dar durch auff gericht werd. vnd durch das ebenpild des leidens cristi. dester stercker zgedulden. Wann die weil er seins herrē runde ansieht. so empfindt er seiner eygē wunden nicht. Aber spricht er in der zweyundsechzigsten predig. Wa mag den plōdē oder trancken. veste vñ sicher rue sein. dañ yn den löchern. des felsen. vnd in den wunden des behalters. Ich wone souil sicherlicher da. souil als er mechtiger ist. zebehalten. Es prūmt die vorst. mich drückt der leib. mir legt der teufel hinderlag. ich fall nit. den ich bin gegründt auff den felsen. Ich hab groß lund getan. die gewissen wirt trübe. sie

wirt aber nicht durch betrübt. so ich ge-
denck der wunden meins herren. Wann
er ist umb vnserer sünd willen verwündt
worden. Was mag so ser zum tod sein.
Das nit durch dē tod cristi geheilet werd
Ich zuck mir künlich. Das mir gepricht.
auf den gliedern meins herzen. Wan sie
fließen vnd geen vber. mit parmhertzi-
keit. vnnd sein auch löcher genug. durch
die sie auf flies. wan sie habē sein hēd
vnd sein fuß gegraben. vnnd sein seiten
mit dem sper geöffnet. vnnd durch dyse
spelt. zymet mir. Das ich von dem felsen
honing saug. vñ dē vñ dē aller hertste stei.
Das ich versuch vnd sehe. wie süß dē herz
sey. Wir steet die heimlichkeit des hertze
offē. durch die löcher des leibs. ein groß
zeichen oder sacramēt der multikeit wirt
da geöffnet. die gelider der parmhertzi-
keit vnser herzen gottes. in den er vns
heimgesücht hat. als er vns auf der hö-
he auf gange ist. die steē offen. wie kōnd
es sein. die gelider schine. durch die wū-
den. In der dreyundsechzigstē ome-
lia spricht er. Es sein zwey ding. die die
heiligen cristenheit tröstē. in der zeit vñ
in dem stand irs elends. von dē vergāg-
en die gedechnus des leidens cristi. vñ
von künftigen. Das sie gedencet vñ hof-
fet. Das sie yn das ertheil od lose. dē hei-
ligen genommen sol werden. vñ das ist ein
fröliche harrung. vnd ist vngewisselt.
so sie durch den tod cristi beuestigt ist.
Dāñ warumb solt sie wanceln. zu dē grōß-
se des lones. weñ sie betrachtet die wir-
digkeit des schatzs. wie geren besitz sie.
mit dē gemüt die löcher. durch die ir des
schatz. des heiligē frōnē plutes geflos-
sen ist. Diser fluß teilt sich in vier pech.
als er spricht in der zweyundzweintzigi-
stē omelia. Das ist. in die weisheit. in die

gerechtigkeit. yn die heiligkeit. yn die er-
lösung. die weisheit steet in der lere cri-
sti. die gerechtigkeit in der parmhertzig-
keit. durch die. die sünd vertzige werde.
die heiligkeit. in dem tugentlichen lebē
cristi. die erlösung in der starcken gedult
seins vberbindendē leidens. Merck hie
das sant Bernhart will zuuersteē gebē.
vnd setzt das auch offenbarlich. in dē ge-
nantē omeley. Das in disen vier egenan-
ten stücken vñ allein. in inen die vier an-
geltugent begriffen sein. von dē Salo-
mon. in dem achtē capittel. der weisheit
spricht. Das nichtz nützers dem mēsch-
en. in disem lebē ist. Spricht die glos in
ter linearis. zu dē ewigē lebē. sant bern-
hart spricht. in der nechstgenanten ome-
ley. Dein leide o herr iesu. ist die letzt zu-
flucht. ei sōndere ertzney. so vñs die weis-
heit zerrymt. so der gerechtigkeit nicht
genug ist. so das verdienē der heiligkeit
unterligt. So kōmpt vñs dein leiden zu
hilff. Darumb wann mir der tugent ge-
spricht. so wil ich dannoch nicht betrübt
werdenn. ich wil nicht verzweifeln. ich
wais was ich thun will. ich wil dē kelch
des heils nemen. vnd den namē des her-
ren anruffen. wann es sey dāñ. das dein
plut. für mich sprech. so mag ich nit selig
werden. In der dreyundsechzigsten
omeley spricht er. Was mag so krefftig
sein. zehelen die wunden der gewissen.
oder auch zereinigē die verstētus des
gemütes. als die steet betrachtung dē wū-
den cristi.

Item das oben gemelt ist wordē.
vñ den vierangel tugentē. Das sie
begriffen sei. vñter dē vier wortē Sant
pauls. die er von cristo setzt. j. Corinth. j.
Dasselb betzēiget auch Rabanus in der
auslegung der sechste figur des creutzs.

Was das leide cristi. der war schatz ist.

8

So er die selben fürderliche tugēt. in die vier ört des creutzes setzt. vñ spricht also. Wie vil. wie groß vñ gut frucht d paum des heilige creutzes pring. das ist billich zebedenckē. Des frucht ewig ist. Des wur tzelymmer werend. Des geschmack oder geruch. die werlt erfüllt. Des kostenn die gelaubigen süßlich speyset. des schein die sunne vbertrifft. Des weisse dē schne prounet. des höhe. den hymel vbergeet. des ticffe. die helle durch dringt. des vestigkeit. die demütigen erhöhet. des macht. die erhöhten. nydert. oder demütigt. Wann aller tugent wannsamkeit. ist durch es vnd in ym. der werlt verlihe worden. In ym offenbart die gerechtigkeit ir vestigkeit. In im zeichnet die stercke ir macht. yn im beweiset die klugheit ir höhe. in ym lobt die messigkeit. ir weise vnd maß. Hie an dem creutz vnd in dem leiden cristi. verleihet die klugheit. den andechtigē mensche. erlangung der weisheit. in der begreiffung. d warheit. vnd vō dannen her erphahet ein yeglicher gelaubiger. die gaben der fürsichtigkeit. der verstentnus. vnd der gedechnus. Hie hat die gerechtigkeit. die gründ des glaubens gesetzt. vnd von dannen her aufteilet sie einē yegliche. die gleichheit der miltigkeit. des gotz diensts. od geistlichkeit. der genad. der danckperkeit. vñ der reichlichkeit. Hie wirfft die messigkeit dē zaum der zucht. in die gailen anstoss des muttwillens. des freuels. d hegirden des fleisches. vnd von dannen her gibt sie dē. die des begern. manigueltig gaben. der schamhaftigkeit. d keuscheit der sensfmätigkeit. vnd der nüchterkeit. Hie verachtet die sterck. großmechtig

lich. die lustlichen senfftē. vnd widerwertigen ding. vnd da her helt sie für. ebenbild der hoffnung. der zauerst. der gedult. vnd der verharrung. In d prop der selben sechsten figur. spricht der egnant magnencius Rabanus. O du oberste weisheit. des almechtigen vatters. ie su criste gottes sun. der du die gantzen werlt. mit der zierd. des heilige creutzes zierst. vnd gibst demē heilige milte gab des heils. du bist der war herr. wan der wag der tugenten. der zugefügt ist. der vier örtten des heiligen creutzes. beweiset das die ordenung der tugēde. die auß dē heiligen creutz entspringē. in dem sig d vberwindung. des königs cristi geweiht. vñ durch sein heiligs leiden. der gantzē werlt nutz sey. zeerwerben die frucht d miltkeit. vnd der tugent. vnd zeerlangē die ewigen seligkeit. Die tugent ist ein gut geschicklichkeit des gemutes. ein ere vnd gezierd der natur. ein ordnung des lebens. ein adel der sytten. ein zernung der zungen ic. Merck auß disen worten. wie warhaftiglich das leide cristi der schatz d warē reichtümer. des heils vnd der seligkeit ist. als oben gemelt ist wordē. so darauf alle tugent entspringen c. Als hie Rabanus beweyset d die allein die rechte waren reichtümer sein. Als sant gregorius in der funffzehē omeley spricht. Auch nennt hie magnencius Rabanus. milt gaben des heils. vñ erlangung der ewigen seligkeit. das do dient zu warmachung. des titels oder namens. Dis püchleins als oben an dē anfang gemelt ist. Der offtigenat magnencius Rabanus maurus. ist ein voller gezeug d vnansprechliche. vntzelschen

Frucht. vnd nutzperkeiten. die auß dem
leiden cristi bekumen. vnd das in dē mei
sterlichen. hohen. tieffen. wunderlichen.
kunstreichē pūch. das er gedicht hat. vō
dem lob des heiligē creutzs. Vō welch
em puch d̄ heilig Abt sant odilo vō clu
niac spricht. das keyn werck oder pūch.
mag noch wirt. mūgen gefundē werde.
das kostlicher sey zesehen. lieplicher zele
sen. hūsser zebehaltē. arbeitfamer abze
schreiben. vñ bey dem creutz. verstee den
leidenden cristū. Wan̄ darumb lobt mā
vnd eret. vnd petet an das creutz. Wan̄
es bedeūt vns den creutzigtē cristum. d̄
dar an gelitten. vnd sein leidē volbracht.
vñ mit dem tod beschlossē hat. Darūb
alles lob des heiligē creutzs. ist zeuerstē
vmb des leidens cristi willen. Also dient
dasselb puch alles miteinander. zu dem
lob des leidens cristi. Das achtūd zweintz
ig figurē hat. vnd vber ein yegliche vier
ley geschuift. zweyerley gepūdner. vñ ge
mēner gedicht. die ein mit eiteln haupt
puchstaben. mit gold. mit silber. vñ man
gerley farben vermengt. vñ darnach auf
legung der figurē zc. In dem selben
puch in d̄ prof. der andern figur spricht
er also. O du heiligs creutz cristi. das du
durch den gewalt. der dir verlihen ist. al
le d̄ig vbertriffest. du regirst. in dē ober
sten fyrst der himel. die himlischen here
mechtiglich. Wann die krafft vnd got
heit. des Königs. der an dir gecreutzigt
ist worden. hat dich gantz mechtig vnd
heilig gemacht. aller maist darumb. das
das zeichen seins leidens albeg yn dir
bestet. Darumb so heissen wir dich pil
lich. von cristo dem König. Königin. Wan̄
durch dich haben wir verdient. den ein
gang des himlischē reichs. dich erē ge
meinlich alle creatur. vnd veriehen. das

du als von dem ewigen liecht erleicht.
vns die fremd des himlischē reichs zay
gest. vnd gibst die gezaigten fremd. den
die sie sūchen miltiglich. O du heiligs
frons creutz. das du die beschliessung d̄
helle zerprochen. vnd das volck der heili
gen darauf erlöset. vnd in den himel ge
setzt hast. du verleibest den gelaubigen.
d̄ sie vor dē richterstul cristi. die frucht
der guten werck ein nemē. In d̄ drit
ten prof spricht er. O du heiligs heil. vñ
du frölichs leidē cristi. Begrūssēt seiest
du crentreichs creutz gottes. das du die
weisheit. das liecht. vnd ein lererin bist
des vmbkreißs d̄ erden. das du das war
lob. die freunlich tugent. vñnd die klar
phylosophē C vnd lieb der weisheit C
vor den himlischen vnd den irdischē on
vnderlaß krefftiglich pist. dich loben al
le heer der himel zc. Merck in disem
wortē das er spricht. das die gotheit des
gecreutzigten. das creutz. gantz heilig
vñ mechtig gemacht hat. allermait. dar
vmb. das es in im das zeichen vñnd die
figur des leidens cristi hat. Vñ her
ab pass. in der driten prof spricht er. O
du frölichs leiden cristi. Begrūst seystu
du erwidigs creutz gottes zc. Darauf
nym̄ den beschluß. das du bey eim. das
ander auch vernemen. vnd bey dē creutz
das leiden versteen solt. Vñnd das das
creutz. vmb des leidens willenn gelobt
wirt. Fürpas in d̄ nechste prof spricht
Kabanus zum creutz. durch dich werde
aintweders. williglich. oder durch ge
walt. in dem namen iesu. d̄ allen gewalt.
alle Königreich. alle kaysertum d̄ werlt
gebogen hat. alle Enye der himlischen. d̄
irdischen. vnd der hellischen gepogenn.
Auch vericht sant Michael. d̄ ein fürst
vñ hertzog des volcks gottes ist. das du

Was das leiden cristi. der war schatz ist.

ly

alle gestirn der himel. mit krafft regirist.
vnd mit gewalt deckest. darumb das du
gottes altar bist. In de das lemlin. das
der werlt sünd hin genommen hat. geop-
fert ist wordē. Durch welchen schilt. der
gutwilligkeit. er sich stetiglich freit
vñ springt. Durch welches schwert. der
veriehung. er so kün gewesen ist. das er in
den streit. wider den grausamen tracken.
vnd den alten schlangen getreten hat.
vnd hat dem feind ob gesigt. vnd trium-
phirt. oder froloket mit vil tausenten d
himlischē heere. vñ begert das für sein-
en lon. das er dei lob ewiglich singe. vor
dem thro des herren. In der prof d
vierden figur spricht er. Aber ir oberste
heere. Ir liechtcheinenden glentz d gōt-
liche clarheit. ir süß prinēde karfunkel
stein. des feuers der götlichen lieb. nun
lobent den namen eüers kōnigs iesu cri-
sti von dem himel. mit dem waren vñnd
götlichen lob. das geprediget wirt. das
vñser oster. das ist das leidē. vnd vñsted
vñsers erlösers. vñser war leben. vnd die
war frucht des liechts cristi ist. der in d
stund des leidens. vberwunden hat die
traurigkeit des tods. vñ regirt nun allē
thalben. mit frolocken in der freud d vñ-
stend. Herab paf spricht er. die seli-
gen seraphin C das die höhstenn engel
sein d verkündē mit begirliche lob was
die krafft vñser erlösung. vñ die gütter
vñserer belonūg seyen. die vns vñser kō-
nig cristus gebe will. Do er auff de altar
des heiligen creutzes nach seinē fürsatz
gelitten. mit dem flamē seins leidēs vñf
er posheit. vñser vngerechtigkeit. vñ die
laster vñser sündē verzert. vñ in de au-
genplick seins tods. alle gewelt. die wi-
d vns waren. vberwunden. vnd den fürstē
difer werlt aufgeworffen. die gefenck-

nus der hell. den seinen zerrissen vñ zer-
stort. das alter der sünd aufgetilget hat.
vnd hat vns der kōnig d tugendē vñser
gütiger herre. die reich des paradeises
wider ein gegeben. Herab paf spricht
er. Vñser schöpffer vñ kōnig. d für vns
an dem hohen stammen des creutzes ge-
hangen ist. welches creutz. man mer einē
keiserliche thron. dan ein knechtlich vol-
tern oder peim nennen sol. Wann vñser
keiser cristus. hat ym dar an das reich.
vnd den gewalt. in himel vñnd yu erd. er
kriegt vnd gewonnen. Er hat die feind
vberwunden. vnd die werlt mit gott ver-
sonet. Das ist das paner. des cristeliche
rolks. das ist das schwert. mit dem wir
wider den feind in den streit trettē. das
ist das zaichen vñ das lose. vñsers siges.
Mit disem sper stechen wir vñser feind
ernyder. Mit diser lantzen prechen wir
die waffen. d vngerechtigkeit. darch dis
spere werde wir erhöhet zu der kron. vñ
erlangen den lon der tugent. In der
auflegung der einundzweintzigsten fi-
gur. erzelet er souil nutzperkeit. krefft
vñ tugent. des creutzes in einer sūn. das
es allein genug solt sein einem yegliche
vernüfftigen menschem. wenn er auch
sunst nichtz anders hett. von dem leidē
cristi. yne zetreiben. das er sich giren be-
kümerte da mit. nach allem vermügen.
Er spricht also. O werlich du gutes vnd
heiligs creutz cristi. wer möcht dich ge-
nugsamlich verkünden. oder. als vil. als
du würdig bist. loben. das du d himlisch
en heimlichkeiten. ein milte offenbareryn
bist. du bist ein heilige behalterin d gōt-
lichen scherz. ein tugentliche ausspende-
rin der sacramenten cristi. In dir sehen
die engel ir freude gehauft. yu dir er-
kenne die mensche. die recht irs heils an

Sir empfahe die hell. rechte widergeltung
irer betrüglicheit. Du bist ydermā gleich.
yderman gut. ydermā gerecht. Du ernew
est die vergangē ding. du erleuchtest die
gegenwertigen. du fürzaigst die kunff
tigen. Die verlomen ding suchstu. die ge
suchten findest du. die gefunden behalt
test du. die gefallen richdest du wid auf.
die in iren grad wider aufgesetzt sein.
die bewarest du. vnd die bewarten rich
test du in die weg des frids. Du bist der
sig des ewigen kōnigs. du pist die fro
loßung der himlischē ritterschafft. du bist
die macht der irdischen. Du bist die ver
zeihung der sündē. du bist die beweyßung
der miltigkeit. Du bist die merung & ver
dienst. du bist der siechen ertzney. der ar
beiter krafft vnd hilff. & müden erquick
ung. der gefunden wolnügenheit. & ge
rügenn wunsamkeit. der glückhafftigē
seligkeit. du bist die pfleg. die. die krank
en gesund macht. du bist die fremd. die.
die traurigen tröstet. du bist die gesunt
heit. die die. & wee ist. erfrewet. du bist
die auffgerichtigkeit. & die recht gelaub
ben. du bist die festigkeit. der. die recht
tun. vnd tugentlich würcken. du pist die
seligkeit. & die redlich verharre. heiligs.
miltē. gütz. gerechtz. gütigs. vernuf
tigs. löblichs. erlichs. lieplichs. starckes.
füßles. senftes. weyses. gedultigs vnn
d mechtigs creutz. dan alles das. das man
würdicklich mit dem hertzen. vō vnserer
erlösung erdencken mag. alles das. das
man mit der zungen aussprechen mag.
das mag alles zynlich. seinem lob zuge
fügt werden. Dann alles das. das man
in dir lobet. das wirt alles cristo dem kō
nig der an dir gecreutzigt ist wordē. zu
geachtet. vnd was man cristo ere erpeut
das gehöret alles zu ere vñ würdigkeit.

des aller obersten vaters. des eingepor
ner sun er ist. der mit yme vnd dem heil
ge geist ein mayestat. ein gewalt. ein ere
vñ ein clarheit ist. in ymmerwerēde ewig
keit. das sey ein wenig gezogen auß dē
Kabano.

Ant iohannes mit dē guldē mūd
spricht. das creutz ist vns ein sach
gewesen. vntzsellicher gütter. Es ist die
tötung der feintschafft. ein bestetigung
des frids. ein schatz ist es vns aller güt
ter. Vmb des heilige creutz willen. irrē
wir yetz nit in den orden. wann wir ha
ben den weg der warheit erkennt. Wir
sein auch nicht außserhalb des reichs.
wann wir sein zu der kōniglichen tür ein
gegangen. Wir fürchten nit die feurige
geschep des teufels. wann wir habē ge
funden. den prūnen des lebens. mit dem
wir sy leschen mügen. Vmb des heilige
creutzs wilē. sein wir yetz nit in dē wirt
we stand. wann wir habē den warē prei
tigam empfangen. Wir fürchtē dē wolf
nit. wann wir haben einen guten herten
vberkomen. der da spricht. Ich bin ein
guter hirt. Wir fürchtē nit dē wütrich.
wann wir beten den waren vñ überwint
lichen kōnig an. Dis spricht sant iohan
nes der bischoff in einer predig vō dem
heiligen karfreitag. die also anfahet. An
dem heiligen tag ist vnser herr. an dem
creutz gehangen. vnn wir haben hoch
zeitlich fest. das ir lernent. das dz creutz
cristi. vnser feyrtag. vnn geistliche iarl
mes ist. wann das creutz ist vormalz ge
standē zu einer verdampnis des fluchs
Vñ aber ist es zu vrsach des heyls
auffgericht wordenn. In einer an
dern predige. vō dem selben tag spricht
er. Heut ist das creutz gesteckt. vnd die

werlt geheiligt worden. Heut hat das creutz obgesigt. vñ der tod. vñ d̄ teufel. sein vberwundē. d̄ mensch ist entpundē. gott ist glorificiert vñd geert worden. Heut hat bey den indē die erd gepidmet. Aber bey vns ist der vmbkreis der erdē geneuigt worden. Heut ist es bey den in den finster wordē. bey vns ist die nacht in den tag verwandelt worden. Heut ist adam auß dem paradies gestossen. vñ heut ist der mörder in das paradies genommen wordē. Der das wort gottes vernichtet hat. der ist auß dem heil gegangen. Der des wortes gottes verhehe hat. der ist von dem creutz in das heil gangē. Der mörder hat den behalter gesehen. nit auff einem k̄niglichen stul sitzē. nit in dem tempel angepetet werden. nit reden mit den iungern. nit disputieren mit den engeln. Sonder in der pein zugeselet. den mörden. er hat yn gesehe in den qualen. vñd betet in an. als in hohē erē. Er sah in an dem creutz. vñd bate in alß ob er yn seh sitzen in dem himel. Er sah in verurteilt vñd gerichtet. vñd hie yn einen k̄nig. do er sprach. Herr gedenc̄ mein. weñ du k̄mest in dein reich. Er tet gewalt. vñ zuckt das reich der himel. vñ dem creutz verdient er das heil. vñ stal das hymlich keisertumb. Nach der meinung desselben sant iohānsen. was er auff einē guten iarmarck̄ k̄men. Er pracht das reich der himel daruō. Sant iohāns. d̄ sich vntter dē kram des creutz machet. pracht die keyserin himelreichs vñd ertrichs daruon. Sant ioseph vñ armathia. der sich auch hie bey machet. pracht den leib des herren gantz daruō. Maria magdalena. die von dem schatz. der an dem creutz hieng. nit gescheiden wolt sein. bis in das grab. die gieng mit

ler auß. sond̄ sie pracht dise würdigkeit daruon. Das sie die erst p̄d̄tin vñd v̄r k̄nderin des ewigen lebens. vñd der v̄r stend des herren. von dem herren selbs gesetzt. vñd darinn vber alle zwelsspotten geered ward. Das ir der leib. den sie tod sucht. zum ersten seliglich. lebēdig. vnt̄rlich. zu trost. zu freuden. zesehen. zeumbfahen. zeküssen. vñd sein fr̄liche v̄stend den zwelsspotten zeuerkünden. bewisen vñ erpotten ward. Darumb mā sie nemmt die zwelssp̄d̄tin der zwelsspotten. vñd das. durch die vbertreffung als man spricht. Ein meister der meister. ō fürst der fürsten zc. Nyemant der mit andacht dar k̄men ist. vñ der genad cristi begert hat. ist ler hin gegangen.

Origenes spricht vber die epistel. zu den Romern. in dem funfften p̄uch. So groß ist die krafft des creutzes vñ des tods cristi. Das sie genugsam ist zu ertzney vñd gesuntheit. nicht allei diser gegenwertigen. vñd der k̄nfftigen. sonder auch der vergangen werlt. vñd nicht allein disem vnserm menschlichen orden. sonder auch den himlischen krefftten. In dem sechste p̄uch spricht er. So groß ist die krafft des creutzes cristi. weñ man das für die augen setzet. vñ getreulich in dem gem̄t helt. Also. das das auge des gem̄tes dē tod cristi fleysiglich mit andacht ansieht. So mag kein p̄ß begird. kein p̄ßer gelust. kein toben. kein neyd des teufels. den menschen vberk̄men. sund̄ das gantz heere. der sünd vñ des fleischs. wirt alßbald in gegenwertigkeit des todes. vñ des creutzes cristi veriaagt. Des gestet vñd bezeigt auch. sant Johannes mit dem gülden mund. vber Matheum. exhortatiōe. liij. Da er also spricht. Man muß das creutz cris

ni. nicht allein schlechtiglich. mit dē finge
ren in den leib. Sondern mit grossem glau
ben in das gemüt zeichnen. vnd festigē.
Wan so du das also eintrückst. so getar
kein schalkhafter teufel. wenn er das
sper. mit dē er tödlich verwündt ist wordē
anplicket mit dir in den kampffe trettē.
Dan gleicher weys als die anschawung
eins galgē. od̄ andrer sölicher stet sinlich
er töde. dē mēschē greulich vñ erschöck
enlich ist. Also ist auch dē teufel forcht
sam vnd peynlich. wenn er dich siht hal
ten das schwert. mit dem sein krefft cri
stus gesprochen. vnd das haupt des hel
lischē trackens. mit einē grossen streich
abgehawen hat. Das ist das zeichen vn
sers heils. Das ist das zeichē d̄ gemeinē
freyheit. Das ist das zeichen der senfft
mütigkeit. vnd demütigkeit des herren.
Wann er ist als eyn scheflein zu dē tod
geführt worden. Darumb. wenn du dich
mit dē creutz zeichnest. so soltu auch die
gantze sache des creutzes in dir bedēckē.
vnd die prunst des zorns. vñ andrer leid
lichkeit oder peynlichkeit. vñ aller pöser ge
lūst. in dir ausleschen. Wenn du dich mit
dem creutz zeichnest. so soltu dein stirnē
mit grosser zuuersicht wappnen. vñ dein
gemüt bewahren. mit der freyheit der tu
gent. Das du nit von den sündenn ober
wundē vñ gefangē werdest. Dis zeich
en des heiligen creutzes. hat in vergangē
vñ auch in vnsern zeiten. beschlossene tü
ren auffgesperet. Die krefft. der vergift
erleschet. Die grymmigen tier gestilt. vñ
die tödlichen pyssē der schlangen gehey
let. Wan so es werlich war ist. Das es d̄
hellen pforten zerprochen vnd die pfor
ten der himel auffgesperet. vnd den ein
gang des paradises erneuert. vnd die
krefft des teufels gelemet hat. Ist es

den ein wunder. Das es die tödliche ver
gift. die grymmigē tier vnd dergleiche
überwundē hat. Darūb soltu dich zeichē.
in dem gemüt graben. vñ vnabfaher d̄
heil vnser selen. Dis creutz hat dē vmb
kreys der erden bekert. vnd zum heil ge
bracht. Dis creutz hat den schreckē ver
triben. vnd die warheit widerbracht. Es
hat die erdē zu einem himel. vnd auß dē
menschē engel gemacht. Dis creutz hat
die teufel den menschen verworffen. od̄
veracht vnd vnerschrockenlich gemacht.
Durch dis creutz ist d̄ tod zu einē schlaff
worden. Durch dis creutz sein vnns alle
ding. die wider vns warē. vntter die füß
se zertreten geworffen worden. Dis al
les spricht Crisostomus. Item Cassio
dorus spricht vber einen psalmen. Das
creutz cristi ist der demütigen lading. ett
lich pücher habem vnüberwintlich bes
chützung. Es ist der hoffertigē nyders
werffung. der sig oder überwindung cri
sti. Es ist des teufels verlust. der hellen
zerstörung. der himelischen bestetigung.
der vngelaubigen tod. das leben der ge
rechten. der cristenmenschen hoffnung.
der martirer virstend. der lerer hertzog. d̄
weg der bekertē. der krupeltrager der
lamen. der armen trost.

Der andechtig vnd der miter got
tes sun. der geliebt lerer Johānes
von damasck. lobt das creutz cristi grōß
lich. In dem vierden püch seiner hohen
synn. In dem dritten capitel von dē hei
ligen cristenlichen glauben. vnd spricht
vntter andern worten. Alle würckung od̄
tat cristi. ist obergrōß. götlich vnd un
derperlich. Aber das wunderlichst. aller
seiner wund. ist sein kostper creutz. Wan
durch nichtz anders ist der tod auß ge
keret vnd zerstört. des erstē vaters sünd

Was das leiden cristi. der war schatz ist.

14

gelöset. die hell beraubt. die rüstend gegeben. krafft zeucrechten. dise gegewertige ding. vnd wider den tod. widerkerung zu der vorigen seligkeit verlihe vnd die pforte des paradises auffgesperret wordē. Wan durch dz creutz cristi. Durch das creutz cristi. sitzet vnser natur zu d rechten hand gottes. Durch das creutz cristi. sein wir kinder vñ erbē gottes worden. Durch das creutz cristi. ist vnns die macht gottes vnd der sig cristi erzeyget worden. Vñ wie die vier ör des creutzes in einem mitteln puncten zesamen gefüget werden. Also wirt die höhe vnd die tieffe. die lēge vnd die praite. aller sichtberlichen vnd vnichtperlichen creatur. Durch die krafft gottes auffenthalten. Das creutz cristi ist vns zu einem zeichen gegeben. an der stürnen. als den iudē die beschneidung. Wan durch dz creutz werde die gelaubigen. von den vngelaubigen gesündert vnd erkennt. Dis ist d helm vnd der schilt. vnd der sig wid den teüfel. Dis ist das zeichē. die lösung vñ der ynigel. das vns der gemein verderber nit nahe. Dis ist die rüstend d schlaffenden. der stab der schwachen. die gert der hirtē. die handfürlich der widerkerenden. der zunemenden volkommenheit. Das heile des leibs. vnd der selen. die abwendung aller vbel. der tod der sünd. d baum der aufferstendūg. das holtz des ewigen lebens. die gebung aller gütē. Das creutz ist figurirt. vnd bedēit worden bey dem baum des lebens. d in dem paradeis gepflantzet was. Wan so der tod durch mittel des holtzes. in die mēschlichem natur komen was. so must auch durch das holtz das leben verlihen werden. Des gleichen Jacob. d so anpetet das letzt. vnd die höhe des zepters. od

der gerten iosephs. vnd d die hend vber einad legt. in creutzweise. so er iosephs sūnen den seggen gab. Des gleichen moy ses gerte. mit der er das meer schlug. in der figur des creutzes. vñ ertrenckt pharaonem vnd behielt vñ erledigt dz volck israel. Vnd moyses hend. in creutzweise ausgestreckt. durch die das heer amalechs vberwundē ward. das holtz. durch das. das pitter wasser süß ward. Die gert durch die der fels zerraiße vñ wasserflüssig ward. Arons gert. durch die er. der oberste priesterschaft. würdig bewisen ward. Der pfal mit d erin schlangen auffgerichtet. vñ dem die. die vñ feurigen schlangen gestochen oder gepissen vnd beschediget waren. geheilet wurde. Dis spricht Johannes damascenus.

Sant Anselm in seinen betrachtungen spricht also. O cristenliche sel. die du vñ dem schweren tod erwecktest. O sel die du von der arbeit seligen dienstperkeit. durch das plut cristi erlöset bist. Kost vñd versuch. die gütigkeit deins erlösers. wird angezündt in d lieb deins behalters. Is den hönig samen. saug mer den hönig süßen geschmack. schind die heilsamen süßigkeit. Is mit betrachten. saug in d verstentnus. schind in liebhaben. vñ mit freuden. Die krafft deiner behaltung. ist die krafft cristi. wo ist dise krafft cristi. Es sein höniger oder eck. oder spitz in den henden cristi. wan sein hend synd genagelt. an die arm des creutzes. was stercke mag sein in so grosser schwachheit. was mag erlich sein in solicher schmachheit. O verporzene stercke. das ein mensch der verdampft ist. mit dē mörden. behalt vñd macht selig die menschen. die da verdampft sein mit den teüfeln. das ein mensch an dem galgen

1 2
aufgepärt. alle ding zu im zeüht. O ver-
porgne gottes stercke. das ein mensch an
dem creutz sol hangen. vnd den ewigen
tod. der das menschlich geschlecht creutz
iget. henckenn sol. ein mensch sol an das
holtz gehefft sein. vnd sol entheffen od
ablösen. die gantzē werlt. die an dē ewi-
gen tod gehefft ist. O heimliche krafft.
das ein sel in pein gesant wirt. vñ vntzel-
lich selen auß der hell zeüht. ein mensch
empfaht den tod des leibs. vnd töt den
tod d selen. O guter herr. warü hastu
so grof krafft. vntter so grosser demü-
tigkeit verporgen. Herab paf spricht er
Du hast menschlich natur an dich geno-
mē. mit das du dich erkantē verpergest.
sunder das du dich vnterkanten offenba-
rest. Du hast dich waren gott. vnd waren
menschen gesagt. vñ das mit den werck-
en bewisen.

Sant iohānes mit dē guldē mund
spricht in einer predig. Ds creutz
ist ein lerneister. oder fürer der iünglig.
ein auffenthaltung der dürfftigen. ein
hoffnung der verzweiffelten. ein regier-
ung. der. die auff dē meere oder auff den
wassern faren. ein pfort. der. die in ferlt-
keit des ertrinckens sein. ein erlösung d
gefangen. ein maur der besessen. Das
creutz ist die weißheit der vnwitzigen.
die freyheit der eignen. die phylosophei
oder kunst der vngelerten. das gesetz d
keyserthümer. die weissagig d prophē-
ten. der zwelfspottē predigung. der mar-
trer rüning. der mǎnch messigkeit. der
iunckfrawen keüsheit. die fremd d hei-
ligen priesterschaft. der grund d gantz
en cristeheit. Dis sem die wort sant Jo-
hannis mit dem gilden mund. Auß den
hast disen beschluß. ob du liebe. andacht
vñ zusücht hast. zu dem leiden cristi. vñ

fließest dich dasselb zebedeckē. mit dāc-
berkeit. in wie grossen ferlichkeiten du den
pist. so wirstu gesichert. wie arm du bist.
so gebriecht dir doch nit. verstee vō warē
nortdōrffrigen güttern. wie einfeltig du
bist. so bistu doch klug. wie vngelert du
bist. so kanst du doch genug. wie eigē du
bist. so bistu doch frey. Ja auß den obge-
melten sprüchen allen. so hastu das. wie
dürfftig du bist. so bistu doch reich. das
verstee also. Wie dūfftig du bist in den
cleinen. zergendlichen. lieplichen. irdisch-
en. vnd zeitlichen güttern. so bistu doch
reich in den grossen. beleibenden geist-
lichen himelischen vnd ewigen güttern.
Wie arbeitelig du bist. so bistu doch se-
lig. der wartung. vnd hoffnung halben.
Der waren vnd ewigen seligkeit. verhar-
rest du anderst in der selben andacht vñ
liebe. bis in das end. Welches verharre
auch. Durch die selben andacht verdient
wirt. Wann als sant Bernhart spricht.
C Als oben gemelt ist d Das leiden cri-
sti ist die letzt zusücht. so auch ander zu-
uersüht erlgt. Vñ Rabanus spricht
Das es die vestikeit sey. der ihenen die
recht tun. vnd die seligkeit. der. die red-
lich verharren. Das verleih vns der. der
vmb vnser heils willem. an dem creutz
verharret bis in dē tod. Ja bis er durch
ander leüt. herab genomē ward. vñ vmb
keins schmerzē willen. vmb keins ge-
spöttes willē. vmb keins verheißens wil-
len. der falschen iudē herab komē wolt.
bis er vnser heil volbracht het. Welches
heyl er vns in im geb ewiglich zehaben.
vnd zenießen. zu seiner ere der mit dem
vater vnd dem heiligen geist lebt vnd re-
girt benedeiter got vō ewigkeit zu ewig-
keit. Amen.

Wo der weis vnd vbung zebedenckē das leidē cri

Das drit capitel des ersten teils in dem die weyse der vbung der materien die yn dem adern teil hernachfolget gemeldet wirt.

Vñ driten vnd letzten ist zu wissen. das in diser materien des leidens christi. hundert gegenwurff sein. der ein yeglicher zum minste zwen widerwertig artickel begreift. vntter den der erst die wirdigkeit od tugēt. vnser herrē antrifft. Der and trift an. das. das er dargegen gelitten hat. vnderweilen hat der erst oder vorig artickel in im selbs einen gegenwurff begriffen. Also das zu zeitten etwas gesetzt wirt. dz die wirdigkeit des herrē antrifft. vñd dargegen das die tugent. vnd dar wider denn für den andern artickel. das das leiden antrifft. als in dem sechzehden gegenwurff. In dem ersten artickel ist begriffen die unbegreiflich vñ vnerreichlich vnd höhe des herrē. das trift sein wirdigkeit an. dar gegen die vntterwörflichkeit. gehorsamkeit. demütigūg. vñ vnttertenigkeit des herren. als er auß gehorsamkeit des vätterlichen willens. yn der menschwerdung. dye form eins knechts an sich genomē hat. vñ ist durch alles sein leben. gehorsam gewesen. dem menschlichen gewalt. geistlichē vñ wercklichen. Jüdischem. vñ heidenischē. nach dem willē des vaters sich zewnderwerffen. zetun vnd zeleiden. menschlichen gesetzen. als es hernach bewisen wirt. vnd das trift an die tugent des herren. vnd das macht gleich in ym selbs als einen gegenwurff. Wann die höhe der maiestat vnd wirdigkeit. vnd die tieffe der demütigkeit. vñ vnttertenigkeit. sein gleich

als widereinander. vñd ist ein endloser schöner gegenwurf. wann die höhe der maiestat cristi. grösset die tieffe der demütigkeit. Dan als der natürlich meiste spricht. ij. de celo et mundo. So man di ding. die widereinander sein. gegen einander helt oder setzt. so scheint ein yegliches dest mer. als weys gegenn dem schwarzen scheint weysser. denn gegen seins gleichē. vñ das schwarz schwertzer zc. Also mag die demütigkeit christi. nicht paß erkannt werden. wie gros vñ wie tieff sie sey. denn wenn man sie helt gegen seiner höhe. vñd musset sie nach der selben. vnd so man denn findt dz die selb höhe endlose ist. vñ aller creatur vn begreiflich. Cwan ein yegliche creatur. so sie mer vnd mer in der erkentnis der selben erhebt. vnd erleucht ist. vnd kürzlich so sie sy mer erlangt vnd begreift. so sye mer syht. das sye unbegreiflich vñd endlos ist. Also siht man das die tieffe seiner demütigkeit. auch nit ergründt noch gemessen oder genug geachtet mag werden. Auff dasselb wirt denn der widerwertig artickel. von dem leiden gesetzt. vñd die schmachheit. die verweyhung. die auffhebung. der aller gröstenn vñd ergstenn hohfart. vñd das gespött. verleümung. beschemung. anclagung. lesterung. vnd verurteilung. vñd richtung. vñd des gleichen. das alles auch entlos scheint. vmb des gegenwurfs willen. Dann ist es nit endlos in ym selbs. oder der halben. die das getan habenn. So ist es doch endlos. des halben. der es gelitten hat. Vñd das dennoch nit einfeltlich. Sonder manigfeltiglich. Dann wer wayss nit das got der herr endloser ere wirdig ist.

Nach dē als ihesus sprach sun sprich
an dem Dreyndvierzigstē capitel sein
er weyßheit. Jr. die got den herren lobē
vnd eren wollet. erhebt inē als vil ir ym
mer mügt. wann er vbertrifft noch. vnd
wundperlicher ist sein großmichtigkeit.
wann er ist ober alles lob 2c. Darumb C
sprich ich. het sich gott der herr nie ge
demütiget. vmb des mensche willen. vñ
hett d̄ mēsch nie gefündet. Als die gute
engel. so wer doch d̄ mēsche gott dē her
ren verpflichtet gewesen. nach seinem ver
mügen inē zuloben. vñ zueren. vñ möcht
in dannoch nit als vil geeret vnd gelobt
haben. als würdig er ist.

Merck hie die grossen schuld yn die
der mensch felt von der sünd wegen.

Nun der mēsch. durch die sünd
die ere gottes vbergibt. vñ schme
het got dē herrē. d̄ endloser ere birdig ist
In dē das er sein gepot verachtet. Dar
vmb er ee hymel vñ erd. in inen selbs ze
rechnen. als ver es an ym wer. solt lassē
zergen. ee das er got vneren wolt. durch
verschmehung seins willens. So er nun
durch die sünd got den herrē seiner crē.
die endlos ist. vnd sich selbs der ewigen
seligkeit. die auch nach der werung end
los ist berawbet. Vnd sich zu der ewigē
pein. die auch kein end hat verpindet. so
felt er in ein endlose schuld. die alle crea
tur nicht bezalen möchtē. Vnd als oft
im solliche schuld wirt vergebē. so oft
felt er in ein schuld solcher grossen däck
perkeit. als groß den die schuld ist. die
im got lasset faren. Wenn er denn wid
rōtlich sündet. so felt er in zwifeltig end
lose schuld. vñ kurtzlich als oft d̄ mēsch
nach verzeyhung der tod sünd. tötlich
sündet. also oft wirt auch die vngemes
senheit der größe der schuld C weñ mā

es nach der gerechtigkeit auß messen
will C gemangueltigt. Vnd souil der
mensch mer vnd mer. der schuld der ewi
genn verdampnis verfelt. so vil wirt er
schñöder. Dann Jeremias spricht in dē
ādern capitel. wie vast schñöd bistu wor
den. in dem das du dem weg. vñnd dein
sünd wider für dich nymbst. Nun souil
er schñöder wirt. souil wirt er der genad
gottes vnwürdiger. vnd souil er d̄ genad
gottes vnwürdiger wirt. souil wirt er
schuldiger. got seiner genaden zedäcken
ob er im die verleiht. als er den albeg be
reit ist. sein genad zueerleihē dē mensche
en. der das sein tūt. sie antzerüffen vnd
zeempfahen. Darinn den die gutheit got
tes auch on end ye grösser vnd grösser.
erzeigt vñ bewert wirt. souil sie sich. eym
vnwürdigen mit versagt. Nun souil der
mensch schuldiger ist. gott zedäcke. vmb
sein genade. die er im so oft verschütt.
verschult. verachtet. vñnd verwürct. vn
würdigen vnd vnuerdienten. so genedig
lich mit geteilt hat. souil ist sein vndank
barkeit grösser. weñ er die selben genad
aber verachtet. vnd vneret gott den her
ren. allweg souil mer vnd mer. souil er in
vnerenden. mer vnd mer eret.

Das das leiden cristi on end groß zu
achten ist.

Nun merck wo hin das raiche. So
wir nun vmb vnser kleinenn ver
nunft willen. in der aufmessung der end
losen ding. pald erligē. So geen wir für
bas vnd bedencken das. wer es das der
mensch auß allem seinem vermügen. got
lieb haben vnd eren solt. allein vmb des
willen. das er yne beschaffen het. Wer
kan denn bedencken. wie lieb er yne hal
ten solt. vñnd ym was grossen eren so er
sich so gnediglich. vmb des menschenn

Wo der weys vnd vbüßg zebedenckē das leidē cristi.

willen gedemütiget. vnderworffen. die götlich ere vbergeben. vnd den knechtē. den schuldigen. vñ den feinden. vntertönig gemacht hat. Merck. ob er nicht end loß ere. von dem menschē verdient hab. vmb seiner endlosen demütigkeit. willē. Volgt hernach. dz die schmachheit. dz vn recht. die lüge. das verweyßen. vñ falsch auffheben. d̄ hohfart. die vnere. das gespött. das anlagen. vñnd des gleichen. das dem herren beschē ist. für sein demütigkeit. ist alles endlose gewesen. wann man möcht ine nicht genug geert habē. vmb der größe willenn seiner maiestat. Man möcht ine nit genug geeret habē. vmb des willen. das er den menschen so hoh. vñ so edel. vnd zuuoran angesehen. war zu er ine beschaffen hett. Mā könd ine nit genug geert haben. vmb des guten willen. das er dem menschen verheissen. vñnd bereit het. Man möcht ine nit genug geeret haben. vmb des vbeln willen. von dem er den menschen behüten wolt. Man möcht ine nit genug geeret haben. vmb der sünd willen. die er im verzeihen wolt. Man möcht ine nit genug geeret haben. vmb der ewigen pein willē. die er im wolt lassen farē. Mā möcht ine nit genug geeret habē. vmb des willen. das der mēsch so oft vñ dick trewprüchig vñ der genad der verzeihung d̄ sünd. vnd der ablassung der ewigen. vñ der zeitlichen pein vñdanckper funden würd. vñ dannoch vertzig es im got. od̄ wolt es im verzeihen. Vñ vber alles das gut. dz gott der creatur ye bewyßen hat. ist das gewesen. das er menschliche natur. in einigkeit d̄ götlichen person an sich genommen hat. Als sant Augustin in dem dreyzehenden puch seczt. von d̄ heiligen trinitat cap. decimonono. vmb

welcher guttat willen der mensch souil mynder gott genug dancken. vnd ine eremag. souil als es mer ander guttat vbertrifft. Wann durch dise guttate. ist die mēschliche natur. vber all ander creatur gewirdiget. geeret. erhebt. vnd erhöhet worden. Vñ merck warumb ich obē gesprochen hab. das die vnere vñ lesterung cristi. endlose gewesen ist. vnd nicht einfeltiglich. sunder manigeltiglich. wann die vnere vnd schmachheit. die wid̄ recht geschicht. wirt ye souil grösser. vñ erger geachtet. souil die person. wider die sie beschicht. würdiger vñ höher geachtet ist. als vñleicht hernach bewisen wirt. Vñ also hastu auß dem ersten anlick. das das. dz wider got. der endloser würdigkeit ist. beschicht auch on end groß geachtet werden muß. Desselbenn gleichen. was man tüt. wider die. von den man vil gutz empfangen hat. das wirt aber souil grösser geachtet. souil mā mer gutz von ine eingenomen hat. Darumb wirt nach d̄ heiligen geschriffte. die vnere. die ymant vatter vñ muter beweiset. so groß geachtet. dz die pein des todes darauff gesetzt ist. Wen ymant vatter vñ muter flüchet. Als geschriben steet in dem andern puch Moysi. in dem ainüdzweintzigisten. vnd in dem ewangelio Mathei. am funfzehendē. vñ Marci. am sibendē capitel. Wann als der natürlich meister spricht. den göttern. vñ vatter vñ muter. mag nit gleichs wider gegolten werden. So nun von gott. die genad empfangen wirdt. durch die der mēsch mit allein des ewigen reichs. sunder auch gottes würdig vnd empfenglich wirdt. in des nyessung vnd haltung den die ewig seligkeit steet. die kein lautter creatur. auß ire aigen wercken verdienen möcht. So volgt

1 4
Darauf. Das der mensch gott endlose ere
vnd danckperkeit. schuldig ist. vñ dar ge
gen. wenn got gelestert. vnd geschmecht
wirdt. so ist es on end groß zeachtē. vmb
der endlosen gütter willē. Die er vns ver
leiht. oder verleihen will. Also vndt mā
wie groß. alles das cristus gelitten hat.
zeachten ist. wenn man es von innen ze
grund. ersuchen. vnd ansehen will. Vnd
darumb wer da will. das es im zn hertz
en gee. der nem es für sich. nach solcher
weyse zebetrachten. Vnd dartzu dient
diz püchlein. wann es heist das auff die
weyse für.

Das durch vil sprüch d lerer beweret
wirt. das das leidē cristi zebedencken ist
nach der weyse die in disem püch fürge
geben vnd gesetzt wirt.

DAls aber das leiden cristi. also. vñ
nach sollicher weyse. zebedencken
vñ fürzefassē sey. dz magstu wol merck
en auß vil sprüchen der lerer. der ettlich
vñ ein wenig. hernachvolgē. in dē nicht
allein die gegēwürff. nach dē als sie. in
ine selbs angesehē werdē. sund auch ge
gen vns. vnd nach andern vmbstendē in
solcher weyse. als widereinander od ge
geneinander gerechnet. geschriben. vnd
fürgehalten werden. Vber das ewāgel
ium. Nissus est. In der adern omeley.
Do sant Bernhart. von der menschwer
dung cristi. vñnd seinem leiden schreibr.
spricht er also. Do wirt erkennt. das die
lenge kurtz ist. die praitē schmal. die hōs
he genydert. die tieffe erhebt. Da wirt
erkennt. das liecht nicht leuchtend. das
wort vnredend. das wasser dürstend. dz
prot hungerig. Da sihestu wilt da war ne
mē. dz die macht geregirt wirt. die weyß
heit wirt vndterwisen. die krafft auffet
halten. Du sihest da got saugen. vñ die en

gelassen. in der wiegē wäimen. vñ doch
trösten die arbeit seligē. Du sihest. wilt du
warnemen. das die frewd betrübt wirt.
die kunheit forchtsam. dz heil leidet. dz
lebē stirbt. die sterck wirt schwach. Aber
das nicht mynder zeuerwunden ist. do
wirt geschehen wie die traurikeit fōdlich
macht. die forcht sterkt. das leidē macht
selig. der tod macht lebendig. die plōdig
keit macht frisch vnd fest. Auff einē söl
lichen syn. redt sant Bernhart. auch in
einer predig von sant Andres.

Ant Augustin in dem puch vō dē
vier tugedē spricht also. Gottes
sun wirt zu dem creutz geführt. Et wirt
mit dornen gekrōnt. der da komen was.
die dōm der sünd zezerprechen. Er wirt
gepunden. der die gefangen in dē stōck
en ledig macht. Er wirt auffgehēckt. d
die auffrichtet. die nyder geworffē sind
der prūñ des lebens wirt mit essich ge
trenckt. die zucht wirt geschlagen. das
heil verwunt. das leben stirbt. der tod tō
tet das lebē ein zeit. das der tod zu ewi
gen zeyten. vō dem leben. getōdt werd.
Vnd aber eins spricht sant Augustin. in
einer predig. die man ym zu schreibr.
Nym war. die miltigkeit wirt für den
vnmiltigen gezeiselt. die weißheit wirt ver
spotet. für den toren. für den lügenhaff
tigen wirt die warheit verlaugnet. oder
Cals ein teil bñcher haben d getōt. die
gerechtigkeit wirt verurteilt für dē bōß
wicht. die barmhertzigkeit gepeiniget
für den vngetrewen. für den vnlautern.
wirt die lauterkeit mit essich. vnd die süß
igkeit. mit gallē getrēckt. das lebē stirbt
für den todten. Der selb sant Augustin
spricht aber. in dem bñch. de cathesizan
dis rudibus. Der herr Jesus cristus.
des alle ding. vñnd durch den alle ding

Vō der weis vnd vbung zebedenckē das leidē cristi.

Beschaffen sein. der ist arm worden. das sich nyemāt. der in ine gelaubt. gedōrste von den irdischen reichthūmern erheben. Er hat hunger gelidten. der alle werlt speiset. Er hat durst gelidten. durch den alles tranck beschaffen ist. vnd der geist lich. das prot der hungerigē. vñ d prum der durstigen ist. Er ward müd vō dem irdischen weg. der sich selbs vns zu einē weg in den himel gemacht hat. Er ist gleich zu einem stūmen vnd taub worden vor den die ine gelestert. vnd angelogen haben. durch den die stūmen redend. vñ die taubē gehōrēd sein worden. Er ist gepunden worden. der vns von den pandē der krankheiten löset. Er ist gegaiselt worden. der die gaiseln aller schmerzē. vō den leiben der mensche vertribē hat. Er ist gecreutziget wordē. der dz creutz vnser qual geendet hat. Er ist gestorbē. der die gestorbē. wiō lebendig gemacht hat. Dī spricht samnt Augustin in dem pūch von der vntterweysung. der newen in gelauben. Aber von den gegenge worffen fruchten des leidens cristi. gegen vns zerechnen. spricht sant Johanes mit dem gūlden müd in einer Omeley vō dem heiligen creutz also. Cristus ist gestorben. das er die vntdēlichkeit verlihe. Er hat hunger gelitten. das er dich mit seinē fleisch fettiget. er hat durst gelitten. das er dich mit seinem aygē plutt trenckte. er ist auff einē esel gefessen. dz er dich ober cherubin. der hōhsten engel setzte C das verstee der natur halb. die in cristo vber alle himel erhōhet ist. oder ettlicher person halb. die dein natur haben. als cristus vñnd die iunckfraw maria zc. Fürbas spricht Crisostomus. er ist getaufft wordē. das er dich wūsche. Er ist an die wangen geschlagen wordē.

das er dich vō dem schndden dienst frey machte. er ist ein fūhgēger. ein ellender. vnd ein bilgram worden. das er dich zu rue precht. Er ist ein mensch bewert worden. das er dich gott nennet. Er ist eins menschen sun genennet wordenn. das er dich zu einem zugewūnschten kind gottes machte. das spricht der lerer Crisostomus.

Ant Cyprian der grofheilig bischoff vñ martirer spricht vber dē glauben. Darumb hat cristus gelittē. dz er vns reformirte vnd widerprecht. zu d vnleidenlkeit. vñnd zu einem sollichem stand. das vns kein leiden laidigen oder fahē möcht. Darumb ist er gecreutziget worden. das er vns von den ewigē pein en erlöste. Darumb ist er begrabē wordē. das er vns von den vntugenden vnd bösen begirdē begrabe. Der selb Cyprianus helt vns auch das leiden cristi für. als ein ebenbild. dem wir nachuolge sūlen. zum minsten in einer geistliche weyse. vñnd spricht in einer predig also. Cristus hat dich gantz vmb sich gantzē gekaufft. Darumb so nym war. was er von dir vordere. Nym war. was er vordere von demē geist. was er heische vō deinē leib. die peid sein knecht sind. Hab ine lieb auß gantzem deinem hertze. so hastu betzalt das. das er vordert von deinem geist. Ergib dich gantz seinen gelidern. so hastu betzalt. das er vordert vō dein en gelidern. Sein augē sind tuncel worden vnd erloschen. in dem tod. das dein vmbfchweiffende augē. abgewēdt würdē. dz sie nit vppige ding sehē. Schmahheiten vnd lesterungen sind geöffnet gewesen sein oren. das zu dem schreyē der armen geöffnet würdē. deine taube ore. Mit gallen vnd mit essich ist getrenck

worden sein mund. Das die warheit vnd
das recht geredt würde. von deinem lä/
genhaftigē mund. an dem creutze sind
aufgestreckt. vnd gedenet worden sein
hend. Das dem dürfftigen aufgestreckt
wurden. Dein zesamen gezogē hend. mit
nageln sind angeschlagen worden. sein
füsse. Das in die rechten wege gerich/
tet wurden dein gekrumpten füsse. Die
angsten des todes hat geliten sein leib.
Das seins leibs gelid. würde dein fauler
leib. Vber and villerer ist sant Bern
hart fürnem. in diser weise das leidē cri
st fürzhalten. vnd zeleren. zebedenckē
Als man in seinen predigenn findt. Das
ich sprich vmb der predig willē. Die man
im zu schreibt. i dē er spricht. Betracht
die form des hangenden leibs. Des ges
creutzigten. vnd sihe ob etwas in im sey.
Das nit gantz für dich pite. vor dem vas
ter. Das göttlich haubt ist mit den sick
en dörnen. bis zu der zarthait des hirns
durchstochen wordē. so man im die kron
in dz haubt gedrückē hat. wan er spricht
durch dē prophetē. Dis volck hat mich
mit den dörnen seiner sünd umgeben.
Warumb das. dz dir dein haubt nit wee
tet. Das dein mainūg nit verwunt würd.
Seine augen sein tunkel worden. in dē
tod. vñ die liechter. die die werlt erteuch
ten. sein zu einer zeit erloschen. Sind nit.
So sie finster sein worden. vinsternus ko
men vber den gantzen erpoden. vnd die
zwey grosse liecht. Sunn vnd mon sein
mit in hin genomen worden. Das ist als
les darumb beschehen. Das dein augen
abgekeret wurden. Das sie nit vppigkeit
sehen. vnd ob sie die sehen. Das sie doch
mit anhiengē. Die ore. die in den himeln
hözenn. heiliger. heiliger. heiliger. herre.
gott. sabaoth. die haben auff der erden

gehört. er hat den teufel. vnd creutzig
me. creutzig me. Warumb das. dz dein
oren nit verbertet würdenn zu dem ges
schrey der armen. Das sie nit auf nemen
eitle vnd vppige ding. Das sie sich nit
gern öffnetten. vñ neigte zu dem gift d
nachred. Dz schön āgesiht. des schöne
der gestalt. für aller menschē kinder ist.
ist mit vnreinen spaiacheln beslecket. mit
herten straihen geschlagē. vñ mit spott
zaichen gelestert worden. Das dein ange
sicht erleuchtet. vnd in dem liecht bestet
tigt würde. Der mund der die engel. vñ
die menschē vnderweyset. dā gesproch
en hat. vnd es ist beschehen. Der ist mitt
essich vnd mit gallen getrenckt worden.
Auff das. Das dein mund. das recht vñ
die warheit redete. vnd lobete got seine
herren. Die hend. die den himel geforz
mirt haben. Die sind an dem creutz auß
gedenet. vnd mit herten nageln durch
schlagen worden. Das dein hend aufge
streckt würden zu dem dürfftigen. vñ dz
du möchtest sprechen. mein sel ist alweg
in meinen henden. Dann was wir in dē
henden habenn. Des vergessen wir nicht
leichtiglich. Die prust. in der alle schetz
der weisheit. vñ der kust verporge sind.
ist mit dem sper des ritters durchstochē
wordē. dz kei prust vō bösen verkertē ge
danckē. gereiniget vñ gereinigt. geheili
get vñ geheiligt behaltē würd. Die füß.
der schemel man an betten sol. C wan er
ist heilig als der prophet spricht d sind
herttiglich durchnagelt vnd angeheft
worden. Das dein füß mit eyleten zu dem
obel. sonder das sie lieffen. den weg der
gepotte des herren. Was solich mer sa
gen. Sie haben durchschlagen vnd ges
graben sein hend vnd sein füß. sie haben
alle seine gepaine gezelet. Er hat sein sel

Vñ der weis vnd vbung zebedenckē das leidē cristi.

vnd sein fleisch für dich gegeben. das er im deinen leib vnd deinen geist zuaignete. mit im selbs gantz. hat er dich gantz erantet. Der herz spricht durch dē heiligen propheten ysayam. In dem fünften capitel. Was solt ich mer gethan haben. das ich nit herthan hab. Er hat den gestöckten ledig gemacht. er hat den plin dē erleucht. er hat den irrenden auff den rechten weg geführt. er hat den schuldigen versonet. er hat dich in seine armē heim getragen. er hat dem vater für dich. mit seinem eigē plut gnug gethan. Aber eins spricht sant Bernhart. in einer predig. O des allerletzten vnd des allerēbersten. O des demütigen vnd des hohen. o des lasters der menschen. vnd der eren d engel. o mein sel bedenck. bedeck der iunckfrawen sun. mit den spaiacheln bespect. gemailigt von den strachen. gehefft mit den nageln. Siß an wie der regirer des himels an dem creutz steet. verplichen in dem tod. entsetlet in dem leib. mit laß vnbetracht den herren d engel. den geschlagenen vnd gedemütigten man. Wan wie lieb er vns gehabt hab. das müge wir offentlich vernemen. bey den wunden des zerrissen leibs. die vns warzeichen sind seiner waren liebe. wan kein gelid in im blicben ist. dz nit schwerlich verwunt vnd versert sey. Wann das harobt. das den englischenn geisten. mit pidmen zeeren vñ anzepettē ist. das wirt mit den dicken dornē zerstoche. Die oze die das englisch gesang hören. die hören das gespött. vnd das geschrey der iudē. Die liepliche augen. den kein creatur vnlichter ist. die augē. die lichter vñ scheinberer sind. denn die sunn. die verleschen in dem tod. Das antlitz des schöne für der menschen kinder. das angesehen. in dz

die engel gelustet zesehe. das antlitz. dz da leuchtet als die sunn in irer kafftē. das wirt von dem versputzen der sünd verunrainiget. vñ i die blaiche des grausamē tods verwandelt. Der mund. d die engel vnd die menschē kunst leret. d ver sucht. dē bitteren gallē tranck. mit ess ich. Die getrecheltē guldine hed vol iacinct. Die hend die die himel in der weisheit gestift haben. die werden zerdenet. an dē galgē des creutzes. Die aller lauterst prust. in der. der schatz der gantzen genad behaltē wirt. die wirt gantz entplöset. vnd die allerheiligest seit. wirt mit dem grymmigen spiefs durch stochen. Die füß. vntter den. das wasser des meres sich zetreten ergeben hat. die füß. der fusschemel anzebettē was. die füß die in der sünden weg nie gestanden waren. sunder allweg gewandert hettem in dem gesetz des herren. die werde mit scharpfen nagelspitzen durch grabenn. Durch dise guttate seins leidēs. hat vnser herr iesus cristus pillich vnser hertz gantz vnd gar. im zugeaignet. das vnns nichtz anders liebē vñ ergetzen sol. den er. d vns vnwürdige. solliche grosse süßkeit. der wunnsamkeit bewysenn hat. O guter herr ihesu. mich weet an. der geruch des lebens. wann die gedechtnus deins tods. ist gleich als ein appotegfers werck. gleich als ein woltriechender weyrach. in den summer tagen. gleich als ein edler wurtzgart. dē die sunne auftreibt. gleich als die plumē der rosen. in den tagen des lentzen. als die lilien neben den flüssen. O wie ein vmerdiente erbermd. o wie ein genedige vnd bewerte lieb. o wundergrosse süßkeit. o vnüberwundene senftmütigkeit. das der konig d ere. für einē schnöde wurm. sol gecreantzi

get werden. Biessent zehet auß. meine
augen. verfleuß du mein sel. vor de feur
des mitleidens. vber die queling dis liep
lichen mans. den ich in so grosser senfft
mütigkeit. mit so grosse schmerzē vmb
geben sihe. Sein schneweyße brust. ist
enplöset vnd todtfarbe. sein seytt geöff
net. rot vnd plütfarbe. sein angedente
gelider doxen. sein schone clare augenn
schwachen. vnd erleschen. sein kōiglich
er mund vnd wangen. erplaichen. sein ge
radē arm erstarren. sein marmelein pāin
hangen. seins heilige plutes fluss durch
geisset. die durchgeporete füß. Sih yn
an. so sihstu seine rugken zerschlagē. mit
gaiseln. die seyten verwunt mit d lantz
en. das haubt durchstochen mit den dō
nen Wende ine hin. wende ine her. ke
re yne von einer seitten zu der andern.
beschaw ine vō dem haubt. bis auff die
füß. so findestu nichtz. denn schmerzē.
du findest vmb vnd vmb plutt gerunnē.
In dem allen sih dar. so hat er dz haupt
genagt. zum kuss. die arm aufgespannt
zu dem vmbfahen. die seyten geöffnet
zu der liebe. den gantzen leib gecreutz
get. zu vnser erlösung. O du allerliep
lichster sun gottes. wo hin hat dein des
mütigkeit abgestigē. wo hin hat dein lie
be gepriemen. wo hin ist dein gütigkeit
gewachsen. wo hin hat dei lieb geraicht.
Ich hab gefunden. vnd du büssest. Ich
hab bößlich vnrecht getan. vñ du wirst
gemartert. Ich hab mich in hoffart er
hebt. vnd du wirst gedemütigt. Ich bin
vngheorsam gewesen. vñ du gehorsam
er trest die schuld der vngheorsamkeit
Ich hab der fresserey pflegē. du ledest
hunger vnd durst. Mich hat die böß be
gierigkeit zu vntzymblichen dingen gezo
gen. dich hat die volkomē liebe zum tod

pracht. Ich hab lust gesucht in d speyse.
du arbaist in schmerzen. an dem galgen
des creutzs. Ich gebrauch mich d wol
lust. du wirst zerzerret. durch die negel.
Ich hab die süßigkeit des apfels gees
sen. du versüchest die bitterkeit d gallē.
Mich lacht an. vñ freüt sich mit mir die
eua. mit dir wainet vñ hat eyn hertzlich
mitleiden maria. O du allerinprinstig
ster liebhaber iesu. was mag ich dir dāc
sagē. was mag ich dir wirdigs widergel
ten. ich armer mēsch der ich puluer asch
en vnd ein schndes fah bin. Wann wer
es. das ich dir himel vnd erd. vnd alle ire
gezierd möchte zu einer widergeltig ge
ben. so wer es doch nichtz. gege dem. dz
ich solt ton. Also ist nun durch die hei
ligen lerer bewert. das das leiden cristi.
auff solliche meinung vnd nach sollich
er weise fürgenomē bedacht. vñ betrach
tet sol werdē. als es in disē büchlein für
gehaltē wirt. Darumb dz vrsach vñ ma
teri. raytzung. anlaitung. vñ weise. deu
gegeben würd. die sich selbs mit beküm
ern mügen. geschaffts oder andrer sach
halben. zefuchen weyse vnd form. sich ze
üben in der betrachtung des leidens cri
sti. ist dis büchlein als ein hantbüchlein
kürtzlich entworffen. Welches auch dar
vmb in der vndercheidung. der gegen
würff von funffen zu funffen. geordnet
ist. das man disē gegenwürff möcht in
die finger zu einer gedechtnus setzenn.
Welcher finger an einer yede hant fünf
sein. dz du also den schatz. des kostparu
leidens cristi. durch das du erlöst bist.
gleich als in der hand trügst. Als sant
Bernhart spricht. vñ obengemelt ist.
was mā in d hat tregt. des vergiffet mā
mit leichtgēlich. vñ wen du dein hend in
deinem andechtige gepett aufhebst. dz

Vñ der weis vñ vbung zebedenckē das leidē cristi.

Du gleich gott dem vatter das gantz leiden seins lieben eingepomen suns opferste. Das du möchtest sprechen mit dem heyligen propheten. in dem hundersten vñ viertzigsten psalmen. O herr mein gepet werd geschlicht vñ auffgericht. als der angezündt weyrach. vor deinem angesicht. die aufhebūg meiner hend sey dir ein abent opffer.

Das das leiden cristi das war abent opfer ist gewesen.

Ann das war abent opffer ist. dz leiden cristi gewesen. das er an dē creutz geopfert hat. in dem alle opfer d alten ee. volbracht vñ volendet sein worden. Als man singet in der heilige kirchen. Bis gegrübet du lebendige hostia. die warheit vñ das leben. durch die alle heylige opfer geendet sind. In dē dz opfer der heiligen cristenlichen kirchen. angefangen ist worden. vñ ist doch dz abent opfer. das ist das letzt opfer. wan es kompt kein annnders opfer hernach. Dann die heilig cristenlich kirch. opfert kein and opfer. den dz. dz der herr an dē creutz geopfert hat. Dan d herr hat sich selbsts geopfert. so opfert yne die heylig kirch teglich. vñ ir opfer ist alweg ein bedeutung. desselbē einige opfers. das vnser herr an dem creutz getā hat. Als die geistliche recht sprechē. De cōsecratioe. Dis. ij. c. Iteratur quotidie et. c. vtrū sub figura. et c. Quid sit sanguis. Vñ mit dem selben seinem eigē opfer. hat d herr volbracht vñ geheiligt alle die. die ymmer zu ewigen zeitten geheiligt sullenn werdē. Als sant Paulus spricht. Ad hebreos. x. Vñ merck was dz sey. die aufhebūg meiner hend. sey dir ein abent opfer. das ist souil gemaynt. die auffhebūg meiner hend. sey dir ein zeichen vñ ein

bedeutung des opfers. dz vnser herr ihesus cristus an dem creutz getan hat. da er sich selbsts dir. o himlicher vatter für aller werlt sünd ei vnuerwerfflichs opfer. geopfert hat. Doch erkennest du. dz du ein sündler bist. vñ dz dein hend nicht rein sein. von sündlichen wercken. so empfihle diß opfer den reinen henden. der heiligen cristenlichen kirchen. vñ den henden der vnschuldigen. der gerechte. der geweichten. die diener der heiligen cristeheit. oder angenehme gelider der selben sein. das es gott der herre von den selbst auf neme. Vñ dz magstu in deiner meinung thun. wenn du sihst mess lesen vñ den priester die hend auf heben. so beger dz dasselb auf hebe. für dich auch aufgenommen werd. als ein bedeutung des opfers cristi an dem creutz. Vñ ob der priester zu zeiten seiner person halb. got mit angenehme wer. so mag doch dir das. das er tut verdienstlich vñ heilsam sein. vmb seins amptes willen. darumb das er ein diener der heiligen kirchen ist. in der person. er das tut. vñ darumb in krafft des verdiensts. der gantzen heiligen cristenheit. Ja auch aller heiligen. die alle eins sind in dem leib cristi. der für vnns in der meß geopfert wirdt. zu verzeihūg der sünd. der. die auf erdē sind. zu leichterung vñ ablassung. der pein. der ienen. die in dē fegfeur sind. zu ere d selige. die in himel sind. In krafft c sprich ich d des verdiensts aller gute menschē. wirt das. das die priesterschaft tut. in d person der cristenheit. aufgenommen. für die guten andechtigen menschen. Wan d priester steet ob dem altar. in der person der heiligen cristenheit. vñ auch in der person cristi. für die cristenheit. vñ bedeutet in den singen. die er in dē götliche

7
 ampt. vnd besonder in dem ampt d heil
 ligen messen. das gantz lebē vnd leidē
 cristi. darumb in seinem gepett. wirt das
 gepett cristi. in seinē opfer. das opfer cri
 sti. in der aufhebung seiner hend. die auf
 hebung der hend cristi. vnd des gleichē
 in andern geperten vñ taten. die geord
 net sind. bedeutet. Vñ für das auff
 die fürderlichsten mainung zekömē. ob
 dein hend vmb gewisshen willen der sün
 de. oder von demütigkeit wegen. mit tūg
 lich geschetzt würdē. zeopfern vñ zeant
 worten gott dem vatter. das leidē cristi.
 so sind sie doch fürderlich zebewahren.
 in der gedechtnus. die nachvolgende ge
 genwürff des leidē cristi. Wan es sind
 nit gelider des menschen. die so fein vñ
 derseid offenbarlich habē. als die fin
 ger an den henden. darumb sind sie ge
 preuchlicher. zu den künsten vñ zu d ge
 dechnus. denn andere gelider. darumb
 haben vor zeitē die alten. die kunst der
 zal in die finger gesetzt als Jeronimus.
 die kunst der rechnung Als hermannus
 der schwab. ob als mā noch heit beytag
 tut. mit dem kalender vñ andern tafeln.
 die kunst des singens. als Guido d abbt
 ertracht hat. des gleichē mag man die
 kunst oder vbung. durch die der mensch
 die ewigen seligkeit erlangen mag. auch
 an die vinger he necken. Als der weyß kō
 nig salomon. in dem sibenden capitel der
 sprüche spricht. Pinde sie an dei finger.
 Ichreib sie in die tafeln deins hertzen.
 Sprich zu d weisheit. du bist mei schwe
 ster. vñ heyß die clugheit dein freündin.
 als ob er sprechen wolt. die betrachtung
 des leidens cristi. vñ der obē bewert ist.
 das sie die recht weisheit sey. die sol dir
 allweg gegenwertig. vnd vor deinen au
 gen. als dein eigen hende. vñ also heim

lich. als dein geschwistert in der eintheit
 vnd also begirlich. lieplich. ergetzlich. vñ
 kurtzweilig sein. als einem fleischlichen
 menschen sein lieb ist. Wan in eines sol
 lichenn menschen person. spricht aber
 Salomon in dem achten capitel d weyß
 heit. Dife hab ich lieb gehabt. vñnd mir
 sie außertom vñ iugent auff. vñ hab sie
 gesücht. das ich sie mir zu einer gespöse
 neme. vñ bin ein liebhaber worden irer
 schōne. wann der herr aller ding hat sie
 lieb gehabt. vnd spricht verrer. Wen ich
 in mein hauf gee. so will ich mich ergetz
 en mit ir. wann ir wandel hat kein bitter
 keit. vnd ir beywohne hat keine verdrieß.
 Sunder mer wunn vnd freud. Aber so
 er spricht. das man sie an die finger pin
 den soll. Siß ob nit mit ym gleichhell d
 heilig gottes freund. vñnd hoh prophet
 Moyses. in dem puch des ausgangs. d
 kinder von israhel auß egipten lande. do
 er spricht in dem dreyzehenden capitel.
 Gedenc dñ tags. an dem du auß egip
 ten land gegangen bist. auß dem hauf
 des dienstes zc. Was tags maint er des
 man gedencen solt. des tags. an dē die
 kinder vñ israhel d3 osterleim. gestoch
 en. geopfert. gebrautē. geessen. mit seinē
 plut die pfofen. vnd oberthür bestrichē
 hetten. vnd sie. vnd was sie in den heuß
 ern hetten. vor der plag des todes. ge
 sichert vnd ledig worden. vnd ir feind ge
 plaget zc. welcher tag ist d3 selbig gewes
 sen. der karfreitag.

Warumb vnser herr in den osterlich
 en zeytten hab wollen geopfert werden
 Vñ darumb wolt der herr an dē
 selben tag. auff den die oster ge
 fallen was. geopfert vnd getöt werden.
 das der schatt zum liecht. das zeichenn
 zum zeichnen. der puchstab zum geist.

Vō der weis vnd vbung zebedenckē das leidē cristi. 15

Das fleischlich. geistlich. die figur zu der
wårheit würd. Das ist souil geredt. Das
das bedeutlich osterlemblin. verwandelt
würd. In dz war osterlemblin. Das cristus
ist. als mā in dem ampt der heilige mes-
se in der österlichen prefacion singt. vnd
auch d̄ babst leo spricht yn einer predig.
Das das österlich hochzeit. oder sacramēt
new vñ alt. zeitlich vnd ewig. zerstücklich
vnd vnuerwesentlich. tödlich vñ vñtöt-
lich ist. Alt. nach dem gesetz der iuden ze
rechnen. Aber new. nach dem wort. Das
ist. nach cristo zerechnenn. Der das wort
des vaters ist. Durch das er alle ding. ge-
sprochen vñ sprechend. Das ist. geperēd.
vnd vsprung gebend. beschaffenn hat.
Das österlich fest. oder zeichen ist zeit-
lich. durch das ebenpilde. vnd durch die
figur. oder bedcuttūg. vnd ist auch ewig
durch die genad. vnd durch die genadē
reichen würckūg. des leidēs cristi. Wāñ
die genad der verzeihung der sünd. der
erlösung von den peinen der hell. vnd vñ
dem gewalt des teufels. der erlangung
der waren seligkeit. vñ des gleichē. bleibt
ewiglich. Fürbas spricht er. Es ist zer-
stücklich durch das opfer. des vihs. des
lembleins. das man priet vnd aße. Aber
es ist vnuerwesentlich. vñb des lebens
willen vñsers herren. Dann der herr ist
also gestorbe. nit das der tod den herrē
in seinē gewalt precht. das der herr tod
belibe vñnd faulet. oder würd verwesen
nach dem leib. vñ belib in der hell nach
der sele. sünd er ist also gestorben. das
er dē tod töttet. als in dē pūchlein Osee
am dreyzehendē capitel geschribē steet.
Vñ dem gewalt des todes wird ich sie
ledig machen. Von dem tod wird ich sie
erlösen. O tod ich wird dein tod werden
O hellich wird dein pyße werdē. Vñ

was ist den tod tötten. anders. Wāñ das
leben erquicket. des tods tod. ist des le-
bens leben. Darumb hat das wesentlich
ewig leben. das nit sterben mag. den tod
auffgenommen. das der tod von dem lebē
vberwunden. vnd ertzzeret würd. Dara-
umb spricht fürbas der Babst leo. Das
das österlich sacrament tödlich ist. vñb
der begrebnus willen des herren. vñ
tötlich vñb seiner vñsted willē zc. Kūrtz-
lich die meinung sammt Leons des bab-
stes ist. Das die alt osteren verwandelt ist
worden in die newen. vnd hat die selbē
bedeut. vñnd die new hat die alten vol-
bracht. vnd geendet. Vñd was in der al-
ten ee oder osteren ist beschehen. Das ist
ein figur bedcuttūg vnd antzeigūg ge-
wesen. was in der newē beschehen solt.
So nun von der alten gesprochen ist. dz
man ir gedencen solt. Vñoch vil mer sol
man das vñ diser newen versteen. Wāñ
vñtter yene osteren ist sündlich. dīse ent-
lich gemeint worden. als zu der. vñ vñb
der willen yene gepotten vnd geordnet
ist gewesen. Also lerne vñtter der alten
osteren. die newen versteen. vñtter der iū-
dischen die cristenlichen. vñtter der zeit-
lichen. die ewigen. vñtter den fleischlich
en die geistlichē. vñtter der osteren die vñ
dem lemblein. vnd von dem vñgeseurte
prot was. die osteren die von dem geopf-
erten. vnd erstanden cristo. vnd von seinē
heiligen fronleichnam. als von dem süß-
sem prot. das von dem himel herab ist.
Vñd des gleichen lerne auch in andern
dingen. bey den alten geschribē die neuē
en versteen. so wirt dir der eingang der
verstantnus der heiligen geschriffte. eins
grossen teils geöffnet. Bey moysen solt
du cristum versteen. nach dem als er vñs
von dem gewalt. des pösen feinds ledig

gemacht hat. Als moyses die kinder is-
rael von pharaons gewalt. ledig mach-
et. Verstee bey dem osterlemblei cristi.
nach dem als er für vnns an dem crentz
geopfert. vnd gleich als von einē spys-
se. durch das feur des schmerzens. vñ
der engstliche pein gepraten ist wordē.
Als man singt in dem österlichen ymp-
nus. Verstee bey der besprengung des
plutes. das blutuergießens cristi bey
den pfosten vnd der obertür. die mā mit
dem plut des lembleins od mer mit yso-
pen. oder yspen. di man in das blut tunc-
et. besprengē solt. verstee die kreft deins
er sel. als die gedechtnus. die verstetnus
vñ den willen. In den allen das blut cris-
ti. vnd sein leyden. vñnd die marter des
crentzs scheinen sol.

Von den vmbstendenn des leidens cristi.

Ewann du solt es mit fleiß bedenkē.
vñnd in der betrachtung den sache
vñnd vmbstendē seines leidens. nachsyn-
nen. Also. wer der sey. der für dich gelit-
ten hat. was er sey. wie er sey. wie groß.
für wen er gelitten hab. vñ wem. warū.
was er gelittē hab. wie. in welche gelide-
rē. wie schwer. wie schmerzlich. warū.
vñ des gleichē. wāñ solche betrachtung.
pūngt der verstetnus wunderung. vñnd
de willen andacht. begird. lieb. auch leid
vñnd freud. Ist aber yemant mit andern
dingen so vast bekümmert. oder so einfelt-
tig. das er sich in die gemelten vmbstendē
nit schickē kan. der nem hie ein wenig an-
zeigung. vñnd vrsach. sich zehelffen. in
sollicher betrachtung. Bedenkē wer er
sey. der person halb. was er sey. des we-
sens halb. wiewol gethan. der tugent vñ
schonheit halb. wie groß. der würdigkeit

halb. wie er gelitten hab. der weise halb.
warumb. der sachen halb. vñ des gleich-
en. Bedenkē zum ersten. wer er sey. d
person halb. So ist er ihesus cristus. der
eingepom sun gottes. des höhstenn vas-
ters. vñnd ein einiger sun. der ewigē vñnd
frawē maria. Ihesus ist hebreisch Cri-
stus ist kriechisch. In disen zweie na-
men. ihesus cristus. ist so groß heymlich-
krafft vñnd würdigkeit begriffen. das ein
sund puch dauō zeschreiben wer. Aber
das ich hie nit auß der fürderliche mein-
ung gezogen werde. so sey das genug
auff diß mal hie her. das iesus ein nam
der person ist. Cristus ist gleich als ein
nam der würdigkeit. Ob es ettlich an-
ders fürnemē. sant Bonauetura spricht
das ihesus bedeüt. vñnd nennt gott. der
mēsch ist. Aber cristus nennt den mensch-
en. der gott ist. Ihesus vñnter vil bedeut-
ungen. ist als vil gesprochen. als ein heil-
land. heilmacher. seligmacher. od behal-
ter. Cristus ist als vil. als ein gearsam-
ter oder gesalbter. vñnd dasselb begreiffet
die würdigkeit. Wāñ die salbung bedeut
die koniglichen. oder priesterlichen wür-
digkeit. In welcher weyse aber. vñnd wie
sunderlich. vñnd vbertreffentlich. diße vñnd
ander würdigkeit in cristo sey. dauō wirt
hernach yn disem püchlein auch etwas
gemeldet. Iesus. ist ein solcher gena-
denreicher nam. das der mensch. der sein
heimliche bedeutung. nach seiner rechtē
art. vrsprung. vñnd bedeutungs nach dem
hebreysche. verstünde. der möchte darin-
ne finden. vñnd lesen. alles das. dz im not
wer des glaubens vñnd der syttē halb. zu
seiner selikeit. vñ was in disem püchlein
entworffen wirt. vñnd merck. wie in ein
cristo zwi natur sind. vñnd ein person. Al-
so ist der nam ihesus ein wort. vñnd zwi

Von den vmbstendē des leidens cristi.

silben. Vnd wie die erst natur cristl. götlich. vñ die ander menschlich ist. Also be-
deut die erst silb in dem namē ihesu. die
gotttheit. die ander die menscheit. vñ wie
die göttlich natur in ir. drey person be-
greiffet. Also begreiffet die erst silb. in dē
namen ihesu. drey puchstaben zu einere
bedeütting. mit das mer person. den eine
in cristo seyen. Sunder zubeideütting.
Das cristus der dreyer personenn. in der
heiligē gotttheit eine ist. vñ das der vater
in dem sun. vnd der sun in dē vatter.
vnd der heilig geist in dem vatter. vnd in
dem sun. vmd kurtzlich ein yegliche. in
der andern yeden. vnd doch keine die an-
der ist.

Das der nam ihesu in im dē grossen
namen tetragramaton beschleüßet.

En ist auch zewissen. vō dē gros-
sen namen gottes. den man kriegsch
isch tetragramaton nemmt. Darumb. dz
er vier puchstaben hat. vñ heisset der vn-
nennlich. od vnaussprechlich nam. denn
die iuden nennē ine nit. sunder wo er be-
gegnet zelesen in der schrift. so lesen sie
das wort adonay. darfür. dz d selb groß
nam. in dem namen ihesu begriffen ist.
Vñ mā mag den namē ihesu also schrei-
ben. das der C materlich zereden C mit
anders ist. den der selb groß nam got-
tes. Also. wenn man ine mit einem titel
schreibt. vnd nach gewonheit der hebre-
yschen. hinden ein. h. dartzu setzt. als sie
in des grossen priesters. ihesu namē hin-
den. ein. h. darzu setzen. vñ das in vil an-
dern namen thun. als in den namen. ysas-
ye. Jeremie. die sie nennen vnd schreibē
also. Jeschahiah. Jrmeiach. vnd also ze-
schreiben den namen ihū. das ist. Jhu. h.
so ist der nicht anders. denn der gros-

nam gottes. der hebreisch mit hebreisch
en buchstabenn also geschribenn wirt.

יהוה In disem namen kriegisch.
Tetragramaton genant. ist d nam ihus
gantz beschloßen. vnd darumb mit war-
heit wol zesprechē. das der name ihesus
sey ein aufgelegter tetragramaton. den
dann die iuden hebreisch. schemampho-
ra heissent. vñ auß iren erstockten neid
ischen. vñ vergifften hertze. mit erdich-
ter vnwarheit. fūrgēben vnd sagen. das
d herr ihesus. solchē namē in sein wadē
geneet. vnd alle sein wunderwerck allein.
auß der krafft desselben namēs solt ge-
than haben. Doch wo sie allein sagten.
das ihus in krafft dis worts wunder-
werck geübt het. So missretē sie nit mit
worten. wo sie die wort. mit valscher me-
ung irs mißglaubens nit verkerren. dan
war ist das. das der herr ihesus wunder-
werck hat gethan. in krafft eins namēs.
Aber nit des namēs. den er nach falscher
er vnwarhafter fūrgab der iuden. soll
gefunden. vñ als vor steet. eingeneet ha-
ben. Sunder in krafft des namens. d er
selbs. vnd desselben seins namēs. wesen-
lich e bedeütung er selbs selb ist. Vñ zu
einer lautern erclerung. vnd antzeigung
dies. das der name ihesus. in dem vorge-
melten grossen namen gottes begriffen

י. ה. ו. ה. sey. So ist dz bey dis-
ser hie beygesetzte

יהוה

figur. der vier hebre-
yschen puchstaben. di den selben namen
bedüetten. gut zemercken. Dann so das
wort nach hebreyscher art. hind sich ge-
lesen. vnd gepuchstabt wirt. So heist dz
ios. he. vaf. he. Das sind die vier büchsta-
bē. die wir C auch hinder sich znemen C
Also ihuh. heysen. vñ wē das lettst. h. yn
ein. s. verwädest wirt. so steet es also ihus

17
vnd so den oben durch das .h. ein titell
creutzweis. zu bedeutnus des creutz cri
sti. nemlich also. ihus. gemacht wirdt. so
heist es ihesus vnnnd solch verwandlung
des .h. in das .s. geschicht aufs oben ange
zeigten vsachen. dann zu zeiten wo der
hebreysch. nach seiner art ein h. setzt. do
hin setzt der latinsch ein .s. als Ysaías
Jeschaiah. darumb hab ich gesprochen
das es den grossen vnaussprechliche na
men gottes in ime begriffen habe.

Die auslegung des grossen namen
gottes tetragramaton.

In welchem namen auch drey vn
derscheydlich puchstabē sein. die
die drey person in einem göttlichen wes
sen bedeuten. auch nach irer aignē artt
vnd auslegung. Der erst ist. yoth. vnd ist
als vil gesprochen. als anfang. Vñ dar
umb bedeüt er eygentlich den vatter. &
die erst person in der heiligen drinualtig
keit. vnd der anfang vnd der vsprung.
auch der andern göttlichen person ist.
Der ander puchstab ist. he. vñ ist als vil
gesprochen. als das leben. vnnnd der selb
puchstab ist auch ein zeichē. der aussstos
sung des atems. doch senftlich mit lin
dikeit. weñ er antwort aim linden. h. pey
vns. vnnnd der atem wirt auch in der ge
schrift. offit geist genennet. Dis alles di
ent zu aigenlicher bedeutung des heiligs
gen geists. dem das lebenn zugeaignet.
als in dem grossen glauben gesprochē
wirt. vnd in den heiligen geist. den herrē
vnnnd den lebendigmacher. Vnnnd sant
Paulus spricht zu den romern am ach
ten capitel. Der der ihesum von den tot
ten erquicket hat. wirt auch ewer töliche
leib erquickē. durch seinen geist. der in
euch wonet. Vnd der herr spricht selbs
Johannis am sechsten. der geist ist der.

der das leben gibt. die wört. die ich mit
euch geredt hab. sind der geist vnd das
lebenn. Der dritt puchstab ist. vaf. vnnnd
ist als vil gesprochen. als diser oder der.
das do wort sein. mit dē mā ichtzit wey
sen. oder zaigen mag. Vnd darumb be
deüt es den sun. in der heiligen drinualti
keit. der vntter den dreyen personen als
lein. zaiglich vnnnd sichtper worden ist.
durch die menschliche natur. Aber der
puchstab. he. wirt zweymal gesetzt nach
dem. yoth. vñ nach dem. vaf. zu einer be
deutung das der heilig geist gemein ist.
dem vatter vnd dem sun als der von ime
paidenn ist. Auch steet das. he. vor dem.
vaf. vnd darnach zu einem zeichen. das
der sun nach menschlicher natur von dē
heiligen geist ist. Als wir sprechen in dē
glauben. der empfangen ist vō dem hei
ligē geist. Vnd dz der heilig geist. nach
der gottheit von dem sun ist. als auch vō
dem vater.

Die auslegung des namen ihesu.

Es gleichen wirt auch in dem na
men ihesu nach vnser weyse zene
men. yn den dreyen puchstaben. der er
stenn silben. die die gottheit bedeüt. die
dreyigkeit der person beschlossē. vnd
bedeütet bey dem. J. der vatter. wan es
antwort dem yoth in hebreysch. Bey dē
h. der heilig geist. wan es antwort dem
he. in hebreysch. Bey dē. e. der sun. wann
es ist der annder puchstab. der für sich
selbs lautet. vnd darumb bedeüt er gar
eigentlich die andern person. in der hei
ligen drinualtigkeit die der sun ist. Wan
person ist in dem latein als vil gesproch
en. als durch sich selbs. od von ym selbs
lauttend. Also magstu wol mercken was
grosser verporgner sacrament. vnd be
deutung. auch der hohen gottheit & nam

ihesus in im begriffen hat. Schgliche
hat er auch. die bedeutung. der süßem
mēschheit in im begriffen. In der andern
silben. sus. od su. vnter dē das erst. nach
hebrayscher sprach als vil gesprochen ist.
als wunn oder freud. das ander. als vil
als heil. oder seld. oder seligmacher.

Wie aber der nam ihesus. alles das
in im begriffen hab. das in den letstem
nöten. dem menschen not ist. des glau-
bens halb. der reue halb. der bekentnis
halb der sünd. der hoffnung halb wider
die verzweyflung. der ynnern begird vñ
gepetes halben des gemütes. wißts dō
halben. den anfechtigē des bösen feids.
Was grosser krafft er auch in seiner be-
deutung hab. das bedörffte eins langē
vmb schweiffens durch den man auß dē
fürgenomen weg gezogen würd.

Wer der sey der für vns gelittē hat.

Darumb auff der angefangen ma-
terien zeb eleiben. vnd von dē na-
men. zu dem des der name ist zekomen.
Wiltu in der betrachtung des leidē cr-
isti bedēcken. wer der sey. der für dich ge-
litten hatt. der person halb. So sih an. dē
er ihesus cristus d natürllich eingeporn
gottes sun ist. der vō dem heiligē geist
mensch empfangen. vnd auß maria der
ewigen iunck frawen geporn. nach d art
der göttlichen person des vaters bild.
wort. kunst. exemplar. oder ebenbild. spie-
gel aller creatur. vnd in menschlicher na-
tur. ein mittler. ein genugthuner. verßo-
ner. vnd erlöser menschlichs geschlechts
ist.

Was er sey.

Wiltu ansehen was er sey. so gedēck
das er die ewige. wesenliche. end-
lose. gutheit. gewalt. mayestat. adel vñ se-
ligkeit ist. so magstu dich wol verwönd.

dē ei solliche gutheit gehasset. ei solcher
gewalt verachtet. ein solche mayestat gele-
stert. ein solcher adel geschmeht. ein sol-
liche seligkeit gequelet. vnd gepeiniget
wirt. Wilt uansehe wie groß er ist. so ist
er endlose. der erst. der letst. der vngemes-
sen. der ewig. Alpha vnd o. der anfangē
vnd das end.

Wie gethan er sey.

Wiltu ansehen wiewol gethan er ist.
so ist er der allerunschuldigst. der
seufsmütigst. der allerschönst. der mil-
tist. vnd kürztlich der allertugentlichst.
vñ volkomnest. Darumb verwund dich.
das der allerunschuldigst. souil gezigē
wirt. der allerseufsmütigst. so hert ge-
haltē vnd vbel gehandelt wirt. der all-
schönst vnd reinest. also verspürtzt wirt.
der miltest veruolgt. der allertugenthaf-
tigest. vnd volkomnest. gescholten vñ ver-
klagt wirt.

Von der weys des leidens cristi wie
er gelitten hat.

Wiltu betrachten wie er leidet. so
rechen es gegen dem vatter so lei-
det er gehorsamlich. gegen im selbs her-
ticklich. gegē den seinen mbrünstiglich.
gegen den vnd anck bern gedultiglich.

Von wem er gelitten hab.

Von wem leidet er aber. von herrē
vnd von knechten. von iuden vnd
von heiden. von frawen vnd von mannē.
von haimischem vnd von fremdenn.

War inne er gelittenn hab.

Darinn leidet er. In der habe. wy-
wol er nicht hett. do hyn er seyn
hawbt möcht geneigt haben. so zohē sie
im doch sein diemütige kleider auß. vñ
teilten sie vnter sich vnd spilten darüb.
das tetten die buben die in gecreutziget
hettē. Sie machten ein spil auß den

Fleiden. vmb die mā gantze kōnigreich
solt gegeben haben. mit der kostlichkeit
halben. der materien. sūnder der heilig-
keit vnd krafft halben. der tugent. Also
hat er gelitten in gut. in ere. in dem lein
mūt. in seinen iungern. in seiner aignem
persone.

In welchen gliedern er gelidten hab.
was er gelitten hab.

In welchen gelidern. in hendē. in
füessen. in haubt. in allē gelidern
Was hat er gelitten. strick vnnnd pand.
gleich einem mōrder. schelten vñ lestern
gleich einē vnendliche pubē vñ schalck.
gespōtt gleich einē toren. Qual vñ pein.
gleich einem böswicht. an den hendem
hat er strick gelitten. an dem haubt dōm
vnd schleg. an henden vnd an füßen nā
gel. in der seitten das sper. an allem leyb
straich. stōß vñ geiseln. zerdenūg. hang
ung. vnnnd des gleichen.

Wie wee es im gethan hab.
ye wee im aber die ding gethā ha-
ben. der zartigkeit vnd complexio
halb. seins leibs. der klaren erkentnis
halb. der subtylkeit vnd scherppf halb.
seins empfindens. vnd seiner synne. da
vō wirt hernach ettwas. in disem bñch
lein berürt werde. Dartzu setz auch die
mūglikheit seiner krefft. die beraubung
der hilf. die verlassung des vaters. die
vntterziehūg des einflus. der obersten
krefft. in die vnttern. vnd des gleichen.
vnd bey der mūglikheit. der krefft. verstee
die wackerheit der erkentnis. vnd war-
nemūg der verstēnis. vñ vernūft cristi.
Für wen er gelitten hab.

Itu warnemen für wen er gelit-
ten hab. so ertrinckest du in d̄ tief-
fe. d̄ verwūderūg. den du k̄st mit genug
erkennen. wie schñōd vnd hōhfertig. wie

grob vnd zart. Grob. gegen im zu rech-
nen. in irer natur. vñ doch von inen selbs
zart geachtet. vnd zertlich gehalten. wie
hert den andern. wie senft inen selbs. wie
vnedel vñ vnertig knecht. wie vndäckber
aller guttate. wie vntrew irē getrewē her-
ren. wie verzagt vñ hohmütig. wie streff-
lich vñ vnleidlich. wie eregetig. vñ leicht
gültig. wie vnstetig vnd katzenrein. wie
schalckhafftig vnd bockstützig. die sein
gewesen. für die er gelittē hat. Schalck-
hafftig ist der. der gern. vil vbels tet. vñ
nicht mag. Vō dē poekstützigē schreibe
der heilig prophet Ezechiel. in dem vier
unddreyssigsten capitel. vñ sind die. die
vntter dem volck. reicher. vermūgender.
vnd bas habend sind. denn die andern.
vnd darumb drücken. tringen vñ engste
sie die armen. vñ berweysen da mit. was
sie tetten. wenn sie noch mechtiger wern
Vñ reth dise obgemelten eigenschaff-
ten. vnd ander ires gleichen vntugēt. vñ
dürfftigkeit. des vngeschlachten mēsch-
lichen geschlechts. zusamen. vnd merck
wie eins das ander grösset. vñ beschwe-
ret. Wann so ein vneder grober. verzag-
ter. verfallner. schñōder pub vnd knecht.
sich vbernympt. vberhebt. vnd hoh vnnnd
zart gelobt. vnd fürnem geeret. vñ herr-
lich gehalten sein wil. das ist ye ein heß-
lich strefflich ding. vnnnd allermāist. wen
er seinen getrewen. hohgepornen. miltē.
tugenthafften. künen. manlichen. erent-
reichen. demütigē. barmhertzigē heren.
von dē er alles gut hat. vntrewlich nach
sein glimpf. eren. gutt. vñ leben stelt vñ
steet. Sōlch pōß. schñōd. vnnnd vntrew.
knecht. sind die gewesen. für die der herr
gestorben ist. für die vnnnd von den. er so
iemerlich gemartert. vñ so schentlich irēt
halbē. vñ so bitterlich getōttet ist wordē.

Von den vmbstendē des leidenis cristi.

Er was der lauter. klar. licht. auffstus. der schöne & gotheit. Er was ein süßser geruch der göttliche wüsamkeit. er was der schein des ewigen liechts. er was & spiegel an mayl der göttlichen maiestat. Er was das pild seiner wolgestaltē hüpsche vnd gutheit. Als der weyse salomō meldt. in dem sibendē capitel. des puchs der weißheit. Nun merck wie edel vnd hochgeborn er wer. So warē sie pasthart vnd kinder der Eprüchigē synagog. sie waren von dem vergiffen vnd gifftigē nater geschlecht. aus dem vatter dem teüfel. Doch demüthigt vnd nant er sich gewonlich des menschen sun. So vber haben sie sich irs geschlechts. vnd nantē sich abrahams geschlechte. vñ der patri archen sun. Er was zart vnd subtyl. als der zarten iunckfrawen sun. vñ hielt sich doch hert. als in seiner gepurt erscheint. Do er in ein stainen krippen. in der kältē winter nacht gelegt ward. in seinē lebē. Do er in der wüste vntter den wildē tierē wonet. Als sant marx schreibt. im ersten capitel. vnd auff den pergē. Luce. am sechsten. Johannis am sechsten. vñ Marci am sechste capitel. In seinē sterben. Do der hert stamm des galgen des creutzs. sein letst pettstat gewesen ist. in seinē grōßte wec. in seinē letstē schmertz en. Aber auff dz engstlich. cleglich hert pett. haben den zartē herren. in seiner erpermlichen müde. Die er für sy vnd vñ ine gehvbt het. & gelegt sein böse vnges trewen knecht. die grob hert vnertig vnparnhertzig. vnd vngeschlacht waren. vnd zogen sich doch zertlich vnd senfft. vnd der herr het sie. als zarte liebe kind ertzogen. liebgehabt. geeret. vnd erhebt. Als er spricht Jeremie am ainunddreyßigsten capitel. so mir effraim. das ist dz

volck. der zehenn geschlecht israhel. ein erentreicher sun ist. So er mir ein zartē kind ist. so ich von im geredt hab. so will ich sein noch gedencken. wann meine gelider sinnd vber ine betrübt. erparmend will ich mich vber ine erparmē. Ich hab die müden sele gelabet vñ getrenckt. vñ alle hūgerige sele gesettiget. Desgleichen Ysaie am ersten capitel. Ich hab sūn erzogen. vñ erhōht. aber sie haben mich geschmeht. Also kurtzlich zereden. ist es in allen dingen mit dem menschen gewesen. für den der herr gelitten hat. das man nit genug ergründen kan. wie ruslig doch der mensch ist. wie wol er reyn will sein. wie vngerecht vnd boshaftig er ist. vñ will doch gerecht sein. wie bößstiftig. vñ will doch vnschuldig sein. wie vngetrew. vñ will doch belonet sein. wie vndanckper vñ will doch begabt sei. wie schōd. vnd will doch groß gehaltē sein. vnd wie vil im got guttes tut. so laßet er sich nit benügen. als ein fraghiger hund. der als pald nach dē stück. das er verschlickt hat. nach einē audern auffsiht. als ob er nichtz eingenomenn het. Für ein sollich vnersettlichs schamber tier. für einen schōden vnreinen wurm. Für ein solch gifftig nater geschmays. für ein solch schalckhaftig vngetrew geslecht. hat der liecht glantz. der vätterlichen glori. ere. vnd klarheit. das allerlautterst geistlich ist wort. des almechtigen ewigen vrsprungs. aller verstetlichen geist. das exemplar oder vorpild. aller tugent. das haubt aller heiligkeit. herrschafft vnd würdigkeit. der allergetrew est herr. schand. laster. gespött. verspüttung. verliegung. gaslung. vñ zum letzten den bitteren tod getragenn. von den. für die er auch gelitten hat.

Vmb welhe zeit der herr gelittē hab.

OW welche zeit oder weñ. in der völle der zeit. in dem besten seins alters. In der plumen der iugent. in der wunnlichē zeit des lentzen. in d plü- enden tarung des aprils. in der frölich- en hohzeitlichkeit der ostern. in der er inē allergröste gutheit bewise hat. vmb die zeit so allermeist volks von inden. vñnd von heiden gen iherusalem kam.

An welher statt der herr gelittē hab.

OW hatt er aber gelitten. oder an welcher stat. in dem gelobte lād. Dz er inē eingegebē. vñd für sie erkriegt het. In dem iudischen land. das sein va- ter in sund erfochten. vñ mit dē schwert gewonnen hetten. Zu iherusalem. dz sein vater dauid gewunnē. Salomō gepaut. Ozyas wider gepaut. vñ befestiget het. x. die alle vnser herren vater warē ge- roesen nach dem geschlecht seiner wer- denn muter zerechnen. Also bedenck. dz der herre in seinem sündern lād in seinē väterlichen reich. In der haubtestatt des selben väterlichen reichs. Darin sein vä- ter gewönlich gepom waren. Als Salo- mon vñd sein nachkomen. die zu iheru- salem geregirt hetten. in das sibenzehē de geschlecht. schier in die zweintzigistē person. Das gantz gelobt land. was in einer sundern weyse vnser herren. wie wol er von not ein herre ist. himelreichs vñ ertreichs vñ aller stett. als hernach be- wert wirt. So ist doch das egenant ge- lobt land. vmb mancherley sach willen. sunderlich sein. als das er ym in sunder zugaignet het. Als er spricht yn dem puch der priester. am funffundzweintz- igistē capitel. Das land sol nit zu ewigē zeittē verkaufft werde. wan es ist mein. vñd ir seit mein paroleute. vñd mein her-

komen. Vñnd in dem selben funffund- zweintzigistē capitel. herab pab spricht gott der herr aber von dem israhelische volck. Sie sind mein knecht. die ich auffs egipten land gefürt hab. Darumb mügē sie nit ewiglich verkaufft werden. Des gleichem spricht er zum andern mal an dem end desselben capitels. Also hastu wie der herr aller reich. in der zeit seiner demütigkeit. in seinem sundern eignem land. in seinem sunder eigen väterlichen erb. in seiner gepurt stat. von seinen sun- der eignen erbnechten. gelestert vñ ge- martert. vñd zum lestē auß seinem sun- der eignen erb gestossen. vñd gleich als für seins vaters tür. von den seinem an den galgen. des lesterlichen creutzs ge- hangen ist worden.

Wie lang der herr gelitten hab.

Wie lang der herr gelitten hab. Ihtu nun wissen wie lang er gelit- tē hat. so setz ich dir vier zil. Zum ersten von mitternacht. bis nach mittem tag. dz ist bis in die funffzehendē stund Zum andern mal vñd der gepurdt. bis in den tod. Wann in seiner person spricht kōnig dauid. In dem dreysigisten psal- men. Ich bin bekümmert. mein aug ist be- trübt. mein sel vñd mein glider sind vol- laides. wann mein leben ist verzert wor- den in schmerzen. vñd mein iar in seuf- zen. In dem puch der flag spricht Jere- mias. in der person des herrē. Mein an- gen sind zerrunnen vor zehern. mein ge- dem sind betrübt. mein leber ist aufge- schütt wordē. vber das laid der tochter meins volks. x. Abermals spricht kōnig dauid. in dem einundzweintzigistē psal- men. von dem leiden cristi. Ich bin auß- gegossen worden als das wasser. vñnd mei gepain ist zerstreut. Mein hertz ist worden als ein zerfließends wachs en-

Von den vmbstendē des leidens cristi.

in mitten in meinē leib. mein krafft hat gedoret als ein scherb. mein zung ist an gehangē dem gümen. vnd du hast mich in das puluer des todes gefürt. Wann vil hund haben mich vmbgeben. der rat der poschafftigen hat mich vmbfessen. Sie haben mein hend vñ mein füsse gegraben. sie haben alle meine gepain gezelt. Sie haben mich beschawet. vnd angesehen. Sie haben ine mein gewant geteilt. vñ das lose vber mein kleid geworffen. Das drit zile ist. von der empfangnus bis in das grab. oder auch bis zu der virstende. Wann nach der begrebnus. durchrechtete sie den herren noch. So sie an dem höchsten feyrtag. oder samsttag auch zu pylato kamen. vñ sprachen. herr wir sind ingedechtig das diser verführer die weil er noch lebet. gesprochen hat. nach dreyen tagen wird ich ersteen. Darumb so heys des grabs hüten bis yn dē dritte tag. das sein iungern mit komē vñ ine stelen. vnd sagen dem dem volck. er sey erstanden vñ den totten. vñ werde der leyst irsal erger. denn der vorig. das tetten die fürsten der priester. vñ die gleichsner. Wie er aber bald nach der empfangnus sey durchrecht. vñ maria sein muter vnd ioseph zu dem tranck. dē bewerung zetrincken. gezwungen seyen worden. ob ich das in alten geschziffen clerlichen gefunden vnd gelesen hab. so will ich doch auff dasselb mit füsse. vmbfassen. Aber ich sprich. darumb dz er vñ der empfangnus. bis zu der virstēd gelitē hat. Dann als pald sein genadē reiche sel beschaffen. dem geformirten leib. in dem ersten augenblick seiner empfangnus. eingegossen vnd mit dē leib in die einheit der göttliche personē des suns genommen ist worden. so hat sie zu

hand erkennt. warumb sie beschaffenn. vñ mit der person des ewigen. almechtigen worts veraint was worden. Also hat sie zuhand ir künfftigs leiden. in dē wort. vnd auch sunst clerlich gesehen. vñ sich darein verwilliget vnd wilkürt. vñ so das on angst der natur C der das leiden wider vnd erschrocklich ist C nit hat mügen sein. Darumb hat als bald dz laid vñ das leiden die sel cristi begriffenn. wann sie erkant das sie darumb erschaffen. vñ mit gottes sun personlich veraint was. das sie aller werlt sünd tragē. vñ dafür püssen. vñ genugthun solt. als hernach ausgelegt wirt. vñ also hast du. wie das persönlich leiden. so bald an gefangen. vñ wie lang es geweret hat. Wiltu noch ein lenger zil habē. so sprich ich zum vierdē mal. das es geweret hat von anbegynne der werlt. vñ wirt werē bis an das end. Doch trifft das die gelider cristi mer an. In welchē doch er ist. Als sant Augustin vber iohannem in dē achtundzwaintzigisten omeley spricht. Darumb was sein gelider leidē. dz leidt auch er. als sant Augustin in der egenāten omeley zeuersteē gibt. Darib sprich ich. der herr wirt bis an das end dē werlt leiden. in seinen gliedern. vñ auferweltē Vnd hat von anfang der werlt gelitē. in den seinen. oder auch in figuren. als hernach bewert wirt. Darumb wirt er in dem puch der göttlichen offenbarung. am dreyzehenden capitel. das lemblein genemnt. dz vom vrsprung der werlt gestöt ist worden. Wir haben auch in den geistlichen rechten. das er teglich stirbt figürlich. in dem sacrament. vñ sein tod wirt teglich begangen. vñ bedēit in dē ampt der heiligen messe. de consecratione. dis. ij. ca. Quid sit sanguis agni. vñ

So nun diß wirt beleißen bis zum end d
werlt. als ausgelegt ist zc. extra derelig.
et ven. sanctorū Si dominū in dem. So
mag ich wol sprechen. Das das leidē cri
sti bis an das end der werlt. vō anfang
weeret. Aber nach dem fürnemem got
tes. vnd der nachfolgenden frucht. wee
ret es von ewigkeit zu ewigkeit. Aber
dasselb ist on pein des leidenden.

Von der brayte des leidens cristi.

Iltu zu disen umstēdē. auch die
brayte des leidens cristi bedenck
en. so vndest du in disem pūchlein. Das
er in dem himel vnd auff der erdenn. yn
paradyse. vnd in der hell gelitten hatt.
vnd wo das nit in aigner person ist. so ist
es doch in den seinen. als in seinen gelis
dern. in seinen außserwelten. vnd glaudi
gen. der haubt er ist. die als sein leib. mit
den er oder die mit im. als ein person ge
rechnet sind. vñ d̄z sey in einer gemei ent
worffen. vō d̄ betrachtung des leidens cri
sti. als sie bedēit ist bey d̄ bestreichung
vō besprengung des plutes des osterlemb
lins. durch welchs plut. die kind vō israhel
behüt wurden. von der plag. die vber die
von egipten land kam. vñ wurden vō d̄
gewalt des kōnigs pharaonis erledigt.
Als wir durch d̄ plut cristi. von d̄ zorn
gottes bewart. vnd von dem gewalt des
teufels erledigt werden. Vnd darumb
sullen wir desselbē nymermer vergessen
als Moyses gepēit. sunder wir sollem
desselben ein gedechtnus vnd manung
zeichenn. zu crymerung. yn vnser hend
für vnser augē. Als der heilig moyses
spricht. Ich will machen.

Wie man die gedechtnus des leidens
vor den augen soll haben.

Arumb nach gleichnus der selbē
meinung. wirt dise materi der be

trachtung des leidens cristi yn hundert
gegenwürff geteilt. auff das. d̄z mā die
in die hand. an die finger setzē m̄g. wer
sont fleyße thūn will. Das er sie auß
dig behalt. Doch wem d̄z zuschwer wer.
Der mag im sunst ein gedechtnus. an ein
em pater noster machen. oder das pūch
lein prauchenn. oder im die gegenwürff
schlecht zenennen. nach einander an ein
zedel lassen zeichen. vnd die als offft las
sen vber lesen oder lesen. Das er sie in die
gedechtnus pringt. Vnd wenn er denn
verstentnus der gegenwürff will haben
so seh er das pūchlein an.

Was grossen freud vñ ere. d̄ mēsch
von der gedechtnus des leidens cristi in
einer werlt werd haben.

Ann wir zweifelt nit daran. wer
sein gedechtnus ziert mit disen ge
genwürffenn. wenn er d̄ort hin kompt
in die künftigen werlt. Er wirt sich des
mer frewen. vnd grösser troste vñnd lon
da vō haben. Den hett er alle freye künst
Ja alle keiserliche recht. Ja aller artzet
vnd phylosophē künst. zu zeitlichem ge
win. vmb werltlich es rums willen. oder
auch vō lustes wegen der künst. vñ werlt
licher weyßheit. in seinem hirn getragē.
vnd des getörs ich. Ich sollt ich macht ha
bē. Ich mein sel zu pfand setzen. der mēsch
der auß andacht vnd liebe. des leidens
cristi. dise materi oder irs gleichen. auff
ein sollich mainung als hernach gemelt
wirt. sich zeraitzenn zu der liebe gottes.
vñnd gott den herrn durch das ver
diennen des leidens cristi anzerüffenn.
vnd das im das zu erledigung von den
sünden. zu vergabung der schuld. zu ver
zeihung der vergangen misstat. zu er
werbung seiner genad. vñ barmhertzig
keit. zu danck sagug seiner guttat. mit be

Von den vmbstendē des leidens cristi.

gird seiner besserung oder zunemung ze
opfern lernet. vñ in die gedechtnus fass
set. Das sie im mer nutz. vñ frucht prüg
en wir. Dañ all ander küst bringē möcht
Vñd man soll der manigfaltigen ge
zeugnus der obgemelten lerer. vñ hei
ligen. mer. Dann mir hierinn glauben.

Item ich sprich noch mer. du soltest
dise gegenwürff nach der bildung zu d
gedechtnus. lieber an demē fingern tra
gen. Dañ vmb werltlicher ere. oder wol
lust leiplicher gezierde willen. an einem
yedem finger einen smaragd. dyemant.
karfunkel. oder ander edelgestein. der
einer tausent gülden wert wer. Denn di
se gegenwürff mit andacht vñ liebe. bez
acht. werden dein sel vñ geistlich hend
mer zierē. den die stern des himels möch
ten thon. Sie werde dein haubt vñ dein
gemüt. ober all keyserlich kron erheben
vñ zieren. Sie werden dein sel. ober die
elaren sunnen erleuchtē. Si werden dein
geistlich finger. mit himlischen rubinē.
Saphyren. Topasion. vñ Smaragden
vberglentzen. vñ solliche zierd zeerlang
en. so pild dir dz leidē cristi in dei hertz.
vñd mach dir auch zeichē der ermanung.
von aussen. vñd das dir solliche zeichen
dester heymlicher seyen. so setz die erstē
fünfftzig gegewürff. als die. die vor dē
karfreitag geen. in die linckē hand. als
die. die vor dem rechten tag des leidens
ergangē sind. als die nacht vor dem tag
kompt. Wañ als die recht hād den tag.
also bedēut quēmlich die linck hand. die
nacht. Die andern fūntzig gegewürff.
ordinier an die rechten handt.

Wie man die gegewürff. des leidens
cristi an die finger nach der bildung or
dinir mag.

Also so mā an yeglicher hād fūnf

finger hat. so ist dise materi auch geord
net durch fūnfer zal. Ein yeglicher fin
ger hat drey gleich. oder gelenck. mit dē
endē der finger oben. mit den ein finger
gleich. als vier ennd hat seiner glidlein
halb. vñd ein yeder finger hat drey glid
lein. vñd ich heif die glidlein. die zwisch
en den gleichlin sind. so die glidlein an
einander stossen. vñd zusammen gefügt
sein. Nun pild in dich gleich als ob an
yeglichem glidlein ein fingerlin wer. so
wern an einē yeglichen finger drey fin
gerlein. als dann drey glidlein sind. Als
so werde an einer yegliche hand zweitz
ig ort oder end. oben. vñd in den gelenckē
oder gleichē. fūnffzehen glidlein. vñd
fūnfzēhē ober zwerhe ringlei. Vñ fūnf
zēhē vñ fūnfzēhē machē dreissig. tuftu
dreissig zu zweintzig. so werde es fūntz
ige. Also pringst in ein hand fūntzig ge
genwürff. Wann denn die ander auch
soul hat. so macht es alles zesamē hūn
dert. Aber es scheint. das das ein hind
nus hab. d. daumē halb. die mit mer dann
zwey glidlein habē. Darzu sprich ich. dz
die daumen. auch drey glidlein haben.
aber die ersten vñ vntterstē glidlein. ge
en in die hand. vñd sein in der hand ver
porgen. vñd da mus man sie nach der
bildung nemen. von der linien oder dem
pogen der in den henden vntten vmb dz
erst glid des daumens geet. da das glēck
des daumens in der hand angeet. zwisch
en den selben bogen. vñd zwischen das
glenck. da der daum auf der hand geet.
da gewōnlich in den wolgeformirte hen
den. gleich als zwey kleine böglein. vmb
das gelenck des daumens geen. da binde
ein linien böglein od zirckelein vmbher
geen. für ein fingerlein. da setz den. den
gegenwürff des dritte od eines andern

23
Fünfers ein. Also gewinnestu an einem
finger. als vil als an dē andern. Itē
so nun ein yeglicher gegenwurff. zwenn
fürderlich artickel hat. die wider einan
der sein. wo du denn nach ordnung. der
gegenwürff einen artickel. ynnen in der
hand hyn setzest. so setz allweg den an
dern widerwertigē artickel der das lei
den antrifft. dar gegen außwendig der
hand. gleich in dasselb gleichgld oder
fingerlein. als so du setzst den ersten ge
genwürff. das ist. für die ordnung d ere
cristi in die linien. die in der hand weyrt
vntter dē Daumē. daruntter geet. so setz
außwendig der hand. gleich gegen dem
selben ort. den widerwertigē artickel. dz
ist. den ewigen fürsatz des suns zeleidē.
vnd das sagt auch einhellicklich vnd
gleichformiglich zu. nach d gleichnus
Van sant paulus heisset die mēschwer
dung. vnd das leiden cristi das heimlich
sacrament. das von den werlten in gott
verporgen ist gewesen. Vnd also wirt
es billich in das gleich des Darmes. in
der lincken hand gesetzt. das in d hand
verporgē ist. die linck hand bedēut auch
eben. die menschlichen würdigkeit vñ dz
leiden cristi. nach dē als sie künfftig wa
ren. vnd in figuren. vnd opfern. vnd heis
ligen v ättern. vnd vntter verporgnen ge
schribten worten. gesihten vnd geschriff
ten. zum merernteil. künfftig bedēutter.
vnd geweissagt würdē. Darnach an dz
erst oder vntterst gleiche des adern fin
gers. setz dē andern artickel des andern
gegenwurfs. das ist die offenbarung d
ere cristi. vor den engeln. vnd dar gegen
außwendig. die widerspennigkeith. d hoh
fertigen engel. Darnach an das erst od
vntterst gleich des mitteln fingers inwē
dig in der hande. setze den dritte gegen

wurff. vñ der meynung gottes. in d schöpf
ung der ersten menschen. vnd dar gege
außwendig der hand. die belaidigung.
anfechtung. vnd beschēdigung. mensch
licher natur von dem teufel. Darnach in
das vntterst gleich. des vierden fingers
inwendig. setz die innhaltung. in den pa
triarchen. vnd dar gegen außwēdig die
pilgramschafft. oder das ellend. das d
vierd gegēwürff ist. Zu vntterst an das
klein fingerlein nach dem da zwe gegē
würff zesamen geschlagen sind. setz in
wendig die ere vnd das lob cristi. in
den propheten. vnd die vorbedēutung.
in den gerechten der alten Ee. vnd dar
gegan außwendig die verleümung vnd
durchachtung oder veruolgung. vnd als
so hastu den ersten fünfer. Den an
dern fünffer. setz in die ersten. oder vnt
tersten gldlein. der finger nach einand.
inwendig vnd außwendig. zum ersten in
das heimlich gld des Darmes. dz in d
hand verporgen ist. setze den sechste ge
genwürff. den ersten artickel. das ist. dē
legen setz inwendig. den andern. das ist
den fluch. außwendig. Darnach yn den
nechste finger. an das erst. oder vntterst
gldlein. setz inwendig die nutzperkeit.
außwendig die vnnutzberkeit. In dz vnt
terst gld des mittlern oder lengsten fin
gers. setz die kostperkeit inwendigs. vñ
dar gegen die schnddigkeit. außwēdigs.
In den vierden vinger. an das vntterst
gld. setz gegēeinander. die gutwillkeit.
vnd die rachsall. der begird sich zerechē.
die gutwillkeit inwendigs. den rachs
sal außwendigs. In den kleinen finger
an das vntterst gldlein. setz den frumē
inwendigs. den schaden außwendigs.
Item in die yetzgenanten gldlein.
setz die figure d opfer. die vnser herrn

Von den vmbstendē des leidens cristi.

Leiden bedeutet habē. zu dem fluch. setz den widerrunsch. Das ist. wann man bitt das alles vnglück. vbel vnd leiden vber eins kom. Darwider setz den pock. den man in die wüste schickt. vnd leget in alles das vbel. das das volk vmb der sünd willen leiden solt. auff sein haubt. Zu dem artickel der vnmutzperkeit. aufwendigs setz die tödtung vnd opfferung. dar gegen inwendigs. die tier. die man pflag zetöten. wenn man sie opfert. Es seyen Ochsen. kelber. gayß. schaff. turteltaubē. oder iung tauben. vnd der gleichen. Vnd die selben tier setze auch zu dem ersten artickel. des achten gegenwurffs. gegen dem artickel der plutuergiehung. Zu dem neunnden gegenwurff. setze die stier wider. vñ die lemblein. die vnderm ier waren. gegen dem gantz geprenten opfer. wann man pflag allein mans geschlecht. zu dem selben opfer zenemenn. Darnach zu dem zehendē gegenwurff. setz die roten fue gegē der verprennung zu pulfer. Also hastu die fünf ding. die man tet mit den tiern. bey den cristus bedeüt ist gewesen. Man beicht die sünd vnd leget sie dem bock auff sein haubt. vnd traib ine in die wüste. Die andern tier worden getöret. vnd zerhawen. vñ ir plutt vergossen. ein teil verprät man. ein teil waren d̄ priester. die sie also opfert. wenn es für die sünd was. Was den das opfer zu dancksagung. der ein genomē guttat. oder genad zeerwerbē. so verprant man einen teil. Ein teil was des priesters. ein teil des. der es opfert. Etliche verprant man gantz. in den allē cristus. vñ sein leidē manigfaltiglich bedeüt ist worden. Als besunder der trefentlich lerer Alexander de ales. in dem andern teil seins dritten buchs. in dem achtē

und fünfzigsten frag schreibt. vnd schön aygentlich vnd vntterscheidlich auslegt. Dese gegenwurff vñ den opfern. werden darumb zu den vorgeordneten gegenwürffen geordnet. wann sie sind gleich als ir müter. vnd beschliessen. die selbē in inen. Wann in dem. das der priester die sünd des volcks bekant. vnd beicht. vñ legt die alle auff den pock. was mainet er anders. dan das alles d̄ vnglück vnd vbel. das das volk für sein sünd leidenn solt. solt vber den pock kommen. vñ was. was das anders. dan das sie alle ir fluch auff den pock legten. vñ also ist in dem selben. die verfluchung beschlossen. Desselben gleichen. wann mā etwas tötet. so vtheilet man es auch. d̄ es besser oder nützer tod wer dann lebēdig. vñ was man nützer tod achtet. dan lebēdig. das ist ein zeichē. das man sein lebē nit nütz. oder aber nit als nütz achtet als seinē tod. Vnd ob auch dasselb nicht allweg also wer. so ist es doch also gewesen yn der mainung der iuden. gegen dem leben vnsers herrē ihesu cristi. Als bewert vnd erweyset wirt. bey dem ratschlag. d̄ obersten der iuden. die auff das wort des bischoffs cayphe. d̄ mit dem andern namen. auch iosephus od̄ iosippus hiefs. do er gesprochen het. Es ist eüch nütz das ein mensch sterbe zc. beschliessen das sie cristum töten wolten Als sant iohannes schreibt in dem alften capitel seins ewāgelies. Darumb in irer person wirt gesprochen in dem ersten capitel des puchs der weisheit herr Salomons. lasset vns ine vmbryngen vñ mit argen listē vmbzingen. Wann er ist vns vnnütz vnd schwer zesehen. dan sein lebenn ist. den andern vngleich zc. Desselben gleichē ist die schädlichkeit

oder leichtgültigkeit. in d vergießung be
schlossen. Wan das. Sz man teür vñ kost
per helt. das schüt mā mit auff die erde.
Sunder das. das mā schñdē vñ zu rich
ten gut helt. Also ist sz kostper teür plut
crisi. vñ den schñdē iudē. C d darnach
dreyssig vmb einen pfenning. als etlich
schreibe. gegeben wurden. d gehalten vñ
geachtet worde. So doch ein tropff des
selben heiligen plātes. angesehe die wir
digkeit der person crisi. gnug gewesen
wer. zeüßberwege die sünd aller werlt. vñ
zu erlösung aller menschen. von den ewi
gen peinen. Also beschleüßet die ver
prennung der tyere die man opfert. die
gutprünstigkeit des süßen hertzens cri
sti gegen den mensche. Auch gegē seine
feinden. Es beschleüßet auch in seiner
bedeutung. die bößprünstikeit der iudē.
die durch irē neid vñ hafs. sz süßes hertz
crisi gepeiniget. vñ gleich mit dem feür
des leidens verzeret haben. Desgleiche
die bedeutung. d roten kue. die man auß
serhalb der wöhung der mensche. gantz
verprant mit haut vñ har. mit plut vñ
mist. zu puluer. beschleüßet die schedli
keit. Wan so man ein ding vast schedlich
achtet. so verprent man es zu puluer. Als
so hielten die schñdē iudē mit allein die
person vnser her rē. Sunder auch seine
wort. seine werck. sein ler. sein leben. sein
stiftung. sein ged echtnus. so schedlich.
sz sie sich vnderstundenn. alle sein kunt
schafft vñ gedechtnus seins namēs ab
zetilgen. Darumb sprechen sie in Jere
mia. xj. Lassent vns in abhaben. vñ dē
ertrich der lebendigen. vñ seins namēs
werd nymermer gedacht. Merck aber
wie schedlich die schñdē iuden darñ
gewesen sind. das sie sz heil vñ die seld.
aller menschen. also verhindern vñ vñt

tertrücken wolten. vñnd die ding. on die
nyemant ye hat mügen selig werden. zu
nichten machen.

Hie wirt die figur die in dem nach
uolgenden zehenden gegenwurff. von
dem weybwasser der alre ee beschloffen
ist aufgelegt.

In den flammen des feurs. mit dē
man die schönen kue C. die vollomen. on
alle mackel. vñ nie vntter dem ioch ge
wesen solt sein. d verprennen solt. cedar
holtz. ysopen. vñ feürrot tüch solt werf
fen. vñ vñ der aschen der kue. ein weis
wasser machenn. Wann ein reiner man.
solt die aschen auffheben. vñnd man solt
sie in einer reinē statt. außserhalb mēsch
licher wöhung behalten zu hut. vñnd zu
reimgüg aller meniglichs. Vñnd wenn
eins ettwas vnreins angerüret het dar
durch es vnrein. vñnd des eingangs der
kirchen vnwürdig was wordē. so solt ein
rein man vñ der selben aschen. ein wenig
in ein reines seßlein tun vñnd frisch laut
ter wasser daruber gießen. vñnd ysopen
darein tuncken. vñ den vnreinē bespreng
en. an dem dritten vñnd an dem sibenden
tag. so würd er gereiniget. vñnd des ein
gangs in die kirchen würdig. Dife kü
bedeut. die rainen menscheit vnser her
ren. der plödigkeit halbē. auß der er hat
gehabt. das er tödlich was. vñnd sterben
mocht. Die selb plödigkeit ist bey dem be
deut wordē. das man ein kü. vñnd mit ein
en stier name. als augustinus vñ die glos
auslegē. vñder das buch der zal. am neun
zehenden capitel. Darumb wer von den
gelerten. die auslegüg gantz habē well.
der such sie da selbst. das sey hie genug

Wō der weys vnd vbūg zebedenckē das leidē cristi.

gesagt. Das bey der verprenngūg zu pul-
uer. das leiden cristi bedēit ist gewesen.
allermēst dēshalben. das die iuden be-
gerten. seinen namen. seine gedechtnus.
vnd sein ere. vñ den glauben in ime. auß-
zetilgen. Aber ein reiner mensch. das ist
ein andechtiger cristen. Als sant augu-
stin vnd sand gregorius auflegen. Das
set sie auff. vnd behelt sie. in einer reinen
Platt. wann die vberbleibling des leidē
cristi. vnd das verdienen seins sterbens.
vnd sein lob. sein gedechtnus listet er zu-
samen. vnd behelt sie in einem glaubigē
andechtigen hertzen. yn grosser würde.
Gregorius spricht. die du verprennet
der priester. aber ein reiner man fasset
die aschenn auff. Wann der iud hat die
plōdikeit des herren getōdet. Aber der
andechtig cristē mensch versteet sein ho-
he subtile sacrament. vnd heimliche be-
deūtnus. Welhe subtile sacrament. den
reinen hertzen der heiden. die von d̄ hei-
denschaft in den cristen gelauē komē.
verlihen werden. vnd in ein hut vnd be-
warung des gemütes verwandelt. Dar-
umb spricht die geschrifft. dz mā sie auf-
serhalb der zelten. vnd der iūdische hal-
tung oder gewonheit. an ein allerreine-
ste statt schütē sūll. das sie aller meniges-
lichen. zu einer hut seyen. Wann dē so
behüten wir dise aschen. fürsichtiglich
zu vnser hut oder bewarung. so wir fleys-
sichlich betrachten. das vnser erlöser für
vnser misstat gelitten hat. So wir we-
gen was er den gutē widergeltē werd.
das er für die bösen hat wōllen sterben.
so wir wegē. was wir seiner genad schul-
dig sind. das wir nun zu der gerechtigt-
keit. seins glaubens gepracht sein. das
wir die fürsprechūg. oder vntterkomūg
seines todes. empfangen haben. so wir

noch in der vngerechtigkeith gelegē sind.
Das setzt die glos. rber das neūzehend
capitel des buch der zal. nach welcher
glos. wir auch alles das. das wir hohes
durch die schawung enpfinden. oder ver-
steen. das wir außs senfftinūtigkeit der
demütigkeit tun. was wir durch inbrun-
stigkeit der liebe beweisen. das sollenn
wir alles mit dem plūt des leidens cristi
erben. vnd alles das. das in vns ist. soll
yme von dem es ist. nachuolgen. Wann
außerhalb der nachuolgung des leidens
cristi. ist vnser vbung mer vntugent dan
tugent. Dē spricht sant Gregorius. vñ
legt vns da mit außs. was das Cedar
holtz. der ysopp. vñ das rot tuch bedēit.
Wann er spricht. das bey der haut. vnd
bey dem fleysch d̄ lu. die eūssere wūck-
ung cristi bedēit ist. Bey dem plūt die
subtil ymner krafft cristi. die sein eūssa-
re werck lebēdig macht. Durch den mist
die müde. der hunger. d̄ durst. die forcht
des todes. vnd der gleichen. was das ge-
wesen ist. das er außs menschlicher plōd-
igkeit. hat wōllen leidenn. das alles yn
im als ein mist hingerwerffenn was. das
versteet yn seiner vstende. was es hin ze-
legenn. was außs plōdigkeit was. vñnd
was durch das feür zuuerprennen. das
ist nach dem liecht der warheit. vñ nach
dem feüre der liebe des heiligen geists.
zebetrachtenn vnd zeuersteenn. Als gre-
gorius maynt. wann als er auch spricht.
Er soll vns soull werder sein. soull er vñ
würdigere ding für vns gelitten hat.

Sant Augustin hat das subtil außs
gelegt. das das alles solt verprennt wer-
denn. Das ist mit alleyn die tōrtlich sub-
stantz des leibs cristi. die bey dem plūt.
fleysch. vñnd der harot bederret ist.

Sonder auch der mist. dz ist. die schmach
hait. das laster. die schand. die pein. vnd
des gleichen. die bey demyst bedeüt sein.
solt in seiner vstende. in lob. ere. vnd
glori. verandert werden. vñ die glori vñ
clarheit. ist bey dem flammen. des feurs
bedeüt gewesen. Darumb solt man ce/
dar holtz. vnd ysopen die gar wol rieche
in die flammē werffen. Vnd cedar holtz
bedeüt die höhe. der gottheit cristi. ysop
bedeüt die demütigkeit. der menscheit.
die solt man in das feür werffen. darinn
ne man die kü verprant. zu einer bedeüt/
tung. das der gestank solt zu einem süß/
sen geruch werden. dz ist. die schand des
leidens vnd des creutzes cristi. dar durch
die iuden vnsern herren. verleümē. vñ
schendē wolten. das solt in gross ere vñ
dankesagung. verwandelt werden.

Also bedeüt der cedar. auch die hof/
nung. der ysop den glaubē. das feür rot
tuch die liebe. vñ es solt zweymal gefer/
bet sein zu einer bedeütung. der zwifelti/
gen liebe zu got. vnd zum mensche. wann
die dreü ding sullen wir in das leidē cri/
sti werffenn 2c. Item bey dem cedar
holtz. dz vber ander holtz hoch ist. sol mā
die höhe der schawung mit der verhar/
rung verstecken. bey den ysopen. die demü/
tigkeit der senftmütigkeit. die wir in dz
leiden cristi opfern. vnd mengen sollen.
als gregorius spricht. Mā sol auch als
aber d selb gregorius spricht. Drottes
tuch zweymal geferbt. in das feür werf/
fen. das ist die lieb. die vns bewegt. got
vnd den nechsten. lieb zehaben. in das lei/
den cristi. Welche lieb c Merck ebē was
hie der heilig gregorius spricht. zu ein/
er bewerung. der meinung diß gantzen
püchleins Dvns zwingen sol stetiglich.
zebetrachten. vnd zeschawen. das leiden

vnsern herren. das man darinn lerne. die
rechte werck die mā thū sol. Diß spricht
gregorius. Bey dem rotē tuch. versteet
auch ysidorus. das plut cristi. durch das
wir an leib vnd an sel. gereinigt werde.
Bey dem cedar. den glaubē des creutzes
cristi. das laß ich hie aufsteē. Zekomē
auff die fürderlichen meinung. wie wol
die verprennūg. der kü zu asche. die dan
zu reinigung des gantzē volkes dienet.
vil gutes bedeütet. gottes halbē. d seine
sun für vns schnöde knecht. in dē tod ge/
geben. vñ vnsern herren halb. der den
tod willicklich gelitten hat. So bedeüt
es doch der iuden halb. das sie mit allein
die person des herren. sonder auch alle
seine glori vñ gedechtnus. nach seine
tode. als eins aller schēdlichsten. mēsch
en. desß wort. werck. wādel. lere. stiftung
vñ alles fürnemē ketzerlich. geferlich.
griffig. vñ schēdlich. wer gewesen. hyn/
nemen. vntterdrücken. vñ abtrilgen wol/
ten. Als ob es schēdlich. vñ sörghlich wer.
das man nun an ine oder an seine wort.
oder werck gedechte. So doch hinwid/
umb. keins menschen leben. wort. werck.
vñ alle ding. so nott vñ nütz. allem
menschlichē geschlecht. ye gewesen sind.
vñ ymmer werde. oder mügen sein. als
seine wort. leben vñ werck sind. Das
sey genug von den sachen gemeldet. war/
umb man diß fuff artickel vñ vntter/
scheid. d opfer in die selben glidein. dar/
eine man die vordern fuff gegenwürff/
setzt. das ist in die ersten. oder vntterste.
der finger der lincken hand. zu den ob/
genanten gegenwürffen setzen soll.

Darnach so pild dir in deiner gedecht/
nus. gleich als guldine refflein oder fin/
gerlein. an ein yegliches glidein vñ in die
selben fingerlein nach der pildung setz

Wo der weys vnd vbgũ zebedenckē das leidē cristi.

Die nachuolgenden fünff gegenwürff. nemlich die außstern in den rauff den du pilden magst. zwischē dem anfang des Daumens vñ der linien. Die in der hand vmb die wurtzel des Daumens geet. Die andern vier. als den zwelften. dreyzehēden. vierzehēden. funfzehēden. setz in die vier finger nach einander. als oben in den gliedlein gesetzt ist. Vñ möchtst du pilden. gleich als du an einē yeglichen gliedlein. ein fingerlein. in einem yeglichem fingerlein. einen edeln stein. in einem yeglichem stein die figur. die dir den selben gegenwurf antwort vnd beschleüßet. gleich als ein pertschaft gegraben hettetst. Als in dem erstē fingerlein. des Daumens. Wie ioseph der patriarch. von seinē prüdern. außs d cistern gezogen. vñ den ysmaheliten verläufft ward. In dem andern fingerlein. wie Aaron von seinem pruder moysen. zu einem bischoff gesalbet. vñd geweiht ward. In dem stein des drittē fingerleins. wie abraham seinē sun ysaac. auff den altar opfern will. In dē vierdē. wie d hertzog iepte. sein einige tochter will opfern. In dē fünfftē. wie sampson das haus. in dē die palastiner. die heiden gesamelt waren. er nider wirfft. Vñd des gleichen möcht ich in alle fingerlein figurē oder zeichen setzenn. den. die in solher einpildung. lust hetten. durch welche zeichen d mensch. der gegēwürff. die dar durch bedeüt weren. erinnert würd. So aber der selben. den damit wol were. vñleicht wenig sind. das den die andern. den dz nit eingeeet. nit ein verdriess habē. so laß ich das ansteen. Wie ich nun von den ersten funffzehē gegenwürffen gesetzt hab. wie mā sie also in die finger d hand setzen sol. das man die ersten fünf setz

in die vntersten vñd ersten gleich. Der fünf finger. die andern fünf in die vntersten gliedlein. der selbē finger. die dritten fünf. in die fingerlein die man pildē vñd in der gedechtnus formirē mag. als ob sie an den fingern weren. Also mag man die nachuolgenden gegenwürffe. auch ordinieren oder setzen. ye fünf vñd fünf. die ersten fünf in die gleich. die andern fünf in die gliedlein. nach der lēnge. Die drittē fünf vberzwerch. oder gleich als in fingerlein. Darnach aber fünf. in die dritten gleich. fünf in die drittē gliedlein. fünf in die dritten fingerlein. denn fünf oben in die end der finger. Dar nach nym die rechten hand für dich. vñ fahe oben an. vñ setz den einundfünfftzigstē gegēwürff. das ist. die heiligkeit oben. in den daumen inwendigs. vñ dar gegen die fürfürung. in den nagel des Daumens außwendigs. Darnach dē zweyundfünfftzigstē gegēwurf. in den andern finger den zeiger. vñ setz die tugent inwendiges oben. vñd die anlag dar gegen außwendigs in den nagel. vñ gee also fürbas durch die andern finger oben. Darnach setz die fünf gegenwürff. die die fünf syñ antreffen. in die oberstē gliedlein d finger. Darnach setz die fünf gegenwürff. die die gepred vñ sitten. vnseren herren antreffen. in die fingerlein der selben gliedlein. Darnach setz die fürderliche gegenwürff. des leidens cristi. in die oberstē gleich. das ist die außziehūg. die gaslūg. die erdnūg. die fürfürung. die anruffung. der rathsal des plutes cristi. außwendigs. vñ ir vnderwertig artickel inwendigs. Darnach die mittlē gliedlein. behenck mit dē einundsebzētzigstē. zweyundsebzētzigstē. dreyundsebzētzigstē. vierundsebzētzigstē.

fünfundsebzighigste. Aber in ir finger
lein setz die gegenwürff die da an treffen
die auführung vnsers herren. Dar
nach in die mitteln gleich setz. die gegen
würff. die das leiden cristi. in gemein an
treffenn. als den aynundachtzigistenn.
zweyundachtzigisten. dreyundachtzigi
sten. vierundachtzigisten. fünfundachtz
igisten. vnd also steig an der rechte hād
ab. Doch also das du in den daumē. all
weg den erstenn gegenwürff. eines yeg
lichen fünffers setzest. vnd also findest
du hundert stett. in den fingern der hen
de. Da hin du die hundert gegenwürff. des
heilsamen leidēs cristi. zu erinnerung. vñ
hilff seiner gedechtnus magst setzenn.
vnd einpilden. das du also das selb leidē
vor den augen deins gemüts allweg ha
best. vnd desselben ermanung. vnd be
seütung. in deiner hand C Als moyses
spricht. Erodi am dreyzehenden capitel.
an zweyē orte C vnd angepundē an dei
finger C Als salomō spricht Proverbio
rū. am sibendē capitel C. Vñ gelegt als
ein zeychen auff dein hertz. vñ auff dein
arm. C Als d̄ herr spricht. Canticorū am
achten capitel C. vñ zwischē dein prust.
Als die gespons. vñ liebhabende sel
spricht am ersten capitel.

Das sant Bernhart leret dz d̄ mēsch
soll cristiū vor seinen augē vor im tragen.

Dartzu ermant vns sant bernhart.
Super cantica canticorū. in der vier
undvierzighigste omeley. So er also spricht
Ich such od̄ frage nicht. als die praut.
wo er lig oder rue in mittemtag. den ich
frölich umbfaze. zwischen meinen prū
sten. Ich frag nit wo er zuessen geb. in
mittemtag. Dē ich als einē behalter. oder
seligmacher ansibe. an dem creutz. disen
söllet ir Cmein allerliebsten. C auch yn

die marck eürs hertzen einbeltzenn. mit
im sölst ir die porten eurer prust beware.
das er zwischen euren prüstē. allweg wo
ne. Ir söllet yn allweg nicht hinden auff
den schultern. sonder vornenn vor euren
augen haben. auff dz. das euch die pür
de nicht trücke. so ir sie traget. vñ d̄ süß
geschmack verlasse. vñ nicht aufrichte.
so ir ine nicht riechet. Gedencet das in
symeon in sein arm nam. Maria trug yn
in dem leyb. sie hielt yn in der schos. die
spons vñ liebhabēd sele. legt ine zwisch
enn die prust. Ich acht auch. das ioseph
sant marien hauswirt ine oft auff sein
knie genomen vnd angelacht hab. Vnd
das ich nichtz vntterwege lasse. dz wort
des herren ist worden in der hand. des
prophetē zacharie. vnd etlicher andrer.
Dise alle haben den vor inen gehabt vñ
keiner hinden. die euch zu einem ebebild
sollen sein. das ir auch also thuet. Dann
wo ir den. dē ir tragt. vor den augē habt.
on zweyfel so ir die angst. des herrē an
sehen werdet. so werdet ir eür angst der
ster leichter tragen. durch sein hilff. der
der preütigam der heiligen cristenliche
kirchē. vñ gebenedeiter gesegneter gott
in die ewigkeit der werlt ist Amen.

Difs sind sant Bernhartz wort mit
dē ich difs erst teil. difs püchleins C dz
ich den schatzbehalter der waren reich
tümer. des heils vnd der seligkeite nenn
beschlossen C will haben.

Daber die obgemeltē einpildung.
vnd setzung der gegenwürff. des
leidens vnsers herren. in die hend auß
geschriefften allein zebegreifen. schwer
sein möcht. So setz ich hie her die figur
der hend. in aigner gestalt. besond̄ nach
der zal vñ ordnung. der gegenwürff.
wie sie nach einand gesetzt sölle werde

Wō der weys vnd vñg zebedenckē das leidē cristi.

Dann wolt man die gegenwürff auch
schreibē. so müst mā grösser hend mach
en. den sie geformiert hie sind. doch wer
will. der mag ym auß disem büchlei. ein
gantze hand oder zwū. die linckenn vnd
die rechtem. mit eingeschubenn gegen
würffenn lassen machenn. vnd auß dis
ser figur der hand. wol merckenn. wie er
sie machen sol. nach der zyffer oder zal.
Also wo eins steet. da setz den ersten ge
genwürff hin. wo zwey steē. da setze den
andern hin. wa drem. den dritten. wa vi
er. den vierden. wa fünff. den fünfftem.
vnd also für vnd für.



Die recht hand



Wie man die gegenwürff. auch in pater noster mag setzen. oder ordinieren. **E**m aber ye zu schwer wer. dise hundert gegenwürff. an die hend zebilden. d. d. möcht im einen pater noster. mit hundert kornern. lassen machen. vnd an die selben kornern. die gegenwürff pilden. vnd vntterscheid der kornern. nach den farben haben. das er ye funff. die an die gleich der finger gehörn. in einer sündern gewysen farb. merckt vnd behielt. als in roth. wann es sein die fürderlichsten. vñ die ersten gegenwürff gewesen. darnach funff in grüner oder plover farb. die an die glidlein der vinger gehörn. darnach fünf in gelber farb. die gold bedeutet. von welchem gold die köstlichen fingerlein sein zu einem zeichen. das die selbē gegenwürff. an die gepildeten fingerlein. die an den glidlein gepildet werden gehörn. wer einē pater noster also ordnet. der möcht dise gegenwürff. leichtiglich an dem pater noster. vnd an den fingern behalten. das das pest vnd das schönst were.

Von den besondern freyheiten der betrachtung vnd bildung die man von dem herren hat.

Hey seyst auch erinnert das die bildung. die man vō cristo vnd seinē wercken. von seinen tugenden vnd seinē leiden. in dem andechtigē glaubē treget. so treffrig vnd so mechtig ist. das sie der teüfel. C gegen des gewalt aller mēschlicher gewalt klei ist. vñ vñbler fürcht. den alle künheit. vnd listigkeit der hertzhafzigistē. vnd klügsten diser werlt. f. lohe mit der fürst der teüfel. mit allem seinem hellischenn heere. auß apollinis tempel. allein von kraft wegē des zeichens des heiligen creutzes. mit dem sich ein vñ vñ

forchten wegē gesegnet hett. da er auß dē weg gen rom zu. bey nacht da er kein ander stat fand. zum tempel sich gelegt het. vnd sah. vñnd hōret den teüfel. alda ein gericht vnd ein verhöung. der teüflichen werck halten. bis sie yne fanden vnd schreyen wee wee. ein lers vaf. vñnd vnd doch gezeichnet. vnd fluchen all darvon. Als sant gregorius schreibt in dem sybenden capitel. des dritten püchs dyalogorū. Vnd der iud het doch den glauben cristi. oder seins heilige creutzes nit. Was mag denn das war geistlich bild. des creutzigen. in dem andechtigē gemüt wūrcken. wie erschrockenlich mag sein bildung den bösen veinden sein.

Von der nutzperkeit solcher bildung vnd betrachtung ist oben vil berürt worden. Wie schön sie aber sey. das mag man auch bey dem merckem. das sie ein gleichnus des allerschönstē ist. Wie freudereich sie sey. das merck auß sant augustins Worten. der in dem püch. von der waren vnschuld also sprichet. Der mag seiner wollüst nimmer beraubt werden. des freud cristus ist. Dann die frolockung. die sich von dem ewigem gutt frewet. ist auch ewig. Itē der selb sant Augustin spricht. in dem püch von d substantz der liebe. Durch die liebe hat ym gott die vernüfftigen creatur zugesügt. das sie durch das. das sie im allweg anhieng. das gutt der seligkeit auß ym in etlicher weise. durch die begirde saugte. vnd das sie von im durch das verlangē. trüncke. vnd in im durch die freud besesse. Darumb o pinlein saug. vñ trinke. die vnaussprechlichen süßkeit deiner wollüst. tauche vñ sencke dich vntter vñ wird erfüllt. wan er mag nit zerrynnē. die weil du nit begynst verdriesslich zewerden.

ist nutz heilsam vnd fruchtper

Darumb hang im an. vnd hang auff dz allerhöchste in im. vnd neuße in. dann so das kostenn ymmer werend wirt sein. so wirt auch die seligkeit ymmer werend. vñ ewig bleiben. Dis spricht sant augustin Über welche wort mich wol gelustet die. die dy vñguter gedancke. vñ betrachtung vñ cristo. vñ seinen wercken verachten wolten zefragen. wa mit man von cristo saugen. trincken. kostenn oder essen. ob man des mit dem leipliche mund. zenen. lebszen. zungen. vñnd der gleichenn thun solte. C ausgenommen das heilig sacrament. seins heiligenn fronleichnams vñ pluts C oder ob er ander geistlich gelider. der selē meine. Ich mayne die meung sey offenbar genug. Aber des beger ich hie zuerinnern. die. die dis lesen werden. das die pildung. die von der wurdigkeit. von der tugent vnd andern aigē schafften cristi. vnd allernaist von cristo in ym selbs ist. vber das. das sie mit andern pildungē. gemein hat. so hat sie sunderlich als die. die besunder für alle ander gewirdiget vnd gefreyet ist. das. dz sie den von dem sie ist. allweg wesenlich in der warheit gegenwertig hat. vñ darumb ist sie mit zehalten. zeachten oder zenerachte. als ander pildung. sunder als ein offnung. der ynnern augen. zesehen. vnd warzenemen. des gegenwertigkeit der allweg bey vns ist. vñ sein augē nimmer vñ vns abwēdet. sunder er siht auff vns. vnd nympt aller vnserer. vñ zuuoran. der ynnern wercke des hertzen ware. vñ merckt fleysslich. wo vnser augen hin gekert sein. wo vnser hertz hin geneigt sey. wo vnser schatz lig. wo vnser mutt vnd sin hin stee.

Von den aufschweyffigen hertze. vñ wider die. die selte an gott. mit zuch-

ten vnd danckperkeit gedencen.

O du vñbschweyffede. irrede. ia grobe vñtzüchtige. vñ danckbere sel. gee yn dein eigē vernunft. betrachte. was dein liebhaber gedencen müg. dein warer preutigam. seinerhalb. das du dich so selten. zu im wendest. das du den. C des angesiht. du dich nimmer vñtterziehen magst C so wenig vor augen hast. dz du dich so gar nichtz schemst. vor dem sich die sunn entsetzt. vnd der mon schemet. du fürchtst nit seinen zorn. du scheußt nit seinen gewalt. vñ maiestat. dich taure mit sein trew vñnd vñaussprechlich lieb. dich erpamet nit sein grosse arbeit. vñ sein getreues suchenn. durch die er vñb dich gefochten. vnd dich dreu vñnd dreyßig iar gesucht hat. du siht deine verfürer. mit gailen. begirigen. eeplichgenn. inbrünstigenn augen an. vnd lassē den herten als einen fremde steen. beduncke dich das billich sein. so hast einen verkeren syn. du kere dich oft zu einer armē dürfftigen creatur. die weyt von dir ist. du kere dich mit dem hertzen vñ gemüte mit ynnern gedanken vnd synnen. zu dem. der weder gedanken noch syn. die zeit zu dir hat. der auch wenn er bey dir were. weder dein hertz noch gemüte. sehen möcht. vnd ob er die sehe. so wolt er nit gleych wydergestung tun. wolt er. so möcht er nit. wañ nyemāt mag dei hertz settigen. denn der es beschaffen hat. Al so legst du dein liebe vbel an. vñ lest den der deins hertzen. vñb deines frumenn willen begert. der es beschaffen hat. der dein gemüt nach im vñnd zu im. sein enpfenglich gemacht hat. der es allein erfüllen mag. der alle deine gedencen. alle begird. alles belangen was von ym. zu im. nach im. vñb seinē willen ist. allain

mercken. behalten. widergelten. vnd hñ
 dertfeltiglich oberlonen kan. Den selbē
 last du on alle ere. vergebens warten. vñ
 ler außs geen. Ich wolt vō wunders we
 gen geren wissen. ob yemāt in seiner ver
 nunft. so verplendet. oder so verirret. vñ
 verkert in seiner gewissen. möchte gefun
 den werden. der da vrtellen getōst. das
 das recht wer. Darūß so wir vnsern herr
 ren allweg gegenwürtig haben. vnd mü
 gen in doch nit mit leiplichen augen. in
 seiner aignen gestalt sehen. wan dasselb
 ist der lon. der vns dort hin behaltē wirt
 So füllen wir in mit den ynuern augen.
 vnd mit betrachtung. die durch die pil
 dung ist. in diser zeit ansehen. so bist du
 genyse. das dasselb on groß frucht nit
 hingeeet. Denn ich getōst sprechen
 in gleichnus weyse. das diser aller feüris
 gister liebhaber. so dācker der liebe. vñ
 so adelich vñ hōstlich ist. das ich nit glau
 ben will. dz sich sein gespōß ymmer liep
 lich zu im wend. sie pringe einen kuss od
 vmbfassen. vñ zumminsten auch einē ge
 nadenreichen anplick daruō. wan mit ver
 gebens. spricht dauid in dē dreyßendzē
 sigisten psalmen. Trettet zu ym. so wert
 ir erleuchtet. vnd eür angesicht werde mit
 beschemet. als ob er wolt sprechē. Er ist
 nit ein grober vnuerstēdiger. als ir grob
 vnd vnuerstanden holtzpöck seyct. die ir
 eüch nit schemet. das ir eüern herrē vnd
 liebhaber. eüren gott. vnd richter. als vil
 an euch ist. beschemet. in dem. das ir ym
 die zeichen der liebe versaget. wan er be
 schemet nyemant. der sich in warer liebe
 zu im keret. Darūß trettet zu im so wert
 ir geeret. vnd nit beschemet. versucht vñ
 seht. wann süß ist der herr. Selig ist der
 dñ in hoffet. wan er spricht selbs durch
 seinen heyligen prophete Jeremiam. du

bist zu einer bñbin wordē. mit vil liebha
 bern. dan noch ker widerumb zu mir. vnd
 ruff mir fürbas. du bist mein vatter. du
 bist der fürer meiner iunckfrawschafft.
 Jeremie am dritten capitel. Vnd salo
 mon spricht vō der weyßheit die cristus
 ist. i. ad Corinthi. j. Sie wird leicht gese
 hen von den. die sie lieb haben. vnd wirt
 gefunden vō den. die sie süchen. Sie für
 kömt die. die ir begern. dz sie sich ine vor
 hin zeige. sie geet auch vmb. zefuchē. die
 die ir würdig sind. vnd beweyset sich ine
 frōdlich. Von ir zegedencken. ist ein vol
 prachter sin. vnd wer vmb iren willen
 wacht. d wirt pald sicher sein. In büch
 der weyßheit am sechsten capitel. merck
 was hie salomon sprucht. das es ein vol
 konner vnd volbrachter sin ist. von der
 weyßheit die cristus ist. zegedencken. vñ
 das sie vor da ist. da man ir begert vñ be
 gegnet vnd beweiset sich frōdlich. vnd d
 gleichen findet man vil yn den büchern.
 Salomonis vnd des puesters ihesu. sy
 rachs sun. Das ist ein sūnder freyheit.
 diser pyldung für andere. Denn ob du
 auch vntterweil gedēckest. an dem frend
 oder an ander dñng. die du lieb hast. so
 sind sie darumb. dir nit wesenlich gegen
 wertig. yn ire abwesen. darumb sind die
 gedanken vō ine. vmb sunst. vñ vnutze.

Von der andern freyheit d gedechte
 nus von cristo.

Als ander. dz dise sūnder gefrey
 te pildung. von cristo hat ober an
 der pildung. das ist. das sie allweg gese
 hen wirt. von dem. von dem sie ist. der
 so gutt vnd so milft ist. das er es nymmer
 vnbelont will lassē. als vor steet. dz aber
 mals in andern pildungē nit ist. Dar
 umb sind die menschen strelich. vñ al
 ayn die tag vnd nacht tichten vñ dar

ist nutz heilsam vnd fruchper. 21

auff synnen wie sie vbeln stiftē. vñ sündliche werck volbringen. sunder auch die. die ir zeit mit öden vppigen vñ vnnützen dingen hinbringen. vñ ir gedechtnus mit sprüchen. gedichten. oder lydern von dem lob der sünd. oder verdäppter mensch en bekümmern. Dar durch ir gemüth ver schlagen wirt. das gutt gedenc̃t von den guttaten gottes. vnd dem leidenn cristi. Vnd ir sel hayl nit stat in ynē mūgē haben. Darumb sie auch nit mit warheit sprechen mūgen. das in dem hundert vñ achzehendenn psalmen steet. V lymmer ewiglich will ich vergessen deiner recht fertigung. wañ in ynē hast du mich le bēdig gemacht. Welche wort sant bern hart. auff die betrachtung des lebens. vñ leidens cristi zeuht. In der viernduyrtzigisten predig. vber das pūchlein d lieb habenden sel. Vnd aber eins in dem sel ben gemelte psalmē liset man. Wie lieb hab ich herr dein gesetz gehabt. dē gūtz en tag. ist es mein trachtung. vber alle die die mich leren. hab ich verstanden. wañ dein gezeignussenn sind mein betrach tung. Mein sel ist allweg in meinen hēden. vñ deins gesetz hab ich nit verges sen. Sant Paulus spricht in dem zehenden capitel. zu den rōmern. d̃ cristus das end des gesetz ist. zu d̃ gerechtigkeit. einem yeglichen gelaubigen. Dann das gantz gesetz hangt an den zweyen gepotten. der liebe gottes. vnd der liebe des nechsten. Als der herr selbs spricht. Mathei am zweyundzweintzigsten capitel. vnd sant paulus spricht aber zu dē rōmern yn dē dreyzehendē capitel. Wer seinen nechsten lieb hat. der hat das ge setz erfüllt. Wer aber der nechst sey. das gibt der herr selbs zuuersten. in d̃ gleich nus die er dem lerer. des gesetz saget.

vber die frag die er dem herren fürwarf wer sein nehster wer. da der herr durch die gleichnus des samaritans gnug vnd clerlich bewert. das er der nechste ist. den mā liebhabē sol. als sich selbs. Dar durch doch sein glider mit außs geschlossen. sūnder eingeschlossen werden. Vnd also wer cristum lieb hat. der volbringt d̃ gantz gesetz vnd alle geschriff. wañ er hat gott lieb vnd den nechsten. Dann er ist warer got. vnd warer mensch. Darūb spricht sant pauls das er d̃ end des ge setz ist. Vnd spricht in dem dreyzehenden capitel zu den rōmern. das die liebe sey die vōlle des gesetz. Vñ also volgt hernach. wer allweg cristū. sein lere. das ewangelisch gesetz. das er geprediget. seine werck. die er getan. vnd was er für vns gelittē hat. bedenc̃t. auff die mein ung vnd das end. das er dar durch ge nad erwerben mūg. zeuolbringē das. d̃ der herr mit den wortten gelert hat. vnd auff das hōchst vor allen. vnd für alle die seinen. in seinem leben exempliert. bewi sen vnd behalten. vñ zum letzte mit sein em leiden. volbracht besteriget. vnd mit dem sacrament. seins heiligen fronleich nams. vnd andern sacramentē versigelt hat. der selb mag dēster warhafftiglich er. den egemelten psalmen lesen. Denn was im gebriecht seinethalb. d̃ ist durch cristum. mit dem er durch die gedanc̃ē vnd durch die begirde. vñ liebe eins ist. vnd durch sein heiligen erfüllt. vnd vol bracht. Vnd also mag ein sōlicher der waren seligkeit. dēster sicherlicher war ten. so bey dem anfang desselbē psalmē steet. Selig sein die. die da nach suchen den gezeignussen des herren. die in in gantzem hertzen auffūchenn. Darumb lūch im ein yeglicher auf. was im allers f iij

gedencken von cristo

hast gefelt. David spricht in dem sechs und dreyßigsten psalmen. H ab eine wol lust in dem herrē. so wirt er dir die begirde deins hertzen geben. Vnd in den ob gemelten psalmen. In dem wege deiner zeugnissen. habe ich einen lust gehabt. als in allen reichthümern. In deiner rechtuertigungen. soll mein betrachtung sein. deiner rede will ich nit vergessen. Was die rechten vnd höchstenn rechtuertigungen des herren weren. Das vndt man gar clerlich yn sant paulus epistel. zu den römern. weyt vñ preit. wer sie verstünde. In der er spricht in dem dritten capitel. außs den werckenn des gesetz. wirt kein mensch C er spricht fleysch. er nympt es aber für den menschen D Keyn mensch spricht er wirt ymmermer gerechtuertiget. vnd vor gott gerecht geachtet. Dañ durch das gesetz. ist die erkantnus der sünd. nun ist aber die gerechtigkeit gottes geoffenbart worden. on das gesetz. vnd betzueget. von dem gesetz. vnd von den propheten. Aber dise gerechtigkeit gottes. ist durch den glauben ihesu cristi vber alle die in ine glauben. Wan es ist kein vnterscheide. Dann sie habē alle gesündet. vñ bedürffen der ere gottes. dz sie vmb sunst gerechtuertiget werdenn. durch sein genad. vnd durch die erlösig die in cristo ihesu ist. den got eine gnedigen verzeiher. fürgesetzt hat. durch den glaube in seinem plut. zu erzeugung seiner gerechtigkeit. vmb der vergebung willen. der vorgehenden sünd in der auffenthaltung gottes. zu erzaygung seiner gerechtigkeit in diser zeit. dz er gerecht sey. vñ rechtuertigend. oder gerecht machend. den der außs dem glaube ihesu cristi ist. Vnd herab bas spricht er. wir haltē. dz der mensch gerechtuertiget werde. durch

den glauben an die werck des gesetz. Wann ein gott ist. der die beschneidung rechtuertiget. außs dem glauben. vñ die vnbeschnitten. durch den glauben.

Dise sind sant paulus wort. in der genannten pisteln. außs den man nit allein hat. welches die rechten rechtuertigung gottes sind. sunder auch welches die für derlichisten zeugnissen sind. in den der prophet. solhen grossen lust hat. die sein betrachtung solle sein. der er nimmer vergessen will. die er für sein erbtel erlāgt. vnd gesucht hat. die seins hertze frewd sind. als er in dem selbē psalmē spricht. in den er lust gehabt hat. als in alle reichthümern. die im begirlicher sind. den golt vnd vast köstlich edel gestein. vnd süßer denn hönig vñ honiglam. als er in dem achzehendenn psalmē spricht. Sant pauls wort. wie wol sie schwer scheinen. hab ich nit muß hie außzelegenn. aber eins warnē ich dich hie C das du nit auß vnrechter verstentnus in irsal rallest D Wo sant pauls hie das gesetz nennet. do maint er nit das gesetz cristi. noch dz gesetz der natur. noch moyses gesetz d sit tē halb. die von dem gesetz der natur sein. sunder das selb moyses gesetz. ander gepott halben. die die alten ee antreffen. Das stee alles an seinem ortt.

Aber von einer sundern freyheit. der gedanken von cristo dem herren.

In Ort zu geen. hat die pildung von dem leben vnd leidē cristi. den vortail. das sie ander pildung vbertrifft. vmb ires gegenwurfs willen. dann wie ir gegenwürff so hoh. so würdig. so mechtig. vnd so edel ist. das das minst in im grösser ist. denn das gröst in den grossen. als sant paulus meldt in dem ersten capitel. der ersten pisteln zu den Chornthiern.

So er spricht dz dz. dz schwach od krack
ist gottes. dz ist das stercker des meschs
en. Er will soull sprechem. Das das aller
schwechest. in cristo. als das er gelitten
hat. vnd getott ist worden. Das ist stercker
er den das allersterckist. dz in de meschs
en mag sein. Wan der tod cristi hat den
tod vberwunde vnd getot. vnd de teufel
vberwunde vnd getot. vñ den teufel ge
punden. vnd die helle zerstort. vñnd das
schwert das feurig was. vor dem paras
deis hingenomen. vnd die himel geöff
net. vñnd vil der dinge gethan. Das nye
Durch meschlich krafft. wie grob sy ym
mer wer. beschehen mocht. Ja aller mes
schen macht ward nye so gewaltig. dz sy
der vñnd vnzellicher andrer ding. die cri
stus durch sein leiden vnd sterben. zu we
gen gepracht hat. eins hett muge thun.
Darumb nyemat lasse sich das wunder
zu zweifel ziehen. Das allein die pildung
vnd die betrachtung. des leidens cristi. vñ
dz zeichen seins creutzes. mit mer vermug
dan ander pildung. Wie oben ist gnug ge
meldt. in den spruch der lerer. Besund
sant Johansen mit dem gulde mund. vñ
iohansen damasceners. vñ Rabani mag
nencij mauri. was macht an dem zeichen
des leidens cristi stee. Es sey gnug mit de
selben. Hor hie zu einer beschliessung.
Dis zusatzs. was sant Augustin in dem
buch vo der schawung cristi sprech. In
dem funffte capitel. Mein gott gib mir
den. den ich lieb hab. Das ist dich selbs.
Dann wann du mir auch alle ding. die du
gemacht hast. gibst. so ist dz deine knechte
mit gnug. du gebst dich denn selbs. denn
ich wird durch dein lieb gehalten. durch
dein begird entzündt. zebegerenn. Ich
wird durch dein süsse gedechtnus erlüt
riget. vñnd weñ dir mein gemüte vo dein

er gedechtnus erseinfzet. vñnd betrach
tet dein vnaussprechliche milteit. so be
schwert mich die pürde des fleysch des
ster mynder. vñnd die vngestümigkeit der
gedanken hört auff. der laste der tödli
keit. vñ der arbeit seligkeit. stupft mich mit
als sein gewonheit ist. alle widerwertig
ge ding schweigen. alle ding sein still. dz
hertz print. das gemüte freut sich. die ge
dechnus ist frisch. die reisternus leuch
tet. vñnd der gantz geist wirt rō d begird
deins gesichts angezündt. vñ sieht sich in
die liebe. der vnsichperlichenn ding en
tzuckt werdenn. Dis vñnd vil anders
schöns dings. setzt sant augustin in dem
genanten puch. von dem anschawen cris
ti. zu dem vñnd die göttlich barmhertzig
keit auch erhebe. das wir das. zu vnserm
heil zu der ere der göttliche maiestat er
langen werde. durch das verdienen des
leidens vñnd herren ihesu cristi. d mit
dem vatter vñnd dem heiligen geist. reg
niert ein gott in werlt der werlt. Amen.

Hie endet sich das erste teil dis püch
leins von dem tittel oder namen. vñnd dem
lob vñnd nutz. vñnd der vñbung der materien
des nachuolgenden andern teiles.

Wie vorred vber das ander puch

Hie fahet sich an der ander vnn
fürderlichst teyl disz Büchz.

Der ander
vnd für-
derlichst teil. dis-
ses büchleyns.
Daz die hundert
gegēwürff. des
heilSAME leidēs
vnfers Behalters. vnd seligmachers ynn
helt die darüb gegenwürff genent wer-
den. das ye zwē widerwertig artickel. ge-
gen einander gesetzt vñ geordnet sein.
auff das. dz ye einer gegē dē andern ge-
haltē vñ betrachtet. dēster mer leuchte.
größer erscheinen. pas erkennt. tieffer zu
hertze genomē werd. mer zu adacht vñ
däckerkeit beweg. vñ also dē mēschē. d
sich daryñ vbt. mer frucht vñ selikeit bri-
ge. vñ ist zewissen. das die entlich mein-
ung diser ordnung. des leidens cristi. ge-
gen seiner würdigkeit oder tugent. oder
diser beyder. also gesetzt ist. mit allein dz
man sie betracht. sunß auch vñ mer dar-
umb. das man wisse. gott den herrē. dar-
bey antzerriffen. vnd in die selben gegē-
würff. Das das. das man von gott be-
gert vnd bitt. dēster eer. durch das ver-
dienen cristi erworben werdenn müge. d
fürzehalten vnnß zeopfern. dann vnser
herr ihesus cristus. hat in d letstē nacht
seines törtlichen lebens. als er von diser
werlt wolt scheiden. verheissen. was in
seinem namen. der mensch den vatter bi-
ten würd. das würd er thun. als sant Jo-
hannes in dem vierzehenden vnd sechze-
henden capitel schreibt. vnd wen wir got
dem vatter das verdienen cristi für hal-
ten. So bittē wir den vatter. das er vns

das. vmb des verdiēsts willē. seins suns
geben wolle. des wir vnfers verdiēsts
halben. mit würdig sein zeempfaben.

Es ist auch zewissen das etlich ge-
genwürff von bildwerck figuren haben.
vmb der layen willen. für die disz büch-
lein allermāst. entworffen ist. auff das.
das die. die sunst nit geschrifft od puch
er habē. sich dēsterbas bekehren müge
in der verstentnus. vnd behaltung diser
gegenwürff. durch die auslegung vñ ein-
pildung sollicher figuren. Vnterweilē
hat ein gantzer gegenwürff. allein ein fi-
gur. vnterweyle hat ein yeglicher arti-
kel. ein sundere figur. Vil gegēwürff ha-
ben keyne. wann sie sein zu geistlich. vnd
in figuren nit wol erfintlich. vnterweil
dient ein figur zu vil gegenwürffen. od
zu mer dann einem. als denn die ding di-
ser materi in dem puch erscheinen. vñ sich
selbs zeerkennen geben. Auch ist ze-
wissen. das etlich gegenwürff sollich
artickel. besunder vō den erstē artickeln
haben. die in inen selbs volkomen gegen-
würff beschliessen. vnd also sein etlich
gegenwürff zwifeltig. oder maniguel-
tig. vnd die erstē artickel. treffen die wir-
digkeit. oder tugent cristi. oder sie beyde
an. die andern das leiden. als dann dise
ding yn dē erstē teil gemeldet sei wordē.

Der erst gegēwürff trifft an die ewig-
keit des leidēs cristi. Der erst artickel.
des erstenn gegenwurfs laut also.

Et d vatter hat vō ewigkeit für-
sehe. fürgenomē. vñ vor geordnet
seine liebē sun zeeren. vnd zeerheben in
menschlicher natur vber alle creatur.

Der and artickel des erstē gegēwurfs
Oder der sun. hat vō ewigkeit für
gesetzt. zeleidē für den mēschē.
zu ere seins vaters.

Die erst figur gehört zu dem erste gegewurf.



Das leiden cristi.

Die auslegung des ersten artickeľ
des ersten gegenwurffs.

Ott der vatter hat von ewigkeit.
fürgeordnet. zeglorigiert vñ
zerheben. seinen sun in menschlicher na-
tur. vñ menschliche natur in im. also dz
der mensch der in der zeit. von der iunck
frawen maria aufs dauids geschlecht
solt geporn werden. als warer gott vñ
gottes sun. geeret werden solt. Dis
ist hie bedeutet in der ersten figur da d
vatter dem sun fürhelt. die kron. mit der
dyadem. der göttlichen maiestat. vñ dz
recht ort des götlichen throns. welche
zeichen. zu bedeutung der göttliche ere.
Die nach ir selbs so sie gaistlich ist mit
mag gefigurirt oder gemolet werden
hie steen. Vñ merck das solliche ere dē
sun von dem vatter mit geopfert. oder er
pottē wirt. nach dem. als er von ewigkeit
gottes sun in göttlicher natur von gott
dem vatter geporn wirt. Wan nach der
selben art vñ weyse. so hat er die selben
ere. vñ natur in ewigkeit. Sund sie wirt
im erpotten von dem vatter. als er sie in
der zeit. von gnaden in menschlicher na-
tur emphahē solt. Vñ so aber diser ar-
tikel hoch vñ subtil ist. vñ mag in diser
kurtzen verzeichnis. wie ander artickeľ
mit ergrünt werden. so lauff der. der das
von den gelerten wissen will. vber die le-
rer. die sant paulus wort auflegē. zu den
Römern am ersten capitel. Aber der
mensch. der andacht vñ erkentnis des
leidens cristi sucht. in disen figuren vñ
artickeľn. darumb sie also geordnet sind.
der lerne bedencken. wie hoch got d milt
vatter seinē sun hat wöllen eren vñ er-
hebē. dem er vñ menschlicher natur. einē
sollichen herrlichen anhang. nit allein d
naturhalb. in einigkeit der person. sund

auch der heyligen cristenliche kirche. vñ
schöne samblung halbē. aller auferwel-
ter. die er ym bereyt hat. als ein schöne
praüt. die yñ ewiglich lieb haben. vñnd
sich mit danckperkeit in im frewen solt.
als yñ irem bildner. nach dē sie so schön
gepildet wer. als in yre vatter. aufs des
plut vñ geist sie geporn wer. Als in yre
vorfechter. der sie mit dem kampf vñ dē
verfurer vñ hellischen mörder erfochtē
het. Als in yrem erlöser. d sie auß den
ewigen peinen. vñ des teufels gefenck-
nus. vñ von des wütrichs grymmigen
gewalt. mit seinem kostparrn plut erlöset
vñ gekaufft hett. Als in yrem schönen
wunniglichen. getrewen. vñ edlen preu-
tigam. der vñb yren willen souil vñ gros-
se ding gethan vñ erlittē het. Ich sprech
geren wenn es nit zulang were aufze-
legen. als in dem. ab dem. aufs dem. von
dem. durch den. nach dem. zu dem. vñb
des willen. dem vñd in den. nach manch
erley auffmerckung. sie beschaffen were
worden. Ja noch mer zesprecken. d auch
vñb des willen. das er ir vñ sie im desten
mer vñd neher zugehörete. vñ sie desten
mer sach d liebe zu im. vñ ewiger freud.
in ym. vñd vñ im hette. aufs ir. vñ ir. vñb
iren willen. nach ir. zu ir. durch sy. für sy.
in sy. ir zu lieb. zu erenn. zu freud. vñd zu
seligkeit wordenn wer. Ja das ichs mit
kurtze begreiff. der ir alle ding. in allen
dingē wer. j. Chorinth. xv. Ephes. j. vñ in
dē sy alle sach d lieb. dackperkeit. vñ freu-
den sünd vñ hette. als durch den sie von
allem vbel erledigt wer. vñd alles gut er-
worben. vñ beleiblich erlāgt het. Dis
alles dienet zu der ere cristi. dz er ein sol-
liche gesponsen. ewiglich habē solt. die
ine also liebet. eret vñ lobet. als iren wa-
re gott. ire schopfer. bildner. vatter. may

als es von ewigkeit fürgenomen ist. 32

ster. herren. preutigā. erlöser. haubt. lieb
haber seligmacher. Ja auch als iren bru
der. ir kind. ir pild. ir blut. ir fleisch. ir eigē
frucht. den gegewurff aller irer liebe. vñ
frewd. in dem sy alles das hette. Das sie
wolt. Das ist die ere. die der vater dē sun
von ewigkeit fürgeordnet hat.

Von dem andern articel des ersten
gegenwurffs.

Dar gegen der ander articel. des
ersten gegenwurffs ist diser. Got
der sun hat von ewigkeit im fürgesetzt.
für das werck. das der vatter durch yn
schuff. Das dasselb seins vaters werck.
nit verloren würd. außgepredelichayt
vñ missprauchung seins eigē willēs. vñ li
stigkeit des feinds. Zu der ere seins va
ters. zuerlösung vñ wöbungung desselbe
wercks. zeleidē. vñ zesterbē an dē creutz.
in mēschlicher natur. vñ der selb fürsatz.
ist nie vntterprochē wordē. dasselb zebe
deütten. so zeigt dē sun in dē figur auff dē
creutz. als der. der ein zeit die schāde vñ
pein des creutzes außs liebe des vatters.
vñ seines liebste wercks. mēschlicher na
tur. für die ere dē gotheit erwelt. Vñ die
selb wal vñ fürsatz des leidens. hat got
dem vatter. in dem sun. so wol gefallē. dē
er vō ewigkeit beschloffen. vñ fürgenomē
hat. Das er kein creatur ymmer selig
wolt machē. dan allein durch dē verdien
en cristi. dan also spricht sant paulus in
dē epistel zu den hebreysche. in dē zwelf
ten capitel. Wir söllē alle pürde vñ sünd.
die vmb vns steet. hin legē. vñ durch die
gedult. zu dem streit. der vns fürgehal
tē wirt. lauffen. vñ seßē in den erste mai
ster vnsers glaubēs. vñ in dē volbringer
ihesum. der als im freud fürgehalten
ist wordē. dē dē creutz gelittē. vñ die schā
veracht hat. In dem dritten capittel zu dē

römern spricht er. Die gerechtigkeit got
tes ist geoffenbart. durch dē glaube ihē
su cristi. vber alle die. die in yn glaubenn.
wan es ist kein vntterscheid. dan sy ha
bē alle gesündet. vñ bedürffen alle dē ere
gottes. das sy vergebens vñ vmb sünd.
durch sein genad gerechtuertiget wordē.
durch die erlösung die in cristo iesu ist.
den gott einē gnaderwerber. vñ verzey
her fürgehalte hat. durch den glaube in
seinem plüt. zuerzeugung seiner gerecht
keit. vmb dē vergēbung willē dē vorgeendē
sünd. Wolte gott das ydermā dīse wort
sant paulus verstünde vñ gelaube. so er
kennite mā wol. ob es war were. Das obē
gesprochen ist. dē gott dē vatter vō ewig
keit beschloffen. vñ fürgenomē hat. kein
creatur. nit allein die mēschliche. sunder
auch die engliche. Als maister mathe
us vber dē pūch. dē göttliche offenbarung
schreibt. On das mittel des verdiensts
des leidens cristi selig zemachē. Das
aber got dē also fürgenomē hab. in ewig
keit. das meldet sant pauls offēbarlich
zu den vō epheso. vñ spricht in dem erste
capitel. Gebenedeit sey gott dē vatter. vn
sers heren ihesu cristi dē vns in yn erwelt
hat. ee die werlt ist beschaffen worden.
Vñ herab pap. das er vns kund tet. das
sacrament seins willens. nach seinē wol
gefallē. dē er im fürgesetzt hat. in dē ord
nung der völle dē zeit. wider zepingē alle
ding. die in dē himeln vñ auff erdē sind.
in cristo zē. In dē erste capitel dē andern
episteln ad thimotheu spricht er also.
Gott hat vns berufft durch sein heylig
geberuffung. nit nach vnserm werckenn.
sunder nach seinem fürsatz vñ gnad. die
vns in cristo ihesu gegeben ist. vor den
werliche zeitē. aber nun ist sie geoffen
bart. durch die erleuchtung vnsers selig

Das leidē cristi als es vō ewigkheit furgenomē ist

machers ihesu cristi der den tod zerstört vnd das lebē erlūcht hat. durch dz ewā gelū. Ober disen ersten gegenwurff. wann du in betrachttest. magst du wol in deinē hertzen gedēcken. oder auch mit worten al so sprechen.

Ein gebett vber disen gegenwurff.

O Armhertziger schöpfer. heyliger herre. almechtiger vatter. ewiger gott. der du vō ewigkheit. furgenomē vñ geordnet hast. deinē liebē eingepornen sun. vnserm herren ihesu cristo. ein solhe samlūg. von den außserweltē. zebereitē vñ zu zefügen. die ine souil mer lieb hete lobte. vnd sich in ym frewte. so vil als er sie außs mer vñ grössern vbeln erlöset. vñ ir mer vñ grösser guttes bewisen. vñ in im selbs verlihen hette. milder herr erbarm dich vber mich. vñ vber alle die. die deiner genad begern. vñ deinen heilige namē anruffen. vñ zel vñ nym mich vnter die heilige samlūg deiner außserweltsen. dan ich stee. in solher grosser fertigkheit. vñ sorgē der pein. der ich vmb mein ermanigeltigē sünd wilē verfallē bin. vnd verfallen mag. Das ich werlich wol sach hab dem selben deinē allerliebsten sun. ymmer ewiglich grösslichen zedäckē. ine hyrtiglich lieb zehabē. vñ frölich an vntterlah zelobē. so ich durch sein genad. vō solhē grossē vnzelichē. erschrockenlichen ewigen vbeln. die ich mit meinē sündē verschult hab. vnd ob er mich nit behute. verschuldenn möcht. erlediget würd. vnd so ich das nit verdient hab. so halt ich dir für. den ewigē fürsatz des selben deins suns zeleidē. für vns arme menschē dir zu wolgefallē vnd zu eren. vnd ermane vnd bitt dich. durch dz wol gefallen. das du yn dem selben fürsatz. vnd seiner volbringung gehabt hast. dz

keiner nye so hoh ward. wed engel noch mensch. den du an das mittel selig woltest machen. keiner ye so klein. den du verwerffen woltest. d dich vntter disem mittel des verdienens deins suns. als er sol. anruffte. das du mir vñ allē den. für die ich bitten sol. gnediglich zu d seligkeit. die du deinen heilige. in deinem sun bereyt hast. helfen woltest. durch den selben deinen sun vnsern herrē ihesum cristū d mit dir lebt vñ regirt. in einigkeit des heilige geistes. got durch alle werlt d werlt Amē. Dis vñ dergleichē gepete. in dem d mensch sein sünd. vñ die vbel die er dar durch verschult hat. bekent. vñ da er dz verdienen cristi fürhelt. vñ auch für die andern außs liebe. bitt. ist treffrig vnd den menschē gar verdienstlich. vñ gott angemen. So d mensch fürderlich bitt. vñ begert der seligkeit. in der er got ewiglich liebē vñ loben mūg. vñ sölich er gepet magstu vil ziehen außs disen articeln. Welhe articel ich vast verkürtzen muß. soll ich die alle in dise kurtze geschrift bringen. Nun ist zewissen. das die ersten fünffzehen gegenwurff. auff das leidē cristi geen. nach d weyse als es künfftig was. vñ die obgeschribē articel sind auch vor aller zeit. vnd die nachuolgenden in der zeit vor dem leidē gewesen.

Die ander figur gehört zu dem erste articel des andern gegenwurffs.

Die dritt figur gehört zu dē andern articel. des andern gegenwurffs.

Die ander figur!



Die dat figur.



Als cristus dē engeln geoffenbart ist wordē.

Der erst artickel des andern gegenwurffs.


Oder der vatter hat sein farnemen von der menschwerdung. vñ dem verdienst des leidens cristi. den engeln. alspald sie geschaffen sind wordē. für gehalten. vñ geoffenbart. also. wolten sie selig wordē. dz must geschehē durch das. das sie sich vntterwürffen. der menscheit cristi. vñ dem verdienst seines leidens. wann on das möcht kein creatur. zu seiner gnad vñ seligkeit komenn.

Vñ diser artickel wirt bedēit. bey der andern figur. da got der vatter zeigt auff das crucifix. in den wolckē zu einē zeichen. das er sollich den engeln. in dē hymel geoffenbart hat. die guten engel. knien nyder. vñ betten an. zu bedēitungē. das sie nach dē willen des vaters sich dem verdienst cristi vntterwürffen haben. Aber die andern steen. zu einē zeichen. das sie das verachten. vñ das selb ist d̄ andere artickel dis andern gegenwurffs. Wann als der hōhst engel lucifer angesehen hat. die schonheit. clarheit. subtilkeit. vñ ander adenliche eigenschafft. seiner englischen natur. vñ dargegen die grōbkeit. vñ diemütigkeit mēschlicher natur. da hat er sich dar vber geachtet. das er sich der selben solte vntterwerffen. vñ gemeint. solt etwas

natur also erhōht werden. das ir die andern solten vntterwürffen sein. so solte im sollich billicher zu gehōren. vñ vber treffenligkeit wege seiner natur. Darv̄ hat er sich der selben wirdigkeit wōllen vntterfahen. vñ annemen. darzu hat er auch. vil ander engel bewegt. ym antzē hangen. vñ sich vntterstanden. der wirdigkeit cristi. vñ got gleich hoh zesein. wider den vñ sein gesellschaft. hat sant michael C der als vil gesprochen ist. als wer als got. das ist. wer mag als hohwirdig. vñ grōsmēchtig sein. als got. wider seinen willen C mit den gutten engeln gestritten. vñ im widerstandē. vñ durch krafft des creutzes. vñ des leidens cristi. C Als rabanus. Magnentius maurus spricht de laude crucis. in d̄ dritte proß C obgesigt vñ vberwundē. vñ darzu aufs dem himel gestossen. Apocal. xij. Also ist Lucifer. aufs verschmēchnus des leidens cristi verworffenn. vñ mit seiner gesellschaft. zu teufeln vñ verdampft. vñ die guten engel. die das geeret haben. sind in dem guten in gnad bestetiget. vñ selig worden. vñ das ist die bedēitnus d̄ dritten figur.

Die vierde figur gehōrt zu dem dritten gegenwurff. vñ synd zwo figur yn ir begriffen. die ober gehōrt zu dem erste artickel. die vnter zu dem andern.

Die vierd figur.



Als cristus in den erstē eltern gemeit ist wordē.

Des Dittē gegenwurffs erster artickel.

Oet der herz aufs meinung zeuol
bringen sein fürnemen. zeglorifizieren. vnd zu erhöhen. seinen ewigē sun in menschlicher natur. hat die selben natur beschaffen. yn dem cristen menschen Adam. vō des natur oder geschlecht. zu fünffzigē zeitten sein sun. menschliche natur an sich solt nemen. vnd zubezüen die würdigkeit cristi. yn der vermählung d̄ heilige cristenliche kirchen. vō der. hie oben in dem cristen gegenwurff gemeit ist. hat er im als pald aufs seiner seitten. ein frauen beschaffen. vnd die selbē zu einem eelichen gemahel gegeben. vnd in dē paradeis vntter dē baum. als er entschlossen was. die seitten geöffnet. vnd die haupftrauē geformirt. zu einer figur vnd bedēitnus. Das vō der seitten cristi. weñ er an dem baume des creutzes. entschlaffen vnd gestorben wer. solt die heilig cristlich kirch sein gespons oder gemahel geformirt werden. aufs den sacramenten. die aufs der seitten cristi gestoffen sind. Als sc̄tus Augustinus schreibt in der neūden omeley in dem erstē teyl vber iohannē. Das ist die vierd figur.

Von dem andern artickel des Dittē gegenwurffs.

In obgeschriben meinūg gottes. die er in der schöpfung adams vñ eue gehabt hat. hat d̄ böfs feind wölle hindern. Vnd ist in der gestalt d̄ schlägen. zu der eua als zu der einfeltigern kōmen. vnd hat sie betrogen. vnd durch sie auch den man adam gefellet. aufs neyd. zu laid cristo dem herre. vnd menschlich er natur. Vnd also hat er die selbē natur. beschēdigt. verfert. vnd verderbt d̄z er sie got dem herre erleidete. vñ heilich vnd vnwert machte. Vnd das ist d̄

ander artickel. Des Dittē gegenwurffs

vō dē vierdē gegenwurff d̄ erst artickel.

Och gott der herr C der also gut ist. das er kein vobls verhengte eh wer dann das er etwas gutz daraufftēsen wolte. hat die hindernus des arglistigē feinds. zu einer fürdernus gepracht. Wan durch das. das menschlich natur also durch des teufels neid beschēdigt. vnd beleidiget was worden. hat die göttlich barmhertzigkeit vnd fürsichtigkeit. d̄ster mer vsach gehabt. der selben natur. durch die mēschwerdūg seins suns. zu hilff zekomen. vnd sie zewiderprāngem. als er von ewigkeit. fürsehem het. vnd hat die. von dem cristus kōmen. vñ nach mēschlicher nature. ein vsprūg haben solt. sunder auserwelt. berūft. gewirdiget vñ geliebt. Dis sind die patriarchen vntter den abraham. der fürderlichst ist gewesen. vnd nach im ysaac. iacob. iudas. vñ also füran bis auff dauid. der der fürderlichst patriarch ist. des vierten alters. vnd fürbas. Salathiel. vñ zorobabel. die fürderlichsten. patriarchen des fünfften alters. der welt. In disen patriarchen vnd in iren lenden. ist cristus nach dem vsprūg. leiplicher substantz yngehalten gewesen. vnd dasselb ist d̄ erst artickel. des vierdē gegenwurffs.

Von dem andern gegenwürfflichen artickel des vierden gegenwurffs. d̄z vnser herre in den wāttern. vnd patriarchē elend gewesen ist.

Dar gegen ist. das. als cristus in disen patriarchē. vñ irem geschlecht besund inngelaltē gewesen ist. Also ist er in ynen besunder ellend. fremd. vertriben. vnd ein pilgram gewesen. Den eintweders gott der herr. hat sie aufs yrem vatterland gefordert. in ein fremdē lād

Als cristus in dē patriarchē elend gewesen ist.

als den abraham. oder die heiden. habē sie vertriben. als den ysaac. oder die not vñ göttlich fürsichtigkeit. hat sie in das ellend getriebenn. als den iacob mit den zwelff patriarchen. vntter den iudas. vō dem cristus fürderlich entsprungen ist. Der fürnembst was. oder der böse geist. hat sie durch böse menschen. durchhecht. vnd vertriben. vnd nyndert wöllen auff kōmen lassen. als ob er in inen sebesteck en seine vertreiber cristum. Als den heiligē kōnig dauid. den der kōnig saul. auß eingebung vnd treibung des teufels on alle schuld. Ja für sein trew. vnd vil gut tat also veruolgt. Dz er müste lantrōmig werden. oder sie sind von den heiden. gefangen. hingefürt. oder ingefencknus gehalten worden. als Salathiel. Vnd das ist der ander artickel des vierde gegenwurffs.

Die fünft figur gehōrt zu dem vierden gegenwurff. vnd dienet zu baidē artickeln. vñnd bedeutet wie gott der herzerhauffet dē grossen patriarchen Abraham. das er sein geschlecht wöll meeren vnd manigueltigen als die stern des hy

mels. bey den er die heiligen vnd guten mainet die von im sölten künem. Wan von im sölten schier all heiligen künem. als die patriarchen vnd propheten yn d alten ee. vnd die stifter der gantzen cristenheit. die heiligen zwelffpotten yn d neuen ee. vñ vorauß cristus. yn dem alle geschlecht gesegnet sölten werden. Dar zu sagt yme gott der herr Wye seyn geslecht in ain fremden land soll ellend vñ vnttergerrückt werde. aber in dem vi erden geschlecht. wöll er sie erlösen. vnd ir peinyger peinygen zc.

Die sechst figur gehōrt zu dem andern artickel des vierden gegenwurffs. Vnd bedeutet. wie der patriarch iacob der auch israhel hauffet. mit seinen sūnē den aylff patriarchen. auß geschafft vñ Ordnung iosephs seins sūns. der vber dz gantz künigreich vō egipten herrscher. zu dem künig von egipten künpt. vnd begert daz er in mit seinem geschlecht lasse in seinem land wonen. vnd verichen das sie als fremde vñ pilgrā in sein land künmen seyen. vñ der kōnig enphilht dem ioseph das er inen dz best ort in dem land eingebe.

Die funft figur.





Als crutus in dē patriarchē elend ist geßesen.

Dise zwen artickel. sind bey der fünften vnd sechsten figur bedēut. In der fünffte zeigt got dem abraham den himel. vnd sagt im wie er seinē samen wolte merē. Dz man den so wenig zēlē kōnd. als die sterne des himels. vñ macht einē pund mit im. vnd sagt im wie sein samen vierhundert iar. in einem fremden lande in dem ellend sein. vnd vnterworffen vñ gepeinigt werden solt. Darnach wolte er sie ledig machen. vñ ir peiniger peinigē. Zu einē zeichē der künfftigen beleidigung. vnd gefencknus seins geschlechts. Kam vber den abraham. als die sun nyd gegangen was. ein grosser vngheürer schawder. Vnd er sah einen richendenn pachofen. vñ ein prinnende lampeln. geē zwischē den teile. der opfere. Die ine got der herre het heissen nemenn. zu einem zeichen des punds. Genesis am xv.

Desselbē buchs i dē. xlvj. vñ. xlvij. capiteln. findestu wie die patriarchē. iosephs brüder verichen sōlten. vnd veriaßē. vor dem kōnig pharao. Das sie pilgrā werē kōmē in sein land. vnd besund so ioseph dem das regimēt des gantzen lands egipti von dem kōnig einpfolhen was. D seinen vater iacob. für den künig füret. vñnd der kōnig fragt wie alter wer. So sprach er. Die tag der pilgrāschafft deines knechts. sind dreyssig vñ hundert iar. böse vñ klein. vnd sind nit kōmen bis zu den tagē. meiner vāter. in den sie pilgrā. oder außleder gewesen sind. Der heylig babst leo spricht in einer predig vō dem österlichen sacrament. Diser cristus ist d. der in dem iacob ein pilgrā gewesen ist.

Warūb aber got wolt. Das die. vō den cristus kumē solt. fremd vñ ellend wern auff der erden. ist hie zelang zeschreibē. Doch vntter andern sache. ist das eine.

Das der herr in inen beschlossen. auch in inen lide. vnd bedēut wūrd. als ein ellēder vnd fremder. auff dis ertrich künfftig. Darumb spricht Jeremias am vierzehenden. O wartung israhels. vnd sein heilmacher in der zeit des trübsals. warumb bist du künfftig. als ein außsender auff dem ertrich. vnd als ein waller. der in die herberg einkert. Warumb bist du künfftig als ein vmbziehēder. oder varēder mā. als ein starcker. d nit helfen oð heilmachen kan. Wann die patriarchen in den cristus vrsprünglich was. waren desselbenhalb. das cristus von inen solt geporen werden. als grūdstein des himlischenn iherusalems. vnd der stat gotes vaters. Darūb soltē sie cristo gleichförmig sein. in dē ellend. der für vns fremd vnd ellend ist worden. auff der erden. so er doch vō nōtt ei herr was. himelreichs vnd ertreichs. Das er vns ellendē. d heymet nyndert solt sein. Dann in der leidigē helke. Burger machte des himlischenn reichs.

In der sibendē figur sicht daniel die künfftigē ere vñ maiestat cristi. wie ym d vatter alle gewalt in himel vñ auff erdē geben wūrd. vñ steet dis gesicht in dem sibendē capitel daniels. vñ gehōrt zu dē ersten artickel des fünfte gegēwurfs.

In der achten figur spehē die fürstē des künigs darij dem heyligē prophetē daniel nach. ob er wider das gesetzs des künigs. got anbet. vñ verclagen in vor dē künig. als einen obertreter vnd verschmeher des künigliche gesetzs. Dz er in die lebē grubē geworffen wūrd. Vñ gehōrt zu dem andern artickel des fünften gegēwurfs.



Die acht figur.



Als cristus in den propheten geweissagt.

Von dem fünften gegenwurff. Der zwe in im begreiffte. Dz vnser herr. durch die propheten verkündet gelobt geeret erlich geprediget vnd beschribenn. vnd in den gerechten. bedeutet ist worden.

Cristus ist in den propheten gelobt verkündet vnd gepreist worden. Dz haben wir in der offenbarung danielis vnd seinem gesichte. das er beschreibet in dem sybenden capitel. wie er sah. den altē der tag. in einem feürigen throne. als zu gericht sitze. vñ man bracht ym für eins menschen sun. in den wolcken. vñ er gab im allen gewalt vnd ere. vnd reiche. vnd alle die völker. sprach. vñ geschlecht soltē im ewigliche dienen. vñ sei gewalt vñ reich. solt ymmer ewiglich weren. Vñ dasselb ist die sibē figur. in der daniel die ere cristi geschriben. vorhin gesehen. darnach geschriben. vnd an dem selben vnd andern orte. als in dem andern vnd neündē capitelu gemeldet hat. Vnd wie daniel. also habe auch and weissage Als ezechiel in dē erste. vñ vieründdreissigste vieründdriertzigste. vñ nachuolgedē capitelu. Jeremias in dē dreissigste. eymund dreissigsten. vnd zweyünddreissigsten. vnd dreyünddreyssigsten. Dauid in vil psalmen. allermeist. in dem einundsißēz igiste. Welcher dauid mit ysaiā vber all and prophetē. die ere cristi verkündet hat.

Von dem widerwertigē articke des ersten teiles des fünfften gegenwurff. Das vnser herr yn den propheten. verlogen vnd verleumet ist worden.

Der dar wider. als cristus yn den propheten vnd durch sie ist geeret. vñ gelobt. also ist er auch in ynē. verclagt vnd verleumet vnd verlogen. Als Jeremias am dreyundzweintzigsten capitel weisagt. von der ere cristi. vnd als pald

darnach. schreibet er vō dem widersprechē dem der falschen propheten. vñ darnach yn dem sechszundzweintzigsten capitel. wie sie ine wolten tod haben. darnach in dem achtundzweintzigsten capitel. von dem falschen propheten anania. der ym die hülzen ketten von dem hals riss. vñ zerbrach. Darnach von achab. culie sun vnd sedechia maasie. die ieremiam von babiloni verlogen vnd verclagten. vber die gott der herr verhieng. Darumb das sie dem heiligen propheten ieremie wider sprachen. das sie in die ansechtung. der bösen begird gen dē susanna fielen. des halben sie geschendt vnd getödt wurde. Aber der obgenant Ananias starb des selben iars. Als ym ieremias weisagt. an dem er gefreuet hette. Also verfolgt amasias. den amos Amos am sybenden capitel. Dz ist der ander articke. des fünfften gegenwurfs. vnd ist bedeut in der achtenden figur. die in dem sechsten capitel danielis geschribē steet. Wie die weysen vnd fürsten des kōnigs der medier darij. ine vber redeten. das er ein gebiet vnd gesetz machte. das nyemāt et was gebetes. weder an gott. noch an mē schen. legen solt. aufgenomē den kōnig. vñ wer dar wider tet. den solt man in die lewen grubē werffen. Das hettē sie ertrachtet. aufs neyde wider daniel. den der kōnig vber die andern fürsten erhōhet het. vñ wolt ine vber das gätz reiche setzen. das verdrossē sie. vnd süchten vrsach wider ine. wie sie in gen dem kōnig versagen möchten. vñ da sie kein vrsach finden künden. wann er was zugerecht vñ getrew. da ertrachtē sie dz obgemelt gesetz. dann sie gedachtē wol. dz er sein gepett darumb mit vntterwege liesse vñ spehete auff ine. vnd da sie erfürē. dz

Vnd in den gerechten bedeut ist worden

er gott an bettet in seinem hause. mit geöffneter fenstern. gen iherusalē C Dann drey mal yn dem tag ret er dasselb D Da verclagten vnd rügte sie yne vor dem kōnig. vñ prachten yne in die leben grube. Aber gott der herr behütet me. das ym die leben nichtz tettem. Sunder die in verclagt hetten. Die wurden darnach vō den lebē zerrissen. das ist die acht figur.

In die selben artickeľ sind gezogen. Die artickeľ. der hernach uolgende neūnden figur die einen sundern gegenwurff. als den sechsten solten machen. aber dz es bey der fünften zal beleiβ. vmb der fünf vinger willen. in die man dise gegē wurff zu gedechtnus setzen mag. so begreiff man die sechstenn widersetzung vntter der fünften. vnd macht einen gegenwurff außs zweyen vnd spricht.

Der in den weissagen gelobt vñ verfürd. vnd in allen gerechten gefigurirt vnd bedeutet worden ist. der ist in den weissagen versagt. vnd verleümet. vñ in den gerechten veruolgt. durchhechtet vñ getöt worden. Also in wem der herr. mit wortē vñ wercken geeret. oder verkündet worden ist. In dem selben ist er von den bösen mit wortē oder werckē. od mit ine beyden. geuneret vnd durchhechtet worden. Vnd dis sind die artickeľ gegē ein ander des fünften gegenwurfs. vnd dz das der herr also in den gerechten C In den er irs heilige lebens halben bedeut. vñ in irem tod seins leidenshalb figurirt

was D verfolgt vnd getöt ist worden. dz ist in der neūnden figur bedeut. In der hernach zacharias d heilig priester. des grossen bischofs Joiades sun versteinigt. auß geheyr des konigs Joas. den doch sein vatter von einem kind auffgezogen. vnd zu einem kōnig. da er sibē iar alt was gemacht. vnd bey dem leben behaltenn hett. do ine die künigin athalia hett wöllen töttē. als sie alle sein brüder töttet. von dem selben künig C dem sein vatter souil guttes gethan hett D ward er getöttet darumb dz er ine vñ die seinen straffet. außs einspreche des heiligen geistes. darynne sie billich zestraffen waren. In dem andern buch der tag. ij. paralip. vicesimo quarto. cap. da suchs.

In der selbe figur wirt ysaias enmittem. von einander gesezt. außs geheyr des künigs Manasse. vō dem mā doch lisset. dz er wer ein sun seiner tochter die aphsika hies. Diser ysaias ist vntter dē vier grossen propheten. der gröst vñ fürnemst. der hat einē solliche hertē tod gelitten. von seinē aignen plut dem bosen kind. vmb der gerechtigkeit willen. yn d figur cristi. in des person er spricht. In dē anfang seins buchs. Ich hab sūn erzogen. vnd erhöht vnd sie habē mich geschmeht.

Die neūnd figur gehört zu dem vor gemelten andern artickeľ. des fünfte gegenwurfs in dem zwen vntterschadlich weggriffen werden.

Die neunt figur.



Als cristus in den opfern bedent ist worden

Hie vacht ein ander fünffer an. vnnnd
geet auff die opfer der alten ee. yn den.
Das leiden vnser herrē. nach dem als ee
ein opfer für vnns gewesen ist. bedēit
wird.

In dem hernachvolgende zehende fi-
gur. steē die tier die man pflag zeop-
fern in der altē Ee. in welchem opfer dz
leiden cristi. durch das er sich got dē va-
ter für vnns geopfert hat. ad Epheſ. v.
bedēitet ist. die selben tier. bedēitē bey
iren natürliche eigenschafftē. das lebē.
würdigkeit. vnd tugent cristi. Aber in yrē
opfern. ist dz leidē. od natürlichen Begir-
den geistliche törtung oder verzerung et-
licher leiplicher eigenschaft cristi bedēit.

Oey dem ochsen verstet man die
stercke. die nutzperkeit. vnd die ge-
horsamkeit cristi. vñ wie der ochs vntter
der herde der kue. vñ der bock vntter den
geissen. als ein haubtman vñ heerlayter
ist. also ist cristus ein haubt vñ layter der
heiligē cristēheit. der ochs helt dz haubt
vntter dem ioch vñ paut dz feld das es
frucht bringt. Also hat cristus dz gesetz
für vns alle auff sich genomē. dz er vns
von dem selbē iüdischē gesetz erledigt.
ad Galathas quarto. vnd durch sein ge-
horsamkeit werden wir alle gerechtfert-
igt. Ad Romanos quinto. Der ochs ist

in cristo geopfert wordē. So cristus sein
stercke. durch die arbeit in vnserm dienst
verschliffen hat. vber das. dz er für vns
getödt ist worden. Also verstee dz opfer
mer den in einerley weyse. Die selber
bedēitē die tugent cristi. Die schaf. sein
gedult vnd einfeltigkeit. die wider die
zwüeltigkeit der gleichsnerei ist. Die wi-
dere bedēitē. die synnliche freunde. Die
kneblein. die vntter dem iar sind. bedēi-
ten die zartheit cristi. Die böck bedēitē
die gleichheit des fleischs d sündē. Wann
wie wol das fleisch cristi. in im selbs rein
gewesen ist. als das. vñ dē heyligē geist.
in dē iunckfrewliche leib geformirt was
So hat es doch der müter halb. einen vñ
sprung. von dauid vnd salomon. die von
der geyllheit. in der heilige geschriffte ge-
merckt werden. Die taubē bedēiten die
sensmütigkeit. vnnnd einfeltigkeit cristi.
Die türkelteuſlein. die keuſcheit. Die
spergken die leblichkeit. Vñ des gleichen
wirt der herr in allen reinen thiern die
man opfert C etlicher gleichnus halbe
in den eygenschafftē seiner heyligē mens-
cheit. d bedēitet.

Vnd wenn man die egenanten tyer
will mit varbe aufstreichen. so sol die ku
rot gefarbt werden.

Die zehend figur.



Als cristus in den opfern bedeut ist worden

Fünfferley tet mā mit den tierē. Die in den fünf gegenwürffen. des leidens cristi bedeut sind.

Vn ist fürbas zu wissen. das man yn den opfern der thier. fünfferley tet. auf dz haubt des geisbocks. den man in die wüste schicket. leget man die sünd des gantzē volcks. Wan der bischoff leget beyde hend auff sein haubt. vñ beichtret die sünd alles volcks. vnd leget die selben auff sein haubt. gleich als ob er spreche. alles vbel. das wir mit vnsern sündē verschult habē. dz kom vber dich. Darnach füret man den bock in die wüste. da er von den tiern möcht zerrissen werden. vnd die selben wildē tier werde bedētet bey den heüptern. die ob dem bock. in der eylfte figur entworfen sind. Der geisbocke bedētet cristū. als obē gemeldt ist. von dē ysaias spricht. ysaiē am dreyundfünfftzigsten. Wir habē all gerirt. als die irrenden schaf. ein yetweder ist in sein weg gewichen. vñ der herz hat auf in alle vnser vngerechtigkeit gelegt. Er ist geopfert worden. wann er hat es gewölt. i. pet. ij. der vnser sünd getragen hat. auff im oder in seinem leib. Er ist zerissen wordē vntter den vnmluten iudē. als von den grymmigen thyrern. der hofart zorn vnd ander böse vntugēt. vñ vnart. hye bey den heüptern d̄ thier bedētet werden. Das ander. dz man tet mit den tiern. die man opfert. was. das man sie schlug vnd töttet. Zu dem dritten so vergos man ir blut. vnd mit dem selben beschrich man zu zeitten die egt des altars vnd ander ding. die man weyhen vñ heyligē solt. vntterweilē so sprengt man es gen den ynnern heiligkeit. vñ gegē dem tabernackel. oder altar zu reinigung. vntterweil begos man die ert des altars 2c. Ertliche opfer prant mā gantz. Auf ert

licher aschē. als der rotē kien. machet mā ein weyhwasser. wan mā gos frisch waser darüber vnd besprenget die vnreine da mit. das sie gereinigt vnd gewirdigt wurden. an die heiligen stet zu geen.

Aufs disen dingē werde fünf gegenwürf gezogen. die in den zweyen figuren C hie entworffen d̄ bedētet sind. als hernach volgt.

In der aylften figur sind zwen gegenwürf bedētet. yn der grössern vntern figur C die also sten solt. das der bischoff allein baid hēd auff dz haubt des bocks legte. Da beichtret der bischoff all sünd des volcks vnd legt die selben auff den bock vnd schickt yn darnach durch einē mā der darzu bestelt ist yn die wüste als den d̄ des gantzē volcks sünd auff sich nimpt. vñ hinwegtreget. vnd die pen der sünd für dz volk leidet. Die heüßter d̄ wilden tier die obē stend. bedēte die wildē tier. vñ den d̄ bock zerrissen ward oder mocht zerisse vñ gefressen werde. Nun sih wie aygentlich in diser figur dz leidē cristi. d̄ aller werlt sünd auff sich zehüßē genūmen. vnd durch gedult des leides getragen. vnd also hingenūmen hat. Bedētet wirdt. der vñ d̄ hohfart. vñ d̄ neid vñ zorn. vnd andern bösen vntugendē d̄ iuden. in den penē vñ an dē creutz zerrissen vñ verzeret ist wordē. dz i aber sant Johannis dz lamb dz d̄ werlt sünd treget vñ hinnyhet nennet. dz ist zubebedēttung seiner gedult vñ vnschuld. dz er aber hie bey dē geisbock bedētet wirt. dz ist zubebedēttung dz er die gleichnus vnser sündigē flaischs. d̄ pen vnd verleumung halb vñ auch des vrsprungs halb dz er vñ dē geschlecht künig dauids vñ salomōs ist gewesen. die in d̄ heyligē trefschrift vñ dē flaischliche sündē gestrafft werden.



Die zwelft figur.



Als cristus in den opfern bedeut ist worden

In der ailtsten figur seind zwu figur be-
schlossen. die vntterst ist vor den figurē
anhelegt worden. In der obern figur
schlecht der priester das opfer. bey wel-
hem schlahen der tod vnsers herren be-
deut ist. Dife figur gehört zu dem sechs-
sten vnd sibendenn gegenwurf. In der
zwelfftenn figur tut man drey ding mit
den opfern. man vergeüßet das plut. Et
lichs wirt gott zu eren auff dem altar &
dar zu beschaidē was. gantz geprennet
Ertlich als die rot lu ward zu aschenn
verprennet vnd ward auß der aschē ein
weihwasser gemacht. so man wasser dar
vber goss. Das erst gehört zu dē achte-
den gegenwurf. das ander zu dem neun-
den. das dritt zu dem zehenden. zu den
andern artickeln der selben gegenwürff.

Der sechste gegenwurf des leidēs cristi
ist. dz wir durch die gehorsamkeit cristi.
all gebenedeyet werden. vnd er hat den
fluch der vngheorsamkeit. für vns vber
sich genomen.

Er. durch des gehorsamkeit. wir
alle gebenedeit. vñ gesegnet wer-
den. der ist für vns verflucht wordē. das
ist soult gesprochē. der. der durch sein ge-
horsamkeit verdiēt hat. das alle die. die
in durch den glaubē vñ liebe anhangē.
sülle gesegnet vñ gerechtfertiget werde
Ro. quito. Ephe. j. ist verflucht wordē
vnd hat den fluch der vngheorsame. auß
sich genomen. vnd das ist bey dem bock.
von dem hic oben steet. bedeut. Auff dz
das er vns von dem fluch. des gesetzs er-
lösete. das da pricht. Verflucht sey ein
yeglicher der nit in allen gepottē des ge-
setzs beleiβet. Deutonomij am sibē vnd
zweintzigste. ad galathas. iij. ij. ad Cor
inth. ij.

Der sybend gegenwurf. wie nütz vñ
nott den menschen das lebē cristi sey ge-
wesen. vnd wie vnnutz das die vnseelige
iuden geachtet haben.

Er. des lebē. den mensche so nütz
ist gewesenn. das ein tag oder ein
wercke seins lebens. mer genutz vñ ver-
dient hat den menschen. denn an sein le-
ben alle tag vnd alle werck der mensche
möchten gethan haben. der ist so vnnutz
geachtet wordē. das man meinet er wer-
nützer tod. dann lebendig. Cayphas ver-
teilet. das. do er sprach Johānis am ailt-
ten. Es ist euch nütz dz ein mensch sterb.
Wenn man eins menschem tod nützer
achter. denn sein lebē. so ist dz ein zeichē
das man nit vil gutz von im helt. Darüß
spricht Philo. In der person der iuden.
in dem andern capitel. der welchheit salo-
mons. Er ist vns vnnutz. vnd widerwer-
tig vnserm werckem. Also ist sein nott
vnd nütz leben. on das allen menschen
nützer were. dz sie nie geporn were wor-
den. dann das sie also worden sind. das
sie ewiglich verderben vnd sterben mü-
ssen & so vnnütz gehalten wordē. dz mā
maynet es wer nichtz bessers. dann das
man in töttet. Vnd das ist in der töttung
der tier bedeut gewest.

Der acht gegenwurf ist von der kost-
perkeit des heilige plutes vnsers herrē.
vnd wie vnerlich das von den schnöden
menschen ist gehalten worden.

Als rosenfarb plut christi das so
kostbar. vñ teur in der warheit ist.
dz nach würdigkeit seiner person. zerech-
nen. ein tropf desselbē genug möcht sein
gewesen. zuertlösung aller mensche. das
ist. an den verleinnten. vnd vngeweihten
stettenn. auff die erden als der vnuer-
nünfftigen tiern. vñ verdampftē mensche

Als cristus in den opfern medent ist wordē

vergossen vñ mit den füßen d vnreinen
stat. mit der mörder vñnd böswicht plut.
vermackelt. vñ wirdiglich getretet wor-
den. So schñd ist die kostberkeit ge-
halten worden. Das wir schñdē sñnder
die schñd sein des werdens halb. noch
schñd der der pen halb. aller schñdōst d
sñnd halb. kostper geachtet wurden. des
kostpern pluts halb. dz für vns so schñd
ist geachtet worden.

Von dem neüden gegenwurf.

Er neüden gegenwurf ist der. der
so guttwillig vñ so guthtzig. ge-
gen den menschen gewesen ist. dz er yne
so vil mer gutz hat gethan. als vil sie ine
mer durch yr vñdantberkeit vñnd vers-
schmehung zu zorn gereitzt habē. Der ist
vñ den ienen den er allermeist guttes ge-
than hat. allermeiste gehasset wordenn.
Das verstee bey dem gantzzen verprentē
opfer. Wan d hertz cristi hat gantz ge-
prunnen in d liebe. auch gegen den sein-
den. Aber der falschen iuden hertze. ha-
ben gantz geprunnen in dem neyd vñnd
boßheit des hasses gegen ym. Sein
hertz hat geprunnen in der lieb. wann so
vil er den vatter lieber gehabt hat. souil
gelidmehlich hat er des vatters werck.
Das ist den mensche den er durch yne ge-
machet het. lieber gehabt. vñ souil er den
menschen lieber gehabt hat. als vil mer
ist im der schad. in den der mensch. vñb
der sñnd willen gefallen ist. zu hertze ge-
gangen. vñd dasselb laid. mit dem laid d
schmachheit. die dem geliebten vatter
von den sñndern bewisen ist wordē. hat
dz süß inprünstig hertz cristi gefressen.
vñ das ist dz war holocaustū. vñ gantz
geprentz opfer gewesen.

Von dem zehenden gegenwurf.

Er zehend gegenwurf. des alle be-
wegung des gemütes. des namen.
gedechtnus. erkentnis. wort. werck. wan-
del. thun vñd leiden. so nütz vñd not den
menschen sind gewesen. Das all ir selig-
keit an dem selben ligt. vñ nichtz anders
den menschen ist gegeben. Durch dz sie
selig mügen werde. nichtz anders an ine
wirt gerochen vñd gestrafft. denn dz sie
dise ding verachte. Der ist also schedlich
geurteilt worden. Das man mit allein sein
leben. lamsüchtig vñd vergiftend. sñnd
auch seine wort. seine werck. seine namē.
sein gedechtnus. all sein lere. rat vñ ober-
bleibling so arg. so vergiftend. vñnd so
schedlich hat geurteilt. als ob süß nithez
schedlichers were. Darumb man den al-
lerhöbsten fleisch angelert hat. dasselb al-
les zeuertilgen vñd zeuerdrügte. In dē
fünften capitel der geschichte d zwelfpo-
ten schreibt sant lucas. Das der bischoff
der iuden. zu dem heiligen zwelfpotten
vor einē gantzzen rat sprach. Gepietend
haben wir euch gepottē. Das ir in disem
namen ihesu. mit leren soltet vñsicht an.
ir habt die statt erfüllt mit ewer lere. vñd
Jeremie yn dem altsten capitel spreche
die iuden. lasset ine vns abschaben von
dem erttrich der lebenden. vñd seins na-
mē werd nymmer gedacht. Das ver-
stee bey der roten kue. die man zu puluer
prant. Aber auß der aschen machet mā
ettwan ein weihwasser. on das kein vñs
reiner in den tempel. od in die heiligkeit
gen mocht. Wenn man einen menschen
vast schedlich vñteilet. so premet mā ine
zu puluer. gleich zu einem zeichenn. Das
nichtz vñ im oberpleibē solt. als die ketz-
er. zaubrer. hagelsiederin. felscher vñd d
gleichenn. Also haben die iuden nichtz

Als cristus in den opfern bedeut ist worden

wollen vberbleiben lassen von dem herren. Aber das im vberbliben ist. das sie gern vertilgt. vnttergedruckt. vnd zerstört hetten. das ist sein heiliger vñ heilsamer nam. von dem samit peter spriche Actuum am vierden. kein ander nam ist. vntter dem himel den mensche gegeben. in dem wir müssen selig werde. Es sind sein sacramēt. die gleich aufs seiner seit ten geflossen sind. Es sind seine wort vñ werck. als sie in dem heiligen ewāgelio geschriben steen. Es sind sein tugent vñ verdienen. vnd allermait die krafft vnd verdienst seins heilsamen leidens. vñ dz sacrament seins heilige fronleichnams vnd plutes. das vns zu einem ewigē teglichen opfer. vnd zu einem sacrament vñ im zu letze gelassen vnd gegeben ist. Dis se vnd der gleichen ding. sind vnser heiligkeit. vnser gerechtigkeit. vnser reinigung. on die memāt in das himelreich eingeen. oder selig werden mag.

Von der bedeutung der zehē figurē.
die hye zum nechsten nachvolgen.

In den zehen figurē. die hernach volgen sind fünf gegemwurt entworffen. in den die würdigkeiten vnser herren. Nach dem als sie in den mensch en vnd iren geschichten bedeutet sind gewesen. Dzeuersten vñ gemaint sind. Vñ dis sind die selben würdigkeit. Die erst gepurt. die salbung priesterlicher vñ kün

niglicher würdigkeit. patriarchlich. fürstlich vnd ritterlich oder nazareysch würdigkeit.

In der dreyzehendenn figur opfert man die erst gepornen kneblein. vñ löset sie ain tail von den priestern als die. die mit vñ dem geschlecht leui warē. Vñ gehöret zu dem erste artickel des ailfte gegemwurffs. Wann vnser herr der vñ dē geschlecht künig dauids vñ inde was. ist auch also geopfert vnd gelöset worden. Also hat er wölle als gottes sunder eigener von der selben eigenschafft gekauft vnd gelöset werden vñ doch gottes eigener beleiben. vnd darnach den priestern wider verkaufft werden.

In der vierzehendē figur ziehe den ioseph sein pruder auß der cistern. in die sie in geworffen heten. dz er darinn verderbē solte. vmb neids willen den sie zu in hetten. vnd verkauffen yn den madianiten vnd ysmaheliten. die yn fürter verkaufften in egiptenn land. da er darnach nach etlichen iaren ein herr des gantzē lands ward. dz ym all sein pruder zu gnaden musten kummē. Vñ gehört zu dem andern artickel des ailfte gegemwurfs. das vnser herr der als ein erst gepornen sun. von den priestern verkaufft was. ist ynen widerumb verretterlich verkaufft worden.

Die dreizehend figur



Die vierzehend figur



Alle wirdigkeit hat cristum bedent.

Die eilfte gegensetzung ist. von der wirdigkeit cristi als er d erstgeporn ist.

DEr erst gegenwurf. der herr iesus cristus der der erstgeporn gottes vor aller creatur. Ecclesiastici am vierund zweintzigsten. der erstgeporn aller creatur. Ad colosenses am ersten. der erstgeporn der totte. Apocalipsis am erste. der erstgeporn aufs den totte. Colos. am ersten. der erstgeporre d iunckfrawen marie. Luce. ij. genet ist. der ist als ein erstgeporner sun. wie in dem verzeugen ten capitel geschriben steet. got geopfert. vnd vmb funff lot oder grosch. gelöset worden. als ein erstgeporner. der mit vō dem geschlecht leui were. Vnd wider dasselb dz yne die briester seiner mäter verkaufft haben. so ist er ine widerumb verkaufft wordē. Wann Judas hat ine wid verkaufft de bischoffe. vñ also ist er verkaufft vñ wider verkaufft wordē vō seinenn brüdern. das er vns. die wir vns vmb die wollust der sünde. offt dem teufel verkauffen. erlöset. vñ das selb. das er also verkaufft ist wordē. ist der ander artickel des aylsten gegenwurfs. Vnd ist die erst gepurt cristi bedētet. bey der dreyzehenden figur. do die erst gepornē kneblein. geopfert vñ abgelöset wordē. Aber das verkauffen cristi. ist bedētet

bey der verkauffung iosephs in der vierzehenden figur. welcher ioseph. der erst geporn iacobs oder israhels in der heiligen geschriffte geachtet ist. mit nach ordnung der gepurt. wann also was er der ailft. sunder nach freyheit des erbteyls vnd der wirdigkeit. als das in dem fünften capitel des ersten büchs der tag gemeldet wirt. doch was er der erstgeporn rachel. der fürderlichsten hauptfrawen iacobs. Darumb wirt cristus gar eigentlich in ym bedētet. als auch der heylig babst leo de pascali sacramento spricht. Cristus ist der. der yn ioseph verkaufft. vñ in moyse verwickelt. oder eingemacht in das wasser gelegt ist worden.

In der fünfzehenden figur salbt vñ weicht d heilig moises auß gehais gottes sein bruder Aaron zu einem bischof vnd aarons sun zu priestern. In d weihe vnd salbung dye priesterlich wirdigkeit cristi. als in d salbung d könig sein königlich wirdigkeit figurirt vnd bedētet ist gewesen. Darumb ist er blöflich auß dz aigenlichst vñ höhst Cristus. das als vil ist als der gesalbte genent. zu einem zeichen das alle wirdigkeit yn ym auff das höhst vñ bleiblich ist. Vnd gehört dise figur zu dem erste artickel des zwelfften gegenwurfs.

Die funftzehend figur



Alle würdigkeit hat cristum bedeur

Der zwelffte gegenwurf ist. von der priesterliche vnd künigliche würdigkeit cristi

Elcher weys. als cristus nach be-
deutnus seins names & gesalbt. in
den priestern. Bischoffen. Könige. vñ pro-
pheten. gesalbet vnd geweiht vñ in irer
salbung vnd weyhüng bedeutet gewesen
ist. Also ist er in irer enterüg vñ entweyh-
ung. enteret vnd entweyhet vnd sein ent-
erung vnd entweyhung yn irer enterung
vñ entweyhüng bedeutet gewesen. Hier-
vmb ist zu wissen. dz alle würdigkeit für
derlich vnd vornemlich. allein in cristo ir
heimwesen hat. vñ in allen andern ist sie
allein teilnemlich. vñ nachußglichs. figur-
lich. oder statheldlich. vnd darumb so ist
sie in andern zeitlich vnd wäderberlich.
Aber in cristo gantzlich. ewiglich volko-
menlich. Darumb eygentlich zeredē. ist
allein cristus. nit allein der oberst kōnig.
bischoff. richter. vñ herr. sunder auch we-
senlich. ist er allein warer vnd vollkomner
bischoff. kōnig richter vnd herr. In des
gewalt alle keyser. kōnig. fürsten vnd her-
ren. Babst. bischof. vnd aller gewalt vñ
würdigkeit der creatur. völiglich steen.
Die allen iren gewalt von im haben. vnd
darumb nit weiter oder lenger iren ge-
walt mügen prauchen. denn er zu gibt.
oder verhengt. vnd sie sind sein statthal-
ter. vnd als vil sie recht regierē. so regirt
er in ynen vñ durch sie. Darumb besor-
net er sie. Aber wo sie vnrecht regieren.
darumb müssen sie ym rechnung thun. die
schwer wirt sein. Sapientie am sechsten
Das aller herrest gericht wirt vber die
werden. die vor sind. vnd die geweltigen
werden geweltiglich pein leidē. Also ist
aller gewalt vñ würdigkeit volkomēlich
vnd vnwänderberlich. allein in cristo. ad

Hebre. vij. Ihesus. darumb das er ewig-
lich beleiht. hat die ewigē priesterchaft
j. Ad thimoth. ultimo. der allein mechtig
er. oder gewaltiger kōnig ist aller kōnig.
vnd herr der herscher. Apocalip. am. xix.
Deshalb ist er wol allein der recht vnd
war cristus. das ist der gesalbt. der in al-
len gesalbten bedeut ist gewesen.

Dar zu gelust mich auch hieher zu di-
sem gegenwurf C omb kurtzweil vnd lu-
stes willenn. der ienen die dise materien
C gibt es got C lesen vnd hörē werde C
gar ein schöne historien zesetzē. die auß
einem pūch C das zwelf oder dreyzehē
weyh menner gesetzt haben. vñ haisset
Erichysch Suda. vñ herr rupert bischof
zu linckon hat es zu latein gemacht C ge-
zogen ist. vñ so die history etwas lang ist
so will ich sie verkürzen.

Es ist beschehen das zu den zeittē
des allermilttesten kaysers iustini-
ani. Ein fürst der iuden gewesen ist. mit
namē theodosius. der vil cristen vñ auch
dem ytzgenanntē kaiser wol bekāt was.
Dem selben indē was ein goldschmid mit
namenn philipps gar haynlich. dem der
iud besunder wol trawet. Der selb phyl-
lipps. & raytzt den iuden oft zum glau-
ben. vnd der iud merckrt wol. das er das
auß treuenn vñ sunder lieb C die er
zu ym het C tete. Vñnd nam es in gut
von im auff. Es beschah auf ein tag als
der crist aber den iuden mit redē betrat
vnd zoch auff den cristen glaubē. Vñnd
hilt ym für wie er das gesetx vñ die pro-
pheten die von cristo geweissagt hetten
wol westte. vnd deshalben nit entschul-
diget wer. Darumb sollt er das vrtayl got-
tes fürchte. dz er nit vmb seins vnglars-
bes willen verlorē würd. Da antwort im
der iud vnd sprach. Das du für mein hail

so sorgueltig bist. Des danc ich dir. den ich kan wol brüßen das dz auß liebe entspringt. Aber nach dem du mich mit treuen maynst. so will ich dir die haymlichkeit meins hertzen an alle argenlist mit gantzer warheit offenbaren. Das d. den ir cristen anbetent. der sey. der vō dē gesetz vnd den propheten verhaissen vñ geweyssagt ist des bin ich gewis. vñ vergich dir das selb als emem guttē freünd dem ich getraw. Das ich aber mit cristē wird. ist das die sache. dz ich ein fürst. vñ geeret bin vnter den iuden. vñ hab grof güt vnd hab. vñnd alles das zu wollust diß lebēs dient. Vñ ich mayn nit dz ich sölich grof eer vntter euch cristē het. wen ich ein patriarch der cristenheit oder ett was größers wer. Das hindert mich das ich nit cristē wird. wiewol ich erken das ich dar an nit recht thu. vñnd straff mich selbs darumb. Das ich mich nit von der lustbarkeit des gegenwertigē lebēs mag abziehen. Das du aber erkennst das ich war sag. so will ich dir ettwas haymlichs. das vntter vns hebreyschen verborgen ist. offenbaren. auß dem wir gewis seind. das der cristus der vō euch cristen geeret vñ angebetet wirdt. werlichen der ist. der von dem gesetz vñ den propheten geweyssagt ist wordē. vñ nit alleir. auß den geschriefften der propheeten wissen wir dz. sunder auch auß dem. das wir heymlichen geschriben haben vnter vns. Vnd dasselb ist ein sölich. dz vor zeyten als der tempel gebaut ward. was es ein gewonheit vntter den iuden. das nach der zal ir büch stuben vñ bücher der zwenundzwayntzig seind zwenüdzweintzig priester gesetzt wurden. Vñ lag ein puch in dem tempel. in dē die namen der selben zwenundzweintzig prie-

ster. vnd eins yeglichen vater. vnd miter namen geschriben. stunden. Vnd wenn der selben priester einer starb. so kamen die andern priester zusamen in den tempel. vnd erwelten vnd satzten einen andern priester an des stat der gestorben was. das die gewönlich zal gantz blib. Vnd ward den der selb priester eyngeschriben. auff die weis. An dem tag ist d. priester. der des manns vnd der frauē sun gewesen ist. gestorben. vnd für ym ist der geordnet wordē. Da nun dise gewonheit vntter den iudē was. da beschah es zu den zeitten. da ihesus in dem iudischen land wandert. das einer vō den zwai undzwayntzigenn priestern starb. ee das sich ihesus anfieng zuoffenbaren. vñnd die leut zeleeren. das sie in ym glawben sölten. da kamē die andern priester zusamen. das sie ein andern priester an seyn stat setzten. Vnd da ein yeglicher einen fürhyelt der ym gutt daucht sein. vnd die andern verwarffen den selben als d. nit tüglich were C wan es was mancherley das einem priester zugehört. das er tapfer oder weys wer. das er eins guten lebens wer. das er in der geschriefft. als in dem gesetz vnd den propheten geleert wer. wa ym sölicher ding eins geprach. so ward er mit guttgenug geachtet. Da se nun vil genennt hetten. vñ wordē all verworffenn > da stund einer auff vnd stund ennüttenn vnter sie. vnd sprach zu ynen. Secht an ir habt vil vntüglischer genent zu diser priesterschaft. Vñ wil ich auch einen nennen. vnd ich mayn dz keiner vnter euch sey der mir ym verwerffen soll. Da sie in fragten wer er were. vnd wen er zu einem priester an des totten stat wolt setzen. da sprach er So will ich für den gestorbenen priester. ihesum

Von der priesterlichen würdigkeit cristi

iosephs des zimmermans sun zu einem priester habē. d̄ wol der iar halb iung ist. aber in der red. in dem leben. vñ in guttē sitten ist er so wol geordnet. das ich nit mayn das ye ein mensch erschynen sey. d̄ ym in dem reden. in dem leben. in sytten oder tugendē gleich sey gewesen. Vnd ich mayn auch das etlich allen d̄ so wol wissen sey. das mir keiner widersprechē m̄g. Da die ādern priester dise red hörte da namē sie iesum auff vñ bestetigetē diß vteyl. vnd sprachen. d̄ iesus vor al le annder geschickt were zu der priesters schafft. Doch warē ettlich die da sprach en. d̄ er nit vō dem geschlecht leui wer. sunder auß dem geschlecht iuda. Wann sy maynten er wer iosephs sun. als mā in den gewōnlich hyltē. Vñ alle die dy dē ioseph kannte. gaben gezeugnus das ioseph nit von leuis geschlecht were vō dē die priester sem mußte. sund vō iudas geschlecht. Deshalbē berettē es die iuden all. d̄ iesus C̄ darū d̄ er mit vō priester lichē geschlecht was C̄ nit priester wurd. Aber d̄ priester d̄ ym zu d̄ priesterschaft genennet het. der antwort yn vñ sprach. Sein geschlecht ist vermengt. wann die zway geschlecht die haben ettwan zesa men gehōret. vnd seynt gleich als ein geschlecht wordē. vō dē iosephs geschlecht herkumt. Da d̄ die ādern priester horten. da willürten sie yn die ersten mayn ung. vnd mit gemaynem rat geuiles ynē allen wol. das sie iesum an des toten priesters stat setzten. So es aber gewon heit was. das man nit alleyn des priesters. sunder auch seines vaters vñ seiner muter namē. in d̄ büch schrib. da sprach en ettlich vnter yn. mā solt sein eltern be rüffen vñ sy fr̄gen. wie sy hießen. man solt sie auch verhōren ob sie es bekenne

ten. d̄ er C̄ den mā vntern handē het. d̄ man yn zu der priesterschaft bestimme wolte C̄ ir sun wer. Da ynen allen d̄ wol geniel. da sprach d̄ priester d̄ iesus zum ersten mal zu einem priester genent het. das sein vater ioseph gestorbe wer. vnd allein sein m̄ter verhadē wer. Da wür den sy all ayms. d̄ mā sein muter für den rat vordern solt. vñ vō ir erlernem. ob sy des iesus muter were. vnd ob sie yn ge born het. vñ wer d̄ mā wer gewesen. von dem sie yn gehabt het. wie seyn nam ge hassen het. Es geuyl yn also vñ beruf ten sein muter vñ sprachen zu yr. So der priester d̄ frawē sun gestorben ist. vñ wir wellen für yn deinē sun iesum priester machē. vñ ist gewoheit d̄ mā die namē des vaters vñ d̄ muter. des den mā prie ster setzen wille einschreib. so sag vnns ob iesus dein sun sey. vñ ob du in geborn habst. Da maria d̄ hört da antwort sye vñ sprach zu den priestern. d̄ iesus mit sun sey d̄ beken ich. dan ich hab yn ge born. des seynt mir zeugē mā vñ frawen die noch lebē. die da wissen d̄ ich yn geborn hab. d̄ er aber laynē vater hab auff dem ertterich. des nempt ein gewis hait vō mir als yr wellēt. dann da ich ein iuncfraw in dem gallileyschen land wo net. da kam d̄ engel gottes als ich wacht vnd schlieff mit. vñ gieng eyn in d̄ haush in dem ich was. vñ verkündt mir. das ich vō dem heilige geyst ein sun gepern solt. des namē er hieß iesus nennen. Da ich dise gesicht sach. da enpfieḡ ich ein iuncfraw. iesus. vñ gebar yn. ein iuncfraw be leybend bis auff den heitigen tag auch nach d̄ gepurd. Da d̄ die priester hörte da hyessen sy hebamme kummē. vñ hies sen sie es bewere. ob maria ein ware iuncfraw were. vñ die hebammen die beste

Von der priesterlichen würdigkeit cristi

tigetten auß ettlichen zaichē die yñē Be-
kant warē. Das sie werlich ein iunckfraw
wer. Es wurde auch fundē die bezeüges-
ten das ihesus ir sun wer. da erschlutze-
ten die priester vō disen reden vnd zeü-
g-
nussen irer geberüg. Vñ sprachē zu ma-
rien Sag vns kecklich vnd freylichē. Dz
wir es auß deinē mund hōrē. wes sun ist
dein sun. Das wir also sein vater vnd mu-
ter anschreibē. denn welche du nennst. Die
wollen wir schreibē vnd mit and. Si ant-
wort vñ sprach. In der warheit hab ich
yn geborē. vñ wayß keinen vatter den er
auff diser erdē hab. sund ich hab von dē
engel gehōrt dz er gottes sun wer. Aber
meyn sun ist er. die ich maria hayß. vñ
gottes sun. vnd ich byn ein vnterruckte
iunckfraw. Da dz die priester hōrten. da
prachtē sie dz buch her. vñ schriben also
dar eyn. An dē tag ist der priester gestor-
ben. Des manns vñ d frawē sun. Vñ auß
gemaynē rat vnser aller. ist für i priester
worden ihesus. des lebendige gottes vñ
marie sun. Vnd dz selb buch ward mit
grossem vleis d oberern der iudē in dem
tempel bewart vñ behaltē. Aber da die
stat iherusalē gerummē vñ d tempel zer-
stört ward. da ward das buch gen tyber-
riaden geflōhnet vñ da behaltten. Vnd
die heymlichkait ist gar wenigen vñ ge-
trewen vnser geschlechtes kundt. darüb
ist es mir als einē fürstē vñ lerer d iudē
geoffenbart worden. Darumb seyn wir
mit allein auß dem gesetz. vñ den prophe-
ten gewis. dz der den ir cristē anbettent.
des waren lebendige gottes sun ist. der
vmb der werlt heyl willen auff daz ertz-
rich kummē ist. sunder auch auß sölcher
einschreibung. die biß auff den heütgen
tag zu tyberriade behaltē ist. Da das d
cristen hōret. da sprach er zum iudē. Das

will ich zuhand dem milten keyser kunt
thun. dz er gen tyberriade schick. Das das
buch an das liecht kum. dz man da mit
die vnglaubige iudē vberwind. Der iud
sprach widerüb zum cristē. Was wilt du
vngluck vnd leiden stiftē. on erlangung
deiner begird. Dost du es dē kaiser kunt
so wirt er die iudē anlangē. Wirdet sye
es verhalten Cals sie an allen zweyffel
tun werdē so wirt er sie kriegen vñ be-
streitten. vnd so sie ym nit widersten mü-
gen. weñ sie sehen werdē dz sie vberher-
schet vñ geegstet seyē. ee sie ym dz buch
offenbare od lassen in fern gewalt oder
and leut hend kummē. ee zünden sie die
stat. da dz buch behalten wirdt mit dem
buch an. vñ verprennen es. Also schaffst
du nichts. den daz du zu schaden deiner
sel ein vsach gibst. dz on nutz vil blutts
vergossen wirdt. Daruber bedenck. Das
ich dir dz. als einē besundern haymliche
freund yn einem guttē vertrauē gesagt
hab. Das ich deiner lieb bewise. Das ich
nit auß vnwissenheit den cristē glawbē.
mit an nym. sund vō lieb wege d wernit-
lichen eeren. Da das der chiste hōrt
vō dem iudē. da lief er ab vō d maynig.
das zusagen dem keyser Justiniano. dz
er nit sach gebe zu einem krieg. vñ blutt
uergießen Aber er sagt dz vil freunden
vnd kundenn. Das ist die sag auß dē
kriechyschen buch suda genennet. die ich
vmb kurtzweyl der leser hie her ab wöl-
len setzen. vnd laß dz yrem vteil vñ frei-
en willen enphollen seyn. ob sie es glau-
ben wöllen oder nit. Meines wons hal-
bē will ich miltiglich glawbē. dz ettwas
dar an sey. vnd bewegt mich dar zu. Das
die priester vnd die bischoff vnsern her-
ren ließen yn dem tempel predigen. vnd
redeten im nie dar ein. ob sie ym auch in

Von der priesterlichen würdigkeit cristi

ander sache redeten. als da er die kaffer
vñ verkauffer mit den schafften vñ ochs
sen auß dem tempel trieb. vñ die wech
selbeck umbkert. vñ das geldt verschutt.
da kamen die bischoff vñ die alten rich
ter an einem andern tag vñ fragttē yn.
in was gewalts er solche ding tette. vñ
wer ym gewalt. solche ding zethun gege
ben het. Da merck eben. das sie nit frag
ten wer ym gewalt zeleren vñ zepredigē
sund solche ding C als er dann gethū
hett C zethū gegebē het. als ob sie sprech
en wolte. Wir bekennē das du leren vñ
predigē magst. dir ist aber nit enpholhē.
Dz du solchē gewalt beweissst od vbest
als du geußt hast. Dz du die leüt auß dē
tempel treibst vñ stül vñ benck umkerst
Vñ ist wol zeglauben. hettē sie nit ett
was gewalts zeleren vñ offenberlichē
zepredigē an ym erkennen. sie hetten ym
auch dar ein geredt. Als man zu vnsern
zeitē keinen lasset offenberlichē yn der
kirchen predigen. er sey denn dar zu ge
weihet. Bedenck es aber ymand vn
glaublich sein. das sie in zu einē priester
auffgenūmen heten. so er nit vō aarons
geschlecht was nach veterlicher linien. d
gedenck. Dz sein hochwürdigē muter. von
veterlichem vñ mütterlichem geschlecht.
von priesterlichem stammē ist gewesen.
vñ nit allein vō schlechte priesterlichē
geschlecht. sund auch vō dem fürstlichē
geschlecht der oberste bischof eleazars.
finees. sadochs. achimaas. azarie. ioia
des. vñ der gleichē. Vñ so vnser herr
keine andern menschlichē vater het. den
seyn werde muter. die ym für vater vñ
muter was. der materien halb seines hei
ligē leibs. wie leicht vñ warhafftiglich
en. haben die priester die yn zu einē prie
ster erweltē. auß einsprechung des heylis

gen geysts mügen auflegē vñ sprechē.
das er vō priesterlichē geschlecht sey. so
dies selben gleichen die heilig geschrifte
tut. als yn dem zweyunddreissigste ca
pitel d zal. wirdt Jair C seiner anfrau
en halb die manasses tiechter C dz ist C
suns tochter was C manasses sun. dz ist.
seines geschlechtes genennet. so er doch
in der warheit nach d veterlichē manns
linien. vō dem geschlecht iuda C vō dem
auch vnser herr ist C was. als die ge
schrifft offenberlich setzt. yn dē andern
capitel des ersten büchs der tag.

Ob auch ymant eynfiel dz es nit ze
glauben wer. das die iudischē priester
vnsern herren zu einem priester auffge
nūmen heten. so sie vor zeitē auch dem
könig ozie. der sich des priesterlichenn
ampts vnterwundē wolte. so manlichen
widerstandē. vñ auß dem tempel getri
ben hettē. dar zu er auch vō got geplagt
vñ aufsetzig ward. allermest so sie vn
sern herrē feind warē. vñb seier ler wil
ten die wiß sie was. der selb gedenc. Dz
diss beschē sol sein. ee d herr anfieng
zepredigen. ee er in die vngunst d iuden
fiel. Vñd wer ein grosse einfeltigkait
zeglauben. das die priester solten d mu
ter cristi gelaubt habē. das er gottes vñ
eyner iunckfrawenn C von aarons ge
schlecht C sun wer. vñ nit täglich zu d
priesterschaft wer. so doch dz selb. das
ist gottes natürlicher sun sein. allenn nit
allein fleischlichen sund auch geystlichē
adel on mafs vbertrifft. vñ vnser herr
het redlich sache die selbē eruelung auff
zenemē. allermest des predig ampts hal
ben. dz die iudē dester minder vsach he
ten. ym in seiner leer widerstand vñ hin
dernuß zethun. Auch soll dz nyemāt
bekümmern. das der iud C der das von
i nū

Alle würdigkeit hat cristum bedent.

Hören sagen het D von zweundzweintzig
igen priestern sagt. so wir in dem vierund
zweintzigste capitel des ersten büchs
der tag finde. das könig dauid vierund
zweintzig fürderlich priester satzt. den.
Der iud nam die zal D priester nach der
zal der buchstabē des iudischen a. b. c.
vnd der bewertte bücher D heiligen ges
schrift der alre ee. der zweundzweintzig
sind. alß sant ierominus in prologo ga
leato. Dz ist yn der vorred vber die büch
er der könig schreibt. aber C als er auch
da selbē setzt. man mag sie auch für vi
erandzwaintzig rechnen. vnd nach der
selbē weyß setzt die geschafft die zal D
priester. Aber der iud C der dise historie
allein vō hören sage het D nam sie nach
der erste weyß. Aber Dz ist lüßlich ze be
dencken. das der grundt vnsers gantzen
cristē glaubens. wiß die iudē in diser ges
schrift begriffen vnd bezeuget wirdt.
wer es außfündig will machē. Ich las
es von kurtze wegen ansten. Dis sey
nur darib gesetzt. Dz mā vntter andern
sache auch die hab. warumb die bischof
vñ die priester D iudē. vnsern herre habē
lassen predigē. so er mit vō dē geschlecht
aaronis od lenis was. C nach D lantern
manns linien zerechnen D denen es von
rechts wege zugehört. Vnd so in diser

hystorien begriffen ist. Dz die iuden der
iunckfrawē marie geglaubt haben. das
iesus ir sun. gottes sun wer. vñ sie het ine
von dem heyligē geist empfangē. vñ wer
ein vnuerruckte iunckfraw bliben. so ist
C Als vor gemeldt ist D. der grunt des
gantzen cristē glaubens dar im beschloß
sen. als der artickel der gottheit. der ar
tickel vō dem vater. der von dem sun. der
vō dem heiligē geist. Item der vorderst
artickel vō der menscheit cristi. als Dz er
von dem heyligē geist empfangē ist. auß
der iunckfrawē maria geboren. auff die.
die andern gegründt sind.

Von dem andern artickel des zwelf
ten gegenwurffs.

D Vñ zekümē auff die fürderliche
meynung als die würdigkeit cristi.
in der würdigkeit aller gesalbten bedēut
gewesen ist. Also ist sein leiden. vnd die
vner. die mā ym angelegt hat. in irer vn
ere bedēutet gewesen. das wirt des er
sten artickels halb der die eer antrifft. in
D fünffzehende figur bedēutet. da moy
ses seynen bruder aaron. mit den sünem
weyhet. Vñ der vner halb die zu dē wi
derwertigen artickel gehört. yn der sech
zehende figur. da mā bischoff vñ kōnig
tōdt vnd vneret.

Die sechzehend figur



1 - 0 **Alle wirdigkeit hat cristum bedent.**

In der vorgehenden sechzehenden figur ist zu einer gemeinen bedeutung d^e König vñ wütterichē C die die gesalbte. C in den cristus bedeutet ist gewesen d^e geschmeht vnd getödtet habē d^e gesetzt Als der König saul der den gesalbte dauid durchschet. vnd den bischof ahimelech mit achtzig priestern tödtet Vnd d^e König nabuchodonozor der die König. vñ dauids geschlecht tödtet oder gefangē hinfürt. Dem König sedechie würgt vñ tödtet er sein sū vor seinen augen vnd stach ym darnach die augē auß. vñ fürt in gefangen in ketten gen babilon. den grossen priester sarariam vnd sophoniā tödtet er. Item der wütterich König herodes. der die. die vñ dem geschlecht der asamoneyschen oder machabeysche bischoffen vnd Könige. oder auch König oder bischof waren gewesen. als hyrcanus. antigonū. ionathan. vnd der gleiche liefs tötten. vnd ob etlich das mit yren sündē verschuld habē. deshalb sie mit figuren vnseren herren sind gewesen. so habē im doch die wütterich zu vil gethā. vnd haben kein aufsehen auff ir wirdigkeit gehabt. so sie doch selbs gros sünd waren. darumb sind sie auch schwerlich darnach von gott gestrafft worden. Vnd gehört dise figur zu dem andern articke des zwelften gegenwurfs. das vnser herr in den gesalbten vñ geweihten ist enteeret worden.

In der sibenzehende figur. Erscheinen dem heyligen patriarchen Abraham

trei engel zu bedeütung der heilige Dreieigkeit. vnd der ein verheisset ym das sein haupfraw die frey sara. die vnperhaftig was. soll einen sū habenn. dem er seinen segn wol geben. vñ mit im vñ seinem samē einen ewigen punt machen Welcher sū der heylig patriarch ysaac gewesen ist. den der vater dar nach got dem herren auß seinem gebott wol geopfert haben. da mit abraham verdient d^e ym got der herr verhieß. das in seinē samē. das ist in cristo. alle geschlechter des eritterichs solten gesegnet werden. Vñ dise figur gehört zu dem ersten articke des dreyzehenden gegenwurfs.

In der achtzehenden figur. will der heilig patriarch abrahā. d^e grof schwer werck. vollkommener gehorsamkeit C vñ deshalb wegen er biß an das end der werlt vñ ewigliche gelobet wirdt. mit dem er die grossen patriarchlichen wirdigkeit C das cristus in dem alle geschlecht gesegnet würdē vñ im Eimē sollt. durch d^e er aller kind gottes vater würd d^e verdiēt hat d^e volbringen. das er seinen liebē ein gebornen sū. der im vñ gott vber natürlich widerberlich auß d^e vnfruchtberen haupfrawen gegebē was. gott dē herrē opferte tötte vñ gantz verprente. Aber es wirt von himel herab widerrüfft. vñ ym werden vmb solcher gehorsam willē gröfse ding vñ gott versprochen Vñ gehört dise figur zu dem andern articke des dreyzehenden gegenwurfs.

Die sibentzehend figur.



Die achtzehend figur.



Alle würdigkeit hat cristum bedeut

Der dreyzehē gegēwurff hat zwē artickel. Der erst artickel ist von der patriarchlichen würdigkeit.

Cristus ist in ysaac bedētet worden der patriarchlichen würdigkeit halben. Das er ein einiger sun seiner muter was. vñ d̄z sie inē vber die macht der natur. auß gelūbtus gottes enpfāgen vñ gepozē. vñ abraham in im gelūbtus vñ versprechūg des segēes aller geschlechter enpfangē het. vñ als abraham drey tag in dē willē was d̄z er ysaac seinen liebē sun auß gehorsame des göttlichen gepottes opfern wolte. auß welchem er. mit allein seiner person. sunder auch aller geschlecht segē verdient hat. also hat cristus alweg mit vñ willen seinen mensche. d̄z ist menschliche natur zu opfern. durch die zeit des gesetzes d̄ natur. der geschriffte. vñ d̄ gnadē. die in seiner gegenwertigkeit angefangē hat. od̄ in der eintheit. in der ingligkeit. in d̄ vngent. als durch drey tag. auß gepot gottes des vaters. vñ d̄ er spricht Johan̄nis an dem. x. capitel. ich hab gewalt. zu setzen mein sel. vñ sie widumb zemenen. d̄z gepot hab ich vñ meinē vater enpfāgen. Vñ d̄is des erste artickels. der gelūbtus d̄ patriarchliche würdigkeit halbe steet. in d̄. xvij. figur. da gedrückt ist. wie drey engel dē patriarchē erschynen. vñ inē d̄ ein verhies. das sein freye eeliche hauffraw. die von iugent auff. bis in das. xc. iar vnfruchtbar w̄z gewesen. einen sun geperen solt. vñ der herr het vord̄in dem abrahā verheissen. wie er dem selbē sun. den ime die sara geperen solt. seinen segē gebē wolte. vñ wolt einen p̄nd machen. mit ime vñ mit seiner geschlecht. in wellichem alle geschlecht solten gesegnet werden.

Des andern teils vñ artickels halbe. ist diser gegēwurff bedētet. in d̄. xvij. figur. da abrahā seine sun ysaac opfern wil. Vñ merck ebē. als ysaac selbs trug d̄z holtz. mit dem. vñ auff dem. er geopfert vñ verprent solt werdē. also hat cristus sein creütz zu dē ersten selbs getragen. Ysaac ward ledig. vñ ein wider. der mit dē hōmern in dē dōmē oder hecken behangē was. ward für inē geopfert. also ist die gottheit cristi. frey vñ dē leidē beliben. aber die menscheit christi. des haubt zwischen dē dōrnern vnser sūde. in der dōmē kron behagē. vñ besteckt ist gewesen. ist für vns. die wir sein leib sind. geopfert wordē. Vñ d̄z beschah. an einer. vñ der selbē stat vñ zeit des iares. nach zwey tausent iaren od̄ dar bey on geferd. als ysaac solt geopffert sein worden zu iherusalē an dē. xxv. tag des mertze. als Jeronimus Augustinus vñ das rōmisch martiriologium setzen.

In der. xix. figur begegnet dē hertzogen des lands Galaad mit namē iep̄te C̄d̄ auch ein richter des volcks israel ward. vñ ein starcker fechter was d̄ sein ainige tochter mit baucken vñ pfeiffen oder rayen entgegē. Darūb d̄z er dem k̄nig d̄ amonitē d̄ sein feind w̄z obgelegē vñ ync mit seiner volck vñ d̄. xx. sterē vberwunden het. Aber er het gott dē herrē ein gelūbtus gethan. da er in dē streit zoh. d̄z er ym wolt opfern w̄z im zum erste C̄weñ er mit dē sig wid heim keme d̄ auß seiner haup̄ begegnet. darūb so sein tochter ym zum ersten begegnet. da ward er laydig. vñ wolt doch sein gelūbtus mit prechen. darūb opfert er sie gott dē herren als er gelobt het. vñ d̄ise figur gehōrt zu dem ersten artickel des vierzehē den gegenwurffs.





Alle würdigkeit hat cristum bedeut

In der vorgeetzten. xx. figur. opfert hertzog Ieptc. sein eingeborne tochter. vnd gehört zu dem andern artickel des xiiij. gegenwurffs

Der viertzehend gegenwurff ist vñ der fürstlichen vnd iunckfrewlichen würdigkeit. vnd eigenschafft cristi.

CRISTUS ist in dem iepte bedeutet gewesen. & ein fürst. ein hertzog ein fürstreiter vñ ein richter des volks israhels was. Wellicher würdigkeit halben. er ein figur christi gewesen ist. Der selb iepte. hat sein einige tochter. die ein iunckfraw was. geopfert. als in & neunzehenden figur bedeut ist. wenn er hett gelobt. so im gott der herre verlihe. das er die feind vberwünde. so wolt er ime. so er nach dem obfigen zuhauf keme. opfern. was im zum ersten auf seine hauf begegnet. Also da er die feind vberwunden het. vnd zu hause nahet. Da begegnet im sein einige tochter. mit pauke vñ schall. als ein vberwinder. weye yn der neunzehenden figur gemalet stet. da zerris er seine kleyd. vñ sprach. mir wee. mein tochter. du hast mich vnd dich betrogen. dann ich hab meinen mund gen gott auff gethan. vnd gott gelobt zeopfern. was mir zum ersten begegnete. vñ ich mag im nit anders thon. Sy sprach. Mein vater. woz du gelobt hast. dz leist. so dir der sig. wider dein feind verlihen ist. Aber das bitt ich dich. das du mich lasset zwen monet. vmb die berg geen. mit meinen gespilen. das ich mein iunckfrawschafft beweine. des vergünet ir & vater. darnach opfert er sie. vñ die iunck

frawen beweineten sie darnach ierlich. lise es in dem eilfften capitel des buchs der richter. Difer iepte als die glos. vnd ysidorus auflegē. bedeutet cristum. der züberwünde vnser feind zu vnserm heil auf gelübdenus. vnd bestem fürsatz. als ob er es geschworen. vñ gelobt het. sein iunckfrewlich fleisch geopfert hat.

In der einundzweintzigsten figur werden etlich grobtat des starckē samsons bedeutet als das er in seiner iugēt eine lewē erwürgt vnd zerissen. tausent mēner mit eines esels kinpackē erschlagē. die tor abgerissen vñ auff einē berg getragē. dreihundert fuchs mit dē schwētzen zesamen gepunden. vnd mit prinnē den fakeln an die schwentz gepunden. vñnd durch der palestiner acker geiagt. vnd das getraid verprent hat. die seines volks feind warē. Welches samsons dar vmb hie gedacht wirt. wann er ist außs muter leib ein nazareus das ist gott dē herren gewidemet geweicht vnd geheiligt gewesen deßhalbenn er ein sunder figur vnser herren gewesen ist. Vñ diese figur gehört zu dē ersten artickel des fünffzehenden gegenwurffs.

In der zweyundzweintzigstē figur. würfft samson den fall. auff dem allfürsten der palestiner vnd bey dreytausent menschen frawen vnd man waren. der nyder. vnd stirbt mit den feinden seins volks. das er sein volk von dem gewalt seiner feind mūg erlosen vnd ledig machen. Vnd dise figur gehört zu dem anderu artickels des. xx. gegenwurffs.

Die einundzwentzigst figur



Die zweyundzwentzigst figur



Alle würdigkeit hat cristum Bedeut

Der. xv. gegenwurff ist von der nazareischen würdigkeit christi. Die bey dem starcken samson bedeutet ist gewesen.

Cristus ist in dē starcken samson. vō dē vil geschribē steet. Bedeutet seiner grossen tat vñ würdigkeit halben. von den in dem buch der richter in den. xiiij. xiiij. xv. vnd. xvi. capiteln. Die heilige geschriffte redet. vñ allermeist dē halben. Das er so herrlich vō dem engel ver kündet. wunderperlich geporn. sunderlich geweyhet. wunderlich gestritten. vnd obgeleget. seltsamlich vmbkomē. vñ in dem vnderligen obgeleget ist. Durch seine tate sind grosse ding bedeutet in cristo. Aber er steet hie allermeist dēhalb Das er von muter leib an. ein nazareus vnd gott gewidmet. geweiht. vñ geheiligt. vnd also ein geporn vñ ein wesentlicher nazareus ist gewesen. als sant Johannes d̄ tauffer. vñ dēselbenhalb ist er ein sunder figur vnseren herren. vber d̄. Das er ein richter. ein fürstreiter. ein beschirmer vñ ein erlöser seins volcs ist gewesen. als hie in der. xxi. figur stet. Da seiner tat drey in einer figur begriffen sind. Er hat den leuen erwirgt. vnd der stat thor. in der ine die feind vmbgelegt hettē. abgerissen vñ hingetrage. Er erschlug auch der feind tausent. mit eins efels kimpacken. in welken dingē allen. Der samson christi in sunder bedeutet.

Aber in der. xxi. figur. wirfft er d̄ gantz haus der vnglaubigen feind gottes. der bey dreytausent waren. mit iren fürstē. ernyder. vñ gibt sich vmb lieb willen. Der ere gottes vnd seins volcs. williglich in den tod. Vñ darumb. bedeutet er den tod cristi. vō dem ysaias spricht am

liij. ca. Er ist geopfert worden vnd in den tod gegeben. wann er hat es gewolt. Wihe in disen nechsten obgemelten gegenwurff. wie d̄ herr. auß liebe. auß aignem freyem willē. auß gehorsam. auß gehor oder gepott des vaters. vnd gleich auß gelübten oder verpūten gottlichen diensts. in den tod geopfert ist worden. Aber wie der herr. in disen obgemelten vātern. patriarchen. richtern. vñ kōnigē. als in seinen figurē bedeutet worden ist. also ist er auch in dē andern. in den gott d̄ herr etwas sunder werck. vñ würdigkeit. tugent vñ weyßheit. wunderwūrkung vñ heiligkeit bewisen hat. es seien patriarchen od̄ prophetē. priester od̄ lerer. gesetzgeber. od̄ weysen. hertzogē. oder gerechtē. bedeutet. also d̄ in yne allē. cristus als d̄ haubt aller sölcher. als die sunn gegen den sternē. als die warheit in dē figuren leuchtet. scheynet vnd vorgeet. Das man aber also in allē geschriffte d̄ prophetē vñ geschichte d̄ altē. cristu für nemē bedenckē vñ versten soll. d̄ meldē die lerer gar clerliche in vil geschriffte. Es sey hie gnug d̄ ich einē od̄ zwen zu zeugē hab. zu bewerung sölcher meinung schreibt sant augustin vil vber Johāne. Da er vnder andern Worten in d̄ neūndē predig des erstē teils also spricht. lise alle Bücher der propheten. verstee du mit christum in ynen. was findest du so abschmackes so törets vñ laes. verstee in yn christum. so schmeckt es mit allein wol Das du lise. sunder es macht dich auch trüncken. vnd verwandelt das gemūt vō dem leib. Das du der vergangnē vergiffest. vnd streckst dich in die ding die da vornen sind. vñ wird dir das zu wein. d̄ wasser w̄. d̄ gleiche spricht auch sant bernhard in d̄ fünffzehēdē predig

Alle wirdigkeit hat cristum Bedeut

rber dz buch der brühtgefeng. mit allein
 ist d name ihesus ein licht sunder auch
 ein speis. wirstu nit als oft gesterckt.
 als oft du an yn gedenckst. was macht
 dz gemüt des gedencende so weis. wz
 erkobert so vast die synn. was sterckt so
 ser die tugend od kreffte. was macht die
 guten vñ erberē sitten so frisch. was ne
 ret also die keüschē begird. Alle speis
 der sel ist mager. sie sey denn mit disem
 öl begossen. Sie ist aschmack sie sey den
 mit disem saltz gesaltzen. Schreibst du
 so schmeckt es mir nit. ich lese denn da
 ihesum. Disputierst du od redst mir zu.
 es schmeckt mir nit. es laut denn ihesus
 da. ihesus ist hönig i dē münd. ein süß ge
 dōn in dē ore. ein vnaussprechlich freünd
 in dē hertzen. vñ vil schreibt fürbas sat
 bernhard an dem selbē end das ich las
 ansten. Auff einen solchē syn redt auch
 sant gregorius in der vorred vber Job
 da er nach dem als er gesetzt hat wie
 göt der herr die väter der altē ee gleich
 als die stern in der nacht ee der morgē
 stern auffgeet. zeerleüchtung vñ bewey
 sung der tugend vor dē tag der neuē ee
 gesender hat. Spricht. wie vil gerechtē
 die göttlich ordenung. der erkentnis der
 menschen gezaigt hat. so vil stern hat d
 himel vber die finsternus der sündē ge
 sendt. bis d war morgēstern auffgiēg.
 der vns den ewigē morgē verkündet. vñ
 vber all äder stern auß der gotttheit kler
 licher glitzet. den all außewelten C so
 sie ym mit dē heiligen lebē vorgend. mit
 wercken vñ mit stimmē. dz ist mit wortē
 geweißagt vñ verheissen haben. wann
 kein gerechter ist ye gewesen d sein vor
 bott figurlichen. mit gewesen sey. wann
 es was billich. das sie allein yn selbs dz
 gut zaigtē. vñ dem sie all gut werē. vñ dz
 sy ydermā gut vñ nütz weysetē. Merck

wie clerlich sant gregorius die gemelte
 gegenwürff bewere. Das alles beste
 tigt auch d allergeleertest babst leo in d
 predig vñ dem österliche sacrament. da
 er also spricht vñ vnserm herrē. Diser ist
 d. d die vngleichheit vñ vngerechtigkeit
 geplagt hat. als moyses dz egyptē land.
 durch die vnfruchtbarkeit. Diser ist der.
 der vns auß d dinstbarkeit. erlöset hatt
 zu d freyheit. vñ d finsternus zu dem l
 echt. vñ dē tod zu dē leben. von der wü
 richē zu dē ewigē reich. Diser ist d. der
 in vil. vil gelittē hat. Diser ist d. d in abel
 getöt ist wordē. vñ in ysaac an dē füßen
 zesamē gepunden. Er ist in Jacob in dem
 ellēd. od ein außlend gewesen. in ioseph
 verkaufft wordē. in moyse eingewickelt
 vñ auff dz wasser geworffen. in dē lein
 lein gewürckt. in dē dauid durchcheter.
 vñ in dē prophetē enteret. Diser ist d. d
 in dz ertreich begrabē ist worden. vñ ist
 vñ dē tottē erstādē. vñ zu d hōhe der him
 meln auffgefahren. Diser ist dz lamb on
 stym. Diser ist d. d vñ d schefferey zu dē
 opfer genomē vñ auff den abent geop
 fert vñ in d nacht begrabē ist worden.
 Diser ist ihesus cristus vnser herre. der
 vñ den tottē ist auffgestande. vñ hat den
 menschen vñ dem vnttern grab erweckt
 zu dem leben. Dis alles spricht d heilig
 babst leo. Nun folgen hernach die
 gegenwürff. die das leiden christi in im
 selbs. als gegenwertig antreffen.

In der dreyundzweintzigste figur.
 sendt d vater den sun in dise werlt auff
 dis ertreich. vñnd der sun der von ewig
 keit dem vater gleichgroß vñ gleichal
 mechtig ist. der vnderwürfft sich. nit al
 lein dē vater. sunder auch C vmb d väter
 lichē ere willē dē engeln vñ dē mēschē
 Vñ gehort dise figur zu dem erste arti
 ckel des xvi. gegenwürffs.

Die dreyundzwentzigst figur



Von der vntertenigkeit cristi

Der erst artickel des sechzehendē ge
gerourffs ist. von der vndertenigkeit d
höbsten oberkeit.

Der alleröberst herr. hat sich vn
dertenig gemacht. Die ercle
rung dñ artickels. Der d vō ewigkeit.
gleich höhwirdig. gleich groß. in aller
mayestat. vñ volkomēheit. Dē vater ist. d
hat sich vmb vnsern willē vnderworffē.
vñ vñdrenig gemacht. mit allem. seinem
ewigen himlischē vater. sunder auch vō
des väterlichen willens wegē. seiner mu
ter marie. dem ioseph. den man seinē va
ter schetzte. dem iudischen geset. dz er
durch seinen knecht moysen. seinen aig
nen knechten den iuden gegebenē het. den
iudischen priestern. dē engeln. den iudē.
zu den er C als er sprach d gesandt w3.
den heiden. als dem gepiet des lands
pflegers Cirini den der keiser Octauia
nus geschickt het. anzuschlagen. zeschaz
tzen. vñd zebeschreiben das iudisch lād.
vmb welches gepots willen. der herr ihe
sus in seiner gepurt. gleich als an dē an
fang. in seiner zarten heiligen Eintheit.
da sei nuch frewlichs vnschuldigs fleisch
vñd leiblein. am allerzertisten was. must
in der kette. enmittē in dem winter. in dē
ellend. da gepuch aller notdūffrigkeit
was. gepozē werde. als er darnach vmb
des vrteils willen. des heydnischen rich
ters poncy pilati. den der keyser Thybe
rius geschickt het C wie vnrecht es w3 d
wolt gerechitziget werde. Also hat sich
cristus. dem heidnischen gewalt in den
dingen. die im gar schwer gewesen sind
vñd gar wee gethan haben. vndertenig
gemacht. Also ist ime auch gar wee ges
schehen. in der vndertenigkeit des iudi
schen geset. in der beschneidung. die
nye einem kind so wee gethan hat. wan
er allein vnder den kindern. empfindūg

seins schmerzēs. nach vrteil d vernūft.
gehabt hat. Es hat auch keinē gewach
sen mēschē ye also wee gethan. wan nye
māt ist ye einer so zartē. subtilē. leblichē.
cōplexion gewesen. Dñ ding lern auch
bedeckē. vñ wegē. in adern schwere wer
cken. die d herr auß vñdrenigkeit. der ge
hosamkeit gethā. vñ in dē dingē. die er
gelittē hat. Itē d herr ist auch gedē
mütiget wordē. bis zu d vndertenigkeit
des bösen feinds. mit d süd halbē. die er
auß vñlle d gnad vñ heiligkeit. mit mocht
thū. sund d peyn halbē. wann er hat sich
dē teufel lassen versuchē vñ afechtē. vñ
dz. dz d teufel ertrachtet. vñ eingegebē
hat. gedultiglich gelitten. als der teufel
dē iudas eingabe. dz er dē herre verrat
tē solt. Johānis an dē. xij. ca. vñ das ich
es kurtzlich begreiff. d herr hat sich ge
demütiget. vñd die engel. ad hebr. am. ij.
ca. vñd dz geset. Lu. am. ij. ad Gala. am
iij. ca. vñd die priesterschaft. von den er
sich lieh fahē. on verantworung. den er
die. die er gesūd machet. vñ reiniget. zu
wise. dz sie sy vrteilē solten. die. vñ auch
die altē Canbedrm. dz warē. lxx. hohmei
ster. die i dē geistlichē gericht rat gabē.
vñ mitrichter warē. er sich vrteilen lieh.
dz mā yne in dē gewalt des werltlichen
gerichts gebē solt. als einen der dē tod
verschult het. als man zu vnsern zeiten
den ketzern in dem glaubē thut. die mā
vorhin in dem geistlichen gericht verhö
ret. vñd vrteylet. vñd als dem dem
werltlichen gewalt C in dem man rber
das plut zerichtē hat d geben sūll. also
hat sich d herre dē falschē vrteil. vñ ge
walt d iudē vñdvorffē. Vñ dz diser ar
tikel. d bewerūg vñ auflegūg halb. mit
zulag werd. so sprich ich kurtzlich. Er ist
vñdrenig wordē. vñ hat sich vñdvorffē
gott dē vater. dem er vō ewigkeit gleich

Von der vntertenigkeit cristi

größlich in aller wesentlichen vollkomenheit gleich ist. Er hat sich vnderthenig gemacht seiner muter. die sein creatur woz. Den engeln. die seine eigen diener waren. Er hat sich vnderworfen dem ioseph seinem nerer. der ein zimernā was des halb man ine verachtet hat. Er hat sich vnderworfen den iüdischen priestern. vñ alten. dem geistlichen vnd werltliche gewalt. den iuden. den heiden. dem bösen geist. nach der weyhe. als oben gemelt ist. in dē dingē. die dyē peyn antrefsen. vnd nit die sünd. als gott der herr. Dē teüfel gewalt verhengt. vber die gerechten. als vber dē heilige Job. wie in seinem buch in dem erste vnd andern capitel steet. vnd vber sant pauls. ij. Cori. xij. Er hat sich vnderworfen des teüfels knechte. vnd der knechte knechten. Wann die iüden waren des teüfels knechte. wann da sie sich römten. sie hetten niemantz gedienet. oder weren niemāts knecht gewesen. sunder abrahams geschlechts. Da sprach d̄ herr zu inen. Für war. für war. sag ich euch wer sünd thut der ist der sünd knecht. Ir seyēt auß dē vater dem teüfel. vnd wöllet die begird ewers vaters volbringē. der vō anfang ein manschlechtiger. oder mörder gewesen ist. Job am amundviertzigsten capitel. Er ist ein künig vber alle kinder d̄ hohfart. ij. petri. ij. Von wem einer vberwunden wirt. desselbē knecht ist er auch Johannis am achtzehende capitel. Die diener der iudē siengen ihesum. Siht

nun. Das sich der herr vnderworfen hat. Des teüfels knechte. wann die in fiengē. waren der iuden knecht. vñ die iuden. die in hießen fahen. warē der hohfart. des neyds. vñ der boßheit halb. auß den sie bewegt vñ getriben wurden. den herren zefahen. des teüfels knecht. der selben knecht. sich der herr lieh pinden. ziehen. treibē. fellen. schlayffen. stossen. verspürzen. verpynden. verspotten. schlahen. vñ andern mutwillen mit im treibē. nach irer grymigkeit. Diser artickele der demütigen vnderwerffung vñ vnderthenigkeit des herre. des allermidersts höher ist. Dann alle geschöpfte höhē. ist be deut in der dreyundzwintzigstē figur. Da der oater dē sun. in dise werlt sendt. vnd der sun nympt das gepot seins vaters. gehorsamlich auff.

Die vierundzwintzigst figur gehört zu dem andern artickele des sechzehendsten gegenwurffs. Vnd ist als die iudē vnsern herre in dem vorgeber des tempels verstanigen woltē. Darumb dz er gesprochen hett. Ich vnd vater seind ains. Das sie für ein gotzlesterung hielten. als ob er sich mit wortē gott macht. vnd für gott aufgeb. so er doch nichts anders den ein sündiger mensch were. So es doch gantz wider syns woz. Wann so er warer natürlicher gott von ewigkeit was. Da het er sich auß gnaden vnd barmhertzigkeit. vmb mēschlichs heils willen. mensch gemacht.

Die vierundzwentzigst figur



Cristus ist der grosten hohfart gezigen worden

Der ander articke des .xvi. gegen-
wurffs ist. das man dem herren. die als
der grosten hohfart vñ widerspenigkeit.
zugezogen hat.

Wider diese obgemelte demütige
vndertemigkeit C die in cristo d
vnbegreifliche endlosen höhe halb. sei-
ner göttlichen maiestet vnd würdigkeit.
endlose ist zeachte C ist d herr verwor-
fen. durchhechtet. vñ verfolgt worden.
als der hohfertigit. ertelt vñ hñmü-
tigit aller mensche. Wan in im ist ver-
wysen. vñ auffgehbt wordē. dz er sich
auffwürffe. vnderhübe wid werltlichen
kaiserliche. priesterliche gewalt. vñ wir-
digkeit. vber sein eltern. vber propheten
vñ patriarche. wid moyses vñ gottes ge-
setz vñ C dz zeer barmē ist C die iude ver-
leumte vñ zigē yne. sölicher grosser vn-
milter hohfart. das sie aufgabē. das er
sich dem teufel vnderwürff. dz er vber
die teufel hersche möchte. Mathei i dē
xij. Marci in dē. iij. Lu. in dē. xj. capitel.

Das alles hat der herr wölle leidē.
das er genug tette für vnser hohfart.

Diser articke ist bedētet bey d xiiij.
figur. da die iude den herren versteinen
woltē. Darüb dz er gesprochē het. ich vñ
der vater sind eins. da der herr sprach.
ich hab euch vil guter werck erzeigt auf
meinem vater. Sihtu dz er die ere dem
vater zuschreibe. als ob er sprech. Ich
hab es nit von mir selbs. sunder vō dem
vater. dz ich euch vil guts gethan hab.
vmb welliches guten wercks willē. wöl-
t ir mich steinigē. Da antworten sie. Nit
vō des guten wercks. sunder vō d gottz
lesterung wegē. steinigē wir dich. wan so
du ein mensch bist. so machst du dich
selbs gott. das ist. du gibst dich für got
auf. Siht du. das sie im felschlich. die

höchste hohfart zuzogen. Vñ vnder dē
rittel sölicher gotzlesterlicher hohfart.
zogen sie yn an. dz er nach göttliche ge-
setz. den tod verschuldet solt haben. da
sie sprachē zu dē plütrichter pylato. Jo-
hannis am .xix. ca. Nach dē gesetz soll
er sterbē. wan er hat sich gottee sun ge-
macht. Als ob sie sprechē woltē. lieffen
wir yn lebē. so tete wir wider dz gesetz.
das vns gott der herr durch moyses ge-
geben hat. Diser gegēwurffe ist gar
mercklich. vñ einer vō den treffentlichste
Vñ als du siht in der gegēwertigkeit.
der menschwerdug vñ des leidē cristi.
ist er der erst. wann er ist auch wider die
erste vntugent d hohfart. die dz haubt.
die sache. der anfang. das mittel vñ das
end C als sant Augustin spricht C aller
sünd ist. vñ nit irer tochter der ungehor-
samkeit. ein vñhab. od sache aller vbel in
vernünftiger creatur. vñ wider dē grūd
aller tugentliche vñ verdießliche werck
vñ vbung. Welher grūd daran steet. dz
man sich demütiglich vnderwerff. in ge-
horsamkeit dem göttlichen willen. den
er durch sich oder sein stathalter zuuer-
steen gibt. Wider dasselb strebt. die ver-
rückt vñ entordnet natur. die der gesetz
frey sein. vñ iren mutwillen mißbrauchē
en will. in irē bösen vñ sündliche gelüste.
vñ wie mutwilliglich sie sündē. vñ gott
den herrē durch die ungehorsame ver-
achte. vñ den nechste durch die hohfart
vñ ungerechtigkeit beleidigē. vñ ire geli-
der mißbrauchē. vñ der schäpperē wol-
lust vnd unreinigkeit dienen. vnd durch
schnöde werck. die gewissen. leimut vnd
person beflecken will. so wil sie doch nit
allein nit beschemet werdē. sund darzu
auch geeret vñ geachtet sein. Also wöl-
t wir nach der verkertē natur. schnöde

Cristus ist der grosten hohfart gezeigen worden

werck. vnd ein schndds leben für vnd doch den lon der tugent. vñ die ere einnehmen. Darwider hat christus für vns gnug zethon. sich gedemütiget vnd vñ dertemig gemacht. wider vnser hohfart. vñ vñgehor:sakeit. vñ doch dē lō. d. demütigkeit vñ gehor:same. die ere nit wollen einemen. sunder mē dē lō. Der hohfartigen. vñ der vñgehor:samē scham. auffhebung. verweysung. gespōt. vnere. vnd zu dem letste den tod. der vor der werlt der allerschentlichst. vñ lesterlichst vnd nach dē geschriben setz verflucht was. auff das. das er die arbeit. vñ das verdiene het. vnd wir den lon. das er der alserhöchst. den nyemand gnug eren mag. sich demütiget. vñ doch geschmeht vnd als der allershohfertigst. vñ doch schnddest gelestert wurd. dz wir schndden. vñ doch hohmütigē mit allein. mit geschent sunder auch als die demütigē geeret. vñ als die gehor:samē belonet würdē. Das verstee doch also nit. dz die hohfertige vñ vñgehor:samē. vmb die selbē vñtugent. fülle geeret oder belonet werden. sunder nach dem als wir all nach d. natur mit söllichē vñtugendē. beladē sind. als kinder vñ knecht der sündē. von den wir nit mügen erlediget werden. denn durch die gnad cristi. vñ durch verdienē seiner gehor:same. vnd seims leidens. on die nyemand gerechtfertiget mag werden. nach der meinung als sant paulus schreibt. ad Roma. am. iij. vnd. v. cap. als durch eins menschē vñgehor:samkeit. vil sūnder gesetzt sind. also durch eins gehor:samkeit. werden vil gerechte gesetzt.

Vnd das die nachfolgende gegenwürff. dester kurtzlicher begriffen werden. was hie gemelt ist vñ der demütigkeit. vñ gehor:samkeit cristi. vnd von der schmahheit vnd vnere. die er dargegen

eingenomen hat. für die ere. die er. soult mer vnd größlicher verdient hēte. soult sein maiestat höher was. vñ d. er sich genydet. vnd gemyndert. oder gedemütiget het. die doch endlos ist. Das bedēck vñ wig auch in andern seinen tugenden. wercken. vñ leiden. vnd betracht wie er durch widerwertig tugent. für vnser vñtugent. gnug gethan. vnd mit seinem leyden vnser leidē. hingenomen hat. Dann wir sind schndd. d. geplagtē natur halb. noch schndder der peyn halb. aller schnddest der willigen sünd halb. Vnd wie schndd wir sein. so wollen wir doch gehalten vñ geeret sein. so wir doch d. hohfart halben. sölte geschent werdē. so ist er in allen seinen dingen. so vñaussprechlicher wirdigkeit. vnd in vñbegreiflicher hōhe seiner wirdigkeit vñ maiestat. hat er sich so tieff genügt. vñ gedemütiget. dz kein creatur. die tieffe seiner demütigkeit ergründē mag. vnd so er nach der hōhe. seiner wirdigkeit. vñ nach der tieffe seiner demütigkeit. endlos ere verdienet het. so ist doch ye kein mensch. also größlichē geschmeht. geschēdt. verspot. gelestert. vnd vñgeeret worden. als er.

Das bedēck in mitleyden vñnd grosser danckbarkeit. denn wolt er nit vñb sein tugēt geschmeht vñ geschēdt sein wordē. so müste wir vñ vnser vñtugēt. ewiglich geschēdt vñ verspot wordē sein. Darvñ in d. betrachtung d. s. gegenwürffs. bedēck als vil du kist. dei schnddigkeit. mit scham vñ missfallen. die hohfart. dei ere. geptrigkeit vñ werltlich vñpigkeit. vñ den mangel warer demütigkeit. Vñ w. grosser sūd. du auß begird citler ere. oder wollgefallens dein selbs gethā hast. Kanst du den d. se yetz gemelte dig. in dir nit findē so las dir dein plintheit leid sei wan du solt gewis sein

Cristus ist der grosten hohfart gezigten worden

Das dz mit Kompt auß vnschuld oder tugende. sunder auß grobigkeit. vnwissenheit. torheit vñ plintheit. die oft vñ fast entspringt auß hohfart. die den mensch verplent. dz er mit allein sein geprechen. vñ schöndigkeit mit siht. sunder er siht auch die hohfart mit. die yne verplendet darüß ye mynder. Dir dein hohfart vñ gepreche. sichtig od kund sind. so wil mer förchte dich. dz du villeicht. von yne mit verfür vñ verplendt seyst. Gedeck woz grosse peyn. du mit d hohfart od dē sündē. die auß ir entsprungen sind. verschuldt hast. Vñ allermest. die peyn d schand. die du vor gott. vñ an dē iugsten tag. vor aller werlt da sie wee thun wirt. vor alle heilige vñ engeln. vñ vor dē teu feln deinen feinden. die dein ewiglich spotten werde C es sei deñ. dz dir durch dz verdienē. des gespöttes. das christus vnuerdienet gelitten hat. zuhilff komen werd C leide soltest. Darnach bedeck. wie wee. die offne schäd thue. allermest da. da der mensch allerliebste wolt geeret werde. Durch dise obgemelte betrachtung. komst du in begird d oberhebung der schäd. vñ wirdest bewegt. dz du söß her grosser schäd oberhebt. vñ vertragen werdest. so doch kein ander mittel ist. d schäd zcentrinnen. deñ die demütigkeit cristi. durch die er vns die verdienstlichen demütigkeit verdienet hat. wan sein verdienē. ist die wurtzel alles verdienēs. als er mit allein der künig. vñ gewaltig der erē ist. sunder er ist auch der herre der tugent. wan gnad vñ glori hat er auß ze teilen vñ zegebē. j. Coim. xij. ad Ephes. am. iij. ca. Eine ygliche ist gnad gegebē nach der maß der gebüg cristi Wan du die obgemelten ding. betrachtest. so findest du. wie not dir dz verdienē des leidēs cristi ist. also lernst du dasselb we

ge vñ grospachtē. Deñ wirt es dir liebē. als dz. on dz du dē ewigē vnaussprechlichen vbeln C die du zeförchten hast C mit entgeē. noch die ewigē güter. vñ volle seligkeit. d du begerst. erlangē magst. Also komstu ordenlich. zu der betrachtung des leidēs cristi. Vñ das dir dasselb desterner zu hertzē gee. so lern vor betrachten sein tugent. als wann du die lestrung. dz gespöt. vñ desgleychen. dz man dem herre angelegt hat. wilt bedencken. so betracht vorhin sein demütigkeit. vñ das du die tieffe seiner demütigkeit mügest mercken. so bedenck die höhe seiner maiestat. vñ so die höhe seiner maiestat vnerreichlich ist. so ist auch die tieffe seiner demütigkeit vnergütlich. so die tugent seiner demütigkeit. vñ menschlich groß ist. so ist auch dz leiden d vnerre endlose zeachtē. Also komest du auff die sach der größe des leidēs cristi. Vñ wen du sihest dz dz verdienē des leidēs cristi so größlich vbertryfft. so hastu. warumb es ein genugsam opfer gewesen ist. für aller menschē sünd. durch die sie gott ungeeret habē. Darumb wiltu für dein sünd gnug thun. so mach dich teilhaftig der krafft seins leidēs durch die brauchung der sacrament. die krafft habē auß dē selben. vñ beichte vñ vnderwürff dich. dem gewalt d priester schafft. vñ d heilige cristliche kirchē in der bus. das du doch cyn wenig gleichförmig werdest. der demütigkeit. vñ vñ dertemigkeit. cristi. Dan so halte die demütigkeit cristi. gott dē vater für. wi der dein hohfart. sein vñ dertemigkeit vñ gehorsamkeit. wider dein widerspenigkeit. vñ bit gott den vater. dz er vmb der tugēt willē. seins allerliebsten suns. dir dein vntugent verzeihē wölle. vñ vmb d

Christus ist der grosten hohfart gezigten worden

peyn willen. Die sein sun für die tugent.
eingenomē vñ gedultiglich gelittē hat.
Dir dein peyn. die du mit deiner vntugēt
verschult hast. lasse farn. Vñ dz dein
gepēte. dester krefftiger sey. so opfer im
die tugēt seins suns. für dein sünd. vñ
sein peyn. die er vnschuldiglich gelitten
hat für die pei die du billich leidē soltest
vñ aigne eins gegē dē ādern. als die de
mütigkeit christi. wiß dein hohfart. sein
gehorsamkeit. wider dein vngheorsam
keit. sein messigkeit. wider dein vnmes
sigkeit. sein abpreche vñ fastē. wiß dein
vberessen vñ vbertrinken. seinen man
gel. wider dein vberflüssigkeit. sein will
ge armut. wiß dein geittigkeit. sein her
tigkeit. wiß dein senftigkeit. sein reinig
keit. wider dein vnreinigkeit vñ fleisch
lichkeit. sein weinē. wider dein vnorden
lich freud. vñ dēsgleichē ye eins gegen
dē ādern. ye mer du dz tust ye mer du die
peyn deiner sünd hinlegest. Dise ob
gemeltē staffeln. vñ weyse hab ich ge
setzet. mit allein vmb dises gegēwurffs.
sünd auch vñ der andern willē. die her
nach folgen. in den du söllich staffeln
nach irer eigenschafft. findē magst. das
mit hieher mag geschribē werde. Aber
so hie obē gemelt ist. dz der mēsch zu be
schwerung seiner hohfart. sein schndig
keit soll bedencen. ob yemāds also ein
feltig wer. dz er dz. das er an ime tregt.
vñ er selbs ist. als sein roust. vnstat. Eott
sack. vnreinigkeit. vñschheit. vñ ander
schamper eigenschafft des leibs. eittel
keit. vnwissenheit. böse begirlichkeit. wā
ckelmütigkeit. vñtrew. torheit. vñ hoh
heit. des gemütes halbe nit erkente. der
merck zu hilff seiner demütigung disen
kürzen spruch Innocēcy des bapsts. in
dem anfang des buchs. vñ d art mēsch
licher schndigkeit. d also laut. Der mē
sche ist geformirt. od gemacht vñ d ers

dē. empfāgē i d sünd. geporn zu d peyn. er
tut verkerre dig. die sich nit gepürē. schā
pere dig d sich nit zimēt. dde dig. die nit
nütz sind. er wirt ei speis des feurs. ein
ab d wūrm ei cloß d feuli c clerlicher ze
redē. Der mēsch ist geformirt vñ dem
puluer. vñ dē kot. vñ dz noch schndē ist.
vñ dē allervnreinistē samē. er ist epfāgē
ich getar dz mit setzē. dz d fürst d iuristē
hie setzet. Er ist geporn zu d arbeit. zu
forcht. zu schmerzē. vñ dz noch vnfe
ger ist. zn dē tod. Er tut verkerre ding.
mit dē er got. seinē nechste. vñ sich selbs
leidiget. er tut schāppere dig. durch die
er besleckt seinē ley mut. er besleckt sein
person. er besleckt sei gewissē. er tut dde
dig. durch die er versaumpt ernsthafti
ge dig. er versaumpt nütze dig. er versa
umpt nottürfftige dig. er wirt ei speis od
futer des feurs dz alweg print vñ prēt.
vñerleschlich. er wirt ei ab dē gewürms
dz alweg negt. vñ frisset vnsterblich. er
wirt ei cloß d feule. die allweg sticht. vñ
vnstetig ist. greulich. Dis ist der adel des
mēschē. nach d natur zurechnē. Des an
fag nach d epfāgnus. ich vñ d iugē vñ
iuck frawē willē. die dis lefē möchtē. vor
schā nit hab getürre setzē. In sihe wie
billich der mēsch. sich vberhebe vñ hoh
fart treib. Itē bey d hōhe des herrē. als
wen mā spricht. d allerhöbst ist vñderte
nig wordē. verstee besünd in disem gegē
wurf. die vnbegreiflichkeit seiner maies
tat. vñ anderer volkomēheit. die dy maie
tat antreffen. die in dem herzen ihesu
so hoh vñ groß sind. das sie keiner cre
atur begreiflich sind. dēhalb. das sie
endlos sind. wān wie hoh mā sie achtet
od erkēt. so vbertreffen sie doch on end
Die. xxv. figur d verkündig gehört zu
dē erste articel des. xvij. gegēwurffs. vñ
zu dē erste des. xij.



Von der geistlichkeit cristi

Der sibenzehed gegenwurff hat zwe
artickel. Der erst ist. Das allergeistlichst
wort ist fleisch worden. auff das das es
dz fleisch züg zu der geistlichkeit. Wi
der den ist der ander artickel. Im ist die
fleischlichkeit auffgehebt vnd verwisen
worden.

Die auflegung des ersten artickels.
Das ist der einfleischig. oder fleischwer
dung. des allergeistlichsten worts

Das allergeistlichst wort. ist flei
sch worden. merck wie vnphillich
vnserm herren die fleischlichkeit auffge
hebt wordē ist. so sein fleischlichkeit geist
licher gewesen ist den vnser geistlichkeit.
Das sprich ich in der warheit. mit der na
tur. sunder der reinigkeit. tugend vnd
gnaden halben. Wann auch sein heilig
rein fleisch. von dem heilige geist. in der
iunckfrawen vol genaden. als hernach
in dem. xij. gegenwurff bas erclert wirt
geforniert vñ auß ewiger vnaussprech
licher liebe der tugend. in einigkeit der
person des suns. der das wesenlich wort
gottes des vaters ist. genomen ist wor
den. Wie innig nun gott dem vater.
wie heimlich. wie mitwesenlich. wie mit
ewig. wie mechtig. oder mit allmechtig.
wie würcklich. wie leblich. wie clar. wie
sehend. wie vnbegreiflich. wie war
hafftig. wie weitleuchtend. wie gegen
wertig. vnd gemein aller creatur. besun
der der vernünftigen. wie frefftig. wie
verporgen. wie reich. wie frey. wie herr
lich. wie mild. wie gerecht. wie süß. wie
zutätig. oder gemeinsam. wie eretreich.
wie edel. wie vollcomē. vnd gnadereich.
wie schon. wie lieplich. wie freudereich.
wie sensst. wie mitleidig. vnd geweltig.

wie reyn. wie lautter. wie geistlich sol
lichs wort sey. so frag sant Johansen
ewangelisten. der antwort dir. Fragstu
yn. wie würdig das wort sey. so antwort
er. Das es vnaussprechlicher würdigkeit
sey. wann es gott selbs ist. Dañ wiewoll
es das wort gottes heisset. als er in dē
xix. capitel der göttlichen offenbarung
spricht. so hat es doch einen namen den
nyemadt weist. den er selbs. als er auch
an dem selbē ort spricht. Fragestu wie
geweltig es sey. so antwort er an dē selb
en ort. Das er an seinem cleid vnd an
seiner hüß geschriben hat. künig der kün
ig. vñ herr der herscher. der sein diener
alle zu künigen. vnd zu priestern macht.
Apoca. am ersten vnd fünfften capitel.
Fragst du in wie mechtig es sey. so ant
wort er. Alle ding sind durch es wordē.
Johannis am ersten capitel. vnd on yne
ist nichtz worden. Fragstu in. wie schō.
wie clar. wie leblich es sey. er antwort.
Was worden ist. das was in im das le
ben. Da bey er zuuersteen gibt. Das alle
ding von ewigkeit. in im als in einem le
bendigen spiegel geleychter haben. vnd
sind in im als in irer sache gewesen. frag
stu in. wie edeles sey. so spricht er. Wir
haben sein ere gesehen. als die ere eins
eingepornē von dem vater. fragstu wie
sensstmutig. vnd wie gnadenreich es sei.
er antwort mit sant Johansen dē tauf
fer. Seht an. das lemlein gottes. seht d
hinnympf die sind der werlt. Vñ aber
spricht er. Wir habē in geschē. vol gna
den vnd warheit. Vnd aber spricht er
von seiner mildigkeit. Von seiner völle.
haben wir alle genomē gnad. für gnad.
fragstu wie eretreich es sey. so antwort
er. würdig ist das lemlein. dz getödt ist.
zeempfahen krafft. vñ gottheit. vnd ster

Von der geistlichkeit cristi

cke. vnd weisheit. ere vnd glori. vnd benedeyung. vñ gewalt. in werlt der werlt. Amen. Dñ antwortet sant Johāns. in der person alles himlischē heres. Ja aller creatur. Apoca. am andern capitel. also bewert er dir C wann du in westest alle obgemelte. vñnd ander edele eigenschafft. der art cristi. Desgleichē setzt sant pauls auch hoh eigenschafft. von cristo in der epistel zu den hebreyschen. in dem anfang. den man liest in dem hohen fürderlichen ampt der heiligē mess an dem cristag mit dem anfang des ewāgeliums sant Johānsen. von der wirsigkeit des wortes. also dz die zwen anfang der epistel sant pauls. vnd des heiligen ewangeliums sant Johānsen. als die allerhöchste geschriffte der newē ee. an dem allerhöchsten tag in dem allerhöchsten ampt des selben tags. d̄ allein drey empter hat. nach gewöheit der römischen kirchē miteinander gelesen werde. Da beschreibet vns sant pauls den adel des worts dz cristus ist. nach mangelley höher weis. wer es verstehen möcht. Vñnd zu erstē nach d̄ höhe seins vrsprungh. so er spricht. So gott in mangelay weis etwan zu den vātern geredt hat. so hat er zum lesten zu vns geredt in dem sun. Das ist durch den sun. als er mensch ist worden. Zum andern meldt er sein reichthum auch nach mēschlicher natur so er spricht. den er eyne erbherrē aller ding gesetzt hat. Zum dritten sein allmechtigkeits so er spricht. durch den er alle werlt gemacht hat. Zum vierden sein liechten schonheit so er spricht. so er der schein d̄ glori. das ist der veterlichē maiestat ist. vnd gibt auch mit den selben zeuersteē sein miterwigkeit. wann der scheyn wie woll er von der sunnen oder d̄ feur ent

springt. so ist er doch der sunne od̄ dem feur gleich alt. Noch meer gibt er vns zum vierden zeuersteē mit allein die hübsche sund auch die mitwesenlichkeit des suns mit dem vater wider die grobe lere zerey der arrianer. die so vil leidens vorzeiten in der cristenheit gestiftet habē. Das sie zanketen der sun vnd der vater weren mit eines wesens. wider das sant pauls spricht. das er die figur sey der vāterlichen substantz. in dem er beweyset. dz er nit allein die schonheit des vaters nach pilds od̄ gleichnus weis hat. sun der nach gantzer wesenlichkeit. also bezeugt er sein stercke. so er spricht. das er mit krafft seines worts alle ding trag. sein heiligkeit. miltigkeit vnd reinigkeit so er spricht. er macht reinigung d̄ sünd. sein würdigkeit so er spricht. er sitzt zu d̄ rechten der maiestat in den oberhohen. Darnach sein gottheit mit vil bewerūgē der heiligem geschriffte. Höre auch was er setzt. von den adelichen eygensschafften d̄s worts. in dem ersten capitel zu den rodifern. Gott der vatter hat vns erlöset von dem gewalt der finsternus. vñnd hat vns würdig gemacht zum teil des loses od̄ ertheils der heiligen in dem liecht vnd gesetzt in dz reich des suns seiner liebe. In dem wir erlösung vnd ablas der sünd habē. der das bild ist des vnsichtberlichen gottes. der erstgeborn aller creatur. wann in im sind alle ding gestiftet. sie seyen in den himeln oder auff der erdē. sichtbere vñ vnsichtbere. es seyen die thron. od̄ die herschūg od̄ fürsthumē od̄ die gewelt. Alle ding sind durch in vñ i ym beschaffē. vñ er ist vor allē. vñ alle ding bestē in im. vñ er ist dz haubt des leibs d̄ kirchen C dz ist der heiligen cristenheit d̄ d̄ anfang ist lūg

Von der geistlichkeit cristi

vñ der erstgeborn auß den tottē. das er in allen heiligen den ersten fürstēthum sey halten. wann es hat gott wolgefallē das in ym alle völle der gottheit wonen solt. vñ durch yn alle ding versünē in yn. vñ durch dz plut seins creützes zu frid zepringē. bald die dy in den himeln vñ die auff der erden an allen örten sind. Dis sind sant pauls wort. die bedorffte gar einer lāge auslegūg zu d hie nit stat ist. aber merck in eyner kurtze. wie edel vns sant pauls dis wort beschreibet vñ fürhelt. so er gottes sun nennt. wie myñ sam vñ lieplich. so er es den sun d liebe des vaters nēnet. wie schō vñ hübsch. so er es dz bild des vnichtberlichē gottes nennet. wie würdig. fürnem vñ ewig. so er es dē erstgebornē aller creatur nēnt. in dem er zeuersten will gebē. das er nit in der zeit die ein creatur ist beschaffen ist. sunder vorhin geborn vñ also ewig. vñ also ist er auch nit ein künstlich bild gottes. als des keyfers bild i den guldē oder ander materien. oder ein wordens beschaffes bild. als der mensch gottes bild. sund ein natürlich lebendigs bild. als ein sun seines vaters. vñ ein mitwesenlichs. mit ewigs. mit almechtigs. vñ also in allen dingē C außgenomē das er von dem vater ist. aber der vater ist von keinē d dē vater gleich gros. gleichmechtig gleich ewig vñ gleich vollkomē ist des halbē er mit dē vater alle ding beschaffen hat. alle ding auffenthelt vñ regiert vñ nach mēschlicher natur regiert er die heilige kirchē vñ flōßet die erkentnuß d göttlichē warheit vñ dz lebē der gnadē. vñ die vbung tugentlicher werck als ir haubt in sy. wan sie sein geistlicher leib. i den alles gut auß ym flēßet. Deshalbē sant pauls spricht. dz alle völle auch

der gottheit in ym wonet. Das ich aber nun. auff die fürderlichen meinūg des ersten artickels kün. Dis wort heiß ich das allergeistlichst. wann wiewoll kein vnderseheid der qualitet. oder so gethanheyt ist. yn der heylygen dreygkeit. die man sünst zu teütsch dryfaltigkeit pflegt zenenennen. Dann ein person so ewig. so mechtig. so weyse. so heilig. vñ so selig. vñ geistlich ist. als die andern. so gehōret doch. nach der weyse vnserer verstentnus vñnd gleichnus. die man in den creature findt. die geistlichkeit mer dē wort zu. denn andern personē. Wan die vernünfftig sel ist geistlicher. denn die empfindlich sel. wann mā nun in vns den geist teilet. oder in teyle nymmet. gegen der sel. so ist der geist geistlicher gehalten. den die sel. nun das gemüt ist dz geistlichst yn dē geist. nach etlicher weyse genommen. Vñ in dem gemüt ist die verstentnus. in d verstentnus ist die verstantlich gestalt. als dz wort. nun die gestalt. scheint geistlicher sein. denn dz. in dem sie ist. als die gestalt. die in dē aug. als in einem lebendigē spiegel ist. die ist geistlicher denn das aug in dem sie ist. Item die gestalt ist geistlicher denn das. des die gestalt ist. die gestalt des baums i dem wasser. ist geistlicher den der baum. oder das wasser. oder auch d lufft. Also scheint das wort auch geistlicher sein. denn der geist. vñnd sunder. wa ein geist sich selbs siht. oder kent. durch sein gestalt. nun in gleichnus weise. wirt vns der sun in der heilige dryfaltigkeit fürgehalten. als das bild vñ die gestalt des vaters. vñnd figur seiner substantz vñnd schein seiner cre. der schein ist auch geistlicher. denn das. des er ist. So nun gott der vater. der aller subtilst. vñ aller

Von der geistlichkeit cristi

lautterst geist ist. gegen dem die himlischen geist. gleich als leiplich geachtet werde. so gedenc nun wie geistlich der sun sey. der des vaters bild. form. figur. vnd wort genent wirt. mit das du gedencken solt. Das er geistlicher sey. den d vater. sunder das das wort. etwas geistlichers ieh. den der name des vaters. od auch des geists. da bey verstee. wiewoll der sun fleisch ist worden. so ist er doch mit minder. ein allergeistlichster oder allerlautterster geist. nach der göttlichen natur. den der vater od der heilig geist. Darumb wirt er gottes des vaters wort genent. welch wort fleisch worden ist. dz ist. es hat menschliche natur. die fleisch genent ist. an sich genomē. das es die selben natur. von der fleischlichkeit. vnd vō den geprechlichkeit des fleischs. zu zūge vnd verwandelt. in sein reinigkeit. vñ vollkomēheit. Wan dz fleisch hat gleich dē wort widwertig art. wann als nichtz edlers. krefftigers. subtilers. liechters. reiners. geistlichers vñ dē gleichen ist. Denn dz wort also hinwiderū ist nichtz schñoders. blöders. gröbers. tunklers. vnreiners. vergifftigers. schampperers. schentlichers. ellenders. vñ der gleichen. Denn das arm faul. maich vnd arbeitseilig fleisch. mit dem der arm menschlich geiste behengt. beschwert. verfürer vnd verhindert ist. so es im doch zum ersten zuhilff. zu ergetzlichkeit. zu fürderung vñnd zu verdienst. als ein werckzeig. zu vrbung der tugent zugefügt ist. aber vñ der sünd willen. ist es vmbgeschlagen.

Darumb dz fleisch. dz ist. den fleischlichen mensche. zewiderbunge vñ zereinigen. zeheligen. zestercken vñ zewirdigen. hat das wört gottes. das fleisch an sich genommen. vnd das ist bedeutet bey

der figur. der verkündung. da der ertzengel gabriel. der iunckfrawen marie. den willen gottes des vaters. vō der menschwerdung seins. suns verkündet vñ vordert ir willkür. vnd maria verwilliget in das wollgenallen gottes. da sy spricht. Vlym war ich bin ein diem des herren. mir geschehe nach deinem wort. Dann als bald ward das wort fleisch. vnd als ir der engel gesagt het. also kam der heilig geist in sunderer weyse in sie. vnd formiret auf irem reynen iunckfrewlichen geperblut. den reinem leib. den gottes san gelebendiget mit einer vernüfftigē sel. die von neuem beschaffen gleich in dem selben plick. als der leib geformirt ward. an sich genommen hat. also das die vereinigung der sele vnd des leibs. mit der person. oder in die person des suns miteinander beschehe ist. also hastu wie rein das wort fleisch ist worden. vñ vmb was reinigkeit willen. Das sey von der meinung des ersten artickels. des sibenzehenden gegenwurffs.

Die sechszundzweintzigst figur ist. In der das mal das sant matheus vñserm hern bereit het bedeutet wirdt. da auch vil mautner vnd offner sündler mit ym assen. dz die gleichsner vñ geschrifte weysen beredten. vnd sprachen zu seinē iüngern. warumb ysser vñnd trincket euer meister mit den sundern &c.

Dise figur gehört zu dem andern artickel des sibenzehenden gegenwurffs wann deshalb das er sich freüntlich bewis zu den sundern vnd ab mit ynen. da vnterte yn die gleichsner ein fleischlichen menschen.

Die sechsun dzyweintzigst figur



Cristus ist der fleischlichkeit gezeigen worden

Von dem andern artickel des sibenzehenden gegenwurffs.

Der den. ist der äder artickel. **D**z die öden schändē iudē. yne d̄ fleischlichkeit gezeigen habē. Darūb dz er den sündern freuntlich was. Dz er dan̄ darūmb thet. Dz er sie durch dasselb zūge vō dem fleischliche sündlichen leben. Also zohe er die sünderin mariā magdalēnā. dz er sich sie lieh anrūre. die so gar mit allein vō der sündlichkeit. sund̄ auch von aller fleischlichkeit. Ja von aller creatürlichen lieb. in die göttlichen lieb gezogen̄ wurde. dz sie darnach. in nichtz anders. dan̄ allein in gott getröstet möcht werdē. vñ dz nā also in ir zu. das sie sich zum letzten vō allem menschliche wandelschied. vñ bey. xxx. iaren ein vber natürlich. englich lebē fūret auff d̄ erden. also zohe er zacheū den fürsten d̄ mautner. dz er den halbtail seins guts den armen gabe. vñ wa er yemant vbernomen het. dem gab er es vierfeltiglich wider. Also zohe er matheū den zolner. dz er alle ding verließ. vñ im nachfolget. Vnd mit allein folget im matheus i seiner person nach. sūnder darūmb dz der herr zu im einkeret. vñ bey im zu tisch saß. da zohe er sein gesellschaft auch mit ym vō den sünden. zu der nachfolgung christi. Das ist die meinig christi. vnd das end seiner fleischwerdūg gewesen. dz er den fleischliche mensche. zūg in die art des geists. dz der mensch die blödigkeit des fleischs. durch die stercke des geists vberwunde. vnd die gailheit. durch die kestigūg. die bösen gelüste. durch die liebe d̄ reinigkeith. zemetē vñ töte. vñ also verdiēte. dz der geist gottes in im als in seinem eigen tempel wonete. vñ dz auch d̄ leib des menschen zu dem letzten in der

vrstend C d̄ glori halb d̄ geistlich würd. nach der vntd̄ligkeith. clarheit. subtiligkeith. behedigkeith. mūglikheit. lautterkeith vñ d̄ gleyche. i den er dē geist gleichförmig. vnd vnderthenig wurde. Das die heilig dryfeltigkeit. wunnsamglic. in dem geist des menschen. vnd der geist ungehindert. vnd wunnsamglic in dē fleisch wonete. dz vns alles dz wort. dz fleisch worden ist. vnd hat in vns gewonet. gemeint vnd verdienet hat.

Von dem andern artickel widerūb. dz die iudē vnsern herrē als einē fleischlichen menschen geurteilt vnd verachtet haben.

Vnd darwider habē die fleischlichen iuden. die nichtz anders dan̄ dz fleisch. auch in geistliche d̄ngen gedencen vnd versteen künden. vnsern herren verschmeht. geurteilt vnd velenmet. als den allerfleischlichste menschen. wie hie in d̄. xxvj. figur bedēitet ist. i dē mal. dz sant matheus d̄ selbē zeit ein zolner dē herren bereit het. da die gleichförmner vñ gelertē mürmelte vñ sprachen zu seinē iūgern. warūb yßet vñ trincket ewer meister vnd auch ir. mit dē mautnern. vñ sūndern. vñ da ine d̄ herr geantwort het sprachē sie aber eins zu im. warūb fastē wir. vñ iohānes iūgern. vñ d̄ phariseyer iūgern vñ bettē. aber dei iūgern essen vñ trincken. Mathei in dē. ix. ca. Marci in dem andern. Lu. in dem. v. Vñ in dē. xj. capi. Mathei sagt der herr wie sie sprechen von im. Seht an ein frap vñ ein weinsaufer. ein freūnd der mautner vñ d̄ sünd. Vñ wiewoll d̄ herr dise dig gar weyßlich vñ höher. den ir fleischlich syn begreiffē mochte. verantwortet. also dz sie i nichtz darwider antwortē künde. so beliben sy doch verhert in iren falschen

Cristus ist fleischlichkeit gezeigen worden

urteilen vñ sprachē. als vor an dem letz-
ten gemelt ist. Mathei am. xi. ca. Seht
an er ist ein frasz. x. wiewoll der herr key-
nen wollüstlichen munduol auß wollust
ye geessen hat. Aber darumb hat er C
des fleischliche ding vñ werck geistlich
er warē der tugent vñ meinung halben.
Denn vnser geistliche ding vñ werck
als ei fleischlicher geurteilt. geschmeht
vñ beschemet wöllen werde. Dz wir flei-
schlichen. nit als die fleischlichen ewig-
lich geschendet. sunder als die geistlich
en geeret. gewirdiget. vñ belonet werde.

Darzu dz dir diß vnaußsprechlich
vnbillich vnrecht. das dem herrē in der
zeihung vñ verleümung der fleischlich-
keit bewisen ist worden. Dester meer zu
hertzen gee. so bedenck die manigfalti-
gen frucht vñ würdigkeit. die mēschlich
er nator vñ vnserm fleisch. durch sei flei-
schwerdūg entsprungen vñ zugange ist.
so magst du mercken. das wir menschen
ym nymmer gnug dancken mügen. wann
durch söllich sein menschwerdūg. ist die
menschlich natur C die iemerlich zeschā-
den was wordē. durch das. das sie sich
so schentlich von dem bösen feind het
lassen vberwindē. vñ anführen C wider
umb in ir eer gesetzt worden. das nym-
mer meer möcht beschehen sein. es wer-
den. das das wort fleisch. vñ gott mēsch
wer wordē. wann so got den bösen feind
nit in seiner macht vñ maiestat. sunder
in menschlicher plödigkeit. vñ demü-
tigkeit. mitdulden vñ vnderthenigkeit.
mitleiden vñ gnugthun der buffertig-
keit bestritten vñ vberwundē hat. so er
das in menschlicher vñ durch mensch-
lich natur gethan hat. so ist menschlich
natur wider zu eer kummē. wann die na-
ur hat wider vberwunden. die vor vñ dz

gelegen vñ vberwunden was. vñnd ist
nymant darumb verpunden vñ vnder-
worffen denn allein gott. dem sie on dz.
als all andere creatur vñndworffen wz.
sünst wer es möglich gewesen. vñnd be-
schchen. das ein andere creatur für den
menschē gott dem herren gnug gethan.
vñnd den bösen feind bestritten. vñnd für
den menschen vberwunden het. so wer-
der mensch nit allein got dem schöpfer.
sunder auch der selben creatur als irem
erlöser zu danckbarkeit verpunden vñnd
vnderworffen gewesen. vñnd also wer sie
nymmer zu der ersten würdigkeit. nach
der sie allein got vnderworffen wz. kum-
men. Die ander eer vñnd würdigkeit.
die der mensch auß der menschwerdūg
gottes hat. ist die. dz er nit allein in die
ersten eer wider eingesetzt ist. sunder er
ist auch vber all. nit allein leyphlich. sund
auch geistlich creatur erhöht vñnd gewir-
diget worden. der vorhin von der selben
geistlichen creatur vñ seiner tödlichkeit
wegen verachtet vñnd verschmeht was.
Aber nach dem als das göttlich wort
menschlich fleisch ist worden. so ist men-
schlich natur den bösen geisten C aller-
meerst als vill als sie dem sin gottes
durch den andechtigen glauben. vñ ge-
ordnete lieb anhangt C erschrockenlich
vñnd den guten engeln eerlich worden.

Zum dritte ist mēschlich natur durch
die fleischwerdūg gottes. gleich als die
sin das end vñnd die volkomenheit aller
creatur vñnd desselben halb allen creatu-
ren fürnem. ansichtig vñnd eerlich wor-
den. wann sie seind all durch mittel mē-
schlicher natur in ires gleichē in got ge-
nūmen. vñnd also in iren ersten vrsprung
kummē. volpracht vñ gewirdiget wordē
Zum vierde ist mēschlich natur durch

Cristus ist der fleischlichkeit gezeiten worden

Die menschwerdung des ewigen worts
Der göttlichen natur heimlicher neher
zugehörend vnd inniger wordē. Den all
ander creatur. Deshalben sie auch meer
rechts zu gott dem herren hat den auch
die allerhöchsten aller engel. als in cristo
vñ seiner allerseeligste muter vñ villicht
ettlichen patriarchen vnd zwölfboten.
sunder ettlicher eigenschafft halb bewy
sen wirt. in denē sie all engel vbertreffē.
als sant pauls in dem andern capitel zu
den hebreyschē spricht. Es hat nyndert
die engel begriffen sund abrahā samē
vber welche wort die gloß also spricht.
Dise würdigkeit. ist nit der engelischen
natur gegeben. das gott ir in ein person
zugefügt wird. vñ seind sāt ambrosius
wort vnd sant Johanns mit dem güldē
mund spricht. vnd in der warheit ist dz
ein sunder wunderberlich ding. das vn
ser fleisch oben soll sitzen vñ von den
engeln vñ ertzengeln angebetet soll
werden. weñ ich das oft in meinem ge
müt bedenck. so kün ich vō mir selbs. so
grosse ding pild ich von dem menschlich
en geschlecht. vñ sollich nah zugehörig
vnd recht zu der gottheit streckt sich vñ
rucht in all menschen. allermeist die cri
sto dem herrē durch die sacrament ein
geleibt werden. wann durch das sacra
ment des heiligen cristenlichen taufts.
werden sie als auß ym geborn. vñ durch
das sacrament seines heiligen fröleich
nams werden sie in yn verwandelt. wiß
vmb durch die menschwerdung ist er auß
der menschlichen art durch mittel der
iunckfrawen marie geborn. vnd hat also
einen vrsprung vō allen iren vātern den
patriarchen vnd andern vō denen sie kün
men ist. vnd ist in menschlicher art ver
wandelt wordē. nit durch veränderung

Der göttlichen. die vnuerwandelt ist. als
sie vnuerwandelber ist. sunder durch die
annemig der menschliche natur. wan dz
wort ist fleisch worden. vnd das alles dz
yetze gesagt ist. mag in keiner ādern na
tur C die gott nit an sich nympt C sein.
Darib gehört die menschlich natur gott
dem herren neher zu. denn auch die al
leroberst englich. vnd dasselb soll den
menschē billich ei vnaussprechlich freud.
vnd raitzung zu der liebe gottes. vñ der
danckbarkeit sein. wenn sie es bedechte
als sie denn billichen thun solten. Als
das der heilig lerer sant augustin tut in
dem buch Soliloquiorum. da er also zu
gott dem herren redt. Das wort das in
dem anbegynn gott bey got was. durch
das got gesprochen hat. dz liecht werd.
vnd das liecht C das ist die englich na
tur C ist worden. das wort durch dz got
der herr alle ding in dem anfang. dz ist
in dem wort gesprochen hat. ist fleisch
worden. vñ hat in vns gewonet. Sih an
das ist die eer. von der ich eer such. weñ
ich recht eer such. Sih an das ist dy
freud mit der ich mich frew. wenn ich
mich recht frew. herr mein got. da lebe
meiner sel. vñ mein gantz eer. Wan da
du mich begriffig d vernunft beschaf
fen hast. da hastu mich i ettlicher weyß
den engeln gleych beschaffen. dann ich
mag durch dein wort volpracht werde.
das ich zu der gleichgröße d engel kün
me. das ich die zuwünschung der kind
gottes hab. durch deine geliebte einge
bornen sun C der dein mitwesenlicher
mit ewiger erb vnser einiger herr ihesus
cristus vnser erlöser. erleuchter. tröster.
vñ fürsprech vor dir ist. der das liecht
meiner augē. dz lebe der behalter. mein
seligmacher vñ hoffnung. d mich lieber

Christus ist der fleischlichkeit gezeigen worden

Den sichselbs gehabt hat. durch den wir
fest zuversicht vnd hoffnung zu dir ge-
legt. vnd einen zugang zu dir zekummē
habē. wann er hat den menschen gewalt
gegeben. das sy gottes kinder mügen
werdē. denē die in seinen namē glaubē.
Vñ in dē buch der rechnung in dē erste
teil. in dem. xxi. capi. spricht er. Herr ich
benedey deinen heiligen namen in ewig
keit. vñ erwidig yn vmb der vnausspre-
chenlichen zefamēfugung willen. der
gottheit vñ menscheit in einigkeit d̄ per-
son. O der wunderberlichen heimlich-
keit. vñ des vnaussprechliche gewerbs
O der wunderbaren gütigkeit der göt-
lichen gnedigkeit. wir seind mit würdig
knecht gewesen. vnd sih an wir sind got-
tes kinder worden vñ erben vñ mit erbē
cristi wordē. Aber ich bitt dich durch di
se dei vnschertzberlich liebe dz du vns d̄
vil vñ grosse gelübtnus desselbē deine
suns unsers herrē würdig machē wöllst.
mach vns durch den heiligen geist di
se grosse heimlichkeit deiner miltigkeit
verstē. verwündern vnd mit billicher eer
allwegen zehren. die in dem fleisch geof-
fenbart. den engeln erschnen. den ges-
schlechten geprediget. in der werlt ge-
glaubt i die eer auff genūmē ist. O herr
wie groß schuldener sind wir dir vñ di
se guttat. diß sind sant augustins wort.
auf denen du magst mercken. wie dāck-
ber die heiligen. vñ die lerer. O die es
verstanden haben. O diser grossen gnad
seyen gewesen. die auch d̄ gemeldt sant
augustin in einem buch von der heilige
dryfeltigkeit. vber alle ding die in aller
zeit ye beschehen seind erhebt. Zum
fünfften ist mēschlich natur durch fleisch
werdung des göttlichen worts. vber al-
le creatur geseliget wordē. wann so die

engelisch natur des vnterwurffs halb.
das ist nach dem als die seligkeit ange-
sche wirt. als sie in ynen ist. mit meer den
einfeltiglich geseliget wirt. so sie einfel-
tiger natur seind. so wirt die menschlich
natur. O darumb das sie zwifeltig. dz ist
auf leib vñ sel zefamē gefügt. vnd also
geistlich vnd leiplich ist. vñ das wort
hat mit allein die sel des mēschē. sunder
auch das fleisch an sich genommen. O in
baiden. das ist. in geistlicher vnd fleisch-
licher natur selig werden. Vñ merck
so die menschen gott dem herren vmb
sölliche grosse gnad nymmer gnug müs-
sen danckē. wie vnbillich sie den yn dar-
ym geschmecht haben.

Dise sibenzweintzigst figur be-
deut. das die künig vñ die bischoff
ein teil. vnd die alten der iuden die gott
sunderlichen erwelt het. vñ zu ym ge-
fert. das sy ym anhangen soltē. vnd ire
kind vñ volk darzu halten. das sie sich
zu gott hielten. die haben sich in sunder
von got abgefert zu der abgötterey. vñ
haben auch das volk dar zu verfūret vñ
dennoch hat christus menschlich natur
vñ irem geschlecht an sich wöllen nemē.
darvñ er sie vber alle geschlecht erhebt
vñ gewirdiget hat. Aber wider solch
sein würdigung vñ wüdenshait. habē
yn die iuden zuhant nach seiner geburt
dem wüterich herodi. seinem vñ irem
feind verraten. Vñ gehört zu dem er-
sten artickel des. xxiij. gegenwurffs.

Die sibenundzweintzigst figur



Das cristus vō iudischē geschlecht kūmen wolt

Der achtzehē gegewurff. hat zweē artickel. Der erst artickel ist. Das vnser herr von dem iudischen geschlecht. hat menschliche natur an sich wölle nemen.

Gottes sun. da er menschlich natur an sich nemen wolt. hat mit erwelet das alt edel geschlecht. der assyrier. mit das geschlecht der weysen vñnd künstreichen krieche. die seine werck vñ tat mit hohen Worten außsprühen. vñ mit tieffen geschrifften erheben künde hetten. mit die reichen gallier vñ frackenreicher. mit die starcken vñnd manlichen teutschen. die wol hetten für yne getürren streittē. mit die mechtigen rōmer. die da zu mal. schier ober die gantzē werlt herschetē. sunder dz vntterworffen. verachtet. verschmeht. geschlecht der iudē. die für alle geschlecht ym vñdancber. vñd vntrew waren gewesen. Wann vor allen völkern het er sie ym zu einem sun dem volk außerwelet. vñd sich ynen gehym vñd freuntlich gemacht. vñnd vil grosser wunder mit ynen. vñd für sie gethan. Darwider waren sie im widerspenig. hinderstellig. abfellig. vñ trewprūchig. Vñd dannoch wolt er menschliche natur von inen an sich nemē. vñd ir bunder. ir plut vñ fleisch werden. Darym er sie vber alle geschlecht. erhebt vñnd geuirdiget hat. Vñd das ist der erst artickel des achtzehenden gegewurffs. vñ wirt bedeytet. in der sibenzweintzigstē figur. da gott der herre. die künig die bischoff. vñd das volk der iuden beruffet. vñd zu im vorderet. aber sy kertē im den rucken. vñd wendten sich zu den abgöttern. vñd betten die an. Darumb heisset sie gott. Ezechielis am adern capitel vñd an andern enden. ein abwenzigs. abtrūnnigs. hartneckisch. herts

antlitz. vnzernigs. reizends. rauchmachends. vbertretends. puntprūchigs. vñ glaubigs. scorpionisch. verkerts. vñd verkerends. vnbeschnittens hertzens. vnbeschnittens nabels. vnbeschnittener oren. vñ gewaschens. vngefaltzens. vnbedeckts. schampers. schentlichs. freuelichs verdroffens. hurisch. eepriuchigs. vnuerschampts. lotterisch. im plut vertrettes volk. Ezechielis in dem sechzehendē capitel. Moyses nemet sie ein gantz verkerts. verkrumts. törets. vnweyses. ratslos on flugheit. vnfürsichtigs. vnuerständens. vngetrewes geschlechter. Deutro. am zweyunddreyßigstē. Ysaia nēmet sie ein sündigs geschlecht. ein volk beschwert mit vngechtigkeit einē schalhbafftigen samen. lesterliche vnckennen. Se. verlassende verschmehtē. gotzlesterende. hinder sich ab empfindte kind.

Der gleichē ist die geschriffte vol vñd der vñdancberkeit. grobigkeit. bertigheit. bosheit. vñ schnödigkeit des iudischen volks. Vñd dannoch wolt gottes sun. menschlich natur von ynen an sich nemen. von grosser sache wegen. Vnter andern zeleisten. das er iren vātern. vñ heissen het. vñ zu vñg seiner tugēt vñd gedult. Irē vñ seiner warheit willē. Die zehaltē. den heiligē patriarchen. den gott vñ vater geschworen het. die das vñ andern gen gott verdiēt hettē. besunde abrahā vñ dauid. vñ vor allē. vñ der heiligkeit. vñ sundrer tugēt willen der iūckfrawē marie. die von dem iudischen geschlecht. als ein zarte reine rose. vñ eine rauhe doinstock. entsprūge ist. Solcher haben die iudē genossen. dz gott ir plut vñd fleisch worden ist. Darumb sie yme vor andern geschlechten. dancber vñd getrew solten gewesen sein.

Die achtundzweintzigst figur



Die neunundzwentzigst figur.



Wie herodes cristo nachgestellt hat

In der vorgeendē. xxviij. figur. fragt der künig herodes. die bischoff vnd die geschrifftwoysen. wa cristus ir künig gebozen sülß werden. vnnnd sie sagen es ze hand. vnd legē im die wort des propheten für. vnd sagen sie ym nit gantz. vnd legens ym nit recht auß. vnnnd verraten ym den neigeborne künig. Vñ dise figur gehöret zu dem ädern artickel des achtzehenden gegenwurffs.

In diser. xxix. figur. Wirt sant Johannis der tauffer enthaubtet. vnd sant Jacob der mynder. oberstürzt vnd das hirn eingeschlagen. die vnnsers herren freünd seind gewesen. B. y denen auch ander vnser herrē liebhaber begriffen werden. die vmb seint willen durchecht sein worden. Vnd gehöret zu dē andern artickel des. xviij. gegenwurffs Das auch vnser herr vñ den. vñ d̄ geschlecht er menschlich natur an sich genomē. vñ zu den er sund fr̄nschaftt het. ist veruntreuet worden. vnd wirt der selb artickel. durch das beschweret. das das iüdisch volk nit allein iren herrē. in seiner person veruntreuet. sund auch alle sein freünd verfolgt. gemördet vnd verratē haben. als die vnschuldigen kindlein vñ bethlehem. die vnser herren neslein vñ geporne freüntlein warē. wañ sant ana vnser herren ihesu anfraw. was nit vñ Saphori. als es in den zusetze des meisters der historie gesetzt wirt. sunder ir geschlecht was von bethlehem. als auch sant iosephs. des bruder cleophas was. von dem vnser frawen Schwester einen zunamen het. als sant Egessippus vñ Jeronimus melden. Wo sant Jacob dē myndern. sant Johansen dem tauffer sant symeon cleophe. vñ ander vil wayß

man wol das sie vnser herren freünd waren. die vñ den iuden vmbkümē sind.

Der ander artickel des. xviij. gegenwurffs ist. wie die iuden vnser herren. nach seiner gepurt verraten vnd veruntreuet haben.

Dar wider haben sie den herren. als bald er von irem geschlecht geporn ist worden. veruntreuet. vnd da sie in solten verporzen haben als etwan d̄ bischoff Joiadas. vñ sein haupfraw Josabeth. den iungen künig oder künigs sun Joas. auch in dem tempel heimlich nereten. auffzugen vñ verbargen vor der bösen künigin. die yne wolt getöt haben. da die iuden auch billichen also gethan hetē d̄ da verrieten sy meer den herren ihesum. gen herodē dē grymnigen wütrich. der dem künigliche geschlecht. vnd dem adel der iudē. so nach rettig vñ verlich was. das er auch seins eigen pluts. das dauon her kam. nit schonet. sunder er würget das. als das vyß. vnd tötet die allerschönsten. aller frawē mariannam. die des priesterlichen vñ küniglichen geschlechts. der iuden was. wie vnser herr cristus. Item er tötet dē allerschönsten iüngling. iren bruder ioathan. den bischoff der auch aristobolus genant ward. den er zu iericho. in dē wasser vnd d̄ gestalt eins schympfs od̄ spils ließ ertrēcken. Itē er tötet alexandrum. vñ dē ädern aristobolum. die zwen schön wolkündend iüngling sein vnnnd mariannen aigen sūn. vnd ertötet auch alexandram sein schwiger. vnnnd hircanum. seinen hohen schweger. den alten erwidigen bischoff. der etwan an eins künigs stat. geregiret. vñ auch dē selbē herodē. in d̄ iugēt vñ dē vrtail des tods erlöset. bey dem lebē behaltē. vñ seinen

7 wie herodes cristo nachgestellt hat

vater vñ sein geschlecht. erhebt vnd erhöhet het. Dñc Ding wiste die iude wol. Dannoß verrietē sie dem selbē wütrich herodi. das neügeborn vnschuldig kind sein. iren waren erblichen. vñ aller werlt herren. Vñ das ist gemeint. in d. xxviii. figur. da herodes die bischoff vnd lerer des volks erforschet. vnd fraget. wa cristus solt geporn werden. Wann er het von den weysen heiligen künigen vernomen. Dñ cristus yetz geporn wer. da wolt er auch wissen wa vñnd wenn er geborn wer. das er beid die stat vnd die zeit wisset. vñ darumb fraget herodes den singen nach. das er den herren finden vnd töten möcht. da verriten die iuden den herren als bald. vñnd wilfürten als Jeronimus vber Matheum spricht. in den tod. irs vnd aller werlt herren. vnd selig makers. vñnd vntterwysen den künig nicht recht oder vollkomenlich. wann sie verschwigen des. das den künig möcht abgewent haben. von seiner bosen meynung. Das ist das. das der prophet Micheas. nach dē als er in der person gottes des vaters gesprochen het. Auf dir bethlehem wirt mir der hertzog. aufgehen. der vber mein volk israhel herschē vñ es regiere soll. spricht. Vñ sein aufgag von dem anfang. vñ den tagē der ewigkeit. Als ob gott der herr C nach dē als sant Jeronimus vber Michea auflegt C wolt sprechen. das man nit gedencē das er allein von dauids geschlecht C darumb das er zu bethlehem geborn wirt C werd sein. dē ich verheissen hab. Dñ ich von der frucht seines leibs auff seinen thron wöll setzen. so soll die annemung des fleisches d göttlichen maiestat kein hindernuß sein. wann er ist von mir vor allen werlten geporn. vñ so er der zeitē

schöpfer ist. so mag er nit vñ der zeit begriffen werden. Er ist der zu dem ich in einē andern psalmen gesprochen hab. Vor dem morgenstern hab ich dich geborn. wann in dem anbegynn was das wort zc. vñ darumb ist sein aufgag vñ dem anfang der ewigkeit. Den gemelte schwantz der prophecey lieffen die vngelerten gelerten auf. vñnd legte dē wütrich die meinung der geschriff mit auf. vñ also gaben sie im vrsach das kind ze durchhechtē vñ zu dem tod zesuchē. wann er meinet es würd zeitlich wöllē regnyren als er. vñnd würd yn vñnd sein erben als die fremden auf dem reich vertreyben oder töten. vñnd dasselb wolt er fürkommen. wer er aber recht vntterwysen wordē. das das reich cristi geistlich nit fleischlich. von ynnen nit vñ aussen. himlisch nit irdisch. mer künfftig den gegēwertig. ewig nit zeytlich. göttlich nit werltlich. yderman der sich ym vntterwürff zu der ewigen seligkeit nütz vñ fürderlich. nyemāt schädlich were. wann er kōme das ewig himlisch reich seinen vntertanen vñ freunden zegeben. vñnd keinem das zeitlich reich zenemen. wer er solcher sachen vntterwisen worden. er het villeicht hindō sich gehalten. vñ wer zesrid belibē. od het er dasselb nit gethā. so werē doch die bischoff vñ gelertē der iude entschuldiget gewesen. so sie aber solcher sachen. die doch gott der herr durch den propheten auch zeuersteen gibt geschwigen. so gaben sie dem wütrich das schwert in die hand. vñ wurde an dem tod der vnschuldigen kindlein vñnd an der durchhechtung cristi schuldig.

Dñc. xxx. figur. gehört zu den ersten artickeln. des. xix. vñ. xx. gegēwurffs.

Die dreyßigst figur



wie herodes cristo nachgestellt hat

Der neünzehend gegenwurff ist. von der verkürzung des ewigen. vñ hat zwen artickel. Der erst ist. Die ewigkeit ist verkürzt worden. Der ander. Die verkürzung solt abgeschnitten werden. Die meinung des erste artickels

Die ewigkeit ist verkürztet. vñ vntter der zeit. beschreiblich. vñ begriffen worden. Die ewigkeit. dz ist d. des leben. wesen vnd werung. wed end noch anfang ist. der hat nach menschlicher natur. nach der er eine zeitliche anfang. gewonnen hat. ein kurtze zeit. als xxxiiij. iar zeleben. erwelet. bis er zu volkommenheit seiner tugēt keme. dz er nach grosser arbeit vñ getrewem dienst. aller seiner zeit. sei leyplichs. fruchtpers. heilsams. gott allererlichsts. vnd vns aller nützeßts lebe für vns gebe vñ opferet. so es gewöhnlichen in menschlicher natur in der pflied. vnd in dem besten ist. Also hat der ewig. vntter der zeit wöllen werden. das wir. die nit anders. denn vnder der zeit werden mügen. die ewigkeit erlangten. Vñ alle sein zeit. vñ woz er darinnen gethan vnd gelitten hat. ist vnser gewin vñ schatz.

Der ander artickel des neünzehenden gegenwurffs.

Vnd dise kurtze zeit. hat mā ym abgeprochen begert. da yne herodes in der wiegē. od̄ Einteit hat wol len tödten. das hat er geduldet für vns die wir sündlich vñ oft bößlich. vñ schedlich vñ darzu dennoch lang wöllen leben. vñ begerē dz vns vnser leben nit abgeprochen werde ee der zeit. sünd das vns gott der herr. bis zu einē bußwertigen leben komē laß. vñ wir verzie-

hen doch die waren buß. vñ schlagen sy von tag zu tag auff. das dan in vns ein grosse misprauchung. der götlichen gedult ist. So wir dann durch solch misprauchung göttlicher gütigkeit. vñ der zeit die vns gott zu der bußwertigkeit d̄ sünd vñ besserung vnser lebens verleicht. verschulden das vns die zeit die wir misprauchen abgeprochē werd. dz das selb mit beschē in den lyebhabern cristi. so hat er wöllen leidē das man ym sein fruchtber vñ nütz leben abprechen wolt. das das selb ein gnugthun wer für vnser misprauchung. dan wir wöllen vbel oder sündlich. vñ dennoch lang leben. so wolt er kurtz leben. vñ solt er denn bis an das end der werlt gelebt haben. so wolt er doch auff das höhöst in demütigkeit in arbeit. in leiden vñ gedult gelebt haben. vñ man wolt im sein leben d̄ das aller werlt so not vñ nütz. so fruchtber vñ der seligkeit so verdienstlich was d̄ abprechen.

In der einunddreißigsten figur. wirt der ander artickel des neünzehenden gegenwurffs. begriffen. da man den herren in der Einteit wolt tödē. vñ also im das kurtz zil. seins lebens. dz er für vnsern nutz vñ heile erwelt het. ver kurtzen vñ abprechen. wan da wirt be deut wie herodes die heiligen. drey künig heimlich fraget. wo her od̄ vō wann yne der stern erschnen were. das. er also erlernen vñ mercken möcht. wie alt das neügeporn kind were. das der iude künig solt sein. das er es bey dem alter erkennē möcht zetöten.



wie herodes cristo nachgestellt hat

Der. xx. gegenwurff ist. vñ der kleins
werdung des endlosen. vñ hat zwen ar
tikel. Der erst ist. Der endloß ist klein
worden. Der ander. Der klein ist ge
engstet wordē. Die meinung des er
sten artickels.

Der. der nach göttlicher natur. so
endloß ist. Das himel vñnd erd.
als nichtz gegē im zerechnen sind C hñ
ysaiam in dem. xl. capitel. Der ist so ein
kleins kindlein worden. Das in ein fünf
zehen ierigs meydelein. in iren iunckfreu
liche innern beschloßnen gliedern etliche
zeit vnuermercklich beschloßen getra
gen. darnach geporn. eingewickelt. vñ in
das eng kripplein gelegt hat. Wann sie
was verdrungen worden. vñnd het kein
andere stat. Sißstu nun. wie cleyn sich
der endlose vñ vnsern willē C dz er vñs
kleinen. in dē himel. groß machte C auf
der erdē gemacht hat. Der ander ar
tikel. Vñd wievöll der. des grōsse vñ
ermēßlich ist. sich vñb grōßung willen
der kleinen. so klein gemacht hat. so ist er
doch geengt vñd verdrungen. vñd vber
das alles auch. von der stat. von dammen
man auch ein vnuerkünfftig tier. dz zu
fridē wolt sein. nit geiagt solt habē. ver
triben worden. dem dññ künig vñ kēyser
vñ alle creatur solten gewichē habē. als
dem herren himelreichs vñ erdtreychs.
Des alle stet. vñ not eijē sind on den sie i
wesen nit besteen mügen. so er sie allein
auffenthelt. dannoch ist er den andern
gewichen. vñd hat sich darūmb. das wir
nit verdrungen wurden. verdringen las
sen. vñ die allerletsten schnödesten. vihi
schen stat erwelt. vñd dannoch auch da
selbs müssen weichen. vñ vertriben wer
den. da yne der wütrich herodes C der
des kinds erbreich. das gott seinem va

ter dauid gegeben het. Zu. am ersten ca
pitel. vnwürdiglich innhielt C zu dē tod
luchet. Vñd dz ist d ander artickel des
zweintzigsten gegenwurffs.

Der zweintzigst vñd der vorig
neünzehend gegenwurff. in den
die erste artickel. in ynen selbs gantz ges
genwurff beschließē. werden bedēu
tet bey der figur. da die hād die zirckel
helt. bey den himel vñ erd. vñ alles das
darinnē ist. bedēutet wirt. Wan gottes
sun vnser herr ihesus christus. wirt offt
vñd dick in der heiligen schrift. gottes
hand genent. od bey der selbē gemeint.
vñ verstandē. Von welcher hand gott d
herr spricht. in dē. xlvij. ca. ysaie. Mein
hand hat die erdē gegründet. vñ mein re
chte hand die himel gemessen. Vñd in
dem. xciiij. psalmen spricht künig dauid.
In seiner hād sint alle dñt des ertrichs.
Vñ der heilig Job spricht in dem. xij.
capitel seins buchs. Wer waist nit. das
die hand gottes des herrē. alle ding ge
macht hat. in des hand die sel. alles des
das da lebt ist. vñ der geist alles mēsch
lichen fleisch. Gott d herz spricht durch
den heilige propheten ysaia. in dē. xlv.
capitel. desselben propheten. Mein hēd
haben den himel aufgestreckt. Vñ was
die hend gottes seyen. das legt der hei
lig künig dauid auf. da er spricht in dē
xxij. psalmen. Durch das wort gottes
des herrē. sind die himel gefestiget wor
den. vñd durch den geist seines mundes
ist all ir krafft. So nun der sun dz wort
gottes ist. durch dz alle ding sind. so ist
er auch die hand. durch die alle ding ge
machet sind. Hierūmb merck wie billich
er bey der hand bedēutet wirt. die alle
ding beschließet. vñd auffenthelt. also
verstee. bey d grossen hād die endlosen

Wie Herodes cristo nachgestelt hat

vnd ewigen grössse cristi seiner gottheit halb. Das sie eins teils erscheynt das ist zu einer bedeutung. Das man die endlosen vnd ewigē grössse der macht gottes nit begreiffen mag. wiewol die in allen creaturen scheinet. aber bey dem das er en mitten in der werlt. als ein kleins neü geporns kindlein. in dem kripplein ligt. verstee. Das die ewigkeit verkürtzet. vñ die grössse gemindert vñ klein ist wordē Das ist soult gemeint. Das der. der nach der gottheit. von ewigkeyt. on anfaßen ist gewesen. der ist nach der menschheit. vntter der zeit. von neuem geporn worden. vñ d. des grössse. nach göttlicher natur. weder maß noch end hat. der ist in menschlicher natur. zu etlicher zeit so klein wordē. Das er das kripplein nit gefüllet hat. den. nach göttlicher natur. die weittē himel nit begreiffen mügē. noch vil kleiner ist er gewesen da er in dē iūct frewlichen leib empfangen worden ist. also mag man wol sprechen. Das er vntter allen kleinen. die ye gewesen sind. der allerdeinst ist worden. vntter allen kindern. die nach gemeinem lauff d natur durch die eingießung der vernünfftigē sele. das leben in muter leib empfaßen. Vnd als er nach dem leib dem worden ist. also ist er auch geistlich nach dem gemüt. der allerdeinst wordē. d demütigkeit halben. wider vnser weyse. die wir der weyßheit. tugent vñd möglichkeit halb. so klein seyen. dz wir dz. vor vnserer torheit vñd plintheit nit erkennē mügē. Darnoch blasen wir vnns auß hohsart auff. als die krötten. vñd wolten gern groß sein. vñd wiewol wir nit groß sein mügen. so wolten wir doch gern groß scheine. vñ vber ander menschē gesehen werden. In eren reichstütern. gewalt.


weyßheit. kunst. in achtung der mēschē. vñd kürtzlich in aller werltlichen seligkeit. wolten wir gern die größten sein. so was vnser herr in allem dem. das begürlich vñd erlich. on end groß ist. vñ wolt doch klein erscheinen. vñ gesche werde. Das wir kleinē. in tugēde vñ seldē groß würden. Dise zwen gegenwürff. die hie in einer figur bedeutet werden. sind in einer tafeln. die vor disem büchlein gemacht ist worden. bedeutet bey zweie figurē. Die erst ist ein groß bild mit dē maiestat apfel. bey welchem himel vñd erde. vñ die gantz werlt bedeutet werden. vñ als der apfel klein ist. gegen dem bild. also ist alle werlt klein vñd kürtz gegen der ewigkeit. vñ endlosen grössse cristi. die doch nach der krafft zeueriteen ist. vñ nit nach leiplicher grössse des herren ihesu. nach dem als er gott ist. bey der grössse des bilds ober den apfel. verstee. die endlosen grössse gottes. ober alle creatur. vñ die endlosen lēge. d ewigkeit ober die zeit. bey dem das es den apfel in der hand begreiffet. wirt bedeutet. dz er alle ding ombgreiffet. beschleüßet. vñd vbergeet. in seinem gewalt on end In der figur der zirckel ist es wißsynns. man da begreiffet vñ beschleüßet die werlt cristi. Dañ da wirt cristus klein vñ iung in dem kripplein. vñ vntter d zeit eins tags. neu geporn begriffen. Also wirt die ewigkeit vntter d zeit verkürtzet vñd die grössse dem gemacht. Aber was dort bey den zweien figuren bedeutet wirt. das ist hie bey einer gemeint. Vnd merck das die figur nit on sach. als da forñ steet. fürgehalten wirt. wañ die sibē planete sind auß fürsatz. also gezeichnet vñd die. xij. zeichen. als sie nach der meinung vñd rechnung

wie herodes cristo nachgestellt hat

etlicher sternseher. in der stund der gepurt cristi gestandē sind. vnd die zirkel der planeten. sind also scheckend gemaket. zu einer bedeutung. das sich cristus den gesetzten der zeit. vñ der natur. vnterworffen hat. mit nach dem aberglauben der pythilianer. od̄ mathematicer. sunder nach gemeiner warer weyse. der zeit vñ verwandlung menschlicher vnd natürlicher art. als durch stund. tag. wochen. monet. vnd iar zewachsen vñ zu zunemen. vñ der zeit zewarten. zu einē yeglichen nach gepürlichkeit. Item zedulde die wandelbarkeit vñ eigenschaft d̄ zeit. als kalte. hitz. feuchtigkeit. durre. nacht vñ wintter. regē vñ wind. vñ der gleiche Wan̄ het der herr gewölt. so wer er als bald. als er geporn was. volkomen groß worden. es wer umb yne allwege tag vñ nacht. alweg temperirt vñ schön gewesen. als es umb ine was in seiner verclerung. auff dem berg thabor. In welcher verclerung wol zemercken ist das d̄ herr himel vnd hell. lafft vñ erd. lebendig vñ toten. gott vnd mensche. wen̄ er wolt zu seinem willen bereit het. Dann von oben herab. ward zeignuß seines hohen adels vñ seiner würdikeit gehört. auf den laut. Diser ist mein allerliebster sun in dē ich mir wolgefallen hab. hört yn. Mathei xviij. Marci. ix. Lu. ix. vñnd die stym̄ kam von dem himel als sant peter in dē erste capitel der andern epistel schreibt. vnd was die stym̄ gottes. des vaters. Darvmb mag man wol spreche. das der himel. vñ got d̄ vater cristo gedient habē. als sant ambrosius offenberlich spricht in der d̄ predig die man an dem. viij. tag des oberste liest. Zum adern mal ist die hell dem herren zewilken worden. da sie yn zeliē vñ zeeer seiner maiestat zeig

nuß gegeben. den grossen vnd aller prophetē der alten ee den allergrösten moysen gesend̄ hat. durch den gott der herr die grösste ding die i d̄ zeit ye beschēhe synd. eintweders geoffenbart. oder beſeütet. oder gethan oder gestiftet hat. Das durch yn C durch den gott der herr das gesetz gegeben hat O bewysen würd. das cristus mit ein vbertreter. sunder d̄ volbringer der gegewürff. die sun̄ vñnd die entlich meinig. des gantzē moysaischen gesetzes wer. Zum dritten ist das paradēis dem herre zewillē wordē. vnd hat seinē diēst bewisen. da es den grossen. vñ in wünderwörckē aller der die vnter der zeit des alten gesetzes gewesen synd. den allergroßmechtigste propheten Helyam. des allergroßmechtigsten prophetē helisey meister. auff den berg thabor in lebētigē laib als er yetzo vber tausent iar alt was. dē herren zeignuß gegeben gesend̄ hat. Diser ist d̄ prophet. d̄ mit seiner zügen dē himel vierhalb iar d̄ er kein wasser zu fruchtbringung der erdē geben solt beschloß. vñ darnach da er wolt. wider auff schloß. Er ist der zu des gebietts d̄ feur zwey mal von himel herab kam. vñ verprant zu yegliche mal einen rittermeister mit fünfzig rittern die vnter vñnd mit ym waren. als es ee mals nach seinem willenn auch stein vnd wasser verzeret het. So nun disen zweien grossen prophetē. himel vñ erd. feur. lufft vñnd wasser gehorsam waren. wievil meer hettē dem herren die himel vnd die element nach seinem willen gedienet. wenn er es wolt gehabt habē. aber er wolt d̄ vngewitter vñ vngemach der zeit leidē. als and̄ mēschē. die es mit wēdē müge. vñ also d̄ zeit vnterworffē sei. d̄ d̄ zeit schöpfer vñ gesetzgeber ist.

Die zuuundtreißigst figur



wie herodes cristo nachgestellt hat

In der vorgehenden. xxij. figur wer-
den die vnschuldigen kindern getödet.
vnd cristus geflöhet. in egipte land. yn
dem beyd. das süche zu dem tod. vñ die
vertreibung cristi begriffen wirt. Vnd
dise figur gehört zu de adern artickeln
des. xix. vñ. xx. gegewurffs. Wan d wü-
trich herodes stelet vnserm herren Cals
bald er seincr geburt ynnē ward. nach
de lebē. vñ des wege d herr himelreichs
vñ ertreichs. als ei flüchtiger geflöhet
lätreumig vñ ellēd ward. O du grym-
miger wütrich yn wie grosser schande
wirdst du an de iungste gericht sten. so
difer geweltiger erschrockenlicher all-
mechtiger richter C vor dem himel vnd
erd zittern werde. Erscheine wirt. das
du me. des himel vnd erd vnd alles das
darynnen ist. allein eigen sind. mit allein
vertriben. sunder du hast dich vnttersta-
den yne zetöte. in des gewalt dein. vnd
auch aller keyser die dein herrē warē vñ
dich zu künig gemacht heten. vnd aller
vorgehende vñ nachfolgende herrē. lebē
vñ glück stund vñ stet. Das du doch an
die strach die dir der esseus manahem
auff deinen hindern oder in den rücken
gegeben het. gedacht hetest. da er dir
C die weil du noch ei iunger knab wast. C
weyß sagt. das du ein künig soltest wer-
de vñ seliglichē regnirē. aber nit in war-
heit vñ gerechtigkeit. Darumb soltest du
seiner strach gedēcken. Sih zwey ding
sagt er dir. das du ein künig werden vñ
seliglichē regnirē soltest. vñ doch nit in
gerechtigkeit vñ warheit. vñ zu einē war-
zeichen desselben. dz du die warheit vñ
gerechtigkeit nit halten würdest schlug
er dich. Hierumb so er weyß sagt das du
selighen regnirē würdest. vñ doch nit
in gerechtigkeit. so hat er die seligkeit
wollen zueuersteen gebē nach werltlicher

weyß vñ mit nach d warheit. wan als sat
Augustin spricht. so ist nichtz vnsch-
gers den die seligkeit d sündler. vnd on
allē zweifel hetest du an den warē künig
cristu. C zu deinē zeittē vñ vntter deys-
nem regiment geporn ist worden C ges-
glaubt. vnd dich im vntterworffen. so
möchtest du wol der seligst aller künig
geachtet sein worden. deshalbē dz der.
der aller herren herr vnd aller künig kün-
ig ist. dein vntterthan vnd knecht wor-
worden. Aber nun magst du warhafftiz
glichē der allerunseligst aller künig ge-
nent werde. das du den durchrechtē. vñ
vñ zu dem tod gesücht hast. der zu heil
vnd seld aller werlt kummen was. vñ
mit begeret dir dein reich zenemen oder
zu regniren. sunder dir vñ aller werlt ze
dienen. vnd mit seinem dienst C wievol
er der recht war natürlich erbherr aller
werlt was. C vñs fremden vnd knechtē
der sünden. das himlisch ewig reich ze
erwerbē. Vñ sih an wie dein sach in de
iungste gericht bestē werd. Er woz d war
eingeborn sun gottes des vaters. der in
einen erbherrn aller ding gesetzt het.
Er was auch der. vñ dem gott der herr
dem künig des reichs dz du ynnhetest.
dem heiligen Dauid versprochen. vñ
geschworen het. das er auff seinem kün-
ighen thron sitzen vnd regnirē solt.
das het auch der grof ertzengel von hi-
mel herab seiner mutter versprochen. al
so woz er nach göttlicher vñ mēschlicher
natur d recht erbherr. noch dānoch wolt
er nit regnirē noch herschē. sund dienen
vñ vnttertenig sein. so wast du mit allein
vñ einē knechtliche fremden. sund auch
vñ einē feindliche ob feindliche vñ gott
gehaßten. vñ des geschlecht. der den.
von des geschlecht christus was. in mu-
ter leib noch vngelorn. durchrechtē het.
vñ woz vñ gott verworffen ee er geporn

Wie Herodes cristo nachgestellt hat

was. von ein solhen geschlecht wast du
vō deinem vater antipater ein ydumens
vō esaus same. von der muter cypriß ein
arb. das zu vnsern zeitten gar ein arms
schndōß volk ist. noch wick er dir. vñ ließ
dich herschen vñ regniren. vñ er begeret
dir vñ aller werlt zedienē. das er vns zu
kūigē machte. Was sach hast du den
wider in gehabt das du yn tōrē woltest.
vnd hast soul vnschuldiger kindlein sey
ner freuntlein vñ mitburgerlein von sey
nen wegen getötet. der bereit was vmb
deinē willen zesterbē. das er dich vō dē
ewigen tod zu dem ewigē lebē prechte.
Aber es ist gewōnlich beschehen. dz vn
ser herr vō den allermēerst gelittē hatt.
den er allermēerst guts gethan het. vnd
die er vber ander geeret het. die schmeß
ten vñ durchechteren yn vor andern. als
die iuden vñ die rōmischē kaiser gethan
haben. das sein vnd seiner glaubigē ges
dult. vnd die vndanckbarkeit der durch
echter dester grōßer vñ mercklicher bes
wert wurd. zu schand der bösen vnd zu
lob der tugent same. Nun sih dise zwē.
das ist cristū vñ herodem an. vñ gedēck
wie sie gegen einander zerechnen seyen.
herodes was vō dē schndōdē bösen ney
digen zenckischen heßlichen vnd vō got
gehasseten vnd ewiglich verworffenen
Als malachie yn dē erste steet Desaus
geschlecht. das aller eren vnwidig was
So was cristus von des geschlecht. den
gott der herr vor allen denen die auff er
den waren zu den allerhöchste tugendē.
gaben vñ widigkeiten erwelet. vnd ym
die allerhöchsten widigkeite zu ewigen
zeiten verheissen vnd gelobt het. dz w3
kūig david. Also gehōrt dz reich cristo

auch nach menschlicher natur zu. als dē
rechten erbē dem es von got C. in des ge
wast alle kōngreich stend D gemeint vñ
versprochen was. Aber dem herodi was
das recht zeregniren vber die iuden nit
allein deshalben. das er nit von irem kū
niglichen geschlecht was abgeschlagē.
sunder auch darumb das er vō dem ge
schlecht was. das also vor gott verworff
fen vñ in seinen ewigē vgnadē waz. dz
auch wen es sich zu dem glaubē vñ dem
iūdischen gesetz bekert. biß in das dritt
geschlecht nit solt in ir kirchē oder sam
lūg gen. vber dz alles was der herodes
seines lebens halb ein erstecher der pur
ger. ein veröber des lands. ein berauber
d heimischē. ein erschlaher seines volks.
ein würger seiner eigne kinder. ein man
schlechtiger d fremdē. ei plutmördisch
er tötet seiner nechste freünd. ein plut
türstiger metzger der vnschuldigen kin
der. ein entweißer des göttliche tēpels.
ein verkauffer vñ entsetzer der priester
schafft. ein schender der weihung vñ or
denung. ei zerstörer des göttliche diests
vñ gesetzes. vñ ein solcher vnwidiger al
ter bößwicht vñ plutiger tyrann. saß in
einem güldenē thron mit edel gestein in
purpergewand geziert. in eren vñ künig
licher maiestat. herwiderumb lag das
neügeporn zart kindlein. das der rechte
erbherr vñ künig aller künig w3 in einer
rißischen stat von armut wegen. in einē
kripplein in einer offnen stat in einer al
ten zerfallen zargen. in einē stall vntter
den tierē. vñ mocht nit sicher vor dē wū
trich sein. er wolt es auch mōrden als er
vil von seinen wegen mōrden hieß.

Die funffundzweintzigst figur zum andern mal



Von der reinen empfangnus cristi

Der .xxj. gegenwurff ist. von der reynigheit der empfangnus vnsers herre.

Der. des empfangnus so rein. so geistlich. vnd so göttlich ist gewesen. das die vbertrefflichkeit irer heiligkeit. nit begriffen werde mag. Der ist ein basthart gehalten worden. Darumb das wir durch die genad des heiligen geists. in der warheit kinder gottes geachtet wurden. so wir doch als Adams kinder nach der natur. vnd des teufels kinder auß der schuld. vnd nachfolgung sind. Dann der teufel hat menschliche natur durch adam vnd euam in iren kindern also verführet. vnd von gott de waren gesponsen. abtrünnig vñ eeptrüchig gemacht. das alle die. dy von dem selbē geschlecht kumen. nach natürlicher weyße. geistlich basthart sind. vnd in die bösen art kappen.

Von der meinung des .xxj. gegenwurffs. wie rein die empfangnus des herren sey gewesen.

Die empfangnus vnsers herre ihesu cristi. nach dem fleisch ist so reyn. so lautter. so edel. vñ so geistlich gewesen. das die nyemāt vntter gott begreiffen mag. wie heilig die gewesen sey. Wan als d̄ heilig babst Leo spricht in einer predig von der gepurt christi. so trifft das an. mit allein das göttlich wesen. sund auch die menschliche natur. D̄ prophet ysaias spricht. wer wirt sein gepurt verkünden. als wolt er sprechen. nyemandt. Dann wiltu die sache der empfangnus cristi ansehe. so findestu. das er empfangen ist in einer allerheyligsten iunckfrawē von irem iunckfrew

lichen plut. auß gehorsamkeit vnd andacht des demütigen erleuchten auffgezogen gottförmigē gemütes. mit demütigen vnd iunckfrewlichen geperde. vnd bereyßungen des leibs. als mit gepognen knyen. oder auff das antlitz gefallen. sich gott zu vntterwerffen. als abraham tet. da ym got verhieß das. D̄ in diser iunckfrawen volbracht ist worden. Also fielen die kinder von ysrahel. nyder auff die erde. da sy hörte vñ moyses. das got der herr ir gedacht. vnd sie besücht het ze erlösen. Also fiel auff die erde abigail. da dauid sie erfordert. zu einer haupf Frauen. Also Betsabee. da ir dauid verhieß. das ir sun Salomon künig solt sein. Also fielen nyder all israhel. da sie die gnad vnd wunderwerck gottes. in dem opfer heile sahe. als auch Manue. mit seiner haupf Frauen. da sie merckten das der. ein engel was. der in ires künfftigen suns sampsons. gepurt vnd leben verkündt het. Nun der iunckfrawen marie ward verkündt die empfangnus. vñ wirdigkeit gottes suns. ir ward versprochen die benedeyung aller geschlechter in irem vngemitteltem kind. das ist gar vil neher den dem abraham. Si was zu der höchsten gemahelschafft. des kaysers himelreichs vnd eretreichs. gottes vatters erfordert. Ir ward versprochen von dem selben. das ir sun ewiglich regnirn. vnd seins reichs kein end sein solt. vnd sie solte vmb des kinds willen. ober alle frowen gesegnet vnd geseliget sein. So nun maria die allerdemütigste. vñ dāckperste. die allertugēthafftigste. vñ ādechtigste. ob allen lauttern menschē gewesen ist. wer möchte den gedenccken. wie sie sich nach sölliche allergrösten vnd höchsten dingen. die ir

Von der reinen enpfengknus cristi

vor allen creaturen. von gott versprochen sind gewesen. gedemütiget hab. darumb C kurtzlich zereden C ist vnser herr widerwertiger weise. anderer menschen C in der enpfengknus d geist vntterge drückt wirt. vñ das arm vnrein fleisch. in seinen schampere eigenschafften vberhand nympf vñ herschet C in der tieffe demütigung. vñ vnttertenigkeit des fleischs. vñ höchsten erleuchtung. vñ erhebung des geists. in den keuschen beschloffen. gliedern der versigelten iuckfrawen. auß irem keuschen plut allein. durch gott. von gott. warer gott. durch gott. vñ durch gnadenreiche wunderberliche würckung des heiligen geists. von gott dem vater. von ewigkeit geporen. vñ der iuckfrawen gemeinsamet warer gott sun. vns mit zereisen die götlichen gepurt. das wir geistlich geporn würden. durch die genad des heiligen geists. von der iuckfrawen der heilige cristenlichen kirchen. in das wesen der gnaden. von der ewigbelebenden iuckfrawen. in das wesen des geistmachenden fleisch empfangen vñ geporn worden. Vñ das ist der erst artickel des einundzweintzigsten gegenwurffs.

Von dem widerwertigen andern artickel dñ. xxi. gegenwurffs. das die iuden vnsern herrē für eine panckhart gehalten haben. als sie noch heit bey tag felschlich halten.

In sibe wie widerwertig. dyssem artickel sey. Das die ketzerischen iuden. vnsern herrē für eine panckhart gehalten. vñ verleümet habē. als man liest in dem büchlein der geschichte des behalters. wer dē selbē mit gelaubte. der findet das in der legend. des leidens der heiligen martirer Bergvñ Bachz. vñ in dem sprach origenis. vber das ewangelium. Cum factus x. das der ander artickel ist.

Diser. xxi. gegenwurff wirt auch beschloffen in der vorgehenden figur d engelischen verkündung. In welcher auch vormals der sibenzehend gegenwurff begriffen ist worden.

In diser. xxiiij. figur. wirt vnser herr beschnitten. vñ gehört zu dem ersten artickel des. xxi. gegenwurffs. das sich d herr den grobē hertē sacramentē vñ gebotten der alten ee vñ des iüdische gesetzes vntterworffen hat.

Die dreyundtreissigst figur



Die vierundtreissigst figur



Von der gehorsam cristi

Dise. xxxiiii. figur. gehört nach d figur der beschneidung zu einer bedeutung dz vnser herr nit allein die sacrament d alten ee genomen. vñ in seiner person geheiligt. sund er hat auch die vollkomenen sacrament der newē ee. die er auffgesetz hat in eigner person. wölle nemē vñ heilige. mit dz er durch den tauff. als wir. widergepom vnd geheiligt wurd. sund dz die wasser von ym geweiht geheiligt. vñ d kind gottes. durch meinung des vaters vñ des suns vñ des heiligen geistes schwanger würdē.

Der. xxi. gegenwurff. Der. der herr vñ geber des gesetzes ist gewesen. Der hat sich dem gesetz C dz er den knechte gegebē het d vntterworffen. vnd hat es auff das vollkomenst vñ höchst gehalten. vñ ist doch vō dē vbertretern des selbē gesetzes ein vbertreter vñ ein haid gehalten vñ genemet wordē. Vñ diser gegenwurff hat zwen articel. Der erst ist wie sich vnser herr. dem groben herte iudische gesetz vntterworffē hat.

Der. der geber vñ das end des alte iudische gesetzes. vñ ein herr aller gesetz was. der hat sich dem gesetz seiner knecht vntterworffen. So diser gegenwurff die gemein grosse tugēt d gehorsamkeit antrifft. die nach d meynung sāt gregorij. ein muter vñ behüterin aller tugēt ist C darumb wolt sie vnser herr in sundheit mit wortē erheben. vñ in seinē heilige lebē mit dē wercken beweisen. vñ vns zu einē ebēbild zeigē. dz in ym souil scheynberer ist. souil sein person höher vñ würdiger ist d dz denn diser gegenwurff vñ verkürzung. vñ verwickelung willē d wort nit verdückerl. vñ vnerstentlich beleib. so ist zewissen dz dz buch auß dē dīß gezogen ist. setz ein

glechmus od. x. vō dē gesetz dz gott der herr dē iudischen volt durch moysen gegeben hat. durch die bewisen wirt. wie vnuerpunden vnser herr dē selbē gesetz gegeben ist. vñ hat sich doch dem selben wölle vntterwerffen. auff das. das sein gehorsam in solchen herten vnd C miltiglichen zereden vñ vnbillichen dingen. ein wirdigs vñd willigs. ia auch vbertgnugs gnugthun. wer für vnser vngehorsam. in den allerbillichsten dingen. Dann was ist billichers denn das man dem gesetz cristi. dem ewangelische gesetz C in dē nichtz vnbillichs. nichtz vñnernünftigs. nichtz vnuolkomens. sunt der alle vollkommenheit der tugent gelert gebotten oder geratē wirt d gehorsam sey. Vñ die beschneidung ein sacramēt der altē ee wider die erbsünd was C die auß dem entspringt das die menschen nach der natur werden wie sie den werden d wie möcht denn vnser herr dē gesetz der beschneidung verpunden seyn. der von dem heiligen geist nit allein on alle sünd. sunder auch in der allerhöfsten völle der gnad vñ heiligkeit empfāgē. vñd auß der geheiligte allweg beleibē den iunckfrawen geporn was. Vñ wie möcht die selbe sein allereinste muter dem gesetz der besteckten vnreinen müttern vntterworffen vñ verpunden sein. das sie die sibē tag nach seiner geburt solt von den menschen. als ein vnreine gescheyden sein. solt nichtz reyns oder heyligs anrühren. was sie anrührte das solt vnrein werden. wer sie oder etwas das sie angerührt het. ia auch die stat da sie gelegē oder gefessen wer anrührte. d solt auch nach dē das er sein kleid gewaschen het biß an dē abēt vnrein sein. Die solt nit i dē tempel gen biß an dē. xl. tag

wie gehorsam cristus dem

Dann solt sie mit einem lemlin. vñ einer
 iugē taubē od turteltaubē. od mit zwey
 en nungen tauben oder turteltaubē kum
 men zu der thür des tabernackels oder
 tempels. die selbē dem puester opfern.
 der eines von den genanten opfern. zu
 einē gantz geprennten. das ander für ir
 sünd opfern. vñ gott für sie bittē solt.
 Das sie von irz vnstetigkeyt gereyniget
 würd. hörst du nun was gesetz das sey.
 Bedünckst dich nit das dise ding von d
 muter gottes auch allein gedacht. ein
 gravē machē. so sie doch alle himlische
 geist in der reinigkeit lauterkeit vñ heil
 ligkeit vbertrifft. als die. dy den endlos
 sen wag vñ vsprung aller sölichen schö
 heit. der reinigkeit vñ heiligkeit auß irē
 gelidern geporn hat. da durch sie ei für
 bitterin aller werlt worden ist. noch hat
 sie sich disem gesetz C in dem sie doch
 außgespröchlich außgenūmen was. in
 dem anfang des selbē gesetz. d wölle
 vntterwerffen. dz sie sich gleichförmig
 machete der demütigkeit vñ gehorsame
 ires kinds. der auch verborgenlich in dē
 selbē petzgemelte gesetz außgenūmen.
 ist. das er mit her bedürfft beschnytten.
 zu werden. wer das mercken kan. Ze
 kummenn auff die meinung der zehen
 gleichnus. Das alt gesetz ist den iudē
 gegeben wordē. zum ersten als ein kind
 fürer den gaylen kindern. das er sie vnt
 ter der ruten halt. das sie vñ forcht we
 gen des meisters tūen oder lassen. das
 sie von lieb wegen der tugent nit thetē.
 Das melt sant paulus am dritten capi
 tel zu den Galathern. vñ die glos am
 selbē ort. vñ zu dē römern. Zu adern ist
 mer dz gesetz gegeben als das a. b. c. dē
 anfabēdē zebuchstabē vñ zelerne. Vñ
 das ist ein krefftig starck argument wi

der die tozheit vñ plintheit der iuden.
 das sie nit warnemen. das alle mensch
 liche leer von dem minsten vñ vnvolkum
 menstē anfacht. Wer kan lesen. ez kenn
 vñ künde denn vor an die buchstaben.
 also muß dasselb ye das erst sein. Des
 gleichen so die kinder von israhel. da sie
 auß egipten land gefürt würdē. gleych
 als ein newgeporn vngenytet vngelert
 volk waren. in der erkentnuß gottes. dz
 die war recht kunst ist. so sind sie wol to
 ren das sie meynen das yne yott d herr
 zum ersten die höchsten kunst hab fürge
 halten. so sie dz a. b. c. kaum mochtē ler
 nen. Das ist wol das a. b. c. in der kunst
 die von gott ist. das man glaub das ein
 got sey. der aller ding vsprung vñ regi
 rer sey. so dz selb die weisen heidē durch
 die natürlichen vernufft. on sunder wū
 derwerck oder eüsser offenbarung ge
 funden haben. Aber wie groß vñ vñ
 gelumig oder vergessen desselben a b c
 die iuden. gewesen seyen. das erscheynt
 wol an dem. das sie so grosse zeichē vñ
 wunder gesehen hetten in egipten land.
 in den zehen plagē durch die dy egiptē
 lender gezwungē warē worden. das sie
 die kinder von israhel ledig ließen auß
 irem land ziehen. darzu sie gesehen het
 ten das gott der herr den künig mit al
 lem seinem heer vñ den pferdē die zu
 den wegen gehörten vñ dem reysigen
 zeug in dem rotē mer C durch das er sie
 mit truckhen füessen gefürt het d er
 trenckt het. Sie hetten gesehen das ine
 gott der herr brot von dem himel herab
 geregnet. vñ fögel zeeßen geschneyet
 het. Si hetten yne von dem himel her
 ab hören reden. in d gestalt des feüres.
 Si hetten die engel hören busaunen. dē
 berg auff dem got erschien sechē prinnē.

alten gesetzs sey gewesen

riechē. vñ weterlaichē. Dannoeh vber die
se ding alle. richten sie ein güldens kalb
auff. vñ opfertē ym vñ betterē es an. vñ
schribē im alle wunderwerck die gott mit
yne vñ vñ irē willē in egiptē land wider
die egipten lender gewirckt het zu. Wiß
wz weisheit in yne were. so sie des dz sy
mit dē augē geschē. mit den oren gehōrt.
mit dē hendē gegriffen. mit dē mūd ge-
kost hetē. als dz bitter wasser das ynen
süeh. d hert fels d zu wasser. der himel
taw d zu prot wz wordē. als widom des
nen vō egipten land. die wasser zu plüt.
die fisch zu frōschen. die aschen zu blas-
tern. der staub d erdē zu schnackē. die fē-
gel zu muckē vñ heuschreckē. der tag zu
nacht c nach etlicher weys d red c was-
rē worden. so sie solcher grosser zeichen
vñ anzeigungē d widerwirkendē gott
heit so bald vergassen. vñ prachten auß
disen dingē alle mit soul dar vō. das sie
in d erkentnuß d einigkeit d warē gott-
heit belibē. was solt man yne fast hohe
ding vō d heiligē dryfaltigkeit. vñ der
kūfftigē menscheit gottes vñ d gleichē
zum erstē für haltē. Hettē sie nit zehād
gedacht c so sie solche dig nit hetē mū-
gen begreiffen c es werē vil gött. vñ
gott het menschlich oder leiplich form
auch nach d natur seiner gottheit. so sie
on dz so bald ein leiplich gleichnus des
aptgotts mit namē serapis den die von
egiptē lād anbetterē machē vñ sprach-
en. O israhel. diß sind dein götter die
dich auß egiptē lād gefürt habē. Dē
gleichē ist yne dz gesetzs gegebē wordē.
als die rōcklein dē meydelein. Wan rōck-
lein sind figurē vñ pild d kind od men-
schē. vñ nit ware mēschen. vñ die iungen
meydelein lernē an yne was sie darnach
mit den warē kñdern begynnē zethun.

Vñ dise gleichnus wirt gezogen auß dē
wortē sāt pauls. am. x. ca. d erste episteln
zu den choriinthiern. am. x. ca. zu den he-
breysschen. am. vierdē. zu den galathern.

Dēsgleichē das dise ding nit zuuul
geschriffit bedürffen. so sprich ich auß d
meinung der geschriffit vñ der lerer. aller
merst da sie vber sāt paulus episteln
schreibē. dz dz alt gesetzs dē iudē auß ge-
legt ist worden. wie mā einem esel einen
schwerē last aufflegt zetrage. wie man
einē pferd ein gepiß in dz maul legt vñ
ein zaum vber die oren zēiht. vñ auff
schlecht dz mā es halt vñ regier. od wie
mā dē pūffeln c dz gar grobstarcke ri-
er sind zezihen d rying durch die nasen
zēiht. da mit mā sie zwing. od wie man
den ochsen das ioch aufflegt. Dēshalb
sprachē die zwölff bottē zu den die von
dē iudē zu dē cristē glaubē künne warē.
vñ wolte dz mā moyses gesetzs auch hal-
ten müst mit dē cristē gelaubē. solt man
selig werden. Was vntterstet ir dz ioch
auff die helf d iugern zelegē. dz weder
wir noch vnser vāter habē mūge trage.
Auff dē syn spricht auch sāt paulus in
dē. v. ca. zu dē gala. Stet vñ lasset einich
nit widom haltē vntter dē ioch d diest-
berkeit. Ihesus sprachs sun spricht
am dē. xxiiij. ca. Futer vñ gert vñ pürde
dē esel. vñ prot vñ züchtrigung vñ wir-
ckung dem knecht. Nach ym die hend le-
dig. so sücht er frey zesein. Das ioch vñ
d zügel die buckē dē hertē hals. vñ stet
arbeit neigt den knecht. Dem bößwilli-
gen knecht pen vñ stöck. send ine in die
arbeit dz er nit müßig gee. wan die mü-
ßigkeit hat vil bößheit geleret. Stell ine
in die werck das gehōrt ym zu. Hört er
dich nit so buck yne mit stöckē oder fuf-
pādē. vñ erheb yne nit vber alles fleisch.

Dif alles spricht d weyß man vō dē tre-
gen. faulen. gailē. mutwilligen. vngetreu-
en knechten. bey denē doch vñser eigen-
leib verstäde werdē nach einē geistliche
syn. vō den salomō am. xxix. ca. d sprich
spricht. Wer seinen knecht von Einteit
auff zertlich zeüht. d wirt yne darnach
freuel vñd widerspenig enpfinden. So
aber die iude in sundheit bey den bösen
vnertigen knechten in der geschriffte ge-
meint werden. so sind hie dise wort des
weisen irēhalb gesetzt. in denē er setzt
wz den bösen knechten beschehen soll.
Sünst spricht er von einem getrewen
knecht darnach also. Hastu ein getrew-
en knecht. d soll dir sein als dein sel. Du
solt yne halten als deinen brüd. dann in
dem plüt deiner sel hastu yne gekaufft.
2c. So du nun auß disen vñd andern
dingē die oben in dem. xviii. vñ hernach
in dem. vi. vñhundertsten gegenwurff ge-
melt werden die eigenschafft des iudis-
schen volks. vō d wege ine dz alt gesetz
gegeben ist mercken magst. so verwünd
dich d grossen tugend d gehorsamkeit.
vñ d tieff d demütigkeit in vnsern her-
ren. d sich so vntterteniglich dē gesetz
der knecht wolt vntterwerffen. so er d
herr aller gesetz vñ gesetzgeber wz. Er
wolt sich dē kindfurer vntterwerffen.
Der der vater aller patriarchen vñ ertz-
uater ist. Dem a b c. d die weisheit got-
tes. in dem die schetz aller künst vñ weyß-
heit verborgē ligen ist. Er wolt sich der
ertzney d todtsichen vntterwerffen. d d
war artzet. ia d heilmacher vñ das heil
was. Den figuren vñ pildē. d die wesen-
lich warheit ist. Er wolt sich verpinden
lassen d kein wunden het. halten vñ pin-
den. der die geplöckten vñ gestöckten.
die gefangē vñ gekerkerten frey vñ le-
dig macht. Warvñ wolt er sich also
vnttertenig machē dem gesetz das den

mutwilligē. wildē. vñgezementen. abtrün-
nigen. grobē hertē vñ vñgezognen kne-
chten zu demmung irer hertigkeit. gege-
ben wz. so er der zart edel. getrew. milt-
senfftmutig. züchtig. standhafftig. tu-
genthafftig. wesenlich vñ natürlich herr
was. Darvñ dz er gnug tete für vnser
vñgehorfam. vñd geb vns ein ebenbild
wie billichen wir seinē allergerechteste.
vernüfftigste. heilsamste vñ nützeßte ge-
setzē soltē gehorsā sein. so er solchē gese-
tzen gehorsam wz. die ich da oben vñs
billich genent hab. als sie gott der herr
selbs nit gut nennt am. xx. ca. ezechielis.
nit dz sie in yne selbs vnbillig gegen d
selben zeit vñ dem selben volck zerech-
nen woen. sunder gegen dem herren vñ
der meinung der iuden zerechnen. die da
meinten der herr wer verpünden als sie.
vñ zohē vrsach auß vnrechter verstant-
nus des gesetz. yne anzesechtē vñ scy-
ne heilige werck c die nach dem kern vñ
der ynnern meinung des gesetz beschaf-
ten d zeuerkern vñd zeuerleimen. so er
doch dz end des gesetz c auff den es
wih. vñ den es fürderlich meynt. vñ in d
warheit bedeytet d wz. Hiervñ wz es
vnbillig dz der herr geurteylet vñd ge-
halten würd. als der der dem gesetz vō
not der verpündnis vñ nit vō freyen wil-
len vñ vbriger tugend oder gnadereich-
er wirdischeit vntterworffe wer. Aber
vō solcher sache wege die yetz zum letz-
ten gemelt sind. wz es billich dz cristus
dem gesetz gehorsam wer. dz er für vñs
ser vñgehorfame genug thet. die souil
strefflicher ist. souil dz new ewāgelisch
gesetz heiliger vñ vollkūner ist. Darwid
wz sein gehorsam souil tugetsamer. hō-
her. für vns verdießlicher. vñ für vnser
vñgehorfame gnug zethun vollkūner. vñ
got dem vater erlicher vñd angeneimer.
souil cristus freyer vñ vnuerpündner wz.

heiligen geist were

Dan was einer schuldig vñ verpündet ist
zethun. vñ de selbe verdiēt er mit sunder
gnad als vñ eine vberschüssigē weret.
wen er es auch tut. als d hērr offēberlich
melt Lu. am. xviij. ca. Vñ solher sach vñ
meinūg wille hat sich d hērr. die weyß-
heit. die rugēt. die zucht. die kunst. d got
gleichgroß in aller volkūmenheit. d heiz-
land vñ heilmacher aller werlt. dem oft
genētē altē iūdischē gesetx vntterwor-
fen. als d hērtē beschneidūg die kēnem
ye so we tet. d antworttūg in dē tēpel. d
selbs. d war wesentlich lebendig tēpel. d
gotheit was. der ziehūg gen iherusalem
auff die österlichen zeit. d in geuerlich
was. vñ andern gepottē. die zu ertzney
der sündē gegeben warē. der aller werlt
sünd hīnzenemē kūmē woz. d ist bey
d figur begriffen. da d kīnd ihesus be-
schnitten vñ geopfert wirt. bey welchen
man die andern ding auch verstēen soll.
die der hērr nach dē gesetx gehalten hat

Der ander artickel. Was die iudē
vñ sern hērrē einē heidē genent haben.

Darvñ habē die iudē. dē herren
Chsum einē samaritan. vñ heidē
geheissen. Joh. am. viij. ca. d hat d hērr
wollen leidē. für vns. wan wir thun oft
gar vncristenliche werck. vñ wölle doch
cristen geacht werden. Der. xxiij. ges-
genwurff Wie heimlich. innig. eigē.
vñ wesentlich d heilig geist. cristo gewes-
sen sey. vñ doch die schndōden iuden yne
teufelhaftig geheissen haben.

Der vñ dem d heilig geist person-
ligkeit halb. ewiglich aufstēis-
set. vñ doch in yne wesens halb beleibet
der ist teufelheffig genennet worden.

Der erst artickel. Christus ist nit
allein vñ dē heiligē geist geheiligt. inn-
gewonet. gesalbet. gesendē. gereguret.

geführt. erleuchtet. erfüllt vñ gestärket.
nach d mēschheit zeredē. sund sei fleisch.
sein leib ist vñ dē heiligē geist empfāgē.
geformt. leiplich vñ wesentlich. inhabi-
tiert. vñ inngewont. vñ durch dē heiligē
geist. zu dē letzten. got dem vater geopf-
fert wordē. also. d auch sein fleischlich
wordē. wesen. lebē. vñ sterben. auff den
heiligē geist gegründet ist. Nach d got-
heit ist er mit dē vater. der vrsprūg des
heiligē geists von dem er ewiglich auf-
stēis. vñ in dē er beleibet. Deshalb er
yne geben mag. wem er will. vñ er wirt
nyemant gegebē. dan vñ cristus willen.
Vmb der ere willē cristi. ist er den pro-
phētē gegebē wordē. d sie die dig. die
in cristo künfftig warē. warhafftiglich.
vñ würdiglich. fūrkūnderē vñ weisagte
Vñ der ere cristi willen ist er. in der rōl-
le an dem heiligē pfingstag. in feuriger
zungē gestalt. den heiligē zwölffboten
vñ ādern iūngern cristi. gegebē wordē.
d sie den sig. d lob. die ere vñ zeignūg
des lebens der lere. des sterbens. der v-
stend. der auffart. des sitzens cristi zu d
rechten des vaters in dem thron d maie-
stat. in der hōhe der himel. als eins fūr-
sprechers der gelaubigen. eins richters
aller werlt. westē. gedō. stē. vñ krefftig-
lich mōchte verkūndē. predigē bewere.
vñ glaublich machen. in alle werlt. zu d
ere cristi. wirt d heilig geist gegebē. allē
den yenē. die in yne glaubē. würdiglich.
in der enphahūg der heiligē sacrament
des tauffes. der firmūg. weihūg vñ an-
derer sacrament. In den erstē zeyten d
cristenheit. ward der heylig geist nit al-
lein. in der firmūg oder tauffung. sund
zu zeittē auch in andechtiger hōrūg der
lere vñ cristo. auch in sichtberlichē zeich-
en. vñ cūsserlichē beweisungē gegeben.

Wie geweltig aber tnd wie miltege
big. der herr ihesus des heiligen geists
gewesen sey. mit allein nach der himel
fart oder vrsendc. sunder auch noch in
dem tötlichen lebē. dz wirt bewysen in d
besüchug. sant elsbete. da d heilig geist
vō dem vngepornē kind cristo in wider
berlicher völle biß in die dritten person
berflüssiglich aufgestossen ist. in man
cherley vbernatürlicher würckung. zu rey
nigug. heiligug. erleuchting. entzündung
erfreung. bewegug. lob weisagug. vñ
der gleichē. Man auß der endlosen völ
le. die in dem kind cristo als in dem vrs
sprüngliche brünnen vñ grülosen wag. d
substantz vñ gnad des heiligen geists.
was oberflüsse maria die in iren iunc
frewliche gliedern das kind trug. vñ sāt
Johannsen. auch in muter leib erfüllet
Sant Johannes gieng vber vñ erfüllet
sein muter. das sie auch aussprach vñnd
vberfloh. da sie mit grosser stymme auß
schrye vñ sprach. Geseget bistu in den
frawen. vñd geseget die frucht deins
leibs. Vñ also hastu wie millich d herr
ihesus den heiligen geist. auch in muter
leib gegeben hat. Vñ zu einē zeichē. das
er auch allē den. die in cristu glauben. vñ
andechtiglich. die sacrament. od die. dy
andacht mit müge habē. allein dē tauff.
on widersprechung des freyen willens.
als die kind empfahē. gegeben wurd. zu
uerzeihung der sünd. so ist er in leiplich
er gestalt einer taubē. ob cristo in seiner
tauffung geschē. vñ die himel sind geöf
net. vñ ist die stymme d liebe. des wolge
falles vñ gütigē farnemēs gottes des
vaters. gehört wordē zu einē zeichē der
versönung d glaubigē. mit got. vñ d auf
sperrug des himels. durch die gnad des
heiligen geists. Das aber hic obē ge

met ist wordē. das cristus geweltig sey
des heilige geists. das verstee. mit. das d
heilig geist minder sey. den der sun odes
der vater. sund nach der weyse. als einer
seins willens. od seiner gaben geweltig
ist. so er sie auß freyē willē. wem er will.
gebē mag. als got sei selbs auch gewel
tig ist. vñd nyemant mer eigentlich zere
den. wann allein got. Im buch d spruch
am. xxx. ca. spricht salomō. Wer ist in dē
himmel auffgestigen. vñd herab gefarn.
Wer hat dē geist in seinē hēdē gehaltē
Als ob er sprechen wolt. Vñ yemant an
ders. den der selb. der vō dem himel. vñ
in den himel gestigen ist. durch eygne
krafft hat den heilige geist in seinē ges
walt. Item dz obē gesprochē ist. dz
in cristo der vrsprung ist der substantz
des heiligen geists. da nym vñd verstee
substantz nach kriegischer weis. als sie
substantz ypostasin nennē. das wir per
son heissen. Also verstee alle ding milit
gliche. ob sie auch c kurtze halb d nicht
aufgelegt wurden. Der and artickel
des. xiiij. gegenwurffs. Wiß die ob
gemelten völle vñ würckung des heili
gen geists in cristo habē yne die teufel
hafftige iudē. teufelhefftig geherffen.
Johannis am. viij. ca. vñd seine heilige
werck. die er auß dem heiligen geist tet.
dem teufel zugeschriben. Math. am. xij.
Marci am. iij. Luce am. xj. vñd da sie ab
so den heiligen geist. vñd die götlichen
heiligkeit. in im lesterten. zu einer größ
ern gotzlestung. fragten sie yne dan
noch. ob sie mit wol daran teten. Johan
nis am achtendē. Gleich als ob sie spre
chen wolten. ye mer wir dich schelten vñ
lestern. ye mer wir got lobē vñ cren. Des
muß du vns selbs gesteen. wiltu die war
heit erkennen. Das hat er wölle leidē

umb des willen. wann wir thun vil werck.
auch von dem geschlecht der guten. nit
auf gutem oder rechtem grůnd. vnd dar
umb nit auf dē heilige geyst. sund̄ auf
gesuch eigens nutzs fürderlich. wann so
wir allein. zum fürderlichste die ere got
tes suchen. vnd auf seiner lieb bewegt
werdē soltē zu gute wercken. so bewegt
vns mer vnser selbs liebe. vñ wir vrtēle
offt. das wir nit sündem. ya auch recht
tun. in den dingē. die wir thun. auf ein
sprechen des teufels. als obē gemelt ist
vō den iuden. da sie sprachē zu christo.
sprachē wir nit wol. d̄ du ein heyd bist.
vñ hast den teufel. oder austreibung der
tückischen verruckte natur. die von dem
teufel verkeret. verblendet. verführet. vñ
vergift ist. auf der selben verkereten na
türlichen treibung der sünden. die in vns
regnirt. durch die auch d̄ teufel in vnns
herschet. Als durch die hohf art. der le
uiathan. durch die geitigkeit der māmo
na. durch die vnkeisheit der asmodeus.
durch die füllerey der behemoth. durch
die tragheit in guten dingē. beelzebub.
durch die vnghehorsamkeit vñ mutwillē.
vñ vngezogenheit. der belial. durch den
neid vñ zorn. sathanas. Vñ des gleichē
durch ein yegliche vntugent. herschet ein
böser geist. aber in vnordenlicher liebe
vnserer eigen vbertrefflichkeit. die der vr
sprung aller andrer vntugent ist. regni
ret eigentlich der lucifer. der doch in al
len vntugendē der oberst fürst in vns ist
Was wir thun auf neigung od̄ treybung
sölcher vntugendē. das beschilt alweg
auf stiftung des bösen geists. vnd wir
wölle doch oft sölher werck recht. lob.
danck. vñ lon haben. vñ desselben auch
von got warten. darūb so sullen wir vor
got. der ein ergründer der hertzen vnd

ein anseher der meinung. vnd des grůds
der meinung ist. beschemet. verworffen.
geoffenbart. vnd gebüßet werden. von
dem wir wolten belohnung empfangen.
Für das selb wolt vnser herr leiden. d̄
seine heilige werck. die nyemants gnug
ergründen. vnd volloben mag. wie auf
grosser liebe. tugent vnd volle. der gnad
des heiligen geists. die kōmen. verworff
en verkeret vñ dem teufel zugeeygnet
wurden. Also verstee von allen tugendē.
vnd tugentlichen wercken vnser herrē.
die darumb verworffen vñ verkeret sind
worden. das vnser böse werck vns wür
den verzigen. vnd die guten wercke. von
vnuolkomenheit wegen. nit verworffen
sunder in dem verdienst cristi. durch dē
glauben in yne. vnd durch die prauchung
seiner sacrament gerechtfertiget. vol
bracht vñ vor got auffgenūmen. vñ des
lonēs würdig geschetzet würdē. Dar
umb sind allen fürderliche haubttugē
den. zu volbringung irer vnuolkomenheit.
sacrament zugeeigent. Als zu hilff vnd
volbringung des glaubens. der tauff.
durch den die kinder. die würcklich nit
glauben mügen. gleubig vnd cristen ge
achtet werden. Also zu hilff vnd fürdes
rung der hoffnung. ist die heilige olun
ge. zu hilff der götlichen liebe. der fron
leichnam vnser herrē. zu hilff der ge
rechtigkeit. die beycht vnd buß. zu hilff
der stercke. die firmung. zu hilff d̄ messig
keit. die ee. zu hilff der klugheit od̄ für
sichtigkeit. die heiligen weihung. in den
allen der vdiensst cristi. durch die gnad
des heiligen geists. vnser gepredien er
füllet.

Die funff undtreissigst figur.



Was stet vnd zeit durch cristū geheiligt sind

In der xxx. figur. wirt d̄ herr nach dem gesetz in dē tēpel geopfert. vnd so das an dem xl. tag seiner geburt beschehen ist. so hat er also dē alten gesetz der zeit vñ stat halb gehorsam wöllen sein. Dardurch er zeit vñ stat geheiligt hat.

Vñ dise figur gehörit zu den ersten artickeln. des. xxiij. vñ. xxi. gegewurffs.

Des vierundzweintzigsten gegewurffs erster artickel.

Der aller zeit herr ist. als ei schöpfer der zeit. der hat sich den gesetzten der zeit vntterworffen. Der äder artickel. Der die zeit also großlich. durch sein gehorsamkeit. gegewertigt. vñ würdigkeit geheiligt hat. der ist ein vnerer. obertreter. vñ feyrtag precher. geurteilt vnd gezigen worden. Ein kleine erclerung des gemeldten gegewurffs.

Als d̄ herr iesus. der götliche natur halb. von not der zeit vñ auch der stete vñ aller ding ein herre ist. also ist die zeit im. vnd mit er der zeit vntterworffen. nach menschlicher natur. auch zerechnē so ist die heiligkeit der zeit auff yne geordnet als vñ der werck willen. die er in der zeit thun würde. zebedeutē alle heilige zeit die in der alten ee auffgesetzt ist worden. Deshalben. was er auch als ein herr ober die zeit. als er sprach. Mathei am. xij. ca. des mensche sun ist auch ein herr des sabbats. oder samstags. d̄ der iuden feyrtag was. Wan der feyrtag des samstags. was fürderlich aufgesetzt. zu bedeutung d̄ rwe. vnseren herren nach seinem tod in dē grab. vnd als die werck d̄ erlösung nach d̄ gutheit zerechnen. grösser sind. dan die werck der

schöpfung. also ist die sach der bedeutung der künfftigen ding. die in christo vñ durch cristū. volbracht soltē werden. fürderlicher. dan die antwortung ermanung oder bezeichnung der vergangnen ding in der werlt. oder in dem alten gelaubigē volck. Wan auch die selbē vergangē ding warē bedeutung vñ figurē der künfftigē dinge. in cristo vñ in d̄ heilige cristeheit. iad Corin. x. Hiervñ vil mer zebedeutē die künfftigen rwe. die vnser herr auff dē samstag nach seynē leide habē. vñ in der hell machē. vñ den außeweltē selē gebe würd. setzt die geschrift das got der herr an dē samstag der d̄ sibend ist vō allē seinē werck das er gemacht het gewet. vnd darvñ den selbē gesegnet. geheiligt. vñ zuheiligē vnd zufeyren gebottē hab. Denn zu geschichtnis d̄ vergāgē rwe vō dē werckē der schöpfung. wann so got der herr in der schöpfung der creaturen. mit gearbeit hat. als sanctus augustinus spricht. Dann er hat allein gesprochen. vnd es ist alles worden. wie spricht denn moyses. das er gewet hab. als es alles volbracht ist wordann. Sant Augustinus spricht. das da bey schön fürkündet ist worden. die rwe cristi in dem grab. aber eins spricht er. gott rwen. ist d̄ vernünftigen creatur. in ym selbs rwe gebē. weñ ist nun dasselb beschehen. von anbegyn der creatur. nye vollkommenlich. Dann da christus zu der helle abgestygen ist. da hat er der vernünftigen creatur. das eigentlich die menschlich sel. rwe gegeben. welhe rwe in dem claren anschawen des göttlichen wesens. vnd in der gewisheit. dasselb ewiglich zesehen vñ zu messen steet. das zum erste in der gegēwertigkeit der sel cristi. dē außeweltē.

Das stet vnd zeit durch cristū geheiligt sind

in der vorhell verlihen ist worden. vnd
vō der selbē zeit an. allweg verlihe wirt.
zu ewigkeit den gereinigten. abgescheid
nen geschickten vñ bereitten selen. zu be
deutung söllicher vñ anderer guadenrey
cher. wie. die in verzeyhung der sünd. in
ablaß der buß vnd peyn. in verleihung d
tugent. in gnade der sacramente. vñ des
gleichen durch cristū. in der neuen ee
verlihen werde. seinen glaubigē. sind in
der alten ee. d. sibēd tag. die sibēd woch
vñ der sibēd monat. das sibēd iar vñ
das sibēd sibē. das ist. das fünfzigist
iar geheiligt gewesen. Item die ostern
zu einer figur des leidens. vñ der vrschēd
cristi. die pfingstē zu bedeutung. d. auß
gießung od. sendung des heilige geistes
der dz gesetz der liebe. in die hertzen ge
schribē hat. Vñ dise ding. als dz ley
den cristi. durch das christus auß diser
werlt. zu dem vater komē ist. vnd durch
das er die außewelten. auß der hell vñ
auß dem gewalt des bösen geists erles
diget vñ leytet in dz himlisch vater lād.
vñ die gebung des gesetzes. der lieb vnd
der freyheit der kinder gottes. vnd das
freyen von sündlichen wercken. vnd das
teglich opfer des fröleichnams vnser
herren. des waren osterlemlēins. durch
des heiligen plutes krafft. wir von den
plagē des götlichen zorns erlöset. vnd
durch die messung desselbē hie in diser
zeit. als auff der fart zu dem gelobtem
land. durch dz himelbrot gespeiset wer
den. sind on end grösser. denn die ding.
die in der altē ee beschēhe sein. als gut
zemerckē ist. Darvñ sind solliche ding.
die durch cristum der newē ee beschēhe
soltē. durch die andern als. die himlisch
en durch die irdischenn. die geistlichenn
durch die leiplichē. die vollkommē durch

die unvollkommen. die wesentliche durch
die figurlichen. bedeutet. Die warheit
vnd volkommenheit. ist cristo behaltēn
gewesen. vnd durch yne volbracht wor
den. Johannis am ersten capitel. Al
so kurtzlich zereden. ist alle heilige zeit
auff cristū geordnet gewesen. als nun
alle heilige zeit auff yne gegründet. vñ
im geheiligt ist. als der aduēt. die wey
hennechten. der iars tag. der oberst. die
gepūden zeit. die ein bereitung ist zu den
ostern. als der aduent zu den weyhenne
chten. die fast. die zeit des leydes cristi.
dy ostern. die creutz woch. die pfingstē.
auff die all sonntag. bis zu dem aduēt in
iren emptern. geordnet vnd gezelet wer
den. In wellen sonntagē allē. die vrschēd
cristi. vnd die gnad des heiligen geists.
die an dem pfingstag gegeben ist wor
den. begangen. geeret. vnd gemeinet
wirt. Darvñ so nun alle heilige zeit.
durch cristum vnd durch seiner werck
willen. oder von seinen wegen geheil
get ist. in der altē vñ neuen ee. so merck
das der āder artickel ist. wie felsch
lich vnd vnbillich. die lügghafftigē iude
vnsern herren gerügt. gezigen vnd ver
leumet haben. das er die heiligen zeyt
geuneret vnd den sabbat geprochē solt
haben. mit den guten miltē wercken.
die er an dē feyrtagē tet. aber er hat dz
wollen leiden für vns armen. die leider
gewöhnlich in keiner zeit. got den herrē
mer erzürnen. vnd vnren. dann an den
feyrtagē. so wir die sünd. die wir zu an
dern zeitten thun. büssen vnd hinlegē.
vnd vns mit got versönen solten. so sün
den wir allermēst vnd aller schwerist.
das vns dasselb verzigen würde.

Die sechsendtreißigst figur



Von den funff emptern

In d vorgeceden. xxvj. figur. Treibe
der herr die kauffer vñ verkauffer auf
dem tempel. vñ gehöret zu dē ersten artiz
ckel des. xxvj. gegenwurffs. der d ist. Das
der herr die heiligen stet in so grossen
eren gehabt hat. Das er vmb des ernsts
willen. den er für die heiligūg des tem
pels gehabt hat. sich in fertigkeyt des
tods gegeben hat. vñ ist doch als ein vn
erer der heiligen stet auf dem tēpel mit
steinen getriben worden.

Der erst artickel des funff vñ zwein
tzigsten gegenwurffs.

Gleichwerse als vñ wegen cri
sti des herrē. alle zeit C die in d
alten vñ neuen ee heilig gehalten wirt
geheiligt ist. also vñ seynt wege der ge
wesen ist der wesenlich lebendig tempel
der gottheit. die in im C als sant paulus.
schreibt ad Colo. am. ij. ca. nach d vol
le leiplich vñ wesenlich gewonet hat.
C wan also wonet got in ym. dz er auch
selbs warer got was C sind alle heilige
stet geheiligt gewesen. als das heilig
land. die heilig stat ierusalē. etwan der
tabernackel. darnach die tēpel. nemlich
der erst vñ d bedeutung wille. Der and
vñ der bedeutung vñ warheit willen. d
gegenwertigkeit cristi. Deshalb got ver
hieß Aggei am. ij. ca. das die ere des an
dern tempels grösser solt werde. Dann
des erste. Das darvñ gesprochen ist wor
den. dz cristus in dē selbē tempel solt ge
opfert werde. vñ darynne predigen vñ
wunderzeichē thun. als die lerer setzen.
die des tempels. den herodes als Jose
phus schreibt gepaut hab. nicht gedenc
ken. vñ die ere desselbē vorgemelte tē
pels. den zorobabel vnseren herren elter
vater einr. vñ iesus iosedechs sun. der
groß priester gepawt haben. wirt allein
von der gegenwertigkeit vñ werck cristi

wegē. heiliger vñ erentreicher geachtet.
den d erst salomōs tempel. wan sūnt in
andern dingē. wz er ym nyndert gleich.
herligkeit. vñ kostberkeit halben. Also
kürtzlich. d tabernackel. den moyses in
der wüste lieh machē. der tēpel den da
uid fūrgab. vñ salomō anspawet. vñ als
les dz darynne. dz fürdlichst was. die al
tar. die guldē leuchter. einer moysi. x. sa
lomons. soultisch. vorauß die arch. des
testamentz vñ and. d gleichē alle. sind fi
guren vñ bedeutunus cristi. vñ darvñ als
kermeist geheiligt gewesen. dz sie zu cri
sto vñ auff cristū gewisen habē. Der
and artickel. Wider dz ist der herr
von den kirchēpricheln. ein vnerer vñnd
gleich als ein entwerpher d heilige stet
geachtet. vñ auf den selbē. zu zepte mit
steinē vertribē worden. für vnser sūnde.
die wir der vnerung halben der heilige
stet Begeen.

Der erst artickel des. xxvj. gegenwurffs.

Der herr ist der āfang. dz haubt.
der stifter. vñ der grūd der gan
zen heilige cristelichen kirchē. Das ist
der samlung aller heilige mēschē vñ gu
ten engelē. vñ auch aller gerechten die
vor seiner mēschwerdūg gewesen sind.
Das mā disen artickel verstee. so ist
zewissen das dreyerley gnad in vnserm
herrē gesetzt wirt. die gnad der vereyni
gūg. die gnad nach d er d heilige cristē
heit haubt genent wirt. die gnad seiner
sunderē person. Durch die letzt gnad ist
die sel cristū erleucht. begabt. vñ mit allē
tugendē geziert. ober alle vernūfftig vñ
verstemtlich geschaffene natur erhebt
geheiligt. vñ also zu d vereinigung mit
der gēdeliche natur durch die gleichfö
migkei d tugēt geschickt vñ bereyt wor
de. durch die erst gnad ist sy beid mit irē
leib mit gott vereinigt vñ in einigkeit

cristi vnsern herren

Der göttliche person des suns genömen worden. Durch die andern oder mittelstü gnad ist christus aller gutten menschen haupt worden. vñ dz selb nach mancher ley gleichnus des natürlichenn haupts an dē mensche. wan dz selb ist d anfang vnd dz oberst vnd erst glied an dem leib von oben abzurechnen. vñ ist ein fürwesser vñ fürseher. ein vorzüd vñ regierer des gantzen leibs. wan es sicht vñ hört. redt vñ symmet. sorgt. heisset gebeüt. vñ isset dē gantzen leib vñ für ym. vñ reicht ym nütig. vñ flößet in ym die eßfindung vñ bewegung. Also tut cristus für die gantzen cristenheit. Er hat allein für sie gesehen. dz ist in dē licht dz er in ym het. ia dz er selbs wz. erkent alles dz ir not wz. Er hat für sie vnd ir gehört. wann er ist got dem vater nach allem seinē willē in alle gebottē gehorsam gewesen. Er hat für sie geredt. wan er hat für sie allweg gebetē. vnd ist noch allweg ir fürsprech vor dem vater. Also merck auch von den andern gleichnussē. Der and̄ artickel.

Der Arwider ist er d̄ leßt. d̄ schwätz. vnnütz vnd vberflüssig. geachtet worden. von den vnnützen vñ danckbern volck. Die aller werlt heil hindern. vñ vnterdrücken wolten. Darumb das ir mutwill. gesuch. alfantz. vñd genesch C dz ich allermest auff die priester phariseyer. bischoff. vñd geweltigen. der selben zeit rede d̄ einē fūrgang het. Doch wer disen gegewurff. hat erclert haben will. d̄ sich dz in glosa ordina. ad Ephe. am. j. ad Colo. am. j. vñ. ij. ad Corint. am. ij. vñ Joh. am. viij. ca.

Des. xviij. gegewurffs erster attickel.

Der lerer vnd meister aller lerer. den alle prediger d̄ warheit predigen. die prophetē in d̄ alten ee. die. xij. votten. ewangelisten. vnd ir nachfolger

in der neuen ee. Der durch alle ware prediger. prediget. von dē alle warheit ist. vñ der selb. wesentlich die warheit. vñd wesentlich predig ist. Dann er ist dz ewig wort gottes des vaters. das er gepered spricht. durch das er sich außspricht. be weyset. offenbaret. ercleret. durch dz er alle ding spricht. vnd sprechend. verstee. vñd vollend. schafft vñ macht. vñd darumb dz er durch alle ware prediger. prediget. vñd alle war prediger yne. vñ auß yme. predigen. vñ keiner ist ein rechter prediger. er predige denn auß ym vñd von seinē gewalt. Deshalb man werlich. sprechen mag. dz er allein der recht meister. lerer. vñ prediger ist. als von dē allein die adern. vrsprünglich habē. alles das. dz sie rechts predigen. vñ wenn mā auch sein wort. von aufwendigen prediget. es sey auch den. das er von inwendigen. durch anween des heiligen geists. der sein ist. predige. so hat menschlich le re kein krafft.

Der ander artickel.

Der selb meister. lerer vñd prediger. den der vater von himel her ab aller werlt zu einem meyster gebē vñ gebotten hat. yne zehören. d̄ ist des hōrens vñwirdig geschetzet. vñ sein weyheit ein tozheyt. sein meisterschafft ein vermessenheit. sein lere. ein verfürang. sein brynnender ernst ein tobung. sein senfftmutigkeit ein ablessigkeit. sein vñ wandelberliche warheit. ein offenbare liche falscheit. sein hörung vñ glaubig. gleich als ein verzaubrung. sein discipulat vñ iungerschafft ein leyischeit. vñd abtrünnigkeit. sein nachfolgung ein verleyttig. vñ vermaledeyung. sei vñtterwey sen ein verweyßen. vñd desgleichen alles sein thun vñd lere. vñ der gerechtigkeit vñd warheit ein abkeren.

Die Sibenundtreissigst figur





Von dem funffeltigen ampt cristi

In der vorgehenden sibemvndtreiffi-
giste figur. wirt bedēit. Als got d̄ herr
d̄z israhelisch volck in d̄ wūst speysset mit
d̄ himelbrot. vñ mit d̄ gefūgel. Vñ ge-
hört zu den erste artickeln des. xxviij. vñ
xxij. gegenwurffs. Das der herr d̄ war
speiser vñ das prot des lebens ist. Vñ
so das himelbrot cristū vñ besunder sey-
nen heilige fronleichnam vñ d̄z wasser
aūf d̄ felsē sein rosenfar plut bedēit
haben. so niag man die yetz gemelten fi-
gur vñ die nachfolgende auch zu d̄ er-
sten artickeln des. xxij. vñ. xxij. gegen-
wurffs neme. Die erste zu d̄ erste des
xxij. die nachfolgenden. zu dem ersten
des. xxij.

In der vorgehenden. xxviij. figur.
Schlecht moyses an den felsē mit der
gerten. vñ der fels gibt wasser. von d̄
das gantz volck mit seinem gesind vñnd
vñ getrenckt wirt. vñ gehöre d̄ise yetz
gemelten figur beid zu dem. xxviij. vñ
xxij. gegenwurff. d̄ erste artickel halb.

Des achtvñdzwēntzigiste gegen-
wurffs erster artickel.

D Er war speyser. der vñns seine
schafflei. die er mit vñ seis nutz
willen. als ander hūten. sūnd aūf barm-
hertzigkeit. vñ von vnser nordürfftig-
keit vñ nutzbarkeit wegē. speysen wolt

auch beschaffen hat. also d̄z wir mit allei
die narung. sūnder auch das wesen vñd
das leben. von ym haben. vñ der von vñ
fern wegen grossen hunger. vñnd durst
gehitte hat. Das er vñs speysen vñ tren-
cken möchte. vñd der sich selbs vñs gebē
hat. nach d̄ mēscheit vñ nach d̄ gottheit.
zu prauchung vñd zu nyessung. hie vñd
dort. hie gibt er vñs sein fleisch zu einer
speyse. sein plut zu einem getranck. sein
sel vñd sein lebē. hat er für vñs gesetzt
zu einer ware. seinen heiligen geist gibt
er zu einem trōster. vñnd zu einē pfand.
seinen heiligen fronleichnam mit dem
schatz seins leidens. zu einem opfer.

Der ander artickel.

Der selb ist ein fresser vñnd sauffer
genēit vñd geurteilt worden.

In d̄iser neūvndtreiffigiste figur.
Werde bedēit in gemein die guttet vñ
sers herzen. die er mit den d̄ürfftigē
menschen bewisen hat. Darūb mag mā
sie zu dem ersten artickel. des neūvñd-
zweintzigsten gegenwurffs setzen zu
bedēitnus wie ein volckomer artzet er
sey gewesen. Man soll sie aber darnach
in d̄ erste artickel des. xx. gegenwurffs
mit vñtterwegen lassen. wann sie diener
ser wol an beyd ert.



Das cristus der war artzet ist

Der.xxix.gegenwurff.

Er war artzet vnd heylmacher.
der leib vnd sel gesunt macht.ist
ein vergiffter vbelter vnd verderber
geachtet worden.

In disem gegenwurff seynd die ey-
genschaft vnd die grad oder staffeln
die oben in dem nechsten gegenwurff
des erste articckels halb gemelt sind. vñ
der speysung auch zebedencken.als das
er vns nit allein heilet vñ gesunt macht.
sunder das er vns auch beschaffen.vnd
in den erste mēschē frisch.starck.gerad.
wolmügendt.vnd on not des siechēs od
sterbens wolbeschaffen hat. Darnach
da wir auß vnser elteren schuld.in Irack-
heit vñ not des todes gefallen sind. ist
er von himel herab auß lautter gnad vñ
Barmhertzigkeit kummē.vñ auß mitley-
den.mit vns C mit der schuld.sünd der
pen vnd tödtligkeit halb Irack wor-
den.das er vns möcht gesunt machenn.
Vnd hat aller menschen.die an yne ge-
laubt vñ yne angerufft haben.siechta-
gen.Irackheit.geprechen.vnd schmer-
tzen.an den leibē hingenommen. das er d
schöpfer des mēschē vñ der war artzet
des leibs vnd der selen were. Deshalb
er auch sein wort.sein werck.ya auch sei-
nen fronleichnam.seyn kostper rosens-
farbs plut.vns zu einer ertzney geord-
net hat.als wir singē. Aue manna celi cū
zc. Begrüssset seyest du das war himel-
Brot zc.das du zu einer wegspeys gege-
ben bist den tödtlichē menschen. vñ zu
einer geistlichen ertzney der geistlichen
sucht.das du den gelaubigē menschen
in dem tod.dem ewigē leben gibst. Sih
an die trew dis artztes.der sein plut vñ
fleisch zu einer ertzney des siechen ge-
macht.vnd den tod für den tod siechen

auffgenömen vnd gelitten.vnd durch
sein engstlichem streyt.not.forcht.vnd
schweyß.yne von des ewigē todt nōre
erlöset hat. Als er auß trew vñ liebe zu
seinen schaffen.zu ein lamb worden ist
vñ ist dem hellischen wolff in das maul
gelauffen.vnd hat sich den tod vnd die
hell lassen verschicken Cals der heilig
patriarch iacob figurlich vñ bedeutlich
klagt da er sprach. Ein allerböst grym-
migs tier hat mein sun gefressē D dz er
sein schefflein vor dem tod redtē möcht
Sih hie allein sein auffsetzūg an.so hat
stu ertzney wider alle geystlich siechta-
gen der menschen.wann all vnser seuch-
stet eintweders in der sünd.oder in der
pen. Dye sünd stet in dreyerley vntter-
scheid.das ist in der sünd in der wir ge-
porn seind.die wir von vnserm ersprung
an vns ziehen.die vns an der ewigen se-
ligkeit vnd an der gnad gottes hindert.
ob wir auch bei sünd ymmer gettē. Der
ander vntterscheid stet in den personli-
chen.das ist in den sündē die wir selbs
auß freyē willē thū. die habē auch zwe
vntterscheid. Dan wir sünd eintweders
vntter d liebe gottes.ob wider die liebe
gottes.vntter d lieb gottes sündē heys-
ich leßlich sünd.wid die liebe gottes sün-
dē.ist etwas wid gottes gebot thū.das
nit mit der liebe besteen mag.dz heisset
man tödtlich sünd. Die pen durch die
wir geplagt vñ geistlich verwündt seind
ist vierfeltig. die vnwissenheit. die böß
begirlichkeit.die plddigkeit. vñ die boß-
heit. Dis seind die sibē Irackheit. durch
die dy menschliche natur zu dē ewigen
tod nabet. Wid die der herr crafft hind
im in den heilige sacramentē.als in den
fesselein oder büchselein der gnaden ge-
lassen hat. Also haben wir in dem heili

Was cristus der war artzet ist

gen kauft ein ertzney wider die erbsünd.
In dem sacrament der buß ein ertzney
wider die todsünd. Die heilige ölüg ist
wider die lesliche sünd. Die ee ist zu ey-
ner ertzney der bösen begirlichkeit des
fleisches. Die weyhug wider die unwissen-
heit. Die firmüg wider die plödigkeit.
Der frontleuchnam vnser herren wider
die boßheit. vnd so die sachen vñ heil-
ter aller diser vnser vbelen vnd siechtas-
gen. die haubtsünd seind C Dann vnser
halb entspringt die erbsünd auß der vn-
ordnung der fleischlichen begird vñnd
wollust. durch die wir empfangē werde.
vñnd die selb vñndordenlich begird ist ein
pen der ungehorsam vnser erste eltern.
vñnd die selb ungehorsam ist auß dem
neyd des bösen feinds. vñnd sein neyd
ist auß der hohfart entsprungen C So
hat vnser herr seyn heyliges kostbers
plut. wider die siben haubtsünd. an sibe
örte wölle vergiessen. In der beschney-
dung. wider die vnkeuscheit. In seyn-
angst an dem ölberg. wider die fresserey.
In seiner geyslug. wider den zorn. wann
da hat er den zorn der göttlichen gere-
chtigkeit vber vnser sünd. für vnns ge-
dultiglichen vber sich vñnd auff seinen
leip genumen. In seiner krönüg hat er
sein heiligs plut auß seinem hohwirdis-
gen vñnd demütigen haubt. wider das
haubt aller sünd die hohfart. vergoffe.
Wider die geyttigkeit hat er an dem
creütz sei rosenfarb plut vergossen. auß
den henden wider die tragheit. auß den
füßen. wider den neyd auß seine süßen
hertzen durch die seytre. wiewol die ob-
genanten vergießung all auß dem selb-
ben hertzen. als oben in dem. xix. geges-
wurff gemelt ist. iren vrsprung habenn.
Vññ sih an wie das gegen sölicher

trew vñnd so manigfaltiger guttat laut.
Dz yne die falsche ungetrewe vñ vñndäck-
bern inden vor dem richter pylato Calo-
hernach bewisen wirt C als ein vbelster.
verfürer. vñ zauberer gerügt vñnd
angeklagt haben. Da sie sprachē. er hat
die krankē mit bösen künsten vñ wer-
cken gesunt gemacht. Als ob sie sprech-
en wolten. Wir müßen das mit laugne.
Er hat die krankē gesunt gemacht.
Aber souil er sie mer geheilet hat an dē
leyben. souil hat er sie mer verfürt. ver-
gift vñnd verderbt in der sel oder an dē
gemüt zc.

Des dreißigsten gegenwurffs er-
ster artickel.

O Er vorfechter vñ beschirmer.
ist ein auffrühriger. widerpartey-
scher. aufflauffmacher. verklagt vñ be-
schryen wordē. vor dem richter pylato.
O wie clar ist die bewerung diser arti-
ckel dē. die mit allei die heilige geschrifte
C die vber genugsam ist C lunder auch
ander geschrifft wüssen. Wie der herr
für die iüdischen priester gestritte hab.
das bezeuget der erdboden. der ir wid-
pathey. Dathā vñ abyrd. mit alle dē. Dz
zu yne gehört verschlād. vñ das feur dz
da verprant drißhalb hundert fürsten.
Wie aber der herr. des alle reich der er-
den. auch nach der menschheit sind. für
die römier sey gewesen. das beweyset
die vntertenigkeit der gantzen werlt.
zu der zeit seiner gepurt. die doch seyn
was rechts halben. auch nach der men-
scheit. Aber rechts gewalts. eigē schaffe
regimentz. auffenthaltung. herschafft.
vñ ande sachen halben. von not wegē
nach der gotheit. Vñnd er mocht das
reich der werlt. geben wem er wolt. Da
nichts am vierden capitel. Aber wie er

Von den gemeinen geprechen

mit allein die werlt. sunder sich selbs. der röm̃er gewalt vñ gebiet oder ordnung vnterworffen hab. das ist oben in dem xvi. gegenwurff gnug beweyset worden. Wie trewlich. er die iuden darauß geprechen hab. das erscheynt Mathei am xxi. Marci am. xij. vñnd Luce am. xx. ca. da er sie auß irer eignen antwort vberzeuget. vñ beschloß. das sie dem keyser seine recht thun. vñnd geben solten. das ym zu stunde.

Der ander artickel.

Vñ den gemelten dingē. merck wie felschlich die lügenhaftige iuden. den herre auch in diser. wie in andern sachen. verclagt haben. das er das volk widerspenig vñ von der gehorsam vñnd vntertemigkeit des röm̃schen gewalts abtrünnig. treüprichtig. vñnd auffrührig machte. das sie mit dem meynten das sie sprachen. er werete vñd verböte dem volck. dem keyser den zymis zugeben. das offenberlich erlogen was. so er yne het heissen geben. vñ het sie auß iren eignen Worten beschlossen. das sie yne solten geben. auff dise lügenhaftige anlag giengē sie auch. da sie sprachen. er geb sich für ein künig auß. vñ der gleichen.

Des. xxi. gegenwurffs erster artickel
Er die endlose vñuermüdlich krafft ist. die on arbeit hymel vñ erde. vñd alle creatur auffenthelt. vñ nichts wißte. ob etwas schwer. ob vñ gering werden mag. sunder gegen der. aller creaturen stercke vñnd krafft. als dñre stüpfeln gen eine endlosen feur. zerechne ist. der selb ist vmb vnsern wilken. in schwachheit menschlicher natur. als so blöð worden. das er zu zeitten weder geen. noch steen hat mügen. vñnd nem-

lich in der eintheit. der doch nach vñ got heit hymel vñ erde. vñnd was darynn ist. auffenthelt. in seiner blödigkeit. hat er von iugent auff. grob schwer arbeit gethan. in der er müd ist worden. Sihe den dritte gegenwurff. in grosser müde hat er etwan oft mit rwe nach notdorfft genommen. den so er den gantzē tag. geprediget vñ sünst vil arbeit. mit vñlauffen vñ guttaten gehabt het. so betet er des nachtes. Lucas spricht. dz er teglich leret was in dem tempel. Luce am. xxi. vñ xxi. An den tagē leret er in dem tempel. In den nechste gieng er auff den ölberg. was er da selbst thet spricht Matheus am. xxi. capitel. dz er gen bethania gieng. vñd leret sie von dem reich gottes. vñd morgens früe keret er wider in die stat. vñnd. Johannis am achtenden capitel. spricht er. das er früe widerumb in den tēpel gieng. vñd alles volk kam zu ym. vñd er sah vñd leret sie. Dan als Lucas spricht. das volk was auff gezogen yne zehörē dunckel dich int. das die ewāgelisten gnug beweren. disen gegenwertigen dryfeltigen gegenwurff. so sie setzen das er früe an die arbeit getretet. vñd spat darvon gelassen hab. vñnd er hat dannoch in der nacht mit daruo gelassen. dann sie schreibē. das er dz gantz galleleysch land vmbgangen sey. vñd in allen synagogen geprediget. alle krankē vñd siechen gesunt gemacht. alle beschaffte erlediget. alle mit p. y. beschweret. erleychtert hab. vñ oft so vñmüßig gewesen sey. mit seinen iüngern. das sie C als Marcus schreybt am sechste capitel mit zeit hette zuessen. vñ da er sich biß auff den abent. mit dem volk C das er mit den fünff broten speyset. vñ dan aufgenommen die. frauen vñnd kinder.

die cristus ansich genummen hat

funfftrausent waren. Bekömet vnd gemiet het. Da stige er auff einen berg. Da er beten wolte. In der vierde nach der nacht. Kam er zu seinen iüngern. die in tods nöten vnd sorgenn waren in dem wasser. auff dem meer zewandern. Das er yne zu hilff keme. Wem das lebē cristi nit als wol bekāt ist. Dnem dz leyden für sich. vnd seh an. ob ye ein mēsch söllich hert arbeit in leiden gehabt hab. als der herr vō mitternacht an. bis zu 8 stund. da er verurteilt ward. vñ dannoch ward ym erst der allerschwerst last. der sünden aller werlt auff gelegt. vund er must vnser aller schand tragen. an dem galgen des eigen creütze. das was die rwe in seiner engstlichen müde. da er in 8 arbeit erlag auß müde. da must er für die rwe dy nach söllicher arbeit vñ müd an henden vund füßen. an dem creütze. Da nye grösser pein i diser zeit ward. hangen. Ditz ist sein letzte rwe in diser zeit. vund das weich pett gewesen. dar auff yne in seinem grossen wee. sein liebe synagog gelegt hat. Das ist der lon vmb seinen trewen dienst gewesen. Ein sölliche raststat hat ym sein stieffmutter. die vorgehat synagog. nach der grossen

arbeit. dy er für sye allermeyst gehabt hat. bereitet. O lieber herr got. wir alle wollen rwen nach diser zeit. wie gern aber wir würdiglich. darzu arbeiten. das ist dir bekant. Vñ betrachte selbs für wen vnser herr also gearbeit hab.

In der hernachfolgenden viertzigsten figur. Speiset vnser herr vil tausent menschen. von wenig proten vnd fischen. vnd so das selb zwey mal ist beschē. so mag mā es vō in beyde setze. Wann ein mal speiset er funfftrausent menner. vnd darzu vil frauen vnd kind. von funff girsenen proten vnd zweyen fischen. Das ander mal viertausent. von iiben proten. vñ wenig kleiner fischlein. Zum ersten hubenn die iüngern. zwölff köb vol stück auff. Zum andern mal sieben. Vnd gehört zu dem ersten articke des zweyundtreysigsten gegenwurffs. Da bey man verstecken soll. dz der herr 8 speyset. das prot vnd die settigung ist 8 hungerigen. wann er lert das volk darnach. vnd auß dem. das war ewig prot fischen. dz er selbs ist. Versteck auch bey diser figur den obgemelte. xxvii gegenwurff. des ersten articckels halb.

Die viertzigst figur



Die einunduyertzigst figur 3



Die zwunduyertzigst figur



Von der annemung der gemeinen geprechen

In der vorgeendē. xli. figur. Macht vnser herr weyn auß dem wasser auß d̄ hochzeit. Durch anpr̄ngē seiner allerwerdestē muter. Vñ in der selbē figur solt man gemacht haben den herren an dem tisch sitzend. vñd auch etlich von seinen iungern. doch was nit in der figur stet. Das erfüll man mit pildnussen in d̄ gedechtnuß. Vñ gehōrt zu d̄ erste artickel. des. xxiiij. gegēwurffs da bey mā versteen sol. das vnser herr der vnuerseygen brunn aller süßigkeit vñ labung ist.

In diser. xliij. figur. wirt der hunger. der durst vñd die müde des herren bedeüt. Vñ gehōrt zu dem. xxij. vñ. xxiiij. gegenwurff der obern figur halb. vñd zu dem. xxij. der vnttern figur halb

Der. xxij. gegēwurff. Das der herr das war prot ist.

Das prot des lebens. vñ die sattigung alles hūgers. die gnugsamkeit aller. seligē. ist hungerig wordē. vñd hat ny d̄ hūger grossen mangel geduldet. Vñ diser gegēwurff wirt C des erste artickels halb begriffē. in d̄ vorgeendē. xl. figur. Vñ wirt C des adern artickels halb begriffen. in diser vntterstē figur. da der hunger des herrē bedeüt wirt. da yne nach der fasten der. xl. tag wurd seer hungern. darvñ facht yne d̄ böß geist an. vñ zeigt yne die stein das er prot darauff machte. er thet aber das nit. sunder geduldet den hunger.

Der. xxiiij. gegenwurff. Das d̄ herr der lebendig prunn ist.

Der vnerschöpflich prunn aller erlabung vñ süßigkeit. ist im selbs oft verfigē. er leschnet vñ außgedorret. das

er vns on vntterlaß gnüßlich. vñ rberflüssiglich gienge. vñ in der dürre seins dursts hat er grossen abpr̄uch gethan.

Vñ diser gegenwurff wirt C des ersten artickels halb begriffen. in d̄ vorgeenden. xli. figur. da der herr auff der hochzeit. wein auß wasser macht. Auch i diser obersten figur. wirt er C des andern artickels halb begriffen. da der herr müd vñ hellig bey dem brunnē saß vñ ym die iungern auß der stat zuessen prachten. vñd mancten yne das er essen solt. da sprach er. er het ein speys zuessen. die sie nit wisseten. das wer. das er das werck volbrechte. zu dem yne sein vater geschickt hette. er meynet durch sein lere leben vñd leiden. die menschen selig zumachen. nach der heil yne so ser hungeret. vñd dürstet das er den leiplichen hunger. gegen dem geistlichen gering achtet. Auch in diser figur fordert er. als ei durstiger zetrincken. vñ d̄ heydyn. er gab aber darnach zeuersteen. dz yne nach irem glauben vñ seligkeit. dürstet. das er Begeret ir zegeben. von dem prunnen. der er selbs was. das ewig leben. mit settigung aller begird in aller süßigkeit. deßhalb. er gern grosse durst lyde. das er vns von dem selben prunnē aller süßigkeit. ewiglich trencken vñd settigē möcht. für das doch ym in seinē engstlichen grōstē durst. gallen zeessen vñd efflich zetrincken. vñd zu labung in einē gespōtte. wein mit mirrach verbittert. gegeben ward.

In der hernachfolgendē. xliij. figur Erquicket der herr des fürstē tochter vñ d̄ tod. Vñ gehōrt zu d̄ ersten artickel des. xxiiij. gegenwurffs. da bey bedeüt wirt. das der herr das leben ist.



Die vier und yertzigst figur



Die funffondvvertzigste figur



Von der annemung der gemeinen geprechen

In der vorgehendē. xliij. figur. Wirt bedēit die erquickung lazari vō dem tod. Vñ gehört zu dē erste artickel des vier vndtreißigsten gegenwurffs. Das der herr das wesenlich ewig lebē ist. Als er auch zu sant Martha sprach. Ich byn die vrsach vnd das lebē. vñ das bewyse er als pald mit den werckē. in der erquickung lazari.

In diser. xlv. figur. Als d̄ herr den tod vñsicht. Wirt bedēit d̄ er die tödlichkeit an sich hat genommen. vñ der tod widert sich vñ flucht gleich vor dē herren. zu einer bedēitung. d̄ der tod kein recht zu ym gehabt hat. fundes der herr hat den tod darvñ williglichen an sich gezogen. das er ym überwinden vñ töten wolt. allermēist seiner auferweltē halb.

Bey den strēn die vō dē mon gend wirt bedēit die kälte. vñ das schneyē vñ die regen vñ der gleichē. als reiffen vnd tawen. Bey den glentzen die von d̄ sunnen gend. wirt bedēit die hitz. vñ bey den steinlein die daryn sein. d̄ vngewitter vñ der hagel vñ aller vngemach d̄ zeit. die der schöpfer d̄ zeit gelittē hat. Vñ gehört zu dem. xxxiiij. vñ. xxxv. gegenwurff.

Der. xxxiiij. gegenwurff.

Von der tödlichkeit cristi.

D Er das wesenlich ewig lebē ist. der ist tödlich worden. das wir. die von natur tödlich sind. zu der ewigkeit des lebēs kōmen. Wid dasselb. das er kōmen was. das er sein leben für vns wolt gebē. in dem besten stand des menschlichen lebēs. d̄ er vns von dem ewigen tod erlöset. vñ zu dem ewigē seligen leben prechte. Hat d̄ iüdisch neyd vñ haß das zil seins leiplichen. nütze vñ

noten lebens. verkürzen vñ yne ee d̄ zeit töten wöllen.

Der. xxxv. gegenwurff.

D Er da ist die erquickung. vñ kühe d̄ phenē. die auß arbeit. angst. vñ streyt. schwitzen vñ hitz leiden. d̄ hat hitz vñ schweyß gelittē. wan mā helt d̄ d̄ herr als er gelert hat d̄ barfuß vñ gar schlecht gegangē. vñ dēhalb gar wenig. wider hitz vñ kälte geclēdet gewest sey. die bede im nach seiner zarten cōplexion wirscher gethā habē. den andern groben mēschē. also hat die frisch erquickung groß hitz. vñ die süß prüst. große kälte gelitten. vñ ist wider der keins fürsehē. oder gnug bedeckt. oder gedeidet gewesen.

Die hernachfolgend sechßvndvierzigst figur. gehört zu dem ersten artickel des sechßvndtreißigsten gegenwurffs. vñ des willē. das es ein werck der allertieffsten demütigkeit ist gewesen. Man mag sie auch zu dem erste artickel des achtvndsechzigsten gegenwurffs setzen. zu bedēitung der diensterkeit cristi. Aber der zeit halben füge sie baf zu dē egemelten sechßvndtreißigsten gegenwurff. Vñ ob diß werck der nachfolgenden figur. nach dē abēt mal beschēhē. beschribē wirt. so ist doch dasselb zeuersten. nach dem mal d̄ die alten ee antraff. Aber nach dem zerechnen das die newen ee. das ist die auffsetzung vñ prauhung des sacraments des fronleichnams cristi. antraff. so ist das vor beschēhen.



Die sibenvndvierzigist figur



was cristus in dem letzten

Die vorgeend. xlvij. figur. mit dem
abent mal. gehört zu den ersten artis-
ckeln. der hernach folgenden fünff ge-
genwürff. Die das letzt abent mal cri-
sti. vnnnd die ding die darinn beschehen
sind antreffen.

Der. xxxvj. gegenwürff.

Von den zeichen der liebe. vnd des
mütigkeit die vnser herr in dem letzten
abent mal bewisen hat.

D Er herr hat zeichē. wort. werck.
vnd ebenbild. der allertieffsten
Demütigkeit. vnd allergrösten liebe be-
wisen. Darwider sind sie indē an im ge-
ergert worden. Ein kleine bewerung
des ersten artickels. d. demütigkeit hal-
ben des herren. Der herr iesus setzet
sein iünger zu ym an seinē tisch. Er stund
auff von dem tisch. vnd liesse sie sitzen.
Er knyet für sie sitzēdē. Er wusch yne
ir vn sauber füsse. vnd wischet sie an dz
tuch. das er vmb sich het. Er dienet yne
zu tisch. Er reichet ynen speyse vnnnd ge-
tranc. Der liebe halben. Er satzt sie
nebe sich an sein erētreiche heilige seyt-
ten. Er erbott vnnnd bereitet sein schop-
dem geliebten iunger. sant Johanssen.
Der von im spricht. da er die. dy in diser
werlt waren. lieb gehabt het. da het er
sie biß in das ende lieb. Er schlug seyn
arm vber yne. Er thet in rwen auff seyn
ner prust. Er sendet im einē süßē schlaf
ein. Er zohe in auf. in das hoh tieff clar
licht seiner schönen. süßenn. ynnigenn
frewdenreichen gotheit. Er redet ynen
allen zertliche zu. Et nennet sie freünd
vnnnd sünlein. Er offenbaret ynen C als
seinen innern heimlichen freünde d. die
heimlichkeit seins vaters. Sein red was
von der waren vesten. reinen. süßen. vñ

göttlichen liebe. vnd von andern hohen
heplichen würdigen vñ begirlichen dinge-
gen. als ein teil hernach folgt.

Der ander artickel.

D Arwid sind sie an im. als er yne
selbs weyßagt. in d. selbē nacht
geergert worden. vnd C als ich es ver-
stehe d. auß seiner gefengtnis. vñ seyns
leidens halb. in zweifel des glaubens.
vnd auß dem selben. in zweifel der war-
heit seiner wort. werck vñ tugent gefal-
len. Der. xxxvij. gegenwürff.

Der erst artickel.

Von der verheißung der grossenn
ding. die vnser herre seinen iüngern ver-
sprach.

D Als ander. das vñser herre in
dem letzten abentmal tet. ist dz.
das er seinen iüngern. die grösten ding
verhieß. als er ynen. auch hielt. vñ gehal-
ten hat. oder C künfftiger ding halb d.
halten vnd leisten wirt. das ist beschung
vnd beywonung C nach seinem wider-
kunnē d. des heilige geists. seinē freu-
denreichen widerker. vnnnd stete gegen-
wertigkeit. vnd einwonung sein vñ seins
vaters. erhörung alles ires gebettes.
trost in aller widerwertigkeit. liebe got-
tes des vaters. frewd des hertzens. er-
leichtung ires gemütes. kunst vñ weis-
heit aller ding. sichern fride der brust.
süßigkeit d. nyessuge himlischer freud.
beyszung. vñ mitrichtung an dē iüng-
sten gericht. miterschung vnd requirung
in dem himelreich. gewalt vnnnd macht
große widerwerck zuthun. nachfol-
gung grösser frucht in dem glaubē. vñ
in der bekerung der menschen. vnd der
gleichen. C. das alles zu iren eren trost
vnnnd seligkeit dienet.

Der ander artickel.

DArwider versprachē die iūgern was sie dem herren ihesu versprechen hēten. Dann sant peter sprach. vnd ob sie alle in dir geergert werden. so will doch ich nit geergert werde. vñ darnach. vñ ob ich wird müssen mit dir sterben. so wird ich dein nit verlaugne. spricht Mathens vnd Marcns. das die iūgern all dēsgleichen sprachē. also verhiessen sie alle das. darinne sie prūchig wurden. Dann hēten sie wollen mit dē herren sterbē. so hēten sie nit dūrfen fliehen vñd het sant peter mit dūrfen verlaugnen. darūmb so sind sie trewprūchig. vnd trewlof worden an irem vñd an aller werlt herren. wider des willen vñd gebot. ynen die gantz werlt mit het mūgen schaden bringenn. als denn der herr dē feindē gebot. sie geen zulassen.

Der xxxviii. gegenwurff.

In Jemol vñnser herr grössers in fünffziger werlt. zugeben verheisset. dan er gibt in diser werlt Cwan hie ist ein stand d vnuolkomenheit. dort wirt sein ein stand der volkomenheit. hie der arbeit. dort der rwe. hie des streits. dort des reychs. hie der arbeit seligkeit. dort der seligkēpt. hie des verdynens. dort des belonens C yedoch so vntter den menschen. das gebenn grösser geachtet wirt. denn verheissen. so hab ich den gegenwurff des gebens. nach d verheissung geordnet. In welchem gegenwurff. solt du bedencken. die grossen ding C der gleichen von anbegynn der werlt nye mer gehört sind wordē C die der herr cristus den iungern gab vñ thet. Er verheie vñ gab yne gewalt ober

sich selbs. das ist. ober seyn fleisch vñd plut. ober seinen leib. in den er nach der gotheit. vnscheydberlich ist. Er verheie ynen gewalt auff der erden. ober himel reich vñd erdtreich. ober künig vñ keyser. ober die gewelt vñd fūrstenthum. auch der hellen. Er machet sie richter d gantzē werlt. Er erpfalt yne die schlüssel des himelreichs. vñd vntterwarff alle menschen irem gewalt vñd vntteil. Er weyhet sie selbs zu priestern. vñ truckt in ir sel das zeichen. vnd den ynsigēl des obgemelten gewalts. ober seynen waren leib. vñd ober seinen geistlichen leib. Er machet sie in der polliceys seins reychs auff diser erdē. hofmeister kantzler. schatzbehalter. hertzogenn. hauptmänner. fūrstenn. richter. Vñd das ich in eim kurtzenn vil begreiff. in wirdigkeit. vñd in gewalt. machet er sie sein stathalter.

Der ander artickel.

DArwider hat der iunger. in dem die sūm vñd volkomenheit. solliches gewalts vñd wirdigkeit C als obē gemelt ist C stünd. des herrē in d selben nacht verlaugent. vñd merck wie leicht vñd gering der selb iunger. den. der yne so erschrockenlich. grösslich in dem gewalt. vñ in der wirdigkeit ober all ander erhöhet. vñd gewirdiget. vñ gleych als einen brunnenn. vñd das haubt alles gewalts. vñd wirdigkeit gesetzt hette. gehalten hab. so er nit allein seiner perso. seins gewalts od herrschafft. seiner meisterschafft vñd gesellschafft. sunder auch seiner glori vñd kuntschafft. vñ mit allein nach d person. sunder auch nach der gestalt. verlaugnet hat. wann er sprach. ich weyß nit

was du sagst. als ob er sprechen wolte.
mit allein ist er nit meyn herr oder meys-
ter. sunder ich hab auch nye ichts von
ym gehört. Ich weyß nit ob er etwas
in dem wesen der natur ist. Des iunger
du mich zeichst. sihe. wie sant Peter den
herren so gar nichts geachtet hab. Der
yne nit alleyn einen prelaten. vñ fürstē.
sunder aller künig vñ keyser. vñ ander
prelaten haubt vñ fürsten C vñ auch ge-
tarr sprechē C als einen gott der götter
gemacht hat. Dann so ander prelaten. in
der heiligen geschriffte gott genent wer-
den. Der aller prelat sat peter C als sein
nachfolger sind C voran gewesen ist. so
ist er als der götter gott gewesen. nach
laut des geistlichen rechten. xj. q. j. Sa-
cordotibus. dist. xxi. Secretis. dist. xxi.
Sacrosancta. vñ Exodi. vii. vñ sant
Bernhart. li. iiii. de consideratione. vñ
sünt an vil enden. O herr wie oft ge-
ben wir dich vñ ein schöner ding. dan
ein wick ist. Das doch ein grauen zere-
den. vñ auch zegedencken ist. so du doch
vnns nach etlicher weyß vber dich er-
höht hast. vñ gleich als gottes güt ge-
macht. als sant Augustin in soliloquijs
spricht. O herr du hast mich lieber ge-
habt. denn dich. dann du hast dich gege-
ben für mich. wie werden wir besteen
vor dir. vñ köm denn zu hilff dein end-
lose barmhertzigkeit C Die in sant peter
wol erschnē ist C vñ das verdienē diß
vñ anders. deins heilige leidens. O du
so gering geachtet. vñ so leichtgültig
geschetzt hast wöllen werden. von den.
die du so groß. vñ hoch hast wöllen ach-
ten. vñ auch machen. vñ in der war-
heit gemachet hast. darüber ist auch zu
merckē. mit zu vnere sant peters. sunder
zu betörung der größe. der göttlichen

barmhertzigkeit vñ der gedult cristi.
vñ auch menschlicher plödigkeit. dz pe-
trus. schlechtlich aller würdigkeit cristi.
mit allein verlaugnet. sunder auch ver-
schworn. vñ mit verschwörung vñ
vber sich selbs geflucht hat. doch nit vñ
hertzen. sunder einfeltiglich in den wör-
te C getarr ich es anders ader leut halb
als ich es meyer halb getarr. mit vr-
laub. Des allerhöchstenn nach got. himel
fürsten sant peters reden C Math. am
sechszondzweyntzigsten. vñ Marc
am vierzehende capitel. vñ das ist größ-
ser denn menschlich vernunft. begreif-
fen mag.

Der neunvñtreyßigist gegewurff.
Von dem gepett cristi für seyn iun-
gem.

Das vierd. Das cristus in der let-
sten nacht tet. mit seine iungern.
was. Das er sie in crafft seyns gebetes.
vereinet mit der heiligen dryfeligkeit.
Dann er bat seinen himelischen vater. dz
er sie behütte vor vbel. hanthielte in dē
gutem. heiligte in der warheyt. erclerte
in dem liecht vñ schönen. versamelte
vñ einigte in einem. volbrecht in dē höh-
sten. fruchtbar machte in den völkern
vñ glaubigen gotz kindern.

Der ander artickel.

Ider die gememelten vereiny-
gung. fluchen. ließen. vñ verlies-
sen sie yne. in dem feld. in dē hende seyn-
er feind. vñ wurden feltflüchtig von
irem. vñ aller werlt herren. Ist es nun
also vnerlich nach den keyserlichenn re-
chten. Das ein knecht seine herrē in einē
streyt verlasset. vñ danon flücht. ff.

abentmal gethan hab

ad. l. Julia maiestatis. l. iij. et. ff. d. re militari. l. omne. paragrapho. qui in Alci. vj. q. j. Infames. wie ist es dan zuachte. Den herren vnd schöpfer himelreychs vnd erdtreichs. des knecht vnnnd eigen. künig vnd keyser sind. für den alle creaturen streyten solten. zuuerlassen. vnd von ym abtrünnig zuwerden.

Der vierzigist gegenwurff.

Das der herr seinen heiligen fronleichnam seinen iüngern gab.

Dem fünfftem hat der herr sich selbs. seinen iüngern gegeben. in seinem leib zu einer speyse. in seinem plut zu einem getranck. vnd das er sie ym selbs desterner eynleibete. vnnnd vereinigte. so nohe er selbs voran seyn eigen fleisch. vnd tranck sein plut. vnnnd gab ynen das also. das sie ym incorporirt. in yne verwädelt. ym eingeleibt. vñ alle eins in yme würden. das ir leyb. sel vnd geist. mit seinem leib. mit seiner sel. mit seinem menschlichen geist. mit seinem götlichem geist. vnnnd durch in. mit der gantzen heiligen dryfeligkeit vereint würden. Vnd ist zumercken. dz auß diser zwölffeltigē vereynigūg den iüngern cristi. als auch andern gläubigen. Mancherley frucht entsprungen ist. Wan auß dem das vnser fleisch vereinigt wirt mit dem fleisch cristi. so erlangt es. das es geedelt. das es entlich von allem vnflat der sünd vnnnd der naturliche peyn. noch vil mer der peyn. dy es von eigner sünd wegen in der hell leiden solt. gereinigt vnd erlediget wirt. vnd das es mit gaben der glori. das ist mit schonheit. clarheit. vntödllichkeit. behendigkeit. stercke. subtiligkeit. freyheit mit ewiger wollust. vnnnd vollkommener

gesuntheit. vnnnd ander mancherley zirllichkeit der seligkeit begabt wirt werden. Auß der sel christi wirt vnserm fleisch das ewig leben. vnd das süß empfinden. vnd die schnell bewegūg nach dē wille d sel. vñ die scherpfe d synn. vñ der gleichen verlihe. Auß der vereynigūg vnser fleisches mit dē menschlichem geist christi enpfabt es. das es in gutem frid. vnd in gewyser wartūg der vristende nach dem tod ruet. Vnnnd ich nenn hie den menschlichen geist christi. sein gebenedeyte gnadēreiche sel. doch nach einer höhern meinūg. denn wenn mā. ei sel nent. dan nach dē lateyn wirt die sel genennt vō dem ampt das sy im vnd gegen dem leib hat. dem sy das leben vnd das wesen menschliches leybs gibt. Aber sy wirt ein geist genēt ir eygenen art vnnnd natur halben. vnd nach dem als sy für sich selb oder in ir selbs ist vñ mag sein on den leib. Also nennet man den geist nach einer höhern weis. vnnnd wirt auch genummen für das höher teil der sel. als für das gemüt in dē das pild gottes ist. Vñ auff ein solche meinūg red ich hie. so ich gleich als vnterscheidlich von der sel vnnnd dem menschlichen geist red. die doch wesentliche eins synd. Von dem götlichem geist christi enpfabt das menschlich fleisch durch die crafft des fronleichnams cristi. das es geheiligt wirt. vnnnd zu ein reipel gottes. zu einer wonūg des heiligen geistes. vñ zu teilhaftigkeit der seligkeit der sel. vnd gleichförmigkeit ir clarheit vnnnd schonheit. geschickt vnnnd geweycht wirt. Also enpfabt dz fleisch von ein yeglichen das in aristo ist etwas sunders. das alles auß d gottheit cristi fleisset. Wann auß seiner gottheit

fließet alles dz gut. des der verstetlich
geschöpft geist empfeglich ist in sei sel.
vñ dz gut des d leib empfeglich ist. fließ
set von der sel in den leib. vñ wer d leib
cristi würdiglich enpfecbt. der wirt sol
cher einfluß aller soult mer teilhaftig.
soult er mer geschickt ist. Zum adern
mal. schöpft vnser sel auch was ir be
quem ist. auß disen vierē. Auß dē fleisch
cristi schöpft sie wollust. Wann die sel
die in dem fleisch vñ zu dem fleisch be
schaffen ist. hat ein natürlich wolgefal
len in dem fleisch. es sey dē etwas dar
ynne das ir natur widerzem ist. als vn
reinigkeit. schmerzen. vñ anderlei peini
gkeit. das alles von dem fleisch christi
C als er vnter dem sacrament. vñ nach
seiner vrtend ist C außgeschlossen ist.
Ist aber etwas schmerzliches in dē leib
cristi gewesen in der zeit seiner tödlig
keit. so dasselb vmb der geliebte sel wil
len gewesen ist. so diener es ir zu größe
rer liebe. das sie das fleisch C dz für sie
in leidē gewesen ist C dester lieber hat.
Vnd so das leiden verschwundē ist. so
frewt sie sich desselben. vñ also hat sie
ein grösser wolgefalle darinne. vñ also
hat sie ein gegenwurff hoher wollust vñ
wirt weit höher vñ grösser wollust ha
bē. nach diser zeit. vñ noch grösser nach
der vrtend. wenn sie auch mit den lei
pliche syunē. den leib cristi vñ sein clari
heit vñ schonheit sehen. sein stin hören.
sein süßen geschmack oder geruch rie
chen. vñ sein gegenwertigkeit C d nichts
in allen leiplichen dingē in der lieplich
keit vñ süßigkeit. gleich groß mag sei C
nyssen wirt. Darüb hab ich wolle spre
chen das die mēschlich sel schöpft auß
dem fleisch cristi wollust. Aber auß sey
ner sel schöpft sie mitwollust. Wan als

kein mitleydlichere sel ye gewesen ist. al
so ist kein mitleydlichere sel denn die sel
christi. Vñnd wie sie hie gleich als ein
vnergrüntlich meer aller tugentlicher
er bitterkeit ist gewesen. also ist sie nun
ein bodenloser wag aller seligen frew
den. auß welchem wag. die seligen selen
solch groß frewd schöpfen. das es kein
menschlich hertz hie begreiffen mag.
Das ich desselben das dōr künfftig
ist geschweig. was trostes vñnd frewd
die sel christi den liebhabenden selē. hie
auch in disem ellend mitteile. dz wissen
C zweyfelt mir nichts C die C wa sie
werē C allerbast. die allermeerst mitley
dens mit irem leiden habenn. Es ist die
offenbare meinung sant Paulus in dem
ersten capitel der andern epistel zu den
Chorinthiern. Item auß dem mē
schlichen geist christi. haben die selen d
gerechten erleuchtung. vnterwerfung
vñnd schlichtung. regirung vñnd ferti
gung in iren wercken. Auß seinē gōt
lichem geist haben sie vbernaturlich tu
gend. bewerten glaubenn. gewis hoff
nung. vñnd nit allein pyrmende. sunder
auch pyrmende liebe. das gründ vñnd
verdienst seint. der blossen anschauung.
der süßen nyessung. vñnd gewiser ewi
ger halrüg in vner werlt. Zum drit
ten. enpfacht der geist der andechtigen
menschen auß dem fleisch cristi andacht
vñnd eer erbietung gegen dem heiligen
sacrament. so er bedenckt. das es das
fleisch vñnd der leib des almechtigenn
gottes ist. den er enpfacht oder enpfa
hen will. vñnd darumb gehōrt im die al
lerhöchst eer vñnd anbetung zu. als got
dem herrem selber. Darumb das es in
einigkeit der götlichen person genūme
ist. vñnd also gottes fleisch ist. Zum

fronleichnams cristi

ändern empfaht der geist der glaubigen von der sel christi. verwunderung & grossen würdischeyt gottes die er ynn vnd mit vnnnd durch das sacrament be- weyset. durch das er vns so manigfalti- glichen mit ym hat wöllen vereynigen. das wir aller seiner seligkeit bester be- griffenlicher vnd teilhaftigert würden.

Man gedencke hie der zugehörunge von denē in dem allerersten gegenwurf gesetzt ist worden. wie got der vater de- sun. von menschlicher natur ein samlung als ein praut bereyten wolt. die sich so vil mer in ym frewte. soail sy von meer vbelß durch yn erlöset. vñ mit mer guts durch yn begabt würd. Vnnnd das die frewde außs der liebe bester grösser würd C welche liebe auch auß der nehe der zugehörung entspringt. aber die zu gehörung entspringt auß einigkeit des vrsprungs C so wolt er das sie nit allein auß dem sun. sunder auch von dem sun. vnnnd nach dem sun. durch yn. ab ym. zu ym. für yn. in im C dz die gleycheit die auch ein sach der liebe ist. die liebe mes- rete C entspring. vnd geformiret wür- de. Vnd darüber das er auch wider vñ auß ir. vñ ir. nach ir. vñ irē willen. zu ir. in sie. für sie. vnd der gleichen. würde Vnd so die selben wort. an dem selben ort vmb der kurtze willē. nit aufgelegt werden so willich zum myndsten etlich hie C zeerfüllen den selbenn gepnuh C auflegen. vñ durch der selbē auflegung mag man die andern die nit aufgelegt auch besterbaf vernemenn. Hyerumb zu einer klerern verstentnuß sölicher wort die obenn verkürtzet sind. merck warumb gesprochē ist. In dem. A dem. auß dem. von dem. vnnnd also furt auß- hyrn. Ich hab gesprochen In dem. des- halben. das die heilig cristenheit oder

samlung der heiligen. Von ewigkheit in dem wort gottes das christus ist. durch den gott der vatter alle ding ges- sprochenn hatt vnnnd sie sind wordenn. als in dem scheyn das ewigenn endlos- sen liechtes geschenn. gekennet. vorse- hen. vnnnd nach dem als der sun ein laut- ter spiegel vnnnd gleychwesentlich pyld gottes des vattes ist. geschynen. geken- cht. wolgefallen. gemeynet. vnd zu ewi- ger seligkeit fürgenummenn vnnnd ge- ordnet ist gewesenn. Vnnnd ob andere ding auch in dem selbenn wort. liecht. spiegel. kunst. weyßheyt. vnnnd wesentli- chē. leblichē pild gottes. dz alles cristus ist von ewigkheit gesehen vnnnd erkennet seyen gewesenn C als denn alle ding in ym scheynenn vnnnd sind als in irr sach. vnnnd pildung C Wann die künfftigenn ding scheynē in ym gegewertiglich. die zeitlichen ewiglich. die zergengtlichen bleiblich. die wanderberlichen vnnwan- derberlich. die beschehlichen geschich- ten vnselich. die tuncelen clerlich. die vngestaltenn schön vnnnd zierlich. die ge- zweifelten oder zweifentlichen gewis- lich. die vnedelen adenlich. nach de als hernach vñ de haubt cristi vñ seinen ey- genschafften der schonheit halb. der vn- gestalten ding nach seiner weyß gesetzt wirt. welches haubt vntter vñ vor allē lei- plichē dingē der clerst vñ nechst spiegel diß spiegels. als sei sel vntter allē geist- lichē creaturē & leüterst nechst vñ clerst spiegel woz vñ ist. ob also alle sig in ym schynē. so seid sie doch nit etlich gemeit vñ vñ irē willē. sund vñ & mēschlichen natur willen. die allein vntter allē leipli- chē creaturē got zeertēnē zeliēhabē ze- schawē zeniēssē vñ ewigliche zebesitzē vñ zu freud zehabē vorsehē vnd geord- net ist fürgenūmē vñ gemeinet gewesē.

Also ist die menschlich natur das end vñ
ursach aller leiplichen creaturen. vntter
got. das ich darumb sprich. den die göt
lich eer. ist das leit end aller creaturen.
vnd cristus nach menschlicher natur. dz
end aller vernünftiger vñ ader creatur.
vnd die samlung der heilung. das end
menschlicher natur. vñ menschlich natur
das end leiplicher creatur. die von d me
schlichen natur wegen von ewigkeit ge
meinet vñ in der zeit beschaffen ist wor
den. Fürbas zegeben ist gesprochen wor
den A dem. darumb. das die mēschē vō
adam vnd eua herkommen. die von got
adam von der erden C die auch got be
schaffen het C vnd eua von adams ryp.
geformiert sind worden. Auf dem. ist
gesprochen. vmb der schöpfung willen
der selen. die auf dem willen vñ gewalt
gottes. vō nichtē beschaffen wirt. Vō
dem. vmb des heiligen tauffs willen. in
dem wir als von cristo auf seinem plut.
vñ auf seinem heiligē geist. gottes kind
der geporn werde. gleich als von d sub
stantz cristi. der warer natürlicher got
tes sun ist. Durch den C hab ich gespro
chē C als durch die hand vñ crafft got
tes. das christus ist. durch den alle ding
worden sind. der durch sein leer. leben.
vnd sterbē. die heilige cristenheit gestif
tet hat. V lach dem. wan er ist dz exem
plar. oder ebenbild. in der heiligen dry
feligkeit. nach dem der mensch gepul
det ist. vñ ist auch der cristenheit vorge
gangē in allem tugentlichen lebē. vñ lei
den. das sie ym nachfolgē soll in den tu
gendē. als sie ym nachfolgen soll in crē
vñ selde. vñ wie er ein warer sun gottes
von natur ist. dz sie also gottes kind sey
auf gnade. Für den. dz ist zu seiner eer.
zu dē. als zu irem end. in dem sie ewig

gleich rwen soll. Vmb des willē. als vñ
seiner ere. vmb seines wolgefallens. vñ
vbung der tugent willen. wan C als ge
melt ist C der vater hat dē sun ein ange
neme samlung als ein schöne praut auf
der cristenheit wöllen bereyten. Also
wider vmb. von neher zugehörung vnd
vereynigung wegem. hat christus in ir
C dz ist in der samlung der heilige C als
in den patriarchen. in den er vrsprungs
halb leyplicher substantz gewesen ist.
Auf ir als auf der gehorsamē wilkür d
iunckfrawen marie. in den wolle gottes.
vnd auf verdienst irer demütige gehor
sam vñ tugend. Vō ir. das ist vō ir sub
stantz. von irem reinen iunckfrewlichen
leib vnd plut. die das fürnemest glied d
heilige cristenheit was. Vmb iren wil
len. das ist vmb ires heils vnd seligkeit
willen. sie zeerlösen von allem vbel. vnd
zepringē zu allem gute. V lach ir. dz ist
nach irem pild vñ gleychnuß. dann wie
sie nach ym gepildet ist in dem gemüt.
also hat er ires gleychen in menschlich
er natur wölle werde. Also behilff dich
in der verstēnuß der andern pünctlein.
Fürbas auff die gegenwertigen mey
nung zekommen. ist zebedencken. dz vñ
des willen. das die vereynigung dester
größer würd. so hat cristus sich an den
selben sachen allen mit lassen benügen.
sund er hat sein glaubigē noch genew
er vnd neher mit ym wöllen verpinden.
vnd ym ymner wöllen machen. vnd hat
sich ynē zu einer speyß mit die yn sie ver
wandelt würd. sunder die sy. das ist die
nyessenden glaubigen in sich verwan
delte wöllen gebē. dz die glider alle ein
leib vnd der leib cristi würden. das die
cristen vñ cristus. als ein leyb vñ person
durch die eymigkeit der liebe würden.

Fronleichnams cristi

Wñ hat sich auch an dē selbē nit lassen
Benügen. sunder Czu bedeutung vñnd
sachung noch grösser einigkeit hat
er sein fleisch. das er seinen glaubigen.
sy mit ym. vñnd gegen einander zuuerey-
nen gibt. selbs wöllen nyssen. vñnd sein
heilich plut selbs wöllen trincken. vñnd al-
so seinen iungern. vñnd durch sy. allen an
dem priestern nit allein gegeben. suñd
auch gewalt verlihen. das selb nit allein
als oft sie wöllen Czu nyssen. suñd
auch andern Csy ynen enpfolhen wer-
den Cgegeben. Das also biß an die let-
sten zeit. alle die sy auß seinem geist vñ
plut von ym. durch das sacrament des
heiligen tawffes in den götlichen adel
gepöñ würdē. durch diß sacrament sey-
nes heiligen Fronleichnams in ym ver-
wandelt vñnd geeinet würden. Vñnd al-
so mag man mercken. was grossen wū-
derberliche vereinigung mit cristo. diß
sacrament bedēit vñnd würckt. des sich
vñser geist billichen verwūdern. vñ dar-
ümb cristo dem herren ewiglichen dan-
cken soll. das das ist. das vñnserm geist
entspringt auß der sel cristi. Auß dē
menschlichen geist cristi. entspringt vñ-
serm geist aufferhebung. vñnd verwand-
lung in christum. Wann kein geist ist so
hoch erhebt in dē endloß götlich liecht.
vñnd dem selben so genaw vñnd on mittel
vereiniget. vñnd also vō ym ober vñ vñ-
schynen. vñnd dēshalben liecht vñ gleich-
förmig als der menschlich geist christi.
Darumb wñ sich der menschlich geist
erhebt in den selben zu schawen was in
yme scheyne von dem götlichem liecht.
so wirt er auch erhebt vñnd überschynen
mit dem selben liecht. Dann die auff ei-
nem hohen berg seynd die sehē oft die
sunnen. so sy die. dy in den telern seynd

nit sehen mügen. Sünst sihe man auch
vil in der höhe. dē man in der nydere nit
sehen mag. Aber vō dem götlichen
geist cristi. das ist vō dem heiligen geist
vñnd seiner gottheit. enpfahet vñser geist.
das er gleich in gott verfelt. vñnd gott
dē ist gotförmig Cwirt. Als wñ eyn
tröpflein wassers in eyn groß fuder
starcks weyns kumpt. das verleurt sey-
nen geschmack. sein farb. sein geruch. vñ
verschwindt seiner eygenschafft halb.
vñ nymt an sich dē geschmack. die farb
vñnd den geruch des weyns. also ver-
schwindt gleich vñser geist. in dem göt-
lichen geist. nit das sein natur verzert
werd. sunder das sein eigenschafft ver-
enderet werd. als des holtzes wenn es
zu eim glüendē kolen wirt. oð der lufft.
wenn er mit dē liecht der sunnen erfült
wirt.

Der ander articel Das der herr
verkauft ist wordē vō dem. dem er sein
fleisch vñ sein plut zu einer narung ge-
geben het.

Darwider hat der selben iunger
aner. dem er sein fleisch vñ sein
plut gegeben hette. in der selben nacht.
vñmb des wenige schñden gelts willē.
yme in die hend seiner tödlichen feindt.
gegeben. vñnd also in den grymmigen
tod. darinn er nit allein eins schlechten.
sunder auch seins vñnd aller werlt herrē.
vñnd gottes pluts verkauffer ist wordē.
Vñnd welhe vernufft. ya welhe auch en-
gelische verstentnuß möcht dē größe
der vñdanckbarkeit diß verreters. vñnd
die vñbilligkeit seines plut verkauffes
begreifen. wñ man die vñmbstende sol-
ches verkauffens. dē ist. wer. wen. wem.
wie. warumb. ansehē wil. O du verret

Von der angst cristi an dem olberg

teryscher bößwicht. wie leichtgültig
achtestu das plut. des ein tropf gnug/
sam zuerlösung aller werlt gachtet wirt.
wer het dir gewalt vber den allmechtis/
gen richter aller richter gegeben. Wer
het den. deinen knecht oder eygnen ge/
macht. des alle freyen vnd herren eygē
vñ knecht sind. Wer het den. deines ge/
walthes gemacht. vntter des gewalt dei/
ner herre herrē warē. hestu doch etwas
gleychs für yn gefordert. Aber wer
möcht dir etwas gleychs für yn gege/
ben habenn. gegen dem himel vnd erd
vnd alles das darinn ist. nyndert für yn
C denn als vil er will D zescherzenn ist.
Hestu doch ein hundert gulden vō den
plutdürstigen iuden gefordert. ee sie yn
hetten hingelassen sie betten noch mer
gegeben. wie mochtestu das vnscherzber/
lich plut. deines vnd aller werlt herren.
sein angst. sein todsnot. sein vnmensch/
liche peyn vnd marter. so gering achte.
das du zu den bischoffen sprachst. was
wölt ir mir gebē. so will ich yn eūch dar/
gebē. Gleich als ob er sprechē wolt. ich
letztes eūch heym. was ir mir gebē wöl/
lent. gebt mir nun etwas. wie wenig es
ist. ich nym es.

Die ding die an dem ölberg gesche/
hen sind.

Der. xij. gegenwurff.

Die almechtigket hat gebettet.

Der. xlij. gegenwurff.

Die sicherheit hat sich gesöchtet.

Der. xliij. gegenwurff.

Die langtmütigkeit ist verdrossen
worden.

Der. xliij. gegenwurff.

Die hertzlich fremd. ist betrübt vnd
traurig worden.

Der. xlv. gegenwurff.

Die strengikeit. ist in einen streyt kom/
men. Etlich von den yetz gemelten
gegenwurffen. haben figuren darumb
bedürffen sie etlicher auflegung.

In diser achtvondvierzigtstē figur.
wirt bedeut. Wie der herr. da er in dem
schiff. als er mit seinē iūgern vber mer
fur. entschlaffen. so die weil ein grof vñ
gewitter in dem lufft vnd wüten in de
mer auffgestandenn was. von den iun/
gern die in grossen sorgen vñnd forch/
ten waren. auffgeweckt. vnd angerufft
wurd. da stund er auff vñnd troet dem
wind. vñnd straffet das vngewitter vñ
gebott dem mer. das es still schweygen
solt. vñnd sie waren ym gehorsam. vñnd
ward ein grofße stilligkeit in de lufft vñ
dem wasser. das was ein bewerung sey/
ner almechtigkeit vñnd sicherheit. Vñ
gehört zu den ersten artickeln. des eyn/
vñndvierzigtsten vñnd zweyvñndvierzis/
gsten gegenwurffs. Dan d herr schlieff
süßiglich vñnd sicherlich in der vngestü/
migkeit vñ ferligkeit des meres. da die
iungern in grossen sorgen vñnd angsten
waren. das sie icht vnttergiengen vñnd
ertrüncken.

Die achtundvierzigst figur



Die neun und dreyertzigst figur



Von der angst cristi an dem olberg

Der. xli. gegenwurff.

Des almeehtigkeits alle dig selbs
vermag. vñ thut was sie will in
himel vñ auff erdē. in der helle vñ an al
len orten. der hat hirtziglich vñ andech
tiglich gebettet. als ob er yn selbs nit
belffen möchte. Item. des fußstap
fen angebetet werde. in des namē die
knye der himlischē. d̄ thron. d̄ herschūg.
der fürstēthūmer. der gewelt. d̄ krefftē.
der irdischē. der künig. der keyser. der
beßst. vñ aller oberkeit. in werltlichē vñ
in geistlichē stand. vñ auch der hellischē
süllen gebogē werden. vor des maiestat
himel vñ erd. erzittern. der selb ist auf
seine knye vñ für sich auff die erden ge
fallen. vñ hat sich zedemütigen. vor der
väterlichen maiestat. auff seinē antlitz
ligēd. den vater angebetet. Es hat nye
ein creatur. got d̄ vater größlicher od̄
gleich groß mügen eren. oder erheben.
Wiewol cristus darwider ei gorzkester
gerent. vñ geurteilt ist wordē. Vñ
das der herr allmechtig vñnd deshalb
auch den hellischē gewelten. erschrockē
lich sey. vñ das seiner maiestat. auch die
knye der hellischē gebogē werde. Das
wilt in diser. xli. figur begriffen. da d̄
herrē der teüfelheftig mēsch. i dem ein
legion teüfel was. Begegnet. vñ yn an
bettet. vñ bat. dz er yn mit peynigē noch
auf dem land treiben wölt. der doch so
starck woz. dz yne kein menschlich macht
getēmē. noch zam machē mocht. Wan
man mocht yne weder mit ketten noch
mit blöcken oder stöcken haltē. Er was
so grausam vñ erschrockenlich. das nye
mant des wegs getorst kumen da er woz.
er wonet in den toten grebern. vñ auff
den bergen. Vñ ein solcher bettet den
herren an. fiel im zuffussē. vñ bate yne

wan er forcht yne vbel. vñ erkant seinen
almeehtigē gewalt. er förchte d̄ herrē.
so forchte yne alle werlt. er erkant die
maiestat des herrē. darvñ bettet er yne
an. vñ nēnet yne des allerhöchste gottes
sun. Er forcht sein peyn. vñ beschwur
d̄ herrē. dz er yne mit peynigē wölt. vñ
peyniget sich selbs tag vñ nacht. wann
er schlug sich mit steinen. In diser fi
gur wädert d̄ herre auff d̄ wütenden
meer. ober dz wasser. auff d̄ sich sant
peter vñ die ädern ügern. auch in dem
schiffe ser besorgtē. bey d̄ selbē merck.
wie der herre auch die sicherheit d̄ ver
zagte ist. Wan da sie sich so vbel forcht
ten in d̄ schieff. da giengē mit allein d̄
herr sicher auf d̄ vngestümen wasser.
sund er machet auch sant peter darauff
geen. biß er sich vō widwertigs winds
wegē. auß mēschlicher plödigkeit förch
ten ward. vñ anfieng vntterzegeen. da
hielt yne d̄ herr. biß dz sie in dz schieff
kamen. Da erfreuet er auch die selben.
mit seiner gegewertigkeit. die all vor be
trübt. vñ sichert sie vor d̄ forcht des er
trinkens vñ erlediget sie auß d̄ angst
vñ not. in d̄ sie die nacht mit grossē
verdrieh vñ belagē gewesen warē. vñ
vngewitters. finsternüß. schreckēs. vñ
ferligkeit halbē. auß abwesen des her
rē. Math. am. xiiii. Mar. am. vj. Jo. am
vj. Doch dz selb dz vnser herr auf dem
wasser wädert. vñ macht auch sant pe
ter daruf wädern. dz ist beschehē nach
d̄ tag als er. v. tausent mēner vō. v. bro
tē gespeiset het. Aber dz mit d̄ besesse
nē mēschē. ist beschehē nach d̄ oberfart
die in d̄ vorgehendē figur bedütet wirt.
da der herr in dem schieff entschlaffen
was. Vñ dise figur gehört zu dem
ersten articel. des. xli. gegenwurffs.

Die funffzigst figur



Von sant Thobia vnd helia

In diser fünfzigstenn figur.
Wirt an eyen teyl die hystoryen
des heiligen thobie gesetzt. der nach vil
trübsals größlich getröstet ward. wann
Thobias was in mancherley traurig-
keit. Er was als ein gefangner in dem
ellend. er was in grosser armut ertlich
zeit gewesen. wann der assyrier künig
Sennacherib. het im all sein hab genum-
men. vnd er entran nackend das er dem
tod entfliehenn möchte. Er ward auch
nach vil gutes das er in den wercken
der barmhertzigkeit geübt het. vnd plint.
vnd bat got den herren das er yn sterbē
lies. Vnd da er meinet gott der herr
solt yn erhören das er stürb. da schickt
er seinen sun den iüngern Thobiam in
ferre land nach einer schuld. d was lāg
auffenn. deshalb ward er auch ser be-
trübt. wann er wiste nit wie es umb dē
sun stünde. ob er lebendig oder tod wer
Darüber peyniget yn sein hauffraw.
Die tag vnd nacht umb den sun weynet
vnd leydig was. vnd verwich dem mann
das er den sun so ferr in das ellend. vñ
geits willen geschickt het. so sie kein an-
der kind hetten. Der sun kam auch in
groß sorg vnd ferlichkeit. wann ein groß-
ser fisch wolt yn verschluckt habenn. Er
ward auch gleich als gezwungenn. ein
hauffrawen zenemen. bey der der böß
feind sibem memmer C den man sie zuge-
legt het. erwürgt het. deshalb sie vnd
ir eltern die des thobias freünd warē.
in grosser betrübnuß stundenn. Solche
trübsal alle wendet gott der herr durch
dē engel raphael in groß frewd. Wan
der sun kam frisch vnd gesund mit vil
gelts vnd guts widerheim. vnd machte
den vater wider gesehend. Vñ die neu-
genommene hauffraw kam bald hernach
an dem achten tag. mit vil vñs vnd ge-

sinds. mit iunckfrawen vnd knechten.
mit gut vnd gelt. vnd ward alles leyden
in trost. vnd leid in frewd verwardet.

In dem andern obern teil diser fi-
gur. Wirt die historia des heiligen pro-
pheten vnd priesters helye entworfen.
Als er vor der bösen küniginn Iesabel
floß. die yn getroet het. d3 sie yn thun
wolt als er den prophetē wes aptgotts
mit namē Baal gethā het. wann er het d
selbē bey fünffthalb hundert getöt. Als
sie nun d selb groß prophet forcht. vñ
floß allein in ein wüste. vñ setzet sich als
so müd. hellig. hūgerig. turstig. verdros-
sen. vnd traurig. vntter einen wachalter
baum. vñ bat got dē herrē d3 er yn ließ
sterbē. vñ legt sich vntter dē schattē des
wachalterbaums nider vñ entschlief. da
kam ei engel gottes. vnd rürt yn an. vnd
hieß yn d3 er sich aufrichtē solt vñ esse.
Da er umb sich sah. da sah er zu seinen
haubtē ei eschen prötlein. vñ ein fesselein
mit wasser. Er aß vñ track. vñ entschlief
widom. da kam d engel zum adern mal.
vñ rürt yn an. vñ hieß yn essen. wann er
hete noch einē langen weg zuwandern.
Ich mein er hab den langē weg gemey-
net. an dē er ytzo bey dritthalb tausent
iaren gewandert hat. vnd hat yn noch
nit volbracht. wann er ist noch ein weg-
fertiger. vnd nit zu dem rechten vater-
land kummen. Spricht die geschrift d3
er. als er zum andern mal geessen vnd
getruncken het. in der krafft der selben
speyß. viertzig tag vnd nacht wanderet
bif er zu dem berg gottes kam.

Dise figur gehört zu den ersten ar-
tikeln des. xliij. xliij. vñ. l. gegewurffs.
Das vnser herr ei erfreuer d traurigē.
ei tröster d betrübte. ei stercker d forcht-
samē. vñ ei weitmachēder auffürer der
geengsteten ist.

97
Die einundfunfftzigst figur



von den streyten Josues

In diser .li. figur. Wer dem die streyt des grossen hertzogen Josues bedeüt. der mit dem andern namen ihesus genennet ist. Deshalben er nit allein der geschicht. sunder auch des namens halben. ein sundere vnd fürne me figur vnd bedeutung vnsers herren gewesen ist. wan er het drey namen. Die all. heil. hoffnig. vnd seld. bedeuten. Er hieß osee. das als vil ist als d in yn hoffnet. oder sein heilmachung oder seligig. Er hieß iosue. vñ nach eigner gezangē Jehoschue. das als vil ist. als seld oder seligmachung. oder seligmacher. oder d selig wirt machen. Er hieß Bennun. das als vil ist als ein ewiger sun. oder ein ey niger sun. oder eyn sun der ewigkeyt. Er hieß Jesus. das vor in dem ersten teil diß puchß aufgelegt ist. nun möcht ein kind mercken. wie clerlich vnser herr in disen namē bedeüt wirt. Zum andern mal. ist er gar ein merckliche figur vnser herren. der geschicht vnd tat halbe wan er ist moyses diener vñ nachfolger in dem regiment gewesen. vñ hat dz volpracht. das moyses angefangen het. er mocht es aber nit volbringē. Er hat dz israhelisch volk. das vnbeschniten in d wüste beliben was. beschnitten. Er hat sie durch den. mit trucken füßen in das gelobt land gefürt. Er hat. xxxj. künig mit allem irem volk bestrittē vñ oberwunden. vñ ir land dē israhelischen volk geteilt vñ eingegebē. Er ist nye vnttergelegt. Den in dem anfang ein mal. wurde seines volks. xxxvj. erschlagē. vñ die andern slubē. Da erschrack er vñ sein volck so vbel. dz ir hertz zerfloß als ei wasser. vñ er viel mit zerrissen kleidern nyd auf die erdē vor der arch gottes. vñ streuet asche vñ erdē auff sein haubt. er vñ die

alten des volcks. vñ sprach. O we herr got. warvñ hast du vns vber dise iordā wölle fürē. dz du vns i die hēd d feind gebst. vñ verderbest vns. wolte got. dz wir da yenshet werē belibē. Mein herr got. wz soll ich sagē. so ich sih das dein volck seine feindē dē ruckē dar keret. all heidē vñ iwoner diß lads werde dz hōrē. vñ werde zusamē kummē. vñ vns vñ geben. vnd vnsern namen von der erdē tilgen. Vñ was wiltu deinem grossen namen thun. Da offenbart ym got der herr wie das volk gesündet het. vñ darumb weren sie ernider gelegē. vñ möchten nit besteen vor den feinden. Bis die selb sünd gestrafft wurd. Vnd da das selb beschehen was. da ward er vnd dz volk also kün vñ gesterckt wid die feind. Das er auff einen tag. da er ym gekurtz wolt werden. der sunnen vnd dem mon gebot. das sie sich vō ir stat an dem himel nit bewegenn solten. Bis er sich an seinen feinden gerochen het. vnd sunn vñ mon stunde einß tags lang still. wan er bestritt vnd oberwand fünff künig an dem selben tag. wann got der herr er schlug die feind mit grossen hagel steynen. darumb enpfing Josue ein solch groß hertz. das er auch der sunnen vnd dem mon gebot. vñ sie waren ym gehorsam. Dise figur. steet hie zu einer berewung. das vnser herr die kleinmütigē kün vnd starck macht. vñ sichert die forcht same. wan als sāt Bernhart in einer predig spricht. Wie er hat wölle sterbē. dz vns sei tod lebēdig machte. Also hat er wölle pidemē. dz er vns bestādē. traure. dz er vns frölich. verdrieh leidē. das er vns backer vñ lagmütig. betrübt werde das er vns geruwig. vngetröst bleiben. das er vns wolgetröst. mache.

Die zwuonfunffzigst figur



Von der angst cristi an dem olberg

Dise zwouñfünfftzigste figur. Des ölbergs. gehört zu dem andern artickel des. xlo gegenwurffs. wiewol sie gegē den vier vorgehenden gegēwüffen. auch verstanden. vnd gegen iren ersten artickeln in dem gemüt soll geordnet werden wan sie hat vil gegenwürff. Sie ist gegen d allmechtigkeit. wan d herr hat gebetter. Sie ist gegen der sicherheit. wann der herr hat sich gefürcht. Sie ist gegen d langmütigkeit. wan yn hat verdrossen. Sie ist wider die wunsamkeit. wann er ist traurig. vnd betrübt wordē. Sie ist gegen der strengkeit nach dem als man die künen ritter streng heysset. wan d herr ist in ein streyt des gemüts kummen.

Von der angst vnsers herren an dē ölberg.

Die gemein figur des ölbergs. bedēit vñ begreiffet einē. vñ dē fürderlichsten artickeln. des leidens vnsers herren. in dem die obgemelten gegenwürff begriffen sind. wann da hat sich die sicherheyt gefürcht. Die seligkeit besorgt. die hertzlich frewd getrauert. Die mennlichkeit vñ großmütigkeit gezittert. Die bestentigkeit gebidmet. Die stetigkeit in etlicher weyse Cnach peyn zeredē. mit nach mynderung der tugent Cgewanckelt. Die langmütigkeit ist verdrossen worden. Die wunsamkeit betrübt. Die ledigkeit geengstet. Die vnschuld hat vor angsten plütigē schweyß geschwitzet. Die maiestat ist nider gefallen. vnd hat angebetet. Die allmechtigkeit hat gebetet vñnd gebeten. Die würdigkeit ist ires demütigen. andechtigē. hitzigen gebetes mit erhört wordē. dz verstee. nach angefiht des erstenn teils seins gebets. vñnd nach begird des ge-

meinen willens der natur oder symnlichkeit. Diser obgemelten angst vnsers herren. soltē wir offft gedencken. die selben got dem vater fürhalten. vñ opfern gegē der angst. die vns besteen wirt an vnserm letzten end. wann darumb hat der herr einen söllichen streyt. vñ angst. vor seinem sterben an sich wöllen nemē. Das er vnns auch verdienstlich erlösen möcht. von den letzten nöten. Darumb hat er seins gebetes mit wöllen gewert werden. so doch ye kein mēsche seins gebets. pillicher wer erhört wordē. dz wir C die alles erhörens vmb vnser vngesamkeit willē vnwürdig sind C in vnsern nöten erhört würden.

Der. xloj. gegenwürff.

Die liebe ist gehasset worden.

Der. xloij. gegenwürff.

Die trew ist verraten worden

Der. xliij. gegenwürff.

Die miltigkeit ist verlaufft wordē.

Der. xliij. gegenwürff.

Der ledigmacher der gefangnē. ist gefangen worden

Der. l. gegenwürff.

Der durch sein tröstung. den geengstigten weit machet. der ist allenthalben des leibs. vñ des gemüts halb geengstet wordē. Disen yertze melle gegenwürffē äwortē etlich figuren. darumb muß ich sie wid für nemē.

Von der sundern vnmeßigen liebe vnsers herren gegen vns vñdanchbern heßlichen menschen.

Zum ersten die lieb ist gehasset worden. verstee das also.

Der die wesenlich endlos liebe. vñnd lieplich gutheit vñnd des halb so mynneglich ist. dz er auch wo er hassete C wann er mag mit hasen. den

auf liebe & gerechtigkeit vñ warheit
 Dannoch geliebt werden solt & selb hat
 die yenen & die so heftlich sind. das sie
 auch weun sie lieb hetten. möchte oder
 solten. geschasset werden. wann sie gewös-
 lich mer durch liebe der begirlichkeit vñ
 eigens gesuchs vñ nutz. dan auf lie-
 be der freundschaft lieb haben & so se-
 re geliebt. dz er sie & da sie noch nit wa-
 ren & liebet. vber alles das da was. er
 liebet sie. das sie in vber alle seine werck
 liebten. hasseten. vñnd het sie hassen-
 den. vber die liebhabende lieb. vñ kurtz-
 lich so got der herr. keiner creatur größ-
 ser liebe vñnd guttat bewisen hat. denn
 dem mēschen. vñ darwider kein creatur
 mer vñdankbarkeit. grobigkeit. vnere.
 vñ schmahheit got dem liebhaber be-
 wisen hat. denn der mensch. so hat doch
 got der herr. sein liebe gegen dem men-
 schen. in den wercken. nit alleyn nit. ge-
 mindert. sunder auch mer vñnd mer er-
 zeiget. gleich als ob die göttlich gütig-
 keit zu irer vbung in einen streyt getret-
 ten wer. mit menschlicher bosheit. wel-
 che doch vberwinden würd. als ob gott
 in verhengtnus weyse in den wercken
 gesprochen het. Vber dein bosheit vñ
 vntrew als vil du wilt. ich will mei gut-
 heit gegen dir vben. vñ sihe wer in sey-
 nem fūnemen obligē werd. Wider
 solliche vnüberwintliche liebe cristi. ha-
 ben yne sein geliebten. so hertziglich ge-
 hasset. dz sie yne on groß vngedult. we-
 der sehen noch hören mochten. wann als-
 lein in grossen penen vñ schanden. Dar-
 umb schryen sie. Johannis am .xix. ca.
 Heb auff. heb auff. oð nym hin. henc-
 yn an das creutz. Vñ in dem andern ca-
 pitel. des buchß & weißheit spricht phi-
 lo. in der iuden person. Er verheisset dz

er gottes kunst hab. vñ nennet sich got-
 tes sun. vñ ist vns zu offenbarung oð
 verratung. vnser gedanken wordē. Er
 ist vns auch schwer zusehen. wann seyn
 lebē ist den adern vngeleych &c. Vñ
 in dem .xxxiiij. psalmen. Sy synd wider
 mich zusamen kumen. vñnd haben mich
 versucht. vñ mit gespötte verspott. sie
 haben die zen vberinander gepyssem
 vber mich. Item in dē .xvi. cap. iob. Der
 lägner hat allen seinen zorn zesamē ge-
 lesen wider mich. vñnd mir getroet. ge-
 gryßgramt mit seinen zenen wid mich.
 mein feind hat mich mit erschrockenli-
 chen augē angeschē &c. math. in dē .xiiij.
 Sie habē mit den oren schwerlichen ge-
 höret. In dem erstem capitel der clag.
 Alle mei feind habē mein vbel gchorz.
 sie haben sich gefrewet. dann du hast
 gethann. du hast den tag irs trosts her-
 bracht. Vñ in dem andern capit. Der
 herr hat meinen feind vber mich erfreu-
 et. vñnd das horn meiner widersachen
 erhöht.

In der hernachfolgenden. drey
 vñnd fünfzigsten figur. Ist die
 historien des heilige moyses bedēitet.
 da der künig von egyptenland gebortē
 het. das man alle Eneblein die von dem
 israhelischen volk geporn wūden. in dz
 wasser zuertrencken werffen solt. vñnd
 moyses muter da sy sah das er als ein
 schōns kindlein wz. verbarg in drey mo-
 net. da sy in nit mer verbergē mocht da
 vermacht sie yn in ein bintzen korblein
 mit bech vñ leyden bestrichen. vñ legt
 in neben das wasser. in einen schwertel
 busch. Da schickt das got der herr. das
 er an der selbē stat vñ des künigs tocht-
 er gefunden. vñ seiner eigenen muter
 zu müttern vñnd zuneren enpfolhen vñ

gebasset ist worden

von des künigs tochter zu einem sun zu gewünscht vñ genumen ward. Als diß alles in dem andern capitel des andern buchs moysi geschribē stett. Diser moyses ist der. der die kinder israhels auß dem herten dienst den sie in egypten land thun musten. auß der grossen arbeit angst vñ not. zwācksal vñ trūbsal die sie in dem ellend hettē vñ littē. erlediget vñ gefürt. vñ ir feindt vñ peyniger die egyptenleder. mit plut. fröschē. schnackē. muckē. vñ sterbē. drüse. hagelschlag. heüschreckē. finsternus. vñ zum letzten mit dem gehen tod der erst gepornen elsten sūn. Vñ ertrenckung des künigs vñnd alles seines heeres in dem roten meer geplagt. vñnd also der iudenn geschlecht. von dem gewalt irer feindt ertöset. vñ frey gemacht hat. Also ist die trew die vnser herr disem moysi bewisen hat. zu trost vñ hilff des ganzen iudischē geschlechts C die sein verkauffer vñnd hingebet in den tod seind worden C gedihen. Sölche trew hat vnser herr auch dem grofmächtigen künig ciro C der die iuden auß der babylonischē gefēgtnuß ledig gemacht hat C bewisen. Dann da yn sein anherr künig astiages het heissen töten. als bald er geporn ward. vñ der dem er das enpfolhen het. tet es nit gern vñb graues willen den er von dem mord des kints het. sund er enpfalß den hyrtē des künigs. das sie das kind in einen wald den will den tieren zefressen dar würffenn. Da kam ein hüntyn darüber vñd seüget es vñd beschirmet es vor andern tieren vñ fōgeln. Da ward es eyner hyrtyn gepracht. die müttert vñnd neret es. Dar nach ward es so mechtig. das es das grof babylonisch reich C das die iuden

gefangen vñd hingefürt het C zerstöret. vñ die iude ledig macht. Ite mā schreibet von dem verreter vnser herrn gleych des gleichen als obē gemelt ist von dem heiligen moyses. das er in einem kōblein auff das wasser geworffē. von einer künigin gefunden. an ey nes kintes stat erzogen sey wordē. auß dem die sunder grof trew bewert würd die vnser herr seinem künfftigen verretter vñ plut verkauffer bewisen het. weñ das selb war wer. vñd besunder dz er in zu gnade aufgenūmē hat. nach sölchen grossen vbelkätten die da gesetzt werden. als das er der künigin C die yn zu einem sun genummen vñ generet het C waren sun heimlich gemordet. seinen eygenen vater in seinem eigenen garten zutod geschlagen. vñd sein muter C wie wol er ir keines kenne C zu einer haupfrawen genūmē het. Sölche ding findt man von dem iudas geschriben. so aber sölch geschriffte verdacht vñ mit bewert ist. so baro ich nichts darauff. Aber dz vnser herr. seinen grossen feindē grof trew bewisen hab. das ist alle geschriffte bezeugen. Wer hat den glauben cristlichet durchrecht denn die rōmer. vñnd wer hat das rōmisch reich C der menschen halben gestiftet. denn die zwey zwiling rōmus oder romulus. vñd remus. wie die selben erneret seyn wordē. dz bezeugt die alt rōmisch mützt in irem geprech. da die zwey zwiling ein wölffyn saugen. Also stet noch heüt betag. ein cryn figur einer wölffin mit pil de zweyer kindlein zu rom vor de haup der beschirmer d stat. zu einer gedecktnuß. das die stifter der rōmischen stat. da ir anherr von dem reich verstoßenn. vñd ir muter lebendig vergrabē. vñd sy

wie der war liebhaber gehast ist worden

auch hingeworffen wurden das sie von den tieren gefressen oder verderbt würden. Da wurden sie von einer wölffin erneret. wiewol mā meint es sey figurlich geredet dz sie von einer wölffin gemütert synd. wordenn. wann des hirtenn haushfraw der sie gefunden. vñ d' haushfrawen zeneren heim getragē het. was also genent. wiewol sie fūst actia hieß.

In diser dreyvndfünfftzigsten figur. ist auch bedētet. die historia d' ernierung des vaters vñ stifters des geschlechts vñ dem die sarracen vñ ir verfürer der hinfallend machmet mit seynem falschen glauben her kummē. Das man dar bey merck. Das vnser herr nit allein den guten trewlich beysteet vñnd sie neret. sunder auch die bosenn. die er doch vñ ewigkeit kenneet hat. dz sie sein feind würden werden. als denn die sarracen schir bey neunhundert iarē. feind des criste glaubens seind gewesen. die von dem greuliche ismabel iren vrsprung her haben. Des muter abrahams mayt vñd haushfraw was. von dem sie yne enpfangenn het. Da ir aber nach dem gebot gottes der heilig Abraham vrlaubt het gegeben. mit irem sun. vñd sie ward irr in der wüste. vñ het dem kind nichts

mer zutrinken zugeben. vñd warff es von ir vnter einen baum. vñd gieng cynes pogenschuß weit von ym das sie es nit sehe sterben. vñ ward inniglich weynen. Da rüft ir ein engel von dem himel vñd sterckt vñd tröstet sie. vñd zeigt ir einen prunnen. vñd hieß sie das kind nemen vñd zihen. vñd verhieß ir dar zu grosse ding. von dem kind. Vñd dz ist als obengemelt ist d' das kind vñd dē die ysmahelischen od' agarenen. die sich sarracen nennen mit irem falschen propheten machumet her kummē. die in d' geschriffte von dem vater ysmahel ysmahelite. von der muter agar. agarenen genēt sind. aber so sie sich d' muter die ein mayt was geschemet haben. so nennen sie sich nach der freyē frauē des grossen patriarchē abrahams die sara hieß. Das als vil als ein fürstin d' sarracen. Vñ das sind die. dy yetz so mechtig in der werlt sind. in der vnglauben vñd gesetz vil künigreich vñd die türcken getreten sind. Dise figur gehōrt zu dē ersten artickel des sibenvñdviertzigstē gegenwurffs. Das vnser herr nit allein den guten. sunder auch den bösen vñ vñd getrewen getrew ist.

Die dreyvondfunfftzigst figur



Die vier und funfftzigst figur



Wie cristus verkaufft ist worden

Hie in diser vierondfünffzigisten figur. Tregt der verreter vnd verkauffter vnsern herren sein verreterey an. vñ brüt den bischoffen den herrē als einē leichtgültigen eignen knecht od̄ ein viñ vñ ein schnd̄des gelt scyl. vñ verkaufft den vnſchertzberlichen herrē aller ding. Des eigē knecht künig vñ keyser vñ alle herren ſind. vñ dreyßig pfennig. Vnd diſe figur gehöret zu den andern artickeln des ſibenondvierzigſten vñ achtvndvierzigſten. vñ auch des. c. l. vñ gegegenwurffs.

Der. xlvij. gegenwurff.

Von der trew vnsern herren.

Der herr. der den verreteryschen menſchē. die dem gotz feind vñ verreter. dem teufel wider got angehängt ſind. vñ durch des teufels argliſte. verfürung vñ betriegung. in ſchuld. ſchād. vñ ſchaden gefallen waren. ſo trew geſewen iſt. dz er ſie doch mit der boſheyt halbē irer vntrew. ſunder als gottes creatur vñ wercke. mit dar ſtreckung ſeins leibs vñ lebens. von der ſtraff vnd peyn ſölcher verreterey. widerumb erledigen wolt. Item d̄ herr. der den vngetrewen iudam. von vilferligkeit. vnd nöten verſchults tods C als man in etlichen eüßern ſchriftē liſet C erlöſet. zu gnaden auffgenommen. vñ darzu in den ſtand vñ würdigkeit. der heiligen zwölffbotē erkorn. vñ auch vber alles das. das d̄ herre ym mit andern. in gemein bewiſe vnd verliſe. ſündlich einē ſchaffer vñ verſeher ſein vñ ſeiner iungern gemacht. vñ die vntrew ſeiner dieberey. die er vñ ym weſte. gütlich verſchwigē vñ geduldet hat. alles vmb des willen. das der herr yne dardurch. zu lieb vñ trewen. vnd zu

widerkerung von ſeiner boſheit bewege möchte. d̄ ſelb getreu herr. iſt vñ dem ſelben iudas. ſeinem erweltē iunger. ſeynem gewürdigten zwölffboten. vñ ſeiner erkornē ſchaffer. vñ verſeher. felſchlich verraten. in die hend ſeiner grymmigen tods feind dar gegeben vñd auff die fleiſchpanck. verreterlich geantwort worden. Als das in der figur da iudas mit den bischoffen. die verreterey antregt. entworfen iſt.

Der. xlvij. gegenwurff. Wie vnser herr vmb ſo ein ſchnd̄des gelt verkaufft iſt worden.

Die vñerſchöpflich mißgelyt. die vnſchertzlich koſtberkeit. der. der allein der recht war. weſenlich herr iſt. dem alle menſchen. fürſten vnd herren. künig vñd keyser. vñd alle andere ding von not eigenn zu ſtehen. der iſt von dem. der ym tauſenfeltiglich verfallen was. zu dem ewigen tod. oder war zu erwolt. vmb ein ſölch ſchnd̄des gelt. als vñ dreyßig pfennig. ſeinen ſunderlichē eigenen. manigfeltiglich. verfallnen knechten verkaufft. vñ vbergeben worden. Wer möchte ergründen die tieff. od̄ begreifen mit hohen gedencen. die endloſenn grōße der vngerechtigkeith diß kauffs. vñd verkauffs. da der. des alle ding nach rechter eigenschafft von not wegē ſind C wann ſie möchte mit weſen ſie werē dan ſein. on ſeinen willē vñ gewalt. wer nye ichts worden. on ſein auffenthaltung belib nichts. on ſein gebennhet nyemāt ichts. on ſein gütigkeit wer nyemant wol. on ſein erleuchten geſche nichts. on ſein lere kōnd man nichts. on ſein furen möchte nyemand recht geen. on ſein regiren vñd mit wũrcken. möchte nyemand recht thun. on ſein erkentnuß

Wie cristus verkaufft ist worden

wer nyemant weyß. on sein liebe ist nyemant gerecht. on sein gehorsam nyemant tugentsam. on sein gnad vnd hilff. verharret nyemant in dem gutem. on seyn nyessen ist nyemant selig. von dem alle ding sind. an dem alle ding hangenn. in den alle ding geordnet sind. in dem alle ding bestee. als sant Augustin spricht von seine verkaufften schuldige. schalt hafftigē knechts knecht. seines gleichen mitknechte. so vmb ein schnöds gelt. gegenn dem weder himel noch erde zu achten sind. verrate vnd verkauft wirt. wie ein ketzlicher symoneyer. od̄ zeistlicher wucherer. ist der vnseelig iudas gewesen. der nit allein dz heylig plut vnd fleisch cristi C das ein sunder werck der gnad des heilige geists. vñ ei geweihtes geheiligtes fah. ein lebendiger tempel der heilige dryfeligkeit. in dem die völe der gottheit leiplichen wonet. Ad Colosen. ij. was C sund auch die wesentlich heiligkeit aller heiligkeit. die persō des suns. auß dem der heilig geist. der heiliger aller heiligenn ding fleisset zc. verkaufft hat.

In diser fünffundfünzigsten figur. Macht der künig von babilon mit namē Euilmerodach. den künig vō ierusalem mit namē ioachim nach. xxvj. iaren seiner gefengnus ledig. vnd tet ym erliche kleider an vñd erhöhet yn vber an der künig. die bey ym zu babilon wonen. vñ setzt yn an seine tisch. das schickt got d̄ herr darvñ dz er seinem prophe-

ten ieremie gefolget het. vñ het sich dē künig Nabuchodonosor on widerstad ergebē. Vnd dise figur gehört zu dem erste artickel des. xlix. gegewurffs. das cristus ein ledigmacher der gefangē ist. Als er disen künig ioachim C d̄ vō seynem künigreich das er het in dem iudischen land gen babilon gefürt vñ in ein kercker gefangē gelegt was wordē C ledig macht. als er auch seinen vranherrē künig manassen C d̄ doch gar ein grosser sūnder was gewesen. vñ von des selben wegē auch gefangen in keten vñd plöcken gen babilon gefürt. da er rew für sein sünd het vñ in engstgig seiner gefengnus gott den herren anruffet C nit allein ledig gemacht. sunder auch widerumb in sein ere vñ reich gesetzt hett. Also het er dē patriarchē ioseph in egip ten land mit allein auß der gefengnus des kerckers erlöset. sunder auch einē regirer vnd fürwesser des gantzen künigreichs gesetzt. Also erlediget er dz gätz volck der kinder israhels auß d̄ gefengnus des künigs von egip ten land. Vnd darnach oberlang. da die iuden vō dem künig Nabuchodonosor vmb irer sünd willen. auß irē land gen babilon gefürt waren worden. da bewegt gott der herr den großmechtige künig der persier C iurum. das er wider den babilonischen künig Balthasar. die grossen stat babilon belegeret vñ gewan. vñ den künig tötet vnd macht die iuden ledig vñd gab ynē freyen vrlaub heim in ir vaterland zu ziehen.

Die funffundfunfftzigst figur



Die sechszundfunfftzigist figur



Von der erledigung des volcks israhels

Dise sechßvndfünffzigste figur. gehört zu dem neunvndvierzigstenn vnd zu dem hernachfolgenden fünffzigstenn. gegenwärtig. Der ersten articckel halb.

Der neunvndvierzigst und fünffzigst gegenwärtig haben figuren. Darumb bedürffen sie etlicher auflegung.

Der neunvndvierzigste gegenwärtig. Des ersten articckels halb. Das der herr ein ledigmacher ist. & gefangen. ist begriffen vnd bewert in der vor-geenden fünffvndfünffzigste figur. Auch wirt er begriffen vnd bewert. in dyser sechßvndfünffzigstenn figur. Da der herr das israhelisch volck erlediget vñ de gewalt des künigs pharaonis. vñ von dem herten langē dienst der egipcier. dauon steet geschriben exodi am vierzehende capitel. Da der künig von egiptenland. den kindern von israhel. als den flüchtigen nach eylet. dz er sie wolt fahen. vnd wider vntter seynen gewalt. zu hertem dienst zwingenn oder töten. vnd er ergreiff sie an einer gegendt. Da sie weder hinder sich noch für sich mochten. von meeres vñ wüste. vnd feind wegen. Also das sie verzwey

felten. Da sie den künig mit dem reißigē zeüg. mit wagenburg vnd allem seinem heere sahen vber sie kummē. vñ schryen zu got vnd clagten. wider moysen. vnd forchten sich als die. dy yetz sterbe müßten. vnd nit entriemen möchte. Da erhub sich der engel. Der ynen vortgieng. in der gestalt des wolckens des tags. vñ in d gestalt einer feuren scüle des nachts von de fordern ort da er ynen vortgiēg. vnd stund zwischen sie. vnd das heer d egipcier. vnd was die scül gegē den kindern von israhel liecht. vnd an dem andern ort. gegen den von egipten finster. vnd hindert die von egipten. Das sie die gantzenn nacht nit mochten zu den heßbreychen kummē. vnd die weil öffnet got der herr das meer. vnd entplöset den grund des meers. vñ derret den. vñ füret das israhelisch volck truckens fuß hindurch. Vnd da der künig von egipten mit seinem heer. hinnach eilet. da er trencket yne got der herre. mit allem seinem heer. Also machet er die iude ledig von der gefengknuß. von dem langem herten dienst. vñ dem gewalt des grymmigem wüttrichs. auch darnach hat er sie manig mal erlediget. vñ den wüttrichen die sie peynigten vnd engsteten zc.

Die sieben und funffzigst figur



Von der gefengknus cristi

Dise sibenvundfünfftzigste figur.
Der gefengknus unsers herren. gehört
zu dem andern articke des nehmendvis
ertzigsten gegenwurffs.

Der ander widerwertig articke.

Von der gefengknus des herren.

In der das. das d' herr die iuden
manig mal so gnediglich erlö
set vnd geleidigt hat. von irer gefeng
knus. vnd von dem gewalt irer feind. vñ
den sie getrücket. gezwungē. vñ geengstet
wurden. haben sie yne eben die selbenn
zeit als er sie erlediget het. ya in der sel
ben nacht. als er sie frey auß der egyp
tischen gefengknus führt. nach iare ver
retterlich. hinderleglich. bey nacht. so er
doch des tags. offēberlich. fridsamlich
vñ redlich bey inē w3. Itē geweltiglich
mit gewapneter hand. als einē mörder
gesücht. vngestümlich vñd fteuenlich
angefallen vñd gehalten. schmehtlich vñ
hertiglich gepundē. so er sich doch senft
mütiglich. vñd williglich. ynen gefagen
ergeben het. ou das yne alle creatur. nit
het mügen erreichen. Item sie habē yn
vbarmhertziglich zogen. vñ geschlept.
so doch die geschriffte spricht. das er sie
C da er sie von den feinden ledig. mach
et D in seinen armen getragen. vñ gleich

als seinen augapfel. bewart hab. Den
tronomie an zwey vñd treyßigstem ca
pitel. Durch disen articke. rufft gott
den vater an. das er dich ledig mache.
von den henden der hellischen böck. die
auf dein sel als die lewen in iren hölen.
auff den raub warten. vñd werden vber
sie. wen sie aufffarē wirt. fallen. als die
hungerigē wolff vber ei schafflein. vñ als
die greulichen rysen oder recken. erzür
nēt vber ein zwerglein. in dē kei macht
oder krafft ist sich zuweren. oder zuwis
dersteen. Also wirt dir geschēhē. es sey
denne das dir das verdienen. vñd krafft
des leidens cristi zu hilff künne. Darüß
so du erkennest C als du den billich er
kennen solt D das du die selben zeit sol
test von got verlassen werden. als du in
offt verlassen hast. so bit in das er dich
von deinen grymmigen feinden. erlösen
vñd sichern wöll. vmb des willen. das
sich cristus. von deinen wegen vñd für
dich. so gedultiglich vñd williglich. in
die hend seiner tödlichen feind. ergebē
hat. vñd opfer ym die vnuerdienten ge
fengknus cristi. für dein woluerschultē
gefengknus. Des gleichen thu auch. in
den vor vñd nachgeschriben gegenwürf
fen. das man es zu einem vegglichen in
sunderheit nit setzen bedürffe.

Die achtundfunffzigist figur



Von der engstigung cristi

Der fünffzigist gegewurff.

Dz d' herr vns auß engstē erlöset hat.
Er. der vns in engstē vnd nöten
 tröstet. vnn̄ einen weitten weg
 offt macht zeentrinnen. Der ist allenthal
 ben geengstet worden. Der erst arti
 ckel des. l. gegenwurffs. ist in der obge
 melten. lvi. figur. gnug bewert. Da got
 der herr den kindern vō israhel C Da sie
 an allen örten besteckt. vñ geengstet wa
 ren. vornen mit dem meer. nebe mit der
 wüste. zu rück mit den feinden C einen
 weg durch dz meer öffnet. vnd ertrēckt
 ir feind in dem selben meer das sie sich
 er vor ynen weren. Desgleichē wirt
 der selb yetz gemelt articke. auch in di
 ser. lviij. figur. bedeüt. Da got der herr
 die fürsten des auflauffs oder aufftur.
 die sich erhebt hetten wider moysen. vñ
 aaron. so erschrockenlich straffet vñ ver
 derbet. das sie. das ertrich lebendig ver
 schland. die hell verschlickt. vñ das feür
 gottes verprant. Das selb zu erclere ist
 zu wissen. das got der herr in der altē ee
 C Darumb das die von egipten land. die
 hebreyschen nye wolte ledig lassen biß
 got der herr ir erstgepornen sūn tötet C
 het geboten das die kinder israhels sol
 ten ym alle ir erstgepornen sūn opfern.
 vnd zu seinem dienst gebē. Darnach ver
 wandelt got der herr vō redlicher sache
 wege das selb gebot. vnd cignet ym ein
 gantz geschlecht von den zwölffenn zu
 C Das was das geschlecht der leuiten C
 für die erstgepornen. vnd hieß die erst
 gepornen sūn lösen. Der patriarch leui
 was caaths vater. caath was amrams
 vater. amrams sūn moyses. der was das
 haupt. ein fürst vnd hertzog des gantz
 en volks. vnd sein pruder aaron bischof
 vnd aarons sūn priester. vnd die fürne

sten vntter allen den. die got zu seinem
 dienst erwelet het. waren die. dy amrās
 sūn oder emklein waren. vñ chore d' den
 aufauff macht. was amrams nechsten
 vnd ersten pruders sūn. der genent was
 ysuar. darüb wolt er der best vñ oberst
 sein nach dem obersten fürstē moysen.
 vñ seinen bruder aaron. dar wider herē
 sie des iüngsten sūn vntter den vier pri
 stern mit namen hehsaphan. oziels sūn.
 der der letzt was vntter Caaths sūnen
 einen fürsten gemacht. ober das gantz
 geschlecht ires anherzenn Caaths. das
 verdros den Chore. vnn̄ macht einen
 anschlag mit andern zweyen ratherren
 mit namen dathan vnd abiron. vnd gab
 den selben ein. wie das sie billicher soltē
 das volk füren vñ regiren denn moyses
 vnd aaron. wann sie weren von dem ge
 schlecht des erstgepornen patriarchenn
 mit namē ruben. der israhels erstgepor
 ner sūn was. Darumb gehorte ynen dz re
 gimēt des gätzē volks billicher zu. den
 moysi vñ aaron. Also pracht er sie auch
 an. dz sie sich wid moysen vñ aarō auff
 richtetē. vñ gieng darauf dz sie hertzog
 gen vñ regiren des gantzen volks. vñ er
 oberster priester vñ bischof würd. Dar
 vñ strafft sie got als vor gemelt ist. dz
 die erd sich auff tet. vñ verschlād dē da
 than vñ abiron mit hauffrawē vñ kin
 dern. vnd allem dem das ynen zugehört
 ir zelt vnd was daynnē was. vnn̄ das
 feür verprant den chore vnd dritthalb
 hundert fürnemer mēner. die er auffge
 triben vnd bewegt het. das sie sich des
 priesterlichen ampts vntterwindē soltē.
 dz tet got d' herr darüb. das er die pries
 ter sichern wolt. dz nyemāt mer sie ge
 törtst engstē. od sich wid sie auffrichten.
 vnd sie bekümmern.

Die neun und funfftzigst figur



Von der engstigung cristi

In diser neunvndfünfftzigsten figur. Wirt vnser herr vnter dem falsche rat der iuden geengstet. Wann sie vmb stundē yn. sie fragte yn. sie suchte zeug nūß wider yn. vnd gaben falsch zeugē nūß vber yn. sie beschwure yn bey dem lebendigen got vnd nötigten yn. zever iehen das. Durch das sy yn von dem leben zu dē schentlichen tod des creützes wolten pringē. Vnd dise figur gehört zu dem andern artickel des fünfftzigsten gegēwurffs. Wiß das. dz er sie alß oft auß grossen engsten erlediget hat. als der fünffvndhunderst. vnd sechst vnd hunderst psalm ynnhalten.

Der ander artickel des fünfftzigsten gegenwürffs wirt begriffen in diser figur. die der gemeinen vnd fürderlichsten figuren. des leidens cristi auch eine ist.

Wie die iuden vnsern herrē in irem falschen schalkhafftigen. vnd vntrewē rat geengstet haben.

Wider das. das d̄ herr die priester. vnd öbern der iuden. vnnnd auch in gemein die iuden. erlediget hat. von den. die sie geengstet haben. haben sie yn geengstet allenthalben. vnter yne in irem rat. als dauid spricht. Psal. xxi.

Der rat d̄ bösen oder bößfeurigen. hat mich vmbfessen. mich haben vmbgebet vil kelber. die feisten stier habenn mich vmbfessen xc. Job am sechzehenden capitel. Got hat mich beschloßen. bey dē vngerechten. vnd hat mich den henden der vnmiltē gegeben xc. Sie habē yne geengstet. mit irer arglistigen. neydigē. zornigen. hohmütigē. grymmigen. bößhafftigen. menige. Mit hinderlistigen fragen. vñ auffmerckung. Mit nötting zu antworten. das sie yne in seinen wortē möchten begreyffen. Sie habē yne geengstet. mit falschen zeugen. mit geweltigem vbernöten. mit beschwerung bey dem lebendigen got. Vnd mit dem selben. hat er sich vmb der lieb. vnd ere willen des namens seins vaters. lassen nötigen. vnd zwingen. zeveriehen das. Durch das sie yne. zu dem tod meinte zepringen. das was. das er veriaße. dz er christus. des gebenedeyten gottes sun were. Also haben sie. sein milte getreue vnd gnadereiche sel geengstiget. Aber wie sie yne. seins zarten heiligen leybs. vnnnd seiner innckfrewlichen synn halb geengstiget haben. das merck auß dem gemeinen passion vnser herrē. den mā gewönlich prediget.



Von der vnbillichen fuffurung cristi

Dise figur gehöret zu dem ersten artickel des einundfünfftzigstenn gewurffs. In wie grossen eren vnser herr solt gehalten sein worden. als hernachvolgt in d' auflegug diser figur.

Der einundfünfftzigst gegewurff wie die heiligkeit ist enteret worden

Die heymlich yinner heyligkeyt. Ist zu vnsern geöffnet vnd einplößet worden.

Die auflegug des ersten artickels.

Da der erztengel gabriel. der werde iunckfrewlichen miter vnnsers herren. Die keuschen heiligen empfangen vñ die frölichen gepurt. desselben vnser herrs kints. von dem heilige geiste in ir. vnd auß ir. künfftig verkündet. da sprach er vntter andern wortem zu ir. Das auß dir heilig geporn wirt. das wirt gottes sun geheissen zc. Das heilig. sprach er. vñ mit der heilig. zu bedeutung das er die wesenlich heiligkeit vñ heiltum ist. Sol man nun ander heiltrib mit anrürn. mit sehē. noch entdecken. dan mit forchten. mit grosser ere erbietung vnd andacht. anbeten. vnd auch mit solcher weis getar mā etlichs mit entplößen oder bewegenn. als oft bewert ist worden. wann etlich die der heilige gepeyn bloß gesehen haben. sind geplagt worden. vnd eins gehen toda gestorbe. als sant Gregorius schreibt in dem register. vñd man liest in der translacion sant Stephans. von sant laurentzen gepeyn zc. mit was grosser andacht. zucht vñ ere erbietung. solt man dan cristū gesehen haben. der der wesenlich gott ist. so man seiner knechts knecht. toten gepeyn entplößet mit getar sehen. Dis heiligkeit cristi. ist begriffenn in dem

öbern teyl diser. lr. figur. Da moyses vor dem prinnendenn busch anbettend knyet. wann der. der moysen erschein. in dem liechte buschs. was ein engel. Act. am. vii. ca. doch in d' person gottes. Vñ gepot moysi. das er ym mit nahne. sund die schuch abziehē solt. wan die stat da er stünde wer heilig. Exodi am. iii. capi. Vñ moyses getoilt den engel mit ansehen. sunder er verbarg sein angesicht.

Deshgleichē wirt sie auch begriffen in dem vnttern teyl diser figur. Da d' engel dem iosue. moyses nachfolger. in dē regiment erschein. das iosue vor ym für sich nyder fiel vnd sprach. woz redt mein herr zu seine diener. Da sprach er auch. Zieh ab dein schuch. wann die stat ist heilig dar an du steest. Josue am. v. cap. O sind die stet da die engel erschynen sind. also gewirdiget vñ geheiliget worden. Wie solt man denn den menschen geeret vnd gewirdiget haben. der selbs wesenlicher got was. Desgleichen die arch gottes solt nit bloß angerürt. noch gesehen werden. auch von den wigigisten vntter den leuten. die doch die ner des tabernackes waren. vnd solten die gefes desselben. als dē guldē leuchter. mit den sibē lampeln. den guldenn tisch. den guldenn altar des weprachs. vnd desgleichen. mit aller zugehörung als die darzu geweiht warenn. tragen. Dannocho woz ynen bey der pen des tods verboren. das sie es bleß nit sehen soltē es wer den zwifeltig. oder dryfeltig be deckt. vnd eingewickelt. der menner von bethsamis. wurden fünfftzig tausent. das ist. souil treffenlicher. das man sie für so vil möcht geachtet haben. des gehen tods geplagt. d' rumb. das sie die arch gottes ploß angesehe herē. j. Reg.

Von der vnbillichen furfurung cristi

vj. Da die priester die arch gottes durch den iordan solten tragen. Da gepot ioseph. Das das volck bey zweyen tausent ellenpogen weit. nit zu der arch nehmen solt. Josue am. iii. ca. Da got auff dem berg synay. die. x. gebot geben wolt. Da gepot er durch moysen dem volck. Das sie sich von eelichen wercken enthielten. vnd ire kleider wuschen. vnd sich drey tag bereitten. vnd keiner dem berg nahen. noch seinen ort anrüren solten bey der pen der versteinigung. vnd der auff dem berg in der gestalt des feüres erscheyne. was ein engel in der person gottes. mit got selbs. sunder gottes diener. Muß man sich dann also zu der gegenwertigkeit eines botten vñ dieners cristi. von ferrem bereitten vnd in solchen forchten steen. so gedencke wie man sich gegē dem gehalten solt haben. der wesentlich selbs got ist. Irē solt mā nun die ding. die allein figuren vnd zeichen des herrē warē. als die arch. zu der nye mands genahnen getoist. denn allein d̄ fürst der priester. d̄ bischoff. ein mal in dem iar. mit grosser solemnität. herrlichkeit. heiligen cleidern. sundern opferm. vnd andern umbsteenden. also verbergen. bewaren. eren vnd in heiligkeit halten. als künig dauid. zu ere der arch gottes den tempel den er lieber selbs gepaut het. seinen sun salomon zebawen furgabe. vnd hundert tausent zentner goldes. vñ tausent mal tausent zentner silbers dar zu. j. Paralip. am. xxi. vñ ander materi. der gewicht kein zal w. vor vile der menige opfert. vñ ordinirt. acht vnd dreyßig tausent diener vnd leuten dar zu. In welchen eren solt man dē herren gehalten haben. der die lebendig wesentlich arch gottes was. nach dē. d̄

man an ym aufwendig sahe. vñ nach dē das er rō inwendig z̄glauben vñ in d̄ warheit w. warer got. der ob dē engel mit rō geschlagne gold gemacht. sun d̄ ob den himlischen verstentlichen. hochschwebende. veststeenden. sicher ruende clarscheinenden trönen. vnd cherubin sitzet. mit was liebe. andacht. ere erdientig. demütigkeit. hertzlicher frewd. vñ danckbarkeit solt man yne gesehen. gehöret. vñ angerüret habē. so er sich auf liebe. zu dem mēschē. aufgnadereicher senfftmutigkeit. dē mēschē vñ irs heils willen. so gemeinsam vñ lieplich machet. Das er sich die gepredienhaftigen. die sündler. die unreine. die mit vnter dē leuten wonē soltē. lieb anrüren. vñ rürt an die teufelhefftigē. die todte. vñ alle ley predienhaftiger mēschē. das er ey nem yeglichem helffe nach seiner notdürfftigkeit. vñ so er sich so gemeynlich yederman nütz machet. so merck. mit w. fleisch. vnd sorgfeligkeit man yne solt bewart haben. vñ besunder die iuden. die einen besundern fleisch heten zuerberge vnd zubehüten ir heilum. vnd tet ynen vber alle d̄ig wee. als iosephus schreibt. weñ ir heimlich heiligkeiten. den heiden endeckt vnd geöffnet wurden. Wie solten sie denn den herren. der ynen alleyn gesant was. als er selbs sprach. bewart. behüt. vnd versorget habenn vor den fremden. vñ allermeist vor den römern. die vber sye geweltyg vnd dar zu heyden waren. vnd mochte yne ynen mit gewalt nemen. als sie zusichtenn heten. nach irer volkommenheit zerechnen.

Die einundsechszigst figur



wie felschlich der herr

In der vorgehenden. lxx. figur. Wirt vnser herr für den plutrichter pylatū gefürt. vñ vō dē geweltige der iuden vor ym felschliche verclagt. Vñ gehōrt zu den andern articeln des. lxx. vñ. lxx. gegē wurffs. d̄z die heiligkeit offenerliche vor der heidēschafft enteret vñ beschemet. vñ die tugēd die nyemant gnug loben mag. ist gerügt gescholten beschuldiget vnd angeclagt worden.

Der and̄ articel des. lxx. gegēwurffs. Vñ der fürfürung vnser herren.

Wider dasselb. d̄z die iudē nach irer gewonheit. den herren. als d̄z hōchst würdigest heiltū. verhūt. bewaret. vñ on grof ere. andacht vñ anbeten nit sehe. oder anrūren getürren habenn soltē. habē sie yne. mit vngeweichten vn̄ kēischē. heidnischē. sündigē. hendē freuenlich. vnzüchtiglich. wüstlich. freisamlich. freidiglich vnd schmechlich an gefallen. gehaltē. gepunden. gestoffen. gezogen. geschlagē. vñ beschemet vñ wie sie yne vormals in der eintheit als bald nach seiner erkētnis vor dē plutdurstige würrich. herode geoffebart vñ verratē hetē. also fürten sie yne in seinē leidē nach dē als sie yne nach vnzelichē guttaten gefangē. vnd felschlich des tods schuldig geurteilt hetē. für den heydnischē plutrichter. da er vor aller meniglichem. der eren. der cleider. des leibs. zu peyn. zu scham. zu schandē. in d̄ geislig. vñ in d̄ creützigig. entplōfset ward vñ darvñ. d̄z sie die heilige mēschheit vnser herren also zu vnren. geöffnet. beschemet. vñ entplōfset habē. so hat gott der herr. billich vber sie verhengt. d̄z al̄le ir heimliche heiligkeit. d̄ sie sich vberhuben. vñ in die sie tödlich hoffetē. den heidē geoffenbaret. verratē vnd hinge

geben. als bey der zerreyßung des vn̄hangs. der ir heiligkeit bedeckt. in dem sterben christi bedētet. vñnd darnach durch tytū vñ vespasianū. zu rom offenerlich in irem triumph. beweiset ist worden. als Flavius iosephus in dem sibēden buch vō dē iudischē streyt schreibe vnd der schwebbog in latein Arcus triumphalis nebenn der newen maria zu rom mit seinē figurē in stein gehawē. bis an den heütige tag bezeugt. Vñ besdenck fürbas in einer sūm. das der herr dem. nach der gröfse. vnd menig d̄ würdigkeit. die in ym ist. die hōchste vñ grōfste ere erbietung gepürt. in so mancherley weis geschmecht. vñ billicher vnd gepürlicher eren. beraubt wordē ist. Dan̄n wiewol er der hōchst lerer der götlichen warheit was. so ward er doch für annā gefürt. das er von ym behoret vñnd gerechtfertiget würd. als ein verdachter vnd irrender in d̄ lere gottes. Welcher annas ein saduceus. vñ in dem glauben der iudē ein böser irrender ketzer was. als man auß dem. iij. vñ. v. capi. der geschicht der heiligen zwölff botē versteen mag. Merck was schmahheit. das. der götliche weisheit vñ warheit C die christus wesentlich ist C gewesen sey. das er vō einē solchen ketzer. verhōret vnd seyn er lere vñ iunger halb gefragt vñ geurteilt werdē solt. Merck da. d̄z der iuden meinūg gewest ist. den herrē ihesum. d̄ falscheit zebeschulden. vñ der eren der warheit zeentsetzen. vñ für einē lügner vñ irrendē ketzer zebeschemē. Also lerne auch ergründē vñ bräusen w̄z schmahheit in den andern fürfürūgē beschloffen sey. vñ ob dir einfiele. d̄z die. dy den herren fürfürten diese ding mit so tieff verständen hetē. so gedenc̄ an dē grund

ist angeclagt worden

irs hertzen. von dem got & hert spricht. Jeremie an dem. xviij. capit. Verkert ist des mensche hertz. vnd vnersforschlich. wer wirt das erkenne. Ich bin der herre & die hertze erforschet. vnd die niern beweret. der ich eine yegliche gib. nach der frucht seiner sund. merck er spricht an dem ort. mit nach seine funden. fund nach & frucht seiner funde. du kanst dz mit laugne. sie habē yne auff das hōhst zuschenden begert. vñ daran allen iren fleisch geferet. als des die geschriffte vol ist. vñ die boßheit des grunds irs hertzen. ist schwanger gewest. alles neyds. zorns. hasses. vñ verfolgens gegē dem herre. Item sie sind listig. clug. gelernt. vnd geübt gewesen. in der boßheit. vñ vber das alles. hat sie der fürst vnd finder aller boßheyt. der teufel lucifer in der durchachtung cristi. sundlich gestribē. geführt. vñ geregirt. vñ & selb teufel der yn solche dinge ir haubt ist gewesen. hat dise ding tieffer vñ höher gemeint. den menschliche einfeltigkeyt begreifen. oder bedencken mag. Vñ dis hab für ein gemeine regel in dē leyden cristi. Bedencke dz du mit den tauseten teil der größe desselbē. achte. wege od ergründen magst. Wiß auff die materien zukūmē. der herr ist für annā geführt wordē zuuerhöring der ler halben. & ein ketzer w3. Item er ist geführt für Caypham. deßhalb das er yn verhorte ob er cristus & gesalbt gottes sun wer. in welche auch die hōhst priesterschaft beschlossen ist. Der selb Cayphas w3 ein symoneyer. wān er het das bischoff ampt gekaufft. Item pylato dē heiden. ward & herr fürgeführt zuuerhōm ob er der iude künig wer. Ite in herodi ward er fürgeführt als seine cigne richter des

lands halben. in dem. der herr empfangen vñ auffgezogen was worden. vñ & selb herodes verhört vnd versucht yne ob er ein heilig vnd widerwärtiger wer. der selb herodes was ein schaland iud. Item dem tözetē gepöfel volcke. ward er fürgeführt. das sie vrteilen solten. ob er oder barrabas zu dem leben zubehalten were. & selb barrabas was ein mōrder. vnd das volck taub vñ blind. als ysaie in dem zwey vñ viertzigsten capitel. got der herr spricht. Also kurtzlich bedenck. das der herre cristus zuuerhöring zu schmah zu spot. zu fahung. vnd zuuerurteilung. fürgestellt worden ist. einem argen ketzer. einem bösen symoneyer. vnd wucherer. einem heyde. einem verruchten schaland iuden. vnd dem vnweisen irrenden gepöfel volck.

Der zwey vñ fünfzigist gezeuwerff. Das die größe vñ höhe der tugent cristi nyemant begreyffen mag.

De tugent. die nyemant vollobē mag. ist beschuldiget. versagt. vñ felschlich angeclagt worden.

Der erst artickel.

Wiewol vil heilig mensche. in tugēden so vbertreffenliche gewesen sind. dz sie. von der natürlichen eigenschaft irer menschlichen geprechligkeyt. gleych in einen gotförmigen willen der tugēt gezogen sind worden. also das ettlich der tugent. irer keuscheit halben. wider die fleischlichen gelüst mit allein nit streyten habē bedürffen. fund sie sind vñ vnentpfindlichkeit wege der anfechtung. gleych vnwißed sollicher gelüst gewesen so sind ettlich in & tugent & stercke also befestigt gewesen. dz sie zu geduldung vnd erleydung yemerlicher vnd grausamer marter. schand vñ tode. vmb gottes

wie felschlich der Berr

willen nit allein nit erschrocken. sunder auch darzu begirlich. vnd nach dem gemüt. lustlich gewesen synd 2c. Ydoch so sind alle tugent 8 außserhalb der. die in cristo seiner sundern würdigkeit halben nit stat habē. als der glaub. Der dann in vngezeigten vñ vnerfarnen dingē steet. vñ in cristo seiner ewigē wissenheit halben. nit sein mag 7 mit allein am höchsten grad. in cristo gehauffet. sunder sie sind auch in yme. als in warem got ebenbildlich. vñ dēhalb. wesenlich. ewig. endlos. se. förmlich. vrsprung. vñ sachen aller tugent. die in vernünftigen oder verstantlichen creaturen sein mügen. Vnd gleicher weiß als nun nyemant. rechnē oder wissen kan. wie nyder die erde von dem himel oder wie ferre vō dem himel biß auff die erdē sey. er wisse dann vor. wie hoh von der erden an den himel ist. Also mag auch nyemant ermessen. wie tieffe. die demütigkeit christi ist. er begreiffe dan vor die höhe seiner würdigkeit. Vñ man mag nyemant die höhe 8 würdigkeit cristi begreiffen. er begreiff den die höhe der götliche maiestat. die aller creatur vnbegreiflich ist. Also wirt beschlossen. das die größe 8 demütigkeit cristi aller creatur vnbegreiflich ist. also ist es auch mit seiner gedult. Denn das vnrecht. dz cristus gelitten hat. kan nyemant ermessen. oder begreiffen. er begreiffe denn die größe seynes vnschuld. seiner gerechtigkeit. seiner gütigkeit. seiner miligkeit. seiner heiligkeit. seiner herligkeit. seiner guttetigkeit. seiner gnadenreiche liebe. seiner maiestat. 2c. Die alle tun zu größung. vñ beschwörung der schmachheit. die man den herren oft angelegt hat. in der er gedultig gewesen ist. Darvñ die größe 8 gedult

cristi. ist vnermesslich. als auch sein yetz genant tugent vñ würdigkeit vnmesslich sind. Darvmb hab ich es wol hie oben in disem artickele die tugent genent. die nyemant gnug loben mag. den was hie von der demütigkeit. vñ gedult cristi gesetzt ist. wie sie vnbegreiflich groß zu achten sind. also verstee auch vō den andern tugenden 2c.

Der and artickele des zwey vñ fünftzigste gegewurffs. Wie felschlich die falschen iuden. vnsern herrē angeclagt haben.

Wider das. das die tugēt cristi. so groß ist gewesen. so ist er nit allein. mit gelobt noch geert worde. von den iuden nach der größe seiner tugēt. so es ynen doch gepoten was in dē letzten psalmen. Lobend den herren in seynen tugenden. lobend yn nach 8 menge seiner größe. sund er ist auch lügenlich vñ felschlich. 8 allergrößte lasterlichsten vbeltat. mißhandlung. verwürckung. vñ vbertretung wider götlich maiestat. wider keyserliche maiestat. wid götliche recht wider römische recht. wid die warheit. wider einē gemeinen frid 2c. gezyge. an gezogen. vñ verklagt worden. als ob er der böst. vñ verlertest. aller vbelteter vñ bößwicht wer. Aber dz man firtzlich in einer sunn wisse. waryñ sie yne angeclagt habē. nach den ewangelisten vñ andern geschriffte. vñ haben yne nit alleine zu dē tod. sund auch zu schandenn wollen pringen. so merck. Sie haben in verleümet vñ āclagt. dz er ein basthart oder ein banckhart sey. 8 doch von dem heiligen geist enpfangen. vñ von 8 reynen ewigen iunctfrawen geporn was. Vnd wiewol die selb iunctfraw. vō dē edelsten. würdigste. heiligste. vñ selis

ist angeclagt worden

ersten geschlecht was. Das nach d war
heit auff der erden was. als auch ir ge-
spons ioseph. so ward doch d herr von
de falsche iude verleumut. Das er einer
zimmermennin banchhart wer. d in der
warheit gottes sun was. Er ward ange-
zogen. Das er sich für einen künig auf-
geb. so er ein zimmermā wer. so er doch
geflohen was. vñ hette sich verporgen.
Da yn dz volk sucht. vñd wolt yn mit ge-
walt zu einē künig mache. wan er was.
als er sprach. mit künē. zuherschē. sun
der zudiene. vñd zuleide. Sie beclagten
yne vor pylato. in irer falsche anclag. er
wer ein precher der feyrtag. durch den
doch alle heilige zeit. gewirdiget vñ ge-
mache ist. Sie clagte yn an. für einē zer-
precher des götliche gesetzs. für einen
abwender vñ d gehorsam gottes. vñd d
mensche. für einē verfürer vñ verkerer
des volks. für einē feind des römische
reichs. für einē widerspenstige des key-
sers. für einen auffrumacher. betrüber
vñ zerstörer eins gemeinē frids. für ey-
nen sachgeber. d vnschuldige. d vñuer-
schulter töd. Also loge sie in irer falsch-
en anclag. vor dē heidmische römischen
richter den an. d wider dise vorgemelte
lügen. allein dz gesetz. das wed sie noch
ir väter tragē mochte als sant peter
sprach Actū am. xv. ca. d bis auff den
letsten buchstabē volbracht hat. Mat.
v. durch des einige gehorsam. alle heilī-
gen gerechtfertiget werden. Ad Ro. v.
Der allein der rechte fürer des volks w3.
Deutro. xxxij. vñd lerer. ysaie. am. ij. vñd
liij. der zu dem ersten in seiner gepurt.
sich einē vntterthā vñ freünd. einē frid-
macher vñ vrhab des römischen reichs
bewisen het. Lu. am. ij. vñ auch die iude
darauff wise. Lu. xx. Math. xxij. Mar.
xij. vñ hat alle sach der zwitrechtigkeit.

teilug vñ feindschafft hingelagt. vñ auf-
gelöset. ad Ephe. ij. Colo. j. als er auch
fride in himel vñ auff der erde gestiftet
hat. als auch da selbst geschriben steet.
vñ dz lebē alle lebēdige gibt. ysaie. xlij.
Job. x. Machabeo. am. ij. buch ym. vij.
ca. vñ auch alle tote gebē wirt. Johā. v.
Item sie clagten yn an. dz er ein gottes
lestrer wer. vñ darvñ solt er nach dem
götliche geset3 sterbē. so doch kein hey-
lig. kei engel. ya nyemāt ye gewesen ist d
got sein ere. wid gebē. vñ für die vnere
der verfluchte got3 lestrer d iude vor ab
C vñ d got3 lestrug got der herr besund
clagt. ysaie am. j. vñ. v. ca. d vñd auch der
heidē gnugthun. dan allein cristus. d dz
vermügt. vñ vbergnugsam gethan hat.
Sie clagte yn an. für einē zaubrer. der
seine wunderwerck durch dē teufel zu
wege bricht. so er doch nach d mensche-
heit. mit dē heilige geist gätz erfüllt vñ
vñgebe. vñ nach der gotheit mitwese-
lich. d eins wesens. vñ mit dē vater der
vrsprug des heilige geists w3. Aber zu
befestigung desselbē pñctē. dz die iuden
vñsēn herrē d zauberey gezigē haben
nym ich zu gezeigē. die heilige mertre-
ryn vñ iuncfrawē. Cecilia. die dz offē-
barlich spricht. als mā findet in irer le-
gend. wer die gantz hat. Item die epi-
stel poncy pylati. die er dem keyser gen
rome schreib. Item die zeigēnis d sel-
ben geschriffte. in dem andern buch Ec-
clesiastice historie. Item die legend der
heiligē zwölff bottem. sant Peters
vñd sant Pauls. darynnen steet. dz sant
Peter begert. das man die selbē epi-
stel. vor dem keyser Nero lesen solt. vñ
da sie gelesen ward. da gab sant Peter.
als er vñ dē keyser gefragt ward. zeigē-
nis der selbē epistel. Itē sāt Eusebius
schreib t in dem obgemelte buch. dz der

wie felschlich der herr

Kayser Tiberius auß der gemelten ge-
 schrifft pylati bewegt ward. Cristum
 für einen gott auff zunemen. vñ bracht
 das auch an den römischen rate. das sie
 cristum für got solten aufnehmen. vñ da
 sie das mit thun wolten. ward er vneins
 mit ynen. vñ verfolgt sie. vñ troet auch
 den. die dy cristen rügen würden. als ter-
 culianus schreibt. Ober dz alles. ist die
 gemein red. opinion. vñ verläumung
 cristi vñ der cristen. vntter den vnglau-
 bigen heiden. die. als wir in den legēde
 vil mertrer finden. gesprochen habē. dz
 cristus. seine iungern. vñ die cristen zau-
 berey. od die schwartzē kñst gelert hab.
 dz dan zu erst einen vrsprung. od vrsach
 auß den falschem. lügenhaftigen vñ
 plinden iude gehabt hat. als wir an zey-
 gung haben. auß dem heiligen ewange-
 lio. da sie cristū zigen das er seine wun-
 derwerck durch den teufel tete. Math.
 xij. Mar. iij. Lu. xij. Joh. viij. Vñ so wir
 so clar anzeigung auß dem heiligē ewā-
 gelio haben. so verwundert vñ verdreiß-
 set mich ob yemants darwider ist. dar-
 umb das es dem passion nit an d stir-
 nen steet zc. Item noch mer möchte einer
 d vngelēbt in den historien wer. bewegt
 werden. der obgemelten epistel halben.
 darvñ das sie mit dem tyberio. sunder
 claudio intituliert ist. dem selbē gib ich
 dise kurtze antwort. das tyberius vnt-
 ter dem cristus gelitten hat. des ampt
 man pylatus was. wañ er het ync in dz
 iudisch land einē pfleger gesent. vil na-
 men het. als der grossen rōmer gewon-
 heit was. vñ vntter andern namen hieß
 er auch claudius. wañ er hieß claudius
 tyberius nero. etlich hießen yn zu spot
 biberium caldiū mero Calo suetonius
 schreibt oder liberū claudum mero zc.

vñ so er germanicus claudius tyberius
 nero hieß. so warē doch claudius vnt-
 ter welchen namē der brief vberschri-
 ben ist d vñ tiberius die gemeinestē na-
 mē. Aber gedēck wie ich die anlag. vñ
 d zauberey darvñ bewert hab. das sie
 beschēhe sey. wiewol sie in d beschrey-
 būg des leidēs cristi. vñ den ewāgelistē
 nit sundlich außgesprochenlich gesetzt
 ist. doch darvñ hab ich sie sund bewert
 wañ mich bedūckt als die glos die mā-
 cōtinuam nent meldt. das d sunderlich
 wōdsprochē werd. also möchten die an-
 dern. anlag vñlleicht auch bewert wer-
 den. ob mā sie anfechten wolte. darvñ
 dz sie. als ich oben gesprochen hab. dem
 passion nit vorñ an d stirnē steen. Irē
 ich hab die selbē anlag. vñ d zauberey
 nit gern vntterwegē wōllē lassen. wañ
 sie ist gar fast wō die cristeliche ler vñ
 werck. vñ ist doch cristus vñ sein gezū-
 gen. die heiligē mertrer d selben zaube-
 rey fast gezigē wordē. vñ hat d teufel
 durch den falschē won. vñ verläumung
 der zauberey alle wundzereyē cristi. vñ
 seiner heiligē. allermēist in den vnglau-
 bigē. hindē sich getribē vñ krafftlos ge-
 macht. vñ dē glaubē gehindert. Den wz
 wunderwerck beschahē mit dē merthern
 so sprachē die vngleubigē wūtrich. Es
 geschehe durch zauberey. vñ meintē mā
 solt nit allein mit den glaubē daran ha-
 bē. sund auch dz verfolgē. vñ außreutē.
 als ein schedliche teufelische fetzerey.
 Vñ also ist die frucht des lebēs vñ ley-
 des cristi. gar ser durch dise verläumung
 gehindert wordē vñ dēhalb cristo gar
 schwer vñ wō gewesen. Es was auch
 sund die peyn des tods. nach dem götli-
 chē gesetz darüber gesetzt. Exodi. xxij.
 Vñ wō zukūmen auß die materien.

ist angeclagt worden

Sie clagte dē herrē an. Dz er ein söcher
größer, obelteter wer. das er des aller
grimmigste festerlichste tods sterben
solt. D doch allein d ist. vō dē geschribē
steet. Es ist keiner d gutes tut. es ist kei
ner bis an einē. D allein. mit allein mit ge
sündet hat weder mit werckē noch mit
wortē. noch mit gedencē. sunder er hat
auch nit mūgē sündē. vō volkomenheyt
wegē seiner gutheit. heiligkeit vñ tugēt.
Die ym gleich als natürlich weselech w3
x. Vñ welche warē die. dy ym ancla
gten. Als ich obē gemelt hab. ketzer. sy
moneyer. gleichfner. verreter. felscher.
heiligen mō: d. platurkauffer. ya warē
gotz mō: d. vñ desselbē halb. hūdert tau
sent tod schuldig. dan tag vñ nacht hetē
sie darauf gedicht. wie sie dē herrē. der
warer got w3. mochte vō dē lebē zu dē
tod pringē. d yne als allē mēschē. D3 les
ben het gegebē. vñ wie vñ dackber sie im
desselbē waren. noch den was er für ir
sind bereit zusterbē. Diser artickel vñ
der and. des vorgeēden. li. gegēwurffs.
sind in d figur begriffē. Da cristus für
pylatū wirt gefürt. bey dē vorstee auch
die anclag. die mā nit. den mit geschrif
tē malē mag. so sie an dē wortē ligt. Di
ser gegēwurff ist vns gar not. D3 er vns
zu hilff kome. weñ wir für das gericht
gottes geantwort vñ gestellet vñ vō als
len creaturē. die wir mispraucht od bes
leidiget habē. angeclagt werdē vñ be
sünd vō vnsern eignē sündē. als geschri
ben steet. sapi. iiii. Job. xx. Ir eigē bōs
heit wirt sie dargebē od offenbarē. vñ
die himel werdenn die ungerechtigkeit
des gleichfners entdeckē. vñ D3 ertrich
wirt wid i aufsteē. Vñ allermeist wer
dē wir gerügt. vō vnserm feind dē teuf
fel. d d für dlichst aclager ist. Job. j. vñ

apoc. xij. Darüb so ere vñ bedēck. die ge
sult vnser herrē. das er also felschlich
hat verleumet. vñ angeclagt wölle wer
dē. vñ dar zu schweigē vñ sich nit verant
wortē. so er doch mit einē wort alle seine
anleger möcht geschweygt. gestümet.
geschent. vñ alle ir bōshheit. vngunst. red
vñ anschleg. wid die rōmer vñ pylatum
dē sie heilich sere feind warē. an dē tag
gelegt möcht habē. als er sie dan in yne
selbs beschemet het. da sie die eeprechē
rin vor i anclagte. Jo. viij. doch hat er d
warheit. die für yne w3. geschwigē. vñ d
die grossen endlosen lūgē. die wid yne
vñ für sein feind waren. vber ym lassen
fürgeē. D3 durch die falschē anclag. die
er gelittē hat. hinder sich getribē wurd
die war anclag. die vber vns beschehen
solt.

Die hernachfolgend. xij. figur. Ist
gesetzt zu bedeutung. D3 christus ein ge
meiner richter aller werlt. d mēschē vñ
der engeln. d lebēdige vñ tote ist. der nit
allein werck. wort. vñ willē. sünd die ym
nern meinūg vñ irē grundt ersucht. vñ
rechtfertiget. nit allein in grossen. sünd
auch i dē allerminstē sache. vñ gedācken
Hiervñ D3 er vō grossen obeltatē ange
zogē. besagt. gefragt. vñ zuuerichen ge
nötiget od auch mer C als ein grof teil
der verkertē indē begertē vñ vnuerhört
zū tod solt geurteilt werdē. Bedēck ein
yeglich mensch. wie widerwertig D3 sey
ner art wēre. der das allerminst obel in
den sitte. nit vngedüsset. die allermynst
vnordenung. nit ungerechtiget. das
allerminst gut. nit vnbelonet lasset. Vñ
dise figur gehört zu dem ersten artickel
des dreyvñd fūffzigsten gegēwurffs
das christus der richter aller richter
vñ die wesenlich gerechtigkeit ist.

Die zwundsechzigst figur.



Die drey und sechzigst figur



In d vorgehenden. liij. figur. Fragt
vñ verhört der rychter pylatus cristum.
Aber der herr verantwurt sich nit. so yn
doch die oberste der iuden stetiglich an
clagte. Vñ dise figur gehöret zu dem an
dern articke des. liij. gegenwurffs.

Der. liij. gegenwurff.

Der richter aller werlt. ist verhört
vnd erforschet worden. Die ge
rechtigkeit ist gerechtfertiget worden.

Wie vnser herre an dem vngerech
ten gerichte d iuden wider rechts form
vmbgezogen worden ist.

Ein kleine auflegung.

Der richter lebendiger vñ toter.
d richter aller richter. ist vor dē
gerichte seiner schuldige. wider gerichtes
form vmbgezoge wordē. dem alle rich
ter rechnung irer gericht gebē. vñnd zu
rechte steen müssen. der richter. vor des
weißheit nichts verporge mag sein. vñ
des gewalt nyemants aufgenomen ist.
des macht nyemant widersteenn mag.
vor dem C als yñ Job steet d die seüle
des himels piden vñ erschreckenn. zu
seinem winckē. der die künig abtrünnig
vnd die hertzogē böshwicht heisset. der
die weissen in irer weißheit fahet. oder
begreiffet. vñ verplent die wolgeschēde
der die weissen ratgebenn. auff ein eyse
od als di geschrift spricht C Job. xij. d
in ein törets end füret. vnd die richter
in einen twalin vñ vnentpfindenn. d die
gürtel. krön. vnd gezierd der künig hin
nympt. vñ vñgürt sie mit stricken. d die
priester zu scham pringet. vñ die mecht
igen nyd stürzt. d die lebßen d warhaff
tigē verwandelt. vñ die regirer der an
dern macht irrgeen. als die trunckne. vñ
dz ich auff sein erschrockenlich gericht
kime. vor dem sich nyemant gerechtfert

tigē getarr. wann d gerecht Job spricht.
ir. ca. ob ich mich vor ym. rechtfertigen.
vnd gerecht beweisen will. so wirt mich
mein eigner mund verdamnen. will ich
mich vnschuldig erzeigē. so wirt er mich
verfert bewerren. vor ym getarr nyemāt
für den andern gezeugtnis geben. als
Job an dem selbenn ort spricht. wann
auch der gerecht mag sich selbs nit ver
sprechen. vor dem alle redhafftigkeit er
stummet. alle crafft erschrickt. aller ge
walt erzittert. alle ere vñ schonheit sich
schemt. die vnschuld besorgt. wann auch
die himel mit reyn sind gegenn ym. die
stern erschwartze. die sun schemet sich.
wie mag denn der arm sündig mensch
besteen. vnd besunder die geweltigen.
mechtigen richter. die nyemant ober sich
haben. von den besunder sapi. vij. Salo
mon spricht. das ynen diser richter greu
lich erscheinen wirt. vñnd das allerher
test gericht ober die geweltigen künen
wirt. x. allermeyst die nit recht gerycht
habē. in solliches erschrockenlichs vrtel
waren die verfallen. die cristum für den
richter zu gericht stelten. wann sie hetē
vor him cristum zu dem tod verurteilt. ee
sie yne dem werltlichen römischen rych
ter fürbrachten. Marci. xiiij. vnd brach
ten yne dem heidnische richter für. das
er ir falsch vnrecht vrtel. mit d tat vol
ziehen vñnd verpringenn solt. Darumb
verdroß. die iude gar vbel. das pylatus
soul fraget. vñ nit als bald tet nach ire
bösen willen. Es verdroß auch pylatū.
das die iuden sein vrtel fürkomen bes
teenn. vñnd meinet so sie den herren ihes
sum verhört. vnd des todes würdig ge
urteilt betenn. so solten sie yne auch tō
ten. Solte er aber dē herrē zum tod vr
teylen. so wolte er yne auch verhören vñnd

ist furgefasset worden

Die sach wissen. warumb sie yn tod wol-
ten haben. Also bedenck nun. wie die vn-
schuld vor dem schuldige durch anlag
der meerschuldigen. die warheit. vor de
falschem. der anlag halb. der noch felz-
scher lügenhafftigen verreter ires her-
ren. vñgezogen worden sey. Vñ der die
allerminstenn sünd. in den gedancken
auch nit hat müge thun. der ist von den
grösten sünden in den wercken gefragt
worden. vñ der die allerleichteste sünd
in der gewissen ergründet. orteilt vñnd
nit vngestraft lasset ¶ wann im ist der
grund des hertzens bekannt ¶ der wirt
von schwern lesterlichen sünden. die nit
allein glimpf vñd ere. sunder leib vñ le-
ben. vñ den allerlesterlichste tod antref-
fen. angezogē. vñ der die gerechtigkeit
der götter zurecht fertige vñ zuurteilen
hat. Psal. lxxiiij. der wirt von dē bösten.
schönödesten. ergste. vñ lesterlichste indē
mit würdig. noch gut gnug geachtet. das
er auch in seiner sach. die leib vñd leben
antraffe. verhört werden sollt. Gedē-
denck wie schönöd der gegē dē. alles dz
in himel vñ auff erdē weseñde. nichtz ze
achten ist. von den seinen gehalten sey
worden. das sie wolten. dz er vnuerhört
verurteilt werde sollt. dz doch den frem-
den. den heidenn. der nichts von messia
westet auß der geschriffte. vnwillich be-
dauchte. Darnoch das du wissest. das
es ir meinung were. das er yne als bald
auff ire wort vnuerhört solte verurteil-
len. so merck das auß iren Worten. Wan
da er sie fragt. was anlag sie wider yn
fürten. da antworten sie zorniglich vñd
sprachē. Wer diser nit ein vbelter. so
hetten wir yne zurichte dir nit gegeben
Als ob sie sprechē woltē. Was fragstu
erst. woz zuspruchs wir zu ym habē. lasse

sich benügen. das wir. die wir so glaub-
haftig. so würdig. so heilig. so geweltig.
so gelet. so gerecht sind. dz man an vn-
serm orteil nit zweifeln sol. yne als einē
solchen dir fürzingen. Dar wider ant-
wort er auch gleich als auß vnwirsheit
nach etlicher auflegug. vñ i verweisung
vñd auffhebung weise vñ sprach. Eh. so
nēpt yn auch selbs hin. vñ richtet yn. als
ob er sprechē wolt. So ir so geweltig
seyet. dz ir yn zuuerhörn. vñ zū tod zuir-
teile habt. so richtet yn auch selbs. Vñ
da bey was auch zuuersteen. hettē sie
eins nit gewalt. so hettē sie auch des
andern nit gewalt. Also stach er sie wol-
cluglich. irer hoffart. vñmüglichkeit. vñ
gerechtigkeit vñ boshait halbē. Gleich
als ob er mit verdeckten wortē spreche.
Ir bischoff. die ir so heilig seyēt d wir-
digkeit halb. Ir phariseyer die ir so hey-
lig. vñ fürnē geschetzet seyēt. eurs geist-
liche lebens halb. Ir geschriffte weyset
die ir in dem götlichen geset. so gelet
seyet. ir saduceyer. die ir in d gerechtigt-
keit. so streng seyt. ir alten sibentzig rich-
ter des gantzenn volcks. die ir von dem
geset. von moyse her. ya von göttlicher
auffsetzung den gewalt habt zurichten
als die. in den. der geist gottes ist. mügt
dē gewalt habē. dē mēschē vnuerhörtē
sach zuuerurteilē. als die. dy da nit irrē
mügt. aber wir römer vñ heidē thun das
selb mit. Ir seyēt nach eür geschriffte göt-
ter. die dy heimlichen ding wissen. vñd
darvñ mügt ir nit irrē. aber wir sind mē-
schē vñ müssen vns der sachen erfarn.

Auß disem articke hastu zwey teyl.
Eins das pylatus den herren wolt ver-
hören. wann er het gern gesehē. dz sich
der herr verantwortet het. das er doch
nit thun wolt. darvñ dz sein leidē nit ge-

wie vnredlich cristus ist furgest worden

4

hindert wurd. wann er was seins sterbens begiriger auß liebe. auch für die feind. dan die feint auß neyd. Das ander. die inden wolten nit das man den herren fragen oder hören solt. wann sie besorgten. wurd er sich verantworten. als er dann on maß wol gekündet het. so gieng ir anschlage vñ mutwill hinder sich. 2c. vñ wiewol das in cristo C dē der vater alles gericht gebē hat. auch nach der menscheit. Jo. am. v. ca. als er es vō recht vō ewigkeit. nach d gotheit hat d grōßlich gefreuet was. das man yne rechtfertigen vñ nach form des rechtcen anziehen vñnd fragen solt. ob er diß oder yens. das man yn dan zyg gethan het. darynn dann diser artickel steet. so was doch der indē freuel. noch schmechlicher vñd unerlicher. die da wolte. das man den herren. vnuerhört allein auff ire wort C die doch offenbarlich erlogē waren d zum tod verurteilen solt. Doch hat cristus beides wöllen leidē. auff dz. das vns dasselb sein leiden zu hilff köme. wenn wir für sein streng. engstlich. vñd erschrockenlich gericht kömen. in dem man ym vō tausenten. der d mēsch gefragt wirt. nit eins mag verantworten. da wir rechnung aller vnserer wort vñd gedanken müssen gebē. so wir nit den zehende teil. vnserer werck zuberechnē wissen. wan darumb wolt cristus gefragt werden. vñ schweigen. gleich als ein schuldiger. der sich nit verantwortē

kan. das vns sein schweigē versprech. in dem strengen gericht seiner gerechtigkeit.

In diser vierendsechzigstem figur. Beschirmet der heir die armē sündern. die in dem epruch begriffen wz worden. vñnd solt nach dem gesetz versteiniget werden. vñd ward in von den gleichfner fürgeführt. das er vrtylenn solt. was mā mit ir thun solt. dar mit sie yn versuchen wolten. wz er dar zu sprechen wolt. das sie yn entweder vbertretung vñd widersprechung des götliche gesetztes zeihen. verleümen vñd rügen möchte. oder aber der vnmiltigkeit. herzigkeit vñnd vnarmhertzigkeit wider sein eigene leer. Aber wie er sie in iren eigenen gewissen geschendet. vñd das arm freuelin von irer hinderlag erlöset hat. vñ vor der verdampnus versichert das hat man in dem heiligen ewangelio Johānis. viij. Vñ wer kan nit mercken in was grosser scham vñd forcht die arm da vor dem herren vor allem volck des fast vil bey der predig des herren was C als sant Johannis melt d vñnd vor den hohferrigen gleichfnern iren anlagern stünd. Aber dz mit süß hertz christi mocht ir schand vñnd zittern nit lang dulden. das er sie nit sichert wider iren schrecken vñd tröstet wider ir leid. Vñd dise figur gehört zu dem erstem artickel des. liij. gegenwurffs.

Die vierundsechzigst figur

4



viii

Die neunundtreyssigst figur zum andern mal



wie vnredlich cristus ist furgesast worden

Der vierundfünfftzigist gegenwurff.
Von dem das der herr zum tod. vñ
der mörd barrabas zum lebē geheisset
ist worden.

Die miltigkeit ist zu dem gryn-
migen tod geheisset worden.
vnd der geber des lebens ist dem mörd-
dischen böswicht vmd berauber des le-
bens vñ stifter der aufrur nachgesetzt
worden.

Der. lo. gegenwurff.
Von den guttaten vnsers herren.

Die guttätigkeit ist verurteylt.
vñ verdammet worden. Dise
zwe gegenwürff sind begryffen in drey
en figuren. In der vorgehenden. lxiij. fi-
gur. Vñ in diser figur. Da cristus aller-
ley kräncken gesunt macht. Vñ dise fi-
gur lasse dir seyn als ein betrachtung.
Darinn alle wundberliche guttate cristi
möchte begriffen werde. Er erleuchtet
od machet die blinde gesehen die trü-
pel gerad. die behaffte von den teüfeln
ledig. die tauben gehörend. die stummē
redend. die sundersichen rein. die pettry-
sen vnd die gekrümpften. rychtet er auff.
Er speysset vñ settiget die hungerigen.
Der selbs zu zeitten hunger litte. als da
im der teüfel stein in der wüste zeyget.
Er trencket die durstige. er wendet alle
schmerzen. er weiset die irrendē. er trö-
stet die betrübten. er erfrewet die leidi-
gē. Er enthelte die vnttergeendē. er sich-
ert die forchtsamē. Er verspricht die an-
geclagte. Er beschönet die beschemptē.
Er beschirmet die angefochte. Er eret

die verschmehten. Er straffet die wüt-
trich. die verführer die verkerer zc. Er bes-
chempt die lestrer. vñ die schender. Er
erhöhet die demütigē. Er lert die einfelti-
gen. Er erweckt die toten. Dise vñ der
gleiche vnzelliche guttate. tet er in den
eüssern dingē. vñ an dē leibē vbet er in
vil mēschē tugētlische grosse werck. Das
mā auß dē selbē lernet erkennen das er
der behalter. heiland. vñ seligmacher dē
selen vnd des leibs wer. Auß barmher-
zigkeit vñ mitleidē der selen. macht er
die leib gesunt. dz mā durch die gesunt-
machūg des leibs kōm zu seiner erkent-
niß vñ liebe. in der die gesuntheit vmd.
dz heil der selen steet. Darinn steet die
miltigkeit. des aller süsten hertzen cristi.
dz er sich vñ vnsers ewigē heils willen.
so emssiglich. so vnuerdroßensich. so be-
gürlich. so hitziglich. in ynnern bewegū-
gen vñ begirdē seins gemütes. got seyn
nem himlischen vater. stetiglich durch
leid seiner verachtung. durch leid vnser
irrung. vnd anckberkeit. vnd manigfalti-
ger vbertrettung. durch leyd der vāters-
liche gerechtē vñ pilliche vnwürdicheit
vñ erzürnūg vber vnser vnauffhörliche
bosheit. durch leid. d vnwissenheit. vnd
vnachtberkeit seiner endlosen trew vnd
liebe. durch leid vnser grossen scheden
vñ penen. durch arbeit söllich schedē vñ
pen zuwendē vñ hinzelegē. vñ mit wey-
nen vñ demütiger gnugtuūg vnd opfer-
tūg seines steten ynnern vñ eüssern. ge-
genwertigen vnd künfftigē leidēs. auß
zeshöpfen. erbotten. dargestreckt. be-
wissen vñ gegengestellt hat. wan ym nit
allein dz. dz vor dē augē wz. sund auch
dz künfftig leydē. vō aussen in dē werckē
allweg ynnē in dem fürsatz vnd willen

wie cristus vnd barrabas

gegenwürtig was. Durch dē auch alles
sein lebenn. als ein steter tod. ya als vil
tausent tōd geweest ist. nach der weyse
als sant Iohannes Chrysostomus de
laudibus pauli oim prima. vō sāt pauls
vnd sant paulus selbs. j. ad Corint. iij.
schreibt. Durch sölliche innere bewegung
leid. leiden. vnd tun. Durch eüsser arbeit
müde. hertigkeit. mangel. abprechen. fa-
sten. wachen. predigen. umbgeen. bettē
weinē. Vñ in den selben seinen arbeitē
vñ obgemelten guttatē. nachreden. ver-
kerung aller seiner gutē werck vñ wort.
hinderlag nachstellung. neyd. haf. zorn
verfolgung. lestrung. vñ durchachtung
suldē. vñ sich dasselb alles nit hindern
lassen. sunder auch dasselb alles in vn-
ser heil. vñ auch zu zeitten in das heil d
selben die ym söllich leidē anteten ord-
nen. bedunckt dich nit. Das darynn die
miltigkeit des süßen hertzes cristi cler-
lich erzeigt vñ bewert werde. Vnd mil-
tigkeit wirt hie genomen für gut neyg-
ligkeit. oder gut bewegligkeit des hert-
zens. als wenn eins süßiglich bewegt
wirt. auß liebe vñ gunst zu mitleidē. vñ
zu erbernde eins andern in leiden. vnd
leide. vnd zu freuden in seinem gutem.

Die dritt figur ist beschlossenn in d
hernachfolgendē da pylatus den hert-
zen für vñ stelt für das volck. da auch
barrabas fürgehalten wirt. auff die an-
dern articel d obgemelten gegenwürff.

Wie so gar vnpillich. d herr cristus.
als das höbst würdigest gut. gegen bar-
rabam dem vaf der bosheit gestellet
ward.

Vn lere die augenn deyns ges-
mütz. zu dem allergröste wider
vñ der boshaftigsten. vnpillichkeit. d
gleichē vō anbegynne der werlt nye ges-

hört wordē ist. vñ sihe. wie dem iudisch
en gepöfel volck. gegen einander fürge-
stellet sind wordē. Das mit semblein ge-
gen dem reysendē wolff. Das zart reyn
vnuermaliget. gedultig scheslein. gegen
dem stinckenden bock. Die vnüberwind-
lich gutheit vnd tugent. gegē dem böß-
wicht. der heilmacher gegē dē schecher
der hert aller herren. der war künig als
ler künig. gegē einem schänden puben.
gottes sun. gegen des teufels sun. wan
barrabas. mit einem. r. geschr. ibenn ist so
vil gesprochen. als ires vaters sun. Wer
aber ir. Das ist. der iuden vater wer. Das
sagt der mund d warheit. Jo. viij. selbs
da er sprach. ir seyet auß dem vater dem
teufel. dz nach schlechte gutē teufschē.
als vil gesprochen ist. als der teufel ist
euer vater. desselben irs vaters sun wz
barrabas gegen dem des waren ewigē
gütigen gottes sun. fürgestellt ward.
Aber barrabas mit zweyen rr geschr.
ben. als mā den gewölich schreibt. vñ li-
set. so hat er aber die vorigē bedeutung.
in ym begriffen. wan es ist souil gespro-
chē. als ires meisters sun. vñ vō wem ha-
ben die iude dz gelernet. dz sie die lüge
für die warheit. vñ dē mō. d. für den er-
löser erwelet habē. den vō dē. vō dem d
herre abermals sprach. Jo. viij. Er was
ein mēschē rötter vō anfang. vñ ist in d
warheit nye gestandenn. Wenn er lüge
sagt. so redt er auß eigner art. Dann er
ist lügenhaftig vnd ein vater der lüge.
Das sprach der herre zu den iuden. nach
dem als er gesprochen het. ir seyet auß
dem vater dem teufel. vnd wölit eurs va-
ters begird volbringen. Das meint er.
als er danor gemelt hett. dz sie nye auß
haf der warheit. die er redet vñ leret. tō-
ten wolten. Das ynen eingegeben ward

gegen einander gehalten sind

von dem teufel. der darinn ir vater vnd
meister erzeigt ward. des sun barrabas
der boshheit halben was. als sein name
bedeut. Item betrachte. das der. durch
den himel vñ erde. vñ alles das darinn
ist. sichtbers vnd vnichtbers. keyser. künig.
herschunge. vñ gewelt. vntter dē en-
geln oder menschen. beschaffen sind. in
des vollem gewalt. ir leib. ir lebē. ir zeit.
ir glück. ir hab. ir wesen. vñ alle ding stū-
den. vñ steen. gestellet ward gegē einem
söllichē öde. vñ schndōdē ruffian. gegen
einē söllichē auffrūrigē schecher. der in
der heiligē stat. in d̄ heiligē zeit. vntter
einer söllichē grossen menige ein auff-
rur macht. da es so söriglich woz. dz leicht-
lich vñ ein er geringē sach willē vil tau-
sent mēschē möchtē vñkūmen. als auff
ein österlich zeit allein vō des roegē dz
ein heidnischē söldner den hindern ge-
gen dē iudē zu einē gespött entplōset.
mer den. xxx. tausent mēschē vñkūmen.
Als iosephus in dē andern buch von dē
iüdischen krieg schreibt. nun merck wie
verlich es wer. dz der mutwillig pub bar-
rabas an einē söllichē ort einē auflauff
gemacht vñ mozt gestiftet het. Vnd wie
schedlich sein leben was. so het er doch
nit geachtet. das vil tausent auch vn-
schuldiger vmbkōmē weren. Das er bey
seinem sündigen verferten vnd schedli-
chen leben. zu stiftung mer vbels belci-
hē möcht. Wo nun diser schndōd mitwil-
lig stoltz vñ aller meniglichē schedlich-
er pub gegē dem herren. vñ der herr ge-
gen ym. als ob er seims gleichen wer. dē
verferten volck auff freye wal. zu dē le-
benn oder zu dem tod. fūrgestellt ward.
wer künde denn achten. wie begirig der
schndōd pub seims lebens were. wie schet
sich schedlich. vñ lesterlich es auch was

Vnd wiewol die rettung seims vnwi-
digen. schalckhafftigen. heplichenn le-
bens. ein erleschung was des aller nütz-
zisten. gott würdigenn. lieplichstenn le-
bens christi. des ein stund. edler. besser.
vund kostperer. ya auch gott erlicher vñ
den menschen nützer was. denn das le-
ben aller menschem der werlt. so achtee
er doch nit. das söcher lebenn tausente
für das sein gegeben würdenn. das er
nur sein leben behielte. Herwiderumb
stund der herr. mit geneigte haubt. mit
nydergeschlagenem gesicht. mit zusamen
gelegten henden. mit seufftmütigē her-
tzen. mit ernsthafter vñ demütiger ge-
perd. mit gedultigē gemüt. mit schwey-
gendem mund. vund desgleychen. vund
als begirig. als der böschwicht barrabas
was. das man in. der doch ein mōdisch
er stoltzer schedlicher pub vund schalck
was. erwelte zu dem leben. für den vn-
schuldigen ihesum. also begirig vñ noch
begiriger woz auch ihesus. für die schul-
digen. der barrabas einer was. zu leide
vund zu sterbenn. Da ward die tugend
der boshheit nachgesetzt. vund der mō-
der für den getrewen. vorfichter. herrē
beschirmer. vnd geber des ewigen seli-
gen lebens. zu dem lebenn. vund ihesus
vñser ewigs heil. zu dem pittern tod er-
welet. also das sie sich nit lieffen benüt-
genn. das sie den mōrder dem herren
des lebens vund des tods. zu dem lebē
vorsetzten. sunder sie gūnnete dem her-
ren auch nit. das er ym nachfolget zum
leben. Also ist der künig der eren. vund
der herr aller tugend. dem knecht der la-
ster vnd aller boshheit. nachgesetzt wor-
den. das wir armē sünd. die in yne glau-
ben. auch den gerechten diser werlt vor-
gesetzt würdenn. Also ist die mistig keye

Wie sich cristus in den synnen

zu dem grymmigen tod. vnd die grym-
mig hertigkeit. vnmiltigkeit. vñ enbarm-
hertzigkeit. zu dem leben gezeuget.
Die gütigkeit verdampft. vnd verurteilt.
vnd der greulich manschlechtig vbel-
teter vnd mörder ledig gelassen worde
Doch dise walust den armen verfluch-
ten iude. in den busen gerunne. da bald
nach dem leide cristi ierusalem ir haubt
statt. so vol mörder ward. das man da
auch auff offnem marckt niendert sich
er was. vnd in solchen forchten vnd for-
gen. stund der mörder halbē. die mit sub-
tylen gegen leyen in dē gedreng die leut
erstachenn. das die getöten seliger ge-
achtet wurden. denn die. dy noch in sol-
chen sorgen lebten. Vñ was doch nye
mant. der ynē rat gebe. oder hilff thete
dann nach irer eigen wal. was ynē ihe-
sus das heil gestorben. vnd ir mörder
in leben.

Die fünff gegenwürff die hernach
folgen. geen auff. die fünff synn cristi.

Von den synnen vnseres herren in
gemeine. wie sich der herr. gegen vnsern
synnen gehalten hab vñ wie er in seinen
synnen in den er sich gegen vns lieplich
beuise hat. gepeymiget sey worden.

Wie sich der herr gehalten hab.
gegen den synnen der mensche
vnd wie man sich gegen seinen synnen
gehalten hab. bedenck zum ersten in ge-
mein. Er hat vnser synn. das ist kosten.
sehen. tasten. riechen. höre. vñ vmb d sel-
ben vnser synn willen. mancherley eigē
schafft. lustperlicher creatur beschaffe.
als vmb kostens vnd essens willen. mā-
cherley lustberlichs geschmacks. gefü-
gels in den lufften. tier auff der erden.
fisch in dē wasser. frucht. kreuter. obs.

Vnd zutrinken mācherley so süß ge-
trancks. als die wissen. die weit gewan-
dert haben. Vnd vber das. das die ge-
baut. oder vnggebaut erd bringt. hat er
dem menschen vernunft synn vnd witz
gegeben. auch künstlich speis vnd ge-
tranck zubereiten. das solchs kein zal
ist. Er hat zum dritte vnser synn gewir-
diget. gereiniget. geheiliget. vnd gesel-
iget. da er vnser synn als vnser natur. an
sich genomen hat. In welchen synne er
zum vierdenn. für die sünd. die wir. mit
vnsern synnen. leider begeen. vnd vol-
bringen. gnug gethan hat. vnd hat sich
der lustberlichkeit der synne. die er vns
verhengt mit wöllen. geprauchē. Er hat
zu dem fünfften sich selbst vns zu einē
gegenwürff vnser fünff synn wölle ge-
ben. vnd das zwiseltiglich. Zum ersten
hie in der zeit. den. die zu seiner zeit wa-
ren. zu dē er sprach. selig sind die augē.
die da sehen. die ding. die ir sehet. vnd
die oren. die da hören. Ich sag euch. dz
vil gerechte künig vnd prophete begert
haben zusehen. die ding. die ir sehet. vñ
habens nit gesehen &c. Mathei am. xij.
Luce am. x. capitel. Zum andern will er
sich nach seiner glorifizierten mēschheit
zu einem lustberlichen seligen ewigen.
gegenwürff geben allen synnen seynen
auferwekten in dem himelreich. als mei-
ster hanns vō Tambach schreibt. in dē
dritten buch. von den synnlichen wollü-
sten des parades. Nun auff die er-
sten weyse. als er sich hie in der zeit er-
zeigt hat in seinen synnen gegen vns. vñ
sünst in wercken. vnd Worten. in geper-
den. in seinem heiligenn wandel. gegen
vns. vnd sünd vnser synne halb. ist hie
kürtzlich zumelden. das man auß dē sel-
ben. vnd auß den egemelte sache allen.

gegen vns gehalten hat

mercken müg wie vnwillich. christus in seinen synnen. geschmecht vñ gepeiniget sey worden.

Der loij. gegenwurffe

User herr ihesus hat vber das das hie oben von mancherley speise vñ getrancke. die er für den müd des menschen bereit hat. gemelt ist. sich selbs dem mensche. der ein vernüfftige creatur. vñ zu der ewigē seligkeyt die in der bloßen anschawung der götlichen schōheit vñ in nyessung seiner süßigkeit stet d̄ geordnet ist zu ewigem heil. nemlich seine heilige fr̄leichnam. vnter der gestalt des weytzenn protes. zu einer speis. vñ sein aller kostpers plut. vnter der gestalt des weyns. zu einem getrāck der selen gebe. in diser zeit der pilgramschafft. vñ des ellends. in dem sacrament. in dem die süßigkeit gottes von den andechtigen menschen. gleich als in irem vrsprung. versucht vñ gekostet wūrd. in dem man alle wollüst. vñ aller süßigkeit schmackhaftigkeit sine Extra. de reliq. et vene. sanctorū. si domini in clemen. da findt man wie groß die miltegebigkeit vnser herren in diesem sacrament zeachten ist.

Der widerwertig artickel.

Ider dass elb. habe sie dem herren. in seiner grōsten not. vñ in seinem engstlichen durst. einen wassers trinck nit wōllen gūnnen. sunder sie haben ym auch gallen zu einer speys. vñ essig zu einem getranck gegeben. da er an dem creutz hieng. vñ sollichen grossen durst līdt. das kein mensch grōßern durst ye gelittē hat. das geschahē zu einē gespōtt. als sie ym cemals weyn mit mirrach vñ gallen gemischet. gegeben hetten.

Der loij. gegenwurf.

Wie sich der herre gegen den menschen des gesichts halben. gehalten hab
Edenck auch wie lieplich. barmhertziglich. hertzinbrünstiglich mitleydenlich. vñ begirlich der herre die creatur. vmb der willen. er vō dem himlische vaterland. in d̄ ellend pamerthal. sie zū sūchen. kūmen was C vmb der willen. er so manche liechte zehet. auß seine clare süßen vñ liepliche augen vergos. vñ d̄ wille er manche kostbare schweißtropfen. in der arbeit. die er vmb sie. vñ für sie het. verrōret hat d̄ angesehen hab. wie freuntlich. wie gnadereich. wie wūsam. er sich dem gesicht. seiner liebhaber bewisen hab. Das erscheint in d̄ verclerig. auff dem berg thabor. da er sich so schon. so clar. vñ so maiestatlich den dreyen iüngern. sant peter. sant iohannsen. vñ seinem bruder sant iacob erzeugte. das sant peter keiner andern frewō begeret. dann d̄ er den herren allweg so gnadenreich möcht sehen. D̄ gnadenreichen anschens cristi. sind zeugen die heiligen ewangelisten. Lucē am sienden stet geschriben. wie d̄ herr sich erbarmet hab. vber die betribte wittwē. da er sie weynen sah vmb iren einigennun. den man zu dem grab trug. Vñ d̄ sich an. wie selig das leid. vñ die zehet in gegenwertigkeit. vñ in angesicht d̄ barmhertzigen augen christi waren. Dann gleich als er das leid. der traurigen wittwē nit geduldē od̄ sehen mocht. da benā er ir die sach ires vnnutes. vñ verwādelte ir groß leid. in grosse freud. vñ ir elagen in götliches lobenn. Des selben gleichen schreibt sant Matheus off. das der milte herre das volck geseghen hat. vñ hat sich erbarmet vber sie.

wie sich cristus in den sinnen

als vber die verlasnen. irrenden schaff.
die nyemant habenn der irer wartet zc.
Math. am. x. vñ. xiiij. sat marc schreibe
wie der herr eine iüngling. der die zehē
gepot gehalten het. anfab vnd lieb het.
Marci am. x. Sab der herr den iungen
fürsten so lieplich an. der die gepot ge
halten het. zu einem zeichē des wolge
fallens das er hat in der gehorsam vñ
haltung der gepott gottes. wie lieplich
meinstu. hat er die angesehen. die vmb
seiner liebe willen. vater vñ muter vñ
haupf Frauen. vñ alle ding verliessen.
Doch diß lieplich ansehen cristi rō dē
ich gesagt hab. solt du mir verstee. vñ
bedencken oder pilden. nach der innern
gestalt des gütigen hertzen. vñnd ge
mütes christi. denn nach der eüßern ge
perd. Doch so die augen zeiger des her
zens sind. so ist solliche senfftmutig
keit vñnd gütigkeit des süßen hertzes
cristi. auch in seinem gesicht erschynen.
Weñ man aber von dem gütigen ange
sicht. vnd ansehen cristi gedencke wil.
so sol man es mit vmbstenden der ernst
hafftigkeit. vnd aller maiestat. die einer
solchem götlichem person gepürt hat.
ymaginir vnd betrachten. Vnd des
gleichenn sprich ich auch von andern
nachfolgenden gegenwürffen.

Der ander artickel des sibē vñnd vier
tzigsten gegenwurffs.

Wie man sich in dem gesicht gegen
den herren gehalten habe.

Wider das. das sich der herre in
seinem gesicht den mensche vñ
irē gesicht so gütlich bewisen hat. so ha
ben yne die iuden. mit irem schmechliche
zornigen. heßlichen. grymmigē. bitteren
gesicht. vnd ansehen. ser gepeinigt. als d
herr elagt. an vil orten der heiligen ges

schrifft. allermeist durch die heilighen
propheten. Dauid. Jeremiam. vñ Job.
des ein wort gnug sey zu bewerung diß
artickels. das er spricht am. xviij. ca. Der
lügner hat all sein wüten vñ toben zusa
men gelesen wider mich. vnd als er mir
gedroet hat. da hat er mit zenenn zesa
me gepissen. vñ geprummet vber mich.
mein feind hat mich mit erschrocken
chen vñ grymmigē augen angeschenn.
Mein antlitz ist gleich als geschwollē
von weyne. mein augöpfel sind tuncel
worden. wan sie verhicngē ym sein clar
gesicht. das yetz von streichen vñnd von
vnflut der speicheln verfinstert wz. als
aber in dem Job geschriben steet. mein
aug ist verloschenn. zu der vnwürscheit.
am. xviij. capi. Mein aug treüfft zu gott
memem zeugen. am. xviij. capitel.

Der. lviij. gegenwurff.

Wie sich der herr in seinem gehörd
gegen den menschen. vnd gegen irē ge
hörd gehalten hab.

Gedenck zum adern mal. wie liep
lich vñ freuntlich. sich cristus
gehalten hab in seinem gehörd. vnd ge
gen dem gehörd der menschen. In sey
nem gehörd. wie geneigt vñ bereite sein
oren sind gewesen. zeerhören dñ gebett
der dürfftigen. ya auch die begird der
hertzen. als er erhört magdalenam. vñ
zacheum. vnd desgleichen. Vnd ob er
sich zu zeitē ernstlicher weise erzeigte.
das entsprang mit auß hertigkeit seins
hertze. sunder auß miltigkeit. als es er
scheint mit d heydnische frauē. d er mit
gesteen noch antwortē wolte. fund er re
det nuch hert zu. sie zereitze zu grōße
rer adacht vñ begird. dñ auß dē end er
scheint. da er zu ir sprach. Frau groß ist

gegen vns gehalten hat:

Sein glaub. dir beschey weye du wilt.

Wie süßiglich aber er sich gehalten hab. gegen dem gehörd der menschē. dz merck anß dem. das er ynen so gütlich zuredet. sie so freünlich nennet. dan wie dürfftig sie warenn. so nennet er doch die menner sün. die frauenn töchter. er tröstet sie süßiglich. vnd krefftiglich er vntterwisch vñ leret sie treulich er verärzt wort sie weyßlich.

Der and artickel des synns des gehörs.

In dy lieplichkeit seins gnadē reichen zuredēs. vñ hörens. habē ym die iuden vñ ander. gar bitterlich schmechlich vñnd hertiglich zu geredt. yne felschlich āgeclagt. mordtlich vber yn geschryen. als vber einen haußmörd. d. die. für die er auch lid. vñ starb. habē sein hönlich gespottet. i seiner grossen bitteren marter. vñ in seinem herten sterbenn. König dauid sprichet in der person christi. in dem. xxi. psalmen. Alle die mich gesehen habē. die haben mein gespottet. vñnd geredt zc. sie habē ir haubt. bewegt zc. sie haben iren mund auffgesperrt. als ein zuckender lüender leb zc.

Vber dise ding alle. ist auch zemercken. das in cristo vnserm herren. vil sun derer sachen waren. darū ym die ding. die er von seinen feinden lide vil peynlicher warē. dan andern menschē möcht gewesen sein. Vntter welchen sachen. das auch ein grosse ist. das der herr nit allein. in die augē seiner feind sah. sun der er sah auch in ir grimmigs hertz. Er hört nit allein ir geschrey von aussen in den stymme des müds. sonder auch die begirden irer hertzen. Er sah nit allein die zeichen irs zorns. vñnd neyds. in den eüssen geverdē. er sah auch vñ nit cler

rer den wir dy summe sehē. dē zorn nach der materlichē vñ förmlich sacht. vñ ynen. das ist entzündung irs geplüts. vñ hertzens. vñnd auch die begird. sich an dem herren. als an irem feind zerechen. vñnd zesetrigē in seinen peinen. vñnd schaden. der yne doch kein leid gethan. sun d sie mer geeret. vñnd yne vor allen andern geschlechten demütiglich gedienet het. Vñnd die lieplich sel cristi. sahe nit als kein die boshheit irs heßigen hertzen. sonder er sah auch dē tieffen vnergrülichen tunceln. greülichen. gifftige abgrund söllicher feintschafft vñnd boshheit wider yne. in irem verkertē gemüt. welcher grund. mit seinen finstern außflüssen. den augen der selen cristi. widerer. vngestalter. greülicher. vñnd peinlich er was. denn die anschawung des laiden teufels in der hell sein mag. Dar zu merck auch das alle boshheit in dem gemüt der feind cristi. souil teufelsörmiger was. vñnd souil mer. von der heßlichen. greülichen. vñnd peinlichen. teufelischen gestalte. in ir het. als vil sie wid einen besserern was. Auf dem folget hernach. das ye kein erschrockelichere. grausamere. heßlichere. vngheürere. so teufelichere. feintschafft. zorn. neyd. haß grollen. bitterkeit. grymmigkeit. vñnd in gemein zeredē. alle boshafftigkeit sey gewesen. denn wider cristum. der die wesentlich. ewig. vñnd endlose tugent vñ gütigkeit w3. Vñ merck. wie wee dir geschicht. wenn du allein die zeichen des zorns. vñ d feintschafft. wid dich von aussen sibest. Wie schmerzlich ist den d sel cristi das gewesen. da sie die boshheit vñ den zorn irer feind in eigner gestalt. nach der warheit vñ ynnē gesehen hat. Also gedēck auch vñ dē hōrn cristi.

wie sich cristus in den sinnen

wenn er höret nit allein das grewliche geschrey. vnnnd mōdtlich ruffen seiner feind. wider sich rō aussen. in iren stymmen. sunder sein selb höret auch das heßlich. grymmig geruff vnnnd geschrey irs neydigen. gyfftigen vnd boßhafftigen hertzen. von ynnen in iren bößheütigen begirden. Vnd dasselb geschrey lauret vnd styg allweg auff in die geystlichen oren christi. Dem alle hertzen offenbar sind. vnd alle willen schreyē vñ redē zc.

Nach dem das dise materi in hundert gegenwürff. das ist in zweyentzig fünffer geteylt. vñ deshalb also geordnet ist. das man sie in die gleich vñ glidlein der finger. ordnē vñ setzē mag nach der einpildung zu der gedechtnus. so möcht das die bequemest ordenung sein. in disem fünffer von den fünf synnen. das man zum ersten setz das kosten. darnach das sehen. darnach das tasten oder greiffen. darnach riechen. zum letzten hören. So kumpt ein yegliches zu seinem bequemen finger. das ich vmb der kurtz willen meid zubeweren. doch an der versetzung der gegenwürff ligt nichts. den das es dem der sie in die gedechtnus fassen vnd behalten will. gut ist zu gedechtnus das er ein gewyße vñ beste ordnung darynn für sich neme. vñ die selben fest halt. Also sey der. iij. gegenwürff. wie sich cristus gegen den menschen gehalten hab. vnd sie sich gegen im des kosten halb. das ist. was er den mēschē zuessen gegebē hab. vñ waz sie ym gegebē habē zuessen vnd zutrinken. Der. iij. gegenwürff. wie sich cristus vñ die mēschē. gegeneinander gehalten haben. des gesichtes halb. Der. iij. des tastens greiffens fülens oder

anrührens halb. Der neunvndfünffzigst des riechens halb. Der sechzigst des hörens halb. Vñ vntter disen ist der mittel syn. der allein durch den ganzen leib. vnnnd alle gelider geet. das ist das fülen vnnnd empfinden. des angreifens vnnnd tastens der mercklichst. wan er ist der materlichst. vnd der leidlichst. vnd in den menschen der subtilst. wan in den andern synnen wirt der mensch von den vnuerünftigen thiern vbertroffen. Aber in disem vbertrifft er. vñ in disem synn steet allermeyst die synnlich wollust vnnnd der schmerz zc. Darvmb ist sunderlich zubetrachten. was der herre wid vnser böse wollust. in dē selben synn gethan vnnnd gelitten hat.

Von dem fülen vnd greiffen. oder tasten.

Wie lieplich vñ gnediglich. wie demütiglich. heimlich. heilsamlich. Der herr sich gegen den menschen. indem angreiffen gehalten hab. das merck auß dem. dz er sich so gnediglich den sündern vnd den vnreinen. den prechenhafftigen. vnd den feinden erbote an zugreiffen. Er het auch vnnnd name ym keinen grawen anzurühren die vnflätigen. aussetzigen. teufelhefftigē. suchtemen. prechenhafftigen. süchtigē. schelmigē. od tottē körpel. glider vñ mēschē. Vñ wiewol er solliche mēschen. gleich als wol von ferren. abwesend. vñ vnangegriffen. möcht gesunt gemacht habē als in der nehe gegenwertig. vnnnd angerürt als er dan beweret mit des künigleins sun. den er zu Chana wesende bey dem leben behielt. vnd gesunt machte. da der iung. doch totsiech lag zu Capharnaum. Joh. am vierden capitel. vnd bey des rittermeisters knecht. vnd

gegen vns gehalten hat

Bey d' heydnin tochter so wolt er doch
 oft die geprechenhaftigen anrühren.
 vnd von ynen angerüret werden. zu ey-
 ner beweyßung seiner miltigkeit. vnd
 gnadereiche senfftmutigkeit. gütigkeit
 vñ demütigkeit. vnd zu einer bewerung
 vnd bedeytung. das sein menscheit wer-
 ei werckzeug seiner gottheit. zuwürclich
 vnser heils. vñ dz er vns nit verschme-
 te. sunder erete als seiner hende werck.
 Vñ dise gütigkeit vnd senfftmutigkeit
 vnser herren. ist in sunderheit bewisen
 worden in dem. das der herr die kinder
 die dy zwölff boten von ym triben. hieß
 zu ym lassen. vñ umbfieng sie auß liebe.
 der reingkeit der vnschuld vñ der demu-
 tigkeit. die in den kinden bedeytet. vnd
 dem herren in dem menschen angemen
 sind. Er leget auch sein hend auff die
 heüpter der kinder. vnd benedeyet vnd
 gesegnet sie als seine liebe creatürlein.
 Marci am. x. ca. Aber darwider hat
 man sich gar hert gegen ym gehalten. in
 dem angreifen vñ fülen. Dan für die
 seiden vnd für die baumwollen. vñ zart-
 te leynine hemde. mit den. er vnsern gro-
 ßen vnkeuschen. sündigē. schñöden leib
 umgibt vnd cleidet. hat man seinē zar-
 ten juncfrewlichen. heiligenn kostbarn
 leyb umgebenn mit. geyseln. für die
 pflaumfedern. auff die vnsern faulenn
 leib leget zerue. hat man ym dz blöcket
 schwer hert creütz. nach seiner grösten
 hertsten arbeit in der grösten müde. vñ
 in dem grösten wee. zu schand vnd zu
 schmerzen zetragen auffgelegt. vñ da
 er dz vor großem wee. vñ vor müde nit
 tragen mocht. da must er daran hangē.
 Das ist sein senfftz ligen gewesen. in sei-
 nem grösten letzten wee. die dönn sind
 seinem zartenn haubt. in dem gröstem

schmerzen. für seide haubē. vñ pflaum-
 federē küssen gewesen. für welche auch
 seinē allerzartisten leib. in seiner gepurt
 die herte krip mit dem hewe was. Also
 sih du selb die krippenn. in der gepurt.
 die berg vnd die felsen in seinem leben.
 da er in der wüste fastet vnd wonet bey
 den thiern als sant Marx schreibt. am
 ersten capitel. vnd an seinem ende. Sih
 an die strick od keten. die kolben. schwer-
 ter. vñ ande waffenn. die sie hetenn.
 da sie den herren fiengen. die feüß vñ
 villeicht plechhentschuch. die grobe vn-
 reinen vnkeuschen hend als Sibilla
 Cumea oder almathea. die mit der die
 Erofila Erithrea genent wirt. soul von
 cristo geweissagt hat. die hend. die den
 herren schlagen würden vnkeusch. vñ
 die mündē. die ym verspürzten würden
 vnrein. vñ speicheln vergiftiget. vnd
 der iuden geschlecht betrogen. vnkeren
 nend vñ vnweiss nennet. die iren gott
 nit erkent haben so auch die vnarmher-
 tzigen schleg. vñ streich. in das schön
 vnd gnadenreich angefiht. auff seinen
 demütigen geneigte nack. auff sein wir-
 diges haubt. die herten scharpfen dom.
 das blöcket holtz auff sein achseln. die
 herten grymmigen geyseln. auff seinen
 zarten leyb. vnd allermeist auff seinē ge-
 dultigen heiligen rücken. die eyßnen ne-
 geln. in vnd durch hend vñ füße ge-
 schlagē. Dise ding sihe selb an. so magst
 du mercken. wie man mit dem herrē ge-
 handelt hat. in dem fülen vnd antastē.
 in welche er gnug hat wöllen thun für
 die sünd vñ wollüst. der wir pflegen
 in dem selbenn synn. Also gedenc
 auch von den andern synnen. die hie vñ
 der kurtz willen nit außgelegt werden.

Von der zucht der sitten cristi

Der dreyzehende fünffer trifft an.
Die geperde vnseres herren. von aussen
vnd von ynnen. vnd hat auch fünff ge-
genwürffe. Die sind alle bedeytet in der
hernachfolgenden. lxxj. figur. vnnnd dise
gegenwürff will ich schlechtlich nenne
vnd dar nach die figur auflegen.

Der. lxxj. gegenwürff.

Empferkeit. oder ernsthaftigkeit.
vnseres herren in seinem wadel.
vnd in seinen geperden.

Dar wider.

Erspottung mit wortem. vnges-
perde. zeichen vñ wercken. Vñ
dise zweyen nemlich von der tapffer-
keit des herren. vnnnd von der schnödig-
keit seiner spotter. vnd irem gespött. für
dest du clerlich. doch figurlich Job am
xxix. vnd. xxx. ca. gegen einander.

Der. lxxj. gegenwürff.

Einfeltigkeit in der beweyfung. in
zeichen vnd bedeytungen.

Dar wider.

Zwifeltigkeit der falscheit. in den
zeichen vñ andern yetzgenantē dinge

Der. lxxj. gegenwürff.

Erbarkeit vñ iunckfrewliche reinig-
keit. in synnen. vnd in dem fülen vñ en-
pfinden.

Dar wider.

Vnreinigkeit vñ vnstetigkeit. in der
verspürtzüg. vnd stinckenden vergiffte
speicheln. der vnreinen iuden zeuersten
vnnnd darnach auch der heiden.

Der. lxxj. gegenwürff.

Gütigkeit in zuneigungen. bewegū-
gen vnd barmhertzigkeit.

Dar wider.

Böshizigkeit. vnnnd verbertung in
der grymmigkeit.

Der. lxxj. gegenwürff.

Trew vnd gehorsam in der meinung
Dar wider.

Zanckerey. streyt. vnd vntrew sume-
mung. der hohfertigen. zenydertrücken
vnd zuuerten die warheit.

In diser. lxxj. figur. wirt bedeyt. Als
die gleichsner auff den herren merckte
ob er an irem feirtag den wassersüchti-
gen menschen gesunt wölle machen. vnd
ist zu einer bedeytung aller irer hinder-
lag vnd bohhaftigē aufmerckung auff
die vnstetliche werck vñ miltigkeit des
getrewen herren. so sie vmb irr geitig-
keit willen. ir vil in die trenck fürte vnd
auff den prunnen oder gräben in die sie
vielen. an den feirtagen zohen. das mit
grosser arbeit must beschehen. so vrtē-
leten sie den herren das er den verdor-
benen menschen zu hilff kam. dz er mit
einem wort mocht thun. O des allerfal-
schesten irrenden vrtels der verplentein
vnd von dem teufel verfürten vnnnd ver-
kerten gleichsner. die sy miltē werck
vnd guttat christi. die nyemant gnug lo-
ben mag. so böshlich verkerten. vnd vn-
recht vrtēleten. vnd iren teufelische neid
haz vnd bohheit. die aller mēschē boh-
heit. souil mer vbertraffenn. souil sie on
mittel vñ schlecht wyder die person wa-
ren. die das endlos gut wesenlich was.
mit erckneten noch strafften. O vnse-
liger teufel. wie yemerlich verplēdt vñ
verkerst die gemüt die du so gar besitz-
est. Dise figur gehöret zu dem adern
artickel. des. lxxj. gegenwürffs.

Die funffundsechzigst figur



Die sechsundsechzigst figur



Von der zucht der sitten cristi

Dise sechs und sechzigste figur. Be-
deüt die eygenschaft cristi seiner ge-
perd. synn vnd siten halb. vnd dar gegē
die eigenschaft seiner feind der iuden
Vñ gehört zu den ersten articeln des
lxj. vnd der vier nechsten darnachfolgē
den gegenwürffe. der bedeutung halb
der tier vñnd fögel die allernechst vmb
das haupt cristi sind. Aber sie begreift
auch die andern widerwertigē articel
der tier halb die an den herren fallen.
vnd der fögel. die wider den herren flie-
genn. vntter den der widhopf sol sein.
Der deßhalb nit recht ist gemalet. wann
er solt vmbgekeret sein. vñnd auch wider
den herren fliegen.

Die bedeutung der eigenschaften
vnser herren in diser figur.

Die fünff egenanten eigescha-
ten vnser herren sind bedeü-
tet in diser. lxxj. figur. bey den fünffer-
ley tiern oder ire heübertern die vmb das
haupt cristi gemalet steen. Bey dē hel-
fant. das ein grof starcks keüschs tap-
fers tier ist. verstee die tapfferkeit cristi
Bey der türkeltauben. die iunckfrewil-
keit in allen synnen. vñnd in dem sülen.
der kein ander reynigkeit gleichē mag.
wan was andere auß seinen gnade ha-
ben. das hat er weyt obertreffenlicher
als vñ recht seins adels. gleych wesent-
lich gehabt. Die einfeltigkeit cristi. die
darynnen steet. das sich der herre von
aussen bewisen hat. der tugēthalb. als
er von ynnem was. ist bedeütert bey der
tauben. Bey dē lemblein. die guthitzig-
keit oder senftmütigkeit. Bey dem pel-
lican. die trew. Bey der iunckfrowē. die
in das holtz fleüht. wirt die wildflüch-
tig. vñ irrende menschlich natur bedeü-
tet. die der herr gesucht hat. da er die

nein vñnd neunzig schaff. auff den ber-
gen der nein kōz d engel. in dem hymel
gelassen het. vñ kam zesüchen das hun-
derst. das verloren was. Zu bedēutung
desselben. hat dise iunckfraw ein schef-
lein bey den füßen. Die tier. die an dē
herrē fallē. reißen vñ peissen. bedeüten
die eigenschaft seiner feind. d iudischen
bischoffen. vñ d ādern. die yne verfolg-
tē. vñ durchechtē. die neidig vñ vnshā-
ffrig warē. als die hünd. betriegentlich
vñ arglistig. als die fuchß. begyritz. der
süßigkeit vñ wollüst des fleischs. als d
bere. freßsig vñ grimmig. als die wolff.
wüß vñ vnrein als die schwein. hohtra-
gēd. mutig vñ gehertzt. als die lebē. ge-
wappet mit gewalt. als ein cynhoorn.

Si warē auch spöttig als die hetzē.
od agerlaster. vnkeüsch als die sperckē.
vnrein als die widhopfen. diebisch vñd
freßsig als die rabē. hert vñ vntrew. als
die straussen. vnbarhertzig als die eü-
len. blödsichtig als die fledmeüß. die in
d tückeln als in dē tieffen abēt gesehē.
aber gegē dē lichte tag sind sie plind.
also warē die iudē. in zeitlichē vñ bösen
dingē. listig vñ fürsichtig. aber in geist-
liche dingē gätz plind. als d herr zu inē
sprach. Jo. am. ix. ca. weret ir plint. so he-
tet ir mit sünd. vñd hieß sie doch manig
mal plind. plinden fürer. Math. am. xx.
vñ. xxiij. ca. wan als er aber eins sprach.
Ir gleichhner kündet dz angesiht des
himels vrteilen. Dann sie sagten. wenn
schön wetter oder regnē würde. aber d
herr verhiet yne. dz sie die zeit irs heils
vñ der zuküfft des herrē C durch die er
sie so miltiglich heym gesucht hat d nit
erkanten. wiewol sie die zeit. vñd die zei-
chen. clerlich in iren geschrifften heten.
Si waren auch vñd sind noch heüt des
tags fledermeüß. wann sie sind weder

Von der zucht vnd

criste noch heidē. als ei fledermaus we
 der vogel noch vierfüßig tier ist. vñ hat
 doch von ein yegliche etwas vñ flücht
 als ein vogel. vñ hat om. kopf. vnd leib.
 als ein irdisch tier. also stiegen die iudē
 durch den glaubē der einigkeit der got
 heit. durch den text der heilige schrift
 vñ messie. aber ir verstentnis. ir glaub.
 ir hoffnung vnd ir begirde. ist in disen
 dingen allen so irdisch. so grob. so vrue
 nünfftig. so fleischlich. dz es vor vernüf
 tigen mesche. die in der schrift erleuch
 tet sind. ein wund vñ ein schand ist. Vñ
 werlich. wie die fledermeuse schier mer
 ein teüflische. den eins vogels od tiers
 gestalt haben. also sind die iudē in dem
 hab des cristenlichen glaubens christi.
 vnd der cristen teüfelformig. darvñ sie
 als die eüln heftlich sind. Vnd wie die
 fledermeuse die eülen vnd die affenn.
 gleich als ein gespött seind vnter den
 vogeln vnd tiern. also seind die iudenn
 billich ein gespött der criste vnd heiden.
 die auß dem herrē einen spot vñ laster
 schimpf gemacht habenn. dem nye kein
 leycheftigkeyt. vor ernsthaftigkeyt
 seins wandels. vnd lebens. wort sitten
 vnd geperd. nahen getorste. vor dem die
 erschrockenlichen gewelt der himel er
 zittern. Si habenn yne mit zwofeltiger
 irer hönspottung. vñ falscheyt wid sein
 einfeltigkeyt verspott vñnd schmechlich
 vmbgetribē. Man iudas küßet yne als
 einen sunder geliebten freünd. vnd gab
 yne in den tod. als ein mordt feind. Die
 iuden hießen yne weissagen. als einen
 prophete. vñ verpundē im sein augē als
 einē töreten. vñ vnwissendē. vñ schlugē
 yne mit herten feüsten auff seine demü
 tigen gedultige nack. mit flachē vnkeu
 schen hendē vnter sein maiestatlich an

gesicht. Die heyden grüßeten yne mit
 worten vñ geperden. als einē künig. sie
 schlugē yne aber vñ spürtzē ym vnter
 sein gnadenreich ernstlich antlitz. als
 ein boßhafftigen puben. sie satzten im
 auff ein trone. das ein zeichen der eren
 ist. sie was aber von dönen. das ein zei
 chen des gespöttes vnd der schand ist.
 Also ist die ewig weyßheit. der gut ge
 trew hirt. für das töret irrend leichtfer
 tig scheslein. von den leichtfertigen vñ
 gezogenen schnöde puben. als ein gerin
 ger leycheftigter töreter. leycheftig
 ger eehalt. vmbgezogē vnd verspottet.
 vnd als von den grymmigen thiern. für
 sein scheslein zerrissen wordenn. da mit
 er seine scheslein den zuckendē wolffen.
 gleich als auß dem rachen gerissen. vñ
 vō dem gespött der feind erlöset. dē va
 ter heim gebracht. sein tugend bewisen.
 die engel erfrewet. die feind beraubt.
 vnd beschemet. den menschen erarnet.
 erfochten vnd wider eingesetzt. vñ dar
 umb billich ere vnd lob. lieb vnd danc
 berkeit. von menschliche geschlecht ver
 dient hat.

Von dem. liij. gegewurff

Von der reinigkeit der synn vñ des
 empfindens cristi.

Von der erbergkeit vñnd iunck
 frewliche reinigkeit. vnser her
 ren zereden vñnd zudencken bedörf
 fen wir schier einer andern natur. eins
 andern vrsprungs. eins andern hertze.
 vñ ander synn. dann was mag die plint
 heit von dem liecht vrteilen. woz mag die
 stumheit von der wolredeheyt würdigs
 redē. die mit wort machē kan. was mag
 die schamperkeyt von der erberkeit. die
 vnstetig stinckend vnkeüschheit. von der
 vnuermayßigten ewigē. obermenschliche

erberkeit der geperd cristi

nacktfrewlichen reinigkei der gantzen
menscheit cristi. vnd aller seiner synn.
gleichs bilden oder betrachten. so doch
die vnkeuscheit. all vnser gedancken vñ
synn. hertz vñ gemüt als gar besitzet. vñ
vergiftet. verferet vñ verkeret. das vn-
ser natur gar gleich. als in einem feür-
gen babilonische ofen. mit den flammē
der bösen schampern begirden ombge-
ben. vñ glüend ist. vns premet alles dz.
das wir sehen oder hören. das wir anrü-
ren oder empfindē. wann vnser werden
vñ wesen entspringt leid auß den wur-
tzeln der schampern vnreinigkei. dar-
umb wenn vns auch nichts von außwē-
dig anweet. so ghymmet dannoch das
füncklein der vnreinen liebe vñ wollust
in vns. das wir zu weren haben. dz vn-
ser gantze natur nit angee. Herwidern
so ist das werdē. vñ wesen der mēscheit
cristi. auß dem grundlosen wag aller rei-
nigkei vñ heiligkei. als oben berürt
ist. entsprungen. darumb hat nit allein
kein vnreinigkei in ym stat. oder in ym
einen eingang mügen haben. sunder sie
hat sich gleich. nit allein vor ym. sunder
auch omb seiner eren. willen. vor seyner
werdenn muter geschēht. vund ist mit
schrecken verr von ynen geflohen. Also
ist der vnordenung keine in ynen gewes-
sen. die in vnsern gliedern. vñ synne sind.
böser oder schamperer gelüst. schampe-
rer oder böser begird. Vnd nit allein
sünd sölliche ding. nit in ynen gewesenn.
sunder sie haben auch nye in cristo mü-
gen sein. noch in seiner reinen muter. be-
sunder nach dem als sie yne empfangē
het. darumb ist nit zu ymaginirn. oder
zu bilden das der herr ye et was fleisch-
lichs angesehen hab. omb lustes willen
den er dauon haben wöste. vnd desglei-

chen mit andern synnen. so das alle hey-
ligen vnd keusche mensche merde. sund
hat er ymants mit fleis angeschenn. od
angegriffen. dz hat er vñ grosser sath
wegen gethan als vñ barmhertzigkeit.
von hilff. von bedeutung wegen. als er
sich nach dem frewelein umb sah. das
in bey dem saum seins kleids angerürt
het. vnd was alsbald gesunt worden.
von der krankheit die sie zwölff iar ge-
habt het. das er darvñ thet. das das
wunderzeichē dz an ir beschehen w3. of-
fenbar wüde zu bestetigung des glau-
bens in dem fürsten. zu des gestorbnē
tochter der herr gieng. dz er sie von dē
tod erweckē wolt. die er auch anrürt zu
einer bedeutung. dz seine hēd. seine gliēd
sei fleisch. vñ sei leib. ei sund zusamēge-
fügter mit ym vereinigter werckzeug d
gotheit werē. vñ dz sie crafft herē. heyl
zemachē. w3 sie berürtē. als dz eise heis
zemachē wenn es glüet vñ des feüres
wegē dz darinne ist. so es doch sunst kel-
tet. als es vñ i selbs kalt ist. also zu einē
zeichē dz dz weselich. endlos heil vñ le-
bē eigeleibt. vñ weselich vereiniget wer-
nit seiner mēscheit. so wolt der herr zu
zeitrē mit anrürē. dz heil vñ dz lebē ver-
leihē vñ geben. Also keret sich der herr
auch zu sāt maria magdalena. da er ir
die sünd verzeihē wolt. zu einē zeichen.
das auß dē angesicht seiner gnad vñ
barmhertzigkeit. die war rew vñ verge-
büg d sünd entspringt. Darvñ schreibt
sāt Lucas. in dē. xxij. ca. dz sich der herr
nach dē als sant peter sein zum drit-
tem mal verlaugnet het. vñ umbwendet
vñ sah sant peter an. das man doch
vñ dem ynnern gelicht seiner gnadē ge-
wönllich versteet. vñ was gntes von
seinem amptlicke kome. geet hernach dz

Von der zucht der sitten

3
 sant peter gedacht. an dz wort des her-
 ren. wie er gesprochen het vnd floh die
 stat. an der er geündet het. vnd die ges-
 sellschafft der. die ym vrsach d sünd ges-
 geben heten. vñ weynet bitterlich. Auf
 dem merck die crafft des ansehens cris-
 sti. Also sah er den mautner oð zollner
 leuin alphai an. vñ redet ym zu. zuhand
 verlieh er alle ding. vnd folget im nach.
 Also sah er den fürsten der mautner. za-
 cheum auff dem baum vñ redet ym zu.
 zuhand gab er den halbē teil seiner hab
 den armen. vnd wen er vbernommen het.
 dem gab er es vierfeltiglich wid. Also
 sah er die bogrücketen frawen in d sy-
 nagog. die in achtzehen iaren nye ober-
 sieh mocht sehe. vñ berüft sie. vñ griffe
 sie an. vñ richtet sie auff. das sie got dē
 herren lobt. Also sah er mit seinē barm-
 hertzigē augē. die witwen an. der. der
 einig sun gestorben was. vnd gab yne ir
 wider. Also hat der allerinck freulichst
 herr. die mensche angesehen. mit vmb sey-
 nes lustes. sunder vmb irer not dō:fftig-
 keit willen. mit sein hertz zuerlustigen. in
 der schöne irer gestalt. der in ym selbs
 sah. vnd nohe die endlosen hübscheit d
 görtlichen schonheit. gegē d alles fleisch
 for ist vñ alle sein schöne ein vnlust. sun-
 der er sah die menschen an. als die. dy
 von ynen nach ym gepildet warē. vñ sol-
 ten zu ym gekeret sein. als zu dem aller-
 clereftē liecht. von dem sie allein in der
 erkentnis der warē weyßheit. erleucht
 würdē. als zu dem süßen endlosen feur
 der liebe. von dem sie. in der süßen lie-
 be der tugentreichen gesellschaft. mit
 der görtlichen holdseligkeit d die in der
 gerechtigkeit steet d angezünd würdē.
 Wie solte sich zu in ferē. als zu dem ex-
 emplar. oder ebenbildner aller tugend:

als zu dem prunnen aller süßigkeit. als
 zu dem schatz aller gnugsamkeit. als zu
 dem gegenwurff aller setzigung. vñ sel-
 ligkeit. als zu dem waren getrewen stet-
 liebhabendē gesponsen aller reinen er-
 lichen. volltunen. warwunnsamē. ymmer-
 werenden vnd seligmachenden lieplich-
 keit. Aber darumb das sie vō im verwe-
 det. vñ abgekeret weren. so weren sie
 verplendet. erkaltet. verkeret. entsetlet.
 vngestalt vnd heßlich. arm. dürfftig. el-
 send. verworffenn. verkauft. des bößenn
 feindes eigē gefangen. in herrem dielt
 vnttergedrückt. abtrünnig. lantrönnig.
 verbant. versetzt. verstandē. schuldig. d
 ewigen pene verfallen. zu dem ewigen
 tode verurteilet. Vñ so dz die süß mit
 sel crist in den selen sah. vñ d wille
 er auch gleich als vō dem vaterland in
 das ellend künē was d das er die plin-
 den selen erleuchtete. mit seiner liechte-
 lere. das er die erkaltetē. mit seine sen-
 ren lieplichen wadel. vnd süßem zu ko-
 sen. vnd mitwonen in seiner reynen lieb
 enzündet. vñ zu ym wendte. das er sie er-
 lösete vñ erledigte. reinigte vñ zierte.
 begabete. beseligete vnd wid heim zum
 vaterland prechte. vñ da selbs zu der ee-
 neme vñ krönete. So cristus sah das yn
 die selen. die er so lieb het. das er gleich
 als sein hauf in dem himel lieb vñ kam
 vmb irr liebe willen. in diß ellend. sie zu
 süchen. vnd heim zufüren vñ was be-
 reit. für sie zuleiden. was sie verschult
 heten. vnd so er sie so lieb het. so wolten
 sie doch yne mit erkennē. noch ym folge
 Vñ darumb das sie yne lernetē erken-
 nen. dz er der war heilmacher were an
 dem ir leben vnd seld stünde. so machet
 er ir leib gesunt. von allen krankheiten.
 Er erlediget sie vō dē gewalt des bößen

vnd reinigkeith der sinn cristi

feinds. Er erwecket sie von dem tod. er speiset vnd trencket sie. er bewise alles gut den leiben. auff das. das yne die selben dardurch von ynnen lerneten erkennen. das sein ynner verborgene gottheit durch die offenbare wercke von aussen der mēschheit gespüret. vñ erkennet würde. Vnd also hastu das alles das. das der herr tet. was ware trew. ware lieb. ware gutigkeit vnd barmhertzigkeit gegen den menschen zurechnen. ware getrewe. gehorsamkeit. gegen seinem vater zurechnen. ware vñ übermēschliche reynigkeith gegen ym selbs zurechnen. Gegē welcher reynigkeith. alle ander reynigkeith. als unreynigkeith ist. Dann ob sunst ander menschen rein sind. Der groben fleischlichen. sündlichen werck halb so sind sy doch selten rein. Der wort oder hörs halben. sind sy rein d wort halbē. so sind sy doch seltē rein d syn halben. sind sie rein d synn halbē. so sind sie selten rein. Der synnlichen begird halben. Sind sie rein des willē halbē so sind sie doch seltē rein d gedancē halbē. vñ de oft die synnlichkeit auferweckt wirt wiß de willē. Sind sy rein irer person halbē. so sind sy doch nit rein der natur halbē. Sind sie rein ires wandels halbē. so sind sie doch nit rein ires wesens halbē. Vñ werē sie auch rein ires wesens halben. so weren sie doch nit rein. ires werts vñ vrsprungs halben. Weren sie rein des stammens halbē. sie werē doch nit rein der wurtzel halben. Vñ ich red yetzo von dem vngemittelten vrsprung vnd nechste wurtzel. weren and mēschē auch reyn. der fleischlichen laster halbl. so weren sie doch nit rein der geistliche halb. Solcher grad. vnd staffeln möchte man vil setzen. die da dienen zu der er

kenntnis der vbertrefflichen vñ sünd dergeseytem reynigkeith cristi. aber ich lasse es ansteen vmb der kurtze willen.

Aber gedenc̃ ein yeglich andechtig mensch. so die synn cristi. also rein. so vñ uermaliget so züchtig. so englich. ya so götlich. lauter vñ schön seyen gewesen. wer kan den genug wegen oder achten. wie unpillich man ym in sein angesicht gespürtzet hab. so sein antlitz ein spyrgel ist gewesenn aller erbergkeit. ein exemplar oder vorbildung aller zucht vnd tapferkeit. ein stat aller würde vñ maiestat. ein gegenwurff der forcht. vñ der wunnsamkeit. das die himel erfüllt. mit süßer liebe vnd frölichkeit. vor dem die hellischen gewelt erzittern vnd pydmē. vor dem sich sunn vnd mon schemē. vor dem sich künig vnd keyser. an dem iüngsten tag gerne vnter die felsen vñ perg. ya auch vntter das hellisch feur verpergen. möchte es sein. das sy seinē ernst vnd zorn nit müsten sehē. In ein söllich maiestetlich. vnd erschrockenlich angesicht. in ein söllich lieplich vnd gnadenreich antlitz. vor dem die crefft vnd gewelt erschrecken. vor dem die bösen mēchtigen. gern flühen vnd sich verpergē. in das die engel allweg begeren zu sehen. des schonheit die schönenn liecht scheynenden engel. nit mügē ersettiget werden. Dann ye mer sy es ansehenn. ye mer sie es begern an zesehenn. darumb ob sy in ym satt werdenn. so werdenn sie doch sein nit satt. das ist souil gesprochen. als ob sie sich lassen benügen. an de das sie das angesicht cristi sich meyne das ynner mit dem eüßern sehenn. so werden sie doch desselben nimmer ewiglich verdrießlich. in des angesicht die seligkeit aller heiligen steet. in ein söllich

antlitz. als in ein vnflätige schände schä-
pere vnreine stat. den vnflät des müdes
oder der stinckenden meüler. der nasen.
der wüsten speicheln. zu schmahheit vñ
zu einem zeichen der schändigkeit werf
fenn. das weg. wer da wölle. es ist nit
allein mir vnaussprechlich. es ist auch
allen englischen zungen vngnugsfeglich.

Vñ vñ wem hat das dñ herr gelittē.
hat er es nit gelitten vñ den knechten. dñ
knechtē. der. die sölliche vnfläter waren.
dñ ich ir vnreynigkeyt C die ich auß den
geschriffte der römische schreiber vñ
besunder des Gay suetony tranquilli.
in den büchern vñ dem lebē der keyser.
der selbē zeit gewislichē weyß C nit ge-
tarr schreibē. das die augē oder dñ müd
der leser. nit vergifft. noch die oren der
hörer oder dñ lufft. dauō besleckt werdē.
vñ sie wolten doch die heiligen. vñd ge-
weihete fürsten genēt sein. ya auch die.
dy geweihete fürste machtē oder weih-
ten. Für wen hat er dñ wölle leidē.
Für vñ vnfläter. die gleich als sprach
heüser. od priuet des bösen geists sind.
in dem das wir stat gebē den vnreynen
gedencken vñ begirden. die er in vnser
hertz wirfft od senckt. so wir doch soltē
sein tēpel gottes. oder gotzheüser des
heiligē geistes. dem vnser gemüt allein
geweiht vñ zugeeignet solt sein. Aber
wir geben leyder mer stat dem bösen in
vñ. den dñ heiligē geiste. vñ dñ selb bö-
se geist. bekütert vñ verunreiniget vn-
ser hertz. vñ dñ angesehen vnser gewisse
oft vñ sick. mit bösen vnreine gedēckē
vñ begirdē. dñ dñ heilig geist. einē grawē
dauon gewint. vñ dan wirt vnser ymer
angeseht. aller schmahheit vñ vnerē wir-
dig. darvñ hat vnser herre in seinē erēt
reichen reinē iunckfrewlichē angesehen.
sölliche schmahheite wölle leiden. dñ die

vnreinigkeyt. vñ dñ vnflät seie heilige vñ
maiestetliche angesehen. abwüschē die
vnreinigkeyt des vnser. vñd erledigete
vñs vñ dñ vnflätigkeit dñ süd vñ dñ hell. vñ
leütet die gewissen. zugefallē ym. vñ dñ
heilige drifeltkeit zu vnser glori vñ ewi-
gē seligkeit. Die verstēnus dñ adern
gegēwüß. i dñem fünffer. mag mā wol
ziehē. auß dñ dinge. die gesetzt sind od
noch gesetzt werden. wan es ist gut ze-
merckē. dñ alles dñ. dñ herre in vnser na-
tur gethā hat. ist entsprunge auß gütig-
keit seiner barmhertzigkeit. od mer auß
dñ barmhertzigkeit seiner gütigkeit. die
ich hie nach dñ latein guthitzigkeit ge-
nēt hab. wan gütigkeit ist in latein als
vil als gutfeurigkeit genēt. die selb hat
yne bewegt zu barmhertzigkeit. dan so
er gutwillig gegē vñs gewesen ist. dñ er
vñs guts gewölt vñd gegündet hat. das
hat yne bewegt das er ein erbermd. mit
vnserm vbel gehabt hat. vñ ist künē vn-
ser vbel hin zunemenn. nit mit gewalt
C dñ dñ böß geist nit zu clagē het C sund
mit recht. dñ darinn gestandē ist. das er
vnrecht vñ vbel. vñ dñ bösen geist. vñd
dñ seinē vnschuldig. vñ vnuerdiēt gelid-
ten hat. mit dñ der böße geist. dñ recht.
dñ er vemeinet zuhabē. wid die schuldi-
gen verlorē hat. Aber als vnser herr
auß gütigkeit vñd barmhertzigkeit. vn-
ser vbel getragē vñ gelitten hat. das er
vñs sein güter verdienē vñ gebē möcht.
vñ wñ er gethan od gelittē hat. dñ ist al-
les auß söllicher gütigkeit entsprungen.
Also sind sein feind in dñ bößhitzigkeit.
wid in. vñ in grymmigkeit verbertet ge-
wesen. das alles das. das sie theten. wi-
der yn entsprang. auß söllicher bößer
grymmigkeit. dessēben gleichen als die
werck vnser herren gegen vñs zerech-
nen. auß gütigkeit vñd barmhertzigkeit

vnd reinigkeit der sinn cristi

entsprangē. also gegen seinem vater. zu rechnen entsprangen sie auß kintlicher trew. vñ gehorsam. dz was in seiner meinung. heruider vñ entsprangē die werck der in dem auß widerpenstiger zentke rey vntrew vnd streitigkeit.

Hie volge hernach die treffensliche vnd fůrnemen gegenwůrff. des leidens cristi Der. lxxij. gegenwůrff.

Die Bedeudung oder zierung ist emblisset vñ bescheinet worden.

Der. lxxij. gegenwůrff.

Die gnedige verzeihung vnser sünd. ablasung der pein. kessigung eigner vñ schulde. der sich vnschuldigenn für die schuldigen. so fer gekessiget hat. der ist hertiglich gegesselt worden.

Der. lxxij. gegenwůrff

Der herr aller creatur. ist des mēsch en getreuer diener. vnd vmb seinen getreuen. demütigē steten dienst. mit dörren gekrōnet vnd verspott worden.

Der. lxxij. gegenwůrff.

Der. der sein ere vñ maiestat allweg verporge het. ist geschmecht. gekessert vñ geschent. dem gantzen volck fürgefelt. vnd gezeiget worden.

Der. lxx. gegenwůrff.

Der vns schōde menschem. so teur vnd so hoch geachtet hat. das er sich für vns in leiden. vnd in den tod hat gegeben. desselbē tod ist so gering geachtet worden. als ob er nimmermer solt ge-

rochen. ya als ob die. dy yn töteten. von got solten gesegnet vñ belonet werden.

Die hernachfolged. lxxij. figur. Ist zu einer bedeutung der zierung vnd begabung menschlicher natur. wann die frauen bild bedeut die menschliche natur. die vnter allen creature die ellendst vñ dürfftigst ist. weñ mā sie ansieht nach de als sy ir selbs verlassen wirt. woz wirt dürfftigers. schwechers vnd vnbehilffliches vnter allen tiere geporn den ein mensch. was wirt seurers erzogen erneret vñ erarnet den ein mēsch. woz wechset langsamer ee es zu vollkommenem stād kumpt den ein mensch. Ein pferd ist ein groñ tier. vñ kumpt in fünf iaren oder kurtzer. zu seiner vollkommenheit. Ein mēsch ist kleiner vnd kumpt in vier mal fünf iaren noch nit zu vollkommenheit. Andere tier bedürffenn wenig zu irem auffenthaltenn. der mensch bedarff so vil. das man das nit zelen möcht. das er bedürfft. sih alles das an. das mā in den krāmen vñ apoteken hat. vñ zele es ob du mügst. vnd vber das ist die begird weyt breutter den die nordürfftigkeit. Solch dürfftigkeit des mensche vñ sein begabung vnd zierung ist schön beschriben in dem. xxi. ca Ezech. da findt man es figurlich. Dese figur gehört zu de ersten articel des sechß vnd sechzigsten gegenwůrffs. y ij

Die sibenvndsechzigst figur



Von der zierung menschlicher natur

Etwas erclerung vnd beschwerung
der obgemelten gegenwärt. vñ zum er-
sten. des ersten. Das ist des. lxxj.

Wie manigfaltiglich gott der herr.
die menschliche natur gezieret. vñ ge-
cleyt der. vñ auch ander creatur. vmb iren wil-
len. geziert hat.

Der becler ist außgezogen wor-
den. Nie bedenck vñ weh willē
der himel so schön mit manigē liechten
sternē geziert. die erde mit manigen wu-
niglichen parades. der gerte. awen vñ
anger. vñ der grund der erden mit adern
der ertz vnd edel gestein. reichlich bega-
bet. vñ vnttermengt sey. so findest du. dz
das alles von dē liebhaber des mēschē
vmb des mēschē willē geziert ist. Vmb
deinē willen. O vndanckberer mensch.
hat dein schöpfer. dein liebhaber. dē hi-
mel mit sternē. die stern mit manigē vn-
terscheidliche liecht. dz liecht mit ein-
flüssen. die einflüsse mit creftē. die creft
mit wunderberliche würckungē. die wür-
ckung mit manigerley nutzberkeiten ge-
ziert. vñ geclēdet. vnd ist nichts vnnutz
in den wercken deins werckmeisters. O
vñ deinē willē C der du ym vntter allen
seinē wercken dz allerliebste. vñ doch dz
aller vndanckberste bist O alle ander sey
ne werck geziert. vñ geclēdet hat. das ir-
clēdung dir diene. vnd alles das. das du
sihst. vñ dem himel bis auff den grund
der erde. vñ des meres. ist dē nutzberkeit
halb. vmb deinen willen fürderlich be-
schaffen. mit vñ der engel willē. den sie
sind des mit nordürfftig. mit vñ der tier
willē. den ob sie diser ding bedürfftē. so
sind sie doch nit so würdig. oder so hoch
geachtet. dz dise ding vmb iren vollē
geschaffen werē. wan sie sind nach allē
irem eigē wesen. zerstölich. vnd mügen

got nit erkennē. Darvñ soltestu alle
ding. als gabē vñ warzeichē. deins lieb-
habers ansehen. mit allein deine. sunder
auch fremde. Wan also würdē sie auch
des nutz halbē dein. vnd oft mer dein.
den des. des sie sind. Wann ob sie eins
andern sind. dē eigē schaff. herrschafft.
prauchung vñ rechts halbē. zu zeitlich-
er nyessung oder nuzung. dz ym alles zu
zeitē. vñ der misprauchung. vñ vndan-
ckberkeit willen zu schade komen mag.
so werdē sie doch dein. zu einer höhern
prauchung. vñ nutzberkeit. wan sie zeigē
dir deinē liebhaber also angesehen. vnd
reitzen dich zu seiner liebe. vñ zu danck-
berkeit gegen ym. Also dienen sie dir zu
größerem nutz. den zu zeitē irem eigen
herren. Vñ lach söllicher weise sind alle
ding. mer der gute vñ der heilige. den dē
bösen herrē. Darvñ spricht sant pauls
gar schön. ad Ro. am. viij. ca. wir wissen
das alle ding. den. die got lieb haben zu
gut dienen oder mitwürcken. Vñ aber
spricht er. j. Chor. iij. alle ding sind ewer
Es sey paulus. es sey die werlt. es sey
das leben. es sey der tod. es sein gegen-
wartige ding. es seyen künfftige. alle dig
sind ewer. ir seyet christi. christus ist got
tes. Sihest du nun. warū ich gespro-
chen hab. das du mit allein deine eigne
ding solt ansehen. als gaben vñ war-
zeichē. vñ der hād des liebē geschēckt.
sind auch fremde. Ich sprich mer. Du
soltest auch die zeichenn des zorns. als
zeichen der liebe ansehen. so dienen sie
dir dar zu. Du soltest mit allein die gute
ding. als warzeichen. deins liebhabers
ansehē vnd auffnehmen. sunder auch die
ding. dy dir peynlich. erschrockenlich.
grausam. vñ wider dich. vñ dir schedlich
sind. dz du dir dy selbē auch nützlich. vñ

wie der herr menschliche natur

fruchtbar machest. so soltest die meynung deins geliebten herrn. in ynen mercken vñ spüre. so köm dir dz vbel zu gut vñ d würd dir das böse zu zeiten besser den dz gut. Fragst du nun was meynung du verstehn solst. in den grausamen widerwertigē dingē. so merck. Als dein schöpfer etliche creatur. zu deiner ergetzlichkeit erschaffen hat. als wol singē de fōgelein. etliche zutetige schmeichlende tierlein. etlich zu hilff der arbeyt. als pferd vñ esel. etlich zu speise. als hūner k̄ne zñ geys. etlich zu zweyerley od mererley brauchung. als ochsen schaff vñ genß. in den allē die miltigkeit. gütigkeit. vñ süßē barmhertzigkeit gottes erscheint. d den mēschē auch in dē yamerthal seins ellends on trost vñd hilff. mit hat wöllē lassen. also hat er auch etliche tier vñd andere ding beschaffen. zu demütigūg dz du in den selbē. dein blödigkeit vñ vnbehilffigkeit vñ die notdürffigkeit. d beschirmung deins schöpfers ernst erkennē. Ysidorus schreibt in dem. iij. ca. des. xij. buchs. ethimolo. das so mangerley tōd seyen. als vil d namen der schlangē sind. Wann von etlichen stirbt man des dursts. weñ mā vō ynen gepissen wirt. Von etlichē stirbt man des schlafs. von etlichen des schweiß. wann mā schwitzet so lang plut bis mā stirbt. Von etlichē geschwilt man. bis man gleich als zerpricht. Ettlich töten mit stechen. etlich mit peissen. etlich weñ sie allein anrüren. od angerürt wer den. ee man irs schades recht enpfindt. So ist mā gestorbē. Ettlich töten mit saugen. etlich mit pcyffen. weñ mā sie allein hōret etlich mit anhauchzē od mit dē atem. also dz si mit allein dz fleische des armen mēschē. sind auch dz gepein

verzerē. Das in irē mund zerget. gleich als das schmaltz in einer heißen pfannen. Ettlich töten allein mit dem gesicht. zc. Mōchtest du nun sprechē. solich dz auch für zeichē der liebe haltē. das got der herre söllichē schnode tiem vñ wūrmē. crafft vber vñ wider mich gegeben hat. so beduncken mich die. mer zeychen des zorn. vñ der vngunst. den der liebe sein. So setz ich nun. dz ich dir dz nach geb. dz es auß zorn entspring. wie wol es nit ist. vñ frag dich auff dasselb. warvñ got vber dich zürne. Was kanst du anders sprechē. den rñ in meiner sünd wille. Ich frag dich. Was ist sünd. bist du so wolgelert. so sprichest du nach d meinig sant Ambrosij vñ Augustini. die vngheorsam vñ vbertretung der götlichen gepott Ich frag aber. als d leter des gesetzes den herren fragt Mathei am xxij. vñ Mar. am. xij. cap. Welches ist dz erst. vñ dz grōst aller gepott. an dem all ander gepott hangē. Wiltu weißlich vñ warhafftiglich antworten. was kanstu anders sprechē. den das die ewig weißheit vñ warheit selbs gesprochen hat. in den yetz gemelten capiteln. Du solt got deinē herrē liebhabē auß gantzē demē hertzē zc. Nun frag ich dich aber. Wölken geliebt werden vō einē. des mā wed genyessen noch engeltē mag. den mā begert allein ym wol zuthun. auß gutwilligkeit. die man zu ym hat. ist dz ein zeychen d liebe od nit. weñ mā auch zürnet vber einē söllichē dz er nit lieb hat den liebhaber seiner liebe vñ seiner seldenn. Was sprichst du darzu. Ich meyn du seyst durch dein eigenē vernunft vberwundē vñ beschlossen. Sihst du nun dz auch d zorn. ein zeichē d liebe ist. vñd so vil grōsser lieb. souil grōsser zorn. wie

geziert vnd begabet hat

wol eigentlich zereden. kein zorn in got mag sein. dann allein nach gleichnus d̄ zeichen zc. Das ich nun auff die für derlichen meinung kum̄. dein liebhaber hat alle ding. zu deinem nutz geordnet. mit allein die dir nach deine willē dienē sund auch die wider deine willen sind. Die du für böß heilst. wie wol sie in irer natur auch gut sind. vñ dienē den guten zegut. Die gute ding hat er dir beschaffen. Das sie dich reitzen vñ ziehē zu seynner lieb. die widerwertigē. dz du durch sie gestraffet werdest. weñ du irr geest auß dem weg d̄ liebe. Die grausame erschrockenliche ding. hat er beschaffen. Das du yne lernest fürchten. die kleinen schnoden ding. das du durch die selben dich lernest demütigē. vnd gedenckest. Das du dich d̄ grossen. nit erwerē möchstest. so du dich der kleinen nit. od̄ kaum auffenthaltē magst. vñ gedēckest auch. Das vñ fremde trewprechung der liebe menschlich geschlecht das leiden muß. dz ist vñ der vndanckbarkeit willē des ersten mensche. vñ ich heisse es fremde sünd. darvñ dz du die nit gethan hast. wie wol sie auff dich natürlich erbet.

Wun magstu gedēckē. Sind wir also auß dē wollustē vñ freudē. des wuniglichē paradys. da wir herrē aller leipliche creaturē werē gewesen. verstoffe. vñ in diß ellend yamertal. gleich als zu einē spottspil. vñ schickzil den mucken. vñ andern schnodē vnzyfer dar gegeben. vñ bey lebendigē leib. den wüme. verurteilt C wañ dz alles sticht. heisset vñ peiniget vns. zu rach̄ d̄ geprochē trew vnd liebe. an vnserm schöpfer als lang. biß wir gantz den vnreine wüme. vñ schlägen dargegebē werde. in d̄ crde C müssen wir nun das leiden vmb vnser vater

ters sünd willen. die lang vor beschē ist. ee wir geboren sind wordē. was müssen wir dan leidē vmb vnser eigen sünd willē. die wir williglich thū. Vñ kōndē wir vns auff dem feld in d̄ heißen zeit. der fligen. premē. weffrtzen. hürneüssel. vnd söllicher vnfeld kaum entschütten. mitsamt vnserm vñ. das vns zu trost vñ zu hilff gegebe ist. vñ müssen zu zeyten in dē kalte wintern besorgē. dz vns die wolff nit zeressen C vnd ist wol ein yamer. dz die edel creatur. die nach gott gepildet ist. vñ solt d̄ himlischē fürstenthumē. creft. vñ gewelt. mitgenossen sei vñ vber alles dz herschē. dz vnter dē himel ist. soll zu einē wolffs auß. vnd eines söllichē schnodē tiers kott werde C wie müge wir vns den d̄ hellischē lebē. der vnterliche wüme vñ des vnreleschlichen feüres erwerben werden. O herr got richest du einē gepuch. deiner liebe so grewlich. so manigfeltiglich. so lang. vñ so in vil mensche. dan noch in d̄ zeit der gnadē. vñ d̄ barmhertzigkeit. vnd auch in deine freündē. in dē vnschuldigē. die da zermal. noch nit gewesen sind. wie wirt es dē geen. dē du soult sünd zeychē d̄ liebe beweifest. vnd gut vñ ere freud vñ wollust gibest. vnd sie achten deiner lieb so gar wenig. Sie geruchenn sich kaum zgedencken. das sie es von deine genaden habenn. einer achtet es seinem adel zu. der ander seiner vernunft. klugheit. kunst. oder l. ligkeit. vñ gedencen nit von wem sie die vernunft vnd syn haben. Etlich schreibenn es irer arbeyt. oder irem verdienenn zu. vñ gedencen nit von wem sie die mügligkeit habenn zc. Unser herre gott helff mir wider zu land. ich bin ye zu ferre wi der mein meinung geflossen. ich muß
p iij

Von der zierung menschlicher natur

mit gewalt hinder sich schwimmē. wann es will mich mit gewalt hincziehen. sant gregorius spricht omelia. xxij. v. sind alle irdische ding anders. den etlich clep dūg des leibs. Sihest du das nach sant gregory spruch. got d̄ herr alle irdische ding. als zu zierung vñ cleidūg des menschen gemacht hat. Wann er hat die sel geclēidet mit d̄ leib d̄ leib geziert mit d̄ gliedern. die glied mit creffte. emptern vñ synnē. die synn mit mangerley gegenwürffen. die gegenwürff mit mangerley lustlichen vñ nützlichē eigenschafftē. als dem gesicht hat er tausenterley gegenwürff beschaffen. vñ die selbē auch geclēidet od̄ geziert. mit mangerley wuniglichē farbe vñ figur. das kein mēschlich kunst hin bey künen mag. als d̄ herr selbs spricht. Math. am. vj. vñ Luce. am. xij. Das salomō in aller seiner ere. nye so zierlichen geclēidet ist worden. als ein hilg. Also hat er auch dem gehōrd mangerley gedōnes bereit. das gedōn mit mangerley vnterscheidenlicher süßigkeit. in d̄ musica. in stymmē in singē. mit septe auß metall. od̄ dermē d̄ tier. mit roren. mit pfeiffen. mit ertz. als zumbeln vñ des gleichē. Vñ andern synnē mag man auch auß den obgemelten dingen verstentnus diser meymung schöpfen.

Aber nach einer höhern betrachtung. so hat er die sel geclēidet. od̄ geziert mit crefften. od̄ mūgkgleiten. die crefft mit geschickligkeytē. od̄ fertigkeytē zewürcken nach künsten vñ tugendē. als die verstentnus mit künste. vñ gotlicher weyßheit. vñ d̄ heiligen cristeliche glauben. die gedechtnus. mit nütze reine gedanken. mit götlicher hoffnung. den freyen willē. mit d̄ götliche liebe vñ gerechtigkeyt zc. Also sprach ich. hat er die creffte

gezieret. mit tugenden. die tugend mit wercken. die werck mit verdienstē. die verdienst mit lonen. Die vnuellkūmheit vnserer tugēt hat er geziert. mit den sacramenten. die sacrament mit gnaden. die gnad mit d̄ glori. die wesenlich glori. d̄ ist. die seligkeit der sele. wille er zieren mit der seligkeit des leibes. die seligkeit des leibs. mit wollüstlicher ergetzlichkeit. vñ süßer erlöstigung aller syn. vmb der willenn. der herr alle lyechter des himels. alle clemennit von ebē her ab biß auff die erden. mit newer schonheit vñnd clarheyt nach dem iüngstenn gericht zierenn wirt. Sihest du wie manigfaltiglich. adelich. zierlich. vñ reichlich. der herr menschliche natur. mit allein nach der natur. sunder das weyt hōher ist. auch nach der gnad vñnd der glori. mit allein in ir selbs. sunder in den elementen vmb iren willenn geclēidet hat. als die erden hat er geclēidet. mit mangerley baumen. die baum mit pletern vñ fruchten. vñ die selben mit plumen od̄ plüden. die plüde mit schönen figuren. farben. vñ süßen gerüchen. die frucht desselbengleichen mit figuren. farben. geschmecken gerüchem. die geschmeck mit crefften. also das vil frucht nit allein dem mund süßc sind zessen. sūnd auch den augen lustlich zesehen dem geruch süß zeriechen. senft anzurūren. nütze zu der narung zc. Also magst du auch finden von dem wasser. von dem lufft zc. vber alles das vorgeschribē steet. ist d̄ das hōchst. d̄ der herre vnser natur. als zu einem cleid seiner hohen gotheit angethan. vñnd darmit die selben. vnser natur. vber alle creatur gezieret. gewirdiget. geseliget. vñnd erhōhet hat.

Die achtundsechzigst figur



Der ander articke.

Von der schmechlichen emplossung
vnd beschemung vnser herren.

Wider dasselb. Das vnser herre
vnser nature. also gröflich ge-
würdigt. also manigfaltiglich geeret.
also zierlich geleydet. also reichlich be-
gabert. also lieplich. gnediglich. vñ süß-
glichen gezogen. vñ vnseidberlich an
sich genomē hat. so hat mā yn zu schād
vñ zu peyn gätz nackent außgezogē. Zu
dem ersten mal. zu den stracheu zu der
geyflung. Zu dē andern mal. zu lestrüg
vñ zu gespött. zu beschemung. Da sie ym
das purpur cleid. vñ ander lasterzeichē
anhengen wolten. den da setzt Mathe-
us sunderlich. nach dem als er die geis-
lung beschriben hat. Das sie yne aufge-
zogen habē. wiewol es sein mag. das es
ein einigs aufziehen sey gewesen. vñnd
matheus das in seiner schrift. erwidert
hab. Zum drittē mal vñ zum letzten. Da
sie yne an das creütz nageln vñ hefften
woltē. Das erst was zu schlahe. vñnd zu
geyflung. Das ander zuerspotten. vñ
zulestrung. in der Fröning. Das dritt zu
richten zu creützigung vñnd zu schentlich
er törtung. Darüber ist auch zu be-
dencken. das sie yne vor hin beraubt. vñ
entplöset hetē. seiner frewd die er hatt
in der frucht seiner lere vñ wunderber-
licher wercke. wān wa sie kunden vñnd
mochten. so verkerten sie yne die selbē.
vor dem volck. Das dauon solt vñ mocht
gebessert werde. Sie heten yn beraubt
seiner iungern in der gefecnis. seiner
eren vñ seins leimuts. in der falsche lū-
genhafftige anlag. seiner schöheit des
antlitz. in den packenstreichen. vñnd ver-
spürtungen. der schonheyt vñnd gentze
seins allerzertesten schönste. reynesten

leibs. in der geyslung. aller seiner würdig-
keit vñ stercke. in der Fröning. des lebes.
in der creützigung. Da die sel des leibs. d
ir cleid ist. vñ der leib der selen. vñnd des
lebenns. Die sein gezyerd sind. beraubt
ward. Sie wolten in auch d ewigē selig-
keit. dz sie leib vñ sel verderbē. mochten
beraubē. Durch ir gespött vñnd verwey-
sung. Die sie ym für huben. als er yetzo
an dem creütz lide. allermest durch dz
gespött. vñ verweyfung der hoffnung.
Durch dz sie yne dringen wolten zuuer-
zweyfung. dz er also ewiglich verloren
wür. Vñ das ist. vntter allen dingē.
die gemelt sind. das schwerest. vñnd das
erbermlichest. Vñnd woltest du es
grüntlich ansehen. so findest du. das er
durch alle die ding. durch die er vns ge-
eret. gezieret vñnd gewirdiget hat. ge-
schmeht. verspott. vñ gepeinigt worden
ist. als in gleichnus weise zeredē. hat er
die speise zu narung. das. tranck zu er-
lustigung. mit süßigkeit gezieret. als obē
gemelt ist. so habē sie sein speis. d craft
der narung. dz tranck. d craft der labung.
sein cleidung d art d bedeckung d schā vñ
d beschönung. sein Fröning d bedeckung d
ere. vñ dē gleichē. alle adere dig in ym.
irer zierung beraubt. als sie im mit mirre
vermischte. vñ verbitterte weyn. vor dē
auffhengen an dē creütz. vñnd darnach
essig für sein labung. gallē zu einer spes
C als dauid im. xxi. psalm. vñnd auch die
Sibilla cumca. als augustinus. im. xviij.
Buch. de ciu. dei. setzt. geweißagt d ge-
geben habē. purpurcleid zu beschemen.
die dörnen krone zu gespött. vñnd dē
gleichen. Das hie zulang wer zu erzele.
Das der herr alles gelitten hat für vns
das sein emplossung. vnser bedeckung
vñ sein schenung. vnser zierung würd.

Von der schmerzlichen peinigung cristi

Der. lxxij. gegenwurff.

Wie sich vnser herre vñ vnsern wil-
len gepeyniget vnd gefestiget hab vñ
von seym ynnern leiden.

D Er vns so gnediglich. vnser ma-
nigfaltig grosse schuld verzey-
het. vñ auß mitleidē das er mit vns het.
Der pein halb. die wir nach götlicher ge-
rechtigkeit solten gelitten habē. sich ge-
peiniget. gefestiget. vnd mit mangerley
weise gegeyselt hat all sein lebtag. Der
ist vor seiner engstlichē creützigūg. mit
scharpffenn geyseln yemerlich geschla-
gen vnd zerrysen worden. Das er aber
durch alles sein lebē manigfaltiglichen
gepeiniget sey wordē. das wirt offft ge-
melt. als geschribē steet. an manigē ör-
ten der geschriffte. in d person cristi. als
in dem. xxx. xxxiij. lxxij. achtvñdhūder-
ste. xxi. psalmē. die lise selbs in dē. xxxiij.
psalmen spricht er. Als ein weynender
vñnd ein betrübter. also würd ich gede-
mütiget. vnd sie haben sich wider mich
gefrewet. Glosa. Ich was traurig. sie
warenn frölich. ich betrübt mich milti-
gliche vber ir verderbnus vñnd verlust.
aber sie frewte sich in meinen vbeln. vñ
in meiner durchachtung. Sie sind zusam-
men komē. die geyseln sind vber mich ge-
samelt. oder gehauft worden. In dē
xxx. psalm. Wan mein lebē ist in schmer-
tzen verzert wordē. vñ mein iar in seuf-
zen. In dem. lxxij. psalm. Ich hab mein
hend vntter den vnschuldigen gewasch-
en. vñnd bin den gantzen tag gegeys-
elt worden. vnd mein festygūg früe od
vmb metten zeit. Bey dem gantzē tag
versteet. das gantz leben vnser herren.
nach seiner eigenn auflegung. wann er
sprach selbs Johānis am neündē. Ich
muß würcken. die werck. des. d mich ge-

sant hat. die weil der tag ist. Es kompt
die nacht. so nyemāt würcken mag. Vñ
welchem tag er meynete. das erclert er
darnach da er sprach. Als lang ich in d
werlt bin. so bin ich d werlt liecht. Sihtst
du. als lang der herr in der werlt was.
als lang was der tag. vñ den selbē gan-
tzen tag ist der herr gegeyslet. dz ist ge-
peiniget. betrübt. bekümmert. vñnd durch
stete tragung vnser schmerzenn bes-
chwert wordenn. Darüber ist er zu dem
letsten. vor dem herten tod des creützs.
durch allen seinen zarten leib. mit hertē
grymmigē geyseln zerrysen worden. zu
gleicher weys als ob es zu wenig wer.
das er des bittern tods des ereütz stür-
be. er wer den vorhin. durch alle glid so
yemerlich gemartert. Was aber der
herr vber die gemeinen pein der mēsch-
en. erlittē hab. das leidet dise kurtze ge-
schriffte nit funderlich zefetzen. sund in
einer gemeinen weyse. merck. das d herr
vber die gemeinē pein d mēschē leiplich
vñ geistlich. leiplich als hūger vñ durst.
hitz vñ frost. müde vñ plödigkeit. geist-
lich als traurigkeit. forcht. fürschā für-
rew. mitleid. barmhertzigkeit. mitleiden
vñnd desgleichen. sunder peine vñnd leid.
zeleiden het. nach zweyerley weyse. Das
ist nach dem als er ein sund person wz.
vñnd nach dem als er dz haupt aller men-
schen was. vñ allermeist der glaubigen.
Deshalb alles ir leiden. allermeist. dz sie
vñnd seine willen würdē leyden. als sein
leiden vñ das ander. dz sie sunst würdē
leidē. als seiner glider leydē. ym zu her-
tzen gieng. Vñ das souil mer den ynen
selbs. souil er sie lieber hett. vñ clerlicher
erkennet denn sie selbs. Also het d herr.
dise vnzelliche leyd vñnd leyden. mit dem
leydē seiner eignē person. mit dz mā ver-
steē soll das dz leidē in seiner götlichen

Von der schmerzlichen peinigung

person were. irē halb. sunder in ym d mē
schlichen natur halben. Die in eynigkeit
seiner götliche person genome was. die
in leib vnd sel. zusammen gefügt steet. in
welcher natur C dz ist seiner sel. die mit
dē leib kein ander sunder person setzt.
Denn die götlich C solch leyden vñ leyden
was beid. das sie in iren geistlichen ge-
lidern C das die glaubigen sind C leidē
solt. vnd dz sie in iren leipliche gelidern
vñ. in ir selbs solt leiden. der ir künfftig
leiden alles allweg durch die gewysen
erkenntnis gegenwertig was. Das zeit-
lich w3 ir gleich als ewig. nach d weys.
als man ewig heisset. dz durch dz gātz
leben weret. Das hingehend leiden was
ym bleibend. Das dein was schier end-
los. wān die grössē d vnere. vñ schmah-
heit. oder vngerechtigkeit. wirt geach-
tet nach der grössē der würdigkēy der
person. Die in cristo endlos w3. vñ nach
dem selben zerechnen. so was ein cleins
leidenn in cristo als ein packenschlag.
grösser zeachte. den alles das. das wir
der alle creatur beschēhen möcht. sie an-
zesehen nach ir selbs. vñ dise grössē sey-
ner eigē würdigkēy was im allein gantz-
lich vnd vōlcomēlich kñd. Darvñ hab
ich gesprochen. das im ein dein leiden.
schier als endlos was. vñ ist mit fleyssē
zemercken das der herr durch lauter an-
schawung allein on erfahrung d empfin-
dūg. alle ding baß erkant. den wir auch
nach der erfārūg. vnd sein leyden was
ym allweg vor seinen augen des gemū-
tes. vnd opfert vñ hielt es allweg seine
himlischen vater für. Hierumb was ym
das nachgēd vorgehend. das künfftig ge-
wertig. das leiplich geistlich. dz auß
wendig ymwēdig. Als der. xxvij. psal.
ymhelt. da er spricht. Bekümmert gieng

ich ein C verstee C in mich selbs dē gan-
tzen tag. oder ich gieng dē gantzē tag.
mit traurigkeit ein. dz ist. in mich selbs.
ich was ser gepeinigt vnd gedemütigt.
ich rühelt vor dem scüfftzē meines her-
zen. herr vor dir ist alles mein senen. vñ
mein scüfftzen ist vor dir mit verborgē.
mein hertz ist zumal betrübt. wann ich
bin i die geyseln bereit. vñ mei schmerz
ist in meinem angesicht allweg. Job am
xxx. Vñ so dorret. oder wirt schweckē
in mir selbs mein sel. vnd die tag der be-
kümernus besitzē mich. durch die nacht
wirt mein gepeyn mit schmerzē durch-
löchert. vñ die mich essen. die schlaffen
nicht. in yr menige wirt mein cleid. das
ist mein menscheit verzeret. vnd zu glei-
cher weis. als mit eins rocks haubeloch
habenn sie mich vmbgürtet. mein inge-
weyd hat aufgewallt on alle rue. mich
haben fārücken die tag der peinīgūg.
ich gieng traurig. ich was der trackem
pruder vnd ein gesell der streis. zc. Also
mag man warhafftiglich sprechen. das
er so manigē tod gelitten hab. als ma-
nig mal. er also seinen tod betrachtet.
fürgesetzt. in willen zeleidenn. bedacht
vñd geopfert hat. Darvmb ist hie in
den Worten des heiligenn Jobs. in der
person des herren gesprochen. Durch
die nacht wirt mein gepeyn. mit schmer-
tzen durch geporet. wann die crefft der
selen. worden durchdrungē mit schmer-
tzen seins künfftigē leydens. durch die
gantzen nacht. das ist durch die gantzē
zeyt seiner tödlichkēy. Wann er weis
gleich als wol. wie das leiden. vñd der
bitter tod schmeckt. ee er es versucht.
als da er es vezund empfand. vnd lyde.
nach der lautern verstantlichen erkent-
nus zureden. dz in ädern mēschē nit ist.

vnd dem ynnern leiden cristi

Vnd darumb durchdrang d'schmerz
des künfftigen leidens vnnnd todes. all-
weg sein verstantnus. wan nichtz mocht
ir oder ym. vnfund sein. Er durchdrang
allweg sein gedechtnus. wann er mocht
nichts vergessen. Er durchdrang allweg
seinen willen. wann er was in stetem ge-
wissen vnberweglichem willen. vnd für-
satz ze leiden. vnd was seins willens. vn-
hinderlich. vnvandelberlich. geweltig.
vnd seins gewalts ungezweifelt. Nun
sicht man in andern menschen. die bey
frischem leib. iren künfftigen tod erken-
nen. vñ doch nit wissen wie er schmeckt.
was grossen angst. hertzenleids. streits
vnd not sie haben. ee das sie zu dem re-
chten puncte des todes künē. also dz sie
gewöhnlich gleich. als vorhin tod sind.
dz widerfert yn von. cleinmütigkeit. od-
böser gewissen oder andrer menschlich
geprechen wegen. Aber in cristo. hat es
ander sach gehabt. wan forcht vñ angst
seins sterbē vñ leidens. sind auß erwe-
lung seins freyen willens. vñ auß gnedi-
ger annemung. gnug zethun für vnser
sünd. entsprungē. Vñ also lid er allweg
von ynnen. das er ein mal von aussen vñ
von ynnen leiden wolt. Wan er wolt ley-
den. darumb vor seinē leyden sprach er.
Joh. in dem. xij. ca. Nun ist mein sel be-
trübt. vñ in dem. xij. cap. Luce. Ich sol
eins tauffs getaufft werden. vnnnd wie
wird ich geēgster. bis er vollbracht wirt.
Ysaie in dem. l. capi. Got der herre hat
mir das oz geöffnet. C das ist C er hat
mir mein künfftig leiden geoffenbart.
vnd ich hab ym nit widersprochen. oder
widerspuch nit. Ich bin nit hinderlich
getretten. Das offenbarn sol man also
verstehen. das die sel cristi. in dem dz sie
geschaffen. vñ mit der person des suns

vereint ist worden. als bald in dē liecht
des ewigen wortē ir künfftig leidē ge-
sehen. vnd den fürsatz vñ willen gottes
erkent vñ auffgenomē hat. In dē. xxxix.
psalmen. spricht künig dauid. in der per-
son des herren. An dē haubt des buchs
ist von mir geschriben. das ich deinen
willen thun solt. O mein got. ich hab es
gewölt. vnd dein gesetz enmittē meins
hertzen. Dife wort hat der herr gespro-
chen vñ in seinem hertzen getragen. als
er in dīse werlt kumen ist. ad Hebre. am.
x. capi. Also hast du. wie das gantz leb-
lich leben des herren. ein stetes leyden
vñ sterben ist gewesen. Vñ laß dich dz
nit wundern. das ich das sprich vñ dem
herren. so sant Johannes Crisostomus
vñ sant pauls spricht. de laudibus eius
omelia prima. Wiltu das ich dir vnzel-
lich töd zeige. souil als er tag die gelebt
hat. Wie vil mer mag ich sprechen
von dem herre. das er mer töd gelitten
hab. denn er stund gelebt hat. Wo er in
einer stund mer gegenwürff. leidē vñ
leydes gehabt hat. Dann ye einich ander
mensch hat mūgē habē all sein lebtag.
Das du dasselb destesterbā vernemst
so bedenck die eigē schaff der sünd. als
das durch die todsünd. got der herr vn-
geeret. sein zorn bewegt. auffgetrieben
vnd gereizet. die sel des mensche grew-
lich entsetzet vnd vermaliget. das reich
der gnaden vñ seligkeit C des sünders
halb C zerstört vñ verlorn. vnd die ewig-
keit verschuldt vñ erlāgt wirt. Hatt die
se bösen eigē schaff der sünd. gegē den
eigenschaften cristi. als das er der war
wesenlich vñ natürlich sun gottes. ein
mittler des frides vnnnd der versünung
zwischen got vñ den menschen. dz haubt
der glaubigen. ein ernsthafter hitz

Von dem ynnern leiden cristi

ger liebhaber der selē als seiner gespō-
sen. Die auch auß seinem plut von seine
hertzen seind ist. so mag dir ettwas ein-
leühten vō dem leyd cristi. Bedenck w-
grossen leids eins grosmächtigen key-
sers getreuer sun hett. weñ sein vater d-
von herrē vñ fürsten gesöcht. geliebt.
vñ vber all künig geeret solt werdē. von
schöden puben geschmeit. vñ vbel ges-
handelt würd. vñ so gott der vater end-
loser ere. liebe vñ dienstbeweißung. als
d- des maiestat gutheit gewalt vñ herr-
schafft on end groß sind. würdig ist. vnd
der sun het yn on end lieb vñ werd. von
ym on end geliebt. so folgt darnach dz
ym die schmahheit vñ vnere. die seinem
vater vō d- sündern bewyse wirt. gleich
als on mañ wee thet. Bedenck dar zu
wie lieb der herr den frid zwischē gott
vñ den mēschē. wie lieb er die selen der
menschenn die ym als auß seinem hert-
zen geporn. die sein gesponsen vñ glid
sind het. vñ lern auß der größe sölicher
lieb wegen. wie groß sein schmerz vnd
leid sey gewesen. so er fürsehē hat. wie
sie durch ir sünd den frid zerstören. die
ee prechen. dem vngetrewen versürer
nachfolgē vñ anhangē. von dem warē
getrewen liebhaber geschaidē. von sey-
nem leib abgehawen. von aller seld ver-
stossen. zu der ewigē pein verurteilt. vñ
in dem zorn gottes vñnd seiner vngnad
bleiben würden. Es wer denn dz söliche
vbel alle. durch sein leidē vñ gnugthun
hingelegt würden. Also ist der herr ym
selbs hert gewesen. vñ nyemant so hert
als ym. der vnser aller leidē auff sich ge-

nomē hat. Aber vns schuldige ist er oft
gnedig. als es wol erschynē ist in man-
gem grossen sünd. dem d- herr gnedi-
glych. schnelliglych. leyhtlich. alle seyn
sünd verzige hatt. als in dem frewlein.
dz in d- cepruch begriffen. vnd vor ym
beschemet ward. als dem mörder d- neu-
lich vō dem wald hergenomē vñ neben
d- herrē gehengt ward. als d- allerhey-
ligistē marien mag dalenen. die als sant
gregorius spricht. allerley sünd vol w-
vñ d- gleiche. Besund ist zebedeckē.
wie gnediglich. vñ barmhertziglich vn-
ser herr. dy armē ellendē. geengstetē. ge-
geyseltē iudē vō d- gewalt irer geisler
erlöset vñ erlediget. vñ ir geysler vñ pey-
niger. gegeyselt vñnd geplaget hat. als
man in d- andern buch moysi. Exo. 11. set
Vñ dise. lix. figur. ynnhelt in d- bedēit
wirt. Wie got d- herr d- künig vō egyptē
mit namē pharao Cēchres vñ sei volck
gegeyselt hat. darvñ dz sie die iudē ge-
geyselt vñ gepeinigt hetē. vñ werdē bey
d- geisling in gemeyn all plag. mit denen
got d- herr die von egyptē land geplagt
hat. gemeint vnd verstandenn. es seyen
mücken. frösch. peülen. hagel. sterbē des
vñs. plut. finsternuß. heußschrecken. der
geh tod d- erstgepornen sün. ertrenckung
in dem meer. vnd ander plag. mit denen
sie geplagt sind worden. darumb das sie
die hebreyschen lang zeit gepeinigt vñ
ir kneblein in das wasser geworffen he-
ten. vnd so er durch das selb. das er der
iuden geisler gegeislet het. die iuden vō
den geislern erlediget het. so merck wie
vnpillich sie yn gegeislet haben.

Die neunundsechzigst figur



Die sibentzigist figur



Von der geißlung cristi

Der ander artickel des lxvij. gegen
wurffs.

Von der erbermlichen geißlung vn
fers herren.

EDer dar wider hat dasselb voll
Das der herr von den geißlern.
Den heyden erlöset het. yne den hayden
eben in der selbenn zeit zugeyßeln gege
benn. Da er sie von den geißlern erlöset.
vnd ledig gemachet het. Vñ so die iu
den den heydnischen richter. mit biten.
mit schreye. mit auffrur. mit troe. gleich
gezwungē haben wider seinen willen ze
geben das vrteil des tods ober cristum.
Der die geißlung nach der rōmer gesetz
vorsetzt. so wirt pillich die geißlung cri
sti. als auch sein creutzigung. den grym
migen vnwillen iuden zugeschriben. D
mā da bey verstee. Das dasselb volck dē
herrē gegeyßelt hat. Das der herr durch
sein geißlung von den geißlern erlöset
het. mit das es die selben person weren.
sunder sie warn dasselb volck des ge
schlechtes halb. Sprechest du aber.
Die iuden heten es nit gethan. sund die
heyde. so antwort Crisostomus ober ma
theum. Das es die iude alles gethan ha
ben. Wann sie sind sach gewesen. D
py
latus vñ sein ritterschafft. Die ding ha
ben gethan. Nun von der geißlung
in ir selbs zebedencken. weyße ich die le
ser der geschriff. auff ander andechtig
passion. Wan es ist einer vō den fürnē
sten artickeln. des leidens vnser herre.
vnd wirt in vil büchern. fleißiglich auß
gelegt. vñd beweret. Nie seystu eryl
nert in der betrachtung desselben arti
ckels. Der offenberlichen beschemung vn
fers herren. Der vnser schande so gnedi
gliche vñ so demütigliche. durch die seine
bedecket. vnd beschōnet hat. in der auß

ziehung seiner demütigen wat. vnd en
plößunge seines zarten innēfrewliche
leibs. D doch vorhin vbel gehandelt wz.
nit das du pilden oder achten selst. D
sachen der scham C als wir D seiner hal
ben seinem leib hete. Der heilig vō dem
heiligen geist entpfangē. durch die gōt
lichen crafft wunderberlich. vñd ober
natürlich geformt. vnd auß der vnuer
serten innēfrawen geporn was. sunder
das er die schame gnedigliche vnd willi
gliche. als auch and leidlicheit. für ein
zespūßen. vñ sich zeschemē. an sich geno
mē het. Auch heiße ich sein enplößung
ein beschemung. seiner feind halb. Die es
dar für hielten vnd darumb teten. D
er beschemet würd. Auch ander leut halb
die sich für yn schemten. da doch in der
warheit sich der herr für vnns schemte
vñ für die. dy yn beschemen wolte. Den
es ein vnaussprechenliche schand was.
aber ym was es ein vnaussprechenliche
ere. als Chrysostomus. Das ist sant Jo
hannes mit dem gülden mund ober ma
theū. in d person des herrē. zu sant Pe
ter spricht. Das leiden. ist mir nit vnere
lich. sunder die fürderlichst ere. Wann
als gregorius spricht. soult soll vns vn
ser erlöser lieber vnd werder sein als vil
er schōdore ding für vns gelitten hat
Vnd also solt du es allenthalben ver
steen. wa gesprochen wirt. Das der herr
gelestert. beschemet. oder geschent sey
wordē. od D er eins schēliche od lester
liche todes sey gestorben. du solt vor sol
liche wōrtē nit einē grawen habē. wan
die heilig geschriff vnd die heiligen le
rer geprauchten sich sollicher wōrt. Sa
piencie am andern capitel. ad Hebreos
am eplfften vnd zwölfften. In der per
son der iudenn spricht philo. in dem an

Von der geißlung cristi

Dem capitel. Der weyßheit Salomonis.
Mit beschemung oder schendung vnd
mit peinigung lasset in vns frage. Des
allerlesterlichen. oder schentlichenn to/
des. lasset vns yne verurtheilen. In dem
xj. vnd. xij. capi. zu den hebreysche. nemmt
sant pauls das leiden cristi ein laster.
nach dem als laster ein schand. die man
einem aufheben mag. bedeüt. Darumb
solt du es on grauen hören. deshalben.
Der es gelitten. aber mit der halben. von
den er es gelitten hat. oder auch der ar
men sündler für die er hat gelitten. ya
du solt mer ein grose andacht vñ süßig
keit darvon empfangen. vnd sie recht ver
nemē. Das der vntterwurff des lasters
nit in dem herren sey gewesen. sonder
mer in den augen. vñ in dem urteil d
menschen. die den herren nit erkent ha
ben. in den hertzen. Der vnglaubige. als
sant Augustin spricht vber Johanniē
omelia. lxxij. Sih an von dannen sich der
werltweyße geschemt hat. Da hatt der
zwölfs pot einen schatz gefunden. Das
diseim ein totheit gedaucht hat. Das ist
dem zwölfs poten zu weyßheit vñ ere
worde. Vnd her ab bas. Wan was ein
groß spottspil den vnmiltē ist. Das ist
ein großes heymlichs sacrament. oder
gotlichs zeichen den glaubigē. Sih
wie vil wort die auflegung eins worts.
vber sich genomen hat. Vnd ob ich dz
wort der beschemung mit also aufgelegt
het. so het ichs doch auff den syu recht
gemeint. Also vernym auch ander ding
recht. nach aufweyßung. des heiligē
cristenlichen glaubens. ob es auch der
kürze halb. hie mit aufgelegt wirt.

Vñ wider auff die meynung zekum
men. in der betrachtung. der geßlūg vn
sers herre. sevest erymert. zebedencken
sein beschemung. in d entplossung seins

iunckfrewlichen leibs. Die offēberlich
entdeckung seiner bloßheit. die herten
strengen anbindung seins leibs. die ver
strickung seiner miltē. vñ vnschuldige
hend. die dich geschaffen haben. seiner
füß. die dich mer denn dreyßig iar ge
sucht haben. Bedenck. die scharpfenn
gerten die ym sein allerzarteste haut er
hitziget vnd zerzogen haben. die grym
migē geyseln mit nadeln. negeln he
ckeln. oder desgleichen. die ym die gen
tze. seins zartē reine fleischs. erzert vñ
zerissen haben. Die gewolichen vñ mil
ten. grossen. herten. steten vñ zellichen.
crefftigē. grymmigē streich. die ym biß
auff sein gepein gedrunge haben. vñ
als Augustinus spricht d den rücken
die schultern als Jeronimus vber ma
theu schreibt d den allerheiligstē leib.
vñ die prust. die gottes begreifflich woz.
als Crisostomus vber matheū. omelia
lxxvj. schreibt. den gantzen leibe durch
auf zerhauen habe. Wann es stet ge
schriben in. xxxj. psalmen. vil sind der
geyseln des sünders. Sind nun vil geys
eln eins sünders. wie vil sind dem der
geyseln aller sündler. Vñ spricht Ysa
ias in dem. liij. ca. Wir haben all geirrt.
Das ist gesündet. vnd der herr hat auff
yn. dz ist got d vater auff den sun. vnser
aller vngerechtigkeit gelegt. die streich
oder züchtigung. vnser frids vber yn.
Durch des strēnen. wir geheilet sind. Er
ist verwundet worde vñ vnser vngerech
tigkeit willē. Er ist zerschlagē vñ vn
ser missetat willē. Auf disen Worten d
heilige prophete dauid vñ ysaie. hast
du das die straff aller sünd auff dē rü
cken vnd den leib vnser herren gelegt
gewesen. darvñ er ser vbel geschlagen
worden ist.

Das man das leidē cristi mit drey

Von der kostperkeit des pluts cristi

en vmbstenden betrachten soll.

Das bedeck mit adacht mit schä.
mit mitleiden vnd danckbarkeit.
mit scham. also das du sündest. vñ gott
sein richter. dein herren C wider de du
sündest an deiner stat. für dich so vbel
geschlagen wirt. Wie pillich soltest du
schreyen zu got dem himlischen vater.
O rechter richter schon deins vnschul-
digen kunds. Ich bin der. der gesündt
hat. Ich bin der. der da leider fast vbel
gethan hat. Was hat diß vnschuldigs
lemblein vnrechts gethan. Aber O . .
begreifliche götliche gütigkeit. O vn-
aussprechliche menschliche grobigkeit
vñ bosheit. Wa mā mutwillen vñ hoh-
fart treiben. vñ sünden will. da will ein
yeder der erst sein. wann man aber büß-
sen vnd gnugthun sol. so ziehen wir hin-
der sich als die schenken hinderstelligē
pferd. vñ stellen einen vnschuldigen
dar. vñ mügen mit trucknen augen. die
vergießung des vnschuldigen pluts.
für vns schuldigen sehen.

Wie das plut cristi von mangelrey-
sach wegen ein kostberlichs opfer gott
dem vater für vns gewesen ist.

Vnd das du doch dasselb. mit
den obgemelten vmbstenden se-
hest zu betrachtest. Zum erste wie gne-
diglich vñ gutwilliglich der herre das
selbig rein kostbar plut. von der keusch-
en iunckfrawenn an sich genommen hat.
Zum andern Wie hoh vñ großlich er
dasselb durch die vereinigung. mit d̄ gōt-
lichen person gekostert vñ gewürdiget
hat. Zum dritten Wie kindiglich vñ
sprödiglich. er es generet hat. Zum vier-
den. Wie reinlich vñ lautterlich er es
getragen hat. Zum fünffte. Wie miltri-

glich. arbeitfamlich. vñ stetiglich er es
in disem yamertal in deinem dienst geü-
bet hat. zum sechsten. Wie engstlich er
es an dem ölberg verschweyßet hat.
Zum sibendē. Das er dem himlische va-
ter so williglich vñ so andechtiglich. mit
sparlich. sunder miltiglich. vñ gentzlich.
für vnser erlösung opfern. Vñ zu ach-
ten. vns so miltiglich. vñ so reichlich.
zu einem stetigen teglichen opfer. vñ zu
einem süßen heilsamen getranck. vñ
reichen kostbarn schatz. zu bestetigung
der neuen ee. vñ zu einem pfand der
ewigen seligkeit. lassenn wolt. Das nun
in der engstlichen geyslung. durch die
scharpfen gerten. durch die grymmigē
geyseln. durch die herten vn̄barmhertzi-
gen streych. mit so grosser bitterer mar-
ter auß seinem heiligen fronleichenam.
auß seinen reynē vnschuldigen glidern
gezogen. genglichen vergossen. vn̄wir-
diglich auff die erden verschütet. vñ
des ein tropf gnugsam. würdig vñ wert
wer. das aller wert schuld dardurch be-
zalt. alle selen von den ewigen penen er-
lediget. vñ in die ymmerwerenden sel-
ligkeit genomē. möchtē werde. dz wirt
schmehlich vntter die fūß d̄ sünd getre-
tem. O du giftigs nater. geslecht. du
schnōds vnzifer. du vn̄geschlachtee art.
wie teir vñ saur. bistu erarnet worden.
wie vil hastu deinē herrē gestandē. wie
hoh bistu von im geachtet worden. vñ
hast in so gering. ya so schnōd geachtet

Bedenck auch zum neindē. de gros-
sen pittern schmerzenn. der gnaden-
reichenn senffmütigen selen christi. die
söllichen vntreglichen schmerzen. so ge-
dultiglich getragen. vñ gleichmutiglich.
das sie dich von den ewigē schmerzen
erretten möcht. gelitten hat. Du magst

wol gedēckē. vñ mit yamer besymē. wie
wee dē allerzertesten herren die streich
alle gethan haben. so on allen zweyfel.
zu den ersten streichē aller seiner leib er
zittert. vñ gleich als zefamen gefarn ist
Vñ lise zefammē. die zartheyt des
fleischs. der linden vñnd senften haut.
vñnd des gantzē wolgestaltē geraden
leibs cristi. die subtiligkeith der cōplexi
on. den adel. des geschlechts. besunder
die zartheit. adel vñ subtiligkeith. seiner
werden muter. der milch. der iunckfraw
schafft vñnd vber natürligkeith halb. die
subtilst narung ist gewesenn. die ye einē
kind ist gegeben worden. Item bes.
denck die scherpfē vñ subtiligkeith sey
ner synn. vñ seins fülens vñ empfindes
vber alle ding. die clarheit seiner erkent
nus. vñnd die vermüglikheith der crefftē
seiner sele. die vor allē andern. allein ein
clar vñnderscheidenlich auffmercken vñ
warnemē hat mūgē habē. aller streich.
als an der selen eins einigen vñnd aller
schmertzen aller glider. als ander eins
schmertzens. eins glids. vñ des ist wol
warzenemē. durch das gantz leiden vñ
sers herren. Wann ander menschen er
schluchtzē vñ erpidmen in der größe
oder menige des leidēs. oder die selles
ret sich auff das leiden. dz ir am wirstē
thut. kert sie sich aber zu vil leidēs. auff
ein mal. so mercket sie ein yegliches des
ster mynd. Aber in cristo ist es weyt an
ders gewesē. vñ d lebligkeith vermüglik
keit. subtiligkeith. clarheit. vñnd außbreit
tūg. vñ vber natürlichē macht willē sey
ner erkētnus. crefft vñ sinnē. die vñgehin
dert waren. in irer begreiffung vñnd en
pfindung. Vñnd was auch die eüßern
synn mit vermöcht heten. das möcht er
fült werde durch die ynnern. Wan der

herr het gewalt seiner syn. vñnd menschen
lichen crefft. vñ mocht sie halten in iren
wercken wie er wolt. vñnd so sein leiden
auß willen was. so er den schmerzē ha
benn wolt. seinem vater gnug zehün.
für allē menschen sünd. so duldēt er
auch die schmerzen. mit aller senfftmi
tigkeith vñnd der soull. so größlich vñnd
so lang. das der strengen gerechtigkeit
gottes gnug beschē für vnzelicher mē
schenn vnansprechennlich ewig peyn.
Diz sind die sachen der größe. der bit
terkeit des schmerzen vnnsers herren
in der geißlung. die du ein teyle auch zu
andern articulen magst ziehen. Zum
zehendenn bedenk. die schmehung der
göttlichen maiestat. die in der person cri
sti gelestert ist wordenn. das vber alle
gemeldte ding das gröst ist. durch das
auch das ander alles gegröset wirt.
Dar zu betracht auch das demütig still
schweigen. die senndenn gepert. das
erbermlich gesiht. das senckenn seins
maiestatlichen haubts. die menige der
wundenn. von obenn an. bis ab vñnd ab.
vñnd ander gehebung des stillschwey
gendenn senfftmiütigen vñnd allerger
dultigstē kēbleins. in der zerreyßung
seins zartē felleins. vñnd anderer schmah
heit. die er da ingenomen hat als cleg
liche erzelt die obgemelt Sibilla. als
sant Augustinus in dē obgemeltē buch
setzt. so sie spricht. Er wirt eifeltiglich
seinen heiligen rucken zu den streychen
dar haltē. vñnd so er die halbstreych wirt
einnemen. so wirt er stillschweigen. das
nyemant erkēne das wort wa hin. oder
wannen her es kün. das es den hellem
zuredē. vñ mit der dörnen kron gekrönt
werde ic. Sie werdenn got backenstre
ych. gebē mit vnkeüschē hendē ic. Job

en sunder figur. des namens vnd leides
halb vnsers herren. als sant gregorius
schreibt. spricht gleich in d person. des
gegeyselten herre. am xvi. capitel. Mein
feind hat mich mit erschrockenliche au
gen angesehen. Sie habenn ir munder
vber mich auffgethan. vnd als sie mir
auffgehebt habē mein schand. so habē
sie mich geschlagē an mein wangen. vñ
sind mit meinē peinen gesettiget wordē
Got hat mich beschlossen bey dē vnge
rechtē. vñ hat mich in die hend der bösh
wicht gegeben. Er hat mich bey meinē
halb gehalten. vñ hat mir meinē rucken
gebrochen. C Der text spricht. Er hat
mich zeprochen. D er hat mich gleich als
zu einem zil gesetzt. vnd hat mein len
de mit einander verwundt. er hat mein
nit geschonet. vnd hat meine gelid auff
die erden aufgeschüt. er hat mir ein wu
den vber die andern gehawē. er ist vber
mich gefallen als ein ryß. ich hab einen
sack geneet vber mein haut. Sölliche
ding hab ich gelitten. on alle vngerech
tigkeit meiner hend. Da ich lautter ges
bett zu got het. O ertreich nit bedeck
mein plut zc.

Vor der figur d Erönung geen zwu
figur. wiewol der selben eine auch her
nach folgt. Da sie außgelegt wirt. vber
dē nechst nachfolgenden fünffer. Die
and ist auch vor gesetzt zu dē abēmal.
Aber darumb sind sie auch hieher ge
setzt. Dz mā bey d erste erylert vnd er
māt werd. d hohē vnaussprechliche ma
iestat vñ würdigkeit cristi. Dem alle crea
tur eer. lob. dienst. gehorham. vñ vntter
tenigkeit schuldig ist. Bey d andern sol
mā ingedenck werden seiner tieffen de
mütigk. vñ seins getrewē dienstes. Die
sowl grösser vñ höher zeachte vnd ze
dancē sind zenemen. sowl sein maiestat

vnd würdigkeit höher vnd unbegreiffe
licher sind. Auß betrachtung diser zwey
er. Dz ist. seiner unbegreifliche maie
stat. vñ allertieffste demütigē diēstber
keit. leucht vñ scheynt die grössē der vn
püchlichkeit der verspottung vñ schmehung
seiner würdigkeit. Durch die Eröning. grüß
sung. nyderkñung. anbettung. vñ and zeit
chen. der felschliche angenūmen maies
tat. Dañ wie gering der mēsch stands
vñ guts halbē ist. ist er warlichen demü
tig. so soll man sein nit spotten. vorauf
wenn er frun vñ tugenthafft ist. wann
des tugenthafften soll mā nit allein nit
spotten. sunder man soll yn auch erē. als
der natürlich meister in dem buch d tu
gent schreibt. iij. ethicorū. Aber die ma
iestat schmehen. wie groh das geachtet
werd. Das ich geschweig was die keiser
lichen recht dar von setzē. C. vnd. ff. ad
legē iulīā maiestatis. vñ de iniurijs et li
bellis famosis. Nam merck es auß dē.
Das zu den zeitten der selbē. die vnsers
herren spotteten. wer des keyzers C vn
ter dē cristus geporn ward. D pild an ey
nē fingerlein. od sünst an ein vnerbere
tat. ya auch an die stat mēschlicher not
dürfftigkeit. als zu stülen trug. dē golt
es das lebenn. Merck wie groh die mē
schen ir mēschliche maiestat geschetzet
habē. Trug man die pild d keiser nit. so
wz es ferlich vñ sörghlich. Trug man sie
den vñ hielt sie nit in grossen crē C als
so das man auch die notdurft in gegen
wertigkeit solcher pild nit getrost thū D
so was es aber ferlich. Vnd wer waren
sie. der pild man also erem vñ sörchten
must. Wer warē sie ires lebens halb all
sölche Dz ich es nit geschreiben getarr.
sie warē sölche d gleiche mā zu vnsern
zeittē in teütschē lādē verprent. vñ auch
nach keyserlichen rechtē verprenen soll.

Von der verspottung cristi

Ein solcher was octavianus vntter dem
vnd seiner gehorsam cristus gepom w3.
Ein solcher was tyberius vntter dē vnd
des gewalt cristus gegeiselt. gecreützi-
get vnd getötet wārd. wann pylatus w3
sein amptman vnd von ym gesant vñ ge-
setzt. Ein solcher was garys caligula. d
den herodem agrippam C der sant Pe-
ter in den kercker gefangē legt. vnd den
grossen sant Jacob enthaupten hie d
zu einem mechtigenn künig macht. wie
wol er den tod C von letzung wegen key-
serlicher maiestat d verschuldt het. vnd
den herodē antipan C der sant iohannis
den tauffer enthauptet. vnd vnsern her-
ren in seinem leyden mit gespött ge-
schmeht het d gen leon oder lugdun in
das ellend sendet. Der selb garius da er
sein Schwester drusilla C die mit vrlaub
zeredē auch sei bulein w3 d nach irē tod
claget. da getorst nyemant in den tagē
der selben clag. zeichenn der frewd be-
weisen. wer in das pad wer gegangen.
oder mit seinen freunden ein mal gees-
sen het. der wer dē tod verfallen gewes-
sen. wer vor dem keyser Domiciano der
falheit gedacht. oder vō einem fenster
abher sah weñ er für ritt. der was dem
tod verfallen. als der die keyserlich ma-
iestat geletzet het. Darūb das er kal w3.
vñ er was doch werlich ein gotzlestre-
dann man must ym got vnd herrē nennē
vnd schreiben. vñ was ein bub in seiner
haut. Solcher ding möcht man gar vil
hie meldē. die zu bewerung dienten. wie
schwer vñ groß es geachtet was zu den
zeiten vnsern herren vnd der zwölffpo-

ten. Das man der menschliche maiestat
C mit sprach ich gespottet. sunder auch d
mit groß ere. mit allein in der keysern ey-
gen person. sunder auch in iren zeichen
vnd pilden bewisen vnd erboren het. die
weil sie in solcher maiestat getragē wur-
den. wie schōd sie ires lebens vñ wan-
dels halben waren. Nun gedenck ein
yeglichs andechtigs mēsch. wie groß vñ
schwer das gespött. das der götlichenn
maiestat C gegenn der alle menschlich
werlich cre. ir sels halb. als vil man sie
mit auff got zeucht. für einen mist vñ
kott zeachten ist d bewisen. vñ angelegt
ist worden. zeschetzen vnd zeachten sey.
So die götlich maiestat mit allein endlo-
ser eren würdig ist. darumb das sie en al-
le maß. alle menschliche würdigkeit vnd
maiestat vbertrifft. sunder das sie auch
in ir die endlose gutheit. weisheit. tug-
gent. vñ heiligkeit. auch macht. gewalt.
vnd alle volkommenheit begreift vnd be-
schleisset. vnd hat sich vber das selb al-
les. so tieff geneigt. gesenckt vnd gedē-
mütiget. ym vñd zu der dürfftigen vn-
danckberen vnd verdemlichen mensche
dienstbarkeit. vnd für busfertigkeit. vñ
ist also für vñd vmb seinen steten lan-
gen getrewen vnd nordürfftigē dienst.
on den wir all müsten ewigliche verdor-
ben sein. geschmeht. gelestert. vñd mit
grymmigē penen verspott wordē. Das
mag nyemant gnug ergründen vnd we-
gen. denn der. der die größe seiner ma-
iestat vnd tügent begreift. das ym al-
lein. vnd keiner creatur möglich ist.

Die einundföbentzigst figur



Die sechsondvierzigst figur zum andern mal



Die zwundsiibentzigist figur



Von der verspottung

Von dem. lxviij. gegenwurff.

Von der peinlichen vnd engstliche
verspottung der unbegreiflichen höhe
der würdigkeit cristi.

Von der krönung.

Von der krönung sehest du eryn
nert auff diß mal der vnausspre
chenlichen würdigkeit cristi. die bedeüt
ist. in der vorgeende. lxij. figur. der maie
stat cristi. auß dem buch der götlichen
offenbarung genommen. die ich darnach bes
tracht den langē. getrewē. demütigē ste
ten. nordürfftigen. nütze. heilsamē. gut
willigen. dienst cristi. der bedeüt wirt in
der figur. der fußwaschūg. Den künne
auff die engstliche krönung. so merckst
du. wie unpillich der herr das peynlich
gespott eingenomen hat. Vñ so nun
die krönung. vntter den gespötte die de
herren angelegt sind worden. das fürd
lichst ist. so will ich bey dem selben. d an
dern. auch in einer gemein gedencen.
Hierumb ist zewissen dz der herr nach
manigfaltiger würdigkeit. die an ym ist.
manigfaltig schmahheit. vñ gespött ein
genomē hat. Wan in annas haup ward
er geschmeht. als ein falscher lerer. In
cayphas haup. als ein falscher prophet.
oder weyßsag. Vor herode. als ein fal
scher heilig. oder wundwürcker. des zey
chen vñ wunderwerck falsch werē gewe
sen. In dem rathaus. als ein falscher
kōig. An dem creütze. als ein falscher
cristus oder messias. In der krönung
ist der herr fürderlich der kōiglichenn
würdigkeit halb verspottet worden. als
Beda vñ Jeronimus schreiben. Doch
magst du darynne die verspottung an
drer würdigkeit finden. wilt du es tieff
ergründe. vñ dz mit allem in einerley. sun

der in mangerley weyse. als mit worten
vnd mit wercken. mit geperden. mit cley
dungen. mit zeichen. mit peinen die einā
der grössen vñ beschweren. vñ all durch
vnzellich vnd vnaussprechlich sach. vñ
vmbstend der zeit. der stett. der personē
auff beyde erten. des leidende vnd der
peinigenden der meinūg. od des ends.
der form halb. vñ der gleichen beschwe
ret werden. Auff diß mal sehestu er
ynnert. in der betrachtūg der krönung
cristi. der sundern ungehörte schendūg.
die sie da mit gemeint habenn. Dann sie
setzten ym die kron anff. zu einem zeich
en der tozheit. der hohfart. d schndig
keit. der vnmügligkeit. als der auß töze
chter vermessenheyt vnd vbermut. nach
dem reich gestandē. vñ doch wed weis
heit. tüglicheit noch müglicheit. dar zu
gehabt het. Er wolte ein kōig sein ge
wesen. vñ muste doch ein pub beleiben.
vnd darumb so solt er gekrönt werden.
vmb der begird willen. der kōiglichen
würdigkeit. aber die kron solt spöttlich
sein. vmb der hohfart vnd tozheit willē.
vnd peynlich von seiner schalckheit. vñ
bosheit wege. Vnd wer weist nit. dz dz
gespött. schand vñ vnrecht weyßen leu
ten. wußer thut. den oft der tod. d auch
vber groß peyn ist. Ire der kron halb
betracht. wey engstlich. peynlich. vund
schmerzlich. sie dem herren sey gewes
sen. der materien halb. wan sie was von
scharpfen. spitzigen. langē. herte durch
dringigē dōrre. vñ was vō sölliche dōr
nem dick. breyt aufgefüllt als man
helt nach gewonheit. der alten kronē d
als ein hut. das sie dz oberteil des wir
zigen haubts cristi. gleich als gantz be
kūmert. Auch ist war zenemen vñnd
mit aller andacht zebetrachten. wie das

vnd kronung cristi

zart haubt vnser herren. da zu mal. da im dise engstliche krö aufgesetzt ward. geschickt wer. Wann es was vorhin in der nacht. von den schänden puben der grymmigen iuden knecht. also zerschlagen. zerpleuet. zerdroschen. vnd gehandelt worden. ich will geschweigen der schleg. stöß vnd streich. von den plech hentschühen. oder feusten. von den tols ben. vñ des gleiche. Item des rauffens vnd bittern harziches. in der anfallig vnd fahung. in der treybung vñ schleppung. hin vnd her. Item was er vor herode vnd seinen knechten. von seinē reytern oder söldnern eingenomē het. Vñ solchem vbeln handeln. allenthalbē waz das würdig vñ mit haubt cristi so sere. so vol schmerzē. vñ vñ von zartheit vñ natur vnd menige der marter gar verferet worden. das ym nit allein das anrühren. sunder auch der lufft peinlich vñ schmerzlich als ich gütlich glauben will vñ gewesen sey. Bedenck wie wee dem herren geschehen sey. da man ym die engstliche dorn. in sei versert haubt gedrückt hat. Bedenck das ein dorn in das haubt gesteckt. möcht eine frischē en mēschē. so ym sunst nichtzit geprech. so wee thun. das er nit weist wa er pleyben solt. Was schmerzē. was engstlichen wees. möchten den souil dorn. dē zarten. verserten haubt cristi pringen.

dar zu ist auch zemercken. das dise pein vbertraff ander vorgeende pein. in vil eigenschafften. in der sunderheit. in der schentligkeit. in der langwirrigkeit. in der on vntterlassung. in der vnbehilffligkeit. vñ der gleichen. das das. ein yē des desterbas verneme. Die peyn was ein sunder pein. wann man liset mit. das man sie vorhin yemandts mer angethā

het. Vil sind gegeyselt. aber wo mag man es finden. das ymands mit dornē sey gekrönt worden. vor vnser herre leide. ob erlich darnach. ym zu schmahheit also seyen gekrönt worden. vñ daz mer aber das leiden. das nyemandts ye also ist geschmeht worden. den allein cristus oder vmb seinen willen die cristenn. Irē ander pein die der herr daruor hett gelitten. die het etwas vntterlassung. aber die dorn rürten ymmer stetiglich an. vñ peinigtē on vntterlaß. Item andere pein. het sich nach ir. als beschehen oder vergangē. aber dise pein. was oder hielt sich allweg als werdend vñ pleybend. dann die sache des schmerzē was alweg gegenwertig vñ anhaltend. Irē als oft als der herr auff sein haubt geschlagen. vñ die kron angerürt ward. so ward der schmerz erneuert. oder größer. Nun spricht sant matheus vñ marcus. das sie sein haubt mit dem roß schlugen. verstee. mit holem stab. als zu rom auch vñ in welschen landen. so grose starcke roß wachsen. das die pilgram steb dar auß machen. vñ ein solliche roß gab man dem herren in die hand. für ein königliche zepter zu einem gespött. vñ mit dem schlugen sie yne auff sein vñ wundt vñ zerstoche haubt. dardurch als du miltiglich bedencken magst vñ die kron bewegt. vñ der schmerz. der on das. stetigs in dem süßen. bitterlichen gemarterten haubt cristi. facht vñ wütet. erweckt. auffgetriben. gereizet vñ newet. vñ daz größer ward. Als wenn man einen mēschē martert. oder wygt. so er also an der wag hangt. mit steinen oder andern dingē beschweret. wiewol ym dan daz gewicht. ymmer zu denet vñ peiniget. so gedult er es doch etwā. mit
ab ij

Von der verspottung

7 verschweigen seiner misstat. wenn man
aber mit eynem gertleyn oder steblein
schlecht. an das yemerlich geheng oder
seylwerck. also das die pürdenn bewegt
wirt. so wirt die peyn ernewart. Also
pild es auch. das dem herren sey besche
hen. Wenn ym die kron mit schlegel. mit
stößen. mit ziehung der leider. mit auf
reissung. mit anrührung villeicht des blö
cketen hertē creützs. oder wie das den
mag beschē sein. bewegt oder berürt
ist worden. so ist der schmerz ernewart
worden. vñd wenn durch solch schleg.
od anstöße. die dörn tieffer vñ tieffer.
in das haut cristi gegangen sind. so ist
nit allein der vorder schmerz. d̄ stecken
den vñd stechenden dörn in ym selbs ge
meert worden. sunder auch alles anrüh
ren hat darnach dem herrē dester wirch
gethan. Item in andern vorgeende
peinen. mocht der herr leichterung süchē
vñd nachhengen. wo er es het thun wöl
len. wiewol der prophet ysaias in d̄ per
son cristi am fünffzigisten cap. spricht.
Ich hab mein angesicht gesetzt als ey
nen allerherresten felsen. der nit weicht
wenn mā auff yn schlecht. trytt od stößt.
Aber das möcht in disem schmerzenn
der dörnenn nit sein. als du selbs mer
cken magst. Er hat nit mügen weichen.
noch wiencken. vñd durch nachhengen
leichtern sein pein. dann wie er sich hiel
te oder bewegt. so steckē die dörn ym
mer in dem haut. vñd folgē dē haut
nach. vnsehendberlich. vñd das weret
von der dritten oder vierdē stüd an. bis
an sein end. an dem creütz. das vmb die
neündē stüd des tags volbracht ward.
dar auf du auch mercken magst die len
ge diser marter. die bis in den tod kein
ende gehabt hat. Nun lise vñ haufz

fe dise vmbstend alle zesamē. die schād.
das gespött. die grossen pein diser kros
nig. die menge. die spitze. die lēge. die
scherpfe der dörn. die preitte vñd dicke
d̄ kron. die verserung. durchschleg. durch
stöß. durch fell. durch ziehen. rauffen
des haubts cristi vorhin. die müde vñd
erschellung des zartē hirns cristi. durch
das geschrey vñd gedresch der vngestu
men peiniger. vñd den herrē. die schleg
auch vnter d̄ angesicht. auff den hals.
vñd an die wangen. das dan alles dem
hirn cristi. zu schmerzen vñd leiden kün
men ist. so magstu mercken. was grossen
bittern schmerzen das hochwürdig. süß
vñd milde haut cristi gelitten hab. dann
die empfindung des gantzen leibs. fleis
set auf dem hirn. auf dem alle synn vñ
die tierlichen geist iren vrsprung habē.
vñd das fülen od empfinden wirt durch
den rückgrad vñd die ryppe od die pain
vñd marck der selben. durch den leib ge
teilt. also wo der mensch in andern gly
dern greulich gequelet vñd geengstet
wirt. so entsteet dem hirn. schmerz vñd
pein daruon. Das hab ich darumb ge
setzt. das du lernest mercken das nit als
lein durch eigen marter. das haut cris
ti betrübt. vñd versert was. sunder auch
durch die pein d̄ andern glider. als wenn
man yn so vnbarhertziglich. zwischen
die schultern. vñd auff seinen heiligen
rücken. oder auff seinen nack geschlage
hat. Also sprich ich. lise zusamē mit dē
obgemelten stücken. die verserung des
lieplichen haubts christi. die müde vñd er
schellung seins zarten lauttern. claren.
subtilen. bald empfindenden hirns. das
on das. durch alle glider vñd synn. die
dar auf fließen. erschreckt. entsetzt. be
trübt. vñd versert was. durch die oren.

vnd kronung cristi

auf dem greilichen gerüff. vber. wider.
vnd vñ yne. durch die naslöcher auf ire
vnreynē stinckendē. nüchtern speycheln.
die von der nüchternkeit desselben tags
vñnd füllerē der vergangen nacht. vñnd
zwyfel vñnd knoblach freßens wegen
musten vbel schmecken. welcher bradē
mit allein dem hirn cristi vñnd seins sub/
tilen vñnd scharpfenn riechens willenn.
sunder auch dem süßen edeln hertzen.
so weethet. das es möcht erstickt. vñnd
gleich als zerfaren. oder zersprungenn
sein. Also gedencet auch von andern syn/
nen. allermeist von dem anrüren. vñnd vn/
seüßlichen angreiffenn. als obenn ge/
meldet ist. vñnd auff ein söllichs. zerschla/
gens. zepfeüts. müdes. versertes haubt
die auffsetzüg. eindrückung. einsteckung.
treibung. innbleibung. vñnd auffhörslichen
wüerung vñnd quellung. der engstlichen
dörn. Dese obgemelte vñnd andere stü/
cklein. die dir gott zu erkennen mag ges/
benn. wiltu ym nach süchen. mügen dir
wol beweisen. was grossen schmerztes.
vñnd engstlichen stechens. der herr erlit/
ten hab. das er dich von den engstliche
stacheln der gewissen der sündē. vñnd von
dē nagē des wurms der C als der herr
Marci an dem neunden capi. dreymal
auff einäder spricht D nimmermer ster/
ben wirt. sichern vñnd erlösen möcht. Vñ
so wir nun. mit vnsern sünden mit allein
schmerzten. sunder auch schand vñnd ge/
spöt. allermeist durch die hohfart C die
eigentlich zereden. mit eine von den sy/
benhaubtsünden. sunder das haubt der
sibenhaubtsünd. vñnd des halb dz haubt
aller sünd ist D verschuldenn. so hat der
herre für vnser sünd gnug zethun. mit
allein wölleu. gepeiniget. sunder auch
verspottet vñnd geschendet werde. nach

aller weyß. nach der. man die hohfart
pfligt zetreiben oder eytel ere zesüchē.
in gewalt. in erenn. in würdigkeit. geist/
licher vñnd werntlicher. in cleider. in ges/
sind. auch in gestalt der heiligkeit. vñnd
war innen es mag geschehen.

Wie in dem eüßern gespött. dz mā
dem herren bewisen hat. all sein würdig/
keit vñnd heiligkeit bedeutlich. vñnd heim/
lich vernichtet. verlaugnet vñnd verspot/
tet ist worden.

C Ad merck kürtzlich das heym/
lich in diesem spottspil. das man
mit dem herren getriben hat. gleich als
le seine würdigkeit. tugent vñnd maiestat.
vernicht. geschmeht. gelestert. vñnd ver/
spott worden ist. Vñnd das ich zesamen/
setz. das geteilt ist. vñnd teile das zusā/
men gefügt ist. vñnd der kurtze willenn.
So betrachte wie bey dē cleidern. auch
sein priesterliche würdigkeit verspottet ist
worden. Das der teüfel mainen vñnd ver/
steen möcht. der durch die verkerten in
dē. sach diß gespöttes gab. ob auch die
heiden allein. oder fürderlich meintenn
cristum zuerspotten. der königlichenn
würdigkeit halbē. also sprich ich. Durch
die cleider. in den die fürdelichsten far/
ben. der priesterlichen cleider waren. dz
ist. weiß. rott. vñnd feyl far. vñnter der.
auch die plaw. begriffen mag werdenn
wann purpurfarb ist rott. vñnd plaw ver/
mengt. wirt bedeut die verspottung. der
priesterlichen würdigkeit. die in der neu/
en ee. nach dem gesetz cristi ober all an/
dere auch königliche würdygkeit. in den
vicariern oder statthaltern cristi ist. wie
groß ist sie denn in ym selbs gewesenn.
Bey dem weyßen cleid. ist die vnschuld
cristi vñnd sein reinigkeyt verspott worde.
ab iij

Die dem stand der überkeit. allermeyst zu gehörn. wann die ander leut reinigē vñ vrteilen sullen. die sullen vnschuldig sein in den dinge. die sie in andern straffen. vñ vrteilen sollen. vnd das ist allein in cristo vollkommenlich gewesen. der also in alles des. das er in andern straffet vnd vrteilet. gantz ledig gestanden ist. so all ander auch priester geprechlich sind. vñ müssen für ir eygē sünd gleych als wol bitten als für andern. als sant Paulus von den alten setzt. ad Hebr. an dem fünfften vnd sibenden capitel. Vnd darumb so ist die bedeutung der alben des weissen kleides. Das man kriechisch poderem heisset. wan es geet auff die füß. vnd ist leynein 3 allein in cristo vollkumē gewesen vñ deshalb hat die weis farb. od die weis kleidung nye yemāts so eigetlich zugehört. als cristo. Dz aber ein solchs Kleid cristo mit zu ere. sünd in ein gespött zu schandē angelegt ist worden. das hat die verspottung aller seiner vnschuld bedeutet. Vnd also lern auch verstee von andern spottzeichen. Durch das purpurkleid verstee. verspottung seiner gedult. Durch den roten mantel. die verspottung seiner gerechtigkeit. seiner liebe. vñ seins leidens. Durch das rot. das sie ym in die hand gabē. an eins Königs stabs stat. verstee.erspottung alles seins gewalts. allermeist des gewalts zerichten. von dem. der herr sprach Johannis am fünfften capitel. Der vater vrteilt nyemants. sun der er hat alles vrteil dem sun gegeben. das yderman den sun ere. als man den vater eret. Bey d̄ kron versteenerspottung seiner Königlichē würdigkeyt. die auch pey d̄ purpurkleid als in d̄ werz

cken. oder in den kleidern. bey dem grüßsen als sie sprachen. Bis gegrüßet König der iuden. als in Worten. bey d̄ kniebiegen. als in geperden. vnd in disen gemelten dingen allen. als in zeichenn ist gelestert vnd verspott worden. Also habenn sie sein gespottet durch alle weis. mit der man eins menschen spottē mag als mit zeichen. mit wercken. mit wortē vnd geperden. Bey d̄ nyderknien verstee. die verspottung seiner göttlichen maiestat. die durch ir nyderknien. vñ spöttlich abettē. ist gemaint. verschmeht. verspottet. vnd gelestert worden. Vnd zu eynem zeichenn. das sie es alles zu schmahheit. vnd zugespött teten. wenn sie ym gegrüßet heten. als einen König. so schlugen sie ym denn vmb sein haubt als einen puben. Sie bewisen ym etlich zeichen der eren. als einem weysen. vnd spotteten sein. als eins narren. Sie beteten ym an. als got. vnd schlugē ym. als bald an sein wangen. vnd spöttzten ym vnter sein antlitz. als einem schändten ryffian. Vñ wiltu noch tieffer in dyse schmehung deins grossen glorificierers vnd erers eingeen. des schmahheit dein ere ist verdienstlich vñ erwerblich. so durchgründe die sachen der sachen. so magstu findē. das bey dem weissen kleid bedeut ist gewesen. d̄ meinung halben. des grundspotters. des teufels vñ seiner wissenden. vnd haubt glieder die da hielten das der herr nye einich vbel vntterwegen het gelassen. denn das. dz er nit thun mocht. oder getost vor ons macht. oder forcht. Nun merck was schmahheit. dz dem sey gewesen. d̄ das allermindest vbel nye hat mügen wölle. Das rott. Kleid ist ein spottzeichenn ge

vnd kronung cristi

wesen. Das er kein gutz. auß guter meynung ye gethan habē solle. Bey dē purpurleide haben die spotter wollen bedeuten. Das der herr nye ichts gelitten het. noch lyde. Denn des er sich nit erweren möcht. Bey dem roz. wolten sie zuerst geben. Das er nichts vermöcht. Denn nach dem scheyn oder beduncken der irrenden. wann seine werck weren crafftlos gewesen. Was sie aber mit dē dōmen kron gemeint habē. Das ist obē genug gemeldet worden. Also ist auch in andern spotzeichen grundlose schmachheit heimlich beschlossen. Vnnd ob auch die. dy diener des gespōrts gewesen sind. sollich also tieff mit verstandē haben. so hat doch das verstanden. Der hochhaubtfeind cristi. Der cristum veracht als seinen schender. vberwinder. Berauber. vertreyber. zerstörer. faher. binder &c. Der auch vol weisheit genent wirt. Durch den heiligen propheten od̄ iner durch got den herren selbsts. Ezechielis an dem achtundzweintzigsten capitel. vnd ein außgebreiter cherub. Das als vil gesprochen ist als vōlle der kunst. welche vōlle. der weisheit vnd dē kunst. zu eytler gescheidigkeit. vnd arglistigkeit in ym nach seiner verkerung vnd abfall worde ist. Der selb tausentstig totfeind cristi. hat yne gar tieff ersücht. vñ tyeffter denn menschliche verstantnus. nach mūglickeit dē natur ymmer ergrūden mag. Aber der herr vermercket des teufels meinung on end höher. Denn er selbsts begreiffen mocht. wann er wānt dert vber die flūgel vnd schwebt ob dē federn der wind. er sitzt ob den cherubim. vnd vber siht die abgrūnd &c. Danielis an dem dritten capitel. Vnnd also

hat der fürst aller arglistigkeit. alle seyne clugheit. vnd mūglickeit. dar an geferet. Das er christum durch die menige. grōsse. tieffe. vnwilligkeit. vnd außgesüchte sunderheit. der schendung. schmehung. lestrung. vnd peinigung. mōchte zu vngedult bringem. Vnnd ich halt die iudenn. vnd allermeist die heyden. die mitler. diener. außüber. od̄ volbringer der pein cristi gewesen sind. in ettlicher weise. gleich als Jonathas knabenn. durch den Jonathas. dem da und zeichen oder losantz gab. ob er bleyben oder weichen solt. vnd dauid verstant Jonathas meynung. in den wortenn. die er dem knabenn zu schry. aber der knab verstūd die nit. nach dē heymlichenn synn. Der vntter den wortenn fürderlich gemaint ward. Also ist es auch gewesen zwischenn christo vnd seinem feind. die einander gar vil tieffer vernūmen habenn. denn die. dy mitler dīs spils gewesen sind. Jene ist zwischenn den freündenn geschehen. dīs zwischenn den feinden. ein der allgerchesten. dem andern allerngerchesten. Gedenc̄ auch was oben gesetzet ist von dem vnergrūntlichenn grund des bōshafftigen menschlichenn hertzens. Das allein christo. ergrūndlich vnd erkennet ist. Vñ ym auch ein ebennbild. Wenn ich von yemandt wiste ein ding. Das dem selben zu sunderer schmach. vñ verdryß keme. so ich dann eynen leichtfertigen menschenn anwysse. vnd bewegte. das er dem selbenn sollich ding auffhabe. so zweyffelt nyemant dar an. Das der. dem sollich auffgehabenn würd. das. von mir als von dem

ursacher. vnnnd beweger. gar für vbler
auffneme. dann vñ dem aufheber selbs
der die ursach nit verstünde. Also mayst
du auff die meinung. der schmahheit die
vnsern herren erbotten ist worden. ler-
nen künmen. vnd einpilden. die dan groß
ist gewesen in den worten. grösser in de
wercken. noch grösser in den peine. Vñ
in disen dingen allenn. groß in angesiht
der. die dise ding gethan. oder gesehen
haben. grösser in den augen. der. die dz
verstanden habenn. noch grösser in der
meinung. der. die das verstanden. vñ ge-
stift haben. allergrösst in der bedeutung
vnd des vnergrüntlichen bösen grunds
halben. der arglistigen feind christi. da
es auch sein grad hat. nach dem als sie
listiger vnnnd verkerter gewesen synd.

Vnd ob yemandt in diser betrach-
tung. nit geübet wer. vnnnd ym dise ding
nit einfellig. noch angensem sein wolten
der wölle dannoch gedultig sein. vnnnd
dis mit als pald verachten. sunder hof-
fen wo er vil vnd oft anclopffe. dz ym
vnzweifellich aufgethan. vnd er einen
werden schatz finden werd Das sey
gesagt von der dömen kron. des. d sein
liebhaber mit hilgen d fremd. seiner hey-
ligenn menschwerdung mit der frucht
seins heiligen vnschuldigen lebens. vñ
wandels. mit rosen seiner heiligen plut-
uer gießung. mit edelem gestein. des ver-
dienens seins heiligen leidens. mit der
gülden kron des claren gesichts seyner
göttliche schonheit. vñ des ewigē reichs
krönen will.

Der. lix. gegenwurf.

D Er. der sein ere vnd maiestat all-
weg verporzen het. der ist offen-
berlich als ein erēgertiger. hohfertiger
eytler vñ schön der. vntterwinder hoher
erē vñ würdigkeit. geschmeht. gelestert.
verspott vnd geschendt. vnd als ein sol-
cher. dem gantzen volck fürgestellt vñ
gezeigt worden. Diser gegenwurf
der für sich selbs clar vnd lautter ist. be-
darff nit vil auflegung. den allein einer
frag halb. die ymandt möcht einfallen.
warumb hie gesprochen würd. das der
herr. sein maiestat allweg verporzē het.
so er doch oft vnd dick die selbē in wor-
te vñ in wercken bewisen hat. In worte
als da er sprach Mathei. xij. Ich sag
euch das ein grösserer hie ist. denn der
tempel. vnnnd des menschen sun ist auch
ein herr des sabats. dz ist des feiertags.
in welchen wortenn er sich ober die hey-
ligenn stett vnnnd zeit erhüb. Item auch
in der zeit seins leidens sprach er zu de
bischoffen vnnnd andern die in dem ratt
wider ym gesamelt waren. Ich sag euch
Fürbas werdt ir des menschen sun ses-
senn sitzenn zu den rechten der crafft
gottes. vnd künmen in den wolcken des
himels. Mathei an de sechsvndzweyn-
zigsten. Item Johannis in dem achte
capitel. da die iudenn zu ym sprachenn.
Wer pist du. sprach er. Der anfang. der
ich auch mit euch red. In den wercken.
wie oft er sein maiestat. in wunderwer-
cken vnd in gewalt vñ craft grosser tat
bewisen hab. des ist dz heilig ewägeliñ
vol. Die antwort dz hie in disem
gegēwurf gesprochen wirt. dz cristus sei
ere vñ maiestat. allweg verporzen hab.

dem volck furgesurt hat

Das ist zeuerst in angesicht Dis widerwertigen artickeles. Denn das er sein ere verporzgen hat. Das gehört zu dem erstē artickele. der in ym selbs einen gantzenn gegenwurff beschloffen hat. Dan er beschleüßet in ym die götlichen maiestat. Dz trifft die würdigkeit cristi an. vñ dar gegē die verpergung. der selbē maiestat. Dz trifft die demütigkeit an. Dise zwey grössen einander. Dan souil ist die tugēt der demütigkeit cristi grösser zeachten vñd vor gott dem vater geachtet. als vil sein maiestat höher ist. nun ist sein maiestat endlos. so hoch. Das sie aller verstent nus C. außgenommē die endlosen verstantus gottes D. vnbegreiflich ist. Dar vmb ist der tugēnt seiner demütigkeit auch kein end. der eren vñd des lobs zusetzen. Vñ wider das selb hat mā yñ als den allerhöchfertigten vñ erengertigten angezogen. gerügt. vñd als einē solchen geschmecht. gelestert. vñ verspottet. vñ nach der schmechung vñd verspottung. als einē der vmb seiner tözerē hohfart willē gehönet vñ verspottet wer. mit den zeichen des gespöts. als mit d. dörnen kron vñ dem purperleid. dem gepöfel furgesurt. vñ gezeygt. Das sie sehen solten. wie er von seiner hohfart wegen verspottet vñd beschemet wer. vñd gegen solcher pen zerechnen. ist zespreche das der herr sein maiestat vñd ere allweg verporzge hab. wan er hat sie nye beuisen oð geoffenbart. vmb werltlicher eren willen. sunder auß liebe vñd barmhertzigkeit vmb vñsers nutz vñd heils willen. Zu einem warzeichen des selben

Das er nit werltliche rum oðer erte suchte. so verpot er oft den. an den er vbernatürlich werck seiner götlichen craffe vbet. Das sie yñ nit meldenn soltenn. Er wuch auch zu zeitten von den steten. Da er solche werck geübt het. vñ verschlug oder verparg sich vor dem volck. zu einē ebenbild. Das mā nit ere der werck suchen soll. vñ wen der herr alle seine werck offenberlich vor aller menge gethan. vñ het gewölt das sie alle menschen wissen vñd yñ darumb loben vñd eren soltenn. So wer doch dasselb löblicher vñ grössers dancks wert vñd würdig an ym gewesen. Denn alle demütigkeit aller heiligen. so vnser heil dar an steet das wir yñ kennen. loben vñd erē. Dennoch wolt er mer demütigkeit beweysen. Das er vñs ein ebenbild der selbē zeigte vñ den vñglaubigen. vrsach der verargung beneyme. vñ für vnser hohfart gung thate &c.

Der ander artickele Dis. liij. gegenwurffs. wirt bedēit in der nechste nachfolgenden figur. die dy. lxiiij. ist. Da pylatus vñsers herzen dem volck furgesurt vñ zeygt. da auch der mörder barrabas steet. zu einer erinnerung das die iuden den selben zum lebē. vñ cristum zum tod geheischen habenn. Von welcher sache vorhin in den andern artickele. der. liij. vñd. l. gegenwurff berürt ist worden. Die. lxiiij. figur die nach der. lxiiij. aller nächst geet. gehört zu dem andern artickele des. liij. gegenwurffs. der nach ir folgt.



Die vier und sibentzigst figur



Was die iuden die rachsals des pluts

Der sibentzigist gegenwurff.

D Er vns schñdē mēschē so teur
vnd so hoh geachtet hat. Das er
sich für vns in das allergröſt leide. vnd
in den allerhertſten vnd ſchentlichſten
tod hat gegeben. deſſelben tod iſt ſo ge
ring geachtet worden. als ob er nymer
mer ſolt gerochē. ya als ob die dy ſchul
dig an ym weren. von got ſolten geſeg
net vnd belonet werden.

Diſer gegenwurff hat auch zwen ar
tikel. der ein yeglicher einen gantzenn
gegenwurff in ym begriffenn hat. Der
erſt iſt. das der. der ſo koſtper iſt. das al
les das. dz in der creatur koſtper iſt. ge
gen ym für nichts iſt zuachtē. den allein
als vil als er will vñ vñ ſeinen willen. &
hat vnns ſchñden. ſo koſtper geachtet.
das er ſich ſelbs für vns geben wolt. vñ
merck das. dz geſprochē wirt vns ſchñd
den. wā wir ſind warlich ſo ſchñd vn
ſers werdens. lebens. wirkens. vñ ver
weſens halb. das es ein ſcham iſt zege
dencken. Iſt nit vnſer werdē als vnſer
empfangen us alſo ſchamper. das reyne
hertzen auch ir gedacken daruon müſ
ſen wendē. dz ſie nit verunreiniget wer
den. Steet nit vnſer leiplich lebē in ſöl
chen vnſtetigen dingen. als in der verur
ſchung der ſpeyß. in obergyeſſung des
trancs. in deñung. abdeñung. harmen.
ſtul geen. in reingung des hirns vñ der
pruſt. durch müd vñ naſen. auß dē man
mā mercken. wie vnrein dz faß iſt auß
dem nichts denn gewölich vnreinigkeit
geet. in dem alle dig vnrein. vnſtetig vñ
gewölich werdenn. dann wie luſtig die
ſpeiß iſt. wie koſtlich ſie bereit. mit was
pranges ſie fürgetragen. vnd genoßen
wirt. als pald ſie eingenommen. gekūt.
vñ geſchlundē wirt. ſo iſt es ein graven

zgedencken was ſie ſey. nympt man ir
zeul. ſo wirt ſie beſunder zu einer pür
den. beſchwerung vnd vnſtetigkeit des
leibs. vnd erſteckt oft das leben. nympt
man ir zu wenig ſo erlygt aber d leyb.
vnd wirt ſicheln. vñd kurtzlich wa ein
vnordnūg wirt in den yetzgemelte dīn
gen. ſo begynnt der arm ſack ſiech vñd
ſunderlich vnluſtig zewerden. vnd mag
dennoch diß alles den arbeitſeligē men
ſchen mit demütigen. ſunder ettlich pſie
gen iren leib mit gold vñ edelgeſteinen
vnd andern köſtlichen dingen zebehen
cken vnd ziern. vnd vergeſſen den aller
irer vnſtetigkeit vnd ſchñdigkeit. vnd
beduncken ſich gemayt vnd köſtlich ze
ſein. ſo ir leib mit mynder koſſeck C als
ſie ſind & beſehen. vnd ſölch köſtlich
keit vnd ſch onheit iſt in den dinge die
ſie an ſich hencken. vnd nit in ynen. vnd
erheben ſich doch der ſelbenn ding die
fremd vñ außerthalb ir natur ſind das
auß torheyt des nerrischen geiſts. der
menſchliche ſel kumpt. die vol eytelkeit.
vppigkeit. vnwiſſenheit. torheit. vermes
ſenheit. vol neyds. haſſes. böſer ſcham
perer begirlichkeit. geitrigkeit. vnſet
lichkeit. vol wandelberlichkeit. vnſtetig
keit. wanckelmütigkeit. yetz kün vnd ge
hertzt. yetz verzagt vnd kleinmütig. yetz
tölich frölich. yetz tölich traurig denn
ſtoltz vnd hohmütig. denn verzweyfelt
vñd erſchlagen. yetz liebhabend vñd
ſchmeichelnd. yetz zornig ſcheltend vñ
fluchend. yetz alſo. denn alſo. ſeltenn be
ſtanden in dem gutenn. vol vngetreuer
boſheit vnd argliſtigkeit iſt. In welche
eigēſchaftē die ſchñdigkeit d ſel ſteet.
Wie ſchñd wir aber der werck halb
ſeyen. das erſcheynt wol. weñ wir rechte
perchtē. wie ſchñd wir des verweſens

cristi vber sich genummen haben

halb seyen. dz wissen villicht die toten
graber allerbast. Tu merck. für solch
schndt seck. für solche vngetrewe bos-
hafftige tier. hat der herr der maiestat.
der clar spiegel der götliche schonheit.
der scheyn des ewigenn liechts. seinen
leib. der ein geweihter gesalbter tempel
der götlichen heiligkeit was. in die hēd
der ertosen buhen. vñ sein heiligs plut
das ein war aller werlt was. zeuergieß-
sen. an der entweihrenn stat der mörder
galgen. vñd sein sel. die ein sundlicher
thron der heiligen dryfeltigkeit vñd al-
ler tugent was. in not vñd angst. in leyd
vñd schmerzen. in schand vñd laster.
nach dem vrtail der vnglaubigen zere-
chnen gegeben. Tu bedencē wie hoch
vñd kostbar er die schndden. geachtet
vñd gemacht hat.

Der äder widerwertig artickel des
sibentzigsten gegenwurffs.

Al wider habē die. dy er sunder
lich hoch geeret. vñd vor allen ge-
schlechten erhebt het. in dem. das er in
eigner person zu ynen sie zebesuchen. ze
trösten. vñd ynen zedienen künmen was.
so er allen ädern geschlechtē sein pottē
vñ diener schickē wolt. die selben. die er
so sunder kostper vñ hoch geachtet het.
haben yn vñd sein leben also sunder ge-
ring vñd leichtgültig geschetzt. als ob
sein tod nimmermer solt gerochen wer-
den. Hierumb haben sie den rach seins
pluts vñd vnschuldigen tods. künstlichen
vber sich vñd ir geschlecht genūmen. da
sie geschryen haben. Sein plut kümme
vber vns vñd vnsere kinder. In welchē
artickel dennoch ein zwifeltige verstent-
nus vñ meinūg mag begriffen sein. die
erst die. dy yetz gemeldt ist. die äder ist
die. das dise wort. souil in yne beschlies-

sen. als ob sie sprechen wolten. wir wöl-
len es wagen. es gelte was es gelt. Es
kūn hernach was da wöll. er muß ster-
ben. vñd solt es ymmer gerochen werde
die erst mainung beschleüßet grosse
verschmechnus in ir. das sie das aller-
teüerst. kostperst. nottūfftygst. nütze-
heilsamst lebenn vnnsers herren. so gar
gering gehalten haben. das es also we-
nig zeachten wer. das man ym sein lebē
neme. als ob man ein nater tötet. So es
doch der werlt so not gewesen ist. dz al-
len menscheim zu tausent malen besser
wer. das sy dis leben nye hetten empfan-
gen. denn das sie es zu einer bereytung
vñd verschuldung des ewigen tods en-
pfangen heten. wer das leben vnnsers
herren nit gewesen. Aber nach der an-
dern meinung beschloßenn die selbenn
wort grossen mōrtlichen haf vñ zorn in
ynen. als das die iuden bereit weren. al-
les vbel C das ynen darauf entspringē
möcht C vber sich zenemē. ee sie yn wöl-
ten leben lassen. Aber wie grōßlich der
tod cristi. an den vnseligē iuden geroch-
en vñd die rachsal seines vnschuldigen
plutes. nach irē fluch vber sie vñ irē kün-
der in kurtzen iaren nach dem leydē cri-
sti künmen sey. da von wirt hernach etwz
gemeldt in dem. xcviij. vñd noch mer in
dem andern teil des erste artickels des
achtvñdhundertsten gegenwurfs. Aber
das sey hie kürzlich berürt. das nach 6
zal 6 iar. die dy kuf bedeyt vñ antrifft.
das sind viertzig iar. da hub sich ir vn-
glück an allen erten zemal miteinander
an. das man sie ward fahen. verprennē.
ertrencken. den tierren dar werffen. tōtē.
ir stet belegern stürmē gewinnen vñ zer-
stören vñ die indē die dem schwert. dem
feur. dem hunger. vñd den tierē vberbli-

4 2 wie alle wirdigkeit cristi beschemet ist worden

ben verkauffen vñ zertrēnē in all werlt.

Die fünff nachfolgēde gegenwürff
sind auff ein solche mainūg ergründet.
als wenn yemādt dem andern das sein
neme. vñ yne dar zu verlagte. D̄z d̄ selb
yme das sein entwender hete vñ d̄ schul
dig brechte also den vnschuldigen vmb
sein leben. Also was vbel̄s vnd bosheit
die iuden gegen dem herrē geest habe
des habe sie den herrē selbs felschlich
beschuldigt. Der. lxxj. gegenwurff.

Die götlich maiestat ist gelestert
wordē. vnd wiewol d̄. Der wesen
lich gott w̄z. on end. Durch sein demütis
gūg got mer erhöht vñ geert hat. Denn
ye ein creatur hat mūgē thun. noch ym
mer thun mag. so ist ym doch das zuge
zogen vñ aufgelegt wordē. Das. D̄z ny
mants mynder gethan hat. Dañ er. Das
nyemants dann er allein nit hat mūgen
thun. wider d̄z nyemāts mer hat gethā
od thū mūgē. D̄z kein mēsch mer hat ge
littē dañ er. wañ in keinē mēschen. mag
got eigentlich personlich gelestert wer
den dañ in ym. so kein mēsch persönlich
got ist den allei er. darūm hat kein mēsch
mūgē leidē d̄z er gelittē hat. Vñ d̄as
selb vbel. das er in keinerley weys hatt
mūgē thū. aber die bosen mēschē. habē
es ym an gethan. zugezogē vnd auffge
legt. D̄z ist. die höhst gotzlestrung d̄ ist
er felschlich gezigē. vnd gerügt. vñ als
ein söllicher gelestert geurteilt vñ ge
richt worden. Der. lxxix. gegenwurf.

Die wesenlich warheit. ist verlaug
net. vñ verlogē. vnd die lügen der selben
warheit aufgelegt worden.

Die wesenlich warheit. Das ver
steet also. Der. des substantz vnd
wesen die warheit ist. so er d̄z wort got
tes des ewigē vaters ist. Durch des spre

chen himel vñ erd wordē sind. vñ beley
ben. Der. d̄ vñ d̄ götliche warheit wil
len die selbē zelestē vñ zervolbringē. ges
porn was wordē. wañ alles d̄z. d̄z got d̄
herr den altnatē vñ heilige patriarch
en verheissen vñ gelobt het. d̄z ist durch
cristū vñ in ym volpracht wordē. Der. d̄
von d̄ warheit wegē die selbē zeleren vñ
zepredigē. in dise werlt kumen was. als
er vor dē richter pylato verah. Ich bin
dar zu geporn. vnd darūm in dise werlt
kūmē. d̄z ich d̄ warheit zeugnus gebe.
Der. der vñ der warheit willen C̄ d̄z er
ein ebenbild gebe für die bis in dē tod
zestreitē d̄ hat den herten schentlichen
tod des creutzes wöllen leidē. Der. dem
allprophetē. vñ alle götliche geschrift.
ya got der vater vō dem himel herab in
d̄ stimme. vnd d̄ heilig geist in d̄ gestalt
d̄ taubē gezeugnus habē gegebē. Der.
des wort so steiff vñ fest. so starck vnd
crefftig sind. das wer es. das alle werlt
spreche. dē ist also. vñ es wer war. wann
ym wer also. sprech er den anders. so mū
ste seie wort war sei. vñ aller werlt wort
C̄ die dar wiß werē d̄ vnwar dañ himel
vñ erd müsten ee zergeen. ee seine wort
crafftlos würdē. Ein söllich warheit ist
vō dē lūgehafftigē mēschen verlaugēt
vñ verlogē wordē. vñ dar vber habē sie
ym die verlaugūg d̄ warheit vñ lūg wiß
got aufgelegt. Der. lxxij. gegenwurf.

Der grohmechtig gewalt ist verach
tet vñ verspot. vñ die verachtūg d̄ obers
keit vñ des gewalts i aufgelegt wordē.

Der. lxxiii. gegenwurf.

Die vnbegreyflich weisheyt. ist für
einen tozē. vñ zu einē spottspil gemacht
worden. Der. lxxv. gegenwurf.

Die wolredhaftigkeit ist erstummet.
versteet auf willen. vnd gedult.

Die einundsibentzigst figur zum andern mal



wie alle wirdigkeit cristi

In der vorgeendenn figur. die auß dem buch der offenbarung sant iohāns genumen ist. vñ die er hat gesehen. werdenn die fünff erstenn artickel. gar schön bedēit. den nach einer auslegung. bey dem das sant iohāns einen thron in dem himel sahe. vnd vmb den selben thron. xxiij. thron. werden bey den selbē thronē. alle bistüb. die in aller cristēheit sein oder gewesen sind. bedēitet. dauō wer schön ding zefetzen. wie die selben all. der vil hundert ist. bey der zal versta den mügen werden. das hie nit stat hat. Bey dem grossen hohen thron der vier tier halb. die daruñ waren. werden die vier patriarchen. aber bey dem thronn selbs die romisch kirch bedēit. Bey dē der auß dem thron saß. got d̄ herr. Bey dē altē. die bischoff. es seye ertzbischof oder ander grof prelatē. Bey den vier tierē. die patriarchē der vier patriarch lichen kirchē. der zu Iherusalem. die dy erst nach der zeit. vñ vrsprungs halb gewesen ist. der zu anthiochia. der zu alex andria. der zu Constātinopel. Bey dem lemblein. d̄z da mittē in dem thron stūd. wirt cristus bedēit. allermeist seiner ge dult. vñ menschlichē natur halb. Denn sant iohānes sahe das lemblein. als ob es getöt wer gewesen. bey dē puch C d̄z mit sibē sigeln versigelt was. d̄ wirt die verporren weisheit gottes. die in d̄ heiligen geschriffte beschlossē ist. bedēit. Körtzlichē bey dem d̄z die vier tier tag vñ nacht. mit außhörtē zuschreyē. heiliger. heiliger. heiliger herre got. wirt die hoh götlich maiestat cristi bedēit. Und das die. xxiij. alten fiesē nyd für den thron. vñ bettetē den auff dē thron an. vnd legten ir gulden kron nyder für den thron. vñ allermeist d̄z beyd. die tier

vnd die alten. für das lemblein nyd fiesē vñ hetten harpfen vnd schalen. vol weyrachs oder wolrichender ding. vñ sangen ym lob vñ ere. Da es d̄s puch auß thet. die ding vñ der gleichē. bedēiten den grossen gotzdiēst in aller cristēheit. besunder auß den hohē stiftē. in den man tag vnd nacht bettet. singt vñ got lobt. vñ das lob der vil tausent massen tausent engeln. die vber das. das sie cristū on vntterloß loben in dem himel. bedēiten auch das englisch lebenn der closterleut frawen vnd man. die tag vñ nacht cristum loben. vnd sich darumb in grosser hut. zucht vnd reinigkeit haltē. Das sie in wirdiglichen loben. vñ ym dienen mügen. wer kñd gnug betrachten. was grossen zeügēnus der maiestat cristi das alles ist. Wirt denn die zal der vier tier. vnd der vier vñ zweintzig alten. auff die vier ewangelisten. vñ die vier vñ zweintzig pücher der alten ee gezogen. als sant Jeronimus berürt. in prologo galeato. was ist grösser zeügēnus der warheit cristi. so darinn bedēit wirt. das alle geschriffte. cristo dem herren zeügēnus gibt vnd lobt ym. vnd bettet in an. denn sie zeigt vnd bezeugt d̄z ym alle creatur loben vñ eren. ym diene vñ ym anbetten. vñ ym glaube vñ danken sol. als dem. von dem alle warheit kumpt. durch die man selig mag werde. Bey dem sitzen auff den thronen. wirt das fürwesen vnd regieren der kirchen bedēit. das trifft den gewalt cristi an. Dann dar bey wirt bedēit. das aller gewalt in der cristenheit vō cristo ist. dem der vater allen gewalt in himel vnd auß erden gegeben hat. Das auch bedēit. das das lemblein. das versigelt puch nam von der rechten hand. des der auff

beschemet ist worden

Dem thron saß. Aber bey dem. das es dz buch auf thet. vnd löset die insigel alle auf. wirt sein vbergeende weisheit bezeuget. die er d cristenheit in d prophe ten. vnd zwölff boten offenbart. Bey d plitzen vñ stymme. vñ donnerschlegel zc. wirt sein erschrockenlich red bedeyt.

In der hernachfolgende. lxxv. figur. vnd d nechste darnach. ist die geschicht oder dy gleichnus entworffen. die vnser herr sagt. Lu. x. ca. von dem mēschē der von den mōrdern verwundet vñ beraubt ward. dem weder der priester noch der leuit zehilff wolten kumē. aber ein heyd von samaria bewis im barmhertzigkeit der syn diser gleichnus ist der. da der mensch von iherusalem gen ihericho. dz ist von den warenn ynnern geystlichen. pleibeden. zu den eüssen leiplichen zer gencklichen gūtern abgestigen ist. da ist er vntter die mōrder. das ist vntter den gewalt der bösen geist gefallen. die selben haben yn beraubt. dan sie habē ym die vnttlichkeit genummen. das ist die macht die er het. dz er on mittel des ley plichen tods von dem tierlichen lebenn zu dem geistlichen leben auch des leibs mōcht verendert sein worden. vñ haben yn der vnschuld der gerechtigkeit d tugend vnd der gnaden gottes vñ ewigen seligkeit beraubt. vnd haben yn in allen seinen crefftē vnd natürlichen gūtern geplagt vnd verwundet wan sein verstet nus ist verplent. tuncel vnd irrend worden. sein will gekrümpt vnd verkeret. sein gedechnus verclutert vnd vol eytelkeit sein macht gekrenckt. sein synn geschwecht vñ toll. sein begird entsetzt. verrückt vnd entordnet. sein leib vnze lichen krankheiten vnd seuchen vntter worffen. Dis sind die wundenn die dy mēschlich natur von disen mōrdern en

pfangen hat. vnwissenheit. torheit. plö digkeit. bösbegirlichkeit. bosheit. vñ die in disem begryffen sind. tragheit zu allē gūtē. vñ nauglichkeit zu bösem. Also ist d mēsch i aller seier natur verwundet. halb tod belibē. wann er lebt des leibs halb. des natürlichen lebēs. aber des geistlich en lebēs daz in der gnad gottes in d wa re lieb vñ tugēd waz er tod. Der priester vñ d leuit bedeytē die priesterschaft vñ dz gesetz d altē ee die dem mēschē mit habē mūge helffe. wan sie habē ym die wundē wol gezaigt aber sie mochten sie nit hailē. biß der samaritā. dz ist d war hütter des menschen C wann also vil be deyt samaritanus als ein hütter d des selbē wegs kummē ist. vñ dem himlischē iherusale in dise vnstetē werlt. vñ ist vns nahet worden durch annemung vnser na tur. vñ hat die wūde. wan er bus geleret vñ gebē wiß all geprechlichkeit. vñ hat wem d busfertigkeit. vñ d d göttlichen barmhertzigkeit. in d verzeihung d sünd. vñ hoffnung des heils. durch auf setz ung d sacramēt eigegoffē. vñ dy plödig keit vñ tödlichkeit vñ gnugthuung für vn ser sünd auff sein tyer. dz ist auff seinen ruckē auff seinē heiligē leib genūmē. vñ hat vns i dē stal. da d pilgrā rō vñ speis ung ist. dz ist. in die heilige cristenlichen kirchē. vñ hat vns dē regierern d kirchē enpfolhē. dē er kunst vñ gewalt gegeben hat. vñ will in ir kost vñ arbeit wol belō nē. woz sy vbrigs thun. Solche eifürung in die heilige cristeheit wirt i eier herrlich er weis bedeyt bey d proces i d lxxv. fi gur. da alle priesterschaft C die dy hei lige cristeliche kirchē bedeytē antwur tē vñ nach dē würdigstē teil machē d vñ cristus selb dē pilgrā engege kummē vñ in einführen. als es darnach bey der sel ben figur außgelegt wirt. ac iij



1



Von der erbermdlichen

Die fünf nachfolgendem gegen-
würff. geend an die aufführung vnser
herren

Der. lxxij. gegenwurff.

Der sein auferwelten auß der babi-
lonischen stat. in das geistlich iherusa-
lem. auß der stat des teufels. in die stat
gottes. auß d samlung der bösen mēsch-
en. die dem feind zugehören. in die sam-
lung der gerechten. in die cōmun od ge-
main pollicey. vnd purgerreht. der heil-
gen cristenliche kirchē. in der mā allein
mag selig werden. einfürt. der ist auß d
stat gefürt worden.

Der. lxxvij. gegenwurff.

Der die seinen auß der hell. in d hey-
ligen vnd auferwelten erbreil. d nach
recht allem sein. vnd der seinen. auß sey-
nen gnaden vnd seinem verdienen. vnd
doch nach der natur vñ fremd ist. vnd
der vns nw in ein fremd reich. selig vn-
sermhalb vnuerdient erbe einfürt. d ist
auß seinem eigen vnnd erbe aufgestos-
sen vnd verworffen worden.

Der. lxxviii. gegenwurff.

Der vnns von der gesellschaft der
teufel vnnd der verdampfen. in die ge-
sellschaft der engel fürt. der ist mit den
böswichten vnnd mörder aufgeführt
worden.

Der. lxxix. gegenwurff.

Der die seinen auß den schandtzei-
chen der gefangnen. der vnttergelegne
vnnd schentlich vberwunden. zu den er-
lichen zeichen der obligenden. angesys-
gendē. vberwind. als zu palmē. krentzē.
tronen. vnnd dergleichen gefürt hat. d

ist zu dem peinlichen lesterlichen galgē
des creützs aufgeführt worden.

Der. lxxx. gegenwurff.

Der vns in das reich der himel. vn-
ter dem tittel der kinder vnd erben got-
tes eingefürt hat. der ist vnter dem zey-
chen des mördergalgens zu d verleim-
ten stat. da man die verurteilten vbelster
richtet vñ verderbt. aufgeführt wor-
den.

Der erst artickel des achtzigste ge-
genwurffs.

Der herr hat vns entladē vō den
anhangendē zeichen vnser gros-
sen schād in dem yamertal dñ ellends.
in das wir vntter dem schnddenn tittel
der vbertretung vnnd vertererey in vn-
serm vater adam sind gestossen. vnd vn-
ter dem gewalt des teufels gepom. vn-
ter den titteln vnd zeichē die wir als an
vnserm halb tragen. so wir nach der na-
tur. gleich als den hellischen galgen an
dem wir hangen solten vmbtragen. die
böshheit. die plödigkeit. die vngheorsam-
keit. vnd widspēstigkeit vnser vyhische
schäperē begirlichkeit. vnuernünftige zor-
nischeyt. vnsettlliche geyttigkeit. vnuer-
zeihliche rachseltigkeit schätwürdigē hoh-
mütigkeit. vñ and kaum zeliche giffrige
böspärtigkeit. durch die wir vberzeigt
werdē d wir basthart seye. des. d vnser
mutter euam verfürt. vnnd sie dar zu ge-
pracht. das sie ire mā vnserm vater die
speiß des ewigen tods. für sich vnd sey-
ne kind gereicht. vñ vns also yemerliche
mit d verfluchtē so menigfeltigen bösh-
heit vergift hat. das wir dreyerley töd

aufzführung vnsers herren

verfallē vñ schuldig sind. Des zeitlichē.
Des geistlichē. Des ewigē. vñ die zeyche
Cals ich gesprochē hab. Der selben tod
oder ir verschuldung. tragen wir an vn
serm hals. als man an ettlichenn diten.
Den. die getöt sollen werdenn. die ding.
Durch die sye den tod. verschuldet ha
benn. oder sunst zeichenn der verschul
dung solchs tods. an den hals od auff
den rucken hengt Vñ ettwann vor altē
zeiten. wenn einer gestolen het. Das mā
yn auch mit tötenn wolt. so must er doch
einen galgē zu einē zeichen. Das er den
selben verschuldt het. vmbtragen vñ al
so beschemet werde. so hych man einen
söllichē. wenn man yn vbel scheltē oder
ser schmechen wolt. einen galgē trager.
Also tragen wir die tödlichkeit vñ die
boßheyt an vns. aber vō disen schandt
zeichen entladet vñns der herr christus
durch widerwertige zeichen. der sacra
ment vñ der tagedē. die durch die gnad
des heiligen geistes. auff verdienst des
leidens cristi vns angehengt vñ einge
trückt werden. die zeügknus geben. Das
wir gottes kinder. vñ purger des himli
schen iherusalems. erbē gottes vaters.
miterben. teilhafftig. vñ mitgenossen
des suns seynn. ad Romanos am. viij.
ad Ephe. am andern. dritten. vñ ad Ga
lathas am. iij. cap. Dis sind die tittel. na
men vñ zeichen der eren. von den in dē
buch d gōtlichen offenbarung am. xiiij
vñ letzten ca. geschriben steet. vñ in dē
dritten capitel spricht der herr. vō dem
vberwinder. Ich wird auff in schreibē
den namen meins gottes. vñnd der stat
meins gots. des newen iherusalems. vñ
meinē newen namē 2c. Wider sölli
che gnedige entladung vñ entledigug
der lesterlichen schandtzeichen. vñtter

Den wir zu dem ewigen tod gefürt wür
den. wenn vns cristus verhesse. hat mā
sich nit lassen benüge. Das mā den her
ren auff seiner sundrer kōniglichenn
bischofflichen rich terlichen stat C auß
der stat des gōtlichenn dienstes. des tē
pels. des opters. d hohen schul. d weys
sagen. auff seinem allereignestenn erb.
als die sein vāter gestift gewunnen. ge
bauenn. wider gebawenn. vñnd da hin
den tēpel mit aller herrligkeit des gotz
dienstes gestyfft. den stul des künig
reichs. der priesterschaft. des gericht
des geistlichenn gewaltes. des werltli
chem gewaltes. den stul der meister
schaft. der lere. des gōtlichen gesetzes
vñnd der weisheit gesetzt hetten C mit
den mōrdern an die statt. da man die
böswicht richtet. außgefürt hat. sun
der man hat auch ym zu einer sundern
schmahheit vñnd schand. seinen eigenn
galgen. an den man yn für seins vaters
thür hencken wolt. auff sein achseln ge
legt. als einem vbertrefflichenn auß
pund vñnd haubt aller böswicht. des va
ter die stat. auff der er also lesterlich ge
fürt ward. so grōßlich nit auß irem ver
mügen. sunder auß seiner gnad. vñnd ver
leyhenn. gewirdiget. erhöhet. erleucht.
nāhafftig gemacht. gefestiget. begabt.
gefreyet. vñnd gefeliget hetten. Das zu
ettlichen zeitten. söllich reychrumb vñnd
vberflüssigkeit das was. das das silber
schier geachtet ward. als die stein auff
der gassen. vñnd das zeder holtz. als in
disen landē das tennē. söllicher frid vñ
gnugsamkeyt. Das das volck nit allein
zu Iherusalem in der stat. sunder auch
vmb sye allenenthalben vñntter irem
schyrm. als die hünlein vñntter den flū
geleyn der prutheynnenn sicher saps in

Von der aufzführung cristi


fröde vnnnd eren. ein yeglichs vntter seyn
nen reben vñ seigen baumen. zeeßen vñ
zetrincken. &c. Dis alles het die stat von
dem. vnd vñ des willen gehabt. & auß
ir. so yemerlich. so schentlich. vñ so cleg
lich beschwert mit vnsern sünden vnnnd
schande. die er an dē galgē des creütze
trug C Das er vns von den sünden entla
den. in seins vaters reich. mit erē möcht
füren C außgeführt ward.

D Als erlich vñ frölich einfüre. vn
sers herren. als er die väter. die
er auß der helle geführt hett. mit ym zu
himel. in seins vaters reich geführt. vnnnd
alda einen yeglichē nach seinē verdiest
vnd würdigkeit gesetzt hat. wirt bedēut
in der hernachfolgendenn. lxxix. figur.
da sihe an. vñ gedencē was sie bedēut.
so mag dir die cleglich aufzführung des
herre. die in der hernachfolgendē. lxxij.
figur steet. desterbas einleuchten.

In diser. lxxvij. figur. Kumpt cristus
vñ die priester schafft. einem pilgrā ent
gegen mit einer proceß. dar bey bedēut
wirt. wie gnediglich vñ erlich. die frem
den. die noch nit cristenn sind. in die ge
mainschafft der heiligen cristēheit auff
genūmen vnd enpfangen. werden. wan
die torē oder gewattern die das kind zu
dem heiligen tauff tragen vnd heben.
oder auß dem tauff nemen vnnnd enpfa
hen. bedēuten die mütter aller cristē. die
heiligen kirchen oder cristenheit. & prie
ster der es taufft. bedēut die person cri
sti. die das kind geistlich wider gepyrt.
in die götlichen eintheit. vñ so d mēsch
durch die selbē widergeperung. auß dē
stand der knechtlichkeit. der sünd. der vn
gnadenn. des zorn gottes. des tods. der
ewigen verdammnis. in den stand & frey

en edelen kinder gottes. & gerechtigkeit.
der gnaden. der huld gottes. des lebēs.
der erbschafft des himelreichs vnd der
ewigē seligkeit. genūmen vnnnd gesetzt
wirt. vnd wirt nit allein ein purger des
geistlichen iherusalems. ein hindersehs
des himlischen kōnigs. vnd ein haupge
noß gottes. sunder auch ein miterb des
einigē natürlichē suns. ein zugewünscht
kind gottes. ei glid des leibs. des haubt
christus ist. Wer künd dise grosse gnad
gnug mit synnen durchgründen. oð mit
worten erheben. vnd so vns allen. iuden
vñ heidē. vnser herr nit allein sein reich.
sein stat. sein haup. sund auch sei schlaf
kemerlein. sein scherz. sein arm. sei schos
pa seinen leib. sein seitten. vnd auch sein
hertz geöffnet hat. d̄ wir hinein schlie
fen vnd da von dem schñöden wesen d̄
wir habē. verwandelt vnd verwesen. vñ
auß seinem ynnern geist vñ plut. als von
seinem hertzen gottes kinder vnd erbē
wider geporn werden. pa er hat daruñ
nit allein von seinē reich. vñ seiner stat.
von seines vaters haup. vnnnd nach etli
cher pa mangerley weiß von dem reich.
von dem erb. vñ dem thron. von d̄ schos
seines vatters verstossenn. sunder auch
getötet wöllen werden. vnd eines hertē
vnd C nach der vnglaubigen achtung C
schentlichen tods sterben. das wir also
erlich zu dem götlichē adel vñ dem lebē
der ewigē seligkeit auß seinē hertze ge
porn würden. als darnach in dem. xcix.
gegenwurff. von dem hertzen cristi bas
berürt wirt. Ist es den nit zu erbarmen
das man yn nit allein nit in dem tempel
sund auch in der stat C dy yderman in
den vñ heidē geöffnet w̄z C pa auch in
dem land noch auff dem erdpodē wolt
sülden.

Die sibenvnd sibentzigst figur





Die neun und sibentzigst figur



Von der erbermdlichen

Die zwen vorgeendē achtvnd sibetzig
gibt vñ neunvnd sibetzigst figurē. Die
nach ordnūg d̄ zeit vñ beschribt. nach dē
sterbē des creūt̄s geen soltē. die steen
hie vor. wann d̄s puch vnd materi setzt
die figurē mit nach natürlicher ordnūg.
sunder nach künstlicher. dz ist als sie die
nen auff die maingung diser materiē. dz
ist als durch sie das leiden cristi. durch
widwertig gegenwūrf beschwert wirt
vnd wer ist so einfeltig das er mit merck
das die aufführung cristi souil vnphillich
er beschehen vnd höher zu achten vñ zu
erbarmen ist. souil er vns auß grösseren
vbeln aufgeführt. vñ zu grössern eren
gütern vñ seiden eingeführt hat. Darū
sollen die figurē in disem puch also steē
Wer die natürliche ordenung gern siht
der find sie in andern püchern vnd prie
fen vnd in den dorff kirchen der die cri
stenheit vol ist. vñ das sey ein mal für
alle mal gesagt. Darū das dir die auf
führung des herrenn d̄ster genawer zu
hertzenn gee. so betracht vor hin. wie er
vns so gnediglich auß der babylonische
stat. das ist auß der samlung der yenen
die vntter dem dienst vñ gewalt d̄s
bösen feinds sind. die verdampft vñ ewy
gliche verlorn. die zu dem ymmerpremiē
den hellischen feur. zu der leydigen ge
sellshaft der bösen geyst. zu vnzelichē
vntreglichen. vñ vnaussprechenlichen
penen vñ vbeln. verurteilt sollen werdē
aufgeführt. vñ in sein stat. das ist in die ey
nigkeit der heiligenn cristenheit vntter
die samlung der auherwelten. vntter die
zal der yenen die behalten vñ ewiglich
selig sollen werde. in die stat der kinder
vñ künsttliche erben gottes. als dasselb
in der. lxxix. figur bedeūt ist einführt. vñ
wann diser zweyer ein yegliches für sich

selbs allein on das ander wer. so wer es
doch also groß zeachten das man es mit
gnug erheben möcht. als wē mich got
allein vñ der gesellschaft der bösen me
schen sunderte. vñ nē mich auß dem
gewalt des bösen geistes vñ der sünd.
vñ nē mich dennoch mit in die gesell
schaft der auherwelten vñ seiner kin
der. als ich setz ein sachs. Er setzte mich
in einen stand. in dem ich mich mit ver
schuldte. noch vbeln od̄ pen der enpfün
d̄ng verdiēte. ob ich auch nichtz guts dz
z belonen wer thete C wenn es möglich
wer C als es mit den kindern ist. die on
den tauff allein in der erbfind verschey
den. wie möcht ich got dem herren. vñ
die guttat C das er mich auß solchem
grossen vbeln neme C gnug danckē. wer
es señ das ich in keinem sörglichen bö
sen stand wer gewesen. vñ wirt allein
in einem söllichen seligen stand. als obē
gemeldet ist. vñ auß keinem bösen genu
men. wie möcht ich denn got dem herre
gnug dancken. so mich nun got der herr
beyd auß vnzelichen grossen vbeln erlō
set. vñ setzt mich in groß vnaussprech
lich güter. so ich ym für ein yegliches
besund vñ allein mit gnug möcht dackē.
wie möcht ich ym den für sie beyd gnug
danck ber sein. Hierū sind hie figurē
mit allein von dem einführen in das gut.
sunder auch von dem aufführen auß dē
vbel. als wie der herr die altuāter auß
der hell genūmen vñ darnach mit ym
in das reich der himel geführt hatt. Bey
welchen figurē du auch magst erinnert
werden. wie der herr allen tegliche tag.
die selen der menschen hie auß der er
den auß dem stand der verdampnus. in
den stand der gnade durch dz sacramēt
des heiligen tauffs. vñ der puf setzt.

aufführung vnfers herren

In der hernachfolgende lxx figur.
Wirt König salomon eingefürt. das selb
halt auch gegen der aufführung vnfers
herren. so leucht dir der gegenwurff.
König salomon ward vor gesalbt. ee er
eingefürt ward. der herr ward vorhin
erspürtzt vñ gegeselt. vñ also mit sey
nem heiligē plut vbergossen. ee er auf
gefürt wgd. König salomō ward als
wol zeglauben ist mit gold vñ edelem
gestein gekrönt. vnser herr mit dornen.
König salomō wie iung vñ frich er w3.
Doch ward er zu eren auff dem Königli
chen mau seinē vaters König dauids
das gar senfft trabet getragen. Vnser
herr der vor grosser pen vñ marter dy
er gelittē het. dy nacht vñ dē tag kaum
mit zittern auff seinen paynē mocht ge
steē. der must zu seiner schand seinē gal
gen tragen. Dem salomon warē zu der
seyten. der oberst bischoff als yetz der
babst ist. mit namen sadoch. vñ nathan
der prophet dy in zu König gesalbt hetē.
Dem herrē warē zu den seyten dymas
vñ yemas. dy gemört hetē. Mit herr sa
lomon was der gro3 starck fürst banas
ias mit den ritterlichen legionen. das sy
ym mit gewalt beytuden ob yn yemāts
hindern wolt oder ym widersteen in sey
nem einfüren. Mit dem herren waren
ritter vñ rittermeister in der mainig ob
ym ymants helffen oder yn beschirmen
vnd retten wolt. das sy dem selbē wider
stand theten. das sein tod nit gehindert
wird. Mit König Salomon frewet sich
sein muter vñ alles volck vñ schryen Kö
nig salomō leb. aber sein feind adonias
der sich des reichs vntterwundē het. vñ
dy es mit ym hieltē als der fürst der rit
terschaft ioab. vñ der bischoff abia
thar. dy erschrecken vñ wurde betrübt.

Vnser herren tod wurden sein feind
die iuden vñ das pöfel volck das mit
ynen hielt erfrewet. aber sein werde mu
ter. sein iunger vñ alle sein freind wur
den bis in den tod betrübt. König salo
mons widersachenn. die vor genent sind
zerstubbenn vñ flohenn einer hye auß
der ander dort auß. vñ so adonias der
elst w3 vntter König dauidssünē vñ dar
zu gar ein schöner mā vñ het auch mech
tig fürstē an ym hangen. so w3 es nit ein
wider das es yme we thet. das ym sein
iunger pruder fürgesetzt ward. des mu
ter. durch mittel des epruchs vñ der
verreterey hinder seinen vater was kün
men. ober solchs alles. must adonias sey
nem pruder salomon des reichs weichē
vnd must für yn nyderknien vñ als
seinen herren vñ König cren. Aber die
bischoff vñ öbern der iudē die so grō3
lich an dē herren gefreselt heten. das sy
yn durch mittel der verreterey gefangē
geengstet. dem plutrichter fürgepracht
felschlich verlogen vñ angeclagt. zum
tod prachten. die samelten sich vñ kas
men mit hauffen sein an dem creutz ze
spotten zehönen vñ mit schmechliche
verweisen zereitzenn. König Salomon
ward eingefürt zum reich vñ zu reg
niren. vñ auff den Königlichen thron
seins vaters gesetzt. Vnser herr ward
aufgefürt zesterben. vñ an den galgē
der mörder gehenckt. Das ist die ere vñ
danc Berkeyt der iudenn gewesen. dy
sie vnserm herren bewisen habenn für
die ere vñ grossen maiestat dy er ynen
vor zeitten bewisen het. vñ allweg gern
bewisen het. wer es ynen nütz vñ gut
gewesen. vñ heten sein gepott gehalten.
ad ij

Die achtzigst figur.



Die einundachtzigst figur



funff gemein gegenwurff des leidens cristi

Hie volge hernach fünf gegewürff.
die in gemein das leide cristi antreffen.
Der erst vnd in ordnüg gegē den obern
der. lxxij. gegenwurff.

Er von volkūmenheit wegē. der
gutheit nit hat mūgē sūnde. der
hat die hertesten grōste pūß gethā. ver
steē für fremd sūnd. vñ wie grosse pūß
er gethan hat. so hat er doch kei verzey
hung mūgen erwerben.

Der. lxxij. gegenwurff.

Er schampers nit allein nit ge
than hat. sūnd auch nit hat mūgē
thun. vnd des werck alle. so löblich vnd
so erētreich sind. dz die nyemants gnug
loben. preysen. erheben. ya nyemants
wie tugētreich vñ löblich sie seyen
gnugsamlich ergründen. noch begreyf
fen mag. der hat sich geschemet. verstee
er hat vnser scham auf sich genūmē. vñ
wie vbel er sich für vns geschemet hat.
so hat man doch sein nit geschonet. als
man pillich der. die sich auß tugent sche
men. schonen solt. sunder yne yemerlich
offenberlich. vñd manigfeltiglich. zu
schandē gemacht. dz verstee doch nach
der weise. als oben gemeldt vnd aufge
legt ist. In dem. lxxij. psalmen steet in d
person cristi zum vater. Umb deinē wil
len hab ich laster gelitten. die schād hat
mein angesiht bedeckt. Vñ herab baf
Du erkennst oder waist mein verweispūg.
vnd mein schand vñd mein scham.

Der. lxxij. gegenwurff.

Er nye genūmen het. noch nemē
oder rauben mocht. der hat wid
gegeben. oder bezalt. das. das er nit ge
nūmen het. vnd er ist des grōsten. böstē

raubs gezigē. vñd beschuldigt. vñd als
einer. der got seiner ere. vñd die mēschē
ires heils C ya kurtzlich zeredē d gott
vñd menschen irs rechten. beraubt hett.
verurteilt. vñd gericht worden. Das
hie gesprochen wirt. dz der herr nyemāt
nemē mag. dz verste also. der herr mag
dir nit nemen. dz dein vñd nit sein seye.
als der mensch mag dir das nemen. das
dein ist vñd dir zugehört. vñd nit ym.
dz kan got nit thun. denn alle ding sind
von not sein. sie möchten anders nit sei.
darumb leihet er dir das sein. er nympt
nit das dein zc.

Der. lxxij. gegenwurff.

Er nye wollust noch frewd der
werlt in diser zeyt gesucht hat.
der ist mit hertigkēy des pūßfertige le
bens gefestiget. vñd ober das auch. als
einer. der allweg vñd ordēlicher sūntlich
er wollust gepflegen solt haben. vñ nye
het wōllen pūß thun. gequelet vñd ge
peiniget worden.

Der. lxxij. gegenwurff.

Er nyemant ye belaydiget. oder
beschwert hat. der hat gnug ge
than. vñd wie demütiglich. vñd vōllig
lich er gnug gethā hat. so hat mā doch
seiner peyn nit gesettiget mūgen werg
denn.

Dise fünf gegēwürf werden baf
erclert in der. auflegūg diser gegenwer
tigē. lxxij. figur.

Die zwundachtzigst figur



Die aufzlegung der

Die fünff iunckfrauen in 8 vor-
geenden zwundachtzigsten fi-
gur. bedeuten die fünff sundern eygen-
schafft vnnsers herren mit iren gegen-
würffen. Das ist die pufffertigkeit 8 vn-
süntlichkeit. Die schamhaftigkeit der vn-
schamperkeit. Die widergebigkeit 8 vn-
zuckendheit. Die festigung der vnerlöst-
lichkeit. Die gnugthuung der vnbelay-
digung. Duncend yemants dise namē
oder wort seltsam sein. der gedencē das
die tugend sy yn ynenn bedēit sein mit
mynder seltsam seiē. Wan sy sein nye in
yemants in solcher weis gewesen. als
in christo. oder so der iunckfrawen nur
fünff sein. so nenn man sie mer. kufffer-
tigkeit des vsüntlichen. scham des al-
lererentreichsten. Vnd wirt bey der
vnschamperkeit verstanden die vnmüg-
lichkeit zu schamperen Dingen. Das chri-
stus auß völle der tugend vnn 8 gnad
die in ym was. nye hat mūgē thun oder
redenn oder gedencēn oder wöllen.
Das der scham werd oder wyrdig wer.
vnn hat doch grof scham gelitten 8
gehebt nach der weis. als oben in dem
sibenondsechtzigsten gegenwurff be-
rürt ist worden. vnn das ist in ym selbs
ein gegenwurff. Vnd dennoch hat mā
ym alle schand. die man da zu mal er-
dencken mocht. angelegt. Das mā yn be-
schemen vnn geschen den möcht. Dar-
zu ist auch zebedencēn das der herr
nit allein nichts gedencēn mocht das
schamper oder 8 scham wert were. sun-
der er mocht auch nichts gedencēn 8
redenn Cich will des thumes geschwey-
genn 8 Das nit aller eren. alles lobes. al-
ler danckperkeit vnn erhebung wirdig
were. ya ich will mer sprechē. Er mocht
nichts wöllen. oder redenn. Das nit als

grof vñ hoh zeachten were. Das es nye
mants gnug loben vnd erheben möcht.
Das merck gar eben. Was von 8 vn-
schamperkeit gesetz ist. Das verstee auch
vō der vsüntlichkeit. bey 8 die vnmüg-
lichkeit zesündē gemaint wirt. Also ver-
nym das der herr auß völle der genad
des heyligenn geistes die in ym wesen-
lichenn. vngemessenn grof was. nit sün-
den mocht. weder in werckenn noch in
worten. Er het auch kein mainung noch
schicklichkeit zu sündlichen wercken 8
gedancenn. Vnd nit allein was kein
müglichkeit zu sündlichenn sachen in
ym. sunder es was auch not zu tugent-
lichenn wercken in ym. mit auß zwengē
nūs seines freyenn willens. sunder auß
volkommenheit der götlichen liebe die
ym nit allein nit wol lieh von vbung der
tugentliche werck. sund sie lieh yn auch
nit müßig sein vō vbüg der allerhöchste
vbermenschliche tugede. Welche höhe
seiner tuged auch niemāts mit vernüfft
begreyffen mag. Vnd so er auch 8 mūg-
lichkeit der sünd Cich will der neyglig-
keit geschweigē 8 so ledig wz. noch tet
er puf C nit für sei sünd die nit warē. sun-
der 8 für vnser sünd vñ tet grosse puf vñ
wie grosse puf er thet. so mocht er doch
wed gnad noch verzeihung vor vñ vō de
priestern vñ iudische bischoffe erlangē.
Dz er vns durch dasselb verdiēte. Dz wir
gnad vñ vergebung vnser sünd. vñ ablas
der pen beyd vor gott vñ vor seinen stat
haltern den prelaten vnd priestern der
neuen ee barmhertziglichenn sündenn.
Bey der vnerlöstlichkeit oder vn-
erlöstigung verstee. Das der herre nit
mocht nit alleynn. nicht vnordennlich
vnd flayschlich lustperkeit suchen. sun-
der er mocht sy auch nit habenn. oder ir

vorgehenden figur

empfinden. von vbriger reinigkeit vnnnd heiligkeit wege dy in ym was. Bey vnzuckendheit verstee. dz er nyemants mocht et was nemen. Das nit sein were. so alle ding von not sein sind. Er wider gibt aber vil das er nit genommen hat. Wann er wider gibt alle ding dy wider gegeben werdenn. als er alle ding gibt dy gegeben werde. wan nyemant mocht geben er gebe denn. Bey der vnbesleydigung verstee. Das er nyemant besleydigen mag. dann er mag nichts thun das man für ein beleydigung schetzen oder halten soll. so er nyemants vnrecht mag thun. Wan alles das. das er thut. das thut er mit recht zu gut vñ zu nutz der gemain. Vnd darumb soll mā auch das vbel der pen für ein guttat halten. vñ yn darumb. vñ darynn loben vñ eren. Also hast du die mainüg. Vñ merck wo man das wort mügen praucht zu dingē die geprechenlichkeit bedeuten oder yn ynen beschliessenn. so begreiff es mer widerwertigkeit seins bedeutens. den sein recht bedeutung. dann solch mūge ist mer nit mügen denn mügen. vnd also widersynns. nit mūge ist mūge. als auß dem das wir tölich vnnnd nit vntölich sein mügen wir sterbenn. vnnnd was beschleisset die mūgigkeit des sterbens in ir denn vnmūgigkeit allweg zelebē. darumb mügen sterbē ist mūge des lebens beraubt werden. also ist mūge sterben. ist gleich ein mūge. als mūge oberwūde werde. mūge ernyd gelegt werde. Nun merck was das in ym beschleif so man spricht. du magst auch oberwūde werden. du magst auch Betroge werde. was ist das anders geredt. denn du pist nit als gar starck. du magst auch oberwūde werde. du pist nit also gar weyß vnd fürsichtig. du magst auch betrogen

werden. vnd also beschleisset solch mūgen. vnmūgigkeit in ym. wan es ist als gesprochen. du magst nit allweg besten. oder yederman obliegen. du magst dich nit allerweg hütenn. das du nit gelaicht werdest. vnd wie solch mūge vnmūgigkeit vnd prechenlichkeit in ym beschleisset. also beschleisset widersynns das vñ mügen mūgigkeit vnnnd volkommenheit in ym. als wenn man von cristo spricht. er mocht nit irren. er mocht sündenn. er mag nyemant wider recht thun oder besleydigen. Bey denen dy vñ dz hertz stend dy inckfraue zepeinige. vñ bey ire penē verstee die engstigung vñ quelung die mā vnserm herren angelegt hat. die ym zehertze sein gangen. Ayner will sy beschemen. d and will sie haben od schlahen. d dritt will sie steche. der vierd will sy radprechen. d fünfft will sy verprennen. Bey denē bedeüt wirt die mainüg d peinger cristi. dy yn schenden wollten vñ schandten yn auch als vil es an ynen lag. als vil sy mochte vñ künde. als die dy yn verclagte od mer aclagte vñ menger ley grosser vbeltat lūgeliche zigen. Sie wolte dz sein leib mit gerten od geyseln zerharwe vñ geschlage würd. Sy stache auf yn mit ire scharpffen zunge. vñ d kōnig dauid spricht. ir zūg ist ein scharpfschwert. darüber stach yn d ritter longinus mit dē sper. Sy wolte dz i die payn zerbroche würdē als man den mördern thut. vñ begerte dasselb von dē richter. aber so er verscheyde woz ee dy painbrecher an yn kamē. so beschah es nit. Dan vñ grosser sach vñ bedeütus wege solt es nit beschehe. Itē sy wolte yn geistlichen verprennen. als in dē ersten teil dīpuchs gemeldt ist wordē. von der figur der roten kue.

Die drey und achtzigst figur



Die auslegung diser figur

D Ise. lxxxiij. figur. von der schō-
 nen abisag ist hieher gesetzt zu
 einer anzeigūg. wie zartlichen. vñ eerli-
 chen den künigen d iudē gedient ist wor-
 den. als der anfang des dritten puchs
 der künigen setz. von künig dauid. das
 er C Da man yn deckt mit vil deckenn D
 mit warm würd. da sprachē sein diener.
 Lasset vns vnserm herrē ein iunge iunck-
 frauenn sūchem. das sy vor dem kün-
 nig stand. vñd schlaff in seiner schos.
 vñd werm vnsern herrē den kōnig. Vñ
 steet darnach geschribē. Also sūchten sy
 ein schōne iunckfrauenn an allen orten
 des lands israhels. vñd funden abisag
 von suna vñd fūrtē sy zu dem kōnig. vñ
 sy schlief bey dem kōnig vñ dienet ym.
 vñ was fast ein schōne iunckfraw. Vñ
 ist da zeuersteen. das sie der kōnig zu ey-
 ner eelichen hauffrauenn nam. wiewol
 er sy mit bekant oder beschlieff als her-
 nach geschriben steet. Auß diser hy-
 storien merck den vntterschayd zwischē
 vnserm herren vñ andern iudischen kō-
 nigen. Da dauid der iuden künig. alt vñ
 kalt ward. da deckt man yn mit mēger
 ley decken. da dasselb nit halff da sucht
 man ym ein schōne iunckfrauenn dy yn
 mit irem zartē leib wermete. Künig da-
 uid lag. vnser herr must hāgē. Kōnig da-
 uid lag in einē waichen herrlichen kost-
 bern pett. Darūmb dz er alt vñ schwach
 was. Vñser herr was aller kōnigen kō-
 nig. aller herren herr. vñd was ye kein
 mensch als mūd vñ schwach als er. dar-
 zu was er in dem grōsten wee. dennoch
 must er an dē lesterlichē verclūnten her-
 ren mōrdergalgen hangen. vñ dz ym de-
 ster wirh geschēh. so must er an hēdē vñ
 fūssen hangen. vñd das ym noch wirser

beschēh so must er an den nagelen han-
 gē. Man bedeckt kōnig dauid mit mē-
 gerley waychen vñd kōstlichen tūchern.
 mit purpur. mit seyden. vñd puntwerck
 oder ir gleichen. oder villeycht mit weyt
 kōstlichem gewant denn man yetz hat.
 So zoh man vnserm herrē sein arme vñ
 demütige wat ad. vñd entplōstet seinen
 zerschlagenen verwundten zitternden
 leib. vñ schlug yn nackend on dz creütz.
 Man befah kōnig dauid. omb ein zart-
 te schōne außerwelte iunckfrawen. in d
 arm vñd schos er schlief. dy ym mit irē
 zarten leib erwermte. das er senfft rwe-
 te. Da bereit man dē zarten leib des her-
 ren. scharpf gertenn vñd geyseln. seine
 hohwirdigen haubt scharpf dōmn. sey-
 nen guttetigen milten henden. vñd dē
 mütige fūssen hert nageln. seiner adelis-
 chen seyten vñ dem allerzertestē gütig-
 sten hertze ein scharpfes gewolchs sper.
 Dise historie ist hieher gesetzt. nit das
 yemants nach dem buchstaben ein ebē-
 bild dar auß soll oder getūrr nemē. des
 gleichen zethun so sölche ding nit zu ey-
 nem ebenbild dein nach dem puchstabe
 nach zefolgen sey geschriben seyen. sun-
 der zu einer figur vñd bedeutung geist-
 licher ding. als sant Jeronimus dise hy-
 storien von der weisheit auslegt. doch
 so sie nach dem buchstaben ergangē ist.
 vñd ist zu der zeit in einer sölchen sach.
 in sölchen personen. denē es zimlich wz-
 keuschlich vñd erberlich beschēhen. So
 bedenck die hertigkeit des leidēs vñd
 creützhangēs vñd sterbens cristi gegen
 disem geschicht. vñd sih wie vngleich mā
 dem herren. vñd seinen knechtenn ge-
 dient hab.

Die achtundsechzigste figur zum andern mal



In der vorgehenden. lxxxiij. figur. erzeugt wirt. wie zertlich d iuden könig gehalten sind worden. also wirt in der hernachfolgende. lxxxiij. figur bewisen. wie erlichen. wie hoh vnnnd würdig sy gehalten sein wordenn. als es wol erscheint. in der einsetzüg könig salomons. den sein vater könig dauid noch bey seinem leben thet auff seinen thron setzen. vñ könig dauids diener lobtē yn darumb. vñ sprachē. Got der herr grōß se herr salomons namē vber dein namē vnd grōße sein thron vber dein thron. Vñ könig dauid dancket got dem herren auf seinem pett vñ sprach. gebenedeyt sey got der herr der mir hat gegeben. das ich mit meinen augen gesehen hab. mein sun sitzen auf meine königlichen thron. Vñ da könig dauid all fürsten vñ hertzogē vnd haubtmänner der ritterschafft. der zwölff warē. der ein yeglicher vierondzweintzigtausent ritter vntter ym het mit den rittermeistern vñ anderen mechtigē vñ fürnemen berüfft het gen iherusalem. vnd redt mit ynē vō seinem sun salomon. das sy ym beysteen wolten. da sprach er vntter andern worten. Got der herr hat von mine sūnen C der er mir vil gegeben hat C mein sun salomon erwelet. das er auf dem thron des reichs des herrē vber israhel sessē. vnd hat zu mir gesprochen. Dein sun salomon wirt mein hauf bawen. wann ich hab mir yn zu eym sun erwelet. vnnnd ich wird ym zu eym vater werden. vnd wird sein reich bestetigē in die ewigkeith wirt er in meinen gepotten verharren. Vnd herab baf sprach dauid zu der gantzē samlung. Got der herr hat allein meyn sun salomon. der noch ein kind vñ ei zertling ist erwelet. Dar vor het auch dauid

von ym gesprochen. Mein sun salomon ist ein cleyms vnd zarts kyndlein. vñ das hauf daz ich got dē herren bawen will. soll also gethan sein. das es in allen reichen genennt werd. darumb will ich ym alle ding bereyten. Setzt nun die geschrift in dem letzten capitel des ersten puchs der tag. das könig salomon C als er zum andern mal zu eym könig gesalbet w3 worden C saß auf den thron gottes ze regnyren für sein vater könig dauid. Vnd dasselb gefiel yderman woll. vnd alles israhel was ym gehōrsam. vñ all fürsten vnd mechtigen. vnd auch alle sūn künig dauids. gelobten ym. vnd waren ym vntterworfen. Also macht gott der herr könig salomon gros vber alles israhel. vnd gab im solch ere des königreichs. der gleichen kein könig israhels vor ym gehabt het. vñ als die geschrift in dem neündenn capitel. des andern puchs der tag. vnnnd dem zehenden des dritten puchs der könig setzt. So ward er gegrōßet. das ist hoh vnnnd grof gemacht vnnnd erhebt vber alle könig des erdtreichs. in reichthum. in weisheit. vnd in eren. wann alle könig der erdē Begeren seins angesichts d3 sie sei weisheit hörten. vnd schenckten ym gūlden vñ sylberen geschirr. vnd köstlich gewand. vñ edel würtz. vnd harnysch. vnd pferd. vñ der gleichen. vnd die weyf kōnigin von saba dy nennet alle die selig die bey ym woneten vnnnd sein weisheit hörten. Nun halt die ding die dy heilig geschrift von der ere vnnnd herrlichkeit kōnig salomons setzt. gegē den dingē die vnserm herren an dem creütz bewisen sind wordenn. so erscheynt der vntterschyd zwischen dem herrē vñ dē knecht. Wiß wie got der herr. die dy sein diener

Die auflegung der

und figurē sind gewesen. erhöht. gewir-
diger und geeret hat. Vñ in ynen alles
iüdisch geschlecht. dan die maiestat kö-
nig salomons dienet zu ere und würdig-
keit des gantzen iüdischen volcks. wan
als die geschriffte spricht. Salomon het
alle künigreich. von dem fließendē was-
ser d̄ palestiner. bis an dz ort des lands
von egipten. vntter seinem gewalt. die
ym gaben opfertē und ym dienten die
weil er lebt. und alles volck das vō den
alten heiden in den landen beliben was.
das die kinder israhels mit tilcken moch-
ten. macht er zynshtastig. Aber von den
kindern vō israhel. setzt er keinē zu die-
nen. sunder sy waren seyn ritter und für-
sten. und hertzogen. und landspfleger.
und hoffgesind. und marstaler und der
gleichen. Und das iüdisch vñ israhels
geschlecht wonet on alle forcht. ein ves-
glicher vntter seinem weinstock. vñ fey-
genbaum. von dan bis gen bersabee. dz
ist von eym ort des lands bis zu dē an-
dern. als lang als kōnig Salomon lebt.
Und sy warē vnzelich als der sand des
meres in der menge. und assen und tran-
cken. vñd waren frölich. Sihst du was
stands vntter salomons regimēt gewes-
sen ist. Sihst du wie sein gewalt vñ her-
schafft. allem seinem volck zu fryd vñ zu
frewd gedienet hat. Und das alles wz
von gottes gab. als er selbs sprach. und
was von der hant gottes. als sein vater
kōnig dauid gesprochen het. Und was
ist gottes hand denn cristus. als oft in
der geschriffte vñ in den lerern gemeldet
wirt. Nun merck dy gegenwürff.
Kōnig salomo was eins eeprechers vñ
einer eeprecherin sun. mit das er auß dē
eeprouch geporn were. sunder das d̄ ees-
pruch sein eltern zesammē gefügt het.

und ward doch in grosser zartheit. und
wollust an dem kōniglichen pallast zu
herrschen genert vñd erzogen. So was
vñser herr gottes sun vñ d̄ allerreinstē
iunckfrawen. vñd ward in grosser ar-
mut und hertigkeit in dem ellend zu die-
nen erzogen. Salomon ward geweiht
und gesalbt herrlichen eingefürt und
mit edelem gestein gekrōnt auff den kō-
niglichen stul seins vaters der auch got-
tes thron in der geschriffte genent wirt.
gesetzt. So ward vñser herr enteeret.
verspottet. gegeyselt. mit plut obergos-
sen. mit dōrnē gekrōnt. schentlichē auß-
gefürt. an den galgen des creützes ge-
hengt. Alle werlt zertret und lobt und
liebtset dem kōnig salomon. Aber wid-
im̄b schmeht und lestert alles volck vñ-
sern herren. und pfuchtzten vñ schryen
ober ym. und spottetē sein an dē creütz.
Alle kōnig der erden ereten kōnig Sa-
lomon vñd schickten vñd schenckten
ym köstliche cleyder vñd gilden trinck-
geschirr. vñd ander gefes. souil. das al-
ler seiner haufrat von lauterem gold wz.
und das silber ward für nichts gerech-
net zu sein zeittē. Dar wider ward dē
herren sein arme wat abgezogen. vñd
ward muter nackend an das creütz ge-
schlagen. vñd mocht in seinem letstem
vñd engstlichen durst nit einen tropf-
fen wassers habenn. der alles sein plut
für vns vergos. das er vns vō dem ewi-
gen durst erlösete. sunder sy schenckten
ym zu eym gespött. vñ zu leyd. verbitter-
ten weyn mit mirrē vermischer. vñ essig
mit gallen. das laß dich erbarmen. Also
rechne auch ader ding gegeneinader. so
werdē dir die gegenwürff dester scheyn-
berer. grösser. vñ erbermdglicher leich-
tē. Vñ merck dz die artickel des sepdēs

hernachfolgenden figur

cristi vnd allermerst die creützigig. hat
ben gar vil mer gegenwürff. denn hie in
disem puch entworffē sind. aber solchs
aufzulegen forderte ein grob puch. vnd
dennoch ist das. das wir begreyffen vñ
versteen oð sagē mügen alles zecklein vñ
zerwenig. gegē dē d̄z es in d̄ warheit ist.
vntter andern vnzelichē gegēhaltungē
oð gegēwürffē. mag mā die creützigig
cristi auch rechnē gegē dē vnschuldigē.
tugentfamen vñ heylsamē leben vñ wan
dē cristī. vnd dasselb wirt oft berürt in.
den gegenwürffen hin vñ her in disem
puch. wann es scheint gar vngleich zesa
men zefagen. Einen senfften tugentfa
men heiligen wandel führen. vñnd eines
herten schentlichen tods getötet werdē.
Deshgleichē sagt auch d̄z werdē vñ ster
ben. die gepurt vñ d̄ tod cristī. nit gleich
zu verdienstes vñ verschuldes halbē. weñ
man die zwey gegeneinander haltē vnd
ansehenn will. so solt auch ein grob hert
hertz bewegt werden. wenn es bedēckt
wie klein. subtil. vñ zutetig sich der herr
in dem anfang seines lebens gemacht
hat. vñ wie yemerlich er zerdent ist wor
den an dem end. Sih an. des grōsse nit
allein von dem praitten erdpoden. sund
auch von den weytte himeln nit mag be
gryffen werdē. der hat sich also klein vñ
zutetig gemacht. das er nach seiner ge
purt in das eng kryptlein gelegt ward.
in der gepurt auß der clausen des iuncf
frewlichen leibs on verferig des sigels
der iuncfrawschaft. in dise werlt kam.
wie kleins leibs er aber gewesen sey. da
er vollkumner got vnd mensch zum erstē
in muter leib was. ist oder wirt auch be
rürt in disem puch. so er sich denn also
klein gemacht hett. war mit hett er ver
schuld. das man yn also aufdenen vnd

so schmerzliche zerreißen vnd zerzerre
solt an dē creütz. so solhe pen den zu ge
hört. die nichts sind. vñ wölle doch also
grob scheinē. d̄z sie aller werlt zeeng be
gerē zemachē. Item so er des hōhe den
ōbersten seraphim vñerlenglich ist. sich
biß in die tieffe d̄ erdē. vntter oder für
die fūß d̄ irdischē tier. als des esels vñ
des rinds in dem stal genidert het. war
mit het er verschuldt d̄z man yn an das
creütz aufhencken oð an dem creütz in
die hōhe zu schandē aufhebē solt. oder
warum solt man yn auf das creütz auff
der erdē. oder auf der erdē vñziehē vnd
schleppen. der allein sich vō dem hymel
herab geneigt. vñ auch vō dē himel auf
dise erdē künne was. vñ wolt auch in die
hell abstepgē. das er den menschen von
der hell. vñ vō der erdē i die himel hūb.
Also rechne auch die armē tūchlein vnd
mēgerley dürftigkeit vñ hertigkeit sey
nes zartte leibens in d̄ Eintheit. vñ die
plohheit vñ engstigung an dē creütz. die
reine süßen inck freulichen milch. vñ die
bittern gallē. vñ essig. d̄z iubiliere loben
vñ singē der engel. vñ das geschrey ver
weyssen vñ gespōt d̄ indē vñ auch d̄ ver
urteiltē mōrdern. die clarheit des newē
sterns. vñ die verfinsterig des mons vñ
vñ d̄ sunnē. Sih an daz in d̄ newē gepurt
des kleinē kindleins. ein newes liecht i ey
nē kleinē newē aber gar liechte stern zu
erleuchtig d̄ heidē. als d̄ dreyē heiligen
kōnig aufgangē ist. vñ da der herr yetz
grob an dē creütz getötet ist wordē. da
sind die groffe liechter des himelreichs
erloschē. zu einē zeichē d̄z die iuden das
liecht diser werlt verleschten dar durch
all ir kunst vñ weisheit. all ir würdigkeit
beid geistlich vñnd werltlich vnttergen
würd.

Die vierundachtzigst figur



Die funffondachtzigist figur



Die sechszondachtzigst figur



hernachuolgenden figur

an dē benügē. dz in i d selbē nemmūg all
ir herlichkeit heimlichen vñ einnechlich
en. dz ist innwēdig beschloßlichē. verwiß
sen verstandē mag wērdē. Da sy sprachen
Christus ysrahels kōnig steyg nun von
dem creütz so glawbē wir im. Also ob sy
sprechē wolltē. Wir sōllen nymmer mer
glawbē dz er ysrahels kōnig sey. dy weil
er an dem galgen hengt. Darūn will er
das wir ym glawbenn. so steyg er herab.
Wan es ist nit gewonheit daz vnser kōnig
an den creützen hangē. sind als wyr
in vnsern geschriffte habē. kōnig Salomō
macht einen sōlichē kōstlichē kōnig/
stul des gleichē in allen kōnigreichē nye
gewesen ist. Vnser kōnig Salomō paut
groß palast. vñ schön garten. weingartē
vñ baumgartē vñ allerlay kōstlichē baro
men gebeltzet vñ besetzt. vñ layttet was
ser dar ein. vñ het vil diener vñ maigt. vñ
vil hofgesinds. vñ sterts zwof tausent
raißiger. vñ viertzig tausent wagē pferd.
vñ gold vñ silber vber die maß. vñ reich/
tume der kōnig vñ der lender. vñ scheurn
vñ trinckschirz als vñ lauter gold. Wa
sind dein palast vñ garten. Ist es golga
ta d kalenckopferg. vñ dein kōnigstul d
mōrd galg. wa sind dein diener vñ ritter
wa ist dein hofgesind. Ist es d vischer
zebedeus sun. wa ist d capperwein. vñ dz
gulden trinckschirz. Ist es d essich vñ d
schwam auff dem roz. Du bist ein feiner
kōnig. Vnser kōnig dauid vñ Salomon
habē alle kōnig die vñ ir land gewesen
sind. ayntwēders zu vntertanen. oder zu
gesellen gehabt. so hast du die creützige
ten mōrd zu gesellen. vñ darüber gleych
oberbain dan sy spottē dein als eines vn
seligers dan sy sind. Vnser kōnig haben
nit spotter in yrem leiden gehabt. sunder
lober. singer vñ singerin in yren erenn.

Vnd ob sy zu zeitten spotter vñ lesterer
gehabt haben. so sind sy herlich vñ red/
lich an ynen gerochen worden. als kōnig
dauid an dē hertē boßhaftigē nabal den
gott d herr also plagt. daz sein hertz ver
herttet ward als ein steyn. vñ starb nach
zehnen tagen. vñ sein schöne weyse haup
fraw ward dem künfftigen kōnig dauid
mit seyner hab zetail. Desgleichē ward
kōnig dauid gerochen an den amoniten
da sie sein dyener vñ potten geschmeht
hetten. Desgleichen ward er gerochē. an
dē Semey d im geflucht het. Also ward
kōnig Salomō an seinen an neideru ge
rochē. die durch seinē gewalt getōt od
abgesetzt wurde. sind vnser kōnig an irē
feindē gerochē wordē. vñ den sie verach
tet vñ geschmeht wurde. Aber als wir
sehē vñ merckē. so wirst du heit vñ
man geschmeht. gelestert. vñ verspottet.
vñ wir sehen nyemāt an dem du gerochē
wirst. daz nit sein möcht. wenn du der
werst. für den du dich aufgegeben hast.
Vnser kōnig sind nit mit dōrnē gekrōnt
gewesē. sind mit gold vñ edelem gestain
als von vnserm kōnig dauid geschriben
stet in dem zwaintzigistenn capitel des
ersten büchs der tag. daz er ym ein kron
macht vñ d kron des melchons der der
amonschen gott was. in der er dy aller/
kōstlichste edelē stam mit schwerē gold
fand. Vnser kōnig sind nit vntter den
mōrdern an den galgen gehangen. sind
vntter den starcken weyßen fürsten. auf
kōniglichen thronenn gesessenn. als ym
dreyvndzweintzigistenn capitel des an
dern büchs d kōnig von dauid stet. Dar
vmb wir sehen denn des gleichen vñ dir
so glawben wir nit das du vnser kōnig
seyst.

Die aufzlegung der

In d hernachfolgenden lxxxvi. figur.
Wirt könig Salomons wollust bedēit.
Die hieher darumb gesetzt ist. das man
die grossen engstlichen pen die vnser
herr an dem creütz gelitten hat dar ges
gen halt. vnd lern sie auß den widwer
tigen gegewürffen dēster bāß erkennē.
vnd wegen. Also sich vñ halt gegen einā
der die grossen wollust. die kōnig Sa
lomon gehabt hatt. von der er selbs vil
schreibt in dem puch seiner disputierung
in dē andern capitel. vnd die geschriffte
meldet es auch an andern orton. vnd die
grossen engstliche vñ vnaussprechelich
en pen vnd manigfaltigen schmerzen.
die vnser herr in seinen zarten gelidern
an dem creütz gelitten hat. so findest du
das dich pillichem erbarmen soll. Die
wollust kōnig salomons. ist hie in der fi
gur der wirtschafft vnd der kōnigynen
C der er bey sibenhundert zu weybern ge
habt hat. D bedēit gegē solcher wollust
ist d creütz ein wund bitter gegewurf.
wer es wayffet gegen einander zerech
nen. Dan sitzen vñ hangen. am tisch
sitzen. am creütz hangen. am tisch sitzen
in kōstliche kleidern. am creütz nackend
hangen. am tisch sitzen der vol kōstlich
er süßer speiß ist wol zeleben. am creütz
hangē vñ essig. vñ gallen für tranck vñ
speiß zehabē bitterlichen zesterben. am
tisch singer vñ singerin. vñ and spilleit
mit seyten spil oder pfeiffenwerck zu
wollust zehabē. am creütz in grossen nō
ten vñ schmerzen des tods spotter vnd
lesterer zu raytzen zehabē. mag ein kind
mercken was grossen vngleichheit d ist.
Salomon het lust nach allen synnen. vn
ser herr het layd vnd schmetzen nach al
lem empfinden. als man auß den dinge
die vormals in diesem puch von dē fünf

synnen vnser herren gemeldet sind mer
cken mag. Kōnig salomons speiß was
C als die geschriffte setz D all tag dreyß
sig malter semel. vñ. lx. malter melbs. xxx.
fayst ochsen. hundert wider. außgenūmē
mengerley volprechts. hirsen vñ reech vñ
büffel. vñnd gefügels. so vil verzert sein
hoff gesind tegliche. Der schopfer vnd
geber aller speiß. vnser herr. woz ein eyri
ger am creütz. vñ sein leib word an dem
spyz des creützes gebratē. vñ eier speiß
seiner diener. vñ sein plut vergossen zu
irem tranck. vñ mocht doch nit ein trück
wassers habē d allē weyn vñ wasser be
schaffen hat. Was wollust kōnig Salo
mō nach dē syn des tastēs gehabt hab.
d ist mer vō d gedechnus zetilcken vñ
zeuertreiben. denn zebedencken. doch
prüfft mans wol bey d menge der wey
ber. d er nach der heilige geschriffte bey
tausentē gehabt hat. Was wollust vn
ser herr in dem selbē synn gehabt hab.
d bezēigē die cyphen negel in dē hen
den vñ füßen. die dōmē kron auff dem
haubt. die wundē des gegeryeltē leybs.
die peülen oder blome māl. an seinem
angefiht. d hert blöcket holtz an seynē
ruckē vñ d gleiche. Kōnig salomō ward
vō allē die vō ym hortē gelobt verwun
dert. vnd geeret. der herr ward nit allein
vō den fürstē. vñ gelertē. sund auch von
dē gepöfol vñ den heidē. vō den puben
vñ gerichtē mōrdern verspott gehōnet.
vñ gelestert. Kōnig dauid vñ Salomon
waren d iudē kōnig vñ der israhelische.
Cristus ward vō dē richter pylato in dē
tittel des creütz vñ auch sūnt d iudē kō
nig. vñ vō dē pischoffen israhels kōnig
genennt. aber auß was gespött sie das
gethā habē. wirt hernach C gibet got D
aufgelegt werde. Aber hie laß dich

Die sibenvondachtzigist figur



wie sich der herr an

Die fünff nachuolgende gegewürff
melden. wie sich der herr an dem creütz
gehalten vñ bewysen hab. allermeyst zes
rechnen gegē den feinden.

Der sechsendachtzigist gegenwurff

Der herr hat seinen zartē leib also
zerhawen. zerzert. zerrissen. vñ ver
sert. on allen schirm. ploß vñ nackend. er
gebē vñ zepeinen. dar gebotten. den. die
aufwendig mit greulichē waffen. vñ un
wedig in dem gemüt mit vnmenschlichen
grymmigē zorn gewapnet waren.

Der sybenondachtzigist gegewurff

Das er im die füß hat lassen an na
geln. das sein feynd mit ym. als
mit einem. d vnbehilfflich gantz in irem
gewalt wer. nach yre muttwillen. zu pein
teten. was sie wolten. die doch so grym
mig vñ so böß warn. das sie durch keyn
tugent. oder guttat gemilert. durch kein
gedult erwaicht. vñ mit keiner pein des
herrē gesettiget werden möchten.

Der achtondachtzigist gegenwurff.

Das er all sein synn. in der neygung
seines haubts. senlich vñ barmh
ertziglich. mit vergyessung der hayßē
liechten zehern. zu den genaygt hat. die
yn so schmechlich. so zorniglich. so grym
miglich mit gespött. vñ belächung sein
er grossen marter ansahenn. Bitterlich.
schönödiglich. hōnisch vñ lesterlich ym
zuschrynn. den mund verbittertenn. den
leib zerdeten. die wunden auff zerrettē.
alle sein synn vñ glyß schmehte. vñ peins
igtenn. Ober die. vergoße er sein plutt.
vber die. verröret er seyn zehet. für die.
opfert er seinen heilige fronleichnā. got
seinem himelischē vatter. durch ir hend.
Für die bat er. für die wainet er. für die
gab er sein geliebten sel in yr feintlich

hend. für die gab er seynem geyst auff.
Ober die. neigt er sein milt haubt. das
mit yrem. vñ aller werlt sünden beschwe
ret. vñ für sie. vñ ynen gepeinigt. vñ so
engstlich gequelt. verwundt. zerstoehen.
in grossen vnaussprecheliche schmerzē
aller rastat. vntter dem weytte himel bes
raubt woz. Zu den naigt er sein haubt. vñ
den. es nichts den marter. vñ pein. layd
vñ schmerzē. gespött vñ schād. vñ alles
vbel empfangē het. Zu den naigt er sei
en mund. vñ tett auff. sein hertz. in d öf
nung seiner seyten. als ob er begerte das
selb gätz zu ergiessen. zu ergebē. vñ auf
zeflössen. den yenen. vñ ober die. dy also
gätz verstockte vñ verberte hertze. gegē
im bette. dz sie im in seiner außlerung. ym
d außschöpffung seines heilige plutes. dz
er auch für sie. die es vergossen. in der er
lechnung. od außdorrung seines aller
mynnsamten hertzes. in seinē engstlich
en grossen durst. mit einen tropffen was
sers gundtē oder lieffen zugeen. sunder
sie gabē yme zu einem gespött. efflich vñ
gallē. Vñ kurtzlich. wie er all sein synn
senlich. erbermelich. vñ senfftmutig
lich. zu ynen feret. vñ naygte. also peiny
getē. vñ schmehte sie alle sein syn. Sein
augen. mit bitterm. saurem. schmechliche
anschen. Sein oren oder gehörd. mit ges
pött lesterung verweyßung. vñ auffheb
ung seiner vnmöglichkeit. falscheit. vñ
anderer vnerlicher dig. als in dē nechste
fünfer hernach volge wirt. Sein zung
en mit dem bitterm geträck. als gemelde
ist. Sein ryechen mit gestank. Sein bes
rurd. mit pein. mit hertigkeit vñ schmer
zen. als wol erscheynt in den negeln. ym
hendē. vñ yn füßen. yn d dörne kron des
haubts. in dē hertē holtz des creützes vñ
des gleichenn. als obenn von den fünff

dem creutz gestellt hab

synnen gemeldet ist wordē. Gedencē nun wer die grōsse d̄ gedult vnd gütig-
keit cristi die er an dē creutz erzeigt hat.
aufmessen mōcht. vnd wenn du in grof-
forcht. kleinmütigkeit vñ anfechtung d̄
verzweyflig ymantes sebst fallē. od̄ da-
von selbst angefochten würdest. so ge-
gedencē an diese ding vnd gegenwürf.
vñ erman den herren. söllicher seiner gū-
tigkeit. gedult vñnd militigheit. die er an
dem creutz erzeiget vnd bewisen hat. dz
er der selbē in demē letzte zeitten. vñ in
seinem irtel gedencēn wöll. vnd opfer
vñ halt sie für. dem himlischē vater. vñ
setz sie zwischē seinen zorn. vñ dein miß-
setat. mit disen gegenwürffē tröste dich.
vnd andere. die eins guten willen vñnd
gotsföchtig sind. Dann du magst wol
gedencēn. hat sich der herr vmb seiner
freünd willen. mit allein die er hett. sun-
d auch die er auß den feindē machē wolt.
gen dē grimmigen feindē. die sein in sey-
ner marter spottetenn. so freuntlich er-
zeigt. wie gütiglich will er sich den be-
weyfen. den. die yn flehlich vñ andecht-
glick in iren nōtē anruffen. vñ seins hei-
ligen leidens mit danckperkeit gedēckē

Der. lxxix. gegenwurff.

Item zu einē zeichē der liebe. vñ
der militigheit. hat d̄ herr sei arm
gestreckt vñ aufgespant. vber die. dy ir
arm aufgestreckt hetē. yn zemartern vñ
zepeinigē. gleich als ob er ynē noch er-
bieten wolt. einē freyē zugang zu seiner
milten brust. als zu dem gnadē schreyn
aller gütigkeit vnd barmhertzigkeit. vñ
bereit wer. mit aufgespantē armē. sie zu
seinen gnadē zenemē. zu vbriger milder
mitteilung seiner gütē. die doch alle gli-
der der barmhertzigkeyt gegē yn zuge-
than heten. vñnd mit allein seiner gütig-

keit vñ militigheit vñndanckber warē. sun-
der auch vñ alles gut. alles vbel. das sie
mochte. betryffen vñ teten.

Der. xc. gegenwurff.

Item er hat sein seitten offnen
lassen. nach seynē hailfamē tod.
das auß ir d̄ vnscherzberlich vnd vnzer-
rinnlich schatz seins kostparn rosenfar-
ben plutes. vñ der vnerschöpflich brun-
der lebēdigmachendē wasser entspring
vñ gedffnet würdē. das wasser der wid-
geperung. auß dē wir gottes kind durch
den heilige cristenlichen tauff vnd den
heiligen geist. geporn würdē. durch wel-
che gepurt. wir recht hetē. zu allen criste-
lichen sacramenten. vnd zu dem erb des
reichs der himeln. in dem. gnugsamkeyt.
vnd auch oberflüssigkeit aller gütē ist.
Item er hat ym sein heilige seyten wöl-
len offnen lassen zuuergiessen sein plut
zu erlösung der selen. von allen vnd ewi-
gen peinen. vnd von dem ewigen tod. ze
besitzen das ewig leben. wann diß plut
ist ein vergeltung vnd bezalung aller gū-
ter gottes. die er dem menschen gebenn
will. **I**tem sih an. was guttes vñ wz-
schatz. in christo sey. welches gut. durch
die wunden seins leibs. gleich als auß-
gerunnē vnd dem menschē zugefloffen
ist. **I**tem sih an. vber wen er sein schetz
hab lassen aufstieffen. mit allei vber die.
dy vntter dē creutz gestandē sind. sun-
d auch vber die. dy yn an das creutz ge-
pracht vñnd auch vber die. dy sein am
creutz gespott habenn. vñnd vber die
vnmilten iuden. die ym sein plut vergos-
sen. vñ ym in dem letzten durst. mit allein
alles getranck. sun-
d auch einē tropffen
wassers versagt habē. für dz. dz er sy in
dz land. dz mit hönig. vñ milch flos. vol
weyns. vñnd balsams. eyngesfür. vñnd

yme eingegeben hat. sunder sie habē ym.
do er durstes halbē möcht gestorbe sei.
an dem creüt zu gespött mit gallen vñ
essig getrenckt. die verstockten vnd ver-
herteten. gegen aller miltigkeit.

Von den verweyßungē vnd aufhe-
bungen die vnserm herren an dē creüt
geschehenn sein. als dē. der ym die ding
felschlich vñ hohfertiglich zugezogen
het. Der. xcj. gegenwurff.

Vō der verweyßung der berümung
der macht.

I Je habē ym zum ersten auffge-
hebt. plödigkeit vñ vnmüglich-
keit. gegē der berümung d̄ macht. vnd d̄
gewaltigkeit. da sie mit bewegung der
heüpter. vñ mit verweyßenden vnd ver-
spottendē geperdē. vñ grossen stymme
schryē. Nach. d̄ du dē tempel gottes ny-
derfellest. vñ in drey tagē wið auf pau-
est. Küm̄ dir selbs zehilff. Bistu gottes
sun. so steyg herab von dem creüt. Vñ
alle fürstē der priester mit den gelerten
sprachen. Er hat andern geholffen. vnd
mag ym selbs nit zu hilff kummē. gleich
als ob sie all wolte sprechē. Er hat sich
grosser macht aufgethan. als ob er alle
ding vermöcht. vñ wirt nun bewert. das
er nichts vermag. dan̄ vermöcht er etwz
er hülff ym selbs on alle zweyfel. daruñ
so er ym selbs nicht helffen mag. so mag
er auch andern nit helfen. wie vil er sich
grosser macht hat aufgethan.

Der. xcij. gegenwurff.

Von der verweyßung der berümung
der würdigkeit.

I Je habē ym zum andern mal ver-
weyßten vñ aufgehebt. schētliche
schnödigkeit vnd berümung. oder aufge-
bung der höchsten königlichen würdig-
keit. da sie schryen. Bist du der iude kō-
nig so küm̄ dir selbs zu hülff. Als ob sie

sprechē wolte. Bistu d̄ iuden kōnig. als
du dich berümet hast. so hilff dir. hienū
sprachē auch die bischoffe. vñ geschrift
weyßen. Ist er israhels kōnig. so steig er
nun herab vō dē creüt. so glauben wir
ym. als ob sie sprechē. Er hat sich aufge-
bē vñ aufgeworffen. als d̄ er nit allei
israhels kōnig wer. sund̄ d̄ er vber alle
kōnig der oberst kōnig christus were.
C wan̄ also schreibt sant Marcus. d̄ sie
sprachen. christus israhels kōnig. steyg
nun herab vō dē creüt. Nun hanget er
an dē creüt. als ein mörd. er wolt auff
kōnigliche thron sitzen. erledige er sich
nun von dem möder galgen.

Der. xcij. gegenwurff.

Von der verweyßung d̄ berümung
des göttlichen adels. das et solt gespro-
chen haben er were gottes sun.

I Je habē ym berümung des höh-
sten adels auffgehebt mit ver-
weyßung des wiðsatzs vñ des vnadels
vñ lesterlicher gepurt. wan̄ sie hieltē ine
für einē banck hart. als mā in andern ge-
schriften findet. welche boßheit noch
auf dē heütigē tag in den iuden. gleich
als ein erbsünd faselt. d̄ sie maria die
mutter als ein erlose frauē nennē. Söl-
cher verweyßung halbē sprachen sie. Er
hat gesprochē. wann ich bin gottes sun.
Vñ aber sprachē sie. Bistu gottes sun.
so steig herab vō dem creüt. Als ob sie
sprechē wolte. Bistu gottes sun. als du
dich aufgeworffen vñ berümet hast. so
steig vō dē creüt herab. thustu d̄ nicht
so beweist du. das du ein basthart bist.

Der. xcij. gegenwurff.

Von der verweyßung der erhebung
der miltigkeit.

I Tem vnserm herren ist für die
werck. d̄ gewaltigē vñ mechtigen
warhaftigē miltigkeit. vñ für d̄ lob vñ

an dem creutz verwissen hab

Danckbarkeit. Die man ym Darumb schuldig was. Die gleichnerey vnd gaucklerey der miltigkeit vnd gütigkeit aufgehebt worden. Da sie sprachen. Er hat an dich hail gemacht er mach sich selbs hail ist er anders & außervelt gottes sun cristus. Gleich als ob sie spreche wolten. Er hat sich außgethan als ei milter. der yedermā hülffe. es ist aber nit also in der warheit gewesen. Dann wer er andern leute warhafftiglich zehilff kummen. er hülff ym selbs. Darumb. hört er. vō dem mōrdischē böswicht. von dē schecher & linken hand. bistu cristus. so mach dich vñ vns hail. Hette er das recht gemeint so het d' ewāgelist sāt lucas nit geschriben. das er got gelestet het. So er aber spricht. dz er dē herrē lestet. so wil er ze uersten gebē. dz er des herren. gespott hat. vñ hat ym die berümung & ding. die in cristo geglaubt werdē. aufheben vnd verweyssen wölle. als ob er wolt sprechen. Bist du cristus. vō dē mā glaubt. das er d' hohwirdigist. & allermēchtigist. der edelst. & gewaltigist vñ d' miltest soll sei. so beweyse sollich macht vnd miltigkeit an dir voran. vnd darnach an vns auch. Wan wir vñ du kamē nye in grösser not dan yetzū auf diß mal. Darumb ist es nye als not gewesen. das du dein macht vñ miltigkeit beweysest. als nun zu mal. Aber die weil du dz nit tust. so halt ich werlich nichts vō dir. Ich kan nit glauben. dz du mir od' meinē gesellē kündeß helffen. wann du dir selbs nicht helffen magst od' kanst. Darumb hastu dich vil außgethan. vñ berümbt grosser macht vñ miltigkeit. so du es hie nicht beweysest. so erzeygest du. dz es nit war ist. dz du von dir außgeben hast. sunder es ist

mer ein betrügnus vñ ein schein gewesen. Darum hangest du nit allein mit vnser pillich mit vns. oder vntter vns. als vnser einer. sunder in der mittē vntter vns. als erger denn wir. vñ ein meyster der boßheit vñ der böswicht. Das ist die maynung der wort des schechers. vñ d' seins meysters. des teufels gewesen. Welche wort vnser herr. als auch an der wort tieffer verstandenn vñ versnūmen hat. denn der. der sie außgesprochen hat. ya vil tieffer. wann sie yemand ergründenn mag. auch der teufel. der durch den schecher als sein glied geredt hatt. Darumb bewegt der heilg geyst den andern schecher zu der rechre seytē. das er den linken mōder straffet. Das ich nun ansteem laß. dann allein sprich ich yetzund. das die miltigkeit & halben. vnser herr also an dem creutz. verspott vñ verschmeht ist wordenn. als ob sie allein ein betrieglicher schein wer gewesen. ist dem selbenn schecher an der rechtem seytē wol größlich. vñ warhafftiglich bewysen worden. da ym vñ die speten bekerung. vñ kurtze peicht vñ puß. der vorsprung in dz paradeiß. von mund an. vor allem heilgen. versprochen vñ verlihen wordē ist. durch vnsern herren ihesum christū. der vns solch miltigkeit an vnserm end auch verleytē wölle. das wir on verdriesslich verziehung oder hindernus von mund auff zu seiner vollkommen gnaden genūmen werden. vñ seiner miltigeyt. vñ anderer tugend willenn. die ym also an creutz verwozffenn vñ verwysen sein wordenn. der do lebt vñ regnyert mit gott dem vatter in cynigeyt des heilgen geystes. warer gott in werlt der

was man vnserm herren

werlt Amē. Was ich gesetzt hab so kurtzlich vō der miltigkeit. dz sie großlich sey bewisen worde. also vō ir vñ andern tugendē. mag mā beweyßen. dz sie allermeist in dem leiden. vñ an dē creützn vñsers herrē. sein geübt worde. dz doch hie vñ kurtze willen nit ausgelegt wirt. Man findet es in andern geschrifften clerlicher. vñ sunder in sant Bernharts vñd sant Bonauenturs. Aber auß dem merck. wie groß vnrecht vnserm herren beschehen sey das ym die tugent. als ob er sich der selbē. felschlich allein vermessen erhebt. vñ berümbt vñd in d̄ warheit wider alle tugent gethan het. verwissen sein worden. an dem ort. vñd in der zeit. so er sie allermeist bewysen hat.

Von der verweyßung des rums der warheit vñd vō der aufhebung der lüge.

Also ist ym auch die vermessung rum vñ fürhaltung der warheit als dem allerlügehafftigste. verwissen worde. da sie geschryē habē. Nach. der du den tempel gottes zerfellest zc. Itē da sie geschryen habē. er hat gesprochē Ich bin gottes sun. Was was das. dz sie nit allein sprachē. Bist du gottes sun. sunder. wann er hat gesprochen. ich bin gottes sun. dann das sie ym woltē lügen straffen. als ob sie sprechen. Er hat wol gesprochen das er gottes sun sey. aber es ist erlogē gewesen. Vñd auß den syn sprachen sie auch. Bist du gottes sun. so steyg herab von dem creützn. Als ob sie sprechen wolten. Du hast dich außgebē vñ gesprochen. du seyst gottes sun. das du aber gelogē habest. dz erscheint in dem. das du nit magst von dē creützn absteigenn. Wer es war das du gottes sun werst. so möchtest du von dē creützn

steygen. Vñ wie du darynn gelogē hast das du gesprochen hast. du seyst gottes sun. also hast du auch in allē deinē worten vñd wercken gelogen. durch die du dich außgeworffen hast.

Der xcv. gegenwurff. von d̄ verweisung vñd verspottung der hoffnūg vñsers herren.

Dem. Der vnser aller glaubigen mēschē hoffnūg ist. als sein nam ynnhelt. vñd auß eigenschafft der gottheit allmechtig ist. vñ nach dem verdienē des tugentlichen lebens seiner menscheit vñd seins leidens. das erworben hat. das wir sicher hoffnung der behaltung in ym. vñd durch yn. haben. dem ist sein hoffnung abgeschlagen. verwissen vñd verworffen worden. dar durch sein feind yn auff verzweyflung geworffen haben. da sie sprachen. Er hofft zu got. er erlöse yn. ob er wölle. Als ob sie sprechen wolten. Er mag wol warten. ob ym gott helffen wöll. aber er wartet vergebens. wann gott wirt yne seiner vermessenheit halben schenden. Vñd auff dasselb sprachen sie. wann er hat gesprochen ich bin gottes sun. Gleiches weiß als ob sie sprechen. Ey. man mag im seynen hoffnung nit abschlahen. wann er ist gottes sun. als er gesprochen hat. wie möchte der vatter seinen sun verlassenn. Es ist vnmüglich das gott d̄ der der gerecht vñd allerbest ist d̄ seinenn sun verlasse. Aber er bedarffe nit das ym gott helffe. ist er gottes sun. so ist er auch gott. Darumb mag er ym wol selber helffenn zc. Das der teüfel der spotter meister tieffer meinet. dann die spotter selbs. Vñd merck wie sie ym nit

an dem creutz verwissen hab

allein die hofnüg in got verwissen .vnd yne verspott habē. sunder auch die hofnüg in die heilige. also dz sie yne mit gut gnug achtetē. dz er die heilige anruffen solt. Auf dem merck. wie böß vñnd wie schndē. sie yn gehaltē habē. so doch kei vbelketer so arg ist. er sey dan ei vnglaubiger. mā weyhet yn dar auf. dz er gott. od die heilige anruffe. vñ mit verzweifel Aber die anruffung gottes. hat mā vnserm herrē verworffen. vnd verspottet. da er schrey. hely hely. Da schryenn sie Seht an. diser rufft helyā an. Als ob sie sprechē wolte. Er hat lang begert. dz im got zehilf kumen wölle. So yn aber got mit erhören will. so rufft er nun. die heiligen mēschen an. Seht zu. war zu ist es kumē. Der. d sich aufgeben hat. das er gottes sun sey. d ist nun dar zu kumē. dz er got anrufft. vnd er hilft ym nit. ya der sich gerümet hat. er sey selbs got. d rufft nun die heilige mēschē an. dz sie ym zu hilf kumē. vñ sie erhören yn nit. Vnd wie es in einer menge beschicht. dz ye eyner ober den andern will gehört vnd gesehen werde. Also ist es auch vñ vil mer gewesen. in d sache. die himel vñ erde. vñ die. dy in der hellen. vñ in dem paradies sind. angetroffen hat. vñ got vñ die mēschheit angangē ist. dz ist in dem leidē cristi in dem dz höchst gespött volbracht solt werde. dz ye einer dē andern in dē gespött hat wölle obertreffen. Darumb hat einer diß. d and. ein anders geschryen. od dasselb in einer andern weis. dz meldē die ewangelisten clerlich. wer des handels recht war nympt. Wan matheus spricht. da ym einer in dē schwaminē auf dē roß essig zetrincken pote. das die andern sprachē. lasset vns schauē. ob helyas kumen. vnd yn ledig machen werd.

Sant marcus spricht. dz d selb. d ym ze trincken raichet. sprach. lasset vns sehen ob helyas kumē. yn abzunehmen. verstee von dem creutz. Sant lucas spricht. dz die ritter desselbē gleichen. verstee als die bischoff vñ die andern sein spotterē. vnd tratē hin zu. vñ boten ym essig. vnd sprachen. pist du der iuden kōig so behalt dich selbs. Das alles ist also gesetzt. mit das ein ewangelist wid den andern sey. so sie alle also war. als das heilig ewangelium ist. in d beschreibung desselbē sind. sund darüb dz vns in dē ewangelio fürgehalten würd. die manigfaltigkeit des gespöttes durch dz der herr verspott ist wordē. so i einer matery des gespöttes. einer also. d and also geschryen hat. nach dē als es einē yeglichē spöttlicher gedumt hat. Darumb mag man die mannig d spottwort. also od d gleichen vernemē. Nach dem als d herr geschryen hat. hely hely. vnd die ritter vnd die heiden vernamen. er ruffet helia. vñ verspotteten yn dēshalben. als oben gemeldet ist. vnd als er auff dasselb. od mit dem selben gesprochen het. mich dürst. vnd sie ym zu gespött seiner letzten bitter not. essig zetrincken prachte vñ reychten. da schryen sie zu dem. der ym ze trincken raichet. Laß vnns schawen ob helyas kumen werd. yn zeledigē. als ob sie sprechē wolte. Was bedarfst du ym zetrincken gebe. so er doch helyam angerufft hat. dz er ym helffe. d on allē zweyfel als pald kumē. vñ yn ledigē wirt vō dem creutz. so mag er dē mit muß vnd rue essen vñnd trincken. Vñnd der selb der ym zetrincken gab. schrye wider die andern. Lassent schawen zc. Gleych als ob er sprechen wolt. Ich will es gern sehen das helyas kumē vnd helffe

was man cristo an dem creutz verweisen hab

ym. aber ich fürcht werlich er künne nit als pald. er muß ein weil harē. Ich will ym die weil zetrincken gebē zu einer lasbung. dz er sein erharren müg. Vñ des gleichen. hat einer wider dē andern vñ vber die andern geschryē. in langēs vñ bestetigēs weis. gleich als einer sprecht helyas wirt pald künne vñ ym erlösen. woz bedarff mā ym zetrincken gebē. Der ander. Ich fürcht werlich er kün so pald nit. er hat anders zeschaffen. labent ym. Das er die weil nicht durstes sterb. Als man auch vō helyas lisset in dē puch der kōnig. Das er der priester baals spottet. Da sie ym anruffeten. vñ er ercūget sich nit. vñ sprach zu ym. Schreyēt leüter. Er ist vñleucht nicht da heim. od vber feld. od schlefft. Das er erwache. wann er ist got. Also haben die spotter vnser herren gespott. Das ym nyemant hōm wolt. als sie meintē. zugleich er weis. als ob sy des wartēs müd werē wordē. schryē die ritter zu ym. bistu der iude kōnig. so hilf dir selbs. als ob sie sprechen. Du ruffest helyā an. vñ sihest wol dz er dir nit hilft. oder verzeuht es so lange. Das wir dich labē müssen. hilf dir selbs. woz bedarffst du ander heilige anruffen. so du als ein gewaltiger kōnig pist. dz du die andern inden beschirmē magst. Also merck man gerley schmahheit vñ gespōtte die vnser herz gelitten hat daruñ dz er got sey nen vater angerūft het. Vñ wie ym sein wort vō den vnwissenden thore verkert wordē. vñ desselbē halb verspot ward. dz den mēschē besunder wee thut. wen sie der red od wort. die sie nit geredt haben. beschuldigt. vñ der halb verspottet wordē. Merck auch wie einfeltiglich vñ wenig C als ettlich einfeltig mēschē meinē C die ewāgeliste des gespōts se

tzen. dz cristus gelittē hat. so ist dz doch so manigfaltig vñ des souil. Das es kein creatur ymmermer gētzlich begreifen mag. angesehē die endlose wirdigkeit. vñ volkūmheit d person cristi. In welcher volkūmheit vñ wirdigkeit d person cristi. vnser vñ aller d. die behaltē sōl len werdē. zuuersicht. hoffnūg. trost. heil. vñ alle seligkeit steet. der selb hat sōllich gespōtt vñ verweihung seiner hoffnūg gelittē. Da dānoch die hoffnūg eigēlich zeredē. nach d wesenlichē seligkeit ym sey ner halb. nit zugehört. sunder die sicherheit d haltūg. wan er was auch an dem creutz C als in allē seinem lebē C ein begreiffer. dz hat er wōllen leidē. Das wir armē vermessendē sūnder die. dy gerechtigkeit gottes oft verachten. die da vil vbel vñ wenig gutes. vñ deinwirdige buß thūd. vñ wōllē dānoch des himelreichs vñ d ewigē seligkeit wartēd sein. C dz mer ei vermessēheit dāñ ei hoffnūg ist C nit verspott würden. so wir daruñ pillich am letstē end vō got vñ vō dē heilige. verspott solten werden. wen wir sie anrufften. als got in den sprūchen salomonis troet an dē. j. ca. doch dz dasselb nit beschehe. sūnd dz wir hoffnūg mōchtē habē vñ nit vō not verzweifeltē. i vnser letstē end an gottes barmhertzigkeit. so hat d herr sōllich verweyhen vñ verspotten wōllen leiden. Das sōllē wir mit andacht bedencken. vñ begere vñ bitten. Das vnser herr vmb verdiensts willenn der gedult desselbenn gespōtts vnns erlöse an vnserm end. von dem verdienten ewigen gespōt. durch mittel seyner guad vñ eines waren zukerens zu ym. on dz d mēsch nit behaltē wirt. man verdient aber dasselb durch andechtig betrachtūg vñ arūffūg des leidēs cristi

Von den paynen vnfers herren

Hie volgt hernach die geschicklig-
keit des gecreutzigten cristi. gegen dem
verdienen seins vergangen lebens. auß
dem es gegröset wirt. wie wol man es
nach andern gegenwürffen. sunst auch in
mangerley weyse betrachte vnd fürfas-
sen mag.

Die sechsendneuntzigist gesetzun-
ge ist. von den baynen vnfers herren.

Die baine. die die götliche person
das ist den mensche der ein göt-
lich person was. des leib vn̄ selbaid zesa-
men gefügt. als in dem lebē. vn̄ getaylt
als in dem tod. in gott personirt warē
getragen haben. Darumb auch vor inen.
alle knye der hymliche. irdische. vnd
hellische. gepogē solle werdē. als vor de
die den tragē. der alle ding. himel vn̄ ert
reich. vnd alles dz dar ynn ist. geistlichs
vn̄ leiplichs. treget. die habē sich gepogē.
vnd sind gepogē wordē. got dem vatter
zu eren. in andechtiger demütigkeit. vnd
vmb gottes willen. dem mensche in nott
dörfftiger vnd vbergüffiger gütigkeit.
vn̄ milder barmhertzigkeit. vn̄ bestādē in
manlicher. vnd vnerlegner tugenthaff-
tigkeit. vn̄ gepogē in demütiger däckper-
keit. gestandē in wundwürcender wun-
derzeichen krafft. vn̄ mechtigkeit. gebor-
gen in anruffung der hilff vn̄ sterckung
der vntterligendē plödigkeit. gestanden
yn gedultig vntreglicher peinligkeit. ge-
pogen vntter dem last des creutz vn̄ an-
dzer peinsere truckender schwerheit. die
baine. in der pyegüg gott de vatter grös-
ser ere erbottē ist wordē. dann wenn alle
herschafft. im himel vnd in erden. gott
dem herrē zu einē zeichen. das sie von ir
selbs nit besteen möchte. sie würde den
vō got auffenthaltē. die knie pügen. die
sind an dem creutz gestreckt vn̄ gedent

vn̄ darzu angenagelt wordē. an den füß-
sen. das sye sich fürbaß nit mer für vns
möchten piegen. gleich als zu einer pein
d hohfart. als ob sie zu demütigkeit vn̄
zu miltigkeit nie gepogen weren wordē.
sund in hohmütigkeit vn̄ trätzigkeit auf
gerecht vnd gestreckt weren bliben zc.

Warumb der herr das hat wölle lei-
den. das erfülle du selbs auß den obge-
schriben gegenwürffen. vn̄ gedent wie
wir also hohtragend sind. vn̄ wölle vnser
plödigkeit nit erkennen. Mancher mēsch
steet gerad vnd gestrackt auff seinē payn-
en. vnd will auch seine knie gege de heyli-
gen sacrament. nit alle bayde biegen. zu
einer erkentnus. das sein auffenthaltig
allein auß got sey. vn̄ got beide des mē-
schen leyb vnd sel in seinem gewalt hab.
Darumb hat sich vnser herr für vns ge-
demütiget. vnd doch darzu die pein vn-
fers hohmuts gelitten.

Die sybenundneuntzigist gegenbal-
tung ist. von den armen vnd henden vn-
fers herren.

Die hend. der werck himel vnd ert-
den sind. die alles das. das da ist.
beschaffen habē. die alle die. die do wür-
ken. vn̄ alle ire werck würcē. d̄ darumb
alle werck yr werck synd. wann was sye
würcken. das haben sie von ynen. vō den
sie gewürckt sind. das sie es würcē. Dar-
umb alle werck aller creatur. als vil sye
werck sind. so sind sie diser hend werck.
Wann nichtz möcht würcken. es het es
dann von disen henden. das es würcken
möchte. Wann was alle creatur vermü-
gen. od̄ würcē. das vermüge vn̄ würcē
sie auß krafft diser hend. die sie also ge-
schaffen habē. das sie also würcē möch-
ten. vnd würcē wo sie nit irren. vn̄ wie
sie die werck c d̄ gewalt vn̄ möglichkeit.

Von den henden vnser herren

sie den creaturen gegeben habē. Durch
 die creaturē würckē. Also würckē sie die
 werck. die ober das vermügen der crea-
 tur sind. Durch sich selbst. dz ist in krafft
 des. des sie sind. das ist gottes. Vñ wie
 wol die grossen vbernaturlichen werck
 disen henden allein zugehören. so haben
 sie sich doch. zu demütigen wercken. die
 die mensche auß irer krafft müge thun.
 geneigt zethun. Wann auß dem. dz die
 inden den herren mit allein eins zymmer
 mans sun nantenn. als matheus spricht.
 sunder sie hießen in auch einen zymmer
 man. als marcus schreibt. so ist auch ze-
 glauben. das er in andern arbeitē seinen
 eltern geholffen hab. Wann sant lucas
 spricht. das er mit inen abstige vñ kam
 gen nazareth. vñ was in entertenig. O
 vnaußsprechliche demütigkeit dyser
 hend. die die lichten stern an den hymel
 gehefft habē. die hend. die die erden mit
 grünem gras. mit schneweyssen lilgenn.
 mit schönen roten rosen. mit mangerley
 himelfarben. purpurfarben vñ goldfar-
 ben plümen. geziert habē. die hend. die
 auch die groben erden. inwendig mit so
 manigerley schöner edler stein. vñ auß-
 wendig mit so vnzelliche plüendē frucht
 pringenden paumen. inwendig mit gold
 vñ silber ertze vñ andern geschmide.
 außwendig mit kreüttern vñ yren fruch-
 ten. fruchtper gemacht habē. die hend.
 die den mone. die liechten planeten vñ
 die claren vberscheinendē. gestaltgebē.
 den sunnen. geformiert haben. auch die
 vernünftige sclē. die alle leipliche ding
 vbertreffen. vñ die verstantlichen. him-
 lische gotförmigen geist. die in irer geist-
 lichen wesenslichkeit. lauterkeit. schōheit
 vñ würdigkeit. alle vnser erkentnis ober-
 geen. vñ von disen hendenn geformiert

sind. vñ dannoch habē sie sich vmb yrer
 werck willen. also gedemütiget. das sie
 sich nyt alleyn zuwiderpringung der ge-
 prechenligkeit des mensche. die sunst vn-
 gewent sind. geneigt oder außgestreckt
 haben. als zu erleuchtung der plindē au-
 gen. zöffnen die tauben oren. zureyni-
 gen die aufsetzigen leib. ansetreibē die
 böse vnreinē geist. zeuertreibē die träck-
 heit der selen vñ der körper. zuerquickē
 en die totten. vñ des gleichen. sund auch
 zu andern arbeitsamen groben werckē.
 Die andere. die der obgenanten werck
 nit vermochten. wol gethan hetten oder
 mochten thun. außgestreckt haben. das
 sie nach grossenn wercken gedemütiget
 würden. das bleibt nun yn diser kurtzen
 weggreiffung an steē. Sunder in gemein
 zereden sprich ich. Die hend. die alleyn
 alles gut gethan. alles gutt gegeben. al-
 les gutt beschaffen haben. In welchen
 henden alles gutt steet. an den alles gut
 hanget. von den alles gutt fleußet. die
 kein vbel ye gethan haben. die vbel nit
 haben mügen thun. yn den henden. alles
 gut gott fürgehaltē. vñ geopfert ist wor-
 den. Wann so von disen hendenn alle
 heilige beschaffen. vñ alle ire werck auß
 miltigkeit vñ krafft diser hend sind. So
 ist yn yrer auffhebung. gott dem vatter
 grössere ere bewisen worden. denn das
 man gott aller lieben heiligen. vñ aller
 creatur gutte werck ym zu lob fürhielt.
 oder opfert. Solch hend also hoh. vñ
 also vnschuldig. also tugenthaft. also
 mechtig. also heylig. also milt. also ar-
 bait sam. also gedemütigt. nach vnzellichen
 güttern. In den das brot so wunderbarlich
 gemeret ward. vñ den die füße d' iugern
 gewaschen. von den die vnreinen gerein-
 igt. die reinen gesegnet. vñ den die tottē

Von dē Haupt vnsers herren

lebendig gemacht. in der segē vñ krafft. Das wasser zu wein. yn den. der wein zu plut. in den. das brot zu fleisch ist wordē. vnd zu solchem fleisch. das den menschē. die dz würdiglich niessen. in der törtlichkeit. das ewig leben gibt. die selbenn hende sind als eins vbelteters. gebundē vnd gepeinigt. belestigt vñ mit dem last des heiligen creutzs beschweret vnd gelestert vnd zu dem letstem aufgedenet. gestreckt. durchlöchert vnd angenagelt wordē. an dē mörder galgē des creutzs. als ob sie nie zu guttem. sunder zu allem vbel allweg ausgestreckt wern worden. Sie allein geben. vnd nit nemen. allein gutes. vnd nit vbelis künden thon.

Von dem achtundneuntzigsten gegenwurff.

In dem nachuolgendē pünctlein der gleichnus. oder eigenschafft. des aller vberhöchwidigsten haupts cristi. verstee den widerwertigen artickel. dz ist die demütigung vnd neigung des haupts cristi zu demütigen wercken. als zu der füß waschung der iungern. vnd auch seins verreters. vnd des gleichen. vñ allermeist die tieffen. geistliche naigung. der betrachtung vnd beweining. vnd laidnemung vnser vnd aller menschē sünd. vñ darwider dem die erhebung an dem creutz zu beschemung vñ törtung

Der erst artickel des achtundneuntzigsten gegenwurffs.

Das haubt. des. der das haubt ist. aller weiten cristenheit. C zu den von epheso. in dem ersten capitel. Der hordt. aller hüpsche vñ schöheit. Der mittel punct aller weytflüssigē leiplichkeit. Der vrsprung alles geistliche lebens. empfindung vnd beweglichkeit. Der grund alles himlischen gepueus vnd vestigkeit.

Die wurtzel vnd der gipfel alles tugēlichen gewechs vnd volkomenheit. Der perknöpff aller küstlichen geplüd. vñnd fruchtbarkeit. Das firmament der mittlung vñnd wanderberlichkeit. Der auffenthaltung vñnd synlichkeit. Die sunn des ynnern liechtes. vnd der fürsichtigkeit. Der haubtprum der göttlichen erkentnus. vñnd der lere der warheit. Die kron aller königlichen vnd keyserlichen maiestat. Der first aller himlische hohe. vnd zierheit. dz haubt alles werltliche vñnd geistlichen gewaltes vnd oberkeit. dz haubt aller englischen gewelt. krefst. fürstumen vnd würdigkeit. Ad ephesios am ersten capitel. Ad colosenses am andern capitel. Das haubt aller tugent. seliden vñ heiligkeit. yn dem die schetz aller kunst vñ verporzner reichtümer der heylsamkeit. dz lebendig büch aller weyßheit. das rechtbüch aller gleichē gesetz. vñnd der gerechtigkeit. das rechenbüch alles außgebens der göttlichen miltigkeit. alles einnemēs menschlicher vñndäckerkeit. das register oð findbüch aller vergangenheit. in dem alles das. das in allen büchern ye geschribē stünde möcht gefundē sein wordē. die gemein kronick oder zeitbüch aller menschlichen handel vñ misserat. Ja alle geschicht. die ye geschehe sind vñ anbegynn der werlt. das gemain büch aller küst. in dem alles dz. das alle menschliche vernunft ye gefunden hat. on gegēgleichung. weytter. tieffer. höher. gewiser. clerlicher entscheidē was. dann auch in den. die. dy kunst zum ersten gefunden hettenn. dasselb haubt hat vñ aufwendig sich durch die demütigkeit. oder von demütigung vñnd zucht wegen. genaigt. die augen nyder geschlagen. von aller rppigkeit abgewendt. sich

Von der Kunst cristi

barmhertziglich gekert zu der notdorstigkeit der armen. zu dem seuchenn der krancken. zu dem geschrey vnd begerung der dürfftigen vñ inprimender begird. in andacht mit seuffzen. sich auffgehebt zu dem himlischē vatter. vmb erwerbūg der barmhertzigkeit. vber den iamer vñ das ellend der menschen. vnd widerumb gedemütigt. zu dem dienst der menschē. als zu der fūßwaschung seiner iungern. auch des verreters vnd allermeist vñ in en. zu aller vnser vnstetigkeit. Die selbē abzuwaschen. mit seinen heißen zehern. vnd mit bitterer schmerzlicher. vnd laydiger betrachtung der selben.

Der and artickel des achtündneuntzigsten gegenwurffs. den man zu einem yeglichen pūctlein verstēen mag.

Dasselb aller hohwirdigst hawbt. ist zu einem zeichen der hōspotung. vnd geistlicher blintheit verdeckt vnd doch hinwiderumb zu schanden vñ schmahe entdeckt. Vnd an dem hohen galgen des creutzes. zu beschemung zu lesterung. zu bitterer pein vñ ertötung auffgericht vnd erhöhet worden.

Von der duseftigen Kunst cristi.

Iesel cristi hett erkentnus aller ding durch dreyerley weg. durch die erfarnig. durch die eingegossen kinst vñ durch das. dz sie alle ding sahe. in dē wort. mit dē sie vereiniget was in einigkeit der person. nach der erste weyse. ist vnser kunst. nach der andern weyse. ist adams kunst gewesen. yn dem stand der vnschuld. Die drit weyse als mā die sigkent. in dem wort vñ götlicher weisheit. vnd in dem liecht der glori. gehört allein den seligen in dem ewigen lebē zu. Aber sehen alle ding in dem wort. als in seiner

aignen person. gehört nyemant zu. denn allein cristo. Aber wissen alles das. das gott waist. durch die kunst od durch das wissen des gesichts. das ist alles das. dz gegenwertig vergangen vñ künftig ist. Das gehört nyemant volkōmēlich zu. denn der sel cristi. Wissen das vermüge aller creatur. gehört auch vntter cristo nyemant zu. wann das auch nach ertlich er weyse. enndlose ist. als sant Thomas schreibt in. iij. parte. de incarna. q. x. nach welches sannt thomas geschufft. an dem selben ort der herr. nach einem yegliche weg. alle ding wisset. auch nach menschlicher natur.

Von der Kunst cristi nach der weyse der erfarnig.

Nach der ersten weiß het der herr volkōmen kunst. vnd volkōmener denn ye ein mensch gehabt hat. vnd das ist mit schwer zeuernemē den ihenen. die die ding kōnden wegen vnd achte nach der warheit. Wann solliche kunst vñ sollichs wissen. ligt mit allein an dem alter. sunder an der vernunft. an den werckē an vil leiden. an vil anstōssenn. vnd nach dem als dem menschen manicherlay zu handē geet. Alexander der grofs keyser von kriecken. was. als er starb. eben bey dem alter vnser herren. vnd wer hat yn kurtzen iaren mer erfarn dann der selb alexander. Also mag ich auch sprechen. vnd noch mer von vnserm herrē. wiewol er in der iugent getöt ist wordē. wem ist aber mer zu handē gangē. dann im. mit dem sich die kōnig bekümmert haben. als bald er ye geborn ist worden. die gutten das sie in ereten. sehen vnd anbetten. als die drey heiligen kōnig. die sich von so

Von der kunst cristi.

verē mieten. als vō aufgang der sunnē yn zusehen vnd im zuopfern. als dem obersten fürstē aller priester. dem kōnig aller kōnig. vnd in warheit menschlicher natur. wesenlichem ewigem got. Die bösen haben sich mit im bekümert. als der mechtig kōnig herodes. d̄ seiner gepurt halb betrübt ward. vnd mit im dz gantz iherusalem. vnd schicket als bald nach allen bischoffen vnd doctoren. zu erforschen wo er geboren wer. Item er schicket nach den dreyē kōnigen. zeerfaren. wañ er geporn wer. söllicher künmernus mit dem newgepornen cristo. stund auchrome mit ledig. da an dem tag. vnd vmb die zeit der gepurt cristi. so grosse wund beschahen in altem rome ihenſet des wassers der Tiber. mit dem brunnē des öls der den gantzen tag floss.

Von dem ersten altar vnd der kirchem araceli.

Item enmittē zu rom auf dē perg tarpieo da dem keiser octauiano der der mechtigst keyser was. vntter allen den. die ye gewesen sind v̄ von der sibilla tiburtina ein iuckfraw mit einē kind. an dem himel. yn ein em goldfarbē zirckel. oder regenpogē. der vmb die sunnē gieng. gezeiget ward. da pawet d̄ keyser dem selben kind einen altar. vnd nennet ine den altar des himels. vñ opferet alda dem kind weyrach. als warem gott. vnd bettet das an. nach vntterweysung der sibilla. vñ steet der altar des namēs. der der erst ist aller altar. die yn der ere cristi nach seiner gepurt gebaut sind worden. noch heit bey tag da selbst. da nun der parfussenn closter ist. vnd ist an dem crist tag. vnd an dē iars tag. voller aplas alda.

Von dem tempel des frides.

Item mit verz von dem selben closter vndenn. steet sant adrianus kirch. nach der selben mit verz sant cosmas vnd damians. zwischen den selben kirchem vnd der newen sant marien. ist ein köstlicher tēpel. als mā noch an den köstlichen hohen schwibögen siht. gestanden. der ist zeruallen vnd ligē vil grosser stück. von den grossen marmelsteine seülen. hin vnd her. der hat geheissen der tēpel des frides. oder der ewigkeit. der sol in der crist nacht. als der herz geboren ist worden. ernyder gefallen sein. als man liſet vñ zu rom sagt. Das ich darumb hieher gesetzt hab. das man merck das kōnig vnd keyser. auffgang vnd nydergag der werlt. iherusalem. vñ rom. Juden vñ heiden. in der zeit der eintheit vnſers herren. seiner halb bewegt sind worden.

Wann in der zeit seiner gepurt. fiel der römer stifter vñ gott romulus. od̄ eygēlich zeredenn. sein bild ernyder. zu einem zeichen. das d̄s kind ym selbs der römer gewalt vntterwerffen wird. vñ des selben gleichen fielen. der von egiptenn land abgötter. zu der gegenwertigkeit cristi ernyder. da man ine in egiptē land stöbnet. in seiner eintheit da im herodes nach stellet.

Von dem andern herodes. den man antipann nennt. vntter dem christus gelitten hat.

Du mochtest aber villicht sprechen. das ein gros bewegung vnſers herren halb. in seiner gepurt yn der werlt wer wordē. aber darnach vint mā in dem heiligen ewangelio nit. das sich die kōnig also mit im bekümert hetten. Darzu antwort ich. Die drey ewangelisten. Mathens yn dem vierzehndenn.

Von der Kunst cristi

Marcus in dem sechsten. Lucas yn dem neunden capitel. beschreibē gar clerlich. wie herodes. den sant marcus einen bö- nig nennt. gar mercklich bewegt ward. vnd sich verwundert vnd zweifelt. Da er den rüm vñ die wunderwerck cristi hört vñ sprach. Ich hab iohannem enthaw- tet. wer mag diser sein. von dem ich sol- liche wunder höre. Vndd fiel auff den won vnd sprach. Johannes den ich ent- hawbet hab. ist wiß von den totte aufer- standen. vnd darumb würcken die krefft oder tugenden in ym. Vnd er suchet dz er den herren sehen möcht. aber nach dē dasselb mer auß fürwitzkeit. denn auß andacht beschah. so ward ym d herr nit zesehen. in seinen eren vñ würckūg seiner wunderzeichē. sunder in seiner demütig- keit vnd beschēmūg. vnd doch nit zegutt od nutz dē selben herodi. sund zu seiner ewiger schand. Dann keinem wer größ- ser ere ye erbotten worden. Die weil die werlt gestandenn ist. wo er also weyse vnd selig gewesen wer. Das er das ver- standen hett. Da ym d herr himelreichs vñ ertreichs. als sein vntertan vñnd seinem vrtail zugehörig zum leben oder zamm tod. von dem. der des. von eüs- serm menschlichem vrtail zereden. ge- walt hett. geschickt ward. O dis- vnglückhafftigen fürsten. Dem solliche ere bewisen wordenn ist. vnd hat das nit erkennt. wie obel mag ine ewiglich reu- en. das ym dz ewig heil C die ere d him- lischen fürstenthum. die kron der ober- sten gewelt. vñ herschung. in den die en- gel begerenn zesehen. des gegewertig- keit die süs prynnenden karfunckel des göttlichen vätterlichen feurs. begerten. nach des angefiht die dar scheinenden schönen himel Spiegel. einen belangenn

heten. des süßen fürwesens vnd auff- sitzens. die hobsteenden thron wartetē heimgeführt. vñ zu haup gebracht ward. vñ hat in doch nit allei mit erkennt. noch geeret. sunder auch geschmecht. vnd gele- stert. O des allerunseligisten. solt hero- des nit billicher C het er den herren er- kennt vñ grund seins hertze. in schreck en in wunderung in mitteleiden gegē ym bewegt sein worden. Da ym der herr für gebracht ward. vnd er die sacht vernam. warumb solt er nit gen den geweltigenm der iuden gesprochen haben. Ist er mir von eürem obersten richter gesant. als d der von meinem gebiete. vñ der mein ist. so lösent ir mir in auff. vñ lassent mich in verhören. Oder er solt es niemant also wol gegündt haben. als ym selbs. das er den aufgelöset het. der die band d sünd aller werlt auffzelösen hat. den die böse heßlichen iuden gebunden hetten. Vnd solt im denn zu fusse sein gefallen. vnd in mit heissen zehern vñbfangen. vñ ym sein arm geschlossen. vnd gesproche ha- ben. O mein herr vnd mein gott. yn des henden mein vnd aller fürsten. ere. gutt. zeit. glück. heil. vñ seld. leyb vnd sel. alles das wir sind. haben. vnd vermüge. steet. bist du mir zu gnaden komē. mir deinem vnwürdigen schuldigen knecht. Ich hab dir vorhin laider. deinē getrewen diener vnd propheten. einen prediger vñ lieb- haber sant Johansen den tawffer getöt. bitte ich dich. das du mir das. durch der gütigkeit vnd gedult willenn. durch die du yetz. auch in meinem gewalt hast wöl- len komen. verzeihen wöllest. An seinem tod will ich nit schuldig weren. Heut an disem tag will ich dich ledig machen. od mit dir sterbē. vnd solt inc den. so er sein recht hett. mit gewalt genomen. vnd den

Von der kunst cristi

iuden vntterzogen. vnd verborzen habē
vnd mit dem pylato ains wordenn sein.
wie sie im daruon geholffen hetten.

Von sant Eutropio des Königs von
persia sun.

Der hett er in nit daruō mūgē brig/
en so solt er den iudē gedroet habē.
vnd zu einem zeichenn des mißfallens
vnd der vnwirßheit auß der statt gerit/
ten sein. vnd ist nit zeglawben. dz er dar
an gesündet het. wenn er in einer solchē
mainung vñ zu einer beweisung des miß
fallens. vnd das er nit verwilligen wolt
in den tod des vnschuldigen. von dannē
gerittē wer. als einer der sölicher gottes
plütiger ostern. vnd gottes mörder nit
thaylhafftig wolt sein. Als des Königs
sun von persien tett. do er hört. das die
iuden vnsern herren tötten wolten. wey
wol er vor der palmwochē. auch gen ihe
rusalem was komen. vnd den herren mit
grosser andacht gesehen vnd gehört het
da hub er sich daruō. das er nit sehe den
vnschuldigen tod cristi. Vnd da er dar/
nach wider gen iherusalem kam. vñ hört
das die iuden den herren getöt hetten.
da ward er ser betrübt. Da er aber hört
das er wider lebendig von den toten er
standen. vnd zehimel gefaren wer. da
wurde er wider erfreut. Vnd da er wid
heim in seins vatters Königreich kam. do
tötet er die iudē. wa er sie an kam. vmb
dese willen. das ir geschlecht zu iherusa
lem den herren getötet het. Vnd der
selb iüngling. von dē ich yetz gesagt hab
das er eins sölichē grossen geschlechts
wer. wer gern bey cristo beliben vñ sein
iunger worden. wie woll er eins sölichē
grosse Königs sun was. hett er es vor dē
die im sein vatter zugegeben het. sein ze
warten geturzen thun. als dise ding alle

der gros gottweyse sant Symonius ario
pagita. von ym schreibt. Doch darnach
da symon vnd iudas in sein Königreich
kamen. zu predigen da oberredt er mit
irer hilff seinen vatter. das er zum criste
glauben trat. vñ ließe sich der vatter mit
dem sun vnd mit allen seinen fürsten. vñ
geweltigen zu babilon tauffen. vñ war/
den in kurtzer frist bey sechzigtausent
menschen on frawen vñ kinder getauft.
Nun als der egemelt iüngling eutropi
us genannt an herodes hof. von dē her
ren gehört hett. vnd dem herrē nach ge
zogen was. in die wüste mit vil andern
leuten. vnd auch gegenwertig gewesen
was. da der herr fünftausent menschen
von den fünfprotenn gespeysset. danon
der selb iüngling auch geessen hett vnd
wider heym kam zu seinem vatter König
persen. da sagt er im. wie er gesehen hett
in dem galileyschen land einen man. des
gleichen in der weyten werlt nit mocht
gefunden werden. der die blinden gese/
het. die krumen gerad. die außsetzigenn
rein. die tauben gehörend. die toten wi/
der lebendig machte. also machet er sein
em vatter einen grossen belangen nach
dem herren zc. Vnd also hast du das kō
niglich personen. vñ weitte verre König
reich. sich mit dē herrē bekümmert haben.

Von sant bartolomes dz er eins kō
nigs sun von siria sey gewesen. vnd sich
auch mit dem herren bekümmert hab.

Item des Königs philips sun von
siria verlies sein reich vñ schickt
sein heer hinter sich heym. vñ belib bey
dem herrē. vnd ward sein iunger. das ist
sant bartholomeus Cals mā in ettelichē
büchern findt gewesen. den dz ettelich
setze er sey eins Königs sun vñ india zc.

Von der Kunst cristi

Vnd das wer mir als verdecktlich w
mit sant Jeronimus so offenerlich von
dem adel sancti bartholomei schreibe yn
der regel der iunckfrawen.

Von dem könig abagaro vō dē man
an sant symon vnd iudas tag lisset. aber
sant Eusebius schreibt offenerlich. d̄z
der selb iudas der zu dem könig abaga
ro geschickt sey wordē. einer vō den zwē
vnd sibentzig iüngern gewesen sey.

Item sanctus Eusebius cesariens
sis schreibt. das er zu edissenn yn
offner libzarey hab gefundē. etlich epis
stel vnd sendbrieff. die der könig abaga
rus. der zu den zeitten des herren ihesu
sett des fluss eufrates regiret. dem her
ren. vnd der herz hinwiderumb. dem sel
ben könig. zugeschickt hab. vnd wer den
ymhalt der selbē brieff. aigentlich wöll
wissen. der lese die. yn dem ersten buch
ecclesiastice hystorie. yn den letzten capis
keln.

Was sant Clemens schreibt vō den
meern die man zu rom vnd annderstwa
sagt von cristo zu seinen zeitten.

Ant clemens bey dē anfang seins
büchs schreibt. wie zu den zeyten
Thibery des keyfers. eyn geschrey gen
rom kōme. wie in dem iudischē land. ein
wunderbar man der grosse ding tette er
schinnen wer. vnd der den. die seiner lere
volgten. das ewig leben verhies. vñ auf
das. daz man seinen worten vñ seiner lere
gelaubte. so machte er alle francken ge
sund. vnd erquickte die toten. die mā im
fürprecht. vnd nichtz wer im vnmöglich
Vnd schreibt darnach. wie das dis ge
schrey vō tag zu tag zuneme. also d̄z. d̄z.
yetzo mit mer für ein geschrey gehalten.
sunder als gewyse bottschaft. gen rom
gepracht warde. Also das das durch als

le d̄it vnd stett aufgebraut ward. vñ mā
sich samelt in den steten vñ tedinget vō
disen dingen. Sihest du aber das rom vñ
ander stett. bewegt sind worden. vnd ze
schaffen habē gewunnē. mit dem herrē.

Dz vnser herr mancherley anstöße
gehabt hat. vnd wie er kinnen was zebe
streitten den fürstē diser werlt. da er sie
am sterckesten besaf.

Vñ wöllen wir diss lassen fallen
vnd das heilig ewangelium anse
hen. Darinne vinden wir gnug. was grōs
ser anstöße der herr gehabt hat. Dann
wer ist vntter allenn den. die vor der ge
purt des herren waren. ye gewesen. der
grōssern anhang. vnd nachvolgung. mer
zuhörer. mer anneyder vnd auffmercker.
grōsser vnd schwerer geschafft. vñ sach
en. vnd mechtiger vnd geweltiger feind
gehabt hab. den der herr. Was er mit ku
men zebestreitten den fürstē diser werlt
der schier die selben. gantz in seinen ges
walt vnd recht gebracht hett. vñ im vnt
terworffen was aller gewalt diser werlt.
heiden vnd iuden. die heiden mit offen
berlicher. die iudē mit geistlicher. abgöt
terey. vntter den die priester vnd die bis
choff. den dienst gottes. in dem tempel
zugewin des zeitlichen guttes gekeret
hatten. die geistliche als die phariseyer
alle ir gute werck. vmb werltlicher eytes
ler ere. vnd menschlichen rüms willen tet
ten. Also hielt lucifer die gantzen werlt.
in seinem dienst. gleich als yn frid. nach
der gleichnus. die d̄ herr setzt. Mathei
yn dem zwelfften capitel. Luce am aylf
ten. von dem starcken wepner der seins
haus hütet. vñnd das yn frid seins ge
walts helt. daz yn nyemāt wiðsteen tarz

Von der kunst cristi

noch mag es kumme denn ein stercker.
denn er vnnnd vberwund vnnnd pynde yn
vnd nem im denn sein waffenn. vñ plün-
dere yn sein haufs. vnd teyle den seinen
raub. Diser starck ist gewesen d̄ teüfel
der lucifer. dz haus. d̄se werlt. sein raub.
die menschen. oder die einfeltigē verfür-
ten selen. Sein waffen. die bösen mēsch-
en. in irer bössheit. vnd auch in gemayn
die hohfart. geitrigkeit. eitelere. lieb der
wollust. vnd schallhafftigkeit. durch die
er die mensche. vntter sich gepracht hat.
vnd allermeist der vnglaub. die vnwissen-
heit der waren gottheit. vnd die abgotz-
terey. die durch die geweltigē vnd geler-
ten diser werlt geweltiglich auffenthal-
ten vnd gehandhabt ward. die darynne
sünderlich des teüfels diener. gelid vñ
waffen warē. durch die er die andern in
seinem dienste fieng. vñ darinnen hylet.
als die gefangen vnd sein eigē. In dis
wepners haufs ist ein stercker eingegā-
enn. da cristus in d̄se werlt geboren ist
worden. disen starcken hat er gebundē.
da er im seinē gewalte ein teils genomē
eins teils gezemet. oder gemindert hat.
Sein waffenn hat er im genommen. da er
durch die tugend vnd gnade der sacra-
mēt die sünd zerstört vñ abgetilget hat.
den raub hat er gebeütet. da er den hei-
ligen zwelffpotten die lēder aufgeteilt
hat. die manigen grossen sünd bekert.
vnd vil tausent zu dem ewigen leben ge-
bracht haben.

Das vnser herre die werlt bestrittē
hat. da sie an dem mechtigsten gewesen
ist.

DArzu ist zewissen. das vnser herr
in d̄se werlt komē ist. zebestreittē

sie. vnd iren herren vnd fürsten den teü-
fel. da er an dem mechtigste darinne ge-
regirt vnd geherschet hat. vnnnd da d̄se
werlt auch an dem sterckisten. wider got
vnd an dem höchsten. werltlicher macht.
kunst. weyßheit. ere vnd herlichkeit halbē
gewesen ist. vnd wer dasselb nit glau-
bē wölle. dz die werlt zu d̄ selben zeit in sol-
licher erfahrung vñ hoher machte gewes-
sen sey. der geb oder zeige mir einē streit-
perern. den keyser Julius sey gewesen. d̄
den grossen pompeium. der schier alle
mechtige königreich. gen auffgang d̄ sun-
nen. den römern vntterworffenn hette.
mit dem gantzē römischen rat vberwan-
de. vnd das blüt. das er in den streitten.
wider sein mitburger vergossen hett. als
er sich des selben schemete. mit anzeich-
nē oder schreibē lassen wolt. Aber in an-
dern streitten wurden angeschubē. ailff
malē zweyundneuntzig vñ hundert taus-
sent C ob ich recht gedencke. Der selb
iulius hat die teütschen. die francreich
er. die Britanier. vñ kürzlich mer werlt
vntter sich gebracht. dan vor ye yemātz
geth an hett. darumb lieb sein zugewün-
ster sun. die gantzen werlt beschreiben.
in wellicher beschreibung cristus gebo-
ren. vñ auch vntter der rōmer gewalt ge-
zelet ward.

Wie gelert vnd künstenreich leut yn
werltlichen künsten. in der werlt gewes-
senn seyen. vmb die zeit cristi vnser her-
ren.

Er mit glauben wölle dz die werlt.
zu vnser herre zeittē. höher denn
vor ye komen sey. der kunst halb. der nen-
ne mir yn der kunst der red. einen der do
sey vber Salustium vnd vber Marcum

Von der kunst cristi.

tulii ciceronē. In 8 poetrey vber maro
ne virgilium. oracium persii Iunenaem
In den hystorie vber titulum. In der
philosophie vber marcum terencium. var
ronē. vō dem sant augustin in dem sech/
sten büch. de ciuitate dei am andern ca/
pitel zueerste gibt. Das der selb in mēsch
lichen freyen künsten. so vbertreffentlich
ist zeleren alle ding. als tulus in rhetor
rica.

Von den hantwercks leütten.

Wer nit gläubē wöll. Das die handt
wercks kunst. desmals hoh kōmen
sey. 8 zeige mir meistere. die in rotschmid
werck. in gießen. in steinwerck. in hawen
vnd in graben. vber die seyen. vō den vir
gilius sexto eneidos. spricht. daz etliche
meyster so hoh künstlich weren. Das sye
aufs dem herten ertze vnd auß marmel
steinen. also meisterliche werck bildeten.
Das die den mensche schier als leblich er
schinē. Wer was denn. in dem glaswerck
vber den. der dem keyser. vntter dem cri
stus gelitte hat. ein trinck glas schantē.
Das der keyser außs zom. auff das pfla/
ster warff. vnd das doch nit zersprang.
sunder sich krumpte vnd bogē. als ob es
pley wer. vñ do der meister das glas mit
einem hemerlei wid einrichtet. do fragt
yn der keyser ob yemantz mer daz künd.
er sprach neyn. do hiefs in der keyser ent
haubten. Das dz glas nit werder würde
denn das gold. da schreibt ysidorus ethi
mologiarū. li. xvj. Item in der kunst das
felde zebawenn. ist der obgenant virgi
lius gar fürnē. des gebē zeugnus seine
bücher. georgicon genant.

Von abenteür. zauberey vñ bosshaff
tigen menschen.

Item wer ist in abenteürliche kün
sten. vnd wunderliche werckē. die
nit vbernaturlich od nach dem glauben
sind. vber den yetzgenanten virgilū. der
so vil wunderlicher werck gewürckt hat.
als man sagt vñ schreibt. vntter andern.
daz er eine crine mucken. vor der pforte
zu neapols gemacht hab. die all annder
mucken. von 8 stat vertribe. vñ ein fleisch
banck. auß dem kein fleisch faulent oder
stinct ward. Vnd den wunderlichen
turn. mit den bildern aller lēder. die da
meldetē die widerspenigkeit od auffrur
der lēder. solliche vnd ander vnzelliche
wunder sagt man vō im. So wir aber vō
vberschwēcklicher bosheit. vñ arglistig
keit sagen sollen. wer ist denn dar ymne.
als sant Egesippus vñ Josephus in dē
büchern. von dem iüdischen streit schrei
ben. gewesen. vber antipater den sun des
herodis. vntter dē cristus geboren ward.
vñ wer ist gewesen in bosheit vber Johā/
nem der leui sun was. geporn vō der stat
gisgala vō dannē auch sant paulus pür/
tig sein sol. wie wol er sich von tharso ci/
licie im xxij capitel. der geschicht der apo
stel pürtig nennet. Der selb iohannes er
scheint vbertreffentlich in liegen. betrie/
gen. laichen. veruntrewenn. vnd yn aller
falschheit vnd bosshait. zuuerführung vnd
verderbung aller iüdischait gleicherwei
se als sant pauls in der warheit. gutheit
vñ heiligkeit. vbertreffentlich gewesen ist.
Vnd wie sant iohannes vnd sant pauls
vntter allen apostolischen heiligenn mit
symone petro ein aufspund gewesen sind.
Also ist 8 obgenant iohanes leui sun. mit
symōe gioze. vntter allē bubē schelkē. bos
wichtē. mōrdē vñ verrettern ein abfaym
gewest. Dise zwen bubē sind der armen
vnseiligen iuden capitaniere oder haupt

Von der kunst cristi

menner gewesen zu iherusalē. da die selb
statt vō den rōmern gewonnen ward. vñ
wie vntter den heiden mit frūmer tapfer
rer milter weyser tugenthafftiger Caus
genommen den glauben. D̄ streitbarer vñ
sighafftiger fürsten sind gewesen. denn
titus vnd vespasianus die rōmischē key
ser. vntter den vatter vespasianus den
krieg anfieng in galilea. von dem keyser
nero gesandt. wiß die iuden. Aber so ine
die haubtleit seiner ritterschafft. nach
des keyfers nerons tod. zwangē. sich des
keyserthums zeunnterwinden. wiß den
aulimuitellum der ein bub. spiler. frass
vnd ein grosser sauffer vñ trunckenbolt
was C den das heer yn francfeych zu
einem keyser auffgeworffen het. Darab
ēpfiēg die alt ritterschafft C die bey ves
pasiano vnd mit ym vor lang her komen
was. vñ vil arbeit für das rōmisch reich
gehabt hetten. D̄ einen verdriess. daz ein
sölllicher vnnützer bub. solt auffgeworf
fen werde. so sie doch einen nütze streit
bern tugenthafftigen. haubtman vntter
ine hetten. vnd zwangen yn mit schwer
tern das keysertumb anzunemen D̄ so
volbracht sein sun titus den angefangē
kriege wider die iuden. vñ gewan iheru
salem. Vnd er wer den belegerten gern
genedig gewesen. da er yren iamer des
hungers vnd sterbens halb sahe. so hett
sich ein grosser teil d̄ stat gern ergeben.
Das wolten die vorgemelten bubē mit
verhengen. die das statuolck engsteten.
vnd peinigten tag vnd nachte. vnd namē
in was sie hetten. vnd rōrten die frūmen
vnd die reichen. vnd erhuben irs gleichē
die bubē die es mit inen hielten. vnd ge
roist nyemat des fr̄des gedencken. an
ders sie henckte ine an ein creutz. als ein
en verreter vnd richteten das creutz auf

der mauren auff. gegen den rōmern in ir
angesiht. Also ward d̄ arm vnseelig volck
von aussen vnd vō ynnen geengstet. wan
es hett in der zeit des leidens cristi. das
heil vñ den heiland. C als der nam iesus
ymhelt. D̄ tod wollen haben. vñ den mōr
der zum leben erwelet. das fand sich die
zeit. da inen Titus gern milt vnd gene
dig wer gewesen. aber vor den mōrdern
getorsten sie sich niendert ereüigen. Dar
umb als frum als die heiden Titus vñ
vespasianus vnd auch traianus. der dar
nach auch keyser ward C des zugewün
ster sun mit namen helius adrianus die
iuden zum letsten gantz demmet. vñ die
stat iherusalem zerschlaift. vñ andwertt
bawet. vñ nach seinē namē heliā nennt.
vnd den iuden zu ewigen zeittē verbott.
vnd den cristen erlaubt D̄ gewesen sind.
also böse verfert. tyrannisch freuel ver
messen verlogen vñ gantz schalkhaftig
waren die iude. zuuor an die egenanten
bubē mit irer geselschafft. Vñ das
ich vō disen bubē auff die andern auch
kōme. in gemein zeredē. so scheid es. wenn
die geschicht d̄ zeit cristi vñ der heiligen
zwölfs potē k̄ndt sind. d̄ die selbē zeit. da
vnserr herr die vōlle seiner genad vñ gut
heite allermeist seinen außerveltē auß
gegossē hat. da hat d̄ teüfel auch alle sei
macht erquicket vñ all sei bosheit geübet
wiß die warheit. wiß die gerechtigkeit. vñ
wiß cristū. als d̄ haubt vñ den vñhab d̄
warheit vñ aller gerechtigkeit. vñ darūb
wie cristus sein zwölfs potē außgeschickt
hat. in die werlt zelerē vñ zeuerkünden.
die gerechtigkeit vñ die warheit. zethū
vñ zeglaubē. durch die. die mēschē möch
tē selig werde. also hat d̄ teüfel sei aller
mchtigste bottē außgeschickt zepredigē
die falscheit. zelerē alle vngerechtigkeit

Von der kunst cristi.

Vnd wie cristus seinen iüngern gewalt geben hat. grosse wunderzeichē zethun. zu bestetigung yrer lere. Also hat der teüfel alle seine krafft. in falschen zeichen zethun. mit geteilet den seinē. vnd da der teüfel gemerckt hat. dz d̄ herre sein iüngern leret. wie sie wiß den teüfel streiten soltē. als mā singt in der person des herre zu seinen iüngern. Seyet starck in d̄ streit vñ fechtet mit dem altē schlangen. so werdet ir das ewig reich enphahē. da hat der teüfel sein iüngern auch geleret zestreiten wiß die warheit. Aber merck die listigkeit des teüfels. Gleich als ob er forchte. das ine cristus vber eylen wurd. mit seinenn iüngern. da er die meynung cristi gemerckt hat. da hat er ine wöllen fürkomē. vñ sein bōttē vorhin geschickt. wa ine bedauchte das cristus sein iüngern hin schickē wurd. dz sie hindernus finden. wa sie hin kōmen. Aber die weisheit gottes. cristus. der die klugheit in irer eygēligkeit begreift. hat im den vorsprung. das er sein meisterschaft bewise. gelassen. vnd ist hinnach kōmen. in seinen iüngern. vnd hat den teüfel gewōnlich mit seinē eygen waffen vberwunden. Vnd was er angericht. od gestiftet. zu hindernus der lere cristi. dz hat cristus oft zu einer fürdernus gekert. als bey dem Symon zauberer mag bewert werdē. der d̄ fürderste glider vñ knecht des teüfels einer gewesen ist. vñnd als ein fürnemer. als der teüfel noch ye gehabt hat. durch den der teüfel zu wegen bracht. dz die rōmischē keyser den glauben cristi durchhectetē. die dan die gätzen werlt mochten bewegē. wiß den glauben. als die. die der gantzen werlt mechtig warē. der selb teüflisch bößbiht was also gar verkert. das er sprach. er wer mit

ein mēsch mēschlichs geschlechts. noch anthonius sun. der sein vatter was. sun der sein muter rachel het yne ein iunkfraw empfangen. wann es wer yn seinē gewalt. wenn er wolte. dz er groß oder klein wurd. Vñ sprach vō seiner bābm Selena oder luna C das als vil ist als d̄ mon D das sie die ewig weisheit were. von der die kriechen vnd die heiden disputirten. vnd yr nach gespür hetten. sie hetten sy aber mit mügen finden. noch sehen. wann sie hett bey dem allmechtigen vnerkante got gewonet. in den himlischen vnsichtberlichen werlten. vnd dannē her hett er sie gepracht. Vñ vō im selbs gab er aufs. mit allei. dz er got were sund er nennet sich den steenden. vnd cristum vnd die ersten vnd aller höchsten krafft. die vber den gott wer. der dise werlt beschaffen hett. Vnd wolt. das man glauben solt. das er vō einer vnsichtberliche werlt. vnd vō einem endlosen liechte. her in dysse werlt kōmē wer. vnd verhieß den die im glaubtē. die ewigen vntōdlichkeit. Der selb bößwicht vnd zaubrer zoh vor sant peter vō einer stat zu der andern. vñ verkeret das volck. vñ verleümet sant peter felschlich. Wan sant peter het ine zu cesarea stratonis in offēlicher disputa-tion. vberbundenn. vnd mit der warheyt geschender. daz er vor im flüchtig ward. Aber sant peter zoch im nach vō cesarea gen tripolis. vō tripolis gen anthiochia. von anthiochia gen rom. danam ir streit erst ein end. da sie villenger denn dreyßig iar wider einander gestritten hetten. Vñ wie wol die ketzerlich teüflisch lere des zaubzers in den bösen mensche. ein grosse hidernus der waren götliche lere sant peters bracht. so schickt doch gott die selbē hindernus oft vñ dick zu einer

Von den eygenschaften des haubst cristi.

grossen fůrdernus der waren lere in den
auferwelten. vnd keret die arglistigkeit
des zaubriers auff sein eigen haubt. Das
er dick in seinen eighen listen. geschēdet
vñ begriffen ward. Vnd sant peter. den
er hindern wolte. ward dardurch bewert
vnd gefůrdert. als man dauon schön hy
storien geschriben findt. in den büchern
oder geschribten Egesippi vnd marcel
li. sant elementen vnd him dz zu lang hie
zschreiben were.

Widerumb von den eigenschafften.
des edlen haubts cristi auff den erstenn
artickeľ des achtundnuñtzigistenn ge
genwurfs.

Das haubt. in dem die schetz aller
formen vnd gestalten lagen. Das
der spiegel aller bildung vnd schonheit
was. yn dem alle ding ye beschehen wa
ren. oder ymmer beschehen solten. vñ vñ
anbegynne der werlt. bis an das ende.
mōchten geschehen sein worden. In dē
alle gedeckte dig emplōsser. alle verborg
ne ding offenbar. alle tuncelheit erle
ret. alles das sunst verworren was. ent
richtet. alles daz verēnūpft was. auffge
lōset. alles daz trüb was. geleutert. alles
das vermengt was. gescheiden. Das ge
krūmet was. geschlichtet. alle vnreinheit.
gereinigt. alle schamperkeit. beschōnet.
aller zweifel gesichert. alle zwitrechtig
keit die ettwas warheit het. gleich heller.
aller irrtum gerechuertiget. vñ alle frag
verantwort was. Dz haubt. in dē alle hin
geende ding. bleibend. vnd alle vergā
ne vnd künfftige ding. gegenwertig wa
ren. Das haubt. in dē alle lēge vñ breit
te. gemessen. alle rīle vñ menige gezet.
alle tieffe ergrūdet. alle verre vnd hō
he erlangt. In dem alle heimlichkeit der
hertzen geschen. alle gedancken erkent.

alle. nit allein wort des mūds. sund auch
begirde der gemūten. gehōret werden.
Der spiegel in dem alles das. das in al
ler weytte werlt ye gehandelt. geredt. ge
dacht. rechts vnd vnrechts. wares vñ vn
wares. billichs vnd vnbillichs was wor
den. erschin. In dem. aller schein vnd wi
derschein wider schin. als in im scheint.
nit allein. alles das da was gewesen. dz
da was. vnd sōlt werden. oder daz da be
schah. beschehen was. beschehen sōlt.
nach der warheit. als es was. oder be
schah. sund es schyne auch in ym. wie es
in den synnen. gedechtnussen. vñ verstet
nussen. oder vrtēilen. der die es sahen.
hōrten. lasen. gedachten. vñ darüber syn
neten. oder vrtēilten. schyne. Wann was
nit in der vñbung oder wūrkung. yn dem
hirn cristi was. das was aber da. yn der
behēdigkeit. oder geringfertigkeit. Vñ
das. das mit in den synnen was. daz was
in der vernunft. Vnd was die vernunft
noch nit gesucht hett. dz hett die verstet
nus yetz begriffen. Vnd was dem hir
zu geystlich was. das was der verstent
nus dester heimlicher. Vnd was die er
farung nit befundē noch gehādel hett.
das hett die kunst durch grūdet. Vnd
was die kūrze der zeit. versagt. dz vber
eilet vnd erfüllet. die klugheit vnd subti
ligkeit der weisheit. Wan nach d weys
der rede. dz man spricht. was in dem ist.
das yn einem andern ist. das ist auch yn
dem. darinn es ist. als wenn ein schatz in
einem ledent ist. daz in einer truchē ligt.
so mag man sprechen. dz er in der truchē
sey Also zereden. mag man sprechē. das
das clar lautter hirn cristi. ist als ein pra
sius oder ein balafs oder ein berlei mūt
ter. aber die edel sel cristi ist yn dē hirn
cristi. gleich als ein karfunckel in dē ba
B

Von den eygenschaften des haußst cristi

lafs. oder saphyr. ein smaragd in dem
prasio. ein margarith oder feinberlin yn
der Berlinmutter. vñ was man nit findet
yn dem balas seinerhalbē. dz findet mā
aber yn im. des karfunkels halben der
yn ym ist.

Ein schöne gleichnus von dem hyrn
cristi.

En regenbog ist ein clars lauters
sechseckets steinlei. vntter andern
cristallen. In welchē regenbogē. als mā
ine zu latein pridē heisset. ich so schöne
ding von farbē gesehen. vñ andern auch
gezeiget hab. daz sie veriahen. das sie ir
lehtag schönere ding nye gesehen hettē.
Vñ ist warhafftiglich ein schöne gleich
nus in dem selben Cristal. gegē dē hirn
cristi. Dann wie schndē. wüste. vnflēt
ge ding. durch in seytlingē gesehē. auch
edle kōstliche ding. yn der schöne ober
treffen. als ein stinckende mistlach. wenn
die sun dar ein scheint gesehē in dē sel
ben steinlein. vbertrifft gold. smaragd ē.
Saphyr. ru bein. vñ karfunklein der
schöne. also sind auch. die schndē miß
gestalten ding. in cristo vñ in seiner er
kentnus. vñ gedechtnus. nach dem als
sy in im sind. edler kōstlicher. vñ schöner.
den in vns. kōstliche vñ schöne ding sind.
das mā nit also verstē sol. das die ding
anders in im scheinen. denn sy sind. so sy
doch niendert also eigentlich scheinen.
wie sy sind. Sunder daz auch die mißge
stalten ding. die niendert alß mißgestalt
scheine. als in der verstentnus cristi. die
sind da beschōnet durch die weise. mein
ung. vñ ander sachen. vmb der willen sy
allein nach der erkentnus. nach ein miß
fallen. nach dem laid. nach gnugthun vñ
dar für zubüssen da sind. als giff yn dē
triackets ist. nit in giftes weyse zuvergif

ten oder zuschaden. sunder schaden zu
wenden oder zufürkomen. vñ dz giff
zuuertreiben. Cristus ist bey der erin
schlangē bedēit gewesen. dē die moises
an einem psal der wüste auffrichter. daz
die. die vñ den feurige giftige schlang
en gebissen warn. die selben erin schlag
en ansehen. vñ geheilet würdenn. Die
erin schlang het gleichnus einer schlag
enn. sie was aber nit giftig. sunder mer
heilsam. also ist die gleichnus der sündē
on alle sünd. in der erkentnus cristi gewe
sen. Ja die gestalt aller mißgestalteten
sündliche wercke. on alle gestalt der sün
den. sunder mer in schonheit der tugent.
In dem spiegel des haußst cristi. dz ist
in seinem lauttern clare hyrn. nach dem.
als die sel cristi ir vbung würckt yn dem
selben hirn vñ das endlos liecht. dz cri
stus wesenlich ist. leuchtet yn der sel cri
sti. nach der weyse. sprich ich. in dem spie
gel des haußst cristi. dz yn im den. schein
des ewigen liechtes hat. vñ den spiegel
on alle mayl. der göttlichen maiestat. vñ
das bilde seiner schonheit. vñ wolgestal
ten guttheit. In wellichem spiegel alle
ding clerlich erscheinen. denn in ym sel
ber. In dem selben spiegel scheinen alle
creatur. vñ besund die vernunftig. nach
dem als sie mit irem werck sunderlich ge
meint vñ angesehen wirdt. als die. die
zebelonē od zebüssē ist. vmb yrer werck
willen. Deshalben haben in dem spiegel
des hirns cristi. in sunderheit geschinen.
aller menschen tat. geschicht. oder hysto
rien. nit allein nach dem. als sy in d war
heit in in selbs beschē warē od besche
hen soltē. od würdē. sünd sie schine auch
in im. wie sie in den synnē. vernünftē. ver
stentnussen. vñ vrtailē der menschen. die
doch oft gar weyt schwayffig vñ verrē

Von den eygenschaften des haubst cristi.

leüfftig von dem rechten vteyl vnd der warheit sind. wider scheinen. Wann es beschicht gewönllichen vnd offft. Das ein geschicht oder ein ding. dem also. De andern anders. leüchtet. als den vnglaubigen menschen. Das allerbest. Daz aller bösest gesehen ist worden. vnd das aller ergst. Das allerbest. Was hatt die römischen keiser ergers. vñ verkerters gedaucht. denn in den creützigten cristum zeglauben. vnd in an zebetten vnd seins names zeneriehen. Vnd was hat sie besers. vnd billichers gedaucht. den dz mā die bilder des iupiters. des herculis. des appollinis. vñ andrer abgötter anbettet. Die ir eltern angebett hetten. Vnd was möcht ergers vñ verkerters sein. den die ere. die man dem schöpfer. dem erlöser. dem behalter. dem liebhaber. dem seligmacher der mensche. schuldig was zu er bieten. vmb sein vnzellichen guttete. dz man die selbig ere den feinden den verfürern. den verderbern. den teüfeln. die in den bilden der verdampften menschen oder andern creaturen zuuerleitung vñ verlust der armen irrendē mensche woneten vnd sich bewisen. erpüt vñ bewis. vnd das man die gnad des herren. souil mer vñ mer durchrecht vñ āfacht. souil er mer vnd mer vmb der menschen seligkeit willen getan vnd gelitten hett. Also sind die allerheiligste. vnd weysisten. die allerergsten. vnd tözetste. vñ wißsynns. die vngerechtesten die gerechtesten. geurteilt worden. Vnd zuuoran von den. den gott der herre gewalt vnd macht. glück zu vberwindē. vñ ere. reichthumb vñ herrschafft. vber all ander. gegeben hett. nit vmb irer frümkeit od gerechtigkeit willen. so sie doch ein teil von den ergste vñ schnödisten Buben waren. die auff aller

gottes erden möchten sein. als der kaiser Gayus caligula was. des bosheyt. schalckhafftigkeit. hohfart. vnlauttrigkeit. grymmigkeit. wütterichey. nit gnug mitt Worten mag aufgelegt werde. wer sie wissen wölle der such sie in dem büch Suetony von dem lebē der keyser. vñ iosephi vō dem iüdischen alter. Vnd als er ein bub was. also macht er auch seins gleichen Buben zu herren. als herodem agrippam. der sich selbs vō armut wege wolt hüngers getöt habē. wer sein Schwester nit daruor gewese. welche sein Schwester auch ein vnkeusche eeprecherin was. wann sie liefs iren man ires vatters bruder. die weil er noch lebet. vnd nam seine bruder vnd sals bey im. vñ so in sant iohannis der tauffer darumb strafft. Da bracht sye yn vmb sein allerheiligstes haubt. Daz diser werlt iren behalter vnd seligmacher. geoffenbart. vnd ir heil vñ feld. vñ das reich der himel. vñ den weg darzu. durch die reu vnd den warē glauben in cristum. zum ersten verkündt het. Siß wa ein würdigers haubt hab müge sein. vñ ei söllich wirdig heiligs haubt. ward vmb ein gumpē. hupfen. od leichtnertigs springen eins schnöden metzleins. Das einer huren kind was gegeben vnd abgehawen. Das ist. der salome. die herodiadis tochter was. die ein sölliche schnöde bübin was. vnd stift. dz gross vbel. das sie den heiligsten aller Frauen kinder vmbbracht. Aber als sie de aller nützeften würdigste heilige verderbt. also emeret sie den allerschedlichste böswicht herode agrippā. der doch yr auch darnach den lon seiner ernerung gab. Wan er bracht es darzu. durch sein verliegē. dz sie vñ ir mā herodes atipas der vnsern herren in seine leiden geschmeht

Von der straff der vnglaubigen

het. vō uren. vō gut. vō dē vatterland. vñ
vō aller wirdigkeit. verstoßen. vñ yn dz
elend gesandt wurden. Vñ ich heisse in
darūb einen schedlichen böswicht. wann
da er auß einem armē bube. vō dem bus
bē gevo dem keyser C dem kein boshheit
in der werlt zu vil was C zu einem kōnig
gemacht was wordenn. da durchachtet
er C da er heim in sein kōnigreich kam C
die allernüttesten. besten vñ wirdigste
diser werlt. auff d ampt. wirdigkeit. vñ
tun. aller werlt heil vñ seligkeit gesetzt
was. das ist sant peter. sant iacob den
größern. vñ and heiligen. vntter den er
sant iacob hiefs enthawben. vñ sant pe
ter in die gefencknis legē. dz er in auch
töten tett. nach der österlichen zeit. als
er den mutt hett. zu wolgenallen der ver
fertē iudē. wer sat peter mit errettet wor
dē. als i dan d engel gottes ledig macht.

Wie die. die gott den herren vñ sein
abhattalter nit für herren wollen haben.
verschulden mit dē selben. dz sie den tei
fel vñ sein knecht die allerbösten bube
zu herren haben müssen.

Ich hab oft gedacht solliche bu
bē sind d werlt zu bus. vñ zu ein
er straffe gegeben wordē. darūb das sie
den allerbesten vñ gütigsten herrē. nit
wolten auffnehmen. Der keyser Tiberius
het gern gesehen. dz die rōmer cristū als
gott auffgenumē hetten. Si wolte aber
nit. Vñ viengen an alsbald zu durch
echten die. die cristū für gott hielten. Al
so beschah es. das inen vō tiberio. vō dē
si cristū nit auffnehmen wolten. gayus zu
einem herren gegeben ward. der sie also
engstet. dz sie wid leibs noch lebēs. wed
gutz noch uren. weder haupfrawen noch
kinder vor im sicher waren. Vñ das ich
nach welscher weys red. die den buchsta

ben. s. für. i. sprechen. als sohan für tohā
sie wolte iesum nit. so mäst sie gasum
haben. Als auch die iudē wolten nit ihe
sum flordum. do mussten sie gessū flordū
haben. sie wolten nit ihesum flordū. das
ist den blienden. souil ist nazareus ge
sprochen. der sie auß allem vbel in alles
gutt füren wolt. da mussten sie Cestium.
den man auch gessum florum nennt. ha
bē. der sie als iosephus clagt. in alles vñ
glück. leyden. nott. vñ verderbnus ge
bracht hat. Sie wolten nit Symon ppe
ro C als die walhen sprechen C hōrē od
auffnehmen. der das haubt was der heyl
ligen zwelfspōten mit sant iohannsen
zebdis sun. do muste sie simō gioze auff
nehmen. der ein haubt aller mörder vñ
böswichten zu iherusalem was. mit dem
schalk iohānsen leuis sun. Sie hettē ihe
sum den heilad außgeworffen. vñ getdt
vñ sein iungern vertribē. vñ barrabā den
mōrd behalten. darūb mussten sie den le
uiatan. mit seinen iungern. die fürsten der
mörder. mit iren plutzapfen. zu vñ einlas
sen. zu irer aignen ewigen verdampnus.
Sie rüfften den simō gioze an. vñ liesse
in ein. wid den iohānem leui. dz er sie wi
der dē selbē beschütze solt. Da er in die
stat iherusalē kam. da peiniget er die bur
ger. vñ das volk. mer denn der vorig wüt
trich iohannes C wider den man in ange
rüfft het C gethun het.

Als nun die iuden mit den buben ge
büßet sind worden. darūb dz sie die gut
ten. nit auffgenomē hetten. Also wardē
auch die heidē vñ die rōmer mit den bö
sen buben gebüßet. da sie cristū nit auf
nemē wolte. als mit dem genanren gaio.
d in allen grossen vbeltaten. boshheiten.
grymigkeiten. vñ schalkheiten. ein haubt
vñ ein fürst was. vñ wolt dānoch vō aller

Von der straff der vnglaubigen.

werlt als gott angebetet werdenn. vnd
schickt sein bild auch gen iherusalem. dz
man es in den tempel gottes stellen solt.
dz es da die iuden auch anbeten solten.
Desgleiche seiner schwestern. agripillen
sun. keyser nero d auch d bösten mensch
en einer gewesen ist. d auff gottes erden
mocht sein. wie wol er zum erste vast gut
was gewesen. In den ersten fünff iaren
als d keyser traianus vō im sagt. der selb
keyser nero wolt dem symon iohānis. dz
ist. sant peter nit gläubē. vñ gläubt dem
symō anthonis. vñ also mocht er nit haf
nach dem verdienst seins vnglaubēs. ge
büßet sein wordē. den dz er dem allerku
genhafftigiste. schnddistē bußē. gotz le
strer. vñ zambrier glaubte. zu seiner ewi
gen verdāpnus. vñ zuerfürug aller hoh
fertigen römer. Darumb dz er den aller
heiligste zwelfspotē. nit glauben wolt.
Die hohfertige römer hettē es auch wol
verschuldet. dz sie einē sölliche böse her
ren an dem neron. vñ einen söllichen mei
ster. Ja einen gott an dem symon solten
haben. Darū dz sie den milten demiti
gen heilād cristū waren ewigē gott. vnd
aūf wirdschheit d barmhertzikēit. vmb
d menschē heil vñ selden willen. mensch
wordē. verworffen. vñ in seinen bottē. vñ
glaubigen. durchrecht hettē. O herre
gott. wie wirt es in dem strengē warē vñ
offenberlichen gerichte C in dem alle ge
dancken. rat. vñ meinūg d hertzen. an dz
licht komen wordē C an dem iūngste tag
leuchten. wie wirt es scheinen. wenn die
warheit wiß die lūge. die gerechtigkeit.
wiß die vngerechtigkeit steen wirt. Mit
was eren werden die hohfertige römer
für die gegenwertigkeit cristi komē. die
sich die weyßst vñ die geistlichste habē
gedēcht in diser werlt. vnd souil besser

den and. so vil als sie mechtiger gewese
seyen. den sie maintē. dz inen dz reich vñ
d gewalt aller werlt vmb ires geflißnen
gotzdienst willen. vō den göttern gege
bē wer wordē. als daruō maximus vale
rius. geüdet primo li. rubrica de religiōe.

Von dem grossen bußen vnd ketzer
Symon dem zaubrer.

Item wie werden sie besteen. Die
die hōhste eer die d göttliche ma
iestat allem zugehört. dem d in d warheit
ewiger wesentlicher gott was. nit allein
vntterzogen. sund auch aller werlt ym ze
erbiotten. bey den grōsten penen die die
werlt haben mag. verbottē. vñ dem aller
schnddsten bußen. d nit allein ein schalck
sund aller schelck der ergst was. erbotten
vnd bewisen haben. Wie werden sie be
steen. das sie einen lotter für gott aufge
nūmen. warē gott verworffen. vñ für ym
erwelet vñ geeret haben. einen abtrūni
gē schalant iuden einen mamesucken. od
renegaten. vñ verlaugneten cristē. Wan
er was beschnitte vñ getauft. ein kunds
mörder. ein gottes lestrer. ein werlt ver
fürer. ein ketzer. ia ein ertzketzer. Wann
vō im die ketzerēy d symoneyer entsprūg
en. die den namen vō im haben. wann vō
symō heysset sie symoneyer. vñ ist zwi
feltig. nemlich in dem gläubē vñ ym den
sitten. die in dem gläubenn. ist auch zwi
feltig. die ein ist vntter allen ketzerēy.
in dem gläubē zum ersten genent. in den
geistlichen rechten. xxiiij. q. iij. Quidam.
vñnd von ysidero ethimologo. viij. li. die
nechst ketzerēy nach der selben. ist nach
seinem iunger menādzo. vō dem sy einen
vrsprung hat. genent. die ander ketzerēy
die in dem glauben vnd sitten mag sein.
die von im den vrsprung vñ den namen
hat. ist die. schedlichst ketzerēy. nach den

Von der schandt der vngläubigen

göttlichen rechten die in der cristenheit mag sein. Nun merck wie billich ich ine einen ertzketzer genennt hab. Also ist er auch ein haubtzauberer gewesen. Was solich von im sagen. Des boshheit vnd schnödigkeit in vil geschribten mit gnug möcht außgelegt werden. Er was in ettlicher weyse erger denn lucifer. Denn lucifer sprach ysaie in dem vierzehenden capitel. er wolte gott gleich werden. vñ da er darnach strebet. da ward er verstoß vnd zu einem teufel. vnd d teufel haubt. Aber diser schnöschalk. verleumet got. als einen eregetzigen. vnmechtigen neydigen. vnd vntreuen. daz ein graue zehören ist. Vnd wiewol er kot vnd mist. vnd vñ ein sund vass aller schalkhaftigkeit. vñ schnödigkeit was. so gab er doch auß vor seine iungern. Das er ober gott wer. der himel vnd erden beschaffen hett.

Von der grossen schandt der vngläubigen durchhechter cristi. vnd vñ seiner erschöckelichen zukunfft. vnd gesellschaft an dem iüngsten tage.

Weillich wirt das dem keiser neyde. vñ den römern an dem iüngsten gericht sein. das sie einen sölichen böswicht der nach den verzigten rechten zuertrencken. zehenecken. zeradprechen. zeverpennen. nach den alten rechten zeuersteinigen. zereutzigen. Ja in gemein zereden aller töd würdig wer gewesen C wen er was auch ein auffrührmacher. als sant clemens schreibt. vñ ein auffprecher als sant Marcellus schreibt C mit allein für ein meister. sund auch für einen beschirmer vñ beschützer irer statt vnd eins gemein guttes. Ja auch für einen heiligen gott C wann also schriben sie an dem titel

seines bildes. dz sy im als einem gott auffrichten. Symon dem heilige got C auffgenommen haben. vñ haben den verwoffen. durchecht. vñ veruolgt. den sie denn mit den himlischen krefftten. vñ gewelte. mit den englischen heeren vñ fürstenthumen. mit den oberweltlichen keisern vñ herschunge. mit seine durchleuchtige vätteren. vñ räten. mit den patriarchen vñ propheten. mit seinen grohmechtigen vñ ernsthaftigen beywitzern. vñ mitt richtern den heiligen zwelfspotten. vnd iren nachuolgern. mit seiner vnzellichen wolgewapeten vnüberwindlichen ritterschafft. der heiligen martirer C die denn in grosser bestandenheit steen werde wider die. als in dem buch d weisheit Salomonis in dem fünften capitel geschriben steet. Vñ den sie hie geengstet sind worden. die sie von der lieb vnd dem glauben. durch so manigerley list vñ pein drigen vnd zwingen wolten C werden sehen komen in sölicher grosser maiestat vnd herrlichkeit. yn so grossem gewalt vnd mechtigkeit. in sollichen eren vnd würdigkeit. das alle creatur. sich im vntertennig vñ zu seinem willen bereyt. zerechte sein vnere. zepeinige sein widersache. zestreiten wider sein veind. beweyssen wurde. Wenn die erd wirt als ein verprennter kol. der luft als ein prennender feuriger flamm. der vnynnigen heyden abgötter. d menschliche heuser. stett. palast. schloß. silber. gold. klaiden. alles das. des sy sich vberhebt. oder darynn sy der vollust. od hochart gepflegen haben. wirt zu erden oder zu pulver. od ein futer des feures. oder ein materi grossen hertzen laides werden.

Von der schnödigkeit der heidnisch

Von der schandot der vnglaubigen

en götter vñ vō den guttaten. Die vnser
herr den rōmern yn sunder gethan hat.
aufs den. ir vñdäckperkeit gegrōßet. vñ
ir schand vntreglich an dem iüngste tag
sein wirdt.

WA werden sich denn die hohferti-
gen rōmer sehen mit yrem lester-
lichen gott Symone. Ja wie werdē alle
rōmische kōyser bestē. die vmb irer tei-
fellschen götter willen. den waren ewi-
gē gott vñ gottes sun. als heftlich durch-
echtet vñ veruolgt vñ der ewigē iuck-
frawen sun. vmb d̄ basthart willen ober-
geben haben. den. der von dem heiligen
geist empfangen ist worden. vmb d̄ willē
die so lesterlichen empfangen. so schent-
lichen gelebt. so vnseeliglichen gestorben
warē. als hercules den d̄ wild feur ver-
prent hett. als zoroastres. den der hagel
vñ plitz erschlagen vñ verprent het. als
Bachus oder liberius den die risen zer-
rissen hetten. vñ d̄ heftgleichen vō vil an-
dern. als auch der off̄t genāt Symon. d̄
d̄ hals ab. vñ all̄ etlich schreibē. zu stück-
en. zerfiel. da er zu himel fliegen wolt. vñ
ine sein vermessēheit in abgründ d̄ hell
warff. Vñ so es mit verzeiblich schine.
das sy. als die caldei etwan die creaturē
für d̄ schöpfer ḡerret vñ außgebet hē-
ten. wiewil minder sol es men geschēckt
oder obersehen werden. d̄ sie. nach dem
als sich gott vmb der menschen willen
also tieff gedemütiget. vñ die rōmer al-
so erhōhet. das er nit allein alle werlt. sun-
der auch sich selbs mit der werlt irem ge-
walt vntterworffenn hat. vñ hat durch
ir gehōrsamkeit vñ zu anzeigung. das
er irem gewalt wolt vnttertenig sein. yn
armut vñ ellend geborn wōllen. vñ zu
dem lesten an das creütz geurteilt. vñnd

Daran schmerzlichen getöt werden. vñnd
hat darnach den schatz vñ die ere des
verdienēs seines leidens allen. gen rom
geschickt. das der gewalt aller werlt yn
geistlichen vñ werltlichen sachen. der
hymlich vñ irdisch gewalt zu rom wer-
vñ nach söllichen vñ andern guttaten
haben sy nit allein ine verworffen vñ ge-
lestert. sunder auch sein diener vñ sein
glaubigen. so greulichenn durchecht. so
feindlich vñ vnmeniglich gepeiniget.
gemartert. vñ getöt. vmb hasz willen.
den die rōmer zu dem hettē. der sie ober
alle werlt gewirdiget vñ erhōhet hett.
vñ vñ beschirmung willē söllicher götter
vntter d̄. d̄. den sie d̄ allergrōßte vñ d̄
allerbestē nenten. vñ aller götter vñ mē-
schen künigl̄ vñ allmechtigen vatter. d̄
ist der iupiter. ist auch nach yren eygnen
geschriffte. mit allein ein großer ee-
precher gew. sen. sunder er hat auch sein
schwester. sein tochter. sein encklein ge-
schwecht vñ sich verwandelt. yetzo yn
gestalt der menner der frawen. die er be-
triegen vñ fellen wolt. denn in einē ad-
ler. yetzo in einen geyren. denn in einē
schwamm. yetzo in einen gantzen. denn in
einen wydhopffen. yetzo in ein amaysen.
denn in einen regen. yetzo in einen stern.
denn in einen bern. denn in einen trackē.
yetzo in einen varren. denn in einen gul-
den regenn. yetzo in d̄ is. denn in yens.
zu volbringung seins eebruchs. vñ hat
sein schwester mit namēn Juno zu der
Ee genomēn. die auch die künigyn al-
ler gottyn sein solt. vñnd hat mit seiner
schwester. die venus genennt ist. ein toch-
ter gehabt. mit namēn persefonem.
vñnd die selbenn seine tochter hatt er ge-
schwecht. Vñnd einē namhafftigen
B iij

Von der schandt der vnglaubigen

gott mit namen dyonysium. & auch bach
us vnd liber pater heisset geboren vnd
bey dreyssig namen als ouidius spricht
gehabt. Darüb hab ich obē sein sun bast
hart geheissen. wann sy sind all gewön-
lichenn durch söllich schentlich weyse vō
im herkomē. Vñ so er ein manigueltiger
vñ keüschter vñ ceptrecher gewesen ist. so
hat er sich dannoch nit lassen benügen.
sund auch andre ding gethā. vō den ich.
vmb d̄ keüschten augen vnd oren willen.
die diß lesen od̄ hören würdē. nit getarr
schreibenn. von dem mich grofs wunder
nympt. Daz sich die weisen heiden C Als
sy sich bedauchten C nit geschemt habe
sölliche ding vō irem allergrösten vñ Be-
sten gottgeschreiben. als valerius maxis-
mus primo libro rubrica deneglecta reli-
gione C. j. Pfey. pfey. der schndōdē göt-
ter. der schndōden römer. der schndōdē key-
ser. & schndōden heidē. die sölliche schndōd
götter ereten. vnd anbetteten. Vnd vber
daz. die verieher. erkenner. vñ diener des
warenn gottes. so mit grossen has. mit
so grymmigem zorn. mit so greülichenn
peinen vñ martern. auß allem vermügē
durchhecheten. veruolgten. verlaugnetē.
verleümeten. kerkereten. stöckten. plöckte.
zerrissen. erfülte. verbrennete. mit new-
lich ertrachten. vnzellichen qualen vñ tö-
den verderbten. Vñ schoneten wed̄ der
tugend. noch des adels. weder frawenn
noch iüngling. weder kinder noch iuncē
frawen. wed̄ zucht noch scham. die grim-
migē wütrich. fund̄er welcher allermeist
wid̄ die cristē wz. vñ allergröste marter
wid̄ sie ertrachtet vñ vber. & was d̄ best.
Vñ schönete auch d̄ allerliebste freünd
nit. So sie denn söllich gröfse feindt
schafft. wid̄ den. & on end gut vñ die be-
senlich heiligkeit ist. vnd wider alle sein

freünd gefüret haben. vmb beschirmung
willen der vnbillichen ere. die sie söllich
en bösen verdampfen geisten. oder selen
bewisen habē. wer kund̄ dan̄ außspruch-
en. yn was plütiger schand. sie an dem
iüngsten tage steen werden. wenn die ge-
rechtigkeit vñ endlose heiligkeit. der ge-
walt vnd mayestat. der pryncend ernst.
den er zu der ere seines vaters vnd auch
zu dem heyl seiner außewekten. gehabt
hat. vnd die allmechtigkeit. des. den sy
also gröflich gehasset. gelestert. vnd ver-
uolgt haben. vnd dar gegen die schand.
vnmügligkeit vnd verdampnis irer ketz-
erischen götter. für die sie also ernstlich
wider gott vnd sein ere gefochtenn ha-
ben. erscheinen wirt. O der vnaussprech-
enlichen grossen schād. Wa werden da
ir schmaichler vnd liebtkoser sein. die die
armen cristen verrieten. vnd anlagten.
vnd ir in den peinen spotteten. vnd die
wütrich. & weyßheit. fürsichtigkeit. vnd
des ernsts halben. den sie für die götter
wider die cristen sie zepeinigenn vnd zer-
martern hetten. bis an die himel rümtē
vnd erhuben.

Von den ketzerischen priestern der
abgotter.

O Wa werden die verfluchten ketz-
erischen priester vnd bischoff der
selben verdäpften abgötter beleiben. die
die keyser auch zu zeitten so sie bewegt
waren sich zebekeren zu dem cristenlich
en glauben. abgekeret. vnd mit lügen. sy
vnd die gantzen werlt. vmb füllerey wil-
len irs bauchs. so iemerlich betrogen vñ
verfürt. vñ den cristen glauben so felsch-
lich verlogen. vñ die cristen. den keysern
vñ ire amptleutē fürgehaltē haben. wie
d̄ glaub iren göttern so wider vñ misfel-
lig were. vñ wie ser sie darüber zürneten

Von der schandt der vnglaubigen

Das man die cristen mit irem glaubē nit
aufreutete. vnd vertilgte. D̄z darumb D̄z
rōmisch reich vnttergeen. vñ d̄ die werlt
vergeen m̄st. Vnd was vn̄fals beschā
he. so sprachen sy es wer des schuld. das
man die cristen. den die gōtter so feind
werē. l̄dte. vñ sie nit zwenge mit marter
vnd peynen. D̄z sie den gōttern opfertē.
vñ sy anbettetē. darumb werē die gōtter
so zornig. D̄z sy inen mit antwortē wolte.
vñ ir hilf vntterzügen. vnd ließen alles
vbel vber D̄z rōmisch reich k̄mē. es wer
deñ. D̄z mā sy bald stillet. vnd m̄ltert mit
den martern. penē vñ dem pl̄t d̄ cristen.
Vñ mit s̄llichē redingē vñ drōng hyn/
derkāmē vñ drangē sie die keyser. D̄z sie
offt wið iren willē gebiet oð gesetz. wið
die cristē machten. vñ musten auch selbs
darzu thun. D̄z mā die cristē fieng. vñ on
alle barmhertzigkeit martert. vñ peiniget
als lang. bis D̄z sie eintweders des glau
bēs verlaugnerē. oð aber bitterlichē st̄r
bē. Was vntzeller werlt habē die selb
bē k̄tzerischē teufischē priester gen ab
grund d̄ helle gepracht. vñ zu ewigē pen
en gezogen. Vñ die verplendte irrendē
heidē maintē. sie hetten all ir heyl. gl̄ck
vñ seld vō den gōttern. Durch sy. vñ eretē
sy als die m̄tler irs heyls. Durch die sie
so iemerlich verf̄ret wurden. O herre
got wer m̄chte den grossen mord vnd
schadē gnug wegē oð clagē. den die selb
bē priester gestift. vñ aufenthaltē habē.

Warūb gott d̄ herre den grossen irr
sal der abgōtterey verhengt hab. aller
maist vber die. die die mechtigistē warē
yn der werlt. zu der zeit der gnaden.

Es m̄cht aber yemants sprechen.
Warūb hatt gott d̄ herr verhegt.
das s̄llich sch̄nd buben die werlt so ier
merlichē verf̄retē. Die antwort vntter

andern sachen ist die C vō der wegē ich
auch dyse lange red gef̄ret hab. D̄ ein
grosse. D̄z die werlt D̄z verdient hat. mit
dem. D̄z sie die bottē vñ die prediger des
warē rechtē gottes. als die heilige zwelf
bottē vñ and̄ iūgern cristi. vñ dē gūttingē
barmhertzigē herren. der ine ir heil mit
seinē kostbarē rosenfarbē blutt gekauft
hett. mit auffgenomē hettē. noch auffne
mē wolte. zu irer ewigen seligkeit. darūb
verbieng er D̄z billich. vmb irer vndanc
kerkeit willen. D̄z sie den allerlügenhaff
tigistē glaubtē. zu irem ewigen schaden.
Es sind auch vil ander sach. als das zu
bewerung d̄ vestigkeit des waren glau
bens cristi alle werlt wið ine gefochten
hat. vñ hat in nit m̄igē vertilgen. mā hat
den cristen. die etwas waren nach diser
werlt zerechnē. alles gutt verheissen wa
sie abtretten vō dē glaubē. vñ alles vbel
nit allein gedroet. sunder auch angelegt.
wo sy yn dem glaubē verharren wolten.
aber es hat sie nit hinderstellig gemacht
Herwiderūb ist d̄ glaub vñ dienst d̄ ab
gōtterey. für den. die allermchtigistē rō
mischen keyser so ernstlich gefochten ha
ben. an s̄llich zwācknus vō im selbs. als
der. d̄ wið die vernunft ist. abgāgen. vñ
mā hatt doch nyemāt mit gewalt dauon
gedrūgē. vñ zum cristen glaubē gezwūg
en. als sy dan tetten mit irem aberglau
ben. Item ander sachen findt mā hin
vnd her. als das die hohfart der vnglau
bigē durch s̄llich tozheit geschendē. vñ
die macht cristi erzeigt. vñ die gedult
der glaubigen geübt. vnd ir bestanden
heit belonet. vnd gekrōnet w̄rd. vñ der
gleichē. Aber die sach. die hie zum ersten
gemelt ist. sol vns billich sei ein warnig.
das wir vns h̄ten vor irzalen yn dem
glauben. vñ einreizung. das wir vns

Von der schandt der vnglaubigen

fleyplich an den rechte warē cristē glau-
ben gehalten. Wann nyemāt ist frey oð
sicher vor irrthūmen. Dann der. der d war-
heit des heiligen cristenlichē gläubens.
vestiglich anhangt. Vnd wer die selbē
verlasset vnd verachtet. der wirt damit
gebüßet. Daz er der lüge glaube. der der
warheit nit glaubenn wolt. Also wirt es
auch zum letzten beschē. zu den zeittē
des antecristis. den die iuden. vnd ander.
die cristo nit gelaubt haben. anffnemen
werden. zu einer pen irs vnglaubēs. Dz
bezeugt der heylig zwelff pot sant pau-
lus in der andern episteln zu dē vō thes-
salonita in dem andern capitel. da er als
so spricht. Sein zukunfft ist nach d wūrk-
ung des teufels in aller krafft. in falsch-
en zeichen vnd wunderwercken. vñ in al-
ler verführung der vngerechtigkeit. den.
die vergeen vnd verdampft werden. dar-
umb dz sie die liebe der warheit nit auff-
genomē haben. das sie selig wūrdē. dar-
umb wirt inen gott die wūrkung des ir-
sals senden. das sy der lüge glauben. vnd
geurteilt werde alle die. die der warheit
nit geglaubt haben. sunder sy haben der
vngerechtigkeit gehollen. Daz sind sant
pauls wort. Da merck eben dz er spricht.
darumb das sy die lieb d warheit. C das
ist die warheit die vber alle ding lieb ze
haben ist C nit auffgenomē habē. Daz sy
selig wūrdē. Darumb sendet gott. das ist
er verhēget es C Als die glos auslegt C
daz inen gesendē werd die wūrkung des
irsals. dz sie der lüge glauben &c.

Wie cristus an dem iüngstē tag ein
spilwart anrichtē wirt. vō denen. die ein
spil gemacht habē außs der marter seins
er lieben heiligen.

In Jerumb frew dich du andechti-
ger cristēmenssch der vnaußsprēch

lichen gnad. Die dir gott hat bewysen.
in dem. das er dir die rechte warē erkent-
nus der gottheit vñ der cristelichē war-
heit verlihen hat. Wann wirdest du der
gnad gottes danckper sein. vñ d isenn
glawben mit den wercken erzaihe. Durch
die gehorsaz der götlichē gebott. Durch
vñbung guter werck. durch verneydūg d
sünd. Durch wirdig bußwūrkung. für die
vergangnē verseimlichkeit. vñ also ver-
harrē. bis in dein end. so wirstu einen
söllichē schönen schimpfe sehen an dem
iüngsten tag. das kein menschlich hertz
gnug bedenckē mag. Vñ nit lasse dich
verschmahen. das ich disen grossen er-
schrockenlichē ernst einē schimpf heys.
Wan also habē die wūtrich. die durch
echter cristi ein spil. einen triumph. vñ ein
gelechter. oð kurtzweil außs der marter
der cristen. den heiden gemacht. das sy
zu wolgefallen dem vnynnigē gepöfel
volck. an den grossen hochzeiten. an den
iarmerecken. wenn allermeist volcks zu-
samen kam. zu zeittē an einer offnē stat.
als an dem marckt. einen richterstul auf-
richten. vñ die cristen auß den kerckern
namen. vñ in angesicht alles volcks fürfü-
ren hießen. Vñ wenn sy verharreten in
d veriehung des namēs cristi so legte
sy inen alle marter an. die sie erdencken
künden. vñ bewisen dem schñöden po-
fel einen pomp vñ hof spil. auß der bit-
tern marter. der. den die veriehung d als
erhöhtē warheit vñ d ere cristi mit ein-
gespötte was. Darūb so wirt auch wid-
umb cristus d herre auß d pein d selben
seiner feind ein wundspil vñ ergetzlich.
heit machen den selbenn seinen zeigenn
vñ seinen getrewen mertrern. vñ heyl-
ligen die sollich bitter gespöt vñ schand
vñb seins namens willen gelitten habē.

Von der ere der glaubigen

vnd das wirt an manichen erten der geschrift bewert. Besunder in ysaia an vil erten. Da wirt der trost vnd die ere der heiligen kein end haben. wann das leidē das sie vmb cristus willē hie gelittē habē. wirt inen yn tausentfeltig freud ver wandelt. Aber die freud. die die vnglaubigen vō der pen der heilige gehabt habē. wirt inē in vnaussprechelich layd verendert.

Wie die iuden. die vnseren herren gespottet habenn. yn seiner marter. mit gespött irer pen bezahlt sind worden.

Als den iuden auch beschehen ist. Die auß der grossen pittern marter vnseren herren. die er doch für sy. vñ vmb irs heyls willen. also wol lide. als für ander leit. eyn gespötte machtem. Darüß kam es darnach bald darzu. daß die heiden auß irer marter. auch einenn wollust machten. Als titus tett. nach dē er iherusalem gewonnen hett. vñ die iuden gefangen mit im hinfürt. da machet er von leichter sache wegen. als wē er den tag der geburt seins vatters vespasian. oder seins bruders domiciani begieng. ein gar bitter spil. auß der pen d iuden. zu einē gefiht vnd zu einer ergetzlicheit der heiden. Vnd gab ir mer dan dritthalbrausent in die schätz. vntter dē ettlich den thieren fürge worffen wurde. mit inen zefechten. Als die meiß mit dē Katzen gar vngleich spilen oder fechten. Ettlich musten mit einadner mit schwertern streitten. bis sy einander umbbrachte. Ettlich warf mā in dē feur. Da merck warzu die iuden komen seyn. nach dem als sy cristum verspott vnd yne vnd sein ingern gelestert vñ veruolgt habē. vñ der willen vorzeiten gott der herre vil kōnig. vnd kōnig der kōnigen vbergeben

vñ geschēdt hett. Die wurde so schēdē geachtet. d. man ir souil zu ere eins heyls dē in die schantz eins spils schlug. Ein vnnützer bub domicianus was ettwan yn der zeit geborn. villeicht zu rom oder darbey. vnd in der palastynen land. Bey dem gelobtem land. yn der statt. die ein schalāt iud der erst herodes. so herrlich gebaut het. musten mer dann fünffund zweintzighundert iuden zu einē geleschter vnd schimpf der heiden. zu ere d gepurt dis bubē. d. danach mit gegewertig was. vñ nichtz darumb wisset. so tausentfeltiglich bitterlich gemetzigt zer rissen. vñ verprent werden.

Als die die cristum verachtet hetten. verachtet sind wordē. also sind die groß geachtet worden. die ine groß geachtet haben.

Aber merck widerumb. als gering vnd leichtgültig. die iuden. die cristum veracht haben. wordē sind. also groß geachtet. also hoch gesetzt. vnd also kostbar sind die vor gott gerechnet wordē. Die cristum auffgenommen. geliebt. geprediget. vnd vmb seinen willen. andre ding vbergeben. vnd durchachtung gelitten haben. Der keyser nero griff sant peter vnd sant pauls an. die auch von dem geschlecht der iuden warē. vñ er verlor als bald darnach in dem selben iar die gätz ein werlt. aller werlt ere. gewalt. gunst. seinen leib. sein sel. sein leben. also das er im selbs von forcht wegen auß verzweiflung schentlichen sein leben name. Vñ ward sein leyb C als ettlich gesprochen haben. Den wolffen. vñ sein sel dem teufel. Wiewoll ettlich schreibenn. das sie auch mit seinem vnsligen leyb lang zeit vil gespennists getribenn vnd sollichen schrecken den menschen gemacht haben

Von der ere der glaubigen

an der statte. da yetzo vnser frawē Kirch
steet mit namē sancta maria de populo.
Das nyemād daselbs getorzt ein od̄ aufs
geen. zu der pfort die da bey steet. wann
die teüfel zerrissen die leüt. Also hast du
wie nero. nach leib vñ sel. der teüfel spil
worden ist. der sant peter vñ sant pauls
vmb gebracht het. Aber die. die durch
sein ordnūg. die iuden vmb prachtē. als
vespasianus. den er wider die iuden ge-
sandt het. vñ titus. des vespasianus sun.
die wurdē an seier stat herrē aller werlt.
vnd als heftlich der keyser nero den rō-
mern ward. nach dē als er die diener cri-
sti durchrechtet. als lieb vnd werde wur-
den vespasianus vñ titus. nach dem. als
sy die feind cristi. die bösen abtrümpfen
iuden verderbten. Vnd das du dz noch
mer mercken mügest. Domicianus d̄ key-
ser der auch vespasianus sun vnd Titus
bruder was. vnd vmb seins vatters vnd
bruders willen. so werde vñ lieb gehalten.
Das er keyser ward. da er sant iohānsen
den geliebten iunger an griffe. vñ yne in
das siedend öl werffen. vñ in das ellend
verschicken liefs. da fiel er alspald in vn-
günst der menschen. vñ zuuor an gottes
des herren. vnd kam in ein solliche grau-
same vorcht vnd sorg seins lebens. dz er
sich nyendert sicher weste. Darūb er auch
die wend in den gepewen. in den er spa-
zyeret. mit den steinen. die man frigites
oder fingites. als etlich schreibē. nemmt.
vnttersetzen liefs. das er in inen sehem
möcht. was hinder im beschēh. Vnd yn
sollichen sorgen vnd angstenn helyb er.
bis er in dem selben iar in dem er sant io-
hannsen den ewangelisten in daz ellend
gesendt hett. erschlagen ward. vnd alles
das er geordnet. gebottē vñ gewölt hat.
dz ward durch ein gemein vtheil des rō-

mischen rats hinder sich getribē. vñ seine
bild vnd wappē. ernyder geworffen. sein
titel vnd nam abgetilgt vñ auß gehaw-
en. das er nit allein die herschafft vñ dz
leben. sunder auch den namē verlure. als
der. der nit würdig were. dz man sein solt
gedencken. wann er hett ein weil in sun-
derheit. die durchrechtet. die von vnser
herren geschlecht warenn. Sihest du
nun. wie gros die geachtet sind wordē
vor gott dem herren. die cristū groß ge-
achtet haben. wann vmb iren willen. hat
gott der herr die allerhöchsten vñ mecht-
tigiste diser werlt. vō den sy vmb cristus
willen durchrechtet wurden. auff dz letst
geschendt. vernicht. verworffen. vnd ver-
dampft. vnd wie ihenen. yn der weytem
werlt namhaftig. geeret. hochgehalten.
würdig. durchleuchtig. vnd in dem himel
vnaussprechenlich großlich geheyliget.
erhöhet. mechtig vnd selig gemacht.

Her widerumb wie leicht vñ schnōd
die geachtet vnd gehalten sind worden.
die cristum verachtet vñ verschmeht ha-
ben. daz magst du aufs den obgemelten
dingen wol vermercken. vnd allermeist
auf dem. dz titus d̄ die iuden so schmech-
lich gehalten hett. als oben gemeldt ist.
so lieb. so werde. so gros. vñ so erwirdig
gehalten ward. das man ine die liebe vñ
die wollust des menschlichen geschlech-
tes nennet. Vnd da er gestorbe was. da
claget mā in offenberlich. als ob ein vat-
ter aller werlt gestorben were. vñ der rō-
misch rat eret in vñ gebott in zeeren. als
gott. vmb seiner grossen tugent willen.
als sie widersynns seinen bruder domi-
cianum. der cristum. vnd die cristen (der
ander nach dē nero. d̄ durchrechtet hett.
yn dem leb enn durchrechterenn. Vnd
nach dem tod also schmehtenn. Das

Von dem hertzen cristi

sy alles das zerstorben vnnnd hinder sich
triben. Das er gesetzt herr. als oben ge/
melt ist. Außs disen dinge allen. zeu/
he disen beschlußs. Das der mensch also
geachtet wirt. Sunder vor gott. Wie er
cristum achtet. Achtest du cristum klein.
so wirst du klein geachtet. Achtest du
in für nicht. so wirst du für nicht ge/
achtet. Achtest du in groß in dem her/
tzen vnnnd in den wercken. so wirst du
on allen zweyfel wo du verharrest. O
groß vor gott. vnd endlich auch vor al/
len creaturen geachtet werde. Also
achtet sant peter vnsern herrē so groß.
Das er umb seinen willen alle ding. ver/
ließ. Darumb sprach er Mathei an dē
neunzehenden capitel. Sih an. herr wir
haben alle ding verlassen. vnd dir nach/
geuolget. vnd dardurch verdienet er. Dz
ine cristus ober die gantzen werlt setzet
Sant pauls spricht zu den von philip/
pis in dem dritten capitel. Ich acht alle
ding als das Kot. Dz ich cristum gewyn/
nen müge. So spricht sant Johannes
mit dem güldin müd. in der andern ome/
ley oder predig vō dem lob sant pauls.
Ist es. Das du die gantzen werlt wist.
gen sant pauls. so sihst du dz sant pauls
vber wigt.

Von dem neunundneunzigsten ge/
genwurff von der art des mynsamen
hertzens cristi.

Die eigenschafft od gleichnus die
hernach volgen von dem hertzen
vnser herrē ihesu cristi. verstee. alle ges/
gen irem gemeinen gegenwurff der hin/
de hernach volget. Wie es an dē creutz
geengstet vnd zum letzten durch dē tod
zerissen oder zerbrochen worden ist.
Doch nit. Dz dz hertz in im selbs geteilt.
sunder von dem leben vñ leblichen wer

cken. die zu seinem ampte gehören. ge/
teilt vnd verlassen sey worden. als wenn
mā vō einem sterbende mēschē spricht.
Das im das hertz preche. vnnnd das selb
wort ist gar ser wider die eygenschafft.
Des hertzens cristi. Dz allein an der trew
vñ liebe gottes vnd des menschen. an d
warheit. gerechtigkeit. vnd aller tugent.
nit allein nit brüchig. noch wanckel. sun
der auch nye gebogē. noch in ein ander
seytten bewegt ist worden. sunder in al/
ler trew auff das höchst. gantz vnd von
aller art vollkommen beliben. wann es ist
nit ein werck der natur. noch eins lau/
tern menschen gewesen. der nit anders
oder nichtz mer were. denn ein mensch.
sund es ist gottes hertz gewesen. nach
menschlicher natur. von gott dem heilī/
gen geiste. on mittel gott dem sun zeuer/
einigen. in sein persönlichheit geformt.
Darumb so es sein trew vnnnd miltigkeit
so weyt vnd so ferre außgestreckt hat.
zu den. die vor im warē gewesen. in ver/
gāgne zeitē. zu den. die da soltē komē in
den letzten zeiten. zu den. die in der hel/
le warē. zu den. die in das fegfeur. auff
die erden. in den himel künfftig waren.
So wz nit billich. Dz das solt geengstet
werden. allermeist von aussen. so nye ein
menschlich hertz also ser. vō ynnen ist ge/
engstet wordē. mit verdienstlicher tugēt/
licher angst. vnd so es umb keiner angst
od not willē ye gewanckelt hat. ich will
nit sprechē brüchig ist wordē. an d stet/
tigkeit d liebe vñ trew. so wz es noch vn/
billicher. Dz es vor angste vñ nötte. des
grymmigē tods prechē solt. Also. wenn
mā disen gegenwurff der engstigung vñ
des todpruchs gegē dē eigenschafftē vñ
gleichnussē. die hernach volge helter so
scheint wol wie vast dz widerin d lauter

Von dem hertzen cristi

Das man den eigenschafften vnd gleichnussen. die hernach gesetzt sind. vñ dem innsamē hertze cristi möcht schi er allen vñ einer yden einen sundern gegenwurff finde. die hie vñb der kurtze willen vñderwegen sind beliben.

Item zum andern mal möcht mā schier einer yegliche eigenschafft oder gleichnuss. einen sundern gegenwurff geben. oder zu eignē. wer als sym reich wer. Also das hertz das der wag vñd abgrund aller begirlichkeit od bewe glichkeit. Das ist zerrunnen. außgedorret vñd erlegen. Das bett aller rüchlichkeit. ist vor vngerüger vngestümigkeit d auff rüige menschen zertrümet. Die cistern aller einflüssigkeit. der vrsprünglich pñ ne aller leblichkeit. ist versigen vñd er lechtznet. Das traubet aller liebe ist ver lassen. erkaltet. vñd zu eiper wüste wor den. Die sunder vñd eigen erbstat d trew vñd miltigkeit zc. ist zu einer wilstus vñ wouung der straußen vñd tracken wor den. Die tracken sind listig vñd vntrew. Die straußen grymmig vñd vnmilt. Das sind die grymmigen listige inden gewe sen. mit iren dienern. Die das milt hertz cristi vñd der zeit an d gefencknis vñb gebē. besessen. vñ geengstet habē. vñ die heidnische ritter. die in in d geiflüg. frö nüg. vñ an dem creutz geengstet haben. zu den auch gerechnet mügen werden. Die sein an dem crenzt. vñd in dem grab stehüt haben zc. Also magst vber vil di ser eigenschafften. gegenwurff finden. Das hie vñderwegen ist beliben.

Der neumundneuntzigist gegenwurf von den gleichnussen vñd schönen eige schafften des hertzen cristi. die zu dem erste artickel des neumundneuntzigiste gegenwurffs gehören.

Als hertz. Das der abgrund aller begirlichkeit oder beweglichkeit wñ. Das bett aller rüchlichkeit. Die cistern aller einflüssigkeit. Das traubet aller lieb. Die sunder vñd eigenn erbstat der trew vñd miltigkeit der tugent vñ aller heiligkeit. Das firmament der vestig keit. Der gnaden schrein der barmher tzigkeit. Die hoffstatt der himlischen gebew. auff d auffgeet vñd sicher stet die gantz weyt cristeheit. Das heimlich inner kernerlein der göttliche ratschleg. vñ verborgner fürsichtigkeit. Das trüb lein der sunder verholne göttliche süs sigkeit. Das läublein der waller vñd dem vngewitter vñd diser welt vngestümig keit. Die nuntat der freyheit vñ sicher hait. Die muter aller gottes kinder. Die da außs dem plut cristi geporn sind. zu himlischen erbe. zu küniglicher würdig keit. vñd zu ewiger seligkeit. Die meer stat des milten mitleidens tugentlichs laids vñd verdienstlicher trübseligkeit. Wann es ist dñ betrübt hertz gewesen. dñ gott dñ herr nit verachten mag psal. i. Jeremias spricht in dem buch dñ clag in der person cristi. Die wasser haben als ein güßs vbergangen mein haubt. Ich hab gesprochen. ich bin vergāgen vñ ver lorn. Trenorum am vierde. Mein hertz ist in mir vñbgekeret. wā ich bin voll bit terkeit. wā meiner seinfze sind vill. vñ mein hertz ist traurig. Trenorum am erste capi. Vñ aber spricht er zu der mens cheit cristi. Grofs ist dein laid gleich als dñ meer. Wā als mā spricht. als vil tropfen in dem meer sind. also vil laids sind in der liebe. Vñ ob yemāt streitten wolt. dñ dñ vñd sinagog geschribē wer. dñ gedēck. dñ ysaias spricht am. liij. capitel. wir haben all geirret. vñ dñ herre hat

Von dem hertzen cristi

auff yn alle vnser vngerechtigkeit ge-
legt. Vñ in dem sybēnachtzigstē psal-
mē spricht er. Alle dein flut hast du her-
re vber mich gelaitet. vber mich ist dein
zorn komen. vñnd dein schrecken haben
mich betrübt. Sy haben mich vmbgebē
als das wasser den gantzen tag. Sy ha-
ben mich zu mal vmbgeben. Vñ mag
stu mercken. warumb ich dz süßs hertz
cristi. die meerstat aller tugentlichen vñ
verdienstliche. bitterkeit nenn. Fürbas
sprich ich. Das heimlich gerüwig nest-
lein der getrewen liebhabenden hertze.
vñ teübeiner einfeltigkeit. Vñ dem Sa-
muels geschlecht. in dem dreyundacht-
zigsten psalmen spricht. mein sel begert
vñnd erliget. in die gebew des herrenn.
Mein hertz vñ mein fleisch haben auff
gesprungen. oder gefrolocket in den le-
bendigen gott. Wann der sperck hat in
ein haups gesundē. vñnd die türtel taub
ein nest. da hin sie ire iungē legt. vñnd be-
helt. Das sind dein altar. O herr. d̄ tu-
genden oder krefftē. das ist der engli-
sche heere. als die glos auflegt Das
hertz vnser herren ist ein wonung der
spercken vñnd ein nest der turtel tauben
gewesen. wann sein begirdē sind alweg
schnell. vñnd frisch vñnd vnerlegen in dem
dienst des vaters gewesen. vñnd sein sel
hat allein ruwe an der arbeit gehabt. es
ist der türtel tauben nest gewesen. wann
kein vntrew noch zwifeltigkeit. sunder
allein trew vñnd einfeltigkeit hat sein
hertz besessen gehabt. wann es hat al-
lein die ere des himlischen vaters. vñ dz
heil der meschen. auß liebe des vaters.
vñnd außs liebe vñnd barmhertzigkeit zu
dem menschen gesücht. Aber so kein hō-
here sichere stat mag sein. den dz hertz
cristi. als geschriben steet. in dem drey-

undsechzigsten psalmen. Der mensch
wilt treten zu einem hohen hertzen. vñ
got wirdet erhöht werden. vñnd künig
dauid spricht in dem neuntzigsten psal-
men. du hast dein zusucht zu dem höch-
sten gesetzt. süchst du denn got den her-
ren. mit einem einfeltigen getrewē her-
zen. vñnd erliget mit in seinem dienst. sun-
der erhebst dein gemüt durch andech-
tig betrachtung. d̄ liebe des süßen her-
zens cristi in yn. vñnd tregst alle dein
hoffnūg. begird. vñnd zuuersicht in das
selb. so wirst du auch da findenn. ruwe
vñnd versicherung deiner guten werck die
nyndert bas bewart sind. denn in dem
hertzen cristi. Fürbas sprich ich. die
oberstat aller seiplichkeit. der oberst sal-
aller würdigkeit. die oberst pfaltz aller
fürstlichkeit. der oberst palast d̄ höchsten
küniglichkeit. der vrsprünglich brunn der
leblichkeit. die raststatt der gottheit. von
der künig dauid geschworen hat. ob ich
in den tabernackel meins haups geen.
wird. ob ich auff mein bettstat steigenn
wird. ob ich meinen augen schlaff. vñnd
ruwe meinen zeiten oder schleffen geben
wird. biß ich got dem herrē ein stat fin-
de ic. Dis spricht dauid in dem amund-
dreyssigsten vñ hūderste psalmē vñ vogt
nach disen wortten hernach. Stree auf
herr in dein rue. du vñnd die arch deiner
heiligtūg. vñ her ab bas. Wan d̄ herr hat
sy im zu einer wonung auffserwelt. das
sol hat er gesprochen. mein rue sein. in
die werlt d̄ werlt. dz ist. in die ewigkeit
d̄ ewigkeit. Nie will ich wonē. wan ich
hab mir sy außerkorn. dz hertz cristi. ist
die reine schöne plume gewesen. die von
d̄ wurtzel yesse. dauids vater. außs dem
inck freiliche zweyg geschlossen ist. auß
der. d̄ sybēfeltig geist als ysaias in de

Von dem hertzen cristi

aulten capitel spricht Druen solt. Dz ist.
 die plum. auff der. die himlisch pyne. die
 süßigkeit zusamen getragen hat. Das
 ist. des ölbaums der barmhertzigkeit
 wurtzel. auff dem. die taub noe. Dz ist.
 der geist gottes. zum erste volkomē rue
 gefunde. den zweyge der gnaden. zu ei
 nem zeichen der verzeihung der sund vñ
 der versünung. gebroche. vnd der cristen
 heit heim gebracht hat. Das hertz cristi
 ist der sessel der ewigen weyßheit. der
 thron der heiligen drualtigkeit. der tē
 pel der göttlichen maiestat. der vrsprung
 alles menschlichen heils vnd warer ses
 ligkeit. Das bewer ich also. Der herr
 spricht. in dem heiligen euangelio. Ma
 thei in dem zwölffte capitel. Ein gutter
 mensch redt außs einem gutten schatz
 gutte ding. Warinn aber der selb gutt
 schatz lige. Spricht sant Lucas in dem
 sechsten capitel. Der gutt mensch redt
 guts vñ dem gutte schatz seins hertze.
 Vnd volgt hernach. Das auch Mathe
 us vñ setzt. Wann auß vberflüßigkeit
 des hertzen redt der mundt. Sihst du.
 das die rede des munds auß dem grūd
 des hertze kumpt. Wan salomō spricht
 aber. Ein begirlicher schatz ruet in dem
 mund des weyßen. das ist der schatz der
 weyßheit. von dem. in dem buch d weyß
 heit in dem sybenden capitel geschri
 ben steet. Die weyßheit ist ein endloser
 schatz. Vnd in dem andern capitel der
 sprich. spricht Salomon. Der herr gibe
 die weyßheit. vñ auß seinem mund köpt
 die klugheit vnd die kunst. In dem vier
 undzweintzigsten capitel Ecclesiastici
 spricht die weyßheit. Ich bin auß dem
 mund des allerhöchsten gegangen. In
 dem vierzehenden capitel der sprich
 spricht Salomon. In dem hertzen des

klugen. ruet die weyßheit. vnd alle unge
 lerten wirt er vnderweyßen vñnd leren.

Von etlichen schönen vnd edeln ei
 genschafften. die der natürlich meister
 setzt von dem hertzen. außs dem mā vil
 freyheit vnd adels des hertzen cristi zie
 hen mag.

Der natürlich meister Aristoteles
 setzt gar schön eigenschafft des
 hertzen. in dem dreyzehenden buch von
 den tiern. von den ich hie nit vil melden
 will die erst eigenschafft. ist. das das
 hertz ennitten in dem leib vnd vornen
 ligt. Die ander eigenschafft ist. das das
 hertz d anfang des lebens ist. Die drit.
 das aller syn oder empfindung vnd alle
 bewegung in dem hertze ist. Das vierd.
 das es das allerbest vnd edelst glid ist.
 vnd darumb soles an der alleredelsten
 vordem vñ obern stat sein. Das fünfft.
 das es das aller nordürfftigst glid ist.
 des man allermest bedarff. vnd darumb
 soles ennittē in dē leib sein. Die sechst
 eigenschafft. das das hertz die wurtzel
 vñ der anfang oder vrsprung aller adern
 ist. Vnd so es besser ist. das ein anfang
 sey. denn vil. so ist es allein der anfang
 oder vrsprung aller adern. vnd darumb
 geen alle adern auß dem hertze vrsprung
 lich. vñnd kein ader geet durch dz hertz.
 als durch andere glider. vnd auch durch
 die lebern. vnd das ist die sybend eigen
 schafft des hertzen. Die acht eigen
 schafft ist. das dz plut in keinem andern
 glid on adern ist. den allein in dem her
 tzen. vñnd das plut. das in den andern
 glidern ist. das ist in den adern. wan dz
 plut laufft in den adern auß dem hertze
 zu den andern glidern. wan dz erst glid.

Von dem hertzen cristi

Das plut hat. oder in dem dz plut ist. ist das hertz. vnd das plut kömpt nit außs andern glidern zu dem hertzen. sunder wider syhs. wann es ist d prum. vrsprüg vnd anfang des plutes. Das die neünd eigenschafft ist. Vnd das selb plut ist die materi des gantzen leibs. in dem dz plut ist. vnd alle glider werde auß dem selben natürlichē plut. das auß dem hertzen laufft. generet. vnd auffenthalten. Auß welcher eigenschafft das volget. dz das hertz die narung reicher vnd gibt allen glidern des gantzen leibs. das die zehend eigenschafft ist. Die ailft eigē schafft ist. dz es ist d anfang der natur des tirs dz plut hat. vnd darüß alle tier er die plut habē die habē auch dz hertz. vñ das hertz scheint zum ersten in d for mierung des leibs. vnd bewegt sich vor allen andern glidern. gleich als ein lebē diges tier. Die zwölft eigenschafft ist. Das es sein krafft außsprait vnd streckt zu allen andern glidern. als die sunn en mitten vnter andern planeten ir krafft gen allen erten außgeußt. vñ darüß ist es enmitten in dem leib oder d prust d tier. Aber in dem mensche ligt es gen der lincken seyten. zetempern die kelter der lincken seyten. die in dem mēschē kelter ist. denn in andern tiern. Die drey zehend eigenschafft ist. Das dz hertz ist der vrsprung vnd anfang der bewegüg zu lustlichen dingen. vnd zu d bewegüg wider die leidlichen mißfallenden vnd schedlichen ding. Die vierzehend eigen schafft. Das das hertz an sich zeucht vñ lasset auß. vnd alle bewegüg ist vñ in. vnd gemeinlich rahn die bewegüg als ler synn von im an. vnd kern widerüß zu im. Vnd es ist des plutes feflein. vñ deßhalben hat es ein einbüge oder ein

höle zehalten dz plut. Die fünffzehend ist. Das die erst krafft in dem hertzen ist. vnd vnter allen ynnern glidern mag al lein das hertz keinen schmerzen leide. Vnd das ist billich. spricht Aristotiles. Wann so der anfang belaidigt od ver derbt wirt. so helffen die andern glider nichtz. Wann andere glider empfahen krafft von dem hertzen. Das die sechzehend eigenschafft ist. Dife eigenschafft alle setzt Aristotiles in dem obgenantē buch. 2c.

Das die heilig geschrift cōcordiert vñ einhellig ist. mit dem natürlichē meister in den eigenschafften des hertzen.

Als aber die heilig geschrift. dē hertzen zu schreib. dz wer gar lāg zeschreibē. darüß las ich es hie anstee wann sie cōcordiert gar ser mit dem natürlichen meister. als das er spricht. dz dz hertz der anfang des lebens sey. deß gleichen spricht salomon in dem buch d spruch in dem vierde capitel. Mein sun behalt mein red in der mitte deines hertzen. wann sy sind das leben. den. die sie finde. vnd die gesuntheit alles fleischs. Mit aller hut bewar dein hertz. wann auß im fleußt das leben. Vnd d herr spricht in dem heiligen euangelio. mat thei in dem fünffzehenden capitel. Die ding. die auß dem mund geend. die kom en auß dem hertze. vñ erzelt da selbst wort. werck vñ gedantē. Die all c als d spricht. d die hößte wesenlich warheit ist d auß dem hertzen komen. Vnd wie er da selbst von den bösen Worten vnd wercken meldet. dz sie auß dem hertzen komen. also gibt er auch zeuersteen. Das die gutten werck. wort. vnd gedanken. auß dem hertzen komē. in dem guts ist.

Von dem hertzen cristi

So er spricht luce in dem achtenden capitel. das in das gutt ertrich geseet ist. Das sind die. die in einem gutten vñ al-
 lerbesten hertzen das wort gottes hō-
 ren vnd behalten. vñ bringen frucht
 in d gedult. welche frucht nach den an-
 dern ewangelisten manigfaltig ist. Das
 ist dreysigfaltig. oder sechzigfaltig. od
 hundertfaltig. mathei in dem vierzeh
 den capitel vnd Marci in dem vierden.
 Sihest du das auch vnser herre ein gut-
 tes hertz einem gutten fruchtpern er-
 trich zugleich. das alles gutt bringt.
 Wann es ist auch der acker. an dem der
 schatz verborben ist. vñ des willen als
 le ding zeuerkauffen sind. das man den
 mūg besitzen. Wie man aber die erde
 oder den acker besitze. meldet salomon
 in dem buch der spruch. in dem fünffze-
 hendē capitel. da er spricht. Wer d straf
 volgt. der ist ein besitzer des hertze. D
 bestetiget vnser herre. so er spricht in
 dem heiligen ewangelio mathei in dem
 fünfften capitel. Selig sind die senfft-
 mütigen. wann sie werden die erden be-
 sitzen. Vnd künig dauid spricht in dem
 sechshunddreysigstē psalmē. Die senft
 mütigen werden die erden erben. vñ in
 der menige oder vile des frids lust ha-
 ben. Bey welchem namen des frids als
 le gütter oder gutte ding begriffen wer-
 den. als die glos vber den vierundzwein-
 tzigsten hundersten vñ sybenundzwein-
 tzigsten hundersten psalmē spricht zc.

Das die wirdigkeit des hertze cristi
 vnaussprechenlich ist.

Du magst du wol mercken. war-
 umber ich oben dem hertzen christi
 sonit zugeschriben hab. vñ mit gleich-

nas genug finden mag. durch die. mā die
 wirdigkeit. die eigenschaft. vñ die amp-
 te des allerweyesten. vñ miltesten her-
 tzen vnser herre auflegē mūg. so gott
 von dem mēschlichen hertzen spricht in
 dem sybenzehenden capitel Jeremie. dz
 es nyemands. dann allein gott dem her-
 ren ergrüntlich vñd erforschlich ist.
 Wer möcht den das hertz cristi in dem
 gutten ergründen. vñd auflernen. Dar-
 umber heysse ich es wol einen bodelosen
 abgrund der weisheit. der süßigkeit. d
 miltigkeit. vñd liebe. nit. das es vor gott
 nit sein mās. vñd zil. vñd ort hab. sunder
 das es von keiner creatur. die vnder ym
 ist. mag begriffen werden. wie vol wū-
 vñd freud vñd wie vol laids es hie in d
 zeit der tödlichkeit cristi gewesen ist. Jē
 das ich das hertz cristi den vrsprung. al-
 les menschlichen heils vñ aller seligkeit.
 vñ die mutter aller gottes kinder geheis-
 sen hab. das magst du auß den obgemel-
 ten eigenschaften. die d natürlich meis-
 ter setzt. wol ziehen. vñd beschließen.
 Dann vnser heil entspringet ye vnsern
 halb auß dem heiligen cristen glauben.
 vñd den cristenlichen sacramentē. Wan
 sant pauls spricht zu den rōmern in dē
 zehēdē capitel. Mit dem hertze glaubt
 man zu der gerechtigkeit. aber mit dem
 mūd beschilt die veriehung zu dem heil.
 Vber dasselb spricht die glos. Der lon
 des glaubens ist das ewig heil. vñd die
 veriehung des glaubens entsteet von d
 wurtzel des hertze. Vñ vber dz dz sant
 pauls darnach spricht. Ein yeglicher. d
 den namen des herren anrufft. der wirt
 behalten c spricht die glos d In d ewi-
 gen seligkeit. Aber. als sant pauls da-
 selbst arguirt das anruffen kompt auß
 dem glauben. der glaub auß dem hōre.

von der nützlichkeit der sacrament

Das hören auß dem predigen. Das predigen auß dem senden vnd empfelhen. wer hat aber die prediger die zwölff boten gesant. anders denn christus. der zu inen sprach. geet hin in die gätze werlt. vnd predigent dz euangelium aller creature. das ist allen menschen. oder allem menschlichen geschlecht. vnd tauffet sy in dem namen des vaters vnd des suns vnd des heiligen geists. vnd wer glaubet vnd getaufft wirt. der wirt selig zc.

Was guttes auß dem glauben vnd dem cristenlichen tauff komet.

Ihst du. das das heil vnd die seligkeit kompt auß den tugenden. vnder den. der glaub die grüntlich vnd die erst ist. vnd auß den sacramenten. vnder den. der tauff die thür. vnd das erst fundament. oder grund ist. extra de co gnatione spiritali per cathecismum. durch welchen tauff der mēsche als auß dem plut cristi von dem heiligen geist. des vaters. vnd des suns geist ist. geporen wirt. zu einem kind gottes. vñ nachuolgend zu einem erben der gnaden vñ glori des reichs der himel vnd der ewigen seligkeit. wann seyen wir kinder. so seyen wir auch erbē. Erbē sind wir gottes des vaters. vnd miterben cristi. also spricht sant pauls zu den rōmern. in dē achten capitel. vñ in dem vierden zu den gallathern. Vnd auß dem selbē. dz der mensch gottes kind wirt durch den glauben vñ den tauff. so gewint er recht zu den andern sacramenten allen. vñ wirt geschickt. ir gnad vnd krafft zeempfahe. als wie er durch den heiligen tauff ein kind gottes. ein glid christi. ein haubtgenos des himlischen vaters. ein mitburger der heiligen. ein mitgenos des engel. vñ ein erb des reichs gottes ist

worden. also wirt er durch die firmung gewidmet zu einem ritter des himlischen künigs. zu einē vorfechter seiner ere. zu einem fürstreytter seiner glaubigen vnd des glaubens. vnd wirt gesterckt ze streyten für die gottlichen warheit vñ gerechtigkeit. dz er darumb vō gott gekrōnet werd. Vnd ob er in dem streit wider die feind seins heils vnd seines herren zu zeiten vnderleg. vñ vñ verwundet wurd. vnd deshalb seinen herren erzürnete. der im solche waffen. in den sacramenten verlihe hatt. das er nymmer wider seinen willen vberwunden wurd. er verachtet den oder verlief. od wirff hin die waffen. die im von seinem herrē verlihen sind. so hat er das sacrament des buß. durch das er allweg die gnad seines herren wider erwerben. vñ wider die wunden der sel. ertzney finde mag zc.

Von manifaltiger frucht des heiligen sacraments des Fronleichnans vnseres herren.

Er hat auch recht zu dem edeln speise des kind gottes. dz ist zu dem heiligen Fronleichnam vnseres herren. dz Brot vō himel herab ist. dz alle wollust vñ alles geschmacks süßigkeit in ime hat. als dz geistlich recht spricht. extra de reliquijs et veneratōne sanctorū. Si dominum in clein. vñ salomō in dem buch d weyßheit in dem. xvj. capi. Durch welche speys er genert. gespeysset. gesterckt. gemeret in dem verdienst. vñ in den tugēde geadelt. auffethaltē. d liebe cristi crimmert. seins leidēs. vñ sterbēs ermanet. dadurch in d liebe entzündt. vñ einbrüstig. gereyniget. vñ vereiniget wirt. gereyniget vō dē vñ tugēde. vereiniget mit gott. wid aufsechtig gewapet vñ bewaret. den böse feind dē erschrockelich. als sat Johās mit dē

von der nutzbarkeit der sacrament

gildin mund spricht. der gantzen cristen
lichen kirchen mer vnd mer eingeleybet
der gutten wercke vnd verdiensten aller
lieben heiligen mer teylhafftig. alle pa-
triarchen. vnd besunder den. von den die
iunckfraw maria einen vrsprung gehabt
hat. vnd vorauf der mutter gottes. mer
vnd wesentlicher zugehörend. Wan wie
kinde es sein. so der mensch durch das
niessen des leibs cristi. in cristum verwa-
ndelt wirt. als cristus sant Augustin ein-
sprach. libro confessionum. Er must mer
vnd mer der iunckfraw vnd gottes mut-
ter marie. der plut vnd fleisch cristus ist.
eingeleybet vnd zugehörend werden. so
er nit allein auf irem plut in dem tauff
gebozen wirt. sunder er wirt auch durch
niessung irs fleischs vnd pluts. wider in
ir plut vnd fleisch verwandelt. allermeist
so cristus sein kostbar plut. vñ sein reins
fleisch. Ja seinen heiligen fronlichnam
von irem plut vrsprünglich. vñnd allein
von ir C so er nach dem fleisch keine ley-
plichen vater het > genommen hat &c.

Von der seligkeit der kinder cristi
merck.

Ald wie mag der mensch nit selig
genent werden. der durch die sa-
crament einen söllichen vatter. vñnd ein
sölliche mutter oberkompt. der himel vñ
erd. vnd alle ding dar inne. eigen sind. &
gewalt aller gewelt & werlt. vñ & hell.
der menschen vnd der engel. gentzliche
nach allem ire willen. vnderworffen. vñ
wölle vnd müssen vntertemig sein. & erb
vñ reichthum so vil einem iede irer kinder
größer vnd völler ist. souil der kind mer
vnd mer sind. wann das erb irer kinder
steet allermeist in der liebe. die man zu
inen hat. vnd in der freud. die man von

inen enpfacht. Darumb wirt diss erb nit
nach den geclagten toten eltern. sunder
mit den seligen lebendige mitfreuende
ewiglebenden. iungbeleybenden. gepes-
tern. vnd nit allein mit inen. sunder auch
in inen besessen. vnd so das in der liebe
vñ freud steet. vñ ein yeglicher erb freud-
et sich. vñ des andern mitreben teil. als
von seinem eigē. wan er hat in also lieb.
als sichselb. so wirt die freud nach der
menige der erben gemanigfeltiget. vnd
darumb wirt eins yeglichen teil souil
größer. als ir mer vnd mer ist. als diss
sant Anshelmus meldet in dem buch
prologion genant. in dem zweyund-
zweintzigsten capitel vnd auch in dem
buch vñ den gleichnussen.

Von der krafft vnd nutzbarkeit der
heiligen ölunge.

In söllichem erbe. das in im das
reich der himel. in dem alles gut.
die höchst ere. alle reichthümer. die gröst
wollust. vñnd ewig seligkeit begriffen
wirt. beschleüßet. wirt der mensch durch
die heiligen ölunge gesalbet. durch wel-
che salbung er zu der ewigen gesuntheit
beraitet. vñnd wider die feind. die in an
dem letzten allermeist anfechten. nach
gleichnus dauids. & nach & salbung den
lewen. den pern. dem risen golie vñ alle
seinen feinden oblag. züberwinden. in
den streyt vñnd zerequiren in küniglich
er würdigkeit nach dem streit. ob er ob-
ligt. gesalbt wirt. Zu disen dreyen ding-
en dient die heilig ölunge. das der mensch
zu vollkommer ewiger gesuntheit. zu ster-
cke. zu vberwindung seiner feind in dem
letzten streit. da es ewige ere od schand
gilt. zerequire mit cristo in dē künigreich
der himel. vñ zu dem vierdē. das sein sel

von der nutzperkeit der sacrament

als ein braut. Die dem himlischen Keyser
zugeführt werden soll. Durch dise salb be
raitet werde. als in dem büchlein hester
in dem andern capitel vō den iuncē frau
en die dem künig assuero zu pett geführt
soltē werden. in bedeutung diser salbung
geschriben steet.

Das die sacramēt der neuē Ee. auß
dem hertzen cristi geflossen sind.

Die sey ein wenig gemeldet von
den fruchten vñ würckungen der
gemaynē sacramēten. die vns geflossen
sind auß der seytte cristi. von seinem her
tzen. Wann sant augustin vber sant Jo
hāns Euangelij in der neunden omeley
des ersten teils spricht also. Adam ent
schlafft. das Eua werd. so adā schlafft.
so wirt Eua von der seytte. so cristus ge
storbe ist. so ist sein seyt mit dem sper ge
stochen worden. das darauff flüssen die
sacrament. Durch die die cristlich kirch
geformirt wurd. Vnd in der sechshund
sechzigstenn omelei des andern teils
spricht er. der ewangelist hat sich eines
wackern worts geprauchet. das er nit ge
sprochen hat. Er hat sein seytten durch
stochen oder verwundt oder etwas an
ders. sunder er hat sie geöffnet. das da
die tür des lebens auffgesperrt wurd.
Dannher die heilige sacrament d̄ heil
igē cristenlichen kirchen geflossen sind.
on die man zu dem waren leben nit ein
geen mag. Dis plut ist zuuergebūg der
sünde vergossen worden. das wasser tē
perit das heilsam tranck. darauff wirt d̄
mensch gewaschen. vnd getrenckt. dz ist
bedeutet worden. da dem noe gebotten
ward. das er an der seytten der arch. ein
tür solt machē. Durch die die tier die nit
in d̄ sintflus verderbe solten. in die arch

gingen. Durch welltichs. die cristenlich
kirch bedeut ist worden. darumb ist die
erst frau von der seytte des schlaffens
den mans geschaffen. vund das leben.
vnd die muter der lebendigen genennt
worden. wann diser ander adam. hat an
dem creütz das haubt geneigt vund ist
entschlaffen. das von dem. das auß der
seytten d̄h̄ entschlaffen geflossen ist.
im ein haupfrawe beschaffen. oder ge
formirt wurd. O tod. vō dem die totte
wider lebendig werden. was ist reiners.
denn dis plut. was ist heilsamers. dann
dise wund. Dis sind sant augustins wort
vber Johannem 2c.

Was man singt vñ liest in dem göt
lichen ampt vnd in der historen vō dem
keyserlichen heyltum. das mā nun zu nū
remberg zaigt vnd behelt. von dem plus
vnd hertzen cristi.

Jerūmb spricht auch der babst
Innocentius. vnser erlöser vñ be
halter ihesus cristus. der an dem creütz
vetzo seinen geist auffgeben hett. lyde.
das sein seyt mit einem sper durchstoch
en ward. auff das. so dauon die gūß des
plutes vnd des wassers flüssen. das da
von. die einig vnd vnbesleckt iuncē frau
die heilig muter die cristlich kirche sein
praut geformirt wurd. O d̄ allerseligis
ten öffnung seiner heilige fronseytten.
von der vns souil. vnd so gros gaben d̄
göttliche miltigkeit geflossen sind. Dan
nen her kompt die war vnser erlöfung.
Dane her die abwaschung vñ d̄ tauff d̄
widgeberig. Danne her habē wir die
sacrament der heilige cristenliche kirch
en empfangē. O der seligē lantzen. die
souil guts gewürckt hatt. Dis sper hat

was guts aus dem hertzen cristi Kompt

uns mit seiner öffnung der fronseyten
Des herren. die allerheiligsten türe des
himlische reiche auffgesperret. So diß
sper den tote verwunt hat. so hat es vnser
wunden geheilet. vnd uns das leben vñ
dß heil wider gegeben. So diß sper den
vnschuldigen durchstoichen hat. so hat
es mit seinem plut vnser schuld abge-
wischt. vnd als es mit den selbē güßen
begossen ist wordenn. so hat es die fin-
sternus vnser plintheit hin genomē. vñ
uns mit den flüssen der göttliche milts
keit vbergossen. Vnd was mag heilsa-
mers sein. dann diße wunden. außs den
vnser heil bekomen ist. vñ in den sich die
andeichtigen selen allweg heilen mügē.
Diß alles spricht babst Innocentius in
der bull gegeben vber den ablas. vñ dß
hochzeit des keyserlichen heiltums. das
nun in der keyserliche stat Nüremberg
behalten vñ ierlich gezaigt wirt. In
welliches heiltums hystorien oft vñ
dick der brust vnd des hertzen cristi ge-
dacht wirt. als außs den. vns alles gutt
entsprungen ist. als in dem ymnus zu d
vesper singt man. Du süßes sper. die
seytt gottes hat dich erfüllet mit plut.
die süßs gelese wirt durch dß hertz got-
tes vmbgewendt in dem fluß. also wer-
dē alle schuldige. durch die sicherng ab
gottes behalten. Vñ aber singet mā in
der selben hystorien. vñ der heilige prust
cristi ist ein prun außgeflossen mit plut.
in ewigs leben. dß vns die grimig glefe
der lantzen geöffnet hat. Vñ aber eins
So sie den tranck des mostes außs las-
sen. so ist von dem keller der heilige fron-
brust. das tranck des lieplichen zuckers
weins außgeflossen. Vnd aber singet
man. dß fehlein des hertzes cristi wirt
durchlöchert oder verwundet. darauß dß

heilsam getranck geschenckt wirdet. so
dß sper in die seyttē cristi getunckt wirt.
so wirt die heilsam tracht gelecket. die
speiß d liebe. Vñ in dem vers singt mā
die figur die in dem buch der künig in
dem vierzehendē capitel steet. Vñ laut
d vers also. Jonathas hat sein gelesen
getunckt in den hönig samen. vñ er ist ge-
sterckt. vñ seine augen sind erleucht wor-
dē. Das hönig in dem wachß ist dß plut
in dem reinen hertze ihesu cristi. darein
hat longinus sein gelesen getunckt. da er
mit dem sper die seyttē cristi öffnet. Vñ
als mā zu nürnberg in der zeigug des
speres verkündet. dß süß hertz cristi be-
rühret vñ verwunt hat. da von er auch ley-
plich. da er blind was Cals mā lisset vñ
geistlich erleucht vñ also gesterckt ward
in der veriehung des cristenlichen glau-
bens. das er darnach vil grosse marter
vberwand durch den namen cristi.

Ein beschluß das all vnser seld auß
dem hertzen cristi entspringt.

Nun gemelt ist. das vnser heil
auß dem glauben cristi. vñ auß
den heiligen sacramenten entspringt. vñ
der war glaub entspringt außs der lere
cristi. die er mündlich geprediget. vñ den
heiligen zwelff botten Cals sy es vñ sei-
nem mund gehöret hettē gebottē hat.
so nun sein ler vñ seine wort auß seinem
hertzen entsprungen sind. als oben ge-
melt ist. Item so wir außs dem plut cri-
sti in dem tauff zu gottes kindern ge-
poren werden. vñ alle sacrament fließ-
sen auß der seyten cristi. wann außs d
seyttē cristi ist geflossen das plut cristi.
vñ alle sacrament haben ir crafft außs
dem plut cristi. vñ das gantz plut cristi
hat seinen vsprung außs dem hertzen

was guts auß dem hertzen cristi kumpt

cristi. So wirt warhafftiglich beschloß
sen. das alles vnser heil vnd alle seld.
kumpt auß dem süßen mynnsamen her
tzen cristi vñ dz ist. dz ich bewerē wolt.
Das aber nyemant selig müge werden.
Den der. d also in cristo durch den tauff
widergeborn wirt. Das Bezeuget d herr
selbs. da er zu Nicodemo sprach. Johā
nis am vierdē. Für war. für war sag ich
dir. Es sey denn. das der mensch wider
umb geporn werde auß dem wasser vñ
dem heiligen geist. so mag er nit in das
reich gottes eingeen. Darumb spricht
auch sant Augustin in seinem hantbuch
in dem neunzehenden capitel. Der heil
lig zwölff birt sant pauls gibt gnug zu
uersteen. das niemant. der von adam ge
porn ist. nit der verdampnus verbundē
sey. vñ niemant wirt vō der verdampnus
erlöset. denn der in cristo widergeporn
ist. Vnd da er da von so vil geredet het.
das es in gnug gedaucht. da priße er dz
groß sacrament oder heimlich zeichern
des heiligen tauffs in dem creütz cristi.
auff die werse. das wir versteen sullen.
dass der tauff in cristo nichtz anders
ist. denn die gleichnus des tods cristi.
Vnd bey dem anfang des selben ca
pitels spricht er. des herren tauff ist nit
allein in dem wasser. als sant Johāsen
tauff was. sunder auch in dem heiligen
geist. das ain iglicher. der in cristum ge
laubt. von dem selbē heilige geist wider
geborn werd. von dem cristus geporn.
der widergeperung nit bedürfft hat. Dz
spricht sant augustin in dem buch enchi
ridion. vnd steen auch in den geistlichen
rechten. de consecratione disti. iij. Non
regenerabuntur. vnd auch in dem selben
buch der geistlichen recht spricht babst
leo. Cristus ist dz end des gesetzs zu ge

rechtigkeit einem iglichen gläubigen.
Aber das sacrament seins heilige tauf
ses. hat er im selbs gestift. wann als er
in allen würdigkeiten den obersten vnd
ersten stand hat. also hat er gelert. dz er
d anfang ist. vnd denn hat er die krafft
der widergeperung bestetiget. da von
seiner seyttē. das plut der erlösung. vnd
das wasser des tauffs geflossen sind.
De consecratione distincti. iij. Si quis.
Werk hie. das der babst spricht. das
den. oder zu der zeit. der herr die macht
vñ die krafft der widergeperung des sa
cramēts des tauffs bestetiget oder be
festiget. das ist. vestiglich gewidemt vñ
aufgesetzt hat. da plut vnd wasser auß
seiner seyttē geflossen sind. das ist zu ei
ner bewerung des. das die sacrament d
neuen Ec. ir krafft von dem plut cristi.
vnd also auß dem hertzen cristi haben.
auß dem das plut cristi einen vrsprung
gehabt hat.

Hie werden mer denn dreyßig gro
ßer vnaussprechenlicher guttat gnadem
frucht vñ nutzherkeiten gemelt. die vns
auß dem süßen hertzen cristi bekomen.
die woll zemercken sind.

Also merck fürbaß in einer sum.
das wir außs dem milten hertze
cristi haben die war vnser erlösung. die
wesch oder das wasser der widergeper
ung. die laugen der abwaschung. den
schweyß der gesundwerdung. die ler
der vnderweysung. die brunnenn der
labung. die flüß der reynigung vnd
lebendig machung. den geist der hei
ligung. die gnad der rechtfertigung.

was guts auß dem hertzen cristi kumpt

vnd tugentlicher würckung. das pfand
der seligwerdung. das opfer d̄ versün-
ung. die krafft d̄ sterckung. die waffen d̄
beschirmung. die speyse der geistlichen
nahrung. das tranck der ergetzung vñ fro-
lockung. das gewand der bedeckung. er-
wärmung. vñ zierung. den balsam d̄ wol-
riechung. d̄z öl der schmachthafftigkeit vñ
heylung. die puttern der faistmachung.
den crisam der firmung. die salb priester-
licher vñ küniglicher weyhung. d̄ schatz
der warē reichthümer. das pand der ver-
einigung. das liecht der erleuchtung. die
hitz der süßen anzündung. das hönig
der süßmachung. den hohen adel in dem
vrsprung. die tracht der lustigung. das
mal der settigung. das zeichen der be-
schützung. das signet oder insigel d̄ be-
stetigung. die bestreichung der abtilgung
der alten verbundung. die karfunckel
vñ feinberlein zu der krönung. allerley
süßer frucht zu einem gegenwurff der
lüstlichen niessung zc.

Das es in der geschriffte einen gründ
hat vñ bewertet wirt. das die yetzgemel-
ten ding von dem hertzen cristi ihesu ko-
men.

Wilt du dise ding bewertet habē. so
merck kurtzlich warumb ich dise
ding dem allermiltigstē hertzen cristi zu-
eigen. Wann von dem hertzen cristi ist
sein plut komē. als oben gemelt wirt. vñ
dem hertzen ist die materi. die substanz.
vñ die auffenthaltung des gätzē leybs.
als der natürlich meister spricht. in dem
dreyzehenden buch von den tiern. von
dem hertzen komen die zeher. die mit vñ
aussern sachen. als von dem rauch der
zwifel. oder dem lufft. oder wind. oder
leidigung der augen. oder des haubts.
von innen oder von aussen. oder der glei-

chen. leyplicher sache. sunder auß liebe
oder layd. außs traurigkeit oder freud
vergossen werden. wann die ding habē
ir heimwesen in dem hertzen. als d̄s
die heilig geschriffte vol ist. Von d̄ lieb
spricht die weyßagin delbora in dem
buch der richter in dem fünfften capitel.
Mein hertz hat die fürsten israhels
lieb. Vñ dem layd spricht dauid in dem
fünfftzigsten psalmen. Das betrübt vñ
gedemütiget hertz. wirst du got nit ver-
achten. Ihesus sirachs sun. spricht in
dem fünffundzweintzigsten capitel sei-
ner weyßheit. Alle plag ist die traurig-
keit des hertzen. Jeremias spricht in d̄
ersten capitel der klag. Vil sind meiner
schüfftzen. vñd mein hertz ist traurig.
Von der freud spricht sant anna des
heiligen samuels mutter in dem andern
capitel des erstē buchs der künig. Mein
hertz hat gefrolocket in dem herren.
Der weys priester ihesus sprichet. Ec-
clesiastici am dreyßigsten capitel. Kein
wollust ist vber die freud des hertzen.
Vñ aber spricht er in dem selbē dreyßi-
gsten capitel. Die rounn des hertzen ist
des menschen leben. vñd ein schatz on-
zerrinnung. Salomon beschleüßet die
widerwertigē bewegung der traurigkeit
vñd der freud. in einem spruch. Da er
spricht in dem buch der spruch. in dem
vierzehenden capitel. Das hertz. das da
erkennt die bitterkeit seiner sele. in sein
freud wirt kein fremder vermengt wer-
dē. Merck dise wort. denn diser spruch
begreift gnugsamlich in ime. was mir
dient zu meiner meinung. Wann zum er-
sten spricht Salomon. Das hertz. d̄z da
erkennt. in dem er zeuersteē gibt. d̄z die
erkentnis vñd die sym in dem hertzen
sind. als d̄ natürlich meister spricht. vñd

was guts auß dem hertzen cristi kumpt

iesus sprach sum. Ecclesiastici am drit-
ten capittel. Das weys vnd verstantlich
hertz enthalt sich von den sunden. vnd in
dem sybentzehenden capittel spricht er.
Gott der herre hatt den menschen das
hertz gegeben zeedencken. vnd hatt ir
hertz mit synne erfüllt. Itz zum andern
spricht Salomon. die bitterkeit. bey der
er zuuersteen gibt. das die bewegung d
traurigkeit des layds. d forcht d schä-
der. rew. vnd der gleichen in dem hertze
sind. von der forcht steet in der achthē-
den vnd hundersten psalmē. Von demē
woortē hat sich mein hertz gefürcht. vñ
dem layde steet auch von got dem her-
ren geschriben in dem sechsten capitel
des ersten buch moysi. wie wol dasselb
ein figurliche rede von gott ist. so ist es
doch ein bewerunge. das es also in den
menschen ist. Also spricht moyses von
der herren. Als er gesehen hatt das vil
bosheit der mensche was auff der er-
den. da hatt in gereuet das er den men-
schen gemacht hett auff erden. vnd für
hütt das zu künfftiger zeit. vnd wart be-
rürt mit layd oder schmerzen des hertzen
von inwendig. vnd sprach. Ich wil der
menschen abtügen von dem anlitze des
ertreichs. Dann mich reuet das ich sy be-
schaffen habe. Vñ der scham ist ein ge-
meins sprichwort. Es solt sich einer in
sein hertz hinein schemen. Vnd künig
dauid spricht in dem achtundsechzig-
sten psalmen. Herr du wayst mein auff-
hebung vnd mein schand. vñ mein scham
Mein hertz hat der verweisung od auff-
hebung vnd der arbeitseligkeit gewart-
tet. also hastu die meinung bewert. Für
das spricht Salomon. in dem spruch sei-
ner sel. das hertz. spricht er. das die bit-
terkeit seiner sel erkennt. da bey gibt er

zeerkennen. das die sel allermeist in der
hertze ist. denn wie wol sy gantz in alle
gliedern. vnd in dem gantzen leib ist. we-
senlich zurede. so ist sy doch fürderlich
in dem hertzen nach der edelsten übung
en des lebens vnd der bewegung. als
oben gemelt ist. vnd sant Jeronimus
spricht über mathen. das fürderlichst
d sele. ist mit als plato spricht in der hirn.
sund als cristus meldet. in dem hertze.
das aber Salomon fürbas spricht. in
sein freud. das ist. in die freud des her-
zen. wirt kein fremder vermischet. dar-
inne gibt er zuuersteen. das die lustliche
bewegung. oder begird. als die lieb. die
freud. die hoffnung. das wolgeualten
vnd d gleichen. ir stat in dem hertze ha-
ben. Salomon spricht in dem letzten ca-
pitel d spruch vñ d weysen frauē. In sie
hoffnet das hertz ires mans. vnd in der
auffsien vnd hundersten psalmen. steet
also geschriben. Das hertz des gerechte
ist bereit zu hoffē in der herre. sein hertz
ist bestetigt. es wirt nit bewegt werden

¶ Nun sihe ob nit die heilig geschriffte
bewere dz. das aristotiles spricht in der
dreyzehenden buch d tier. das das hertz
der vrsprung vnd der anfang ist der be-
wegunge zu lustlichen dingen. vnd d be-
wegunge wider die laidliche missfallen-
den vnd schedlichen ding. des selbē glei-
che. das er spricht. das das hertz die na-
rung vnd materi der auffenthaltung des
gantze leibs gibt. das wirt auch durch
den spruch salomonis bestetiget. so er
spricht in dem vrsiehenden capittel der
spruch. die gesuntheit des hertzens ist
das leben des fleischs etc.

Von der krafft der zeher vnd irem
vrsprung
¶ Als ich nun auff die fürderlichen

was guts auß dem hertzen cristi kumpt

meinung kome. was wir guter von dem
 mulen hertzen cristi habe. so hab ich ge
 sprochen. das die zehere die von innerli
 cher liebe. oder freud oder traurigkeit
 vergossen werden von dem hertzen ko
 men. Dann sant augustin spricht in ei
 ner predig von sant maria magdalena.
 Sy hat vorhin die zehere des hertze ver
 gossen. Warüß heisset er es zehere des
 hertzen anders. Dann dz sy von dem her
 tzen komen. Wann sy kame auß d liebe
 des hertzen von der vnser herre selbs
 zeugnus gab. da er von ir sprach Luce
 in dem sybenden capitel. Ir werden vil
 sind verzigen. wann sy hat vil lieb ge
 habt. Sy kamen auß grossen layde des
 hertze. welliches laid auß grosser liebe
 entspräge. Wan ye grösser lieb ye gröf
 ser laid. Von irem laid spricht gregori
 us in der omeley. Lerne in was laid die
 prinne. die sich auch vnder dem wolke
 oder essen nit schemet zeweinem. Dar
 durch willich bewern das die liechten
 zehere die vnser herre für vns vergossen
 hat auß seinem allermildesten hertze. ko
 men sind. Sind nun die zehere der arme
 menschen. der büßer. der andechtigē. so
 krefftig. so angemen vnd so werde vor
 gott. wie krefftig vñ werde mügen den
 die zehere cristi vor dem angesicht seines
 himlischen vatters gewesen sein. Von
 der krafft d zehere. sol sant Jeronimus
 sprechen in einer epistel. O demütiger
 zehere. dein ist gewalt. dein ist das reich.
 Du scheühst dich nit vor dem stul des
 richters. deinen anlagern legst du das
 schweigē auff. vnd geschweigest sy. Es
 ist niemant der dir weere zu gott zetret
 ten. Geest du allein ein. so geest nit ler
 auß. Du peinigest den teufel mer denn
 die hellisch peim C Was mer d du vber

windest den vnüberwintlichen. Du bin
 dest den almechtige. Du neigst der unck
 frawe sin. Ire sant bernhart. die zehere
 d büßer sind d engel wcin. wan in inen
 ist d geruch des lebēs. d schmack d gna
 dē. dz kostē d verzehung. die gesuntheit
 d widerkerēde vnschuld. die wannsam
 keit der versünung. vnd der lautern ges
 wissen süßigkeit.

Von den zehern cristi

Auß disen wortte merck. wz du
 von den zehern cristi sollest hal
 te. der einer C angesehen die würdigkeit
 der göttlichen person cristi. vñ höhe der
 sachen auß den sy vergossen sind wort
 dē d grösser ist zeachte vñ würdiger ze
 wegen. den aller heiligen zehere.

Von dem schwaß vnser herre an
 dem ölberg vergossen.

Item wir habē noch mer vō dem
 baum des lebēs fließen. das nit
 leichtgültig vor got dem vater ist gewe
 sen. dz ist. d kostbar schwaß vnser her
 ren. dē er an dem ölberg vergossen hat.
 dz d selb vō dem hertze cristi entsprün
 gen sey. dz bezeugt die farb des pluts.
 vñ die angst. in d die selbē zeyt dz hertz
 cristi wz. Wan sorg. forcht vñ angst ha
 bē ir heimwesen in dem hertze. Sprach
 nit d künig athiochus. i. machabeorū. vj.
 Ich bin erschlagē vñ ernyd gefallen in
 meinem hertze vor sorgē. vñ ich hab ge
 sprachē in meinē hertze. In wie grosse
 trübsal bin ich komē. vñ in welliche stur
 d traurigkeit. in d ich nun bin. d ich wñ
 sam wz in meinem gewalt. vñ künig da
 uid in dē. xxx. psalmē. Mein schmertz ist
 erneuert. mein hertz ist erhitziger. od
 erwarmet in mir. vnd in meiner betrach
 tung faht dz feur an zepynne. vñ kurtz
 lich zereden. angst kompt außs grosser

was guts auß dem hertzen cristi kumpt

Forcht vnd auß großem schmerzen. die ir stat in dem hertze habē. als die sel. in der sy sind. fürderlich in dem hertze ist.

Das das hertz in der geschriff oft für die sel od ir krefft genommen wirt.

Darumb dz hertz. die sel. d geist. vñ dz gemüt. wirt als für eis genömē. vñ die sel vñ d geist ist i dē mēschē wesenlich zeredē. ein dig. Aber dz hertz ist ein leiplich glid. Doch wirt es gewölich für die sel vñ ir krefft i d heilige geschriff. genommen. Das bewer ich durch das. dz für dz wir in dem. xx. psalmen lesen. die begird seins hertzen hast du im gebē. singt mā gewölich die begird seiner sel in dem göttlichen ampt. Auch spricht sant ysidorus in dem buch von d zal. da er das wort künig dauids auflegt in dē. xxij. psalmē. Gott d herr hat sūnderlich. vnderscheideliche d mēschē hertze beschaffen. od gemacht vñ gefor miert. da spricht ysidorus ir hertze. das ist ir sel. Si bist du nun clerliche. dae bey dē hertze die sel verständen wirt. Vñ ob zu zeitten dise namen gegeneinander als vnderscheidlich gesetzt werden. so bedēuten sy doch in dem grund. wesenlich ein ding. dz ist die sel. aber die selbē nach mengerlei krefftē. die gegeneinā der vnderscheidlich genumen werdē. wie wol sy in einer sel gegrūdet sind. Als da in dē. vj. capitel des fünffte buchs moy si. vñ in dem ewangelio mathei am. xxiij. marci am. xij. vñ Luce am. x. capitel gescriben steet. du wirst gott deinen herten lieb habē. auß gantzem deinem hertzen. auß gantzer deiner sel. auß gantzē deinem gemüte. Das durch die glos mathei am. xxiij. vñ von dem meister von den hohen oder göttlichen synnen. In dem vierden capitel des dritten buch.

also wirt außgelegt. Auß gantzem hertzen. das ist. auß gantzer verstentnus. dz kein irrsal in der veriehung der gottheit vñ in dem heiligen cristenlichen glaube in dir sey. Auß gantzer sel. das ist. außs gatzem willen. das kein widerspruch in der gehorsamkeit göttlicher gebotte in dir beleib. Auß gantzem gemüt. das ist. in stetter gedechtnus. das du gottes vñ seiner gebott nit vergessest. Nie merck. wie bey dē hertze die verstentnus. bey d sel der will. bey dem gemüt die gedechtnus verstanden wirt. als die meinung d außlegung ist. Vñnd dise drey. als die verstentnus. der will. vñnd die gedechtnus. sind ein sel. ein leben. ein gemüte. ein substantz. ein wesen. als sant Augustinus spricht. in dem aultē capitel. des zehenden buchs von der heiligen drifeltigkeit. Vñnd in der achtzehenden omelley. des ersten teiles vber Johannem. spricht er. Er wider zūm hertze. da selbst sihe was du halten süllest von deynem gott. wann das ist sein bilde. In dem ynnern menschen wonet cristus. in dem ynnern menschen wirst du erneret zu dē bild gottes. in seinem bilde erken deine schöpffer. Sihe wie alle syñ dem hertze ynnē verkūde. woz sy vō aussen enpfinde Sihe wie vil diener ein ynnere kaiser hab vñ woz er bey im selbs on dise diener tu. Vñnd herab baf spricht er. Dein hertz siht vñ hōrt vñ vrtelt. vñ entscheidet alle andere synnliche ding. Vñnd hin auff baf spricht er. Die buchstaben werden zum ersten von vnserm hertze. Darnach von vnserm leib. die hand dienet dem gebietenden hertzen. die selben buchstaben macht das hertz vñ die hand. aber nit in gleicher weys. wann vnser hertz macht sy verstetlich. aber die hād macht

NB Math

was guts auß dem hertzen cristi kumpt

sy sichtberlich. Dñ spricht sant Augustinus.

Das der schwayß vnser herre auß bewegung des hertzen ist entsprungen.

Die lange bewerung hat ein vrsach. von dem. das ich beweysen wolt. dz der schwayße. der auß dem leib vnser herre an dem ölberg miltigdich geflossen ist. eine vrsprung vō dem hertzen cristi gehabt hat. Wann er ist entsprungen auß der angst seins hertze. vñ dise angst ist entsprungen auß grosser liebe vnser heils. vñ auß grosser engstlicher forcht des vnmenschliche grossen leydens. vñ des herte tods. die dem herren vor den augē seins zartē hertze waren. Welche grosse forcht der herre nit auß anfechtung d̄ kleinmütigkeit. sonder auß guädereicher barmhertzigkeit. auß erwelung des freyen willens williglich zugelassen. vñ an sich genomēhet. dz er dadurch verdiente. dz er vns auß nōtte vñ angste. erlösen möcht. weñ wir in anrufften. Vñ forcht vñ liebe habē stat in dem hertzen. Darüß was auß liebe vñ andern bewegūgen des hertzen kompt. dz hat einen vrsprung auß dem hertzen. Darüß ist dz war. dz d̄ natürlich meister spricht. dz alle bewegūg in dem hertzen ist. Wann dz hertz gebeüt den füßen. vñ sy bewegē sich zeeen. Es gebeüt dē müd. er wirt bewegt zereden. Es gebeüt dē hendē zearbeytē vñ sy bewegen sich oder werden vō im bewegt zu d̄ arbeyt. Vñ so dz hertz. oð dz gemüte. gebeüt d̄ hand. dz sy bewegt werd. so ist sölliche schnelligkeit d̄ gehorsamkeit da. dz mā kaum einen vñdscheid zwischen dem gebiet. vñ dem dienst haben mag. als sant augustin schreibt in dem. viij. buch confessionū. Vñ spricht auch daselbst. dz

gemüt gebeüt dē leib. vñ er ist als bald gehorsam. das er aber darauff als bald spricht. das gemüt gebeüt im selbs. vñ im wirt widerstādē. als ob er wolte sprechen. alle gelider sind dem hertzen oder dē gemüt C dz für eins genomē wirt d̄ gehorsam. aber es ist im selber nit gehorsam. wan es will zu zeitten. vñ tut doch nit. dz es will. dz hat kein statt in cristo. sund als sant augustin da selbst spricht. es ist ein pein d̄ sünd. vñ ein franckheit des gemüts. dz nit gētzlich vñ vollkomēlich will. dz es soll wöllen. Vñ dz ist nit in cristo gewesen. in söllicher weyse. als es in vns ist. Aber so nun gnugsamlich bewertet ist. dz d̄ schwayß cristi vō seine hertze eine vrsprung gehabt hatt. wie woll ich dz auch durch den natürlichen meister bewerē möcht. in dē obgemelte buch. vō dē tiern. d̄ offenberlichen setzt dz etlich mensche. plut schwitzē. wō dz das beda spricht. dz es wider die natur sey. das man plut schwitz. Aber d̄ natürlich meister setzt. dz das beschicht auß vñ geschicklichkeit d̄ complexion. vñ art des menschen vñ auß plödigkeit des flüssigen leibs. vñ auß dem. das dz plut flüssig vñ wasserig ist. in kleinen adern. Aber in cristo hat es ander sach gehabt. als obē gemelt ist. Ich laß ander disputiern ansteen. vñ mich benügen. dz mā plut mag schwitzen. als d̄ natürlich meister setzt. vñ so es plut ist. kompt es auch materlich von dem hertzen. als oben bewertet ist. Item so d̄ plutig schwayß cristi auß angste komē. vñ die angst in dē hertzen vñ geistlich ist. nach d̄ form zeredē. vñ allermeist in cristo. der vil geistlicher gegnewurff seiner angst het. als die leserer setzē. so sprich ich. dz d̄ schwayß cristi. auch geistlich zeredē. einen vrsprung

was guts auß dem hertzen cristi kumpt

auß dem hertze cristi het. Den vber dz.
Das in de achtundhüderste psalmen ge
schriben steet. in der person cristi. erlöse
mich. wan ich bin dürfftig vnd arm vnd
mein hertz ist innerhalb mir betrübt.
spricht die glose. mein hertz oder sel ist
traurig. In de. lx. psalmē spricht dauid.
Da mein hertz geengstet ward. Da hast
du mich erhöht in dem felsen. Wie hast
du on alle mittel. dz die angst in de her
tzen ist. dz ich auch obē durch mittel be
weren wolt. Wen mir fiel nit ein. dz als
so offenbarlich vō der angst des hertze
en stünde. mir fiel woll ein. Das die ge
schrift vil setzt vō d angst d sel. vñ des
geists. vñ darū hab ich wolle beweren.
Das das hertz vñ die sel vnd dz gemüte
vñ der geist offit in d geschrift fur eins
genomē würdē. vnd darū was von di
ser ainem gesprochen wirt. Das mag mā
auch von den andern versteen.

Das wir den heiligen geist von dem
hertzen cristi haben.

Der nun fürbas zegeen. dz ich
geschweig d innern ding. die wir
von de hertze cristi habē. so sprich ich. dz
wir vō dem hertzen cristi ein gab habē.
in d. alle gab vñ güter beschlossē sind.
dz ist. der. der die wesenlich gab gottes
der heilig geist ist. Das wir den selben
vō de hertze cristi habē. Das bewere ich
also. Die heilig kirch singt in de sequētz
an dem oberste. vō de heilige geist. Das
er sich allweg mit der wonung der brust
cristi benūge lasse. Da bey man verstee
sol. dz die fürderlichst vnd allereignest
stat des heilige geists. dz hertz cristi ist.
Wan da wonet er nit allein durch die
gnad vñ durch die würckung d erleuch
tūg. der offenbarūg. der rechtfertigūg.
der sterckung. der heiligūg. der entzun

dūg. oder entflēnung. vnd der gleichen.
oder auch auff ein zeit. als in adern mes
sche. fund wesenlich. bleiblich. gētzlich.
vñ mit nach teilen seiner würckung fund
nach aller vñg d werck vñ tugendē. die
kein vnvolkomeheit in men beschlossen
habē. vnd ewiglich. Das ist. als bald dñ
hertz formirt ist worden C dz mit durch
weil der zeit fund gehling. durch sunder
würckūg d gnad des heiligen geists ge
formiert vñ als bald miteynem. mit der
vernünfftigē sele vnd mit d person des
wortes vereiniget ist wordē. Da hat d
heilig geist dz besessen. erfüllt vñ mit al
ler gnad begabet. vñ im zu einer ewigē
wonūg erwelet. vñ zugeeignet. Vñ das
bezeuget sant Johānes d tauffer. da er
sprach. dz d. d i gesent het zutaffen in
de wasser. hette zu im gesprochē. Ober
wen du wirst schē den heilige geist ko
mē. vñ ob im beleibē. d ist d. d in de heili
gen geist taufft. Vnd ich hab C sprach
sant Johānes C geschē. Das der heilig
geist als ein taub ober in komē ist. vñ ist
auff im belibē. vnd hab zeucknus gege
bē. dz diser gottes sun ist. Merck. dz
gott d vater zu sant iohāsen gesprochen
het. auff wem er den heilige geist würd
schē beleibē. d wer der. d in dem heilige
geist tauffte. gleich als ob er sprechen
wolte. Der. in de d heilig geist fürdlich
gētzlich. keleyblich. wesenlich. ewiglich
vñ vnwāderberlich beleibt. der ist d. der
durch die sacramēt den heilige geist an
dern menschē gibt nach teil vñ maß der
gnadē zeuerdienē für sich. vñ zudienen
vñ nütz zesein. adern meschē. Sāt augu
stin in dem buch vō d heilige iuckfraw
schafft spricht. Ein demütigs hertz. ist
des heilige geists statt. dz er da rñe. vñ
erfülle. vnd nit vō dānen springe. Das

was guts aus dem hertzen cristi kumpt

soll er sprechen in dem einundvierzigsten capitel. Aber in dem dreyundfünffzigsten spricht er. Die lieb ist ein hüter der iüncfrawschafft. Aber die stat diß hütters ist die demütigkeit. Wan da wnet der. d. da gesproche hat. dz sein geist soll ruen auff dem demütigen vñ stillen oder gerüige. Ist nun das demütig still hertz. die stat vñ eigen wonung des heiligen geists. wa hat er den sein rechte bey leybenliche wonung gehabt. anders den in dem hertze cristi. der warhafftiglich spricht mathei an dē. xj. capitel. Lernet von mir. wan ich bin senftmütig. vñ demütig des hertzen. Vnd wol spricht er. lernet vō mir. wan als aber sant augustin in dē egemelten buch spricht am. xv. capitel. Es ist so ein grof ding. klein vñ demütig zesein. das es nicht möcht woll gelernet werden. den von dem. der klein ist wordē. da er on maß grof was. Vñ aber eins spricht d. selb sant augustin in der erste omley des andern teyls vber Johannē. So grof ist die nutzbarkeit der menschlichen demütigkeit. dz auch die götlich höhe. die mit irem ebenbild wolt preysen vñ löblich erzeigē. Wan d. hohfertig mensch müst ewiglich verloren sein. Es wer den dz in der demütig gott wider fünde. wann des menschen lüne ist komē zefuchen vñ zebehalte das verloren was. Nun was der mensch verloren worden. durch das. dz er nachgefolgt hett der hochfart des verführers. Darumb so sol er nun als ein gefundner nachfolgen der demütigkeit des erlösers. Das spricht sant augustin.

Wie das. das der herre mit seinem vberblasen seinen iüngern den heiligen geist hat gegeben. ein bedeutung gewes

sen ist. das d. heilig geist vō seinem hertzen aufgeet. zu den. die er heilige will. **I**n Ich bedüct das gnuß bey dē bedüctet sey worden. das d. heilig geist von dem hertzen cristi kom. dz der herr dē heilige geist mit seine atem gegebē hat. als sant Johans in dē. xx. capitel schreibt. da der herr vnder sein iüngern bliese. vnd sprach. nempt hin den heilige geist. wem ir die sünd verzeihen werdt. dē werde sie verzeigē sein. Wan der atem geet ye von dem hertze. Doch soll man das mit gantz also verstecken. dz es da zermal also mit cristo sey gewesen. der desmals in dē stand der vntödtlich leit der vrsende gewesen ist. das er des luffts bedürfft hab zu erquickung seins herzen. auß vñ ein zegeen. als es not ist in dem tierlichen leben. Dann wie woll warlich ein yeglicher in seinem leib wesentlich mit volkomenheit aller gelider d. gentze halb wirt ersteē. so steē mir doch mit auff zu einem tierlichen leben. Das wir der elementē. oder leiplichen speyse. oß des schlaffs oß der gleichen bedürffen. als in disem tödtlichen leben. Wann sant pauls spricht i d. erste epistel zu dē zu Chozithio an dē. xv. capitel. Es wirt ein tierlicher leib geseet. vñ steet ei geistlicher leib auff. Aber wie der herr nach seiner vrsede aße. mit auß dürfftigkeit. sünd auß gewalt. zebeweren die vrsende. vñnd zubezümmen etlicher grosser ding. Also mag mā es auch verstecken. mit seinen atemen vnd blasen. dz er vber die iüngern geblasen hab. zu einem zeichē. wie in dem blasen der atem von dē hertzen geet. also kome d. heilig geist außs dē hertzen cristi. Wann der selbig wirt den geläubigen auß der liebe vñ miltigkeit. die in seinem hertzen sind. gegeben.

was guts auß dem hertzen cristi kumpt

vñ d̄ heilig geist wonet eigentlicher. vñ
wesenlicher in einer höhern weyse in d̄
hertzen cristi. denn in himel vñ erdē. vñ d̄
einicherley äderer statt. die in ynen sind
wie woll er dānoch himel vñ erd erfüllt.
regiert. auffenthelt. vñ ordenet. doch so
teilet er allen heilige sein gnad nach der
masse der außgebūg cristi. als sant pau
lus spricht zu den zu Epheso. in d̄. iij.
capitel. vñ in sant Johāns ewangelio in
dem erstē capitel. spricht sant Johānes
von d̄ vōlle d̄ gnad des heilige geists c
d̄ in cristo on maß ist. Johāns am. iij. d̄
haben wir alle genomē gnad vmb gnad
Sant iohānes redt da. in der person al
ler heiligen. so er spricht. von seiner vōlle
le haben wir alle enpfangē. oder geno
men. also das wir alle ding von d̄ her
tzen cristi enpfahen. Wann was wir ha
ben das haben wir vō der hand des her
ren. König dauid spricht in d̄ letzte ca
pitel des ersten buchs der tag. Geseg
net vñ gebenedeit bist du herre gott vō
ewigkeit zu ewigkeit. Dein ist herre die
großtetigkeit vñ die macht. Dein ist die
ere. die vberwindūg. vñ das lob. Wann
alle ding in himel vñnd erde sind dein.
Dein ist das reich. dein sind die reichthū
mer. du herrschest vber alle ding In de
iner hand ist die krafft vñ der gewalt. in
deiner hand ist die grōße vñnd das key
serthūb aller fūste. Alle ding sind dein.
vñ die ding. die wir von deiner hand em
pfangen haben. geben wir dir. herre
gott alle dise reichlichkeit. die wir be
reit haben. ist von deiner hande. vñnd alle
ding sind dein. Vñnd in dem vierund
uertzigsten vñnd hundersten psalmen
spricht er. du thust auff dein hand. vñnd
erfüllest alle tier mit dem segē. Vñnd
in d̄ dreyundhūnderten psalmē spricht

er. Alle tier warten von dir. das du ynen
die speiß gebest in d̄ zeit. vñ weñ du yne
die gibst. so nemē sy die. so du dein hand
auff tust. so werdē sy alle mit gutheit er
füllet. Dis alles spricht dauid. Lasse
nun sein. d̄ bey d̄ hād gottes. cristus ver
stādē werde. als mā oft in d̄ heilige ge
schrift versteet. so hast du. d̄ alles gut
vñ alle gabē gottes vō cristo komē. Vñ
gott d̄ vater gibt alle ding durch cristū.
Versteet mā aber bey d̄ hād. die tugent
d̄ miltigkeit. so ein miltigkeit des vaters
vñ des suns ist. wñ d̄ vater gibt. das
gibt auch d̄ sun. vñ was d̄ sun gibt. das
gibt er auß dem hertze. wann er gibt das
auß willen. wann er geb es nit. er wolte
es d̄n gebē. Dāñ als sāt augustin vber
Johannem spricht. als oben gemelt ist.
Die hād dienet dem gebiet des hertze.
Darūmb was wir nun von der hād got
tes haben. das haben wir von dem her
tzen cristi. der da spricht mathei an dem
xj. capitel. Alle ding sind mir vō meinem
vater gegebenē wordē. Vñ Johānis in
dem. x. vñ yemant wirt mein schaff von
meiner hand zucken. Da gibt er zeier
steen. das niemant von im etwas wider
seine willen nemē mag. vñnd d̄ sein will.
vñnd der will seins vaters. ein will ist. so
auch das wesen eins ist. als er darnach
meldet. so er als bald spricht. das mir
mein vater gegebenē hat. das ist das grōß
ser ding. vñnd nyemant mag es zucken
von der hand meins vaters. Ich vñ der
vater sind eins. Auch spricht er in d̄ sel
ben sant Johāsen ewāgelio in d̄ sechze
hēdē capitel. Alle ding. die d̄ vater hat.
sind mein. Darūb hab ich gesprorhē d̄
d̄ heilig geist. vō d̄ meinen nemē. vñ d̄
euch verkündē wirt. Sihest du nun was
wirt vō dem heilige geist empfangen vñ

was guts aus dem hertzen cristi Kūpt

haben. Das haben wir von dem hertzen cristi. von dem wir den heiligen geist. vñ alle sein genad haben. als alle lebliche geist in dē leib. von dem hertze fließen.

Beschließung des ersten artickels des. xxi. gegenwurffs.

In zebeschließen disen gegenwürffe. so merck fleissiglich vnd behalte. dz mit danckbarkeit andechtiglich. dz alles dz wir habē vō der ler cristi. vō seinem lebē. vō seinen guttatē. vō seinem heiligē plūt. vō seinē heiligē frōlichnam. vō den heiligē sacramentē. von der genad des heiligē geists. auch alles dz. dz wir nach den warē tugēdē zerechen. gut. gerecht. vñ gott angemen sind. dz den allē ein seligs sein. vñ wesen ist. alles dz wir habē vñ guttes vermügen. was vnser herze ihesus cristus mit seinē gedācken. verdient. vnd mit seinen feuri gen begirdē. mit seinen seüftzen. mit seinen zehern. vermeint. vnd mit seinem gebett. mit seinem wachē. mit seinen wortē. mit seinem fasten. mit seiner müe vñ arbeit. mit seiner armut vnd hertigkeit. mit seinen milten wercken vñ dienstbarkeit. Ja woz er vns allermēst in seinē ley den vñ plūtuer gießen. mit seinē gedultigen sterben. mit tieffer demütigkeit. vñ hoher gehorsamkeit. auß endloser liebe erworbe hat. Das alles kūpt vñ entspringet vns auß seinem allermildesten vnd süßesten hertzen.

Der ander artickel des. xxi. gegenwurffs.

Al ein solliches milts süßes hertz. ist an dem notthal des heilige creützes. also iemerlichen vō ynnē vñ vō außē. geistlichē. vñ leiplichē. empfindlichs schmerzēns vnd hertzlichs vñ verstentlichs laids halb. bis er erstor

ben ist. gcengstet worden. wie wol es d brunn alles lebens der gnaden. besund in der neuen ee. vnd der vrsprung d süßigkeit des lebens der ewigen seligkeit. den. in d altē ee. vñ dē in d neuen ee. nun ist. vnd sein wirt. für an. vnd ymmer ewiglich. Nun merck was reichē schatzbehalters. vnd was würdigen vnd sichern gnadenschrein es nun gegenwertiglich in dem sacrament. vnd in vergangen zeiten auch in der zeit seiner tödlichkeit gewesen sey. Da wir auch mercken sollen. Das diser neunundneuntzigst gegēwurff auch gezwiseltiget ist. Zum erstē ist zu mercken. vnd mit andacht zebetrachten. wie würdig das hertz cristi sey. Deshalben. Das es in einer sundern vber treffentlichen hohen weyse ein tron der heiligen dryfeltigkeit. vnd ein raststatt der gottheit ist. Vnd so die gantz menschheit cristi. vnd auch der leib. ein sunder tempel der göttlichen maiestat ist. so selte man dem hertzen noch höhers vñ ynners. zuschreibē. Denn sunst dem leyb. dan dz hertz ist dz fürdlichst an dē leib. Darumb ist der leib cristi ein wesentlicher tempel der gottheit. so ist die prust cristi das heiligist teil der heiligē stat. aber das hertz cristi ist die arch vnd der gnadenschrein. der in dem heiligen der heiligen. dar inne der gülden aymer des himelbrots was. wellicher gülden aymer in sunderheit die sel cristi bedēut. in der die gottheit. auch nach verstentlicher weyse. als erkent ist. Die doch in d gätzē menschheit ist nach wesentlicher vereinygung. mit der göttlichen person. Vñ also mag man würdiger gleychnus nit genug haben. zebegreifen. die höhe der würdigkeit des hertzens. Das auch ber dem gülden aymerlein bedētet mag

Von dem laid des hertzen cristi

werde. wie woll ich dz vmb vndſcheids
willen der edeln gnadereichen sel cristi
zugeigent hab. Also gedenc. dz höhst
das du finden magst vnder allen leiplich
chen dingen. so findest du nichtz gleich
würdigs gegen dem selben hertzen ze
gleichem. auch nach dem als es ein leyp
lich glid ist. gedenc das höhst das du
auch vnder allen geschöpftē geisten er
decken magst. so magst du nichtz gleich
würdigs finden. nach dem als es geist
lich für die sel genomē wirt. Dan ob es
auch vnder d engelischen natur. d natur
halben. ist. so ist es doch weitt vber alle
creatur der gnad vnd der glozi. vnd vor
aus der ainigung halb mit der göttlich
en person in irer einigkeit. Darnach
gedenc den vñ betracht. wie es gleich
ist ein bodeloser wag vnd abgrund aller
liebe d begirten. d freuden. vnd d ding
die auß inen entspringē. hoffen. belan
gen. fürchten. schemen. trauren. wolge
fallen. mißfallen. mitleyde. woll zürnen.
frolocken. verdriess empfindē. hertzlich
leid vñ hertzlich lust. vñ freud habē. vñ
syñlich. vñ in dē gemüte. doch nach ver
nunfft vñ gebiet des freyen willen. d in
aller tugēt. durch die vngemessen gnad
des heilige geistes. vñ durch die gnad d
vereinigung bestetiget was. vnd ward
vō gott bewegt vñ geregirt. i des liecht
die sel cristi clerlich sahe wider was sy
zürnen. wes sy sich betrüben. vñ wes sy
sich freuen solt. Vñ wie sy sahe. dz dise
begirde zeprauchē werē. also geprauchet
sie die nach dem willē gottes. Vñ so dz
gantz törtlich lebē geordnet w3 zu einer
gnugthuung für aller mensche sünd. wel
hes gnugthun. durch layd vñnd andere
werck des bußwertigē lebēs volbracht
wirt. so wirt darauß beschloffen. das d

herre sein syñlich freude. vñ wollust gar
fast gesparet. vñ sich zu widwertigē din
gen. als zu laide vñ dē gleichē gegebē
hab. Dan er het söllich groz gegewürf
des laids. dz es adern hertze vnbegreif
lich ist. Dan so dē mēschē oft sein aigē
ainigslaid vntreglich vñ vnbegreiflich
scheindt. wie möchte er denn die layd al
ler mēschē. die ye gewesen sind. od ym
mer werde. begreiffē. die dz hertz cristi
alle gewisset. vnd mit allē irē vmbstede.
vñ sache d sache. mit irē nachuolgēden
würckungē erkēt. vñ schwerer. den die. die
söllichs selbs leidē. getragē hat. Vñ
so dz hertz cristi dēhalbē als ein bodē
loß mecr ist gewesē. dz die bitterkeit al
ler wasser Cnach etlicher weis zeredē
an sich zeüht. vñ so es vil süßer fließen
der wasser i sich nimpt. vñ vil süßer auß
geüßet od flöset. so behelt es doch im
die bitterkeit. also sind vil süßigkeit der
sündē des mēschlichen geschlechts. in dz
süß hertz cristi gestossen. aber es hat süß
igkeit des gnugtus vñ vergebung d sünd
vñ erwerbūg d gnade. vñ d seligkeit. dar
wid außgegossen. vnd hat im die bitter
keit d pein vñ des laids. vnd d buß. für
vnser sünd behaltē. vñ ist vō d süßigkeit d
sünd verbittert wordē. Dan souil als vns
die sünd süßer vñ lüstlicher. vñ d herre ge
gen vns in der lieb süßer ist. souil ist im
die sünd bitterer vñ laider gewesen. also
hatt vnser böser wollust das hertz cristi
mit grosser bitterkeit. erfüllt. So nun
der herr die selē d mēschen lieb gehabt
hat. als sein schwestern. ia als seine ain
ge kind. ia als sei gesposen. vmb die er so
lāg gearbaitet. vñ gediēt. vñ vmb d wil
lē er so vil erlittē hat. vñ wolt noch größ
ers leyde. als für seine aigne gelid. der
haupt er was. d leidē im mer zu hertzen

Von der würdigkeit der person cristi

gieng. denn sein eigens leiden. so magst du nun woll besynnenn. das er manger ley sach hertzlichs mitleidens vñ laids gehabt hat. Wan er het vil gegenwürff der liebe. die er doch nit in vns gefunden het. sunder in vns gnediglich machet. Darumb so der menschlichen selen so vnzellichen vil ist. vnd irer geprechē. sünden. irrsal. ontrewē. vnd anckberkeit. abfelligkeyt. abtrünigkeit. schedē. vñ pein. vñ aller vbel. die auß ire sündē entspringen. so vil sind. das oft ein mensch. nit den tausentsten tail seiner sünd wäyst. C. dann es beschribt dick. das die die aller meist sünd auff inen habē. die wissen sy allermunst zebeichten. so was d herre comē. das er C. als verr es an im was. C. für aller menschen sünden gnugthun. vnd genugsam laid. vñnd leiden darfür tragen vnd gedulden wolt. Nun merck was grossen laids sein allerheiligestes inbrünstiges hertz erlitten hat. darumb ich es nit vnbillich ein meerstatt. oben genent hab. wie woll es damit ein vnuerfigner pum allersüßigkeit. in der warheit. vollkommēlich was. vñ nun alle sein bitterkeit. in süßigkeit. alle seine traurigkeit in fröligkeit. alle sein forchte in sicherkeit. alle sein angst vnd nott in endlose seligkeit. verwandelt ist. Vñ so nun dise ding. in ynen selbs gegenwürff machen. als das der brunn der süßigkeit verbittert. vñnd die hertzlich freud betrübt ist wordē. vnd die sicherkeit. sich geförcht vñnd die seligkeit besorgt hat. als hieuor von der angst des herren am ölberg. gemeldet ist. so zwisfeltiget. das. disen gegenwürff. das dz hertz des herren vber sollich angst vnd notte. die es im dem leben gehabt hett. erst an dem nottstal des creützes durch

die angst des tods geëgset ist worden. das man zum dritten für den andern artickel des neunundneintzigsten gegenwürffs bedencken sol.

Der hūderst gegenwürff ist. vñ d götliche person cristi. da bey die würdigkeit d selbē person zebetrachtē vñ zeuervñdern ist. vñ dargegen ist den auch zebedencken. wie sich die selb göttlich person in menschlicher natur. vñ innen. vñ aussen. in wercken vñ geperdē. gedemütiget vñ genidert hat. nit allein vor gott dem vater. als da cristus an dem ölberg für sich auff die erden nyder fiel. sunder auch vor d mēschē. als da er für die inuergern nyder kniet vñ ine ir fūß wūsche. vnd wie woll sich die göttlich person cristi zu vnserm heil also tieff genaigt hat. So ist sie doch darwider zu schandē an den mördergalgen zwischen den schwachern auffgerichtet vnd erhöhet worden. das dann zum andern artickel dis gegenwürffs gehöret.

Die person. der würdigkeit vñnd obertreffentlichkeit. vor endlöser vngemessenheit. von keiner creatur begriffen mag werden. hat sich bis auff die erden ernydergeworffen vñnd gedemütiget. vñnd ist darwider an dē galgen des creützes vber oder zwischen die galgen d mörder zu sundrer schād erhöhet wordē. Wie würdig aber die person cristi sey. dēhalb. dz sie gottes person ist. wann kein ander person ist in cristo. dan gottes person. wie wol auch ein āder natur. den die göttlich natur in cristo ist. wann in im ist mēschliche natur mit d göttlichē. so ist doch kein āder person in im. den die göttlich. Welcher person halbē er warlich also warer gott ist.

vnd von seinen grossen taten

als er menschlicher natur halb. Die in die
einigkeit der selben göttliche person ge
nomē ist. warer mensch ist. Vñ darumb
das er warer gott ist. Der natur vnd per
son halb. so mag kein creatur die höhe
vñ grösse seiner würdigkeit begreifen.
Wan er vermag vnd tut alles das. das
gott der vater tut. von aussen. in vñ mit
den creaturen. vñnd ist dem vater gleich
gross. gleich allmechtig. gleich ewig. vñ
mitendlos. in dem wesen. in dem nütze.
in dem künde. vnd in aller volkomēheit.
Er ist d' vrsprung aller creatur zc. Ds
aber ein andechtiger mensch. der freud
vñ wollust in der betrachtung der glori
ere. vnd würdigkeit cristi hat. etwas da
von nach lust vnd begirde seins hertze.
in disem büchlein finden müge. so will
ich etlicher namhafter vñ durchleu
chtiger personē sprich. von dem lob got
tes hie setzen. vnd so der geistlich syn. d'
die selen. vnd die heiligen cristenlichen
kirchē. vnd das ewig leben. vñ die engel
zc. antrifft. höher vñ fürnemer sein soll.
Denn zu zeitten der syn. den der buch
stabe von aussen innhelt. Als es dann
größer soll sein. Als sant Augustinus
spricht. O einen sünd gerecht machē. Dein
himel vñ erde schaffen. Dan in d' schöpf
fung himel vñ erden. hat gott keine wid
stand. als in dem todsünder. So will ich
zu den sprichen der weysen vnderweil
die auflegung der lerer oder glos. auff
die meinung des geistlichen synns. be
rühren. vnd die weysen. der sprich ich se
tzen wird. zu zeügen der vbertreffent
chen würdigkeit cristi nemen. Denn so er
gott ist. so gehöret im alles lob zu. das
gott zugehöret.

Von dem erstem zeügen der göttli
chen mayestat. das alle gerechtigkeit d'

menschen nichtz ist. gegen d' gerechtig
keit cristi.

D Er erste zeüg der vbertreffent
lichen würdigkeit cristi. ist künig
Eliphat vñ theman. d' soul gesprochen
ist. als gottes öffnung. wan er offenba
ret vns die würdigkeit der gottheit. cri
sti. vñ themā. Ds ist. vñ dem sudwind od
mittetage d' mittag bedēnt dar erkēnus
wann er gibt dar zeerkennē. Ds aller mē
schen gerechtigkeit nichtz ist. gen der ge
rechtigkeit des menschen. d' gott ist. So
er spricht in dem. iiii. capitel des büch
leins Job. Mag icht d' mensch gerecht
fertiget werden. gen gott gerechnet. da
spricht die glos. Die menschlich gerechtig
keit gehaltē gegē der göttliche. ist vnge
rechtigkeit als ein latern die da leuch
tet in finsternüssen wirt finster in d' sun
nen.

Das auch die engel on die gnad cri
sti in dem gute mit besteen habē müge.
Eht an. die dem schöffer dienen
sind mit bestandē vñ in seinen en
geln hat er verkerung gefunden. wie vil
mer werde. die. die in den kottigē od lay
migen heisern wonē. gleich als von den
schaden vertzeret. Als ob er sprechen
wolt. Die engel. die einer einfeltigē vnd
mit zusamēgesetzte natur sind. vñ darub
keine widstād in inen selbs habē. vñ lau
ter geist sind. die sind dānoch verkerlich
gewesen. wan der sind vil verkeret vñ ab
trünnig wordē. vñ gefallē. vñ die. die be
stādē vñ belibē sind. habē Ds nit von in
selbs. sünd vñ d' gnade gottes. vñ d' ver
diest cristi gehabt. Wie vil mynd müge
die mēschē. die in sūdē enpfāgē. mit sin
den geporen. auß sünden in in selbs wi
derstand des plattes vnd des fleischs.
wider den vernünfftigē geist. Als die

Von der würdigkeit der person cristi

Die auß widerwerttiger art zusamē gesetzt sindt ⁊ tragen. vnd gedulden. an das verdienen der menschheit cristi. vnd an die gnade seines geistes rein vnd bestendig bleiben.

Das der mensch nichts gutts vō ym selbs vermag. Darumb er der gnad cristi bedarff. vnd sie deßhalb anruffen soll.

Fürbas spricht künig eliphaz. der mensch wirt zu der arbeit. vnd der vogel zu dem fliegen geboren. das nach d̄ gloß also zuuerstehen ist. das vnmüglich sey. das der mensch in diesem ellend an arbeit lebe. aber so er mere gepeiniget wirt. so vil ist im nötter das er zu gott schreye. od̄ als vil d̄ mensch mer rue in d̄ zurgēckliche gütern dieser werlt sücht. so vil er mer vn̄rue findt. aber so vil er mere dise zergēckliche dig verachtet. so vil mer naht er zu den himlischen. aber er vermag das nit durch sein eigē kraft. Hirumb spricht fürbas künig eliphaz. Darumb so wil ich gott den herrē bittē. als ob er sprechen wolt. so ich von mir selbs nit arbaitten noch leiden mag. so muß ich d̄ anruffen. d̄ mir dar zu krafft vñ sterck verleyhen kan. als der verthan schaffner sprach. Luce in dem sechzē den capittel. Ich mag nit reütten oder grabē. ich schē mich zubetteln. ich ways wol was ich thun will. d̄ sie mich in ire heüßer auffnemē. gleich als ob er sprechen wolt. ich wolt gern mein notturfft haben. ich mag die aber nit mit arbeiten vberkumen. solich dann betteln so ist es mir ein schand. Darumb so wil ich mir freünd machen. von meines herren gut. auff einen sölichen syn mag man diese wort auch vernemes. als in der person des plöde mensche. ich wolt gern zurue

kommen. ich mag aber nit darnach arbeiten. ich wolt mich gern erheben zu himlischen dingen. so sind mir die flugel vnd die begirden gleich als zusammen gebachen. vnd mit dem leyne der fleischlichen wollüsten vnd zeitlicher freud gepichet. vñ mit irdische forge beschwert. Darumb solich arbaitten vnd mich in tugentlichen wercken vben. solich mich yn himlischen freunden erheben. solich in widerwertigen dinge gedultig sein. vnd mich abziehen von fleischlichen wollüsten. vnd yrdischen begirden. so ich denn das vō mir selbs nit vermag so muß ich got d̄ herrn darumb bittē d̄z er mir das gnädiglichen verleihe. Des gleichen spricht auch künig salomon in d̄ achtē capitel d̄ weyßheit. Als ich gewist hab. das ich sünst nit leüsch sein. noch mich von den sündē enthalten mag. es sey den das es gott gebe. vnd das was auch ein weyßheit. wissen wes die gab were C als ob er spreche. ich hett das auch auß weyßheit. das ich weis. das allein gott geben mag ⁊ da trat ich zu gott vñ bat ym. vñ sprach auß gantzem meinem hertzen ⁊c. Vñ sant pauls spricht in d̄ adern epistel zu den von corintho in dem tritē capittel. Wir sind nit genugsam et was zu gedencken vō vns selbs. als auß vns. sunder vnser genugsamkeit ist auß got. auß dise worte merck. wie notdürftig wir der gnad cristi sein. Fürbas spricht künig eliphaz. ich will mein red zu gott setzen der grosse vñ vnerudseliche ding vñ wunder on zall thut. Die gloß spricht. die größe der götlichen werck ist also gethan. das die vortieffe nit ergründt. noch vor wenige gezelet mügen werden. Er gibt den regen auff das angesicht der erden. wann er

vnd von seinen grossen taten

begeisset die dürre hertzen mit d̄ gnad
des göttliche worts. vñ wessert alle ding
Wan er erfüllt den mēschē mit d̄ geist.
Dz er frucht bringe. wellicher mēsch alle
creatur genēt wirt in dem ewāgelio sant
marxen in dem letzte capitel. Da der herr
sprach zu seinen iüngern. predigent das
ewangelium aller creatur.

Von den zwelfspottē vnd martirern

In dem vñ spricht Eliphas. Er setzt
die demütigen yn die höhē. vñ die
traurigen richt er auff in die gesuntheit
Als ob er sprech. Er erhöhet die demüti
gen. vnd machet gesunt die Francken. vñ
erfreuet die traurigē. Also hat er die
demütigē. als die paurn. vnd die fischer
erhöhet. vñ zu vātern. zu meistern. zu regi
erern d̄ gantzē cristēheit. vnd zu richtern
d̄ gantzen werlt gesetzt. vñ die martirer
die vmb seins namens willē. vō ere vñ vō
gutt gestossen. vō freunden vñ dem vat
terland vertribē. gekerkert. geplöcket. ge
stöcket in den türnen. vnd in den kettenē
erfeulet. auffgehēckt. vnd zerzogē. mit
eysnē kreuln zerrißen. in siedendem öle.
in heissem vnd zerlassē pech. hartz vñ
pleye gepregelt. In dem feur gepraten.
mit glüenden plechen vñ zangē geprēt.
yn die wasser versenckt. mit steynen ver
maurt. mit erdē ob sant verworffen. mit
gayseln vnd scorpion. mit kolben vnd rie
men geschlagen. mit vnzellichen peinen
gemartert. vñ zu dem tod gebracht sind.
Die hat er aufgericht in gesuntheit. vnd
inen ober die ewigen seligkeit. die sie yn
dem hymel haben. verlihen. Das sie den.
die sy hie auff erdē anruffen. in allē nōt
ten. vnd Franckheiten zu hilff komē. dar
durch sie geeret werden.

Das gott der herr die bösen mensch
en gar oft hindert in ire bösen fürnemē

In dem vñ spricht König eliphas. Er
zerstört die gedanken d̄ boshaf
tigen. Das irhend nit volbringen mügen
das sie angefangen haben. Das scheint
woll in vil vnzelichen geschichtē die in d̄
werlt beschehen sind. als in dem gepetie
des turns Babel zu Babilonia. Den die
risen ob recken bis an den himel bauen
woltē. vñ gott d̄ herr verkert vñ vermēgt
ir sprach. Dz einer d̄ andern nit vernam.
vnd müsten wiß iren willen mit schandē
daruon lassen. Die von egipten land
woltē die kind vō israhel mit gewalt nōt
tē. Das sy inen in schwerē arbeiten dien
en solten. Da plagt sie gott der herre so
oft vnd so hertiglich. Das sie sy zum let
sten zwangen hin zeziehē. Der König
Balac von moab dinget den warsager
Balaā. Dz er die kinder von israhel ver
fluchte. vnd balaam vntterstund sich die
selben zeuerfluchen. Dann man hielt von
im. wē er verflucht. d̄ wer auch verflucht
vnd giengē im nymer glücklich. vñ wen
er gesegnet. der wer gesegnet. Da wen
det gott d̄ herre die wort in seinē mund
wiß seinen willen vmb. vnd balaā sprach
vil schöner weissagung vñ segē ober die
kinder vō israhel. Also ward er gehindert
in seinem bösen fürnemē. Also ist die ge
schrift vol sollicher geschicht. in den got
der herre die bösen in irem fürnemen ge
hindert hat.

Vil ebēbild. wie die arglistigē in ire
listen begriffen vnd verstricket werden.

In dem vñ spricht König eliphas. Er
begreift vnd faßt die weysen yn
irer listigkeit. vnd zerstört den rat d̄ ver
kerten. Also wardē die brüd iosephs be
griffen in ire argē listē. den da sy zu rat
wardē. Dz sie ioseph töttē soltē. Daz er ir
herr nit würd. vñ sich doch eins bessern

Von der würdigkeit der person cristi

bedachtē. vnd ine verkaufftē. Da kam er durch dasselb darzu. Dz er ir herr ward. Durch das sy seiner herschafft entgegen wolten. Da der kōnig vō egiptē land die knublein der kind vō israhel hieß tōten. Dz im die kind vō israhel mit zu stark wüde. so sy doch so vast zunōmē. da verdient er. das d best teil seins volk in ein er stund getōtet ward. Vnd da den kōnig vō egipten d reukauff an kam. Dz er die kind vō israhel hett lassen hinziehē. vnd inen nach zohe. Dz er sy wid nōttiget vntter sein gewalt. da ertrāck er mit allē seinem heer in dem rottē meer. Da d weise ratgeb achitofel. kōnig dauid schē den vñ vmbbringē wolt. darūb dz er sein tiechter. dz ist seins suns tochter die bet sabee beschlaffen hett. vnd gab dem absalō dauids sun. gutt rātte. zu bösen sachen. vñ zeuertreiben vñ zeuernolgē vñ vñ zebringē seinē aignē vatter. da beschah es. das achitofel vñ absalō yn die grubē fielen. die sy dem dauid gegraben hettē. Wann achitofel erhiengē sich selbs. vñ absalon behieng mit dem schönen lang en har. an einem eichen baum. da er dar vntter hin reyttē wolt. vñ ward mit drey en lantzen in seinem hertzen erstochen vnd getōtet. Kōnig saul hett den dauid vmb seiner guttat willem. gern vmbpracht. durch die palestiner. Aber dauid entrunne. vñnd demütiget darnach die palestiner. Aber kōnig saul ward inen zu teil vñnd ertōtet sich selber. vñ die palestiner hawten im das haubt ab. vñnd schicktem es hyn vñnd her yn die tempel d abgōtter. daz man es dem gepōfel zeigen solt. vñ hiengen sein cōrper auff die stat maur zu besan. vñ tetten seinen harnasch in astaroths tempel. Dels gleichen ward aman begriffen yn den

stricken seiner eignen list. d den kōnig asuerū hind kōmen vnd oberredt hett. Dz er im gewalt gab mit den iudē. die in seiem reich waren. zethun was er wolt. Vñ er hett durch losewerfung einen tag gefunden. vnd ausservolet. an dem alle iuden die yn den sibenzweintzig vnd hundert lenden assueri waren. getōtet werden solten. Vñ. er. kam auff einē tag früe. dz er vō dem kōnig erwerben wolt. daz mō den obersten d iuden mit namen mardocheū an den galgen. den er im yn seinen haus hett heissen beraitten. solte hencken. da wendt es gott d herre. vō d demütigkeit vnd des gebettes wegen. d iuden d selben zeit gleichvmb. durch mittel der kōnigin hester. daz der hōhfertig aman an den selben galgen den er mardocheo berait hett. gehenckt ward. Vñ an dem selben tag. dar an man die iuden tōten solt. do tōten die iuden die. die sy wolten getōt haben. Vñ darzu musten in die geweltigē helffen. Vñ des amās sun. der ir feind was gewesen. bey zehen wurden an die galgē gehenckt. Also beschah es als sirachs sun in dem sybenind zweintzigstem capitel seiner weyßheit spricht. Wer einē stein yn die hōhe vber sich wüft. auff den felt er. vñ wer einem andern ein grubenn grebt. der felt selbs darein. vnd wer einem einen stein legt. d stōst sich selbs daran. vnd wer einen bösen rat vber einen andern gibt. so felt d rat vber in vnd erkent zu zeitten. mit wānen her es kōmpt.

Wō dem rat der iuden wider cristiū.
Doch wie gott d herre die listigē in iren aignen listen begreife vñ ire rāte zertrenne. Dz erscheint allermait in den anschlegen der iudischen bischofen. vnd gleichsner. vñ richter vñ meister

vnd von seinen grossen taten

Die einen rat sameltē vñ hyltē wid den herren. vnd sprachē. was thun wir. wann diser mensch tut vil zeichē. Lassen wir in vñ sehen ym zu. vñ vntersteen es nit. so wirdt yder mā in ine glauben. vnd die rō mer werden komen. vñ vnser statt vñ ge schlecht hin nemē. Aber Cayphas d̄ bis chof des iares was. vñ sich deshalb dē witzigistē gedaucht. gab den rat. daz es besser wer d̄ ein mēsch stürbe. den das d̄z gantz geschlecht verdürbe. Vnd wie wol dise wort. als vil als sy der heylige geyst auf die warheit zohe. vñ zu dē gōt lichen fūrnemē vñ fūrschē brauchte. die nott vñ den nutz des leidēs cristi ynhiel ten. vñ auflegte gen den glaubigen. So was doch dasselb mit die meinūg in dem vngelaubigen bischoff. d̄ d̄z nit hielt. d̄z durch den glaubē cristi die werlt solt be halten vñ selig werdē. wan er wolt. d̄z dar umb cristus getōt solt werdē. d̄z mā nit i ine glaubte. vñ umb seis glaubēs willē d̄ inden glauben veruolgte. vñ zerstörte zc.

Wie die weysen der iuden in irer eig nen listigkeit zu narren getōret vnd ge fangen sind worden.

Aber nun wie die gescheidig keit d̄ arglistigkeit vnd flugheit d̄ boßhaftigen iuden. in die sy hofften. sy selbs verstrickt. betört. verplent. vñ be trogen hab. Wann alles das das sy ge fōrcht haben. vñ durch die tōrtūg cristi fūr komē vñ hindern woltē. alles d̄z vbel dem sy durch verfolgūg cristi entymmen wolten. d̄z ist gehauft vber sie komen. wan sy habē an im verschult. d̄z ir haubt stat. der sy sich oberhūbē. zerstört vñ zer schlayt. yr tempel verprent. d̄z gātz lād in angewūnen. ir gesetz verworffen. zer stört vnd verlassen ist worden. Die dem schwert. dem hūger. dem feur. den tyern.

Der pestilentz. C Die ir vber zehēhundert tausent. d̄z ist vber tausent malē tausent verzeret hetten d̄ vberblibē. die wurden gefangē. verkauft. hingefūret. zertrent. vnd zerstreuet. in die weitten werlt. Vñ sind nun vntterworffen dē knechtē. des. dē sie getōtet habē. vñ sind verschmeßt. verworffen. vnttergedrückt i allē landē. Denn souil als sy von den cristenlichen fūrsten gehayet. beschützt vnd vor dem volk beschirmet werdē. Vñ d̄. den sy fūr cristū. fūr einen herren erweleten vnd an rufftē. d̄ ist cristo vntterworffen wordē. Das ist der keyser. Vnd also müssen sie knecht des knechts cristi sein. des sy sich gar wenig besorgten. da sie vor dem rich ter pōcio pylato schreyen. wir habē kein en kōnig. den den keyser. Si hettē wenig gedacht. d̄z die mechtigen rōmischē key ser. die herren aller werlt waren. Als der gros Cōstantinus. vñ sein nachuolger. cristū zu einem herren auffnemen soltē. Nun haben sy den keyser zu einem her ren. d̄ ein diener cristi ist. wan er ist auch vntterworffen. dem. d̄ sich einen knecht d̄ knecht gottes schreibet. vō dem er zu einem keyser bewert. durch des gewalt er geweiht. vnd gesalbt. vñ vō dem er ge krōnt wirt. dē er schwerē vñ huldē muß. vō dem er gebūden. vñ entbūdē. vñ auch gestraft. gebānet. vñ abgesetzt mag wer dē. als vō dē stathalter cristi. den er seinē vatter vñ herrē nēnt vñ helt. als mā dise sig alle findt i den geistlichē rechtē. i vil capiteln hin vñ her. als. extra de electō e. zc venerabilem. vñ. de maiortate et obia. Solite. vñ de iureiurādo. romāi. vnd de es sent. et reiudi. pastoralis i clem. vnd de re iudi. Ad aplice i. vi. vñ dist. lxiij. Tibi dñ o vñ dist. lxxxvj. Cōstā. vñ. duo sūt quippe. vñ i den keyserlichē rechtē. C. de suma tri

nitatē et fide catholica in d episteln des
Keyfers Justiniani die afacht. reddētes
honorē. Vñ sihe wie es die weisestē d
iudē getroffen habē. Also wirt aller wey
sen diser werlt rat vñ anschlag. die wider
cristū ist. betört. vñ vō im selbs betrogē.

Fürbas spricht kōnig eliphaz vō dē
arglistigen ratgebē vñ werltweysen. In
dem tag fallen sie in die finsternus. vñ
in dem mittētag werden sie vmb sich ta
sten. als in der nacht. Daz legt die glosē
zum ersten nach dem sinne der den glau
ben antrifft. also von den iuden auf.

Durch den tag sind sie yn die vñsternus
gefallen. wān sy sind durch die gegēwer
tigkeit cristi. Der das ewig endlos liecht
was. verplent worden. vñ habē in dē mit
tentag. als in d nacht getastet. wann wie
offenbar sein gerechte. warhaftige lere
was. vñ wie gewis sein grosse vber na
türliche zeichen. vñ wunderwerck warē.
noch zweifeltē sy. vñ fragten. vñ versuch
ten in. do sy sprachenn. bist du cristus. so
sag es vns.

Von den neydigen.

Ach syttlichem synn wirt der ege
melt spruch vō den neydigen auf
gelegt. die vō dem liecht verplent. vñ vō
dem guttē des nechste betrübt. vñ geer
gert werdē. vñ tasten an dem mittentag
als in der nacht. wān sy suchē. wie sy den
guten leūmat des nechsten beschwertz
en. vñ die gutten werck verkeren vñ ver
werffen mügen.

Das cristus die guttē trösten. behüt
ten. vñ von vbel erlösen. vñ die nachre
der schenden wirt.

Aber wie cristus die guttē mensch
en beschirme vor den bösen. vñ ob
er sie straffet hie vmb ir gebrechē. wie er
sy darnach trösten werd. Dz meldt für

bas kōnig Elifas. so er spricht. Aber er
C Das ist d gott d herre wirt den armen
behütten. vor dem schwert ired mūds. Dz
ist vor den scharpfen argen Worten d bö
sen zungē. d arglistigē bösen gescheide
werltweysen. vñ vor d hand des gewel
tigen. Vñ der dārfstig wirt hoffnung
habē. Aber die vngerechtigkeit wirt wē
mūd zusammen ziehē. Da spricht die glos
vber das wort. die vngerechtigkerte wirt
pren mūd zusammen ziehē. Die peine wirt
die zungen binden. die wid die gerechte
durch affterkosen geredt hat. Aber von
was vbel d mensch erlöset werde. Dz er
zelet kōnig Elifas. so er fürbas spricht.
In sechs klümmern wirt er sich erlö
sen. vñ in der sibendē wirt sich d vbel
mit berühren. Dz ist nach d glos sonit ge
redt. als ob er sprech. Vñ allem dē vbel.
Dz du hie in diser zeite. die bey d sechste
zal bedēit wirt. leydē wirst. wirt er dich
erlösen. Aber in yener werlt wirt er dich
vor allem ewigen vbel behütten.

Aller menschē reinigkeit ist nicht z
rechnen gegen der reinigkeit ihesu cristi.

D Er selb kōnig Elifas erzelet vil vō
der würdigkeit. vñ vbertreffentlich
keit d gotheit. Dz vil zelāg were zeschrei
bē. in diser verkürtzūg. ich will sei zeūgē
nus beschließen mit einē kurtzē spruch
mit dem er gnug die vbertreffendē rein
igkeit. heiligkeit. vñ tugend cristi zener
steen gibt. Da er spricht in dem fünffze
henden capitel iob. Was ist d mensch. Dz
er vnuermailiget sey. vñ daz er gerechte
erschein. so er vō einer frawē geborn ist.
Als ob er sprechen wolt. Alle die. die vō
frawē geborn sind. haben iren vrsprung
vō der zerstückūg vñ der vnflätigkeit der
sünd. Darūb sind sie vō natur vnrein. vñ
von geburt sūnder. Davon ist der allein

vnd von seinen grossen taten

aufgenommen. der nit vō mā vñ vō frawē
sunder vō dem heiligen geist empfange
vñ vō einer reinen mēfrawē geborn. vñ
nit allein mēsch. sund auch warer got ist.

Fürbas spricht kōnig Elifas. Sihe
an. vntter seinen heyligē ist keiner vnwā
derberlich. vnd die himel sind nit rein yn
seinem angesicht. Wie vil mer ist nit rein
der misfretlich vñ vnntz mensche. d die
vngerechtigkeit trickt. als dz wasser. als
ob er sprechen wolt. Wie gross ist fleisse
sein ausserveltē thun. dz sy sich vor sūn/
den hūtē. vñ ziehen sich darūb vō werlt
lichē geschefften. vnd eren. vñ vbergebē
fleischlich wollust. vñ liebe d hāusfraw
en vnd kind. vñ geben auff die zeitlichen
gütter. vñ streben nach den ewigen. dar/
durch sy gleich hymlich werdenn. doch
kōnden sy sich nit so wol hūtten. sy fallē
zu zeitten. Vñ dz sy fallen dz kompt vō
ynen selbs auß irer plōdigkeit. Das sy
aber den sündē widersteen vñ yn gutem
verharrē. dz haben sy vō gott auß seine
gnadē. in dē allei die tugēt beleiblich. na/
türlich. vñ vnreanberlich. gētzlich. wese/
lich vñ vnmeslich ist. vñ darūb ist ir tugēt
nyndert gleich zewegē seiner tugēt. wan
die bāche mūgē nit gleich gross sein dē
hohen meer. noch die stern gleich liecht
der sunnen. Mūgen nun sollich geflissē
heyligen sich nit gātz vor den sündē hūt
ten wievil mynd mūgen sich die hūtten.
Die tag vñ nacht tichten wie sy bosheyt
stiftē. die nach eiteler eren. nach zeitlich
en gūttern. on angesicht d gerechtigkeit.
nach wollust des fleischs. on angesicht d
scham. od der eren dirstet. als einē heys/
dürstigen lauffer nach einē kühlen track.
wie mūgen die selben der sünden ledig
steen. In was grossen vbeln vnd verfer
lichkeit die selbē steen. dz erzelt da selbst

kōnig elifas. vnd was grossen seligkeit
die werden haben. die sich zu cristo lere
dz setzt er darnach in dē zweyndzweitz/
igistenn capitel. Aber ich laß dasselb an
steen. denn mein fürnemē ist vō vil enze/
lichen sprichē. ein wenig zenemē. durch
die. die wirdigkeit der person cristi. die
gott ist. erzeugt wirt.

Von der zeugēnus des kōnigs bald/
dats. der ander zeug.

Der ander zeug der wirdigkeit der
person cristi. ist kōnig Baldat vō
sui. der als vil gesprochē ist. als dz alter
vō der red. wann er redt alte tapfere vñ
hohe ding. vō dem. d die red. vñ dz wort
gottes ist. so er spricht in dem fünfund/
zweintzigisten capitel iob. Der gewalt
vñ der schreck ist bey im. der einhellkeit
macht in seinen hōhen. Als ob er sprech
en wolt. Söllicher grosser gewalt ist yn
im. das alle gewelt vor im erschreckenn.
Wann als man singt in dem vorgesang
des sanctus. yn der mēss. die himlischen
gewelt erbidmen vor d göttlichen maies/
tat. durch cristi. durch des gewalts wil
len. die englischē fürstentub. die vñfers
verdienens od verwürckens vñ verschul/
dens halb oft wid einand sind. als wir
lesen in damiels bñch in dem zehenden
capitel. doch einhellig in dem willē got/
tes vnd yn der liebe sind.

Von der menige der diener cristi.

Fürbas spricht kōnig baldat. Ist
nicht ein zal seiner ritter. als ob er
sprech nein. dann als daniel schreibt. yn
dem sybendē capitel. vil tausentmal tau/
sent dienten im. vñ zehentaufentmal hū/
derttausent stundenn im bey. bey welcher
zal bedēit wirt. dz die orden d himlich/
enn ritterschafft vnzellich sind. als der
gross heylig dyomisius ariopagita in dē

Von der würdigkeit der person cristi

vierzehende capitel vō der englischē ier
archey spricht. vnd setz darzu. daz souil
heer der himlischē geist seyen. dz sy weit
vbertreffen die schmale zal. d materlichē
sig bey vns. Nun spricht kōnig salomō
in dem vierzehenden capitel d spruch. dz
die würdigkeit eins kōnigs yn d menige
des volks steet. als widerumb die vnere
des fürsten yn wenigkeit der vntertanē.
Vnd alle menige der engel bettet cristū
an. vnd sind allweg bereit in seinē dienst
Als sant paulus bewert zu dē hebreisch
en yn dem ersten capitel. Wan als aber
der selb heilig sant pauls spricht in dem
ersten capitel zu den Colos. Es seye trō
oder herschūg od fürstentūb od gewelt.
so sind sy all durch in. vñ in im beschaffē
vnd sy bestē all in im. Vñ in dem erste
capitel zu den vō Epheso spricht er. daz
gott der vatter vnsern herren ihesum cri
stū gesetzt hat zu seier rechē in den him
lischē. vber alle fürstentūb. od nach dem
text eigēlich zeredē. vber allen fürstūb
vñ gewalt vñ krafft vñ herschūg. vñ allē
namē. der gene nt wirt. mit allein yn diser
werlt. sunder auch in der künfftigen. vñ
hatt alle ding seinen füßen vnterworf
fen. Dis alles spricht sant pauls durch
dese wort die herschafft cristi bewert
wirdt. von dem kōnig baldat spricht. Ist
icht ein zal seiner ritter. Als ob er sprech
nein. Wan ir ist souil. dz ir zal vō mēsch
licher vernūfft nit mag begriffē werde.

Von der wunderberlichenn zal der
engel.

Wie wol ich in einem buch gefun
den hab. das sant augustin. C bez
halt ichs recht d setze sūll. als ob die zal
der engel solt vmb tausent scharen sein.
Also das ein schar hunderttausent chōr
mach. vnd ein chōr zehenhundert tausent

malen tausent. dz ist tausent milian. Vñ
ich heis hie milian. dz mā kriechisch mi
riadem. dz ist. tausent malē tausent heis
set. Vñ also weren der engel hūdert tau
sent milian der milianē. Dem sey wie un
wölle. Ich hab dz in sant augustis buch
ern. in den ich gelesen hab nit gefunden.
Darūb halt ich mich an die wort des grof
sen syonisy. Der sant pauls iunger geue
sen ist. vñ sunder kunt schaffe mit den al
lerhöchsten zwelfspottē sant peter vñ sāt
inhāsen gehabt hat. vnd dem besunder
heimlich gewesen ist. der yn dz paradēis
gottes. vnd in den dūtten himel gezucht
ist worden. vñ hat die heimlichkeit got
tes gesehen vñ gehōrt. Als er schreibt in
dem zwelften capitel der andern epistel
zu den vō Chozintho. daz ist sant pauls
vnd las es beleiβē bey den Worten dese
kōnigs baldats. Der da spricht. Ist icht
ein zal seiner ritter. vñ vber wen geet nit
sein liecht auff. Als ob er sprech. mit sāt
Johannsen dem ewangelistern. Er er
leucht einen yettlichen menschen. der yn
dise werlt kompt. vnd lasset sein summen
auffgeen vber die gutten vnd die bösen.
als der herr selb spricht in dem ewange
lio mathei am fünfte. Fürbas spricht
kōnig baldat. Mag icht der mensch ge
recht fertiger werden. wenn man yn gen
gott helt. oder rein erscheine. Der vō ein
er frawenn geboren ist. Sibe an der mon
scheint nit. vnd die stern synd nit rein yn
seinem angeficht. wie vil mer ist nit reyn
der mensch. der ein feule ist. vñ des men
schen sun der ein wurm ist. In wellichen
worten er mit dem kōnig elphas cancor
diert. dese wort oben gesetzt vnd auf ge
legt sind zc.

vnd von seinen grossen taten

Der dritte zeug ist. König Sopher von Naamath. der als vil gesprochen ist. als ein schawer der schönen gab. oder d' gezierd der sünd. wann er gibt zeuersteen dz gott der herr so hob so groß vñ so geueltig ist. daz er mit vns mag thun was er will mit recht. dann mit recht mag er gutz versage vñ vñs vber vns verheng en. Tut er vns aber gutz dz köpft vñ gna dē vñ barmhertzigkeit.

Der dritte zeug ist König Sopher vñ Naamath. der schön schawer. d' an dē ailtē capitel zu dem iob spricht. Er ist höher denn der himel. vñ was wilt du thun. Er ist tieffer denn die helle. vnd wannem wiltu in kennen. Sein mass ist lenger denn die erden. vnd breitter denn daz meer. Dese wort legt die glos gar in mangerley weyse auß. aber ich will auff dis mal allein ein meinung der glose melden. Si spricht mā mag bey den hymeln die engel. bey d' hell die bösen geist. bey der erden die gerechtē menschen. bey dē meer die sündler vernemen. Wann die engel erraichē sein höhe nit. so durchsicht vñ ergründet er die listigkeit der bösen feind vnd urtheilet sy gar subtilich. Sein gedult vbergeet die langmütigkeit d' gerechten. sein gegenwertigkeit bekümmert allenthalbē die misserat oder werck der sündenden Fürbas spricht König Sopher. Ist es daz er alle ding umblet od' zuhauffen trücket. wer mag im wider sprechen. od' wer mag zu im sprechē. warumb tustu also. Als ob er sprechen wolt. Wer es das er himel vnd erde. hell vnd meer umblet od' zusammen truckte. das ist souil. ob er die bösen lasset vberhand nemen. vnd die guten gedückt vñ geengstet werdē. Ob er den bösen geist seine gewalt treyden lasset. vñ vnterzeiht zu

zeiten sein gnad vñ hilff den gutten vñ der die bösen. Lasset er es dē bösen zeitlich woll' geen. vnd die gutten bekümmert vnd gepeinigt werden. oder trücket er alle ding zuhauffen. also daz er die gutten mit den bösen straffet vnd kettiger. vnd tut den böse mit den guttē gütlich. wer mag im mit recht darein redē. od' mit gewalt darein tragen. so er der herre aller creaturen ist. vnd mag mit seiner creatur thun. wie er will. vñ syprauchen zu seiner ere nach allem seinem wolgefallen. Als auch der weyse König Salomon yn dem zwelfften capitel d' weyßheit bezeuget. Da er spricht. Wer mag zu dir sprechen. was hast du getan. oder wer getar wid' dein vrtail steen. oder fur dein angesicht komen. der die bösen menschen rettē od' rechē wölle. Oder wer getar dir dz für vbel haben. ob die geschlecht verderbē. die du gemacht hast. Wann es ist kein ander gott. den du. der du aller menschen pflygest. daz du beweystest. das du nit vnrecht urtheilest. Dan weder König noch tiran noch wüttrich wirt vor deinem angesicht forschunge haben. nach den. die du verderbt hast. Darumb so du gerecht bist. so ordnest du alle ding gerecht. vnd verdampft auch den. der nit soll gebüß set werdenn. vñnd achtest yn als fremde von deiner tugent. Wann dein tugent ist der anfang der gerechtigkeit. vñnd darumb das du aller menschen vnd creaturen herr bist. so schonst du ir aller zc

Dise sind die wort des weysen Königs Salomons. oder der weysen phylonis in salomons person. Durch die dy wort oder meinung König Sophars besterget werdenn. Vber das alles ist die zeugnuis sant Pauls zu den römern in dē neunde capitel. da er spricht.

Von der würdigkeit der person cristi.

O mēsch wer bist du. & du gott wilt ant
wortē. Spricht icht des hafner werck zu
dē hafner. was hastu mich also gemacht.
Hat nit der hafner gewalte auß einem
tahen zemachen ein geschirr zu eren. & z
and zu vneren. Als ob er spreche. Mag
er nit auß einem laymen od tahen hāfen
zu kochen. krüg od krausen zetrincken. vñ
auch auß dem selben tahen. kacheln vñd
scherben. zun stülen vñ zū harm machen
Als ob er sprech. Daran ist kein zweifel
er müg dasselb. Nun sprach got & herr
durch den heiligen prophetē ieremiā. Je
remie an dem ach zehendē capitel. Mag
ich einich C O israhels haus C mit thun
als & hafner. spricht gott der herr. Seht
an wie & laym in des hafners had ist. al
so seyet ir in meiner hand. Aber in dē
allē sol niemādt gedencke. & got & herr
yemāt vnrecht thu. od auch müge thun.
Mā sol & auß solichē wortē nemē. & &
herr mit vns mag thun. wie er will. Vñ
er thue mit vns was vñd wie er wölle. so
thut er nicht vnrecht. wan er hat on end
mer gewalts vñ rechts vber vns. vñd zu
vns. Den der hafner zu dem laymen hat.
Wann er spricht in dem fünffunduiertz
igistē capitel ysaie. Ich herr hab ine ge
schaffen. Wee dem. & widrspricht seinē
schöpfer. od macher. & ei scherb ist vñ dē
wercken od geuessen od geschirre & er
den. Spricht icht der laym zu dem haf
ner. was machst du vñ dein wercke ist on
hend. Wee dem. & da spricht zu dem vat
ter was gepirft du. Als ob er sprechenn
wolt. Als wenig & laym dem hafner wi
dersteē mag. & er nit auß yme mach w
er wöll. vñ als wenig als der sun. & noch
nit ist. seinē vatter widersprechē oder wi
dersteē mag. & er in nit gepere. Also we
nig mag der mēsch wider got clag habē

er mache auß ym wz er wölle. angesehē
die entlofen vbertreffentlichkeit der gött
lichen kostperkeit vñ würdigkeit. gegē &
alle creatur für nichtz zerechnen ist. den
dar für er sy rechnē will. angesehē auch
& ime alles menschlich geschlecht. nach
rechtē vrtel verfallē ist. auch zu ewiger
verdāpnus. vñ darüb erlöset er ettlich vñ
der selbē verdāpnus. & kumpt vñ seiner
gnad vñ barmhertzigkeit. Lasset er ett
lich verdāpt werden. vñd zu dem end ko
men. zu dem alles menschlich geschlecht
nach dem warē vrtel & göttliche gerech
tigkeit kumen solt. & ist nit vnrecht. zu
uoran. so keiner vnuerschulter sach ver
dāpt wirt. vñ gott der herr opfert od er
beüter sein gnad ydermā. vñd hat & ver
dienen cristi. durch & ydermā behalten
möcht werden. lassen verkündē vñd auß
schreyen. mit grossen wunderzeichen. vñd
vbermenschlichen wercken. in alle weyte
werlt. Haben die menschen & nit wölle
hören. od glauben. oder die. die es durch
den glaube. auffgenomē haben. verach
tet. vñ sind im nit nach komen. vñ werdē
also verlorē. wem mügē sie die schuld ge
ben. āders den yre eigen verkerren willē
Darüb & mensch. & der gnad gottes. vñ
seiner barmhertzigkeit begert. lerne sein
ere vñ gerechtigkeit erkennē. vñ eren. vñ
bekenne & gott der herr vollen gewalt
vñ recht hat. mit im zethū. als mit seiner
creatur nach seinē wolgefallen. zu seiner
ere. wie er will. vñ gedencke das er. so er
ein armer sündiger mēsch ist. nit gewalt
noch recht mag haben. den gerechtē all
mechtige gott in seinen vrtailen zestrā
fen. des will sie wesentlich regel aller ge
rechtigkeit ist. sunder dem menschen ge
höret zu. & er gedencke. & er vmb & ere
wille seies schöpfers beschafē ist worde

Das er im auß allem seinem vermügem
diente. mit zu norttdorfftigkeit seins schöp-
fers. der sein mit bedarff. sund dē schöp-
fer zu eren vnd im selbs zu nutz. So er
aber nun vmb d sünd willen seiner eltern
adams vnd eue. ein kind d verdäpnus in
mutter leib empfangē vñ auß ir geborn ist
vñ in sein schöpfer mit seinē vnuer schul-
ten tod vñ rosenmarben plüt vō d verdäp-
nus erlöset hat. vñ er im darüß souil mer
schuldig ist zedienenn. so vil es nter ist.
Daz sich d schöpfer für ine vnd anckbern
verdäpten knecht. in den hertē tod gege-
bē. den d er in erschaffen hat. so er nun
vber dis alles seinen schöpfer vnd erlö-
ser. als oft vber gibt. vnd vneret. durch
vbertretung seiner gebott. vmb d haltung
willen er im die ewigen seligkeit. vñ vmb
die verachtung. die verdäpnus verheissen
hat. was mag d mensch denn zuspruchs
zu gott haben. ob gott d herr im gibt. d er
verdient. Ja on allen zweifel d mēsch
sol gedenccken. d alles d gut. d im got
tut. von lauterer vberiger milder barm-
hertzigkeit ist. Vnd was vbel er vber
in verhengt. das tut er rechlich vnd bil-
lich. Vnd murmelt der mensch darvō.
als wider d. d er vnbilllich leidet vnd nit
verdient hab. so gibt er zeügēnis seiner
großē törlheit. plintheit vñ vnwissenheit.
durch die er wed sich noch gott erkennt.
Vñ hat zubeforgen. d er nit vō den kin-
dern gottes sey. er lasse sich den weysen.
vnd hab reue vber sein törete vermessen-
heit. vnd gebe gott dem herrē recht in al-
len seinen vtheilen. vnd erkenne d. d. d er
leidt. mynd ist. den er verschult hat. vñ
ergebe sich in den willē gottes. zu n min-
sten nach dem willen d vernüfft. vñ thue
als d heilig iob. der vō gott gelobt was
wordē. d seins gleichē auff erdē mit wer

in der gerechtigkeit vnd in gotz forcht.
vñ dānoch straffet in gott ettlicher wort
halb. die er meldet gegen seinē freündē.
die ine mit worten stachē vnd peinigetē.
als dē. d sein plag mit sündē verschuldt
hette. Wann sie meinten. d niemāt. den
vmb seiner sünd willen. in leidenn kōme.
Vnd darüß d er ettliche wort wid den
irrsal seiner freünd geredt hett. mit den
er sein vnschuld erzeigen wolt. vnd hett
einen schein. d er sich vor gott rechtfert-
tigen wolt. als der vnuer schulter sach vō
gott gestrafft wer. da straffet yne gott
vñ sprach zu im iob. xl. Wiltu icht mei v-
teil vnredlich machē. vñ mich verwerfen
d du gerechtfertiget werdest. Aber iob
antwort vñ sprach. Ich hab vnweislich
geredt. vñ solliche wort. die vber die ma-
mein kunst vbertreffen. Darüß so straf-
te ich mich selbs. vnd thu buß yn d v-
sel vnd aschen. Darnach als bald lobet yne
gott der herr. das er recht geredt het. zu
einem zeichen. d vns der gerecht herre.
rechtfertigen vnd gleich als recht gebē
will. wenn wir bekennen. d wir vnrecht
haben. vnd hinwiderumb. wenn wir recht
wollen haben. so müssen wir vnrecht ge-
winnen. als wir auch werlich in der war-
heit vnrecht habē. den wz ist vngerech-
ters. heflichers. vñ verkerters. denn daz
die vngerechtigkeit allweg will gerecht
sein. Vnd wer merckt mit d. wenn der vn-
gerecht mēsch im selbs vnrecht gibt vñ
bekēnt. d er vngerecht ist. vñ vergiht d
selb. das er es desselben halb. daz er sich
vngerecht bekēnt. vnd vergiht mit der
gerechtigkeit vñnd warheit helt. vñnd
darumb so ist er souil gerechter. vñnd
warhafftiger. souil er das mer mit der
gerechtigkeit. vñnd warheit helt.
Darumb so rechtuertiget die beicht der

Von der würdigkeit der person cristi.

sünd den sünd. als d' herr in dem heilige ewangelio Luce i dem achtzehenden capitel. bey der gleichnus des mautners. Den man gewönllichen den offnen sünd nent. vnd des gleichsners zeuerste gibt. da er spricht vō dem offnen sünd. der sich für einen sündler bekant. daz er gerechuertiget in sein hauf abstige. vber dē gleichsner. der sich vor gott gerechtfertiget vñ gelobt hett. vnd desselbenhalb souil mer vor gott verworffenn ward. souil er sich mer rechtfertiget. auch allermayst darūb. dz er sich also lobet. dz er ander leut verwarf. darumb verdäpft ine sein eigē lob. Darauß nym daz. dz du dich mit bap bechönen magst vor gott dem herrē. dann das du dich schuldig gebest. vnd hinwider erzürnest du gott allermayst. wenn du dich in deinen sünden wilt rechtfertigen. so die vnschuldigen gerechtē. vñ heyli gen menschen sich mit rechtfertigen getürē vor got dem herrē. Als iob spricht in dem neündenn capitel. Den ich hye für den vierden zeugen der würdigkeit cristi herfür ziehen will.

Der heylig Job bestetiget die eegemelten meinūg. d' vierde zeug kōnig iob. **D**er vierde zeug ist iob der yn dem neündenn capitel seines büchleins also spricht. Warlich wayß ich. dz es also ist. das d' mensch gen gott gehalten mit gerechtfertiget wirt. Denn will der mensch mit gott rechtē. so mag er im vō tausenten mit eins verantworten. Dis woorts sölten die vermessen mensche geducken. die so getürstiglich. törllich. vnd freuenlich getürren sprechen. ich will dz wol verantworten vor gott. O herre got was vnaussprechlicher grosser vermessenheit ist das von den armen sündigen menschen. so alle menschliche weyßheit

vñ wolred. nheit vor gott erstummet.

Von der stercke cristi in der plödigkeit seins sterbens.

Das spricht iob. Er ist weyße des hertzen. vñ starck der krefft. Das hat der herr iesus wol bewysen an dem creütz. da im hend vnd füße angehefft vñ genagelt waren. vñ weder hend noch füße freilich strecken. oder an sich ziehen oder bewegen mocht. da bewegt er dānoch himel vñ erde. als dā in dem gemeinen erbidem. vñ in dem. das sich der mō. der allerferrest von der sunnen was. vntter die sunnen stellet. vnd yrenn schein auffenthiet vñ hindert. dz sy auff die erden mit scheinnenn mocht. Darumb spricht iob fürbas. Er bewegt die erden vō irer stat vñ ir seilen werden erschüttert. Er gebeüt der sunnen. vñ sie geet nit auff. vñ beschleüßet die sterne gleich als vntter einem insigel. Er hat allein die himel aufgestreckt. vñ wädert auf dē stünten des meers. Er machet den wagen d' syben stern. vmb den meerstern. vñ das witter gestirn. vnd das glentz gestirn.

Nach der meinūg der glo. e. der wagen vmb den meerstern ist die heilig cristenlich kirch. Wann der selb wagen geet allweg vmb. vnd geet doch nymer vnter. Also wirt die cristenlich kirch. vñ dz glaubig volk. allweg vmbgetriben. es erligt aber nit. Wann als sant iohannes mit dem gülden münd spricht. Die cristeheit wirt angefochten. aber nit überwunden. Ja als er spricht. Sy mag auch nit überwunden werden. Es geet vil vngestümkeit od' engewitters vber sie. aber sy geet nit vntter. Man scheüßet. vil geschos i sy. aber sy wirt nit durchschos. vil kriegzeugs wirt wid' sy beraitet. aber als ei vester turn wurd' sy nit geschedigt.

vn̄d von seinen grossen taten

Wie vil haben die cristenheit v̄o anfang
āgefochrē. da der sawm des glaubēs ge
worffen ward. v̄n sind waffen wid sy be
wegt wordē. Aber souil sy mer āgefoch
ten ward. souil ward sy clerer. Wann es
mōcht ee der himel zerstōrt werden. v̄nd
sz ertrich vergeen. den̄ daz die heilig cri
stenlich kirch etwas schadēs nem. Dis
sind sant Johansen Crisostomi wort.
Also spricht wun̄ d̄ weyse kōnig Job. Er
macht dē wagē v̄n die witterstern v̄n die
glentz stern v̄n die ynnern des sudwids.

Von den vier orden der heiligen. v̄n
vier streitē wider vierley veind. v̄nd vier
er tugenden. v̄nd vier zeitten.

Ey disen viere mag man die vier
teil des iars C nach der glos die
zwischen den linien steet versteen. als
den herbst. den witter. der glentz. v̄n den
sūmer. od̄ auch die vier fūderliche d̄rt d̄
werlt. die mā neimt mitternacht. aufgāg
nydergāg. v̄nd mittētag. od̄ nach den wi
den nort. west. ost. sud. Der ost ist v̄o auf
gāg der sunnen. der west v̄o nydergang.
der sud v̄o mittētag. der nort v̄o mitter
nacht. V̄n fūrbas bey disen vier zeittē
d̄rten oder winden v̄n gestirnen. mag mā
versteen. die vier orden der heiligen. das
ist die heiligen zwelfspottē. die mertrer.
die lerer. v̄nd die beichtiger v̄n iūckfraw
en. Oder auch die vier angel tugent. v̄nt
ter den. all ander menschlich tugent be
griffenn werdenn. als die gerechtigkeit.
die stercke. die clugheit. v̄nd die messig
keit. In der gerechtigkeit leuchtenn in
sunder die heiligenn zwelfspottenn. die
die warē gerechtigkeit C die in dem wa
ren cristenlichē glaubē steet gestift ha
ben. Darumb mag inē die gerechtigkeit
zugeaignet werdenn. Den marterern ist
die stercke zu geaignet. Den lerern die

clugheit od̄ weisheit. Den beichtigern.
v̄nd iūckfrawen die messigkeit. Die ge
rechtigkeit mag bey dem ostwid od̄ auff
gāg der sunnē verständen werden. bey dē
nortwid od̄ mitternacht die stercke. Bey
dem sudwind. od̄ mittētag die clugheit
v̄n kunst der lerer. als die in vollem liecht
der göttlichen weisheit die warheit ge
sehen haben. Bey dem nydergang mag
die messigkeit gar aygertlich verstanden
werdē. die die zeitlichē freud v̄n wollust
als zergenglich v̄nd v̄nttergeend āsicht

Durch die heiligē zwelfspotten hat
cristus die cristenheit gestiftet. Durch die
marterer gestercket. v̄n geuehtiget. Durch
die lerer erleucht. Durch die beichtiger
v̄nd iūckfrawenn erhōhet v̄nd gezieret.
Durch die gerechtigkeit des warē glau
bēs habē die zwelfspottē die iudē v̄ber
wunden. Durch die bestandēheit. d̄ stercke
sind die martreer den witterlichē vorgestā
den. Durch die rechte kunst v̄n clugheit
der geschriff haben die lerer den ketz
ern angefigen. Durch die messigkeit ha
bē die mūnich v̄n auch ander beichtiger
cristi v̄n die iūckfrawē die fleischlichkeit
v̄berwundē. Durch die heiligē zwelf
bottē hat cristus die heiligē cristenlichen
kirchē gestiftet in d̄ gerechtigkeit des hei
ligen cristenlichē glaubens. v̄o dem sant
pauls spricht zu den rōmern. in dem drit
ten capitel. das die gerechtigkeit gottes
geoffenbart ist wordē durch dē glaubē
ihesu cristi. in alle v̄n v̄ber alle. die in ync
glaubē. den got einē gnedigē verzeiher
fūrgēhaltē hat. durch dē glaubē in seinē
plut. zu erzeigūg seiner gerechtigkeit. dz
er gerecht sey v̄n den gerecht mach. d̄ v̄o
dem glaubē ihesu cristi ist. Sihest du wie
der heylig zwelfspott die warenn gerech
tigkeit. durch die. die menschen von gott

*V̄n in quat
tes m̄ n̄*

Von der würdigkeit der person cristi.

vnd vor gott gerechtfertiget vñ gerecht
geschetzt werden. yn dem glauben cristi
setzt. Vnd darumb hab ich gesprochen.
das cristus die cristenheit durch die hey
ligen zwelfspotten in die gerechtigkeit
gestiftet hat. Wann er hat sy gegründet
oder gestiftet. auff den glauben der hei
ligen zwelfspotten. vnd ewangelisten.

Er hat sy auch bestetiget vnd beue
stiget durch die stercke vñ bestandēheit
der heiligen martirer. die yn der zeit der
durchachtung. verfolgung. vnd widerwē
rigkeit. gleich als in der winterzeit auff
gangen vnd erschienen sind. vñ habē den
glauben wider die wūttrich die heidenn
verfochtē vñ auffenthaltē. als die zwelf
potten wider die iuden. die ir gerechtig
keit in die haltung des alten moseyschē
gesetzes satzten. Wider welche iudē sant
pauls spricht in dem egenanten capitel.
Nun ist die gerechtigkeit geoffenwart
on das gesetz. vnd bezeuget von dem ge
setz vñ den propheten. Vnd herab bafs
spricht er. Wir mainen das der mensch
gerechtfertiget werd on die werck des
gesetzes. Vñ sant pauls mainet alda dz
iudisch gesetz. als der beschneidung vnd
zeithalb. als am samsttag zefeyrn. vnd d
statthalb. als gen iherusale an dē ostern
zefomen. vnd ym tempel zeopfern vñnd
mancher opffer halben vnd der gleichē.

Item cristus hat sein heilige cristen
liche kirchen nach der zeit der durchach
tung als nach der winterzeit erleuchtet
vnd gezieret durch die heilige lerer. als
sant gregorius von nazanto. Johannes
mit dem gülden mund. Jeronimus. Am
brosius. Augustinus. vnd der babst gre
gorius von rom. vnd ir gleichen sind ge
wesen. die gleich als in d zeit des lentzs
vñ in der zeite als die cristenheit gebluet

hat. Durch die bekerung der grōsten für
sten diser werlt. die zu den selben zeiten
die rōmischen keyser waren vnd der wey
sen. die die cristenheit wider die arglisti
gen ketzer verfochtē. geredt. bewart. vñ
beschirmt haben. Der vierd orden d
heiligen sind die beichtiger vericher od
bekenner cristi. die münich vnd einſidel.
die closterleut. vnd die unckſrawen. die
sich vor diser werlt verborghen vnd ver
schloſſen haben. Die sind hie bedeütet
bey den ynnern gestirnen. Des südwind
s od des mittentags. die vñ vns nymmer
gesehen werdē. Dann wie das gestirne.
das vmb den meerstern ist. nymmer ont
ter geet. also geet vns dz gestirn. dz dar
gegen ist. nymmer auff. Dise heilige mū
nich als der groſs anthonius vñnd pau
lus vnd pachumius. vnd die macharij. vñ
arsenius. vnd ander vntzeliſch ir nachuol
ger. allermeist sant benedickt mit seinem
heiligen orden. sind als in dem mittettag
vnd doch verborghen gewesen. Wann sy
sind allermeist in iren nachkomen. yn der
zeit. da yetz die heilig cristenheit wider
ir feind als durch die heiligen zwelfpo
tē. wid die iuden. durch die martirer wid
die wūttrichē die heiden. durch die lerer
wider die ketzer angeſigt. vnd triūphiert
het. vnd ettwas zu rue vnd bestetigung
was komen. vñ also in glückſeligkeit. als
in eren vñ reichthümern. die auch zu wol
lust dienen da habē sy ere. gutt. vñ freud
diser werlt geflohen. vnd mit irem hertē
strengē leben. dz fleischlich lebē verdäpt
vnd alle werlt zuuerrundung irs abge
scheidnē reine keuſchen tugentlichē. des
mütigen. gedultigen. senftmütigē. engli
schen lebens gezogen vñ bewegt. vñ also
ser zugenomē. auch in d menge. dz sy die
wüste vñ die stet erfüllet habē. Nā listet

19

Von der vbertreffentlichkeit der cri-
stenheit vber all secten oder glauben.

Wie iunge kind der cristenheit. groß
mechtig feiser vnd tyrannenn oder wüt-
tich überwunden haben.

An clayne zarte kinder habē oft
die grossen mechtige tyrannē. Ja

Die großmechtige römische kaiser. die al
 ler werlt erschrockenlich warē. in worten
 der weyßheit. vñ in werckē der bestāden
 heit. mit allem irem erschrockenlichem ge
 wald vberwūden. als es erscheint in den
 kindern der heyligē Theodote. Vntter
 den einer mit namē Euodius. da ime vñ
 seinen zweyen brüderlein d richter niceti
 us gross pein vnd qual zeiget. vnd troet
 dz er sy martern wolt. bis in den tod. dē
 richter antwortet vnd sprach. Ist es dz
 mā pen vñ qual fürchtē sol. so sol mā die
 pein fürchtē. die vñ den hellischē engeln
 auffgelegt werdē. Sol man aber freud
 suchen. so sol mā die suchen. die von vns
 den claren liechten schōnen engeln. für
 dz heilig plutuer gießen beraitet werdē.
 Da der richter zu ym sprach. So du ein
 kind bist. wannen her komē dise wort yn
 dich. so dz lang alter kaum durch lange
 betrachtung solliche wort behaltē möcht
 Da antwort im dz kind vnd sprach. Vn
 ser herr ihesus cristus hat vns gemanet
 vñ gesprochen. Wenn ir vor den richtern
 steen werdet. vmb meins namens willen.
 so solt ir nit bedencken wie od was ir re
 den wöllent. Wann euch wirt yn d selbē
 stund gegeben was ir redē sollent. Wan
 ir seyet nit die. die das redē. sund d geist
 ewers vatters wirt d sein. d durch euch
 redē wirt. Darūb so hab ich dir heūt nit
 bedachte wort gesagt. Sund ich hab dz
 geredt. daz mir gott d herre gnediglich
 eingegebē hat zereden. Vñ nicetius d rich
 ter sprach. Rat doch deine iingern prū
 derlein. dz sy nit so iemerlich sterbē. Euo
 dius sprach. wer etwas weyßheit in dir.
 du sehest vnser kintheit vñ iugent an. vñ
 glaubtest. vnd veriechest. Das vnser ge
 laub war. vñ daz cristus warer gott wer.
 den die vnschuldige kind bekennē. Dan

Von der würdigkeit der person cristi

wer hat vns. so wir noch gleich als vnre
dēde kind sind. die red gegebē in d zung
en. bestādenheit in dem gemüte. verharr
ung in dem glaubē. od wer hat. die men
schlichenn forcht auß vnsern synnen ges
schlossen. mag mā icht zweifeln. dz d got
sey. d solliche ding gibet. Also lisset mā
auch wie sich d grynnig wüttrich dacia
nus. d die gärten werlt als ein wütterder
hund. durchsuchet. nach den criste. dz er
sy marterte. wa er sy an kame. der getödt
zwey kind. die in der schul die tafeln ler
nere. mit für sich. sy zehören lassen komē.
er forcht. er würd vō inen oberwüde. vñ
das volcke also zum cristen glaubē ges
naigt. Dar bey wol erzaigt wirt die ves
tigkeit des cristen glauben.

Die saracen getürren nit disputiern
hōrn vō irem glauben.

Also ist es noch heit bey tag mit
dem glauben d saracenē. dz sy nit
getürren zu disputierung irs glaubēs ko
men. Wann ir verfluchter hinfallender
verfürer machumet od als wir in gemei
lich nennē machmet. west wol. dz sei dig
alles ein erdichte vñ lügēliche ertrach
te vñ gestifftē sach was. vñ dz es keinen
gründ. Ja keine schein d warheit het vor
den vernünftigen vñ geleertē leuten. dar
umb forcht er. solt od würd mā dispu
tirn vō seinē glaubē. so würde mā die fal
scheyt leichtlich findē vñ begreiffē. dar
umb hat er gebottē dz mā nit disputiere
söll. vō seinē glaubē. Ja mā sol die oren
verhaben. vñ die töte. die disputiere wöl
lē mit inen vō ire glaubē. Den fund hat
d teüflisch arm machumet. d den hohen
hinfallenden siechtagen gehabt hat. vō
seinē meister vñ herrē d teüfel. vñ seinē
knecht vñ gesetzmacher empfangen. die
da mit zeügtnus gegeben habenn. Irer

blöden vnd töreten stiftung.

Die geleertesten vnd weytesten dyser
werlt. haben dem cristenliche glaubē nit
mügen widersteen.

Der in vnserm glauben habē die
geleerteste philosophi diser werlt.
auch den minsten iugern cristi. auch den
mynsten od iüngstē kindern. als bewert
ist. nit mügen widersteē. Dāu lisset mā
auch in d hystorie des heylige münichs
Romani vñ yficij. das sant Roman zum
richter asclepiaden. da sy lāg mit emand
vō dem glaubē gehādelt hetten. sprach.
Ich beschwer dich bey dem heyl deiner
kōng. dz du heissest ein kind. wa mā es
begreiffst. her vō d schul für dich bringē
vñ fragst es. ob es billicher sey. dz mā vn
sern gott anbette. oder die götter. die vō
den mensche gemacht werde. Asclepias
des sprach. So du mich bey dem heyl vn
serer herrē beschworen hast. so willich es
tun. Vñ hiech ein deins kind vō der gas
sen zuckē. vñ für ine füren. vñ d richter
asclepiades sprach zum romā. Sihe an.
da ist daz kind. war zu hast du es her ge
fordert. Romanus sprach laß mich mit
im redē. Der richter sprach. frag es. Ro
manus hub auff sein augē in den hymel
vñ sprach. Herre ihesu criste. erzeig dein
krafft. dz dein nam gegrösset werde. der
yn aller werlt gebenedeyet ist. Vnd er
fragt dz kind vñ sprach wie heissest du.
Daz kind sprach ich heys baralas. Ro
manus sprach zu im. Sag mir barala. ist
es besser. dz mā einē gott anbette. od ist
es besser. dz mā die götter abette. die vō
den menschen gemacht werde. Als bald
ward dz kind mit dem heiligen geist er
füllt. vñ sprach. Es ist besser daz mā den
gott. d himel vñ erd. dz meer vñ alles dz
dz in inen ist. gemacht hat. anbette denn

vnd von seinen grossen taten

Die höltzer. vñ die stein. die sy heidē gōt
heisse. Da ward d' richter so zornig vber
dz kind. dz er es als bald hieß auffziehē
vñ schlahē. Es verharret aber in der ver
iehung cristi in der marter bis in den tod.
wan er hieß im das haupt abschlahen.

Wit allein in mās namen. sunđ auch
in frawen bilden. ist ober alle geschlecht
woyheit vnd bestandenheit yn der cri
stnheit gefunden worden.

Als sol mā vō den knaben sagē. so
auch die frawen vñ die meidlein.
die widerfacher cristi so ritterlich vnd so
herrlich vberwunden habē. Dāñ wiewol
die selbē widfacher mit sollichen weibs
personē manigueliglich disputiert. vnd
ine begirliche ding diser werlt verheisse
vñ erschrockenliche bedroung fūrgchal
tē habē. so sind sy doch auch vō dē weyb
lein vnd meydlein vberwunden worden.

Von sant Anastasia.

Als wir in d' legē d' heiligē fraw
en sant theodoten. die etlich theo
dora nennē vō dem heiligen edlen weyb
lein sant anastasia lese. dz sy zu dem rich
ter probus. als er zu ir gesprochē het. du
bist vnſynnig. sprach. Wer ist vnſynnig.
Dyñ ich vnſynnig. dz ich euch d' torheit
straff ođ seyet ir ſynnlos. die ir mir kein
redliche sach erorer tate kündet erzelen.
Darnach da sy der keyser dyoclecianus
dem oberstē bischoff des capitoliū mit
namē vlpianus. zu einer hauf frawen er
laubet. wo er sy anders vber redē möcht
Da fūret sie vlpianus in sein haus. vnd
ward ir an einē ort. schöne cleinat vñ ge
zierd. an dem andern. schwerter. an einē
ort feinperlein vñ edelgestein. an dē an
dern kolben. an einem ort silber. an dē an
dern marter. an einem ort silberein bett
ladē mit pflaumfedern beraittet. an dem

adern stöck. vnd einē weg bestreuet mit
glüendē kolen. an einē ort speyse kamern
oder keler vol köstlicher kältlicher speise.
an dem andern. ein finstere zell vol ſchar
pfer spytziger scherben zeigen. Da sahe
die heilig anastasia zu der vnſtern pei
lichen zell zu. mit freuden. vñ sprach mit
grosser zuuersicht. In d' zell. da du meist
es sey vnſternus. sihe ich daz war liecht.
aber in deinen kellerin merck ich nichtz.
den einen misthauffen menschlichen kots
In deinē gold ist d' hellischtrach. i deinē
edeln steinen d' teufel. in deinē silberinē
bettstaten ruet die vnlauterkeit Aber di
se eyſen halſrig legst du sie mir an mein
en hals. so wirt mein iugent erneuert als
eins adlers. vñ mich wirt bedücken. Das
ich mit halſbanden vō gold vñ silber ge
ziert sey zu wolgeuallen cristi. in des he
be. ich tag vñ nacht erseufzige. Aus d
sen worte die durch maniguelrige werck
vñ leidē vor vñ nach bewert vñ in d' vñg
bewisen sind worden. mag man brüſen.
woz kunheit vñ stercke des gemütes in di
sem heiligen weiblein sey gewesen. Mā
liſet in vil heiligen legenden vñ leben vō
irer grossen andacht vñ vō den grossen
dingē. die sy getan vñ erlittē hat. Ir tag
ist an dem heiligen cristag. die dann eins
grossen nāhafftigen rōmers mit namen
pretextati tochter gewese ist. zu den zeit
ten des keyſers dyocleciani. der vmb dz
drithalb hūderst iar nach cristus gepurt
geregiert hat. vñ ir mutter ist ein andech
tige cristynn gewesen mit namē fausta.
wie wol ir vatter ei heid woz. Si het auch
einen man. mit namen publiū. d' ein grym
miger heid woz. vñ peyget dz heilig weib
lei dārib dz sy ein cristynn woz. vñ schloß
sy in einen finstern kercker. vñ lieſ ir wed
liecht noch speyse zugeen. den ein wenig
F ij

Von der würdigkeit der person cristi

brot. vñ hett sy geren getödt. Daz er ein
herr würd irs grosse guts. aber er starb
vor. Vnd sy legt alles ir gut an die not/
doft vñ dienste d̄ heiligen mertr̄er. die
hin vñ her in den kerckern lagen. den sy
die füeß wusch. vñ sy i d̄ gefenc̄nus sal
bet. tröstet. vñ stercket mit süßen wortē
wid die pein. vñ küßet inen die füße in
den stöcken vñ ketten. vnd bat sie das sy
nit wichē vmb d̄ pen wille. die mā inē an
rete. vñ neret sy mit irem gut. Vñ dz sy
solliche ding thun möcht. so leget sy die
k̄stlichen cleider hin. vñ arme kleid an.
Dz mā sy nit kennen mocht. vnd nam nar
ein meyd mit ir. vnd lieff also bey nacht
vō einē kercker zu dem andern. in dē die
cristē gefangē lagē. vñ trug zu vnd erne
ret sy also. Deshalbē ward sy verclagt
vor dem k̄yser dyocleciano. das sy vber
die maß groß gut mit den cristē vertan
hett. Darūb erlaub̄t er sy etliche mechti
gē mennern zu einer haupffrawē. auf dz
dz inen das gut das vbrig wer. werden
möcht. Aber sy hett gott den herren ge
bettē vnd auch erworbe. Daz er sy friste.
bis sy dz gut alles i sölliche miltē werck
en verzerete. darnach so wolte sy im den
irē leib vñ ir lebē in die marter opfern.
als es den beschehen ist. Darynnen ir vn
überwindliche stercke yn der liebe cristi
erzeigt vnd bewert. wirt.

Item von sant Cecilien.

Erllicher künheit vñ weisheit ist
auch dz lebē d̄ heilige iuckfrawē
die vmb des glaubens willen gemartert
sind worden. gātz vol. Als wir besund vō
sant cecilien findē. da d̄ richter almachi
us vnter vil wortē. die sy miteinander het
ten C in den sy allweg oblage d̄ zu ir ge
sprochē hett. weist du nit. dz mir vō den
allervn̄berwindlichistē fürstē. gewalt ze

töttē vñ lebēdig zemachē gegeben ist. w̄z
redst du mit söllicher stoltzheit od̄ hoh/
fart. da antwort sie vñ sprach. Es ist ein
anders hohfertig zesei. vñ ein āders Be
stāden zesein. Ich hab bestendenlich ge
redt vñ nit hohfertiglich. Dāñ wir cristē
habē einē grossen grawē vor d̄ hohfart.
Aber getarst du die warheit hōrē. so will
ich beweisen. dz du so vnwarhaftiglich
geredt hast. dz es nit wol vnwarhaftig
licher kōnd sein. Da sprach almachius.
Was hab ich vn̄wars gesagt. Cecilia
sprach dz. dz du sprichst. dein fürsten ha
bē dir gewalt gegeben lebēdig zemachē
vñ zetöttē. Almachius sprach. so hab ich
gelogē. sāt cecilia antwort vñ sprach. ich
will beweisen. dz du wiß die offenbaren
warheit gelogē hast. Almachius sprach.
so beweiße dz. sāt cecilia antwort. du hast
gesprochē. dein fürstē haben dir macht
gegeben. lebēdig zemachē. vñ zetöttē. so
du doch allei gewalt zetöttē empfangen
hast. wann du magst allei dz leben den le
bendigē nemē. Aber den totē nit geben
Darūb so sprich. dz dich dei k̄iser. einen
knecht des tods. vñ d̄ māschlechtigkeit
habē wölle machē. Dann sprichst du ett
was mer. so merckt man. das du on sach
leigst. almachius sprach. leg hin dei k̄ün
heit. vnd opfer den gottern. Sāt cecilia
sprach. ich weis nit. wa du dei augē hin
gethā hast. wann die. dy du götter heis
st. sehē wir alle. vñ die ādern. die gesun
de augē habē. für stei. metal vnd pley an.
almachius sprach. durch die philosophē
hab ich gelernet. dz ich mei schmahheit
verachte. aber die schmahheit d̄ götter
mag ich nit geduldē. Sāt cecilia sprach.
Seyd du deinē mūd aufgethā hast. so ist
ei red nie gewesen. die ich mit d̄ vngerech
tigkeit. d̄ torheit. vñ d̄ eitelleit gestraffet

vnd von seinen grossen taten

hab. aber. dz du erzeigst. dz dir nichtz gepreche. an d vnfinnigkeit. so bewersst du dich auch an den eüssen augē plid. wan dz. dz wir alle sehē. dz es ein stein vñ ein vnnützer wack ist. das vergibst du deine gott. Ich gib dir. c heissest du michs d einē rat. dz du es mit d hād anrührest. vñ lernest dz. durch dz antastē erkennen. das es stei ist. dz du mit dem gesicht. nit kennē kält. Wan es ist ein schād dz dis gantz volck ein gespör od gelechter vō dir hat. dan sy wissen alle wol. dz gott in den himeln ist. Dis ist ein wenig vō den wortē d disputirung. die dis inckfrevolei mit dē geweltigen richter. d dar zu auch ein philosophus vñ geleter werltweiser mā woz. fūrgewēt hat. Aus dem mā wol merckē mag. ob sie hab künde od getürren antwortē dē widersachern des glaubēs od nit

Die selb inckfraw in d disputirung die sy mit sant tiburcio hett. da sy in zu dem glaubē bekerē wolt. vñ saget im vō dē lebē dz in yener werlt ist. vñ sant tiburcius sprach. ob auch ein and leben were dann dis hieig lebē. er hette dz nye mer gehört. Da sprach sāt cecilia. Vnd dis lebē mit dem wir lebē in diser werlt. ist es auch ei lebē. in dē die feuchtigkeit flüssig machet. die schmerzē schwēdē es. die hitz der ret es auß. d luft vergiffetigt vñ machet es süchtig. die speis pleet es auff. dz vāstē megert es. d schimpf macht es verlasen. die traurigkeit verzeret es. die sorgueltigkeit ēgset es. die sicherheit macht es toll. die reichthümer stoltz. die armut schlecht es nū. die iugēt erhebt vñ richtet es auf. dz alter krumet es. die krankheit pricht es. dz laid frisset es. vñ disen ding en allē volgt d wüttēd tod nach. vñ gibt allē fleischliche freūdē ein sollich end. dz sy. wenn sy vergeen. gleich sind. als ob sy nie gewesen wern. Nun merck ein

menschen auß disen wortē wie lautter vñ clerlich dise inckfraw die arbeitseligkeit dis gegēwertigē lebēs mit kurtzē wortē an dz liecht gelegt hab. dar ynnen ir weisheit wol zeprüfen ist. die so gar vnzellich vnfeld dyser werlt. so mit wenig wortē begriffen hat. also ist ir weisheit künheit vñ bestandenheit auß den obgemelte redē wol erzeigt vñ bewisē wordē Vñ d gleichē vñdt mā vil i dē disputirung en auch d inckfrawen wō die vnglaubigē. Aber woz sol mā vil vō dē gewachsenē diernē sage. so cristus auch durch die iūgen meidlei wō die wütrich āgesiget hat.

Von sant sophyen töchtern.

Es es in sun d erscheint vō dē dreien inckfrevolein sāt sophyē töchtern. fide. spe. caritate. die als vil gelsprochen sind zu teüsch als glaub. hoffnung. liebe. die d grosmechtig werltweise vñ künste reich rōmisch keyser adrianus. so in man gerley weise versucht vñ mit peimē āgrif. Aber sie triūphierte vñ lagen im so herzlich vñ offenberlich ob. dz er es selbs bekennē must. vñ schrye mit layd vñ sprach. O ir grosse götter. wee mir. wan ich bin layd oberwūdē. Vñ warē doch die kind. der iar halben kindisch gnug. das eltest was zwelf iar. dz mitler zehen. dz iüngst bey newn alt.

Vō sant agnesen. vñ sant. Katherina
Es gleichē vñdt mā vō sant Agnesen. die ein inckfrevolein zwelf iar alt was. da d richter zu ir sprach. Ich verzeüh dz vñtel mit dir. wie wol du die götter lesterst. vñ begier zerattē deiner künheit. denn ich sihe wol das dein synn vntter den iaren sind. Als ob er sprechen wolt. du bist noch zu kindisch. vñ zu iung zu vernünftige dingē. Aber sant agnes Antwort gar geschwind vñ sprach. Du solt die künheit des leibs nit also in mir ver

Von der würdigkeit der person cristi

achten. noch mich also kindisch halte. dz du meinst. dz ich deiner gnad beger. wa d glaub wirt nit in den iare gefunde. sund in den synnen. vnd gott der herr bewert mer die gemütt. den dz alter. Was sol mā vō sant Katherina sage. die ein tochter vō achtzehē iaren was. vñ geschwayget fünffzig meister mit disputiern. die sich so für gelert hielten. dz sy sagten. dz ir iünger einer. all die philosophen. vñ gelerten. die gen nydergag der sunnen weren. vber disputiern solt. Darumb sprach wol der heilig bischoff vō sinop sant focas zu affricano dem richter. da er zu sat foca gesprochen hett. man bedörfte wol ein schar der. wolredende fürsprechē. dz sy dir antworten möchten. da sprach er. Wen du die gätzē werlt zeantworte berüfdest. so würdest du sehen dz sy all vor dem mynstē iünger cristi erligen würden.

Wie die cristenheyt in aller tugent vbertrifft.

Darumb sol mā ich grosser weisheit vñ küheit. stercke des gemütes. gedult vñ bestādeheit verwündern. so vündt man es nyndert mer. den in d heilige cristeheit. Dauō sprach auch d grosmechtigst keyser traianus vō sat ignatio. groh ist die gedule d. die in cristu glauben. welher friech od heyd lide souil vmb seins gottes willē. als diser ignacius vmb des willē leidet in dē er glaubt. Aber sat ignacius antwort. nit auß mēschlicher krafft. hab ich souil erlittē. sund auß bereyter miltigkeit. des gemütes. dar zu mich der glaub gezogen hat. vñ durch die hilff cristi. Fürbas sprich ich. sol mā sich grosser tugēd. grosser wunderwerck. grosser zeichen verwündern. wa findt mā sy anderswo den i d heilige cristeheit. Darumb spricht fürbas d heilig kōnig iob in dem lob cristi. Er tut grosse vñ vnerförschliche zig.

vnd wunderwerck. der kein zal ist.

Daz die demütigkeit vñ plödigkeit d mēschheit die werck d gottheit grösset. vñ die wunderbercke cristi scheine grösser vñ wunderlicher. angesehen die mēschheit. denn angesehen die gottheit.

Iob ob die obgemelten wort iob aller eigentlichst gesprochen werden vō got in plosser betrachtung d natur seins göttliche wesens. so müge sie doch noch tieffer verstandē werde in ansehung seiner menschlichen natur vñ plödigkeit. Vnd des zu einer erclerung. so mercke. Wen ein kleiner grosse ding tut. vnd ein plöder oder schwacher starcke mechtige ding vbet. vnd ein kind hohe tieffe heimliche ding findet. erkennet. vnd volbringet. so must du auß d vernüfft veriehe. dz sich sollichs mer zeuerründern ist. dan so ein grosser. ein starcker. ein tapferer mā. grosse. starcke. tapfere. ding teth. vbet vñ volbrecht. Nun merck wz ich mayne. vō d grössē gottes des herrē spricht ysaias in dem viertzigistē capitel. Er sitzt auff dem vmbkreisse der werlt. vñ die ynwoher d erdē sind gleich als die heischrecken. Vñ got der herr spricht selbs in dem letstē capitel ysaiē. Der himel ist mei sel. vnd die erde mein füschamel. Vnd aber spricht ysaias. in dem viertzigisten. Seht ann. die geschlecht sind gleich als die tropffen vō einē eimer. vñ die inseln sind gleich als ein kleiner staub. Alle geschlecht synd gleich als nichts vor ym. Wer hat mit einem feüßlein die wasser gemessen. vñ mit einer spannē die hymel gewegē. Wer hat die kugel od den last d erden an drey finger gehenckē. vñ hat die berg gewegē in dem gewicht. vñ die bühel in einer wag. Salomon spricht in dem achtē capitel des drittē büchs d kōnig. Der himel vñ die himel d himel mü

vnd von seinen grossen taten

gen dich herr nit begreifen. Vñ im alf-
 te capitel d' weyßheit spricht er. der omb
 Erdische d' erde ist gleich als ein tröpflein
 tawes. d' vor dem tag auff die erde felt
 vor dir. Aber König David belchleust es
 alles. So er spricht in dē viernduertzig
 istē. vñ hūderste psalmē. Groß ist d' her-
 re. vñ seiner größe ist kein end. Also hast
 du das er vns endlos fürgehalten wirt
 durch die heyligē geschriffte. Ist er nun
 endlose in seinē wesen. ist es den a roud
 dz er grosse ding tut. i den werckē. Itē
 zum andern frag ich ob mer zeuerwun-
 dern sey. dz die lebēdige. etwas treffen
 licks tun. od die töttē. Itē zum dritte. ob
 mā sich mer verwūdern sölle. woz die tun.
 die gestorbe sind. od die. die noch nit ge-
 born od C dz ich weytter red d' die noch
 nit empfangē sind. Ja noch weiter. der
 eltere vō den sy geboren sülle werden. vñ
 der selbē eltern elter. noch nit empfangē
 sind. Was vber die andern frag zeant-
 wortē sey. mag ein yeglicher wol merckē
 Aber vber die dritte ist es nit also leicht
 zeerkennē. welches wundberlicher sey.
 dz ein gestorbnē od ein vnempfangner
 wūderberck wūckē wā sy sind beyde wū-
 derberlich gung. vñ vbertreffen weit die
 wūderwerck. der die yetz sind vnd leben.

Es ist grösser vor der empfengnus
 zewūcken. denn nach dem tod.

Doch scheint es nach vil weys wū-
 derlicher sein. so ein vnempfang-
 ner ettwaz tut. den ein todter. Wā ein
 gestorbnē mag ettwaz angericht habē
 in seinē lebē. dz nach seinē tod wirt. Vñ
 d' werck. den er sach gegeben hat. mag er
 wol ein wūcker genent werdē. als man
 mag sprechen von sant pauls. er lere vnd
 straffe. vnd predige noch. darū dz sein
 epistel noch vntterweysen vnd leren. die.
 die sie hören od lesen. Auch lebē die tot

tē nach d' sel zerechnē. die d' beste teil des
 mēschē vñ vntöttlich ist. Aber d' noch nit
 empfagē ist. d' ist wed leybs noch sel hal-
 bē. Darū ist es mer vnmöglich. dz er ett
 waz wūckē od thue. den ein gestorbnē.

Vnser herr hat wūderwerck gewūckt in
 seinē lebē. nach seinē tod. vor seier geburt
As mā nun mei meinig hab vō dē
 wūndern vñ wūderwerckē cristi. Cri-
 stus hat grosse wūder gethā in dē leben
 als dz heilig euāgelii vol ist. Er hat grōß-
 sere roud gethā i d' geburt. noch grōßē
 re i dē sterbē. Grōsse roud nach seiner
 geburt. grōßere vor d' geburt. noch grōß-
 sere nach seinem tod. die allergrōste vor
 seiner empfengnus. Also magstu merckē
 dz zu dē zeittē. da ādere mēschē mynder
 vñ mynd mūgē wūckē. oder ettwaz merck-
 licks schaffen. da hat cristus mer vñ mer
 wunders gewūckt. Wz er in dē lebē ge-
 wūckt hab. dz hōrt mā durch dz gantz
 iar in den ewāgelii wol. waz er in dē ster-
 ben vñ nach seinē tod gewūckt oder ge-
 thā hab. dauon wirt ettwaz gemelt wer-
 dē in dem dritten teyl dis pūchleins.

Was wunder cristus gewūckt hab
 in seiner geburt.

Was er i seier geburt gewūckt hab
 dauō lisset mā auch vil. ei teil ist be-
 rürt wordē hieuor i d' materie vō dē hau-
 bt cristi. mā lisset sunst i etliche būchern.
 vō vil wūdrn. die i vil ortē. d' werck besche-
 hē sind. die ich hie las āstee. vñ nyñ einē
 spruch sāt augustis für mich. dē er i ein-
 er predig vō d' geburt cristi setzt. auff ein-
 en söllichē syn. mei allerliebste brüder. ir
 habt gehōrt. wie vns d' heilig ewangelist
 heit dz sacramēt d' geburt cristi gesagt
 hat. die gepurt cristi. spricht er. was alsē.
 vnser herr iesus cristus. mei allerliebste.
 der in d' ewigkeit ein schöpfer aller ding
 ist. d' ist vns. als er vō d' muter geboren ist.

Von der würdigkeit der person cristi.

zu einē behalter worden. Er ist vns heüt
geborn i d zeit d wädelberlichkeit. Dz er
vns prechte zu des vaters ewigkeit. Got
ist mēsch wordē. Dz d mensch gott wurd.
vñ dz der engel brot. vñ dem mēschē ge
essen wurd. so ist der herre d engel heüt
mensch wordē. Also ist er wordē. d da ge
macht hett. Dz der gefundē wurd. d ver
loren woz. Der mensch hat gesündet. vñ ist
schuldig wordē. gott ist geborn das der
schuldig erlöset wurd. Also ist d mensch
gefallē. vñ got ist abgestigē. der mensch
ist pmerlichenn gefallen. gott der herr
ist barmhertziglich abgefarn. Der men
sch ist durch die hohfart gefallen. gott ist
mit genadē abgestigen. Der zum erstē in
den himeln geborn ist on ein mutter. der
ist heüt on einē vater geborn auff d erdē
O wunderwerck. o wunderzeichē. die recht
d natur werden verwädelt in dē mensch
en. Gott wirt geborn. ein muckfraw wirt
on einē mā schwäger. ein muckfraw wirt
zu einer muter. vñ bleibt ein vnuerruckte
maydt. Ein muckfraw hat einen sun. vñ
waish keinen mā. sy bleibt beschlossē. vñ
ist doch vnperhafftig. O der wunderber
liche vñ vnauserfuchtē zusamen fügig.
O der neuen vñ vngehörte vermengung.
Gott. der da ist vñ was d schöpffer. der
wirt ein creatur. der vngemessen ist. der
wirt vmbfangē. d die reichen macht. der
wirt arm. d vnleiplich. wirt mit dē fleisch
gekleidet. Das wort wirt zu fleisch. der
vnichterlich wirt geschē. der vnbetaft
lich wirt betastet. d vnbegreiflich wirt
begriffen. der. den himel vñ erd benedey
en. der wirt in ein engs krippelein gelegt. d
vor aller werlt ist. der wirt in d werlt. od
in d zeit gezelet. Cristus ihesus gestern.
cristus ihesus heüt. cristus ihesus in alle
werlt. Gestern habich gesprochē. vmb d
töttlichkeit willē. heüt vñ der ewigkeit we

gen. Darü habē heüt billich die himel
geredt. die engel gefrolocket. die hirtē.
sind erfreut. die weyse geladē. die kōnig
betrübt. die martirer gekrōnet. vñ die bö
sen geist vertribē worden. Das sey aus
sant augustins wort gesetzt. Sāt am
brosius berüret auch einen teil d wunder.
die vmb die zeit der geburt cristi besche
hen sind. da er vber lucā schreibet. vñ sprit
ht. Die geburt des herre hat mit allei vñ
den engeln vñ propheten. vñ den eltern
vñ den hirtē. sunder auch vñ den alten
vñ den gerechten zeugēnus empfangē
Alles alter vñ alles geschlecht bewert
den glauben. der künfftigen wunderzeich
en. Ein muckfraw gepirt. ein vnperhaffti
ge geligt. ein stum redt. Sant elisabeth
weyßagt. der weyse bettet an. Johannes
yn mutter leyb beschlossē frolocket. die
wittwe vergiht. der gerecht baytet. Also
spricht Ambrosius.

Vñ den grossen wündern die cristus
i mutter leib gewürckt hat. vñ allermeist
mit sant iohāsen dem tauffer. der auch
noch in mutter leib was.

Was d herr aber wünder gewürckt
hab vor seiner geburt. doch nach
seiner empfangēnus. da von will ich etz
was nach der meinig des herligē ewan
geliums. vñ d lerer. die darüber schrei
ben. meldē. Vñ bis ingedeck. was ich
oben gesprochē hab. das er grösser vñ
mer zeuerwündern ist. dz ein cleiner gros
se ding tut zc. Also merck nun hie vñ cri
sto. wie wunderberlich seine werck sind.
der yn seiner mutter leyb kaum acht tag
alt. nach seynē empfangēnus. so ande
re kind noch mit kinder sind. wañ sy lebē
noch nit. ir leib sind noch nit geformirt.
Ja sy sind noch nyndert zu fleische wor
denn. so sind ir selenn noch nit geschaf
fen. Wann sie werdenn nit beschaffenn

vnd von seinen grossen taten

es sey den der leib vorgeschickt zu dem phang d sel. in dem alter da cristus C wer er empfangen vñ geformiert. vñ ein lauter mensch vñ ein kind der natur gewesen als andere mensche. D noch nit vollkomē plut wer gewesen. da hat er solliche grosse werck der gnaden yn dem vngepornē kind sammt iohannsen gewürckt. das der gleichen nie darnach beschehen sind.

Was cristus mit sant iohannsen gewürckt hab der geystlichen stercke halb.
Vnd merck zum ersten. was das kind cristus in dem kind sat iohannsen gewürckt hab. der stercke halb. Wan er hat im gegeben zeüberwiden. den. dē alle werlt vnterworfen ist gewesen. des halben dz sy vnter seine gewalt als gefangen lebet. vñ im dientt. vñ mit im zu dem ewigen dienst der sünd vñ bosheit verurteilt w. welher sünd vñ bosheit d teufel ein finder vñnd haubtknecht ist. Darüß wer der sünden knecht ist. der ist auch des teufels knecht. wann der teufel herschet vber nyemāt. denn vber die. dy vbel thum. In dem büchlein des heyligen iobs spricht gott der herr. yn dem ainundvierzigsten capitel vō dem teufel Er ist ein kōnig vber alle kinder der hohfart. Die hohfart ist die sache. der āfang vñ dz ende aller sünden. Aus d hohfart entspringen alle sünd. vñ der teufel hat durch die hohfart alles vbel geseet. yn menschliche natur. vnd durch mittel der sünd den töd. vñ wer die sünd vberwirdt. der vberwirdt auch den teufel. Aber kein mensch mag die sünd vberwiden. so er in vñ vnter der sünd. vñ deshalben vnter dem gewalt des teufels geborn ist. den allein durch die gnade des heiligen geystes. Vñ nyemāt wird die gnade des heiligen geists verlihen. den den. den sy vō

cristo gegeben wirt. als dz hie vōmen in dem dreyndzweintzigsten gegenwurff berürt ist worden in dem ersten articel. Wolt nun vnser herr als er in dem iuncē frawlichen leyb. vō dem heiligen geyst empfangen was. beweysen. warüß er kōmen vñ mensch worden wer. dz er durch die gnade des heiligen geists. die seine reiyget. vñ vō den sünden erlediget. vnd vō dem gewalt des teufels vñ vō dē schēden dienst vnd panden der sünd erlöset. vñ ine krafft vñ macht zewidersteē dem teufel. die sünd zeüberwiden verlihe. vñ die vberwider krōnet. Er wolt auch erzeigen wie geweltig vnd milt er seins heiligen geistes wer. vnd was grosser ding d heilig geist durch sein gnade würckte. yn den. die er erfüllte. Vnd bewegte d herr sein werde muter. dz sy in trug zu sant elizabeth. die sant iohannsen in yrem leyb hette. vñ bewerte an sant iohannsen sein tugent. sein miltigkeit. vnd sein wunderwückende gnade. vnd salbet sant iohannsen in mutter leib mit der gnade seins heiligen geists zu einem kempfer. zu einem priester. zu einē prophetē. vñ zu einē patriarchē d newen ee. Vñ dz mā merckte wie vollkomē sein werck. vñ wie mechtig die gnade des erst empfangnē kindes cristu weren. so verlihe er sant iohannsen die gnade seins heiligen geists so völiglich. dz er als pald sein empter in mutter leib anfieng zeüben. Vnd so er C als ich gesprochē hab D zu einē kempfer gesalbet was. so entschütt er sich außs den bandē d sünde. vñ des gewalts des teufels. vñ richtet sich gleich als auff. vnd kret sich gegē seinem herrē. vñ grüßet ine. C als sant augustin spricht D vnd bethet in an. Wann durch dasselb vberwindt mā den teufel vñ entrinnt seinem gewalt. dz mā

Von der würdigkeit der person cristi.

sich zu dem waren herren kert. vñ yn für
einen herren C dem alle creatur soll vnt-
terworfen sein C erkennet vñ auff nympt
Vnd ye mer mā sich seinem willen vnd
seinem gesetz vntterwirfft. ye mer man
den vntugenden. ansechtigen. sündē vñ
dem teufel obliet. vñ ansiget. Vñ dz
ich dz durch zeugnus bewere. daz sant
iohannes. die weyl er noch ein kind. vnd
auch in mutter leib wz. also ritterlich dē
teufel vberwunden hab. So merck hie wz
d hohredend lerer petrus von rauenna
C wie wol man das sant Bernhart zu
schreibt den es steet oft vntter seinē pre-
digen. es ist aber mit sein weyse also zere-
dē C spricht in eier predig. Scheme dich
lucifer. d du morgens früe auffgiengst.
vñ so du in deinen listen vberwunde. bist
so erkenne dz du zu den lezten zeitē als
ein töreter vogel in deinen eigen stricken
behaftet wirst. Durch dein argstiftung
ist dz beschehen. dz das gätz menschlich
geschlecht yn den sünden empfangē vñ
in schmerzē geboren wirt. Aber sihe an
diser iohannes wirt in mutter leib gehei-
liget vnd in freunden geboren. vnd geüß-
set durch sein geburt der gantzen werlt
freud. ein. Sihe an daz waffen. dz du dir
zu einem sig gesetzt hetest. dz dient sant
iohannsen zu einer kron. Nun erwische
dein waffen vnd schilt. vnd ergrymme in
dem gätzē geist deiner bosheit. so magst
du doch die freyheit sant iohannsen. mit
vntterprechenn. die die gütig hand des
schreibers mit seinem eignē bettschafft
versigelt hat. Du bist wol betrogen vnd
mit ein wenig zu gespött worden. Weist
du dz dir ein man vnd ein streitter vō d
Eintheit an. vñ auch vō seiner muter leib
auff steet. Weist du dz mit. dz vō sant io-
hanns tagen daz reich der himel gewalt


leidt. vnd die inen selbs gewalt anlegen
die zuckē es. Sihe an die ordnung d ding
vō anfang. so finst du dz diser iohannes
vō anfang seiner empfangnus mit mā-
lichem streit dein stercke vntterproben
hat. Du hast gemacht dz d prudermōd
Cayn. der d erst geborn mensch was. ver-
wickelt vnd besleckt vnd mit d erbsünd
verleumet auß seiner mäter leyb komen
ist. vnd die gantz werlt hat mit schrecken
die selben schentlichen verleumung em-
pfangen. vnd die gepurt des menschlich
en geschlechts. die hernach komē ist. har-
den menschen zu vnzelichem layd vñ ku-
mer gebracht. Aber dis mēschē gepurt
ist zu grossen freuden. vnd zu einer herr-
lichen liechten hohzeit. dz sich die gantz
werlt frewet d gegenwertigkeit dis lbb-
lichen tags. d auch feyrllich vnd namhaf-
tig vntter den heiden ist. Wer mainst du
der dis kind werd werden. Ein freünd
des preitigams. dein feind. mechtiger
denn dein gewalt ist. Dis sind die wort
des lerers petri vō rauēna. Darüb mag
man wol sprechen. dz daz kind cristi vn-
aussprechelich wund. der stercke halb ge-
würckt hab in dem kind sant iohannsen.
Den so nyemant gekrōnet wirt den d. d
da redlich streit C als sant pauls sprich-
et C vñ nyemant mag streittē. er hab dan
krafft vñ glied ic. So mag mā doch nach
weiß d red. die der natürllich maister ari-
stotiles in dem andern buch phisicorum
meldet C sprechē vō sant iohannsen. dz er
vō cristo d vngewornē kōnig vñ kind. zu
einem ritter geschlagē. vñ geharnest sey
wordē. ee er einē leib gehabt hat. Vñ dz
du dich verwunderst d macht dis kōnig-
liche vngewornē kunds d ritter gemacht
hat als er ei kōnig ist gewesen C wan wie
er ein neugeborn kind. neugeborne kind

vnd von seinen grossen taten

zu rittern macht. also macht er vngeworn
Sisen vngewornen sant iohansen zu einē
seltsamen ritter. Wann er wappnet yn
ye ee er leyb oder glider gewan. dz ist ye
ein wunder das die verstantnus auffzie
hen mag. Merck aber mit was wappen.
Er satzt ym den helm des hails auff. ee
er ein haubt gewan. er tet im dz bantz
er gerechtigkeit an. ee er einen cörper ge
wan. er gab im den schilt des glaubens
in die linckē vñ dz schwert des göttliche
wortes in die rechtē. ee er hend gewā. er
zoh im bainling od stüelch d beraitung
des ewāgeliums an. ee er bain gewā. Al
so harnescht er yn. ee er glider gewan.
Item mā mag sprechen vō im. das er ee
gekrönt sey wo. den. denn er überwundē
hab. vñ hab ee überwundē den gestritte.
vnd ee gestritten den streitbere gelid ge
habt. Affricanus d richter sprach zu sat
foca. Wer ist der. d da sprechē getarr. dz
der keyser traianus nit gott sey. d all sein
feind mit seinem ainigen ansehen geröt
ter od getemmet hat. Sihe an. der wolt
das mā den traianū. der sein feind so ge
ringe überwundē hett. für got haltē solt.
was solt man denn vō cristo halten. der
kaum C also zeredē d in muter leybe em
pfangē was. vñ verlihe sant iohansen in
mutter leyb ze überwindē. dē. d die haub
ter vñ mechtigste aller keyser. die ye ge
wesen sind. in seinē dienst geweltiget vñ
gefangen hett. die in für iren herren vñ
got anbetteten vnd hielten. ee er sein an
sichtig ward. von dem petrus vō Rauē
na spricht. dz er mechtiger sey. den des
teufels gewalt. So doch gott selbs spr
cht. in dem einundvierzigsten capitel iob
Es ist kein gewalt auff erden. d im mūg
zugegleicht werden. der also geschaffen
ist. das er keinen fürchte. Vñnd das ist

war. Der natur halb fürcht der teufel
keinen menschen. Aber er fürcht die ser.
die durch die genad christi zu überwyn
dug des teufels gesterckt vnd vor seiner
fürcht gesichert werden.

Was grossen wonders cristus mit
Sant Johanssen gewürckt hab. der
gaystlichen würdigkeit halben. vnd zum
ersten von der priesterlichen würdigkeit.

 Um andern mal hat cristus sant
Johanssen geweyhet vñ gesalbet
zu einem priester. Wann sant Johans
was auch von gepurt von aarō. Sein va
ter was einer von den vierundzweintz
ig obersten priestern. die yn dem tempel
das opfer volbrachten. Vil grosser le
rer mainen. er sey der oberst priester ge
wesen. Also schreibt sant maximus der
bischoff. Beda der namhafftige lerer in
Omelia. Petrus von rauenna. vnd sant
ambrosius vber lucam. Aber ich lasse dz
faren. Dann das ist gewisse. das sant io
hanssen vatter vnd mutter vō des erste
bischoffs der iuden geschlecht gewesen
sind. das setz ich hie her. darumb. dz mā
merck wie bequemlich vñnd lieplich. der
herr iesus die priesterschaft der altē vñ
der newen ee zusammen geknüpft vnd ge
bunden. vnd die priesterschaft der new
en Ee auff die priesterschaft der altē ee
gegründt vñnd gestiftet hab. zu einem
zeichen. das beide priesterschaft vō ym
vnd auff yne geordnet wer. Darūb hat
er sant iohanssen. der von vatter vnd ge
burt ein priester der alten ee was. den er
sten priester der newen ee geweyhet vnd
gesalbt. mit von aussen sunder von ynnē.
nit mit eier materliche. sund mit eier geist
liche salb. als mit d gnade vñ freud des
heilige geists. mit an dē leib sund i dē geist
Also ist die alt vñ die new. die fleyschlich

Von der würdigkeit der person cristi.

vnd die geistlich. die iüdisch vñ die cristē
lich priester schafft zusamē geloffen. vñ
eins wordē. in sant iohānsen person. So
nun einē priester zugehört gepredigen
vñ zetauffen. den leib des herren zehan
deln. vñ beicht zehörm. vñ d̄ gleichen. so
hat sant iohāns d̄z alles gethan. als wir
in dem euāgelio mathei. vñ Luce in den
Dritten capiteln vñ marci an dem ersten.
habē. Wan er prediget vñ sprach. Tut
bus. wan d̄z reich d̄ himel naht. Vñ als
les volck vō iherusalem. vō dem iüdischē
land. vñ bey dem iordan. kam zu sant io
hāns. vñ hörte sein predig. vñ wurde vō
im getauft yn dem iordan. vñ beichtete
ir sünd. Daz mā aber merke wie krefftig
die weyhe. vñ die salb cristi wer. so fieng
sant iohannes sein predig ampt. noch in
mutter leib. als bald nach der geistlichen
weyhūg cristi. an. Vñ nach dem er aber
noch nit zungen hett. als sant maximus
spricht. was er dann durch sich selbs nit
vermocht. d̄z verpracht er durch dē mūd
seiner mutter. vñ fieng sein predig an. an
dem höhsten vntterschaidlichen. gegen
wurff d̄ neuen ee. d̄ da ist vō d̄ volbrach
tē menschwerdūg vñ vergāgnē zukünfft
vnser herre. Dan wie die künfftig men
schwerdūg. d̄ höhst gegenwurf. der pro
pheten. oder weissagen in der altē ee ge
wesen ist. also ist die beschehen. vnd ver
gāgen menschwerdūg der höhst gegen
wurf der zwelspotten vñ d̄ prediger. in
der neuen ee. Vnd den selbē gegēwurf
vñ höhste materien. hat sant iohannes
zum aller ersten. vor allen den. die ye ge
wese sind. durch sei muter geprediget. vñ
aufgeschryen. darynn man sein vbertref
fenliche würdigkeit wol mercken vñ sich
der selben verwundren mag vñ sol.

Von der prophetischen würdigkeit

sant Johanssen.

Vnd wiewoll d̄ herre vō andern
heiligē propheten weysen. vñ ge
rechte erkennt vñ geprediget ist wordē.
als vō symeō vñ sant anna. vō hirtē vñ
den heiligen dreyen kōnigen. die in mit
iren gaben geprediget haben C wan als
sant leo vñ sant gregorius. die heiligē
bābst schreyben. Sy haben mit den mī
ren gezeigēnus wōllen geben. d̄z er ein
warer mēsch were. vñ darzu daz er für
der menschen heil sterben würd. Item
bey dem gold habē sy erkent vñ bedeüt.
d̄z er d̄ aller höhst herre vñ kōnig wer.
bey dē weyrach d̄z er warer gott wer. O
yedoch ist das alles darnach. als er yetz
geboren was. beschehen. Vnd die sind
vntterweisen. vñ ermāt worden. vō ynnē
od vō aussen. Den hirtē ward es vō hy
mel geoffenbart durch die engel die kō
nig erkanten in bey dem neuen seltsamē
stern. Symeō kam in dem geist auß offē
barūg od einsprechūg des heiligē geists
yn den tempel. zu der zeit. als cristus an
dem viertzigsten tag seiner geburt in dē
tempel geopfert ward. Dess elbē gleich
en sant anna die weyssagin die auch zu
der selbē stund yn tēpel kam. ward auch
bewegt von ynnen durch den heyligē
geyst. oder auch von aussen durch syme
ons wort. Doch dise zwey symeon vñ an
na waren ser alt. vñ hettē vil gelesen od
gehört vō d̄ zukünfft messie. Aber sant
iohāns hett noch wed̄ gesehen noch ge
hört. als d̄. der wed̄ liecht noch lufft. Ja
wed̄ augē noch oren hett zesehen od̄ ze
höre. vñ sahe doch vñ erkāt d̄z ewig end
los liecht. clerer den ymands zu. der zeit
vntter allen weysen vñ propheten ye
erkennt hettē. vñ höret vñ verkün
det das allmechtig wort gottes gewiser

vnd von seinen grossen taten

vnd bedeütlicher. wie woll er noch kein zungen het. denn ein priester oder lerer der geschriffte oder meister des gesetzes. oder auch weysag. (besunder die zu d̄ zeit warē) ye gethan het. Vñ in d̄. d̄z. sant iohāns die göttlichen heimliche sacrament mit allein vber alle priester vnd weysen seiner zeit erkennet. sunder auch vor alle propheten d̄ selbē zeit. nach alle vndercheid der zeit verkündt hat. so vbertrifft er auch alle prophetē vnd weysagen. Wan er verkündet das. das beschehen oder vergangē was. vñ verkündt vñ sprach auß. was gegenwertig was. vnd weysagt. was künfftig were. Als. das hernach bewert wirt. Vñ darumb ist er mit allein ein prediger gewesen. der neuen ee als ein zwölff bot. sunder auch ein vollkummer weysag. als ein prophet in der alten ee. vnd widerumb ist er mit allein ein weysag gewesen als ein prophet i d̄ altē ee. sun d̄ auch als ein zwölff bot der newē ee. Also ist er in muter leib von cristo zu einem priester vnd zu einē propheten geweyhet worden.

Von der patriarchischen würdigkeit sant Johānsen vnd das er ein vater der gantzen cristenheit ist.

Um vierdē ist er zu einē patriarchen geweyhet vñ gesalbet worden. Wan ein patriarch ist souil geprochen als ein ertzvater oder ein fürst der vāter. Vñ die heissen patriarchē in der neuen ee. die auch vber die ertzbischoff sind. Aber i d̄ altē ee heisse die patriarchen. die. dy ersten vāter der gläubigen gewesen sind. vō den. die. xij. geschlecht der kinder israhels einen anfang habē. vñ zeuoran heissen die patriarchen. die vāter der andern patriarchē sind. als Jacob. ysaac. vñ abraham. von den die prophetē

phetē vñ die zwölff bottē. vnd auch christus d̄ herr nach menschlicher natur herkompt. Dise würdigkeit hat sant Johāns sunderlich vnd vbertreffentlich gehabt. Wan er ist ein vater der gantzen heiligen cristeliche kirche. vñ aller gläubigē in der neuen ee wordē. durch d̄z. das er den herrē getaufft. vnd also durch das selb tauffen die wasser geweyhet vnd geheiligt. vñ schwäger gemacht hat. mit dem leib cristi der kinder gottes. Wann vō dē leib cristi sind die wasser geheiligt wordē. als sant Ambrosius spricht. vñ habē krafft empfangē zugeperē gottes kinder durch die anruffung vñ nennūg des vaters vñ des suns vñ des heiligen geists. Vñ so all cristē getaufft. vñ durch den tauff in d̄z wesen der gnadē. in die göttliche eintheit geporē wordē. wellicher tauff darzu durch sant Johāns werck gevidemet vñ gestiftet ist wordē. der heiligung halben des elements des wassers durch den leib cristi. so mag mā warlich sprechē. das sant Johāns ein vater aller cristen menschē vñ in einer sunē dem weyse ein vater christi sey. als ich durch sant ambrosium bewere wolt. ich las es aber hie ansteen.

Wie wunderberlich die werck seyen. die das kind cristus mit sant Johānsen in muter leib gewürcket hat.

Das man sich aber bester mercken der grossen wunder verwundere. so soll man war nemē. das das vngeboren kind cristus. dem vngebornen kind Johāni. dise würdigkeit der hohen vaterschaft gegeben hat. Vnd das ist ein wunder vber wunder. wann ye keiner gepern mag. er sey dē vor geporn. so mag keiner ein vater wordē. er sey dē vor ein sun gewesen. so mag auch keiner gewōn

Von der würdigkeit der person cristi

lich geistlich geboren werde. er sey denn
vorhin fleischlich geboren worden. Es
mag keiner gottes kind werden. er sey
den vorhin d' menschē kind worden. Sankt
pauls spricht gar clerlich zu dē von
Ephorintho in d' erste epistel in dē. xv. ca.
Dz geistlich ist nit zum erste. fund dz ti-
erlich. vñ darnach dz geistlich. Darumb
ist die tierlich od' fleischlich gepurt vor
hin. vñ darnach die geistlich. Mag nun
keiner gepere. er sey den vorhin geporn.
vñ mag keiner geistlich. od' nach dē geis-
te geboren werde. er sey den vor nach dē
fleisch geborn. als die lerer spreche. das
keiner in muter leib getauft mag wer-
de. ist es den mit ein grof vnauffprech-
lich wñd vñ sat iohāsen. Dz er noch i' mu-
ter leib nach dē fleisch vngelore. gebo-
ren hat. vñ ist ein vater seiner muter wor-
den. ee er ir sun ward. Van er hat sy ge-
lore nach dē geist vñ in dē geist d' pro-
phetei od' weyffsagūg. ee er vñ ir ein vn-
reded kind geboren ward. er hat ir gott
zeckene gegebē. ee sy yne die bauft. die
er sauge solt. leret kenne. Er leret sy die
heiliche himlische gottliche ding durch
drige ee sy i' die sunne die vñ dē irdische
vnuernufftigitieren erkent wirt auff d'
erden. gezeiget hat. er leret sy predigen.
ee er vñ ir het rede gelernet. Er leret sy
das O. Dz ist dz end alles gesetzes aller
propheci vñ aller geschriffte erkennen.
veriehe vñ offenbaren. ee er dz A. das d'
erst buchstab vñ die erst stymme d' neu-
gebome kneblein ist gelernet het. Er er-
manet sy zehore dz ewig wort. d' nye ge-
horet hett. er zeiget ir dz ewig inner vn-
sichtber verborge himlisch liecht. der nit
allein nye gesehen hett. sunder er mocht
auch nit sehen. Er macht sy gott gelir-
nig. so sy weder in. noch er sy ye gehort

noch geschē het. Er lieff ee er geen kund.
er gieng. ee er steen kund. er stund ee er
sitzen kund. ia ee er fufs het. Sein mu-
ter hett yn weder steen noch geen gele-
ret. vñ er leret sy lauffen. vñ vorlauffen.
vñ vbererlen vñ ergreyffen. dz. dz vñ d'
dē schnellē lauffern keiner ye erlauffen
het. Fragst du. wñ dz selb sey. dz sy vor
dē adern erlauffen hab. so sprich ich. dz
es d' grof rise ist. vñ dē künig dauid i' dē
xviii. psalmē spricht. Er hat gesprunge od'
gefrolocket als ein reek. zelauffen den
weg vñ dem höchsten himel ist sein auß-
gag. vñ sei gegelauff bis auff dz höchst
den selben hat sankt iohāsen nach dem er-
sten sprung. den d' herre vñ dem höchsten
des himels. in den iuckfrewliche leib ge-
than hat. ergriffen. vñ yne seiner muter
geweyset. vñ zembfahen gegeben. Wan
so sat Elisabeth den iuckfrewliche leib.
in dem er vber die gebirg getragen was
wordē. vmbfage hat. so hat sy yne auch
vmbfangen. der in ir ruet. Das ich aber
auff die förderlichen meinung seiner pa-
triarchischen würdigkeit kume. so nach
der heiligen geschriffte die vater genent
werden. durch der predig vñ ler cristus
geistlich empfangen wirt in den gemüt-
ten d' gläubige Als sankt pauls spricht
zu den von galacia. mein sünlein die ich
widerumb gebir bis cristus in eich ge-
formiert wirt Wie warhaftiglich mag
man den spreche dz sankt iohāsen noch
ein kind seine vater geborn hab. vñ sey
seins vaters vater wordē. ee er sein vol-
kommer sun ward. so er seine vater auch
eine vater cristi hat gemacht. durch dz.
dz er in den erste prediger vñ dē men-
nern gemacht hat. nach seiner aigne ge-
purt. als er sein muter ein erste verkün-
derin der menschwerdung cristi vor sei

vnd von seinen grossen taten

ner gepurt gemacht het.

Sāt Johānes leret sein muter weyß sagen von vergangnen. gegenwertigen. vnd künftigen dingen.

Also was sant Johāns nit allein ei prophet. sund er machet auch prophetē. vñ nit allei gebat er vñ macht prophetē. nach einem vnderfcheyde der zeit. sund nach alle vnderfcheid. Wann sein muter sant Elisabeth weyßsaget vñ gegenwertigen verborznen dingen. Da sy sprach zu der iuncfrawen maria. Geseget ist die frucht deyns leybs. bey dē sy zeuersteen gab. dz sy gottes sun in irē leib trug. von dem sant pauls zu den rō mern. in dē. jr. ca. spricht. dz er vber alle ding der geseget gott sey. Vñ dz was aller werlt verborzē. Aber d̄ heilig geist offenbaret das sant iohānsen. in seiner muter leib. vñ auch seiner muter durch me. vñ die schrye dz auß. zum ersten vor allen propheten. Also offenbart vñ zeiget er seiner muter. gott. ee das er sy. od̄ sy yne. gesehen het. Item zum adern mal. weyßsaget sāt elisabeth vñ vergāgen dingen. Da sy sprach zu maria. selig bist du. die du gelaubet hast. da bey sy zuuersteen gab. dz sy weist was der bote gottes der ertzengel mit ir geredt vñnd was er ir verkündt. vñ verheissen het. Vñ dz alles weist nyemant auff diser erden. Dann maria allein. Wann es was. als man helt. erst der. viij. tag. dz die iuncfraw maria dise bottschaftt enpfangē het. Vñ nach d̄ bottschaftt an dē nechsten wercktag. stund sy auff. vñ gieng zu sant elisabeth. vñ in dē ersten eingang. ee sy anders mit einader redtē. als bald. als sant elisabeth der iuncfrawen gruß gehört het. da sprach sy außs mit disen Worten. Geseget bist du. Vnd wa her

kompt mir dz. dz die muter meins herrē zu mir kompt. Dann sih an als bald die stymme deines grusses beschehen ist in meinē oren. so hat sich dz kind gefreuet in meinem leib. Vñ selig bist du. die du gelaubt hast. auß disem allen muß mā mercken. dz sant elisabeth dise ding alle vñ nyemant kind wissen. dan vñ dē heiligen geist. der vñ cristo. durch dē müd seiner muter marie. in sant iohānsen. vñ vñ sant iohāns i sein muter elisabeth kam. als sant ambrosius spricht. Also hast du wie sāt elisabeth durch dē heilige geist der auß irem kind in sy kam. vergangne ding. gewist vñ geoffenbart hat. Zu drittr hat sy auch künftige dig. die noch beschehen solten. gewislich erkent. verkündt vñ geweyßagt. da sy sprach zu der iuncfrawen maria. In dir werdē volbracht die ding. die dir versprochē sind worden. Dar bey sy gab zeuersteen. dz alles dz. dz der engel. der iuncfrawen verkündt het. gewislich beschehē solt. also das sy gottes sun gepern würd d̄ ewiglich regnieren. vñ herschē würd. Also hast du dz sant Johannes sein muter leret weyß sagen nit allein ee sy in sagen leret. sund auch ee sy in geborn het. vñ ee sy in gepare. ein vnrededs kind. da macht er sy ein meisterin vñ doctorin aller lerer. Deshalben. dz sy die menschwerdung gottes. die der höchsten vñ tieffsten artickeln des cristen glaubes einer ist. zum erstē nach dem sy beschehen was. verkündt vñ geprediget hat.

Das sant Johannes sein muter ein muter der väter der neuen Ee gemacht hat. ee sy in zu einem vollkommen sun geboren het.

Nach dem. die sy das ewāgelium vñ zuuoran zum ersten prediget hat.

Von der würdigkeit der person cristi

digen. väter. der genent werden. Die das von yne höre vñ glauben. als sant pauls in dem. iij. capitel. der ersten episteln zu den von Chozintho spricht. Ob ir zehē tausent kindfūrer habt. so habt ir doch nit vil väter. Wann in christo ihesu hab ich euch durch das ewangelin. gepom. Als ob er wolt sprechē. wie vil der sind. Die euch durch ir predig auffenthalten vñ fūren. vñ wachsen machen in dē glauben vñ erkentnuß der warheit. vñ deshalb gleich als kindfūrer sind. so bin ich doch allein ewer vater in cristo. wann ich hab euch zum ersten den glauben vñ dē heilig ewangelin geprediget. durch des glaubē ir gottes kinder seyet. als sant Johannes spricht. in dem erste capitel seins ewangeliums. Allen den. Die yne auffgenommen haben. hat er gewalt gegeben. dē sy gottes sūn würden. Den die da glaubē in seinem namen. So nun die. die zum ersten dē glaubē predigen. väter genent werden der. die durch ir predig. glaubig vñ durch den glaubē auf gott geborn. vñ also gottes kinder werde. vñ so sant elisabet zum erste den glauben vñ die menschwerdung gottes. die einer von den fūrnemsten articeln des glaubens ist. geprediget hat. vñ hat also den grūd des erste glaubē gesetzt außsprechlich in dem articel. dē ein vñ scheid macht zwischē den alten vñ den neuen C wann den. die in der altē ee gewesen sind. hat zugehört. dē sy die menschwerdung künfftig gelaubte. aber dē. in der neuē ee. gehöret zu zeglauben dē die menschwerdung beschē sey. so nun dasselb. dē die menschwerdung gottes beschē sey. zum erste vñ sant elisabeth geprediget ist worde vñ dasselb besunder der glaub ist. der gottes kinder

machtet. als sant Johānes vñ sant pauls sprechē. so folgt hernach das sant elisabeth gleich als ein muter des glaubens der neuē ee vñ dē gantzen cristenheit ist. Vñ also ist sy ein patriarchin. vñ ein fürstliche muter aller cristen. Vñ so sy dē vñ sant Johānsen. dē in irē leib was gehabt hat. dē noch nit vñ ir gepom w. mag man den nit sprechē. das sant Johāns sein muter mit allein zu einer muter gebore hat. ee er vñ ir ein sūn gebore ward. sūnder er hat sy auch zu einer muter aller väter dē neuē ee gewidmet. ee sy yn einē sūn dē alten ee gepare. Also ist er ein patriarch dē patriarchin dē patriarchen dē neuē ee. vñ also ein fürstlicher o dē ertzvater dē ertzmuter der ertzväter. ee er ein sūn seiner elter wurd. Vñ so er dē von dē kind gehabt hat. dē vil iūnger vñ fleyner was dan er. wann cristus het noch on ein wochen. ix. monat zu seiner geburt. so het sant iohanes mit drey monat gantz. wer kund dan ymmermer die groffe vñ seltsamkeit. die tieffe vñ unbegreiflichkeit diser wunderwerck. die dē klein vñ gepom kind cristus in dem leiben vñ gebornen kind iohanne gewirckt hat. gnug außlegen. Ob nit wol vñ warhafftiglich der heilig Job spreche. Er tut groffe vñ vnerförschliche ding vñ wunder. der kein zal ist.

Das nyemant die lerē mag. die noch in irer muter leib sind.

Die sey etwas entworffen vñ dē wunderwerckē. die cristus in muter leib gewirckt hat. die souil wunderlicher seye. souil als gegē dem. vñ in dē. vñ durch den. vñ an dem. der auch in muter leib w. gewirckt sind worden. so wir doch offenbarlich sehe. dē auch die volkomē starckē. wolgelerten vñ weysen

vnd von seinen grossen taten

menschen. wenig versenglich an den
Kindern. die in muter leyb sind. wirken
müßig. Man mag yne doch schade. aber
nit vil nutzē. den als vil mā den müttern
gütlich tut vñ sie helt. als mā sy halten
soll mit bestellūg bequemlicher narung.
für sy. vñ auch für die frucht zc. Sünst
muß mā die natur mit dē kindern lassē
wirken. Den dz man die kind in muter
leib fast leren vñ vnderweisen. yne fast
zuredē vñ sy manē. stercken. tröstē. trey-
ben. od d̄ gleichen mit in vben wech. wer
weyßt nit. dz. dz allē lebēdige mēschē vn-
möglich ist. dz doch das vngedorn kind
cristus alles vnd weyß grossers in sant
Johānsen. die weil er noch i muter leib.
was. geübet hat.

Dz vnser herr wunderwerck gewirckt
hat. ee er in muter leyb empfangē ward
Aber vñ dē letzten zeredē merck.
vñ grossē wunder vnser herr ihe-
sus gewircket hab. ee er i muter leib em-
pfangē ist wordē. auß dem er doch ge-
born solt wordē. dz ich sprich vmb adā
oder eua willē. die nit geborn. noch em-
pfangē sind wordē vñ denen man auch
sprechē möcht sy hetten etwas od auch
grosses gethan. ee sy geborē od empfa-
gen werē wordē. als man auch vñ ynen
sprechē mag. dz sy gestorben seyen ee sy
geborē seyen wordē. wann sy sind eigē-
lich zuredē nye geborē worden. wiewoll
sy worden sind durch die beschaffung.
Aber cristus ist geborn wordē. als er ge-
storbē ist. nach mēschlicher natur. nach
göttlicher natur ist er nit wordē. wan er
ist vñ ewigkeit. doch ist er geborn. wann
er ist von dem vater durch die geburt.
nach menschlicher natur ist er wordē vñ
geborē wordē. adam ist worden aber nit
geporn. er ist wordē. dz er nit was. wan

er ist nit vñ ewigkeit gewesen. vñ ist doch
nit geborn worden. wann vor im ist kein
mēsch gewesen. vñ dem er geporn würd.
er ist vñ gott d̄ erst mēsch beschaffen. dz
vñ im āder mēschen durch mittel seiner
haupfrawē. die auß seinē ryp geformt
ert ward. geborē würdē. auß den ander
vñ vñ den selbē aber and. als lāg bis dz
geschlecht d̄ mēschē volbracht würdē.
geborē werdē solten. Vñ dz also ein ge-
schlecht vñ dem andern würd. das hat
cristus gemacht. ee er worden ist. er hat
im vñ allen den. vñ den er kōmen würdē.
zeit vñ stat i den sy würdē. bereit. vñ ym
geschlechte. vñ vater vñ muter. von den
er geborn würd. außswelet. vñ im ei sun-
der voll. vñ dem sein eltern werē. durch
sunder grosse wunderwerck. vñ allen vñ
kern gescheiden. vñ dem selbē vñ seinē
willen geoffenbaret. vñ gesetz. durch
die sie ewiglich möchten selig werdē. ge-
gebē. Er hat sein elter zu erlicher als zu
fürstlicher priesterlicher. küniglicher.
patriarchlicher würdigkeit erhebt. vñ
ynen vor ādern weisheit. macht. künheit.
früheit. tugend. heiligkeit. gnad vñ ere
verlihe. Vñ ob etlich sünd vñ ynen ge-
wesen sind. dz hat er verhengt vñ tro-
stes willen d̄ sünd i d̄ newen ee. dz sy nit
gedechten. dz d̄ herr einen gramē hette
vor dē sündern die sich zu im kere wolte
so er auch sünd zu rātern. vñ sündern zu
müttern hat wōllen habē. Also hat er al-
le dig vor seiner empfēgnus geordnet
zu trost vñ zu vñdweisung. der. die nach
seinem tod i yne gelauben würdē vñ hat
patriarchen erwelet. vñ den er geboren
würd. Er hat propheten gesendē. vñ die
selben mit seinē heiligen geist erleuchtet
vñ erfüllet. dz sy yne verkünden soltē. Er
hat vil gerechter heiligen menschen ge-

Von der würdigkeit der person cristi

schickt. Die in bedeytē solten. als in dem
fünfftē gegenwurff voran gemeldt ist.
Er hat sein werde muter yn muter leib
durch sunder gnad des heilige geistes
im selbs. zu einē tabernackel aller tugēt
vñ gnaden beraitet. geweiht. gewide-
met. vñ geheiligt. vñ sie. ee er in ir em-
pfangē ist wordē. ersucht vñ gegrüßet.
vñ durch sein englische botschafft vñ
wissen. vñ mit d̄ gnad des heilige geists
obergossen. vñ geweiht vñ geheiligt.
zu einē leipilchen vñ geistliche tempel d̄
gottheit. in dem. vñnd auß dem. die arch
des testamentz. d̄ ist. sein heiliger fron
leichnā geformt wird. in dē die heilig
gotheit wesenlich were vñ wonete. Vñ
also hat er ym selbs sein heylige muter
nach seinem willen beraitet. in der er on
mennliche vermischung. durch würckung
des heilige geists empfangē wird. vñ
auß der er mit bleibung ewiger inckfraw
schafft gebozē wird. Vñ als er in ein
sunder muter bereitet hat. also hat er
auch seiner muter einen sundern vater.
vñ ein sunder muter. vñ den selben auch
vater vñ muter bereitet zc.

Das vnser herre vor seiner empfegē
nue ymē ein sunder geschlecht bereitet
hat. von dem er gebozē wird. d̄ ye kein
mensch hat mūgē thun. vñ wie er in ein
sunder geschlecht beraitet hat. also hat
er im auch sunder zeit vñ stat erwelet.
in den er geboren würde.

Wid d̄ du wissest. Das das war
sey. d̄ cristus ym ein sunder ge-
schlecht alweg bereitet vñ behaltē hab.
so merck d̄ auß der heiligen geschriff.
in dem. xj. ca. des dritten buchs d̄ künig.
da lisset man d̄ gott der herr. durch den

weyffagē ahiam rō sylo zu dem Jhero-
boam sprach. Ich wird dir. x. geschlecht
gebē. aber ein geschlecht wirt dem salo-
mon pleibē. vmb meins knechts dauids
vñ vmb der stat iherusalē willen. die ich
auß allen geschlechtē Israhels außers
welt hab. Vñ darnach herab bas steet
also. Ich wird d̄ reich rō d̄ hend seins.
d̄ ist salomons suns nemen. vñ dir zehē
geschlecht gebē. aber salomons sun will
ich ein geschlecht gebē. d̄z meine knecht
dauid ei latern bleib vor mir all tag. i d̄
stat iherusalem. die ich erwelt hab. das
mein nam da were zc. D̄s wirt gleych
als außgelegt. in dem. xxj. vñ hunder-
sten psalmē. da also steet. Gott der herr
hat syon erwelet. er hat es im erwelt zu
einer wonūge. das soll mein rue sein. in
die werlt der werlte. hie will ich wonen.
wann ich hab sie erwelet. da will ich da-
uids horn herfür pringen. ich hab mei-
nē cristo ein latern berait. Dauids horn
ist christus. Beda spricht. alle bain sind
mit fleisch bedeckt. aber das horn geet
für d̄z fleisch. vñ bedeyt d̄z reich christi.
das die freind des fleischs vñ die werlt
vbertrifft. Cristus wirt oft dauid in d̄
geschriff genent. Darumb d̄z er in sun d̄
bey dauid bedeytet vñnd von seinem ge-
schlechte ist gewesen. als in dem. xxx. ca.
Jeremie. da also steet. Es werden für-
bas mit mer die frembden herschē vber
mein volck. sunder sy werden gott irē her-
ren dienen vñ irem künig dauid. den ich
ynen auffwecken wird. Vñ in dē. xxij.
ca. Jeremie. da got der herr also spricht.
Als die stern des himels mit mūgen ge-
zelet. noch der sand des meers gemessē
werden. also wird ich den samen meins
knechts dauids manigfaltigen zc. Vñ
in dem. xxiiij. ca. Ezechielis spricht got

vnnd von seinen grossen taten

Der herre. Ich wird vber mein vihe er-
wecken einen hirtten. der dz weyden wer-
de meinen knecht dauid. er wirt sy speys-
sen. vnd er wirt ynen zu einē hirtten. aber
ich herre wird ynen zu einem gott. vnnd
mein knecht dauid wirt enmitten vnder
ynen ir fürst werden. Das aber got der
vater cristu seinen knecht heisset. dz tut
er mēschlicher natur halb. als sant pauls
spricht. zu den von philippis in dem an-
dern capi. Da cristus ihesus in der form
gottes w3. da hat er sich selbs gedemū-
tiget. vnd eins knechts form an sich ge-
nomen. Item in dem. xxvij. ca. Ezechie-
lis. spricht aber got der herre von dem
glaubigen volk. Sy werden mir zu einē
volk. vnd ich wird ir got. vñ mein knecht
dauid wirt künig vber sy. vñ ein einiger
hirt ir aller werden. Darnach steet aber
dauid mein knecht soll ir fürst werden
zu ewiger zeit. so gott der herre solliche
wort bey vierhundert iare nach dauids
tod. durch die weyssagē künftiger ding
gesagt hat. so mag auch ein einfeltiger
mensch mercken. das er nit den dauid
der tod w3. gemeint hab. sunder den wa-
ren dauid. des figur yener ist gewesen.
als den waren messiam cristu. Dem sel-
ben hat er auch ein sunder geschlecht.
ein sunder stat. ein sunder latern. ein sun-
der volk. vnd kurtzlich alle ding sunder
bereit. Vñ so die werck der heiligē dry-
feltigkeit vñ auffen vngeteilt sind. was
denn der vater tut. das tut auch d sun.
Darumb hab ich oben gesprochen. das
im cristus selbs ein sund geschlecht be-
reit hat. von dem er geboren ward. Gib
du mir einē andern. der das auch gethā
hat. oder hab mūgē thū. so will ich spre-
chen. das er darinn cristo gleich sey. Als
so hat cristus allein grosse ding vñ wun-

der gethan. ee er in muter leib empfand-
gen ist wordē. so ander mēschen nit seyē
Vnd das ist allermēst zeuervundern.
wann durch das beschleisset sant Aus-
gustin etlich vnglaubig böse gotz leste-
rer. die da sprachen. das cristus ein zau-
brer sey gewesen. vnnd spricht also. Hat
christus durch zauberey zuwegen ge-
bracht. das mā yne nach seinem tod für
gott helt. hat er icht auch durch zauber-
ey mūgen zuwegen bringen. das man
yne vor seiner geburt fürkündt vnd ge-
weyssagt hat. Als ob er sprechen wolt.
wann auch das erst mūglich wer. so ist
doch das ander von einem lautern men-
schen nit allein nit mūglich. sunder auch
nit verstentlich. noch nit vernūfftig be-
greiffenlich zc.

Warumb got der herr verhēgt hat.
das die iuden verplendt sind wordē. vñ
wie ir vnglaub ein zeugēnus vnnd beste-
tigung vnser cristenlichen glaubēs ist.

Vnd das die vnglaubigen nit
sprechen. das die weyssagūg vñ
cristo. die man den prophete zuschreibet.
nach im von den cristen erdichtet vñ er-
trachtet were so hat vnser herr verhēgt.
das die. die solliche weyssagūg vñ pro-
phecey von alter von iren eltern her ha-
ben. wider den glauben vñ des glaubēs
feind sind wordē. vñ haben doch die bñ-
cher. darinn sollich prophecey vñ weys-
sagūg geschriben steen. als die inē zege-
pūre vñ ire vātern empfangē. Vñ wie
woll sie sy also haltē vñ lernen. vñ auch
ire kind mit grossem fleisse darauf wei-
sen. vñ darinn vñdrichē. so kere sie doch
die auf einē ādern syn. vñ so sie nit glau-
ben wölle. das das. das da geweyssagt
G iij

Von der würdigkeit der person cristi

wirt von cristo. in vnserm herren christo volbracht sei. Dz doch warlich volbracht ist. od teglich volbracht wirt. oder noch volbracht werde sol. wie es den geweyß sagt ist. Dz es ein teil i der erste zukünfft. ein teil in der andern soll volbracht werden. welchē vndercheid die plindē iudē nit mercken. vñ wartē nur einer zukünfft messie. darūb meinen sy. er sey noch nit komē. sunder er sül erst komē. Deshalbē ziehen sy die geschriffte mit gewalt wid ir meinūg auff ire vnglaubē. vñ warten. vñ wartē. vñ hoffen vñ hoffen. vñ tröstē sich felschlich. vñ habē offit gesagt vnd verheissen. messias soll in der. od in der zeit gekorē werde. vñ sind iemerlich betrogē vñ zu spott vñ zu schandē wordē. vñ ob ein wenig witziger dauon bekert sind worden. so wirt doch der merer teil vō iren plindē fūren allweg verfūrt vñ beleibt in dē vnglaubē. Vñ dasselb di- ent vns zu festigkeit des glaubens. Das die vnglaubigē iudē vnser feind in iren büchern. so offenbare zeügē vnser glaubens. vns wider sich nach tragē. Dz niemātz sach hab zegedencken das die propheceyen vō den criste errachtet vñ zum erste geschribē seye wordē. also di- ent d vnglaub d iudē. dē glaubē d criste.

Von andern grossen werckē die cristus vor seiner empfangēus gewirckt hat.

DAls ich aber auff die fürderlich den meinūg kün. zeberweyßen wz vnser herr ihesus cristus C von dem etlich ketzer als Forinus vñ sein nachfolger die Foriniani vñ ander mer gesprochen habē. Dz er nit vor maria sey gewesen d gethan hab. ee er ye in muter leyb empfangē ist wordē. d doch empfangē worden ist. vñ hat nach d empfangēus vñ nach der geburt gethā. das er vor nit

thun möcht. wann es was seiner natur nit. Er hat C sprich ich d vor seiner empfangēus himel vnd erd. die hell vnd das meer. alle element vnd was darinn ist. beschaffen. die himel mit den sternen. die erd mit vnzelichen gewachsen gezieret. den obern himel mit engeln. den erd boden mit menschen vnd tieren. die wasser mit fischen. den luft mit vögeln erfüllet. das paradies den gerechten vnschuldige mensche in diser zeit. die hell den teuffeln. vnd auch den bösen mēschē in iener welt. den himel den gute. in der künfftigen werlt nach dem tod. das feuer den vnioltommen guten auff ein zeit. die vorhell den gerechten in der alten ee. bis auff sein zukünfft zu ynen nach seinem sterben. vnd irer erldigūg. in seiner erstend bereitet. vñnd die reich diser werlt nach seinem rat zu vbūg. vñ bewerūg seiner auherweltē. zu cre seins namens. zu vbung seiner gerechtigkeit. zu berweysung seins gewalts. vnd seiner maiestat geordnet. Vñ durch solliche reich. vñnd in ynen. hat er die sūnder gestrafft. die hohfertige gedemütiget. vñ der demütigen vnd büßenden geschonet. als es offenbarlich erscheynt in dē balthasar. der ein künig was zu babilō. Das das haubt oder die haubtstat in dē grossen künigreich caldeorum wz. dem gott der herr schickt ein schreibēde hād die drey wort an die wād schreib. durch die im das erschrockenlich vrtail gottes durch danielē fūrgelalten. vñnd ver- kündet ward. Darūb das er got den herren vngeeret het. in den gefessen vñ gezierdē seins tempels. vnd das streng vrtail gottes. das im durch danielē verkündet ward. kam vber in. in d selbē nacht als er gesündet het. vñ i dz vrtail verkündet ward. Desgleichē beschahē auch seine

anherre nabuchodonosor. De got d herr
schier alle künigreich vnderthenig. vñ sy
künig vnderworffē het. Da er sich seins
gewaltz vbername. Da ward im das vr-
teil gottes von oben herab verkindt. vñ
er ward von seinem reich vnd allen eren
verstossen. als lang biß er den gewalt
gottes erkant. vñd sich demütiget vor
gott. Desgleichen in dē grossen al-
tenreich assiriorū. in dem die grof stat
minue was. findē wir in des propheten
Jone buchlein wie er vō gott zu d selbē
statt gesandt ward. zeuerkünden das sy
vber. xltag vndergeen. vñ verderbē sol-
ten. vñ der künig gebot das vihe vñ mē-
schen fastē vñ büffen vñ gott anruffen
soltē. vñ da sy das tetteren. da erbarmet
sich gott der herr vber sy. vñ verzihē inē.

In dem reich der persier. da d mech-
tigist nach dem künig mit namē amman
sich auffwarff vnd lieh sich anbettē. vñ
vber redt dē künig dz er im gewalt gab
alle iuden zetöten. die in. xxviij. vñ hun-
dert lenden warē. vñ wolt dē oberste d
iuden gehenkt haben. Darumb das er in
mit auch anbettet. da ward er an den sel-
ben galgen gehenkt. den er mardocheo
bereit het. Darnach da der künig da-
rius von persia sich erhub. vñ einē künig
aller künig vñ einen mäg d götter schri-
be. da warff gott der herr. einē iüngling
wider in auff. der d grof alexāder dar-
nach genēt ward. der zoh wider die pers-
ier. vnd wurden in kurtzen iare vil taus-
sent malen tausent von den persiern er-
schlagen. Desgleichen hat auch der
herr. ymmer ein reich durch dz ander ge-
strafft vñ gebüffet. als dz reich der me-
dier. durch das reich der assirier. als er
vorhin das reich der assirier. durch das
reich der medier. das reich der medier.

Durch das reich der persier. das reich
der persier. durch das reich der schitier.
das reich der schitier vnd persier. durch
das reich der macedonier oder kriechen
das reich der kriechen C die vor zeitten
auch das reich der asionier oder troyer
vberwunden vñd gedemütiget het
ten C durch die römer. die einen vrsprüng
von den troycn hettē. das reich der rö-
mer. durch die karthaginenser. die kar-
thaginenser. wider durch die römer. die
römer durch die gothier. Aber dasselb
ist nach der gepurt cristi geschehen. die
gothier durch die frackreicher. die frack-
reicher durch die hunier od hüngern. die
hüngern C die auch die teutsche fast gede-
mütiget habē C widerumb durch die teit-
sche. die sibē geschlecht chanaā die vor
den kindern von israhel in dem gelobte
land waren. strafft gott der herre durch
die kinder vō israhel. die vnder dem her-
tzogen vñd hanbtman Josue. d auch
ihesus hieß C vñd was moyses diener
gewesen. vñd ward sein nachfolger in
dem regiment des volks C einunddreiß-
sig künig vberwunden vñd vertilget.
aber wie d herr die cananeer durch die
kinder von israhel strafft vmb der sünd
willen. die sy Cananeer gethan hettē.
Also widerumb. da darnach die kinder
von israhel gott verliessen vnd bitteten
die abgötter an. da straffet sy der herr
durch die cananeer. den sy vor obgelegē
waren vñd ander ir nachgepaur. die
moabiten. vñd madianiten vñd syrer
vnd palestiner. Vñd widerumb da die
kinder vō israhel. durch künig dauid zu
got gekeret würdē. da vñdwarff in gott
der herr durch dauid die vertzgenatē ge-
schlecht alle. Darnach da die kind vō is-
rahel von dauids geschlecht wichen. vñ

Von der würdigkeit der person cristi

verliessen den tempel vnd gottes dienst
 bettete die kelber an. die yne der künig
 ieroboam auffrichtete. vñ wolte läge iar
 dauon nit lassen. da straffet sy der herr
 durch die künig der assirier. durch die
 sy gefangē vñ hinweg gefüret wurden.
 darnach da die vō dem geschlechte ias
 da. auch von got abtrünnig wurden. da
 straffet sy gott der herre. durch die von
 egipten. darnach die vō egipten mit dē
 iudē. durch den künig nabuchodonosor
 von babilonia. der die iuden fieng vnd
 hinfüret. vñ verprant dē tempel gottes.
 vnd die stat iherusalem. vñ füret die ge
 zierd des tempels gen babilon in dē tē
 pel seiner götter. darnach da seiner
 enicklein einer. vō dem obē gemeldt ist.
 das er die schreibēdē hand sahe. die sel
 bē gefäß hieß er herfür trage. vnd gab
 seinē lebensweybern vñ hauffrawen vnd
 seinen fürsten darauß wein zetrinckē. in
 der selbē nacht ward babilō die groß
 mechtig stat gewünē vnd der künig er
 schlagen von den persiern vñ mediern.
 Also hat cristus wunder gewirckt in allē
 reichen. in aller werlt. vñ hat nun seinen
 gewalt vñ gerechtigkeit. nun sein gnad
 vñ barmhertzigkeit bewisen. vñ erzeiget
 dz er allen gewalt vñ alle reich in seiner
 hād gehabt hat. ee er auch in muter leib
 empfangē ist wordē. Wann es ist auch
 in der selbē zeit allweg war gewesen. dz
 in dem. xlvj. psalmē geschribē steet. Der
 herr ist hoh. er ist erschrockenlich. er ist
 ein grosser künig vber alles ertreich.
 Vñ ist auch war gewesen dz künig da
 uid spricht in dem. viij. psalmen. Dein
 grostetigkeit ist erhöhet vber die hi
 mel. vñ in dē. xciiij. psalmen. Gott ist ein
 grosser herre vñ ein grosser künig vber
 alle götter. Wan in seiner hand sind als

le dāt der erdē. Vñ in dem zweyundhün
 dersten psalmē. Der herr hat seinē thro
 in dem himel beraittet. vñd sein reich
 wirt vber alles reich herschen. Vnd in
 dem. vierunduertzigsten vñd hunder
 sten psalmē. Dein reich ist das reich al
 ler werltē. vñ dein herschung in alle ge
 schlecht vnd geschlecht.

Von der ewigkeit ihesu cristi.

En den wunderweyken christi
 sey dz die sun. Er hat alle werck
 gethan. ee er empfangen ist worden in
 seiner muter. die gott der herr tut. wan
 er ist von ewigkeit gott. vñ ist der gott.
 der der vater ist. vñd werlich der selb
 gott. vnd kein ander gott. denn der va
 ter. wiewoll er ein ander person ist. dem
 der vater. wan der vater ist der sun. den
 der sun ist von dem vater. vnd ist vō dem
 vater geboren. aber der vater ist nit von
 dem sun. so ist auch der vater nit von ym
 selbs geboren. wann er ist vngeworn vnd
 vngewerlich. aber der sun ist geboren. dar
 umb kan d vater nit d sun. noch d sun d
 vater sein. als d irrēd noethus vñ sabel
 lue gesetzt habē. Aber der vater ist der
 gott. der der sun ist. vñd der sun d gott.
 Der der vater ist. wann der vater vnd der
 sun. vnd d heilig geist. sind drey person.
 aber ein. vñ der selbig einiger wesentlich
 er ewiger gott. vnd sind nit drey götter.
 aber sy drey sind gott. vñd sind ein ei
 niger gott. wan die gottheit mag nit ge
 manigfeltiget noch gezelt werden. als
 die personen. das sey doch alles empfol
 hen dem glauben der heilige cristeliche
 kirche. vnd d erclerung d heilige väter. d
 nachfolger sant peters. vnd dē heilige
 geist. der die heilige gemeinē cristelich
 en kirchen nit lasset irren. sonder er vñ
 derweyset vnd regiert sy in dē glauben.

vnd in den sitten. durch die heiligen vā-
ter die bābst. vñ die gemeinē concalia vñ
sant peters stul. den diß vñ alles das in
diesem büchlein steet. Das doch nit als
eigentlich in leres weyse. sunder als ein
zusamē gelesen ordnūg der betrachtūg
des leidens vnser̄s herrē ihesu cristi mit
seinen gegenwürffen. durch die es kler-
licher erkent vñnd bewertet wirt. vnd auß
zelegen etlicher figuren der selben gegen
würff. auff frag vñ bitt etlicher andech-
tiger person geschribē wirt vñd vort-
fen sein soll. Diß sey vñ den wunder-
berlichen grossen wercken cristi ein we-
nig berürt. die darūmb auff cristū gezo-
gen werdē. wann er ist ewiger allmechti-
ger gott. d̄ alle wunder. die ye beschehen
sind. vñ ynimer beschehē sullen. vñ anch
reglich. oder ierlich beschehē. wircket od̄
gewirckt hatt. oder wircken wirt. Vñ ob
yemants meinte. das man die wunder-
werck cristi zelen möchte. der meinte wi-
der die meinūg der geschriff. vber die
ich disen außlauff gethann habe. so sy
spricht er thut grobe vñ vn̄ersōschliche
ding. vñ wunder. der kein zal ist. Welche
wunder wunderberliche scheynē. wenn
man sy bedenckt. als durch cristū dē mē-
schen beschehē. begāgē. oder gewirckt.
denn durch die blossen gottheit nach d̄
weyse vñnd gegenhaltung. die oben ge-
meldt ist. das mer zeuerwundern sey so
ein kleiner vñd schwacher grosse starcke
ding tut. denn tette die ein größer star-
cker. Also hatt die göttlich mayestat ir
macht. ere. vñ krafft. tugend. vñ wunder.
allermeist in der demütigkeit vñ plddig-
keit mēschlicher natur erzeigt vñ bewy-
sen. vñnd so aber das vorgemelt wort so
vil ober sich genomē hat. so ich doch vñ
der den wercken. die vnser herre in mu-

ter leib hat gethan. nit mer denn das. d̄
er mit sant Johāsen dem tauffer in mu-
ter leib gewircket hat. etwas außgelegt
hab. so will ich nun allein auff dem text
pleibē. in dē zeugnissen d̄ künig. vñ der
würdigkeit der person cristi. die gott ist.

Das man nichts mit wortē vor gott
verantworten mag.

Ericht fürbas der heilig künig
Job in dem. xi. capitel. Ist d̄z er
vberling od̄ vnuersehenlich fragē wirt.
als es off̄t beschicht. wenn der mēsch al-
termynst gedenc̄t. so vberest in d̄ tod.
so wollauß vñd dā hin. gib rechnung al-
ler deiner werck. wort vñ gedācken. Gib
rechnung aller der ding. die dir ye verlis-
hen oder empfolhen sind vñ aller misse-
tat die dir ye verzigē sind wordē. spricht
fürbas iob. Wer wirt im antwortē wer-
den. Hie werdē vill töreter mēschen ge-
straft. die so vermessen sind d̄z sy tūrrē
sprechē. ich will d̄z. oder d̄z. woll verspre-
chen. vor gott dē herren. so doch iob hie
spricht. Ist es d̄z er vnuersehenlich fra-
gen vñ dē mēschē zered setzē wirt. wer
wirt ym antworten. als ob er sprechen
wolt. niemant. Vñd d̄z merck noch bas
auf seinen Worten. so er fürbas spricht.
oder wer mag zu im sprechen. warūmb
tustu also. Da spricht die glos. das ist.
Warūmb verwürffst du dē. vñ erweist diß

Das alle ding dē zorn gottes fōrch-
ten. vñ vñd seinē gewalt gebogē. vñ vñd
sei maiestat gedemütiget werdē müsse.

Irbas spricht Job. gott ist der
sehs zorn nyemant widersteen
mag. vñder dem sich die pygē. die den
vmbkreys der werlt tragen. Das ist so
vil gesprochen. Die müssen sich vñd sei-
nem gewalt bucken vñ demütigē. die sy
werlt regieren vñnd auffenthaltē. als

Von der würdigkeit der person cristi

fürsten vñ herrē. kōnig vñ keyser. Oder auch die himlischē gewelt vñ krefft. vñ den d̄ herr auch selbs spricht in dē ewāgelio math. am. xxiij. marci am. xij. Lu. am. xij. Das die krefft der himel bewegt werden. verstee zudienen irē herrē. vñ sein vnere zerechen. Darūb steet in sant Lucassen ewāgelio. dz die mensche dorren werde vor forchte vñ wartung der dig die ober dy gātze werlt komē werde Vñ auff dass elb setzt er den dise wort wañ die krefft der himel werde bewegt als ein sach. oder auch ein beyspil menschlicher forcht. Wañ die krefft der himel sind die engel genent. die dy himel vñ planetē als sunnē. vñ mon. vñ ander irrend stern bewegē vñ regieren. Durch der bewegūg vñ einflūß. die element vñ elemētische ding. verwandelt vñ zuuerwesen bewegt werde. Darūb so die selben engel die himel vñ die planetē zeregieren habē nach gewōnliche natūrliehen lauff. so habē sy es auch zuuerwandeln nach dem willē gottes. vñ zekeren zu vngewōnliche lauffe. Vñ wenn das also beschicht. so besehechē vngewōliche ding in dē elementē vñ in dē vndersten dingē. dauon sich die leut entsetzen. erschrecken. vñ erschluchtzē. Also wirt es vor dē iungstē gericht besehen. darūb werde sich die mensche ser fürchtē. weñ sy die verenderung vñ zerrückung der elementen vñ der riechter des himels. vor dem iungsten tag werde sehen. vñ des halbē die betrübung der ding. die in dē elementē. oder auß. vñ vō dē elementen sind. Dise wort des heilige Jobs. da er spricht. dz sich die bucken vnder gott. die dy werlt tragen. cōcordierē mit den wortē. die man in der prefacion liset. vor dem sanctus. so mā spricht zu gott dem

vater. Durch welchen christum die engel dein maiestat loben. die herschūg anbeten. die gewelt bidmen. die himel vñ die krefft d̄ himel vñ die seligen seraphin eren mit gesellscher frolockūg. Für bas spricht Job. Wer od̄ wie groß bin ich. das ich im antwort vñ rede mit meinen wortē mit im. Sihest du hie w̄z großen tōreten gedūrligkeit vñ vermessenheit. das ist. das ein armer sūnder getarsprechen. ich will das woll verantworē vor gott. so der. dem gott selbs gezeicknus hatt geben. das in der warheit vñ gerechtigkeit vñ göttlicher forcht seins gleichen auff der erdē mit was. spricht. wer. oder wie groß bin ich. dz ich ym antworten m̄g. Vñnd spricht für bas. Ja weñ ich auch etwas rechts hab. so wird ich im doch mit antworten. sūnd ich will yne bitten als meinen richter. Vñ herab bas spricht er. Ist es das mā stercke sucht. so ist er der allerkrefftigst. sucht man denn die gerechtigkeit. oder gleichheit des rechten oder vrteils. so getarrniemand zeicknus für mich gebē. Ist es. das ich mich rechtfertigen will. so wirt mich mein eigē mund verdamme. Das concordiert mit dem. das der herr in dē heiligen ewangelio Luce. in dem neūnzehende capitel spricht. Auß deinem eigen mund vrteile ich dich. du schalkhafftiger knecht. Für bas spricht Job. Ist es. dz ich mich vnschuldig erzaigē will. so wirt er beweyßē. dz ich arg bin. In dem zwölfften capitel. da er der erden. vñ des meers. des himels vñ der creaturen. die in ynen sind. gedacht hatt. spricht er. Wer weist nit. das die hand gottes dise ding alle gemacht hat. i des hand die sel. alles des das da lebt. ist. vñ der geist alles mēschliche fleischs. Der

ym ist die weisheit vñ die stercke. er hat den rat vnd die verstentnis. Ist es. das er zerstört. so ist nyemāt der da paw. Ist es das er den menschen einschleift. so ist nymannt der ym auff thue. Ist es das er die wasser auff helt. so werden alle ding dürr. lasset er sy aufs. so kerent sy dz erttrich omb. Bey im ist die stercke vnd die weisheit. Er kent den. der da betrugt. vnd den. d̄ betrogen wirt. Er fñrt die ratgebē in ein tōrets end. vñ die richter in ein erschluchtzē. Er löset auff die gürtel d̄ kōnig vñ vñgürtet ir lende mit einem sail. Er macher oder fñret die prier erlose. vnd die mechtigen stñrtzt er. Er verwādel̄t die leb̄en d̄ warhafftige. vñ nympt hyn die lere der alten. Er geñsset schmahheit vber die fñrsten. vnd erhebt die. die da vnttergedrñckt waren. Er maniguel̄tiget die geschlecht vnd verderbt sy. vnd wen sy verderbt vñ vergāgen sind. so prinḡt er sy gantz wið. Er verwandelt das hertz d̄ fñrsten. des volcks des erttrichs. vnd laychet sy. dz sy vergessens irgeen. Si werden tastē als in den finsternissen. Er machet sy irren als die truncknē. D̄se wort oder ding sol mā nach der verhencknis verstēen. als ob er sprech. Er lasset omb der sñnd vnd hohfart willen. die weysen zu narren werdē. dz sy vntterweil mit klein tōrheit begeen. Er verhengt. dz die tugentfamē yn sñnd vallen. vnd die geerten zu schanden. vnd die mechtigen fñrsten vberwunden vnd gefangen. vnd die geleertē mit gehñrt. vñ die listigen in iren eigen fñnden betrogē werden. Als oben gemeldt ist von dē rat der iñden wider cristū. In dem sich Cayphas gar weys beduncket sein. vñ meite er het die sach gar eben getroffen. doch het er die recht getroffen nach der mein

unge des heyligē geists. der durch seine wort die warheit traff. das dz leiden cristi des volcks erlösung sein solt. Aber der heylig geist meint. das der tod cristi das volck. das in in gelaubte. von dem ewigen tod erlösen solt. Aber Cayphas meinte. wo sy cristum mit tötteten. so würdem sy von den rōmern zerstört. vnd zertrēt werden. Dem selben wolten sy durch die töttung cristi entgeen vnd entrinnē. Des sy doch mer schuldig würden durch den tod cristi. Also fielen sy in dz. dz sy forchten. Wann omb der töttung cristi vñnd durchachtung seiner glaubigen willen. kam grösser leiden vber die iuden. denn vber einicherley volcks in der werlt ye kommen ist. Das woz doch irer meinūg keine. da sy dē ratschlag traffen. Es wer nütz. er das ein mensch stürbe. denn das das geschlecht verdürbe.

Der gewalt der bösen geyst entsetzt sich vor der göttlichen gerechtigkeit.

In das fertz nach den obgemel̄ten Worten spricht iob in dē sechs und zwēntzigstē Capitel zu dem kōnig Baldat. Sih an die risen seufftzen vñter den wassern. vnd auch die bey nēen wonen. Bey den risen mag mā verstēen die bösen geist vñ besunder die fñrsten. gegen den menschlich krafft nichtz ist. Es sey denn. das ir. die göttlich gnad vñ hilff bey stee. dz sy durch die tugēt dem bösen feind oblig. Davon schreibt sant athanasius. yn dem bñch von dem lebē des grossen sant anthoni. Das auff ein zeit C. da er vō dē brñdōn gefragt ward. wie es der sel gieng nach dem tod d̄ ime in d̄ nechsten nacht ein stymme zu schrey vñ sprach zu im. Anthom stee auff. vñ gee hinaufs vñ sihe. Da gieng er auf hyn. vñ hub seine augen auf gen himel

Von der wirdigkeit der person cristi

vnd sah einen langen greülichen man. & rürt mit dem haubt bis an die wolken. Er sah auch ettlich die federn vñ flügel hetten. vnd wolten vber sich fliegenn. Da strack er seine arm aufs. vnd erwischte ettlich vnd schmettert sy wider den erpoden. vnd hett dauon grosse freud. Her widerumb. wann ym ettlich. die er auch gern ergriffen hett. entwischten vnd wider seinen willen vber sich yn den himel flogen. das teth im zu mal wee. Vnd die stym sprach zu yme. merck was du sihst. Also ward er mit erleuchttem hertze versteen. das diß die aufart der selen were. vnd der gross rise wer der teufel. der die selen begert zehindern. das sy nit zu himel füern. Vnd welhe mit sünden beladen vñ beschwert wern. die begriffe vnd würffe er in abgrund der hell. aber von dē. die im entgeē bekümert er sich. Darumb hab ich gesprochen. das bey den risen die bösen geist müge verstandē werden. die da seufftze vntter den wassern. das ist vntter den peinen. die oft in der geschrift bey den wassern bedeutet werden. Als yn dem achtundsechzigistenn psalmen. da konig dauid spricht. Nach mich herr gott selig. die wasser sind yn mein sel gangenn. Vnd sollich layd vnd pein tragen die teufel allweg bey ynen.

Item man versteet auch bey disen risen. die risen. die in der sintflus ertrunckē sind. den ir lenge oder stercke mit helffen mocht. dz sie nit ertrünckē. die seufftzen vntter den wassern. das ist in der hell die vntter den wassern ist. wan sie ist in der erden. vnd die wasser geē vber. vnd vmb die erdē. Bey den risen versteet die glos die hohfertigen vnd die geweltigen. die da seufftze vntter den wassern & sorg vñ Bürde zeytlicher bekümmernus.

Dañ als sy spricht. so vil eier höher vber dz volk ist der wirdigkeit halb. souil wirt er mer vnttertrückt & sorg vnd angst. od auch der hohfart vñ sünd halb. die aller meist solliche vberwindt vnd vntter sich truckt. Darüb die meinung des heiligen iobs. ist die. dz aller gewalt muß vntter worffe sein & gerechtigkeit vnd dē vnter gottes. vñ hilt keine sei stercke. sein grofse. sein gewalt. od sein weifheit wid got. dz er seinem vnter entgeē müg. sunder als der weyse konig salomon spricht. die mechtigen werden mechtig pein leyden. vñ die stercker sind. die sind auch stercker qual wartē. Vñ nyemāt mag fliehē vor gott. & allenthalbe ist. so mag sich ny emantz vor im verbergen. wan sein augē sehē an allen orten. die guttē vñ die bösen. als salomō spricht in den sprüche. in dem fünffzehendē capitel. Darumb spricht Job fürbas. die hell ist bloß vor im. vñ die verdammus od verlust. hat kein decke. Er hat den aquilon. dz ist. den ort des himels. & vmb dē meerstern ist C bei dem er dē gantzē himel. nach den buchstabē. zeredē versteet & ausgedenet. vber dz wan. vnd hat die erdē auff nichts gehenckt. Er bint die wasser in seinen wolken. dz sie nit mit einander aufs vñ vntter sich prechen. Er hat den wassern. ein zil gesetzt. bis dz liecht vñ die visterne geendet werden. Die seülen des himels erbidmē. vñ fürchte sich zu seinem winckē In seier stercke sind die meer schnell gesammelt wordē. vñ sei flugheit hat dē hohfertigen erschlagē. Sein geist hat die himel gezieret. vñ so sein had gehebt. oder einer hebammen ampt getriben hat. da ist & krum schlang herfür pracht od aufgeführt wordē. Bey & schlägen verstee nach & glos. den bösen geist. & durch der

vnd von seinen grossen taten

schlangē münd. Die euam betrogē hat. vñ
wirt krum genēht. Den als d' herz in dem
achtē capitel Johānis spricht. Er ist yn
d' warheit nie bestandē. wan er ist lügen
hafftig vñ ist ein vatter d' lüge. Der selb
ist außgefūrt. wan als die glos spricht.
er ist auß d' heilige cristeheit verstoffē.
als vnser herz sprach zu den indē Johā
nis an dem zwelftē. nun ist dz gerichte
diser werlt. nun wirt d' fürst dyser werlt
hynauß geworffē. Vnd das er vns
zeuerten geb. das das durch sein hend
beschē. so sprach er darauß. Vñ ist es.
dz ich erhöht wird vō der erden. so wird
ich alle ding zu mir ziehē. Den da d' her
sein hend hat lassen außstrecken. zerdes
nen vnd anhefftē an dē creütz. da sie yn
gefangen sind gewesen. da hat er aller
meist damit geschafft. vñ den gefangē. d'
alles mēschlich geschlecht gefangē het.

Von der vntreglichein erschrocken
lichteit des iūnstē gerichtē.

In das spricht iob. Sihe an dise
sig sind vō einem teil seiner weg
gesagt. vnd so wir kaum einen tropffen
seiner red gehört habē. wer wirt den dē
Donerschlag seiner größe mügen anse
hen. Ein tröpflein d' rede cristi. ist dz
senfemütig wörtlein gewesen. dz d' her
zu dem gewapnetē heer sprach. dz yn fa
hen wolt. da er sie gefragt hett. wen sie
suchten. vnd sie antwortē ihesu vō naza
reth. da sprach er. ich bins. Da mochten
sie dz mit hören. dz ist. sie mochtē nit dar
uor bestē. sund sie fiē all rüglig auff
die erdē. als ob sie d' hagel erndt geschla
gē hette. Wz wirt es werdē. wenn er an
dē iūnstē gericht zu den bösen wirt spre
chē. Gett hyr ir verfluchtē in das ewig
feur. das dem teufel bereit ist. vnd sein
en engeln. dz wirt d' Donerschlag sein. d'

den erdbodē vō emander spaltē vñ den
luft anzündē vnd kōnig vñ keyser. tyrā
nen vnd rapsigē. alle rütrich vnd mech
rige d' erdē. vnd kurtzlich alle sünd vnd
böse mensche. die on den glauben od on
ware reu verschydē sind C wie die wid
praut den staub einwickelt. erhebt vñ hin
fūrt C mit punendē flammē verwickeln.
vñ in abgründ d' laidigē hell werffē wirt.

Wann also steet in dem fünftē capi
tel d' weyßheit geschribē. Der herz wirt
seine grymygē zorn spitze zu einē sper.
vñ d' umbkreis d' erdē wirt mit im streit
ten wider die vnsynngen. als die. die die
guttat gottes mit erkennen wöllen. Die
auschüß d' plitzen werden schmurschle
cht geen. vñ gleich als vō einē wolgespā
ten bogen abgeschossen. Vñ werdē zu
gewysen zil faren. vñ vol hagel werden
vō dem volsteinigen zorn gesendē. Vnd
dz wasser des meers wirt iestē. od schey
men wid die bösen. vñ die flüsse werden
hert wid sie mit emand lauffen. Wid sie
wirt d' wid d' kraft steen vñ sie gleich als
ein sturmwid od ein windspraut vō eins
and teilen. vnd ir ertrich zu einer ewigen
wüste pringen zc. Vnd ysaias spricht
yn dem dreyßigsten capitel. Seht an. d'
nam des herren kumpt vō verre. vñ sein
zorn ist prinnend vñ schwer zetragē. sein
leffzen sind erfült mit vnwidisheit. vñ
sein züg ist als ein verzerendē fressendē
feur. Sei geist ist als ei obergeēde gūß.
zeuēderbē od zuuerliere die geschlechte
zu nichtē. vñ d' herre wirt hōre mache dy
ere seier styme. vñ dē schreckē seits arms
erzeigē. in droüg des zorns. vnd in dem
flammen des verzerendē feurs. Er wirt
sie zerschmettern. od erndt schlagen yn
dem sturm wid vñ in hagelsteinen. wan
die hell ist vō gestern. dz ist. vō vergangē

Von der würdigkeit der person cristi

ner zeit beraitet vñ dem kōnig. tieff vñ prait. Ir Futter ist dz feur vñ vil holtz. d atē des herre ist als ein pach des schwe fels. der sie anzündt. Sihestu wie erschrockenlich dz vrtail cristi an dem iüng stē tag den bösen wirt sein. Deshalb der heilig Job. als die glos auch meldt. die zukunfft vnser herren. als er an dē sel ben tag in seiner krafft vñ maiestat ko men wirt. dem tonerschlag. den man nit dulden mag. zugleichet. Vñ d weis phy lo in salomōs weisheit. heisset den zorn vnser herren. den er an dem selben tag beweysen wirt. veltig. vñ nennt es hagel stein. Als ob er wolte sprechen. Dz groh hagelstei schüssen auff die erdē. als die felsen. vor dem doch nyemat sicher wer. so wer es doch mit also greulich vñ erschrockenlich. als der tag. den bösen wirt sein. Darūb nennt in d heilig prophet Sophanias in dem erstenn capitel seins büchs. den tag. des zorns. den tag des trübsals vñ d engstlichkeit. dē tage des iammers vñ d arbeit seligkeit. den tage der finsternus vñ d tünckelheit. den tag des neBELs vñ d widspant. den tag des heer horns vñ busaumen geschrayes. Er heist in vast schnell. Als ob er wolt sprechen. Wie lāg er ymer auß bleibt. so kompt er doch den bösen zefrue oß zubald. Vñ spricht da. dz ir silber vñ gold sie nit erlö sen mag in dem tag. des zorns des her ren. wan in dem feur seins crists wirt al les ertrich verzert werdē. Wie grausam aber dz vrtail des herren den böse werd lauttē. spricht er aber. Die stym des tag. des herre ist bitter. der starck wirt da ge qualet werden. Vber welches propheten wort sant gregorius d babst in d zwelff ten omeley oß predig vber die ewāgelia also spricht. Wegt mein allerliebste bru

der. wie bitter vñ scharpf den tag des iüngstē gericht. d prophet hat vber die hertzen d verdāpten sehen künē. den er mit souil namenn mit mag aussprechen. Wie vngleich aber d selb tag den guttē vñ den bösen sey. spricht er aber in d selb be predig. vber die wort. Die beraitt wa ren. die giengen mit im ein zn d hochzeit. vñ die tür ist beschloffen wordē. O dz vns dz schmäckte yn dem gūten vnser herren. was verwüderūg daz in im hat. dz gesprochen wirdt. d preütigā kompt. woz süßigkeit. sie sind mit ym eingegagē zu d hochzeit. waz bitterkeit. vñ dy tür ist beschloffen worden. Wan der kumpt. d durch sein zukunfft die elemēt erschütter. in des angesicht himel vñ erden zittern. Darūb er auch durch dē profetē spricht. Noch einmal wird ich mit allein die er den sunder auch den himel bewegē. Zu des verhözūg alles menschlich geschle cht gepracht wirdt. dem zu rachsāl d bö sen. vñ zu widergeltūg der guttē die en gel vñ die ertzen gel. die thzō vñ fürst tūmen mit den herrschungen dienē wer den. Nun wegt mein allerliebsten. was grossen schreckēs zu angesicht eines sol chem richters an dem tag werd sein. so yetz kein bus oder ertzney in d pen wirt Als ob er sprechē wolt. Wie ein erschro kenlich sach wirt daz sein. dz d mensch so groh. so vil. so schwer vntreglich pei ewig lichē söll leiden. vñ dar durch. kein gnad. kein verzeihūg der sünd. kein hinlegung oder bezalūg der schuld. Ja kurtzlich ze redē. kein frucht. kein leichterūg. kei hof nung der besserung ymmer ewiglichē en pfahen. Darūb spricht er fürbas. Wegt was grossen schand das werd sein. das man der sünd halben in der samlung aller mensche vñ engel schamrott muß werdē

vnd von seinen grossen taten

Was grossen forcht das werd. den 302/ nig werden sehem. den das menschlich gemütt. senfft vnd still nit geduldē oder begreifen mag. Also haben wir. wie erschrockenlich dz iüngst gericht den bösen künfftig ist. des halben es der heilig iob einem tonerschlag zugleich. dz es aber den gutte so vil begirlicher vñ frölicher werd. souil es den bösen erschrockenlicher wirdt. das spricht fürbas sant gregorius mit sölichen wortē. Wie grof wirt aber an dem tag die fröud der auf erwelten. die sich vō des gesicht werden freuen. vō des angesicht sie werden die element zittern sehem. Mit dem zu der hohzeit werden eingeen vnd sich in des präutigams hohzeit freuen. vñ sie selbs die praut sei. wañ in dem hohzeit kēmerlein des ewigen reichs. wirdt got d̄ herr vnser schawung zugelegt. welhe schawung nymmer ewiglich von den vmbfengen seiner liebe gezogen od̄ gescheiden wirt. Dis sind sant Gregorij wort. mit dē ich nit vnbillich sannt iobs red beschleuß. vber des büch er fünffddressig büch/ er geschribē hat. vntter den er an dem end des sibenzehenden. dyse wort auch auff den gemeldten syn auflegt.

Hie volgend hernach ettlicher grof ser kōnig zeügknus.

Von der zeügknus des grofmechti gē kōnigs Nabuchodonosors. d̄ fünft kōnig.

D Er fünfte zeüg des göttliche geualts. ist der grofmechtig kōnig nabuchodonosor. der zu babilon geregni ert hat. Der selb nabuchodonosor ist so mechtig gewesen. daz er souil mechtiger kōnig vntter im gehabt hat. die ym gott d̄ herr vntterworffē het. dz es ymāt ver dieffen möcht zenennen oder zehören.

als die. Jeremie in dem fünffundzwein tzigisten capitel gesetzt sind. vnd in dem sybenundzweintzigistē capitel desselbē propheten spricht gott d̄ herr selbs. Ich hab alle dise land ym die hand nabuchos/ donosors des kōnigs babilonns meyns knechts gegeben. vñ hab ym die tier des velds geben. das sy im dienen sullen. vnd alle geschlecht werden im dienen. vñ im werden vil geschlecht dienen. vnd grofs kōnig 2c. Der grofs kōnig C zu dem auch daniel sprach. du bist grof worden vnd hast vberhand genūmen. vnd dein gröfse hat gewachsen vnd ist kummen bis an den himel. vnd dein gewalt ist kummen bis an die dritt des gantzen vmbge endē ertrichs d̄ gibt ein söliche zeügknus auch in geschriffte. die er schicket al len völkern vnd gezeügen. des gantzenn ertrichs. das er spricht. Zeichen vnd wūnderwerck hat der gros vñ vberhoh gott bey im gethan. Darüb hat es mir wolge fallen. das ich sein zeichē prediget. dan sy sind grofs. vnd seine wonderwerck dan sy sind starck. Vñ sein reich ist ein ewigk reich. vnd sein gewalt ym geschlecht vnd geschlecht. Ich Nabuchodonosor hab mein augen in den himel auffgehebt. vñ dem allerhöchsten gedanckt vñ ym C der in die ewigkeit lebt d̄ gelobt vnd geeret. wañ sein gewalt ist ein ymmerewiger ge walt. vnd sein reich in geschlecht vnd geslecht. vnd aller woner der erden sind für nichtz geschetzt vor im. wann er tut nach seinem willen in den krefftē des himels. vñ in dē wonern des ertrichs. Vñ ist nyemant. der seiner hand widersteen vnd sprechen mäg. warumb hastu dz gethan. Darumb so lob ich nabuchodonos/ sor. vnd gröfse nun vñ erwidige den kōnig des himels. wañ seie werck sind war

Von der wirdigkeit der person cristi

vnd alle sein weg sind recht oder vnterpf.
vnd die. die in der hohfart wädern. mag
er demütigen. Das ist die zeügkhus
des grofmechtige kōnigs vō babilon. d
vnter andern vil kōnigē drey kōnig der
iuden gefangē hingefürt hat. mit vil kō
niglichen personen. vnd hat in nyemant
mügen widersteen.

Ein widerred zu den iuden. von der
zukunfft cristi.

Erlliche zeügkhus C O ir vnse-
gen plinden iuden d hat der. der
eür kōnig vnd bischoff. eür mechtige ge-
fangen vñ hingefürt. vnd vō inen vñ eū
ern vātern getöt. gefangen oder frey ge-
lassen. erhöhet vñ gedemütiget hat. wen
er hat gewölt. Ein solliche zeügkhus hat
er vō dem. den ir gecreütziget habt in ge-
schriften gegeben. Vnd ob ir sprechen
woltent. dz die gezeügkhus den creützi-
getē nichtz angien. so ist eür daniel wi-
der eüch. der dem selben grofmenchtige
kōnig aufgelegt hat. daz d stein d vō dē
berg on hend geschrotten oder gehawē
wer. bedeutet dz reich. dz nymmer ewigk-
lich zerfört. noch einem andern gegebē
wird. Vnd wer ist der selbig C frag ich
eüch d des reich nymmer zergeen sol an
ders den der. vō dem d heilige wechter
vō dem hymel schry vnd sprach zu dem
offtigenantē nabuchodonosor. dz er vnd
all lebendige erkennē solten. dz der hoh
herschet in dem reich der menschen. vnd
wem er wölt. dem geb er dasselb. vñ den
allerdemütigsten mensche wird er vber
das selb reich setzen. Wer ist der selb als
der demütigste mensch. Meinent ir. dz es
erwer künfftiger messias sey. d allerhoh-
fertigste end cristi. vō dem der selb dani-
el spricht. dz er einen gros redendē mūd
wirt haben. vnd wirt red wider den aller

höchsten reden. vnd mainen. dz er die zeit
vnd die gesetz verenderen müg. vñ wirt
nach seine mutwillen thun. vñ erhebt vñ
gegröfset werden wider alle götter. vnd
wirt grofsetige ding wider den got aller
götter redē. vñ den gott seiner vāter für
nichts achte. als dise dig alle. mit vil an-
dern. der gleichen erwer daniel in dem sy-
benden vñ aylfften capitel setzt maynet
yr. das der selb d aller demütigste mensch
sey. den gott der herr vber das reich der
werlt setzen wölt. Warumb spricht dan
daniel. das der steyn. der on hend vō dē
berg abgehawen ist. das grof bild hat.
des haubt vō gold. prust vnd arm vō sil-
ber. bauch vñ hüffen vō ertze. schynbein
von eysen. ein teil der füß eysnen. ein teil
irdin warē. an die eysenen vñ irdin füß
gestossen. vnd hat daz gantz bild mitein
ander. gold vnd silber vnd ertze vñ eysen
zerstossen. vñ gleich zu vñ zu staub
den der wind hinfürt zerriben vnd ges-
macht. das mā ir statt mit mer hat gefun-
den. vñ er ist zu einem groffen berg wor-
den. vnd hat das gantz ertrich erfüllt.
Ist auch yemant der C eygentlich zere-
den d das gantz ertrich erfüllt. denn der
der da spricht yn dem dreyundzweintzi-
gsten capitel. Jeremie. Erfüll ich mit hy-
mel vnd erde spricht gott der herr. Vñ
den der heylig prophet ysaias sah auff
einem hohen vnd erheben thron sitzen.
vnd hört die süsprinnendē engel rüffen.
das alles ertrich vol were seiner ere.

Von den gewyssem warzeichen der
zeit der zukunfft cristi.

End so daniel dē kōnig nabuchos-
donosor auflegt. das die vier ge-
schmeid. als gold vnd silber. ertze vnd ey-
sen. bedeuten die vier groffen reich diser

vnd von seinen grossen taten

werlt. Das Caldaysch oder babilonisch bey dem gilden haubt. der medier vnnnd persier bey der silberen brüst vnd armē. Daz kriechisch bey dem erin bauch vnnnd oberm teil d bain. vnd das römisch reich bey den eysernen schynbainen vñ füßen. vnd die teilung desselben reichs bey dē zeehen. die ein teil eysernen. ein teil yrdin waren. vnd das eysernen vnd yrdin was daz vntterst teil. so ist wol bey dē bedēut gewesenn. das das römisch reich C das das vierd solt sein D auch das letst sein solt. zu den zeitten cristus solt kummen. Des reich nit zeitlich noch vō diser werlt sunder ewig. vnd von ewigkeit solt sein.

Das man aber eygentlich wisset. zu welcher zeit desselben reichs cristus kumen solt. da ward das zeichen der sterke an einem teil. vnd der vntterligig an dē andern. vnd der zwitrechtigkeit hynzu gesetzt.

Von dem ersten wartzeichen.

Die zwitrechtigkeit desselbē reichs die eben gewesen ist zu den zeitten des keyfers. vntter dem cristus geboren hat wolkenn werden. ist wol bey der vntterscheid der materie der zeehen bedēutet. denn sein vatter. des zugewinster sun vnnnd gesetzter erb er was. der auch sein grof dhem was. zertrennet sich wi der seinen ayden. den grossenn Gneum pompeyū. der die iuden zum ersten vntter die römer pracht. Vnd die zwen daz ist. der keyser Julius vnd pompeius zertrenten das gantz römisch reich. wann ein yeglicher zohe einenn grossen teil an sich. aber Julius oberwād entlich des selben gleichē Octavianus. vntter dem cristus geboren ist. zertrente sich auch

mit seinem schwager vnd dhem Marco anthonio. vnd sie hetten gros streit mit einander. Aber Octavianus lag entlich ob. vnd ward von desselben entlich ob ligens wegen. Augustus zum ersten genennt. das als vil ist. als ein merer. dar für man in teüsch merer des reichs schreibet. Vnd der selb anthonius wirt gar eygentlich bey dem yrdin hafnerwerck bedēut. Wann die kōnigin von egipten lannd Cleopatra. die er zu einer haupfrawen name. da er des keyfers octauianis Schwester octauia lieh. machet in gātz weibisch. Darumb wirt er bey dem hafnerwerck bedēutet. Also ist die selb zwitrechtigkeit. die yn dem römischen reich was. zu den zeitten. als yetz die zukunfft cristi nehnet zu einem warzeichen gegeben wordē. das man dar bey mercke. in welcher zeit desselben vierden vnd ledtsten reichs cristus kumen solt. Denn wie wol zu der zeit der geburt cristi grosser frid yn der werlt was. so was doch daruor vor ettlichenn kurtzenn iaren grosse zwitrechtigkeit gewesen. die sich angefangenn vnd erhebt hett zu den zeitten der römischen ratherrn. Caij Marij. vnd Lucij Sille. Vñ wie zu vnsern zeitten partheyen vor langen zeitten her yn welschen landen. darinn ettlich welffen ettlich gibellainer. allweg wider einander sind. also waren dazumal partheyen vntter den grossen mechtigen rōmern. das ettlich sillaner. ettlich marianer waren. Die sillaner waren vō dem silla genennt. Die marianer. der parthei die ersten grossen kaiser Julius vñ octavianus. waren von dem mario. der doch eins zymmermans sun was. Darumb ist sollich zwitrechtigkeit zu einem warzeichen der zeit gesetzt.

Von der würdigkeit der person cristi.

Von dem andern wartzeichen.

Das ander wartzeichen ist vō der stercke desselbē reichs. die bey dē eyßen bedeyt ist. Darūb solt cristus yn d̄ zeit der stercke des selben reichs komen. die darinn stund. wie das eyßen alle ding auch metall od̄ geschmeid. meistert. zer schlecht. vnd zertrümmert. also solt diss reich alle andere reich meistern. oder zertrümmern. Das was die auflegūg dame lis. Glaub̄t ir iudē das nit. D̄z diss reich andere reiche zertrümmert hab. so fragt euer eltern vñ euer hystorie vñ geschicht. vñ allermeist eūrn iosephū i dē sybē büch ern. die er vō dem iūdischē streit geschriben hat. der ewer eltern hauptmā. vñ ein hertzog od̄ fürer des streyts durch das galiteisch land gewesen ist. Den selbenn fragt darūb. wer ewer reich zerstört. ewer hauptstatt iherusalem zer schlayft ewern kōstlichen tempel verpzent. ewer geschlecht verkaufft. vñnd durch die werlt zertrent hab. vñd sehet ob es eyßenen sey gewesen oder nit.

Von dem dritten wartzeichen.

Das dritt wartzeichen ist von dem. das die regierer diss reichs soltē einader zugehōrn geschlechts. pluts od̄ schwāgerschafft halb. vñ solten doch wider einander werdē. das ist eben also beschēhen. denn der keyser. vntter dem cristus geborn ward. was des keyfers iulij Schwester tochter sun. So was marcus anthonius. wiō den er stritt. desselbē keyfers Schwester sun. also waren octauiani mutter. mit namen actia. vñd anthonius zweyer Schwester kind. Vber d̄z hett anthonius des keyfers octauias Schwester das sy auch schweger waren. Des gleich en het d̄ grof pompeius des keyfers Ju

lij tochter zu der ee gehabt. D̄z halff alles nit zuuerhüttūg d̄ vnainigkeit. Wan als daniel sprach in der auflegūg des gesyhts des kōnigs nabuchodonosors. Sye werden menschlichs samens oder geschlechts halb vermischet. aber einander nit anhangen. als das eyßen mag nit mit scherben vermengt werden. Vñ ist wol zu mercken. das daniel sprach. D̄z d̄z ein teil. d̄z ir din wer. hett doch einen vrsprung vō dem eyßen. wan octauianus vñ anthonius hetten der mutter halb einen vrsprung vō dem geschlecht des gesinds der iulien. das d̄z streittberest geschlecht ist C das sein mocht C gewesen. Also haben wir clerlich. das cristus yn d̄ zeit des vierden vñd letste grossen reichs kommen solt. vñ sunderlich in d̄ zeit d̄ macht desselbē reichs. so es gleich an dē mechtigisten wer. vñd alle reich d̄ werlt zwingen vñd zempte. Vñ das ist alles beschēhen zu den zeitten als die ewangelisten C als wir cristen sy lesen C beschreiben. Da cristus kumen ist C wann als durch d̄ rōmer hystorien bewert mag werde C so sind die rōmer nye also mechtig gewesen. als die zeit. d̄z ir iudē auch vñ mit ein wenig enpfundē habet. Da ir euch habt mühsen lassen zelen. anschlahen. schetze. antwortē. zu gehorsam zwingen. vñd wider ewern willen bucken vñd vntteriohē. als wir lesen in vnserm heiligen ewangelio. luce an dem andern capitel. vñd ewer iud Josephus schreibt bey dem anfang des achtzehenden büchs des iūdischen alters. Vñd so ir sehet. das der stam. den ewer bawer. das sind ewer bischoff. ewer lerer. euer altē richter verworffē habē. vñ ist doch C als ir selbs leset i dē sybēzē hēdē vñ hūderste psalmē vñ ysaias schreibts im achtundzweitzigste capitel C zu

vnd von seinen grossen taten

eine haubt egkstein wordē. Dife rōmisch reich auch zerstört vñ zertrūmert hat. vñ ist an sein stat gedihen. so ist es ein gross wunder dz ir die offbaren warheit nit erkennen wōilt. dz ir ir glaubēt. Wan cristus hat im auch dasselb allermechtigst rōmisch reich. da es noch in seier grossen macht was. vntterworffen. vnd darnach lassen zergeen. dz es kaum den namē behelt. nach dem als des kōnigs nabuchodonosors gesiht bedēut. vñ daniekausgelegt hat. dz dz reich cristi alle dife reich. zerbrechen vñ verzeren solt. das wir nun mit den augen sehen. dz wēd die babylonier. od caldaischen. noch die persier. vñ medier. noch die kriechē. noch die rōmer mer regieren. in solher macht vñ gewalt vber die werlt. als sie gethan haben vorzeiten ee cristus kam.

Das sich der verstockung der iuden wol zuerwundern ist. so die heylig geschriff. vñ der vergāgnen zukunfft cristi so dar vnd offenbar ist. vñ die altē weysen iuden. die also iuden beliben sind. so offenbar zeugēnus cristo gegebē haben. **D**arumb so die geschriff. vñ ewer geschriff. so dar ist vñ beschēhne ding so offenberlich cōcordieren. vnd zu sage mit der vorgeendē ewrer geschriff. so ist es ymmer ein wunder. vñ ein wōnderlichs wunder. dz ewer gelertē so verstockt blind sind. dz sie dife so liechte warheyt. nit sehen mūgen od nit sehen wōllen. vñ weysen euch darauff. daz ir des messias noch warten sūllet. so die zeit vñ zeichen seiner ersten zukunfft so gewislich vnd offenberlich vergangen sind. Das ewer plinden plindenfürer nit sehen. denn sy ligen auff den iūdischen merlein vnd lügen vnd sehen weder heidnisch noch cristenlich hystorien an. Ja mer sprich ich.

irer eigen eltern als des philons vñ alexandria. vnd des obgemelten hystorien schreibers iosephi. Der doch meint als er schreibt dz er gar vngern liegē wolte. als einer. dem es gar vnzymlich were. als der mit uren die priesterliche würdigkeit trüge. vnd ein nachgeborner freünd sey des asamomischen geschlechts. Er meint die. die wir machabeos heissen. die die letzten bischoff vñ kōig der iuden von dem rechten priesterliche edeln geschlecht waren gewesen. Seht an difen iuden. wie gewis vnd glaubhaftig er will sein. vnd ir tut seinen geschrifften als ewer eltern. seine wortē. zu oder vor iherusalem. da er sie zu irem nutz vñ zeitlichem heil vnd frid mit erbermdlichen vnd weysen Worten. mit vbergeenden augen. mit heysen zehern. mit clugen krefftigen reden. die ein steynes hertze bewegen sōlten. ermanet vnd wise. da spotteten sie sein. vnd hetten in gern vñbzacht. Also tetet ir villeicht. wenn ir mōchte seiner geschriff auch. wa ir mercketen. Das sie auff dz gieng. darynn ewer war heil stünd. Vnd sicher sag ich. wēn ir im gelaubet. wiewol er ein iud erstorben ist. so glaubet yr auch cristo. Dann er setzt offendarlich vñ ihesu. den pilatus an dz creütz geurteilt hat. vber den. die oberste der iuden. vor pylato geklagt haben. daz er cristus sey gewesen. darzu setzt er so mit doch in einem kurtzen capitel. das es allen iudē gnug wer zu dem eingāg des glaubens. wenn sy im glaubten. Das als les stee an seine ort. wan ich hab nit eine streit wōd die iudē hie an mich genomen. dan es bedorffte eins fundē buchs vnd haben die meister vnd lerer vbergnugsame bucher dauō gemacht. Na gedenc hie der figuren. die oben in dem andern

Von der würdigkeit der person cristi.

teil ober den ersten artickel des fünfften gegenwurffs gesetzt ist wordē. vñ daniels gesiht. da gnug erzeigt ist. dz die ere der gotttheit. vñ das reich der ewigē seligkeit. cristo zu gehōrt.

Vñ der zeugknus des kōnigs Ciri. Vñ ist der ander zeug vntter den grofsen kōnigen. vñ gegen den vorigen der sechst.

Der sechst zeug ist der grofs namhaftig kōnig der persier kōnig cirus. der so namhaftig gewesen ist. das sein nam erkant vñ genemnt ist gewesen. ee er geboren ist worden. so mechtig ist er gewesen. dz er dy allermechtigste reich. als dz Caldeisch reich der babylonier dz Cals oben gemelt ist Dalls reich vntter sich gebracht hett. vntterworffen. vñ daz grofs babylon gewunnē. vñ zerlōrt hat. auch hat er dz mechtig kōnigreich d meier vntter sich. vñ die monarchei vñnd einige obersten haubtgewalt. an die persier gebracht. Was solich sagen. er ist d. den gott der herr ein gute weil vor seinē er geburt. seinen hirten. seinen cristn. daz ist seinen gesalbte C wan er was ein sun der figur cristi d genemnt hat. vñ dem er spricht in dem fünffndwertzigste ysaie Ich hab sein rechte hant ergriffen. das ich die geschlecht vntterwerfe vor seinē angesicht. vñ die rücken der kōnig darlere. Als ob er sprechen wolt. Die mechtige kōnig müssen vor im fliehen werde. Ich will C spricht fürbas gott d herr d vor dir geenn vñ die grofgeerten des ertreichs demütigenn. ich will die erine pforten zertrümmern. vñ die eyenen ritzgel zerprechen. vñ dir die verporznem schetz gebē. Diser grofs kōnig Cirus schrib auch auß durch alles sei reich vñ hiefs das predigē C als wir in dem

letsten capitel des andern büchs d tag vñ yn dē ersten. des ersten Esdre lesen vñ wie im der. der ein got were des himels. alle reich des ertreichs gegeben vñ gebot tē hett zebauē sein haus zu iherusalē. zc.

Aber ein gegenrede zu den iuden.

EPrechet ir iuden aber eins. dz dz den creützigetē mit angee. so frag ich euch. Warūb haben im den die weysen kōnig vñ orient. so von vñrem opfer gepracht. Was het sy darzu bewegt. ob wer hett das inen in verren landen verkündet. das der vntter euch geboren wer. d ein kōnig aller werlt solt sein. so yr oder ewer vätter in der nehe. vñnd auch aller nebst. nichts darumb wiffen. ausgenomen die hirten vñ ewrm geschlecht. den es die engel vñ himel herab mit freude verkündeten. da sy auff dem veld in der nacht ober ir vñ wachten. Wer hett dz den weysen verkündet. den dz sy es vñ dē himel lernetē. vñ an dem himel lasen. vñ verstanden. dz ir in den büchern herter. vñ mit gar wol verstandet. Vñ warumb verkündet me die himel. warūb hofiert vñ dienet ym das grof hymlich liecht. vñnd zündte oder leuchte den kōnigen yn der nacht. vñ gieng ine vor. vñnd fñrt sy zu cristo an dē tag. den das dar durch bedēut w. dz er ein kōnig himelreichs vñ ertreichs were. Ob yr euch an dem selben mit wöllēt lassen benügē. so seht sunnen vñ mō an. in d zeit seiner creützigung. die weder ewer gotz mōrtlich sünd. noch die vnere ira schöpfers habē mügen sehen. die erde hat sie mit mügen tragē. die felse habē es mit mügen gedulden. sy sind vor mitleidē des vnerschultē leidē vñ sterbē cristi. vñ vnwijsheit ewer mōrtliche bofheit zerprügē. Die hell hat vñ ewer verctische vñntē vñ falscheit gezümet

vnd von seinen grossen taten

vnd die töten aufgeloffenn. gleich als ob sie sprechen wolt. wollen die lebendigen nichts zu diesem grossen gotzmord thun. so thut doch ir dar zu. Seht ob ir nit grober vñ schnöð sey. den die erd. herter den die felsen. grymiger vñ laydiger den die hell. dz ir den nit als auch einen arbeitfeligen menschen des lebens würdig geschetzt habet. den himel vnd erd. dar zu auch die grymig hell. gott. den geber alles lebens bekent vñ bezeugt habe

Von der zeugknuß des königs dary
Vnd ist der sybent zeug.

Der sibent zeug ist d gross könig der medier. mit namen darius. der auch in geschriffte zeugknuß gab. Denn er schrib allen völkern. allen geschlechtern vnd allen zungen. die da wonet in alle seinem königreich auff eine söliche syn. Wo mir ist ein gesetz gesetzt. dz man in allem meinem reich vñ gebiet. erpidēen. vñ fürchten sol Daniels got. wan er ist d lebendig gott. vñ ewig in die werlt. vnd sein reich wirt nit zerstört werde. vñ sein gewalt wirt in die ewigkeit weren. Er ist ein erlöser vñ ein behalter od heilmacher. der da zeichen vñ wunder tut in hymel vñ in erde. d den daniel auß d lewe grub erlöset hat. Das ist des grossen königs dary zeugknuß. Ob aber die obgemelte wort od zeugknuß cristo zugehöre mügen. wer das wissenn wölle. der lese das nechst nachuolgend das ist das sibent capitel nach diser zeugknuß. die in d sechsten capitel daniels geschriben stet mit seiner auflegung Ich hett noch gross könig. als den könig artaxersen. vñ asuerum. vnd allermeist die allergroßmechtigstenn aller der. die ye gewesen sind. die grossen keyser. Octavianum vnd Tiberium. vntter dem erste ist cristus geborn.

vntter dem andern hat er gelitten. die d gottheit cristi mit Worten oder werken. zeugknuß haben gegeben. die doch alle heide sind gewesen. die ich an laß steen. Vnd ich will nit sprechen. das die obgemelten könig cristo als cristo. C nach den büchstaben zureden D eigentlich. zeugknuß haben gegeben. sunder der gottheit oder gott. der werlich cristus. vnd in cristo gewesen ist. Darumb hab ich etwas auß den sprüchen der heiden genomen. von der allmechtigkeit vnd mayestat der gottheit oder gottes. dz man dar beylerne etwas betrachten von der würdigkeit der person cristi. der werlich gott ist. Die letzten zwen keyser nymme ich auß. dary sy haben cristu als got wöllen eren. aber nit nach cristlicher. sunder nach der römer weyse. die all götter eren wolten.

Warumb die römer cristum nit wolten auffnemen zu einem gott. so sy doch alle ander götter auffnamen.

Darumb wolt d römisch senat oder rat cristum zum ersten nit auffnemen. Denn sie bedachte. cristus wer vil leicht so hohfertig. daz er keinen gesellen leiden od habe würde. Darumb besorgten sie. wo sie cristu als einē gott auffnemen. so müste sie die andern alle C als es den war was D vbergebē vñ lassen. dz was in schwer. Wann sy wolte aller götter huld vnd gnad haben. Sy gedachte C als ich meine D nemē wir den für got auff. so erzürnē wir die andern all. durch der gunst vñ gnad wir aller reich geweltig vnd herren sind wordenn. Ein yeglicher gott hat vns sein volk vntterworfen. Darüß sullen wir ynen allē däckper sein. Vil sind stercker den einer. darüß ist besser od mind böse. dz wir einē vbergebē vnd erzürnen. denn die andern all.

Der foult ist. allermeist so wir yetz ir gůt
vñ guttwilligkeiť gegen vns gesehen vñ
empfundē haben. Wer weiß. wie d̄ new
gott geratē wůrd. Man sagt er lere vñ
heiß. wann man einen an einen backen
schlahe. so soll er den andern dar halten.
vñ soll eins mit dem wißsacher sein. vñ
mit nymāt kriegē. sund wer mit einē krie
gen. vñ im den rock nemen wōll. dē soll
er den mantel dar zu lassen. Bey appols
linis tempel. vñ herculus altar. bey dem
ewigen feur der veste. bey dem allergrō
sten vñ besten guldinen capitolschē iu
piter. d̄ wer gātz mit fůr vns. Wir wůr
den in dreyen iaren alles verlierenn. das
wir mit grossen streitē vñ arbeitē. mer
denn in sybenhundert iarē kaum habē mū
gen erkriegē. Alle vnser gōtter sollē vns
vor dē got behůtten. D̄ od̄ des gleich
en ist der weyse rat der rōmer gewesen.
Sih wie weit er vō dem weysen rat d̄ iu
den sey gewesen. die da sprachen. lassen
wir ine leben vñ also fůrgeen. so wirt yetz
der man in ine glauben. vñ werden die
rōmer kůmen. vñ vns die stat vñ d̄ volck
nemenn. Darumb ist besser. das er alleyn
sterb. dann das gantz volck verderb.

Nun wie den iuden beschēhē sey. d̄
ist ein teil gemeldt. wie aber dē rōmern.
ist auch offēbar. Wa sind ir vil gōtter.
vmb der willen sy cristum nit auffnemen
wolten. Wa sind ire grosse reich vñ ir ho
her gewalt. die sie nit vbergebenn noch
verlieren wolten. Vñ wie das nun der
statthalter. des. den sy verworffen habē.
der sich einen knecht seiner knecht nemmt
vñ schreibt. ir herr ist. Wie gedēuchte sy
vmb den gecreutzigtē gott. der all ir gōt
ter aufs der gantzē werlt vertriben hat.
Vñ sein diener. als sant peter vñ sant
paul. vñ ander zwelffpotten vñ merker.
vñ sei verieher an ir stat gesetzt. vñ seine
maydlein. als sant Cecilia. sant agnesen.
sant Katherina vñ der gleichen an der
gōttin statt gesetzt hat. vñ also nit von
hoffart wegen. hat er nit gesellen wōllē
haben. sunder vō der warheit. vñ gerech
tigkeiť. vñ vō der menschē seligkeiť we
gen. dann da er warer gott von ewigkeiť
was. Da ist er darumb mensch worden.
das er die menschē gōtter machte. Als
sant angustin spricht. Darumb er ewigē
lich gelobt vñ gebenedeyet sey. Amen.

Von den worten cristi in seinem leiden.

Hie vacht an das drit fürderlich teil
dies bûchleins vñ den wortē vnser̄s her̄
ren die er yn der zeit seins leides geredt
hat. vñd von andern fünffundzweintzig
gegenwürffen.

Eyn blat wirt vñ

ym hin fallē. vñ
sein frucht wirt
mit zerrinnen od̄
geprûch haben.

Dise wort schre
ib̄t d̄ heilig prophet Ezechiel yn d̄ sibē
unduertzigstē capitel. vñ werden vñ ny
mant so eygentlich vñd so hoh vñd war
hafftiglich verstandē. als vñ dem. d̄ die
ewig weisheit gottes ist. Das ist cristus.
als sant pauls spricht zu den vñ chorin
tho in dem erstē capitel der erstē epistel.
Wir predigē cristū die krafft gottes vñ
die weisheit gottes. Von der weisheit
spricht salomō yn dem drittē capitel der
sprich. Die weisheit ist kostperer denn
alle reichtrümer mûgen sein. vñ alle ding
der mā begern mag. mûgē ir nicht zuge
gleichet werdē. Sie ist der baum oder d̄
holtz des lebens. den. die sie begriffenn.
vñ wer sie hestet. der ist selig. Der herre
hat durch die weisheit die erdē gegrûn
det. vñ durch die kûgheit die himel gese
stiget. Die geschriift pflegt gar gewôn
lich. holtz für baum zenemē. Also spricht
die salomō. Die weisheit ist d̄ holtz des
lebens ꝛc. Dauid spricht ezechiel. nit wirt
ein blat vñ im fallen. vñ sein frucht wirt
mit geprechē. Vñ hat sant Ezechiel zwē
od̄ drey grof̄ zeûgen. wiewol seine wort
alle gnug werē. Der erst zeûg ist salomō
als vor̄ stet. Der ander ist Jeremias. d̄

in dem syhenzehendē capitel vñ d̄ holtz
d̄ ober die wasser gesetzt. od̄ gepflätzt
ist. d̄ cristus ist. Als die glosa ordiaria
ober d̄ erstē psalmē setzt. also spricht.
Sein blat wirt grûn sein. vñ nit auff h̄
rē frucht zebriugē. Der dritte zeûg ist d̄
allergelertest priester vñd lerer des ge
setzes Esdras. d̄ in dem erstē psalmē spr
cht. Das holtz wirt frucht gebē zu sein
er zeit. vñ sein blat wirt nit hinreisen. vñ
alles d̄ er tun wirt. d̄ wirt glücklich be
schehē. Der vierde zeûg ist d̄ sun̄d ober
treffentlich prophet der newē ec̄ d̄ zwelf
bott vñ h̄hst ewāgelist sant iohannes.
der in dem lesttē capitel d̄ göttlichē offē
barūg spricht. An beide orten des fließ
senden scheinbern lebendigen wassers.
pûngt d̄ holtz des lebēs zwelf frucht.
vñ gibt sein frucht alle monet. C d̄ wirt
aufgelegt wīd alle geprechē vñ volgt
hernach. vñ die bletter des holtzes sind
zu gesuntheit der geschlecht. oder völker

Vñd herab bas spricht d̄ herr iesus
selbs. Selig sind die. dy ir cleider waschē
in dem plût des lamsleins. Das ir gewalt
sey in dem holtz des lebens. Vñ vñmen
in dem andern capitel des selben bûchs.
spricht aber d̄ herr iesus. Dem. d̄ oberwi
den wirt. wīd ich zeeffen geben vñ dem
holtz des lebens. Vñ was meint d̄ herr
bey dem holtz des lebens. anders. denn
sich selbs. so er spricht iohānis in d̄ sech
sten capitel. Als mich der lebendig vat
ter gesant hat. vñd ich leb. vmb des vat
ters willē. vñ wer mich ysset d̄ wirt vmb
meinen willen leben. Ober disen zeûgen
bedürffen wir keins andern. wenn er ist
die warheit. d̄ da in dem dritten capitel.
des obgemeltē bûchs der offenbarung
spricht. Die wort spricht amen. d̄ getrew
vñd warhafftig zeûg. der d̄ anfang ist d̄

Von den Worten cristi

creature gottes. Also haben wir wie fleischlich vnd oft vns die heilig geschafft empfilt. vnd preiset die pletter vñ frucht des baums des lebens. bey welliche baum cristus gemeint vñ verstände wirt. nach der glos. Fürbas spricht Ezechiel. vñ sein frucht werde zu einer speys vñ sein pletter zu ertzney. Bey den plettern versteet mā die wort. bey den fruchten die werck. vnd die nachvolgung der werck. Vnd so vns aber die heilig geschafft mit allein die frucht des baums des lebens. das ist cristi des herrē. sund auch die pletter. dz ist sein wort. als in den die gesuntheit vñ das heil vnser selen steet. also vast lobt. so will ich von den Worten cristi. die er in der zeite seins leidens geredt hat. zehen gegenwürff meldē. nemlich fünff vō den Worten. die er vor seiner creutzigung. vnd fünf vō den Worten. die er an dem creutz geredt hat. Vnd so ir sunst noch fünfundzweintzig werde. tut mā denn dyse zehen dar zu so werden yr fünfunddreyssig. teilt mā den den fünf te gegenwurf. in zwe als mā in vō rechts wegen teilen solt. so werden ir sechsendreissig. vber die hundert. welche sechsendreissig ein scheibenlechte od kügenlechte zal ist. die ein sunder bedeutung hat. zu dem das endlos ist. zu einem zeichen. das das verdienen die nutzbarkeit vnd die krafft des leidens vnaussprechlich ist. Nun kurtzlich zekomen auff die fürderlichen meinung. ist zu mercken. das die wort. die vnser herr geredt hat vor dem leiden des creutzes. mügen in fünff vnterscheid begriffen werde. das ist d veriehung. straffung. tröng. offenbarung. tröstung. oder sterckung. Vnd die selben vnterscheid habē ir gegenwürff mit also gar eigetlich. als die vorigē. die in den werck

en steen. Aber also das der herre solliche wort gefürt hat gen sollichen personen. gen den mā gewönlich solliche wort mit pflicht zefüren oder zebrauchen.

Von den ersten Worten.

Um ersten hat der herre wort d veriehung vñ bekētnus gebraucht. gen vñ vor den. die in nach glimpf. nach eren. nach seinem leumut vnd leben stelten. Als gegen vnd vor den bischoffen. geschafftwerfen. gleichnern. vnd alten richtern. die ine allein darumb fragten. vnd drangen zeueriechen. der ding. die sie in fragten. das sie in möchten zum grimigen schentliche todt pringen. Vñ das westet der herr wol. noch veriaß vnd bekant er. der ding. von der wegem. als er wol west. sie in wolten umbbringen.

Vnd wer weist nit. das solchen hymderlegern. lauern. auffmerckern. vñ falschen arglistigen mensche. die allein darumb hōre wollen. das sie einen in seinen eignen Worten fahen. lestern. schenden. verraten. oder verklagen. vnd umbbringen mügen. nyemant die warheit. die wider in. vō inen gekeret od verfert möchte werden. gern bekennen vñ veriehe wolt. Aber d herre wolt sollicher warheit veriechen. zu einer bedeutung. dz er die warheit wer. der man nit geschweigen noch ymmermer verlaugne soll. vñ das er der oberst lerer vnd prediger d warheit wer. Vnd auch zu einem ebenbild. das man vmb der göttliche warheit willen. die selben zeueriechen. keinen menschen fürchte soll. das die heilige märtter bewisen. vñ aufs dem ebenbild vnd den wortē cristi genomē haben. Wann er hatt gesprochen. wellicher mich vergift vor den mēschen. den selben wirt des mensche sun veriechen. wenn er kumen wirt in der ere der

yn seinem leyden.

heiligen engel. vnd in der maiestat seins vatters. Vnd wer sich mein vnd meiner rede schemet. desselben wirt sich des menschen sun schemen. wenn er in seiner vnd des vatters mayestat kumen wirt. Luce an dem neunden. vnd zwelfften. Marci am achtendē. vnd Mathci an dem zehē den capitel. Item der herr wolt vns ein exempel vnd ebenbild der beicht geben. yn der wort die warheit bekennē vnd nit sparē sullen. wiewol sie wider vns ist. Ja wir sullen sie vmb keiner sache willen verschweigen. Wann der herre hat dafs veriechen. das man für das böst hielt. dz ein mensch thun möcht. wie wol es das best was aller werck. die ye vō einem menschen möchten beschehen sein. vñ die veriehung desselben (als gemeldt ist) die net im. zu dem allerhertestē. lesterlichstē tod. Wievil mer sülle wir williglich vñ gantzlich bekennen vnd beichtenn. was wir gethan haben. ob es auch schamer ist. so vnns doch die selb veriehung vnd peicht zu gnad. zu verzeihung der sünd. zu erwerbūg der huld gottes dienet. Vñ ist vns darumb auffgesetzt. das es vns dienen soll. zu bedeckung vñ beschönūg vnserer geprechē vñ schame an dem iüngsten tag. da aller der. die nit haben wölle beichte. sünde inen zu ewiger schand vñ pein an das licht kumen werde. vor yre feinden. vor den. die groß vō inen gehalten habe. Ja vor ire spottē den teufeln. vor den heilige engeln. vor aller werlt. ia das dz allererschrockenigst ist. vor dem richter. vor dem die erd erbidmet. vor dē sich sunn vnd mon schemen. des zorn die felsen von einander spaltet. vor des geschwynndigkeit die hell erzittert. vor des gegenwertigkeit die warenn weysenn so grösslich begern mit ernen zeerscheine. dz

sie lieber vor aller welt wolten zu schanden werde. den vor seinē augē beschemet Da merck nun. wie es besser sey vor einē einigen mensche. der selbs auch geprechentlich vnd ein sündler ist. vñnd ob er sich auch anfert. vnd straffet. so hat er doch villeicht heimlich ein groß mitleidē mit dir. wenn er kennt dein geprechē bey den seinen. vor einem sollichen heimliche zebedecken. vnd zu uerzeihūg der sünd. zu erwerbūg der gnad. vñ zu deinem nutz zu versicherung vor dem zorn des strengen vrtail gottes. zu bestē mit ernen. an dem iüngsten gericht. vor aller werlt. vñ belonet vnd gekrōnet zewerden. yn dem Königreich der ewigen seligkeit. eyn wenig schamrot werden. das man der grossen. vnaußsprechenlichen ewigen schedlichen. greulichen. peinlichen. vntreglichen schand mūg entgeen. vnd die ewigen süßen lüstlichen seligen ere erlangenn. wem sol das schwer sein. allermeist. wenn mā bedenckt. das cristus vor seinen tödtlichen feinden der ding veriechen vnd mündtlich bekennet hat. durch d wil len er wesset. das er vor aller meniglich an das creutz würd kumen.

Von den andern Worten.

Dum andern mal hat der herr. wort der straff gefüert gegē dē hohfertigen vnd grymmigē richtern. vñ gegen den. die in fiengen. Vñnd das ist auch nit gewonheit. das die gefangnen. iren richtern hert zu redē. Aber der herr der alles sein leiden außs willē lidet. wolt also hert den richtern. vnd yren dienern zu reden. zu einem zeichen. das er die gnad nit begeret. so er begeret zeleidē vñ zesterben. dz er vns von der pein des ewigen tods möcht erlösen. Auch zu einem exempel vnd ebenbild der heiligen mer

Von den Worten cristi

rer. Die vmb seins namen willen. für die richter vnd keyser söltten geführt werden. Das die selben künlich vnd manlich den selben zu redeten. vnd inen mit schmaichelten. Dz sie dardurch nit waich würdē. sunder sie hert straffeten. sunder weñ sy ynen felschlich schmaichelten. vñ vil verhiessen vnd gelobten. das sie sy betriegē vnd von dem glauben dringen möchtē. Also haben auch die lieben heiligen merter die getreuen zeigenn cristi gethan. vnd oft aller hertest den keysern vñ richtern zugesprochē. wenn sie ine liebgekoset. vñ gross ere vñ gutt verheissen habē Troetten sie in dem. so spotteten sy ir. Also. wie sy her kamen. so begegneten sy in. das sy da mit bewereten. das sy yren zorn nit fürchteten. noch irer gnad. oder freuntschafft begerten.

Von den dritten Worten.

Die dritten wort. die vnser herr geführt hat. sind wort der drung gewesen. Vnd die selben hat er geführt. gegen den. die ein mit leiden mit im gehabt haben. als die andechtigen frauen von galilea vñ iherusalem. die nach im waineten. als man ine auffürtet. Oder auch gegen den. die in beschirmen vñ verfechten wolte. als die iungern. vnd besunder sand peter. Vnd dz ist auch wiß menschlich gewonheit. Wann wir sind gewonlich den. die ein mit leiden mit vns habē. in vnserm leiden vnd widerwertigkeit. danckper. vnd haben doch in dem selben einen trost. das wir nit also gar verachtet vnd verlassen sind. es ist doch yemants. der sich vnser annympt. dem vnser leidē zu hertzen geet. Also habē wir zum ersten in dem selben ein erleichterung vn-

fers leidens. Dz vns ymāts durch mittel den dasselb hilfft trage. Aber vnser herr der volkommenlich leiden wolt. vnd desselben halben. das sein leidē dester grösser wer. in seinem leiden verlassen werden. der troet den. die vber in wainetē. nit dz er irer miltigkeit. vnd danckber were. wan nie ist iemants danckberer gewesen. den der herr den. die ein mit bewegung oder begird zu im haben. Aber vmb bedeutung wille. vnd straff vnd ebenbilds halben. Vmb bedeutung willen. das er zu uersten geb. das sein leiden mit auß not entspreng. als anderer mensche. noch vö eigner schuld. sunder auß willen. vñ gross milder sache wegen. vnd also was sein leiden nit ein vnseeligkeit. sunder ein tugent. Darumb was es nit zebewaynen in sollicher weis. als ander leidet leiden.

Darumb straffet er die frauē in sein en troworten. nit darumb das sie waineten. sunder darumb. das sie nit ein rechte materien oder sache oder einē billiche gegenwurff ihres wainens vor inen hetten. Darumb sprach er nit schlecht. ir sült nit wainē. sunder setzet darzu dise wort. vber mich. Als ob er wolt sprechen. Ich bin nit ei bequemer gegenwurf des wainens. sunder mer der freudenn. vnd des wüders. Dann ich hab nichts yn mir dz yemand layd süll sein. den das ich leide. Das ist fremd an mir. es ist von einem andern. Dann ich leid mit vmb meinen oder meiner sünd. sunder vmb ewer. vnd ewer kinder sünd willen. Darumb wainet vber euch vñ ewere kinder. die schuldig an meinem tod sind. vnd so ich für sie. vñ von ynen. vnd vmb yren willen stirbe. so wöllen sie es nit erkennen. vnd haltē ich sterb vmb meiner vbelstat willen. Darumb ist mein leiden an ynen verloren. Dan so

sy durch mein leiden mit erlöset werden.
vmb irs vnglaubens willen. so werde sie
zu ewigen leiden künem. Von welchem
leiden nyemant. denn durch mein leiden
erlöset wirt. Item der herz wolt auch
zu einem ebebild. den wainerin einrede.
wann es was künfftig. das man wayne
würdt. vber die. die vmb seynes namens
willen. so mangerley grosser marter lit-
ten. als mā oft findt. wie man die schön-
en iuncfrawen vnd edlen iüngling. vnd
die weysen fürnemē personen. iemerlich
bewainet vnd beclagt hat. das sie so be-
rait waren ir schönheit. ir iugent. vñ ere.
vnd gut. vnd leyb vnd leben. zeübergebē
vmb vñsers herren willen. Es sind auch
ettlich grōßlich āgefochtē wordē durch
ir freünd. durch das wainen vnd clagen
irer eltern. irer eelichen gemahel. irer kin-
dere. vnd der gleichen. als man besunder
in dem ersten buch des lebēs sant seba-
stians listet. von den freunden d mertrer
Marci vnd Marcelliani. da sollich clag
geführt ward. es möcht C als man sprī-
cht d ein steines hertz bewegt sein wor-
den. Der herr wolt beweysem. das man
sich yn sollicher zertlung. weñ d mensch
also angefochten wurd. vñ den freunde.
das sie in auch mit stehen. mit zehern. vñ
wainen. wollen abziehen von der gutten
fürnemūg. vñ hindern an seiner sel heyl.
hert halten. vnd sollich freünd als feind
seiner sel. vnd selde verachten solt.

Von den vierden wortten.

Die vierden wort. die vnser herre
geführt hat. sind die wort der offē-
barung gewesen. durch die er sich meldet
vnd offenbart. den. die ine zum tod such-
ten. den fürsten. den priesteren. den mey-
stern des tempels. vñ den richtern. seine

feindē. die mit den rittern vñ rittermey-
stern vnd iren knechtē. mit mechtiger ge-
wapneter hand kamen. in zefahen zu dē
tod. O herre gott. wol ein erschrocken-
lichs ding ist es dem menschen. wenn er
sein todfeind siht also wider in künem.
mich bedēcht. wenn es allein nit wider
die gewissen. oder wider gott were. Ich
wolt mich ee zu stücklein lassen zerhar-
en. ee ich mich sollichen feinden wolt er-
geben. das sie mit mir vmbgeen solten
nach irem mutwillen. wie sie wolten.

Aber darūb. das es der natur so we-
tut. also von den feinden behemmet vnd
vergeweltiget. zewerden. so wolt er für
vns in die hend der feind gegeben wer-
den. das er vns von dem gewalt d feind
erlediget. Vnd so aber in nyemant ge-
kennt möcht haben. er hett sich denn ze-
erkennen geben. nyemant möcht in gefag-
en haben er hett sich denn gefangen ge-
ben. so erzeiget er sich seinen feinden. vñ
gab sich gefangen. Er meldt sich. da er
sprach. ich bin es. Aber sie mochten yne
nit angreyffen. sunder sie erschrackē. d
sy hinder sich wichen. vnd auff die erden
fielē. aber da er zum andern mal sprach.
ich bins. vnd sucht yr mich. so lassē die
geen C meint sein iüngern. d das als vil
was. als ob er sprach. Ich verheng das
ir mich nach ewrē muttwillē fahet. aber
ich gib euch nit gewalt vber mei iüngern.
die selben nun zemal zefahen. da gab er
sich gefangen. O was grosser wort
sind das gewesen. durch die sich die güt-
tigkeit yn den gewalt der grymmigenn
feind. der herr aller herrē yn die hend d
buben. die ere der engel. in daz gespötte
der riffianer. gott. in den gewalt d schnō-
den sūnder gegebē hat. Als ob er sprach
Ich gib vnd verheng euch gewalt vber
Jij

Von den sibben letzten Worten

mich. Das ir mit mir tund was euch nach
eurem zorn gelust. Ich will mit fliehem.
ich will mich mit weren. ich will mit wider
strebe. wie wee ir mit tun werdet. dz will
ich leiden. vnd darzu will ich es euch ver
zeihen. vñ mit allein C wenn es euch layd
wirt sein C will ich es euch verzeihe. sun
der ich will auch meinen himlische vat
ter. dz er es euch verzeihe. treulichē für
euch bitten. Das das die meinung der
wort vnsers herren sey gewesen. das hat
erschinen in seinen wercken. Wann der
herr hat nichts on geuerd oder vnuorfe
hens gethā. als wir. sind alle seine werck
sind aufs fürsichtigkeit. vnd vor vorseh
nen grossen sachen entsprungen. vñ des
gleichē seine wort Auf dise artickel ha
be wir dz exēpel. dz wir zum minste. des
heiligen namens cristi. vnd des cristenn
glauben mit verlaugnen sollen. wenn wir
dauon gefragt werden. ob wir also plöd
weren. das wir ungefragt schweigē. oder
vñs verbergen. vnd die durchhefter des
glaubens miden vnd stühen. so sollē wir
doch berait sein. das wir. weñ wir begrif
fen. vnd gefragt würden. mit laugne od
schweigen wolten. sunder wir wolte be
kennen. das wir cristen weren.

Von den fünfften Worten.

Die fünften wort. die der herr ge
fürt hat. sind wort der sterckung vnd der
tröstung gewesen. Die will ich zusamen
schlaße. denn der einen tröstet. d sterckt
in auch. Söllich wort hat d herr gefürt
ge den vnd anck bern vnd vngetreue. als
man die vngetrew heisset. die ir herrē in
nöten verlassen. als denn die iungern cri
sti in seinem leide gethan haben. Sie ha
ben ine verlassen. vnd sind geflohen. sy

haben sein verlaugnet. als sant peter. Er
ist von ein verraten worden. vñ dem sel
ben redet er dannoch yn dem werck der
verrett crey güttlichen vnd freüntlichen
zu. in zetrösten. vnd zestercken. dz er mit
verzagte an d barmhertzigkeit gottes.
Da er sprach. Freund war zu bist du kum
men. Als ob er wolt sprechen. Wie böß
die sache ist. omb der willen. du nun kum
menn bist. dannoch will ich dich mit von
meiner freuntschafft verstoffen. od auß
schliessen. wo du dz vnbillich groß vbel.
das du an mir tuft. bedenckenn wilt. vnd
dir das ordentichen laid lassen sein. vnd
mit verzweifeln wilt an meier barmhertz
igkeit. Was tröstlichen wort aber d herr
seinen iungern. in der letzten nacht zure
det. dauon ist etwas in gemein gemeldet
worden oben in dem syben vnd dreyßigi
sten vnd acht vnd dreyßigste gegewürf
fen. Doch ist mit die meinung hic. den vñ
den Worten. die vnser herr geredt hat yn
der zeit als sein leide. yetz angienge als
in der gefenckhus. vñ darnach

Von den letzten syben wortē vnsers herren an dem heiligen creütz.

In von den Worten vnsers herrē
die er an dem creütz geredt hat. ist
zemerckē. das vntter allen Worten. die d
herr ye geredt hat. die doch vber alle me
schliche wort weyt von würdigkeit wege
der göttlichen person zemerckenn. ze be
halten. ze achten. ze eren. vnd zeeerhebenn
sind. wie der herre in den wercke. in sein
em letzten. als in seinem leiden. vnd ster
ben die grösten liebe bewisenn hat. also
sind seine letzte wort vber vnd vntter an
dern als die aller sühesten. die allermynn
samesten. die allertröstlichsten. die aller

vnfers herren ihesu cristi

krefftigsten. die allertieffsten. sunder-
lichen zemercken. zebehalten. zergreiffen.
den. zebedencken. anzeruffen. zespreehen.
zebetten. zereuen. vnd in den letste zeitten
dem menschen. für zewenden vnd zefas-
sen. Das der mensch durch dise wort von
der verzweyflung. zu hoffnung auffge-
richt. von den ansechtungen des bösen
feinds. yn einem zuher. in die güttigem
Barmhertzigkeit vnd barmhertzigkeit cri-
sti ermant. vnd auffgetrieben. auß forcht
der verschulten verdammis. in die zuuer-
sicht der gnad der behaltens. durch das
verdienst der gedult cristi erhebt werd.

Hierumb will ich die selben letstem
wort vnfers herren etwas tieffer für
mich nemen. Vnd wie wol man sich ge-
wönlichen. bey der sybende zal begreift.
so muß ich sy doch nach gewonheit dis
büchleins in die fünfften zal schliessen
vnd das mag in dreyerley weyse besche-
hen. Zum erstē. das mā sie rechene nach
den personen. zu den denn solliche wort
gesprochen sind worden. Zum andern
nach der materien. Zum dritten nach d
form oder gestalt. nach diser driuelrige
ansehung oder betrachtung. findt mā al-
lenthalben die fünfften zal.

Nach der ersten weys.

Um ersten in angesicht od nach
der rechnung der personenn. so
hat er zu fünff personen geredt. zu d per-
son des vatters. zu d persone seiner mut-
ter. zu der person des iüngers. zu d scha-
cher. vnd zu den creützigern. Zu der per-
sone des vatters drey wort. die nach etw-
licher geslypner außrechnung. das erst.
das mittler. vnd das allerletst wort. sind
gewesen. zu einer Bedeüttung. das d vat-
ter der anfang. das mittel vnd das ende

ist der gantzē meinung der wort. vñ des
leidens cristi. vnd das setz ich. wa ym al-
so ist. Das dise wort die erste die mitteln
vnd die letste stat (als es den scheint)
halte. Welches die wort sind. findest du
darnach in der ordnung der zal. Das an
der wort hat er zu d mutter geredt. Daz
dritt vnd das fünfft. zu dem iunger. Vñ
nach diser erzehlung werde die wort. die
der materie. vñ form halben für eins ge-
rechnet werde. d person halbe für zwey
gerechnet. vnd also weren ir achte. Die
zwey. die er zu d iunger geredt hat. sind
dise. Sih an dein mutter. dz ander. es ist
volbracht. Vntter den das erste. zu der
sundern person sāt iohāsen gehört. wie
wol etwas mer dabey bedeüt wirt. Das
ander ist als im vnd seins gleichē zu ge-
hört. geredt wordē. Dar durch er. vñ alle
iunger cristi. erinndert wordē. zebedencken
wie alle ding durch das leiden cristi vol-
bracht sind worden. Eins hat er zu dem
schacher geredt. eins zu den creützigern
Also sind fünfferley perso zu d er seine
wort geredt hat. der vatter. die muter. d
iunger. der schecher. die creütziger.

Nach der andern weyse

Um andern mal. mag man die
wort vnfers herren ansehen.
der materien halb. die in inen begriffen
ist. vnd also geen sy anff fünferley mate-
rien. als des gebettes. des clagens. der
empfelhüg d verheißung. d heimliche be-
deütung. Vnd dise ding habē ir widwer-
tig gegewürf. Den wider die art des ge-
bets. vñ anruffes. ist die allmechtigkeit.

Denn es möcht eins sprechen. Was
er almechtig. also das er selbs alle ding
vermocht. wie oder warūb bettet er. Od
bettet er. wie woz er den almechtig. Bat
er. Eintweders er vermocht dz selbs. dz

J iij

Von den si ben letzten Worten

er batt oder nit. Vermocht er es selbs. so was es ein vberflüssigs. vnd on nott. Das er das batt. Vermocht er es aber nit. so was er ye nit allmechtig. Was er nit allmechtig. so was er nit gott. Was er mit gott. so was er nit gottes sun. Wz er mit gottes sun. so was er nit warhafftig. sunder lügenhafftig. Was er lügenhafftig. als in denn die iuden zigen. So het er den tod wol verschult. vnd hieng billich da. hyemng er denn da. vmb seiner söllichenn sünd vnd schulde willen. so er denn mit daruō liefs. er nennet noch gott seinen vatter. so loge er gott den herren an. so er denn gott angelogen vnd gelesert hat. in dem das er im selbs die götlichen natur zugezogen hat. so er nit darvon liefs. so raitzet vnd erzürnet er gott mer. mit sölliche gebett. Denn das er in im gnedig macht. wann es was mer eyn vnere vnd lesterung gottes. denn ein gebett. Also volgt aufs disen reden. Dz die allmechtigkeit wyder die art des gebettes ist. Also ist die gedult vñ langmütigkeit wider das clagen. Vnd die empfelung. wider die verlassung. denn so ein er selbs verlassen. verschmeht vñ gehasset ist. was mag er anderleut empfelhe. Desselben gleichen. so einer seiner eygenen hoffnung halb verspottet wirt. als d verzweifeln sell. vnd von dem alle werlt verzweifelt ist. was mag er andern von dem heyl verheissen. Jte der yetz stirbt vnd daz leben mit allen synnen verleiret. was kan der selb von heimlichen hohen tieffen dingē verstentnis od bedcuttūg geben. der in den puncten des tods ist. Da er zu hand weder sehē noch redē hören noch empfinden. vñ darumb nit sinnen mag. Also hastu das dise fünffuelig materien. ir gegenwürt hat.

Die antwort vber die frag oben bewegt von dem gebett cristi.
Aber dz ich antworthe auf die frag oder argument. die oben gemeldet sind. wider das gebett cristi. ist zemercken. als zwu naturen vollkomen in cristo sind. also sind auch zweyerley art. vñ Wirkung in im. vnd wiewol er nach dē als er gott ist. so er auch das ist. das der vatter ist. so ist er doch. nach dē d sun ist. von dem vatter. vñ nach dem eret er den vatter als seinen vsprung. vnd schreibt seine werck dem vatter zu. darūb sprach er Johānis am fünffte capitel. Fürwar fürwar sag ich euch. Dz d sun nichts vō im selbs mag thun. denn das er siht den vatter thun. vnd das man auß dem selbē nit neme. Dz der sun minder mechtig wer den der vatter. so sprach er als bald auff dasselb. alle ding. die der vatter tut. die selbē tut auch in gleicher weyse der sun. yn dem. das er sprach. die selben. vnd nit der gleichen. gab er zeuersteen. das alle werck. die der vatter tut. tut auch d sun mit dem vatter. Vnd also ist ein würckung des vatters vnd des suns. Vnd daz man nit gedeckt. dz ir würckung vntterscheidenlich wer. so sprach er darzu. similit. das souil ist. als gleichlich. das ist. gleich i aller weise. als d vatter als mechtig. als weyslich oder künstlich. als volkōmlich als fürderlich. Vnd darūb schlecht zeredē. wz cristus vnser herr almechtig vñ geweltig aller ding. Deshalbē dz er gott wz. Aber nach dē er auch ein warer mensch wz C vñ vmb des willē mensch was worden. das er widerpricht was d mensch verwürckt vnd verloren hett. vñ bezaltē. das der mensch schuldig wz. vnd vermocht es nit. vnd der mensch wz schuldig got dem herren vntterworfen

vnfers herren ihesu cristi

zesein nach alle seinem willen. vnd in ze
eren vnd zelioben als seinen vrsprung.
Vnd vermocht dasselb nit. wann er woz
vntter dem gewalt des teufels vnd der
sünd. die in gott dem herrē nit ließen ge
horfam vñ vntterworffen sein. noch eren
vnd liebhaben. als er schuldig was. Vñ
dasselb was auch sein schuld. das er als
so vntter dem gewalt des teufels vnd d
sünd gefangē was. wann er het sich wil
ligelich. da er gottes diener was. vñ vnt
terworffen. Darumb zeerlösen disen ar
men knecht. vnd gefangen. so was der
frey natürlich sun gottes zu einē knecht
worden. vnd het die natur vnd form des
knechts an sich genūmen. als sant pauls
spricht zu den von philippis yn dem an
dern capitel. dz er in der selben natur vñ
gestalt des knechts. got dem herren be
zaltē des knechts schuld. Vñ so die
schuld des knechts zwifeltig was. wan
er was got schuldig der gütter halb. die
er von ym empfangen het oder empfa
en solt. als der gütter der natur. der gna
den. der glori. oder ewigen seligkeit. vnd
auch der sünd halb die er begangen. vñ
der gütter halb. die er empfangen het.
solt er gott loben vnd dancken. vnd eren
vnd lieb haben. als ein danckerer. des
vbels halben das er gethan het. solt er
beichten oder bekennen sein schuld. vnd
gnad vnd barmhertzigkeit bitten vñ an
ruffen. als ein schuldiger. dz er doch nit
gethan het. noch tet. sunder er entschul
diget sich mer. vnd wolt sich rechtferti
gē. damit er es mer verhönt. Darumb so
vnser herr darumb des menschen natur
an sich genūmen het. dz er solliche ding
für in volbringen. vnd sein geprechen er
füllen wolt. auff das. wenn er tet das er
nit schuldig wer. dz gott der herre dem

mensche liefs faren. dz er schuldig wer.
Hierumb gehört es dem herrē zu. dz er
bettet. vnd den vatter anruffet. mit dar
umb. das er vnmechtig wer. der dem vat
ter gleich allmechtig was. sunder darub.
dz er erzeugte. das er warer mensch wer.
dem das zu gehörte. dz er gott anbetet
te vnd anruffte. vñ so das er da mit den
menschen ein ebenbild geb das sy bettē.
vnd got bitten solten. vnd so sy omb irer
sünd willen nit würdig sind. dz sy erhört
werden. das dann er für sy erhört würd.
vñ sy in im. vnd durch in. Item auch dar
umb dz gott der vatter durch die demü
tigkeit seins suns erhebt vnd geeret. vnd
also dem mensche genedig würd. als er
durch die hohfart des menschen. vñ ge
ert verachtet vnd darumb erzürnet was
worden. Also ist das gebett cristi mit ver
gebens. mit on grof redlich sach. mit vñ
werd dem vatter gewese. sunder ye keyn
gebet ist de vatter also angenē. vnd also
begeglich. oder wolgefellig. ye kein ge
bett ist so verdienstlich gewesen. wan ye
kein gebet ist gott so erlich gewese. ye kein
gebet ist so auß grosser tugend so auß
grosser liebe vnd andacht so auß tieffer
demütigkeit entsprungen. Vnd darumb
schleüßet das gebett die allmechtigkeit
mit auß. als die menschlich natur die göt
lichenn nit außschleüßet. noch myndert.
noch endert oder veruandelt yn cristo.
sunder sy wirt erhöht. gewirdiget vñ ge
adelt. vnd beleibt doch vnuerrucket. vnd
vnuermengt yn yrer vollkommenheit. also
macht die allmechtigkeit vnd gottheit
cristi sein gebett dester würdiger vñ kref
tiger vor got seinem vatter. Wann souil
die person cristi höher vnd würdiger woz.
souil was die demütigkeit seins gebets
tes tieffer. vnd gott dem vatter erlicher

Von der sibenfeltigen stercke

vnd darumb angenehmer vnd cristo ver-
dienstlicher. Vñ so die höhe des gebets
entspringt vñ wechset. auß der höhe der
person. so mocht das gebett nit auff daz
höchst zu müglicher volkommenheit künne.
Als auch andere werck der tugend. denn
in der person. die got were. Vnd so aber
gott solt mensch werden. das die werck
der demütigkeit vñ gedult vñ der gleich-
en. auff das höchst volbracht würden. so
was dz zymlicher vñ person. die vñ einer
andern ist. den der person. vñ der die an
der ist. das sie sich demütiget in mensch-
licher natur nach gewonheit der selben
natur. da es billicher ist. das sich der sun
demütig vor de vatter. Doch wo es müg-
lich wer. das der sun in allen dingē dem
vatter gleichgrößlich gleich wer. als es
denn in der heiligen dufeltigkeit ist. wa-
sich denn der sun demütiget vor seinem
vatter vmb der ere vnd liebe willen des
vatters. so wer es auch billich. das vñ vater
de sun souil mer erete. souil er sich im-
mer vnd mer demütiget. Also hat auch
vñ himlisch vater gethan. als sant pauls
meldt in dem andern capitel zu den von
philippis. souil als sich der sun mer gede-
mütiget hat. souil hat yn der vatter mer
erhöht. er hat sich gedemütiget in dem.
• denn da er gott was. da ist er mensch wor-
den. da er der herr was. da ist er knecht
worden. da er endloser ewiger maiestat
vnd seligkeit was. da ist er gehorsam vnt-
ertenig. vntterworfen. dürfftig. vnd ar-
beitselig worden. darumb hat in gott vñ
vatter erhöht. vñ ym C als sant pauls
spricht. in dem nechst gemeltē capitel vñ
einen namen gegeben. der vñ alle name
ist. das in dem namen ihesu alle knege ge-
bogen süllen werden. der himlischen. der
irdischen. vnd vñ hellischen. vñ alle zung

soll veriehen. das der herre ihesus C der
ein mensch ist vñ in der ere gottes des va-
ters ist. Also hast du wie der herr ihesus
gebetet hat. vnd hat mit on sache sunder
auff den größten sachen. die sich zwische
gott vnd der creatur ye verlauffen habē.
vnd darumb von nöttiger sache nützlich
en vnd verdienstlichem gebetet. vnd ist
dannoch warhaftiglich allmechtig. vñ
gott gewesen. vñ darumb warhaftig vnd
deßhalb. vñ uerdiet seithalb vñ on schuld
an de creütz gehangē. Vñ darumb daz er
on schuld vmb vñ warheit vnd gerecht-
keit wille. die er gelert vñ geübt het. an dz
creütz gehengct ist worden. so dz besche-
hen ist auß seinem willen. in der liebe die
er her zu der ere seins vaters. daz er sich
dem selbem seime vatter opferte für die
sünd des mensche. vñ vmb der liebe wil-
len des menschen. für des versünig vñ
heil er sich dem vatter opfert. so ist nye
einich opfer oder gebett gott dem vater
so erlich. vnd darumb so gefellig vnd
angenehm gewesen. als das opfer vñ ge-
bett cristi an dem creütz. Also mag man
auch die andern stücklein verantworte.
denn das der herr gleich als wort vñ clag
geführt hat. das ist nit wider die gedult
gewesen. wan sy sind nit auß vngedult
entsprungē. so der herr auß willen gelit-
ten hat. Aber vñ herr hat die größe seins
leidens zu vnserm troste wöllen erzeigē.
das er vñ dardurch die größe seiner lie-
be bewise. Also habē alle seine wort gros-
tieff sachen hinder ynen. als ein teyl her
nach volgen wirt. Dis sey gnug von der
materien. der wort cristi.

Von der dritten weyse der teylung
oder verstentnus der letst en wort cristi.

Um Dritten mag man die wort cristi ansehē vnd mercken. gleich als nach der gestalt vñ form. vñ also haben sie fünfflerley gestalt. der stercke. der hüpsche. des schmerzē. der liebe. vñ d süßigkeit. Vnd dise fünffeltig gestalt mag mā auch gar wol ordnieren an die fünff finger. also das mā die sterck setz an den daumen. die hüpsche an den zeyger. den schmerzē an den mittel finger. die liebe an den ryngel finger. die süße an das clein fingerlein. Ein yglichs von disen fünffen ist sybenfeltig. als wir an den fingern sibē zelen. darūb magst du die gantzen hand mit disen syben wortē füllen.

Von der sybenfeltigē stercke d wort cristi.

Um ersten findē wir in den wortē vnser herrē sybnerley stercke. stercke eins mütlers. stercke eins sorghabers oð verschers. stercke ein herschers. stercke eins fürziehers oð fürwenders oð sach vorderers. stercke eins hayschers. stercke eins triūphierers oder obfigers. stercke eins widerfürers.

Von der ersten stercke.

Um erstē bewise der herr ein gestalt eins mittlers. denn er erzeiget ye. daz er vnser versprecher vnd entschuldiger wer vor gott seinē vatter. da er sprach. Vatter verzeyheinen. denn sy wissen nit was sy tun. In welchem wort wol erscheint. wie künlichen. er yetz für vns steet in angesicht seins vatters. so er sitzt in dem thron d maiestat. in der höhe zu der rechten seytrē des vatters. in gleicher ere zu regniere mit dē vatter als sei einiger gleichmechtiger sunē. dem d vatter alles vteil vñ allen gewalte in himel vnd in erd gegeben hat. vnd hat geschwo

rē. vñ gereuet in nit. das er d höchst priester vñ bischof sol sein ymmer ewiglich nach melchisedechs ordnūg. d ein kōnig vñ priester was. vñ wein vñ prot opfert. dz ist. dz das sacramēt seins heilige frōleichnās. vnter der gestalt des prots. vñ seins heilige rosenuarbē plutes vnter d gestalt des weins. ein stet opfer. vnd ein gedechtnus vñ bedeutunus des opfers. daz er an dem creütz gethā hat solt sein vñ sein gegenwertigkeit vor dem vatter mit seinen fünf marterzeichenn solt ein ewigs fürhalte sein seins leidēs vnd todes. den er für vns gelitten hat. als den ein bischoff mit seinem opfer ein mütler ist zwischē dem vlt vñ gott dem herrē. vñ also ein fürsprech des volks vor got. als dise ding alle clerlich d heilig zwelf bott sant pauls schreibt vñ beuert. in d epistel ad hebreos. Dis alles hat d herr wollen bedeute. mit seinem gebet an dē creütz. Als ob er spreche wolt. Wiewol ich hie auffgehengt wird an dē creütz. als einer. der dem keyser vñ gott dē herrē nach iren eren gestellt hab. vñ darumb an göttlicher vñd keyserlicher maiestat schuldig sey. so bin ich doch der. vñ kein ander. der fürderlich zwischen gott vnd auch dem keyser C durch des gewalt. als durch das vteil seins amptmans poncy pilati ich am creütz hāg d vñ aller werlt zu mitteln hab. als on dē kein mensch im mermer verzeihūg der sünd vnd gottes huld oð versünunge mit got vñ dz ewig leben erlangen mag. Darūb bit ich dich himlischer vatter. Ich sprich. ich. der ich allein der recht mütler bin. als der ich allein on sünd bin. der ich allein der sachē. die du wider das menschlich geschlecht hast. vnschuldig bin. der ich allei mit dir got. vñd mit den menschem mensch.

Von der sibenseltigen stercke

vnd darüß der recht mitler bin. wan ich
bin teilhafftig beid natur. der. die dein/
er gnaden bedarff. vñ deiner natur. d du
die gnad gibst. Darüß bit ich dich. ich d
ich mich nun hie an de creütz. dir meine
vatter. vmb gnad zeerwerben der armen
dürfftigē menschliche natur. zu einē an
genemen opfer. opfere. verzeihe ynen di
se grosse sünd. die sy an mir deinem ein/
gebornen auß der massen geliebten sun
tun. der. nach deinem aller liebste willen
auß deiner vätterliche schos yn dise ellē
den werlt. vmb irs heils willen auß laut/
ter barmhertzigkeit komen bin. vnd hab
nun dreyndreissig iar für sie. vñ ir heyl
gearbeit. vñ sie thun ei sölich gross vbel
an dir. vñ an mir. dz inen nymmer möcht
verzigen werden. es wer den. das dz ver
diene dises meines leidens mittelste zwi
schen deinem zorn. vñ irer sünd. Darüß
bit ich dich verzeih es inen. den sy wisse
nit was sy thun. Auß welchem wort man
clerlich mag nemē. hat d herz dasselb vn
ausprechenlich vbel. dz an seiner aigen
person beschehen ist. so künlich vñ groß/
mütiglich vberwündē. dz er es mit alleyn
grüntlich verzigen. sünd auch seinen vat
ter so gtereulich vñ begirlichen gebettē
hat. dz er es verzeihē wolte. wie gern ver
zeihet er denn ander sünd. den. die ware
rew darüß haben. Hat er so getreulich
gebettē für die. die im so wee tetten. die
weil sie in peimigtē. wie ein getreuer mit
ler ist er den. den. die in ynniglich anrüf/
fen. mit gantzer reu irer sünd. yetz so er
alles wee vberwunden. hat vnd sitzt ze/
herrschen vnd zeregnieren yn dem thron
des vatters in dem hymel zc.

Von der andern stercke.

Von andern mal oder in dem an
dern wort. bewyse er sich einē ge

stinen sorgtrager. da er zu sant iohann
sen sprach. Siß an. dein mutter. Als ob
er sprechē wolt. Ich emphilhe sy dir. als
dein eigene mutter. In welchē wort wol
warzenemē ist. dz d herze vor d zeit seins
leidens sich gewölich. von sacht wegen.
gleich als cüsserlich hett gestellt gegen
seiner allerwerdesten mutter. Als auff d
hochzeit. da sy im meldt. dz kein wein mer
da wer. da antwort er vñ sprach. Was ist
mir vñ dir weib. vñ auff ein ander zeit.
da er das volk leret. vñ im gesagt ward.
sein mütter vnd sein pruder suchte in. vñ
wolten mit im reden. da sprach er auch.
Welche ist mein mütter zc. Schglichen
auch in der kintheit. da sy in drei tag mit
grossen layd mit yre gemahel ioseph ge
sucht hett. vnd saget im das c Als sy yn
gesundē hettē in dem tempel vnter den
lernern d da sprach er auch. Was ist das
ir mich gesucht habt. woffeten ir nit. das
ich in den gescheffte meines vaters. must
sein. Also het er sich gewölich gestellt.
als ob sy in gleich nichts angien. Aber
an dem creütz erkennt er sy für sein mut
ter. in dem. dz er ir einen andern sun gab
an seiner statt. vñ empfah sie dem selbē
als ein mutter. Mit dem er bewisen hat
das er die andern vorzigen wort nit auß
vnachtsamkeit seiner lieben mutter. sünd
auß bedeutlichen sachen geredt hett. vñ
die selbē vorgeendē wort bezeugē auch.
auß was grosser fürsichtigkeit. er sein al
lerliebsten mütter dem allerliebte iünger
empholhen hat. Denn das er in den an
dern wortenn sein werde mutter nit ver/
acht hab. das mag mā auß den werckē.
die er auff die selbenn wort gethan hat.
mercken. wenn er hat gewölich gethan
was sy begeret hat. als da er nach yren
willen vñ dem tempel mit ir heim gieng.

der letzten wort cristi

vnd was achtzchē iar bey ir. da mit er sy
wolte ergetzen des laids. das sy drey tag
vō seinem abwesen gehabt hett. als für
einen tag sechs iar. Also tet er auch in d
zerrinnung des weins. da er sechs krug.
die zum wasser dientē. mit guttem wein
füllt. Aber das der herr an dem creütz
in so grossen bittern wee vnd schmerzē
sein mutter mit einem pfleger versorget
vnd versehen hat. das ist ein wartzeichē
der stercke vnd kunheit seines adenliche
milten hertzens gewesen. das durch kein
wee vnd durch keinen schmerzen möchte
vberwunden vnd an versorgung seiner wer
den mutter gehindert werden. So doch
sein hertz yn sollichen grossen engstē vñ
schmerzē was. das ein ander mensch yn
solliche schmerzē. es würd seyn durch
krafft dis leidē cristi gestreckt. mit al
lein der seinen. sunder auch seiner aignē
sel. vñ seines ewigen heyles. als oft gar
in einē midern beschilt. vergessē möchte.

Von der dritten stercke.

Die dritte stercke. die da leuchtet vñ
glutet in den süßen schönen wort
ten vnser adenliche milten herrē an dē
creütz. ist die stercke eyns herschers. da
er zu dem schecher sprach. Fürwar sag
ich dir. heit wirst du mit mir in dem pa
radeis sein. Wer kündt sich dis worts
gnug verwundern. gnug fremde. gnug trö
sten. so dz anders ordenlich beschilt. d
weñ er bedenckt vō wem. zu wem vñ weñ
dis wort gesprochen ist wordē. doch dz
ich yetz vmb der kurtze willen. so ich di
se wort noch oft muß für mich nemen. d
ander umbstende laß ansteen. so merck.
das der herr dyse wort geredt hat. auff
das wort. dz der schecher gesprochen het.
Herr gedēck mein. weñ du in dein reich
kumen wirst. Als ob er sprach. Wiewol

Du an dem galgen des creützes hangst.
vntter vns. als vnser einer. vnd hangst
auch. das ich in elagens vñ mit verwey
sung weise sprich. in mitten vntter vns
als ein vbertrefflicher vbeltritter. vnd
wirst verspott vñ gelestert vor vns. als
d allerböst vñ ergst aller vbeltritter. So
glaub ich doch vestiglich. das du mit al
lein aller vbel vnschuldig. sund auch das
du werliche ein herr aller creatur vñ was
rer gettes sun seyst. Dar zu mich dein
vbermenschliche gedult. vñ die gezeugē
nus der element. vnd der himel bewegt.
Ich sihe. das der lufft trauret. der mon
ist nit zufrid. die sun mag dein vnere vñ
das vnrecht. das man dir tut. nit gesehe.
das liecht verbirgt sich. das die blöße
seines schöpfers nit gesehen werd. Der
tag fleucht. die erd zittert. die grenzlich
nacht vberfelt die werlt. vñ verblent die
augen der vnmilten vnglaubigē mensch
en. die dich nit erkennen wölle. Sy lesteren
dich vnd spotten deiner grossen marter.
vnd du bittest deinen vatter für sie. Di
se ding sind nit menschlich. sunder vber
natürlich. Sy nennenn dich einen kōnig.
vnd beredenn es doch. das es ob dir an
dem creütz geschriben steet. vnd mügen
es nit verwandeln oder hynnemenn. Es
muß etwas daran sein. Ich merck das
recht kōniglich zeichen an dir. das da ist.
vō keiner boßheit noch vntugent mügen
vberwunden werden. vñ für sein volk. sein
leben geben. Dis sind ware wartzeichē
eins warē rechtē kōnigs. Nit auff einē
guldinen thron. in purpur geclēdt vñ mit
edeln steinē gekrōnt sitzen. das auch die
bösen vnd die tyrannen oder wütrichē
gern thūn. vñ gerner denn die gerechten
Sie achten aber der tugēt nit. die ich in
dir merck. vber alle. die ich ye erkant hab.

R

Von der sibenfeltigen stercke

Vñ so dir dar zu der richter. der dich an
das creütz geurteilt hat. gezeugnus gi
bt in geschrifft. vnd sunn vnd mon dz be
stetigen. so glaub ich. dz du ein kōnig sey
est in der künfftigen werlt. vñ in dem hy
mel. Darumb bitte ich dich vmb deiner
heiligen demüt. vnd gedult willen. durch
die du meines gleichen. vnd der schecher
mitgenos hast wōllen werden in d̄ pein.
gedenck mein. wenn du künest yn dein
reich. Auff sölliche wort antwort d̄ herr
vñ sprach. Fürwar sag ich dir. heüt wir
dest mit mir sei in dem paradeis. Als ob
er sprech. So du einen söllichen grossen
sunderlich widerlichen vbertreffenlich
en glauben an mich vnd zu mir hast. daz
du yn mich glaubst. so mein iüngern an
mir verzweifelt haben. vnd so du erst vō
dem wald her kōmest. so vbertriffst du
die. die bis in das dritt iar. mein lere vnd
predig gehört haben. vnd vergibst mein.
so der oberst vñ d̄ künest aller meiner iū
gem. mein verlaugner hat. vñ sichst für
mich vntter deinen gesellen. vñ die leste
rer. so mich mei iūger. dē ich mich vñ mei
gesind getrawet oder empfolhen hett. in
den tod gegeben vñ verraten hat. so will
ich dich des lons vnd d̄ frucht des glau
bens nit lang baitten lassen. Heüt an di
sem gegenwertigen tag. solt du mit mir
yn dem paradeys sein. Es sol dir nützer
vnd erlicher sein. dz du neben mir gehāg
en bist an dem creütz. denn werest neben
dem kēyser gefessen auff eine kōniglich
en thro. Du solt clerer vñ durchleuchter
auch yn diser werlt werden. den d̄ kēyser
tiberius ist. durch des gewalt wir an di
sen galgen hangen. Es sol dir lieber sein
das du mein gesell in der marter cyn d̄
du mich durch den glaubē erkent hast
worden bist. dann das du aller werlt kōnig

seyn soltest. Wan wz wer es dir nütze
sölte dich alle werlt. vmb grōsse willen
deines gewalts. scheühen od̄ meide. vñ
kündest die verdāpnus deiner selnit wen
den od̄ meyden. Darumb das alle werlt
wisse wie nütze krefftig. heilsam. vnd er
lich der glaub in mich sey. so sol dz heit
an dir bewert vñ erzeugt werde. Du bist
ymb deiner vbelstat wille. vñ mir zu schā
den an das creütz kōmen. man hat mich
durch dich wōllen verleümen. wer mich
seh vntter vñ zwischē den mōrdern hāg
en. daz er mich auch für einen fürnemen
mōrder haltē söl. darūb dz ich enmitten
vntter eich hāg. Aber nach dē du mich.
den du dir gleich in d̄ pein sihest. von dir
vñ seines gleichē gesündert. durch den
glauben. vnd durch die verichung meiner
vnschuld vñ würdigkeit erkent hast. vñ
so du mich sihest an dem creütz hangem
als einen vbelsetter. so bekennst du. das
ich kein vbel ye gethan hab. So du mich
sihest an dem mōrder galgen. so bekennst
du. dz ich regiere in dē himel. vnd so du
sihest dz ich dir zugeseller bin in der pein.
so erkennest du. dz ich dein herr sey yn d̄
glori d̄ ewigē selden vnd freuden. vñ be
gerest dz ich dein yngedēck sūll sein. So
beschēh dir nach sölliche grossen deine
glauben. So ich in d̄ schand dir zugesel
let bin worden. vnd du hast mich erkent
vnd verichen iener werlt kōnig. vñ demē
waren herren. So solt du heüt vor allen
gerechte vñ heilige mein nechster nach
volger zu der ewigen seligkeit werdenn.
Vnd darynn alle. die ye gestorben sind.
auch propheten vnd patriarchenn vber
treffen. dz keiner. wie lang er ye lebet. ye
erfochte oder getroffen hat. dz du heüt
wirst treffe. dar zu will ich dir den wege
voran beraiten. zu allem gūten. sol dich

der letzten wort cristi

heut mein vnd dein creütz belaittē. D^z creütz sol dir ein weer vñ waffen sein wider alle feindschafft. vñ keine vbel soltu werdē behafft. Alle schreckē solt du künlichem vberwindenn. frewd. frid vñnd sicherheit in meiner gegenwertigkeit finden. seliglichen solt du innen werdē wie sicher du vñ himmen bist gefaren. Sicher soltu vberfliegen. die rauchygen hellisch en zinnen. den vor dir ye keiner hat mügen entrinnen. Du solt vntter allen heiligen der erst sein der gefreyet wirt vor dem pein d' helle. die hell sol dir in das himel reich. als bald du dar kumpst verwandelt werden. das ye keinem vor dir beschē ist auff der erden. also wirst du heut frölich sehen. wie groß mein macht ist yn iener werlt. So du mein hast wöllen versiehē. vnd dich mein annemē in diser zeit.

Von der vierden stercke.

Die vierd stercke. die da scheint yn den wortē des herrē ist die stercke eins sachuordners oder fürwenders. D^z ist. eins. der auß warer gewissē seiner vñ schuld getarr fragen. warumb man im ein söllichs. oder ein söllichs thue. od zu ziehe. das die. die sich schuldig wissen. nit thun türren. Vnd ob sy zu zeittē also freuel. stolz vñ getürstig sind. das sie das thun. so kan es kaum verborzen beleibē. so sy ir gewissen strafft vñ vberzeugt vñ inwendig C mā merckt etlich zeichen vñ auffen. bey den die darauf geübt sind d' spüren. das ir beschirmung oder rechtuertigū gedichtet ist. Aber vnser herr. das erzeiget. das sein fürziehū. vñ beweisung seiner vñschuld. auß einem gewissen vesten waren grund entsprünge. sprach dise wort nit gemehlich oder stille zu dē vatter. sunder als matheus vñ Marcus schreiben. er schrey. vñ schrey mit lautter

stym. sie sprechen mit einer grossen stym Sant marcus spricht er schrey außs. Als ob er mit moysen vñ ysaiā sprach. Höret ir himel was ich sprich. vñnd du ertrich vernym die stym meins mūds. Vnd mit dem heyligen iob am xvj. Du erd bedeckt mit mein plut. vñnd mein ruff find nit stat sich zeuerbergē in dir. den seht an mein zeug ist in dem himel. vñ mein gewissen der in der höhe. Als ob er sprechē wolt mit moysen. Ich ruff himel vñnd erdē an zu zeugen meiner vñschuld. vñnd wil des bestē vor dir himlischem vatter. den ich vor vñ vber alle zeugē zu einē zeugē nimm. das ich mit meinen sündē C als ich den gezigē vñnd angeclagt bin. geurteilt. vñ verurteilt bin. vñnd nun gezigē verspott vñnd getödtet wird d' disem tod nit verschult hab. Darin mag ich wol vñ warhaftiglich sprechen. Mein got. Mein got. warumb hastu mich verlassen.

Von der fünfften stercke.

Die fünft stercke ist die stercke eines heischers. in dem. das er sein nott zeuersteē gab. vor seinen versportern vñ veinden. da er sprach. Mich dürstet. In welchem wort er so manlich menschliche scham vberwunden hat. D^z es ein schreck ist zegedencken. Mich dunckt wenn ich ye in dem puncten des tods wer. es wer mir ei zwifeltiger tod. solt ich mei feind anruffen. Vnd ine mein nott oder dürftigkeit entpössenn. vñnd mich vor ynē beschemen. vñnd irer gnad vñnd hilf begere. zuiozan. wenn ich mich sunst möcht behelffen. Mich dunckt es tet mir wirper. denn der tod. das ich meinen veindē vñ spottern sölt zu gnaden kriechen. C Ich red nach der synnlichkeit vñ menschlicher vngelassheit d' Wer künd den gnug bedenden vñ betrachten. was grossen

Ein disputierung zwischen

7
 überwindens das gewesen ist. D^z d^r herr
 also seinen durst vñ dürfftigkeit veriche
 hat. O des vnüberwintlichen gemü
 tes. O des aller künste hertzes. Lieber
 herr was gieng dich nott an. D^z du dich
 also beschemest vor deinen hohfertigen
 feinden. vñ dagtest dein bitter nót vor
 den. den dei schmerz ein fremd. vñ dein
 grosse marter ein geleschter was. So du
 doch wol westest. D^z nichts den ein lau
 ters gespött darauf würd. Wahyn ray
 che dein vnaussprechliche demütigkeit.
 Wie lang vñ strengdich verfolgst du
 vnser stoltzheit vñ verstopfte hertigkeit
 Wiltu kein statt gebē vnser plödigkeit.
 Ist es nit gnug. das wir zu zeitē leiden
 vmb deiner gerechtigkeit willen. vñ dar
 umb das wir das verschuldt haben. oder
 darumb d^z wir die gerechtigkeit nit ver
 lassen oder verliesen. Sullen wir vnsern
 feinden darzu aller erst zu füssen vallen
 Du fürest vns zuuul hert weg. Du möch
 test sprechē. ich füre vñ weyse euch den
 senfften weg. Dann nyemāt wädert leich
 ter. denn der sich selber hinlegt. nyemāt
 senffter vñ sicherlicher. denn d^r sich selbst
 überwindet. Wann wer sich selbsts über
 windt. d^r ist wider alle ding starck. Aber
 lieber herr. es wer villeicht gerynnig sich
 selbsts zeüberwinden. wenn einer die gall
 len von der lebern. oder mer die bitter
 keit von der gallen. die begirlichkeit von
 der lebern. die tözheit vñ die boßheit vñ
 dem hertzen sundern vñ scheiden möch
 te. Aber lieber herr wir künden nit in d^z
 hertz greiffen. d^z wir die tözheit. die vns
 in der kindtheit daran gebunden ist. dar
 von lösen. so künden wir nit die gallē er
 greyffen. daz wir das bitter dar von wis
 schten. darumb will vns der zorn vñ die
 boßheit nit lassen. so wir ir auch gerē ver

tragenn weren. Der herre. So siß
 ich wol nach deiner meinung d^z ich schuld
 dig bin daran. das du den zorn vñ dein
 böse begird nit überwindē magst. Der
 knecht. Herr d^z getarr ich nit sprech
 en. Der herr. Aber du böser treger
 vngetreuer knecht sprichst es gern ge
 tözt du. Aber wiewol dein mund nit ge
 tarr reden. so siß ich doch den verkerten
 grund deins hertzen wol. • D^z du dir
 aber nit zertlest vñ getürrest dich ent
 schuldigen vor mir. So hör warumb dir
 die bitterkeit der gallen. vñ die begir
 ligkeit der lebern gegeben sey. Die gall
 ist dir gegeben. das du vber d^z vbel. als
 vber die sünd vñ vntugent. nit vber die
 creatur. vñ wider die menschen zürnen
 soltest. Die begird der lebern ist dir gege
 ben. das du das gut. als die warheit. die
 gerechtigkeit. die ordnung vñ die selig
 keit lieb haben soltest. Ist aber dasselb
 verkert vñ verrückt in dir. vñ yn andern
 menschen. das ist der sünd vñ des böß
 sen willens schuld. Denn da der mensch
 schlecht vñ auffgerecht von mir wordē
 was. da lieh er sich willichlich verkerē. vñ
 dē teüfel. Darvñ so er sich willichlich sei
 er gerechtigkeit beraubet. vñ sich dē ver
 führer vñ feind seines heils vnterworffen
 hat. ist er den verkert betrogē vñ verruc
 ckt wordē. wē soll er die schuld geben an
 ders. den im selbsts. vñ seine aignē willen.
 Der knecht. Herr wer verführt. betro
 gen. gefangen vñ geschediget. verwündet
 vñ zerrückt oder zerbrochen ist. der ist
 also. es sey im beschehē vñ wem es wöll.
 wer denn also gefangen. vñ verwüstet
 ist. was will man im denn angewinnenn.
 daz er tut als einer der gefangen ist. der
 muß thun vñ leiden. was der will. d^r yn
 gefangen hat. Sein wir denn gefangen

cristū vnd dem menschen

vñ eigē der sünd vñ des bösen feindes. warumb wirt es vns denn also für vbel gehalten. das wir armen thun woz sy wölen. so wir verurtheilt verrückt verurtheilt gekrenckt vnd mit bey vns selbs sind. Warumb wirt es vns also hoch gerechnet. dz wir thun als solhe. so man doch die tat der vnsynnigen entschuldiget. Sprichst du denn herr. man hat den vnsynnigen ir tat mit für vbel. weñ die vnsynnigkeit wider iren willen. vnd wid ir schuld ist. weñ sy aber sich williglich der vernunft beirauße. als die. die da wissen. dz sie durch den wein wenn sy den vnmesiglichen trinckenn. rumorisch vñd rosend werden. vnd enthalten sich dannoch nitt. da ist es einanders. Darumb ist die torheit vnd bosheit des menschen C wie wol es alles kranckheit sind C nit zuentschuldigen. wann er ist. als vor steet. williglich darhinder kumen. vnd vor hin gewarnet worden. Dargegen sprich ich. Es sey also. dz der erste mensch. vnentschuldiget sey. darumb das er frey vnd gerecht. von dir beschaffen ist worden. vnd hat sich vñ freyem willen der sünde vnd irem vatter dem bösen feind vntertentig gemacht. Aber lieber herre sollen wir arme des engeten. dz vnser vatter gethā hat. ee wir geboren sind worden. das wir darūb fullē gefangen. verdāpt vñ verurteilt geboren werde. dz vnser eltern no vns verwürckt vñ vbel gethā habē. Dein antwort mag sein. vñ den freyen. werde freyē geboren. von den herren. herren. also werden von den knechten knecht geboren. vnd vñ den eignen eigne. Darzu sprich ich. das ist in diser werlt. da das glück regiert vnd die ordnung der würdigkeit verkert ist. Wie das aber vor dir C der du der prunn vnd das exemplar vñ die regel der gerechtigkeit

heit bist C leichter od bestet das sih ich nit vbrigs wol. Der herr. Das du nit wol gefihst. das ist die schuld der blödigkeit deiner augē. vñ nit des gepriuchs meiner gerechtigkeit. Das du aber sprichst. das gelück regiere in diser werlt. dz ist auch mer vñ de heidnische irrsal. den auß cristenlichein glaubē. Das dir aber mein gerechtigkeit nit leuchtet. das entspringt auß dem. das du von dem geschlecht bist. der. zu den die schlang sprach wenn sie essen von der verbottne fruchte. so würden in die augen geöffnet. dz sy westen böss vnd gutes. als die götter. Er verhieß inen als der finder vñ vatter der lüge die öffnung der augen. vnd verplendet sie. Er gelobt in gleichheit d götter vnd macht sy gleich den vnuernünftigen tieren. die nur erkennen woz in nach dem bauch vnd dem leib nutz oder lastlich ist. aber gen den geistliche vnd himelischen singen sind sy toll. vñ vnenpfindlich. Dar zu sind die kumen. die dem lügnen mer geglaubt haben. denn der warheit. die zum adam sprach. an welchē tag er würd essen von der selben frucht. so würd er des tods sterben. In desselben art koppest du. wenn du nit bekennē wilt wie heilig vnd heylsam mein gebott vnd wie billich vnd gerecht meine vnteil seye. Wan die hochfart will nit geregiert sein. So will die bosheit nit gestrafft werde. Das du aber merckest auß was groben vnd anckbern grund das kün. das man nit versteet. wie billich alles menschlich geschlecht vmb adams sünd willē gebüßet sey worden. dz merck darauff. dz die. den das nit eyngheet. das adams kinder vmb seiner sünd willen. billich gestrafft werden. setzen des halben got den herren nit allein dem keyser vnd den Cardi
K iij

Ein disputierung zwischen

nalen nach. sunder sie setzen in auch des
 Keyfers reten. vnd den senatoren vnd den
 rittern nach. denn von den. Die dy Car/
 dinel veruolgenn oder rathenn. setzt daz
 geistlich recht. extra de penis. in dem ca/
 pitel. Felicias. vj. decretalium. daz nit allein
 die. dy das thun. sunder auch die darzu
 rat oder gunst geben. sullen ewiglichen
 verleumet oder erlose. verbant vñ macht
 los sein. also das sy weder schaffen oder
 testament machē noch erben. noch testa
 ment empfangen mügen. sunder man soll
 ir heuser vnd gebew ernder reysen vnd
 nymmer widerbarren. Man sol yne
 nit zu recht steē. noch in gericht antwor
 ten. Man sol in ir schuld nit bezalen. pr
 gutt sol dem gemeinen beitel oder dem
 herren verfallen sein. Sie sullen d̄ leben
 vnd empter. vnd pfunden. die sie vō der
 kirchen haben. beraubt werden. ir kinder
 vnd enicklein. die von manns geschlecht
 kummen. sullen aller würdigkeit vñ eren
 beraubt sein. ob sie auch bischoff weren.
 Inen sol auch alle hoffnung der eren vñ
 empter geistlicher vnd weltlicher. vñ ge
 walt. auch darnach zestein. abgeschlagē
 sein. vnd söllicher ding vnd pein werden
 vil gesetzt an dem selbē ort. Desgleich
 en yn den keyserlichen rechtē in dē neun
 den büch des keyfers Justiniani steet al
 so geschriben von den sūnen. der. die von
 dem tod der rāte des keyfers oder d̄ rat/
 herren. oder auch der ritter. die den key/
 ser beschirmen. oder im dienen gedenc/
 em. das sie von mütterlichem. vñ d̄ der
 anherren. vñ aller irer freünd erbtteil auß
 geschlossenn sullen sein. Sy sullen auch
 nichts von den testamentē. oder gescheft
 ten der fremdē nemen. sunder ewiglich
 arm vñ dürfftig sein. Die vätterliche ver

leumung sol ynen allweg nachfolgē. vñ
 sie zu keinen eren ymmer kummē. sunder
 zum leutenn. so dürfftig vnd arbeitsetzig
 werdenn. das inen der tod ein trost. vnd
 das leben ein pein seyenn. Wißt du nun
 was der menschen kinder vrtelenn. vnd
 setzen wider die. die wider die menschl
 chen oberkeit tun. Vrtelst ir. d̄ die kin
 der der. die wider die obern tun. sollenn
 vmb yrer vätter sünd willenn so hert ge/
 büßet werden. Sullen denn adams kin
 der nit gebüßet werde. vmb seiner sünd
 willen. der mit gottes feind vnd verreter
 dem teufel einen anschlag wider gott ge
 macht hat. Merckest du nun. das ir auß
 curen eignen gesetzen vnd vrtelen ober
 wunden seyt. Hab das für ein antwort.
 vber das. das du gesprochenn hast. was
 mügen wir armen kinder. das vnser vater
 ter gesündt hat. Der knecht. Herr
 du sprichst adam vnser vatter hab einen
 anschlag mit dem teufel wider gott ge/
 macht. Wenn ist das beschehenn. so wir
 doch nichtz darvon lesen in der heyligē
 geschrifft. Der herre. Dunct es
 dich nit ein anschlag sein. da einer seinē
 herren vbergibt. vnd hinder ym seinenn
 feind auffnympt. vnd vntterwürfft vnd
 verkaufft sich ym. als seinem herren. vnd
 verclagt vnd verleügt seinen herren vnd
 stelt ym C nach rat seines veinds C nach
 seinē eren. nach seinem gutt gewalt vnd
 leben. Vñ tu wilt ich dir wol anzeygen
 das Eva vñ Adam dise ding alle gethā
 haben. Der knecht. Herr dise ding
 hab ich so tieff vnd so hoch nit angeschē.
 Der herr. Also tut yr nater gesch/
 lecht yn allen dingen. Was wider eich
 beschicht. daz kündet ir nit gnug grössen.
 beschweren. erheben. durchgründen. be

dencken. wegen. vnd clagē. wie vnbillich ir es leydet. So ir es doch billichen duldet. Was ir aber wider got thuet dz hal tet ir für nichtz. Des gleichen wie vil vn aussprechennlichs. guttes euch gott der mit herre thut. so ist es euch alles zu we nig. vnd wie wenig yr guttes thuet C dz euch gutt dunckt C das doch gewönllich ist als es mag. vnd wie wenig yr leidet. vmb euer sünd vnd vndanckerkeit wil len. so dunckt es euch. dan noch zuwil sein So ir aber eins bedeckt vñ claget. so sol ten ir dz ander auch bedencken. Der knecht. Herr was ist das das wir cla gen. Der herr. Das ir vil leidet. Der knecht. Was ist dz das wir auch bedencken solten. Der herr. Das yr vil sündet. Der knecht. Herr dz wir vmb vnser sünd willenn leidenn. das dückt mich nit also vnbillich sein. als dz wir vmb fremder sünd willē müssen ley den. Sih an. ein kind das erst geboren ist vnd kein sünd ye gethā hat. ya manigs. das noch nit geboren ist. das mus vmb eins menschen sünd willenn den bittern tod leyde vñ sterben. vnd die nit getaufft sind. die müssen dar zu den ewigē geyst lichenn tod leiden. ob sie auch C Als ich gesprochen hab C keyn eygenn sünd ye gethan hetten. vnd der selben sind lai der souil. die also verderben. dz ich wolte das es dich erbarmete als mich. Der herre. Ey wie tet ich ym denn. das ich mich ließ erbarmen. das dich erbarmet. Warumb hab ich dich nit ee lassen gebo ren werden. vnd besunder vor der zeit meins leidens. dz du mir gesagt hettest C Seind das du also barmhertzig bist weder ich C vber wen ich mich erbarme

solt. Vlleicht warest du künner gewesen denn sant peter. vñ hettest nit alleyn mit mir. sunder vor mir gelitten. vnd mir ge zeigt wie vnd was. vnd für wen ich ley den solt. So du aber so kün vnd so mut tig bist. so were es nit ein wunder. dz es mich wunder neme. möcht ich mich anders ettwas verwundern das du dich obem meiner künheit verwunderst vnd sprachst. O deso vnüberwindlichsten gemütes. O des aller künesten hertzes. wa hyn reicht dein vnaussprechentliche demütigkeit zc. Daucht mich doch. dich deucht mein demütigkeit vnerraychlich sein. Vnd so du nit zweyfelst. die tieffe vnd höhe der demütigkeit meines ley dens sey entsprungenn aufs der größe der barmhertzigkeit. Vnd also ist die barmhertzigkeit ein vorgeende sache der demütigkeit gewesen. Vnd du magst der demütigkeit nit volgenn. wie wiltu denn d barmhertzigkeit vorgeen. Dückt dich nit. woltest du deyner wort war ne me. du redst wider dich selbs. so du yetz vergibst. das ich mich so ser gedult vnd gedemütiget hab. das man dem selbenn nit allein mit nachuolge mag. verstee vol komenliche. Sunder man mag sich seyn auch nit gnug verwundern. vnd clagt denn auch vber meyn hertigkeit. gleych als ob ich mich nit erbarme. als du dich erbarmest vber die. dy verderben. Hab ich mich mit aller werlt zu einem erlöser. vnd zu einem gemeinē fürbüßer. gnug tuner. fürsprechen. vñ behalter oder heil land vñ seligmacher gegebē. Als adam ein gemeiner verderber ist gewesen. Vñ hab für yederman gelitten vnd gnug gethan. als verre es an mir ist gewesen.

Eyn disputierung zwischen

vnd hab durch mein zweiffspotten vñ an der iüger. vnd ir nachkumen in aller weit ten werlt lassen verkündē vnd predigē. vnd meinen predigern weyßheit vnd gewalt verlihen. Das inen weder in worten noch in wercken nyemant hat mügē vorstecken. vntter den die vorderste in dem gewalt. vnd weisheit. die ermbste. grōßte vnd ungelertsten vor gewesen warē. Daz man dar bey mercken möcht. Dz ir ler vñ macht in wnderzeichen. göttlich vnd nit mēschlich were. sag du mir. was ich mer gethan solt haben. Dz ich nit gethā hab.

Der knecht. Herr getarr ich etwz. Das mir in dem synn ligt. melden. Der herre. Ich wayß wol. wz sich an sich tet. vñ bāß den du mir imer gesagē kāst. Doch zehalten die form der red vnd wider red vmb ander leit willen. sey dir erlaubē zemeldē. wz du in dem mut tregst.

Der knecht. Du hast gemeldt. als es die warheit ist. wie du dem iüger yn die gantzen werlt geschickt hast mit macht. Der wort vnd der werck. zeuerkündē allen geschlechtē dein gnad vñ den weg der seligkeit. du hast aber darbey verheing. Das vil vnrats vnd durchrechtig vñ veruolgūg der tyrannē. vnd verführung d zaubrer vnd ketzer. vñ allermeist der gewalt der rōmischenn keyser wider deinen glaubē auffgestandē sind. dar durch vil tausent menschen gehindert sind worden. Dz sy nit zu der warheit deines glaubēs noch zu der seligkeit kumen sind. Der herre. Hab ich darumb abgelassenn mein diener zeschicken. Der knecht. Meyn. Aber wer der widerstand der vnglaubigē nit gewesen. so wer gar ein grose werlt zum glauben kumen. die sunst in dem vnglaubē verdorben ist. vñ teglich verdirbt. Vñ so du alle werlt mit einem

wollen. vnd mit einem werck deies wille möchtest zu deinē rechte glaubē bringē. so veruindert es vns vast ser. Daz du herre souil menschen yn dem vnglaubē leß beleißen. vnd das du den schōdē habē den ketzern vñ andern verführern od yre haubt dem teufel so grossen gewalt verhengst. Das sy dir souil tausent male tausent abziehen. Hilte herr was streits vnd wunders macht das manichem mēschem in seinem hertze. Der herre. Ich wayß wol. Das ir menschēkind vast vnd vnnützlich firwitzig seyet. vnd eüch kumerent mit vil dingen. die eüch nit enpfolhen sind. vnd ir wolt ye wissen. Das eüch zewissen nit gepürt. bis ich eüch si re yn mein heymlich wonung yn meines vatters haufs in das ynner schlafkemerlein. vñ öffen eüch die verborgnē schetz meiner göttlichen vteile vnd weisheit. vñ ewigen vnwandelpern rate. den werdent ir mein rāt vnd fürsichtigkeit. mein milte meinūg vnd vnergrāntliche weyßheit loben. erheben. preysen vnd eren. vñ eürer tōreter firwitzigkeit lachē vñ spotte. Aber dz dir d firwitz nit zewee thue. so höre dānoch ein wenig. Sag mir eins dūckt dz dich auch vast löblich sein. Das einer grossen lon einnympt. d kleine arbeit hat gethan. Der knecht. Ich fürcht du werdest mich i meinē wortē sahe. doch ich weiß wol. dz ich dir nit entrienen mag. Ich sahe es an wie ich wöll. so muß ich dei gefāgner sei. darüb wil ich recht nach d vernūfft ātwortē vñ sprich. dz es nit also löblich ist. Des nemers halb dz er on arbeit od verdieft grose lon enphaß. als hett er es verdiet. Der herr. wie mit dē. d herlich gekrōnt wirt. ist es i auch also erlich. wen er eine kleien sig gehabt hat. als het er ei grose sig erobert.

cristū vnd dem menschen

Der knecht. Herr du weist. dz ich nach rechter vernunft mit anders antworten mag. denn wie vor. Der herre. Ist dz auch also löblich. weñ ein er wenig od schwach vberwirdt. als weñ er vil vnd starck veind vberwunden het.

Der knecht. Er mag leicht vernufft haben. der vber das antworten kan.

Der herre. Dunct es dich auch also löblich. das einer vntter den gerechte gerecht. vñ vntter den gutte gutt ist. als wenn einer vntter den ungerechten gerecht. vñ vntter den bösen gutt ist. Der knecht. So könig dauid in dem sybē zehenden psalmen spricht. mit dem heiligen wirst du heilig. vnd mit dem verkereten verkeret. so ist darauff abzunehmen das der. der vntter den gutte gutt ist. wirt vntter den verkereten verkeret. so muss d gar vast gutt sein. der vntter den bösen gutt beleibt. Der herre. Du antwortest nach vernufft. Wie aber. wenn einer vntter vil bösen gutt beleibt. vnd allermeist vntter den. die in anfechten in seiner guttheit. vnd begern yn auch zezichē zu yrer bosheit. Der knecht. Kürtzlich so wil als einer mer widerstads in dem gutten hat. vnd der mer vnd mer sind. die yn anfechten in dem guten. vnd vntterstehen in zeziehen zu den bösen. souil ist er löblicher. so er ine widersteet. vñ in dem gutte verharret. Der herre. Wer sagt dir solliche ding. Der knecht. Mein eige vernufft. sagt mir das. wiewol ich es auch gelesen hab. weñ der meister vñ den göttlichen symmen. spricht in d drey und zwentzigsten vntterscheid des andern büchs. Es wer nit löblich recht zelebe. es wer denn d vnrechts leben riere.

Der herre. Von wem hast du dein vernufft. Der knecht. Vñ dir herr.

vñ dem wir alle alles das haben. dz wir sind. vermüge vñ besitzē. Der herre. Was ist doch die vernunft. Der knecht. Es ist ein schein vñ dir dem ewigē liecht. vnsern selen eingebeltzt. Darvñ sehen wir dannoch mangelley warheyt durch disen schein. Der herre. So such mit dem selben liecht. od durch den selben schein. alles das. das du mir gegenantwort hast zusamen. vñ halt es gegen dem. dz ein herr seinem knecht. od auch ein vatter seinem sun sol thun. das er yn grossen lobes vñ lones. hoher eren vñ kron würdig mach. vñ schaw denn. was aufs im allen volgt. Der knecht. Ich weest wol. das ich dir nit entrinnē möchte. du würdest mich beschliessen vñ yn mein en aignen wortē fahen. Doch danck ich dir auß grund meines hertze. dz du mich also gefangen hast. Vñ nun erkenn ich dz wir narren seyen. vñ vns oft bekümmern lassen. das. das vns zu merung vnser eren vñ seldē dienete. wenn wir es recht vñ innē erkentē. Der herre. Also ist im. denn ie mer der vnglaubigen ist. die wid dē gläubē sind vñ streitē. ye löblicher die getreue gläubigē sind. die sich wed vñ d mege d vnglaubigē. noch durch ir macht od anfechtung arglistigkeit vñ glückseligkeit habē lassen bewegē oder zichē. als mei getreuen vñ allersterckste zeigē die heilige mettrere. die allei C da ir oft gar wenig warē C wid die gätzen werlt für mein ere gestritte haben. Darvñ werdenn sy von mir yn meins vatters reich. so vil mer vnd mer geeret. vñ höher vñ höher belonet vñ gekrönt. souil der wider die sie mein ere verfochten haben. mer vnd mer gewesenn ist. vñ souil als die selbenn mein vñ yr feind mechtiger vñ geweltiger. vñnd sie widerumb ver

Eyn disputierung zwischen

schmechter vñ verfolgter sind gewesen.
vñ kurtzlich alles zeitlich glück vnd gut.
als macht gewalt vñ ere irer widersach-
en. dienet inen zu eren vnd den widersachē
zu schanden. Also beschicht es auch mit
andern getrewen cristen. den die menge
der vnglaubigen zu guttem dienē wirdt
Dann souil mer verdäp̃t vñ verlōrē wer-
den. souil die seligen mer vsach vnd ma-
terien der freūd werden habē. allermeist
so keiner der mir zugehört. verlorn wirt.
Dz ich dir vber dz antwort. dz du sprach-
est. ich verhēge dz mir der teufel vñ die
seinen vil tausent malen tausent abzugē
dz du wissest. dz mir vō den meinē keins
er abgezogē wirt. Dann alles dz. dz ver-
loren wirt. das ist vō dem. das auß d̃ zal
oder vber die gewis̃ zal der erweltē ist.
vnd ye mer der selben wirt. ye mer d̃ freū-
den der seligē wirt sein. Der knecht.
O herr der du in allen deinen vrtēilē vn-
strefflich. vnd yn allen deinen wegen ge-
recht. in allen deinē Worten warhaftig.
in allen deinen gebotten getrew. vnd yn
allen deinen werken heilig. vnd in deinē
heiligen widerberlich bist. wie söllich dz
versteen. dz die mēge der verdäp̃ten zu
der mēge d̃ freūd der seligē dienē werd.

Der herre Sag mir. bist du nye C
wenn du ettwā eins grossen böfwichs
als eins lands oder statt verreters oder
eins mōrders od̃ moztrenners od̃ eins
ketzers oder wūttrichs böfheyt gehōrt
hast. O also. in zorn entzündt wordē das
dich gelust het sein peim zesehen. Der
Knecht Ja herr ich bekenn. dz ich ober
ettlich d̃ der grymmigen böfheit ich ge-
hōrt het. O also pissig vnd böse wordenn
byn. der ich doch mit kante. denn des na-
mens halb. die mir ye kein laid ye gethā
hetten. das mich daucht. ich möcht mit al-

lein ir peyne sehen on mitleiden vñ on er-
bermde. sūder ich pildet mir sūder pei.
der gleichē ich nye gehōrt noch gelesen
hett. Die ich inē wolt lassen anthun. wēn
ich ir gantz geweltiger richter solt sein.

Der herre. Warest du so pissig vñ
so hert vber die böfheit gen fremde vñ
dir vnuerwandten personen geübet. wie
böf werest du denn gewesen. wenn sp̃ir
vbel an dir. oder gen den deinen geübet
hätten. Der knecht. Mich hert ge-
lustet. das ich sy mit den zenen zerissenn
söl̃ habē. Doch wie böf ich auff ertlich
bin gewesen. es möcht sich gefügen. we-
rē sy in meinem gewalt. oder mir zu gna-
den künmen. Das der zorn ein wenig gele-
gen were. ich möcht ynen nit also grew-
lich gethan haben. als mich gelustet het
die weil der zorn pran. Der herre.
Dasselb ist ewer metzē geschafft. Wēn
ir zornig seyet. so wolt ir es alles zerrei-
sen. vnd zerzerren. wie gering es ist. Wi-
derumb wie groß ein sach ist. wēn sy nur
etlich nit berürt oder bewegt. so mügt yr
sy wol hin lassenn geen. Vnd durch söl-
lich hinleffigkeit beschicht der gerechtig-
keit vil vngleichs. Aber mein vrtēil ennt-
sprigt nit auß söllicher vñfischer beweg-
lichkeit. sūder außs der ersten regel al-
ler warheyt vñnd gerechtigkeit. Doch
kümpt es auch auß einem außflus der
selben ersten regel der gerechtigkeit. Das
der mensch außs liebe vñ ernst. den er zu
der warheit vñnd gerechtigkeit hat. be-
wegt wirt. wider die. die so grōblich wi-
der sy thun. vnd besunder wider die war-
heit des heiligen cristen glaubēs. on den
nyemāt selig mag werden. od̃ wiē die lie-
be vñ prūderlich einigkeit. als die ketzer
od̃ zweyung macher. die mā scismaticos
nennt. die nicht achtē. ob vnzēlich tanset

cristū vnd dem menschen

selen verloren würdem. Das nun ir irsal oder widerspenigkeit einē fūrgang het. Welcher mensch wider die selben nit zürnet oder bewegt wirt. Der gibt ein warzeichen. D̄z er nit ein ernsthafter liebhaber der cristenlichen warheit gehorsame vñ einigkeit ist. Darumb wið solliche anfechter der warheit vñ zerstörer d̄ waren gerechtigkeit. die in der liebe. gehorsamkeit. vñ cristenlichem glauben steet. zürnen. bewegt werden. vñ in irē peinen. weñ sie verstopft. verbertet vñ vnwiderbringlich sind. vñ begern yedermā zu erkeren. einen lust zehabē. vmb d̄ liebe wil len der gerechtigkeit. das ist ein tugentlicher lust vñ ein löbliche freud. weñ mā wið sy gesigt. vnd triūphiert. Vñ darūb sollē mein getreuen fürfechter solliches lustes. vnd so getaner frewd nit beraubt sein.

Ein gleichnus. D̄z mā vnbillich beredt. D̄z gott verhengt. D̄z vil vnglaubiger sey en. wañ es dient den glaubigē zu gutē.

Ierumb wenn die cristē murmeln das vil vnglaubiger vnd vil böser seyen. allermēist. wenn sie das auff gott ziehē. vñ verwündern sich desselbē. gleich als ob es gott nit verhengē solt. so thūn sie gleich als ob einer vñ eins gastes oð freunds willen. den er geladen het. lies köstlich wiltpret vō vogeln vñ tiern vnd vischen abtun. vñ sieden vñ prattē bach en vnd kochen. eins also. D̄z and̄ anders. mit māgerley weyse. D̄z er in vñ die seinē dar mit eren wolt. Vñ weñ d̄ gast come vnd sehe souil repbūn. vnd ander vogel an den spissen stecken vnd pratten. zum̄ beraitschafft zu richten. vñ beredt es. so es doch vmb seinen willen beschehe. also tut ir mir auch. So ich eūch materiē der freuden berayte. so beredet ir es. So ich

Doch durch meinē knecht vñ sundern propheten kōnig dauid gesprochen hab yn dem sybenundfünfftzigstenn psalmen. Der gerecht wirt sich freuen. weñ er die rachsale sehen wirt. er wirt sein hend waschen in dem plut des sünders. Vñ der engel. der in der sunnen stand. hort sant iohannis schreyen mit lautter stym zu al lē den vögeln. die da mittē durch den hymel flogen. kumpt vnd samelt eūch zu dē grossen abent mal gottes. D̄z ir esset d̄z fleisch der kōnig. vnd d̄z fleisch d̄ rittermeister. vnd das fleisch der starcken etc. Als yn dem neūzehendenn capitel des büchs der göttliche offenbarung geschriben steet. Die armē cristē mein verzieher sind hie ein speis der mechtigen heyden gewesen. da sy ir ergetzlichkeit spil vnd kurtzweil yn den peinen vnd marter der cristen gehabt haben. da sy vol wollebēs waren. vnd wolten mein diener hungers törtten. da sy in köstlichen scheinbaren palasten alles lusts pflagen. vnd mein zeu gen musten yn den finstern stinckender kercken in den stöcken vnd plöcken vnd keten faulen vnd lebendig sterbenn vnd verwesen. Vnd wenn sy dem wütendē vnnyimigen volk ein spil vnd ein geles ter wolten machen. so namen sy mein getreuen freund her für. vñ zu ere irer teufelischen abgöttern vnd zu einē spil dem volk trieben sy iren mutwillen mit inen. vñ gaben sy den grymmigen tiern zu einem aß. oder dem feur zu einem fūter. oð andern peinen zu einer materiē. also spey seten vnd setigete sie. ir vnkeusche augen vñ ir grymmigs gemüt. mit den peinē vñ qualē meier liebhabere. Vñ als mei knecht abacuc spricht. ir freud oð frolockung w̄z als des. d̄ den armē heimliche frisset. W̄st ich den nit widerūb meinē getreue

Eyn disputierung zwischen

liebhabern. Die solliche vmb meinen wil-
len gelitte habe. ein freud vō inen mach-
en. Vnd so sie sich der barmhertzigkeit
vnrüdig vñ vnempfindlich mache. solt
ich deñ mit ei freud dē meinē vō inē mach-
en d gerechtigkeit halbe. Schin es nit. dz
die werlt in ettlicher weyse den iren. wid
die meinen. milder were gewesen. deñ ich
den meinē. wid die preu. Wa schin auch
mein volle barmhertzigkeit gen den gut-
tē. vñ mein gerechtigkeit gen den bösen.
solt ich die gutten nit rechen an den bö-
sen. Also hast du. wie billich es ist dz die
gutten. die wider recht vō den bösen be-
trübt sind worden. durch die gerechtigt-
keit vō inē erfrewt werde. vñ so die böse
auffs. der vnrechtē vnmurdientē pein der
gutten freud gehabt haben. daz die gut-
ten von der rechten vnd verschultē pein
der bösen freud haben.

Das die guttē billich durch die pein
od vō den penen der vnglaubigē vñ der
bösen ergetzt werden. vñ vō was sachen
wegen die pein der bösen den gutten zu
trost dienet.

Ind dasselb wirt vmb vierley sach
willen beschē. Zum erstē vmb d
ere willen d göttliche maiestat. die groß-
lich in der pein der verdampften erzeugt
vñ geoffenbart wirdt. Wenn wie künde
die höhe der göttliche mayestat bas be-
wissen werden. Denn durch das. das soult
größer mechtiger weyser edler fürsten
herren geweltiger prelaten kōnig keyser
vñ fürnemester in diser werlt so manig-
uelteig grosse pein ewigliche müssen lei-
den. darumb. das sie got verachtet. vnd
sich seinem willen nit vnterworfen ha-
ben. Vnd so dasselb die sache irer pein ist
So wirdt allir pein zu der ere gottes di-
enen. Vnd so die außeweltten ober alle

Sing. die ere gottes lieb habe. so wirt dz
inen ein vnaussprechenliche grosse ma-
terien vnd gegenwurf. der freude sein.
Das sy die ere gottes yn den peinen yrer
verachter vnd durchechter erzeugt vñ be-
wert werden sehen. Zum andern wirt
die pein der bösen zu freud den guten
dienen. vmb hasses willen der bosheit.
Denn die guten haben die guttheit lieb.
vnd sind darūb gutt. Das sy die guttheit
lieb haben. vñ soult besser. soult als sy die
guttheit mer vnd mer lieben. Aber soult
sy die guttheit mer vnd mer lieb haben. so
ul hassen sie die widerwertigē bosheit
mer. als das. Das ein veind vñ zerstörung
der guttheit ist. Darumb wirt daz inen ein
grosse freud geben. Das sie sehē. dz die
bosheit gequelet wirt werden. vñ ir ey-
gen stifter. vnd ober die sie lieb gehabt
haben. peinigen. Zum drittē wirt die
pein der bösen zu freud der gutten die-
nen. Deshalben das die gutten. bey den
grossen peinen der bösen. die grossen
barmhertzigkeit gottes gegen den gut-
tē merckē werde. Deñ ye größer pein sy
in den verdāptē sehe. ye mer sie sehe wer-
de. wie vil sy gott dē herrē zedāctē habe
d sy vor so grossen vbeln behüt. vñ vō sol-
liche peinen erlöst hat. Die vierd sache
warūb die pein d verdāptē zu d merug d
freud d außeweltē dient. ist vmb d rach-
sake willē meier vneren vñ des vnrechtē
dz ich vñ mein glied vō den bösen gelitte
habē. Deñ wiewol ich mich id zeit meis
Suldēs vñ leidēs nit hab wolle rechē vñ
des willē. dz ich den meinē ein eēbild d
gedult geb. dē ich auch gebottē hab. dz sy
nit rach sūchē noch begere soltē wid yre
durchechter. so hab ich doch dar mit nit
abgeschlagē. die rach d künfftigē werlt.
Dāñ ich hab darumb meinē iungern vñ

cristū vnd dem menschen

nachfolgem Begird der rach verbottē.
 Das sie durch die gedult vnd senfftmi-
 tigkeit verdienten. vnd die bösen dar-
 durch bewegt vnd bekert wurden. werē
 sy bekerlich. oder werē sy verstoft. dz sy
 sich bester mer an inen verschuldte. So
 aber die zeit d̄ barmhertzigkeit gen dē
 bösen vergeet. vnd die zeit d̄ gerechtig-
 keit vnd gleicher widergeltung kempt.
 so soll ich mein außserwelten rechen. vnd
 sy mügen die rachsale begern mit recht
 vnd billich. Vñ darumb dz sy der rachs-
 al begere. so kan es nit on freud sein.
 so es erfüllt wirt. wann salomon spricht.
 prouerbiorū am. xiiij. ca. so die begird er-
 füllt wirt. so gibt sie der sel lust. Sol-
 licher sachen sind vil verborgen in meys-
 nem schetze. der ir wenig wisset. vō dē
 in dem gefang meins dieners vnd sun-
 dern prophetē moysi steet. deutronomy
 am. xxij. ca. Synd die ding bey mir nit
 behalten vnd gezeichnet oder versigelt
 in meinen schetze. Mein ist der rach vñ
 ich wird ynen widergelten in der zeit ꝛc.
 Ich wil geschweigen. das die menge d̄
 vnglaubigē dient zu merug meins leid̄s
 vnd leidens. vñ so mein leidē der schatz
 des verdiensts des ewigen lebens. für
 mein außserwelten ist. so folgt hernach
 das der verlust der vnglaubigen. d̄ glau-
 bigen gewin ist. Der knecht Herr
 wie soll ich das vernemen. das der ver-
 lust der vnglaubigen ein gewin d̄ glau-
 bigē sey. Der herre Hastu nye ge-
 lesen. das ich in der zeit meines tödlich-
 en lebē ein sunder laid. in meinem her-
 tzen getragen hab. vmb d̄ vnwissenheit
 vnd vndanckbarkeit willen meiner liebe
 vnd meins leidens. das ist darumb. das
 souil würden sein. die sy größe meiner
 liebe. die ich zu mēschlichem geschlecht

hatt. vnd des grossen leidens dz ich auß
 sollicher liebe vmb ires heils willen ley-
 den solt. oder lyde. nit wissen würden.
 Vñ die es glaubten. die würden es nit
 wegen. achten oder schetzen. als es zu
 schetzen wer. Vñ würde beid. die sy es
 nit glaubten. vñ die es glaubten. vndack-
 ber sein. die es glaubte. dz sie mich dar-
 umb nit lieb hētē. als ich billich vmb sy
 verdient het. die vnglaubigē. das sy mir
 mit allein kein widergeltung der liebe be-
 wisen. sunder sy wolten es auch nit glau-
 ben. noch daruon hören reden. Vnd so
 vil der selben mer vnd mer würden sein.
 die also meinem leiden vnglaubig oder
 vndanckber würden. souil was mein yn-
 ner leidē grösser. Item dz souil meiner
 glaubigen. von mir abtrünnig würden.
 das souil meiner preit treuprūchig vnd
 eeprecherin würde. d̄ eeprech mir souil
 wirs tet. souil als ich sy lieber gehabt.
 vnd mer vmb iren willen gethan vnd ge-
 litten het. oder leiden solt. vñ souil wirs
 als ir mer vnd mer wer. Auch tet mir dz
 wee. das souil meiner glyder vō mir ab-
 gehawen oder geschnittē wurde. vñ der
 abgehawen glyder schad vnd verdamp-
 nus vnd ir peyn vnd die menge. herbig-
 keit vnd ewigkeit irer peyn. gieng mir zu
 hertze vñ bekümmert mich von inwendig
 souil mer. souil als denn diser obel aller
 mer vñ mer mir vorgieng vñ souil als sy
 grösser waren. Nun gedencke du was
 grossen leids vnd leidens mir die bösen
 gemacht habē. So sy sich nun des ver-
 diēsts vñ d̄ grossen frucht meins leidē
 vnwardig vñ vnempfindlich. vmb ires
 vnglaubē vñ vndanckbarkeit willē. machē.
 wem sol den d̄ schatz des verdienē
 vñ d̄ nutzbarkeit oder frucht meins lei-
 dens anders heimgen. denn den. die in

Von der siebenfeltigen stercke

meinem glauben vñ in meiner liebe ver-
harre. bis an dz ende. Darüb die. dy
sich zuuul bekümmern. mit sölliche frem-
den dinge. die sy mit wenden od bessern
künde. allermeist der vnglaubigē halbe.
die dz berede. warümb gott dz verheg.
das souñ vnglaubiger seyen. die thun
gleich als der tet. d vil vngetreuer brü-
der het. die all ires vaters guts. des vil
were. wartē werē. vñ gott ließ die selben
vngetreuen. vñ ye einen nach dem an-
derm sterbe. oder sünst abgeen. das das
erb alles dem getrewē sin wurde. vñ d
selb berede. dz dz gott omb seins nutz
willen tet. Also thut ir fürwitzigē auch.
vñ bekümmert euch omb vil dings. das
für euch were. wenn ir nun steiff in dem
glauben vñ in meiner liebe belibet. Di-
se gleichnus vermerck des halb. das du
dich mit bekümmern solt. was gott d her-
re verhengē vill. mit des halb. dz du der
verdampnus der menschen nit achten
solt. Ja mer du solt alle dei tag Begerē.
das gott der herr die irrenden zu d war-
heit. vñ die vnglaubigē zu dem varē eri-
sten glaubē befer. vñ in die samlung der
heiligen kirchen. als in einen schaffstal.
dar ymne sy vor dē hellischē wolff erne-
ret werde. einlaite. dasselb solt du auch
bitte vñ das vbrig gott lassen besolhen
sein. Wz sprichstu zu disen dinge. Der
knecht. Herr was soll ich aders spre-
chen. den das der heilig Job c da du in
mit wortē vñ mit werckē beschloffen he-
test. sprach. wz soll ich. d ich vñfürsich-
tiglich vñ tölich geredet habe. sagen. od
antworten ober die ding. die ober die
maß mein funst ober treffen. Vñ lū-
nig dauid spricht in dē. xij. psalmē. Wie
groß gemacht sind herre deyne werck.
fast vil tieff sind dein gedäcken worde.

Der vñweyß man wirt sy mit erkennen.
vñ der toz nit veeßten. Vñ das. das in
dem selbē psalmē hernachfolgt. vñ den
bösen vñ vñ den guten das geet gleich
auff dise dein meynung. Vñ bitt ich
dich durch aller deiner barmhertigkeyt
vñ durch alles des. willen. das du ye für
vns gethan. oder gelitte hast. auch vñb
alles des verdienēs willen. deiner aller-
heiligsten ewiger iuncfrawschafft mu-
ter. vñd aller deiner heiligen. schaid vns
c die deiner gnade begere die deine hei-
ligen namen anruffen. die in das verdi-
enen deines heilige leidēs. vñd in die tu-
gent deiner gedult vñ senfftmutigkeit
hoffen. durch dein ewige liebe. d vñ des
nen. die von dir gescheyden sullen sein.
vñd geselle vns vñder dein aufferwecke.
zele vns vñder die. dy behalten vñd selig
sullen werde. Vñ verzeih mir armē vñ
schnōden sūnder. das ich die person vñ
form eins reders vñ wider reders gege-
bir hab getürre an mich vñwirdigen ne-
men. Vñ omb deins engstliche durstes
willen. des du dich nit geschemet hast
vor deinen feinden vñd spotttern an dē
creutz zebeclagen. bitt ich dich allermil-
tister herr. zeub mich in den grundlosen
wag deiner süßigkeit. das ich die ewig
lich müg nyessen Amen.

Von der sechsten stercke.

Die sechst stercke. die da lautet
in den Worten des herren an dē
creutz. ist die stercke eins triumphirers.
Einen triumph heißen die walhen ein
gemalt spil. das etwas bedēit. Vñ die
schwebögen. an den die sig der rōmisch
en keyser gebawen sind. als mā sy noch
zu rom siht. heißen arcus triumphales.
dz als vil ist. als die schweböge d trūpf
oder anfigung. Darüb triumph hieß mā

der letzten wort cristi

Die hohzeit vnd herligkeit. Die man den zu gab. die sy feind vberwunden heten. wenn sie zu rom einritten oder fürē. vñ man begegnet ynen vñ vor yne fñrt mā die mechtigsten. vnd edelsten. die sy gefangen hetten. es weren kñig oder kñigs sūn. oder kñigin. oder hauptmen ner. vñ darzu trug mā offentlich die kōstlichen ding. die sy vberwinder gewonnen hettē. Wie grof vñ kōstlich sōllich spil gehalten wurde. Da von wer soult zu schreiben. das es mich verdreisset zesezen. wen es gelust zewissen. der sūch es in dem. vij. buch Josephi von dem iudischen streit von dem triumph der keyser vespasiani vnd titi. da findt er wol was ein triumph ist. Da ist auch sōlliche kōstlichkeit bewisen wordē. das ich zweifel. ob in allen teütschen landē vō hungern bis an den reynstram gen kōlen. mit allē irem gut. das sy nun vermūgē. möchten verlegt habē. wer mir nit glaubt. der lese es selbs. oder las es lesen. der es verstet. vñ vrteil darnach von disen dingē. oder meinen Worten. Aber nun verstet man bey dem namen des triumphs die vberwindung der feind. die selb vberwindung mag verstandē werdē in dem sechsten wort vnser herrē. da er sprach. Es ist volbracht. Den kein erentreicher. tugentlicher. wunderlicher. redlicher. notdürfftiger. grosser. gemeiner. vnüberwindlicher. mechtiger. geistlicher. nützer. siglicher. vollkumner. vñ nach aller weyf höher vñ würdiger streit ist ye geführt wordē. denn der selb streit. den vnser vorfechter. vñ fürstreitter cristus geführt hat. wider den feind des menschlichen geschlechts dē teüfel vñ sein heer. Fragstu warumb ich es einen gemeinē streit heif. so doch dē herr allein gestrit

ten hat. vñ nyemāt mit im. als er spricht durch den propheten ysaiam in dē drey vñ sechtzigsten. capitel. Die weinpresch oder kaltern. hab ich allein getretet. vnd von den geschlechthen ist nit ein man mit mir. Ich hab mich vmbgesehen vñ ist nyemant gewesen. der mir hülffe. vñnd mein arm hat mir geholffen. 2c. Ich antwort. Durtumb heif ich es den allergermeinsten streit. wan er hat angetroffen alle die. sy im himel. auff der erden. vñ in der hell sind. Wan da habē die zwey höchsten haupter. als das haupt der guten. vñ das haupt der bösen. auff das höchst miteinander gestritten. Das sind die zwen grossen tracken gewesen. von den in dem zehenden vñ eilfften capiteln des büchleins hester geschriben stet. das sy widereinander bereit warē zestreitten. vñ zu irem geschrey sind alle geschlecht bewegt. vñ auffgetribē worden. vñ ist auffrur vñ geruff. vñ tonner vñ erbidem. vñ finsternus vñ forcht vñ leiden. vñ angst vñnd not entstanden. vñnd alle werlt bewegt worden. zestreitten wider die gerechten. Aber als da selbst auch geschriben stet. die gerechten haben zu gott geschryen. vñ als sy gerufft habē. da ist ein cleins prümlein gewachsen zu einē grossen fließen den wasser. vñnd ist gleich zu einē meer vñnd zum letzten zu einem liecht vñnd zu der summen worden. vñ die demütigen sind erhöht worden. vñ habē die mechtigen vberwunden. Die zwē tracken sind cristus. vñ lucifer. Welcher lucifer in dem buch der göttlichen offenbarung oft ein track genent wirt. Aber cristus wirt bey dē schlangen bedeutet. die moyses in dē wüste auffhiengē. als er spricht Johannes in dē. iij. cap. Vñ die tracken

Von dem loblichen streit cristi

werden vntter das geschlecht der schlägen gezelet. Die zwen sind vō anbegynn der werlt wid er einander bereit gewesen zestreiten. Aber d̄ recht haubtstreit ist an dem heiligen creutz an dē karfreitag beschehen. da der herr in seiner eighen einigen person für alles sein volck den teufel bestanden. vnd der teufel alle sein macht vnd alle sein list angekert. vñ alle sein waffen her für gesücht hat das er den herren vberwinden möcht. Sein heer ist d̄ gātz gepöfel der iude gewesen. die wider den herren gestādē sind. vnd seins tods vom pylato begert. vñd sein am creutz gespott haben. Ir haubtmänner vnd heersführer sind die bischoff. vnd die gleichner. die alten. vñ die lehrer des volcks. vñd ir waffen. die falschen zungen gewesen. als künig dauid in dem. loj. psalmen spricht. Ir zwen sind waffen vnd pfeil. vñd ir zung ein scharpff schneidend schwert. Die waffen des teufels ires herre. sind die bosheit. die listigkeit. der neyd. die verstopfung. die schalkhaftigkeit. vñ d̄ gleichen gewesen. Mit den selben waffen allen. vñd mit allem seinem heer. mit iude vñd heiden. mit herren vñd knechte. mit frauen vñd mannen. mit geloben vñd troen. mit ernsten vñd spötte. mit worte vñ wercken. mit schenden vñd quele. hat er den herren versucht. vñd angefochtē mit den fremden vñd heimische. Aber er hat nichtz an ym mügen errechtē od gewinnen. sunder da er gemeint hat. er wöll im zum minsten durch den tod ewig angewynnē. so ist er mit dē tod vberwundē wordē. Vñ da er gemeint hat. er wöll in yñ der hell mit andern toten gefangen halten. da hat christus also tod den kereker der helle zerprochen vñ zer

stört. die gefangē erlediget. den teufel gefangen vñd gebunden. den tod getöt. die sünd überwundē. vntterworfen vñ verdampft. Wer hat das ye müge thun. Von diesem streit wirt darnach mer berürt werden. Also hast du wiewol d̄ teufel. von anbegynn der werlt wider christum gestritten hat. vñd wirt bis an d̄ end der werlt wid yñ streittē. wiewol er gefangē vñ gebunden ist. so streyt doch sein heer wider d̄ heer cristl. vñ d̄ streit hat in dem himel angefangē. da der alt track der lucifer mit seinen engeln wid sant micheln vñ sein gesellschaft gefochten hat. so sind doch die selben streyt gleich als zwischē den hertzogē vñ fürstē des himlische keyser. vñ dē bösen feind beschehē. also d̄ d̄ herr durch sei diener vñ vntterthā. vñ mit in eigner person gestritten hat. Doch sind sein ritter vñ diener nye obgelegen. denn in seiner krafft. Aber an dē karfreitag hat er dē rechte grōsten haubtstreit. der all ander streit in im beschleüßet. vñd die haubtsach vñ d̄ willē. sy widerinader stryten. volenden solt. in eigner person. geführt. Vñ so nun die haubtsach gott vñ menschen. engel vñ teufel. vñ also hell. vñ himel. vñ erdē. āgetroffen hat. so mag mā warlich sprechē d̄ es d̄ allgemeynest streit sey gewesen. Als vntterwel etlich heer vñ stet. vñd reich ir glück vñ vberwinden. in etlicher weniger od zweyer hend gesetzt haben. Als die palestiner vñd die hebreyschen. zu den zeittē des künigs Saul. die iren sig satzten in die hend des ryßen Golye vñd Danids. Desgleichen schreibt titus linus in dē römische historiē C libro primo prime decadis wie die rōmer vñd die albaner auch miteynander stryten vñd

Von dem loblichen streit cristi

Die freyheit vnd herrschafft. welche stat
 vber die adern hersche vñ regirē solt. vñ
 ein yegliche stat het drey starck iüngling
 die zwillingbrüder waren. in der selben
 hend setzten sy ir glück. das sy miteinander
 der solten streiten. welche oblegen. d sel
 ben stat solt der andern gebieten vñnd
 vber sy herschen. also beschah es. dz die
 albaner der römer zwen erschlugē. das
 die römer yetz verzweifelt hetten. noch
 dann vberwad der drit römer. der allein
 was vberbliben. die drey albaner. Also
 gewünne die römer durch einē iungen
 die herrschafft vnd gewalt vber ir müt
 ter. Wan rom was von den albanern ge
 stift vñ gebaut worden. Desgleich
 en findet man auch geschribē. in d histo
 rien von d erhöhung des heilige creütz.
 dz der keyser heraclius C den etlich era
 dium nēne Deins ward mit des künigs
 Eosdroes sun. der ein künig der persier
 was. das sy zwen miteynander solten
 kempfen. welcher obleg. desselben heer
 solt alles obgeleget. vñ dz ander vntter
 gelegen sein. In solhe streitten. vmb vñ
 vmb. wiewol einer gestritten hat. so er
 aber für ein gantz reich oder land oder
 stat hat gestritte. so ist es ein gemeiner
 streit gewesen. Vñ also. so der herr ihe
 sus für die gegenwertigen vñ abwesen
 den. für die künftigen vnd vergangen.
 lebendige. totten. auch für die. dy noch
 gepore solten werde. vnd für die in der
 hell. vñ vmb der willen auch die in dē hi
 meln warē. für die. dy auff der erdē was
 ren strit. so mag man wol sprechen. das
 kein gemeinerer streit ye gewesen sey die
 weil die werlt gestandē ist. Doch an dē
 iüngsten tag wirt in etlicher weyse ein
 gemeinerer streit. so alle creatur mit cri
 sto vñ für i. vñ sein außserwelte. wiß die

bösen streitten wirt. als in dem fünffte
 capitel des buchs d weyßheit steet. aber
 der selb streit wirt on arbeit des herren
 vnd seiner außserwelten. Da werde sich
 die bösen müssen leyden. vnd wirt kein
 krafft noch macht zu widersteen. in yne
 sein. als sich der herr vnd die seinen hie
 gelitten. vnd sich mit geweret noch wid
 standen haben. Vnd das oblige vñ die
 triumph cristi vñ seiner heiligen an dem
 iüngsten tag. hat krafft auß dem sig cri
 sti an dem creütz. wan da hat er mit sei
 ner gedult verdient. das sein außserwel
 ten den bösen sullen obligen. Item
 kein tugētlicherer streit ist ye beschē.
 Wan diser streit ist des herren halb mit
 mit leiplichen waffen geübt wordē. sun
 der mit gedulden. leyden vñ schweigen.
 yn den. das gemüt von inwendig wider
 die vntugēt streit. Vnd das ist der adel
 des streittes d vernünftige creatur. wiß
 die symlichkeit vnd eigen neyglichkeit
 fechte. vñ sichselbs vberwinden. Wenn
 die eüssern feind mit leiplichen kreffte
 mütge vberwinde. ist ein tierlich oder vi
 hisch ding. Darvñ vbertreffen die vñ
 vernünftige tier den mēschē. als die pe
 ren. vñ tracken. vñ lewen. die andere tier
 vberwinde. Sölliche vñ vernünftige tie
 ren mag d mēsch mit gleich sein. verstee
 durch sein eige krafft. ob er vntterweil
 vorstet oder obligt. das beschicht. durch
 vernüfft mit hilff d waffen. Aber woz ist
 ein blosser mēsch gegē söllichen tieren.
 mag er icht künner seyn denn ein leb. oß
 schneller denn ein adler oß stercker den
 ein greyff. vñnd der gleichen. Darvñ
 steet sein adel vnd vbertreffen mit in ley
 plicher stercke. sunder in der stercke des
 gemütes. in d vberwindung sein selbs vñ
 seiner natürlichen leidlichkeit beweg

Von dem loblichen streit cristi

lichheit. neiglichkeit. vnnnd peinlichkeit. als in der vberwindung seins zorns. seyner vngedult. seiner vnordenliche liebe vnd wollust. seiner fleischlichen begirdē. 2c. Von sollicher vberwindunge spricht salomon in dem. xvi. ca. der spruch. Der gedultig mensch ist vil besser denn der starck. vnd wer seins gemütes geweltig ist. der ist besser denn der stet vberwint oder aufstreit. Doch das ich obē gesetzt hab. das vnser herre mit gedulden vnd schweigen gestritten hab. in den dz gemüt von inwendig wider die vntugēt streit. da soll man nit versteen. das der herr wider die vntugent. die in ym wer. gestritten hab. so keine in ym was. aber er hat gestritten wider die vntugent der iuden vñ d̄ heiden. die von aussen was. vnd gegen im geübt ward. Vnd so der herr von seiner guthait wegen alle vntugent hasset. vñ die vntugent die gegen ym vnnnd wider in geübt ward. was die grōst. vnnnd die bösest. vnd darumb hett der herre recht vñ gewalt sie zestrassen. wer er anders nit mer kōmen. das er die straff vnnsrer sünd vbersich neme. denn dz er sy an vns durch pen straffete. dar ym vberwād er durch die barmhertzigkeit. auß der. er für vns leiden wolt. die gerechtigkeit. durch die er het zestrassen. die vngerechtigkeit. die mā gen ym vbet. vnd das ist der allertugentlichst vñ darumb auch d̄ allererentreichst streit gewesen. Wann der natürlich meister spricht. die ere ist der tugent lon. darmit er meyn. das die ere allein der tugēt zu gehort. Sprichstu aber. warvñ hast du gesprochen. das diser streit der notz dürfftigst sey gewesen. so sprich ich. Darūb dz wir alle on disen streit ewiglich vntter dē gewalt des teufels müß

sten belyben. vnnnd des ewigen todes gestorben sein. Warumb ist diser streit wunderlich gewesen. Darūb. das einer. der nackend vnd ploß gecreutziget was. worden. die gōtter. die in gold. in silber. in edel gesteinē. in den tempeln von den kriecken vnd lateinischen. von den heyden vñ rōmern. von künigen vnd keysern angebetet vnnnd geeret wurden. für die aller welt gewalt. wider yne stritte vnnnd facht. mit den. die für den waren gott. die ersten wider yne in disem streit waren. vberwunden hat. so volkomenlich. das er sie schier auß aller werlt hat vertriben. vñ verstossen. Das hat der grofmechtig tract der lucifer mit allem seynem gewalt mit seinen allergrōsten geweltigen knechten. die gleych allen gewalt der werlt in irer hand hetten. Ich meyne den Neron. Damician. Traian. Adrian. Seuerū. vñ Alexandrū. Maximū. vñ Decū. Valerian. vñ Galien. Claudin. vñ Aurelianū. Numerian. vñ Syoclecian. Maximian. vnd Julian mit mūgē hindern. Vñ darzu hat er wider der yetzgenanten willen. die doch schier aller werlt geweltig waren. sein knecht gemert. gestreckt. vnd wid kōnig vñ keyser vñ ir gewelt vnd amptleut mache triuphiern. vñ seinen erste altē feind den füssen seiner diener vntterworfen. vnd sein knecht. herren seiner herren gemacht. Ist dz. vñ desgleyche. dz mā mit alles erzeien mag. mit alles wol zeuerwūdern. Ich will geschweigē des wunderlichen sigs. den der herr mit dem tod geübt oder begangen hat. von dem man singt in den österlichen zeiten. tod vñ leben habē in wunderlichem streit miteinander gekempft. Vnd des wunderberliche sigs. den er yn der helle begangen hat.

Von dem loblichen streit cristi

also totet. Das alles von vns mit gnug
gesagt noch Bedacht mag werden wie
wunderberlich. es sey. Sprichst du
warumb der streit cristi der nütze sey
gewesen. Das magst du selbs C bist du
ein guter crist C merckē. Glaubst du dz
er vns durch seine streit das erb des pa
radeises. vnd das reich der himel erfo
chten. geöffnet vñ gewinnen hat. So
aber das nyamāt anders hat müge thun.
so hab ich gesprochen. Das ye kein vnü
berwintlicher streit beschehen sey. Denn
all heiligen sind diß streits vnttergele
gen. Keiner ist so mechtig. so weys. so
gerecht. so vnschuldig. noch so heilig ye
gewesen. Der iñ lebē d sünd halb. od iñ
tod d peyn halb. Dē gewalt des lucifers
volkōmlich entgeē. od widstē mocht.
bis christus diß streits obgelegen ist.
Darnach sind vnzlich C in der krafft d
vberwindung cristi obgelegen. Wann
der teufel ist durch die vberwindung cris
ti. so ser getrenckt vñd gezemet wor
den. Das er nyemant mer zwingen oder
geweltigē mag. Denn die. dy sich im wil
liglich vntterwerffen. Von dißem streit
vñd streits tage. spricht auch Cassio
dorus vber das wort des neununddreis
sigsten. vñd hunderstē plalmens. Herr
herr du bist die krafft meines heiles. du
hast vmbshattet vber mein haubt. Cri
stus ist an dem tag seiner creutzigung
also vmbshattet vñd beschirmet wor
den. dz weder sein gemüt etwas scham.
noch sein fleisch vnere d verwesung ge
litten hat. Vñd wol ist das leiden des
herren ein tage des streits genent. so an
dem selben tag der teufel vberwunden.
die schlosse der hellen zerbrochen. vñd
die gefangen erlediget sind worden.
Diß spricht Cassiodorus. Sihest du dz

nach der meinung diß lerers. Der heilig
kūnig dauid den tag des leidens christi
den tag des streits genent hat. Darvmb
das der haubtstreit zwischē dem haubt
der guten das cristus ist. vñ dem haubt
der bösen dem lucifer an dem selbē tag
beschehen ist. in dem christus vberwūde
hat. vñd lucifer in seinen eignen listen
vñd in seiner vermessenheit C da er mey
net. er wolt obligē d gefellet. begriffen.
gefangen. vñd vberwunden ist worden.

Vñ ist es gewonheit. wenn eyner
vberwūde wirt. das man spricht. es ist
beschehē vmb ym. oder mit ym. Desglei
chen. weñ mā ettwas zum end gepracht
hat. so spricht mā. es ist schon beschehē.
oder volbracht. Also sprach auch d herr
da er yetz seint halben volkōmentlich vñ
fōrmlich. aber seiner auferwelten hal
ben mūglich. sethlich. verdienstlich. vñd
ebenbildlich. den streit volbracht vñ dē
feind vberwūde het. Es ist volbracht.
Als ob er sprechē wolt. Es ist beschehē.
was beschehē soll. Es ist nun volbracht
was von anbegynn der werlt angetra
gen vñ künfftig gewesen ist. Also sihest
du was grosser stercke in dißem wort be
schlossen ist. Vñd wie die stercke eims
vberwinders darynn lauter.

Von der sibenden stercke.

Nach dem die. dy da vber
winden. den vberwundenen. den
raub vñ besunder was sy den vberwin
dern etwan genomen haben. wider neh
men. so hat der herr dem teufel die alle
genomen. die durch den glauben vñd
gute werck sein gewesen waren. vñd
hat die selben widerbracht vñd heym
geführt. vñd seynem vater geantwort.

Von den sibben schonheiten

Vnd das ist die stercke eins widerfärers. die in dem sibendē wort lautter. da er sprach. Vater in dein hend emphil ich meinen geist. Das ein wort ist ganztzer zuuersicht vñ sicherheit. vñ dem wol gefallen des vaters. von dem oder ober das heimziehen des suns. vnd darumb sprach er nit. dir emphil ich. sunder yn dein hend emphil ich. zu bedeutung des wolgefallens des vaters. Das er het in seinem sun. vnd in seinem werck. Das er im einen söllichen herrlichen raub. dē er dem feind angewunne het. heym brachte. Deshalben der vater gleich als mit beiden armen den sun zuempfehen bereit was. als seinen allerliebsten eingebornē. der allen seinen willen. mit allem fleiße. auff dz allerhöchst vñ erklichst volbrachte hette. Vñ gedenck hie. das sant paulus in dem. vi. ca. der erste epistel zu den von Choroyntho spricht. wer dē herren anhangt. der ist ein geist mit ym. dz ist der geist. den der herr ihesus mit seinem geist. gott seinem himlischen vater empfolhen hat. Das sey von der sibēfeligigen stercke. Die in den Worten christi scheint vnd laut dz gesetzet.

Vñ dē sybē schönheit dē wort cristi.

Vm andern mal scheinen vñ glitzen in den wortē cristi. die er an dem creutz geredt hat. sibē hübsche oder schonheit. Das ist. schöne der abwaschung. schöne der zierung. schöne dē begabung. schöne der hochschetzung. schöne der zugleichung. schöne dē volbringung. schöne der erhöhung. Zum ersten erscheint die hübschheit oder schöne der abwaschung in dē. dz er reiniget vñ freyset vñ der sünd. da er spricht. vater verzeihe ynen. denn sy wissen nit was sy thun.

Von der andern schonheit.

Vm andern schein die schöne der zierung in dem wolgefallē dē personen. da er sant Johānsen den ewāgeilsten. seiner muter als einen sun. vnd sein muter sant Johānsen. als ein muter irem sun C ein iunckfrawen der andern empfollen hat. Die schonheit dē bruderschaft christi. durch die empfehlung der muter gottes. hat sant Johāns umb seiner reinigkeit vñ treu willen. die er beysey. in dem. das er seinem herren vor andern iüngern allein beystünd. in seinem tod. verdient. Darumb der herr ein wolgefallen in im het. vnd tet in die ere an. das er yne seiner muter zu einem sun gab an seiner stat. vñ empfah sie ym dz er ir pflegen solt vñ aussen an seiner stat. denn von ynnen hat er ir selbs gepflegen vnd hat sie nie verlassen.

Vñ der drittē hübsche od schönheit.

Vm dritten scheint die schöne der begabung in den Worten des herren. in dem. dz er die kurtzen rew vñ die speten bekerung des schechers so schnelliglich vñ so völiglich belonen wolt. da er sprach. fürwar sag ich dir. heüt solt du mit mir in dem paradys sein. denn als der schecher vnter allen sündern. die zu der zeit des sterbens cristi warē. der letst was. der sich von den sünden C in den er an dz creutz gehēft ward dz zu cristo gekert het. also was er der erst vnter allen heilige. die ye gewesen sind. der von mund auff C als man spricht dz selig ist worden. Vñ sih an. ob das nit schön sey auch zebedencken. dz ein söllicher grosser sündler wider gott vnd menschen. als er den ein mörder vñ gotzlesterer was gewesen. umb der bekerung willen einer sölliche kurtze zeit. nit allein mit den heiligen als ander ge

der letzten wort cristi

rechten. Sunder auch mit dem heiliger.
vñ herren aller heiligen solt als bald
er verscheidē wer belonet vnd getrō-
net werde. Das kein heiligen wie groß
er ye wer. ye was verlassen worde. wann
der herr sprach. mit mir solt du heüt in
dem paradeis sein.

Wo der vierde hübsche od schöneit
Um vierde leucht die schöne d
hohschertzung. in dem. dz d herr
sich selbs für den mensche in alles leyde
gegeben. vñ darynn verlassen hat. Das
lautet in dem wort. dz der herr sprach.
Mein gott. mein gott. warumb hast du
mich verlassen. darynn er ye auch be-
griffen ist. den ist er got. vnd ist nit mer
den ein gott. vñ ist vñ gott verlassen. so
ist er auch von ym selbs verlassen wor-
den. Fragstu. für wen er sich verlassen
hab. so antwort er selbs vnd spricht. Jo-
hannis in dem. x. capi. Mein sel setz ich
für meine schaff. das als vil geredt ist.
Ich gib mein lebē für die meinen. Als
er denn aber sprach Mathei in dem. xx.
Marci an dem. x. cap. das er können wer
sein sel für vil zegeben. sy zeerlösen. Vñ
Luce an dem. xxi. sprach er von seinem
plut vnd fleisch. das die für die semē ge-
geben solten werden. Vñ desgleichen
Johannis an dem sechsten. Von seiner
sel Ysaie an dem. liij. Jeremie an dē. xij.
capitel. xc. Also sol man dise wort cristi
gleich als in der person cristi der men-
schlichen natur halb verstecken. gleich als
cristus. nach dem als er mensch ist. zum
vater. vnd die sel vnd der leib cristi zu d
person des suns. oder cristus in der per-
son seiner menscheit zu seiner gottheit
sprech. mein gott. warumb hast du mich
verlassen. Vnd man vestee das in wel-

hes person man wöll. so ist cristus nit
aufgeschlossen. sunder mer eingeschlo-
sen. Versteet mā. das yne der vater ver-
lassen. das ist. in den tod gegeben hab.
so die werck der heiligen dryfeltigkeit
vñ aussen vngeteylt sind. so hat er auch
sich selbs verlassen. Hat denn sein gott
heit sein menscheit oder sel vnd leib ver-
lassen. so ist es aber des vorigē gleichē.
wenn gott vnd mensch ein person ist. die
menschlicher natur halb verlassen wirt.
versteet in das laiden vnd den tod. d mē-
scheit halb gantzlich auff ein zeit. der
göttlichen natur halb verlasset sie. vnd
mag nit verlassen werden. denn nach
dem schein vnd nach etlicher weyse der
red als sant paulus zu den vñ philippis
in dem adern capitel spricht. Er hat sich
selbs vernichtet als er die form eines
knechts an sich genomē hat. Vñ hast
du. wie der herr verlassen ist worde. von
wem. vñ für wen. vñ warum. Fragst
du nun. wie dz zu d schöne der hohsche-
tzung diene. so merck das also. Nichtz
ist schönere vnd zierlicher an dem mē-
schen in diser zeit. den die tugend. Man
die tugend ist ein bild der göttliche gut-
heit. vñ ein gleichnuß der himlischen
ordnung. ein spigel der englischen schö-
heit. ein hord. menschlicher würdigkeit.
So nun nichts schönere ist. den die tu-
gent. vñ die gröst tugent. die man erden-
cken mag. erscheint in den wortē vnser
herren. an dē creütze. vñ in einē yegliche
wort scheint ein oder mer vil sunderer tu-
gent. vñ söllich groß tugent. der gleichē
nit mügen gefunden werde. so gedencē.
was grosser schöne in den wortē vnser
herren schein. Vñ vntter andern tuge-
den ist dz gar ein grosse tugent. dz eins
die andern groß achtet. vnd hohschertzt

und von im selbs wenig helt. Denn das
erst ist. auß der tugent der miltigkeit vñ
wirdischheit. dz ander entspringt auß d
demütigkeit. Vñ wa ist dise miltigkeit
und wirdischheit größlicher erschynen.
Denn in dem herren. da er vns arme mē/
sche so groß vñ so hoh geachtet hat. dz
er sich für vns in leiden vnd in den tod
gegeben hat. vñ mit in schlecht leiden
vñ sterben. sunder in söllich hert leiden.
Desh gleichen nye vor gehört ist worden.
vnd in einen söllichen schweren tod. der
auch vntter allen töde der schentlichest
geschetzt was. Wer aber wir seyen. für
die er sich gegeben hat. das ist ein teyl
wol in dem erste teil diß büchleins. vñ
in dem andern gemelt wordē. wer er sey
das ist auch ein wenig berürt wordē. wz
er sey. dz ist aller creatur vnbegreiflich.
ist das nun ein tugent. das einer die an/
dern groß achtet. als es widerumb ein
vntugent ist. das einer sich selbs groß
schetzt. vñ verachtet die adern. wer kñd
denn gnuß. sich verwundern. der schöne
der großachtung christi. durch die er so
hoh geschetzt hat vns. die in C so er das
endlos gut ist. Offt vmb einē schñdē
amplick vbergebē. vns hat er so hoh ge/
achtet. das er sich für vns in leyd vñ in
leidē. in schand vnd in den tod gegeben.
verlassen. vñ verloren hat. als der heilig
prophet in seiner person. oder er durch
den küniglichen prophetē dauid spricht
in dem. xxx. psalmē. vber alle mein feind
das ist. mer den mein feind. mer den die
iuden. die ein gespöt der heiden füllen
werden. bin ich ein laster wordē meinen
nachpauren. vast fere. vñ zu einer forcht
meinen kñden. ich bin wordē gleich als
ein verlorf fah. wann ich hab vil scheltē
vmb mich gehört. Dise großachtung

melt er. da er schray. mein gott. warumb
hastu mich verlassen. dz auch als vil yn
im begriffen hat. C als obē bewert ist. O
als warumb hab ich mich verlassen. er
möcht im selbs woll geantwort haben.
vmb eins schñden geschmaß oder vn/
zifers vmb vnd anck berer vntrewer vnd
verdampfter knecht. vmb flüchtiger treu/
loser vnd abtrünniger töreter selen wil/
len. die mich souil mer vbergeben vñ
verachten. souil als ich in mer vnd mer
gutes thue. vnd ye teurer ich sy achte. ye
geringer sy mich schetzen.

Von der fünfften schonheit.

Die fünffte scheint die schöne
der zugleichung. in dem. das der
herre die außserwelten. in sich begert zu
ziehen. als ein dürstiger das tranck be/
gierlich in sich zeuht. vñ dasselb wirt
in yne. das ist. in sein plut. vnd durch mit
tel des plutes in sein fleisch. vnd also in
sein substantz verwandelt. also begert
christus durch die hitzigen liebe in sich
zu ziehen sein gläubigē. das sy in in ver/
wädelt. vñ im gleich werdē. vñ so er die
endlose schñheit vñ hübsche ist. wz mag
den schñners vñ hübschers sein. den dz
mā cristo gleich werd. dz durch die ver/
einigung d liebe beschibt. dz begert der
herr. da er sprach mich dürstet. O wol
ein schō begird ist dz. wen d mēsche et/
was sñders heimlichs guts hat. das er
dasselb yedermā gñdt. vnd begert alle
werlt seiner seligkeit teilhaftig zuma/
chē. vñ streit auch vñ leidt darumb. aber
wer hat dz ye gethā. denn vnser herr ihe/
sus cristus d sei iñgern darvñ i alle welt
geschickt hat. dz sy yederman ladē soltē.
zu dem gut. dz er neußet vnd gebē will.
das allein ein vollkomen gut ist. das alle
begird der menschen. settigen mag.

der letzten wort cristi

Von der sechsten schonheit.

Die sechste scheynt die schön-
heit der volbringung in dem. das der
herr die. dy er also in sich zeüht. das sie
im gleich werde. auch vollkomē machet.
Sein als vil ein ding der summen in dem
licht gleicher wirt. souil wirt es clerer.
vñ liechter. vñ als vil ein ding dem feür
gleicher wirt. souil wirt es auch hitziger.
also was dem also vollkomenste schönē
vñ tugentfameste gleicher vñ gleicher
wirt. das muß auch in der schönē der tu-
gent vollkommer werde. Darumb von ei-
ner söliche vollkomenheit sprach d her-
re. Es ist volbracht. verstee. in den tugē-
den. w3 mir durch die liebe eingeleibet
vñ zugegleicht wirt.

Von der sibenden schonheit.

Die letzte scheint die schönē d
erhöhung. in dem. dz im der herr
die. dy im durch die vollkomenheit d tu-
gend zugegleicht vñ eingeleibet werden.
auch gleich machet in der würdigkeit d
glor. vñ in den erē der belonung vñ der
ewigē seligkeit. die mā von den henden
gottes empfahet. als salomon in dem. v.
capitel d weyßheit spricht. die gerechte
werde dz reich d gezierd. vñ die kron d
schonheit od d gestalt empfahē vñ der
hande des herre. wan mit seiner rechten
hand wirt er sie bedecken. kleidē od zie-
ren. wiewolles nach dē syn des lateins
laut. als er wirt sie beschützen. Darumb
folgt darnach. vñ mit seinem heiligen
arm wirt er sie beschirmen. so aber die
heiligē wen sie dz reich vñ die kron vñ d
hand gottes empfangen haben. nit be-
dürffen dz sy vor dē feindē irer person
halben oder auch vor andern vbeln be-
schützt werde. so sie Cals sant augustin
vñ Johanne in der letzten omelē

spricht d on alle sorg vñ feind. in sicher-
heit mit dem herrē regnerē werde. so ist
sein beschützung vñ bedeckung. das er
sie also gewis sichern. vñ so groß ere vñ
gezierd an sie legen wirt. das dar durch
alle ir feind. die ynen nachgeredet. vñ sy
schmehe. betrübe vñ schenden wölle ha-
ben. ewiglich betrübt vñ geschendt wer-
den. Also wirt vns bey den henden got-
tes die sicherheit bedeutet. Dann wie
möcht dz mit sicher sein. dz in dē hende
gottes ist. so d obgenāt salomō abet ein
mal in dē genantē buch im dritten capi.
spricht. d gerechte selē sind in d hād got-
tes. vñ kein qual d bosheit wirt sie be-
rührē. Auf dem wir habē. dz er vñ d
sicherheit wille spricht. dz die selē d ge-
rechte in d hād gottes seyen. Bey dē
hende gottes wirt auch verstandē sein
vberflüssig. miltigkeit. durch die er die
heiligē so großlichen belonet. als dauid
spricht in dē dreyvñdhunderstē psalmē.
wen du dein hād auff tust. so werde als
le ding mit gutheit erfüllt. dē selbē hen-
de d miltigkeit gottes emphilht d herr
die. dy in seiner liebe volbracht sind. als
seinen eigne geist. ia auch vñ dē namē
seins geists. so er spricht. vater in dein
hād empfilh ich meinē geist. wan als ge-
melt ist. wer im anhängt. d ist ei geist mit
im. Darñ welher mēsch wölle vñ cristo.
dē vater empfolhē werde. d hāg im an.
mit gedäcken. mit begirdē. vñ rede gern
vñ im. hör gern vñ im. lese von im. befor-
mer sich gern mit i. er halte alle zeit ver-
sorn. die er nit mit i od vñ seine wille be-
kümmert. den wie kñd es sei. d sich allweg
gegen dem licht hielt. er würd dester
mer beschynē. der fast nahet zu dē feür.
er erwarmet dester ee. Wer vil vor ym
sicht vñnd hört. der erfert oder erlernet

Von dem sibenfeltigen laid cristi

27
Dester mer. er sey denn mit vernünfftig.
Vun magstu in nichtē mer sehen. denn
in dem liecht. in dem alle. Ding leuchten.
auch in nichten mer hören. denn in dem
wort. i dem alle ding gesprochen werde.
Dz cristus alles ist. vñ ob er dir nit zeigt.
wie du köstlich latein reden. hefftiglich
en disputiern. woll singen. oder auff der
lauten. harpfen oder andern seyttē spil.
spilen. vñ zeitlich gut gewynne solt C dz
du vñ den mensche vñ auch von dē sūn
dern lernē magst so zeigt er dir aber
wie du ewiglich solt selig werde. vñ mit
allein mit worten. als and prediger eins
reiß. sunder auch mit dem lebē. wann al
les sein leben ist ein ler. vñ die allervol
komnest ler. vñ er zeigt dir nit allein die
seligkeit. sunder er gibt dir sy auch vñnd
verleiht dir auch die selbē zenerdienen.
wann künig dauid spricht in dem. xxiij.
psalmen. Das er der herr der tugent vñd
der künig der glori der eren ist. vñ in dē
lxxxiij. psalmen steet das der herr. der er
ist. gnad vñ glori gibt. das ist. das verdi
enen der seligkeit vñ die seligkeit selbs.
Aber so vnser verdienē klein vñ gleich
als nichts ist. so muß es erfüllt werden
auff dem schatz des verdiensts cristi. als
das in dem erste teil diß büchleins be
rürt ist.

Von den syben leyde vñ schmerzē.
3 Um dritten finden wir in den
worten vnser herren. sybnerley
schmerzen. die mit forcht. andacht. mit
leidē. vñ danckbarkeit zbedenckē sind.
Dann die wort vnser herren an dem
creütz. beschließen vnaussprechenlich
leid vñd schmerzen in ynen. vñ besund
schmerzen der vñdancckbarkeit. schmer
zen des vñtrosts. schmerzen der zer
streuung. schmerzen der verlassenung.

schmerzen der bitterkeit der trenckung.
schmerzē der manigfeltigkeit od ober
hauffung. schmerzen der scheidung.

Von dem ersten schmerzen.

D Er erst schmerz vnser herren.
was. dz er erkent. das sein groß
leiden. vñd vñmefliche lieb. auff der. sein
laid vñ leiden entsprang. vñ die endlose
würdigkeit seiner person. von dem mens
schen nit erkent noch bedacht. noch ym
darumb gedanckt würd. vñ das vil me
schen darumb solten verlorē werde. dz
sy dise ding weder erkennē noch achten
wolten. Auff sollichem laid rufft er. vñd
sprach. Vater verzeih ynen. denn sy wif
sen nit was sy thun.

Von dem andern schmerzen.

D Er ander schmerz was vñd dem
trübsal vñd leiden seiner aussers
welten. die bedeuēt wurden bey seiner
mutter vñd sant Johanssen. Wann bey
sant Johanssen warē bedeuēt alle kind
der gnadē. all iugern cristi. dz all cristen
mēsche sind. bey der muter des herren in
gemeine die gantz muter der cristeheit.
die alle vil leidē must. vñ cristus willen.
vñ darub dz sy vil leidē würdē vñd dē bö
sen. so empfalh er sy aneinander. als die.
dy vñd aufwendig keinē trost würdē ha
ben vñd diser werlt. sund leidē vñd anfech
tug. darub soltē sy vñd einander ye eins
des adern pflegen. die eltern d iugern.
als die muter d kind. vñ widerub die iu
gern d eltern. als die kind der väter vñd
mäter. Auff einen solliche syn sprach er
zu seiner muter. Sih an. dein sun. vñd
zum iunger. Sih an. dein muter.

Von dem dritten schmerzen.

D Er drit schmerz was von d zer
streuung vñd zettrennug seiner
iugern. Wenn der herr sahe. wie sein

Von dem sibenfeltigen laid cristi

liebhaber vñ fürfechter alle flüchtig vñ abtrünnig warē wordē. außgenūmē sant iohannis. der stund da in vorchtē vñ laid. vñd schweig still. den eret er auch als obē gemelt ist. Aber niemāt leget sich für dē herrē ein. wiß sein veind vñ lesterer. nye mā versprach yn wiß die spotter vñ schē der. nyemāt versacht yn. vñ stritt für yn. den allein der schecher. der in C so er mit den wercken mit kunds mit Worten versacht wiß seinē gesellen. Dasselb gieng dem herren zu hertzen. das sich sein nye mā an name. Denn der arme schecher. d an dem creütz hieng. vñd vergass doch seins aignen schmerzēs. vñ gieng im dz leidē cristi mer zu hertzen. den sein eigēs leidē. Darüb erbarmet sich der herr der ster mer vber ine vñd sprach zu im. Für war sag ich dir. heüt wißt du mit mir sei in dem paradeis. als ob er sprechē wolt. Als du yetz ein mitleidē mit mir hast. als so solt du heüt dis tags grōßlichen mit mir erfreut werden.

Von dem vierden schmerzen.

Der vierde schmerz ist gewesen d schmerz d verlassung. d dz gantz leidē in im beschleüßet. Den selbē clagt der herre in d vierdē wort. da er sprach. mein gott. mein gott. warüb hast du mich verlassen. Wie man das versteen sül ist gesagt worden.

Von dem fünfften schmerzen.

Der fünfft schmerz was vō d bitterkeit des trancks. dz ist. vō dem. das bey dem tranck bedeüt was. Denn den herren dürstet nach der süßigkeit d liebe. d ādacht. d dāckberkeit. vñ andrer tugēt. durch die wir in yne verwādel vñ im gleich würdē. Darin sei begird. durch die er begert das alle mensche selig werden. d erfüllet würd. Wider dz ward im

bitterkeit der gallē. vñ seure des essichs geraichet. Denn wir sind eintweders vñ gedultig in leiden vñ mürmeln od fluch en vñ scheltē. vñ habē ein mißfallen an d göttlichē gerechtigkeit. vñ sind bitter gegen d straffe. die wir nit auffnemen. als vō dem milten vatter. vñ sind vnlustig yn dem göttlichē dienst. od geet es vns wol so keren wir vns zu den glückseligē ding en. zu dē gutt. zu d wollust. zu den werlt lichē eren. vñ suchē allein das gegewertig zeitlich gut. vñ bittē dasselb auch zu zeytē in vnserm gebett. dz ein vbelschmeckend ding vor cristo dem herrē ist. Also raichen wir ym gallen in widerwertigen vñ essich in glückseligē dingē. od sy bayde offt. Als wenn wir in dem göttlichen dienst. als in mesh od predig hōrē. nit allein kein andacht noch lust oder begyrd haben. sunder wir werdē außs verdriessē also bitter vñ ungedultig. dz wir yn dem hertzen fluchē vñ scheltē. Wa das vñ d gleichen mit verdachtē mut beschilt. dz ist geistlich essich vñ gallē geraicht. nach den cristū mit dürstet. sunder nach vnser hitzige ādacht. vñ freude in seinē dienst. vñ danckberkeit vñ demütigkeit vñ mes sigkeit in glückseligē dingē. vñ nit mynd veriehung d sünd. vñ gedult vñ danckberkeit seiner vätterlichē straff. in widwertigen dingē. durch die er vns auff vnser geprechē. weysen. vñ demütigē. vñ vben will. dz er vns also beraite zu seier barm hertzigkeit. vñd vns enpfenglich mach seiner guttat. vñ erlöse vns vō dem vteil seiner strengen gerechtigkeit. Soll man im denn vmb sölliche milte meinung nit danckber sein. Vñ werē wir rechte kind gottes. vñ hettē in kindlich vñd treulich lieb. als wir pillich sölten. so frewte wir vns yn allen dingen oder werckē gottes.

Vñ dē sibenfeltigen laid cristi

Durch die. vñ in den. sein ere erzeugt vñ
gefördert wurd. Vñ so die ere gottes
also wol bewisen wirt. yn der straff der
sünd. als in der belonung d' tugēt. weren
wir im denn trew. Daz wir sein ere suchē
als wir solten. so werenn wir im also wol
däck ber. wenn er vns straffte vmb vnser
sünd. als wenn er vns gütlich tut. Wan
in d' straff d' sünd wirt vns bewysen vñ
erzeigt. wie hoch vñ würdig gott der her-
re zeachten vñ zehaltē ist. vñ d' er nit al-
so gering vñ leicht zeschetzē ist. als wir
töreten menschen wenen. Vñ darūb daz
wir nit die augē wölle auffthū. vñ die
witz prauche. so muß vns der milte herre.
Durch widerwertigkeit. vnglück. leyden.
vñ trübsal. vñ māgerley pein. die augen
vñ die syrm offnen. vñ vnser ehlischen
grobigkeit erzeigē. d' er nit zeuerachten
ist. Als er selbs spricht. Durch dē prophe-
ten ysaiam in dem achtūdzweintzigsten
capitel. Wenn die gaisel ober eūch geen
wirt. so wert ir vntter die füß getreten.
vñ die vmbtreibūg wirt allei verstēnus
gebē ewrm gehōrd. Kūrtzlich nach vnse-
rer besserūg nach vnserē heyl nach vnse-
rer seld dūrstet dē herre. Aber so wir vns
daran hider. so lassen wir in in dē dūrst
geengst vñ gepeinigt werde bis in den
tod. Darūb schray er. mich dūrstet.

On dem sechsten schmerzen.

Der sechste schmerz. den der herr
clagt an dem kreutz. was die ma-
niguelting vñ oberhauffig hertzlichs
laids. vñ leyplicher pein. der halben der
herre in angst des bittern tods kam. dar-
vñ er sprach. Es ist volbracht. Als ob er
spreche wolt. Man hat nichts an mir ge-
spart. da mit mā mich betrüben. belaydis-
gen. schmechen. schendē. peinige. vñ auch
ewigliche verderben möchte. sunder als

le boshheit ist auff das hōhst an mir ver-
sucht. Es ist alles vbel. d' mein veynd ha-
ben migen erdencken. an mir ergangen.

Von dem sybenden schmerzen.

Der sybend schmerz ist. d' verschey-
dung. der der beschluß alles sch-
mertzens ist. wenn leyb vñ sel vō einan-
der gescheiden. vñ geteilt werden. Den
schmerzē meldet der herr. da er sprach.
vater yn dein hend empfih ich meinem
geyst. vñ neyget als bald sein heyliges
haupt vñ gab sein sel auff. dem. dem er
sy empfolhen hett.

Von der sybenfeltigē liebe in den sy-
ben worten beschlossen.

Dum vierdē lautte vñ scheinē yn
den worte des herrē. syben sayte
vñ syben glentz der liebe. mit süßer sayte
klinge in allen harpfē d' singer Salomo-
nis. noch schöner glentze leuchtē vō der
sunnen. denn dise. wen dise glentz nit er-
leuchtē. d' ist plind vñ muß yn den ewigē
finsterunssenn darben. wem dise saytten
nit klingen noch dise styh lautten. d' wirt
darzu kumen. daz er keiner freud ymmer
mer bedarff warten. welchē mensche die
sybē flammē nit erwermen noch lebēdig
machē. der ist in allem guttē kalt. vñ wirt
in dem ewigen tod beleibē. Darūb d'
mensch bitt den milte herre. vmb d' sybē
schmerzen willē. von den vorgemelt ist.
das er sich mit den sybē glentzen wōll
erfrewen. als mit dem glantz der liebe d'
verzeihūg. der liebe der verbintnus oder
vereinigung. der liebe der begabung. der li-
be der darsetzūg. d' liebe der zuziehung.
der liebe der volbringūg. der liebe der zu-
führung. Dise syben liebe sind also wund-
perlich. vbertreffenlich. das sy nyemant
gnugsamlich beschreiben noch auf lege-
mag.

Von der sibenfeltigen liebe cristi

Von der ersten liebe.

Die erst ist ein liebe runderberlich
 der verzeihung. als der herr so gar
 vñ grund seins hertzen seinen peinigern
 vñ creützigern. nit allein alles das. das
 sy wider in gethan hetten vñ tetten ver
 gebē hat. sunder er hat auch seinen hym
 lischē vatter so getreulichē für sie gebet
 tē. Wer künd dise lieb ymmer mer gnug
 wegen. wā man die vmbsteend ansehen
 will. wer. für wen. war für. vñ in wellich
 er zeit. in welchem wercē. wie. vñ wē. d
 herr ihesus gebetten hab. Ye mer mā si
 sen vmbstendē nach gedechte. ye mer mā
 sich zeuerröndern het. Doch so sölhe vñ
 steend hin vñ her in disem büchlein ge
 meldt werdē. so sey es hie gnug erinnert
 das das verzeihen nymmer schwerer an
 kumpt. dē wē der mensch yetz. das. dz
 im wee tut. leidet von dem veind. Es ist
 vor vñ nach nit also schwer. Denn es be
 schiht vil menschen. die vor dem leyden
 gar kün sind. vñ mainen sie wolten gar
 grosse ding leiden. vñ senfftinütiglich
 dulden. vñ verzeihen vmb gottes willē.
 So es aber an die riemenn geet. so wirt
 oft das gemütt verwädelt. Es ist nym
 mer geringer frūe auff zesteen. dē des
 abends ee mā sich nyder legt. Es ist nym
 mer besser vastē. dē so mā wol zenacht
 geessen hat. Es ist nymmer besser zedif
 putiern. vñ hefftiglich zereden. dē so
 mā die hat. die nit antwortē oder wider
 sprechen künden. Es ist nymmer besser
 fechten. denn so nyemant ist. der sich we
 ret. Also ist die gedult nymmer leichter.
 denn so mā vñs eret vñ freuntlich tut.
 die weyl ein ding nit wee thut. so ist es
 auch besser zedulden. dē so es beyssen
 wirt. Das. dz erlitten vñ vberwunden
 ist. das ist auch leichter zeuerverzeihen. dē

dz gegenwertiglich wee thut. Vñ
 hat mā dem herrē ober die maß ynnigk
 lich bitterlich wee thā. vñ auß verdach
 tē mut wölken wee thūn. vñ doch nit vñ
 straff od besserig willen. sund auß neid
 vñ haf. C auß den man in auch gern zu
 dē ewigen wee. vñ verdāpnus geprachte
 het. Vñ söllicher neyd vñ haf ist auß
 bosheit entsprungen. welhe bosheit die
 guttat der guttheit nit schē noch gedul
 den mocht. Vñ also ist der herre vñ den
 falschen verkerten. vñ boshaftigen iu
 den. nach vnzlichen guttatē vmb seiner
 guttheit willē genyden. vñ gehasset. vñ
 auß söllichem haf gequetet. vñ so yemer
 lichen gepeniget worden. Vñ die selb
 weil in dem selben artickel vñ punctē.
 in dē sy im seine allervnschuldigste. mil
 tiste. gütigste. glider zerdenet. zerrisse.
 durchlöchert. vñ angenagelt haben. od
 hetten. da im der schmerz. so bitterlich
 wee tett. hat er ynen dz vnauffprechlich
 vbel vñ vnrecht nit allein grüntlich ver
 zigen. sunder auch semen himlischē vat
 ter C der darū billich söl die werlt las
 sen vnttergeen C getreulich gebettē. das
 er das. inen verzeihen wolte. Vñ hat in
 zertlich bey dē namen der vätterligkeit.
 väterlicher liebe wölken erinnern. vñ sy
 darzu d sünd entschuldiget. da er sprach.
 Vatter verzeihe inen. wā sy wissen nit
 was sy thun. Als ob er sprechen wolt.
 Vatter. des ewiger sun ich bin. ich erma
 ne dich d endlosen liebe. die du vñ ewig
 keit zu mir hast. vñ ich zu dir. vergib yñ
 dise sünd. Ich hab sie inen verzigē mei
 er halb. verzeih du ynen auch. Dann ob
 die sünd. die sy an mir thun. all and sünd
 die sy ye wider dich gethan haben. vber
 trifft. deshalbē. das du ine kein grösser
 guttheit ye be wisen. dē dz du mich yñ
 M ij

Vō der sibenfeltigen liebe cristi

zu einem erlöser vnd heilmacher gesandt
hast. vnd sy sind dir desselben so vndäck
ber. das sy souil vñler an mir. vnd an dir
thun. souil ich inen mer guts in deinē na
men gethan hab. So versteeen sy doch dz
nit so weyt. sy wissen nit wer ich bin. Die
erkenne auß irer plintheit nit. dz ich dein
eingeborner sun bin. sunst hette sie mich
nit an dise stat gebracht. auß vnserm ewi
gen rate ist es gehengt worden. daz inen
vō dē feind menschlichs geschlechts. die
augē des gemütes verdeckt sind worde.
dz sy die heymlichen sacramēt des glau
bens d̄ d̄ineltigkeit vñ meiner ewigē ge
burt. vñ der zeytlichen menschwörung.
vñ diß meins gegenwertigen leidens in
d̄ geschrifft verborge. nit merkten. auff
das. das ein ewiger rat vnd will vō men
schlicher erlösung durch mein leidē vol
bracht würd. Darumb verzeyhe es inen
milter vatter. vmb meiner liebe willen.

Von der andern liebe.

Die ander liebe. die in den feürigē
worten vnseren herren an dē creütz
lohet. vnd leuchtet. ist die liebe wunder
berlicher zusamen knüpfung verbunt
nus. vñ vereinigung der gemütt seier lieb
haber gegen einander. den er gleich als
mütterlich begird vñnd liebe vñnd kint
lich zucht. vñ ere gegē einander eingibt
vñ trücket. Das bedeutet ist bey den wor
ten. mit den er sein werde mutter vñ sant
iohānsen. einander. als ein mutter vñ sun
empholhen hat. In welcher emphelung
nit allein zumercke ist. was der herre da
zumal gegewertiglich gewürkt hat. sun
der auch was er gegen den nachkünsti
gē hat wille würckē vñ bedēntē. Wan
bey sant iohānsen c̄ der als vil gesproch
ist. als des herren gnad oder des herren
barmhertzigkeit. oder yn dem die gnad

des herren ist. d̄ mag ein yeglicher men
sch. dem gott der herr gnedig vnd barm
hertzig will sein. bedēntet werden. Johā
na ist auch als vil. als der barmhertzig
herr od̄ des herre gab. Darumb ein yeg
licher. der d̄ gnad gottes durch den glau
bē vnd die sacrament teilhaftig ist wor
den. d̄ ist bey sant iohāns bedēnt. Street
der selb bey dem creütz des herren. das
ist. hat er das leiden cristi vor seinen au
gen. das er die creützigung des herren in
seiner gedenccken vnd in seinem gemütt
treget. so verdient er durch dasselb. dz er
als ein sander sun der iunckfrawen ma
rie. vnd ein pruder vnseren herren. vñ des
halb ein kind gottes des himlischen wa
ters wirdt. Der vrsach halben leg ich
hie zu. das auch mit danckbarkeit zube
dencke ist. das wir wissen was zugehör
ung wir zu der mutter gottes haben. Ist
wol zemercke das wir. nach dem als wir
cristen seyen. war kinder der iunckfrawē
marie sind. Zum ersten deshalbe dz wir
auß irem plut geboze sind. wan wir sind
in dem cristenlichen tauff c̄ als vor in di
sem büchlei gemeldt ist. d̄ auß dem plut.
das auß dem hertzen cristi geflossen ist.
das yn dem sacrament des wassers des
taufes würckē. vñ in dem wasser. dz auß
seiner seytten gerunnen ist. vnd auß dem
heyligen geist. der ewiglich von ym auß
geet. vñ doch in im bleibt. in die göttlich
en kintheit. vnd das wesen der gnadē ge
born. vñ also sind wir ye kinder cristi. Vñ
so nun das plut cristi materlich vñnd vñ
sprünglich das plut. oder von dem plut
der iunckfrawen marie ist. so volgt auß
disem vō nott. dz maria vnser mutter ist.
Zum andern so sind wir kinder d̄ iunck
frawen marie. vmb des todes willenn irs
suns. den so wir c̄ als berūt ist d̄ kinder

Was maria vnser ware muter ist

cristi. als auß seine plut geborn sind. vnd cristus ist ein warer natürlicher sun. Der iunckfrawen marie. nit auß krafft der natur fürderlich. C als wir kinder vnserer eltern sind D sunder auß gnadenreicher würckung des heyligen geistes. vnd Deshalb das sein leib von dem leib der iunckfrawen ist. vnd so wir sind seine kinder. vnd er ist gestorben. wem sind wir denn behyben. denn seiner mutter nach seinem tod. vñ die yn vberlebt hat. allermeist. so er auff der erdē keinen andern vatter gehabt hat. vñ wir kein andere mutter. den sein hertz. du wöllest den spreche. dz die heylig mutter die kirch. oder die cristenheit. die sein gespös oder praut. vñ haupfraw genennt wirt. durch die er vns gepirt. vnser muter sey. Aber dasselb hymndert dise meinung gantz nichts. Dan so die selb heylig kirch. also sein gespös ist. das sy auch ist sein tochter. vnd auß dem selben vrsprung. auß dem ire kinder sind so hinder sy die zugehörung nichts. sunnder sy meret die mer. Vber das bedenck das die iunckfraw maria in der zeit des todes ires suns die person der gantzē heiligen kirchen getragen hat. so der recht glaub in ir. C als man spricht D allein beliben ist. Also ist sy ein einige mutter der gantzen cristenheit in mangerley weyse. also beleibt die meinung der mütterlichkeit der iunckfrawen marie gegen allen waren cristen. die kinder cristi vnd vñ im gemeint sind in seinem testament. Wen er hat sy gekennet vor irer geburt. vnd so er gestorben ist. vnd hat sein mutter lebē dig gelassen. vnd yn seinem tod ist auch sein haupfraw die samlung der glaubigen von der iüdischeit die vom glauben geuallen sind. oder die synagog vnd die alt ee geistlich gestorben. das ist. d krafft

oder des lebens. das durch den rechten glaubē ist beraubt wordē. das ein geistlich sterben mag genent werden. so sind seine kind yn die pflegnus seiner mutter kumen. allermeist auß seiner empfelhūg die krefftiger ist. denn aller keyser gesetz oder recht mügen sein. so er d herr aller herrē ist x. Vñ also sind wir auch nach keyserlichen rechten erben d iunckfrawen marie wordē. Vñ wiewol durch ettlich keyserliche recht. eigentlicher angezeigt werden mag. das wir der iunckfrawē marie erb seyen. denn das wir sy erben soltē so sind sy doch beide war. Dann nach dē als wir ires Kindes kind sind. so sie denn ine erbet nach seinem tod. Deshalbē das er gestorbe ist. vñ wir sind lāg nach seinem tod erst geboren wordē. so erben wir sie nach yrem tod als Kindes kind. d eltern tod sind. Aber nach dem als wir knecht vñ eigē sind ires suns. so sind wir durch dē tod des suns ir wordē. vñ sie ist nach den keyserliche rechte ein erbe wordē aller güter ires suns. Doch möcht yemāt spreche. Was güter hat cristus gehabt C der da sprach zu dem. d im nachuolge wolt Mathei am achtenden capitel. Die fuchs habē hōle. vñ die vogel nester. aber des menschē sun hat nit. da er sein handt hin neyge D das du die keyserlichenn erbrecht her für zeihst. Was ist im vber beliben. d ploß vnd nackend an das creütz geschlagē ist wordē. vnd die trabantē haben seine cleyder vnter sich geteilt. vnd einer hat den andern seinen rock mit spilen abgewunnen. Darüß er sprich ich. dz sant pauls meldet zu denē von Chorintho. an dē achten capitel der andern episteln. dz d herre C da er reich was D für vns arm ist wordenn. das wir durch sei armut reich würdē. Da spricht

Das maria vnser

Die glos. Daz dz zu mercken ist. Das er nit spricht. Da er reich was gewesen. Da ist er arm worden. Sunder. Da er reich was. Dan er hat also die armut an sich gemine. Dz er die reichthümer mit verlassen hat. Er ist außwändig arm gewesen. ynwändig reich. Außwendig offenerlichen arm nach d mēschheit. aber inwändig verboragner reich er gott. Vñ da er sich arm gemacht hat. Da hat er vns reich gemacht. Daz ist die meinung d glos. Also sprich ich. sei armut ist vnser reichthumb. Darum ye ermer er vō himmen gescheide ist. ye grösser reichthumb er vns hinder im gelassen hat. In welchen in sein mutter zum ersten gleich als gentslich allein geerbt hat. vnd darnach erbte ire kind vñ erbē. vñ werden erben. Die sy teglich gewint von yres suns plut. So aber dise erbschaft i geistliche gütern steet. Die in sunderheit in dē gewalt cristi steen. vñ mügen vō nyemāt gegebē werde. den vō im. vnd wem er gibt dem mag die nyemāt wid seine willē nemen. so sind sie keyserlichen rechten nit vntterworffen. Darum zeüht mā keyserliche recht in sölliche sache allein. zu ein er gleichnus. vñ zu einem argumēt oder bewerung an. wan die keyserlichen recht. schlagen vil nachgebornē freunden das recht zuerben ab. auff das. daz die aller nehte allermeist in der absteigendē linien nit beraubt werde. od abgepruck ley dē in irer nottdürfftigkeit. Aber in geystlichen ynnern gütern. C Die souil besser sind. als vil sy vō merē vñ merē besessen werden. vñ werden nit gemyndert durch die mēge d besitzer C ist es ein anders. Dz ich nun dise meinung beschlies. Es ist gewis vñ offenbar. Dz das gewöhheit ist. wen kinder sterben. die vnerzogne kleine kind lassen. vñ habē noch vatter vñ mut-

ter od ir eis. vñ sunst nyemāts dz die mit sei ire anherrē C sind sy vorhādē C heim gedeyhen. vñ die anherrē habē die nutzang vñ prauchung d güter d selben kind. ob auch die herschaft söllicher güter d kindern behalten sol sein zc. So nun der herr ihesus gestorbe ist an dē creütz. vnd hat kinder C die iugern. vñ ander die in geglaubt habē C vnerzoge. vñ gantz vn uolkmen gelassen. vñ weder prūd noch Schwester. den allein sein liebe muter die im C nach menschlicher art zerechnen. C für vatter vnd muter auff diser erdē wz gewesen. gehabt. so volgt darauß. Das sei kind. die in im selbs nit bestee mochten. ir heim gedihen sind. Vnd laß dich nit bekümmern. Dz ich obē gesprochē hab. Das wir ire kind. lang nach dem tod ires kinds geborn sind worden. vñ hie hab ich gesprochen. Das der herr vnerzoge kind gelassen hab. Denn ich red vō andern vñ andern kindern. Die kind. die lāg nach seinem tod geborn sind. sind alle die. die nach dem. als der herre zu himel gefare ist. vnd den heiligen geyst an dem pfingstag gesendē hat. erst zum glauben kumen sind. Die vnerzogne kind sind die iugern cristi gewesen. die zu der zeit des leidens cristi in zweiflung des glaubens gefallenn sind. Die auch hernach tod genent werden. Darüb das sie nach dē tod cristi gantz in vnglauben gefallen sind. vnd also gantz. Das sy durch vil zeichen kaum zum glauben gebracht würdē. Also verstee söllich red nach vntterscheid d meinung. Denn wilt du von natürlichen kindern reden. als Salomō dauids sun gewesen ist. so hat cristus wed kind noch kinds kind. als er sie auch vō grossen hōhē sache wegē nit sölit habē. Wilt du vō geistliche zugenūnen kindern red habē.

so hat er vnzliche vntter den die zwelff
pottē die ersten warē. V lach welher wei
se auch sein werde muter sein kind was.
vnd der würdigkeit vñ des glaubens halb
sein erst geborn. als in ir person auch auß
gelegt wirdet. Das in dem buch ihesu sy
rachs sun steet. in dem vieründzwintzigi
stē capitel. Ich bin auß dem mund des
allersobersten außgange. die erst gebo
rne. Darzu heist mā auch das sy getaufft
sey worden. als d vest lerer meister reich
ardus de media villa schreibt. ober d v
erd buch des meisters vō den hohē syn
nen. in dem vierden vntter scheid. yn der
dritten frag des andern artickeles. Vnd
also ist sy ires Kindes kind. vñ ist auch ge
born vō seine hertze. vñ vō seinem geyst.
Den sie vō dē heilige geist. vñ auß tuged
ires kētschen hertzen empfangen vñ ge
porn hat.

Das wir zugewünschte kinder d iuck
frawen marie vō cristo an dem creütz ge
geben vnd erben gesetzt sind.

Dum dritten sind wir zu gegeben
kinder der iuckfrawen marie vnt
ter dem creütz wordē. Durch den gewalt
des herre. des wort ein werck ist. Wan
er ist d wort. durch d alle ding worden
sind. des wort vñ benedeyng krefftiger
sind. Denn all beschaffen natur. so auch
die natur vō im worden ist. vnd durch yn
auffenthaltē. vñ vō im. wenn er will ver
wandelt wirt. als sant ambrosius spricht
De conse. dis. ii. Reuera. So nun mensch
licher gewalt. den. den die natur kind ver
sagt hat durch die geperung. kinder mag
geben durch die zuwünschung oder zu
erschung. als wir in den menschliche ge
setzen habē. wie vil mer mag d her al
ler herre got selbs thun. In dē keyserlich
en rechten. C. de adoptionibus. l. Impu

berem. steet also. den knabē oder d z iung
kind. d du an statt eins natürliche Kindes
begerst zugewünsche. wirst du zu ein
em sun haben. Denn die zuerschung. die
auß erlaubung des fürsten beschibet. ist
so krefftig. als ob sy nach altē recht durch
das volk beschehen wer. Aber accursius
spricht da. ia vil mer. Item in dem gesetz
das anseht. Cum in adoptiuus. spricht
der keyser Justinianus. Wa der mensch
seins rechtens gesetzt. vñ der sein selbs
geweltig ist. auß keyserlicher verleyhūg
sich durch die zuheischung yn die zuwū
schung gibt. so sol er alle recht des zuwū
schenden vaters vnberürt od vnuerruckt
vnuersert vnd vnuerhindert haben. Daz
ist ein guts stücklein für die. die sich wil
liglich cristo ergeben. als die heyligen
zwelffpotten gethan haben. vnd nun yr
nachvolger thun.

Dz vnser erb schafft ist ein geschefft
vnser herren. das durch seinen tod be
stetiget ist.

Das aber Diocetianus vnd maximi
anus sprechen in dem gesetz. Ar
rogaciones. d die zuheischung. der die
ires gewalts seyen. mit beschehen mügen.
Denn durch erlaubung oder gewalt des
fürsten. das ist des keyfers. hat vns der
hymlich keyser cristus gewalt vñd vñ
laub in geschriffte geben. Aber sein eigne
zarte haut. ist die haut oder das permēt.
vnd sein heilige rosenuarbs plut. die tint
gewesen. Wen aber bedünckte. das di
se kart oder haut cācelliert vñ durchstos
chen sey. zu einem zeichen. das sie nichts
dauge. der wise. so der teüfel das gethā
hat durch sein knecht. das er alles das in
disem brieff. Ja yn dysem buch des le
bens von göttlichenn glübt nussenn vñd
gnaden stünd. möcht. fellschen. so hat er
M iij

Was maria vnser

alle seine recht gefelscht vñ getilget. die er wider den menschen hett. vnd hat die recht des menschlichen geschlechts wid sich vber seinen willen bestetiget. Wen daz er zu krenckung des gutte gethā hat. dz hat gott zu vestigung desselbe gewēdt. Also sind vns die runden vnser herren worden. zu insigeln der bestetigung alles gutte. dz vns gott der vatter durch de sun gebe wil. Vñ hat darzu seine heiligen geist. zu einem pfand. vñ zu einem zeugen geben. dz die glaubigē cristi gottes kinder sind. als d heilig zwelfpot sat pauls spucht zu den rōmern yn de achte capitel. Ir habt mit den geist d knecht. aber in d forcht empfangē. sund ir habe den geist der zuwünschung d kinder gottes. in dem wir schreyē abba vatter. wā der geist gibt zeigēnus vnserm geist. dz wir kinder gottes seye. Sind wir den kinder. so sind wir auch erben. erbē sind wir gottes. aber mit erbē cristi. Also sind wir durch die ordnung vnd dz geschafft cristi seiner muter zu zugewünste kindern gegeben wordē. durch dz wort. daz er zu ir vō einem peglichen sun der gnade. in der person sat iohāsen bedeutet. gesprochen hat. Sih an dein sun. das ist. der sol dein sun sein zc.

Dz wir dardurch auch kinder d iuckfrawen marie sind wordē. dz sich ir warer sun für vns gegeben hat. vnd ist ir darumb gestorbe. dz wir ir geboren wurden.

Das vierd. durch das die muter cristi vnser mutter ist wordē. ist das. das sich ir warer natürlicher sun. vnser herr ihesus cristus für vns gegeben. vnd mit dem selben. vns gekauft. vñ mit ym selbs ir gar teur vñ werd vñ hohgeschetzt. gemacht vñ enpfolhe hat. Den so cristus werder vñ würdiger ist den die gätz

werlt vñ alles dz darinne ist. Ja tausent werlt vñ tausent mal tausent. od das ich bedeutlicher rede vnzelich werlt. möchtē cristo mit gleich wegen. vnd der teufel hat den menschen vmb einen apffel gekauft. Sih ob er mit dreier öpfel wert sey. sih ob all öpfel der werlt des menschlichen geschlechts den halben teil wert möchtē sein. Sih ob der mensch mit vber den halbē teil seins werds. is mer den er ymmer begreifen mag. betrogē sey worden. So er aber in den kauft williglich getreten ist. vnd vmb ein söllich schndō gelt. gott seine herrē vbergebē hat. so ist er gar pillich ein weil verlassen worden. vntter dem dienst vñ gewalte. des. dem er sich verkaufft hett. Aber so der herr sich selbs vmb i gegeben hat. d nit alle alle öpfel. sund alle engel on alle vergleichnus vbertrifft. vñ hat also mer für yn gegeben. denn er sich verkaufft hett. ia mer auch denn er werd was. vñ die iuckfraw maria het auch nach dem wille ires suns darein verwilliget. so hat er mit im selbs vnzelich sū gekauft. Also sind alle die. vmb die. vnd für die. er sich gegeben hat. der iuckfrawen kinder worden. Sant pauls spricht in dem sechsten capitel. der erste epistel zu de Chorinthiern. Ir seyt vmb ein grobe ware gekauft. erent vnd tragēt gott in ewem leib. Wz die grob teur ware sey. das legt sant peter auf. in dem ersten capitel seiner ersten episteln. da er spricht. Vñ mit zerstörlichem od verwesenlichem gold oder silber seit ir er löset zc. sunder mit dem kostbarenn plut christi zc. Auff ein söllich meinig möcht man miltiglich die wort vnser herren. nach eier figurliche verstēnus ziehe. die ersprach zu seiner muter. sih an dein sun. Wā so mā auch dasselb wort zeucht auf

Die meinung. Die ich sagen will. so hat mā an dem andern dannoch gnug für den schriftlichen syn. Seyt das. das die art der ding. der eins gegē dem andern gesprochen wirt. ist. dz eins. dz ander gnug samliche in im beschleüßet. ob auch das ander nit mit wortē aufgesprochē wirt. Als wenn dir d̄ keyser einen eignen man gebe. vñ sprech. d̄ sol dein eygen. oder dei knecht sein. Es wer nit nott. dz er dar zu sprech. vñ du solt sein herr sein. denn es wer gnug in dē einen beschloffen. er sprech. welchs er wolt. du solt sein herr. oder er soll dein knecht sein. so wer es an der eigin gnug. er bedorfft das annder nit sprechen. wan es beschleüßet ein pedes dz ander in im. Vñ desselbē gleichen. weñ er sprech auf meinung. dir einen zugewinste. ob einen zugeanschten sun zugeben. diser sol dein sun sein. od sprech. du solt sein vatter sein. so wer es nit nott das er dz ander sprech. so eins dz and in im be greiffet. vñ kan on dasselb nit sein. Also so vnser herre zu sat iohānsen gesprochen hat. Siß an dein muter. dar mit er souil hat wöllen zeuersteen geben. das er sein mutter die iuncelrawē maria solt zu ein er mutter. vñ für ein mutter habē. vñ sie im lassen empfolhen sein. vñ ir aufwartēten vñ dienen. als seiner eignen muter. vñ so er sy im also zu einer muter gabe. so volgt auch hernach. dz er ine ir zu einē sū gab. vñ bedorfft keiner sundern auf sprechung. den zu einer ernstlichen meinung.

Wie ein lieplichs zusprechen yn dem wort. dz vnser herre zu seiner mutter von dem creütze sprach. beschloffen ist.

Darumb so die gantz meinung diser zweyer wörter gnug in einem be griffen ist. wiewol sie beid auch nach dē

büchstabe ir verstentnis habē auff sant iohānsen. So mag man doch bester frey licher nach einer geystlichen meinung. das ein auff cristum ziehen. Als ob der herr spreche wolt mit dem wort. Siß an dein sun. Siß an. mein allerliebste mutter. was ich dein sun leide. vñ der menschen wil len. Siß an. wie ich ein einiger sun dein als einer einigen muter mich für die sūn der gib. das ich sy dir kauffen müg. Siß an. wie ich dei einiger sun heit stirbe. dz dir zu künfftigen zeitten vil tausent sūn geborn werde. Darüb verkürst du mich heit. dz du vnzellich vil kinder finde mit gest. Darum weinest du heit vber einen sun. das du vñ vnzellich tausent sūnen erfreut werdest. dir wirt einer vntterzoge dz dir vber vil tausent malē tausent für einē gegebē werde. Darum solt du dich mit d̄ menig des gewins wid die größe deines lads tröste. Deine wort. die du auf freud des heilige geistes redest. da du mich newlich yn deinem heiligen leib empfangē trugst. da du sprachest zu sat iohānsen mutter. Siß an. auf dē werden mich alle geschlecht selig sagē. die sülle nymer hinter sich getribe werde. Wann du solt mich heit nit also verliere. dz du mich nymer werdest habē sunder du solt mich mit einē vnshetzerlichen wucher bald wid enpfahē. diser tod sol ons nit lāg scheydē. dz lebē dz ich wesenlich bin sol ons schier widzusamē fügē. Ein cleie zeit sol dei clag werē. darnach sol deiner freud lei end werde. Mein tod sol dich nit lāg betrübē. aber mei lebē sol dei müt terlichs hertz. in hohē freudē ewiglich vbe. d̄ tod sol sich vber dich. die du dz le bē geborē hast. mit lāg freuē. vnser feid sol noch ir sig mit ein wenig werde rewē. Nit gätz zwē tag sol dei kumer beleibe.

Mein schnelle vñsted sol allē vnmut gar
vō dir nemen. Aber mein allerliebste mu-
ter gedēck dīs deies groſſe laids ewigē
lich. vñ bis den für die ich leyde gūnstig
vñ schnell berait. Gedēck der sundern
groſſen liebe. die ich gehabt hab zu dir.
laß dir zu hertzen geen d̄z groſſ leide. vñ
den herten tod. den ich leyd für sie. Vñ
wenn sy vmb gnad schreyen werdenn zu
mir. so bis ir fürsprecherin. vñ stee ynē
bey. als ein muter dort vñ hie. Gedēck
allweg d̄z ich für sy gestorben bin. vñ als
lieb ich dir bin. also getreulich laß sy dir
empfolhen sein. vñ stee allen betrübten
cristen bey. Die ich dir nun alle zu kīdē
hab wōllen gebē. d̄z inen mein tod diene
zu ewiger seligkēpt. Ye mer du heit an
mir für sy gibst. ye mer da ir muter bley-
bst. Dāñ ye kostberer vñ teurer mei plut
vñ leben ist. ye mer du ir muter vñ besitz-
erin bist. vñ nyemāt mag dir absprechen.
Das du so teur bezahlt hast. vñ besund laß
dir die enpfolhenn sein. die da anrūffen
mein leiden. die bey dīsem sant iohānsen
bedeut werden. d̄z die selben nit ewigē
lich verderbē. sunder wie sy sich mit vns
bekūmern. auff der erden. d̄z sy also in dē
himel seld vñ freud erwerben. Sih dein
yniglichs weinen. vñ mein miltes plut
uergiessen an. vñ lasse sie nit ewiglich
verloren werden. so dir ein kurtz scheidē
vō meiner mēschlichen beywonūg so bit-
terlichen wee tut. so halt sie milte muter
in trewer hut. d̄z sie nit vō vns gescheidē
werden. Vñ ym vil hundert vber tausent
iar für zwen tag. d̄z deinem schaden be-
schehe ein widergeltig. Samelsters kīn-
der auff der erden. d̄z dīser gepūch wid-
gepraecht vñ wol erfüllt werd.

Das maria vilfeltiglich vnser mut-
ter ist.

a Also hast du. Das die muter vnser
herren ihesu cristi dreyerley sach
halb vnser mutter ist. vñ mer vñ eygent-
licher. Denn eine durch die zuwūnschung
oder zuersching mag ein mutter werde.
Denn sy ist vnser muter. Deshalben. Das
sy der herr selbs C des wort krefftiger
ist. denn alle creatur C vns zu einer mut-
ter gegeben hat. vñ gleich in testaments
weyse d̄z nach menschlichen gesetzen be-
werter vñ vester ist. denn ander gab oder
ordnung. Vñ nach göttlichem gesetz
spricht auch der psalmist in dem zehend
vñ hūdersten psalmen. Der herr wirt in
die werlt seins tastamēts angedēck sein
vñ er hat sein testament in die ewigkēit
gebotten. Das aber d̄z in testamēts wei-
se beschēhen sey. d̄z schreibt sant ambro-
sius vber dīse wort. nymē war dein sun x
vñ spricht. Der herr machet ein testamēt
von dem creütze. vñ teyle die empter der
miltigkēit vntter die mutter. vñ den iung-
er. Der herr C spricht er C macht nit al-
lein offēnlichs. sund auch ein heilichs
oder heymlichs testament. vñ d̄s selb
sein testament hat sant iohannes zeuer-
steen geben. der ein würdiger zeug gewe-
sen ist. eins sölhen geschēfftigers. Das
testament ist ein guts testamēt gewesen
nit des gelts. sunder des ewigen lebens
das nit mit tinten geschriben ist wordē.
sunder durch den geyst des lebendigē
gottes.

Die and sach d̄ halbē maria vnser mut-
ter ist. d̄z sie iren sūn vmb vns gebē hat.
Vñ andē mal ist sy vnser muter.
vmb des willē. d̄z sich ir warer na-
türlicher einiger sun. d̄ leis andē mēschē
sun ist. den ir. an dē lei mā teil hat C so sy
in andē kindern dē fürderlichern teil ha-
bē C hat für vns gegeben. d̄z er vns ir zu

Kindern kauften. Vñ so dz mit irem willē
beschehen ist. C denn ir will ist nit wider
den willen des vatters noch des suns ge
wesen. Der vatter hat den sun für vns ge
geben. Spricht sant pauls zu dē romern
in dem achtē capitel. So hatt sich d sun
selb gegeben. als sant peter spricht yn dē
andern capitel seiner erstē episteln. vñ d
herr selbs. hin vñ her in dem ewangelio.
also so ir will allweg gleichförmig ist ge
wesen. dē willen gottes. so hat sy auch
in dē kauff C wie wee es ir gethan hat. C
verwilliget. vñ also vns teur gekauft.
Vñ woz eins kauft. dz ist sein. allermeist
wenn es dz sein darumb gibt. Vnd wer
zweifelt dar an. der sun sey ir gewesenn.
den ir got. der ein herr aller ding vñ sein
selbs auch geweltig ist. gegeben hat. Vñ
wer möcht also warlich sprechē. als ma
ria. der herr ist mein erbeit. Vñ aber
eins. du bist mein teil. vñ d man singt die
wort des herrē C als oben gemeldt ist. C
den allerbestē teyl hat maria erbeit. vñ d
mā wol mag sprechē nach origenis mein
ung. Sie hat wol den besten teil erbeit.
wan sie hat den herrē erbeit. der so mit
ist. das er sich einem yeglichen soult mer
vñ mer gibt. soult es mer vñ mer all ande
re ding vñ seinē willen vbergibt. Das
kein mensch ye vollcomelicher gethā hat.
San maria. darū hat sich d herre ye kei
em menschem. also gantz gegeben. als ir.
darū so er ir gewesen ist. vñ sie hat in
vñ vns gegeben. so volgt von nort dar
aus. das wir yr seyen.

Das dyser kauff nit mag hinder sich
getriben werden.

Der kauff mag nit hinder sich getri
ben werden. denn sy hat weyt mer
für vns vñ vñ vns gegeben. denn wir
werdt sein gewesen. Wir sind eygen ge

wesen. sie hat einen freyen vñ vns ge
geben. Wir sind sündler gewesen. sie hat
einen gerechtē vñ vns gebē. Wir sind
schuldig gewesen. vñ hettē den tod mit
vbelstatt verschult. sie hat einen vñschul
digen für vns gegeben. Wir sind knecht
gewesen. sie hat einen herrē vñ vns ge
ben. vñ den herren aller herrē. Wir sind
creaturen gewesen. sie hat den schöpfer
vñ vns geben. Wir sind arme mēschen
gewesen. sie hat den reichē got vñ vns
geben. darū mag der teufel kein recht
oder zuspruch haben. dz im zu kurtz sey
beschehen. Sprichst du denn. dz d kauff
mit willen des verkauffers sol beschē.
vñ es sey des teufels meynung nit gewe
sen. das er die selen vñ die mēschē als
so verkauffen wolt. so antwort ich. Er hat
dz gelt gar gern genūmē. vñ gar schnell
vñ geringlich zu im gezogen. vñ im das
glätzend gold der lauterē mēschheit vñ
der weysen reyen sel cristi also wolgefal
len. dz sich der alt bößlistig narz vngern
bedacht hett. ob er es auch doch tūn solt.
oder nit.

Wie der tausentlistig feind in seinen
listen ist betrogen worden. darumb man
gott dem herren danken sol.

Sprichst du. Er ist betrogen wor
den der vnseelig. Er hat sein sel ge
nūmen. vñ vil hunderttausent verlore.
vñ hat darzu die selben. nach der im als
so gabe vñ not was. auch nit behalten.
Ich sprich. Gelobt vñ gebenedeyet
sey got ymmer ewiglich. der die listigen
C als obē bewert ist. C in iren aignē listē
begreift vñ feht. Warū hat er sich der
sel cristi vnterwōdē. so er doch nichts an
ir gefundē hat. dz im zugestādē ist. als d
herr die selbē zeit. die weil i d teufel nach
stelte. sprach Johānis. an dē xiiii. capitel.

Was maria vnser

Der fürst d'fser werlt kumpt vnd findt.
oder hat nichts an mir. Warumb sahe
sich der tausentlistig alt drack nit für. als
lernerst. so er gewarnet ward von d' hell.
als mā lisset in dem büchlein der geschich-
ten des behalters. die der gross keyser
Theodosius 2c. gefunden hat. Aber ym
was also gahe auff disen iarmärck. Das
er kaum der zeit erwartē mocht. Die wa-
re was gutt. ires gleichen was vō anbe-
gym der werlt nye auff die han kumen.
Das verfür den geyttigē plurdurstigē
hellhund. der des pluts der armen selen
nit satt kan werde. C Barmhertzige go-
tes muter behüt die. dy dei kind mit sein-
em rosenfarbē plut erlöset hat. vor ym. C
Die vnsegluche kostperkeit der ware ver-
leckert yne. Das er die. dy es im widerrie-
ten. verachtet. vnd nit hört. Die geyttig-
keit verplendt ym. Das er seinen schaden
nit fürsehen mocht. Darüber gott gebe
nedeyt sey. der die armen also ledig ge-
macht hat. von dem das vnser herre sich
also für vns gegeben hat. Daz wir seiner
muter vnd auch seines himlischē vaters
kinder. vnd also sein brüder würdē. mag
mā verstee d' d' heilig sant pauls spricht
zu den hebreyschen in dem andern capi-
tel. Es was gebürlich. daz der. vmb d'fss
willen. vnd durch den alle ding sind. vnd
der vil sūn oder kinder zu eren zugefür-
t oder zugebracht hett. D' er. der ein sach
oder finder yres heiles wer. durch d' lei-
den volbracht würd. Als ob er wolt spre-
chē. Es was billich das der. der gott dē
vatter vnd seiner mutter zuerem vil sūn
solt gewinnen. oder zufürē. für sye stürb
das sy seinem vatter vñ seiner muter ge-
boren würden 2c.

Von der dritten sach durch die wir
kinder der mütter gottes synd wordenn

vnd von der vierden vñ vil andern sachs-
en. durch die wir ir vnd sy vns zugehört.
C **D**um dritten ist maria vnser mut-
ter wordenn. durch das. das wir
aufs dem plut ires kinds. das ir plut ist.
vñ auß seinem hertzen vō seinem fleisch
vnd auß seinem geist geborn sind. Vnd
wer wayß nit C er sey denn in der gesch-
riff vngewiß C d'z kinds kinder als en-
kelyn. irer anherren od anfrawen kinder
nach gewonheit der heiligen geschriffte
genennet werden. vñ nit allein encklein
oder tiechter irer anherren oder anfraw-
en. sunder auch vriencklein oder vrtiech-
ter prer vranherren oder vranfrawē. vñ
also außhin biß in das hundertst vñ tau-
sentst geschlechte C sollte die werlt also
lang sten C d'chhalbē nit allein die indē
in der heilige geschriffte israhels kinder.
sunder auch alle menschē werde adams
kind genennt. Hierum so die criste men-
schen. kinder cristi C als die dy auß sein-
em plut vō seinem hertzen. vnd vō seinē
geist geborn sind C genennt vñ gehalten
werden. warumb soltē sie deñ nit kinder
der inckfrawen marie yn der warheit ge-
achtet werde. so cristus vō dem sie geyst-
lich geborn sind yr warer sun ist. Zu wel-
cher sach die auch für die vierden begeg-
net. das vnser herr vor seiner allerwerde-
sten muter gestorben ist. vnd hat weder
vatter noch anherrē. weder prüder noch
schwester. weder anfrawen noch ymāds
anders hind im gelassen dem seine kind
neher zu gehöretē. vñ billicher heim ge-
dißē. denn sein aller heiligste muter. So
hat sie in auch so lieb gehabt d'z sie seine
kind C die er so lieb het d'z er vmb irē wil-
len gestorben was. vnd het sie ir in seinē
tod bedeutlich yn d' person sant iohann-
sen als kind enpfolhē. C verachte mochte

Darüß volgt vō nōtt hernach. D̄ sie ires
suns kind must auffnemē als für ir eyge
ne. so sie nit mider millt vñ fürfichtig w̄z
denn d̄ heilig patriarch iacob. d̄ zu d̄ zeit
als er sterbē solt. seines suns sūn. das ist
manasses vñ effraim iosephs sūn. zu zu
gewünschte sūnē nā. so ir vatter noch dā
noch in d̄ lebē waz. wiewul meer hat ma
ria ires kindes kinder zu kindern genūmē
so er gestorben was. vñ sie sunst nymāts
bettē vñ d̄shalbē waisen warē wordē.
als Jeremias i irer person in seinem ges
bett spricht. Wir sind waisen worden on
einen vatter. vnser muter ist ein wittwe.
als hie vor vō disen dingē berürt ist. Di
se sachen vñ recht vnser zugeshōnig vñ
Eintheit zu d̄ muter gottes vnser herrē
ihesu cristi. hab ich wōllen berürn hie zu
erweckung vñ aufftreibung vnser begird.
andacht. liebe vñ zuuersicht. die wir bil
lich zu der mutter vnser herrē habē sol
len. vñ sie nit ansehen oð bedencken vñ
halten sōllen. als ein ferre oð fremde vō
vns. sunder als die. die vns neher ist. den
die. dy wir gar nahent haltē. Denn nit al
lein sind wir vō ir. sunder wir leben auch
vō ir. Siß an vnser leib vñ vnser sele ist
vō dem. der in yrem leib gelegē ist. vñ vō
yrem leib vnser leib an sich genūmē hat.
d̄ vō yre blut vñ fleisch vnser blut vñ flai
sch wordē ist. Auf seine gewalt vñ willē
ist vnser sele. auf seier muter vātern. sind
vnser vāter. vñ vāter vāter. vñ sie sind all
nach den selen zereden auf seinem willē
vñ gewalt. vñ nach den leyben von dem
leyb her. den er beschaffen hat. d̄ in seine
henden vō der erden blut vñ fleisch vñ
gepein ist wordē. Vñ ich red vō seinen
henden. als d̄ kōnig iob yn dem zehendē
capitel. vñ der psalmist yn dem achtzehē
den und hūderstē psalmē sprechen. Dein

Hand herr. Habe mich gemacht vñ gefor
miert zc. Darzu werde wir vō seine blut
getrenckt. vñ vō seinem fleisch gespeiset.
vñ wē wir sein fleisch nyessen vñ sein
heiligs blut trincken. so wirt dasselb nit
in vns verwandelt. sunder es verwandelt
vns in ine. Vñ so es vns in ine verwā
delt. der der iūckfrawē marie sun ist. war
ein verwandelt es vns āders dā in blut
vñ fleisch marie. vñ in ire kinder. yn irem
kind. vñ so wir ire kinder werdē. werdē
wir denn nit kind irer eltern zc. Also hast
du in maiguelstiger weise ei mutter an d̄
iūckfrawen maria. Vñ ob sy erhōht ist
vber die engel vñ ertzengel. vber krefft
vñ gewelt. vber fürstethumb vñ hersch
ung. vber die obersten chōr auch d̄ ober
ste engel. so sind wir vñ sie doch vrsprung
lich der leyb halbē. mer denn in dreyßig
leiben bey einander gelegē. In dem leib
des Hems seiner haupfrawē. vñ irer elt
tern. In dem leib des noes seiner haup
frawen vñ yrer eltern. In dem leib des
lamechs seier haupfrawē vñ yrer eltern
In d̄ leib matusalem seiner haupfrau
en vñ irer eltern. In d̄ leib enochs. der
noch sol leben in dem paradeis. wiewol
er vō adams zeitten her gelebt hat. vñ
ist wol vor tausent iaren vor der sintflut
in d̄ leben gewesen. d̄ seiner haupfraw
en vñ irer eltern. In dem leib iarechs. d̄
zweyundsechzig vñ neunhundert iar alt
ward. vñ seiner haupfrawen vñ irer elt
tern. In dem leib malalehels seier haup
frawen vñ irer eltern. In dem leib chay
nās seiner haupfrawen vñ irer eltern.
In dem leib enos vñ seiner haupfrawen
vñ irer eltern. In dem leib des seths vñ
seiner haupfrawen. die auch. als ich ge
denck. sein Schwester ist gewesen. In d̄
leib adams vñ seiner haupfrawē. die im
N

Von der sibenfeltigen liebe

Der mäterien halb des leibs neher zugehört hat. Denn wer sie sein tochter gewesen. Darum haben im alle seine kind neher zugehört. Den andern vatern ire kinder. So haben seine kinder auch an einander neher zugehört. Den andere geschwister. nach etlicher weyse. Und dz ich gesprochen hab. dz wir mit allein yn den leyben der benäten vatter. vñ irer hauptfrawen vnser mäter. sunder auch der eltern der selben beyeinander seyen gewesen. ob den die selbe eltern mit allweg an der vñ ander sind. zumoran in den öbern vñ vileicht auch in den vnttern. so sind ir vil doch ander. Das sprich ich darumb. Dañ es beschicht offft. Das eins vatter vñ mutter vñ einem geschlecht sind. Das alsermeist in den ersten eltern ist gewesen. Da die nahende freünd aneinand mustenemē. Den da adas kind aneinand namē. Da warē ire kind geschwister vñ geschwistergit kind. also wurde die grad d gesipt mit einēder vermēgt. aber so die selbe aneinader manigfaltiglich zugehörten. so gehöret sy aneinand neher zu. Darumb in etlicher weyse gehören yetz geschwistergit aneinader C nach d natur des vrsprungs der zugehörung zu rechnen d neher zu. wann sy sind yn vil hundert leiben vrsprünglich mit einand gewesen. Dañ vil zeschreibē wer. ich laß es yetz ansteen. Das ich in der fürderlichen mäterien nit gehindert werd.

Von der dritten liebe der milten begabung vñ ir sibnen vmbstenden.

Die dritt liebe. die in den wortern cristi scheint. ist die liebe d begabung. Wann vñ der liebe cristi werden alle gab. der gnaden vñ d glori d ewigen seligkeit der gläubigē mensche gegeben. Dife lieb laut in dem dritten wort. dz d

herz an dem creütz zu dem schecher gesprochen hat. für war sag ich dir. heüt wordst du mit mir sein in dem paradeis. In welchen Worten als ir sybne sind. syben vmbstend der milten begabung der wunderberlichen liebe cristi beschlossen werden. Zum ersten wirt die größe d gab beschlossen yn dem namen des paradeis. Das hebreisch eden heisset. i welchem namen. alles das. darauff vnser begird gericht ist. begriffen wirt. Wan es bedēut wollust. gezierd vñ reichthū. Bey der wollust werden die lüstlichen gütter. Bey der gezierd die erlichem. Bey den reichthūmen die nützen gütter verstandē. Die sind etliche ding lüstlich. aber nit erlich noch nütz. Etliche sind nütz aber nit lüstlich. noch erlich. etliche sind erlich vñ nütz. aber nit lüstlich zc. Essen vñ trinkē hülē vñ den begirdē des fleischs gnugthū. ist lüstlich. aber nit erlich noch nütz. Wuchern vñ auff setzlich nach dē gutt stellen. scheint nütz vñ gewilich sei. es ist aber nit erlich. Desselbe gleichē dz gutt sparen vñ zusamē halten. vñ das selb sparlich vñ karglich brauchē. scheint nütz sei. es ist aber weder erlich noch lüstlich. Hinwiderum. dz gut muttiglich angreifen. vñ miltiglich aufgeben. vñ reychlich brauchē. scheint erlich sein. es ist aber nit nütz. wen es vñ d werlt willen beschicht. Beschicht es aber den armenn vñ gottes willen. so scheint es nit lüstlich. Denn allein den tugethafftigē menschen. Aber die tugentlich vñg. als schwere ding angreiffē. vñ grosse ding thū vñ d gerechtigkeit willen. wißstand vñ durchhechtig leiden vñ d warheit willen. scheint nit lüstlich sei. Dēsgleichē vasten. wachē. wallē vñ d gleichē. wer weyß nit. ob dife ding dē mensche schō. nütz vñ vor

gott erlich sind. so sind sy doch nit lüst-
lich dem menschen. Darumb ob man die
auch tut. so tut mā sy doch gewölich nit
gern. sunder darū. dz mā die vō gebots
oder gelübtenus oder buß wegem muß
thun. Also sind die gutten ding yn diser
werlt geteilt. vñ widerinander. Daz man
eins geratten muß. so mā das ander has-
bē wil. Alar d nam des paradets. Eden
bedeut das vollkūmen gutt. da das gutt
alles beyeinander vñ vngeteylt. vñ gatz
ist. ein söllichs gutt hat der herr dē sche-
cher verheissen. Dz ander. dardurch
dise gab gegröffet wirt. ist die schnellig-
keit. wan es ist ein sprichwort. wer bald
gibt. der gibt zwirnet. dz ist souil gemeit.
Das daz noch eins also angemen ist. das
mā bald gibt. als das. daz mā lang auff-
zeiht. darū sprach der herr. heutt dis
tags. Das dritt. dz dise gab ziert vnd
groß macht. ist die stet beleyplichteyt. so
er spricht wirst du. als ob er sprech. heutt
gib ich dir. aber es wirt dir ewiglich
beleiben. Das vierdt. durch das dise
begabung erleucht vñ gegröffet. gewirdi-
get. erhöht vñ volbracht wirt. ist die ge-
selschafft in dem wort mit mir. Dz wort
kan nyemāt gnug erheben. wie wunnig-
lich vñ wie erlich in dz sey gewesen. das
er ein mitgenos vñ der nechst beyseß vñ
gesell vnser herren. vñ der einig mitge-
fert des aller obersten herrē vñ keyfers
aller keyser solt sein. dz er sein mitgenos
in der ere vnd freud were. als er sein ge-
sell in der marter wer gewesen. Das
fünfft. durch das dise gab. herrlich vnd
groß gemacht ist. ist dz. dz d herr durch
seinen eigē mund. vñ nit durch prediger.
prophetē zwelfspottē od engel. dise gab
verheisset. so er spricht. Ich. Als ob er
sprech. Ich. der nit laichen. noch laugne

mag. denn ich bin die wesenlich warheit.
die nit gelaucht mag werden. den ich bin
die endlose weisheit. ich sag dir das zu.

Daz sechst. legt auch etwas mit kleinf
zu der scheinbarkeit diser gab. dz der
herr vmb grosser gewisheit vnd sicher-
heit willenn darzu schwert. so er spricht.
Amen. fürwar sag ich dir. Das sibet
ist. daz yetz lest gesprochen wörtlein dir.
das allen sündern der aller tröstlichsten
wort eins mag sein. So sy war nemē wol-
len. zu wem der milte barmhertzige herr.
dise tröstliche wort nemlich zu einem ver-
urteilte mörder geredt hat. der ober alle
sein sünd aller erst den herren C als vil
mainē d gelestet het. Wer solt sich des
vermessen. oder getraut habē. dz dz reich
der himel C das dem heilige patriarchē.
kōnig vnd prophetē dauid bey hundert
vñ tausent iare. Dem grossen prophetē.
vñ sündn heilichē secretierer gottes mo-
ysen C mit dē gott d herr vō mūd zemūd
als ein freunt mit dem andern redt d
bey anderhalb tausent iaren. Dem aller
grösten aller patriarchen Abrahā on hū-
dert zwecitauser iar aufgeschlage ward d
disem mörder an dem ersten tag. solt ver-
lihen vnd eingegeben werde. Vñ so aber
diser mörder darinn gewesen ist ein fi-
gur aller sündner. dē ir sünd laid sind. vñ
die beichten vnd büßen. So sullen dise
wort söllichē büßern billich tröstlich sei
das sy die grossen liebe vnd miltigkeit
vnser herren mercken mügen. die er ge-
gen den sündern beweyhet. wenn sy sich
beteren wollen. Das sey von dem wort.
das das dritt ist.

Von der vierden liebe.

Das vierdt wort. in dē die liebe er-
leuchtet vñ lauter. ist dz. Mein
gott mein gott warumb hastu mich ver-
lihen

Von der sibenfeltigen liebe

lassen. In welchem wort die liebe. Die ich der darsetzung genennt hab. scheint bey der ich die liebe mayne. auß der sich ein er in alles leiden vñ lard gibt. vmb des geliebten willen. Also hat sich der herr gleich als ein zeichē. zu einem zil gesetzt oder dar gebe. vñ lassen auff henckē dz ein yeglicher zu im schüßc. In der gaybung hat er sich lassen anbinden. In der Erönnig setzen. In der creützigung auff hencken. an welchen orten mā auff yn mit strichen vnd worten gezielt hat. mit gespött. mit laster. mit dömen. mit nageln. mit falsche zungē vñ mit gayseln. so hat er sich dargebottē vnd gehalten. als ob er vnentpfindlich wer gewesen. Er hat sich mit bedeckt noch beschirmet. mit gewert noch abgewendt. als oben in dē andern teil dīss büchleins gemeldet ist. Aber als lermeist ist hie zubedencken. Daz er sich selbs in den grandlose wag der ynnern herrlichē geistlichē schmerzē als in dz bodenlos meer aller bitterkeit versenckē vnd on allen trost der leichterung. der vnterleibung. der rast oder rue. der hilff vnd der gleichē also gar verlassen hat. dz vnser leiden gegē seinē leidē als die tropfen gegen dem meer zerechnē vnd zeachren sind. Vnd als wenig mā die tropfen des meers gezelen mag. also wenig kan mā begreifen die menige vñ größe der ynnern schmerzen cristi. die er auß liebe des menschlichē geschlechtes an sich. yn sich. auff sich. vnd ober sich genomē hat. Deshalbē hat d̄ herr. gleich als in weise d̄ verwündung geschryē. Mein gott. mei got warumb hast du mich verlassen. Das mā daz verstee nach dē als obgemelt ist. mit allei als in der person des suns zu dē vatter. sunder auch d̄ mēschheit zu d̄ gott heit. der selen zu dem wort. vñ d̄ mensch

lichē natur zu der person. vō der sy yn yē ainigkeit genūmē ist. Wan als auch obē steet. so ein würckung vñ ein verhencknus vñ deshalbē ein verlassung des vatters. vñ des suns ist. so ist es gleich souil. war um hastu mich verlassen. als war um hab ich mich verlassen. Als ob er sprechem wolt. wie hat mich die liebe also gar obergangē vñ oberwunden. Das ich vmb einer sölichē armē vndäckbern verkerten creatur willen. i sölich großleidē vñ in eine sölichē schentlichē tod. mich gelaßē vñ verlaßē hab. Wer mag sich des yner genug verwundern. dz die lieb auch gen got so mechtig mag sein. zebeweysen. dz die größe des wunders vō keinem mēschlichen gemüt begriffen mocht werdē. so hat der herr mit lautter stym yn disen wortē geschryen. Den wer da schreyet. der will ye gewönnlich. das man in hōre. zuuor an. wenn er vntter den leütē schreyt. Vñ der herr schry vntter vil tausentē. Dar um wolt er gehört werdē. Er hett oft i sein en predigē geschryē. wer om zehōm hat. der hōre. Er vordert die oren des gemütes als die lerer sprechē. vil mer schry er an dem creütz. dz es vō den selbē ore gehört wurd. Er bedorffte dem vatter nit schreyē. der alle begird des hertzes hōrt dem aller will rufft vñ redt. Dar um ruffe d̄ herre vñ der verbertē vnd verstopften hertze willē. dz die selbē erweckt vñ auffgetribē wurdē zemercken. vnd zebedēcken. in was grossen vnaufsprechlichē schmerzen vñ leiden sich der herre vñ yrer liebe willen gegebē hett. Er was hoh gestigen an der laytter des heyligē creützes. daz er vō yderman gesehen wurd. Er schry laut. dz er vō ydermā gehört wurd. vñ weyt. Er vermēget sein wort mit zehōrn. dz d̄ mensch ein mitleidē mit im het.

Begriffen in den letzten Worten cristi

also spricht sant bernhart C behalt ichs
recht C In dem dritten capitel des ewā
gelijs sant iohāsen. spricht d herz selbs
Wie moyses die schlange erhöht hat in
der wüste. also muß des menschen sun er
höht werde. er meint an dē creütz. Vnd
wz die sache sey. setzt er darnach. so er spri
cht. Also lieb hat got die werlt gehabt.
dz er seine eingebornē sun dar geb. dz ei
jeglicher. der yn yne glaubt. nit verderbt.
sunder das ewig leben habe.

Von der fünfften liebe vñ vō dē grof
sen durst den der herz leylichē vñ geyst
lichen hett an dem creütz.

Die fünffte liebe die in den Worten
des herze lautet. ist die liebe d zie
hung an sich. als er sprach. mich dürstet.
Den wiewol vestiglich zuglaube ist. dz
d herz vñ māgerley sache willen zuoran
vñ entgegen. vñ vntterziehūg aller leb
lichen fēchtigkeit. die vō im gestossen
was. grossen engstlichē bittern durst litt
Aber so er leiden wolt vñ litte grössers.
den den durst. vnd clagt es doch nit. vnd
weist darzu wol. dz sie ym nit allei kainen
menschlichen trunck od track zetrincken
würden geben. sūnder sy würden ym es
sich vñ gallen zu einem gespött raichen.
vñ darzu ei spöttlich geschrey vñ gelech
ter vber sein engstlich nott machen. so
meint er auch vber dz. dz die geschriffte
volbracht würd C dz der ewāgelist für
ein sache gibt. es mag aber nit die erst od
fürderlichst sein. denn die geschriffte hat
es darū gesagt. dz es künfftig was. vñ
ist mer darū geweißagt worden. dz es
beschehen solt od beschehen würd. denn
dz es beschehen sey. darū dz es geweiß
sagt was worden C ettwas anders mitt
disem wort. Er wolt mer zeuersten gebē
den durst der liebe. dz ist. wie begirig er

vnser heiles were. Vnd wie ein durst
ger mensch begert dz tranck in sich vñ in
sein ynnertlichkeit zeziehe. also begeret er in
sein hertz zeziehen vns. dz ist. vnser lieb.
vnser begirde. vnser gedācken. alle ynnere
re krefft vnser selen. auß seiner grossen
liebe. die er zu vns hat. Denn er bedarff
vnser zenichten. den zu vbung seiner tug
gent. zu d er dannoch auch gewisser per
son nit bedarf. Er gunt es vns aber auß
barmhertzigkeit seiner liebe reichen gutt
heit. vñ das bedürffē ist ein oberfließē
der endlosen seligkeit. Aber wir bedürf
fen sein. auß rechter not. vñ dürftigkeit.
denn wir mügen on in nit allein nit selig
werdē. ya wir mügen auch nit sein. Vnd
darumb das er so hitziglich begirig ist
vnser liebe vñ begird. dz kumpt allei auß
seiner guttheit. lieb vñ barmhertzigkeit
Ob wir in lieb haben. dz kumpt auß not
vñ dürftigkeit. Darū ist vnser lieb mer
ei lieb der begirlichkeit. den ein ware lieb
der freundschaft vñ trew. es sey den dz
er sy durch sein gnad formier. vnd recht
fertig. Aber sein lieb ist ein rechte lyeb
der freundschaft. auß welcher lieb er nit
allein die seimen oder dz sein. sūnd auch
sich selbs. begert zugeben. Vñ nit allein
zugeben. sūnder auch zeuerdienen. dz er
vns mūg gegebē werdē. Vnd nit allein
zeuerdienē mit thū vñ wercken. sūnder
auch mit grossen leidē. vñ vnaussprech
lichen schmerzen. Vñ nit allein vntreg
lich schmerzen zuleiden. sūnder auch be
gern mer ze leiden. wo es der mensch ha
ben wolt. Darū zubedeutung desselbē.
so der herr sein leiden. als ein fleisch vnd
einem trinckē zugleich hett. da er zu sāt
iohāsen vnd sant iacob allernechst vor
seinem leiden C ia in der selben wochen.
als es scheynt auß der ewangelischen
Vñ

Von der sib enfeltigen liebe

hystorien Mathci an dem zweintzigistē
vñ marci am zehenden. Sprach. mügt ir
den kelch trincken den ich trincken wird.
vñ in d selbē nacht. in der sein letst groß
leidē außbrach vñ angieng. dz es erfüllt
würdt. sprach er zu dem vatter. Mag di
ser kelch nit genommen werden. oder für
geen. ich trinck yne den. so beschēh dein
will. Vnd zu sant peter. Den kelch. den
mir der vatter gegeben hat. wilt du nit dz
ich in trinck. So er den sein leidē ci track
hieß. so er sprach mich düst. so gab er ze
uersteen. dz er nit allein berait was. weñ
dz die göttlich gerechtigkeit vñ der gött
lich vätterlich will geordnet hett. fund
er was sein auch begirig. dz er noch mer
gelittē solt habē. Als ob er sprechē wolt.
Wiewolich den kelch den du o himlisch
er vatter mir zetrincken hast geben. wie
bitter er ist. bis an den bodē hab auß ge
trincken. so düst mich doch noch. Denn
wie schwer diß mein leiden meiner mens
cheit ist. doch angesehē. die grossen vn
zelich vngemessen vnd vnsetzberlich
frucht menschlicher erlöshūg. die dauō kün
mē sol. angesehē auch dei vätterliche ere
die dardurch erzeygt wirt. so ist es mir
süß vnd gelustet mich. ist es dein vätter
licher will. noch vil mer zetrincken. Item
auch gen den iuden oder creützigern ze
rechnen. tett der herre als ob er noch nit
satt were des leidens. da er sie gleich er
manet. des sie vergessen hetten. Gleich
als ob er sprech. was in dē einūdzweintz
igisten psalmē steet. in dem geweyß sagt
ist. was ich leiden solt. dz habt ir erfüllt.
Es steet aber noch ettwas in dē achtund
sechzigistē. dz ist. dz ir mich yn meinem
durst mit essich trenckē. vñ mir gallen zu
einer speys gebē söltet. Dasselb ist noch
nit beschēhē nach dē büchstabē. Wz dz

mit ein zeichē. dz er noch mer leidē wolt.
Wie strefflich die sind die des leidens
cristi mit vnzüchten gedencen.

DAls sol man mit grosser andacht.
vñ dāckberkeit bedencen. das die
liebe dē herrē groß endloß leidē. gleich
als zu clayn gemacht hat. Als vnns die
lowigkeit od mer die kette vnser hertz
en. dz allergerinst vntreglich macht. Vñ
die groben vndāckbern mensche. die sa
getürre sprechē on alle danckberkeit on
allegucht. Ah er gieng strachē nach die
wurden im auch. die selben solten inē vō
söliche wortē als vō gotz lestrūg gewis
sen nemen. vnd schwerer sünd fürchten.
darüb dz sy die vnaussprechenliche mar
ter cristi. die er auß endloßer liebe für ir
sünd gelittē hat. zu einem verweysen od
auffheben. vñ gleich zu einem gespöt zie
hen vñ nemen. O was strefflicher sünd
licher vñ vncristenlicher vnzucht das ist
Mā solt sy vō einem hūntischē iudē nit
leiden. noch mit gedult hören. Wie weyt
sind söliche grob vndāckber menschen
vō der andacht. des heiligen vaters frā
cisci. der ein stifter barfüßer ordens ge
wesen ist. vō dem mā list. das er auch die
zeit. die weil er noch ein freyer frölicher
iüngling in der werlt was. auch den na
men der göttlichen liebe on verwandlung
od bewegung seines gemütes nye hören
mocht. vñ weñ im das leiden des herren
C nach dem als im der herre. ein mal i d
gestalt seins leidens erschinē was. C ein
fiele. so künd er sich kaum vor seufftzen
enthalten. Vñ als wir groben kältē mē
schen vns oft grossen gewalt thun müs
sen. das wir ein wenig weinen. vñ mügen
damnoch nit. oder kaum eine zaher oder
drey haben. also must er im gewalt thun.
das er nit inniglich weynete.

Begriffen in den letzten worten cristi

Das vnser herre die mensche die sein leide yn sundere ere vnd andacht haben. sunder eret.

Darumb hat ine cristus sunderlich geeret. Das er ine in die form vnd gestalt seins leidens verwandelt. vñ ein lebendigs crucifix auß im gemacht hat. Daz er die wunde vnser herre. nach d gleichnus des herre. in henden an füßen in lebendige leib. bis in das dritte iar getragē hat. Vñ nit allein wundē. sund auch in den wunden der hend vnd füße. nagel die die hand gottes vber natürlich von seinem fleisch geschmiedet hat. nach geychnus der nagel cristi hert vnd schwartz mit heubtern inwendig in den hendē vñ oben auff den füßen. vñ wider genyetet ten spitzen außwendig der henden. vnd vntten an den solen der füße. Aber die wund der seyten. die er in seinem leben. alweg verdeckt vnd verborgē hett. ward nach seinem tod. in seinem heyligen leyb gefunden. gleich als ein plüde rote roß i dē weyßen fleysche. Daz vor auch prauß schwartz was gewesen. Die weyl er gelebt hett. Das sind die wappen vñ zeichen. mit den der heri ihesus vnsern veind. den fürstē des todes. vñ den kōnig d hel len überwunden. vnd alles menschlich geslecht in den auferwelte erlöset. vnd wider den tod gesiget hat. Die er seinem getrewē diener vñ ritter sant franciscen daz er auch endtlich wiß die feind als mardocheus wider den aman gesigete. zetragen hat gegeben. mit scheinlich sund warhafftiglich. nit allein geistlich oder unsichtberlich. sunder auch leylich vñ sichtberlich. nit bildlich allei. sunder redlich vñ in wunderberliche würckungen. nit zeitlich als auff ein stund oder tag. sund all sein lebtag. nach dē als er sy empfāg

en hat bis yn seinen tod. vñ nach dē tod als mā sy den offenberlich in seinem tod od darnach in seine todte leib gefunden hat. Daz mā nit gedeckt. Daz es ei bildlich od figürlich sehe od gedaukt gewesen wer. Die weyl er lebt da verbarg er sye nach vermöglichkeit. Er mocht es aber nit also fleysiglich verbergē. Daz sy nit gesehē wurdē. wan er must ye hend vñ füß prauchen. Er trug aber darnach wiß sei gewoheit schuch an. vñ bedeckt die hēd. als vil er mocht. Daz mā die widerzeichē lichē wundē nit seh. Des hab ich wöllen hie gedentē. wiß die. die vnser herren leide nit. den mit vnzucht vñ vndäckerleit gedentē. Daz sie merckē. wer daz leide cristi eret. d wirt auch durch dasselb von got geeret. widerum wer es vneret d fürchte sich. Das er nit mit den vndäckerbern inden ewiglich geschendt werde. Daruor vns gott der herre behütten wölle.

Die sechst liebe.

Die sechst liebe. Die da leuchtet vñ lautet i den wortē vnser herre. ist die liebe d volbringung. Wan i dē yunern begirdē. i freuntliche lere vñ vntterweisungē. vñ getrewē warnungē vñ strafungē. i getrewē fürsprechungē vñ fürbiten. in tröstliche zusagungen vñ verheissungē. in heilige vñ milte wercken vñ gedultigem leide. i gestrege ebenbildē. vñ besserlichem vñ nütze vorgeē. i demütigē wandel. vñ kurtzlich in allem dē. Daz die war recht lieb fordert zethun. in wortē. i werckē. in trewer meynung. i leide. in streittē. i arbeyten. in dienen. Durch daz leben vnd in sterben. was alle weyße d lieb. auff daz hōchst von dem herren geübt vñ volbracht worden. Vñ solt yetz auff die summen vñ beschlossen werden. Darumb sprach der herre. Es ist volbracht.

¶ In ij

Von der süßigkeit der wort

Vñ gleich auff dasselb setzt sant iohannes. Das der herr sein haubt sencket vnd gab auff seinen geyst.

Von der sybenden liebe.

In welcher sencken d' herr noch die wort. Die sat lucas schreibt. gesprochen hat. also. Vater in dei hend enphilt ich meinen geist. In welcher wort die lieb der zufürung od einlaytung leuchtet vnd lautet. Wan d' herr ist gestorben. als sant iohans yn dem eylfften capitel schreibt. D' er die kind gottes. die zerstreuet waren zusammen samelt. Vnd wenn er sy gesammelt het. D' er sy den alle entlich erhübe. gleych als yn die schoß gottes seins himlische vaters. Vnd das hat er auch wollen bedeuten. bey d' enpfelhung seins geists yn die hend seins vaters. Wann sein enpfelhung ist ein sach vñ ein ebēbild vñ ein mittel d' auffnemung der selē aller seiner außermeltē. D' sey vñ der sybēfeltigē lieb. die yn den letstē wortē cristi prinnit leuchtet vñ lautet. vñ den billich alle werlt angezündt solt werden.

Von der süßigkeit der wort cristi.

In dem fünffte scheinen vñ werden geschmeckt in den wortē cristi. syben süßigkeit. Die alle werlt ziehen soltē zelauffē zu dem creutz cristi. zeuer suchē den süßen zuckermost vnd zipperwein des allerkostberesten plutes cristi. Durch d' sie in seiner lieb trücken wurde. Dise sybe süßigkeiten sind die süßigkeit d' senftigkeit. vñ d' verzeihung. die süßigkeit d' zarthait vñ freuntschafft. die süßigkeit d' miltebigkeit. vñ gabschēckung. die süßigkeit d' sicherheit d' beleybung. die süßigkeit d' umbfahung vñ an sich trückung. die süßigkeit d' gleichförmigkeit vñ fruchtig. die süßigkeit d' vorangē beywonung vñ treutung. Dise syben

süßigkeiten riechen auß dem münd der süßigkeit in seiner grossen bitterkeit. vñ auß der appotēck der miltigkeit. ich main d' heylig creutz. da mā ertzney findet wider verzweyflung. vñ alle krankheit. wider vnmüt vñ alles hertzlayd. welches hertzlayd alle plag oder wunt genēt wirt vñ dem weyßen Ecclesiastici in dem xxv. vñ xxvj. capiteln. Das wir dem einem söllichen grossen vbel. das der weyß man vber alle vbel fürcht. empflehet. vñ einē söllichen grewlichen vbel entrinne. vñ entgegen müge. So kumpt her alle die in der lieb arbeiten. vñ mit layd beschwert seyet. den wer da liebt. d' das seier begird nit gnug mag thun. d' arbeit vñ kumpt nit zu ru. Er arbeit vnnützlich. nit ladet er sich fruchtberlich. sund mer denn er ergetzt wirt. beschwert er sich. Darum wolt ir ru eurer selen finden. so lasset euch kein ander lieb. den dises aller süßestē hertzes. dises alles treuestē fürfechter. dises aller mechtigstē pretigams pindē. Darumb kumpt hyher alle sündē vñ sündērin. kumpt her alle erschrockene hertze. kumpt her alle die sich schemen vor d' schäperkeit yrer sündē. die sich fürchte vor dem erschrockenliche vteyl gottes. die sich bekümmern vñ der grosse vñ mege willen irer misset. die sich besorgen vor d' grubē d' verzweyflung. vor d' schlind d' greulichē engstliche prinnēden hell. Kumpt her zum creutz vnd höret da vñ ir müget getröster. gesichert. vñ er freuet werde. Hört vñ dem ir müget eurer schulde ledig. vñ ewn sündē entschuldiget vnd entpunden werden. Hört wort der barmhertzigkeit. gutte mer der warheit. bortschafft d' fröligkeit. Hört wie dy wolgedet sat also wolclingt. danids harpf also süß lautet. adeodats psalterin

cristi vnsers herzen

also frisch döret. Der schnewerph schwan
 d vor seinē tod also ynniglich süß singt.
 Seht dz der weissagin marie des gross
 sen pnesters aarōs vñ moyses Schwester
 bauck vber dz holtz des creützes ser ge
 dent den veinde erschrockenlich aber dē
 freündē lüftliche dönt. Den sie singt vns
 den hellische pharaō mit seinem heer in
 abgründ des prinnendē wags versenckt.
 vñ die gläubigē israhelitē vō seinem ge
 walt empfremdet. Das wir aber die
 süßigkeit vnsers singers vñ harpfers
 mügē desterbas vernemē. so will ich vor
 hym ettroz vō d eigēschafft. art natürlich
 heit. krafft vñ gewalt d liebe. die d grüdt
 aller süßigkeit ist. schlechtlich meldenn.
 Des sol sich nyemant lassen verdriessen.
 wann es ist auch ein grosser grund d er
 kentnus darinn verborzen.

D vō d grossen krafft vñ art der liebe
 Decius d groß römisch rattherr
 schreibt in dem letzte gedicht des
 andern büchs vō dē trost d philosophē
 dz die lieb dz meer vñ dz ertrich regiert
 vñ gebeut dem himel. vñ fñrt die zeit. vñ
 pint die element. die wideināder sind. zu
 samen. vñ fügt die eeleut zueinā. vñ
 gefellet die mensche. Vñ wa die lieb ab
 lieb. so strittē alle ding wideināder. vñ be
 lib nichts in dem gantzē gebew d werlt
 vnuerruckts oder vngeordnets. Als mā
 möcht sprechē. die hymel strittē wider
 die elemēt. dz meer versenckte die erd. als
 zu noes zeitē beschab. dz feür verprenet
 die wasser. als vor dem iüngsten tag be
 schēhē wirt. die nacht vermēgte den tag.
 als zu moises zeitē i egyptē lād beschab.
 dz feür entzündte den lufft. als zu abra
 hās vñ loths zeitē beschab. da das feür
 vō oben herab. dz land d fñuff stet ver
 prāt. d mon verfinsterte die sunne. als zu

vnzeitē in d zeit des leidē vnsers her
 re beschab. die felsen zerklübē. als auch
 zu der selbē zeit. Wer möcht gedencen
 was beschehen wer. wer die liebe vnsers
 herrē mt gewesen. durch die er mit allein
 leidē wolt. sun d er wolt auch für die. dy
 im dz leiden antetten so ernstlich bitten.
 dz es inen nit zuschaden kem. Dis ist
 die liebe. der wir alle bedürffen. das ist
 die süß liebe d wir alle begeren od bege
 rē füllen. Wan on dise liebe mügen wir
 nymer zu rue. noch zu frid kumen. On di
 se liebe mügē wir nit selig werde. Wan
 also sind wir beschaffen wordē. das wir
 allein in d liebe gottes selig mügē werde
 Darum vō gott wöllen geliebt werden.
 ist nit wider mennlichen adel. dann wir
 sind also dürftige kinder gen got. vñ be
 dürffen seiner gnad. seiner barmhertzig
 keit. seiner beschützung. seiner regierung.
 oder laitting. seiner hilff seiner tröstung.
 seiner narüg. seiner auffenthaltung vñ d
 gleichē. Vñ also füllen wir seiner liebe.
 das ist seiner gnad vñ barmhertzigkeit.
 C on die wir nit sein mügen vñ vorauß
 mag vns nit wol sein d begerē. Irē also
 söllen wir auch wöllen von gott geliebt
 werde. dz er vns lieb haben mag. das ist.
 dz er vns sein liebe geb. durch die wir in
 lieb habē. Vñ dz er will vō vns geliebt
 werden. das ist auch in im. nit als für ein
 waicheit C als es gewölich in vns ist d
 zerechnē. sun d für ei wunderberliche wir
 disheit seier endlöse güttigkeit. auß wel
 her er will vō vns vñ vnsers gutte willē
 geliebt werden. der vnser liebe nichts be
 darff. noch besser dardurch mag wer
 denn. der ym selbs das endlose gutt ist.
 aber wir bedürffenn sein vñ seiner lie
 be durch die wir yn lyeb habenn. Welc
 he liebe auß der liebe durch die er vnns

Von der süssigkeit der wort

lieb hat entspringt. Welche liebe durch die wir in lieb habē. vnser gut ist. den als vil wir in lieb habē. also vil sind wir gut. vñ mit mer. vñ werden auch also vil selig. vñ mit mer. Vñ darüß ist die maß d liebe die maß d seligkeit gldmessig. wann wir müge allein yn d liebe gottes recht selig werde. Warum müge wir allei in d liebe gottes selig werde. Darumb. das wir sind nach dem bild gottes. welches bild d sun ist. als sant pauls spricht in dem vierdē capitel d andern epistel zu den chorinthiern vñ in dem erstē. zu den vñ Colos. nach dē wir beschaffen sind. den er auch den sun der liebe gottes. an dem gemel tē end nennt. Bey welcher liebe er c Als sant Augustin in dē neunzehenden capitel des fünffzehendē büchs vñ der heilige drifeltigkeit schreibet d z wesen vñ die natur gottes des vaters meint. Wen als er da selbs spricht. dy lieb. dy i gottes des vaters natur ist. ist nichts āders den die natur vñ sein substätz selbs. Darum ist es als vil gesprochen. das sant pauls spricht. Er hat vns gesetzt in das reich des suns. seiner liebe. als seins geliebten suns. als des suns seiner natur. des suns seiner substätz. Merck eben daz der sun gottes. der sun d liebe genent wirt. den. als der grof dionisius spricht. die liebe die in dem vater ist. die hat in nit on frucht. daz ist on einen sun lassen sein. Vñ daz sant augustin spricht. daz die natur des vaters die lieb ist. vñ sant iohāns spricht in seiner erstē epistel yn dem vierdē capitel. Got ist die liebe. vñ wer in der liebe beleibt. der beleibt in got. vñ got beleibt in im. Vñ mer spricht er. In dem erkennen wir. das wir in ime beleiben. vñ er yn vns. denn er hat vns von seinem geist gegeben. Auf welchen wortē sant Augu-

stin arguiert. in dem neunzehenden capitel des fünffzehendē büchs vñ der heilige drifeltigkeit. das d heilig geist wirt eygentlich die liebe gottes genennt. wie wol der vater die liebe ist. der sun die liebe ist. so wirt es doch dem heilige geist aller quenchlichst zugeaiget. das er die liebe sey. mit allein die liebe. die got ist. sun der die liebe. die gott ist vñ got ist. vñ die liebe die gottes ist.

Von der natürlichkeit der liebe. Darumb hab ich dis alles gesetzt. das ich hab wöllen erzeigen. das die liebe dem menschen mit allein nach d art vñ vrsprung des leibs. sunder auch nach dem vrsprung des gemüts natürlich vñ wesenlich ist. Nach der art des leibs so ist sy im natürlich. wann als in der hystorien appollonij von Tiro steet. so werden wir durch mittel der liebe empfangen nach der art des gemütes. ist die liebe dem menschen natürlich vñ gleych als wesenlich. dann er ist von gott nach gott gebildet. vñ so gott die liebe ist. vñ sein natur ist die lieb. vñ der sun. der des vaters wesenlichs lebendigs gleichgrofs mitewigs vollkūmens verstentlichs bild ist. ist der sun der liebe. das ist der substantz des vatters. welche substantz liebe ist. c Als sant Augustin wil d vñ der heilig geist ist die liebe gottes. so volgt darauf. das der mensch. der gottes bild vñ nach dem bild gottes beschaffen vñ worden ist. von art seiner natur lieb müssen haben. vñ kan so wenig an die liebe. als on das bild sein.

Das ein yede vernünfftige creatur begert des vollkūnen guttes. daz man die seligkeit nennt.

Darumb als wenig er die vnterslycheyt seyner vernünfftigem

sel kan hyn legenn. also wenig kan er die natürlichen lieb des gutten hyn legen. Wenn es spricht ye Boecius yn dē drit ten bñch de cōsolatione philosophie pro sa secunda. Alle sorg der tödtlichē mensche C reie māgerlay weg sy für sich nemē D ist die. das sie zu einē end der seligkeit begern zukūmē. Wan die begird des warē guttē. ist den gemüte der mensche natürlich eingebeltzt. wiewol d irz sal. der ab dem waren weg geet. die menschen in mancherley weis verfür. Vnd als er da selbst yn dē andern gedicht dō vers spricht. Eyn yegliche ding begert seins vrsprungs. vñ wirt nit geordnet. es lauff den wider. vñ dannen es kumpt. vñ werd bestendig in seinem anfang. Dis ist die maynūg Boecij. das ein yegliche creatur des ends. dar zu sie beschaffen ist. vñ natur begert. vñ nit zu rue kumpt. sie kum denn da hin. Vñ dz ist besund war vñ der vernünfftigē creatur. vñ d er dar nach spricht prosa tercia. Eñch irdischē tier. dz ist. eñch menschen für die natürlich mainung zu dem waren gutt. aber d manigfaltig irsal für eñch dauō. Vnd was dz war gut sey. dz setz er vor dem selben prosa secunda. da er spricht. Es sey das gutt. ober das mā. so man es hat. nit mer begern mag. vñ dz ist allein dz gutt. das dz höhst aller gūter ist. dz alle gūter in im begriffen hat. Vnd C kurtzlich ze beschliessen D das dem ist die seligkeit. die i got ist. Sißst du wie gleichformig lich redt er mit sant augustin der yn der bñcher einem von d peicht spricht. Herr du hast vns dir beschaffen. vñ d vnser hertz ist vngerūg. bis es i dir ruē wirdt Also hast du wie wesentlich die lieb d seligkeit. der vernünfftigen creatur ist. wie wol sy irzt yn der sundern erkentnis der

selben seligkeit. als vil sind. die mit wisse warinne die war seligkeit steet.

Das sich der mensch der liebe nit er weren mag. sunder er muß ye liebhaben. vñ ist ym nit mūglich nit lieb zehaben. doch mag er die liebe mit der gnad got tes ordnen.

Des nun also ist. das d mensch die seligkeit natürlich liebhat. so kan er sich nit weeren. er muß im dise lie be wol vñ wee lassen thun. denn erlāge er das. das er lieb hat. so ist im wol. denn keyns mensche hertz kan begreifen. wñ grosser fremd der mensch hat. von dem. das er erlangt. das vollkūnen gut. das er lieb gehabt hat. das ist die seligkeit. die ein volbrachter stand ist. auß samlūg d hauffung aller gūter. als Boecius schreibet in dem obgenāten buch. Kumpt es aber darzu C da gott die. dy cristum ge treūlichen anruffen vor behütt D das er sich desselben guts verwegenn muß. so kan aber kein mēsch begreifen. soz gros sen hertzlāds der selb mēsch leidē muß. so er sehen wirt zu was grossen guts er beschaffen ist. vñ ist desselben vmb sein es irzals vñ vmb seiner schuld willem beraubt worde. Vnd so die begird des selbenn guts vñ die liebe dannoch be leiht C wiewol sie entordnet vñ verkert ist. so beleibt sie doch so wol als dz bild so peiniget sy den menschen. Also wirt das. das dem menschen die grōstenn fremd vñ süßigkeit solt machen. im dz allergroß layd machen. denn die liebe. die ein sach ist der freud vñ der wolust. C wann man das neisset. das man lieb hat D ist auch die sach des laids vñ der traurigkeit. so man das geliebt nit mag habenn vñ mag es doch nit verachten. das man es nit lieb hab.

Von der süßigkeit der wort

Das die vnordnung der liebe d̄ geistlich fr̄der ist. der den menschen vber alle vbel peiniget. ia die ymner hell vber alle hell.

Du glaub mir das keyn grösser hertzlayd ist. denn dz man das alerlieplichst. das allerbest. das endlos gutt. das gott ist. hasset. vnn̄d mag doch nit gehasset werden. Denn so das gutt ist der gegenwurff der liebe. vnd alleyn got das recht war. endlos gutt ist. vñ ist das eygen gut der vernünftigen creaturē. die darzu beschaffen vñ sein enpfenglich ist. Darumb dasselb gutt verachtē wöllen. ist wider die natur der vernünftigen creatur. Darumb kan es an grof̄ pein nit sein. das man es has. Sunder es ist ein geistlich fieber. das man den fr̄der oder das kalt heisset. In welchem fieber die hitz vnd dz kalt in dem mensche entzordnet werden. vnd peinigen ine beyde. Also peiniget die liebe gottes auch i dē haf den menschen. vnd peiniget in souil mer. souil als der. den er hasset. lieplich er ist. Denn so mā auch gott mit. nach dē als er gut ist. hasset. sund nach dem als er gerecht vnd ein strenger richter ist. vñ daz vbel strafft vñ peiniget die bofheit. so dasselb alles gutt ist in im selbs. vnd die bösen hassen doch dasselb dz sie erkennen. dz es gut ist. so peiniget sie ir eigener haf. Wan sie sehen wol in dē fūcklein irs gemüts. das ir haf böf ist. vñ so er böf vnd sūntlich ist. so sollen sy billich vmb desselben haf willen gebüßet vnd gepeiniget werden. wann die gerechtigkeit gottes lasset kein vngerechts vngestraft vnd vngestraft. Dann das fūcklein des liechts der warheit vnd der natürlichen lieb des guttē. ist nit in inen erloschen. durch das sy erkennen dz sy vn-

recht thun. Vnd so sie wissen das sy vnrecht thun. in dem. das sie die gerechtigkeit gottes vnd den allerbesten hassen. vnd den lestern. den nyemant gnug lobē kan. vnd ir haf vnd lestern mag in nit betrüben. sunder sie werdē dester mer dar durch gepeiniget. denn souil als sy vngedultiger vnd peinlicher sind in den peinen. souil thun inen die pein wirser. vñ dz dient alles zu der ere gottes vñ seiner gerechtigkeit. vnd yr pein vnd ir lestern ist sehr grofse ere. das tut inen denn so bitterlich wee. das sy vor bofheit möchten Cwer es möglich D zerspringen vñ zerspreche. Vnd wolten gern nit sein. dz sy nit dörfften leiden. vñ müssen doch sein. das sy gepeiniget werdē. zu der ere des. den sie verachtet habē. vnd den sie so sehr hassen. das sie woltē wider die natur das er nit in der natur des wesens wer. vñ dem alles wesen ist. Das ist die ymner hellē. dz ist die hell aller hell. also des entlosen guts ewiglich vñ aigner bofheit wegen beraubt zesein. vnd dasselb dā noch liebhaben. Darumb das es des menschen end ist. vnd das sie doch nit mügē haben. denn sie es verschuldet haben. vnd sein gewalt vnd straff müssen gedulde. so es gehasset ist. Darumb das es gerecht ist. vnn̄d wider den zürnen. dem man nit widersteen mag. streitten wider den. des man sich nit erweren kan. den erzürnet haben. des gnad vnd gunst das lebē ist. ia besser denn das lebenn. Psalmo. lxxij. Das ist das recht hertzlayd. das ist das laid vber alles laid. Denn allein dz. das man geschaiden werde von dem lieplichen gesicht der gottheit. heft sant iohāns mit dē gülden mund. als er vber matheum schreibt. für ein grössere peyn. denn tausent hell. ia als er spricht C vñ sunckte

mich ein grosse red sein C zehentausent
hell sind der peyn. der abscheidug vñ dē
seligen lebē. das in der messung gottes
stet. nit gleich groß. Vñ laß dich das
nit vnbillich beduncken. dz ich beyd lieb
vñ haß setz in die verdampfe. wann wer
nit lieb in ynen. so wer auch nit haß in
ynen. Denn als oben gemeldt ist. so ent-
springt d haß auß d liebe. wñ wir haß
len nichtz. Denn das. das wider das ist.
das wir liebhaben.

Das weder frid noch rue in dē men-
schen mag sein. in dem die liebe verker-
t ist. vñ der haß gottes ist vber alle peyn.

Prichst du denn. so das war wer.
so müst got wider sich selbs sein.
Dan du sprichst das mā nichtz haß. den
das. das wider das ist. das mā lieb hat.
hasset man nun gott. vñ hat yn lieb. vñ
das gehasset ist. wider dz geliebt. so ist
gott wid sich selbs. Ich antwort daru-
ber. Es folgt nit. Darauf. das gott wid
sich selbs sey. Darumb dz er gehasset vñ
lieb gehabt wirt. Es wirt darauf meer
beschlossen. das die. dy in hassen. vñ
die. dy in lieb habē widereinander seye.
Ist aber lieb vñ haß in einem mensche
gegen gott. so ist er wider sich selbs. vñ
darumb so kan nymmer frid noch rue in
einem sölliche mensche sein. der eine ste-
ten streit wider sich selbs fñrt od leydt.
Vñ also ist es in den verkerten vñ ver-
dampften mensche. Dann die vernunft
vñ das fñcklein. von dem oben gesagt
ist. sagt das man die gerechtigkeit vñ
die warheit in got soll lieb haben. Aber
die bopheit. die nit gestrafft will sein.
neigt vñ treibt den menschen. in dē sy
ist. auff die andern seyten. also wirt ein
streit in dem bösen menschen der bösen
neiglichkeit wider die gewissen. vñ keins

lasset nach. vñ also ist ein steter ewiger
vnfrid in yme. vñ darumb ein stete peyn
Den was gott der herr in die natur ge-
pflantz hat. das mag nyemant aufreiß-
ten. als das fñcklein das kriechisch sin-
deresis heist. So den die bosen die bop-
heit williglich erwelen. vñ sich d vnter-
werffen. so wirt sie yne zu emer peyn ge-
lassen. das sie von ir gepeyniget werde.
Also leß die bopheit nit nach. sunder sy
reizet die. dy sy besitz wider gott. vñ
wider sein gerechtigkeit. vñ bewegt sy
zu haß vñ zu zorn wider die selben ge-
strenge gerechtigkeit. so laß das fñck-
lein C dz gott der herr in das mēschlich
gemüt gepflantz hat. das es dem vbel
vñ der bopheit widersprech vñ wider-
streb d auch nit nach. vñ also wirt nym-
mer ew noch frid in dem bösen.

Ein gleichnus. dz ein ding darumb
mag gchasset werde. dz mā es lieb hat.

Dem argument das oben ist
der meine wort bewegt ist wort
den. sprich ich. das es nit auß der gewo-
heit ist. dz ein ding vñ einem geliebt vñ
gehasset werd. von sunder geschaydner
sach wege. Als C das man bey einem
groben ebebild die subryle warheit ver-
steen müge d wenn einer ein frauē lieb
hat. vñb der schöne willē. als es oft be-
schit. so mag es beschehe. das er ir feind
wirt. omb etwas anders willen. das an
ir ist. vñ vnterweil omb des guten willē
als omb irer frumkeit. stetigkeit. vñ er-
berkeit. oder keüschheit willen. das sy ym
nit freuntlich noch nach seiner begirde
zuwillen will sein. vñb söllicher haß ist
gar ein hertzlicher tieffer haß. der also
auß grosser hertzlicher lieb entspringt.
vñ wirt souil grösser. souil die lieb größ-
ser ist. also das etlich gletch wirtend vñ

Von der sussigkeit der wort

rosend werde vor größe des zorns dz sy
ir lieb nit gnug müge thun. aber darvñ
soll kein frau wiß ir ere vñ tugend han-
deln. Dise gleichnus zeuñ auff die
liebe vñ de haf d verdäpfe. so begreiffet
du. wie liebe vñ haf mit einand gen got
in ynen mag sein. Vñ natürlich lieb. des
halbē dz d vernünfftigen creatur selig-
keit. C d alle mēsche natürlichē begirg
sind in ym steet. Haf. des halbē. dz er
sie irer sünd halben vñ der freud. die sy
vñ im herte müge habē. verstoßet. vñ sy
darüber zu so grosser ewiger peyn ver-
urteilt. vñ yne alle hoffnūg d gnad ab-
schlecht. Dise gleichnus mag auch
in guter erberer weyße gegeben werden.
als weñ ein vater einen sun. od sūst ey-
ner einen sūnd lieb hat. vñ siht das er
wol geschickt wer zu erlichen sache. die
er im für ander gündt. vñd fürderet in
vñ helff im gern dar zu. Aber es lasset
sich obel an. vñ tut gleich wißsynns den
eren. so beschilt es offit. dz mā einem söl-
lichen souil feinder ist. souil mā in lieber
hat. Dāñ so mā in auß gūst lieb hat zu
eren. vñ siht dz er dar zu geschickt wer.
so hasset mā in darvñ dz er sich nit schi-
cken will zu dem. dz mā gern an im sehe.
Vñ darumb so merck dz beyd in guter
vñ böser weyß vñ meinūg. die liebe vñd
der haf. gegē einem mügen in einē bey
einander steen. aber dz ist mit einer sache
halbē. Vñ sölliche lieb vñd haf mügen
beyd geordnet vñd auch beyde verkeret
sein. wa die liebe geordnet vñd gerecht
ist. da mag auch d haf gerecht sein. wa
die liebe verkeret ist. da ist auch der haf
der auß ir entspringt verkeret. wie sy in
den guten beyd gut sind. also sind sy in
den verkereten beyd verkeret.

Von dem vntterscheid der liebe vñ

was lie e in den verdampfen sey.
Darumb so merck ebe das die lie-
be. die in den verdampfe verstan-
den od gesprochē wirt. ist nit ein liebe d
freuntschafft. sūnd. der begirlichkeit. nit
ein lieb der gnad. sūnd der natur. nit ein
lieb der eruelung. sūnd ein lieb der ein-
gebelzten od angeborenen neyglichkeit.
nit die liebe die ein tugend ist. sūnd die
liebe die ein leyden ist. nit die liebe die
freud gibt. sūnd ein lieb die traurigkeit
vñ hertzeleyd bringt. nit ein lieb. die ver-
rentlich. sūnder die peynlich ist. Also
dient die lieb der verdampfen den vnse-
ligen zu keinem gute. sūnder zu grossem
hertzenleyd. Vñd das billich. Denn so
ynen die liebe von gott zu gut gegeben
ist. das sie durch die selben zu irem end.
in dem sy ruet. bewegt vñ getragē wirt
den. das ist zu gott. der dz war volkum-
men gut. in dem alles gut. ia d selbs al-
les gut ist. als die schwere den dingē ge-
geben ist. die hin vntter oder vnttersich
gehören. vñ die leichte. den. dy vbersich.
das ein yegliches durch sein gewicht an
sein ort. vñ zu seinem end bewegt werd.
also hat gott der vernünfftigen creatur
die lieb des volkommē guts gegeben. dz
sy durch die selben liebe zu dem selben
volkommen gut C das ir end ist. darvñ
sy allein ruo findt. darvñ ir seligkeit ste-
et C gleich als durch ir gewicht bewegt
wird. So nun denn die bösen das ge-
wicht gefelscht vñ verkeret haben. vñ ha-
ben es gewendē zu de zergendliche vñ
uollkomen schnöde odē vñ vnredlichen
güttern. So soll in dz zu peyn dienē. dz
in zu einer fürderūg woz gegeben. Heru-
derumb wirt den außerweltē die vnge-
hindert volkomen lieb zu lon gegeben.
wan sy habē ye ir lieb eintrweder uach

cristi vnsers herren

gantze vermügen allein zu got C d̄ das
endlos gut ist. zu d̄ zeeerlagen ynē. den
vō im die lieb ist gegeben d̄ gestreckt. od̄
habē sy sie mit gätz allei zu im gestreckt.
sund sie sind auß menschlicher plödig-
keit vñ prechenlichkeit gehindert wor-
den. so haben sy sie doch fürdlich zu im
gestreckt. Haben sie in mit i allen dinge
lieb gehabt. so habē sie ine doch vber al-
le ding geliebt C dz ist d̄ haben sie sunst
adere ding auch lieb gehabt C dz sie mit
vñ seinē willē lieb gehabt habē C so ha-
bē sie es doch vntter im lieb gehabt. dz
ist. mit als lieb als ine. Darvñ dz sy also
ir lieb recht geordnet haben. so werden
sie mit d̄ lieb belonet vñ gekrōnet. Das
sey vō d̄ lieb vermengt vñ in gemein be-
rürt. Nun will ich vō d̄ tugēliche oder
gōrliche lieb einē spruch od̄ drey setze.
bey den mā mag mercken. wie nütz vñd
wie not sie sey. wiewol sant paulus das
gnug beweiset in d̄. xij. ca. d̄ ersten epis-
teln zu d̄ vō Chorin. Doch dz sich die
ergetzen mit den sprüche d̄ lerer. die vō
d̄ser rede müd möchten sein worden. so
hōr mā od̄ lese hie einen od̄ zwen dz mā
dester gedultiger werd zehören. die Bes-
schliessung der sibē wort vnsers herre
Was sāt Augustin vō d̄ lieb sprech.
Ant augustin spricht in d̄ buch
dz er enchiridion. dz ist. dz hant
büch genent hat. Die liebe ist die praut
cristi. die huld des heiligen geistes. die
süßigkeit d̄ sel. die freud der gewissen.
die leyttter des himels. die tür des para-
dys. die künigin vñ kayslerin d̄ tugend.
Jre d̄ selb augustin. Die lieb ist die ein-
helligkeit d̄ gemüt. die süßigkeit vñ die
freud d̄ engel. die seligkeit aller außers-
weltē. Item vō d̄ lob d̄ lieb spricht er.
Die liebe ist d̄ schlüssel vñd die hut des

hertzen. ein muter vñ hūterin. vñ meiste-
rin d̄ tugend. die wurtzel vñ der vrsprung
aller gute würckung. d̄ anfang d̄ gottwer-
d̄ig. die sach d̄ gätz heiligkeit. d̄ grund
od̄ gründ feste der himlischen stat. vñ die
gleichnus d̄ göttliche gutheit. Item in
dem selben büchlein vō dem lob d̄ liebe
spricht aber sant Augustin. Die liebe.
durch die wir gott vñ den nechsten lieb
habē besitzt die gätz weyte vñ grōsse
d̄ göttlichen geschriff. die ein wurtzel
ist aller gütter. Darvñ spricht die war-
heit. An den zweyen gebotten hangt dz
gätz gesetz vñ die propheten. Darvmb
hastu mit der muß. dz du alle heilige ge-
schrift durchgründen müß. so halt die
liebe. an d̄ alle dig. od̄ gebott od̄ heimli-
che bedeutung d̄ geschrifft hangē. Jre
in d̄ selbē buch. Fleisset euch od̄ folgt
nach d̄ liebe. die ein süß heilsams pad
d̄ gemüt ist. on die d̄ reich arm ist. mit d̄.
d̄ arm reich ist. den dise liebe ist gedul-
tig in widerwertigkeit. sie ist messig in
glückseligkeit. sie ist in schwerem leiden
starck. in guten wercken frōlich. in anse-
chtungen die allersicherst. in aufgebung
od̄ gest zuempfangen vñd zubeherberge
die aller weytst. vntter d̄ warē brüder
die allerfrōlichst. aber vntter d̄ falsch-
en brüder die allergedultigst. Jre sant
Augustin in dem buch vō den sytten d̄
kirchen spricht also. Ich sprich. das die
tugend nichtz anders ist. den die hōchst
liebe gottes. Darvñ ist die messigkeit
die lieb. die sich gantz gibt. dem. das sie
lieb hat. Die stercke ist die lieb. die alle
ding geduldet vñ des willen. dz sy lieb
hat. Die gerechtigkeit ist ein lieb. die al-
lein dem geliebte dient. vñ darvñ recht
gebeut. vñ wol herschet vber adere dig
die dem menschen vntterworfen sind.
O ij

Von der süßigkeit der wort

Die klugheit ist ein lieb. die da wol vnd vnterscheidenlich erkent vñ erwelt die ding. die ir fürdlich od behilfflich sind zu got. vor den. die ir ein hinderniß sind in der liebe gottes. Darumb bedunckt mich das die kurtz vñ war beschreibung der tugent die sey. dz die tugent die ordnung der lieb ist. Item in einer predig spricht er. Nichts ist süßers denn die lieb gots. nichts höhers. nichts nützers. nichts wirt würdigers. nichts wirt wüsamers gefüde. Dis sint sāt august. wort.

Was prosper spreche.

Prosper spricht in dem buch von dem schauenden leben. Die lieb ist ein rechter will der von allen irdische dingen entfremdt vñ got vnscheidberli chen zugefügt vñ geeint ist. mit dē feur des heiligen geists. von dē sie ist. vnd zu dem sie ist geordnet. entzündt. ober alle ding. die fleissiglich geliebt werde. hoß. aller begirten od bewegunge. die aller mechtigst. der göttlichen scharung begirig. in allen dinge allweg vnüßerwunden. die sin aller guten werck. das heil der sytē. das end der himlische gebott. der laster tod. das leben der tugēdt. die krafft der streittendē. die palm der vberwinder. die waffen der heiligen gemüt. die sache der gute verdienst. der vollkommenen lon. on die nye nyemāts got wolgefallen hat. mit der keiner hat müge sünden. so mag auch keiner mit ir sünden. Sie ist fruchtber den büßendē. frölich den zunemendē. eretreich den verharrēden. sygreich in den martren. vol guter werck in allen gläubigen. vnd was guts wercks grünet auff der erdē. vñ ist fürnem in den himeln. Das ist auß ir. Das spricht prosper. Basilius spricht. die liebe gottes ist ein unzerrinlicher schatz wer dē hat. der ist reich. wer yn mit hat. d

ist arm. wie reich er ymmer schein sein.

Was sant bernhart sprech.

Ant Bernhart schreibt vber dz buch der liebhabendē sel. Das leben der sel ist die lieb gottes. Die selben lieb enpfahet der glaub. sie formirt der heilig geist. vnd gibt ir die gestalt. vnd das leben. die hoffnung gepirt sie. das lesen seigt sie. die betrachtung erzet sie. das gebet leucht ir. vnd sterckt sie. Der selb sant bernhart spricht aber. O du och der heilige liebe. wie süßiglich fliest du. wie erlich bindst du. wie seft trücketst du. wie lüftlich beschwerst du. wie starck trücketst du zu dir. wie klüglich vnterweist du. O selige liebe. auß der die strengkeit der sytten. die lautterkeit der begirten. die subtyligkeit d verstantnis. der belangung heiligkeit. der werck clarheit. der tugent fruchtbarkeit. der verdiensten würdigkeit. der lon vber treffentlichkeit entspringen. Item sant Bernhart vber cantica spricht. Des mā wol warnemen vnd mercken soll. Die größe einer yeglichen sele wirt gemessen nach der maß der liebe. die sie hat. als die vil lieb hat. die ist groß. die wenig vō d lieb hat. die ist klein. die nichts hat. die ist nichts. so d heilig zwölff bort spricht. hab ich der liebe nit so bin ich nichts.

Was sant Gregorius sprech.

Ant Grego. spricht in pastorali. Alle güter die wir in den andern lieb habē. sind vnser. auch die dē wir mit nachfolgē müge. aber wir habē sie lieb in den adern. Auch alle güter. die in vns lieb gehabt werde. die werde der selbē. die sie liebhaben. Hiernüb sullen die neydigen menschen wegē. wie krefftig die lieb ist. die dy werck adrer arbeit. on vnser arbeit. vnser machet.

cristi vnsers herren

Was sant Jeronimus sprech.

Ant Jeronimus spricht vber dz wort vnsers herren dz er spricht Lu. am. ij. ca. habet lieb eür feind. O wñ verberlich gutheit gottes. O vnaussprechliche gütigkeit. O vnmessige ermüdigkeit des seligmachers. Er verheißt vns lon. so wir einander liebhabē. so wir eināder gebē. des wir vntter einānder bedürffen. on dz wir vntter eināder mit leben mügen. vñ dan noch wider streben wir törete vñ hohfertigē. wir wißten streben dē. des gebiet vnsere guttat. **A**nt.

Das die liebe d' grūd d' süßigkeit ist Als sei etwas auß den sprüche d' heiligen lerer berürt zu einer ergetzlichkeit d' leser. vñ auch zu einer bewerung meiner meinūg. das mā merck. was an der liebe lig. vñ auch zu einer beireitūg der beschließung d' wort vnsers herren in der süßigkeit d' liebe. vñ auff das willich von der crafft der liebe dise ding gesetzt haben. so ich von d' süßigkeit d' wort cristi setzen wil. wan die liebe ist der grund der geistlichen süßigkeit. als oben gemelt ist.

Das in den letzte worte vnsers herren an dem creutz alles dz gut beschlossen ist des wir begerē müge. vñ durch die selben wort wirt auch alles gut außgeschlossen. dz wir fürchten möchten.

Darumb wilt du dz dir die wort cristi schmecken. wilt du irer vñ mögliche süßigkeit enpfinden. so merck wie lieplich sy seyen. merck wie alles dz. das wir fürchten möchten. durch dise wort außgeschlossen vñ alles dz wir begeren mügen. darinne begriffen wirt. Der zorn wirt außgeschlossen durch dz wort. vater verzeih ynen. Den hat er nit erzürnet vber die allergrößten sünde.

vñ das vnaussprechlich vbel. vñ vnrecht. dz von den bösen an seiner eigen person beschēhe ist. warüber will er den zürne. Sprichstu denn. das er mer mag leide was im beschēht. dan dz den seine beschēht. so bekennestu ye einē getrewē herren. der die seinen so lieb hat. das er nit leide mag dz mā in etwas vbel's tue. vñ mag doch souil für sie vñ auch von ynen leide. Zum andern wirt die vngüt außgeschlossen durch die wort zu d' muter vñ zu d' iūnger gesprochen. Siß an dein sun. Siß an dein muter. Zum dritte wirt außgeschlossen die vnmiltigkeit vñ karekheit in der verheißung des paradyses. bey dem die ewig seligkeit verstandē wirt. Zum vierde die vnachtberkeit vñ wanckelmütigkeit. in dem. das sich der herre in alles vbel der peyn verliche vñ wolt verlassen werde. vñ der geliebte willē. Darumb sprach er. mein got. mein got. warumb hastu mich verlassen. Zum fünfften wirst du versichert vor der forcht des verdriessens. od' der nyetung. od' settigūg d' liebe. Wann in menschlicher natürlicher liebe beschēht es gewöñlich. dz man sich d' selbē liebe nyetet. das mein ich also. Wenn auch dz geliebt oder die liebe fast liebe zum ersten in der neue. so wirt mā doch zum letzten. oder die leng ir vrdruz vñ verdriesslich. wann man sich ir genietet hat. Gleich als ei heißhungeriger mēsch der fast begirig ist vber die speyse. vñ wenn er satt ist. so wirt er. der vrdruz. Das wirt von der liebe cristi außgeschlossen. durch dz. das er spricht. mich dürstet. durch das er sein begirig vnerlegne lieb zeuersteen gibt. Zum sechste wirt auch außgeschlossen die forcht d' verhaltūg. gleichheit vñ d' volkümheit.

oder der behaltung des vntterscheyds
vñ der vbertrefflichkeit das die weip-
lich lieb auch mit gern hat. Das ist souil
gesprochen od gemeint. Es beschilt zu
zeit. wie lieb ein man die frawen hat.
so behelt er doch in die oberkeit dē ge-
walt vñ die meisterschafft. Vñ das nit
allein in der regyering des hauf oder
haufgesinds vñ des gutes. Sund auch
in freyheit seiner person. Wenn er will
etwas gewalts geprauchē vñ etliche
ding thun. die er der hauffrauē mit gū-
nen. erlauben noch gestatē will. Vñ die
liebe begert doch gewalt zehaben ober
das geliebt. vñ sein mechtig vñ gewel-
tig zesein. vñ das ir nichts von dem ge-
liebten verhaltē verborgē verschlossen
vñ vñmitgeteilt pleib. Sund sie will. dz
rat vñ tat. gut vñnd mut mit ir geteylt
werd. vñ das frewd vñnd leyd gleich ge-
mein sey. also wenn sie sich frewet. das
sich dz lieb mit ir frewe. wenn sie sich be-
kūmert das sich dz. von dem sie geliebt
wirt. auch mit bekūmer. sūnst ist sie nit
zufrid. vñ helt das nit für ein vollkommen
liebe. Darvñ sprach die tammatha dz
ist die fraw von tammatha. zu dem sam-
son. du hast mich vñnd hast mich nit
lieb. darvñ wilt du mir dein rättersehe
nit auflegenn. als ob sie sprechen wolt.
hestu mich recht lieb. du verbergest mir
nichts. Desgleichē sprach auch die da-
lila zu im. Wie spruchest du. dz du mich
lieb habest. so dein mut nit mit mir ist.
Den du hast mir drey mal gelogē. vñ mir
nit gesagt. warynn dein stercke lige. Ju-
dici am. xiiij. vñ. xvj. ca. Das du nit gedē-
ckest vñ sorg habst das cristus auch ein
söllicher vnuolkommer liebhaber sey. so
schleüßet er dz alles auß. durch dz. dz
er spricht. Es ist volbracht. Als dz oben
gemelt ist. dē herr hat durch dz wölle zu

uersteen geben. dz er alles dz gethabet.
dz die liebe Begeren möcht. Darumb. so
die liebe begert in den lieplichē dingen
dem geliebte gleych zesein. vñ cristus dē
herr ist in alle begirlichen vñ lieplichen
dinge d allervollkommenst. Vñ zu d vñd
komēheit gehōrt das etwas anderer er-
sprung vñ anfang mīg sein in seine ge-
stalt vñ gleichnus. Darumb ich oben ge-
setzt hab. das die natur neygt die ge-
wachsnē. auff dz selb. Den. als wir ses-
hen die gewachsnē dig. als baum kreū-
ter. tragē in vñē. auß dem ires gleichē
bekūmpt. die baum kern. die kreutter sa-
men. Desgleichē die fisch milch oder ro-
gen. Vñ kurtzlich alle vollkomne tier vñ
fōgel habē in vñē samen. zu auffenthal-
tung irer gestalt. Also ist es auch ein vol-
komēheit in dē mensche. nach der natur
zerechnen. frucht bē zesein. vñ die vñ-
fruchtbarkeit ist ein geprech. darvñ ist
oben gemelt. dz die frawē. die in erber-
ter ee seyen. Begerē desselbē fast. dz sie
kindtselig seyen. vñ schemē sich der vñ-
fruchtbarkeit. wenn durch die fruchtber-
keit werdē sie etlicher maß den mēnem
gleich. in d oberkeit vñ würdigkeit gegē
dē kindern. dan wie d mā gleych als dz
haupt vñ d herr od meister ist. gegē der
frawē. also ist die fraw gegē dē kindern

Das der man die hōchste würdigkeit
durch die frawen erlangt. vñ widerumb
die fraw von dem mann.

Doch gewint die fraw durch die
fruchtbarkeit d kind etwas gley-
chnus d würdigkeit des manns gegē dē
man. wann wie sie die würdigkeit d muter
schafft mit erlangē mag. Den durch den
man. also mag auch d mā on die frawen
die würdigkeit eins vaters mit ertrygē.
also werdē sie gegleycht d kinder halbe.
sie werdē gegleycht in dē. dz nach d nat

cristi vnser herren

tur dz wirdigt ist. Den als wir sehē wie die frau on den eeliche man nit kan ein erliche muter werde. also mag d man on ein eeliche frawen nit ein erlicher vater sein. Darvñ so ist er ir deshalben so vil schuldig als sie yme. Denn er kan die hōhste ere also dz mā i ere als einē vrsprung seins wesens. als die kind ir vater ere sülle. gleich als wenig on die frauē habē. als die frau ir ere on den man. vñ deshalben sullen die mēner die frawen auch erē als mitgenossen d hōhste würdigkeit. Durch die sie got dē vater i gleichnus weyse nachfolgē. d allei in d hey ligē dryfeligkeit seins geleichē gebirt.

Das vnser herr seiner gespons d arienheit sein wirdigkeit mitteilēt.

Der thut christus. Dann er teilt sei volkūmeheit mit seiner praut d heilige cristliche kirchē. d er verlihe hat. dz sie teglich kinder gottes gebirt auß seinē heiligen plut vñ auß dem samē seiner wort. d dz wesentlich wort gottes des vaters ist. Also teilet er ir mit. die wirdigkeit des anfangs vrsprungs vñ der geistlichen vaterlichkeit vñ muterschaft. Den die. dy da tauffen. firmen vñ predigen. sind als die vater. die. dy kind od and zu dē tauff hebē. tragē. führen od haltē. als in d person der cristen heit. sind als mäter. Desgleichē zu der firmung. Vñ ob auß dem predigen vñ beytchören kein geuatterschaft entspringt. so sind sy doch sach dz mā geistliche geporn od vñ dem geistlichen tod erweckt wirt.

Das die iunckfrawen. die vñb der liebe cristi willē die ee vbergebē. frucht berer werde. Denn die eefrauen.

Die ādechtigē liebhabēdē selen macht cristus fruchtber in gute

tugētlīchē werckē. Durch die sie cristo dē geliebte vñ liebhabēden gleichförmig vñ volbracht werde. Vñ hat vnser herre seinen liebhaber in den heilige iunckfrawē ein teil grosse fruchtbarkeit gegeben. Als sāt vrsula. die wolt vñ cristus willē kein tōtliche kind haben. d hat der herr als bald eyllf tausent edler tōchter gegeben. die all dē himlischē keyser verneht sind wordē. Sant Basiliſſa gewan auch für ei wenig. die sie möcht gehabt habē. tausent. Sāt Clara. wenn sy auch hoh gemānet het. so het sy villeycht eynen ritter od drey od gar wenig mer gehabt. d gedechtnis legt vergāgē wer. So sie aber cristū zu irem gemahel vñ lieb erwelet. vñ die tōtliche frucht vñb seinen willē vbergeben hat. so hat ir cristus ir geliebter vñ liebhaber vñzeliche kind gegeben. vñ burgers kindern. vñ rittermessigē. vñ fürstē tōchtern vñ künigen vñ keyser tōchtern vñ künigin vñ keyserin.

Das die heilige grof freud in iren geistliche kindern werde haben. vñ widerumb die kinder in iren geistliche vātern vñ māttern.

Des es ist nit zuglaubē. dz ye ein muter sölliche freud vñ wolgefallē in iren kindern gehabt hab. als ein sölliche heiligin in den wirt habenn. die durch ir ebēbild in ire ordē. dē himlischen gesposen cristū zu einē sundern preutigam. vñ gemahel. vñ dz krentzlein der iunckfrawschaft od die palm der keuscheit vñ dē sundern lon. d dē. die dē selbē ordē haltē. verheissen ist. vberkomen vñ gewinnē habē. Vñ in gemein zeredē. ist dz zuhaltē vñ allē dē. die mit ire lebē vñ ebēbild. od durch ir stiftung vñ ordnung. oder durch ir lere. vñ ermanung

Den andern sachen seyen des heyls vñ irer ewigen seligkeit. die sünd verdampt. od mit so selig weren wordē. das sy von inē in grosser sunderer lieb vñ ere gehalten werde. vñ sy werde sich von ynen frewen. als von iren kindern vñ von d frucht irer arbeit. Das bewert sant pauls wol in seinen episteln. vñ in sunder in dē andern capitel der erstē epistel zu den von Thessalonica. da er spricht. Welches ist vnser hoffnung oder frewd od die kron vnser ere. Seyet ir nit die selben vor vnserm herren ihesu cristo in seiner zukunfft. Wann ir seyet vnser ere vñnd frewd. Desselbē gleichen hat kein kind vñ den kinden der mēschē sein eltern als so geeret vñ lieb gehabt. als die vorge-melten closterfrauen vñ andere ordens leüt. ir stifter oder stifterin in den himeln uren vñ lieb habē werde. Vñ also habē wir. was ere der herr cristus seine preütē anlegt.

Wie lieblich vñ süß sich vnser herre an dem creütz in seinen letzten Worten bewisen haben.

Un auff die fürderlichen meynung zekumen. so sib an. wie lieblich vñ süß vns vnser herre an dem heiligen creütz in seinen Worten wirt fürgehalten. Vñ besund zum erstē. deshalbē das durch seine aller süßeste tröstlichste wort. das. das wir allermeist fürchten möchten. vñ zebeforgē haben. allermeist aufgeschloffen wirt. Das ist. sein zorn. sein vngunst. oder vngnad vñ vnhuld. vñ der gleychē. als den gemelt ist. vñ on allen zweifel als vns nichts schwerers. nichts widerers. nichts leyders. nichts erschrockenlichers möchte wider farn. Denn C da die barmhertzigkeit gottes vor sey C dz wir in die vngunst oder vñ

gnad des herren. vñ zuuor in seinen zorn solten fallē. darvñ haben wir das selbst vor allen dingen zebeforgen vñ zofürchten. also mag vns nichts süßers noch tröstlichers sein. denn das wir vor dem selben gesichert werden.

Das man den teüfel mit fürchte sol. sunder den zorn gottes.

Wir bedürffen noch sollen die hell vñ den teüfel außerswelling mit fürdlichen fürchten ob wir sie auch natürlichen als vnser vnderfachē peyn liden müssen fürchten. Denn wer den teüfel fürcht. der tut got C als mich bedunckt C ein vnere. Die hell fürchtē ist knechtlich. dē teüfel fürchtē ist nit fast cristenlich noch gott erlich od gefellig. Man soll dē teüfel verachtē vñ nit fürchten. wann er mag vns nichts thun wider den willē oder verhengēnus gottes. Darvñ sullen wir got vñ sein gerechtigkeit die mā seine zorn nennt. fürchtē vñ vnser sünd willen. vñ nit dē teüfel. Den ye mer wir dē teüfel fürchtē. ye mer verschuldē wir. dz er vns beschedige. Dan als ich oben gemelt hab. nach meinē beduncken. so ist es nit on vnere des glaubens vñ gottes. dz mā dē teüfel fürcht. vñ nit got. ia du solt got fürchtē. darvñ ne dz du dē teüfel fürchtst. dan es ist ei zeihē. dz du nit einē gätzen starckē glauben vñ got od zu got hast. Warvñ soltest du dē teüfel fürchtē. so er dir mit ein hartein krümmen mag. got der herr verheng es im. denn.

Das die den teüfel fürchtē müssen. die got den herren mit fürchten wollen.

Du solt im die ere nit anlegē. dz du in fürchtē wöllest. den ich getar nit wol sagē. wie fast es wid got ist. Vñ wen du auch in sündē bist. danoch

cristi vnseren herren

rät ich dir mit. D^z du dē teüfel fürchtst. wie wol es dē bösen zu einer pei vñ bus vñ got verlassen wirt. D^z sie den teüfel fürchte müssen. darvñ d^z sy got nit fürchten wollen.

Was d^{er} mensch thun soll. wen er sich fürchtet.

Darüß fürcht got. so bedarfst du niemāts anders fürchte. sprichstu den. wie solich thū. wen ich etwa. allein bin i d^{er} nacht. auf dē feld. od^{er} wa es den ist. vñ mich küpt Cals es oft beschicht. ein grawē oder scheußzel an. das mir die haut schaurt. vñ das har gen berg geen wirt. das ein zeichen ist. als etlich sprächen. das der böß geist gegenwertig sey. od^{er} sünst etwas vñgeheuers. ich antwort. Du solt mit einē grossen glauben. d^z heilig creütz für dich vñ an dein prust zeichne oder mache. zu einē zeichen. d^z du als ein cristen mensch glaubst. vñ wolst glauben an den creützigen cristen. mach das creütz an die stirren. zu einē zeichen. das du dich des creützigen vñnd seins glaubens nit schemen wilt. Mach es an den mund. zu einer bedēutung. das du seins namens vñ glaubens nit verlaugnen wilt. Mach das creütz für dich vñ hinder dich. zu einē zeichen. das du dich frewest. das du getauft vñ in dem glaube vñtterwisen bist. vñnd das du in dem glaube cristi verharre vñ sterben wilt. Mach es auch. neben dich. zu einē zeichē. das du weder durch glück od^{er} vñglücks willen wöllest von dē glauben treten. vñ zu einē zeichen. das du dich in d^z creütz wöllest schliessen. Vñ sprich etwas gebets vñnd den titel des creützes. Ihesus nazareus rex iudeorum. vñnd empfihl dich der iuncel frauen marie mit eym. oder dreyen aue maria. auch vñ d^{er} namen willē. die darynn bes

griffen sind. nach d^{er} teütschē gewoheit. maria iesus cristus. Vñ sprich auch sāt iohāsen ewāgelii. In dē anfāg w^{ar} d^z wort zc. wo du d^z käft. zu einer bedēutung od^{er} verichung des glaubens. od^{er} sprich dē glaube vñ d^{er} gleichē. Vñ setz deinen glaube vñ zeuersicht in cristū. vñ sei wer de muter. vñ ir verdienē. vermüge. vñ tu gēdt. die bey. vñ in dē wortē angerüffet vñ gemeint. vñ verichē werde. Vñ fürchte dich nit. Bedeck alweg. d^z dir gott d^{er} herr neher ynnere. vñ wesenlich gegenwertiger ist. dē d^{er} teüfel. Vñ d^z der gewalt des teüfels allweg vñtter dem gewalt gottes. vñ seiner engel gezemet vñ gezwungē ist. darvñ er auch d^z mindst wid dē mēschē nit vermag. on sund verhegēnus gottes. Vñ darvñ sol mā dē selbē fürchte. nach dē als d^{er} herr in dem heiligē ewāgelio spricht. Lu. am. dē. xij. Ich will euch zeigen. wen ir fürchte sol let. Fürcht dē. der. nach dē als er getöt hat dē gewalt. hat leib vñ sel in die hell zesenden. Mathei. am. x. ca. Vñnd merck eben das der herr nit spricht. das man die helle fürchte soll. sunder den. d^{er} den gewalt hat in die hell zesenden.

Vñ von dem vñnterscheid der fürchte.
DJe peyn fürchte. od^{er} auch dē herren. vñ d^{er} peyn willē. d^z heist ein linchtliche fürcht. fürchte das mā erbt werd. d^z soll ein edlere fürcht sein. aber sy ist vñuolckmē. fürchten das mā vñlleicht icht erzürn dē himlische vater. od^{er} in sei vñgnad fall. ist d^{er} weisern vñ getrewern linc. den es leyd wer. d^z sy den vater vñeren od^{er} betrübē soltē. den d^z sy abpruch an irē erb soltē leidē. Aber fürchte. d^z die huld od^{er} lieb icht geletzt od^{er} gemindert werde. das heist mā ein lincliche heilige fürcht. vñ gehört dē adechtigē selē zu. dy als sund preit cristi sind.

Wie der mensch durch die wort gesichert wirt. vor allem dem. dz er zu fürchten möchte haben.

Du auff mein meinig zeredē. Wer die peyn fürcht. d wirt ver sichert durch das erst wort. der bet der verzeihung. Denn der. d seinen vater so getrewlich gebetten hat. dz er den. die an seine tod schuldig wern. verzeihē. vñ sie nit straffen noch darvñ verdäpnen wolt. d het dz verzeihen. Die. dy da fürchten sie möchte enterbt werde. die werden gesichert durch das wort. heüt wirst du mit mir in dē paradyß sein. Die. dy da fürchte. dz sie wider die linc lichen trew möchte die väterliche oder gleich mütterliche lieb verwürcken oder betrüben. die werden gesichert darvor. durch das. das der herr spricht. Siß an sein muter. Siß an dein sun. Die. dy da möchte besorge dz die lieb cristi möchte geletzt. verferet oder gemindert werde die werde gesichert durch die nachfolgenden wort. Vñ das ye mer vnd mer. den ein yeglichs nachfolgendes legt et was zu den vorgeende. Vñ also hastu wie wir durch die tröstlichen wort vn sers herren vor den vbeln die wir zeförchten habē. vertröst vnd versichert wern. Wenn es scheint. es leuchtet. vñnd lautet auch in ynen. das der. d dise wort redt. vñ des dise wort sind. vñerzürnlich sey. der doch das almechtig wort ist. der das wort ist. durch dz. himel vnd erd be schaffen vñ alle ding worden sind. das wort. das da spricht. himel vñ erde wern den zergeen. aber meine wort werde nit vergeen. der. d vnser schöpfer vñ herr. vnser gesetzgeber vnd richter ist. der be weiset vnd erzeigt sich so gütig vnd so senfftmutig in disen seinen letzte wort

ten. das es scheint. dz er nit zürne müg. Es scheynt. das er nit vnwillig oder vngünstig künd sein. Es scheint. das er nichts versage künd. Es scheynt. das er nyemantz verachte künd. Es scheynt. dz er nit allein guts thuns. ya des bestenn thuns. als sind verzeihens. peyn ablassens. himelreich gebens. sich selber für die sind zegebē oder zeopfern. mit satt müg werde. Es scheint. dz er nichts. mit allein leere. sund auch mit gantz gefüllt müg lassen. Es scheint. so er in im selbs die endlos seligkeit ist. das aller seyner tröst vñ sein grösste freud sey. dz er den seinen zu lieb werd.

Was süßen eigenschafftē in dē wort vn sers herren beschlossē seyen.

Auf dem erste merck. wie senft. wie gedultig. wie senfftmutig. wie verzeyhlich. wie eremütig er sey. Auf dē andern merck. wie freuntlich er sey. Auf dē dritte. wie mil. Auf dē vier dē. wie eretreich vñ hochachtēd. Auf dē fünfte. wie vnmülich. vñerlege vñ hertz gütig. Auf dē sechsten. wie endlich vnd volbunglich. Auf dē sibēde merck. wie heimlich. wie muterzertlich vñ wie lieb reich er sey. Vñ woz kausumer begere vñ alle dē dz du erdeckē magst. vñ gott. dan dz er vber dich nit zürne müg. dz er dir dein sind allwege vergibē wolle. dz er dich i demē gebrechen. vñ vñdäck ber keite gedultiglich tragen wolle. das er dich als seine brud. ia als den. für dē er sich i dē tod gegebē hat. seiner allerlieb ste muter empfolhē will habē. dz er dir nichts. ia auch sein reich nit versagē will. das er dir mit allein sein reich vñnd sein erb. sunder auch alles sein gut mit teylen müg. so will er von ernen. von gut. von gewalt. von werden. von fremdem

cristi vnser s herren

vnd von dem leben. in schand. in peyn. in
frackheit. in scham. vntter die feind. in
den tod verstoffen. vñ verlassen werde.
vñ will dannoch daran kein verdriessen
haben. sunder bereyt sein C gebüret es
sich D noch mer zeleide. als lang biß er
dir sein gut vñ ere. die er dir von dē sein
geben will C so du sie verwirckt hast D
verdienē möcht. vñ will nit ablassen ze
thun vñ auch zeleide alles das ym müg
lich ist. biß er dir dise obgemelte ding al
le verdient. das ist verzeihung der sünd.
die liebe seines vaters. vñ seiner muter.
vñ aller seiner freünd. das reich der hi
mel. sein eigen erbe. vnd antwort dich in
die hende seims himlischen vatters. das
auch der vater sein frewd mit dir erzey
ge. vnd hab ein wolgefallen in dir. vñnd
frew sich. das er dich erhöhen. eren. trö
sten. anlachē. dir zertlen. wolthun zu lieb
werdē. vñ dreütle süll. als ein muter irē
zartē liebē kleine kindlein. vnd sölicher
trost wirt vns auch von gott dem herrē
in der heiligen geschriffte. als ich bewes
ren mag. verheysen.

Warüb vns die himlisch frewd vnt
ter der gleichnus mütterlicher zertlung
fürgehalten vñ verheissen werde.

En nyemant laß sich verwun
dern. das vns got der herre den
trost der himlischenn frewd. vntter der
gleichnus mütterlicher zertlung gegen
den kindern vñ kindischen dingen ver
heisset. Dan wiewol wir gewachsen vñ
betagt frawen. oder bartet vñnd witzig
menner seyen. so sind wir doch C besun
der yen got zerechnen D in der warheit
wol kinder. Wan wir tun kindisch. Dan
so wir arbeit vñ hertigkeit fliehen. vñ d
zartheit vñ waichheit pflegē. so wir der
roßheit vñ oppigkeit nach geen. das nit

allein. die tun. die des spilens vñnd der
frewd diser werlt teglichen pflegē. sun
der auch die. dy nach werltlichen erē vñ
nach zeitlichem gut stellē. was sind wir
anders dann kinder. die ein epfelein od
zuckerböcklein. od ein geferbts gleslein.
od ein glitzends dinglein. für groß erb.
ia für ein künigreich nemē. Wan sie wis
sen nit was es ist. So wir stets thun. dz
vns vō gott verbotten ist. so wir begere
des. das vns schedlich ist. so wir vnserm
mutwillen nach geend. vñ lassen vns sin
gen vñ sagen. vñ prauchen dannoch vñ
lern eignen willen. so wir den myndsten
anstoßen vñ anfechtungē nit widersteē
mügen. wir lassen vns das fleisch vber
winden vñ geend den schampern gelü
sten nach. vñ treibē alweg. dz vns d him
lisch vater wcret. darvñ dz er vns dro
et. vō des wegē er vns straffet. vnd wie
fast vns vnser muter die cristlich kirch.
dz ist. die öbtheit. als die prelatē predi
ger vñ beichtuäter kuppeln vñ straffen.
vñ danoch lassen wir vnser genesch nit.
was sein wir anders den kind. die kind
emplößen sich. vñ schemen sich nit. wir
verunreinē oft vnser gewissen mit schā
perē gesicht. vñ wortē. die wir williglich
höre oder redē. wir verpilden vnser ges
müt mit schampern gedanken. wir ver
klüttern vnser hertz mit schāpern lüste.
wir emplößen die schamperkeit vnser
begird mit eüßern zeichē. in zereden. in
lachē. in betastung sölicher glider. das es
ein schād zefagē vñ zeschreibē ist. Vnd
dz tut nit allein dz gepöfel. sunder auch
die edeln. mit allein die schlechte. sunder
auch die fürstenn. mit allein heimlichen.
sund auch offentlichē. vñ soll gleych als
kein schād. sund ein zymliche hoffweyß
sein. Siß ob wir kind seye od nit. so wir

Von der süssigkeit der wort

mit allein mit kindischen. sunder mer mit
vibischen wollüsten on scham offenwer
lichen vmbgeen. Vnd wolte gott. das
wir mit vibischer vñ vnuerschemppter we
ren. den die kinder. die gewönlliche. wen
sy fallē. so fahē sy zuhand. an inniglich
zu weinē. Vñ wir fallen des tags hun
dert mal in das kot der vnlautterkeit.
Durch verwilligung in die wollüst der
sünd. vñ werde nit allein verwit durch
verferung der cōsientz oder gewissen.
vñ schwächung des guten willens vnd
starck reitzung zu der sünd. sunder wir
erholen auch den tod der sele. vñ schuld
des ewigen tods. durch die tod sünd.
die wir dar mit begeē. es sei den nit war
das die erst wesenlich vnfeilig warheit
spricht. in dē ewangelio in dē. v. ca. Ma
thei. Ich sag euch. das ein yeglicher. d
ein frauen siht ir zu begeren. yetz die ee
mit ir geprochen hat in seinem hertzen.
Vñ so wir so schwerlich vñ so oft fallē
so weinē wir dannoch nit. durch die wa
ren reu. die doch zuhand nach dem val
solt folgē. Seh nun. wer da wöll. ob wir
nit waicher. schwächer. zarter. vnfürsi
chtiger. eytekerer. töreter. mülcher. vñnd
mutwilliger seyen. in geistlicher weyse
zereden. dem die kinder in leiplicher od
natürlicher weise. Darumb warnet vns
die heilig weyßheit in dē erste capitel d
sprich salomons vnd spricht. Wie lang
habt ir kleinen. die Eintheit lieb vnd die
toren begeren der ding. die ynen sched
lich sind. vñnd die vnweyßen hassen die
kunst. Keret euch zu meiner straff. Vñ
wer bey den kindern oder kleinen ge
meint werd. das legt salomon darnach
in dem. ix. ca. auß. da er offenberliche ze
uersteen gibt. das dar bey die vnweyßen
törete fleischliche mensche gemeint wer

den. die sich von der torheit vnd fleisch
lichen wollust lassen ziehen vñ vberwin
den. Vñ das wol zeuerroundern ist. die
allersterckesten vñ vnerlegeste in ritter
lichen tatē. sind oft in disem streit wid
die waichheit vnd wollust des fleisches.
die allerschwächste. beyd ritter vnd gra
fen hertzogē vñ auch die allermennlich
sten vñ grausamste fürsten. do den man
oftt erfarn hat. dz souil waicher vñ plö
der sind gewesen den fleischliche sündē
widerzusteen. souil als sy wider ir feind
die menschen. gewappent. grausam vnd
erschrockenlich gewest sind. manlicher
vñ streiberer vñ vnüberwindlicher wa
ren. das wisset ich zubeweren durch dz
leben der allgrößten keyser. die in der
werlt sind gewesen. als des keyfers gay
July Octavianum Augusti Tiberij Gay
caligule. Neronis. Galbe vitlely. adria
ni vnd anderer irs gleichen. wenn es nit
ein schand wer zegedencken. ich will ge
schweigen zuschreibē. Auff die meinung
zukünē. die kinder sind nit also kindisch
noch also begirig. dz sie waich zart vnd
lieb gehalten werde. vñ das man ir schon
vñ ynen vbersehe. vñ der gleychen gege
ren eltern. noch die frauen gegen den
mennern. als die menner gegē got dem
herrē. Darvñ so wir vns so zart bedun
cken. vñ wie oft wir tun. dz mā vns vnt
ter sager. vñ meyden auch dz nit. darvñ
vns gott d vater oft schlecht vñ plagt.
yetz mit krankheit. yetz mit teure vñ hū
ger. yetz mit d pestilentz vñ d gleichen.
vñ ließ vns vnser herr nur vnsern willē
vnd straffet vns nit. das wer vnser mey
nig. wir ließen vns auch gern benügen.
an zeitliche trost. an werltliche freude.
vñ erē. an fleischlicher wollust. als in es
sen vñ trincken. vnd anderē natürlichen

cristi vnsers herzen

gelüsten. Daz wer vnsers Dings. wir frag-
te nit weytter. Darüß so spilet vnser herr
mit vns. auch in sölllicher weyse. vnd vers-
heisset vns ewigen himlischen trost. vnt-
ter der gleichnus des zeitliche vñ fleisch-
lichen trosts. zu einem zeichen vnser Ein-
dicheit. Dāñ die kind muß mā mit milch
vñ waiche milch preylein neren. Dar-
umb hörz woz gott der herr durch den hey-
ligen prophete Jeremia in dem xxxi. ca-
pitel spricht. auch zu dem groben volck.
Ich hab dich in ewiger lieb lieb gehabt.
darum hab ich dich erbarmet zu mir ge-
zogen. Vñ ich wird dich widerum bawē
Vñ du. o uinckfraw israhel. wirst ge-
bawet werde. Du wirst noch mit demē
baucken geziert werden. vnd wirst her-
für geen in dem raye der spilende. Dāñ
ich bin israhel zu einem vatter wordē. vñ
effraym ist mein erstgeborner sun. Den
wirdt sich die uinckfraw frewen i de raye
die iungen vñ die alten mit einader. Vñ
ich wird ir wainen in freud wenden. vnd
wird sy trösten vñ erfrewē vō yrem laid.
Dāñ sy in soll auff hören zu wainen. vñ
dein augē vō den zehern. wāñ dei werck
sol belonet werden. vñ deine kinder söllē
wider keren zu iren orten. Darnach spri-
cht der prophete in der person des effra-
ims. Daz ist. des reichs der zehen geschles-
cht ysrabels. Herr du hast mich gekestis-
get. vñ ich bin als ein ungezogner iing-
ling ontterweisen wordē. Bekert mich. so
wird ich bekert werden. wāñ du bist mei
herr got. Dāñ nach dem als du mich be-
kert hast. so hab ich bus gewürckt. Ich
hab mich geschemet. wāñ ich hab die sch-
andt meiner iugent gelittē. Auff dass elb
spricht der prophete in der person gottes
Ist es daz mir effraim ei erlicher sun ist.
Ist es. daz er mir ein zartes kind ist. Dāñ als

ich von ym geredt hab. so wird ich seyn
noch gedencē. Darum ist mein gedern
vber in betrübt worden. erbarmend will
ich mich vber i erbarmen. spricht d herr.
Sihstu wie zertlich gott d herr redt. von
dem grobē volck. Doch was er zartes vō
ynen redt. Daz ist mer zueersten von dem
volck der heyligē cristenheit. Das bey dem
selbē volck bedeutet wirt. Zu dem got der
herr spricht in dem neunundwertzigsten
capitel. ysaie. Dñ spricht got der herr.
Sih an ich wird mein hand auffheben
zu den geschlechten. vñ wird mein zaich-
en erhöhen zu den völkern. vñ sy werden
den sū auff den elbogen herzu bringē.
vñ deine töchter in den armen trage. vñ
die kōing werden dein nerer werde. vnd
die kōingm dein amme. Sie werde ir an-
gesicht auff die erden nyder schlahē. vñ
dich anbetten. vñ den staub deiner füß
lecken. Das sehen wir wol volbracht
in der grossen andacht. die dy kōing vñ
kēyser dem gepain. den grebern. dē heils-
tumb der lieben heiligen bewisen habē.
die kinder der heiligen kirchen oder cri-
stenheit gewesen sind. vñ haben yre gre-
ber gekusset. vnd schöne gotzheuser ge-
bawet. vnd clöster gestift. vñ ire güter
vñ erb dar zu gegeben. zu nützig der dies-
ner gottes priester vnd münch. die sy be-
singe sölten. Sölicher clöster vñ kirchē ist
die weyt cristēheit vol. vñ tegliche tregt
mā der heiligen kirchen vñ mutter d cri-
stenheit kneblein vñ maydleyen zu. die
durch den heilige tauff kinder gottes vñ
der cristenheyt werden. Vnd wer kind
ynmer wissen. wie vil kinder der cristen-
heit geborn werden. yn sant sebalds kir-
chen. zu nürnberg. oder in sant laurēt-
en pfarr daselbst. vnd yres gleiche. Vñ
daz hüpsch zugedencē ist. yn allen stette
p

Von der süssigkeit der wort

45
vnd märckten in allen dörffern hat man
pfarrkirchen od filial. in den tauf stein
sind. auß den kinder gottes gebore wer
den. die vor adams kind geboren sind. vñ
in solchen kirchen sind die heiligen patrō
vñ gleich als haupväter. Da ist sant pe
ter patron. da sant steffan. da sant lau
rentz. da sant geörg. da sant merten. da
sant niclaus. Da ist die iuckfraw maria
haupmutter. da sant katherina. vnd also
mit andern heilige. Vñ die in irem lebē
nye leypliche oder fleischliche kinder ge
habt haben. Als vil rō den heiligen die
iuckfrawen beiben sind. die gewinnē vil
tausent geistliche kinder. die gottes ert
ben werden. vñ also werden söllich heil
gen gleich als vätter söllicher kind. Vñ
die kirchen. dz ist die samlung der glawbi
gen die in sölliche kirchen gehören. sind
gleich als mütter sölher kinder. vnd die
thum oder bistum. vntter die sölhe kirch
en gehören. sind gleych als großmütter
sölcher kinder. der großmütter die pfar
kirchen töchter sind. Vñ welche heiligen
patron sind in den thümē. die sind gleich
als großväter d kinder der pfarren die
vntter inē sind. Vñ der großmütter mu
ter. sind die ertzbißtm. vntter den. die bi
stüm sind. vñ die patron vntter den selbē
ertzbißtumē. sind gleich als die vranher
ren der glawbigē. die in allen pfarrkirchē
vntter den bistumen sind. die vntter ynen
sind. vber die selben ertzbißtum sind die
patriarchat. der patron vater recht habē
vber alle bistum die vntter yne sind. vber
die all ist die rōmisch kirch. der patrō sāt
iohāns. ist in der kirchen. die ad sanctum
iohānem lateranensem heisset. die ei mu
ter vñ dz haubt ist aller kirchen. die in al
ler werlt sind. als es oben mit grossen
büchstaben daran gehawē ist. Vñ sant

peter in seiner kirchen mit sant pauls in
seiner kirchen. Vñ merck aber w3 gros
sen vaters sant iohāns der tauffer ser. d
als ein vatter der gätzen cristeheit vñ al
ler kirchen ist. durch dz. dz sein kirch ein
mutter aller kirchē ist. Gedencē nun. wie
vil kinder dise iuckfraw hab. vñ wievil
söllicher vätter vñ söllicher mütter serē.
so sind doch ire kinder vngemittelt prū
der. dan sy sind all auß einem vatter. auß
einem vsprūg. auß einer mutter geborn
dz ist. auß dē plut cristi. auß einē tauf vñ
ein heyligē geist. auß einer heilige criste
lichen kirchen. Vber die selbē aymigkeit
oder pruder schafft ist noch eyn pruder
schafft zwischen den pfarrkindern einer
sundern kirchen. Vñ zwischen den pfar
kindern. vnd den heiligen. in der ere die
kirchen geweiht sind. ist ein sunder zuge
hörug gleich als zwischē den kindern vñ
yren vättern. Vñ wirt sunder frewd vñ
freunt schafft zwischē sölchen sein vñ d
ewigē seligkeit. ist es anders dz die pfarr
kinder sölch heiligen in sunder lieb vñ d
ere od andacht haben. als ir sünd vätter
als es billich wer. Wan die lieben bewli
gen lassen ynen söllich stett vñ völker
oder kirchen in sunderheit enpfolhē sein
Als mā rō sant iohānsen liset. i der lam
parter hystorien. dz er zu ein c der eins
kōnigs leib. den mā zu seiner kirchen be
graben het. mit schönem gezierd beraw
bet in dem grab sprach. Warum hast
du den angegriffen. der mir enpfolhen
ist worden. Darum dz du dz gethā hast.
so sölst du fürbas nit mer yn mein kirchē
kūmen. Also beschah es dem selben. dan
als oft er in sant iohāns kirchen wolte
geen. so fiel er allweg hinter sich als ob
in einer mit einer faust an die felen sch
lūg. Also liset mā auch wie die heiligen

cristi vnsers herzen

yr kirchen. stett vnd lennder der patron
sy sind. beschirmet vñ vor den feindē ge-
rettet haben. als sant Steffan sein kirch
en zu metz. vnd der ypponenser statt. da
sant Augustin bischof was. als der selb
sant augusti schreibt. Vñ so er ein reine
müel fraw beliben ist. als der selb sant au-
gustin. oder sant maximus zuuersteen ge-
ben. vnd ist ettelich hundert iar patron zu
mayntz gewesen. wiewol bischof williz-
gis sant martin hernach patro gemacht
hat. vñ soult bistum sind vntter dē selbē.
wer möcht aufrechnen. wiewil er kinder
het. Also hat sāt Seruaciū sein stat ma-
strieht beschirmet. Sāt iacob hyspanis
er land. vñ der gleichen vñ andern. Dar-
umb so. so mangerley gleichnus d vāters-
licheit vñ kintlicheit vntter den seligē ge-
gen eināder wirt sein. vnd so mangerley
gleichnus der sun vñ kinder in den heyl-
gē gen gott dē herzē. So setz ich gleich-
nus der allerzertesten liebe. in das letzt
wort vnsers herren. desselb zubedenckē
vntter dem höchsten grad d erlicheit süßig-
keit. die die eltern. d ist. vater vñ mutter
in d liebe ir kind habē. besund die weil sy
klein sind. In welher weil oder zeit ir ge-
prechē vñ törete ding mer glechters vñ
wolgefāllens pringē od bewegen. denn
zorns. Vñ auf ein sölche weyse hat sich
der herz an dem creütz bewisenn. gleich
als ein muter. die vber die miss etat pres-
kides vñ liebe wegē. die sy zu im hat. nit
zürnē mag. sund sy zertlet im mer. vñ wil
d dasselb and leut auch tūn. Vnd auff
ein sölliche maynūg ist gesagt wordē. d
der herr seinen geist in die hend seins va-
ters empfolhē hat. gleich als zu einer be-
deütig. d er im die selē. vmb d willen er
sein sel in den tod gegeben hett. in sei hēd
empfelhe. als ein muter d kind. i dem sy

ein wolgefallen hat. dē vatter in die hēd
gibt. d er auch sei freud mit im beweiße.

Das das. das vñ der zartheit vñ süß-
sigkeit. der wort cristi gemeldt ist. durch
die geschriffte bewert wirdt.

Ich getöist dise ding nit setzē. ia
ich schemet mich sie zuschreiben.
wo ich es nit fünde i d heilige geschrift.
d sich gott d herz würdich halt. das zu
verheissen. Wan in dem sechzigste ca-
pitel. ysai. spricht der herz zu der gedē-
mütigerē cristeheit. vñ auch zu d betrüb-
tē büßendē sel. Darū. d du verlassen
bist gewesen. vñ gehasset wordē. so will
ich dich setzen in die höhst art der werlt.
zu eier freud in geschlecht vñ geschlecht.
Vñ du wirst saugen die milch der leut.
vñ wirst vñ den prūstē d kōnig geseugt
werdē. Vñ du wirst wissen. daz ich der
herz bin. der dich selig macht. vñ dein er-
löser. Für ertz wird ich dir gold bringē.
vnd für eyßen silber zc. Vnd her ab bas
spricht er. Dir wirt die sun nymer schein-
en durch den tag. so wirt der schein des
mons dir mit leuchte. sund der herz wirt
dir zu einem ewige liecht. vñ dein got zu
deiner ere. Dein sun wirt fürbas nit vnt-
tergeē. vñ dein mon wirdt nit gemindert
werdē. wen d herz wirdt dir zu einē ewi-
gē liecht. vñ die tag deis clages od wais-
ens werdē ein end habē. Aber dein volk
alle gerechtē werdē ewiglich erbē das
ertrich C verstee der lebēdigē d vñ wer-
dē d gewechs sein meiner pflätzig daz
werck meiner hend zecrirdigē. In dem
nechste capitel darnach vntter vil süßen
tröstē spricht er. Alle die. die in sehe wer-
den. die werdē sie kennen. d sie d samen
sind. den gott gebenedeyet od gesegnet
hat. Auf dasselb spricht d prophet. Freu-
end wirt ich mich freuen in dem herren

Von der süßigkeit der letzten wort

und mein sel wirdt frolocken in meinem gott. Wan er hat mich angethā mit dem cleyd des heils. vñ mit dem gewād d' gerechtigkeit hat er mich vmbgebē. als ei preüttigam mit einer kron geziert vñ als ein praut geziert mit fürspangen. In dem zweyundsechzigisten capitel spricht er. Dir wirt eyn newer nam genent werden. den der mund des herren genent hat. vñ du wirst ein kron d' eren in d' hand des herrē. vñ ein keyser kron in der hand deines gottes. Du wirst fürbas mer nit die verlassenē gehaißē. sun der du wirst geheissen. mein will yn yr. wan gott d' herre hat ein wolgeuallen in dir gehabt. Wenn es wirt d' iung wonen mit d' iuckfrawē. ob bey d' iuckfrawē. vñ wirdt sich der preüttigā frewē vber die praut. vñ sich dein gott frewē vber dich. In dem letzte capitel. da der herz droet seinen feindē. da verhaist er die aller süßeste zertling seinen liebhabern. Den i dē selbē capitel spricht er. Die hād des herrē wirdt erkent werde seinen knechtē. vñ wirt vnwidisch sein seine veynde. Wen seht an. der herz wirdt in dem feur kumme. vñ sein wag wirdt gleich als ein widsprant sein. zebeweysen seinen zorn in vnwisshheit. vñ sein straff in dem flammen des feurs. Wan in dem feur wirt d' herz sein gericht besitzē. vñ in dem schwert zu allem fleisch. vñ vil werde d' sein. die von dem herren getöt werden. Sihst du. wie ernstlich vñ erschrockēlich d' herz sich erzaygt in disem capitel. vñ spricht doch yn dem selben. Wird ich C d' ich ander leut mach gebern. C icht nit geperen. spricht der herr. Ist es d' ich C der ich den andern die geperung gib C vnperhafftig bleib. spricht gott d' herre. Freuend euch mit iherusalem. vñ frolocket in ir. alle die

sy lieb habē. frewt euch mit ir in frewde alle die vber sie wainē. d' ir saugēt vñ gefült werdet. vñ den prusten ires trostes. d' ir melket vñ in wollust fließet. vñ ir aller weißē ere. wan dis spricht got d' herre. Seht an. ich wird vber sie gleich als ein wasser fluß des frides laittē. vñ die ere d' geschlechtē gleich als ein vbergeende gūß. die ir saugē werdet Ir werdet zu den prusten getragē. vñ auff den knien wirt mā euch zertlen. vñ dreüteln. wie ein muer irē kind zertelt. also wird ich euch tröstē vñ in iherusalem wert ir getröst werde. Ir wert es sehen. vñ ewer hertz wirt sich frewen. vñ ewer bain werde grunen. als d' kraut. vñ die hand des herrē wirt erkent werde seine knechtē. Das sind die wort gottes des herren durch den heyligē prophetē ysaiā. Sihst du nun. ob merd gleich helle mit d' heiligē geschriffte od nit. Doch solt du mich nit als anfeltig scherzē. d' ich main. das d' also nach dem büchstabē volbracht soll werde. sun der ich rede in sölhē dingē figurlich. vñ main es. als es die geschriffte oder d' heylig geist durch die geschriffte maint.

Von der frolockung vber söllich ynnhaltung der wort vnser herren.

Acht nun ein mensch sprechē. Eva Barmhertziger gott. was grossen trosts ist in disen Worten vnser herren nach diser seiner auflegung beschlossen d' du sprichst. d' er nit zürnen mūg. als das erst wort ynnhelt. Er mūg sich auch C nach gleichnus weise zeredē C nit eufferlich stellen. als d' ander wort innhelt. Er mūg auch nyemant ichts versagē. so er dem mōd auch d' himelreich. ia auch den vorsprung in d' hymelreich vor allen heiligē so bald zugesagt hat. d' sich hett benügē lassen. vñ das billich. d' er den

cristi vnsers herzen

nachgag gehabt hett. als seie wort laute
Item das er die menschen so teur vñ so
hoch achtet. das er sich selbst verleurt vñ
vernichtet omb yren willen. Vnd das in
dasselb dan noch nit tauret. als dz vierd
vnd das fünfft wort ymhalten. Vñ dz
er die menschen begert yñ sein hertz zu
schließen. vnd lasset nichts vnter wege
das darzu dienē mag. als in dem fünfft
ten vnd in dem sechsten wort beschlosse
ist. Vnd das er die selen oder geist vnt
ter dem namen seynes geystes antwort
den henden des vatters. gleich als ein
liebhabende mutter. die sich nit benüge
lasset das sy ir kindt. das sy vnter irem
hertzen getragenn hat auff der schos
helt. oder in den armen trag. vnd im zern
tel vnd liebel. vnd es an lechel. vñ also ir
kintz weil vñ freud mit im treib. sund sy
begert auch dz ir freud mit im ha
ben. besunder der. den sy am liebsten. vñ
von dem sy es hat. dz ist der vatter. dē sy
es zu zeittē raichet. dz er auch des glei
chē mit im thue als sy dē thut. Also beut
auch cristus der herz die sel die er so lieb
hat. den armen oder henden des vatters
das er sein wolgefallen gegē ir beweist
Eya miltter gütiger gott. was trostlich
er liebreicher wort diss sind. Eya süß
ser crist. wiewol ist gesprochen. das man
liset in d sert. wie süß sind dei red meier
kelē. ober hōnig sind sy meinē mūd. Ich
bin erfreuet vō diser auflegung als ob
ich eimen schatz gefunden hett. wie wol
liset man in der none. Die erclerung dei
ner red erleucht er. vnd gibt verstentnuß
den kleinen. Nun vestee ich. warum in
dem achtzehenden vnd hundersten psal
men in dē eliften echter gesprochen wirt
Ich hab vber gehofft in deine wort. vñ

yn dem sybenzehenden echter liset man
Ich wird mich freue vber dein red. al
der vil raubs findt.

Vrsach halb des sundern grōstem
trosts vnd süßigkeit der letzte wort vn
sers herre am creutz. raht hye an ein dis
putation als zwischen zweyen gutten
gesellen. vnter den einer fragt. der ant
wort. vnd die materi der disputie
rung ist vō der widerwertigkeit oder dē
widerlaut der wort vnsers herzen fürd
lich. Aber vil wirdt darynnen berürt. vō
der beweyfung der waren aynigen gott
heit. von der anzaygung der heylige dei
feligkeit. von der göttlichen barmhertz
igkeit. von den artickeln des heiligen cri
stenlichenn glaubens. von den heiligem
zwelffpotten. von den chōren der engel.
vnd von dem stand der kinder die in der
erbsünd sterben. vnd sūnt mangerlay dz
lūstlich ist zewissen. Der frager.

Schōner lieplicher vñ tröstlicher
sing von den letzten wortenn vn
sers herren an dem heiligen creutz hab
ich all mein tag nie gehōrt. denn du yetz
gemeldet hast. Was sprichst du aber zu
andern wortenn vnsers herren die er vor
dem leyden des creutzes geredt hat. die
wol anders lauten. Seind sy icht durch
dise wort widerlufft worden oder well
hem süllen wir mer glawben. disen oder
den vorigen. die ein teyl gar erschrocken
sich lauten. Als die. die er allernächst vor
der creutzigung in seiner aufsürung zu
den frawen die yñ clagtē sprach. Wayn
ent vber eich vnd vber euer sūn. Wenn
es werden die tag kummen yñ denen sy
sprechen werdenn. Selig sind die vnper
hafftigen. vnd die seib die nit geborn ha

Eyn disputierung von den

ben. vnd sie prüft sie mit geseigt haben
 Denn werden sie anfahen zesprenge zu
 den pergen vallent vber vns. vnd zu den
 büchern. bedeket vns. Denn thun sie das
 in de grünen. was wirt denn in dem dör
 renn beschehen. Sih an was schreckens
 vnd laids dise wort in ynen begriffe ha
 ben. Das man solhen iamer sehen sol. dz
 die menschem wünschenn werden. Das
 die perg vber sie vallen vnd sie bedecte.
 vnd als in de sechsten capitel des büchs
 der göttlichen offenbarung stet. Sie wer
 den sich in die höle vnd in die felsen ver
 pergen. vnd werden zu den pergen vnd
 zu den felsen sprechen. Vallt vber vnns
 vnd verbergt vns. vor dem angesicht des
 der auff dem thron sitzt. vñ vor de zorn
 des leibleins. Wen es ist der grof tag
 ires zorns kummen. Wie laut das nun ge
 gen seinen Worten die du sprichst. dz die
 wort des herren das innhalten dz er mit
 zürnen müg. Der antwortter. Ich
 sprich. hör mich noch ei wenig. Ich hab
 von den gnaden gottes wort gefunden
 die mich vñd ander kleinmütig sündler
 wöltrösten mügenn. Ich hif oder prich
 von den klettern des baums des lebēs.
 Das mir am baften schmeckt. nach mein
 er krankheit. der starck ist d mag anders
 sprechen. Ich muß mich zu den Worten
 der barmhertzigkeit halten. denn ich be
 darff ir werlichenn. vnd bedarff ir vast
 wol. Wem die wort d gerechtigkeit bas
 gefallen der prech sie. denn er vñdt sie
 auch. Ich danck gott das ich wort der
 senfftmütigkeit. wort d süffigkeit. wort
 der güttigkeit gefunden hab. wer d sel
 ben auch begert. dem hab ich sie gezeigt
 Ich will sie prechen. denn es stet geschri
 be das sie mit reysen oder abuallen. Ich

hör singen vnd sagen dz kein walde. kein
 gart mer ein solchem baum pyngt mit
 klettern. mit blüten mit fruchte. Ich will
 hie anhalten vnd will vngemüt vnd vñ
 gehindert fürbas sein mit fragen. Will
 es ymants mit mir halte der kum hyber
 dem will ich ettwas in ein or raunen. der
 mit will der laf es aufsen.

Ein antwort von der festigkeit vñd
 vñwandlerlichkeit der wort cristi.

Noch das man nit gedenc dz ich
 ein antwort hab. vber die frag die
 mir fürgerworffen ist. so es scheint dz die
 wort der heiligen geschrifft. vñ auch ein
 teil der wort die vnser herr selbs münd
 lichē geredt hat wider dise obgemelten
 manung seyen. welhen Worten den meer
 zuusten oder zu glaubenn sey. oder ob der
 herr die vordere wort durch die letstenn
 widerrufft hab. darzu sprich ich. Vñ layn.
 Cristus der herr der die warheit vñ got
 ist. d widerrufft sein wort nymmer. Den
 er bleibt vest vnd getrew. als sant pauls
 i dem andern capitel der andern episteln
 zum thimotheo spricht. er mag sich selbs
 nit verlyegen. denn er ist die warheit. Er
 mag nit verwädelst werden. wann er ist
 gott. Also sprach Balaam der warsager
 zu dem kōnig der moabiten. mit namen
 balac. als moyses in dem treyundzwaitz
 igisten capitel der zal schreibt. Stet ba
 lac vñ merck auff. hör sephors sun. Gott
 ist nit als ein mensch. dz er lieg. noch als
 eines menschem sun das er gewandelt
 werd. Hat er denn gesprochen. vnd wirt
 es nit thun. Hat er es geredt vñd wirt
 es nit erfüllen. Als ob er sprechen wollt
 Das mag nit sein. Desselben gleichenn

widerwertigen Worten cristi

spricht auch samit pauls yn der andern
 episteln zu denen vñ Chozintho. in dem
 ersten capitel. Gottes sun ihesus cristus
 der i eüch durch vns geprediget ist wor
 de. in ym ist nit ia vñ neyn gewesen. sund
 ia ist in im gewesen. Denn was oder wie
 vil der gelapnus gottes seind. die sein in
 im ia. Siß sein sat pauls wort. Sißst du
 nun das kein wanckelmütigkeit yn gott
 ist. vñ darumb auch kein widerrüffung
 in seinen Worten. Vnd als kein wanders
 Berkeit in im ist. also ist auch kein widers
prechung in seinen Worten. wiewol offe
berlich widersprechüng in ynen laut oder
scheint nach dem büchstaben. Als in dē
 fünffte capitel. Johāns. spricht er. Ist
 es das ich zeügknus von mir selbs gib.
 so ist mei zeügknus nit war. Vñ in dem
 achten capitel lisset man. da die iuden dē
 selb zu ym sprachen. Du gibst zeügknus
 von dir selbs. Dein zeügknus ist nit war.
 Da sprach er. Vnd ist es das ich zeügk
nus von mir selber gib. so ist mein zeügk
nus war. Sißst du nun da. wie die wort
 vnser herren wideremāder lauten. Itē
 auff die selbē wort sprach d her. Wann
 ich waß wannen ich kummen bin. vñnd
 wa ich hyn gee. aber ir wißēt nit wañ ich
 kum od wo ich hin gee. Vñ desselbē glei
che. sprachē auch die iuden als wir yn dē
 neunden capitel desselben ewāgeliums
 lesen. disen wissen wir nit wannen er sey.
 Vñ nach seinē eegemelte wortē sprach
 er zu ynen. Ir wißt weð mich noch meinē
 vater. Vnd in dem sybenden capitel sch
reibt sant Johāns. das der herr. als er
 yn dem tempel leret schry. Vnd yr wiß
sent mich. vñnd wyßent wannen ich sey
 et cetera.

Eyn frag wider frag.

In Vñ sag du mir wie dise wort en
ders herren miteinander bestend.
so du mich ye mit fragenn engsten wilt
so willich dir sagen. weye mein aufleg
ung bestee mit widerwertigenn Worten.
Ich muß dir schir thun als vnser herr
den iudenn thet. da sie yn fragtenn. In
was gewalts er die kauffer vñ verkauf
fer auß dem tempel trib. da sprach er zu
ynen. Ich wil eüch auch ein wort fragē
Sagt ir mir dasselb so willich eüch sagē
yn was gewalts ich dyse ding thu. Vnd
da sie ym nit antwortte wolltē. Sunder
sie sprachen wir wißens mitt. da sprach
er. So willich eüch auch mit sagenn. In
was gewalts ich dise ding thu.

Begerung der verentwurtung bays
der fragen.

Derfrager.

In Vñ verantwort vns baid mein
frag die ich fürgehalten hab vñnd
auch die die du yetz bewegt hast. vñnd
hab gedult. Denn ich frag nit auß vnglau
ben. als die iuden tette. sunder auß gros
ser begird. das ich als geren seh das. dē
du vñ der tröstliche rounsamme süßkeit
d wort cristi gesagt hast. Bewart möcht
werdē. dē es ein grūd het. Wañ ich waß
yetz nichts das ich lieber wolt hören.
Darumb das du verheißenn hast. das
du denen die es mit mir haltenn wölle.
ettwas in ein orraumen wöllest. das laß
mich auch hören. Ich willes geren mitt
dir halten hastu ettwas guts gefunden
dardurch arm gesellenn getröst mugen
werden.

Ein disputierung von den

Der antwortter. Du machst mir
ein arbeit der ich geren vberhabē wolte
sein. Den̄ wiewol es ist dz mich bedücket.
Das man von den worten vnser̄s herren
vñ besunder disen. die so grossen trost in
ynen begriffen habē. nymmer mer gnug
schreiben müg. so möcht es doch etlich
zelang bedücken. Der frager. Ver
richt dise frag vñ hab denn rw. Der
antwortter. So sprich ich. In solchē
reden die ym der heiligen geschrifft wi
der einander scheinen sein. muß man die
sachen vñ vmbstende. wenn vñ wa. zu
wem. von wem. warumb. sy gesprochen
oder geschriben sein worden. ansehen. Hi
erumb dz ich vber dise frag die wir nun
vntter dē hendē habē ̄antwort. So sprich
ich. daz war zenemen ist. daz die wort od
die red aygentlichen zu reden. allein der
vernünftigen creatur gegeben sind. dz sy
C die tauferlay. ia vnzelich sach zu ver
richten vñ zu bedencken. anzugeben. zu
lernen. zu handeln gegeneinander vñ zu
schaffen hat. C möcht yren willen ir mai
ung. ir gedancē. ayus gen dem anndern
durch die wort als durch zeichē der dig
offenbaren vñ zu verstehen gebenn. Also
ist das wort Sunn. ein zeichē in teütsch
er sprach. des allergrösten sternes vñ
liechtes dz in diser werlt ist. vñ mon. ist
ein nam der da i teütsch bedēut dz groß
liecht das vns in der nacht oben leucht
vñ nympt ab vñ zu. vñ macht die mo
net. die von dem mon monet geneht sind
So pringt vñ macht vns die sunn mit
yrem auffgang. vñ yrem vmbgang den
sie ob der erdenn da wir wonen tut den
tag. vñ die selb zeit die weyl die sun ob
dem selben ort da wir wonen get vñ dz
erleucht. das heisset der tag. vñ die an

der zeit in der die sunn an dē andern ort
des hymels get. vñ die tunkel erd die
zwischen vns vñ der sunnen ist. ein schat
ten macht. dz es vnster wirt. die heisset
die nacht. vñ wenn die sunn d. eyhndert
vñ fünffundsetzig mal mit irem vmb
lauff tag vñ nacht gemacht hat. den tag
sehllichen. die nacht vñ sehlliche. die selbe
zeit heisset man ein iar 2c.

Was aygentlichē liegen sey. bey ein
ebnild.

Du setz ich ei sach. einer verdeckt
sein hawstfrawen vñ will sie laich
en. vñ sagt er well etwan hin. vñ well
an dem oder dē tag wid kumme vñ hat
mut er wöll in d. nechste nacht kume od
in einer solchē wenn er maynt das er sie
mit dem eeprecher begreiffen werd. der
selb nennt den tag vñ maynt die nacht.
Vñ will das mā ein tag vñ ein gewy
sen tag versten süll. vñ er will an einer
vngewysen nacht so mā allerminst trau
et oder besorget kumme der selb leugt.
Wan er praucht die wort ̄ad ers den̄ sie
lauten. vñ tut das in der mainung das
er laichen will. vñ redt wider sein main
ung oder gemütt. das heisset gelogen.

Was liegen sey in gemain.

Em. ia. ist ein wort der bestetig
ung der warheit. das ein ding al
so sey. so ist. nym. ein wort der lyegüg. dz
ist. es bedēut das im nit also sey. oder dz
es nit sey. Darumb wenn man einen vñ
ein sach die er woll weyl C dz sie gesche
hen ist C fragt. ob sy beschehen sey. spr
cht er nym. so gibt er zuuersten das sye
nit beschehen sey. so redt er wider sein
gemütt vñ gewissenn vñ leugt.

widerwertigen worten cristi

Des gleichen wayß er das es nit beschê
ist das mā yn fragt. ob es beschê sey.
vnd spricht ia. so leügt er. wan er praucht
dysse wort. ya vnd nāyn wider synns. vnd
wider ir bedeutung.

Das ein vntterschaid ist. zwischen lie
gen vnd vnwar sagen.

Item es ist auch zemerckē dz eyn
vntterschaid ist. vñ ein grosser vnt
terschaid zwischen lyegē vñ vnwar sagē.
Vnd mag ye ayns on das ander besche
hen vnd sein. Es mag einer in vñ mit ei
er red liegen vñ war sagen. Er mag auch
vnwar sagen. vnd nit liegen. Er mag vn
war sagen vñ liegen mit einander. als es
gewöhnlichen beschicht. Vnwar sage mag
offt on alle sünd beschehen. liegen mag
nymmer on sünd beschehen. als sant Au
gustin setzt. Ja wenn man auch die war
heit sagt. so ist doch liegen allweg sünd.
wenn es auß verdachtem mutt beschicht
Doch wer ein lüge für ein lüge sagt. der
leügt nit. sunder wenn man lüge für eyn
warheit sagt. Vnd seynt das man on all
sünd mag vnwar sagen. dz auch den gut
ten gerechten menschen. auß vnwissens
heit widerfaren mag. so soll man es nitt
für ein vneer od solche schmachheit rech
nē. wenn man spricht. das etwas nit war
sey. als wenn man spricht. das es erlogē
oder gelogenn sey. vnd das ich es bewer
wz ich gesagt hab. vñ dem vntterschaid
der vnwarheit vñ der lüge (wiewol es
mich verdreüßet der arbeit halb.) So
merck was ich sag.

Was aygentlichen vnwar sagen sey.
Wenn du ein ding sagst als du es
in deinem synn oder gemütt oder
mainung hast. so leügst du nit es sey recht
war oder nit. das ist. ym sey recht also od
nit. Ist ym wie du sagst. so ist es war. vñ

du sagst war vñ leügst nit. Ist im nit als
du sagst. so ist es wol nit war dz du sagst.
aber man mag mit warheit nit sprechen
das du liegst. wann du redst nit wid dein
gemütt.

Das man mit war sagen liegen mag.
Aggt du aber anders wenn du
wayst oder maynst. oder yn deinem
gemütt leucht. so leügst du. es sey war od
nit. das ist. ym sey also oder nit. Vnd als
so leügst du. wenn das schon war ist das
du sagst. Als ich setz. Du wellest ein ayn
feltigen betriegē. vñ hast edel gestayn
vnd abenteür nebenn einander. oder syl
ber vñnd gunderfeyn. vñnd du wilt ayn
ein grān glas geben. vnd spricht du wol
lest ym ein smaragd oder smarackel ge
ben. vnd wilt nun zum glas greyffen. vñ
mißgreyst. vnd greyst zum smaragde
vnd maynst du habst ein grūn glas. so ist
es ein smaragd. vnd es ist villeicht tunc
el oder auff den abent. oder nympt sein
nit war. denn du mainst ye es sey ei glas.
vnd spricht es sey ein smaragd. so ist es
ye war. denn es ist in d warheit ein sma
ragd. aber du leügst. denn du redst wyß
dein gemütt. so du es für ein glas heilst
vnd spricht es sey ein edel gestayn. Er
wischest du aber ein glas vnd spricht es
sey ein edelgestain. so leügst du vñ sagst
daz zu vnwar.

Von der lüge des hertzen allein.

Spricht du aber es sey eyn glas.
vñ mißpredst (nach deine wille zu
rechē) den du wilt sprechen. es sey eyn
edelstain. wer will den sprechē dz du ly
egst oder vnwar sagst. So du weder wi
der die warheit noch wyß dei hertz redst

Ein disputierung von den

Möchst du spreche. woz ist dz selb. Da sprich ich. Dz selb ist ein lüge des hertze vnd des willens. Vñ dise exēpel vñ dē edelgestein vnd dem glas zeuch auff and ding auch. als auff silber vnd gunderfeyn od gold vnd messing. vñ war vnd falsch. vñ gutt vnd böß vnd derlay. vnd einer and lay. gewisse maß. zal vnd gewicht. vñ ein ander maß. zal vnd gewicht vnd der gleichen.

Das laychen wollen. zu der lüge gehört.

Dar zu merck auch das zu der lüge gehört. das eins layche wöll. darumb der. der etwas sagt. das nit war ist vñ er wayß das es nit war ist. wen er nit laychen will. das ist. er will nit das man halt oder glawß das ym also sey. als er sagt. sunder er will das man etwas anders dar bey verstee. als es in den figurlichen reden. vnd gleichnussen oder sprichworten beschicht. der leügt nit. solcher beyspil vnd gleichnus ist die heylig geschrifft nit wan.

Ein ebenpild oder beispil. Dz vnwar heyt on maynung der laychung. mit lüge

Ann es stet in dem neüntē capitel des büchs der richter. wie des gedeons sun mit namen ionathan zu den von sichem. die seinē allernedelstē pruder zu einē kōnig erweilt hetten. darumb das er nitzugehört der muter halb. vñ hett sein pruder all getödt. bis an den selben ionathan. der der iüngst was gewesen vnd was geflöhet worden. da er nun ynen dasselb verweysen wollt. da sagt er ynen. wie die baum werē kummē zu dem ölbaum. vnd hetten zu ym gesprochen. Er sölt vber sie regniern. vñ ir herz sein. vnd er hett es abgeschlagen. dessel

Ben gleichen het auch der feygenbaum. vnd der weynstock gethun. Aber der hat gedorn oder die dornstaud het die herzschaft auffgenummen. Das sagt der ionathan nit darumb das er also wer. oder das man es glauben sölt. oder das er es hielt. oder das er wolt das man es haltē sölt das es also ergangen wer. sunder er wolt das man es zu einer gleichnus vnd figurlichenn red nem. das man bey den nützen fruchtbern baumen verstünd die person die nütz vñnd tüglich zu herschen vñ zu regieren weren. als sein vater herr gedeon vñ sein vor varen. od auch sein pruder werē gewesen. vnd woltem doch nit regniern. Das ist kōnig sein vñ oder herschen.

Ein ebenpild das die allervntüglīchsten allermeerst herrschen wöllē.

Dann das alles israhelisch volk zu herz gedeon het gesprochen. Bis vnser herz du vnd dein sun. vñ deins suns sun. da hett er geantwort. Ich will ewer herz nit sein. so soll es auch mein sun nit werden. sunder gott soll ewer herz seyn. Aber der abymelech der vntter allē sein en prudern d allervntüglīchst was. wan er was schier oder bey als ei basthart gegen den andern zurechnen. vnd also der vnedelst. darzu was er ein schalck vñ ein mörder. den er het seiner pruder. die all edeler vñ besser warē denn er. sibentzig getödt. vñ ein solcher bößwicht der sibentzig töd würdig was. der stund nach der herzschaft. vnd warff sich mit hilff der von sichem für ein kōnig auff. darumb so sollt er vñ zu ein dornn werden. vnd sy ym. Deshalbenn wollt der ionathan das mā in bey der dornstauden versten sölt.

widerwertigen worten cristi

Wenn er hett gesagt wie die dornstaud
het zu den baumen gesprochen. Da sy ir
zugeimtet hetten. Das sy vber die her-
schen solt. Ist es denn das ir mich wer-
lichen zu ein könig vber euch setzent. so
kumpt her vñ ruet vntter meine schattē
Wölt ir mich aber nit zu einē könig ha-
bē. so gee dz feür auß der dornstauden.
vñ verzere die cederbaum des lybanis
Das selb legt der Jonathan also aufs.
Habt ir recht gethan. vnd habt on sünd
den abimelech vber euch könig gesetzt.
vñ habt gedächt dem Jerobaal C dz ist
herr gedē C seier guttat. die er euch be-
weisen hat. Da er für euch gestritten hat.
vnd hat sein sel in verferlichayt gegebē.
Das er euch von dem gewalt der madya
nytem erlösete. Vñd ir habt euch nun
auffgericht wider meins vatters haus.
vnd habt sein sün getödt. sybentzig men-
ner auff ayin stain. vñ habe seiner maid
sün zu eym könig gesetzt. Darumb dz er
erwer pruder ist. habt ir nun in disen dīg
en allen recht gethā. so frewt euch heüt
in ewerm könig abimelech. vnd er frewt
sich yn euch. Habt yr aber vbel gethan.
so gee das feür vō ym auß. vñ verzere die
von sichem. vñ das feür gee auß von den
nen von sichem vñ verzere den abimelech
Vñ die geschriffte setzt darnach. wie di-
ser fluch des ionathans oder ioathans
wor ward. Vñ ergyeng vber die vō sich
ein vnd vber den abimelech. Dis geschi-
cht hab ich darumb hyher gesetzt. dz du
darauf nemeist. das einer eyn dyng. das
nit war ist. vñ das er wayß dz es nit war
ist mag sagen. vñ dānoch nit liegen. so
er nit laychen will. dz ist. so er nit will dz
mā glaub dz es also beschēh oð beschē-
hē sey dz er sagt. als er es sagt. sünd er wil
dz mā etwas anders C Das er dar bey

maynt C versten sül. Item es ist auch zu
mercken das die wort. der mainung die
nū sullen. vnd die wort seynd vmb der
ding vnd verstentnus willen vnd nit wi-
der synns C nach gemaynem lauff C.

Hy wirdt auff die widerfrag geant-
wortet mit vi vntterschayds. vñ kumpt
dise antwort entlichen zu einer langenn
disputierung von der erkentnus cristi.

D Vñ auff die fürderliche frag zu-
kummen. das vnser herr zu den iu-
den auff ein zeit gesprochen hat. ist es dz
ich zeügnus vō mir selbs gib. so ist mei
zeügnus nit war. vnd auff ein and zeit.
ist es das ich zeügnus vō mir selbs gib
so ist mein zeügnus war. Ist zu merckē.
das er das erst gesprochen hat. ex suppo-
sitione. als man es in latein heyst. das ist
weim man etwas vor setzt. vnd auff dz
selb denn red barot. ist dasselb das man
also setzt nit war. so mag auch das. das
man dar auff barot nit war sein. vnd als
der natürlich maister sprich. Ad impossibi-
le sequitur quodlibet. wann mā etwas
setzt das da vnmüglich ist sol mag man
alles das man will warlichenn dar auff
baren. Darüb ist dise red vnd ires glei-
chen war. Ist gott nit. so ist weder tyer
noch mensch. ia es ist weder hymel noch
erd. Auff ein söliche wyß redt der hey-
lig zwelfpot sant pauls. in dem fünftze-
henden capitel der erste epistel zu denē
von chorintho. da er spricht. Ist nit vñ-
stend der toten. so ist auch cristus nit er-
standen. Ist den cristus nit erstanden. so
ist vnser predig öde C das ist der war-
heit wan C so ist ewer glaub öde. vñ wir
werdē falsch zeügnē gottes gesündē. wan
wir habē zeügnus wider gott gegebē.
dz er christum erweckt hab den er nit er-
weckt hat. ist es dz die totē nit erstend.

Ein disputierung von den

Wann ist es das die totten nit erstend.
so ist auch cristus nit erstanden. Vnd ist
es das cristus nit erstanden ist. so ist ew/
er glaub eytel od wan. wann ir seyt noch
in ewren sünden. vnd darumb seynt auch
die dy i cristo entschlaffe. dz ist todt
seint. die sind verloren worden. Vnd ist
es das wir allein in disem leben hoffenē
sein in cristum. so sind wir die vnseeligste
vntter allen menschem. Dis sind samit
pauls wort. In den er etwas setzt. aufs
dem vnzelichs vnzymlichs kōm. wenn es
war sōlt sein. Vnd auß solchen vnzymli/
chen dingen die darauf volgtenn. wenn
man es setzte. so bewert er vnd will be/
weren das es nit war ist. dz er setzt nach
dem irsal der vnglaubigenn. Als ob er
sprechen wolt. wer ym also C als die vn/
glaubigen sprechen C das die totten nit
ersten würden. so wer der cristen glaub
falsch das vnmüglich ist. darumb muos es
nit war sein. darumb spricht er darnach.
Nun ist aber cristus erstanden zc.

Wie der herz seme wort gemaynt hab
die er wider sich selber redet.

Also hat auch cristus auß eier setz/
ung oder vorsetzung des falschen
glaubens vnd vrtayles der iude geredt.
Als ob er sprechen wolt. Ir haltet mich
für ein lautern menschen. vñ glaubet nit
das ich gott sey. vñd darumb das yr
mich einenn lautern menschem vrtay/
let vñ haltet. so maynet ir ich müg nit ge/
wisse gezeugnus vñ mir geben. wann sie
sey verdecklich vnd argwenig. Wann
es ist die warheit. das der mensch durch
die lieb. die er zu im selbs hat. in seilbs
erkenntnis vnd vrtail verblent vnd betro/
gen würd. Vnd darumb wenn ein mens/
sch ettwas hohs od vbertreffenlichs vñ
im selbs sagt. so scheint es nit gläublich

od gläubhaftig sein. sunderlich so auch
geschriben stet yn dem fünfftzehenden
vñ hundertsten psalmen. das ein ygliche
er mensch lügenhaftig ist. vñd darumb
setzet d herze seine wort also. als ob er
sprechen wolt. byn ich allein ein mensch.
vñ nichts höhers den ei mensch. als ir es
haltet. vñd gib ich alleyn zeugtnus von
mir selbs. vñd also allein. das weder auß
menschen noch geschriff noch gott ge/
zeugtnus von mir gybt oder geyt. so ist
mein gezeugtnus nit war. das ist. yr sōlt
mir nit glauben. Vnd also hat der herr
dise wort geredt auff ir maynung. als ob
er sprech. Gybt mir nyemant gezeugt/
nus denn ich allein. vñd byn ich nit meer
denn ein schlechter mensch der verweide
vñ betrogen mag werden C als ir mayn/
net C so ist es nit not. das ir mir gläubet

Von dem wort das der herz für sich
redet vñd von der nott der warheit sein
er wort.

ER bewis aber fürbas das im nit
also was als sie felschlich glaub/
ten. sunder er was warer gott vñd men/
sch. Vñ desselbē hett ym sant iohanns.
vñd die wunderwerck die ym der vatter
hett geben zuthun. vñd darzu gott d va/
ter vñ dem himel herab. gezeugtnus ge/
ben. Vñ gab im zeugtnus die heilig ge/
schriff. vñd die teglichen vñd natürlich/
en göttlichenn werck die er tet. Vnd ob
ym kein mensch. kein prophet. kein gesch/
riff gezeugtnus het gegeben. so was er
doch die warheit vñ die wesentlich gött/
lich warheit die nit laichen mag. er was
die weyßheit die nit gelaicht mag wer/
den. er was das wort gottes das nit vn/
war mag sein. er was das liecht vñd das
leblich verstantlich liecht i dem alle war/
heit gesehen vñd erkennt wirt. darumb so

widerwertigen Worten cristi

was sein zeugnis warhafftiger. ge-
wiser vnd krefftiger. Denn aller menschen
möcht sein. vnd das er sant iohansen
vnd ander propheten zeugnis wolt ha-
ben. daz man vmb vnser blödigkeit willen.
gleich als ob man einem mensche d von
blödigkeit wege des gesichtes. Der sunne
liecht nit gedulden möcht. daz haup vnd
die fenster vor der sunnen versperet. vnd
zündet ym ein kleines liecht in einer latern
an. vnd zeigte ym durch die versperre la-
ternen was er sehē wölt. Dese gleichnus
berürt auch sant Augustin ober iohanne
Darum sprach er an ein andern ort. Jo-
hannis in dem achte. Gib ich zeugnis
von mir selbs so ist mein zeugnis war.
Vnd da redt er die blossen schlechten
warheit für sich selbs. mit auß einer vor-
setzung. eins falsche wons. als ob er spre-
chen wölt. Alle die ye war geredt habē.
od ware gezeugnis gegeben habē. die
habē dz vō mir gehabt. Darū so mā an
dern menschen hat füllen glauben vmb
meinēt willenn. Das ist vmb der warheit
willenn die ich byn. vil meer sol man mir
glawbenn. der ich selbs wesentlichen die
warheit bin. Hō: widerumb. wie des her-
re zeugnis must war sein. wan die war-
heit was sein natur vnd sein wesen. vnd
was ym wesentlicher denn der sunnen dz
liecht ist. Darum kund er mit wiß die war-
heit. vñ mocht auch nit wellen wider die
warheit. als wenig er wellen möcht dz er
nit got wer. wenn es ist vnmöglich dz d.
Der recht selig ist. müß wellen dz er vnse-
lig od nit selig sey. noch vil mynd möcht
cristus wöllen. das er nit got wer. so got
sein. ist die wesentlich seligkeit sein. Also
möcht cristus nit wöllen vnwarhafftig
sein. sunder er arbeit vnd stritt für die
warheit als für sein leben vñ C Das ich

recht red vil meer denn für sein mēsch-
lich lebē. Denn er was vmb der warheit
willen mensch worden. dz er die warheit
leerte vñ predigete. als er vor poncio pi-
lato dem richter sprach. Ich byn dar zu
oder in das geborn worden. vñ bin dar
zu in dise werlt kummen. Das ich zeug-
nis geb der warheit.

Wie die widerwertige. ia auch wider-
sprechende wort vnser herre. auff bayd
drt war waren. vnd der iuden wort die
doch den Worten des herren gleichhellig
lautten. auff bayd drt lügenhafftig wa-
ren. Das ein wunder scheynt sein.

Darumb facht er für die warheit.
als für die sache seines menschlich
en wesens. vnd wölt ee das leben verlie-
sen oder verlieren. ee den er die warheit
verlassen wölt. Darumb so er vmb vnd
vmb in allen seinen wortē vñ werckē die
warheit maynt. so warē seie wort. sie lau-
ten auch wie sie lauten. alle war. vnd auß
das höbst war. Also so die iude. auß ein
sprechung ires vaters dem sy daryn nach
volgte. Der yn der warheit nye bestandē
ist. denn er ist lügenhafftig. vñ ein vater
der lüge. vnd liegen ist sein eygenschafft
2c. Johannis. viij. So sie auß verlaftung
desselbē ires vaters des teufels die war-
heit hasseten. vñ begerete die selbē ont-
ter zudrücken. vnd zu hindern. vnd fachtē
ten sie nach aller vermüglichkeit an. vnd
widersprachen ir. dz sie sy vertilgen oder
vertuschen möchten. Darum waren alle
yre wort die sie auß solcher maynung re-
detē. erlogē od vnwar. wie sie auch lautē
ten. Darum wenn die iuden schon redten
die wort dy der herz redt oder ir gleichē.
So logē sie dennoch. so der herz auß dz
höbst war redt. Denn der liegē vñ laich-
en will. der seigt auch wenn er war redt

Eyn disputierung von den

Das ein wunderliche vñ gleich als ein widersprechende red ist. sie ist aber war. Denn leügt er mit der wort halb. so leügt er doch des hertzen halb. Als oben cr̄ zeügt ist worden. vñ das sey ein gemeyn antwort vber die fürgelegten frag.

Wie ein vntterscheid d̄ warheit halb ist. zwischen der logik̄ vñ der heilige ge-
schrifft.

W Er sich aber nit will benügen las-
sen an diser gemeinē antwort. sun-
der er will ye in sunder wissen. wie die wi-
derlautenden wort der iuden auff baid
ört falsch sein. vñ die wort des herren
auff baid ört war. so doch ein regel yn d̄
logick̄ ist. daz die widersprechenden red.
nit mügen mit einander war oder falsch
sein. sunder wenn eine war ist. so muß die
ander falsch sein. ist eine falsch. so muß
die ander war sein. vñ mügen nit bayd
mit einander falsch sein. Vber dasselb
antwort ich zum erstē. Dz die logik̄ setzt.
das das der wort oder der red vñ ir be-
deütung halb in ir vñ nach ir selbs war ist
vñ get nit auff die mainung des hertze.
noch auff die warheit oder falscheit der
werck. als die heilig geschrifft. die logik̄
sagt. von krafft der bedeütung der wort.
Aber die geschrifft sagt euch vñ d̄ war-
heit des lebens. der maynung vñ der ge-
rechtigkeit. Vñ darumb so sagt die hey-
lig geschrifft nit allein von dem sagen d̄
warheit. sunder sie sagt auch von d̄ thū
der warheit vñ der lüge. als der herr
spricht in dem ewangelio Johannis yn
dem drittē capitel. Wer die warheit tut
der kümpt zum liecht. Dz seine werck ge-
offenbart werden. das sie in got besche-
hen sein. Sihest du das er spricht wer die
warheit tut. Desselben gleichen stet yn
dem letzten capitel der göttlichen offen-

barung geschriben. Dauf C̄ Sas̄ ist auß
dem himlischen iherusalem d̄ sollen be-
leiben die hund vñ vergiffter x. vñ ein
yglicher der die lüge lieb hat vñ tut. Al-
so laß mā die logik̄ hye ruen. vñ red nach
der mainung der geschrifft. die da bayd
die widersprechenden wort der iudē vñ
die widerlautendē wort des herre setzt.
vñ gibt zu verstē. daz die widersprech-
enden wort des herren bayd war sind ge-
wesen. vñ der iuden baid falsch vñ vn-
war. wiewol sie den wortten cristi gleich
läutten.

Was sachen halben. der iuden wort
lügenhaftig warē. wie wol sie den wor-
ten cristi gleichförmig schinen.

D Enn wiewol die wort der iudē die
sy sprachen. du gibst zeügknus vñ
dir selbs dein zeügknus ist nit war. den
wortten cristi gleich waren die er sprach.
Gib ich zeügknus vñ mir selbs. so ist mei
zeügknus nit war. So wiß sprach doch
der herr den selben wortten. vñ antwort
vñ ob ich zeügknus von mir selbs gib.
so ist mein zeügknus war. wañ ich wayß
wannē ich kumen bin. vñ wa ich hin gee-
r. wañ die iuden die sprachen die selben
wort nit ex suppositione oder cōditione.
Dz ist auß satzung oder vorsetzūg. oder
geding als der herr hett gethun C̄ Als
oben gemeldt ist worden d̄ sunder auß
schlechter falscher opinion. das ist won-
vñ vnglauben. auß denen sie hieltē. das
er lügenhaftig wer. oder begerten auß-
neid vñ auß hafs das er lügenhaftig
möcht gefundē. oder gehalten werden.
Vñ also begertē sie die warheit zu zer-
störn. vñ zu vernichtē. durch die vnwar-
heit. darumb warē sie vnwarhaftig. Des
selben gleichen so sie sprachen auß ver-
nichtung seines vrsprungs. vñ seines ge-

schlechtes sy westetē wol wannē er her
kōm. so widersprach ynen der herr vñnd
sprach. sie westeten wider yn noch seine
vater. Sie westeten mit wan er kōme. od
wo er hyn gieng. Vñnd das was auff dz
höht war. Wenn sie erkannten got den
vatter nit. weder nach der natur der got
heit. die auch aller creatur gentzliche vn
begriffelich ist. noch nach d eygeschafft
d vätterlich nit od vaterheit. dan sye ge
laubte mit daz er ei ewigē natürliche sun
het. Darūb erkantē sie auch den sun nit.
Darūn sagten sie vnwar in solchen ver
achteten Worten. Herwiderūb sprachen
sie. in einer weyß der verschmehung. das
sie nit westen wannen er wer. als sy zum
plündden den er gesehent gemacht hett.
sprachen. Wir wissen das gott mit moy
sen gerēdt hat. aber disen kennen wir nit
wir wissen nit wannen er sey. Der herr
schry wider das selb in dem tempel vñnd
sprach. Ir kennt bayd mich. vñ wist wan
nen ich hyn. vñ ich hyn vō mir selbs nit
kūmen zc. Dz setzt sant iohanns in dem
sybenden capitel zuhand auff das. das
die iuden hetten gesprochen. haben icht
die fürsten warlichen erkent das dyser
cristus ist. Aber dise kenne wir wannē er
ist. aber weñ cristus kūmen wirt. so wayß
nyemāt wannē er sey. Gleich als sie auß
dem selben beschließen wolten dz er nit
cristus wer.

Wie die iuden wanckeltē in iren wor
ten. das ein zeichē was. das sie auff den
grund der warheit nit gefestiget waren
Ist Du wie sie wanckeltē von
einer seitten zu der andern. vñnd
felten doch an bayden örten. yezūnd spra
chen sie. sye kēneten yn. yezūnd sprachē
sie. sye erkēneten yn nit. vñnd so sie auß
dysen baiden arguirten vñnd wolten be

weren das er nit cristus wer. so feltē sie
vmb vñnd vmb. Vñnd ward volpracht in
ynen. das in dem sechstundhundertstenn
psalmenn geweyßagt ist wordenn. Sie
varen auff biß an den hymel. vñnd waren
ab biß an den abgrund. yr sel verschma
cht oder erlag in den vbeln. Sie sein be
trübt worden. vñnd bewegt als ein trücke
ner. vñnd all ir weyßheit ist verschlickt dz
ist verzeret worden. Also er trancken sye
in ir tōzetē hohfart vñnd vermessenheit
ir kunst. vñnd ye weiser sie sich dauchten
sein. ye mer sie betōzet wurden. vō ir hoh
fart durch die sy den allerdemütigsten
herren. yetz verwarffen als ein fremden
vnerkannten. vñnd vnachtberen mensche
yetz so verachtete sy in. als vō einē armē
laysche vnachtsame. dōrfischen vñnd edeln
geschlecht. das man gemaynlichen für
ein arms vñnd nāhafftigis geschlecht hielt.

Das sich cristus C der die wesenlich
warheit ist vñnd vñnd vñnd vñnd vñnd
must offenbaren. wann wir mochten on
sein erkēntnis nit selig werden.

Darūn so begegnet ynen die wa
re göttliche weyßheit. die sich
vñnd vñnd vñnd vñnd vñnd vñnd vñnd
ret. Wann wir mochten on ir erkēntnis
nit selig sein. so vnser seligkeit in ir erkē
ntnis stet. Darūn sölten wir selig werde.
so must sye sich offenbaren. nit vñnd yrer
willen. dem sy bedarff vnser nit. sunder
vñnd vnser heyles willenn. Denn Als
sant Augustin yn dem buch der acht
vñnd achtzigste frag spricht. die weyßheit
gottes het den mensche. das ist mensche
lich natur an sich genūmen. das sie vñnd
ein ebēbild geb vñnd zaigte wie wir recht
vñnd tugentlichen leben sölten. dz wir al
so durch das exempel d mēschheit kōmen
zu der erkēntnis d gottheit. durch den
Q ij

Eyn disputierung von den

glauben. zu d̄ scharwūg. Durch ein rechts
leben. zu eym seligen ewigem leben. Das
vns das ebenbild der demütigkeit d̄ me
scheit cristi. der weg wer. vnd die ler. vnd
die warheit des glaubens cristi. Das lie
cht wer. Durch welche wir kōmen zu blos
ser scharwung seiner gottheit. in der das
selig lebē steet. Sihest du war vñ es vns
not was. Das wir den herren erkennetē.
Darūn seynt d̄ die verfluchtē. verplent
ten iuden vmb vnd vmb sein eer vnter
trücken. vnd verleschen wollten. so must
er ynen widersten vnd widersprechē. vnd
seynt das sy yn yetz verwarffen als eyn
vnerkannten. yetz als einen von dem mā
west oder wisset das er von eym schndē
dē geschlecht wer. Ysidorus spricht in
dem zehenden b̄ch der plumen der red
In lateyn Ethimologiarū das nobilis.
Das als vil ist als edel. Das ist als vil ges
prochen als non vilis. Daz ist nit schndē.
Darūn das sie den herrē nit wolltē edel
lassen sein. so hab ich gesprochen. d̄ sie
yn verwarffen als von eym schndē ge
schlecht. Darūn must er ynē auff bayd
d̄rt widersten. Das er sprech. Sye kenn
ten yn nit. vnd westē nit wann er wer. so
sie sprachen. sie westen wann er wer. Vñ
widerumb wenn sie sprachen. sie westen
nit wann er wer. so gehōrt ym zu. Das er
sye lugestrafft. wenn sie logen wārlichē
auff all seyten. nach ir maynung. vñ der
herr sagt auff bayd widerbertig seyten
so war. Das es in der warheit als clar ist
als die sunn.

Wie die iuden cristum kannten. vnd
wie sy in nit kannten.

Und das du das mügst vernemē.
So erinner ich dich der figur die
wir lesen in dem sibemundzweintzigsten
capitel des ersten b̄chs moysi. Da ges

schriben stet von dem patriarchen ysaac
das er seynen sun iacob nit kannt. vnd
weissagt doch grosse dig vō ym zu kunf
tigen zeiten. Spricht sant gregorius yn
der omeley von der epiphaney die mā li
set an dem obersten. Das der ysaac be
deut hat das iudisch volk. Das des gay
stes der weissagūg vol gewesen ist. vnd
ist doch dar bey blind belibē. den es hat
cristum gegenwertig mit ḡkennt. vō dē
es vorhin ee er kam vil gesagt vñ geweiss
agt hat. Vnd d̄z meynet der herr wenn
er sprach das sie in kēneten vnd westen
wannen er wer. so maint er sie westē auß
der geschrifft wol. wannen cristus wer.
d̄z ist das er von dauids geschlecht wer
vnd dem heiligē patriarchen Abraham
vnd andern patriarchen. vō gott verhaß
sen. vñ durch die prophetē verkündt vñ
geweissagt vñ vō allem volk begert vnd
gebaitet wer. vnd d̄z er der erlöser des
volks gehalten vnd geglaubt wer. Daz
vnd des gleichen westē sie wol. vñ sang
en vnd sagten vō cristo. vñ westen auß d̄
geschrifft ōd soltē es wissen d̄z es nach
den zeichen die dy profeten gegebe het
ten die zeit was das cristus kumen solt
Vnd sahen die selbē zeichen in im. vnd
hettē vil zeügēnus seiner zukunfft baid i
seiner eintheit. vō sant iohāns vater. vō
den herten. vō den heiligen dreyen kōni
gen. Bey der zeügēnus der bischof vnd
der geschrifftweisen vor dem herodes.
Item von dem heiligen priester Syme
on. Item vō der heiligen weissagin sant
anna. Item in der zeit seiner iugent als
sich der herr lieb sehe. vñ erkennē vō sāt
iohānsen dem tauffer des leben vber mē
schlich wz. vñ gab zeügēnus vō dē herze
d̄z er het den heilige geist vō dem himel
sehe kumen vber in vñ beleibē ob ym. vñ

Widerwertigen Worten cristi

sant iohannis was als grof geachtet dz
 man in für cristu wolte halten. Darumb
 so sy so grof vō im hielten. vñ er so offen
 berlich zeugnus vō cristo gab. so warē
 sie vnentschuldiget dz sie cristum den er
 ynien zeigt nit auffnamen. Sölcher sache
 en halb die ich yetz erzelt hab C der etz
 lich vō dem meschia den iuden gemayn
 lichen kund waren C welcher meschia od
 als wir lateynschen sprechen messias d
 herr ihesus was C etlich waren vō der
 person des herrē vil iuden kund C mocht
 te sie nit mit warheit spreche. dz sie den
 herren nit kenten. Denn so sie auß der
 geschiff vō cristo erkennnus hettē. vñ
 er was cristus. so hettē sy erkennnus vō
 ym. Aber cristus mocht wol spreche. daz
 sie in nit kenten. Wenn er mocht auch
 das selb zu denen die vō im hielten das
 er cristus wer. sunderlichen die dz nach
 aym iudischen syn vñ glawben hielten. zu
 den selben mocht er sprechen. daz sie nit
 wisten wannen er kōm. oder wer er wer.
 Dann die iuden wie grof sie vō dem me
 schia halten oder glauben. so glawbē sie
 doch nit das er gott sey. od ein göttlich
 person. vñ also felen sie an de allerhöch
 sten. Daruñ mocht er vil mer zu den vn
 glaubigen die nichts von im hielten. ob
 sie schō vō cristo oder meschia grof hiel
 ten. sie hielten aber nit das er es wer. zu
 den selben mocht er noch meer spreche.
 dz sie in nit kenten. noch wisten wannē
 er wer. Wenn glauben dz er. gottes na
 türlicher sun. vñ warer gott. vñ nach mē
 schlicher natur. vō dem heiligen geist en
 pfangen. vō einer vnuerfertē iuncfraw
 en geborn. vñ ein vrsprung des heiligen
 geistes sey. ob das den volkūmenē glaw
 ben in der newē ee nach der offenbairūg
 der ewangelischen predigūg zugehört.

vnterscheidlichen aufgewickelt zuhal
 ten. So getōst ich doch nit spreche. daz
 auch die. die dem herrē nachgeolgt ha
 ben als dem waren messiam zum ersten
 all also aufgewickelt oder das ich eyn
 newes teutsch nach dem latein ertrachte
 aufuechliche dise vorgemelten würdig
 keit cristi alle geglaubt hettē. ob sie sy
 schon eynuechlichen geglaubt haben.

Daz auch die. die cristum kenten. die
 kenten in nit.

Nach dem aller clārstem. als der
 glaub vñ die heilig geschriffte fürhelte.
 in diser zeit erkennt. so ist es denoch the
 ologia simbolica. vñ fides enigmatica.
 Das ist so vil dz die heilig geschriffte die
 helte vns die göttlichen ding vnter glei
 chnussen für. vñ der glaub figürliche
 vñ verborgenlich. vñ bedarff nyemāt
 sich rūmen das er cristum gantzliche er
 kenn. denn das grōst. das ist. was er sey
 nach dem als er gott ist. dz beleibt auch
 aller creatur ober ic. Auß disen vnter
 scheiden magstu wol mercken. nach wel
 hem sinn es war was. das man den herrē
 kenne. vñ nach welchem synn es nit
 war was. vñ wie die iuden allweg vñ
 war gesagt haben. vñ der herr war. wie
 wol sie gleiche wort geführt haben. denn
 der iuden mainung oder won was all
 weg falsch. aber die wort des herrē con
 cordierte. das ist sy waren einhellig mit
 der ersten obersten warheit die er selbs
 was. vñ man mag dise baide sprechen.
 wenn man sie recht maynt. Man mag
 sprechen das nichts als erkannt ist. als
 gott. man mag auch sprechen. dz nichts
 als vnerkannt ist. Wann samnt iohannis
 spricht in dem ersten capitel seiner erstē
 epistel. Gott der herr ist ei liecht vñ sein
 Q. iij

Beweyfung auß der vernunft

Kein vinsternus in ym. Nun alles dz dz
erkennt oder gesehen vnd geoffenbart
wirt. dz wirt durch dz liecht geoffenbart
vnd erkennt. als samit pauls spricht Ad
ephesios quinto. Werden nun alle ding
durch das liecht erkennt od gesehen. so
muß dz liecht vor gesehe werde. Darin
ist nichts erkanters den dz liecht. i zeit
lichen od leiplichen dingen. also ist auch
gott aller erkantst nach dem als er der
oder dz best vñ daz höhst vnd das mech
tigste vnd seligst ist.

Das alle menschen ein gemein er
kenntnis von der gotttheit haben.

Iohānes damascenus spricht in
dem erste capitel des erste büchs
Omnibus cognitio existendi dei ab ip
so naturaliter inserta est. Allen mēschen
ist die erkenntnis dz gott sey. vñ gott na
türliche eingebeltzt. vñ vor dē selbē wor
te aller nechst spricht er. dz nach d ersten
vñ seligē natur nyemāts ye gott gekent
hat. den den er sich geoffenbart hat. vñ
mit allein vñ den mensche. sund auch von
dē vberwerntliche kreffte. ia auch vñ dē
cherubin c die doch als vil gesprochen
sein als die volle d kunst c vñ seraphyn.
Ysaia spricht auch yn dem fünfunduiz
ertzigiste capitel. Warlichen du bist ein
verborgener gott. gott der ein behalter
oder heilmacher israhels ist. In dē sechß
vñ dreyßigsten capitel des büchleins
ioß spricht heliu. Alle mēschē sehē. in ein
yglicher d schawet in vñ verre. vñ sant io
hāns spricht. Johānis primo. Deum nes
mo vidit vnquā. Gott hat nye ymāts ge
sehē. oder kein mēsch hat ye gott gesehē
Sibst du nun wie die heylig geschriffte.
die baid red c die doch auch widcreinā
der scheine sei c setzt. Aber sant iohāns
spricht nach dem selben seine wort. Der

eingeborn sun der in d schop des vaters
ist. der hat vnns verkündt. Mit diesem
worten vacht iohānes damascenus seyn
büch von den göttlichen synnen an.

Wie der hohredend heliu dise wider
wertigkeit c das man gott kenn end nit
kenn c auflöset.

Elleicht löset der hohtrauent re
der heliu c den mā helt er sey ba
laam der warsager gewesen c dise wö
sprechung auff. durch dz. dz er nach dem
als er gesprochen het. alle mensche sehē
yn c dz ist got den herrē c da sprach er.
Ein yeglicher schaut in vñ verrē. Als ob
er wolt sprechē. Alle mensche. das ist die
dy vernunft prauchen. die sehē c dz ist
sie erkennen c gott. daz ist sie mercken
bey den sichtberlichen dingen. die in di
ser werlt beschehen vnd sein. als bey der
regierung der werlt. das gott muß sein.
Aber das ist vñ verre. denn es ist durch
die erforschung der vernunft. die durch
die werck prüfft den werckmeister. vñ
durch die gemachten ding. in die mache
den. durch die gesachten in die sachende
durch die andern sachen in die erstem.
vñ durch die ersten yn die aller erstem
kümpt. die mit meer denn eyne kan sein.

Nye vacht ein lange disput ierig vñ
argumenntatz an zubewerung. das ein
gott muß sein. vñ sind starcke argumēt
auß dem lauf der vernunft gefunden. c.
die den angefochtenen mensche. vast di
enen mügen.

Dan werē ir meer den eyne. eyntwe
ders eine wer vñ d andern od nit.
wer eyne vñ d andern. so wer die vñ der
die andern wer. die erst vñ nit die ander.
wer aber keine vñ d andern. so wer keine
d andern sach. wer keyne d andern sach.
so wer keine. d ding die vñ d andern wer

Das ein einiger got muß sein

ren. sach. so sie nit sach werē der dingen die vō ynen sölten sein. so wer keyne die erst sach. also zerstörtes sich selbs. das zwu oder meer ersten sachē mügen sein. also mag mā auf vil dingen argumēt vñ bewerung ziehē. D̄ got muß sein vñ auch ein einiger got. der d̄ hōhst. der grōst. yn der macht vñ in dem wesen. der edelst. d̄ best. vñ der erst sey. den alle ding sein yn zal. in ordenūg. in grate. vñ in leyplichen zerstōrlīche dinge. ist verwādelūg zuuer wesen. zu werden. zubewegung etc.

Eyn argument auf der zal.

En vñ der zal arguir ich also. Seyn tausent so müssen auch hūdert sei. den tausent sein zehē hūdert. sein hūdert so müssen zehen sein. den hūdert sein zehen mal zehen. sein zehen. so muß vor alē dinge eyns sein. wan zehē ist C gleich als materlich zu rechnē d̄ zehē mal eins. Hundert. hūdert mal eyns. tausent. tausent mal eins. zehē tausent. zehē tausent mal eins. vñ also furt. Also ist eins i aller zal beschlossē. vñ fleußet alle zal. wie vil yr heit auff erttrich ist auf eyn.

Ein argumēt auf der ordenūg d̄ ding.

Er ordenūg halbē mag ich also arguire. Wa ein mittels ist. da muß auch ein anfang vñ ein end sein. den d̄ mittel ist nichts anders. den d̄. das zwischen dem anfang vñ dem end ist.

Eyn argument auf der ordenlichen zal.

Der nach der vorgemelten weyß der zal zu arguiren. wa das hundertst. das zehēndst. das sechst. oder das dritt ist. da muß auch d̄ ander sein. den d̄ dritt möcht nimmer sein. es wer den das ander. vñ wa das dritt nit wer. da möcht das vierd nit sein. vñ wa das ander ist da muß von not das erst sein. vñ

möcht das ander nit sein es wer den d̄ erst. als zway nit möchtē sei es wer den eyns.

Argument auf den graten oder staf. sein d̄ anhängendē ding. d̄ leyplīche ding.

Vñ den graten arguir ich also.

Wa guts vñ bessers ist. da muß auch das best sein. Als wa es warm vñ wärmer ist. da muß auch d̄ wärmst sein. vñ dem d̄ warm vñ d̄ wärmer. vñ ge ge dem d̄ warm vñ d̄ wärmer sei grad vñ art hat. den on allen zweifel wa zehē kessel mit warmē wasser werē. vñ pe ein wasser wärmer den das ander. vñ d̄ and kessel wer zwyrnet als warm als d̄ erst. der dritt dreyßend. d̄ vierd vierstund vñ also aufhin biß auff den zehēndstē d̄ wer zehēstund od̄ zehēfeltiglich als heys als d̄ erst. wer möcht zweyfel. es müß etwas heysers sei. den die kessel all. od̄ d̄ wasser in yne. vñ dem sie die hitz het tē. als d̄ feur od̄ ettwaz feurigs od̄ seims gleichē. Des gleichē so mā ettwaz findt d̄ liecht od̄ clar ist. ettwaz d̄ noch clerer ist. so muß ettwaz sei d̄ am aller clerstē ist. als man sieht weye eyn stern clerer ist wenn der ander. so muß ettwaz am aller clerstē sei. vñ dem die andern ir clarheit haben als die sunn.

Argument auf den graden der geistliche eygenschaftten.

So muß es auch in d̄ geistlichen clarheit d̄ ist in d̄ verstēnus sei. den mā merckt wol wie grof erkētnus ei mēsch hat den d̄ and. vñ weyt ober die menschē sei die engel. vñ vntter den engeln ist ein engel weyt ober die andern. als die engel der mitteln yerachey ober die engel der vnttern yerachey. vñ die engel der obersten yerachey. ober die engel der mitteln. vñ vntern yeracheyen.

Q iij

Beweyfung auß der vernunft

Darumb muß etwas sein das vber all menschen vñ engel weyt das aller clerst sey vñ dē die menschen vnd die engel yr clarheit haben.

Argument auß der ordenung vñ zeit.

Also verstee auch von der macht. von der tugent. von der wirdikeit. von der seligkeit vnd von aller volkumēheit. Ist eyns mechtiger. tugenthafftiger. wirdiger. seliger denn daz ander. vñ vber das selb aber ein anders. vnd also ymmer auffhin. so das nit on end ist der zal. Denn wa kein end wer. da wer keyn ordenung. Wa kein orden oder ordenung wer. da wer nichts das erst noch dz lerst vnd wa nichts das erst wer. da wer nichts das ander vnd das dritt. Wa das selb nit wer. da wer kein zept. Wa keyn zept wer. da würd nychts. Wa nychts würd. da wer nichts. verstee in zeitliche dingenn. Wa nichts wer. da wer nichts ee. oder wirdigers. oder mechtigers. od bessers denn das ander. Darumb so es nun also ist. daz ding sein. vnd der selben vil ist. vnd in den selben ordenung. vñ gred oder graten oder staffeln sein i dē wesen. in der krafft vnd möglichkeit. in dē würckung in den enden zu denen sy sein das eins edler. mechtiger vñ besser ist. denn das ander. vnd der mittel graden sein vil. so muß man ye zu vnd auff das höchst vnd best das wirdigst vnd daz seligst kummen. dz man gott heysset. Vñ also mag man durch die vernunft zu er kennntnis der gottheit kummen.

Vil satzung durch einander die vast hernach bewert werden.

Denn du vündst in deiner vernunft. Ist daz gen. so muß auch dz sein sein. Ist die bewegung. so muß auch die ru sein. Ist daz zeitlich. so muß dz ewig

sein. Ist etwas künfftigs. so muß etwas gegewertigs sein. Ist etwas zufallens oder anhangens. so muß etwas wesentlichen sein. Ist etwas war. so muß die warheit sein. Ist etwas guts. so muß die gutheit sein. Ist etwas von eym adern. so muß das von dem es ist zum mindesten nach ordenung der natur vor sein. Ist etwas leiplichen. so muß etwas geistlichen sein. denn der geyst regiert den leyb.

Argument auß der zusamensetzung vnd eynfeltigkeit.

Ist etwas zamēgesetzts. so muß etwas vnzēsamen gesetzts sein. wie möcht met werden vñ wasser. vñ vñ hönig. es wer denn hönig vñ wasser vor in der natur. Wie möcht mā messing vñ kupffer vnd galinen machen. es wer den das kupffer vnd die galmē. vñ wie würd messing es wer denn ymāts oder etwas das das kupfer vnd die galinen zēsamen man fügt oder schmelzt. vnd so dasselb durch dz feür beschicht. so wird messing nymer es wer den dz feür. Also gesenck daz d. der leib vnd gaist zamēgesetzt hat. der hat vor hyn die leyplichen vnd geistlichen ding beschaffen. doch sprich ich nit dz er die selen vor den leybē beschaffen hab. den dz selb ist ei verworffener irsal der origenianer. ich sag aber dz got die eynfeltigē. dz ist die vnzamēgesetzten creaturen. als die lauter leiplichen. himel. vñ elemēt. vñ die lauter geistliche. als die engel ee beschaffe hat. den die zamēgesetzten creatur. die auß leiplicher vñ geistlicher substätz gleich als gemēgt ist. So nun d mēsch ein geist vñ ein leib ist. so muß der leyb vorhyn sein. vnd so der leib auch zusamen gesetzt ist. wann der leib ist von flaisch von plut von bayn. das alles materlich dyng ist.

das ein einiger got muß sein

und ist von den elementen. von dem element der erde ist dz flaisch vñ dz gebam. von dem wasser das plut. doch rechnet mā auch vñerley feuchtigkeit in dē leyb nach den vier elementen. das verprennt plut nach dem feur. das frisch plut nach dem lufft. das wasserfarb vnzeytig plut nach dē wasser. dz schwer schwarzplut nach der erden.

Von den vier Complexionen od arten der menschlichen leiben.

In Alch disen plütern werde die mēgung oder complexion der menschen gerechnet. vñ nach dem schwere plut werden sie genaigt zu schwermütigkeit. nach dem vberzeitigē zu zorn. vñ zu spitzigkeit. nach dem vnzeitigen zu vberflüssiger feuchtigkeit vñ faistigkeit. nach dem frischen wolgefärbten plut zu mut vñ frölichkeit vñ gutter natürlicher geschicklichkeit. Vñ dem element des lufftes hat der mensch die leblichen geyst vñ den atem. vñ dē feur die natürliche hitz. So nun der leib des menschen von den elementen ist. so müsten die element vor sein. So nun die element durch yr form ei grossen vntterschaid vñ einander habē also das ye zwey gleych wider einander sein in iren eygenschaften. als die erd vñ der lufft in der waiche oder flüssigkeit vñ durre. das wasser vñ das feur in der hitze vñ kelte. So sie nun vñ eins er materien füllen sein. vñ haben so widerwertig eigenschaft. das muß der form halben sein. darumb sein sie auch nit gantz vnzesamengesetzt vñ das ich sie oben vntter die vnzesamengesetzten creatur gesetzt hab. das hab ich gethan dēshalben. das sy nit vom geist vñ leib zusamē gefügt sein. als der mensch. Sie sein auß form vñ matery zamēge

fügt. vñ darumb muß die ungeformirt materi nach ordnūg der natur vor sein.

Ein starcke argumentierung das ein vrsprung muß sein der gott ist.

Nun die selb matery auß dē element geformirt sein. ist ungeformirt gewesen. das ist on form. als man sie nennt. darumb das sie noch weder die. noch die. gewisse form vntterschiedlich het. sunder sy was in möglichkeit zu allen formen. So frag ich. von wem sy sey worden. vñ wer sie geformirt hab. das auß ir die element. vñ das firmament sey worden. Du kanst nit spreche. das sie sich selbs geformirt hab. denn formiere das ist geformet machen oder eym ding form vñ gestalt gebenn. nun form oder gestalt geben oder machenn. das ist ettwas thun oder machen. vñ was da macht oder würckt. das würckt. Als die weisen sprechen. Durch seyn form. auß der es sein wesen vñ kraft hat. Nun ist gesprochen worden. dz die selben erst matery kein vollkommen form het. het sie nun kein form. wie künd sye denn durch ir form würcken. Item het sie kein form. wie künd sie ir selbs denn form vñ gestalt gebē. künd sie ir selbs kein form geben. so künd sie ir selbs nit das wesen geben. Denn man redt hie von dē wesentlichen form. künd sie ir selbs das wesen nit geben. so künd sye von ir selbs nit sein. künd sye von yr selbs nit seyn. So künd sie von yr selbs nichts thun. künd sie vñ ir selbs nichts thun. so künd sye sich selbs nit machen. künd sie sich selbs nit machenn. so künd sie ye von yr selbs nit werde. künd sie vñ ir selbs nit werde. so muß sie vñ einē adern werde. solt sie anders sein. solt sie vñ einē adern werde. vñ we solt sy den werde. so weder

Beweyfung auß der vernunft

hymel noch erd noch ymant od etwas
in ynen was. die erst auß ir werde solten
Sihst du nun das vō not gott must sein.
von dem die matery beschaffen. vñ auß
ir die elementt. vnd auß den elementen
ander elemētierte ding geformiert wür
den. vnd als ich auß der zesamensetzūg
Bewert hab das etwas vnzesamenges
setzts muß seyn das alleyn gott ist. der
nach aller weiß vnzesamengesetzt ist. al
so mag man auß andern dingen die ich
oben gemeldt hab auch bewerung ziehe

Hie kumpt es wider auff die zal das
auß ir eygenschaft darnach die aynikeit
der gottheit bewertet werde.

Als auß der zal. die auß eyn fleiß
set. wie vil ir ist. So ist sie nichts an
ders materlichen zu nemē. denn eyns so
offt genummē. als ein milian ist eyns zu
tausent malen tausent malen genummē.
Zway ist eyns zwaymal genommen. also
ist eyns gleich das wesen der zal. vnd ist
doch nit ein zal. sunder der anfang der
zal. vñnd ist vntaylich. vnd vnzesamen
gesetzt. vnd vñuerwēlich vñwandelber
lich. Denn spricht mā zwaymal zway. so
wirt die zal zuhandt veruādel vñ wer
den vñer darauff. spricht man zway mal
drey so werdens sechse. vnd beleibt kein
zal in sich selbs. oder in einander gemas
mgueltiget. vñuerwandelt. auß genum
men eyns. denn spricht man ein mal eins
so ist eß eyns. spricht man einmal zway
oder zway mal eyns. so beleibt es zway.
spricht man aber vier mal eyns. oder ein
mal vier. so veruādel sich die zal nit. es
beleiben viere. spricht aber vier mal vie
re. so veruādel sich die zal vnd werde
sechzehen. vnd also von andern. Dis sey

Darumb berürt das du merckst. das ye
mer der mensch vernuft vñd kunst het.
vñd prauchte die selben zu erforschung
d warheit. ye mynder er zweyfelē möcht
von der gewyßheit des göttlichenn we
sens.

Eyn warnung das wir vñnsern glau
ben nit auff vnser vernunft gründe oder
setzen sollen. sunder auff die heyligen ge
schrifft.

Doch füllen wir vnsern assensum.
Dz ist vñnser wilfür vñd anhang.
in die erkenntnus der gottheit. nit bawen
oder gründen. auß die vñdung oder er
greiffung der vernunft. den dasselb him
derte oder mynderte den verdienst des
glaubens. vñd wer sorglich vñd verfer
lich oder verfürlich. vñd wa die vernunft
erleg. da erleg auch d glaub. Sünd wir
fülle vnseren glauben fassen vñd setzen
auß die heyligen geschrifft. als auß das
heylig ewangelium. auß die episteln der
heiligen zwelf potten. das du glawben
wöllest. was sant peter. sant pauls. sant
iohannis. sant andres. sant matheus. vñd
ander zwelf potten gelert geprediget vñ
geglaubt haben. vñd was sant iohannis
der ewangelist. Sant matheus. Sant lu
cas. Sant marcus. Sant pauls. Sant pe
ter. Sant iacob. Was die heyligen pro
pheten. Moyses. vñnd David. Ysaia.
Hieremias. Ezechiel. Daniel. Vñd was
Salomon. vñd ander der bücher die hei
lig cristenlich kirch C Als heylig vñd be
wert C auß genommen hat. geschriben
haben. vñd yn dem glawben der selben
heyligen gemaynen cristenlichen kirchē
C die dem heyligen sant peter vñd paul
vñnd sant iohannsen vñd andern zwelf
potten. vñnd eegenanten ewangelisten

Das ein einiger got muß sein

vñ den heyligē vātern vñ lerern die yn dem heilige glauben d̄ zwelfpottē nach volger gewesen sei. nachuolgt d̄ beleiβē

Die sach warumb man hie widerum auf die zal kumpt. Das durch sie die ayngigkeit der gottheit bewertet werde gleichnus halben. Die zwischenn einem vnd gott ist.

If Ragst du aber warumb ich zum andern mal auff ettlich eygēschafft der zal kummen sey. so sprich ich. D̄ ich bey der eygēschafft des einen oder d̄ einheit. etwas eygēschafft der gottheit wolst zu versten geben. Den wie eins nit ein zal ist. vnd gibt doch der gantzē zal gleich das wesen. vnd ist ir anfang. als ein punct nit ein linie ist. er ist aber der linie anfang. Also ist gott der herr aller creatur der vnzeliche vil ist. anfang. vnd gibt yn d̄ wesen durch sein wesen. wann sein wesen ist das fundamēt. Die sach vñ auffenthaltung alles wesens. vnd wirt doch nit vntter ādern wesen gezelt. Den es ist ein endloser vntterscheid zwischē seinem sein oder wesen. vnd anderer ding sein oder wesen. wenn sein wesen ist endlos. vnanfenglich. vnaußhōlich. vnwan delberlich. vngriffenlich. Das erst. D̄ ewig. D̄ einfeltigst. Das ist d̄ vnzesamen gesetzt. D̄ hōhst. D̄ fruchtberst. D̄ best. Das mechtigst. Denn allmechtig. vñ tavlich. Das volkumenst. Das freyest. vnd alleyn frey von aller vntterwürfflichkeit vnd wanderberkeit. Dem alle ding müssen vntterworffen sein. wann sie sein vñ yn worden. vnd möchte nit sein denn vñ seinem willen. vñ nit ee noch spetter. Den wenn er wolst. vnd nit anders den wie er wolst. vnd mügen auch nit anders. D̄ ist nit edler. nit vñrdiger. nit stercker. nit besser. sein denn er will. Denn die vernūff

tig creatur. Die mag vñ ir selbs böher. vñ seliger. vnd erger werden. Denn sye ist. Aber sie mag von ir selbs nit besser werden denn sie ist. Aber durch sein gnad vñ hilf wirt sie erhōhet. Vñ solchē seinem vber alle maß vbertreffentlichem. vngriffenlichem wesen sprach gott d̄ herr zu moysen als wir lesen. In dem andern buch moysi. in dem dritten capitel. als die lerer auß legen. Ich bin der ich bin. also sag den kindern israhels. Der da ist der hat mich zu euch gesandt etc.

Das durch die menge vnd widerwertigkeit der creaturen. die ayngkeit vñnd warheit der gottheit wirdt.

Item ei ander gleichnus zwischē einem vnd zwischen gott. ist. Das man durch die menge der zal kumpt yn die bewerten erkentnus der einheit. also bewertet vnd beweyset die menge der creaturen. Die einheit oder eynigkeit d̄ gottheit. Denn so vil vñ manger hand. vñ widerwertig ding vñ creatur die möchten nimmer besten. es wer denn etwas eyns vber sie vñ in ynenn. durch das sy aufenthaltten vñ geordnet würdē. Das eins bey. vñ mit dem andern besten vñ beleiβē möchte. Als man sagt. wie die widerwertigen element durch ein mittels das etwas mit yn beyden gemayns hat versünt werden. als das wasser vñ das feur sie wider einder sein. wann d̄ feur ist am hōhsten hayß. D̄ wasser kalt. Darumb ist der lufft dar zwischen. der concordiert mit dem wasser. yn der feuchte. mit dem feur etwas in der wirm. Also wirt das wasser vñ d̄ feur etwas veraynt durch den lufft. Das eins das ander nit zerstört. vñ die vier elemēt. durch den himel. himel vñ erd. vñ w̄z darin ist durch die erste sach die got ist. mit welcher erste

Beweyfung auß der vernunft

und einigen fach aller ding. die erd mer
cōcordiert. Deshalben das sie stett vñ vn
beweglich vnd gleich als das fundamēt
vnd centri oder mittel punct der werlt
ist. Denn der himel. widerum concordiert
der himel. mer mit der ersten fach d laus
terkeit. subtilkeit. clarheit. vnd vnuerwel
senheit halben. vnd das er die element
regiert vñ wandelt mit seinen einflüssen
vñ helt die erd gleich enmittē. vñ in acht
sie fruchtbar. vnd die fach ir bayder art.
Dz ist der stetigkeit der erden. vñ der be
weglichkeit der hymel. vnd ander ir aigē
schafft ist in got. der vn beweglich ist. vñ
bewegt doch alle ding. Vnd die beweg
ten ding bewegē andere. Vñ die beweg
ung beschilt mit on fach. Denn was be
wegt wirt das wirt etwar vmb. oder vñ
einer entlichen fach willen. Vñ die selb
entlich fach. muß in d erkētus sein zum
minsten des ersten bewegers als das dz
wasser dz mülrad bewegt. dz mülrad od
wasser rad den wellbañ. d wellbañ dz kēp
rad. dz kēmprad mit den zenē od kammē
dz getrib. dz getrib die eyse stangē. die ey
sene stang bewegt die hawē das ist das
eysene creütz das in dem mülstē ist. die
haw bewegt den gägstein. der gägstein
bew. gt den rürstecken. der rürsteck den
gossen. der gos den wartz oder was ges
traids denn auffgeschütt wirt.

Wie man durch die werck der creatu
ren auff den schöpffer kumpt.

In Vñ dise ding den beschehe mit on
geuerd od on anrichting. die reder
die werden mit von yn selbs. so kummen
sie vnd die stein vnd andere ding vñ de
nē gesagt ist. vñ yn selbs mit in den schil.
so sie wider synn noch willen habē. sund
füllen sie zu der mainung des malens also
zefamen geschickt werden. das muß von

einer vernünftigen person oder natur be
schehen. die das end des malens erkent
So nun das malen auch nit dz last end
ist. sunder man malt darumb dz mā auß
dē melb prot bach. od sunst etwas koch
vnd dasselb das mā es essen mäg. vñ dz
selb das mā lebē mäg. oder rechnet mā
es nach der mainung des mülners. der
den lon dar von will haben. so dienc es
doch entlich zuhaben die nortürftigkeit
des lebēs. od gnug zu cym eerlichen od
wollüstliche lebē. sei. od d seinē. vñ d glei
che. Darzu i die natürlich begird bewegt.
welche begird vñ natur ist. es sey vñ geor
deter od zerruckte. Die natur als verz sy
gut ist. als sie den ist nach dem als sie ist.
so ist sie von gott. ir vnordenung ist vñ der
sünd die von dem freyen willen ist. des
halben dz er verkerlich ist. oder sie ist vñ
der pein der sünd. die von der gerecht
keit gottes ist. d die vngescheffe d sünd
mit on gezierd der gerechtigkeit lest.

Das die vnordenung beweyset. dz or
denung muß sein. vñnd das böß bewert
das gutt. die zeit die ewigkeit. die kün
die schlechtigkeit. vnd desgleichen. die
vngerechtigkeit die gerechtigkeit. vñnd
die vntugent die tugent.

Also kumpt man ymmer zu in die
Ordenung gottes. der auch die vn
ordenung der sünd durch die pein ordi
niert oder ordener. wenn man vber sich
steigt. oder hinter sich get. weñ mā schō
durch die ding muß gen. die nit georde
net scheinen. wenn das böß mag mit sein
denn in dem gutten. vnd von dem gutte
doch mag es mit in dem allerbestē. noch
an mittel von dem allerbesten sein. sund
nach dē als es warhafftiglich böß ist.
das ist als es vbel der sünd ist. oder ge
pruch vñnd mangel des. das da ist oder

das ein einiger got muß sein

gut ist. sölich mag nit von dem bestē. dz
ist vō got sein. als vō dem der es würckt.
ob man auch sprechen mag. das es von
ym sey als von dem der es verhengt. vñ
durch das selb ander vordend vbel. ryck
et oder strafft. Aber seint das das böß
nit lauter böß. das ist on dz gutt in dem
es sey oder von dem es sey. sein mag. So
hab ich wellen sprechen das man auch
durch die vñcordenten ding yn die or
denung kumpt. vñ durch die bößen in die
guten. das mayn ich nach der erkennt
nus zurechnē. Den so vnordenung nichts
anders ist. den verrückung der ordenung.
vñ dz böß ist nichts anders den zerstö
rung oder gepruch des guttens. So kan
man die vnordenung oder das böß nit er
kennen. man kenn den die ordenung. oder
das gutt. Man kan die krümme nit ken
nen. man kenn denn die schlechte. vñ der
die krüm gebogen wirt. Darumb. ist die
krüm. so muß von not die schlechte sein.
Ist etwas vnordenung. so muß auch or
denung sein. Ist böß. so muß vñ not guts
sein. vñ muß von not das gutt vor sein.
den das gutt mag on das böß sein. Als
dz vollkommenst gutt on alles böß ist. aber
das böß mag nit on das gutt sein. Vñ
so es nit mag in dem obersten gutt sein.
so mag es nit ewig. das ist von ewigkeit
sein. So es nit von ewigkeit mag sein. so
muß es zeitlich sei. So aber die zeitlich
heit ein bug ist von der ewigkeit. als die
krüm von der schlechte. So bewert die
zeitlichkeit die ewigkeit. Darum hab ich
oben gesprochen. Ist das zeitlich. so muß
auch das ewig sein.

Warumb gesprochen ist. Ist dz geen.
so muß das steen sein. das geet darauff
Ist etwas zergänglich. so muß vñ not
auch etwas beleiblich sein. Darum be

weren die zeitlichen ding das etwas
ewigs muß sein. das allein gott ist.

Hier so die ewigkeit vnwandelber
lich ist. denn es ist in ir kein wan
delung von eym yn das ander. als in der
zeit. vñ dem tag yn die nacht. vñ d nacht
in den tag. vñ eym tag in den andern. vñ
einer wochen in die andern. vñ monet yn
monet. von iar yn iar. vñ in eym rgliche
iar. vom winter in den lentz. vñ de lentz
in den summer. von dem summer yn den
herbst. von dem herbst wider in den win
ter. vñ wie sich die zeit verwandelt. als
so verwandelt sich die aygenschafft od
art der vier geschicklichkeit. auß denē alle
yrdische oder elementische ding verent
deret werden. als die. dy vñ den vier ele
menten C als oben gesetzt ist worden C
zusamen gesetzt sein. darumb würckent
sölich aygenschafften in sie. oder leide in
ym. denn die hitz vñ die kelte würcken.
die feuchtigkeit vñ die truckene od dür
re die leiden. als wir sehen. das die kelte
daz feucht fließend wasser wider sei art
vest vñ hert vñ stillstend vñ sich selbs
hebend macht. vñ verwadelt es zu zey
ten zu eym stein den man cristall nennt.
widerum zerflöset die hitz das gestan
den gefroren wasser dz man eyß heist. vñ
machts C wider die art des wassers dz
die kelte yn höchten soll haben C warm
oder auch heys. also leidet die feuchte vñ
die truckenheit oder dürre von der hytz
vñ kelte. Die wirm ist ein freündin der
natur. vñ gibt mit der feuchte C wenn
sie getemperiert ist C das leben. die kel
te tört aller meerst mit d dürre. So nun
der winter kalt ist. d summer warm. der
lentz feucht. d herbst dürr vñ oft tbe
sunder an ertliche enden C der tag heys
die nacht kalt. der tag dürre. die nacht

R

Beweyfung auß der vernunft

feucht. der tag lreht. die nacht vnster.
vnd die natur der lebendigen ding. Als
ker meerst der menschen die stet yn eyn
temperament in dem mitteln. das weder
zu kalt noch zu heys. weder zu feucht
noch zu durr sey. nach der proporcyon
oder gldmas. die seiner coplexion vnn
art zugehört. Darumb die ert die zu vil
von dem mittel weichen. die sein sched
lich. zerstörent vnd töttlich. vñ kan doch
on das nit sein. so die hitz vnd die kelte.
die durre vñ die feuchte wideinad sind.
vnd streitten widerinander. so leit oder
ligt yetz diß ob. yetz vens. Darumb kan
kein belebenden oder lange rw sein yn
den zeitlichen dingen. sunder so die zeit
ymmerzu. in eym hingang ist. denn eyn
teil ist vergangen vnd hyn. ein teil ist da
vornen vnd kumpt her. der allernyst
teil ist gegewertig vnd bleib nit ein au
genplick. daz er nit hyn gee. so muß auch
alles das vntter der zeit ist also hin gen.
Denn so die zeit nit sten kan. das ist be
leyben den hingend. so muß sie hingend
sten oder beleiben. darun so gert sie vñ
steens willen. Vnd also so sie nit steens
ste kan. so stet sie geneus oder gends. vñ
get omb steens vnd beleibes willē. Get
sie nun omb steens willē. so gibt sie zeug
nus dz sten besser ist denn gen. den sten
ist ein aygeschafft der ewigkeir. Ist nun
sten besser den gen. denn sten ist ein ay
genschaafft C als gemeldt ist C der ewig
keit. Gen der zeit. so muß auch das sten
sein. denn was besser ist C argentlichen
zu reden C das ist auch gut. vnd wz gut
ist das ist auch. das da ist. das hat auch
das wesen. nach dem natürlichē meister
vñ nach der warheit. Darumb ist dz sten
besser den das gen. so ist auch das sten.
Nun sih warumb ich oben gesprochen

hab. Ist das gen. so muß auch das sten
sein.

Warumb gesprochen ist. Ist die be
wegung. so muß auch die rw sein.

Nun so das gen yn der bewegung
stet. den was da gert das bewegt
sich. oder wirt bewegt. vñ das still stet
das rwet. vnd das gen ist omb stens wil
len. so ist die bewegung omb dz rw willen.
also ist die rw besser den die bewegung.
wan die bewegung ist omb der rw willen.
vnd die rw ist dz end der bewegung. dar
umb hab ich oben gesprochen. ist die be
wegung. so muß auch die rw sein. Nun
die bewegung ist in den zeitliche dingē.
als in der zeit. den wir sehen wol. dz kein
rw in der zept ist. die nit eyn augenplick
C als vor gesprochen ist C still stet. dar
umb muß die rw in der ewigkeir sten.

Das alle ding der ewigkeir begerē.

Darun sehe wir das alle ding der
ewigkeir begeren. vñ allermeerst
die ding die ein edels wesen haben. als
die dy ir wesen versted als die vernunf
tig creatur die begert allweg C das ist
on end des lebens C zu sein. vnd kurtze
lichen. alles das da lebt. das begert ze
beleiben als lang es mag. Vnd fleucht
den tod als die zerstörung seines wesens
das ist ein zeichen das es der ewigkeir
begert. vnd kan es nit allweg sein. so be
gert es doch das lengst das es mag zu
sein. daz ein nehung zu der ewigkeir ist.
der die zept nachuolgt als vil sye mag.
Vnn wenn man eym ding nachuolgt.
so muß es vor gen. get es vor so ist es
auch zc.

Warumb gesprochen ist. Ist etwas
künsttrigs. so muß etwas gegewertigs
sein.

Nun so die nachuolgenden ding

auf den vorgehenden Dingen kummē vñ
entspringen. Volgt etwas hernach, so
gett etwas vor an. Darumb hab ich ge-
sproche. ist etwas künfftigs. so muß ett
was gegenwertigs sein. Also sprich ich
auch. ist etwas gegēwertigs. so muß ett
was vergangēs sein. Nun was vergāg
en ist. Das ist nit. sunder es ist gewesen.
Was gegenwertig ist. Das belebt nit.
es get hin. Was künfftig ist. Das ist nit.
es wirt erst kummē. So nun daz vergāg
en nit ist. Das künfftig nit ist. Das gegen
wertig nit bleybt. noch stet. was prynkt
denn die künfftigen Ding. denn das. daz
vnuergangē gewesen ist. vnherkummēd
künfftig ist. vnhingend gegenwertig ist.
Dem allein die vergangen Ding. mit hyn
sind. Die gegenwertigē mit hyn gend. Die
künfftigen Ding gegenwertig sind. Daz
ist das. Daz on anfang vnd on end vnwā
derberlichen ewig ist. Das darumb das
es das erst ist. so ist es das aller frucht-
berst vnd tragentst. denn alle Ding kum-
men. von ym vnd sind in im vrsprünglich
en vñ sachlichen gewesen.

Das die vorgeendē Ding der sachūg
halb fürnemer sind.

Als alle menschen die nach d zeit-
lichen geburt vnseren Herren gewe-
sen sind. Die sind von denen kummen. die
vor der geburt cristi gewesen sind. vñ
die hernach kummen werden. Die werde
von denen kummen. die yetzen sein. vñ
die von den nachuolgenden kummē. Die
kummen auch von yren vorfaren. vñ die
vorfarenden oder vorgehenden die seyn
alkwoegen nach der sach des anfangs oð
vrsprungs fürdlicher oð fürnemer den es
kummē meer vñ yne. den vñ yren nachkū-
men. darumb sein sie fürnemer in d sach

des vrsprungs. denn die nach kummen.
Als ich mag eins ebenbilds halb sprech-
en. Ich find von Salomon mit mer kün-
der in der heiligen geschriffte. denn eine
sun mit namen Roboam. vñ zrou tōch-
ter. Aber roboam het achtundzweintzig
sūn. vñ sechzig tōchter. Sihstu nun wie
die weyt der sūn den vatter obertroffen
hat yn der menge der kinder. Vloch ist
der vater fürnemer in der sach des vrspr-
ungs denn der sūn. wenn was von de ro-
boam ist oder kumpt. daz kumpt auch vñ
Salomon. von dem roboam kummē ist.
Dann roboams sūn sind salomons en-
clein gewesen. Sein tōchter sei salomons
triechter gewesen. Roboams eniclei wa-
ren zweyundzweintzig. der triechter sech-
zē. Die Roboams eniclein sein gewe-
sen. die sein salomons vreniclei gewesen.
vñ sein von ym her kummē. vñ alle die
die von salomon kummē sein. die sein
auch von dauid kummē. aber nit wider-
synns. denn es sind vil von dauid kummē
die nit vñ salomon kummē sein. Darū
daz dauid vil ander sūn meer gehabt hat
denn salomō. Von dauid ist das kōnig-
lich geschlecht der iuden kummen. Aber
von iuda ist nit allein das kōniglich ges-
chlecht kummen. sunder die iuden all die
von dem geschlecht iuda seyn. Aber vil
meer seyn von ysrahel kummē. der iudas
vater was. denn vñ im seyn nit allein die
iuden kummen vñ ir kōnig. sunder auch
die andern zehē geschlecht ysrahels vñ
ir kōnig. Aber von iacobs vater mit na-
men ysaac. sein nit allein die israhelischē
en kummen. sunder auch die ydumei. vñ
der geschlecht herodes der kōnig was.
vntter de cristus geboren ist wordē. Aber
weyt meer sein von abraham kummen. d

Beweyfung auß der vernunft

ysaaks vater. vnd iacobs. oder ysrahels anherz was. wann von ym sein vber die obgenanten geschlecht. die araben. vnd die affri ein teyl. als man maynt. vnd die medianiten. vnd vor auß die ysmahelitē oder agarener die sich saracener nennē. vnd vil ander kummen. Von abrahams vatter der Thare hyß seyn auch die syri kummen ein teil. die nach dem eltern vrsprung. vō dem Sem kumen seyn durch sein sun aram. als auch von dem selbenn Sem die persier. die chaldeyschē. die lid den oder lidier. vnd die assirier kummen sein. das die mechtigsten reich vnnnd geschlecht gewesen sind. die vor dē rōmern auff dem erterich gewesen sind. Der assirier hawbststat ist die grof stat Ninisue gewesen. der chaldeyschen hawbststat daz grof Babilon. Der Sem ist vntter den anherren des patriarchen abrahams vber sich zu rechnē der acht gewesen. Vō seinem vrenklein mit namen heber. sind die hebreyschen kummē. von des hebers sun mit namen yectan sein vntter andern geschlechtē die indi od indier die gegen oder in auffgang der sunnenn C Da das erterich vol gold vnd silbers ist C wonē. Von des Sems vatter ist alles menschlich geschlecht. dz nach der syntflut auff erterich gewesen ist. kummen. Vnd was von des Sems vater dem noe kummenn ist. das ist auch vō seinem vranherrē mit namen Enoch C der noch yn dem paradys leben soll. vnd ist der sybend vō dē adam gewesen C kumen. Aber vō adam sind alle menschen. bayd die vor der sintflut vnd darnach gewesen sind kummen. Aber warumb hab ich das. das von ym selbs so offenbar ist so weyt wölle er zelen. Darumb. das ich dar mit bewere

wolt. das in den sachen die ördenlichen nach eynder gend. als die geschlechter. allweg die vō der fruchtbarer ist. darinn muß die aller erst. die allerfruchtberst sein. als die allergemaynst zu allen ding en die von ir kummen. Darumb wie abraham fruchtbarer ist gewesen dē David. vnd noe fruchtbarer denn abraham. vnd adam fruchtbarer denn noe. Also muß der. von dem adam worden ist. der auch dem adam solche fruchtbarkeit gegebē hat. fruchtbarer sein denn adam. das ist nun gott allein. von dem allein C seyt dz nichts vor ym ist C alle dīg. Engel vñ menschen. hymel vnd erd. vnd was in inen ist. kummen ist. Vnd das hat auch ein gleichnus zu eym. das dz fruchtberst ist. als es der anfang der zal ist.

Der dyse mat erien vmb der andacht willen vnd mit vmb der kunst willen fürderlichen bestellt. der hab gedult yn solchen dingen. ob er sie zu zeitten findt. vnd verstet er es nit. vnd will sein kopff nit mit zerprechen. so gee er für vñ vber hupfs. vnd leh das ander. das darnach geet. vnd gedencē dz ein ander darüber mag kummē der frisch synn hat. oder ett was von der kunst hat. dem es einen lust gibt. so er sieht das die kunst weyset auf die spūr der gewissen bewerung. des göttlichen wesens. vnnnd auff vestigung des cristenliche glaubes. vñ der es selber nit begreyffen mag. der freu sich doch das es durch die kunst. so bewertlichen. oder so geroyflichen ersucht wirdt. vnd beschlossen wirdt. dz gott sey. das die weysen nit zweyfelu mügen. die weyl sie bey yne selber sind zc.

das ein einiger got muß sein

Wz vor durch die geschlecht bewert
ist. das wirdt hie durch die zal bewert.

Ann zwey ist der anfang aller gera-
den zal. Wann man mag alle gera-
de zal in zwey gleiche tail tailen. als vier
ist zwey mal zwey. Sechs ist zwey mal
drey. achte. zweymal vier. zehē zweymal
fünf. zweintzig. zwey mal zehen. hundert
zwey mal fünfzig. Tausent zwey mal
fūshundert. vñ also ymmer mer aufhin.
Das ein zeichenn ist. das alle gerade zal
auf zweyen entspringt. als die vnger-
den auf eym. aber yn der geraden zal ist
auch ei vntterscheid. etlich heisset. nach
dē latein zu rechnē. geredlich gerad. et-
lich geredlich vngerad. etlich vngeredlich
gerad. vnd die selbe entspringt auf der
geredlichen geraden. vnd geredliche vn-
gerade. die zal heist geredlich gerad. die
mā allweg in gerade teil teylē mag. auch
in yrē onterteylē biß auff eyns. als acht
vnd zwaintzig vnd hundert. in zweymal
vierundsechzig. vierūdschzig. in zwey
mal zweyunddreyssig. zweyunddreissig
in zweymal sechzehen. sechzehē i zwey
mal achten. achte in zwey mal viere. vier
in zwey mal zwey. zwey i zwey mal eins.
Die zal heist geredlich vngerad. die mā
nit mer denn ein mal tailen mag. Denn
wiewol sie gerad ist des halben. das mā
sie in gleiche teil tailen mag. so sind doch
die selben ire teil vngerad. dz man sie nit
in gleiche gerade teil tailē mag. als sech-
se die tailt man in zwey gleiche teil. daz
sind drey vnd drey. vnd drey mag mā nit
i zwey gleiche tail teile. Auf disen zwey
en zalen. das ist auf der geredlichen ge-
raden. vnd der geredlichen vngeraden.
entspringt die zal. die dy vngeredlich ge-

rad heysset. Das ist die. dy man in zwey
gleiche gerade teil tailē mag. aber es er-
windt ee man auff eins kumpt. das man
sie nit in solche tail teile mag. als vier vñ
zweintzig die teilt man in zwey gleiche
teil. das sind zwelf vñ zwelf. die bald ge-
rad sind. vnd zwelf. in sechs vñnd sechs.
die auch bald gerad sind. sechs mag mā
tailen in drey vnd drey. die vntailich sind
denn drey mügē nit in zwey gleiche teyl
getailt werden. Nun als dise vngered-
lich gerade zal. für setzt die geredlichen
vngeraden. den zwelf möchten nit sein.
es weren den sechse. so zwelfe zwey mal
sechse sind. also setzt die geredliche vn-
gerad. die geraden für. denn es möchte
nit sechse sein. es weren denn ir tayl vor.
auf denen sie zusammen gesetzt wurden.
ir tail doch nit all. ir tail so offft genum-
men sind zwey vñ drey. denn sechse sind
zwey mal drey. oder drey mal zwey. Es
ist auch in der glidmas gegen viere. als
drey gegen zwaienn. die man lateinisch
proportionem sesquialteram heisset grie-
chisch Emioliam. dz ist wenn ein zal die
ändern gantz in ir begreiff vñ dar vber
dē halbē teil. als zwelfe gē achte. neune
gen sechsen. sechse gen vieren. drey gen
zweyē. welches drey in diser glidmas die
erst ist. So nun sechse. viere gantz in yn
begreiffenn vnd darzu den halben tail.
vñnd viere ist ein viereckete zal. vñnd ist
die erst vnd der fürst in der schönen vi-
erecketen zal. als zwey die erst vñnd der
fürst in der manigfaltigenn. proportion
glidmas oder zal. vñnd vier scheint die
erst vnd das hawbt der geredlichen ge-
raden zal. vnd sechse sind anderhalb vi-
ere. daz ist zwey vñnd vier. vntter denen
zwey das hawbt der geraden zal ist. vñ

Beweyfung auß der vernunft

vier das hawbt der manigueltigung der
 erstem geraden. vnd des hawbts vnd
 fürsten der geraden zal ist. So setzt ye
 die geredlichen vngerad die gerade für.
 Aber haid. die geraden vnd vngeraden
 zal setzt eyne für. dz das hawbt d̄ heub
 ter ist. denn als viere mit möchtē sein. es
 werē denn zwey. so viere zwey mal zwey
 sind. also werenn auch zwey mit. es were
 denn eyne. so zwey. zwey mal eins sind.
 vnd zway C das ist die zal die mā zwey
 nennt D der fürst der menge ist. die auß
 ein durch mittel der zweier fließet. wan
 eins vnd zway zammen kummen. so wer
 den drey darauf. das ist die erst tryeckel
 zal. thut man eyne zu dreyen so werden
 viere darauf. dz ist die erst viereckel zal.
 Das ist zwey mal zwey. dz ist die erst ma
 nigueltigung einer zal in sich selbs. Ma
 nigueltigt man denn der eyne in die an
 dern. dz ist vier in zwey. od̄ zwey in viere
 dz gleich als vil ist. als viermal zwey. od̄
 zwey mal vier. so entspringt die erst creütz
 zal. spricht man aber drey mal drey. So
 entspringt die ander viereckel zal. neune
 manigueltigt man die muter durch die
 tochter. als mā vor die muter durch sich
 selbs gemanigueltigt hat. vnd spricht
 drey mal neune. dz ist sybenundzweintz
 ig. Das ist die ander creütz zal. vnd also
 mit andern zalen. Aber die creütz zalen
 setzend allwegen die viereckeltem zalen
 für oder vor. denn es möchten mit achte
 sein es werē den̄ vorhin C nach ordenung
 der natur oder des vrsprungs D viere. so
 achte zwey mal viere sind. also setzen die
 creütz zalen die viereckeltem zalen für. vñ
 die ander viereckeltem zalen. setzen die er
 ste für. als neune. dz drey mal drey sind.
 setz für. viere. dz zweymal zwey sind. den̄

Drey setzen zwey für et cetera.

Warumb hab ich die langen red. von
 der zal gesetzt. Darumb. dz ich bewere
 te wie fruchtber die geschlecht der zale
 sind. die mangerley sind. vnd sind on end
 fruchtber. den̄ es entspringent auß ein
 er yglichen so vil das sie nyemant geze
 len kan. noch sind die vordern fruchtbe
 rer. vnd die vordersten die fruchtberste
 in yrem geschlecht. Darum̄ eyne das al
 der fruchtberst ist. vñ dem mancherley. ia
 alle geschlecht der zal kummen.

Eyn beweyfung der eynigkheit des
 göttlichen wesens auß der art vnd zal.
 yn der die vernunftig vnd verstantlich
 creatur beschaffen ist.

Du merk. Die geistlich creatur
 als die engelisch. die ist in der vñ
 geraden zal. oder nach der vngerade zal
 beschaffen. Wann yn dreyen yherarchy
 eyne. vñ yn drey mal dreye. dz ist yn neun
 chören geordnet. vnd in geschicklichkeit
 zu d̄ selbē ordenunge od̄ chöre beschaffē
 Wan̄ so die geistlich natur edler ist den̄
 die leylich. So was es billich das sie in
 einer edlere zal beschaffenn würd. denn
 die leylich. Wan̄ wirt die vngerad zal
 edeler geachtet denn die gerad. denn sie
 ist dem haupt vñ anfang aller zal. dz ist
 einem gleicher. Wan̄ wie die eynheit mit
 mag getaylt werden. also mag auch die
 vngerad zal mit getaylt werde. verstee in
 gleich grob teil. vñ Darum̄ so wirt die vn
 gerad zal d̄ götliche dinge zugeaignet
 als hernach bewise wirt. dz ist die sache d̄
 schöpfung der engel yn vngerader zal.
 Aber das menschlich geschlecht. ist yn
 vñ nach der geraden zal beschaffen.

Was ein einiger got muß sein

Wann zwen menschen. man vnd fraw
 ein. Adam vnd Eua. hatt gott der
 herr beschaffen vñ denen alle ander lau-
 ter menschen durch mittel der geburt kō-
 men. Darumb ist das menschlich gesch-
 lecht bey der geraden zal bedeyt. als bey
 dem zehenden pfenning. vñ bey dē hun-
 dersten schaff. Luce am fünftzehenden
 vñ Mathi. am achtzehenden. Zehen
 ist geredlichen vngerad. Hundert ist vn-
 geredlichen gerad. vnd ist eyn viereckete
 zal. wann es ist zehē mal zehen. Dise zwen
 zal die setzen für die schlecht geraden
 zal als zway. souil denn der ersten men-
 schen gewesen ist. Doch wiewol yr zwey
 warē. So was doch der man adam vor.
 ee die fraw eua vñ ym geformiert ward.
 Dz der anfüg auff eyns kōm. Seyt aber
 das adam von geystlicher natur vnd vñ
 leyplicher zusamme gesetzt was. so was
 die eynheit in ym nit einfeltig. vnd so er
 von zweyerley natur was. Dz ist vñ geyst-
 licher vnd leyplicher. so mußten geistlich
 vñ leyplich nature sein. zum mynnsten
 yn gemeyn nach ordenung der natur. ob
 sie wol yn sölicher gestalt nit waren. als
 sie darnach yn dem menschen gewesen
 oder worden sind. Vñ so eyne. das ist
 die leyplich natur. oder yr eyn tail laut-
 ter was. Das ist allein leyplich vñ vnuer-
 menigt mit dem geyst. so was es mög-
 licher vñ gebürlicher. das auch eyne
 wer. die lauter geistlich wer. dan als obē
 gemeldt ist worden. ist das leyplich oder
 das flayschlich. so muß auch dz geistlich
 sein. wan dz geistlich mag an dz flaysch-
 lich sei. aber das flayschlich mag nit an
 dz geistlich sei. so dz geistlich dz flaysch-
 lich regiert. bewegt. vñ ym das leben
 od das wesen od form geyt. Also möcht

es nit sein. Das adam der vrsprung aller
 ding wer. Sunder. wie geschriben stet in
 dem viertzigsten capitel Job. der engel
 den gott der herre Behemot heysset. D
 ist der anfang der wege gottes. Vñ
 so er auch nit gantz eynfeltig gewesen
 ist. Das ist vnuerwentlich. vñ vnderber-
 lich. vnuerfentlich. wann er ist gut vñ got
 beschaffen worden. Er ist aber yn dem
 gutten vñ yn der warheyt nit bestan-
 den. als der herr. Johannis am achten.
 spricht. Darumb er auch Behemot ge-
 nennt wirt. Das als vil ist. als ein tyer. od
 tyerlich vñ vphisch dar bey Bederot wirt
 das er sich von gott dem obersten lau-
 tersten. aynueligste. ersten. vngeschöpf-
 ten geyst geteylt vñ abgewenndt. vnd
 zu seyn selbs lieb eer vñ gesuch gekert
 hat. also ist er yn die zweyfeltigkeit geual-
 ten. von der eynfeltigkeit. Doch so der
 Engelen ober all menschlich zal. als der
 heylig Dionysius setzt. vil seyen. so setz-
 ent sie dennoch auch die. die der erstenn
 eynheit. vñ dreyheit angehangen.
 vñ belyben sind. sie setzen für die eyn-
 heyt vñ auch die dreyigkeit. den sie sind
 nach der selben. Als oben gemeldt ist
 worden. yn vngerader zal geordener
 worden. Vñ das bewert auch nit
 alleyn die erstenn vñ obersten aynig-
 keit. oder eynheit. sunder auch die gött-
 lichenn dreyigkeit. das wir triueligkeit
 zu teusch nennenn. wie wol es nach dem
 latein verboten ist also zu nennenn.

Das die menge der engel beweyset
 die eynigkeit des göttlichen wesens.

Das aber die menge der engel be-
 weyset. die aynigkeit gottes. das
 merck also. Samt Dionysius schreibt in

Dem viertzehendenn capitel der Engelischen iherarchey. Das die zal die in Daniels büch i dem sibendē capitel stet. Tausent malen tausent dienten im. vnd zehē tausent malen hundert tausent. wiewol er spricht zehenn malen zehen tausent. C Etlich bücher lassennt das ein wort tausent auffen. vnd setzen zehenhundert malen tausent. oder zehen mal hundert tausent. Die stundē im bey. Dise zal spricht Dionisius darüb. das sie also in sich selbs gewickelt vnd gemanigueltiger ist. So bedēit die heylig geschryfft durch sie offenberlichen. Dz vnzelich ordenung sind der himelischenn wesen. Wann vil sind der seligen ritterschafften. der oberwerltlicheperstētussen. die da vbertrefen die schwachē. vñ engē messung d materliche. nach vns. zalē. nach vns. Dz verstee nach vnser erkētus. Also will vns nach d mainūg sāt diomisij. die heilig geschafft durch dz. dz sie die grōste zalē die bey vns sind. in sich selbs manigueltiger zu versten geben. daz der engel so vil ist. Das wir ir zal nit begreiffen mūgē. aber als er darnach setzt. sie haben ir gewisse zal in der oberwerntlichen himelischenn verstētus. Nun nach dem als obē gemeldet ist worden. die menge bewert die einheit. Denn sie entspringt von vñ auß ir. Darumb ye mer der menge ist. ye mer setzt sie die eynheit. oder eyns für. auß dem sie entspringt. Darumb ye mer tausent sind. ye meer eyns. so tausent nit anders denn tausent malen eyns sind oder ist. Merck das bey einer andern zal. als bey zehen. zehen ist meer beschlossē. vñ wirt meer für gesetzt in tausenden. Den in fünfzigē. denn in fünfzigē fünf malen. In tausenden hundert malen. vñ

hundert sind zehen mal zehen. also sind tausent. zehen mal zehen mal zehen. vnd in zehen ist eyns zehen mal. Darū wie zehen möchten sein on hundert vnd hundert on tausent. tausent on ein milian. dz ich für tausēt malētausēt nym. aber wid vmb. mag ein milian nit sein on tausent. so es als ich es hie nym. mit āders ist den tausent malen tausent. noch tausent on hundert. so tausent nit anders denn zehenhundert sein. noch hundert on zehē. so es zehen mal zehē sind. also mag eyns on zehen. vñ on alle ander nachuolgend zal sein. aber zehen vnd ander nachuolgend zal. mūgē nit on eyns sein. ia so vil mynd mūgē sie on eyns sein. souil als sie grōßer sind. Also mag oder möchte gott an die creatur sein. als er in der ewigkeit ist gewesen. aber die creatur. die mag nit on in sein. vñ so vil als der creatur meer vnd meer ist. so vil bewert sie meer vnd meer das ein eyniger got ist. Den ye mer vnd m angerleyer creatur wer. ye vngeordneter sie wer. wenn sie nit vñ eym vñ vntter eym wer. wer es anders mūglich. C Das vnmūglich ist. Das sie wer. Dar vmb so der engel so vnzelichen vil ist. vñ so wol geordnet sind. das man sie in latein orden. oder ordenung nennt. als sie sant Dionisius. Cals vor gemeldet ist. nennt. so beweren sie die eynheit des ordiners. vnd er beschreibet ir iherarchey in dem dritten capitel des obgenannten büchs bey dem namē der ordenūg da er spricht. Est quidē iherarchia secundū me ordo diuinus et sciētia et actō. deiforme quātū possibile similās rē. Die ierarchey ist nach mir. dz ist nach dē als ich sy verste vñ beschreib. ei götlicher ordē. dz legt d grof englich lerer bonauētura auß. ei

der engeln

göttlicher orden. Das ist cyn geordneter gewalt. vñ dz mā merck dz ir ordenung vñ gott. nach gott. vñ zu got sey. so spricht er darnach. dz yherarchey C das als vil ist als heiliger fußstumb C ist. kunst vñ würcung. die sich als vil es möglich ist gleich macht der göttlichen form od ge stalt. vñ steigt auff die gleichnus gots. vñ endt sich zu seiner allergöttlich sten schone. vñ hat in zu einem hertzog en. das ist. zu cyn fürer oder vorgeer der heiligen kunst vñ würcung. vñ d glei chen. Vñ das sant Dionysius spricht. Das der heylig fürstüm der engelen. ist ein orden. das ist ein wolgeordneter ge walt vñ kunst vñ würcung. verstend die lerer C als besund Bonauentura C bey der kunst die obersten ierarchey. die fürderlichen gewidemet sind gott dem herren bey zusten. das ist on mittel gegē wertig zesein. vñ in zesehen. Bey dem orden oder geordneten gewalt. verstend sye die mitteln yherarchey. die zum ge walt gewidempt ist. als zu gebieten. vñ zu ordenen. Bey der vbung oder würc ung verstend sie die vnttersten iherarch ey. die gewidemt ist zu thun vñ zu vol bringenn das. das die mittelen ordenen vñ gebietē. die doch nichts anders or denen oder heissen denn das in got der herr offenbaret vñ zu verstē gibt. durch sich oder durch mittel der oberē engeln. Also ist gar ein vbertreffenlich schön vñ vnuerfelich ordenung vntter den engeln wievil ir ist. das ein anzeigung der ayni keit oder einheyt ist. des. vntter dem sie so ordenlich dienen.

Das die vntterscheyd vñ die orde nung der engelen beweiset die triueltig

keit der göttlichen personen.

Daber die ordenung stet in an sehung des mitteln. zu dem end. Das von der würcendenn sach gemaynt wirt. so beschleüßet die ordenung. die drey. das ist den anfang. die mittel oder das mittel. vñ das end in ir. vñ daruñ wa ein ordenung ist da muß die triuelti keit sein. Darumb sind die engel die so wol vñ schön vntterscheid vñ georde net sind. in drey iherarchey getailt. das ist in drey heilig fürstumen. Vñ seyt daz in den selben fürstümē auch vil sind. also das in cyn yglichen ein grosse men ge ist. vntter denē auch etlich höher sind. etlich niderer. darumb ist ein yglich ihe rarchey in drey orden C das wir zu tei sch chör nennen C getailt. Also werden die engel in drey mal drey getailt. daz ist in neün chör. dz sind die süßprimende seraphin. die als vil geneijt sind. als die primnenden. die liechtischeinenden cheru bin. daz als vil ist. als die völle der kunst. die vesten. vñ hohruenden thrön. das als vil ist als königstül.

Von den obersten dreyen kören der engeln vñ iren eygenschaftē vñ gleich hayten der heyligen zu ynen.

Die drey chör yn der ober sten engelischen iherarchey. vnt ter denen die kersten sind gleich als die mittrichter gottes. in denen er süßiglich em vñnd würdiglichem sitzt. als ein kö nig auff seinem bett. vñ in seinem thron. vñ got spricht mit yne vñ durch sie seine vteil auß. welhe vteil hoch vñ gewis. vñ gerecht vñ vnwidtreiblich. erschöcklich

Von den choren

Erffrig. redlich. billich. unbegriffenlich.
vñ grostetig sind. Mit dyßen engeln ha-
be die zwelfspottenn. vñ pres gleyche
die mit dem herren an dem iunsten tag
richter kummen werden. eyn gleychnus.
Die andern engel yn dem mytteln chor.
die hebraisch cherubin heysen. die sein
gleich als die heymliche ynnern rett got
tes. mit das sie ym rett geben. in dem ay-
gentlichen zu redenn keyn rat mag sein.
den in gleychnus oder figürlicher weis.
sunder darumb das ynen gott sunderli-
chen sein verborghenen heimlichen rett.
das ist fürnemen oder fürsätz. vñ wil-
len. vor den engeln der andern oder vnt-
tern iheracheyen fürderlichen oder zum
ersten offenbart. Darum synd ynen die
grossen propheten. als Ysaia. iheremi-
as. ezechiel vñ daniel. vñ ander 8 glei-
che. denen got der herr sein heymlichkeit
geoffenbart hat gleich. Die Seraphyn
sein gleich als die nechsten freünd got-
tes. als ein könig sein geschwisterig vñ
ir kinder oder kinds kinder. vñ and nach
geborn freünd möchten sein. oder sunst
bewert getrew vñ ynnere liebhaber. Dar-
umb synd ynen die heiligen patriarche.
als Abraham. ysaac. iacob. könig dauid.
vñ der gleichen gleich. von denen Cris-
tus menschlich natur angenumme hat.
vñ besunder die das geglaubt habenn.
vñ sich darinnenn gefrewet habenn.
vñ das selb mit tugent verdient haben
das es ynen von gott versprochen ist wor-
den. als abrahā vñ dauid. oder villeicht
auch die. die sich der selben würdigkeyt
würdig gemacht haben. als könig Ezech-
yas vñ iosias. vñ der fürst zorobabel.
vñ pres gleichen. denn on allen zweifel
es ist ein grosse würdigkeit. der kei grös

sere möcht in de flaisch gefunden werde
nach der würdigkeit cristi. gott den herr-
ren zu eym sun zehabenn. Ich myn hye-
sun in gemeyn der von eym ein vrsprung
hat wie weyt es auch ist. als oft die heylig
geschafft pfligt zuthun.

Ein erclerung der zuglerchung der
heiligen zu den chöre der engeln.

Och soll nyemant gedenccken. dz
ich darumb. das ich die patriarch-
en den seraphin. die propheten den cheru-
bin. die zwelfspotten den thronen zu
gegleycht hab. das ich das well zu verstie-
geben das die zwelfspotten mynder sey-
en denn die propheten. So der heylig
zwelfspot sant Pauls. die heilige zwelf-
potten vor den propheten setzt. in seinen
episteln in dem vierden capitel zu denen
von epheso. vñ in dem zwelften der ers-
ten zu denen vñ chorintho. wiewol ich
das verstee von den propheten der new-
en ee. die mit zwelfspottē oder ices gleich
en sein. als man wol mercken mag auß d-
mainung der materien. von der er da sch-
reibt. aber dise gleychnus oder zugleich-
ung stet in dem vntterscheid der aygen-
schafft der chör der engeln. Sunst mag
man sprechen das die heiligen zwelf-
potten. die aygenschaafft ir aller haben.
denn sie sind als die heymlichen ynnern
rett des herren. vñ sein nahent freünd
so er zu yn sprach yn der letstenn nacht.
Ich nenn euch yetz mit knecht. dann der
knecht wayß nit was sein herr thut. Ich
hab euch aber freünd gehayssen. den al-
le die dig die ich vñ meinē vater gehört
hab. die hab ich euch kunt thun. Johā.
xv. vñ aber sprach er zu yne in dem lestē
nacht mal nach. de als indas d verrerer

der engeln

hyn weg was gangen. sunlein 2c. vñ nach seiner vstende nennt er sie seyn pröder. Ja vor seinem leiden meer denn eyn iar nennt er sie sein pröder vnd sein muter. Mathei. xij. vnd Marci tercio. Das ich sprich meer denn eyn iar. das hatt einen schein auß der ordenung der ewangelischen hystorien. So nun die zwelffspoten. gleich als sunder freünd christi sein. vnd gleich als die zwelff sün iacobs. od ysrahels. patriarche. das ist fürstlich vnter der gantzen cristenlichen kirchen vñ die nechste bey cristo. denen er sein heimlikeyt offenbaret. vnd mitrichter mit im an dem iüngsten tag. vnd sein stathalter in yren nach kummenn yn diser werlt. so gehört ynen alle aygenschaft der oberste yberarchey yn einer sundern weys vñ vbertreffentlich zu. Also vndt man auch meer den eynerley gleichniss in etlichen andern. als in dem heiligen dauid in dem nit allei die patriarchlich würdigkeit vbertreffentlich ist gewesen. als christus sunderlichen dauids sün für ander patriarchen genennt wirt. Darumb das er mit seinen tugend C die sunderliche groß in im gewesen sein verdient hat. Das im cristus verheissen wurd. vnd das geschlecht christi ist in im zu königlicher würdigkeit erhöhet worden. sunder er ist auch ein prophet gewesen. vnd nit eyn schlechter prophet. sunder der fürnemst vnd vbertreffentlichst vntter den propheten. als die meister dysputiern vber den psalter. vnd die glos in dem anfang. Dar zu ist er ein vbertrefflicher richter gewesen. als in dem achten capitel des andern büchs der könig geschriben stet. Daz dauid regniert vber das gantz ysrahel. vnd sprach vnter. vnd thet gerechtigkeit allem seinem volk. Des gleichen halt ich

auch von Moyses vñ dem ich keine zweyfel hab. christus sey auch von seinem geschlecht gewesen. Darumb das ich offenbarlich find in der heyligenn geschriffte dz seyn geschlecht geheiret vnd gemistet hat zu dem hebronschē vnd bethlehemischē geschlecht. vnd zu dem geschlecht iuda. als wir habē in den büchern iosue. vnd der richter. vnd dem ersten der tag. Da ich es leychter als zeygen möcht. den schreyben. Wie groß er aber vntter den propheten sey. das wissent die wol. die die heiligen geschriffte gelesen habē. Dis da spricht. Deutronomij in dem letzte capitel. Das kein solcher prophet meer od fürbas auffgestanden ist in ysrahel. als moyses. den gott der herz kenne von an gesicht zu angesicht. yn allen zeichen vñ wunderwerckē 2c. vntter den richtern ist er mit allein ein fürnemer. sunder er ist aller richter der erst. der adern richtern regel vnd form. gebott vnd gesetz gegeben hat. wie sie richte vnd vnteylen sullen 2c.

Das die oberste kör der engeln. nach den obersten gaben genennt sind. wie wol sie ander gaben. nach denen die andern geneht sind. auch völiglicher habē denn die andern.

Also hast du das ettlich meer den eynerley gnad vnd würdigkeit habenn. durch das sie meer denn eyn chor der engel zugleicht werden. Darumb scheint es das sie des oder des halben. yn den. oder den chor gehörten. So scheynt es eyns andern halben. das sie yn ein andern chor gehörē. Es ist aber wol zehalten das. wa vil gnaden vnd stennend oder würdigkeyten yn einem sein. die er mit vollkommener tugend hellt vñ vbet. Das man yn nach dem höchsten achte soll.

als es auch in den englischen verarchey
en vnd chören ist. Dann so in den ober/
sten alles das ist. Daz in den vntern ist. so
nennt man sie doch nach den oberste ga/
ben. als kunst vnd liebe. sein zwu gaben
gottes. aber die lieb ist die würdiger. als
so sein die zwen oberen chör vñ der liebe
vnd kunst oder nach ynen genennt. Denn
cherubin ist als vil als völle der kunst. se/
raphin als vil als die prinnenden od an/
zündenden. Das die liebe bedeut. Durch
die sie süßigliche vber ander engel i got/
prinnend. vnd die andern auch anzünde.
vnd Darumb so souil oder meer kunst od
erkenntnis vñ weyßheit yn den seraphi/
ist. als oder den in den cherubin. so wer/
den sie doch nach dem würdigsten. Dz ist
nach der liebe genennt. Wenn gott der
herr der die wesenlich lieb. warheit. vnd
gerechtigkeit ist. der prinnt in den sera/
phin. als die höhst vnd größt lieb. Erleu/
cht yn den cherubin als die höhst vñ ge/
weyßest warheit. Er sitzt zu gericht vñ vñ/
teylt yn den thronen als die allersteyffst
vñ vñ vestest gerechtigkeit. In den sera/
phin wirt er süßiglichem genossen. als
die allermynnigst guttheit. In de che/
rubin wirt er clerlichen vnd lüstliche ge/
sehen. als die allerschönst warheit. In
den thronen wirt er vestiglich vnd begir/
lichen gehalten. als die tugentlich vñ al/
bereerlichst gerechtigkeit. vnd die sicher/
ewigkeit vñ ewyge sicherheit. Aber wir
die in diser gegenwertigen werlt. noch
in dem elend sein. die weil wir i dem töd/
lichen leib von dem vatterland geschys/
de sein. So wir gott in seinem wesen mit/
sehen. so füllen wir yn doch lieb haben.
als dz oberst gatt nach dem vns gelägt.
Wir füllen ym gläubē. vñ in yn gläubē.
als d ersten warheit. vñ de allertreueste

freund der vns mit layche mag. noch las/
sen will. haltē wir anders farb in d treu/
en lieb. Wir füllen in yn hoffen. als yn
den aller mildesten allmechtigen vater.
Der all vnser begird erfüllen mag. wenn
sie gerecht ist. vnd rechtfertigē. wenn sie
verfert ist. Wenn er mag alles vbel von
vns nemen. vnd vns alles gutt gebe. Dar/
umb das er allmechtig ist. vñ will das
selb thun. wenn wir vns als getreue kin/
der halten. wann er vnser vater vnd der
allermildest vater ist. Wenn wir also hye/
glauben das wir mit sehen. so werde wir
dort schawē. Wenn wir hie lieben oder
liebhaben. so werden wir dort mit freu/
den nyessen. wenn wir hie hoffen. so wer/
den wir dort sicher haltē. Dz helff vns
der vater in den wir hoffen. der sun de
wir gelawben. wann er die warheit ist. d
heylig geyst. yn dem wir liebhaben. wann
er die lieb. vnd die höhst gab des vaters
vñ des suns ist. amen. Als ich nun ge/
meldt hab das wir durch den gläubē dz
schawen. Durch die hoffnung die haltung.
Durch die lieb. das nyessen verdienen. yn
welchem nyessen doch die libe mit aufge/
lert od zerstört wirt. als der gläub durch
das dar schawen. oder dz hoffne durch
daz halten. sunder mer bestetiget vñ vel/
pracht. Als wir nun also durch die hohe
göttlichen tugend. gleichnus zu den ho/
hen engeln C als der tugende lon D ver/
dienen. vnd die zwelfspotten sein die er/
sten. die fürnemsten. die nechsten vñ ge/
mittelsten freind vnd secretierer. vñ rete/
christi gewesen. die sölicher tugend vñ
gnad zum ersten vnd zum völlsten tayls
hafftig sein worden. vñ durch mittel irs
ampts vnd arbeit ist sölich gnad vnd tu/
gent C durch die man den engeln gleich
wirdt D yn alle weyte werlt künne. So

der engeln

ist kein zweyfel dar an zehabē. Die zwelf
 poten halten mit den alten patriarchen.
 Die höchsten stat mit den höchsten engeln
 in dem hymel. Doch halt ich daz die mē
 schen mer nach dem verdienst der tugē
 den yn die chör der engel gesetzt werde.
 Denn nach der würdigkeit des stamnds.
 Dann die iherarchey die zu dem schaw
 enden stand gleichnus hat. vñ besunder
 zu schawung geordnet ist der göttliche
 weyßheit. vñ gegenwertigkeit. als die
 oberst. die ist höher yn der hymelischen
 ordenung. Denn die iherarchey die zum
 gewalt geordnet ist. als der stamnd der
 prelatten in diser werlt. So doch d stand
 der prelation. als der bischof hye höher
 vñ auch vollkommener geurteylt wirdt
 Denn der stamnd der münich. der zu dem
 schawendē leben nach gleichnus d ober
 sten yherarchey geordnet ist. Darumb
 scheynt es. daz die prelatē. als die bisch
 off. ertzbischoff. primaten. vñ auch pa
 triarchen auß yrem stand allein mit zu d
 obersten iherarchey kummē. es concordi
 er denn yr leben mit der höhe des stan
 des. das es die vollkūmenheit des stan
 des yn den tugenden begreiff. oder das
 yn ynen das verdienen des geystlichen
 schawenden lebens zum mynsten der be
 gird vñ gunst halbē sey. als in sant otten
 bischoffen zu Bamberg der fünfzehē
 abtey. vñ sechs pröbstei zu fürderung
 des geystlichen stands gestift hat. vñ
 zum letzten selbs wolte ein münich wer
 den. vñ tet das sein darzu. aber auß ge
 horsam des ap̃ts auff dem münichperg.
 belib er bischof. Oder vorgēds. als es i
 sant gregorio. sant wolfgang. vñ yn vil
 andern heyligen pebsten vñ bischofen
 gewesen ist. Oder mit geends od nach
 uolgendes. als yn sant mertem vñ sant

Augustin. welcher sant augustin ein gros
 ser stifter geistlicher orden gewesen ist.
 vñ vil orden richteten sich nach seiner re
 gel. vñ haben sie zu einer form pres
 bens. von solchen bischoffen. der begird
 gestandē ist zu dem schawliche lebē. auß
 der liebe die sie zu gott gehabt habē. ob
 sie auch von gehorsam oder nortürfftig
 keit wegen. auß liebe des nechste. zu der
 sie die liebe gottes bewegt hat. dz ampt
 der prelation vñ stand der würdigkeit
 auffgenūmen haben. vñ solchen vñ pres
 gleichen hoch zuhalte ist. Das aber der
 stand des schawenden lebens höher sey
 denn der stand des würckenden lebens.
 Das bewert sant thomas. secūda secūde.
 q. cxxxiij. durch acht sacht oder mer. vñ
 sant Gregorius vber Ezechielē. omelia
 iij. da er das schawend leben grösser yn
 dem verdienst. besser. vast brayter. höher
 vñ verr oberer. würdiger vñ sicherer denn
 das würckend lebē setzt vñ schreibt. vñ
 des gleichen. yn dem sechsten büch mo
 raliū vber iob. vñ sant Augustin de ver
 bis domini. vber das ewangelii. daz mā
 an vnser frawen tag assumptionis. oder
 würtzwerhe lisset. Vñ lū gehört der stād
 der prelation zu dem würckenden leben
 nach ym selbs zu rechnenn. als die lerer
 oft melden. deshalben gehört er nit zu
 der oberstenn iherarchey. Aber wenn er
 nach vollkūmenheit genummē wirt. als
 sant Gregorius i dem pastoral spricht.
 Der regierer soll vor allen andern in der
 würckung fürnem sein. er soll vor allem
 durch die schawung erhebt seyn. so be
 greiff er in ym dz würckēd. vñ dz schaw
 end leben. vñ die bayde yn einer vber
 treffentlichkeit. vñ also ist er höher den
 das schawend leben alleyn für sich ge
 nummen et cetera.

Von den choren

69.
 Wo der andern vñ mitteln yerarchey.
 In Ach der ordening die d gottweyß
 vñd hoh lerer Dromisus setzt yn
 dem buch von dem hymelysche fürstun
 yn dem achten capitel. So hat die ander
 oder die mittel yerarchey der hymelisch
 en geyst dyse drey chör der engel. Zum
 ersten von oben abher zurechnē. Die her
 schung. Darnach die kreft. Zum dritten
 die gewelt. Die ersten haben. zu heissen
 vñd zugebiētē was zu thun sey. Die an
 deren. haben das selb das die öbern ge
 biēten. zu volführen vñd zu volbringenn.
 Die dritten. haben die hyndernus hyn
 zu nemen. Vñd das alles hat die ander
 yerarchey C Als Richardus de media
 villa schreybt vber den mayster von den
 göttlichen synnen yn dem neunden vnt
 terscheyd des ädern buchs C gleich als
 yn einer gemeynen weyse gegē der gätz
 en werlt. Wann die werck vñd empter d
 engel in der obersten yerarchey gen on
 mittel auff got. als die kōnig etlich die
 ner haben. Die allein auff yr person war
 ten. Aber die empter vñd werck diser en
 gel gen auff das gemeyn regiment diser
 werlt. Des halben hallt ich. Das die mit
 teln engel diser yerarchey die kreft sey
 en. die die hymel regieren. vñd sunnē vñ
 mon. vñd all planeten bewegen vñd fū
 ren. auß welchem vntterscheyd der zept
 vñd wanderberkeit der zeitlichenn ding
 kumpt. als tag vñ nacht. summer vñ win
 ter. hitz vñd kelte. vñd werdē vñd verder
 ben. vñd der gleichen. Das selb scheynt
 auch bewert zesein auß den Worten vn
 sers herren in dem heyligen ewangelio.
 so er spricht. Mathei yn dem vierund
 zweintzigsten. Marci yn dem dreyzehē
 den. Luce yn dem eymundzweintzigsten
 capitel C Da er sagt. wie zeichenn yn der

sunnen yn dem mon vñd yn den steinen
 werden sein C Das die kreft der hymeln
 bewegt werden. Auß welchen Worten dz
 gezogen wirdt. Das es disen engeln zu
 gehört. wenn ettwas grof wunders an
 den hymeln beschihrt. als da zu den zeit
 ten des hertzogen iosues C der auch ies
 sus zu einer figur vnser herre genennet
 wirdt C Da er wider die kōnig des lānds
 chanaan strit. die sunn vñd der mon eins
 gantzten tags lang still stunden. vñd da
 die sunn zu den zeitten des kōnigs Eze
 chie C der einer von den eltern vātern
 der muter gottes vnser frauen gewes
 sen ist C durch zehen lynen hynderfich
 gyeng zu einer gewysen kuntschaft der
 verlengerung seines lebens. vñ volbring
 ung ander güter die ym gott der herre
 verheysenn hett. vmb des willen der vō
 ym kummen solt. Das ist vnser herren
 ihesu christi. In des leyde auch der mon
 den halben teyl des hymels hynderfich
 geloffen ist. vñd hat die sunnen bedeckt.
 zu bedeckenn die scham vnser herren
 zu bedeutung auch. Das die werlt des
 liechts der sunnen nit wyrdig were. dyē
 den schöpffer der sunnen beschemen
 wolt. Der gleychenn vñd vil grössere
 zeichē werden allernächst vor dem iüng
 stē tag. vñd daran beschēhē zuzēgnus
 d mayestat des richters durch würckung
 dyser engel. Dar auß man mag mercken.
 Das sie den gewalt vñd das ampt ha
 ben. die hymel zulapten. vñd zu regieren
 yn yre lauf. so sie gewalt habē yren lauf
 zustellen oder zu wenden. vñd yn solch
 en dingen haben. yn die herschung zuge
 biēten. vñd die gewelt haben dz ampt
 zu widerzusteen. vñd zu zemen den ge
 walt der abtrūnygē engel. wa sie die
 werck der guten engel hyndern wolten.

der engeln

Wann lucifer. der das hawbt was al-
 ler bösen. vnd der oberst gewesen ist vnt-
 ter den engeln. der hat auch grossen ge-
 walt. als yn dem iob stet. Das keyn ge-
 walt auff dem erterich ist. der seinem ge-
 walt müg zu gegleicht werden. Deshal-
 ben möcht er groß hynderus des gut-
 te in der vernünftigen creatur die frey-
 an willen hat. vnd plöd. betrügerlich. vn-
 stet. vnd verleckertlich ist machen. vnd
 groß vbel stifte. wenn yn gott der herr
 durch die gutten engel nit hynderet vñ
 zemet. Doch ist zu wissen. das got des
 herr mit also durch die engel würckt. dz
 er yr bedürf. so all yr krafft vnd mügen
 als wol als yr wesen von ym ist. Sunder
 vmb erzeygung willen seiner mayestat.
 die dar ynnen bewysen wirdt. daz er vil
 dyener hat. vnd seiner weyßheyt. die yn
 yrer ordnung erzeygt. vnd seiner gutt-
 heit die dar ynnen bewisen wirdt. das er
 seinen gewalt. weyßheit vnd vollkümme-
 heyt mittaylet seinen creature. nach irer
 begreiflichkeyt. Er beweyset auch seyn
 weyßheit. vnd herlichkeit dar ynnē. daz
 er die hohen geyst durch die nydern der
 mütiget. vnd vber zu tugendē. vnd erhö-
 het die demütigen durch die hohen.

Wer gesellschaft mit dysenn engeln
 wölß habē. der lerne got dem herrē gätz
 vntterworffen sein. durch volbringung
 seines willens. den er yn seinen gebotten
 vnd räten vnd geschriffteyn zu verstein
 gibt. vnd lerne herschen vber sein aygen
 begird. wort. vñ gedencē allermeyst. vber
 die vntugentliche bewegungē. als vber
 den zorn. neyd. has. böß traurigkeit. vn-
 ordenlich lieb. des fleysches. des zeitlich
 en guts. der werntlichen ere. fleyschlich-
 er wollust. vnd der gleychenn. vnd hat er

vntertan. so lere sie. vnd halt sie auch zu
 disen dingen. das sie sich vnter die gött-
 lichen mayestat. demütigen. vnd vber yr
 vnordenlichen bewegung vñ begird her-
 schen. so verdient er die gleychheit vñnd
 gesellschaft der herschung. Item er
 übe sich mit allem fleys yn tugentlichen
 wercken. als in den wercken der andacht
 des göttlichen dienstes. in den werckē d
 demütigkeit. der miltigkeit. d penitentz
 oder p uß. als oft mit rew. vñ gutte für
 satz lauterlichen zu beychtē. vnd mit. an-
 dacht sich zum sacrament zu beraytem.
 gedult yn widerwertigkeit zu halten. an
 der leüt von dem bösen Cwa er kan d zu
 zyehe. vnd mit woorten vnd wercken. vñ
 allermeist gutten ebenpildē. zu dem gut-
 ten zu raytzen. Mit dysen wercken. vnd
 yres gleychen. verdoyent er die gesellsch-
 afft der krefftē. Aber mit dem das
 mā dem bösen veind yn allem seinem ei-
 geben. vnd yn allen seinen räten wider-
 stet. vnd yn auch yn der anfechtung an-
 der leüt hindert vnd zemet. verdoyent mā
 die gesellschaft der gewelck. vñ seyt dz
 dysse yetz gemeldte dyng allermeyst der
 vnttertā halben. den prelaten vñdlich
 en zu gehözn. So gehöre die gutten pre-
 laten yn dysse yerarchey.

Von der yerarchey oder ordenung d
 dreyen vnttersten chör der engeln.

Die vntterst ordnung oder yerar-
 chey der hymelischenn geyst be-
 greyfft in yr als sant dyonysius in dem
 neündenn capitel der hymelischenn yer-
 rarchey setzt. die fürsthum. die ertzē-
 gel. die schlechten engel. vntter denē die
 engel c die ich schlecht gene nnt hab des
 halben. dz sie schlecht bey dem gemeinē

Von den choren

namen on zu satz beleyben. Das ampt haben. Das ynen sunder personē enpfolen werden von gott dem herren. & auß seler grosse myltigkeit. vñ gnadenreiche wirdtscheit. einem ygliche mēschē. einen sundern hütter von den selbenn engeln schickt vnd zu eygenet vnd gibt. der sein warte. yn regier. beschütz. beschirme vor den bösen veyndē vñ yrē argenliste. vnd hynderlegen. von den sünden zyh. auff das gutt weys. Das pest rat vñnd eynsprech. seine gutte werck vor dem angesicht gottes anttwurt. vnd fürhallt. & da entschuldig sein geprechen. opfer vñnd mach angenē sei gebet. erwerb ym gnad als ein getreuer fürsprech vor gott dem herren. unterweys yn. tröst yn. helff ym. sterck yn. belayt yn. erleucht yn in der erkenntnis der warheit. entzünd yn in dylieb des waren gutten. halt yn. wenn er fallen will. weys vnd für yn wenn er yrge will. sterck yn. weñ er begymmet zeerli ge. erschreck in. vñ zibe i hinter sich. weñ er vbel than will. fürd i. weñ er wol will. helff im weñ er beginnet vntterligē. stee ym bey. weñ er sich wiß den bösen veind werenn will. heb yn auff. wen er gefaltē ist. vnd wider auff will. Tröst yn. weñ er betrübt ist. vnd gleich als er verzwey felen will. Erynnder vnd mane yn. wenn er vergessenn will. weck yn. wenn er verschlaffenn will. enthalt yn. wenn er versteen will. Richt in ober sich. wenn er syncken will. halt yn enbor. weñ er ertrincken will. Hilte yn. weñ er zürne. teüttsch yn. wenn er auß prechenn will. Demütig yn. wenn er sich erheben will. Auff enthalt in. in dem glawbē. yn der hoffnūg. yn eym gantzen gutten willen wenn er sterben sol. Antwort sein sel für das an

gesicht gottes wenn er in vñ dīser werlt vordert. vnd dort hyñ haben will. Frew sich mit ym so yn got der herr belonenn vnd krönen will. Was grossenn guttes den menschen auß der hutt vnd dyenstberkeit der lieben engeln lūm. kan kēym menschlich zung außsprechen. noch got dem herren gnug danken. Deshalbenn man got dem herren billichen allwegen danckper soll sein. vnd den liebe engeln geuollig eersam vñnd dienstber.

Der ander chor der vntersten yerarchey ober sich zu rechnen. helt ynnen die ertzengel. die als vil gesprochē sind. als die fürstlichen botten. wann gott dē herr praucht sie yn grosse sache. die eigärze gemein angeen. als den ertzengel gabriel. sandt er yn der sache. die alles das anttraff das in hymel vnd in erd. ia ob dem hymel vnd vntter der erd was. dz ist got vnd mēschē. lebendigen vnd toten. dīse engel sind auch gantzen lēndern vnd kōnigreichen für. als die vntersten engel sundern personen für sind. Aber die dritten vnd obersten engel. in dīser yherarchey mit namen die fürststümen die sind fürweser der fürste. es seyen kōnig oder keyser. oder prelaten der kirchenn. als patriarchen. primaten. Ertzbischoff Bischoff. vnd der gleichen. Also habē wir drey chōr der engel. die sant Gregorius in der vierunddreyßigsten omeley vñnd sant Bernhart yn der neüntzeñden predig. ober das buch von der liebhabenden sele ober sich zu rechnen. also ordineren daz sy die krefte yn die vntersten yherarchey setzen. vnd die fürststüm für die mitteln yherarchey. Das sol nye mant bekümmern. wann es ist der vntterst chaid yn dem namen allein. Wan es ist

der engeln

zuwissen dz die vnttern engele. weñ sie ettwas verrichten. oder volbringen von den taten oder wercken der emperē. die den oberen aygentlichen zugehören. so werden sie nach den selben engelen genennet. als sant dyonysius yn dem dreyzehenden capitel von der engelischē verarchey setzt. vñ sant Gregorius yn der obgemelte omeley. auß sant dyonysius wortē. mit das er yn gelesen hab. oder seyn bücher. die erst bey zweihundert iarē nach sant Gregorius zeit vntter die lateynischen kummen sind. sunder das er es vñ andern gehöret. oder in andern gelesen het. die sant dyonysium allegirten od her für zohē. Dann sant dyonysius ist ein gepornier krieg gewesē von athenis. Dann her die werltliche weyßheit vñ die syben freyen künst ein vrsprung haben. So ist sant Gregorius ein lateynischer lerer gewesen von Rom geporn. des halben ich gesprochen hab. das sant Gregorius seiner bücher nit gelesen hab. dz er selbs klerliche zu verstē gibt. so er spricht in der obgemelten omeley. Fertur vero dyonysius ariopagita antiquus. vnde licet et venerabilis pater dicere &c. Man sagt (spricht er) dz der alt vñ erwirdig vater dyonysius vñ Ariopag spreche. Dann het er yn gelesen. er sprech mit mā sagt. er spreche. Sunder. er spricht. Daz hab ich darumb wöllen melden das mā mit gedencē. dz sant Gregorius hab mit wöllen die chöre der engel anders ordineren wöllen. denn sant dyonysius gethan hett. Der sant Paulus iunger. vñ zu den zeiten der heyligē zwelfpotten was. vñ hett sein künst in solichen dingē vñ sant Pauls. als man heist vñ auß seinē wortē nympt. yn dem sechsten capitel

engelischen verarchey. Der yn das paradys gezücket was wordenn. Ja auch yn den dritten hymel. vñ hett so die himlischen dingē gehört vñ gesehe. sund das er sie geordinirt hat nach guter vernunft. als es ym auß der geschrifft geleucht hat. Aber hett er sant dyonysius pücher gelesen. als iohānes vñ damascē auch ei krieg gewesē ist. so glaube ich miltiglichē. das er ym als wol nachgeuolget het. als der yetzgenant Johānes yn dem dritten capitel. des andern büches seiner hohen syme gethan hatt. So er den heyligen dyonysium den allerheyligste. den alleruornemsten. den allertredendsten vñ fröngörliche nennet.

Also ist zumerckē dz sant Gregorius vñ die dy ym nochuolgem. die nennen die engel die sant dyonysius krefft haysset. fürsthum. vñ wider syns. die er fürsthum nennet. nennen sie krefft. durch soliche verenderung der namen. werde die chöre der engeln yn dem hymel mit verendert. noch versetzt. sie bleyben als sie vñ gott geordnet sind. wir nennen sie auch wie wir wöllen. Aber so alles das. dz die vnttern engel von außwendig würcken. das würcken sie auß gehayße vñ ordnung der öbern. darumb mag mā alle ire werck den öbern zuschreyben. Vñ so sie. also gemeynschaft haben yn den empertern vñ werckē. so laß mā sich nit verwöndern. das sie gemeynschaft habē in dem namē. Als hie auff dyser erden. mag es beschēhen. das ein grosser herr. der vil reich vntter ym hat. der wil dz ein werck der gerechtigkeit beschēhe. der legt das selb zum ersten seinen heymlichen freunden für. die selben bewerē vñ lobē es. darnach pringet er es durch die selbē an

eyn yndern rat. Darnach durch die selbē
an eyn gemeynen groſen rat. Die ſelben
ſchreyben den dem. dem das kōnigreich
entpfolhen iſt. Der ſelbe ſchreibt vnd ent
pūtet es dem dem. Der des ſelbē lands
pfleg iſt. yn dem die ſtat ligt. Der ſelbe
landes pfleger ſchreibt es d̄ ſtat. vñ dem
rat. Der rat entpfilhet d̄ ſelb eine ſchul
theys. oder burgermeyſter. Der ſelb ent
pfilhet den ſölchs. den putteln oder ſtat
knechten. die volpringenn den die ſach.
Wen mā nun fragt. wer d̄ werck C wen
es beſchehē iſt C gethā hab. So mag mā
vō der ygliche ſprechen. d̄ er es gethan
hab. vō oben an piß auff den vntterſten
Ja mā mag es den allen zu ſchreibē. Al
ſo mag mā d̄. d̄ die fürthümer thū. die
vō d̄ vntterſte pōtificat vñ ierarchey ſei.
den kreffte zu ſchreiben die vō d̄ mitteln
yerarchey ſind. Dañ was ſie thun d̄ wer
den ſie geheyſſen vō den ſelben. ob das
ſelb auch durch mittel der gewelt geſch
iht. ſo iſt es nur deſter herrlicher. vnd ſo
das heiſſen vñ gepietē fürſtlich iſt. Vñ
auch nach vnſer weyße C auff dyſer er
dē C fürſtlicher. denn thun das d̄ man
gehaſſen wirdt. ſo werde die ſelben en
gel C die alſo den engelz der vnttern ye
rarchey zu gepietē haben C vō ſant gre
gorio fürſthūm gehaſſen. vnd dy. die yr
gepot an die werck legē vnd volpringen.
die werde kreffte genennt. Dañ ſoll man
groſſe ding volpringen. ſo gehören groſ
ſe kreffte dar zu. Alſo heiſſet ſant gregori
us die oberſte engel der vntterſte. yerar
chey kreffte. dy die groſſen werck. die yne
vō den obern engelz gepotē werden zu
thun. vñ zu volpringen haben. Dañ man
maynet vaſt. das die engel d̄ obern yer
rarchey ſellte ymmer außerthalb. des hi

mels ettwas würcken. Das ſant dyoniſi
us offenbarlich vō den oberſten zuuer
ſteen gibt. vnd ſant gregorius gleich als
auff der maynig ſant dyoniſij. verſtett
d̄ ſelb von allen ſyben oberſten chören.
auff dem hernach volgt. d̄ auch die en
gel. die er kreffte nēnet C ſant dyoniſius
nennet ſie fürſthūm C tetten nichtz oder
wenig durch ſich ſelbs. ſunder durch die
vnttern engel vñ ertzengel deſhalb ſie
wol fürſthūm. nach ſant dyoniſio genen
net werē. wann ſie hettē den vnttern en
gelz zu gepieten. vñ teten ſie nichtz. den
d̄ ſie hießen. vñ die andn anrichtete. vñ
ſchickte. alſo werē die ſelb engel gegen
den vnttern fürſthūm. vñ gegē d̄ obern
kreffte. Deſſelb gleichen weren die mit
teln engel. d̄ mitteln yerarchey gegē den
obern. als gegē den herſchügen. die yne
zu gepietē habē. kreffte. als ſie ſant dyo
niſius nennet. vñ werē gegē den vnttern
den ſie zu gepietē habē fürſthūm als ſie
ſant gregorius nennet. Darin d̄. d̄ ich
oben geſprochē hab. d̄ den krefften ay
gētlich zu gehöre. die hymel zu bewege
vñ zu regieren. vñ deſhalb. wynter vnd
summer. nacht vnd tag. yar vnd monat.
warm vnd kalt. durch Sunn vnd mon zu
machē. d̄ will ich auch auff dyſe mayn
ung verſtandē vñ gezogen haben. das es
beſcheh. aintweders durch aygē würck
ung. iſt es anders d̄ ſie ettwas außert
halb des feurygen hymels zu thun ha
ben C als es mir vaſt einleucht C das
ſölliche groſſe werck. dy die regyering d̄
gantze werlt antreffen. den ſelb obern
engelz zu gehöre. als den vntterſten en
gelz ſöllich ſach die ſund perſon antref
fen. vnd den ertzengelz. die ſachenn die
gantze land antreffen. Vñ den fürſthū

der engeln

mē. sachē. Die König vñ fürstē antreffen.
Es scheit ye. dz die pfleg d̄ gärten werlt
höhern zugehöre den die sind. die dē tey
le. als sund̄n lenden vñ königreichē. od̄
auch yrē herrē vor seye. als d̄ pabst. d̄ al
ler cristeheit vor ist. gar vil höher ist. den
dy bischof od̄ auch ertzbischof dy sund̄n
pisthūmē vor sind. Also leucht es mir ei
dz die regierung d̄ gärten welt. die durch
die bewegung d̄ himeln vñ planetē in zeit
lichē natürlichē sachē vast beschilt. disē
engeln zu gehöre. es sey durch aygē wūr
ckung d̄ od̄ durch daz. dz sie es andern en
geln fürgebē. sie zu heysse vñ an zu rich
tē. Vñ wiewol obē gesprochē ist wordē
dz sant gregorius sprech. dz nach d̄ mai
ung sant dyonisi. die syben öbern chöre
d̄ engel mit außerthalb des hymels wūr
ken. so ist doch darüber die antwort ent
worffen wordē. dz sant gregorius. sant
dyonisiūs bñcher nit gelese hat. die erst
zu den zeitē kēyser karols vō d̄ krichysch
en sprach yn die lateinyschen getolmet
schet sind wordē. Darumb was sant gre
gorius vō sant dyonisiō gesetzt hat. das
hat er vō and̄n gehabt. Dann als vil mir
yetz kund ist. so setzt dz sāt dyonisiūs vō
dē sybē öbern chöre mit. sund̄ mer vō dē
öbern schlechtiglichē. Darūb versten et
lich dz selb fürdlich vō den vier oberstē
chöre. als vō den dreyē d̄ oberstē. ierarch
ey. dz ist vō den süßpynendē engeln die
hebreysch Seraphi heisse. vō den liecht
scheiendē vñ küstreichē engeln. die ebre
ysch Cherubi heysse. vō den sicherruen
dē. vñ hochsitzendē engeln. die krichysch
throni heisse. vō dē hochwirdigē. vñ erēt
reichē herschügen. vñ dz selb dñket mich
dz vernünftigt sei. Wer auch sāt grego
rius wort ebē war nymt. d̄ merkt dz er dz

selb mit den sibē chören nit bewert noch
verwürft. er laset es an einē zweifel hāg
en. Der frager. Ich hab dei maynung
wol vernūmen. So aber die namē d̄ chō
re der engel C als du gemeldt hast C ver
setzt werdē. wie wol dē. die es vntter sch
eidē vñ cōcordiere können. nit vil dar an
ligt. wie man sie nennet. Als du auch ge
meldet hast. aber den cynfeltigē die ynē
ei gedechtnus vñ cōtemplierung oder an
dacht vō ynen wollten machē. Den ist es
doch ei hinternus d̄ gedechtnus. dz sie
höre. dz sie einer also ordiniret od̄ setzet
nacheiand̄. d̄ and̄ anders. Darūb wolt ich
vō dir höre welchē du riettest. welchē mā
pillicher nachvolgē solt vntter dē zway
en offtgenātē lerern. Der antwortter.

Ich bekenn es ist nit für die gedech
tnus dz mā hin vñ her haspelt. es sey i dē
oder yn anderen dingen. die man yn der
gedechtnus bechaltē will. sunder der ein
steyffe gedechtnus will habē dem ist zu
raten. das er einen für sich neme. vnd be
leyb bey dem selbē. Sundlich d̄ ein plōde
od̄ bekūmerte gedechtnus hat. aber wilt
du ye wisse zu welchē ich mer rat. du hast
obē gehört dz ich miltiglichen halt. das
sant gregorius sant dionisiō het nach ge
uolget. het er seine bñcher gelese gehabt
Was aber sāt Gregoriū beweget mīg
haben. das er die chöre der engel also ge
ordinirt hat. da vō wollt ich auch wol et
was sagen. vber das dz ich oben gemelt
hab. vñ ich glareb du würdest mir gelaw
ben. aber mich verdreüßet ye anff dys
mal der menge der wort. die ich danzu be
dōrffet. allermeyst so es nit vnser förder
liche meynung ist zu dysen mal dysē dig
wollen aufeckē. sunder wir kummē vber
zwerch vnd seytling auff dysē materien.
S iij

67
 Hierum kurtzlichen dir zu antwortte. so
 rat ich dir zu sant Dionysius ordenung.
 Darumb das er solich ordenung als obē
 gemeldt ist vō sant Paulus. der es in dē
 hymel gesehen hat. genūmen hat. als er
 dz selbs genug zu verstē gibr. da er yn
 dem sechsten. von der hymelischen yerar
 chey vntter andern. Worten also spricht.
 Dyse hymelischē wesen. taylet vnser gōt
 licher heyliger volpringer oder volkum
 men maker. yn drey drey. oder dnueltig
 ordenung. vnd die erste spricht er. sey die.
 die allweg vmb gott ist. wann er spricht.
 Das die offenbarung der göttlichen ges
 schrift. das zu verstē gibr. das die als
 kerheyligsten thron vnd die augenuollen
 cherubin vnd die flügeluollen seraphyn
 on mittel bey got. nach der nehe die ober
 alle gesetzt wirdt geordnet sein. Vñ vn
 ser gemeier maister spricht. dz sie gleich
 geordnet. vnd warlich die erste yerarch
 ey sey. ober die kayne gottförmigere sey.
 Die ander. spricht er sey auß den gewel
 ten vnd herschungen vnd krefftenu vol
 pracht. vnd zum letzten der dreyer hym
 lischen yerarcheyen. die ordenung d engel
 vnd ertzengel vnd fürsthūmen. dyß sind
 sant Dionysius wort. Der frager.
 Sind das sant Dionysius wort. Der
 antwortter. Es sind seine wort in der
 krafft. Der frager. Warum heys
 set er die cherubin vñ seraphin augenuol
 vnd federnol. oder flügeluol. Der ant
 wortter. Vntter allē dinge wirdt dz
 schönst den selbē engeln vñ den heyligē
 die irs gleichē sind zugeschribē. vñ woz ist
 vntter dē vōgeln hübschers den d pfab.
 vñ vntter den synngliedern des mensche.
 den die augē. Hierum werden die eeges
 melten engel vol augen vnd federn ges

neht nach gleichnus des pfabē schwartz
 des federn vol augen vnd spygel sind.
 Wan die augē d tier. sind lebēdig spie
 gel yn den alles dz scheint. dz vñ ynen
 gesehen wirdt. vnd sant Dionysius spri
 cht. Ein engel ist gottes bild. ein offens
 barung des verporgenen liechts. ein als
 lerscheinberster clarer. vnuermaligster.
 vnuermaßigster. vnuerunreinigster spie
 gel. der in sich als es bequemlich ist. die
 gantzen schonheit der wolgestalten got
 förmigkeit enphet. vnd thut in ym selbs
 wider scheinen die guttheit des schwey
 gens. das in den verporgenen dinge ist.
 Auß welchen Worten merck. dz die engel
 darūb spiegel geneht werde. dz in yne al
 le die dig die sie kenne. als i lebēdigē spi
 egeln scheine. vñ so i yne dreyerley ertē
 nus vñ gesicht ist. die abēt gesicht. durch
 die sie die dig i yre aigenē geschlecht se
 hen. die morgen gesicht. durch die sie die
 dig i dem götliche liecht vñ spiegel schen
 yn dē alle die ding weit clerlicher vñ vol
 kumenlicher gesehe werden. als sie auch
 wesenlicher vñ nach eier höhern vñ edel
 kern weiß da sind. denn in yne selbs. die
 mittegig. durch die sie got in ym selbs se
 hē. auß welcher sie allei selig sind. so ziehe
 sie auß d erste gesicht grosse schönheit yn
 sich. auß d andn noch weit grössere. auß
 d dritte die allergrößt. auß d sie enzhinde
 vñ geraitzt werde. dz sie allweg ober sich
 farē. darūb werde sie geflüget genennt.
 vnd so die alleröberste engel allermeyst
 sich i got erhebe. vñ allermeist in im sehe
 so werde sie sundlich vol augē vñ flügel
 geneht. dz sey vō d mayng sant Dionisy
 in d kraft. Wan ich hab obē seine wort nit
 gleich yn dem laut gesetzt. dann ein teyl
 hab ich auf gelassen von kurtz wegen.

Von den zwelff artickeln des glaubens

aber was auff vnsern hädell geet dz hab ich i d form gesagt. Der frager Wen maynet er bey dē heilige götliche volkū mē macher vñ bey dem gemaynē maister

Der antworter. Das wolt ich ge sagt habē. die lerer versteen alle gemain lichen Sant paulus den heyligē zwelfpotten. Also schreibt der grof lerer Hugo von sant victor yn dem sechsten büch da er vber die heymliche yerarchie schreybt. das nyemant pillicher verstanden oder gemaynt geglaube wirdt. der göttlich vñ heylig volkūmenmacher oder lerer dann sant Pauls der zwelffpot. von dem sant dyonysius getaufft vñ in dem glaubē vntterwisen was wordē. Noch klerlicher setzt das der abt von Vercellis. auch vber das sechste capitel des geuantē büchs vō der himlischē iherarchie. Vñ vber dise wort. gewellte vñ herschungē vñ krefftē. spricht maister Hugo. doch also. das die ordenūg gewechselt oder verwandelt werd. das die herschūg die erste. die krefft die andern. die gewellt. die dritten verstanden werden.

Der frager. Ist dem also das sāt Pauls also gelert hat. So will ich bey sant Paulus beleybē. vñ will alles wan keln auß schlagen. Der antworter.

Ich getar dir es raten vñ einem ygliche. d ym ein stete veste gedechnus will machē. Vñ des gleichen mit vil andern dingē. Als mit der zu eygenūg der artickeln des glaubē. die einer dise. d and yene zuschreibt. Der frager. Was dunckt dich das vernünftigs sey in sölicher zu aygenung. Der antworter. Dyse materie ist der materiē der engel. der gewissheyt halb nit gleich. Dann wie wol das nach dem glauben zu reden. gewis

ist das die heiligen zwelffpoten die artickel des glaubens durch die werlt geprediget habē. so ist doch dz nit gewis. dz sie den glaubē oder die artickel des glaubens gesetzt vñ geordenet haben. Welher dyfen oder yenen zum erste genennet. für gelegt od bestimmt hab. dan man vndt das in keiner alten bewerten heyligē geschriffte die ich wyssē. Dann her kummet es. dz sie ein lerer also geordenet hat. der ander also. Dann die lerer haben sich wol (als ich mich versie) vermessen. daz die zwilfpottē nach dem als sie in yr ordenung noch einander gegangen. oder gesetzt sind. also haben sie nach einander geredt. als man denn yn den concilienn end reten pflicht zethun. Darnumb haben yr ein teyls die artickel des glaubens den zwelfpotten zugewogen. nach der ordenung. als die zwilfpottē nach einander in yr nennung geen. Aber so die zwilfpottē nit gleich an allen orten. do sye genennet werden. nach einander geen. dan auch ein ewāgelist ordenet sie anders denn der ander. das den auß redliche milten sache beschicht. dasselb. das ich mit züchte red. solt den dy sie also zu aygnen wolten ein anzayung gegeben haben. weren sie als sy bedacht gewesen. daz sy sie nit sölten zu aygē nach sölicher ordenūg. so sie auch yn eyns ewāgelisten ewāgelio anders gesetzt sind. den yn des andern. sunder sye solten mer als mich bedunckt die zu aygnung habē lassen an steen. Darzu ordne sie ettlich nach einer weys die yn keinem ewāgelisten gefundē wirdt. sunder als mā sie yn d messe oder nach gewoheit d römischē kyrche i d letaney nach einand nemet. auß genimē dz sie sāt iohāse den

ewangeliste vor seinem pruder sant Jacob setzen. vnd nach der weyse volgen sie weder den ewangelisten noch der kirchen. Der frager. Wol an kurtzliche. was vor dir beschee ist. dz hast du mit müge weere. als du noch heit beytag. dz dz and leut tun. mit weere od hindern kauft. daruñ laß ydermā nach seine syñ thun oder halten vnd schreybenn weye er will. Sag mir was dein meynung sey. so du dych der sache so heftig annymest. Du hast ye ettwas darauff. so sich sei die andern mit also vil lassen bekümmern. Die da pflegen zu spreche. Es lig nit vil dar an welhem man. den oder den artickel zu aygene. Der antworter. Ich bekenn. es ligt nit vil dar an. als ich obenn gesprochen hab. dann man mag sie alle einem yglichen zu schreybē. so sie ein yglicher bewert hat. aber ich wollt die hen de der andechtigen menschē gern zyerē. vnd wider den pōhen veind wappenn. oder mer sorgen wie sie sy ziren vñ wapnen sölten. oder möchten. das sie got dē herren wol gefyelen. vnd sich des veni des allermayst in dem letste streit erweeren möchten. vnd darumb so du ye hören wilt. So sag ich dir. Die sache. War umb ich es vngern sih. das mā vneinhelig ist. ist die. dz es die gedechnus verwirret vñ vnstet macht. Vñ tun wollt ich gern. dz die zueygung stet blib. auff dz. dz mā die artickel. vest vnd steyf möchte anhenckenn. Der frager. So sag her wie duncket dich. das sie zu zuaygen sein. Darnach wollen wir hören. weye sie an zuhencken seyen. Der antworter. So duncket mich dz. dz die vernünftigt vnd redlichst zuaygenung sey. das man die artickel. wenn man sy ye nach d

zale der zwelfspotten taylen. vnd yne zu aygen will. nach der ordenung neme. Die sant Lucas setzt yn dem erstenn capitel der geschicht der heyligen zwelfspotten. Da sie geordenet werde. als sie geordnet sind gewesen zu der zeit. als sie den heyligen geyst empfangen. vnd die heyligen christenheit gestiftet. vnd den grut der heyligen kirchen. yn dem heylige gelawbē. auß einsprechung vnd krafft des heyligen geystes. gesetzt habenn. Man sol die artickel des glaubens nit ordnen nach ynen als sie yn dem ewāgelio nach einander getzelt vnd genennet werden. Wann sie werde da selbst genennet. als die iüngern vñ nachuolger cristi. die vnser herr auß. vnd vor andern erwelet. dz sie zu zukünftigen zeitten. stifter. vätter vnd lehrer der heyligen cristenheit sölten werden. Sie sölten es vor hyn. aber von dem herren hören vñnd lernen. was sie darnach leren vnd predigen sölten. Darumb nach dem selbē. als sie yn dem ewāgelio genennet vnd gesetzt werden. so sind sie noch hörer. iünger. vñnd schüler gewesen. Vñnd haben die selben zeit die artickel nit gesetzt. Sie hettem sye auch nit wissen zusetzen. Dañ sie westē sie nit. so gelawbten sie sy auch nit. Daz geben die ewangelisten klerlichenn zuverstē. vñnd besunder sant Lucas. der do setzt. das sie nit westen was der herr sagt. wenn er vntter weylen von seinem tod vnd leyden. von seiner vstende vnd glory redet. Wie möchten sie denn gesetzt haben. Das er gelidten het. vntter pōcio pilato. Vñ wer gecreuzigt. wordē Gestorben. begraben. abgefaren. zu der helle. an dem driten tag erstandē vñ den totē. auf gefare zu himel. gefessen zu der

artickeln des glaubens

echte gottes des vaters et cetera. so es noch nit beschehen was. Vnd sie auch nit westen. Das es also künfftig were. Warumb für vnser herr sant Peter an. Denn darumb. Das er yn von dem leiden C von dem er yne gesagt het abweyse wolt. Da er sprach. herr. Das sey weyt vō dir. Das sol nit beschehen. Was sprach aber der herre. Gee nach mir sathanas. Dann dir schmecken die ding gottes nit. Sunder der menschen zc. Wie möchte sant peter gesetzt habē dz der herr gecreütziget wer worden. Der auch nit glaubenn wolte. Das er solt gecreütziget werden. Wie möchte er geglaubt haben. Das er auff ersten würde. so er nit gelaubet dz er sterben würde. Siht du nun. weye die zwelfpotten die zeit den gelaubē nit haben mügen ordnen. so sie den glaubenn vollkommenlich nach allen artickeln nit gehabt haben. Darumb hab ich gesprochen. Das man die artickel des glaubens nit ordnen sol. nach dem als die zwelfpotten in dem ewāgelio geordnet sind. Sunder nach dem als sie geordnet sind gewesen. Da sie den heyligenn geyst empfangen habē. Da vre zal wiß volbracht ist worden. Durch die eruelung sant mathie. die durch die abtrünckheit des verreters gemindert was worde. Dan der gelaub ist sunderlich auß der guad vnd einsprechung des heyligē geysts. den vnser herr. den geist der warheit nennt. der alle göttliche warheit leret. Darum sollt der gelaub erst nach d zukunfft des heyligen geysts. vber vnd yn die zwelfspotte gesetzt vñ geordnet werde. Darum wie die zwelfpotten die selben zeit geordnet sind gewesen. Also sol man die artickel ordinire vñ also ordinire sie diemai. Her franciscus von Maron. vnd meyster

Armandus. vnd iohannes vō penaw. vñ der grof lerer Alexander vō ales. yn dē fünften glied der zwayundachtzigstem frag des dritten teils seiner Summa in dem erstenn artickel. Der frager.

Hast du so vyl für dych so schweyeg still vnd sag wie setze sie es. Der antworter. Der erst artickel gehört dem ersten vnd öbern aller zweffpotten zu. nach allenn lerern. Das ist samnt Peter.

Der erst artickel. Ich glaub yn got vater allmechtige. der ein schöpffer ist des hymels vnd der erden.

Der and artickel gehört sant iohānsen dem ewangeliste zu. Vñ yn ihesum chri stū seynen cynigē sun vnseren herren.

Der dritt artickel. gehört sāt iacob dē größern sant iohannsen pruder zu. Der empfangen ist von dem heyligē geyst. geporn auß der iunckfrawen maria.

Der vierd artickel. gehört sant Andres zu. Hat gelidte vntter poncio pylato. ist gecreütziget worden gestorben vñ begraben.

Der fünfft artickel. gehört sant Philips zu. Er ist abgefahren zu der helte.

Der sechste artickel. gehört sāt Thoman zu. Er ist an dem driten tag erstanden von den toten.

Der sybend artickel. gehört sant bartholomes zu. Er ist auff gefaren zu den hymeln. sitzt zu der rechte gottes des allmechtigen vaters.

Der acht artickel. gehört samnt Matheo dem ewangelisten zu. Dannen er zukünfftig ist zu richthen die lebendigen vnd dy toten.

Der neünd artickel. gehört dem myndern sant iacob der vnser herrē pruder genannt wirt zu. Ich glaub yn den heyligen geyst.

Von den zwelff artickeln des glaubens

Der zehend artickel. gehört sant Symon zu. Die heyligen cristenlich kirchen gemeynschaft der heyligen.

Der aylft artickel. gehört sant Judathateo zu. Applas der sünd.

Der zwelft artickel. gehört sant Matheyen zu. Vistend des fleysch vnd dz ewig leben Amen.

Von redlichen sachen dyser zu eygenung.

In Vn sih auch. ob dyse zuschreybung mit redlicher vnd vernunftiger sache hab. dann die ander. Von dem erstē artickel bedarf ich nit sache setzen. so nyemāt dar wider ist. Sy schreyben alle disen artickel dem zwelfpotten zu. der der erst yn der wirdigkeit ist. das ist sant peter.

Von dem andern artickel.

Aber der ander artickel. von dem sun. welchem vnter allen zwelfpotten. wirdt er billicher zu geaygnet denn samnt iohannsen. dem ewangelisten. der ober alle die. dy ye vor im gewesen synd. die ewigen geburt. vnd art. vnnnd aygenschaft des sunes treffer vnd höher. aygentlicher. clerlicher. vnnnd vntterscheydlicher yn seinem ewangelio beschreibenn hat. vnd sich nach der auffart christi. da der heylig geyst ober die iugern kummē ist. der nechst vñ der fürnemst nach sant peter gewesen. als sant Lucas offenberlichen zu versten gibt. yn den geschichte der heyligen zwelfpotten. so ym vor hym zu den zeiten die weyl der herr noch auf diser erden wandert. sant andreas vnnnd sant iacob sein pruder in dem ewangelio vorgesetzt werde. Ich will andrer sache geschweygē. als dz in vnser herr an dem creütz seier werde miter. an seier stat zu eyñ sun gegebē. vñ sie im als ei miter en

pfolhen hat. durch welches er als ei pruder vnsern herren worden ist. vnnnd auch in seinen episteln vnd yn dem buch d gōtlichen offenbarung fürderlich. vñ dem sun gottes. vnd des menschen schreybt.

Von dem dritten artickel.

Der dritt artickel gehört auch billichen dem dritten zwelfpottē zu. dz ist sant Jacob dem grössern. vñ dem besunder in seinem leseu. C wa man es gantz hat 3 geschribenn stet. das er wil von disem artickel geprediget. vñ in wol durch die geschriffte bewert hat.

Von dem vierden artickel.

Es gleichen vinden wir. von sant Andres. das er ym die predigung vnd das lob des leydes vnd des creützes cristi in sunder hat lassen enpfolhenn sein. vnd auch mer denn ymants anders vntter allen zwelfpotten. deshalben. da er das creütz lang gelobet het. vor dem landes pfleger vnd richter Egeas. vñ der Egeas het gesprochen. Es möcht nit ein heymlichs zeichen od sacrament genent werden. sunder ein schentlich pen. vñ sant Andres antwort. Wölt er yn gedultiglich hören. so wolt er beweysen. weye die selb pen ein grosse heymliche bedeutung wer. der widerpringung menschlichs geslechtes. da Egeas darüber gesprochen het. Ich will dich wol gedultiglich hören. wirst du mich aber nit gehorsamlich hören. so wirstu die heymlichen bedeutung des creützes in dir selbs enpfahen. da antwort sant Andres gar schnelliglich dar auff. wer es das ich den galgenn des creützes fürchte. so predigete ich die ere des creützes nit. vñ was soll ich sagen. So der heylig zwelfpot sant Andres entlich. darumb on das creütz geureyht vnd gehentet ist worden. dz er

Von den zwelff artickeln des glaubens

Das creütz so seer gelobt vnd stetiglich
en geprediget het. vnd wie begirlich er
an dz creütz köme. dz mag man wol auß
seinen wortē nemen die er sprach. da er
daz creütz C das ym auffgericht vnd be
rayt w3 vō verrē sah vñ iubiliret also.

Merck wie samnt andres das creütz
grüßet.

Gegrüßet seystu du kostpers creütz
das du yn dem leyb cristi geweicht
bist. vnd bist auß seinen gliedern als auß
edeln feinperlein gezyrt. Ee dz der herr
an dir hyeng. da herest du yrdisch vorcht
Aber nun. so helst du in dir hymelische
lieb. vnd wirst mit begird auffgenum
men. Wann du bist den glaubigen wol
bekannt. sye wissenn was grosser freünd
du yn dir habst. was grossen gabe du be
raytt hast. Darumb so kum ich sicher vñ
frölich zu dir. auß das. dz du mich auch
mit frolockung empfahest. des iunger. d
an dir gehangenn ist. dann ich byn dein
liebhaber allweg gewesen. vnd hab dich
begert zu umbfahen. O gutts creütz dz
du gezyrt vnd schonheit vō den gliedern
des herren empfangen hast. lang begert.
fleyssiglichen geliebt. on vntterlas ges
ucht. vnd nun dem begyrigen gemüt be
raytt. Vñ ym mich von den mensche byn.
vnd gyb mich meinē meister wider. dz er
mich durch dich empfahe. d mich durch
dich erlöset hat. Also redt sant Andres
dem creütz zu. ee er dar an kam. Aber dz
mā nit gedechte das es allein wort wed
ren. Da darnach C als er byß an den an
dern tag an dem creütz gehangē was d
der richter kam C auß treybung des vol
ckes d vnd wolte yn ab dem creütz nemē.
da sprach sant Andres zu ym. Warumb
bist du her kummen egea. Bist du kum
mē das du yn christum glauben wilt. so

soll dir gnad beschē. Bist du aber kün
men. daz du mich von dem creütz nemen
willt. so sollt du wissenn das ich lebenn
dig yn dem leyb von dysem creütz nit
kummen wird. Du sollt mich nit ober re
den. wann ich siß yetzūnd meinē kōnig. vñ
stee vor seinem angesicht. vñ danck gott
meinem herren. das ich yn dein hend ge
geben byn worden. das ich von dir ent
fremdt. vñ ym kum vnd lieb wordē byn.
das ich durch sein oerpehūg die ewigen
gnad vnd barmhertzigkeit erlang. vñ
sein gelūpnus empfahe. Vnd da er sah
das er yn ye von dem creütz lösen wolte
C das er ym doch oft gedroet het d da
schry er auß krafft seines hertze. zu dem
herren. Vñ lit laß mich herr ihesu christe.
O gutter meyster nit laß deinen dyener
Andream vō dem creütz gelöset werde
Vñ lit laß den. der yetz durch das creütz
dein größe erkennt hat. von dem egea d
ein verderblicher mensch ist. gedemütig
et werde. Als ob er spreche wolte. Ich
hylt mir es für ein grosse vneer. sölt ich
von dem creütz gekediget werden. Das
hab ich von vil worten. die sant Andres
von dem lob des creützes. vō der lieb vñ
andacht des leides christi gelert vnd ge
redt hat. außgezogen. da bey mā sein be
sunder grof lieb vnd andacht zu dysem
artickel mercken mag. darumb gehört er
ym billichen zu.

Von dem fünfften artickel.

Vñ so sant Phylipps der nechst
nach sant Andres ist. vnd ist sant
Andres gesell. vñ vō einer stat gewesen
Wem gehört denn der nechst artickel d
nach dysem geet. vñ ist gleich als sein ge
sell vnd nachvölgling C wann yn der al
ten ee volgt dem sterben allweg das ab

steygen yn die hell nach 3 billicher zu.
Denn sant Philipps. Darin lassen wir
in ym beleiben. vnd machē auß dem selb
Ben vnd nechsten nachuolgende articke
mit ayngen. als etlich thun. Dann abfare
yn die hell. vnd auffersten von dem tod
ist gleich widereinander. Warumb sollt
man denn eyn articke Darauf machen
vnd nit zwen.

Von dem sechsten articke.

Vnd welchem vnter allen zwelff
potten soll man den articke. von 3
vstende billicher zu ayngen denn samnt
Thoman. der auch nach menschlichem
argumentē vnd bewerungē. der aller ge
wysshest vnd glaubhaftigst zeug ist. als
der. der das vor allen andern bap. steyf
siglicher. vnd gewisglicher ergründt.
ersucht. erwaren. vñ bewert hat. als der.
der selbs nit glawben wollt. bis er den
glawben yn die hand nam. Durch gewisse
offenbar küntschaft. Darin er auch vor
andē dīses articckels halbē mocht sprech
en. als sant Johāns spricht seines arti
ckels halben in dem anfang seiner erste
episteln. Das wir gehört. das wir mit vn
sern augen gesehen. das wir durch ges
chawet. vñ vnser hend gehandelt habē.
von dem wort des lebēs daz vñ anfang
gewesen ist. das bezeugē wir vñ verkün
den es etlich ic. Sihst du nun wie billich
sant Thoman dyser articke zu gehört.
der sich vmb der gewisheit oder sicher
heit willen. nit an dem hören. nit an dem
sehen wollt lassē benügen. sunder er
wollt es auch mit tasten. mit den henden
bewerē. Herck auch auß dysem spruch.
wie bequemsichen sant Johānsen dyser
articke zugeaygenet wirdt.

Von dem sybenden articke.

Der kōniglich articke. vñ d' aufart
vnser herrē. vñ sitzūg zu d'rechtrē
hād des hymelischē vaters. wird bequē
lichē dē kōniglichē zwelffpottē sant bar
tholomes zugeaygenet. der nach etlich
en geschriffen kōnig philipps sun vñ sy
ria gewesen ist. vnd wenn das war ist. so
scheint es. das er von dem grossen ge
schlecht sey der Seleūcen. der Demetriē.
der Anthiochem dyre mechtig kōnig yn
Syria vnd Asia sind gewesen. vnd vñ dē
geschlecht der ptolomeen. die yn egyptē
land geregnirt haben. der vil gewesen
sind als d' Ptholomeus euergetes d' der
Cleopatre vater gewesen ist. die drey kō
nig gehabt hat. den Alexander balam
der des grossen wūterychs Anthiochis
C den man den edelen od' durchleuchtig
gen nennt. vñ dem so vil yn den bñchern
der ritteren Machabeorum geschryben
stet. der ein sunder figur des entchristes
gewesen ist 3 sun waz. vñ zwe prūd nach
einander. demetrius. vnd Anthiochus.
des selben Anthiochus sun mit namēn
Anthiochus cizitennus. ist sant bartholo
meus vranherz gewesen als es scheynt.
Dā ich vñd. d'z Philippus als sant bar
tholomes vater genēt ist. sey des deme
trijis prūd gewesen der Eūcerus genent
wirdt. So ist der demetrius Anthiochis
sun gewesen Cals es leucht 3 So ist der
Anthiochus des anthiochi ciziceni sun
gewesen. So ist der Anthiochus cizice
nus. des Anthiochus sun gewesen d' so
ther genent was. das als vil ist. als sal
uator. behalter oder heilmacher. dā des
selben sothers vater. hyef. demetrius so
ther. Aber des anthiochs ciziceni muter
was die Cleopatra die oben genent ist.
yr vatter waz Ptolomeus euergetes. des
selben vater ptolomeus phylometor. des

artickeln des glaubens

selben vater Ptolomeus epiphanes. Des
selben vater Ptolomeus phylopator. Des
selben vater Ptholomeus euergetes. Des
ptolomei phyladelphi pruß. Der so ei groß
ser liebhaber der bücher vñ d geschrifft
gewesen ist. dz die zal seiner bücher zu d
zeit da er die heilige geschrifft. dz ist die
Bibel C Die vntter im zuin allerersten in
ein ander sprach verwandelt ist wördē
wolkt tolmetschen lassen. schyr zu fünff
tzigtausentē nahet. Des selben vater was
ptolomeus soth er. Darumb hab ich ett
wan gedacht das er wol Bartholome
us heysset. das als vil ist. als Ptolomeus
sun. so er so vil Ptolomeos zu eltern. groß
vettern yn seinen eltern gehabt hat. von
der muter ist er von den künigen der kri
echen gewesen. Die obgenenten Pto
mey. sind so namghaftig künig gewesen
daz man die zeit der gantzē werlt durch
yre iar beschreybt. als man sie darnach
durch die iar der römischen keyser besch
riben hat. vñ das ettwas an dysen ding
en sey mit dem adel sant Bartholomes
das hat einen schein auß dem. das er vō
dem berith also beschriben ward. daz er
ein weys fleid antrug mit purpur vntter
weben. vñ ein weysen mantel mit pur
purfarbē edelen steynen in den ecken. vñ
darzu setzt er auch ei künigliche gestalt
in in. als mā denn in seinem lesen vinder.
vñ ist nit zu glauben dz der apgott bes
rith. so offenerlichen wolkt gelogen ha
ben. ym selbs zu schandē. der söliche sig
zu wortzeichen sagt bey denen mā yn er
kennen möcht. Dyß sey gemeldet vō sant
Bartholomes mit allein vō sachen wegen.
warüb im der artickel der die künigliche
würdigkeit cristi antrifft billich sey zu ze
schreyben. sunder auch des halben. war
umb er also kostper od herrlich beschri

ben wirdt. der gestalt vñ kleydung halbē.

Von dem achten artickel.

D Er acht artickel. von der zukunfft
vnseres herre zu dem iüngsten ge
richt. welchem wirdt er billicher zu geay
genet den sant matheo dem ewāgeliste.
an dem mā nit felen mag. wān vor allen
zwelfpotten vñ ewāgeliste beschreibet
er clerlicher in seinem ewāgelio. yn dem
vier vñ zweintzigiste vñ fünf vñ zweintz
igiste capiteln die vorgeendē. vñ mit vol
gendē zeychē der selben zukunfft. Vñ
die form. weys. fūrgang. vñ beschließung
des iüngste gerichtes. setzt keiner örden
licher vñ gentzlicher denn er.

Von dem neunden artickel.

Also mag ich auch von dem neun
den artickel C der da vō d person
des heyligen geystes ist C sprechen. das
er vmb vil sache willen keyne vntter den
nachuolgenden zwelfpotten also bequē
lichen zu geaygenet wirdt. als sant Ja
cob der vnseres herren pruder genennt
wirdt. der von muter leyb an geheyliget.
vñ durch den heyligen geyst geweycht.
vñ gott gebidemet. vñ ein ewiger na
zareus nach der gleychnus des herren.
vñ dem herren yn der gestalt auch des
leybes vñ gliedmas. yn sitten. yn geber
den. yn seinem wandel vñ der reynigkeit
so gleich gewesen ist. als ob sy zwen zwi
ling mit einander weren gewesen. als er
auch des geschlechts halbē vnserm her
ren der nechst was. Sölicher sachen hal
ben. ereten yn all zwelfpotten. vñ satz
ten yn gleich als an seins pruders stat.
an die stat vnseres herren. ertzbischof zu
iherusalem. vñ waren ym gehorsam. die
weyl sie in dem iüdischen land belibē als
in seinem bisthum.

Von den vberigen artickeln in aym.

Und so dy zwey nachuolgende artikel an dysem hangē. C dan die heyligū vñ aynigū der gantzē heilige cristeheit. vñ alle krafft vñ gnad d̄ heilige sacramēt ist vō dem heilige geist. des gleichen lifet mā in einer nach collect yn einer mēsch. dz er die verzeihung od̄ ablasung ist aller sünd. So gehōrē sie billichen den nechsten zwayen nachuolgen dē zwelffpottē sant iacobs prūdern zu. vñ so sant mathias an die zwelffte stat vor d̄ zukunfft des heilige geistes durch göttlich eruelung kumen ist. warumb sol man yn den außschlyessen. von dē zwelften artikel. Der frager. Hör nun auff. du hast mir so vil gesagt. das mich keiner mer abwendē sol. Darüber sprich ich. Wer ich also fürnem. dz mā mir volgen wollt. ich wollt es aller werlt raten. dz sy bey dyser zu aygenūg beliben vñ lieffen die andern ansten. Aber es ist noch eins dz mich auch ettwan verdrosen hat. dz mā die zeichen. dy die maler zu den zwelfspottē malē. auch als in mā gerley weys vermencfelt od̄ verwādel̄t. dz ich C so ich nun bey guten iaren bin. in ettlichen irz wird. dz ich mit weys. welher dyser oder yener ist. Der antworter. Ich byn nichts iūnger den du. vñ zaigte mir ein paur ettlich vō den letzten zwelfspotten. Cñ auch mit vō den aller letzten ia nach sant Andres. allein sten. vñ fragte mich wer sy weren. Ich getrawet yn mit zu versichern es wer den sāt iacob d̄ mynd mit dem wollbogē od̄ sant Bartholomes mit dē messer. od̄ sāt matheis mit dē bephel. dz doch nach meinē won ei helmpart sollt sein. als mā den altē rōmischen ratherrē vor trug. Vō d̄ auch d̄ rōmer stifter Komulus. quirinus genēnt ist. darū dz es nach der sabiner sprach

quiris heysset. in latei bipennis. vñ sunst francisca. dz ist ein rōmische art mit der die rōmer richten. Sunst byn ich mit den andern nit gewis. dan vil malen sant Symō ein creutz. vñ er muß ye zu iherusalē gecreutziget sein wordē. da er zweintzig vñ hūdert iar alt ist gewesen. vñ dē muß also sein. dan mā lifet es also auch yn dē göttlichen ampt. So sprich ich also. Mā lifet dz die iūckfraw maria sey zwelf iar alt gewesen. da sy cristū empfangen hat. So schreybt sant Epiphanius C als ich behalt. dz ir eltern āna vñ ioachym sie yn den tempel geopfert haben C das sie da peleybē sollt. da sie sibē iar alt w̄. So lifet mā dz sant anna vō einē andern mā den sy nach dem ioachim gehabt hat mit namen Cleophas ein tochter gewūnen hat mit namen Maria cleophe. So nun der ioachim noch sibē iar gelebt hat nach der geburt der iūckfrawē marie. so muß ye maria cleophe erst yn dem achte iar der iūckfrawen marie geborn sein. dz wer vor vier iaren vor d̄ geburt cristi. nun vīndt man dz der keyser Trayanus hatt angefangen zeregniren vñ dz hūdertst iar nach der geburt cristi. so soll sant Symon vñ das acht iar des keyfers trayani gecreutziget sein worden. dz wer vñ dz acht vñ hūdertst iar. ist er nun zweintzig vñ hūdert iar alt gewesen in dem achte vñ hūndertstenn iar. so zweintzig zwelff mer sind den achte. so muß er zwelff iar vor der geburt cristi geborn sein. vñ so sein muter vier iar vor geborn ist wordē oder yn dem fünfften. so rechne du was auß dyfen dingen volgt. Der frager. Es volgt darauß das der sun sybenn iar elt er wer. denn sein muter. ist anders maria cleophe sei muter. Der antworter. Daran zweifelt nyemant. So er

artickeln des glaubens

aber souil elter wer denn sein muter. wie vil mer denn sant iacob der mynder seyn pruder. elter denn sein muter. die vor im geboren soll sein als der erst gebore. Sih stum war zu es kumpt. daz mā als gar die augē mit will auffstun. Vñ yder mā schreybt vnd sagt. vnd man vberhört die ding mit. vnd wirdt die werlt vol irzals. Vnd wenn einer yetz die yrzsal merckt. vñ will sie melden. vñ der warheit nach grübeln. so wollen es ym die dy der falscheit vñ yrtum gewonet habē. für vbel halten. O was merck ich solicher grosser felung auch in den. von den mā groß helkt. vntter den kronickeschreybern. Es wer ein gantz buch dar von zu machen. Aber auff vnser argument oder bewertung zukunne. wenn wir auch die syben iar abprechen. vnd wollen halten dz die iunckfraw maria dreier iar alt in den tēpel geopfert worden sey. vnd sey vierzehnen iar alt gewesen. da sie den behalter der werlt yn dyß ellend geboren hat. So volgt doch auß dem selben so vil. dz der dennoch mer vnspinnig denn glarebig geachtet möcht werde. der es glaubē wolt. Darumb lassen wir das. als einen offenbarenn irzsal mit andern irzalen varenn. vnd nemen das gewyß für vns. od̄ das. dz der warheyt gleicher scheint. Der frager. Du sagst recht. wer will vnns aber sagen. welches gewisser oder d̄ warheit gleicher sey. Der antwortter.

Wer steyßlich sucht d̄ vindt zu zeytē. Mir zweyfelet nichts dar an. het mā die warheit als lyeb als das gelt vñnd gold. man findt sie zu zeyten. Der frager. Ja. vñ glück dar zu. wan es vidt zu zeytē einer vngesucht vnd ongenue. dz der and̄ lang gesucht. vñ dennoch nit gefunden hat. Darumb hast du ettwas

gefunden. teyl es vns auch mit. vnd sag kurtzlichen dein meynung vñ dyßen ding en. Der antwortter. was soll ich sagen. so ich so vil vnd groß lerer wiß mich hab. daz ich sy mit nennen getar. Der frager. Hast du nyemat für dich.

Der antwortter. Ja ich zwar. Ich hab auch etlich. Der frager.

Wer sind sy. das man mercke. ob yñe zu glauben sey oder nit. Der antwortter

Warum fragst du so gnaw darnach. Der frager. Da wolte ich auch gern des gewyßesten spilen. daruñ sag her welche finds. Der antwortter.

Gleich die selbē. die wider mich sind dy sind die. dy für mich sind. Der frager. Wie müst das zu gen. so müsten sy wider sich selbs sein. Der antwortter. Das sind sie auch. Der frager.

So hast du gutt zu rechten. sag nun her. wie getrauest du ob zehigen. oder zu besteen. Der antwortter. Ich getrawet ynen nichts anzugewinnē. sie helfen mir den wiß sich selbs. dann habē sy ettwan gesetzt. daz dyser symon zelotes oder chananeus sey nach sant iacob byschoff zu iherusalem. vñ an dem letzten gecreutziget worden. So haben sie dar nach da sie sich bap̄ bedacht. vñnd die sach bap̄ erfare habē gesetzt. dz es sy meon cleophas sun. d̄ sant iosephs pruß was. sey gewesen. vñ also habē sie die erste satzung gewädelt. gebessert. od̄ wider rufft. vñ dz selb̄ sollt mā mercken. Vnd ob mā dz erst finde. lese. oder hörete. so sollt mā es gedultiglichē leiden. als ein ding das mā miltiglichē ee mā gewissers erfare hat. geglaubt vñ gehalten hat. Aber mā soll nun dem letzte anhängen. vñ dz selb̄ haltē. daz ist dz. das sant sy mō nit d̄ ist. der gecreutziget ist worden

lund der. 8 mit sant juda thateo. yn der persier land in d grossen stat Suamir in der abtgötter tempel. vō den bischoffen der abtgötter. vñ dem heydenischē gebē felist erschlagen worden. Aber war mit man sie getödt hab. ob es mit eyssen oder holtz. mit messern od kolbe. mit steinē od anderen waffen beschēhē sey. dz ist nicht gewis.

Von den vntterscheyden zwischenn sant Symon vnd Symeon.

Also merck nun den vntterscheyd. Der zwelfspott heysset Symon. so heysset der ander symeon. Von dyssem hellt mā er sey Alphheus sun gewesen. vō yenem. er sey cleophas sun gewesen. Dysser ist einer vō den zwelfspottē. yener ist bischoff zu iherusalem gewesen nach dē zwelfspotten. Jenem ist iherusalem vnd dz iudisch bishum vñ land. Dyssem ist dz mechtig kōnigreich enpfolhen wordē d persier. Jener ist lang gepeyngt. vñ zum letste gecreütziget. diser ist gehlingē. vñ vbelingen in dem tempel d sunnen vnd des mones getödt wordē. Jener yn dem iudischē land. durch klag. vñ anpringung der ketzer die yn rügte zu den zeitē atti ci. der ei rōmischer ratherr wz gewesen. diser durch klag vñ stiftung d zauberer zaroos vnd arpharat. in persier land. zu den zeytē des kōniges xerse. der yn vnd sein pruder rach. vñ nam den bischoffen ir hab vnd gutt. vñ furt die leyb d heyligen zwelfspotten yn sein stat. vnd barwet ynen auß mermelstein ein achteckte kirchē. da ei yglichs eck achtzig schüh weit zu dem andern het. dz macht viertzig vñ sechs hundert schüh. in dem vñgang. vñ lieh ein teyl ynwendig mit gulde blechē vberzphen. vñ legt die leyb d zwelfspottē in einen sarch vō lauterē silber zc. Jense

tag ist an dem achtzehendē tag des hōnigs. Dises tag ist an dem achtvñzweitzigsten tag des weinmoneds mit sant iudas. Meer von dysen dingen zureden dzig mich nit. dan du sihst wol. wie weyt wir vō vnser materien auß vnser disputierung kummen. Der frager. Sag noch kurtzlichen wie mā die zwelfspottē am bequemlichsten vntterscheydlichenn zeychnē sollt. besunder die letste. Der antwortter. Umb gewisses vnd besleybend es vntterscheids willen. so wolte ich raten. dz mā sant Philips mit einē auffgerichtē creütz. als die weter creütz sind malet. dann. wenn er auch nit wer gecreütziget worden. so hat er doch eyn creütz zu einem zeychen des creützes cristi heysen auffrichten. vnd anbetē. vnd das nit in dem land syrie. als die bñcher felschlichen gewōnlichen haben. sunder in dem land scithie. auß welchem land vil namhafftiger grosser geschlecht kumen sind.

Von sant Matheo.

Ant Matheum den ewangelistē malet mā wol mit zweyen schwertern. zu eyn zeichen. das er mit einem gemarteret vnd gekrōnet ist worden. mit dem andern gerochen. Dann der kōnig hyrtacus exadelpus der yn lieh hinder wertling C als er vor dem altar C auff dem er meh gehalten het C mit aufgespannten armen bettet C mit einem schwert durch stechen. der durch stach sich selbs selbs darnach C vor leyd der vbel die vber yn kamen C mit einem schwert vornen zu. Oder man möcht ym ein schreyb federn machen. als man seynē arm zu rom zu sāt maria maior C behalt ichs recht C in die hand gemacht hat. zu einē zeichen. das er zum ersten dz heilig ewā

artikeln des glaubens

geltum geschriben hat.

Von sant Thoman.

Ant Thomā möcht mā mit ein-
er lantzen malen. darūn das in d
kūnig. Des deus hyeh mit vyer lantzen
oder glenen durchstechen. welher me-
deus doch nach samnt Thomas martet
glarobig ward.

Von sant Symon vnd Judas.

Wid so sant Symon vñ Judas mit
einander sind getöt worden. in dē
tempel. da an eym ort von anfang d sun-
nen die sunn oder yr pild. stund mit eym
guldenen wagen. vnd guldenen pferde.
an dem andern ort stund dz pild des mo-
nes mit einem silbernen wagen vnd silber-
nen ochsen. vnd sant Symon gebott dem
geyst der yn der sunnen pild was. dz er
sein pild solt zerprechen. vnd sand Ju-
das gebot dem geyst des pildes des mo-
nes das er sein pild zerstören solt. vñ da
das beschah da vielen die bischoff der
sibentzig in der selbē stat warē. ober die
heyligen zwelfpotten vnd mōrdeten sy.
so möcht man sant Symon ein guldene
sinnen in die hand machen. vnd sant Ju-
da ein silbernen mon. Oder machte sant
Symō ein kolbē. als mā sant Judas ma-
cht. vnd sant Judas ein brief. darumb dz
er ein epistel geschriben hat. die andern
zwelfpotten laß ich steu. als man sie ge-
wōnlich malet. Sant Peter mit zweyen
schlüssel. sant Pauls mit eym schwert
vnd buch vñ der gleiche. Das alles hab
ich wōllen melden auff die meynūg. das
auch die eynfeltigē lernen die heyligen
zwelfpottē dester bas vñ gewiser kē-
nen. vñ d sach willen die noch da hindē
ist. dz ist wie mā die hend wid die anfech-

tug des bösen veindes woppenen soll.

Der frager. Ja lieber dz selb sag
vor allen dingen. das es mit da hyndem
beleib.

Wie mā die artickel anhencken oder
einsetzen soll. Der antwortter.

In Je wol die geystlich gezyrd vñ
wappening d hend. in d zeit d ge-
suntheit allermeist vñ gewyest an guttē
wercken stet. dz also d bas gezyret vñ
gewappnet wirt. d mer gutes yn rechter
meynung on vermengūg böser werck tut.
so würd doch das selb als verlorē. wa er
mit steyf wid die anfechtung des bösen
veinds i seinē letzte end stund. vñ wider
stund. So nun d böß veind allermeist be-
gert den grūd aller guttē i dem mēsche
vñ zukere vñ zerstörē. als den heilige cri-
stenliche glaubē. dy hoffnūg zu gott vñ
die liebe. durch zweifelūg i dem glaubē.
durch verzweyfelung. durch vngedult.
durch mürmeln wider die gerechtigkeit
gottes. durch wolgeualten yn ym selber.
vnd yn seinen werckē. durch ein misual-
len yn den göttlichen vnteylenn vnd der
gleychen. so gedōst ich raren. das einer
die zwelff artickel des glaubens yn die
glidley n der fingeren durch die pildlich
en zu aygenung setzte. also das der erst
finger nach dem daumen. die drey arti-
ckel von den dreyen personen yn seynen
artickeln oder gelydley n hett. (Arti-
culus ist als vil gesprochen als ein glid-
ley n) also kōm ye eyn artickel yn eym
artickel. dz ist ein glidlein des glaubens
yn eyn glidlein des fingers. vnd billich-
en dyent der erst finger yn dē drey glyd-
sind. vñ ist doch ein finger. d erste natur
der gotheyt. in d in ayngikeit des wesens
trineitigkeit od dreyigkeit d persone ist.

T iii

Von den zwelff

Also sind die andern artickelein die andern glidlein zusetze. nach d figur dy hernach volged ist. vnd ist nit on sach also vnd nit anders entworffen worden.

Wye man die eyngesetzten artickelein soll präuchen.

Der mensch der setzt ym für wenn yn der böß veind wirdt anfechten von dem glawben. Das er ym denn die hand fürhalte wöll. gleich als ob er sprechen wöllt. Sihest du. da hyt hab ich mei glawbē gesetzt. wye ich mir yn da fürge nummen hab. also will ich darauff vnd darynnen beleiben. würd er dir einsprechen. Ach es ist nichts vmb den christen glawbē. Es ist kein gott yn solcher weys als die christenn halten. so solltest du wenn du vermöchtest mit dem darynnen auff das erst oder vntterst glidleyt des nechstenn fingers deuten. als ob du sprechen wolltest. Sihestu. da stet es. ich glaub yn got. vyl dir ein. Es wer nichts was man von der triueltigkeit der personen sagt. so deuteft du auf die drey glidlein. Als ob du sprechen wolltest. Sihest du da hab ich die drey person wollen bezeichnen. bey dem erste glidlein den vater. bey dem andern den sun. bey dem dritte vnd oberen den heyligen geyst. wann yn dem erste glidlein stet. Ich glaub yn got vater allmechtige &c. In dem andern od mitteln glidlein stet. vnd yn ihesum christum seyn eynigen oder eyngelbornē sun. vnseren herren. In dem oberen glidlein stet. Ich glawb yn den heyligē geyst. da bey willich beleibe. mir vall ein was da wöll. wollt dir ettwas zweyfels. vñ iener werlt. vnd von dem künfftigen leben ein vallen. Das vil menschen zu vnsern zeitrē

an richt. Das dir der böß veind einsprechen. Ey es ist nichts nach dyse lebē wenn der mensch tod ist. so ist er auch tod. vnd wirt nymmermer wid lebēdig. wann es ist kein leben. nach dysem leben. so deut auf das oberst glidlein des kleynten fingerleytens da da stet. vntendē des flaysches. vnd das ewig leben. als ob du sprechen wolltest. Sihest du das glawb ich. Blas mir ein was du wilt. das. das ich da hyt gesetzt hab. das glawb ich. vñd will es glawben. vnd dar von nit weichen. Also hyt von eym yglichen artickelein yn dem du angefochten wirdst. Wollt er dich denn verwerren mit etlichen sachen yn dem glawgen. als er thun möcht vnd thet es als wenn es ym gott verhengete. wa er den menschen nit möcht zweyfel machen. so verwyrrt er yn doch gern. als es auch vnd allermeyst den gelerten möcht beschehen. das sie yn etliche questionē. oder fragen vnd wenen. als verworren würden daz sie nit wisten. welches sy für das ander als das gewyßer sollten halten. so nōchtest du auff das oberst glidleyt des mittelen lengsten fingers deuten. da stet diser artickelein. die heiligen cristenlichen kirchen. Als ob du sprechen wolltest. dz ist mein muter. woz die glaubt vnd heysset glawben. dar bey willich beleiben. Item mein ratt ist. wie man die artickelein also yn die finger setzt. also soll man auch die zwelffpotten dar zu setze. eyn yglichen zu seinem artickelein. vnd das dyenet vntter anderen sachen. auch darzu. das du möchtest wider die verworrenheit gedencken. vnd dich also weren. wider die verwickelung. Da stend sie nach meinem fürnemē vnd bildung. da stend sie die auß d leer cristi. vñ einsprechung des heilige geistes. den glawbē gestift habē

artikeln des. glaubens

12

roy sie es alles verstandē vñ gemeynt haben vnd der heylig geyst in ynen. vñ yren nach kummenn. also soll es mir auch gemaynt sein. vnd nit anders. Item es ist auch zuwissen das der böß veind darvmb nit ablasset. dz mā im in einē obliegt sunder weñ mā sich sein in eym auffhelt vñ etweret. so kumpt er mit einem andern het. Doch mag mā ym durch den glawbē auch in andern dingen widersten. als wenn er dich vñ der zweyfelūg wollt anfechtē. als ob dir got der herr nit möcht oder wolte die sünd verzeihen. od möcht oder wolte dich nit zu gnadē nemen vnd selig machen. vñ der gleichē. so deüt der macht halben auff dz erst od vnterst gliedlein des zeigers. dz ist des ersten vingers nach dem daumen. da der erst artikel stet. als ob du spreche woltest. Sihst du. da stet. vater allmechtigē. Ich glaub yn got vater allmechtigē. Ist er allmechtig. so vermag er alle ding. darumb mag er mich auch selig machē. vñ ist er eyn vater. so will er es auch. vñ ob er hie vatter geneit wirdt gegen seinem eingebornē sun onserm herren ihesu cristo. So hat d selb. Darvñ mēsch. vñ eyne menschē sun wölle werdē. dz er vns alle seie vaters sūn. vñ sein selbs prind machte. vñ merck dz in einem yglichen articke. etwas sunderer aygeschafft begriffen ist. durch dy du ein sunderen trost vñ freud oder sach vñ gegenwurf der hoffnung yn dem herren magst vinden.

Wie ein yglicher articke eyn sunder lieplich eygenschafft in im beschleüßet

Der erst articke setzt die allerhöchste maiestat yn cristo. so gesprochē wirt. Ich glawb yn gott. wann das selb wort soll mā zu einer ygliche person ver

sten. die hernach volget. wie mā es verstet zu dem nameyn des vaters. der on mittel darnach volget. so mā spricht. vater allmechtigen. also soll mā es auch versten. zu dem namen des suns. so mā spricht. vñ in ihesum cristū seyn eyngen sun. dz als vil gemeynt wirdt. vñ ich glaub i gott ihesum cristū. des gleyche soll man es versten zu der person des heilige geystes. Als ich glaub in gott den heyligen geyst. Dan als wir lesen in dē glawben. Sancti Athanasij. Der vater ist gott. d sun ist gott. der heylig geyst ist gott. vnd sind doch nit drey gött. sund es ist ei got durch solch verstēnus wirdt d irrsal. vñ die ketzerey d teüfelischē Arrianer. Eūnomianer. vñ macedonianer auß geschlossen. vñ durch daz. daz mā den namē d gotheit (got) auch zu der person des suns verstet. als gemeldt ist wordē. So wirdt die göttlich maiestat in cristo gesetzt vñ erkennt. die alle geschēpfte verstēnus vbergeet. Der ander articke beschleüßet in ym den höchsten adel. Der dritt. die allerleütesten reynigkeit. Der vierd die ynprünstigsten wüdischheyt. oder miltigkeit. als man die miltigkeyt nympt für guttwilligkeit vnd süßigkeit des hertzen. Der fünfft articke beschleüßet yn ym die allertreffesten demütigkeit. Der sechst. die wunderberlichste macht. Der sybend die allerhöchsten würdigkeit. Der acht. den allerhöchsten gewalt. Der neünd. die allergroßten heyligkeit. Der zehend. die allerbreitste miltigkeit. Der aylfft. die allerermütigsten gütigkeit. Der zwölfft. die allervollkommeneste guttheit.

Eyn kurtze anzeygung der gemelten aygenschaften.

Von den zwelff

Wann was möcht maysterlichers
 sei. den got sein. daz in dem ersten
 articke. Als gemeldt ist worden. be-
 griffen ist. Wz möcht adelichers od ede-
 lers sein. den gottes sun sein. dz in de an-
 dern articke begriffen ist. Was möcht
 reyners sein. den vō dem heyligē geist en-
 pfangē. vñ vō eier ewigē bleybendē iuck
 frane gebozn werde. dz d dritt articke
 ynnhelt. Was möcht milters vñ gnade
 reichers gedacht werde. den dz mit allci
 d herz für de knecht. ia d best herz für de
 böste schalkhaftigste vñ getreueste kne-
 cht. sund auch got endloher mayestat für
 den armē vñ dackbern schndōde mensche
 gepeiniget. gemartert. vñ des allerbitter-
 ste schetlichste todes sterben. ya getödt
 solt werde. dz d vierd articke ynnhelt.
 vñ wem solt dz mit ein trost vñ ein zuuer-
 sicht machē der es bedēckt. Was möcht
 auch demütigers bedacht werde. den dz
 gott d herz mit sein dyener dye engel ge-
 schickt hatt. den gefangnē auß zelōhen.
 sund er hat selbs persōnliche wellen kün-
 men. vñ nach im in dz loch steygē. vñ yn
 bey d hand nemē. vñ auß d gefencknis
 des kerkers fürē. dz in dem fünfte arti-
 kel gemaynt wirdt. Was möcht mehti-
 gers erzeugt werde. den dz ein toter men-
 sch vō im selbs. vñ auß aigner krafft ein
 söliche trüpf vñ sig. vō dem erschrockē-
 liche gewalt. d greulichen. mechtige. vñ
 zeliche. vñ überwindliche. hellische herē.
 vñ yres fürste. C gegē dem die menschl-
 che selē yrer aygne krafft halben. blöder
 sind. den ein schwaches meülein gegen
 eym starckē grimigē lebē. vñ d macht
 d hellen vñ des todes erhole. vñ ein yner-
 legener vberwinder aller diser erschrock-
 enliche dingē erstāde od aufferstee. dz d
 sechst articke ynnhelt. Was möcht wir-

digers sein. den zu d rechtē hand gottes
 sitzē. als ym gleich hob. als d sybend ar-
 ticke ynnhelt. Wz möcht gewaltigers
 sein. den gewalt zehabē. alle die. dy in d
 hell sind. alle die. dy in den hymeln sind.
 alle die. die ye auff erdē kummē sind. ch
 seyen fürste od herrē. es seyen kōnig od
 keyser. es seyen wertlich od geystlich. es
 seyen engel od mensche. es seyen lebēdig
 od tote. zu recht fertige vñ zerrteyle. als
 in dem achte articke verstanden wirdt.
 Was möcht heiligers verständen werde.
 den den in im habē. vñ auß im selbs flos-
 sen. d der endloß wag ist aller heyligkeit
 vñ die wesenlich vñ messenlich. vñ wāder
 berlich ewig heiligkeit. dz i dem neunde
 articke beschlossen ist. Was möcht mil-
 bigers sein. den ei söliche heilige gab
 d heiligkeit. als ch gemeldt ist wordē. al-
 ler werlt wöllen gebē. vñ allen denen dy
 sy nemē wöllen. als d zehend articke ynn-
 helt. Was mag senffters vñ gütters
 geachtet werde. den de vñ dackbern kne-
 cht. sein missetat. als oft er sy befeht. vñ
 ym laid ist. verzeyhē. als d aylst articke
 ynnhelt. Was mag bessers od volckmes-
 ners mēschliche geschlecht bewyse wor-
 dē. den dz es in leyb. vñ yn sel gentzliche
 selig werd. dz d zwelft articke ynnhelt.
 So de nun also ist. dz wir glaubē. vñ
 sollen glaubē. dz die grost miltigkeit yn
 vnserm herren sey. beyd des miltsüssen
 hertze halb. als der vierd articke bezeu-
 get. vñ auch der gaben oder gebigkeyt
 halben. als der zehēd erzaygt. vñ dar zu
 die grōst guttigkeit zuuerzeyhē die sünd.
 als der aylst articke beweyset. Warum
 soll ymants dem verzagē. yn seinem let-
 sten end. vñ dem bösen. vñ dem. der in auf
 die verzweyfelung verlayten will. nach
 hengen.

artickeln des glaubens

Das wir durch den glauben sollē ge-
wappnet werden.

Der so der böß veind nit nach las-
set. sund er kretet allen seinē fleyß.
vnd alles sein vermügen an. Besunder in
der letste zeit. Da es gilt. Das er den
menschen vellen müg. So denn sant Pe-
ter yn dem fünften capitel seiner ersten
epistel spricht. daz man ym starck in dem
glaubē widerste soll. das spricht er nach
dem als er gesprochen het. Euer wider-
sach der teüfel geet vmb als ein rühlen-
der leb. vñ sücht wen er fressen oder ver-
schlickē müg. So müssen wir vns durch
den glauben stercken vnd wappnen. Vñ
yn dem vierden capitel spricht er. So cri-
stus yn dem flaysch gelittē hat. so sölt yr
mit dem selbē gedancē gewappnet wer-
den. Sihtu dz der mensch durch die ge-
dechtnus des leidens christi gewappnet
wirdt. Sant Pauls spricht auch yn dem
sechsten capitel zu denē von Epheso. yn
allen streyten sölt yr den schilt des glau-
bēs nemen. Durch den yr alle feürige ge-
schöß des allerschaltbafftigistē erlesch-
en mügen. Vnd das spricht er auch
nach dem als er vor gesprochen hat. wir
haben nit zu vechten wider das plutt vñ
das flaysch. sunder wider die fürsten vñ
die gewelt. wider die regierer d̄ werlt dy-
ser vinsternus. wider die geystlichen. der
schaltbafftigkeit yn den hymelischē. vñ
darüb so nembt zu euch die wappenug
gottes. dz yr widerste müget an dē bößē
tag. vñ yn allen streyten volkumē bestē.

Wie nott es vns ist das wir wol be-
wart werden wider den bösen veind.

In dyßen Worten warnet vns der
getrew vnt̄ vnd streng harobtmā
der gantzē cristenlichē ritterschafft sant
Paulus vñ gibt vns gnug zu verstē. wie

sörglich vnser streyt ist wider ein solchē
veynd. ya wider solch veind. wann ir sind
vil. Wir werden allein da ligen. so kün-
men sie mit grossen hauffen. als es off-
geoffenbaret ist worden. Wir sind plut-
vñ flaysch. vñ des selben halb. blöð. sch-
wach vnd zart. vnd yn den letzten zeiten
am aller kreinckstem. so sind sie behend
starck. vñ vnbegreyfflich geyst. Wir sind
leyblich vñ sichtber. vñ mügen leichtlich
getroffen vñ verferet werden. so sind sie
geystlich vnd vsichtber. in prer aygenen
natur. darumb mügen wir sie nit treffen
noch begreyffen noch verwunden. Sie
synd hymelisch. so sind wir yrdisch. Syc
sind vol aller list. vñ klugheit. zu verfürē
vñ zu betriegē. So sind wir gegē ynē zu
rechnē. C wie listig wir auch sunst gegen
den mensche zurechnē sind. C kind. narrē
vñ vneruare. Sie sind fürste vnd gewelt-
tig. so sind wir knecht d̄ sündē. vnd vnser
aygē flaysch dz so schwach ist vberwinde
vns dennoch vñ herschet vber vns. mü-
gen wir vnserē aygenē knecht. C d̄ so sch-
wach ist. dz in ein scorpionlei mit eym an-
rürē seins schwentzleins tödet. C nit vor
od widste. wey sollen wir den hymelisch-
en gemeltē widsten. Sihtu nun wie eyne
ungleicher zeüg wideinander gestellt vnd
wie sörglich vns dyser streit ist. durch dē
wir ye müssen. vñ so vnser veind so grau-
sam. vñ so vngheür sind. das yr einer al-
lein mit seinem ansehē die gätzen werlt
C weñ sie versamelt wer. C möcht ersch-
recken. krenckē. vñ C weñ es ym gott der
herz verhengete. C töte. vñ wir sind also
forcht sam. sund i d̄ vinsternus. dz vns ei
meißleyn erschreckē möcht. wie wöllen
wir den besten. Der frager. Du ma-
hst mir dennoch ei graue dz ich schyr li-
ber höre wollt. wy mā i widsten möche

Das wir durch den glauben

Den wie erschrockenlich sy sind. es möchte
eyn bezagt machen. wenn er es bedencke
Dar zu scheint es wol wunderens wür-
dig. Das vns gott der herr solchē starck-
en vnd grausamen veinden dar stellt. so
wir so plöd vnd vngleich sind. Der ant-
wortter. Wa der sig an dem mut. an
der künheit vnnnd menschlicher dürstig-
keit stet. Das ist mit an vnserm willē.
Da dyent es nit zu künheit oder grohmü-
tigkeit. Das man vil von der stercke vnd
macht der veind sagt. wann es benympt
auch den starcke den mut. als wir i Co-
mentarijs Julij lesenn. Das des Keyfers
Julij heer. da sie hörten von den teitsch-
en sagen. wie starck. wie groh. wie strey-
ber. wie kün. vnd vnerlegen sie were. da
empfyel ynen das hertz daz sie sich abzy-
hen. verstelen. vnd flüchtig wolten wer-
den. ee das sie yr ansichtig wurden. Da
muß der Keyser sie vernichten vñ vnacht-
sam fürhalten. sölt anders sein heer vñ
ritterschafft wider ein hertz gewynnen.
Wa aber der sig an dem fleyh vnd ernst
des gutten willens vnd an der sundern
gnad gottes ligt. vnd da man durch die
vnwissenheit der eigenschaft der feind.
mag verseümlich vnvorsehen. vnnnd also
für kummen geuellt vnd zu ewigē scha-
den vberwunden werden. da ist es nütz.
Callermayst so man muh streitten. vnd
gilt die ewigen seligkeit. oder die ewi-
gen verdampnus. In solicher gezwung-
ener not ist es not vnnnd nutz. Das man
die macht vnnnd listigkeit der veynd für-
hallt. Das man durch forcht der schand
vnd des schadens des vntterligens. vnd
durch die begird der er. der kron des rei-
chs. der sicherheit vnd der ewigen selig-
keit. die man darch dz obligen gewindt.
Den faulen tregen willen oder mut auff-

treyb. Das er seh vnd merck yn was ver-
ferlichkeit er sey. vnd beraytt. wappē. ver-
seh. vnd bewar sich. Das er nit vngewap-
pet vnd vnvorsehen. vberfallen werd.
Darumb so wolt ich sage auff diß mal.
wie der mensch sein hend harneschē. od
wappnen solt. Das er möchte mit dē hey-
ligen dauid. von gott dem hereen sprech-
en. Gebenedeyt sey gott mein herr. der
mein hend leret zum schlagen. vnd mein
vinger zum streit. Dife wort sprach da-
uid Cals man hellt. Da er wider den ri-
sen goliath solt streitten. Des gleyche so
wir wid den hellischē rysen streytē söllē.
vñ müssen od müße dē böse veindē ewig
glich zu teyl. vnd vntterworffen werde.
so ist es not das gott der herr auch vn-
ser hend vnd vinger lere zu streitten. wir
der den. der allen menschen zu starck ist.
es sey denn das sie von gott gewapper.
gestreckt. gelaytet. auffenthaltē. vnd an-
siger oder obliker werden. vnd was sind
die waffen. die wappen. vnd vnser syg.
Hör was die hertzogē oder heerlayter.
vnd haubtmänner diß streites sprechen.
Sant Peter spricht. Widerstet dem tei-
fel ewem wider sachē starck yn dē glau-
ben. Sant Pauls spricht. In allen streit-
ten nempt den schilt des glawbens. vnd
das schwert des geystes das das wort
gottes ist. Vnd yn dem fünffte capitel
der ersten episteln zu den von thessaloni-
ca. spricht er aber. Wir synnd angethan
mit dem bantz der glawbens. Vnd in
dem aylften capitel. zu den hebreyschen
spricht er. Die zeyt zerrünn mir sölt ich
sagen. von Gedeon. von Barach. vñ Sa-
lon. von Jepte. von Dauid. vñ Samuel.
von den propheten. die durch den glaw-
bē. die königreich vberwunden. die meü-
ler der lewen verstopft haben. die vnge-

gewappnet vnd geziert werden

stümigkēyt des feüres verleschet. vñ ha-
 bē hynder sich getrieben die schneidē des
 schwertes. vñ gekeret die heer der frem-
 den. sie sind in dem streyt starck worden.
 Sant Johannis spricht yn dem fünffte
 capitel seiner erste epistel. Alles daz. daz
 auß got geborn ist. dz vberwid die werlt.
 vnd dz ist die oberwindung. die dy werlt
 vberwidt. vnser glaub. Vñ wer ist der. d
 die werlt vberwidt. den d. der da glaubt
 das ihesus gottes sun ist. Sißst du was
 er schreibet. wer ist der. der die werlt vber-
 windt. den der. d glaubt. das ihesus got-
 tes sun ist. vnd was vergißst du anders.
 den dz selb. wen du sprichst. vñ in ihesum
 cristū seinē C dz ist gotes des vaters den
 du vor genennet hast. da du gesprochen
 hast. Ich glaub in gott vater allmechti-
 gen vñ aynigen sun. Setztu nun den selb
 ben artickel in den vinger. vñ glawbst yn
 in dem hertzen vnd vergißst yn mit dem
 mund. vnd der glaub des selbē artickels
 vberwindt. so bist du ye bewart. wid den
 veind des glaubens. Gedencst du aber
 das er sprech. es sey die oberwindung. die
 dy werlt vberwindt. vnd nit den bösem
 veind. So merck das er vor gesprochen
 hat. yn dem andern capitel. Ich schreib
 euch ir iüngling. wann ir habt den bösen
 vberwinden. Vñ dz mā merckte war mit
 od war durch. so spricht er darnach. Ich
 schreib euch. o yr iungem. wann yr seyt
 starck. vñ dz wort gottes beleybt in euch
 vnd ir habt den bösen. od bößfeirigen
 vberwinden. Merckst du nun das er die
 oberwindung zuschreibet den. die da glau-
 ben yn dz wort gottes. Also spricht sant
 Paulus zu den römern yn dem zehende
 capitel. Der glaub ist auß dem hören od
 gehörd. Aber das gehörd ist durch das
 wort cristi. Darum was kraft in d wörck

ung vnser heiles dem wort gottes zuge-
 schriben wirdt. das wirdt yn zu geschri-
 ben. des glaubes halb. Sünst ist dz wort
 gottes den hözern oder lesern mer sched-
 lich denn nütz. es sey den das sy es glaw-
 ben. Dann vnser herr sprach Johannis
 an dem fünftzenden capitel. Wer ich
 nit kumme vñ hett mit yne geredt. so he-
 ten sie kein sünd. Darum kurtzliche zere-
 de. das. das sant iohāns spricht. Ir seyt
 starck. vñ daz wort gottes beleybt i euch
 vñ ir habt den bösen vberwinden. das ist
 gleich als vil gesprochen. als ob er spre-
 che. Ir sind darum starck vñ vberwindt
 den bösen veint. wann ir glaubet den wor-
 ten gottes. dz ist. ir glaubet dz vestiglich
 en. das ir habt hören predigē vñ christo.
 Also wirdt beschloffen. auß den Worten
 der heilige zwelfspottē. dz vnser stercke.
 vnser bewarung. vnser weer. vnser sig ligt
 an dem glawbē. Ist der selb starck in vns
 so sind wir starck wider den bösen veind
 Ist er blöd. so sind wir blöd. verlyerem
 wir den glawbē. da gott vor sey. so haben
 wir vnser weer verloren. Ist der glaub i
 vns vnüberwindlich. so sten wir wol alle
 vnsern veindē vor. die vns nit schedigen
 noch rberkumen mügen. es sey den dz sy
 vns den glawbē benemen od schwächē.
 Darumb wer wider den bösen veind be-
 steen vñ den sig gewinnen will. der halt
 vast vñ laß den glawbē nit. Spricht der
 böß veind. ha ha du bist mei. so sprich od
 gedenc in deinem hertze. Vñ layn teüfel
 ich byn nit dein. sünd ich bin meines her-
 ren. Wer ist dein herr. Mein herr ist ihe-
 sus cristus gottes sun. vñ dem wir yn dē
 andern artickel des glaubes sprechē. vñ
 in ihesum cristū sein eingebornen sun vn-
 sern herrē. Sißst du was da stett. vnsern
 herrē. Spricht er. Vñ layn naye. er ist nit

Sein herr. Dan du hast in nit für ei herrē
wölle haltē. noch i dyenē. noch sei gebot
volbügē. Aber mir hast du tag vñ nacht
gedyenet. meinē willen volspracht. Was
ich dir ein gegebenē hab. dz hast du gethā
Darumb must du sein mein vnterthan.
Sprich. dz ich meinē getreue herrē hab
gelassen. vñ byn deinem verfertē willen
nach geflossē. dz mus mich reue dy weil
ich leb. Ich bitt mein erlöser daz er mir
er vergeb. Der böß veind. Vlayn
nayn. Es mag dir nit vergeben werden.
Seiner sünd sind vil zu vil auff dyser er-
dē. Der glaubig mēsch Ich glaub
i vnsern herrē ihesum crist. dz als vil. als
ein gesalbter heylant ist. Eyn sünd ist so
groß od schwer. seiner genaden ist noch
mer. Darum so glaub ich applas d sünd.
dz soll dir sei ei gewyße vñ d. da magst
du auff dz oberst glidlei des fingers ne
bē dem kleine vingerlei deute. od magst
es in dem syñ habē. Der böß veind
Vlayn nayn. du müstest auch. dz dei dar
zu habē gethā. du müstest sy gebeychtet
vñ gebessert han. Der glaubig mē-
sch. dz sagst du yetz du bößer wichte
Aber vor verhylltest du mir diß gericht
Ja du hast mir es offit widerattē. nun be-
gerst du mich. durch dz zu verraten. Ich
merck dein grosse vntreu auch in gutter
gestalt. Darum ich mich nun zu den ge-
treue halt. d auch i dem bößen warliche
gutt ist. Als sein namen ynnhellt ihesus
crist. yn welchē ich bayd trost büß vñ ertz-
ney. verborge hōr wid alle betrygercy.

Wie allein i den zwaie namē. ia auch
allein in dem aynigē namē ihesu C Wer
yn verstünd d so vil bedeut vñ begriffē
ist. dz mā allē anfechtungen des bößen
veindes dar mit widersten möcht.
Du hast nun bey dem dz gesagt ist

Die maynig d Ding die noch zu sage wer-
re od möchtē gesagt werde. Darumb bes-
schleuß ichs mit dem. dz mā sich mit den
artickeln des glaubes. wid all anfechtung
des bößen veindes weere mag. mit allein
die den glaubē antreffen. sünd auch and
tugēt. mit allein die görtliche tugēd. sun-
der auch die sytliche od angel tugēd. als
weñ er dich mit d hōhfart afechte wolt.
als ob du dich nit bed d ziffest fürchten
vor dem gericht gotes. du hetest diß vñ
yensch vñ so vil gutes gethā. dz du vñ dei
er gutte werck wille. vñ deiner heiligkeit
wegen. die ewigē seligkeit vberigs wol
verdoyent hetest. so soltest du ein zusucht
habē zu dem vierdē vñ zehēdē artickel.
vñ gedēckē Vlayn. Ich hab layd nit ge-
thā. dz ich sollt gethā. noch gemittē. das
ich sollt gemittē habē. Ich sollt zu tau-
sent malen gott lieber gehabt habē den
ich gehabt hab. vñ d gleichē. aber da vñ
dz ist mein hoffnig. vñ deute auf den
artickel vñ dē leide cristi. als ob du spre-
chē wölstest. Vlayn. Mitt meinē kleinen
wenigē. zeitliche vñ geprechliche werck
en. wer es vnmöglich. dz ich die ewigen
vollkūmenē seligkeit verdienet het. Aber
dyser ist d. der sie vns verdienet hat. Di-
ser sprich ich. d für vns gelitte hat vnter
poncio pilato. d für vns gecreutziget ist
wordē. d für vns gestorbe ist. d ist der. in
des leide vñ verdienst ich hoffe. des ge-
nad vñ miltigkeit ich anruff. Durch das
verdoyenē aller heilige. vñ d gantzē heyl-
gē cristeheit zc. Sißst du nun wie dise ar-
tikel auch helffe wid andere anfechtung
dy nit schlecht wid den glaubē scheinen
sind. vñ wz soll ich sage. vñ den artickeln
allen. so allein. der nam ihesus C wer sein
plumē od Etimologey vñ tolmetzung
all wyßet d genug möcht sein wider all

gewappnet vnd geziert werden

anfechtung des veindes besunder in der
 letzte zeit nympt mā den den namē chri
 stus dar zu. besund des namēs halb d im
 antwortet in d hebreyschē sprach. Das
 ist Meschia. so wāy ich mit wy mā es
 genug beschreibē od sage möcht w3 sch
 atzes in dysen namē begriffen ist. dz es
 dich aber zu verwündern od verwünderung
 würdig dünckt. dz gott d herr den blöde
 mensche wider ein solchē starckē veind.
 C als d böß geist ist d gestellt vñ georde
 net hat. solt du bedenckē. dz gott d herr
 dz selb gar vō milder sache wegē gethan
 hat. Die fürdlichst sache ist vñ vñg. vñ
 erzaygung willen seiner macht. seier weis
 heit. seiner gerechtigkeit. seiner guttheit
 vñ and seiner maiestetliche aygenschaftē
 vñ vollkumēheittē. Die and sache vñ des
 mensche vñg. vñ seines nutzes. seiner
 eren. seiner krönung. vñ be lonung willē. vñ
 allermeist dz d mensch dar durch gedrung
 en vñ gezwungen würde. eyn zuflucht zu
 gott zchabē. on des hilff vñ genad er dē
 veind nit widerstē mag. Die drit sache dz
 d böß veind dar durch geschendē vñ ge
 quelet werd. wān in betrübt od peiniget
 dz hellisch feur nit also seer. als das. daz
 er vō den mensche die er verachtet. vñ
 für nichts C gegen seiner macht zu rech
 nē d hellt vberwunden wirt. vñ laß dich
 dz wund nit fressen. wān got d herr hat
 den menschen. so vil vnnd so leichte ver
 gebē. mit denē er sich des bößē veindes
 erwerē. vñ in auch vberwinde. vñ geschē
 den mag. dz es wol ein wund ist. daz ein
 solicher mechtiger ger veind. durch soliche
 ding vertriben. gefrenckt. vñ geschendē
 wirt. Aber das selb beweyset die hohen
 macht vñ maiestat cristi. Bedenckē des
 geschichtes dz sant Gregorius schreibt
 in dem sibende capitel des dritte buchs

Dyalogorū. wie ei gätz heer d bößē geist
 veriaht vñ vertribē ward. auch vō d stat
 da sie sund recht herē. die ynen geweyht
 vñ zu geaygenet was vō alter her. dz ist
 vō dem tēpel appollinis des apgottee.
 vñ daz vñ des willē. dz sich ein iud d da
 benachtet was wordē C als er vō Cāpa
 nia gen rom wollt. d da hyn gelegt her.
 vñ vō forcht wegē. mit dem zeichē des
 creützes bezaichnet vñ gesegnet her. so
 er dennoch den glaube des creützes nit
 het. Bedeck die vñstēde diser geschicht
 So magst du die macht christi priefen.
 Der bösen geist was vil. so was der iud
 allein. Die teufel warē an yrer stat. der
 iud was an einer fremde stat. dyē bösen
 geist warē mutig. vñ freütē vñ rünten
 sich vō den vbeln die sy gestift. vñ zu we
 gē gepraht herē. d iud zittert vñ forcht
 sich. d stat halb. d nacht halb. d vñgehē
 re halb. es was auff dē veld außerthalb
 menschlicher wonung in d wüste. an d stat
 die dem teufel gewidemet was. vñ dz dz
 grausamst was. dz heer d bößē geist be
 wyß sich gegewertig. mainst du nit das
 ym alles sein har gen perg gestāden sey.
 sein haut geschauert vñ sein pein gepide
 met haben. als den die art menschlicher
 blödigkeit ist. vñ ein solcher hat dz gätz
 hellisch heer erschreckt. zerstört. vñ ver
 tribē mit yre fürstē. dan er hat dz zeichē
 des creützes für sich gemacht. als er sich
 dahin gelegt her. vō forcht vñ angst we
 gē. dy i dar zu tribē. so er doch des glau
 bens an den creützigē nit het. vñ w3 ist
 daz creütz ist es nit d galg. an dē cristus
 gehēckt wordē vñ an dē er gestorben ist.
 vñ war auß oder war vō stirbt d mensch
 stirbt er nit auß plödigkeit von frāncē
 heit wegen. Sāt pauls spricht yn dē let
 ste capitel der andē epistole zu denen vō
 Wj

Chorintho vō cristo. Ob er auß Franck
heyt gecreutziget ist worden. so lebt er
doch auß d̄ krafft gottes. Als ob er spre
chē wolt. Als dz auß menschlicher blō
digkeit ist gewesen dz er an dem creutz
gestorben ist. also ist das auß göttlicher
krafft dz er nach dem tod widm̄ zu dē
lebē. vñ auch zu dem ewigē lebē crstādē
ist. Also ist dz creutz ein zeichē d̄ blōdig
keit cristi. vñ dz zeichē des creutzes das
wir machē. ist ei zeychē des zeichēs. Ist
nun dz zeychē des zeychēs d̄ blōdigkeit
d̄ menscheit cristi so starck. wiß die starck
en. vñ allersterckstē geyst. wie starck mag
d̄ ein die wesentliche krafft seiner gotheit
sein. Ist diß zeichen so krefftig gewesen
da es nit gewesen ist. wie krefftig ist es
den̄ wa es ist. Der frager. wie mainst
du dz. dz du sprichst. da es nit gewese ist
wa hat es gewürckt. da es nit gewese ist
Der antworter. Willst du die gesch
icht d̄ ich gedacht hab recht ansehen. so
vindst du dz dz zeichē des creutzes dz d̄
iud für sich gemacht het. mer nit woz. den̄
es woz wie wol es würcket. dan̄ als es sch
eint auß d̄ ordenig d̄ beschreibug sancti
gregory. d̄ iud macht kei creutz da die bō
sen geist iren rat hetē. sund er het es an
dē abēt C als er sich da hyn gelegt het
gemacht. vñ als sein art ist als bald es
gemacht ist. so ist es nit mer. ia weñ mā
es auch macht so ist es nit. dan̄ sein teyl
sind nym̄ mit eināder. sund weñ mā ei
teyl macht so ist der and̄ mit mer. vñ sein
wesen ist in dem werdē. vñ sein worden
ist in dem vergāgen. vñ dz vergāgen ist.
dz ist nit. vñ nit allein sind sein fürdliche
teyl mit mit einād. sund auch d̄ teil teyl.
vñ sei teyl. sind nit seier gestalt od̄ form.
Der frager. Du sagst mir etwas
news dz ich vor nye gehört hab. so ist es

mir auch nye ein geuallē. vñ ym ist doch
also. wer ym nach gedencen will. Aber
nach d̄ weyß verschruidt dz wesen dises
creutzes dz nichts darauf wirdt. Der
antworter. Du sollt wissen dz ich im
auch nye also genaw nach gedacht hab.
sund on generd ist es mir yetz so wir on
dz dar vō redē eingeuallē. Aber daruñ
hab ich es wölle melden. dz mā dar bey
die grossen wūndberliche macht gottes
lern erkennē. dan̄ so vntter gott nichts
wesentlichen. vnzerstörlichen. bleyblich
ers. würcklichen. vñ kreffigers ist denn
dy verstetlich natur. welcher natur die bō
sen geyst auch sind. so hat doch gott der
herr zu beweyfung seiner macht. dem dz
gleich als nichts vō dem wese hat. solch
kraft wiß sie gegeben dz sie dar vor mit be
sten noch beleyben mügen. vñ dz ist den
nocht mit also gar zu verwūdern yn den
glawbigen da es ein grundt vō ynen hat
da dyß zeichen auch ein zeichen des ym
nern glawbens ist. aber dz es also kref
tig ist auch in denen. yn welchenn solcher
grundt nit ist. dz ist ye ein wūnd. wann nit
allein ist das beschehen in dysem iuden.
sunder mir hat ein ander auch des selbē
geschlechtes für ei gewyße warheyt ge
sagt. daz i des selbē gleichē widuare sey
in dem speckshart dē wald durch den ich
auch mer den̄ ein mol gegāge byn. da er
daryñ benachtet woz. vñ vor forchtē auf
einen baum in ein zwiselt behallt ich es
recht d̄ gestigen. vñ hett die psalmen od̄
gepett gesprochen die dy iuden pflegen
wiß die forcht zu sprechen. vñ daucht in
also es wolt ym der grawen nit vergen.
da macht er auch dz zeichen des heilige
creutzes für sich. vñ empfand auch der
kraft des selben. vñ sah vñ hōret solliche
ding. die ym auß seiner gedechtnus mit

gemappnet vnd geziert werden

künne. Als ich gedēck. Die weyl er lebt
Es woz im auch gar schwerlichē außgāg
en. Aber es hat ym darzu gedienet. Das
er zu dem heyligē cristenlichē glauβē kün
men ist. als auch yener iud von dem sant
Gregorius schreybt. Der frager.

Nun merck ich war vñ du obē gesprochen
en hast. Daz got d hertz disen streyt zwisch
en den mensche. vñ den bösen veindē ge
ordenet hat. Daz er dar durch sein macht
erzeygt. Nun wer es auch lustlich zu hō
ren. wie sein weisheit. gerechtigkeit. vnd
gutheit dar in erscheint vñ bewisen wür
de. Der antwortter. Laß dich nur
zemol benūgē. vñ gedenck wie daz gnug
bewisen ist. Daz die macht gött es grōßli
chē daryn erzeigt wirdt. Also möcht mā
es von andn göttlichen vollkūmenheiten
auch zeygen. vñ so daz bewisen ist. Daz vn
ser weer. vnser vberwinden. vnser ere. vn
ser heyl. vnser sicherheit vor den veinden
vnser gezyerd vñ hoffnūg d seligkeit yn
dem glauβē stet. so laß vns wid vñ kere
auf die argument durch die d mensch in
den grūartickeln des heiligen glauβes
auch durch redlichkeit vnd vernūfftig
keit d sache gesterckt mag werde. Der
frager. Mich dunckt du habst noch
nichts. vñ d zierung des glauβes berürt

Der antwortter. vñ was ist zierlich
ers zu sehe vñ oder an einer person. Den
ein wol gerūsten reüter. in seinem kūr vñ
helm. vnd baynlingen. vñ andern gepolir
ten vñ glitzenden harnisch mit lantzen
vñ schwert oder ander weer. Maynst du

mit. es stee eyñ māñ also wol an. Daz er als
so auß gebutzt sey. als einer iunckfrawē.
Das sye mit gold vnd feinberlen od vñ
gerlein gezyret sey. Der frager. Du
sagst auch war. Darumb kere wider auff
die verlassenen materien vñ den engeln

Der antwortter. Dar zu. so ge
gedenck auch daz die zwelff artickel des
glaubens. bey den zwelff grūndē in dem
eynendzweintzigsten capitel des būchs
der göttlichen offenbarung bedeūt sind
die all edelgesteyn waren. Darumb wenn
du die selben artickel yn die glidlein der
finger setzt. so hast an einem yglichen
glidlein als ein fingerlein mit eym edelē
stein. Der erst artickel ist bey dem Ja
spis bedeūt. der ander bey dem Saphir.
Der dritt bey dem Calcedoniē. der vierd
bey dem Smaragd. vnd also nach einan
der. wie sie an dem selbenn ortz genennt
sind. vñ die eygenschafft der artickel. cō
cordiert also schön mit der art vnd tugēt
oder krafft der selben edeln stein. Daz es
mir oft ein lust gegeben hat. wenn ich
ym nach gedacht. od dar vñ geredt hab.
Das aber der glauβ bey den ringen od
vingerlein bedeūt sey. Das haben wir yn
dem heyligen propheten Osee. Das got
der herr spricht yn dem andern capitel.
Ich wird dich mir vermahlen durch den
glauβen. vnd sant Agnes sprach vntter
andern worten yn den sie guttette pres
pētīgams chusti erhub. Mit dem fin
gerlein seines glauβens hat er mich ver
treūt oder vermahelt.

Die linck hand



Die recht hand



Was wir durch den glauben

Derfrager.

Du hast uns gezeiget wie wir die
ein hand wappnen vnd zierenn
söllenn. vnd so man an der lincken hand
pfligt anzefahen zezelen vnd zerechnen
so mayn ich es sey die linck hand. Der
antwortter. Recht maynst du. Der
frager. Wa beleybt denn die recht
hand. Soll die selb vngewappnet bleibe
so man sich doch allermeyst mit der selb
ben pfligt zeweren. vnd sant Pauls spr
icht in dem sechste capitel der andn epi
stel zu den vñ Corintho durch die waf
fen der gerechtigkeit. zu der rechten vnd
zu der linckē. Der antworter. Du
wirst auß redlicher sache bewegt zu dy
ser frag. Nā pfligt die lincken hand ze
bewarten mit den wappen mit den man
sich beschirmet. als mit schiltten bucklern
oder tarschen. Aber die recht hand ver
sicht man mit den waffen. mit den man
richt. als mit lantzē. spyssē. schwertern.
vnd der gleichen. So aber sammt Pauls
uns manet nit allein zeuorsehen mit den
wappen der beschyrmung. so er spricht
das wir yn allen streitten den schilt des
glaubens. dz pantzer der gerechtigkeit.
vnd den helm des heyls sollen nemē. sun
der er gebeüt uns auch dy schwert des
geystes. vnd spricht das dz selb dz wort
gottes sey. Mit dem er zeuersteen gibt.
das wir vnsern feind mit den sprüchenn
der heyligenn geschriffte eruyder schla
hen sollen. als vnser keyser vnd vorsech
ter cristus thet. Da yn Lucifer anfacht.
wa er her kam mit seinen streichen so be
gegnet yn vnser herr vñ hertzog mit dy
sem schwert vnd sprach. Es ist also vnd
also geschriben. mit den selben wortenn

schlug er den feind eruyder. mit dz vnser
herr der selben weer beddōffte. sunder
er wollt uns ein ebenbild geben das wir
uns also weeren sollē. so ist es ein gutte
meynung das man beyd hend bewar vñ
auff beyden seytten versehē sey. Darin
soll man die rechten hand auch wappne
Wilt du sie darzu auch zierenn. so thu
nach cristenlicher weis als die heyden
nach heydnischer weys gethan habenn.

Derfrager. Wie haben die heide
gethan. Der antworter. Die hey
den haben ettwan edelgestein vntter ge
wyssen zeichen des hymels oder des ge
stirnes gegraben. vnd dar ein die plane
ten oder yr abgötter pild gegraben vñ
sie gesegnet vnd gleych als geweyht. vñ
also yn den hendenn an den vingern yn
den fingerleinn getragen. vnd habē sich
denn vnüberwindlich yn rechten vnd in
streytenn gesetzt. deshalbenn sie mutt
vnd kunheit zestreitten gehabt habenn.
vnd synd also offft obgelegē. Darumb
man solchen steynen zu geschribenn hat.
(Als man noch yn den geschryfftem
thutt) das sie den menschen sycher vn
überwindlich. angensem. erentreich. glük
selig vñnd reichmachenn. Aber das die
steyn nach dem yrrendenn won der men
schenn geglawbt synd worden zewürck
enn. das würckenn yetz die bedeutenn
ding der selbenn steyn yn der warheyt.
Darumb so ratt ich dir. das du die selb
enn steyn auch yn den syngerleynn des
glawbens an den hendenn der guttem
würckung tragst. Als sammt Paulus yn
dem fünfftem capitel zu den galathern
spricht. Das weder dye beschneydung
noch die vnbeschneydung hellff oder

gemappnet vnd geziert werden

nutz sey. fund der glaub. & durch die lie
be würckt dz ist dz fingerlein an d hand
zu einem zeichen des andechtigen glau
bens. yn dem du begerest zesterben. So
machst du die fürstenn des glawbens
nach der pildung gleich als in die edeln
stein an die glidlein deiner hand yn den
vingerlein der articel ordinyren. vñ wie
die zwelfspotten yn der lincken hand ge
setzt vñnd geordnet sind. Also setz yres
gleichenn yn den articeln gegenn yn.
Also setz sant pauls yn dem iaspis. gen
sant Peter yn das erst vntterst glidleyt
des zaygers. sant iohāns den tauffer.
gen sant iohannis ewangelisten in dz an
der glidlein des genannten fyngers yn
einem saphyr. Sant yoseph vnser frawē
gesponsen vnser herren nerer setz gegē
sant Jacob dem größern in einem calce
donien. Sant Lucas den ewangelisten
gen sant Andres in einem smaragdenn
Sant Nycodemum gen sant Philipps
in einem sardonien. sant Marcum gen
sant thoman yn einem sardio. sant Ste
phan der den hymel offen vnd christum
zu den rechtrē gottes des vaders sahe ge
gen sant Bartholomes. in einem Criso
lito. sant Thateus zwen enicklein gegē
sant Matheū in einem berillen. sāt Bar
nabam sant Pauls gesellen gegen sant
Jacob dem myndern yn einem topazio.
sant Symeon cleophe der nach sant Ja
cob ertzbischof zu iherusalem gewesen
ist. gen sant Symon von chana genennt
in einem Crisopras. Zacheum von dem
man an den Eyrweihen tagen. in dē ewā
gelio liser gegen sant Juda thathēū. yn
einem iacinct. sant Lazariū sant magda
lenen vnd marthe pruder oder sant Sy
meons C der vnsern herren yn der kint
heyt C als er yn den tempel geopfert

ward C yn sein arm nam C sin leucium
vnd carinū gegen sant Mathia yn einē
ametisten wirst du dyse kleinet also an
deiner rechten hand tragenn. so getraw
ich sie soll mit mynder gewappet vnd ge
ziert sein. denn die linck. also verr das du
darzu halttest das auch die heyden ge
setzt haben. das man die stein rayn vnd
yn keuscheyt müß tragen. sunst verlicren
sie ir krafft. Der frager. Söllem
denn die sündler vō solcher andacht auß
geschlossen sein. Der antworter
Wen die sünd in gemei solte außgesch
lossen werde. wer gedörsst sich den solch
er pildung vntterfahē od annemē so sant
iohāns d ewāgelist in dem erste capitel
seier erste episteln spricht. Spreche wir
dz wir nit sünd habē so versüre wir vns
selbs vñ die warheit ist mit i vns. verichē
wir aber vnser sünd. so ist got getrew dz
er vns vnser sünd verzeyhe. vnd reinig
vns vō aller vngerechtigkeit. Sprechen
wir dz wir nit gesündet habē. So mach
en wir in lügehaftig vñ sein wort ist nit
i vns. Siß sind sant iohāns wort. auß des
nē wir habē. dz sich niemāt soll gedürre
on sünd scherzē. Darum bey den vnreynē
mein ich allermeerst die grobē fleischli
chen sündler. Darum ich auch die frum
men eckert nit außschleuß.

Wilt du aber auch die iunckfrawen
Maria vnd vnsern herren nach der pil
dung yn den henden tragenn so setz sie
nach dem als sie in dem stand dises töt
lichen lebens sind gewesen yn den dau
men der linckenn hand. Aber nach dem
als sie yetz yn dem stand des ewigen le
bes vñ vollkümener seligkeit sind in den
daumē d rechtrē hand. vñ wiltu sie pildē
nach d weis die ich nach d gleichnus d

edelmstein vñ fingerlein entworffē hab.
so setz daz bild der iunckfrawen Marie
(nach der gedechtnus) an das vnt-
ter gliedlein des daumes yn der linckenn
hand yn einen Margaritē (Das ist ein
feinperlin. vñ rber sie christi yn einem
Rubeyn. Aber an der rechten hand setz
Mariam gleich als in einen sunnenstein
Das ist ein steyn der gibt glentz von ym
nach gleichnus der sunnen. vñ vntter sie
einen Seleniten. D gleichnus des mons
hat. vñ ob dem bild d iunckfrawē Ma-
rie dz bild cristi mit dem maiestat apfel
in einē liechtegebēde karfünckelstei. also
dz d stein d iunckfrawē marie weißschein-
end. vñ der stein cristi als feurrot schein-
end glentz nach der pildung geb. zu be-
deutung ir vntterscheydenen clarheit. so
hast du all finger gewapet. vñ gezieret
Vñ ich getraw werdest du dich also mit
dem lebendigen glawbē wappenē. dich
werd der böß veind sunder nach deinem
tod vbeler fürchten denn du yn. Vñ
ob du die krafft vñ art der obgenēten
stein nit weyst. vñnd solcher vnwissens-
heit halb. weyst auch nit was sie bedē-
ten. so wayß das aber der heylig geyst
der solch stein yn die geschriffte hat wöl-
len setzen. von dem selbē magst du auch
Begereu vñ bitten. dz er die bedēuten
ding. Das ist die krafft vñnd die tugend
die er durch die stein hat wölleu bedēu-
ten an dir geystlich beweyß. Als wie mā
dem Jaspis zuschreybt. Das er den frö-
rer vñ die wassersucht vertreyß. daz ge-
sicht clar den menschen der yn rain treget
krefftig vñ sicher. wider die veind. vñ
angenen den freunden mag. Das d heyl-
lig geyst also durch den starcken glawbē
all vnordenlich lieb vñ haf. alle geystig-
keit zeitlicher hab von dir treyß. vñ var

leich dir clare verstantnus der warē gōt-
lichen ding. mach dich krefftig wider dy
vntugend. sicher dich vor deinen feindē.
mach dich gott vñ den heyligen ange-
nem. vñ der gleichen. Item wie der
Saphir den menschen keusch vñ fest
wider schrecken. neid. arglistigkeit. betry-
gerey. gesund. wacker. leblich des leybs
halb. vñ demütig. senfftmutig. frid sam
des gemüts halb soll machenn. also be-
ger dz dyse ding sind sie leypplich. an dir
geistliche. vñ die geystlichen ding die
man den steynen zuschreybt. sind sie nit
warhaftiglich in den steinen. sunder sie
werdē in ynen geglaubt. Das sie warlich
yn dir vrspracht werden.

Itē man schreibet vñ dem Smarag-
den. Das er dem mensche krefftige wort
geb yn seinen sachen an dem rechten. vñ
meret ym das gut. vñ die hab. vñ dient
wider den vallenden spechtagen. als der
saphir wid das augen wee vñ den krebs
O weye eygentlich gehören dyse eygen-
schafft dem vierden artickel des glaw-
bens zu. der von dem leyden christi ist.
Welches leyden die wort des menschen
yn dem gebet. weñ er sein sache vor gott
handelt vñ im fürhallt. krefftig vñ an-
genem macht. auff welhe meynung die
fürderlychste meynung dyss gantzenn
büchs geet. als man hinden an dem end
mercken mag. Es meret die waren reich-
tūm. Das ist. die tugend. vñ tugentliche
werck. Durch die man das reich d hymel
ober kumpt. Es behütt den menschen.
vor schweren vellen der sünd.

Der sardius hyndert den Onicen dz
er nit schaden mag. also hatt die fart vn-
sers herren yn die vorhell vñ sein gegē-
wertigkeit die vinsternus. gefecknus vñ
trawrigkeit gewendet vñnd hyngelegt.

gemappnet vnd geziert werden

Also magst du Begeren ob du in das feur
feur kömest. das gott der herr dich auch
bald besehen. trösten vnd ledigenn wöll.
Item er vertreybt die forcht. vnd pringt
freund. Also hat die vristend vnser herr
die forchtsamen yunger gesamelt. ge-
sterckt vnd erfrewt. das begerst du ye
auch. das dich gott der herre yn deinem
end vor der forcht der verdäpnus sicher
vnd nach deinem tod mit sicher wartung
oder erlangung der seligkeit erfrew.

Der Crisolitus soll die bösen geyst
erschrecken. vnd gutt sein wider die na-
cht forcht. vnd was macht die mensch-
lich natur yren feynden den bösen geys-
ten so erschreckenlich. als das sie erken-
nen. das menschlich natur yn eynigkeit
der göttliche person des suns gottes ge-
nummen vber all engel zu der rechten
hand gottes des vaters erhöhet vñ ge-
setzt. gewalt hat der hymelischen heil-
schen vnd yrdischen. Der iacinct soll
den menschen der in fremde land zyhen
will. sicher machen. vnd heylsam schmak
hafftig verleyhenn. vnd was mag vns
C wenn wir von hymen yn die andern
werlt farenn solenn O sycher mach-
en. denn das wir hoffnenn das vnns die
sünd verzygen seyen. welche verzeyhung
bey dem iacinct bedeutet wirdt. vnd. das
selb macht vns auch die künfftig werlt.
wol geschmack. vnd diß leben aschmack
Aber wa wir yn den sündlichen begirdē
behangen sind. so begerenn wir nur hye
zeleibenn. vnd zeleben. vnd haben ein-
en grawē vor iener werlt. Es wer ein
gantz Büchlein dar von zesetzenn. was
lyeplicher begirlicher ding bey den stein
en bedeutet werden. vñ wie schön vnd
argentlich ir bedeytung mit den artis-
keln des glaubens concordier vnd eyn-

hellig sey. ich las es von kurtze wegem
an seen.

Die Bequemlich aber die artickel
den obgenenten heyligē zu geaig-
net werden. das möchten die dy yn den
geschrifften erfarn weren leicht merck-
en. dann es ist gemeyn. das man sant Lu-
cas die beschreybung des leydens cristi
zu aignet des halben er bey dem ochffen
bedeut ist. das ein tyer ist das mā pflag
zeopfern. bey welchem opfer das leyden
cristi bedeutet ist. Sant Marxen argnet
mā die vristende cristi zu. wie wol all ewā
gelisten die selben vristende. als auch das
leiden cristi gemeynlichen beschribē ha-
ben. Aber man liset sant Marxen ewan-
gelium an dem ostertag. vñ so er in seinē
em ewangelio spricht. Als ihesus früe
auff erstanden ist. an dem ersten tag der
wochen. da ist er zum ersten sant Marie
magdalene ershynnem. so wirdt er bey
dem lewen bedeutet. darumb das er die v-
ristend des herren in sunder weys beschri-
ben hat. yn der vnser herr ein lewen zuge-
gleicht wirdt. Samt Ilycodemus hat
ein sunder Büch geschriben von den wū-
dergrossen taten. die vnser herr yn der
hell geübt hat. darumb schreybt man yn
den selbenn artickel mit vnbillichem zu.
Aber so sant Symeons sun mit naimen
Leucius. vnd Karinus die selbē ding in
geschrifften zum erstē mal geoffenbart
habē. als die. die dar bey yn d hell gegē-
wertig waren gewesen. vñ nun wärlich
auchleyplich vñ dē totē erstandē warē.
vnd worden nach der beschreybung der
wunderwerck cristi gleich als feurfar. vñ
verklert. als zeugen der vristende christi
vor sant Joseph vnd Ilycodemo vnd
den Byschoffen. so schreybt man yn ein.
die vristend des fleischs nit vnbillich zu.

Das ich aber den achten artickel von der zukunfft christi zu dem iüngsten gericht. sant Thateus enicklein. zugeschriben hab. dz hab ich darun gethā. wann sie habē der selben zukunfft sundere gezeugnus gegeben vor dem keyser domitiano. für den sie gepracht wurden. als die. dy vō dem kōniglichen stammen kōnig dauids. vñ nahet geborn freünd cristi were. vñ da sie vō dem keyser gefragt wurden. ob sie vō kōnig dauids geschlecht weren. sy sprachen ya. da er sie fragt vō dem reich cristi. da sprachē sie. dz sein reich nit irdisch wer. sund hymelisch. nit hie in dyser werlt durch stiftung der mensche. sund in der künftigen werlt am end dyser werlt durch beraytung der engel. wen er yn eeren kummē würd zu richten lebēdig vñ toten. Da er sy fragt was sie vermōchten. vnd wie reich sie weren. da zeygte sie ym ir hertte hend vñ bewysen dz sy pauren weren. die ir ecker C der sye on einen vyertzig pauchert oder morgen heten. die bey neüntausent grosche wert were C selbs mit yren hendē hawtē. Da solche ding d keyser hört. vñ fand nichts vobels an ynenn. vñ verachtet yr beurscheit. da lieh er sie ledig hyn geen. vñ widerrufft die gesetz vnd die gebiet. die er wider die cristen gemacht het. vñ vñ solcher gezeugnus willen die sie vor dē mechtigen tyrannischen keyser gegeben hetenn. vnd auch das sie vnserm herren nahet zugehörtē. wurde sic regierer der cristen. das ist der keyser gewesen C der die starckē teütschen in seiner iugent da sie dem rōmischen reich widerspenig vñ abfellig waren worden. erschreckt hett. daz sie sich wider ergaben. des vater vnd pruder vespasianus vnd Titus. dz gätz galileisch vnd iudisch land gewunne vñ

verwüst. vñ die stat iherusalem mit dem tempel verprennt vñ ernyder geworfen. vnd bey syben vñ neüntzig tausent iuden gefangen. vnd zehen vñ hundert militan. das ist zehen vñ hundert tausent malen tausent vñb gepracht heten nach entlicher sag. als der heylig egesippus schreybt C Der obgemelten sancti Thathay enicklein vetter mit namen Symeō cleophe. ward nach seinem vetter sant iacob. der vnser herren pruder genennet wirdt tod. ertzbischoff zu iherusalem. da die erst kirch vñ samlung der cristen vñ die muter aller christenheit gewesen ist. Darumb mag man ym den zehenden artickel gar wol zu schreyben. Dyß hab ich von den sachen vñ redlich keyten meiner zu aygenung. von eyn teil artickeln vñ vñd heyligen oberlauffend wōllen entwerffen. das du bey dem selben merckst. das die andern auch nit on sach also zesamē gefügt vñ geordnet sind. Wilt du aber dein andacht weytter vñ auch yn all heyligen strecken. so merck daz ein yglicher artickel hat zu einem sundern orden der heyligen ein zu gehörung vñ einen anhang. dēshalben du der selben heyligen erinnert. vñ angedenck magst werden vñ sie anruffenn. vñ yren vñdyenst gott dem herrē für halften. Wan so der erst artickel von der eynigkeit des göttlichen wesens. vñ von der person des vaters ist. der der anfang vñ vñsprung der andern vñ die erst person ist. vñ dēshalb ist dyser artickel auch der vñsprung. anfang. vñ der erst der andern. vñ von dem hawbt vñ ersten d zwelf potē gesetzt. der auch der erst aller pebst ist. vñ C Papa daz wir Babst nennē C ist als vil gesprochen. als ein vatter der wätter oder Patriarch der patriarchen.

gewappnet vnd geziert werden

Das als vil ist als ein ertz vater. od fürst
licher vater. Darumb gehört der selb ar
tikel eygentlichen den patriarchen zu.
Die sich zum ersten. da die werlt yren. vñ
der menge der abgötter nach hengenn
ward. an einen got gehalten. vnd den
rechten glawben gestift vñ auffenthal
ten haben. Des halb sie vater aller glau
bigen sind worden. Vnd so all prophe
ten fürderlich ein auffsehen auff messi
am der cristus ist gehabt habē. als auch
die hebreyschen rabin schreyben. So ge
hört der ander artikkel. der von der per
son cristi ist. den propheten zu. Der drit
den iunckfrawen. Der vierd den Mer
ttern. Der fünft yn gemein allen den ge
rechtē der alten ee die yn der vorhell vn
sers herren gewartet haben. oder auch
denen die in dem fegfeur der gnad der
erlösung wartten vntter denen vntter
weyl auch grof heiligen sind. Als grego
rius yn dem vierden buch Dialogorum
vñ sant Paschasio meldt. wie wol die sel
ben nit anzerüffen sind nach dem stand
als sie da sind. Aber auff iren künftige
stad möcht mā sie an rüffen. Der sechst.
gehört denen zu. die mit dem herre von
den toten erstanden sind. ob der selben
wenig sind. so sind sie doch sunder grof
Als ettlich von den Patriarchen haltē
Der sybennd gehört yn sunderheit der
Junckfrawenn Marie zu. die zu hymel
genommen. vñnd zu der rechten seyten
pres suns C nach rechter verstentnus C
gesetzt ist. Der acht. gehört den zwelf
pottenn. vñnd yren nachuolgern zu.
die mit dem herren mitrichter oder bey
sitzer an dem iüngsten tag künftig sind
Der neündt gehört den geistlichen. als
sant Anthonio. Sant Benedicten. Sāt
Egidio. sant Bernhart. vnd der gleiche

münichen vnd einfideln zu. Der zehend.
den heyligen prelatē. als pabste. bischof
fen. vñ seligen priestern. Der eylft. den
waren püssern. Der zwelft. in gemein al
len auch künftigen seligen. Also magstu
all heyligenn. yn den zwelf artickeln bes
greiffen. manen. aurüffen. vnd ir verdye
nen gott dem herren fürhalten vnd op
fern. vnd yne bitten das er vmb pres ver
dyensts willen. dir in deinen nöten zeh
hilf vnd zetrost wöll kummen.

Hye wurd die disputierung von der
redlichkeit des heiligen glawbes wider
fürgenommen.

D Vñ auff die fürderliche meynung
C da wir sy gelassen haben C wi
derumb zu kummenn. So die zal
der verstentlichen creatur yn yrer orde
nung. auff die dreyheit geet. So setzt sy
vor die einheit. vñ so sie auf triuelzig od
drey dreyheit geet. so setzt sie vor die ein
oder einfeltig triuelzigkeit. oder dreyheit
Also wirt beschlossen dz vor der manig
feltigen dreyheit der verstentlichen lau
ter geystlichen natur muß ein einfeltige
dreyheit einer edelern natur sein. Vñ so
vntter den beschafnen naturen. die ver
stentlich lauter geystlich natur die edelst
ist. so muß die dy vor ir vñnd ober sie ist.
vnbeschaffen vñ ewig sein. Sprichst du
aber. Du bewerst nichtz mit dysem argu
ment. denn wer da glawbt. das gott sey.
vñ ein got der glawbt auch das die en
gel seyen. vñnd widerumb. Wer aber nit
glawbt dz got sey. de mag mā durch die
eygenschaft der engel die gotheit oder
die einheit der gotheit nit bewere. Wan
er glawbt auch nichts von den engeln.
Ich antwort. Wer da glawbt das engel
seyen. der glawbt auch C als ich halt C
dz got sey. Mā hat aber etwā ettlich fun
æ

den. Die glaubt haben. Das gott wer. sie
wollten aber nit glauben. Das engel we
ren. als die saducey. die mit vnserm her
ren disputierten von der vristend. Die sie
auch nit glaubten. als Matheus. Mar
cus vnd Lucas schreyben. von den auch
sant Lucas in dem dreyvñzweintzigste
capitel der geschicht der zwelfpottē sch
reybt das sie sprachē. Es wer kein engel
noch geyst. Das aber engel seyen. dz ist
verstantlich substantzen oder ab geschei
den verstantnus C als sie von den geler
ten heyden genennt werden C dz habē
die natürlichen meyster durch klugheyt
der vernunft funden. Aber der weyffte
einer vntter ynen. der hat gemaynt ir sey
en so vil als der hymelischen spere oder
circkeln sind. Vnd so der selben spere dy
von ynen bewegt vnd geregirt werden
nein sind. die sper der syben planeten. vñ
des gestirnten hymels den die geschrift
das firmament nennt vnd des cristallin
hymels den man primū mobile heysset.
Das ist dz erst das bewegt wirt. So kñpt
es auff die vorder maynung das der en
gel zal in neuen steet. vñnd ob das selb
nit recht gesetzt oder erraten ist worde
von den natürlichen meystern. als denn
menschlich vernunft on die heyligen ge
schrift vnd den glauben tunclelist. So
ster doch die englisch natur der ordenūg
halb. als gemeldt ist worde. in der neun
den zal. vnd wirt auch bey der neunnden
zal bedeūt. als bey den neun edelsteyne.
Ezechielis xxviii. vñ bey den neun pfen
nigenn. Luce. xv. vnd neunvñdneuntzig
schaffen auff dem gepirg oder der öde
gelassen. Mathei. xviii. vnd Luce. xv. Al
so hast du das mā auch nach dem grūdt
der vernunft auß der zal der engel argu
ment zyhem mag nit alleyn der eynheit

des göttlichen wesens. sunder auch der
dreyheit der götlichen personē wie wol
der grundt mit steyf. gewoyn. vñueruck
lich vñd sicher als die geschrift ist. Dar
vmb soll er der heiligen geschrift vñ de
glauben dyenen vñd nach gesetzt wer
den. vñd nit vorgeen. Doch der mensch
der angefochten wirdt des glaubens
halb. möcht sich weeren mit solchen ar
gumentē. als man sich ettwan möcht be
holffen haben wider die vñglaubigenn
heyden die der heyligē geschrift nit auf
nehmen. Es ist ein hübscher fig. wen man
eynen mit seynn aygnem waffen vber
windt.

Argument vñd anzaygung auß der
vernunft die da vñndt das ein regyerer
der gantzen werlt muß sein. der gott ist.
Das in seiner natur mer denn ein person
muß sein.

Das aber der mensch sich auch be
helffen mäg mit vernünftigen ar
gumenten. In dem glaube der alleröber
sten vñ heyligste triueligkeit. so gedēck
er das alle vernunft. hallt. das gott das
allerbest. das allerseiligst. das allerersts.
vñ dz allervollkommenests ist. also ist in im
die allerhöchst seligheyt. die allerhöchst
vollkūmenheit. vñd die allerhöchst ayne
ligkeit. das ist vñzusamen setzung. dy al
lerhöchst erstheyt. Ist nū die allerhöchst
seligheyt da. so muß auch die allerhöchst
gutheit. dy allerhöchst lieb dy allerhöchst
freud da sei. Ist nun die allerhöchst gut
heit yn der gottheyt. so die art der gutt
heyt ist sich gemaynsam machen. vñ des
halb gehōrt der höchste guttheit zu. sich
auf das höchst gemayn oder gemainsam
zu machen. vñ die höchst gemaynsamkeit
ist das eines dem andern sein wesen vñ
substantz gybt vñd gemayn macht. So

in der gottheit sollen sein

muß das selb yn der gottheit seyn. also müssen mer person sein deñ ayne in der gottheit. Item so die höhst vñ die edelst oder tugentsambst liebe yn der gottheit soll sein. vñ die milst tugetsam liebe ist zu einem andern. C Dann mā halt dz nit für ein adeliche liebe die eier zu im selbs hat. so vordert die vollkummēheyt der adelichen liebe ander person. Vñd weyß wol daz in gott nit stat hat. das die liebe zu ym selbs od zu seiner person nit adelich oder mynder edel vñ tugentsam sey. So ein yglich person die endlophen gutheit ist. darumb soll sie sich on maß lieb haben. so ist es doch adelich vñd tugentlich das eyns daz ander als lieb hab als sich selbs. vñd darumb so gehört solch lieb gott oder der gottheit zu. Darumb müssen mer denn ein person yn der gottheit sein. Item so die allerhöhst freud got zu gehört. vñd keyns guts besytzung ist wunnsam oder freudenreich on gesellschaft. als ein weyser hadenischer meyster spricht. So vordert die vollkummēst höhst freud. gesellschaft. vñd wa gesellschaft ist da müssen mer denn einer sein. Item wa die höhst vollkummēheyt ist. Da muß auch die höhst manigueltigkeit oder fruchtbarkeit sein. denn vnfruchtber od vnperhafftig sein. ist ein gepruch oder geprech. darumb mag es nit in got sein. Denn er spricht yn dem letzten capitelysaie. Wird ich icht nit geperen d ich andern gib das sie geperen spricht der herr. Ist es. das ich. der ich andern die geperung gib. vnperhafftig bleyb. spricht gott dein herz. Als ob er sprechen wolle. Wie möcht es möglich sein dz ich C vñ dem die krafft zu geperen alle creaturen die es haben gegeben wirt. C vnfruchtber were. Darumb so es ein vollkummē

heit der natur ist mügen seins gleichem geben. so ist es in der gottheit. Vñ so das selb vñd der erueltigkeit der göttlichen natur nit mag sein in ein and wesen. so muß es sein in ein ander oder gegen einer andern person. Itē ist es als es denn ist. C Das die höhst ersthayt yn got ist. so muß auch die höhst fruchtbarkeit oder perhafftigkeit in im sein. Denn als oben bewysen ist worden. so in die sachen der sachen. ein sach vorher oder vorder vñd ee ist. so vil ist sie fruchtbarer. vñ der andern sachen anfang vñd vrsprung. Darumb als das erst wesen der anfang ist aller adern wesen. also ist die erst person in dem ersten göttlichen wesen die von keiner andern ist. der anfang der andern personen. vñd seyt das nichts müßigs yn got ist. das ist so vil geredt. keyn macht oder möglichkeit ist on tat vñd wendig in got. so ist sein perhafftigkeit allweg ya ewig in der tat oder inwendiger würckung. vñd so nichts sich selbs gepyrt. so müssen mer person sein.

Daz weder minder noch mer person sollen geglaubt werden in der gottheit denn drey.

E Prechst du aber. warumb müßten drey person geglaubt werden in der gottheit vñd weder mynder noch mer. So eh nach ettlichen sachen die du erzelet hast. scheint daz es besser wer dz mer person weren denn der glawb vñd die geschryfft setzt. So sprich ich. Will mā die sach die erzelet sind mit den sachen die noch erzelet werden yn der gottheit recht anscheyn vñd wegen. so muß auch die vernunft bekennē. das nit mer noch minder oder weniger person in der

Das drey person

gottheit füllen geglaubt werde. wie wol
vnsr glaub nit auff die menschlichen
vernunft gegründet ist. sunder auff die
göttlichen offenbarung. als sich gott d
herr geoffenbaret hat. den Patriarchen.
vnd Propheten. zwelfspotten vnd ewa
gelistenn. als wir haben yn der heyligen
geschryfft. So muß doch dye erleucht
vernunft bekennen. wie billich vnd red
lich d glaub ist. wen sie solch sach grünt
lichen bedenckt. Vnd daz ich nit zu verz
aushwayff. so nym ich die erzelten sa
chen wyder für mich. dz ist die seligkeit.
vollkommenheit. vnnnd erstheyt. die nach
dem höchsten yn gott genummen werde.
Denn so die höchst seligkeit in got ist. so
muß auch die höchst einhelligkeit. die h
hest freundschaft oder zu gehörung. dy
höchst liebe. yn ym sein. Weren nun mer
denn drey person yn der gottheit. so wer
nit die höchst nehe oder zu gehörung da
Weren mynder denn drey. so wer nit dy
höchst liebe da. Darumb müßenn weder
mynder noch mer sein denn drey. dz
aber nit die höchst zu gehörung da wer.
so mer denn drey person weren. das be
wer ich also. Setzen wir dz noch ein per
son ober die drey sey. die dy vierd sey. die
selb person kumpt eyntweders von einer
person. oder von zweyen. oder von allen
dreyenn. Kumpt sie oder hat eynenn vrs
prung. von einer oder von zweyen alleyn.
so gehört sie nit gleich vnd vollkommen
lichen alle personen zu. denn sy gehört d
person von der sy nit entspryngt nit also
nahed vnd vngemittelt zu. als der oder
den. von der oder den sy on mittell ent
spryngt. Entspryngt sie aber von allenn
dreyen. so gehöre die zwu vnttermitteln
person eyinander neher zu. denn sy den

eusern. das ist der ersten vnd der vierde
zu gehörem. Wann die selben zwu mit
tehn personen nemen vnd geben. sie ne
men den vrsprung oder das wesen. vñ ge
ben sie dz die andern personen nit thun.
vnd also sind sye einander gleicher vnd
des halbenn entspryngt ein vngleycheit
gegen den andern personenn. vnd ist nit
gleich zugehörung vntter ynnem. das yn
der gottheit nit mag sein. Weren des
weniger person denn drey. so wer nit vol
kommen lieb yn der gottheyt. Wen die
vollkumen lieb (als oben gemeldet ist)
die ist milft. edel. vnd tugentsam. vñ des
halb ist sie oder streckt sich gegen ein an
dern. Sie ist auch gemayn vnd deshalb
will sye den gelyebten auch geliebt oder
lieb gehabt werden von eym andern vñ
eynen andern lieb haben als sich selbe.
vnd von ym selbs. vnnnd darumb ist lyeb
vnnnd mitlieb yn der vollkommenen lyeb.
Vñ das selb mag nit yn wenigern sein
denn yn dreyen. vnd nym ein exempel od
ebenbild yn der natürlichenn lyeb. Wir
sehen oft daz die eeseit man vnd frau.
wie wol sie eyinander lieb habenn. so ist
doch die selb ir lieb noch nit vollkommen
den sie ist noch nit vest noch stet. bys sie
ein kind gewynnē in dem ir lieb gemain
samet werd. vnd wider geschlagen vnnnd
geendr. daz sie gemeynliche lieb habē vñ
dem sie gemeynlichen lyeb gehabt wer
den. yn dem yr lieb rret gleych als yn d
frucht vñ yn dem end yrer liebe. also ver
steet dz die vollkommē lieb. will zum myn
sten drey habenn. Item So die aller
höchst vollkommenheit in der gottheit ist.
So soll oder muß dz allervollkommenest
gebē da sein. das allervollkumenst geben
ist. daz eins dem andern gibt das. daz es

in der gottheit sollen sein

ist. Das mayn ich also. Das eyns dem andern geb zu sein. Das es ist. vnd so es geben durch zwo weyß mag beschehen. Durch die weyß der natur. vnd durch die weyße des willens. Wann als der natürlich meyster spricht. ein yglichs es da würckt es würckt durch der weyß eine. Ob denn der creatur allein das ein möglich ist. Das ist durch die weyß der natur einem andern das wesen seiner natur zu geben. so hat doch got der vater macht nach der zwofeltige weyß. es wesen seiner natur zugeben. vnd als oben gemeldet ist. Die macht ist mit on tat in got. Darum kumpt nach einer yglichen weyß ein person von der person. Die nach keyner von einer andern kumpt. Das ist von dem vater. der sun. Durch die weyß der natur. es ist durch die geburt. der heylig geist durch die weyß des willenms. als die höhst vollkommelichst gab. der vnd yn der sich got wesenliche gibt vñ ergibt. vnd so yn diser zwofeltige weyß alle weyß sich vollkommenen zu ergebē begriffen wirdt. vnd sind nit mer edler weyß sich nach dem wesen zu gemeynsamē. vñ die weyß sind vollkūmē. vñ ein ygliche person die nach dem weyß einen vō der andern od vō andern kumpt vollkommen ist. vnd was ober die vollkommenheyt ist. Das ist oberigs. vnd was nit zu der vollkūmēheit kumpt. es oder des ist zu wenig. Darumb müge weder mer noch mynder denn drey person. yn der gottheit sein. zwo die aufstieffen eine vō der sie aufstieffen. Item will man die gottheit bedencken der erstheit halb. als oft gemeldet ist. Das mā vō got muß halften Das er das erst ist aller wesen. vnd ist auch gemeldet worden. Das im des selben halb zu gehört. Das er der frucht

chtest. vnd perhafftigst sey. als er der erst ist. Der eygenschafft halben erkennt man das keyn person mag einer andern person yr natur gemaynsamen oder geben durch die weyß. Durch die sie entspringt. oder von der andern ist. Den die selbst person die also vō der andern wer. Durch die weyß durch die. Die selbst vō der sy were. auch vō dem andern were. Die were nach der selben weyß mit die erst. also geprech die eigenschafft. die der göttliche natur zu gehört an ir. also möcht sie mit got sein Als es du mich vernembst. Wann mā setzte das der sun auch eynen sun hete. So der sun durch die weyß der natur vō dem vater aufsteet. So den sei sun. auch durch die weyß von ym kōm. So wer ye der selbst mit die erst person. Die durch solch weyß von einer andern person kōm. Darvmb wer er nit der erst sun oder zum ersten gebohrn. Darumb wer er nit gott der sun Ich möcht auch sprechen er wer nit gottes sun. Nach der regel. Ad impossibile sequitur quodlibet. Wann sein vater wer nit gott der vater. wenn er wer nit der erst vater. So doch dem vater yn der gottheit zugehört es er der erst vater sey. als er der höhst vatter ist. Ja ym gehört zu Das er allein vater sey. wenn als nit mer denn ein gott mag sein. also mag nit mer denn ein gott vater. ein gott sun. ein got heyliger geyst sein. Darum setzt du mer denn einen vater yn deine yndē glawben. so ist yetz der ander vater nit got. ist er nit gott. so ist er auch nit gott der sun. also zerstörst du. Als verr an dir ist. In deinem töreten synn die gottheit des vaters vnd des suns. so du die eygenschafft der personē gemeynsamen oder gemeyn willt machen. vnd yren vntterscheid. der

mengen. yr einfeltigkeit maniguelstigen.
yr erstheit enndern wilt zc. Darumb
wilt du mit yrrē. so halt dich vest an den
felsen. das ist an den glauben der heyli
gen gemeynen Cristenlichen kirchen. an
sant peters stul. vnd glawb das es nit ei
gepruch ist in der heyiligen gottheit. das
nit mer person sind denn drey. vnd daz d
sun keinen sun vñ der vater keinen and
denn seinen erstgebomen sun. vñ daruñ
nit mer denn den eingebornē sun hat. dz
ist alles nit auß gepruch der möglichkeit.
sunder auß volkommenheit der allmech
tigkeit der göttliche maiestat. welhe vol
kommenheit in einer yglichen person ist.
das sie in ir eygenschafft so hoh ist. daz
ir nichts gleich hohs mag sein. Darumb
muß sie dy allein haben. nach der weys
als sie sy auff dz höhöst zuñ erste sundli
che. vbertreffentliche oberbegreifliche
wesenliche. ewigliche. onentliche od end
loß hat. Daruñ als zeitliche od in d zeyt
gebom werde gott dem herren nach göt
licher natur nit zu gehört. also gehört
im nach göttlicher natur nit zu. nach ein
em andern. oder von einem gebomen ge
boren werden. Vnd wie es got nit zu ge
hört nach einem andern geborn werden.
also gehört im nit zu. nach einem andern
zugepern oder yn der zeit nach der vol
kommen geperung der göttlichen natur
zurechnē. Vnd was ich von dem sun ge
sagt hab. der weys halben der natur od
geburt. das verstee auch des heilige geys
tes halben. von der weys des willens
durch die er von dem vater vnd dem sun
auß geet. vñ darumb so mag kein person
mer. also weder von dem vater. noch von
dem sun. noch vñ dem heilige geist. noch

vñ dem vater vñ dem sun zu mal mit ein
ander außgeen. als den der heylig geyst
von ynen außgeet. wann die selb person
wer nit die erst die also außgeng zc.

Also hastu weyß weder mynder noch
mer denn drey person mügen in der hey
ligen gottheit sein. Vnd die aygenscha
fft der göttliche art vñ natur bezwingt
gleich die verstentnus wenn sy sich auff
richt den sungen nach zugedencken. daz
sie vndt die spur der warheit des criste
lichen glaubens. Wann so der verstent
nus leucht. das. das allerseeligst. dz aller
volkommenst. das allererst vnd der glei
chen gott ist. auß solchen eygenschaften
mag sie beschliessen dy dauerkigkeit. gle
ich als von not dz der person weder min
der noch mer mag sein den drey. Vñ mit
der mag ir sein. denn die höhöst seligkeit
die vordert liebe vnd mittliebe oder bey
liebe. die höhöst volkommenheit vordert
zweifeltigen außgang. der natur vñ des
miltens willens. vñ daz zu müssen zuñ
mynsten drey person sein. Das aber der
personen nit mer mag sein. dz kumpt vñ
der aygenschafft der höhösten eynfeltig
keit. d halben nit mer vntterscheyds mag
sein denn nach den weissen des außfluß.
der allein zwu sind. vnd von der aygen
schafft der allerfürderlichsten vnd erste
perhafftigkeit der halben. kein person d
andern vrsprung durch der obgemelten
weys eine. mag sein. sie sey den nach sah
vnd ordnung der verstentnus vor der
selbenn c vñ so ich nit gewönlich oder
kündt teütsch hab ober das latein. So
muß ich die aygenschafft der personen
vmbreden. vñ d ettwas. das ich sunst yn
gemeyn nyñ zueygenenn c Also sprich

ich. So der vater vngewerlich vñ vnauf-
 flößlich ist. so gepirt vñ flößet er auf.
 Das ist gleich so vil geredt. Darumb ge-
 pirt der vater den sun. vñ spiriert oder
 flößet auf den heyligen geyst. denn er
 wirt weder geboren noch spiriert. vñ ich
 hayß spirieren aufflößen. als der vater
 vñ der sun den heiligen geyst aufflöß-
 sen. Der sun darumb dz er geborn wirt.
 so gepirt er nit. so er aber mit aufgestöß-
 set wirt. so flößet er auf. Aber der heyl-
 ige geyst. der spiriert wirdt. vñ geet auf
 von dem geperenden vñ gepornen. der
 gepirt nit. so spiriert er auch nit. denn er
 endet die gantzen macht des spirierens
 als der sun die gantz macht des gepe-
 rens. welche macht yn dem vater endlos
 ist. als die macht des spirierens yn dem
 vater vñ dem sun endlos ist. Darumb
 gebirt der vater seins gleichen eine end-
 losen sun. vñ der vater vñ der sun spi-
 rieren yrs gleichē einen endlosen geyst.
 vñnd als es ein volkommenheit yn dem
 vater ist. dz er einen solchen sun gebirt.
 also ist es ein volkommenheit yn dem sun
 das er ein solcher von einem solchen va-
 ter gebore wirdt. Wann er wirdt nit auf
 nichtz. oder nach nichtz. oder nit sein. od-
 von fremdem. oder vñ zugeendem. oder
 von einem teyl. oder mynder. oder iung-
 er. oder vñ volkmener geborn. sun vñ von
 natur ewiges wesen. von der gantzenn
 substantz seyns aynigen vaters gleych
 groß mitterwig vñnd gleich vollkommen.
 Doch soll man den glauben nit auff die
 vernunft oder menschliche verstantnus
 setzen vñ gründen. sunder auff die. die
 auff die göttlichen offenbarung. Als
 vnns die selb yn der heyligen geschriffte

wirdt fürgehaltē. Sāt Augustin spricht
 yn dem buch von dem spyegel. Herr vn-
 ser eyniger vñ warer gott. Es were den
 das du ein driueligkeit werest. so würd
 von dem mund der warheit nit gesproch-
 en. Heet hin. vñ tauffet alle geschlecht
 In dem namen des vaters. vñ des suns
 vñ des heiligen geystes. Wan du hie
 sest vns nit tauffen yn eines namen der
 nit gott wer. Vñnd es wer denn das du
 driueligkeit eyn gott werest. so würd
 durch dein eygen stym nit gesprochen.
 Hōz ysrahel. dein herr got ist einer. Dar-
 umb. Es wer den das du gott vater ein-
 er werest. vñ dein sun wer das selb das
 du bist. vñnd ewer gab der heylige geyst.
 wer das selb. Das yr seyt. so lesen wir nit
 yn den geschriffte der warheit. Gott
 hatt seinen sun gesendet. vñ du einges-
 borner sun sprichst nit. von dem heilige
 geyst. den der vater wirdt sendē i mein-
 em namen zc.

Item yn allen creaturen vñnd man
 die dreyheit. der fußstaffen halb. als yn
 den vñuernünftigen. od des pils halb.
 als yn den vernünftigen. vñnd verstant-
 lichen creaturen. Solcher sachen vñnd vil
 ander eygenschafft halben. spricht man
 das die zal der dreyheit. der gottheit zu
 gehört. Deshalbē auch der heydenisch
 meyster Aristotiles yn dem anfang der
 Bücher von dem hymel vñnd der werlt
 spricht. Vmb dreyer willen haben alle
 ding das wesen. vñnd alles das da gantz
 oder vollkommen ist. Das stet yn dreyen
 Wann das end. das mittel. vñnd der an-
 fang. beschleußt es als. vñnd dz ist die zal
 der dreyheit. oder als wir sprechen der
 driueligkeit. Darumb habē wir dz gleich
 æ iij

als von den natürlichen gesetzenn. Das wir die oder dise zal prauchen in dem di-
enst oder opfer der gött. Dis ist der syn-
der wort des natürlichen meysters. Vir-
gilius spricht auch in Bucolicis. Gott
hat ein freud yn der vngeraden zal. Bo-
nauentura spricht. Ds der natürlich meys-
ter also sprech. Alles vollkommen sprech-
en wir yn dreien. Das wer als vil. als wir
setzen alle vollkommenheit in dreü. vnd
mit dyser zal haben wir vnns selbs ge-
fügt zu grössen einen got der ein schöp-
fer ist aller ding. der da weyt vbertrifft
die eygenschafft der ding die geschaffē
sind. Ich bitt dich sag mir. wie möcht d-
natürlich meyster klerer vnd offenberli-
cher gezeugnus vnserm glawben habē
gegeben wyder heyden vnd iuden. Wi-
der die heyden der aynigheit oder eyn-
heit halben. Wider die iuden der driuel-
tigkeit halben. wann die heyden satzten
vil götter. Die iuden laugnetē die driuel-
tigkeit der person. Vnd das Bonauen-
tura dyse wort also setzt. das Gedenc-
ich hat er auß der alten oder andern
tollmetschung. den mich dunckt ds ichs
von andern. auch also allegyert hab ges-
funden. Nun das. das ich vor gemeldet
hab. von den eygenschaften der dritte
zal. Das möcht ich zihen auff die eygen-
schafft der allerhöchsten vnd gebenedey-
ten driueltigkeit nach gleichnussen. vnd
des halben beweyßen die gebürlichkeit
des glawbens der heyligē driueltigkeit.
aber ich hab zwey ding zu fürchte. Ds
ayn. Das es vil wort bedarf auß zelegē.
vnd möcht ein verdreyß machen den les-
sern dis büchleins. allermeist. ds ich vor
mit ein wenig von den zalen gesetzt hab
Das ander. daz vil sind die söchs mit be-

greiffen mügen. wenn man es auch auß-
leget. Sölichen menschen. wenn sie dyß
büchlein aufftetē. vñ begegnet yn sölich
ding das sie nit vernemen. so möchtē sie
gedencken das gantz büchlein wer also
vnuerstentlich. vnd möchtē also abge-
wendt vñ gehindert werde an den ding-
en die ynen zu gutt vnd zu andacht die-
neten.

Hie wirdt wider gekummen auff die
sach dyser disputierung. die weyt obē be-
rürt ist worden. wie man gott kennt. vnd
wie man yn nit kennt. vnd wirdt der be-
schluß vnd die entlich antwort gesetzt.

Darumb laß dich an dyßen dingen
benügen. vnd laß vns widerkeren
auff die fürderliche maynung der wort.
die ich gesprochen hab. nichtz ist also er-
kannt. als gott. nichtz ist also vnerkannt.
Nichts ist also erkant in gemain. durch
alle werlt. als ds got sey. Nichts ist als
vnerkannt. als was gott sey. Da von ich
reybt sannt Gregorius yn dem eynvnd-
dreißigsten büch vber Job. vber das
wort ds gott der herr zu Job sprach vñ
dem adler. Sein augen sehen von verre.
vnd spricht also. Seyt das wir durch die
zwischensetzung des verwesenliche stay-
sches beschwert sind. das wir gott also
er ist nit sehen mügenn. so wirdt wol ge-
sprochen. Sein augen sehen von verrem
Dann wie vil der mensch yn disem lebē
zu nympt. so sicht er doch gott nit durch
sein gestalt. sunder durch verborzen fi-
gur vñnd durch eyn spyegel. Hyerumb
so dye heyligenn mennier yn hoher sch-
awung sych auffrichtenn. vñnd mügenn
doch gott. als er ist. nit sehenn. so wirdt
wol vonn dysem adler. das ist von der

subtylen verstantnis der heiligen C als er vor hyr außgeleht hat D gesprochen. Ir oder sein awgen sehenn von verreim. Als ob er sprech. Sie strecken den spytz yres gesichts starck in die weyte. aber sy sehen got noch nit von der nehe oder nahet. Des clarheit größe als sie ist. sie nit durchtringen müge. Wann die tuncelheit vnser zerstörlicheit. verblendt vnns vñ dem vnzerstörliche licht. vñ so es yn ettlicher weyß mag gesehen werden. vñ mag doch das licht selbs. als es ist. nit gesehen werden. so beweyset es. wie verr es sey. Doch seh das gemüt das licht. nit in ettlicher weyß. so seh es nit daz es verr wer. Seh es aber yetzen vollkümlichen. so seh es nit gleych als durch die tuncelheit. Darumb so es nit gantzlich en gesehen wirdt. vñnd widerumb auch nit gantz nit gesehenn wirdt. So ist wol gesprochen das gott von verreim oder verr gesehenn wirdt. Dñ sind sant Gregorij wort. Auß welchem du die maynung der wort des helius. die mir cyn vñ sach zu dyser langen red gegeben haben auch vernemen magst. Da er spricht. Alle menschen sehen yn. ein yglicher sycht yn von verreim. Ober welche wort sanct Gregorius mer vñ clerlicher auff mein meynung redt. So er spricht. Ein yglicher mensch yn dem selben das er vernünftig beschaffte ist. so soll er auß seiner vernunft lesen das der. der yn beschaffenn hat. gott ist. Den selbenn yetz sehen. ist sein herrschafft durch die erforschung D vernunft schawen. Vnd so gesprochen ist. alle menschen sehen yn. so wirt recht hyntzu gefügt. ein yglicher sicht yn von verreim. Wann yn von verreim sehen. ist in yetz nit durch sein gestaltt sehen. sunder

alleyn auß verwunderung seyner werck bräufen. Vñ her ab bap spricht er aber In sehenn. ist sein wesen das alle ding vbersteygt. auß der vernunft zusamen lesen. das ist spüren oder mercken. Wan wir sind nit zweyfelv von seinem wesen. vnd beleiben doch vngewyß von seinen vrteylen. Vnd ist offenbar dz daz höhst ist. vnd verborgen ist vns das das myn der ist. Wenn sein werck sind myn d den er. vnd wir sehen yn würcken vnd blintzen in seinem thun. Dann es ist vngewyß. warumb dñ oder dz beschicht. aber wer der sey der dyse vngewyße ding thu. dz ist nit vngewyß. Darumb soll gesprochen werden. Bedenck das du sein werck nit weyßt. von dem dye menner gedichtet oder gesungen haben. All menschen sehen in. ein yglicher sicht yn von verreim. Wenn yn. des vrteyl wir nit begreyffen mügen. sehen wir durch die vernunft dz er ist. den wir doch noch von verreim sehe Denn vñ seiner stercke werde wir durch die tuncelheit vnser blöddikeit geschayden. Dñ synd sanct Gregorij wort yn dem syben vñnd zweintzigsten buch vber Job.

Dye hebt sich an ein disputierung D erste frag. die weit obē berürt ist. wy die wort vnnsers herren an dem creütz die als auff cynen süßen gnedigen syn außgelegt sind worden. Besteen mit andern Worten des herren.

Ich mayn man hab nun genug was man antwortte müg vber die frag die ich bewegt hab. Aber vber die frag die du gethan hast. das ist we meyn außlegung. die ich vber dye wort des herren. die er an dem creütz geredt hat gesezt hab. bestee mit adern wortē

Des herten die er vor der creützigung gesprochen hat. vñ allermeyst. dz das ich gesetzt hab. dz seine wort lauten. das er mit zürnen müg. das er nyemants ichts ver sagen. nyemant verachten müg. vñ der gleichen. Dar vber hör auch mein antwort mit vntterscheid. Bis angedenck d form weyß vñ vmbstend meiner wort. so vündst du das ich dar zu gesetzt hab. es scheint. es leucht. es laut. vñ hab dise wort gesetzt von den Worten des herren an dem creütz. Das red ich mit darumb. Das ich hinder sich zyhenn wöll. vñ dar mit myndern dyser wort krafft. als ob sy allein den schein heten. vñ mit die warheit. Das verbieth mir gott der herr zu halten von seinen Worten. von denen er spricht. hymel vñ erden werden hyn gehen. aber meine wort werden mit vergeen oder hyn geē. Marci. xxiij. Marci. xxiij. Luce. xxi. Sunder ich sprich dz schlecht von dem laut der wort nach yr aygenen fürderliche Bedeutung. Vñ ich gib dir sy selbs zu vberhören. vñ zu wegen. vñ wilhören ob du anders kündst vñ sayl. weñ du sy grüntlichen von ynnen vñ vñ außsen nach allen vmbstenden als vil es möglich ist ergründen vñ wegen wilt.

Das du aber fragst. wie dyse außlegung laut gegen andern Worten des herren. dar zu sprich ich. Es ist nit nein. der wort die widerwertig scheine. als etlich die vns größlich erschrecken vñ in sorg vñ forcht treyben. vñ etlich die vns grossen trost geben mügen. ist ein grose zal in der geschafft. darnach bedarff man nit vil suchen. Sie begegnen einem fleysigen leser bald. Aber vmb forcht samer vñ Kleinmütiger menschen willē wöllen wir mer suchen welche krefftiger

vñ fürger sind. vñ es scheint das die erschrockenlichen wort die vns erschrecken vñ Kleinmütig oder zaghaftig machen. das wir bey weylen wid die verzweyfelung zustreute haben. die sind stercker denn sy habn mer krafft. vñ werden in mer menschen war. denn die tröstliche. dann es sind vil mer die verdampfen denn die behalten werdenn. So ist gewönlichen der vnglawbigen mer. denn der glawbigen. welche vnglawbigen all verloren werden. vñ von den glawbigen als man gewönlichen prediget weyt der werer teyl. darumb das wenig den glawbē yn den wercken. als yn gehorsam götlicher vñ cristenlicher gebott. beweisen vñ gerechtigkeit. warheit. frid. aynikeit. Ersamkeit. vñ ander vil tugent werden mynder gehalten vñtter den chrißten. Als man sagt. Denn vñtter vil heyden. Auf disen Dingen vallen vil yn vñ vñ betrübnus. vñ vñ zweyfelung oder ergermus. dy sych zu vil auff firwitzkeit bekümmern mit Dingen dy ynē nit enpfolhen sind. darumb söllten sy es der göttlichen weyßheit lassen enpfolhen sein. vñ es gott lassen wallten. vñ gedencke. Als der weyß spricht. Was ynen gebotten wer. das sie das tetten. Aber die firwitzigkeit. die von de teufel der Eua eingerybenn ist wordenn. da er sprach. warumb hatt euch gott der herr gebotten. das yr nit von cynnyglichen bawm des paradyses essen sölltet. vñ hatt geerbt auff yr kinder. die lassēt sye nit wvnn. sunder sye fragen noch hewt bey tag mer oder heber. warum thut ob verhengt gott der herr dz. oder das. den was hat vns gott der herr gebottenn.

Der frager. Es bedarf nit wort.

der gottlichen barmhertzigkeit

Ich bekenn. es hat mir vntterweyl auch zu schaffen geben. Den es wolt mich ye bekümmern. Daz also vil vnglawbiger vnd all verdampft sind. Der antwoxter. Hör eynen trost dar wider. Ich will dreü wort sprechē. Die du villeicht mit vil gehört hast. Das erst. daz nach dem. als mā verdampnus für die pein. des synns des schmerzē. Dz ist für die pein der empfindung des hellischē feurs vñ and qual nymp. so wirt mit also eyn grosser teyl der menschen C als vil möchtē wenen C verdampft. Das ander wort dz ich sprich. Das ist dz. Das vō den genadē Gottes der myndst teyl vō den die getauft werden. verlorē wirdt. Das dritt. dz kein mensch vmb einicherley sünd verlorē wirdt. Denn vmb einer sünd willen ist er gläubig. vō den vngläubigē willich yetz schweygen. Aber hast du nye besonnen wie vil kind yn der werlt sterben. Der frager. Ich hab im mit vil nach gesunne. So du mich aber nun aufstreybst den Dingen nach zugedencken. So mayn ich dz ir zu mal vil seyē. Dz nyñ ich bey dem dz bey vns zu zeitē. als in d pestilentz so vil sterbe dz mā dar an zu zelen hat. So es den bey vns also ist. so gedenc ich es sey ander swa auch also. baid vntter den tartaren vñ sarracenē. Der antwoxter. Du gedencst recht. So den die kinder. die vor der zeit d pñchung der vernunft verschayden. allein vmb der erbsünd willen. des anschawens des göttlichen augeichts vñ seiner nyessung vñ d hymelischē freud. vnd stat beraubt sind. vnd sünst mit empfindlich peyn werde haben. als nun sie meister haltē. C ob die alten herter daryñ sind gewesen C vñ d selben so vil seyen. so gedenc fürbas ob mein meynig die ich in dem ersten wort

gesetzt hab bestenn mäg. Du wolltest den zweyfel C dz ich mit glawbe kan C ob die kinder menschen weren. Der frager. Ich glawb daz alle kinder. dy ye vernünftig sel empfangen habē ob sy auch gestorben weren. ee sie von mutter leib ye geborē wern worde. an dem iüngsten tag vollkummen menschen. yn volkumem alter. yn volkummer grösse. yn volkummer natur. ersteen werden. Der antwoxter. So merck auch was grossen stat sie an dem iüngsten tag verschlahen werden. so ir yetz so sibē oder zehē kaum eins grossen menschen stat verschlahen Sie sind hie kaum erschynnen vñ wenig leütten erkennt gewesenn. yr ist auch pald vergessen worden. also sind sy hie C vmb kurtze wilken der zeit C gleich als nichts gewesenn. Aber an dem tag. wirt yr grosse menge gesehē vnd erkent werden. Vnd als es mir leucht. So werden sie als die mitteln sein zwischen den die vmb yrer aygenn sünd willen yn die empfindlichē pein der hell verurteylt. vñ den die behalten werden. vnd werde schawer. vnd wonderer der göttlichen gerechtigkeit. gen den bösen. vnd seyner barmhertzigkeit gen den guten. Sunst von yrem stand. leben. ru. stat. vnd andern aygenschaften bedēcht mich. dz es weiblicher wer. dz mā es lyesh dem heymlichē göttlichē rat enpfolhē sei. wie er es mit ynē ordnē vñ schaffē würd. den dz mā vil dar vō wöll disputirē. Den gehöre sie cristo mit zu. nach dē als er ei erlöser ist. so gehören sie im doch zu. nach dem als er ein schöpfer. vnd ordinerer aller Ding ist. vnd gehören im zu. nach dem als er ein mēsch ist der natur halb. ob sie des selben ettwas genysen werde auß erthalb der hymelischē waren seligkeit.

87

Das wayß ich nit. Got geb vns mit freyden sein schöne vrtel zu sehenn an dem tag. Der frager. Ich laß mich wol benügen an dyser anzeygung vber das erst wort. Sag nun vber daz ander auch etwas. Der antworter. Das ander wort wirt gefüßet auff den grundt des ersten. Denn nach dem so vil getaufter kinder in der cristenheit sterben. Das mir nit zweyfelt. yr zal vbertref weyt dy zal der gewachsenen. vnd sie werden behalten durch die krafft des sacraments des taufs. alle die. die vor der zeit d vol len vernunft verschaiden. nach gemeyne lauf der göttlichen güttigkeit zu hofne. So magst du aber mercken auf welhen syn vnd maynung meine wort d warheit gleich sind. Der frager. Wie maynstu das. Das du sprichst. nach gemeynem lauf der göttlichen güttigkeit zu hofne. Ist es denn nit gewyß. Das sie all behalten werden. die vntter den iaren d kindheit verschaiden. so sie getauft sind.

Das ein vntterscheid vntter den kyndern ist. auch des alters halb.

Der antworter.

Die kindheit. des alters halb. als wir hye dar vō reden wirt in zwoy erley weyß genummen. Zum erstenn für das alter. Das do raycht byß an das sybend iar. vntter den den kindern ir misse tat nit zu geachtet werde. Zum andern für das alter das yn dz viertzehend yar weret. Nun von den kindern zu redenn nach der ersten weys ist miltiglichen zu halten das sie gewönllichen behaltenn werden. es wer denn dz zu zeiten zu ein er straf der eltern. die dy kind bößlich od vbel ziehen. vnd verhängen yn das. Das wider die göttlichen erwirdigkeit ist. od zu schrecken den alten sündern got der

herr ettwz erschrockenlichs vrtails vber sie bewyß. als sant gregorius yn dem vis erden buch Dialogorū schreybt. vō eym kind das fünf iar alt was. dz den namē gottes pflag zu lestern. wenn ym ettwas widerwertigs begegnet. vnd seyn elter zohen es mit dar vō. vnd darumb da es sein vater nit gestraffet het. da strafft es gott der herr. Das es C da es der vater i der schoß het d die teüfel sah kummē an mozen gestalt. vnd da es zittert vnd by demet. vnd wollt sich verbergen in seins vaters schoß vnd schry weer vater weer. Da lestert es den namen der göttlichem maiestat. vnd verschyd also. dz mā merckte. warum es got der herr yn den gewalt d veind gegeben het. Auf dem beschleuß set sant Gregorius. dz. wie wol zu glawben ist. Das alle getauffte kynder. die do sterben ee sie reden mügen. behaltē werde. so ist es doch nit also mit den dy yetz reden mügen. wenn ettllichen wirt das reich der hzmel durch ir elter beschlosse. Dih setzt sant gregorius yn dem achtzehenden capitel. des vierden büchs oben genennt. Aber wie dem sey. So halt ich miltiglich das dz gar selten ymmer bescheh. daz die kinder vō dem sybendē iar zu der ewigen verdampnus verurttaylt werden. es sey denn. Das sunder bößheit den gepruch der iar in ynen erfüll. dz sie ee der zeit arglistig werden. vnd beken digkeit der vernunft enpfahen. Vndd volgt nit hernach. Das sye ettwas lyftig seyen lauff die synnlichen ding das sye darumb töttlich sünd mügen thun. als etlich streng geyster maynen. wenn mā siht daz von den vnuernünfftigē tyerlein ein teil. dz sie zu mal listig sind zu verstos sen. zu verbergen. zu behaltē. vnd dück pfsch. vnd zornig. rechig. vnd neydig. gail

der gottlichen barmhertzigkeit

vñ müllich. schmaicheln vñ zu tüteln. vñ
 sant Pauls spricht. i. ad Corinthios. x. v.
 Was ist zum ersten oder vor. das geyst-
 lich ist. sund das tyrlich ist. vnd darnach
 dz geystlich ist. Darum mag es wol sein
 das die ding die von natur oder natur-
 lich sind. vnd sind von der natur die ver-
 rückt ist. oder vñ der vñschlichen vnd sym-
 lichen natur in vnns. mügen oft außge-
 en yn pre vbung oder bewegung on grof-
 fünd besunder in den kindern. vñnd dar-
 umb wenn sy auch werck der sünd thun.
 die von prer art tödtlich sind. so mügen
 sie doch von ynen on all tofsünd besche-
 hen. vmb gepruchs willen des vñteyls vñ
 vernunft. die noch nit erkentnis hat vñ
 den geystlichen ewigen göttlichen ding-
 en. vnd des göttlichen gesezes. Darum
 soll man die kynder nit also leycht wer-
 dammē. oder verdemlich vñteylen. als ett-
 lich vnbescheyden thun. die allein dz ex-
 empel sancti gregorii. oder den text des
 geystlichen rechts. extra. de delictis pu-
 eroru. pueris. an sehen. vñ bedencken nit
 die vñstende. denn das böf kynd vñ dē
 sant Gregorius schreybt. vber ein vnna-
 türliche hellische teufelische sünd. so es
 so iung was. wie wol es schyer sechs iar
 alt mocht sein. Den sant gregorius sprit-
 cht. das es. als er es achte fünff iar alt
 wer. das verstee ich vollkommenliche. als
 so das es yn dem sechsten iar was. vñnd
 pflag nit allein zu fluchen. sunder C das
 greulichen zu nennen ist C die göttliche
 maie stat zu lestern. darzu zertlet ym der
 vnseelig vater. d es zu vil flayschlich lyb
 het vñ strafft es nit vmb ein solche mōt-
 liche teufelische sünd. vnd zoh also einē
 hellprant auß dem böhen kegel. darumb
 muß er es von ym hören. das es mit bid-
 men schry. das yn die teufel hyn füren

oder zucken wollten. der sprach. vñnd tat
 der vnseelig quatt also bald gelernet het
 Des selben gleichen soll man auch mit
 beschadēheit dz secretal versteen. Den
 wie wol es setzt. dz dz kyntlich alter vol
 ist lieges. vñ stelcs. vñ falsches schwerē
 dz sünd sind. so setzt es doch dar zu. als
 die yetz ettwoz oder ein wenig grof sind.
 setzt auch dar bey dz sölch sünd nit als
 es scheint C yn ynen zu büffen sind. als
 yn den eltern. vñ das selb wirdt noch cle-
 rer gesetzt in dem nechsten nachvolgen-
 dē capitel. Referente. Da der babst alex-
 ander spricht. das man pfligt yn den kin-
 dern vñgerochenn zu lassenn. das. das
 die menschlichen gesezt heysen yn den
 die zu vollem alter sind kummen hertig-
 lich straffen. Auch redt das vorig secre-
 tal wider die. die da der kinder sünd für
 nichtz wollten halten byf sie in. od vber
 das vierzehenden iar kumen. Vñnd nach
 dē selben alter streyt ich nit für sie. Aber
 zwischen dem sybendē vñnd vierzehendē
 iar. glawb ich das ein grosser vñnterschy-
 ayd vñnter ynen sey. Denn ettlich werdē
 zumal verschalkt vñ arglistig. freuel vñ
 muttwillig. vñnd so vil böfer. so vil als sie
 elter werden. Ettlich sind eins guttē wil-
 len. Keusch vñnd andechtig. In der selbē
 zeit mag man mit den kindern vil böfes
 so mā sie yrem willen lasset nachvolgen.
 vñnd auch vil guttes schaffen. so man sye
 wol zeucht. vñnd sagt vñnd tregt yn gutes
 vor. vñ führt sie an die predig. vñ gewonet
 sie an das gebet. vñnd beicht. vñ macht yn
 gewyssen von den sünden. Denn so die
 noch vñnter den gerten sind. so mag mā
 in vil vñntugend benemen. zu den sy flüß-
 sen auß nayglicheit d zerrückte natur.
 wenn mā in nit starvete. vñ ist kein zwey-
 fel dar an. Gutt meysterchaft sey ynen

gar nütz. mit allein zu zeitlichen dingen.
zu kunst. zu zucht. zu eren. vñ zu ordenung
yres lebens. sunder auch zu der berayt-
tung der tugend der göttlichen genade
vnd der ewigen seligkeit. Denn was die
eltern vnd meyster mit der gerten abne-
men. das verzeicht gott d' herr auch gar
leicht. Denn was hye zeitlichen gebüß
wirdt. das will gott der herz dort lassen
verzygen sein. Darumb soll man die kind
hye küßten vnd straffen. das es ynen mit
dort hyn gespart werd. vnd die kind die
also vntter der zucht sind. vnd sten in vor-
chten gegen yren eltern. vnd nemen die
straff gedultiglich auff. vñnd lassenn
sich zyrhen vñnd regieren. die verdoyenen
größlichen dar durch. besunder wenn sy
das auß willen vnd fürsatz thün. den sie
hallten die ordnung gottes. vnd das ge-
setz der natur nach der vernunft das vñ
got ist. vnd kurtzlich auff die fürderlich
en meynung zukommen. welche kinder al-
so vntter der ruten. vnd guter zucht yrer
eltern die sy wol gezogen habē. ob aber
yn rew wa sie nit geuolgt heten sterben.
(getraw ich) das sie behaltē werde.
so gott der herz ein liephaber ist der mē-
schlichen natur. darumb ym der groß hey-
lig dyonysius die phylantropen zu sch-
reibt. vñ hat die reynigkeit. die eynuelig-
keit. die vnschuld. die forchtsamkeit. dye
demütigkeit. die vnttertenigkeit. vnd an-
der eygenschaft. die yn den kindern ist.
sunderlich lieb. das vns in dem heyligē
ewangelio merckliche fürgehalte wirdt.
da der herz die kind zu eym ebenbild für-
hielt den zwelf pottē. vñ seinen iungern.
da er sprach. Es sey denn das ir eüch be-
keret vnd werdet als die kind. so wer-
det yr nit in das hymelreich kommen. vñ
merck eben ob der herr mit zeugnus vñ

berewung meiner meynung geb. so er sprit
cht. Marci. x. Lassent die kynder zu mir
kommen. vnd werend in nichts. wañ sol-
cher kinder ist das reich gottes. Die iun-
ern die den leuten weret. das sy die kind-
er mit dem herren fürbrechten. duncken
mich nach einem grobē sñ. gleich ein fi-
gur ob bedeutung gewesen sein. der her-
ten geister von den ich oben gesagt hab.
die den kindern leichtlich das reich d' hy-
mel abschlahen. Aber gott dem allmech-
tigen vater sey ewiglichen lob vnd danck
gesagt. der (den gewalt zu richten)
dem sun enpfolhen vnd geben hat. wañ
er ist auch eyns mensche kind. Johānis.
v. vnd von ym schreybt. Samit Marcus
in dem zehende capitel. dz er vñwirdisch
ward ober die iungern. die dy kind mit wol-
ten lassen zu ym führen. vnd er vñbfieng
die kinder vnd legt die hende auff sy. vñ
gab yne seinen seggen. als sant marx sch-
reybt. vnd in dem andern teyl diser mate-
rien gemeldet ist worden. Dis leucht mir
alles zu einer bewerung meiner red. das
got der herz den kindern milt vñ gnedig
ist. vnd sie nit leichtlich verdampt. wenn
sy auch vñb die zehen iar werden. denn
ob sy etwas verschulden. so hat vñnser
herr seggeurs genug berayret. mit dem
er sie erzypren mag. dz yr eintlich sünd
gebüßet werden. Fürbas ist auch (nit
anders weyß ich) gar ein milte meynung
der lerer. als man auß etlichen capiteln
der geistlichen recht ziehē mag. dz auch
alle vnredede kinder. die vntter den ketz-
ern nach der form der heyligen cristen-
heit getaufft sind behaltten werden. vñ
mag ynen die bosheit vnd der vñglaub
yrer eltern nit schadenn. de conse. dis. iiii.
Queris. Vnd so nun nit zweyfels ist dz
teglich ein grosse anzahl kind sterbe. so

der gottlichen barmhertzigkeit

magst du mercken. wenn man den selben
 capl der kinder der secte die nit recht cri-
 sten sind. rechnet. zu der menge d kinder
 die vntter den rechten cristen sterbē. w3
 grosser vnzelicher menngē wirdt. C von
 den genaden cristi. behallten. Das be-
 dunckt mich wol bedēut. vnd gleych ge-
 weyßsagt oder mer versprochen vnd ver-
 heysen sind. da got der herr moysen ge-
 hott. dem volk vntter den laydigen dro-
 worten zefagen. Euer kleyne kind C von
 den yr gesprochē habet. Sie wurdē den
 reinden zu teyl. oder zu perwt werdenn. C
 will ich yn das gelobt land fūren. dz sie
 das land sehen das etich misgeualkenn
 hat. Also stet yn dem vierzehenden capi-
 tel des buchs der zal. Vnd wie woll hie
 vñ oben bey den kindern ettwas höhers
 auch bedēut wirdt. als oben die reynen.
 demütigen. gottvöchtigen. vnd der glei-
 chen. vnd hie die kinder der genaden yn
 der newen ee. so soll man doch die liebe
 gottes zu der natur der kynder die auß
 dem plut seins waren kinds. dz ist seins
 ewigen mittwesenlichen suns. vnd sein-
 em heyligen geyst widergeporen syn. yn
 das wesen der gnaden vnd yn einem
 göttlichen adel. nit aufschliessen. Dann
 wölken wir die altēnn des merern. teyls
 verdammen. vñnd die kinder auch nit yn
 den hymel lassen. wer soll denn die zal d
 engel. die durch den val der abtrünnigē
 geyst gemyndert ist wordenn. erfüllenn.
 Wer soll den widerual des hymelischen
 barwes wider ersetzen. wer soll den zehē
 den chor machen. Wa bleyben die wort
 sancti Gregorij der da spricht. yn d ome-
 ley. von den zehen pfennynngen. wir glau-
 ben das so vil mensche zu dem hymelisch
 en vatterland auffaren oder kummē wer-
 den. als vil engel belyben sind. So doch

sanct Dionysius de angelica iherarchya.
 setzt. dz die zal der engel weit vbertrifft
 vnser materliche menge. die er auch ge-
 gen der englyschē menge eng vñ schmal
 heyst. Wa bleybē dannoch die wort des
 heyligen propheten Dauids. der da sprī-
 cht yn dem achtvndtreßsigsten vñndhū-
 dersten psalmē. O got dein freünd synd
 nur ser geeret. yr fürsthum ist vast ser ge-
 sterckt. Ich wirdt sie zelen. vnd sie werde
 vber den sand gemaniguelitiget werden.
 Ich wollt wol meer sagenn het ich meer
 zeit. ich beger dz du mich los wöllst sa-
 gen. Der frager. Ich danck dir
 von grundt meines hertze. denn du hast
 mich nit ein wenig ergetzt mit diser deiz-
 er vntterrichtung alten teütschen schün-
 dung. Aber so ich nun hab das die kynd
 die vntter syben iare seyn. gewönllichen
 alle behallten werden. der kinder von sy-
 ben iaren byß vmb die zehenn iar als du
 meynst ein grosser teyl. von zehen yaren
 byß zu dreyzehen auch vil. vnd das grös-
 ser teyl der getaufften wirdt also behal-
 ten. So aber wir. als du vnd ich vnd vñs-
 sers gleichen die auß den kinds iaren. ia
 weyt vber sie sind kummen. nit vntter sie
 gezelet mügen werden. warauff söllenn
 wir hoffnenn. das wir auch behallte mü-
 gen werde. Der antwortter. Thu
 nach der lere des herren der da sprach
 zu den iüngern. Mathey. xviij. Welher
 sich demütiget als dyß klein kind. der ist
 der grösser yn dem reich der hymel.

Der frager. Wie demütigen sich
 die kinder. Der antwortter. Gibst
 du nit wie sy eyn belangenn haben nach
 der muter. wie sie sich frewen weñ vater
 od muter heyn kumpr. wie sie zu yn lauf-
 fen. vnd heben yr angesicht auff. vñ stre-
 cken yr ermlein vbersich zu ynen. vnd er

langen dar durch manig zayche der lieb
als umbfahen. auffheben vnd küßem.
vnd hengen sich an sie. vnd wyckel sych
vnter die geren der mütter. Sehen sie dz
man sie schlagen will. sie flyhen nit. Denn
sie trawen yn nit zu entynnen. Si stelle
sich nit zu werē. den sy trawē nit zu wid
steen. sunder sie vabē vor an zu waynen.
vnd sind sy so alt das sie wol reden kün
den. so schreyē sie. sie wölent es nit mer
thun. vnd fürchten vater vnd muter vnd
haben sie doch lieb. Der ding möcht mā
ein büchlein volsetzen. das du selbs ge
dencken magst. dar durch die kind lyep
lich sind. Wer lert die kinder solche dig
thun. Maynst du das dy natur C die
von gott ist C vergebens die kynd solch
ding lere. Mayn sy on allen zweyfel. sun
der darumb das sie der eltern bedürffen
vnd haben yr narung von ynen. als sy dy
natur von yn haben. Darüb von einspre
chen der natur liebeln sye sich also gegē
in. Wie danckt dich nun. maynst du. wen
die menschen sich also bewysen gen got
dem herren. als die kinder sich erzaygen
gen yr eltern. ob er sy verdammē möcht
oder den hellischen wolf lassen hyn zie
hen. Der frager. Ich kan es nit
glawbenn. das er die möchte lassen die
solch forcht. solche liebe. solche begirde.
solchen trawenn. solche freud. solche yn
brünstige zeychen geystlich ym bewys
en. vnd zu ym heten. als du von den kin
dern gesagt hast. Darum gestee ich dir
das es vnser grobykeit vnd vndanckber
keit schuld ist. das wir verlassen werden
Vnd leucht mir nun ein. warumb sich d
herr so lyeplich den kyndern bewyhem
hab. vnd wen die kinder bedeüt haben.
vnd ich merck wol. weren wir alle kinder
so würden wir alle behaltenn. Nun

sag mir welches dy sünd sey. Durch dy
C als du sagst C allein vnd kein andere
die menschen verdampft werden. Nun
hab ich mich oft umb mangelley sünd
willen gefürcht. vnd yetzo die sünd. den
ein andere verdacht. vñ zu zeyten nit ge
wyßet welche sünd mich C da gott vor
sey C mir umbpringen möcht. oder gott
dem herren wyderer seyn. Ist denn nur
ein sünd. die allein den schaden thut. so
nenn sy vns das wir vns wissen dar vor
zu hutten. vnd gott den herren dar wyß
an zuruffen. Der antworter. Ich
will dich nit lang auffhalten. Sag mir
welche sünd mag dich verdammen. wenn
du rew vnd layd darumb hast. vnd wilt
sie büßen vnd bessern. vnd welche sünd
mag dir verzygen werden. on die reu. es
sey yn sünd oder in gemeyn. Der fra
ger. Du bestest yn deinen reden. vnd
hast dich gelöset. So aber die vnrew. dy
sünd ist. durch die allein der mensch ver
dampft wirdt. wie soll der mensch die sel
ben sünd der vnrew büßen. die yne in al
len sünden hellt vnd macht sy ym. allsch
edlich. vnd also schedlich. dz er auch vñ
die kleinen vnd leychliche ewiglich C als
ettlich lerer sprechen C muß leiden. der
für die grossen vñ tödtlichen nit rew
gehabt hat. Der antworter. durch
yr widersach als durch die rew C durch
die allsünd getilgt vñ gebüßet werde C
soll der mensch auch die vnrew büßenn.
wann es soll ym sunder leyd sein. das ym
sein sünd nit allweg layd sind gewesen
Aber zekommen auff die fürderlich
en frag. von den erschrockenlichen vñ
tröstlichen Worten vnser herren. welche
die andern vbertreffen. So merck kurtz
lich was die maynüg ist. Ich hab vor ein
frag bewegt ob die erschrockenlichem

der gottlichen barmhertzigkeit

wort vnser herren krefftiger weren zu achten oder die tröstlichen. vnd hab nun gearguirt. daz die erschrockenliche krefftiger scheinen. denn die tröstlichen. Das hab ich mit dem bewert. das die selbige wort in mer menschen stat habenn denn die tröstlichen. denn mer werde verdäpft denn behaltten. als die wort vnser herren die oben gesetzt sind worden. ynnhalten. vnnnd das ist nun ein erschrockenlich ding. vnd setz vns yn groß vorcht. das ein yglicher zubeforgenn hat. das er nit eyner sey von der zal der die verdampft sollen werde. dyse sorg vñ forcht nympt yn etlichen so ser vber hand. das sie yn melancoley. kleynmütigkeit. hertzleid. vnnutt. vnd angst vallen. dar durch sie von verzweyfelung angefochten werden. vñ so sy on das vorchtsam seyn. wenn sy hören das man dz hymelreich also teür. vñ die hell also gemeyn. vnnnd also vil tod sünd. vnd die pein der hell so vnaufspiechenlichen hertt vnd vntreglich vñ ewig C als sie den ist D macht. mit wortē an d̄ predig. vnd die gerechtigkeit gottes so strēg so sy mer trosts bedörfftē so erschreckt mā sie. dz sy vor engstliche forchtē verzweyfelu wollen. vnnnd das beschicht zu zeiten den die gar vngern wolten vnrecht thun. Darumb zu trost solcher menschen die man auch nach der heyligē geschrifft tröstē soll. als gott d̄ her durch den heyligen propheten ysaiam. yn dem fünff vnnndtreyßyghstenn capitel spricht. Sprechend. yr kleynmütigen werdet gesterckt. vnd fürcht euch nit. Vnd Sane Pauls in dem letzten capitel der erstenn Epistel zu den von thessalonica spricht Wir bittē euch pruder straffend die vngerüyen. tröstent die kleynmütigē. nēpt auff die trancken. so sprich ich. wie wol

alle wort des herren gleych war seynn. Wann als der herz yn dem Euangelio spricht. Hymel vnd ertreych werden hingeen. aber seine wort werden nit hyngesen. Mathei. xxiij. vnd. v. Bis hymel vnd erd zergeet. so wirdt nit ein büchstab. od̄ ein J zergenn von dem gesetz byß alle ding beschehen. Darumb ist nit zu sprechen. das ein wort mynder steyf sey weder das ander. der warheit halbē. Aber das mag man wol sprechen. das got der herz groftetiger ist in der barmhertzigkeit. denn in der gerechtigkeit. Denn es stet gar oft geschriben von der vile der barmhertzigkeit. denn vñ der vile der gerechtigkeit. vñ die heylig kirch spricht in aym gebett. das man an dem zehenden suntag nach dē pfigstag nach römischer ordenung liser. das gott der herz sein allmechtigkeit allermeyst yn vbersehen od̄ schonen vnd erbarmen offenbaret. vnnnd pflicht in ein teyl collecten oder gebetten die zwey zusamen zusetzen. Allmechtiger vnd barmhertziger got. vnd also gerar ich miltiglichen sprechen. das man die tröstlichen wort vnser herren vñ allermeyst dye er an dem letstenn an dem creütz geredt hat mag erheben vber andere wort. die dy strengigkeit oder hertigkeit fürhallten vnd lauten. vnd das vmb dreyer oder mer sacht willen.

Das drey sacht sind. durch die bewysen wirdt daz die tröstlichen wort die dy barmhertzigkeit antreffen. vbertreffen die wort die dy strengigkeit der gerechtigkeit antreffen.

In ersten. vmb das die geschicht die barmhertzigkeit mit hauffen. mit völle. mit gentze. oder mit wortē der gleichen für hallt. das sie nit pflygt so gewönliche zuthun mit der gerechtigkeit
Yij

Von der vbertreffung

keit. sunder gen gott zu rechnen. vnd ich red yetzo von der straffenden vnd büßsenden gerechtigkeit die gegē der barmhertzigkeit verstanden wirdt.

Wo den die der barmhertzigkeit gottes zeugnus geben. vntter den der erst grob zeug der grob heylig prophet moyses ist.

In moysen zu eym zeugnem der doch ein diener vnd vollfürer d̄ strengen gerechtigkeit gottes gewesen ist. vñ ei mitteler des gesetzes d̄ vorcht. vnd eyn aufschreyer vnd verklünder der greulichen erschrockenlichen vrteyl gottes. vnd der fürderlichst vnd erst beschreyber der manigueltigen rach. vnd seiner erschrockenlichen trowort. noch spricht er zu gott dem herren yn dem vñ erondtreybigistenn capitel Exodi. Herr gott. barmhertziger. gnediger. oder ermutiger. gedultiger. vñ viler barmhertzigkeit. Sihest du das er gott dem herren vil barmhertzigkeit zu schreybt.

Von kōnig dauids zeugnus.

In ym noch einē grosse zeugē kōnig dauid. der yn seinen gedichten vñ gesungen sich nit lasset benügen. das er gott den herre barmhertzig allein oder schlecht nennt. sunder er vbergeußet es mitt worten. das er dar bey yr vbertreffen in yren wercken zu versten geb. Also spricht er yn dem vierondviertzigistenn vnd hundersten psalmen. Der erbarmer vnd barmhertzyg her. gedultig. vnd vil barmhertzig. Süß ist der herz allen den die da sind. vñ sein erbarmunge oder erbarmde vber alle seine werck. Itē i dem zwey vnd hundersten psalmen spricht er Der erbarmer vñ barmhertzig her. Der langmütig vnd vil barmhertzig. wirt nit ewiglichē zürnen. vnd wirt nit ymmer

ewiglichē troē. wān nach d̄ höhe des hymels vñ d̄ erde. hat er gar gesterkt sein barmhertzigkeit vber die. dy in fürchte.

Das die gerechtigkeit oft in gnade genummē wirdt yn der heilige geschrift

Ich frag dich. wa lifest du solche wort von der gerechtigkeit in der heiligen geschrift. es sey denn von der gerechtigkeit die auch in gnade genummē wirdt. als yn dem selbenn psalmen. herab baf stet. Die barmhertzigkeit des herzen ist von ewigkeit bis in die ewigkeit. vber die dy yn fürchten. vnd sein gerechtigkeit in die sū d̄ sū. den die sein testament halten. vnd sind seiner gebot eingedenck d̄ sie die thun. Da wirdt die gerechtigkeit yn gnaden genummē vñ für die barmhertzigkeit. durch die d̄ mensch von den sünden erlöset. gefreyet. vñ gerechtfertiget wirdt. vnd das selb sol len die forchtsamen mensche wol merckē. das man die gerechtigkeit oft vnd dick. besunder wa sie gegrößet wirdt. also nympt. vñ also ist die gerechtigkeit nit wiē die barmhertzigkeit geteylet. od̄ gegēir. sūnd sie ist selb dy barmhertzigkeit Das du aber des selben gewis sehest. das die gerechtigkeit in gnaden vñ für ein vbung der barmhertzigkeit genummē werd. so merck d̄ die glos vber die wort sant Pauls setz. die er schreybt in dem dritte capitel zu den rōmern. Nun ist die gerechtigkeit gottes on d̄ gesetz geoffenbart. Da spricht die glos also. hie wirdt die gerechtigkeit gottes genennt. nit die durch die er gerecht ist. der wesenlich die gerechtigkeit ist. sūnd die. durch die er den vnmiltē mensche antut. Wen er yn barmhertziglich vñ einem vnglawbigē glawbig macht. Merck das. das er spricht. Wen er barmhertziglich vñ ein

der gottlichen Barmhertzigkeit

ein vnglawbigē einen glawbigē macht.
vñ herab bap spricht die glos. Darumb
wirdt dñe gerechtigkeit. gottes gerech-
tigkeit genenēt. die mer C als es scheit
vñser barmhertzigkeit zenennen ist. wāñ
sie hat einen vrsprung. vō der gelāptnus.

Das die warheit auch in gnaden ge-
nūmen wirdt. zeigktus d muter gottes.

DEs gleichen ist es auch mit d war-
heit. wāñ sy wirdt oft vñ dick für
das selb genūmen. für das die barm-
hertzigkeit genūmē wirdt in gnadē. den
das dz der vntterscheyd ist. dz die barm-
hertzigkeit siht an das verheysenn. die
warheit. das leyttē. den auß barmhertz-
igkeit kumpt. das das vns gott der herr
guts verheysset. Besunder das wyrt nit
verdyenen mūgen. So kumpt das auß d
warheit. das er halt das. das er verheis-
sen hat. als die glos vber den achtvñach-
tzigstē psalmē clerlich meldt. Darūñ
sprach maria die muter vñsers herrē yn
yrem lobgesang. Er hat ysrahel sei kind
auffgenūmē. Er ist angedenck wordē
seiner barmhertzigkeit. Als er geredt hat
zu vñsern vātern. Also solt du dich nit
lassen zu kleinmütigkeit erschrecken. ob
dich bedencht. das die warheit. d barm-
hertzigkeit gegleicht wūrd. Als yn dem
achtvñdachtzigsten psalmen da hetan
od idithun künig dauids singer gespro-
chen hat. die barmhertzigkeiten des her-
ren will ich in die ewigkeit singen. Spri-
cht er darnach. In geschlecht vñnd ge-
schlecht. will ich dein warheit verkündē
yn meinem mund. wann du hast gespro-
chen. In die ewigkeit wirdt die barm-
hertzigkeit gebawē in den hymeln. dein
warheit wirdt berayt in ynen. Denn es
wirdt da. vñd an solchen orten gemaint.
was gott der herr. barmhertziglichenn

versprochen vñd gelobt hat. dz wirdt er
warhafftiglichenn volbringen. Item das
wid spricht aber in dem fünfundachtzig-
stē psalmē yn dem vberde vers. Wāñ
du herr bist süß vñd seufftmütig. vñ vñ-
ser barmhertzigkeit. allem den die dich
anruffen. vñd yn dem zwelfstem vers.
Wann deyn barmhertzigkeit ist groß
vber mich. vñd in dem vierzehendē. Vñ
du herr gott. du erbarmen vñd barmher-
tziger. gedultiger. vñ vñser barmhertzig-
keit. Wz sollt ich vil vō den singen sagē.
die dy kind wissen. vñ ettlich die in selbs
waich vñ zart sind. vñ freylichen d barm-
hertzigkeit gottes also wol bedorffenn
als and leut. vñd sind doch and leuten
hert. die verbergē es. Wie wol das selb
auch in guter mainūg mag beschehe. vñ
vñ des bestē willē vō d grobe sünd we-
gē die dy gerechtigkeit gottes verach-
tē. vñ sei barmhertzigkeit misprauchen.
vñ on forcht sündē. vñ nit allein wid die
barmhertzigkeit. sünd auch wid alle ge-
rechtigkeit betrübē vñ schädigē ire nech-
stē. dz vñser herr dz selb rechnet vñ straf-
fet. dz ist ei werck d barmhertzigkeit. gē
den die vnredlichē belaidiget vñ besche-
diget werdē. Darūñ spricht gott d herr
Exodi. xxiij. Den fremde od außlend solt
du nit betrübē. noch peinygē. d wittwen
vñ dem wayßē sollet ir nit schadē thun.
den werdēt ir sy belaydigen. so werdē sy
zu mir schreyenn. vñd ich wird yren ruff
erhören. vñnd meyn zorn wirdt wyder
euch vnwyrt seyn. vñnd ich wyrd euch
mit dem schwert plagen. vñd ewer haus
frawen werden wittwe werden. vñd ew-
er kinder wayßen. Ist es das der arm. d
geengstet vñd gedruckt wirdt zu mir sch-
reyt. So wird ich yn erhören. wenn ich
byn barmhertzig. Dis sind die wort got

Von der vbertreffung

tes zu moysen. Die er yn hych. Dem volck für halten. In den du wol hörst. Daz es gott der herr der barmhertzigkeit zu schreybt. das er die armen richet. Darumb zelest es dauid auch zu den wercken der barmhertzigkeit. yn dem zweyundhundertsten psalmen. da er nach vil wercken der göttlichen barmhertzigkeit (die er yn dreien versen erzelet hat) spricht. Der herr ist barmhertzigkeit thun. vnd das recht allen den die vnrecht leyden. Da d'heilich Job vil werck der vnarmhertzigkeit des bösen menschen erzelet het. Da sprach er. Die barmhertzigkeit soll sein wegessen. Willst du wissen weh. So liß das vierundzweintzigste capitel des selben Jobs. Das laß ich ansteen. Ich meyn die gottföchtigen vnd kleynmütigen zu trösten mit der göttlichen barmhertzigkeit. vnd nit die tyrannen od' vnterich. vnd muttwilligē sündler (sy wollen sich denn bekeren) denn sy künden sich selbs wöll trösten. Gott geb das sy sich nit betryegē. wölln sie sich anders bekerē. Der vierd' groß zeug d' reich en grossen barmhertzigkeit gottes ist d' der darüb' groß barmhertzigkeit erlägt hat. das er die barmhertzigkeit gottes predigete. vnd schryb vnd schry. vnd auß ruffte in alle weyte werlt. Wer maynstu der der sey. Der frager. Es ist gut zumerkenn auß deynen Worten das du sant Pauls maynst. Derantwortter. Recht hast du gemerkt. den du magst wol gelesen haben daz er in dem andern capitel zu denē vō Epheso spricht. Gott der da reich ist yn der barmhertzigkeit. Vnd in dem fünfzehendenn capitel zu den römern. schreybt er. Ich sprich das die heyde auff die barmhertzigkeit gottes eren sullen. Item in dem erstenn capitel

der ersten epistel zuñ thimotheo spricht er. Ich sag danck dem der mich gesterkt hat in vnserm herren ihesu cristo. das er mich getrew geachtet hat. vnd hat mich in sein dienst gesetzt. Der ich vor ein gotz lesterer. vnd ein durchechter vnd schen der gewesenn byn. Ich hab aber gottes barmhertzigkeit erlangt. Wann ich hab es vnwissend gethan. in dem vnglawbē. vnd die gnad vnser herzen hat vberhād genummen in mir mit dem glawbē vnd der lieb. die in cristo ihesu ist. Das ist eyne getreue red. vñ aller angenemygkeit würdig. Dann ihesus cristus ist in dise werlt kommen. das er die sündler selig machte. vnter den ich der vorderst bin. Aber dar vñ hab ich barmhertzigkeit ervolgt. D' der herr ihesus cristus in mir zuñ ersten erzeugte alle gedult. zu einer vnterweisung der. die ym glawben sullen. zuñ ewigen leben. vnd in der Epistel zu den von Epheso in dem dritten capitel spricht er. Wir der ich der myndst vnter allen heyligen bin. ist die gnad geben. das ich vñ künden vñ predigen soll. die vnaussprechliche reichthümer cristi. vñ yderman erleuchten zc. vnd in dem andern capitel d' selbenn epistel spricht er (das ich vor nit aufgesagt hab) Gott der in der barmhertzigkeit reich ist vmb seiner vbergroßen liebe willen durch die er vns lieb gehabt hat. da wir in den sündē tod warē. Da hat er vns mit cristo lebendig gemacht. durch des gnad yr behaltenn seyet. vnd hat vns mit ym aufferweckt. vñ vns mit ym oder bey ym sitzenn gemacht yn den hymelischen in cristo ihesu. D' er in den vberkūffrige werkten erzeugte. die vbergeenden reichthümer seiner gnad. yn der guttheit vber vnns yn cristo ihesu. wann durch die gnad seyt yr behaltenn.

der gottlichen Barmhertzigkeit

Durch den glawbenn. vnnnd das nit auß
eulich. wann es ist die gab gottes. nit auß
vnserer werckē. D̄ sich nymāt erheb. Itē
zum titō spricht er im drittē capitel. Da
die gutigkeit vñ mēschheit gottes vnser
behaltners ō seligmachers erscheinē ist.
Da hat er vns nit auß den werckē der ge
rechtigkeit die wir gethan haben. sunder
nach seiner Barmhertzigkeit selig gema
cht. vñ bey dem anfang der andern epi
steln zu denen von Choroyntho spricht er
Geseget sey gott vñ der vater vnser
herr ihesu cristi. der ein vater ist d̄ Barm
hertzigkeit. vñ ein gott des gantzē tro
stes. der vns tröstet in aller vnser trübsal
Sihst du das yn samnt Pauls eyn vater
nit allein der Barmhertzigkeit. sunder d̄
Barmhertzigkeiten. einen gott nit allein
des trostes. sunder des gantzē trostes
nennt. der vns nit allein in etlicher trüb
sal tröstet. sunder in aller trübsal tröstet
Dunckt dich daz ich nit war gesagt hab
das vns die heylig geschriffte die barm
hertzigkeit gottes gehauffet vñ mit vol
len vberfluyssend fürhellet. vñ streckt sy
von dem anfang biß an das end. vñ ein
ort zu dem andern. vñ schleüßet nymāt
von yr auß. der sye mit rew anruffet. be
sünd yn dyser zeit. Du hast oben gehört
das dauid spricht. Die barmhertzigkeit
des herren von ewig byß in ewig. daz ist
mer denn ich gesprochen hab. Aber les
sen wir allen teglichen tag in dem acht
zehenden vñ hundertsten psalmē Dein
er barmhertzigkeit herre. ist d̄ ertreich
vol. So gibt die heylig geschriffte auch
zarte vñ milte ebēbild. vñ gleichnus als
kūig dauid da er spricht. psalmo. cii. wy
sich ein vater vber sein kinder erbarmt.
Also hat sich d̄ herr vber die sy yn fōrch
ten. erbarmet. wann er erkennt vnser ha

fenwerck vñ blödigkeit. Er ist angedeck
worden. das wir puluer sind. vñ solch
er ding erzelet er da vil. als du selbs wol
weyßt. durch die er sache der erbermd in
gott meldē will. Gleich als ob er sprech
en wolte. Got der herr siht vil prechlich
keit vñnd armut oder arbeytseligkeit yn
vns. daruñ nympt er vil vrsach d̄ Barm
hertzigkeit. Doch soll man hie bey den
sachen. die gegenwürtff d̄ Barmhertzig
keit versten. ō solche dyng vmb d̄ willē
sich gott vber vns erbarmt. Dyse gleich
nus von der vätterlichen barmhertzig
keit volfür vnser herr ihesus selbs in dē
heyligenn ewangelio Luce. xv. von dem
verlorenen sun. vñ bestetiget es. Vñoch
ein zarter gleichnus gibt der herr selber
von der mütterlichen erbermd. da er spri
cht ysaie. xlix. Mag icht eyn frau ver
gessen yres kleynē kinds. das sie sich nit
erbarm vber den sun ires leibs. als ob er
sprech. Vñayn. vñ volgt hernach. vñ ob
ein solche yres kinds vergesse. so will ich
doch dein nit vergessen. Sih an ich hab
dich in mein hend beschriben. vñnd vol
gend vil tröstlicher wort in dem selbē ca
pitel nach disen. die l̄h selbs wiltu sye
wissen. Vñit mynd ist dise gleychnus nit
feltzam in den prophetē da die barmher
tzigkeit gottes vntter dem beyspyl. eins.
der eyne yn der iugent vast lyeb gehabt
hat. vñ sie ist ym nachgeuolgt. vñnd er
hat ir alles gutt gethan. vñnd sie wirt
treiprūchtig an ym. vñnd er verlasset sye.
vñnd sie kumpt yn grof leyden vñnd layd.
vñnd er gedencet dem yrer ersten lieb. vñ
wirt yn yr kummer vñnd ellend. erbarm
menn. vñnd versūnet sye wyder mit ym.
vñnd so vil als er sie mer verschlagen. vñ
nach dem selbenn verstossen vñnd leng
er verlassen hat. so vil erbarmt sy in mer

vnd ist yr fürbas gnediger vñ güttriger. Dñ beyspyl wirdt so offft von gott dem herren vnd so zertlichen fürgehalten. Dñ es eyn steinherten gemüt zu hertze sollt geen. Nun hör was gott der herr dem propheten Jeremie gebeüt. Jeremie. ij. Gee hin vñ schrey oder ruff. yn die oren iherusalem vnd sprich. Dñ spricht gott der herr. Ich bin dein angedeck wordē. vnd hat mich dein iugend erbarmdt. vnd die liebe deiner vermählung. da du mir nach geuolgt hast i die wüste. in dñ land das nit geseet wirdt. vnd aber eins spricht er yn dem eynvndtzigstigen capitel. In ewiger liebe hab ich dich lieb gehabt. Darumb auß erbermd hab ich dich zu mir gezogen. vnd ich wird dich wider aufrichten oder bawen. du iunckfraw ysrahel. Du wirst noch mit dein baucken geziert werden. vnd wirst in dem rayen oder chör der spylenden herfür treten. In dem viervndfünfftzigsten capitel. ysaiē spricht gott der herr. Nit fürcht dich. wann du sollt nit gescheñdt werde noch schamrot. wann du sollt nit beschemet werden. wann der scham deiner iugend wirst du vergessen. vnd der verweyhung deines witwenstands wirstu nit mer gedencen. wann dein erlöser dñ ysrahels heylig ist. wirdt eyn gott alles ertrychs genennt werden. wann als eyn frawen. die verlassen vnd yn dem geyst betrübt ist. hat dich der herr genennt. vñ ein haupfrawē. die von iugend auf. auß gestossen oder hingeworffen ist. hat got dein herr gesprochen. Eyn punctē ein wenig hab ich dich verlassen. vnd yn grossen erbermdenn wird ich dich zesamennpringen. In eyn augenblick meiner vnwirdisheyt. hab ich mein antlitz ein wenig verborren vor dir. vnd in ymer ewig

ger barmhertzigkeyt hab ich mich ober dich erbarmet. Als mir das ist in den tagen des noes dem ich geschworen hab. Dñ ich die wasser dñ sintflut nit mer ober das ertrych layten woll. Also hab ich geschworen. Dñ ich fürbas nit mer ober dich zürne woll vñ woll dich nit anschnautze oder anfarem vnd straffem. vnd yn dem ser zigsten capitel spricht er. In meiner vnwirdisheyt hab ich dich geschlagen. vnd yn meyner versünung hab ich mich deyn erbarmet. Ich bitt dich. wey sollt got der herr clerlicher vnd lautterer dñ se meynung seiner zarten barmhertzigkeit vñd yres vbertreffens gen der gerechtigkeit fürhalten. Denn sie in disen witten vnd beyspielen fürgehalten wirdt.

Der frager. Ich kan nit achten. wie man sie bas erzeygen sollt. Der antwortter. Hast aber auch war genummē der wort. durch die dñ vbertreffung dñ barmhertzigkeit ober die gerechtigkeit bedēit wirt. durch dñ gott der herr die kleyne vnd kurtze der gerechtigkeit. vnd die größe vñ die lēge dñ barmhertzigkeit zu verstē gibt. So er spricht Ein puncten ein wenig hab ich dich verlassen. vnd yn grossen erbermden wird ich dich sameln. hast du es gemerckt. das er nit allein ein wenig. spricht. sunder er spricht einen puncten vnd nit alleyn spricht er. In erbermd. noch yn grosser erbermd. sunder yn grossen erbermden. vñ des selben gleichen halt er darnach den augenblick der vnwirdisheit die zu der gerechtigkeit gehört. gen der ymmerwerē denn ewigkeit der barmhertzigkeit.

Der frager. Es möcht ymāt sprechen dñse tröstliche wort geen alleyn die gutten oder die gerechten an. vñter die ich mich nit zelnē tar.

der gottlichen Barmhertzigkeit

Der antwortter.

Ich red nit von den gerechten oder vn-
gerechten. auff diß mal. so vünd ich anch
nit das der herr on den orte allen. allein
den zu sprech. die nit gesündt haben. sun-
der der gemeyn. die er vmb d sünd willē
gestrafft hat. darumb so wir gesündt ha-
ben. so sollen wir gott den herren fürch-
ten. vnd vns zu ym keren. vnd yn C dz er
vns die vergangen sünd gnediglichem
verzeyhe. vnd vor den die wir thūn möch-
ten barmhertzyglichen behüten wöll C
anruffen. vnd sein straff gedultiglichen
aufnemē. wañ wen er lieb hat. den strafft
vnd kestiget er. als er selbs spricht. Apo-
calipsis. iij. vñ sant Pauls spricht zu den
hebreyschen yn dem zwelften. vnd Solo-
mon yn dem dritten der spruch. Er gaw-
selt ein yglichen den er zu eym sun auff-
nympt. das ist. er strafft yn. vnd beweyset
sich ym als ein vater. vñnd hat eyn wol-
gefallen in ym als in seinem sun. wñ du
also in der forcht gottes steest. vñnd be-
gerst zu meyden alles das. das wiß sein
ere vnd liebe ist. So hoff in yn. wenn es
spricht das gesang Aggey vnd zacharie
Gott der herr hat eyn wolgeualten
yn den. dyē yn förchtenn. vñnd yn den.
die auff sein barmhertzigkeit hoffen.
vnd die muter der höchsten ewigen war-
heit die kōigin d barmhertzigkeit sprit-
cht yn yrem lobgesang. Sein barmhertz-
igkeit von geschlecht in geschlecht. ver-
steet wirt bewisen oder kumpt zu hylf vñ
zu trost den die yn förchten. Mit welchē
worten der muter vñ der kōigin d barm-
hertzigkeit. ich diß stucklein. das vns be-
weyset. wie millt vñ grof vns die barm-
hertzigkeit gottes durch die heyligē ge-
schafft fürgehalten werd. beschlossen
will haben.

Die ander sach vnd weyß. durch dy
man anzaygung hat. das die wort
die da trösten vbergeen in der stercke. dy
erschreckendē wort. die stet in den bewer-
ungen der vernunft nach dem glawben.
Nach solcher weyß arguir ich zum er-
sten also. Das gutt ist stercker. denn das
böf. dann das gutt mag on dz böf sein.
aber das böf mag nit on das gutt sein.
Wann das vollkommen gutt dz gott we-
senlichen ist. ist on alles böf. vñ dz selb
gutt ist endloß in der krafft. wann es ist
allmechtig. Aber dz böf ist also schwach
vnd blöd. das es in ym selbs vnd lautter
nit sein mag. Soll es seyn. so muß es yn
dem gutten sein. das geprechenlich vnd
wonderbar ist. als die dyng alle bewert
sind durch hoh lerer. vnd besunder samte
dyonisiū vñ den göttlichē namē. Tut
die tröstlichen wort geen auff das gutt
oder sehen das gutt an. die widerwertig-
gen wort sehen das böf an. vnd wie wol
die erschreckenden wort das böf vntter
der sach des guten C als der gerechtig-
keit die gutt ist C ansehen. So beschleuß
set doch die vernunft das das. das das
gutt vntter der sach des gutten ansyht
C nach irz erkentnuß nach den angesehe-
nen dingen C stercker in der guttheit sey
denn das. das das böf vntter der sach
des guttē ansicht. Den das erst ist nach
allen sachen gutt. vñ also nach mer sache-
en denn das ander. das zum mynstē der
materien halbenn die es zu eym gegen-
wurf hat. mynder gutt oder edel ist den
das erst. Also so gott dem herren törenn
vnd lebēdig machen. plagen vñ heylē zu
geschribē werdē. wie wol er in im selbs i
yn beydē gleich gutt ist. so ist doch in ym
selbs nach dē geschlechtē d werck vñ auf
se haylē edler den plagē. lebēdig machē.

Denn töten. Denn plagen Das ist schlaßē
oder verwunden oder schedigen. vnd tö
ten mügen auch die creatures. aber hay
len vnd allermeeerst lebendig machen. ge
hört allein gott zu. vnd ob man von eym
menschen als von eym artze sagt. das er
hayl oder gesundt mach. dz ist gleich ein
red. als ob eyn parror sprech. Den wäytz
hab ich gemacht. den er macht dē wäytz
nit. sunder er berart mir das veld. vnnnd
würfft den wäytz dar ein. so würckt den
die natur. als got der herr ordenet oder
geordenet hat. Das der sam yn dem ges
bawten acker durch mittel der würckung
der einfluß vō obē herab. durch die fei
chtigkeit vnnnd werme. vnd sölicher ding
die von der sunnen vnd andern planeten
kummen. in seinerley soll wachsen vñ ge
manigueltiger werden. Darum wie wol
man söliche edele werck als gesuntmach
en den mensche zu schreybt. so gehört es
doch ynen nit zu aygentlichen zureden.
sunder eyner curiert den andern. das ist
er pflicht sein. Er gibt ym etwas. daryn
die natur dye im gott der herr gegeben
hat würckt. vñ er wayß was art od kraft
das vñ dz hat. vnd ist etwas zu scharpf
oder zu starck in seiner krafft. so waish er
ein anders dar gegenn das widerwertig
ger art ist. vnd temperiert eyns mit dem
andern. vnd pringt sy also zu einer mittel
messigen weisheit. nach dem als er si
cht das es zu vertreybung oder buß der
kranckheit dyenet. vnd also ist sein ampt
nur die ding die da würcken. dz ist durch
die hitz oder kelt. wermen oder küle mit
denen die da feuchten vnd truckenen. in
rechter proportion oder maß zesamē fü
gen vnd dem kranken zu hilf seiner gut
ten natur zu geben. oder an yn zu legen.
das sie sich weren müg wider die kranck

heit. vnd dz ich von dysem auff die mayn
ung kun. Gesundt machenn gehört ay
gentlichen gott oder der natur zu. der er
das gegeben hat. Aber die toten mēsch
en lebendig machen. gehört im allein zu.
er hat das selb d natur mit gegeben. Aber
töten vnd verwunden. mügent diewölff
die schlangen vnd ander vil vnuernüff
tyger creatur. wer will denn sprechen.
das das alleyn gott vermag nit höher
vnnnd edler sey. denn das. das die aller
schönödesten tyr vermügen. Der frä
ger. Du hast mir die begird bewegt.
dz ich so ich nan materi der betrachtung
ober dz Gloria in excelsis hab. So wolt
ich auch geren etwas haben vber dz ky
rieleyson. das noch gemeyner ist den das
gloria in excelsis. vnnnd hat oft auch vil
noten. vnd wirdt lang gezogen in dem ge
sang. Der antwortter. Lieber laß
es yetz ansten durch aller gesellen willē.
wirdt vns d tag eins die zeit. so laß vns
dar von gedenckē. vnd laß vns yetz furt
gen. Der frager. gee anhyn in got
tes namen. Der antwortter. Zum
andern mal mag man also arguyren für
die barmhertzigkeit gottes. Wz da sch
lecht von gott gemaynt ist. das ist für d
licher vnd stercker oder vbertreffentlich
er denn das. vntter eyn geding gemeint
ist. Die seligkeit. Die barmhertzigkeit an
siht. vnd das gutt des menschen. ist sch
lecht gemaynt. aber die verdampnus. dy
die gerechtigkeit ansiht. ist allein vntter
eim gedig. also ob er die barmhertzigkeit
verachtet. oder sich nit zu ir schickē will.
Darumb ist die barmhertzigkeit. die den
menschen behalten will. stercker od vber
trefflicher. denn die gerechtigkeit. die
yn verdümē will. so er vbel tut. Sprichst
du denn. das gott der herr den mensche

der gottlichen barmhertzigkeit

auch vntter eym geding behallte oder selig machen will. als wenn er recht thut. vnd also synd sie gleich. Denn tut er wol vñ recht so wirt er behallten. tut er vbel vñ vnrecht. so wirdt er verloren. auff welhen syn auch die glos redt. i. Ad thimothē. ij. also sind sie beyd vntter einem geding. Denn wie er nit verloren wirdt. er thu denn vnrecht. also wirdt er auch nit behallte. er thu den recht. Dar zu sprich ich. Es ist nit gleich. Denn got der herr will das yderman wol vnd recht thu vñ behallte werd. Wer get art aber sprech en das er wöll das yderman vbel thu. vñ verdampt werd. Ds förder spricht sant Pauls yn dem andern capitel. Der erste episteln zum thimothēo. Unser behalter gott. will das alle menschen behallte werden. vnd zu der erkenntnis der warheit kummen. Vnd darumb ist das sein schlechte meynung das yderman recht thu vnd behallten werd. Ds ist aber nit sein meynung. Das man vbel thu vñ verdampt werd. wie wol es sein meinung ist. wer yn dem vbel verharret byß yn das end. Ds er verloren werd. er will aber nit. Das man vbel thu. vnd noch mynder. Ds man dar ynn verharz. vñ er ist allweg bereit dem menschen das vbel zu verzeihen vnd im barmhertzigkeit zu beweyhen. Der sich von dem vbel zu ym keret. Darvmb will er nit schlecht. Das der mensch verdäpft werd. er will aber schlecht das er behallten werd. Vnd das er behallte werd. so will er das er recht thu. Ds man nit mag sprechen von den die verdampt werde. Ds er wöll Ds sie vnrecht thū. dan als die heilig geschrift spricht Got hat nyman gebotten od empfolhe. vnrecht zu thun. Itē zum dritten arguir ich al so. Das vorgeend ist fürderlicher den Ds

nachvolged. Den das vorgeend ist ee. vñ ein sach des nachvolgende. vñ ist es nit ee d zeit halben. so ist es doch ee der wir digkeit oder vrsprungs oder maynung od ordenung der natur halben. Aber d will zu behallte. ist vorgeend in gott. Der will zu verdammen nach geend. als Johanes damascenus behallt ichs recht spricht. also hast du aber die vorige manung. Item das. Das vmb des andern willen ist. Das ist das mynder. vñ Ds. vñ des willen. Ds ander ist. ist fürderlicher vnd edeler. den das ander. Darumb seyn willen ist. als oben bewert ist worde. Als so ist die forcht vñ d lieb willen. ia auch das böß vmb des gutten willen. Als sat Augustin bewert. Also sind die troende erschreckenden wort vmb der trösllichen willen. vñ auch die selbe troenden erschreckende wort kumen auß liebe vñ barmhertzigkeit. als ich oben eyn beyspil gegeben hab bey eym vater als ein rich ter möcht sei d zu seinem sun den er durch schrecken vñ dem bößen wöllt zorniglich sprech. ich will dir also vnd also thun. willst du nit frum sein. als so thut vns gott der herr auch. wir synd also genaturt das wir das vbel der pein mer fürchten. denn wir das gut begere. wie wol die forcht auß der liebe kumpt. vnd des halb die liebe stercker solt sei. aber darumb das vns das vbel bas erkant ist. als das. Das vns gemeiner ist. so ist die forcht der vast bößem ding stercker denn die liebe der vast guten ding. Darvñ so wir wenig bewegt werden durch die gelüpnus. Der vollkommenen gütter. die vns vnertant sind. So will vns gott der herr durch die forcht der vbeln. die vns bas bekant sind wecke. bewege. auf treybe. vnd zu den waren güttern die yn

ym sind rayzen. vnd also gleich als mit beyden hemnden zu ym zyehe. Denn der mit beydem hemnden zeucht. der zeucht stercker den der. & allain mit einer hand zeucht. Denn mit dem das er gutts verheysset. denen die recht thun. so zeucht er gleich als mit der rechten hand. aber mit dem das er troet vbel den sündenden. es sey denn das sie sich bessern. so zeucht er gleich als mit der linken hand. vnd & sich oft mit lieh zihen durch ein werp. & lasset sich zyehe durch die andern. vnd den eyne nit bewegt. & mag durch zwey bewegt werden. vnd also dyent es alles den gutten oder den eruelken zu gutt. Also hast du die sach waruñ got & herz mit allem gutts verheysset. sund er troet auch das vbel. mit dem er vil gut macht. Die sunst böß belybenn. vnd das gutt macht sie nit gutt. es wer denn das böß Also ist auch das böß vmb des guttens willenn. vnd so wir also böß seyen das wir das gutt zum bößen brauchenn vnd machenn. So will vnser herz beweyssen daz er nit mynder in der guttheit ist. Denn wir in der bößheit. vnd braucht dz. Das vns böß ist od böß dunckt. zum gutten. dar bey solt du mich allweg behallten das ich nit sprechen will. das die tro wort böß seyen. sunder von dem bößen. also das das böß ir gegenwurf ist. Als die beycht nit böß ist sund vast gut. aber sie ist von dem bößen. vñ vñ dem waren bößen. als von der sünd 2c. Also hast du das vns gott der herz vbel troet. daz er vns zum gutten treyb vnd gleich durch die vorcht & getroeten vbel zu im zwing vnd zyehe. vnd also will er vns durch die vorcht der vbeln. die er vns troet. pringē zu der erlangung der grossen warē gütter. die er vns verheyssen hat. vnd rechnē

Du auß. ob das nit zu der barmhertzigkeit gehöret. das vns gott der herz vñ erwerbung willen des gutten. vbel troet. vnd also ist die hertigkeit vñ der miligkeit willen. die strengigkeit der gerechtigkeit vmb der süßigkeit willen der barmhertzigkeit. Vñ merck du welches das fürderlichst sey. Der frager. Du singst süßer denn ein schwan. & dem tod nahet. vñ ich het nye keynē lieber gehöret weñ ein klanck mit hernach töme. Der antworter. Du meynst villeicht du gūdest gott dem herren seyns troens wol. wenn nit die warheyt dar auß würd.

Der frager. Das ist mein sorg.

Der antworter. Wenn aber die bößen kynder das getösten getrawen. dz nichtz auß den troen würd den wort. so tetten sie minder gutt. daruñ müssen die tro wort an ettlichenn bößen an die werck gelegt werden. das sich vil ander dar an stossen vnd gutt werden. vñ wer ist & so vñmilt getöst sei. dz er die warheit gottes vñ sein gerechtigkeit. nit verleyet aller liebe der creatur vorzusetzē sein. Daruñ sullen wir es nit anders begeren noch wellen haben. denn so vñns gott der herr darumb troet. das wir gut werden. das wir den getroetē vbeln entgegen mügen. vnd die gelobten gütter erlangen. wer denn nit will gutt werden. sunder er verharret yn bößen wercken vñ yn bößem willen. das ein solcher ee leyd was ym getroet ist worden. denn dz die wort gottes krafftlos söllten werde. so wir doch ee sullen wollen das hymel vñ erd zergee. denn ein wort von den wortē des herren hinder sich gee. So durch sei wort hymel vnd erd sind worden vñ werden auffenthaltten. Vnd darumb ich rat dyrs byß behütt. vnd wilt du dyrs

der gottlichen barmhertzigkeit 22

barmhertzigkeit gottes gnedig vñ gñstig haben. so veracht mt. sunder sörcht eer. vñd hab auch lieb die gerechtigkeit. Den sy sind gar wol apns in got dem herre. dz wöllen ettlich narre mit merckē. vñ die gerechtigkeit verachten vñd ruffen doch in nōtten dyc barmhertzigkeit an. Darumb wirdt ir ruff auch verachtet. vñ als du nun gehört hast. das das troen d bösen ding dient zu dem. dz dz die tröstlichenn wort. als die gelüptnus der vast guttē ding dester krefftiger seyen. vñ zy hē vns dester mer zu dē verheissenē güttern. Ist fürbaß dar bey auch zu merckē. Das das troē der bösen erschrockenlich en ding mit allein dient vñ fürdert zu erlangung der gutten. sund es macht auch die guttē ding vil besser vñ süß er. Des nyin ein gleichnus yn natürliche dingē. wenn wir cupfinden teglichen. das das essen nach grossen hunger. das trinckē nach grossen durst. die rwo nach grosser langer arbeit od müde. die wyrmē nach grossen frost gar wol thun. vñ soult baß als vil als ir vorgeend widersachen oder widersetz wyrt her gethan habē. Also ist die sicherheyt gar seer süß nach grosser vöcht. die freud nach grossen leyd. die reichthumb nach grosser armut. Süß vñ lieplich zureden von den mechtigen herre nach grossen troen. Ich gedencē du vernemst dise meynung wol. vñd was man darauff ziehem mag. Der antwortter. Daz fünft argument. dz die barmhertzigkeit vbertreffe. ist das. was ein natürlich aygen. vñd vō ynnen oder ynnere ist. das würck er gerner lüßlicher vñd gewönllicher. denn dz im fremd. eüß er oder von aussen vñd gleich als wider sein art ist. nun vber das. das in dē acht vñd zweintzigstē capitel des büchs ysai

ie geschubē stet. Der herr wirt zürne. dz er sei werck thu. fremd ist sei werck dz er sein werck würck ist sei werck ein pilger werck von ym. da spricht die glos. Wirt d herz nun als er da zermal gezürnt hat. nayn. wan es ist mit gottes werck. das er die verliere die er beschaffē hat. gottes aygeschafft od ayge ist. erbarmē. vbersehen. vñd vergeben od verzeihen. Fremd von ym ist es das er zürn vñd hūß. Das spricht die glos da selbs. Das ist bestetiget durch das gemein gebett der heyligen cristenlichen kirchen. dz da also laut Gott dem es aygen ist allweg zu erbar men vñd zu schonen. oder zu vbersehen. Sihst du wie dar das gesprochē ist. dz die barmhertzigkeit auch gott dem herren ynnere sey. das mügenn wyr auß der weis der red der heyligen geschriffte zye hen die da pflegt die ynnern glid zu nen nen. da sie vor der barmhertzigkeit setze in der person der prophetē oder gottes. als der heylig prophet ysaias yn dē drey vñd sechtzigsten capitel spricht. Der erbermden des herren will ich angedenck sein. vñd seins lobes vber alles das das vns der herz widerumb geben hat. vñd vber die menge d gütter die er vns nach seiner verzeyhung vñd nach der menge seiner barmhertzigkeiten miltiglichem gegeben hat. vñd hernach sprich er. Die mege od vile deier glid vñ deier erbermdē od erbarmungē habē sich enthalten vber mich. gleich als ob er sprechē wolte. Dein ynnere glid sind so vol d barmhertzigkeit. dz du dir gleich als gewallt must thū. wiltu sie nit auß lasse prechē. Also spricht auch der heylig pyster vñ prophet zacharias samnt iohanns vater durch die glyder der barmhertzigkeyt vnser gottes. den er vns heymgesucht

Von der vbertreffung

hat außgeende auß der höhe. vnd nym
den beschluß auß dyßen worten. Das die
barmhertzigkeit also fürgehaltē wirdt
als got de herrē inniger natürlicher. eig
ner. heimlicher. hertzlicher. welscher. ge
wölicher. gemeier. vñ darüß stercker. ober
treffenslicher. wunsammer. küstlicher. vñ
begirlicher. Wann gott der herr spricht
selbs durch den heyligen propheten Je
remiam yn dem zweyendtreysigistē ca
pitel. Ich will mit auff hören ynen. Er
redt vñ denen ober die er gezürnt hat.
wol zethun. vnd will mich freuen vber
sie. wenn ich yn güttlich thun wird. Vñ
yn dem nechstenn capitel darnach. Ich
will sie reinygen. von aller yrer vngerech
tigkeit. vnd gnedig sein allen yren misse
taten yn den sie mich verlassen. vñ mich
verachtet habē. vnd sie füllen mir zu ein
em namen. vnd zu einer freud vñ zu lob
werden zc. Vnd yn dem eynondtreysig
isten capitel. spricht der herr. So mir ef
fraym ein erwoyrdiger sun ist. Seyt das
er mir ein zarts kind ist. so ich von im ge
redt hab. so will ich noch sein gedencken
Darumk sind meine gelider ober yn be
trübt wordenn. erbarmend will ich mich
vber yn erbarmen zc. Das sind die wort
gottes selbs. Der frager. Ey das
got dem herren lob vñ danck nun vñ ym
mer ewyglichen auß grund des hertzen
gesagt sey. der sich so gnediglichē zu vn
serm trost würdiget vnd liebet. Der
antwortter. Amen.

Das sechst argumēt der vbertreffung
der barmhertzigkeit. vnd ein grosses. ist
das. tausent vbertreffend viere in d̄ zal.
die nach die zu der gerechtigkeit gehōrt
wirdt gewonlichen byß in das vierd ge
schlecht getroet. den sie vbel thū. Aber
die barmhertzigkeit wirdt versprochen

den die recht thun byß in das tausendst

Der frager. O seliger gefell das
laet wol. kanst du das grungsamlichē be
weyßen. So will ich dem angenn dester
seliger sagen. das sie das ersehen haben

Der antwortter. Schweyg nun still
vnd byß guttes mutts. wir haben offen
bar getreue vnd gewisse gezeugnus in d̄
heyligē geschrifft. Jeremias der in mu
ter leib von gott geheiligt. vnd zu eyn
propheten gewidmet ist wordē. spricht
zu gott dem herrē. democh in einer eeg
lichen red yn dem zweyendtreysigisten
capitel. Herr gott du hast hymel vñ erd
yn deiner grossen stercke. vnd in deinem
auf gestreckten arm gemacht. alles wort
wirdt dir nit schwer zu thū. der du barm
hertzigkeit tust in tausenden. Item mo
yses im vierondtreysigistē capitel. sems
andern büchs spricht auch zu gott. we
wol der spengolsch bischof maynt es sey
en gottes wort selbs. Barmhertziger
verzeyhlicher gedaltiger gott. vnd viler
barmhertzigkeit vnd warhaftiger d̄ du
hellst oder laytest die barmhertzigkeit
yn tausenden. vnd nympt die vngerech
tigkeit vnd die sünd vnd missentat hyñ.
vnd ist keiner von dir durch sich selbs vn
schuldig. der du die vngerechtigkeit der
väter. den sūnen vñ den enicklein wyder
gildst biß in das dritt vnd vierd gesch
lecht. Vnd das du dester baf den
vbergag der barmhertzigkeit auß dem
latein merckst. das mā nach dem teütsch
en nit also woll mercken mag. so wyß d̄z
das wort tausend in latein an den gemel
ten orten viler zal ist. also das es mit ein
tausend allein bedeutet. sünd vil tausent
vnd das du das auch baf bewert habst.
so schreybt Moyses in dem fünften ca
pitel seins fünften büchs. das gott der

der göttlichen barmhertzigkeit

herz selber gesprochen hab. dz er enmitte
 vñ de feur auf de berg zu de volk geredt
 hat. da er die zehē gebott fürhyell. Ich
 byn got dein herz. ein ernsthafter got.
 vñ die ungerechtigkeit vñ vater rech vber
 die sün. in das dult vñ vierd geschlecht.
 vñ yenen die mich hassen. vñ thun barm
 hertzigkeit yn vil tausend. den die mich
 lieb haben. vñ halten mein gebot. Sihst
 du wie offenberlich vñ dertlich es da
 aufgesprochen ist. vñ so die werlt ober
 ein tausent geschlecht nie kumpt. als mir
 denn nit zweyfelt. so soll mā bey den vil
 tausendē. ein vngende zal versteen. dz
 das der syn sey. wo die werlt vil lenger
 steen sollt. denn sie steen wirdt. so sollt
 doch die gnad vñ die barmhertzigkeit
 gottes vber die kind. vñ des verdienst
 willen yrer eltern kummen. Darumb so
 alle die dy getaufft werdenn. Einder der
 heiligen patriarchen werden. Durch das
 mittel cristi der nach menschlicher natur
 von yrem plut vñ flaysch einen vrsprung
 hat. vñ vngemittelte kynder christi der
 gott den vater mit ewiger wesennlicher
 endloser liebe liebgehabt hat. das keyn
 mensch noch creatur ye hat mügen thun
 So wirdt yne allen barmhertzigkeit zu/
 gesagt vñ des verdiensts christi willen
 zu ewigen zeiten. die weil sie die kindlich
 en liebe zu cristo behalten. Dar zu kumpt
 ynen auch das verdienen der heyligē cri
 stenlichen kirchen vñ der vater vñ stift
 ter der heiligen cristenheit. der heiligen
 zwelfpottten vñ ir nachvolger. vñ irer
 gleichen die dy heiligen cristenliche kir
 chen gebart oder auffenthaltten habē.
 zu hül vñ zu trost. Darumb soll mā sun
 der andacht zu solchen heyligen haben.
 als zu den. die das sunderlichen von got
 verdient haben. dz gott der herr die kind

der der muter der heyligen cristenheit
 yres verdiensts geneyssenn laß. Der
 frager. Ich hör es zu mal gern. das
 das du yetz sagst. wann es ist ein starck
 argument auß der geschäft genummen.
 Aber gott sey gedanckt yn den hymeln.
 Du hast deyn wort nach meynem vteyl
 gnugsamlichen. vñ ober gnug bewertt.
 Nun will ich fürbas yn den troenden.
 vñ erschreckendē worten der heyligē ge
 schrift. die mich ettwa gar seer betrübt.
 vñ mit allein kleynmütig. sunder auch
 vast vnmütig gemacht habē. das zu mut
 sein. Der antwortter. dz mā auch
 die selben erschreckende trowort allweg
 vor augen hab vñd fürcht sich dar vor.
 vñ laß sie betrübenn zu besserung des
 lebens. vñ zu grosser bewegung zu der
 forcht gottes vñ hitzyger anruffung vñ
 göttlichen barmhertzigkeit. vñ zu willt
 ger busfertigkeit. vñ tyeffer demütig
 ung. zu vermeidung der vermessenheyt
 vñ hynlessigkeit. vñ nit zu verzweyfe
 lung vñ kleynmütigkeit. das ist nütz vñ
 gutt. vñ den anwahenden menschen vñ
 vnuolkümenen oft not fruchtbar vñ ver
 dienstlich der gnad vñ barmhertzigkeit.
 Dann der herr spricht yn demersten ca/
 pitel ysaie. Zu wem wird ich sehen denn
 zu dem armē menschlein. der betrübt od
 rewig ist in dem geyst. vñ der bydemet
 vor meinen worten. In der andern toll/
 metzung stet also. ober wem wirdt mei
 geyst rwen. denn ober dem demütigē zc.
 Darumb soll man sie beyde die süßern
 vñ die swaren. die tröstenden vñ die er/
 schreckenden zu der hand habē. auff dz.
 das vns die herten. grausamen. demüti
 gen. vñ erschreckenn nit von. sunder zu
 dem gutten. vñ bewegen vns zu fürch/
 ten das manchem menschē C als ich ge
 zu

traw sein segfeur ist. Dar gegen sülle wir auch der tröstlichen wort mit vergessen auff dz. ob vns die forcht zu vast beschweren vnd in kleinmütigkeit vntertrucken wolt. das vnns die selben allermeyst in den letzten zeyten zu hoffening wider auffrichte. Der böß geyst hat die gewonheit wenn er den mensch in dem leben. yn der iugent oder gesuntheit zu sünden an vicht. so hellt er ym die barmhertzigkeyt gottes für. das thut er. er wöll in zu sünden zihen. oder in den sünden halten. Wenn er aber siht. das der mensch sich bekeren will von den sünden zu eyn bußfertigen leben. so hellt er in die greülichen ding für. das er yn mach verzweyfel. So süllen wir wider synns thun. wenn wir angefochten werden. zu sünden. so süllen wir die strengen gerechtigkeit gottes für vnns nemen. das wir durch forcht vnd schreckenn der selben. der anfechtung widersten mügenn. vnd ye mer vnns die barmhertzigkeit fürgehalten wirdt. ye mer wir die erschöckelichen gerechtigkeit betrachten vnd gedencke sollen. was grossen vnmiltigkeit grobykeit. vndanckbarkeit. vntrew C Ja das ich vil yn wenig begreyff C Was grosser vntugend vnd bößheit das ist. das wir darumb sünden wöllen. dz got der herz barmhertzig ist. das wir darumb böß wöllen sein. das er gutt ist. das wir darumb vntrew wöllen seyn. das er so milte ist. wer siht nit was streffenlicher schalkhafftigkeit das ist. vnd wie vnwidig sich der mensch der barmhertzigkeit macht. der also die barmhertzigkeit vnseren vñ misprauchē will. Herwiderum wenn wir gesündt haben. so süllem wir künlichen die barmhertzigkeit C mit veruehung oder bekennnus das wir yr nit würdig. aber nottürftig seyen C für vnns

nemen vnd anrüssen. Denn da pflegt sie sich zuregenn. wenn sie der mensch außgrund eyns rewigenn hertzens anrufft. wöllen wir vnns aber mit bekerenn C da got vor sey C so süllen wir die gerechtigkeit gottes förchten. Der frager.

Ich erkenn wir sölten dysen ordenung der wort vnser herrē C er hab sie durch sich selbs. od durch sein dyener geredt C halten. aber grob anfechtung hat mir rat. wenn wir auch vns selber verlassen werden. so sind wir als der staub vor der windsprawt. als die dürren stupfeln vor eyn grossen feur. als eyn fünckleyn yn einem grossen wasser. vnd wie die krafft eyn mēschleins gegen einer starcke katz. oder einer muckenn gegen eyner reyn schwalben oder eins herings gegen ein walffysch. also ist vnser macht auß vnns selbs gegen den geystlichen. hymelichē schalkhafftigkeiten. es sey denn das vns die götlich barmhertzigkeit zu hilff kün Darumb wer es nott das wir sie ernstlichē. demütiglichē. andechtighen. vñ flehlichē anruffetē. Denn wir bedürffē ir ye. in allenn vnsern dingenn. Aber ich möchts wol begeren. vnd bitts auch von der gottlichen barmhertzigkeit. das sie mir verleyh die wort gottes größlichen zuförchten. doch mer mit künlicher vnd künlicher. denn mit knechtlicher forcht. Sie verlaß mich nur nit in dem letzten end. so will ichs gern lassen beschehen. wie vbel oder vast ich mich besorgē muß yn meinem leben. Der antwoort. Thu das das ich dir raten will. vñ hab ein gütt hoffening. hab die wort gottes yn eren. vnd förcht sein troen. Byß dāck ber seiner güttigkeit. demütig dich vnd byß forchtsam in glückseligkeit. bis gedultig in leyden vnd widerwertigkeit. hab einen festen willen allsünd zu meyn

der göttlichen barmhertzigkeit

den. Sündst du aber. so hab bald reu vñ layd. vntterwürff dich der göttlichen ordnung. Ergib dich in den willen gottes. Daz er es mit dir mach wie er will zu sein. en eren. vnd vbergib ym dein aygenwilligkeit. Bekümer dich nit d. ding die dir nit enpfolhe sind. Fleyß dich zu volpzig en die ding. die dir gebotten sind. Vermisß dich nit deiner gutten werck die du hast. Gedennck das alles gutt gottes. gab ist. für die du rechnung geben mußt. Hüte dich als vil du kanst vñ magst. das du nymants. weder in eren oder lewmut gutten sitten. tugenden. oder andern sigen schaden zu zichst. Verknüpf dich nit mit fremden sündē. Laß dir deyns nächstē schand vñ schadē layd sein. vnd wolt yderman gutts günden. Hab die mutter gottes yn sundern eren vnd andacht. Daz du auß yrer miltigkeit. dich mügst gutts zu yr vermessen. der liebe christi. seiner arbeyt. vnd seines wirdischen gnugtuens es für dich. vnd allerheyligsten leydens wöllest du nymmer vergessen. Wirdst du dich diser kurtzen ler steyßen. Wir zweifelt nit du wirst sein gen gott vnd seiner muter geneyhenn. Der frager. Kurtz vnd gut. Sag mir aber ist das. Daz du gutten gesellen yn ein ordnung woltst her für oder laurt es noch da hindē. Ist es her für welches ist es deñ. Ist es noch da hindenn. wa beleyt es denn. Der antworter. Wolltest du es in geheim halten vnd nymants sagen denn alleyn frummen vnd gottföchtigen gesellen yn nöthen vnd allermeyst in den letstenn zeýtē ich wolt dir es sagen. Der frager. Sag herr ich will mich gebürlich halten. Der antworter. Nit von neyds wegen. mach ich dir dyßen beschayd so teür. wann der weys man Philo. spricht in dem sechste capitel des büchs

der weysheit. in der person des weysen konygs Salomons. Ich will die sacrament gottes nit vor euch verpergen. Sunder ich will sein kunst an daz liecht legen. vnd will die warheit nit verschweygen. noch einen gemeinen weg mit dem vordrenden neyd habenn. Wann ein solcher mensch wirdt der weysheit nit teylhaftig. Sunder vmb der leichtfertigen vermessen menschen willen. die beyd die barmhertzigkeit. vnd die gerechtigkeit gottes verachten. Die gerechtigkeit gottes verachten sie. in dem das sie maynen on mittel des verdienens. als on geborsam vnd haltung der gebott gottes. on vbung gutter werck. on meyding od reu der sünd. selig zewerdē. Die barmhertzigkeit gottes verachtē sie darynn. Daz sie so leicht vnd ungeordent halten. das sie ymāts wider die gerechtigkeit wölle selig machen. so doch die gerechtigkeit vnd barmhertzigkeit in gott nit wid ein and mügen sein. so sie eyns vñ ungeteilt sind. Sant Augustin spricht. So geschriben steet. Allweg des herren sind barmhertzigkeit vnd warheit. so mag sein genad nit vnrecht noch sein gerechtigkeit vnbarhertzig sei. Darin sollē wir also i sei barmhertzigkeit hofnē. Daz wir auch seier gerechtigkeit. Durch volprung d. ding die er gebottē. vñ darch meyding der ding die er vns verbottē hat. dienen vnd gnugthū. Welche also geschickt sind. Dē mag mā die heymliche göttlichen tröst offenbarē Der frager. Lieber sag her. Der antworter. So merck eben weñ eier seinē sun allweg troete. Er lieb denn das vnd das. vñnd tette das. vñnd das. so solt er seyn huld nymmer haben. Er wölle yn auch enterbenn. vñnd verstoßenn. oder von allem seynem gut außschlyessenn. vñnd wenn er yetz sterbenn

Sollt. so setzet er den selben sun zu einem erben alles seines gutes. vnd enpfelhe yn allen seinen freunden. besunder seiner muter vnd seinem vater. wo er die hett. vnd setzt auch in dem testament. hett er etwas wider yn gethan. dz solt im lauter vnd gantz verzygen. vnd kein hindernus sein an allem gutt. sunder man sollt yn für seinen waren sun vnd erben erkennen vnd halten. was gedächte dich dz von der sache zehalten wer. ob einem solchem sun mer schadeten. die drowort. dy yn der vatter allweg fürgeredt hette in dem leben. oder ob der letzte will kreffti ger were. auff den der vater stürbe.

Der frager. Deo gratias. Ich schmeck den pratten. ich hab die meynung. mit on sache. hast du es so teur gemacht. dan es ist warlich so ein heymlichs tröstlichs stücklein. als es in den heymlichen bedeutungen. die dir leben antreffenn. gemerckt möcht werde. Nun füllen mir die letzten wort vnsers herzen all mei tag in sundrer andacht. vñ yn meinem letzten end ein sunder zusucht. ein beschützung. vnd ein weer. mein waffen vnd harnisch wider den bösem veind. mein hoffnung vnd zuuersicht zu der göttlichen barmhertzigkeit sein. vnd dz die selb barmhertzigkeit geb. mein recht durch sy. zu der ewigen seligkeit. Der brief dir testaments. ist das iunckfrawlich perment der zarten haut cristi des milten osterlemlins. das für vns geopfert ist. Die tint. sein rosenfarbes plut. Die sigel. die wunde in henden vnd füßen. vnd allermeyst der seytten. die gewisheit des tods. durch den das testament bestetiget ist. gibt. Sant iohannis ist der copist. der rittermeister. vnd auch hymel vnd erd. sunn vnd mon. ja auch als d hoh cantzelschreyber spricht.

Der geist wasser vnd plut zeigenn. Was gepricht vns. nun mer. Der antworter. Nichts mer. denn das du mit der muter cristi verharrest. bey dem creutz christi. vñnd steest ayntweder mit sant iohannis in der liebe cristi yn vnschuld vnd in reynigkeit. oder hangst mit dem rechten schecher an dem creutz der bußfertigkeit. Der frager. Dz ist danoch etwas. Dann allweg steen ist seltsam. vnd mit menschlicher plödigkeit. so geschriben steet. das auch der gerecht mensch sieben mal yn tag fellet. also sprich ich. allweg steen. ist schwer vnd arbeitsam. lang hangen thut gar wee.

Der antworter. Es stet geschriben yn dem dreyvñndneitzigsten psalm. Dein barmhertzigkeit O herre hilf mir der du stifest oder machest arbeit in de gebott. Vñnd steet da ein wort für das machst du. in latein. dz ein schwachs gemecht oder mer einen schein des machens bedeut. bey dem die geschriff zeu steen will geben. das kein grof arbeit in der haltung der göttlichen gebott vñ yn der vbung der tugēt ist. sunder es bedunckt vns. es sey arbeitsam. Vñnd ob es zuñ ersten schwer ist. oder scheint. so wirdt es doch bald treglich vñnd leicht. vñnd darnach auch lüstlich vñ vunnsam. Wer aber nit ein wenig arbeyten will. Der kumpt nit zu der rwe. vñnd wer das saur nit versuchē will. der muß auch des süßen mangeln. als man von dem affen sagt. der meidet die bitterkeit der halben an der muß. Darumb kumpt er nit zu der süßheit des kerns. Hör wz d weisse priester ihesus sprach sun. bey dem end seins buchs spricht. Seht mit ewerem augenn. Das ich eyn wenig gearbeyt hab. vñnd hab mir vil rwe gefunden.

der gottlichen barmhertzigkeit

Ewer sell frolock in seiner barmhertzig
keit zu. Vnd vnser herr yn dem heyligē
ewangelio Marthei yn dem aylften. Kumpt
zu mir alle die sy yr arbeytet vnd besch
wert oder beladen seyt. so will ich eich
stercken oder labern. Vtempt mein ioch
auf eich vñ lernet vō mir. wāñ ich senft
mütig bin vñ demütig des hertzen. So
werdt ir ru finden ewn selen. Dan mei
ioch ist süß. vñd mein bürde leicht. Des
gleichen das du sprichst. Da hangen thu
wee. Ich bekenns. Aber hangen neben
dem herren. glawb mir. hat in den. sy vō
dem herren getröstet werden. ein grossē
leichterung vñd milderung yrs schmerz
ems. Darumb dauid yn dem nechsten
melten psalmen spricht. nach der menge
meiner schmerzen in meinem hertze ha
bē dein tröst erfreut mein sel. Vnd der
herr spricht in dem sechszehenden capi
tel iohannis. Ir werdt betrübt werden.
aber ewer trawrigkeit wirt in freud ver
wandelt. vñd in ein solch freud. die nym
mer hyngenummen wirdt. Wenn du ein
haup hettest. vñd got der herre sprech zu
dir. Ich will dir ein wochen zil geben vō
dysen suntag bis auff den nechste auß
geschlossen. woz du wilst oder kots in di
len sechsz tagē magst in dein hauß brig
en. vñtten vñd oben. Das soll alles an de
nechten suntag zu lautern ongrischen
oder arabischen golde werden. was wol
test du thun. wenn du in einem stand we
rest. yn dem du gold möchtest vñ solltest
habē. Der frager. O lieber hertz
gesell wie wolt ich zu tynsen vñd füren.
vñd all gutt gesellen anruffen. dz sy mir
hülffen. ich wolt einem furnā eins tags
zehen gulden versprechenn. ee ich in hyn
lyesh. Der antwortter. Wenn du
auch kamern yn dem haup hettest. oder

sunst hüpsche zimmer vñd fenster. wolt
du yr mit schonen. das du sie nit mit kott
verklütterst. oder wenn das haup weyte
gnug were. woltest du nit andern ding
en als wein vñd getraid auch stat lassen
Der frager. Ach lieber schweyg.
du redst als leppisch. ich mayn du wolt
test mich gern zornig machenn. Der
antwortter. Licher zurn nit. es ist noch
nit an dem. Doch merck ich wol. die gep
tigkeyt wer noch mit erloschenn yn dir.
wenn sy nun holtz oder wachhalter asch
en het. Darumb erquick sy zu den waren
ewigen seligmachenden güttern. vñd ge
denck was sant Pauls spricht zu den rō
mern yn dem achten capitel. Ich schetz
das die leiden diser zeit nit würdig sind.
das ist. gleichmeflich verdienstlich der
künfftigen glori oder ere. die in vns ges
offenbart wirdt werde. Vñd yn der an
dern episteln zu den vō Chorntho spri
cht er. Das das yn dyser gegenwertigē
zeit augenblicklich vñd leicht ist in vñs
serm trübsal. das würckt in vns dz ewig
gewicht der eren. ober die maß. in die hō
he. Merck wie er das leyden vñd die ere
des leidens die man in yener werlt ein
nemen wirt. gegeneinander gleicht oder
hellst. Er haysset das leyden augenblick
lich. vñd die ere bey der er die seligkeyt
versteet. ewig. Er haysset dz leide leicht.
vñd die ere ein pfund ein gewicht. dz al
le gewicht bedeut. Denn ein zentner ist
hundert pfund. das libra in latein heys
set. Darzu setzt er. dz die ere ober maß
ist in die hōhe. Woltest du nun so fleys
sig zu tragē. wen ei gewis meß mists als
ei sūmere in zu einē sūmerē golds würd.
wie würdest du den thun. wen ei sūmerē
mists zu tausēt sūmerē golds. od ei quē
lein zu einem zentner golds solt werde.

Von den wunderzeichen die cristus

Das verstee ich alles. wenn du es sicher
lichen behaltten vnd freylichen prauch
enn möchtest. als es mit der seligkeit ist.
Darumb spricht er. das in gegenwertis
ger zeit augenblicklich vnd leicht ist vn
sers trübsals. das wücket yn vns dz ewig
gewicht der glori vnd der seligkeit vber
die maß yn die höhe. Als ob er sprechen
wolt. Es ist ein zentner nit also schwer
gegē einem quitlein. noch die grōst maß.
so groß gegen den mindsten. als ein fu
der gegen einem seidlein. noch daz grōst
mehr gegen dem clainsten. als vil der lon
der ewigē seligkeit vbertrifft die arbeit.
die man hie hat yn der gehorsame gött
licher gebot. vnd die ere vnd freude den
schmerzen des bußfertigen lebens vnd
des leidens. Der frager. Du tröst
wol. got wöll dich auch ewiglichē tröstē
Der antworter. Vnd vnns all die
wir seiner gnaden durch das verdienen
christi begeren Amen.

In folgen hernach die vbr
rigen gegēwürff nach den
hundertenn die yn dem an
dern teyl dyß büchleins ent
worffen sind worden. das aygentlichen
gegenwürff sind. aber die nachfolgende
sind nit also aygetlich. sind nur zu einer
gezierd vnd schönen beschlyesung. Als
für ein pfabenschwantz hyn zu gesetzt.
darumb werde nit vil wort darauf geen
Sy geen nyt auff die meynung der vor
deren. die auff das geen. das man sy be
denck. vnd gott den herren vester kref
tiglicher durch sie anruffe. vnd habē yn
yne sach des verdienst. Darumb wirt
geratenn. das man die selben allweg an
der hand hab. das man sie gott dem her
ren müge fürhalten. opfern. vñ in durch

sy bitten vnd anruffen. als man denn yn
d letaney thut. So man spricht. durch
deins taufs vnd heyligs vastens willen.
erlös vnns herr. durch deyns heyligenn
creützes vnd leydens willen erlös vnns
herr. durch deines heyligen tods vnd be
grebnus willen erlös vnns herr. vñ der
gleichen. Vnd also mag man die vordn
artickel oder gegenwürff ordnen. Vnd
das ist die erst maynung yrer ordnung.
oder die vrsach solcher ordnung gewes
senn. Wann es was eyn edel frau. die
pracht das an einen prediger der gepre
diget hett. weye man yn den kyrieleyson.
die drey person in der heilige dufeltig
keit vmb die barmhertzigkeit anruffen
solt. yn den ersten dreyenn den vater. yn
den andern dreyen cristeleyson den sun.
yn den letzten dreyen kyrieleyson den hey
lige geyst. In dem erstenn kyrieleyson
den vater vmb sein selbs willenn. das ist
den vater vmb des vaters willenn.
In dem andern kyrieleyson den va
ter vmb des suns willenn. In dem
drittem kyrieleyson den vater vmb des
heyligen geyst willen. In dem ersten cr
isteleyson solt man den sun anruffen vñ
des vaters willen. In dem andern vmb
sein selbs willen. In dem drittē den sun
vmb des heyligen geystes willen. In dē
letsten kyrieleyson solt man oder möchte
den heyligen geyst anruffen. In dem er
sten vmb des vaters willen. In dem an
dern vmb des suns willen. In dem drit
ten vmb sein selbs willenn. Da das ein
prediger der sunst vñ dem ampt der hey
ligen mehr prediget. ober daz kyrieleyson
vnter andern auflegungenn auch ge
sagt hett. Da begeret eyn andechtyge
edle frau. das er das selb baf od noch
ein mal erynnern. vñnd erclerenn wolt.

an dem creutz Bewysen hat

Da im 8 prediger nach synnet. vber das
and kyrieleyson. weye man got den vater
aller treffest bey dem verdienist seynes
suns ermanen. vñ aller treffiger st noch
te anruffen nach gemeyner gewonheyt
der heyligen kirchen. die yr gebet pflygt
zu beschliessen in dem namen cristi. So
sy spricht. Per dominū nostrum ihesum
cristū ꝛc. oder Per cristū dominū nostrū.
Da ordiniert er also die selbē hundert ge-
genwürrff. yn den es auch gemeldt wirt.
weye man sie prauchen sol. Darumb sind
die selben fordern gegenwürrff die rech-
te. die auff söllich gemeldt maynung die-
nē. Aber die nachuolgendē sind zu ein-
er gezierd vñ zugab gesetzt. vñ geend
auch vast auff die frucht des leides an-
st. vñ auff wunderberlichkeit. Aber sie
dienen dannoch zu der andacht. vñ nit
ein wenig. wenn man ynen nach gedēckt
Sie weren nit nott zu dyser matery. den
sz sy vmb eins gebets willen vñschlich
gesetzt sind worden. der andacht zu den
fördere het. vñ west nit die entlich main-
ung. war zu sy gemaynt sind. Darum bat
er man sölft von der begrebtus christi
auch hynzu setze. als ob dise gegenwürrff
allermeyst vmb der betrachtung willen
des lebens vñ sterbens cristi gesetzt
werden. das doch nit die förderlichst mai-
ung ist. sunder sie sind darumb gesetzt.
das man sy gott dem vatter fürhalt yn
dem andechtigen anruffen vñ gebett.
das er vns vmb des verdrenens willen
seins allerliebsten. vñ liebhabenste ey-
gebornen suns. wölle geben vñ verley-
hen. des wir vñsers verdiensts halb vñs
würdig weren ze empfabē. Also geen sie
all auff die selben maynung. die man yn
dem andern kyrieleyson soll oder mag
haben. yn dem man den vater bitt. sz er

sich vber vñs erbarme vmb seins suns
willen. das ist vmb alles des willen. das
der sun vñ vñsers heyls willen zu wol-
genallen des selben seins hymliche vater
ye getan oder gelittē hat. Hyern
so die selben gegenwürrff. die förderlich-
sten vñ auff die rechten förderlichsten
maynung gericht vñ geordnet sind. so
mag man sich mit den selben lassen be-
nügen. Vñ dar zu die materien vñ den
letsten worten vñsers herrē auch fassen
Als die edeln hailfamen. wolriechendē.
schönen. linden. zartē. süßen. sterckendē.
speysenden. gesundtmachendenn. licht-
scheinenden. lebendigtmachenden. vñ
auch seligmachendē bletter des baums
des lebens. Denn so des priesters wort
grosse kraft haben in den sacramenten.
yn der absoluierung. in der beschwerūg.
in der benedeyung. yn der heilige ölūg.
yn der firmung. in d weyhūg. allermest
der grossen priester. als der bischoffen.
vñ vber alle. des pabstes. so sind doch
die wort. die sy in der heyligen meß spre-
chen. die allerwundererfftigsten. Also
mag man auch gedencken von den wör-
ten vñsers herrē. So sy alle gewyß vñ
erfftig synd gewesen. so synd doch die
letsten wort gegen den andern zurech-
nen gleich als die. dy in der meß gespro-
chen sind worden. vñ besunder die let-
sten an dem creutz. als die. dy in der still
meß gelesen oder gesungen sind. Dar-
vmb werden sy sunderlich bey den selbē
worten. die yn der still meß gelesen vñ
gesungen werden bedeut. Wann vnser
herre. der der höhst prester ist. hat seyn
meß an dem karfreitag auff dem al tar
des heyligen creutz gesungen. Darumb
so man alle teglichenn tag durch das
gantze yare meß hellt. so hellt man an

Von den wunderzeichen die cristus

Dem selben tag kein meß. nach gewöhheit der römischen kirchen. Wann mā weichet dem groſſen priester cristo. als es auch ein gewonheit ist. wa ein bischof. als ein bischof auff einem altar meß hellt. auff dem selben hellt kein schlechter priester den selben tag mer meß. also weychē die mindern. vñ geben enpfór den gröſſern. als billich ist. Also thut auch die heylig cristlich kyrch an dem tag. so der höchst fürst aller fürste der priester selbs meß gehalten hat. vñ die aynigen meß der alle meß figuren vñ bedeutung sind. auß der alle meß ir kraft haben. so pflegt mā kein meß an dem selben tag zu haltē. Also will ich auch dasselb sprechen. So alle wort desselben höchsten priesters vñ unsers herren ihesu cristi groſſe kraft gehabt. habē Wann er sprach zu den blinden. sy sölten gesehen. sie gesehen oder wurden geschēd. er hieß die bettrybne auffstehen vñ wāderen. sy wāderten vñ trugē dar zu dz sie getragē hēt. dz bett. er hieß die toten auffstehen sy stunden auf. er hieß die gewellitigen bösen geyst aufstehen. sie musten aufstehen. er hieß die wind geliegen. vñ das mer schweygen vñ still sein. sie terten es. So denn alle seine wort so groſſe kraft heten Gedencē denn ob sein allerletzte wort. yn den er sein letzte willen ausgesprochen hat. auff die er zu hand gestorben ist. das er sie bestetigen möcht mit seiner plutt mit dem plutt des neuen vñ ewigen testaments. vñ seinem heyligen tod. sölten die selben mit sunder groſſe kraft haben. durch der kraft. die er gebidmet hat. vñ die felsen zerspalten. ya auch die helle gezyttert vñ auff gesperrt. vñ die toten erstanden synd. vñ so die selben letzten wort unsers herren. vñ vor allen vñ sichern. vñ vñ

alles gutt versprechen. besunder den. dz das leyden cristi eren vñ voranzen haben. C als oben gemeldt ist worden. C merckē nit. das man die selbenn wort yn sunderer andacht haben vñ tragen soll. Darumb ist es ein gutter getrüer rat. dz man die ynnhaltung vñ kraft der selbenn wort. nach dem als sy hie yn dysem büchlein oder anderwo außgelegt werden. auch zu den hundertten gegenwürfften lese. merckē. vñ zu d hand hab. wañ es zu groſſem trost. den allermerst. dy yn trübsall sind. dienen mag. Sunst die gegenwürff. die her nach volgenn. enpfilhe ich der andacht der leser. nemen sy zu gedechtnus oder nit. doch nach dem vil mehr schen den titel des heyligenn creützes C yn dem das sy sich gesegen C prauchen. so schadet es nichts. das sie die kraft vñ verstantus desselben titels vernemē.

Der frager.

Wol an. ich byn wol zefrid. yn dem das du mir gesagt hast von dem lob der letzten wort unsers herren an dem creütz. vñ sy sölten mein trost vñ zuversicht. mein reichthum ober gold vñ silber. mir süß er denn hönig. vñ kostbarer denn feinperlein. vñ alles edel gesteyn seyn. Nun bitt ich dich erzehl mir die vbrige gegenwürff. das dyse matery mit also stumpf des schwantz bedürff. Der antwortter. Als du mich gebettent hast. so will ich dir die gern nennen. aber sy außzelegē. oder ettwas treffenlichs darüber zefagenn. getar ich nun zemal weder weyl noch muſs nemen. denn ich weyß nit. wenn ich auf muſs sein. vñ der furmā fertig ist. Der frager. Ich beger auf dy mal mit mer dann das du mir sy nennest. Der antwortter. dz wir desten weniger wort bedürffen. So

an dem creutz bewisen hat

will ich dir die ordenlichen nach einand
bestimmen vnd merck zum ersten.

Hie volgenn hernach die fünffonnd
zweintzig vbrig gegenwurff.

Der erst artickel des eynondhundersten
gegenwurffs.

Der erst artickel des ersten gegen
wurffs entter den vbrigen fünff
vndzweintzigen ist der. Daz vber den her
ren an dem creutz der herrlich syghaff
tig vnd triumphyerlich tittel. C Ihesus
nazarenus rex iudeorum. Vn dreyerlay
sprachen. Die sy namhaftigisten in der
werlt gewesen sind. geschribenn gesetzt
oder geheft. oder gehenckt ist worden.
D also lauttet nach vnserm teutsch. Ihe
sus von nazaret der iuden kōig. vnd he
deut als vil nach aygeschaft. Der hebra
yschen sprach. Die an dem ort. in dē land
vnd in der statt. Da cristus gecreutziget
ward. Die aygen gemeinest lannsprach
was. als der behalter oder seligmacher
von der plumenn oder plüend kōig der
die loben oder eren oder veriehē. Vm
merck wie daz gegen dem widerwertigē
artickel lauttet.

Der ander widerwertig artickel des
gemeldten artickels.

Der ander artickel des aynondhū
dersten gegenwurffs stet in wider
wertigē schei des lauts des titels. Den
so der herre zum tod des creutzes verur
teilet vñ verdampft was. so schyn es gar
ser wider einander. daz er ihesus. das ist.
daz hayl. oder der hayland. seligmacher.
Behalter. hailmacher. oder das hailsam
C als d nam hebraysch laut D solte sein.
Item so er dozet an dem creutz. dem
sein heyligs plut vñnd feuchtigkeit ent
gyeng ym alle die weyl. vñ ward ye dūr
rer vñ dūrter. ye blaycher vñd blaycher

ye hertter vñd hertter. ye starrender. vñd
starrender. ye töttlicher vñnd töttlicher.
wie concordiert vñd gleich hyller D mit
dem wort. nazarenus. das als vil ist. als
ein plüender oder blum.

Der erst artickel des zweyondhū
sten gegenwurffs.

Der erst artickel des zweyondhū
dersten gegenwurffs ist. das der
herr ein taylung an dem creutz gemacht
hat. wann er hat dem mörder zu d rech
ten seyten das paradeys. sant iohansen
sein muter. dem Ioseph vñd nycodemo
seinen leyb. seiner muter einen sun. vñnd
seinem vater seinē geist auß geteilt. In
söllicher taylung ist bedeut gewesen. D
er ein herr was aller ding. denn het er ge
wallt daz hymelreich in der hell zegebē.
welches hymelreich bey dem namen des
paradeises bedeut. vñd in dem wort des
herren gemeynt wirt. so was er on zwey
fel ein herr. vñ ein geweltiger herr der
hell vñd des hymelreichs. was er der sel
ben geweltig. vil mer anderer ding.

Der widerwertig artickel desselben.

Der annder artickel des zweyond
hundersten gegenwurffs ist der.
das der herr nit allem außgezoge vñd
seiner cleyder nackend emplöset ist wor
den vor dem creutz. sunder die haben ha
ben auch seine cleyder in vier teyl geteilt
bey welcher taylung on ader geystlich be
deütig. auch sunder schmechlich vñ gätz
taylung in die vyer wind. als yn alle dritt
der weyten werlt bedeut mag werden.
Darumb D man die verreter also pfligt
zerierteylen. vñnd laß sich nit verroun
dern das ich das also setz. gleich als ob
sy ine yn heymlicher bedeütung haben
vierteylen wöllen oder zenersteen geben
das er der vierteyleung wyrdig wer. wer
Ag

Von den wunderzeichen die cristus

Die creützigung nit schentlicher gewesen. Du wirst hören das sy in radpreche wolten.

Der erst artickel des dreyvnhundersten gegenwurffs.

Der erst artickel des dritten vñ hundertsten gegenwurffs ist der. Das der herr an dem creütz dz gantz gebew hymelreichs vnd ertreichs erschütt vnd bewegt hat. Wann die hymel. das ist. dy himlischen speer sind vmb gewendt worden. Der mon ist hinder sich gewichē. vñ darzu villeicht. als sāt Jeronimus vber Johal schreybt. blut far worden. Die sun ist bedeckt worden. vnd zu der zeit da sy ir glentz auff dz ferst zu dem mon strecken solt. da sind sy widerschlagē vñ vor dē zil geprochē. Die werlt ist des liechts berewbt. Der lufft bewegt. vnd verfinstert worden. Das erttrich hat gepidmet vnd gewaget. Die stein sind zersprunge. dy felsen zerloben. Die hell erschrockē. Die tottengreber auff gesperrret. Die totten auff erstanden. vnd der liecht tag ist in die vinstern nacht verwandelt worden.

Der ander artickel des dritten vñ hundertsten gegenwurffs.

Der ander artickel des dritten vñ hundertsten gegenwurffs ist der. dz d. sölliche grosse wunderberliche vbernatürliche werck gethan hat. ist so hart an das creütz gehefft. genagelt. vnd angeslagen gewesen. Das er weder hennd noch fūß zeregen oder zebewegen frey gehabt hat.

Der erst artickel des vierden vñ hundertsten gegenwurffs.

Der erst artickel. des vierden vñ hundertsten gegenwurffs. ist der. das der herr erligend vnd sterbend die künen vñ gehertzenhaftige. die freydige vnd ge

wappnetem erschreckt hat. alleyn mit seiner stymme. also starck was der schray den der herr thet. Da er yetz den geyst auff gab. Da von schreibt Matheus. dz die ritter vnd der rittermayster sich fereforchten. da sy sahē die ding. die beschahen. da der herr vershyed. vñ allermest das er also laut ruffet. als sant Marcus schreybt.

Der ander artickel des vierden vñ hundertsten gegenwurffs.

Das dar wider ist. das ist schon gemeldet worden. das der herr yetz den geyst auff gab. da er also laut ruffet vñ so erschöckentlich schray. darvñ was es ein wonder vñ ein vbernatürlich dig. Das er so einen grossen lauten ruff ter. da ym yetz alle kraft entgangen was. Aber nit on groß erschöckentlich sach beschah das. Wann auff den schray starb der geber vnd prunn des lebens. yn des tod alles das vntöttlich sel hat. gestorben ist. Als sant Paulus spricht yn dem fünftenn capitel der andern episteln zu den Chorinthjern. Das verstee. als er es maynt. das ist. dz alle menschē schuldig sind zeerkennen. das sy dem ewigen tod verfallen seyen. vnd darumb sey cristus für sy gestorben. Aber darumb das cristus für sy gestorben ist. so sind sy alles yr leben dem herren cristo schuldig. also das sy mit ynen selbs. vnd prem willen. sunder dem herren lebē sollen. Vñ das ist wol ein erschöckentlich ding. der muttwilligen menschlichen natur. die frey begert zesein. das sy also prem mutwillen absterben. vnd einem andern leben müß. so sie leben. vnd nit des ewigē tods sterbē will. Darvñ schray d herre vñ rufft laut zu einem warzeichē. dz sei tod aller werlt tod were. das ist. das sein

an dem creutz bewisen hat

tod ein gewyße Bewertung vnd zeugnus were. Daz alle menschliche natur zu dem tod von göttlichem rechten verurtheylet were. Das wol ein degliches yemerlichs ding vnd schreyens würdig ist. mit dz mā die göttliche gerechtigkeit anlagen solle. Die diß vrtel gefelt hat. sunder vnser missetat. durch die wir dz verschuldt haben. Der frager. Ich vernym daz noch nit gantz. wie der tod cristi ein bewertung sey vnser todts. Der antworter. Ey wenn man für einen bezalt. gibt mā nit zeugnus. Das er ein schuldner ist. Wenn du ein zech für mich bezalest. so ich nit bar gelt hab. beweyst du nit mit den wercken. das ich die zech ze bezalen schuldig byn. Der frager.

Das merck ich. Der antworter.

Also wenn einer für den andern den tod leydt. so ist es ein Bewertung. dz der ander den tod verschuldt hab. Myerum so cristus den tod für ons gelitten hat. so hat er bezeuget vnd erzeygt das wir den tod verschuldt habenn. Daz grosses schreyens wert was. Darum schry er erschrockenlich vñ erbermlichen. Vñ ein exempel wenn ein stat einen grossen für. Der yr geweltiger herr were. ett was so verwürckt hett. Darum sy den tod verschuldt. vñ dz vrtel des tods empfangen het. Das alles dz in der stat were solte getödt werden. vnd ymāts trüg dafselb ab. gegen dem fürstē vñ erwürbe der stat gnad vñ sicherheyt leybs vñ guttes. Durch seinen verdienst. Maynst du nit. Das ein sölicher wolte das dafselb künde vnd offenbar würd aller mensche der selben stat. Darum tett er es auff ruffen. vnd künde thun der gantzen stat das sy merckten. wye schwerlich sy yren herren erzürnet. was grosser pein sy ver

schuldt hetten. wie gnediglichē vñ sölicher verschulder pein des todes sy erledigt vnd gesichert weren. Hett er den darum. das er sy vñ sölichem vrtel des todes erlöschē möchte. ett was groß gethā oder erlitten. oder hett sich zu grossen singen zethun. oder zeleiden erbottenn oder verbunden. dem fürsten für sie genug zethun. er wolte ye das sy das westen. Wer nun will dz yderman ein ding wisse. wenn er es verkündenn oder auffschreyen will. so schreyt er auff macht. vñ rufft als laut er ymmer kan. Also solt vñ wolte der herr laut ruffen. zu einem zeichen daz es alle werlt erkennen vñ bedēcken solt. warumb er sterbe. Wan wiewol ons sein tod grossen trost gibt. Deshalbē das wir von ym vnd durch in vñ dem ewigen tod erlöset. vnd zu dem ewigen leben genummen werden. so ist er doch deshalbē betrüblich vnd erschrockenlich das der. der der herr aller ding. vnd ewiger wesentlicher got der maiestat ist. für den bösen schuldigen ungetrewen vnd schnöden knecht. sterben vñ eins sölichen herten todes. der den mördern zugehört. sterben solt. Dar durch bedēut vnd bewert ward. was herten schweren todes der mensch durch sein sünd verschuldt hett. Also hast du dyre sach des ruffs vnser herre. Bedēck nun die sach en vnd vmbstende diß lauten schreyens vnser herren. so findest du. Das d' herr billich also schreien oder ruffen solt. daz vñ seine geschrey. die hymelia dy krefft der hymel bewegt. das vätterlich hertz erwaycht. die mensche erschreckt. dy erd erschütt. die werlt betrübet. die sünd bekeret. vnd die totten erweckt würden. Ja vor dem auch die hell pydemmen. vñ aller gewalt der ewigen finsternus zittern

Von den wunderzeichen die cristus

würde. Aber das ein sterbender mensch den hellischenn gewalt. Der aller werlt grausam vnd zustarck ist. erschreckē solt. Das was ye ein wunder. Es sol aber vns bald ein erschreckenlichs vnd ein wunnfams wunder sein. erschreckenlich vmb der sache willen die obenn gemeldt sind. wunnfam vnd frölich. wann er hat vns gerufft das wir zu sehn. wie er vnsern feind in der hell bestreiten vnhenn vnd pinden vnd vnser vater von seinem gewaltt erlösen vñ auß der langē gefencknis führen wolt.

Der erst artickel des fünften vñ hundertsten gegenwurfs.

Der fünfft vñnd hundertst gegenwurf hat für den ersten artickel. Das der herz ihesus. durch das. dz er an dem creütz offenberlich außerthalbē d̄ statt an dem verleümpften offnen ende des offnen gerichtes. in angesicht alkermeiglich. an dem offnen liechten tag getödt vnd enteret ist worden. so hat er entplosset. entdenckt vnd geoffenbaret die allerynnernstenn heymlichkeit der iuden vnd ir allerhöchste vnd heymlichste heyligkeit enteret. das ist nach irer iudischēn weyße. erlöse gemacht. Zum erstenn hat er ire heymlichkeit geoffenbart. da er alles das. das in yrem gesetz. in yren geschäften. in den geschichten irer vater. in yren opfern vnd sacramenten begriffen. gesprochen. geweyssagt. bedēit. bezeichner. gefigurirt. beschlossē. vnd gemaynt was. durch sein leyden. würckung vnd verdienst desselben volbracht oder zuerbringen angefangen. vñnd in dem selben. dar er dasselb. das in yren geschriffen. oder sacramentē. gebottē od̄ taten heymlich beschlossē vñnd bedewet was. volbracht hat. so hat er yre sacra-

ment vñnd gebott. die yren gotz dyenst nach dem lauff der altē ee antraffen. gecndet. vnd durch seinen tod getödtet. vnd so ser getödtet. das sy nit allein kein kraft mer haben zuerbindenn. oder zurecht fertigen vnd zeheligen. sunder sy sind auch tödtlich worden. den. die in sie hoffen. vnd sy als verpindend vñ recht fertigend hallten. Das ist so vil geredt. Wer yetz den samstag feyere wolt. als ob er das von göttlichs gebots wegen schuldig were. so es gott in der altē ee gebotten hat. oder ob ymants sich. oder sein sün wolt beschneyden lassen. od̄ an dem gebott der gleichen hallten. als dy iuden. der verdient nit allein nichts damit. sund̄ er verschuldt sich gar schwerlich. vnd sündet tödtlich. Vnd also verstee es. so man spricht das sy getödt vnd tödtlich sind worden. Dann wie wol bey der feyerung des sybenden tags die ru der selen nach dysem leben. die in vil tausenden noch künfftig ist. bedēitet wirt. so hat doch der samstag besund̄ die rue vnser herren bedēit. nach dem als er nach seinem leyden. das an dem karfrey tag ergangen ist. an dem samstag nach dem layd geruet hat in dem grab. vñnd d̄ sel halb geruet. vnd durch das verdienst der selben seiner gnadenreichen seligen sele. vñ kraft seiner gotttheit rue gemacht vnd gegeben hat allen selen yn der vorhell. vnd hat sy an dem achtendē tag. dz der sunntag seiner virstende gewesen ist. der der nechste nach dem sybenden tag. dz ist. nach dem gemeldtē samstag seiner ru was beschnyttē von allem laid vñ leyde. da er sy auß der hellischē gefencknis geführt hat. durch krafft des plures des neuen testamēts. das er. der dz war osterlemlein w. zu. erlöbung seins volks

an dem creutz bewisen hat

vergossen het. Merck nun. so dise ding. die durch den samstag. durch die beschneydug des achte tags. durch dy osteren der iude vñ ir osterlemblei bedeyt sind. als künfftige ding. die beschehen solte. durch cristu in seinem tod volbracht vnd beschehen sind. wer sy dem noch haltte wilk. als die iuden. der gibt zeuerste daz dise ding noch mit beschehe seyen. sund erst beschehen sollen. Daz ist nun ein verlungung des waren cristen glaubens yn den wercken. Daruñ sprechen die lerer. daz sy nit allein tod sind. sunder auch tod tregig od törend. Also habē die plinden vnseeligē iuden alles daz. darynn sie m̃yn ten daz leben zehabē. getöt. da sie den. d daz war leben ist. getöt haben. Vñ habē doch nichtz verfangen od daran gewūnen. wann er ist zu dem ewigē lebē wid erstanden vñ sie beleypen in dem tod. vñ ersten zu dem ewigē tod. Vñ wie ynen das lebē in den tod verwädelt vñ gekert wirt. also ist ir ere zu schandē wordē. als sant Pauls zu den vō philippis in dem dritten capitel spricht. vnd die warheit. als sy für sich nemen. ist ynen zu lügen wordē. als ferr sy zu yrem nutz vñ trost ist. yr heyligkeit ist ynen ein vnreimigkeit wordē. yr gehorsam zu eier vbertrettug. Ir hoffnig zu einer laychung. ir lere zu einer verfürung. ir liecht zu einer finsternus. ir weyßheit ein lautter torheit. ir se hē ein ware yrende plintheit. ir verharung ein verhertung. ir weyhung zu einer entweyhung. als got der herre durch den propheten Isayam in dem ersten capitel vñ an vil andē orten durch die heyligen propheten meldt. Zum andern hat er ir heyligkeit enteret. da er geordnet od verhengt hat. das ir heyligkeit in die hend vñ den gewalt der rōmer ist kün

men. Dann so der iuden heymliche heyligkeit enplōhet. vñ an das liecht getragē ward. das hietē sie gleich als ob es entweyhet vñ enteret were. zu vor an vor den heydem. So nun ettlich vntter ynen als einer von den priestern mit namen ihesus tebutz sun. vñ einer mit namen finees. der Custer was. sollich heyligkeit selbs den rōmern verratē vñ hym gegeben haben. da sy vō ynen geengstet wurden. wol ist all ir heyligkeit entweyhet vñ enteret wordē. Vñ so sy dasselb an dem tod cristi verschuldēt haben. als er es aller nechst vor seinem leyden in d leste wochē an dem palmtag. da er vber solhe ding waynet. vñ auch darnach in der selben wochen mit Worten vñ wercken erzagt hat. so mag man warlich sprechen. das die offenbare schmehung cristi hat alle yr ere enteret. Also ist es beschehen das alles das. daz sy cristo habē wölle anthun zu schmahheit. ynen heimgedihen ist. vñ der herr hat geschweigē. geduldet. vñ sich gelidten. Aber sein gedulden hat yne leyden gepracht. sein schweygen ir heimlichkeit wol aufgerufft. sein entplohung. sy aller würdigkēy enplōset.

Der ander artickel diß fünfundhundertsten gegenwurfs.

Der das ist ein wunder vñ widerwertige sach. das der herr vntter d finsternus. die verborgnē heimlichkeitē gezeigt vñ geoffenbaret hat. Dan sy hettē ine entdeckt zu schandē gegē der sunnen. vñ nackend an daz creutz vñ den mittetag. so es an dem liechtestē ist. auff gehenckt. vñ yne die arm weit auß gedent. vñ die hend angenagelt. daz er sich nit bedecken mocht. vñ meniglicher scham sehe. aber die finsternus bedeckt

Von den fruchten

in. vñ Die iuden möchtē ir heymliche hey-
ligkeit. die wol vñ gat erlich vñ zierlich
bedeckt was. mit bedeckt behaltē. Dann
der hymel. d den heyligē inelſrawlichen
leib des herren. d vñ den vnmiltē feindē
enplößet was. durch die finsternus be-
deckte. der zerris den vmbhäg. der das
ymer teyl des tempels bedeckt. enmittē
vñ einander. Vnd merck wie der hymel
C gleich als ein mensch d ein ding nit se-
hen mag. der tut die augē zu. od hebt dy
hand für das gesicht d den mon für die
sunne gehebt. vñ also beyde liechter. als
baide augē zugeschlossen hat. Als ob d
hymel. als sunn vñ mon. vñ die element.
als d lufft oder wid. od die engel. die ich
alle bey dem namē des hymels verstecken
will. wolltē sprechen. Ir allerunmiltē
iuden. yr habt ewern vñ vnser aller herrē
vñ schöpfer. vñ aller werlt behalter zu
schandē entdeckt. vñd aller creatur sein
plohheit wollen zeygen. so wollen wir in
wider ewern danck. widerum bedecken.
es sey euch lieb oder laid. Vnd so ir den
lebendige waren tempel gottes. yn dem
die gottheit wesenlich wonet. geschendē
vñd die heyligkeit der hymel die waren
arch. yn der die vñlle d gottheit leylich
raſtet. enteren wölt. so soll ewer tempel
• den heyden geöffnet. alle ewr heyligkeit
• enteret. alle ewr heymlichkeit geoffenba-
ret. euer hohzeit ein clagzeit. euer ostern
ein einrang der rauber vñ mörder. euer
gotzhauf ein raubhauf. ia als der herr
euch selbs gesagt hat. eyn mördergrub.
euer gotzdienst ei spottschertz. euer schō-
ne stat e in iemerliche schelmegrub wer-
den. Für der priester opfer sollē euch vñ
sy. die mōrd metzige. vñ d3 sollt ir zu ein-
em zeichē habē. Wenn die tür ewers tē-
pels selbs on menschlich hend auffaren

wirdt. so wisset d3 dise ding alle vor han-
dē. ia vor den augē als gegewertig sind.
vñd ewer ere vñ freid. all ewer seld vñd
hayl ein end hat. vñ ewer ewigs laid vñ
elled angeet vñ angefangē hat. Zu einē
warē warzeichen diser künfftigē ding
entplößen wir euer heymliche heyligkeit
vñ zerreissen den vmbhäg. d sy verdeckt
hat. Dyse ding sind darnach vber so
vil iar. als ein kind zu einem bestandnen
man wirt. beschē. da ir land verderbt.
yr stat verbüstet vñd verheret. ir haubt
stat iherusalem belegert. geenſtet. gewū-
nen. vñ zerschlaift. ir heymlichkeit verrat-
tē. iugalten vñ priester ermōrdt. ir fechter
erſlagen. d3 volk hungerstorden. all
gassen mit schelmē od tottē mēschē kör-
per erfüllt. die pflaster mit stinckendem
verwesendē mēschē plut beünſlettiget.
ir hobe gebew zu der erdē geworffen. yr
hofstat ein vngeheure wüste worden. yr
iungen gefangen. vñ verkauft. ir gefang-
nen vmbgeführt. vñ zu e iner spilwart der
heydē. in d3 feur od den wilden frayhen
den tiern fürgeworffen. die auherweltē
gen rom zu einem sigſpil geführt. ir edler
tempel verprennt. yr heyligkeit gen rom
in triumph geführt. vñ ydermā zu gesicht
vñd zu einer spilwart d heyden offenber-
lich vmbgetragen vñ gezeygt. vñ ein tail
yn den tempel des frides. ein tail in des
kaysers vespasiani palast vntter dem ge-
wallt der heyden gestellt vñ behaltē. vñd
ir schetlich vntterligē in die stein gehaw-
enn. als man es noch heit bey tag cler-
lich siht. in einem schwibogē bey d newē
Maria zu rom. vñ die iuden. die vber be-
liben in das ellend. yn dem sy noch sind.
yetz bey vierzehnhūdert iaren. vñ auch
lenger. yn die weyten werlt zertrent vñd
getailt wordē. das man auß der größe

des leydens cristi

Des rachs. Die gröſſe des vbelſ. Ds ſy an vnſerm herren begägen hettē. merckē vñ erkennē möcht x. Also iſt es den flaiſchliche plindē iuden ergägen. die ſich vber huben vñ rünten der cūſern leypplichen heiligkeitē. als des tēpels. der vō ſtainē. vñ der archen. die vō holtz vñ gold was. vñ den waren lebendigē tepel des leibs cristi. in dem die gotttheit. nach der aller höchſte weiſe weſenliche wonet. also vn ereten vnd ſchmechten.

Der fünffer der hernach volget. trifft an die frucht des leydens cristi. von den etwas berürt iſt worden in dem erſten rail. Darvñ wirt hie kurtzlich dar durch gegangen vñ werde d ſelbē frucht fünf vmb der gegenwürf willen erzelet.

Die erſt frucht.

Das wir durch das leyden cristi entlediget ſeyen.

Die ander frucht.

Das wir durch das leyden cristi geſichert ſind worden.

Die dritt frucht.

Das wir dar durch zu frid ſind kumen.

Die vierd frucht.

Das wir in den herrē verendert werden.

Die fünffte frucht.

Das wir zu himel genomen vnd eingeführt werden.

Ein peglicher vō diſen gegenwürffen hat zwey glid. gleich als zwen füſſe auf den er ſteet.

Der ſechſt vñ hunderſt gegenwürffe. Ir ſind durch ds leidē cristi entlediget vñ entpundē wordē. Zum erſten vō dem hertē geſetz d alten ee. Zum andē vō dē ſchwerē vrtēil. des hädgeſchriſt vnſer feind wider vns hylet.

Das erſte glid diſ gegenwürfs.

Zum erſte ſind wir durch ds leidē cristi entpundē vñ entlediget wordē. von d hertē vntregliche pürde des altē geſetzes ds got d herre den iudē. vñ den. die in irē glaube od geſetz kumen wolte. gegeben het. ds also ſchwer woz. ds die zwelfspotte C als ſant Lucas in dem fünfzehenden capitel irer geſchichtē ſchreybt D veriahen. ds weder ſy noch ire vāter daſſelb hettē mūgē tragē. Wie ſchwer aber. wie hert. wie grob. wie vol ſtrick. wie vol vil hunderter gebott. wie vol auf geſatzter ſchwerer buß. wie vnuolkūmen. wie müdſam. wie ſtrēg. wie verwickelt vñ peinlich das ſelb geſetz were. dauō wer ein gantz büch zēſchreibē. wer diſe dig ergründen wolte. Auch ſind vil ſchwerer müdſamer vñ herter gebott in dē ſelben geſetz. die mit allein on redlich ſach. ſund auch gātz vnnützig vñ ſchedlich. werē ſie mit vō got. ſcheine ſein. also werē ſie vō menſchē geſetzt. ſo ſprech man. das es ein lauter torheit were. Vnd es hat doch grob tyeff redlich vnd billich ſachenn gehabt. war vmb die göttliche weyſheit C Die alle ding nach dem ſchönſten vnd beſten alkerfürſichtiglichſt ordnet D ſolliche gebott dem ſelbenn groben. vngezognenn. hartneckyſchenn vñnd widerſpenſtigen voll gegeben hat. vñnd gebenn ſolt. bis die zeyt der gnaden kōme. yn der. der ſun gottes. die ienen. die in yne glarobten. freye kinder gottes machte. vñnd ſie entledigete von dem geſetz der forcht. das den mutwilligen knechte zugehört. vñnd gebe ine das geſetz der liebe vñnd d ſenfftigkeit. das den lieben gutwilligen kindern zu gehört. vñnd veruandelte also das knechtlich geſetz in das kinderlich. das forchtſam yn das mynſam.

Aa iij

Wie der iuden gotzdienst verworffen ist

Dz alt in dz new. dz fleischlich in dz geistlich. dz schwer in dz leicht. dz saur in dz süß. das figürlich in dz warhafftig. das yrdisch in dz himlisch. wann das allt gesetz verhieß. den. die es hyltē. zeytliche vnd yrdische gütter. So verheyhet das new gesetz cristi himlische ewige güter

¶ Nun merck. was grossen danckberkeit wir vnserm herrē beweyhen sollen. Der vns vō einem söllichen schweren gesetz entpundē hat. als moises gesetz ist. vñ er hat es doch auch vntter andē sachen. daruñ gehaltē. dz er es i seier person volprechte vñ endete. vñ für vns alle. dy hertē gehorsā hielte. vñ auß vbrte. dz wir daruō ledig wurdē. der grossē gnad wolten die iudē nye bekennē. vñ bekennē es biß an den heutigē tag nit. vñ wölle verpundē sein zehaltē. dz sy nit haltē mügē. Vnd gott d herre gibt ynen zeversteen. dz er kein wolgefallē dar an hat. Zu einē warzeichen desselbē gibt er in weder macht noch stat dar zu. das sy yr gesetz haltē mügen. noch sind sy also plind. dz sie es nit mercken wölle. So ir grōster vnd hōhster gottes dienst. an die irdischen stat iherusalē angebundē ist. so ist ine die selb stat vō d zeit des kēssers Adnani endpfrēdt gewesen. byß her bey drey zehenhundert vnd sechzig iaren. in den sy iren gotzdienst nye haben mügē vben zu einē zeichen. dz er vor gott verworffenn ist. danoch sind sy also verplendt. das sy die offnen warheit nit sehen. vnd in yrer plintheit sind sy so arglistig. das sy vnzelich lüg erdenckenn. dar durch sy sich behelffen. vnd wiß die warheit weren. vnd die yren in dem vnglauben behaltē mügē. Vñ sind dānoch ein teyl so neckisch. wan mā ynen vō iherusalē sagt auff den gemeldtē sin. so turrē sy den cri

sten verweyhen. dz sy iherusalē nit ynt habe. Den bald geantwort mag werden. dz den criste kein irdisch stat od land vñ yren gotzdienst fürderliche für yren son versprochen ist. als den iuden. Sünd dz reich der hymel vnd das hymlisch iherusalem. vō dem die plindē iudē nichts wissen zesagē. vñ daruñ geet den criste an yrem lon nichts ab. vō dem. das sy die irdische stat iherusalem nit ynnhaben. ob sie sy von andacht wegen danoch gernetten. Desselben gleichen geet den cristen nichts ab. an yrem gotzdienst. wan in gotzdienst ist nit on die od ādere steer. gepundenn. als der iuden gotzdienst an iherusalem. Wann zu den iuden sprach Moyses. als wir lesen in dem zwelfften capitel seins fünftenn büchs. Ir werdt vber den iordan geen. vñ wonen in dem land. das euch gott der herre gebē wirt. das ir darynn ruet. vñ on alle forcht wonet. in der stat. die ewer herr vñ got auferwelen wirdet. dz sein nam da sey. Da selbst hin solt ir alle die zig. die ich euch gebeut. tragen. die erstē frucht. die zehē den. ewer opfer. vnd was das best ist yneruērn gaben. die ir gott dem herren gelobt habt. da sult ir wol lebē vor ewerm gott vnd herren. ir vnd ewer kinder vnd ewer eehalten vnd gotz diener zc. Hütt dich das du dein gantz prente opfer nit opferst an einer yeden stat. sunder in der statt. die gott der herre erwelen wirdet. in einē seier geschlecht. Dis sind moyses wort. Vñ herab bāß spricht er. das. dz du heiligest vñ gelobst got dē herren dz solt du nemē vñ kummē zu d stat. die got d herre ewelē wirt. od ewelet hat. vnd solt dein opfer fleisch vnd plutt opfern auff den altar gottes deines herrē Sijstu. dz got der herre d iuden gotz

Von der vbertreffung der newē ee vber dy alte

Dienst an ein gewyße stat gepünden. vñ anknüpft hat. Das der tempel zu iherusalem vñ die selb stat gewesen ist. als yn dem andern büch der tag. vñ in dem dritten vnd vierden büch der könig. vñ fünft an vil örten der heiligen geschrift steet. vñ hat dz vntter andn sachen gleich als zu einem warzeichē gethan. als ob moy ses od der geyst d geschrift mit verdecktē wortē gesprochen het. Wen ir die stat vnwißbrüchlich verlieren wördt. so sollt ir wissen. Daz ewer gesetx vñ gotzdienst ein end habē. vnd gott mit mer geuallen wördt. Aber der criste gotzdienst ist durch die weytten werlt außgeprayn vñ geet er an einem ort ab. so geet er an dē andern an. nympt er an eynem ort ab. so nympt er an dem andern zu. Ist er nit in orient. so ist er aber in occident. ist er nit gen mittentag. so ist er aber gen mitternacht. Hat er einen tempel zu iherusalem. so hat er aber zu Rom mer gehabt. Den es dem. der es nit gesehē hat. glaublich ist. vnd Rom ist mechtiger gewesen. Denn zehē iherusalem. Da iherusalem dan noch an dem mechtigsten gewesen ist. vñ ich red allermeyst d macht vnd herrschaft halb. Hat die cristenheit ayns tēpels in einer stat nit. so hat sy aber in etlichen stetten schier als vil als tag in dē iar sei od mer. hat sy eyns tēpels in einer statt iherusalem nit. so hat sy aber vil tausent dar gegen yn der weyten werlt. Die allweyt vbertreffen auch salomons ersten tempel d würdigkeit halbē. Wan das würdigest. das in dem selbenn tempel was. das was die arch. der auch der tempel zu ere vñ stat gebawt ward. Vñ was was die arch. Ein lad oder kist von holz vnd gold. in der dz gulden aymlein mit dem hymelsprot was. vñ moyses

tafeln mit den zehen gebotten. vnd Aarons gert die geplüet het. als sant Paulus schreybt zu den hebreyschen yn dem neunden capitel. Nun merck ob nit eyn schlechte pfarkirch C der vil tausent vō den gnade gottes in d cristeheit sind C die selben würdigkeit vbertref. in d das heylig würdig sacrament des fronleichnams vnser herren ihesu cristi behaltē wördt. Welches sacrament gott den herren wesentlich C nit allem bedēutlichen verayniget mit mēschlicher natur yn d gnadenreichē sel cristi. in der alle schetz der weysheit vnd der göttlichen kunst gottes verborgen sind. vñ in seinem heiligen leyb. der dz war hymelsprot ist. nit durch die engel in dem luft geformiert zu einer speyße des tödtliche leybs. sonder durch den heiligen geist yn dē reynen iunckfrewlichen leyb zu einer speys der ymmerlebenden selenn C ynnhelst. Dyer leyb ist der recht lebendig thron gottes. der gnaden schrein. die arch des testamēts. vnd der verpüntnus gottes mit der cristenheit. vnd seins bey wones vntter den cristen. das nit allein verheissen vnd bedēit. sonder mit den wercken volbracht wirt. Da sind auch andere sacrament yrer materien halb. als d tauff gleich geflossen auß der seytten christi. auß dem. teglich gottes kinder geboren werden. Item das heylig öl. mit dem. die cristenn zu künigen des hymels gesalbt werden. Item da sind altar. auff den teglich ein söllichs opfer geopfert wirt. vnd het Salomon alle die steyr vñ wiß. die auff dem erdbodē warē. geopfert. es wer nichts gen disem opfer gewesen. Von söllicher vbertreffung des gotzdiennsts yn der zeyt d cristenheyt yn der newē ee. vber den gotzdyenst der

alten ee möchte mā vnzelich ding vnde.
 dar zu hie nit stat noch zeyt ist. Darumb
 lassen wir es fallen. es ist doch verloren
 dz man den ewigen plinden vil vō schō-
 nen farben will sage. den das man dem
 narrē vntterweyle muſ antwortē nach
 seier totheit. dz er sich nit allei gedunc-
 weis sei. Hōr woz got d herr durch den
 aller letsten aller prophete Malachiam
 genannt. vō dem opfer der iuden. vñ von
 dem vnsern. spricht. gleych als zu einem
 beschluswort. Wer ist vntter eūch. spri-
 cht er zu den iuden. der mein alter verge-
 bens berūche. Ich hab keinen willen yn
 eūch spricht. der herre der heere. vnd dz
 opfer wird ich nit nemen vō eūrer hand
 Wan vō aufgang der sunnen biß zu ny-
 dergang. ist meyn nam groſ vntter den
 geschlechtē. Vnd yn allen stetten wirdt
 meinem namen ein reines opfer oder ob-
 lat geheyliget vñ geopfert. Wan groſ
 ist mein nam vntter den heyde. Das ist
 vntter den criste. die nit vō dem geschle-
 cht der iuden. sund der heyden von alter
 sind vñ ir iuden hab den selben unge-
 eret spricht der herre der heere. Dis als
 les setzt der prophet Malachias. Ich
 bitt dich. wep möchte der iūdyſch gotzdi-
 enst offēberlicher vñ clerlicher verworf-
 fen. vnd der cristen erhebt vnd beweret
 werde. vō den allein dz mag verstanden
 werde. dz sy an allen stetten gott dē her-
 ren ein reine oblatē opfern. so sy den op-
 fern. gegen dem die hymel nit reyn sind.
 als obē gemeldt ist. vor dem sich sunn vñ
 mon schēmen sollen. Als ysaias spricht.
 Vor dem all vnser gerechtigkeit ein vn-
 reynigkeit ist. als auch der selb genennt
 prophet spricht. Vñ von welchen vntter
 dem hymel mag man spreche. dz d nam
 gottes groſ in ynen sey. vō aufgang der

sunnen byß zu nydergag. den vō den cr-
 sten. die in aufgag d sunnen. bys an den
 heittigen tage. in india vnd nubia sind.
 vnd yn nydergang mechtige lender vnd
 kōnigreich haben. als Portugal. Castel
 od Castiliē. Legio. Granat. Maiorick.
 Vlauariē. galiciē zc. die teglich bettē. va-
 ter vnser. Heheyliget werd dein nam zc.

Von vil schōnen gleichnussenn des
 heiligen creützes. angesehen als cristus
 dar an gehangen ist.

Woch enmitten in der werlt. in der
 stat iherusalem. die dy iuden den
 cristen türren verweyhen. wenn man sy
 ynen auffheben will. habē die criste ein
 groſse kirchen des heyligen grabs. das
 sprüder sant franciscen ordens dy ob-
 seruantiner von den barfußer besunder
 ynnhaben vnd behütten vnd besyngen.
 Vnd wie wol die vntter dem gewalt d
 heyden ist. so wirdt doch den cristen ge-
 gūndt yren gotzdiens zuēben vñ zewol-
 bringenn. In der. die recht war arch der
 göttlichen verpündnus vñ berstendig-
 keit. Der gnadenschreyen der göttlichen
 gütigkeit vnd barmhertzigkeit. Der al-
 tar der versünig vñ erwerblichkeit. dz
 baner der sichern obligung vnd sichhaf-
 tigkeit. Das pulpet der höchsten ler vnd
 ewangelischen warheit. die laytter des
 hymels vñ d bescheulichkeit. der leuch-
 ter oder hechststoc der ynnern erleuch-
 tung vnd waren erkennus. der endloſ-
 en schonheit. die monstrantz des fron-
 leychnams gottes. der das höchst heyl-
 tumb. vñ yn dem. der vrsprünglich prun-
 aller heyligkeit ist. der richterstul des
 rechten vñ der vnſelenden warhaff-
 tigkeit. der thron des himeliſche kōnigs
 vnd des reichs der maiestat. der gutheit
 der spiegel aller tugent. vnd tugentlich

nemen ee vber die alten

er schöheit. Der schatzbehalter der waren reichthum vñ seligkeit. Die appoteck des heyles vñ geystlicher gesunthart. Der kist des rechten himelbrotes vñ aller gnugsamkeit. Die gert des warē Aarons schöner plüd vñ süßer fruchtbarkeit. Der hyrten stab moysi. yn dem sunnderer gewalt wunderzeichē zethun. Die vnglawbigen feind gottes zeplagen. vñ die glawbigen zebeschyrmten. vñ yn dz vaterland des hymelreichs zefüren. gestandenn ist. Ich mayn das heylig froncreutz mit dem waren leyb cristi auff den berg caluarie. Die selben statt habē die cristen ynn. Die so weyt den iüdische temple salomons. Wann mü die gegēwertigkeit der allerwürdigsten person christi vñ heyligkeit seiner werck außschlyessen will. als den die verplendten iuden thum. vbertrifft. als dz liecht den schatten. als die gnad die natur. als dz tag die nacht. als die sunn die stern. als die warheit die figur. als der geist das flaysch. pa das ich vil in einer kurtze begreyffe. als der schöpfer aller hymel vñ elementen. die ding. die mit menschlicher hand gemacht sind. In der selben kirchen ist auch das heylig grab. yn dem dz leyb cristi mit alleyn tod gelegen. sunder auß dem der selb leyb vnser herren. Der auch tod. daz ist. von der sel geschaiden. von der gottheit nye geschayden ward. Deshalben man warlich mag sprechen. Das gott der herz leypplich darynn gerahtet hab. das man von der iüdische arch nye hat mügen sprechen. lebendig estanden ist. Welches grab die obgenante pruder parfuser ordēs. an der lateynischen oder römische cristen stat. besingen vñ ynnhalten. Dar zu haben sie ynn. die kirchem des bergs syon. da y

recht closter ist. In welcher kirche vnser herr ihesus selbs bischoff gewesen ist. Da er das heylig sacrament selbs zum ersten consecrirt vñ selbs genossen vñ seinen iüngern zu nyessen gegeben hat.

Von vil figürlichen bedeutungen vñ gleichnussen des heyligen sacraments des fronleichnams vnser herren

Dis sacrament ist aygenlich die recht war arch des neuen vñ ewigen testaments. Durch das wir mit allein erben geschriben genennt oder gesetzet. sunder auch bestetiget vñd eingesetzt werden. des ewigen hymelischen reychs. Vñd dis sacrament ist der insigel dz confirmierung vñ der vnzerprechenlichen stetigkeit. Es ist die ertzney wider alle krankheyt zu dem leben vñ aller ewige gesuntheit. Es ist helias eschernprötlein der sterckung vñd langwirikkeit. Es ist Gedeons eschernprötlein der sicherung vñd sichafftigkeit. Es ist daz fingerlein der vermehlung vñd trewe stetigkeyt. Es ist der gnaden schreim der erhöhung vñ göttlichen sechafftigkeit. Es ist dz hönigslam der narung vñd höchsten süßigkeit. Es ist das hymelbrot der heimsuchenden cristenheit. Es ist die süß fruchte des baums des lebens aller gnugsamkeit vñd schmackhafftigkeit. Es ist das kistlein dz kleynat vnseretlicher kostbarkeit. Es ist die leist letzten dz gedecknus dz höchste trewe vñd allergrößte gürtigkeit. Es ist das pfand dz künfftigen ymerwährendē seligkeit. Es ist dz wunder Spiegel dz göttliche werck vñd allmechtigkeit. Es ist dz oberst opfer für ablöschung der sünd vñd misstat. zu erwerbe gnad vñd tugent von dz göttlichen barmhertzigkeit. zu eren die göttlichen maiestat. zedanken der göttlichen miltigkeyt zc.

Wo der vbertreffung der newen ee vber dy alte

Item Das ist die kirch. Da cristus die zwelf spotten. die stifter vnd fürstlichen väter aller kirchen vnd der gantzen christenheit vor seinem leyden zu priestern geweyht. Da er nach seiner vstende inen gewalt zepinden vnd zeentpinden mit einpflanzung des heyligen geystes gegeben. Da er durch die einwendung des heiligen geystes an dem heyligen pfingstag die heiligen cristlichen kirchen gestiftet vnd angefangen hat. Darnach her sy gen ROME vnd in die weyten werlt auß gepreyt ist worden. Deshalben die selb kirch ein muter der gantzen cristenheyt Vnd alle kirche der selben kirche töchter genennet mügen werden. als auch eygliche glaubige sel. vnd auch die gantz cristenheit syon vñ syons tochter yn der heiligen geschriffte genennet werden. od wirt. An der selben stat hat auch die wesentlich lebendig arch. der gnade schrein vnd der thron der göttlichen mayestat. yn dem gott leylich gerastet hat. gewonet. ich mayn die muter vnser herrē die iunckfrawen maria. Als lang sy nach d auffart vnser herren yn diser zeit gelebt hat. Wer kündt nun genug schreyben oder sagen. wie weyt sy die iudische arch vbertref. Dese kirch. die also dy stifter vnd väter aller kirchen die heyligenn zwelf spotten all mit einander. die brüder vnser herrē. die ersten iungen vnd heyligen frawen. die iunckfraw maria. vnser herr selbs mit aygner person leybhafftiglich yn der zeit seins tödtlichen lebens vñ nach seinem tod. als er yetzo zu dem ewigen leben erstanden was. vnd d heylig geyst mit seiner gegenwertigkeit sihtberlichen geheyliget haben. die habenn die parfüßer. von der obseruätz ynnen. vnd singen. lesen vñ oben. den gotz dinst

allda nach cristenlicher weyse. Vnd ob ein teyl diser gebew die heyden zerstört vnd zerprochen oder verwüst habenn zu dyser zeytten. noch beleibt souil. dz mā den cristenliche gotzdienst da volbringē mag vnd vbt. Aber die statte des iudische tempels gundt gott der herre de heide den sarracenen baß. denn den iude. noch wöllen sy mit merckenn wie haßlich yr gotzdyenst gott dem herren seye. Also haben die cristenn yr aller würdigste statte. C Darnach her sy yren vrsprung haben C noch heüt bey tag. vnd müge da gott dem herren dyenen. aber die iuden getürren nit in die statte yres tempels schnecken. Das sey den listigen neckyschen iuden geantwoort. die dy einfeltigen cristen vnd auch zu zeittē die. dy sich gelert beduncken. mit worten geschwaygen. aber wer die warheit wesse. der bedörffte sich nichtz vor ynen besorgenn. Doch soll man nit mit ynen disputieren. vnd besunder die layen vnd ungelerten vmb der eynfeltigen zuhörer willen. den es nit zu nutz dienet. dz sy dem glauben hören widersprechē. Darum ist es auch yn keyserlichen rechten verbottenn. vnd dz ich hie gesetzt hab C dz sey den neckyschen iude geantwoort C ist mein meinung nit. Das man ynen also antwortenn soll. als es hie gesetzt ist. Dann sie sind sein nit würdig. sunder ich hab wöllen erzeygen. was man ynen antwoortē möcht nach der warheit. wen sy sein würdig weren zehören. Doch möcht ein vernünftiger mensch etwas auß dyser antwoort auferlesen. Das man ynen dar würffe. wenn sy mit sölliche neckysche schwöchen her kōmen. also verr das man doch d heymlichen sacrament des cristenlichen glawbens geschweyge. Wann man sol

Von den fruchten des leidens cristi

Die heiligkeit mit den hunden dar werff
fen. noch die feimberlein den schweyne.
als vnser herr selbs spricht Warheit. an
dem sibende ca. Wid zekumen auff
die fürderliche meynung des artickeles
in dem wir sind. Das ist. Das wir durch
das heilsam leiden cristi. vō dem schwe
ren ioch des alten gesetz erledigt seye.
Das bezüget der heilig zwölffpot sāt
pauls in der epistel zu den vō Galacia
die gantz auff das zubewere geet. dar
vmb der heilig zwölffpot in dem ädern
Dritten vierden vñnd fünfften capitel
daruon schreibt.

Der ander artickele des erste gliedes
des sechste vñ hundersten gegenwurfs.

Der ist das nit ein grof wurd
Das solliche erlöfung vñnd entle
digung vō dem gesetz. dz got der herr
selber gegeben vñnd gehalten gebotten
hat. durch einen menschen beschē ist.
der durch der menschen gesetz vor hin
zu der geyslung angestriekt vñnd gepun
den. darnach nach vnwillliche vñnd des
gesetzes der tözeten heiden. durch eine
irrenden verfertten menschen vñnd fal
schen richter gefellet. mit henden vñnd
füßen an das creütz angenagelt ist ge
wesen. vñ wer oder wie gethan warē die
mēschen. durch der gesetz diser mensch
C der vns an dem creütz von gottes ge
setz C gepundē C gelöset hat C an das
creütz geschlagen vñnd genagelt was.
waren es nit die rōmer. die in irē höhste
gesetzen. die dy gotheit antreffen solte
zusetzen tözeter warē. den die genh od
ander allerunuerunstige tier. dan sie
wurde vō dē schwabe vñ senonern dar
zu gepracht. dz sie eine gāzer od gāh
pa das noch nārrischer ist. ein gleichnus
oder pūd einer gāh. als got ereten vñ

anbettete. darumb das sie durch einen
söllichen vogel erweckt waren worden.
das sie dz capitolium zu rōm ereth he
ten. das es nit auch von den schwaben
vñ gallen C die yetz franzosen od fran
ckenreicher heissen C gewinnen würd.
als die stat zu rōm yetz gewinnen was.
In sih an war zu die rōmer durch die
schwaben vñ franzosen gepracht seye
worden. vñtter den die frantzosen den
rōmer in der torheit der apgötterey
gleich waren. denn sie dienten auch den
abgötten. Aber die schwaben waren
weit witziger. die der götter nicht ach
teten. ob sie darynn geirreth haben dz
sie den waren got nit erkannten. so den
die rōmer so tözet waren in den höhste
dingen. als in der erkenntnis der waren
gotheit. vñ darzu von vsprung herten.
böck. räuber vñ mörder oder sūst ubel
teter. von den rōm zum ersten gestift.
besemet. vñnd auffkūmen was. als man
dise ding alle durch geschrift beweret
möcht. Wer könd sich den gnug veruor
dern. das ein mensch durch solcher töze
ter vntaulicher menschen gesetz. dem er
vnterworffen ward. gepunden. geheft.
vñnd genagelt. die dy durch ordnung vñnd
gewalt der almechtigen götliche weis
heit. so hert vñ streng zu dē gesetz d sel
ben götlichen weisheit verpunden vñnd
verknüpft waren. daruon gelöset vñnd
entlediget hat.

Das ander glied des sechsten vñ hū
dersten gegenwurfs.

Dem andern mal sind wir durch
das leiden cristi von dem schwe
ren vñnd der peynen. des obgenantenn
gesetzes erlöset. vñnd also nit allein von
der verbyndung der haltung des alten
gesetzes. sunder auch von den penen d
BB

Von den fruchten

vbertretung erlediget. vñ also von peyn
 vnd von schuld. vntter den eins on das
 ander möchte sein. Als in den geistlich-
 en orden macht man vntterweylein ges-
 setz. die man statuten heysset. die nit zu
 schuld oder sünd verpynden sollen. sun-
 der zu der peyn. als welcher das. oð dz
 thut. oder vntterwegē lasset. der soll nit
 gesündet habenn. er soll aber die. oð die
 buß thun. Also möcht vns vnser herre
 auch gethan haben. Aber vnns wer nit
 gnug mit dem selben geraten worden.
 Denn vil mensche fürchtē die buß oder
 pein vbler. den die sünd. vnd wenn man
 den die buß nit tut oð die pen nit leydt.
 so felt man in schuld. die selbenn oð ein
 ander villeicht schwerer zeleiden. Vnd
 also ist den nit wol geholffenn. die man
 also zu der pen verpyndt. wie wol man
 das zu zeitten zu zemung der wilden vn-
 gezogenen oder lyderlichen versaumigē
 menschen thun muß. dz ich wiß dasselb
 nit rede. Aber vnser milter. barmhertzi-
 ger vñ vollkomner erlöser. hat vns von d
 verbyndung der haltung des alten ges-
 setzes. vñ von den penen desselben. vnd
 auch dz ich hie in disem artickel fürder-
 lich meyn. von dem gemeinen vteil des
 todes. das vber adam gegebē ward. da
 got der herr zu ym sprach. In welchem
 tag du von dem baum der kunst des gu-
 ten vnd des bösen essen wirst. so wirstu
 des todes sterben. Desselben vteils ist
 das geschriben gesetz moyli gleich als
 ein hantgeschriffte gewesen. Wann da
 schreibt moyses. wie gott der herr dem
 adam die frucht des obgenanten bau-
 mes verpotten. vnd ym den tod getroet.
 vñ wie adam das gepot vbertreten. vnd
 also mit seinem geschlecht die pene des
 todes verschudt hat. vñ also ist das ge-

setze. das dise ding setzet. gleich als ein
 hantgeschriffte. darynnē erzeugt vnd be-
 wisen wirt. das wir alle in die in ada ge-
 wesen seyen. den tod verschudt habē.
 vñ zu dem tod verurteilt sind gewesen.
 dardurch auch vnser feind d böse geist
 der das gewisset hat. vnd vnser eigene
 gewissen vns vberzeugē möchten. das
 wir dem tod verfallen werē. Desselben
 gleichē ist es auch mit andern gepöten.
 die in dem gesetz gesetzt sind. mit den
 penē der vbertretung. mit welchē vnser
 gewissen. die das gesetz weyhet. vñ vns
 von der vbertretung der selben. vor got
 vberzeugt. vñ der böse geist. der vns an-
 clagt vnd rüget. vñ gott dem herre sein
 eigen wort. die ym dem gesetz geschribē
 steen. fürwürfft. vñ begert. das er vns
 nach den selben orteilen wöl. vñ also
 praucht er dz gesetz gleich als ei hant-
 geschriffte wider vns. vnd solliche hant-
 geschriffte. das ist. dz götlich gesetz. hat
 vnser herr. als sant pauls in dem adern
 capitel zu den von Colos. schreibt. hin-
 genommen vnd abgetilget. vñ an das
 creütz gehefft. Vnd also ist es besche-
 hen. dz der leidig teufel da er zu wes-
 gen gepracht hat. vnd gemeint. er wol-
 te cristum an das creütz hefften. vñ mit
 den nageln verwündē vnd durchlöchern
 vnd also alle seine wort felschen. vñ sey-
 ne werck frencken. vnd zu nichtē machē
 in sich selbs. vñ was er wider vns
 het. gecreütziget. gefrenckt. gleich getö-
 tet. vnd zu nicht gemacht hat.

Der ander vñ widerwertig artickel
 des andern glids oder teils des sechste
 vñ hundersten gegenwurffs.

En id dz ist ye ei wiß. dz ei tölicher
 mensch. d dē gesetz vnd gewalt des
 todes. gleich ein schuldiger des tods

des eidens cristi

untterworffen. vnd verurteilt wirt. auß
 crafft des gesetzes sterbend. vnd ange
 nagelt. Den vntötlichen engel töten. vñ
 die gesetz vnd gewalt des todes C den
 kein lebendiger mensch widerste mag C
 vertilgen. binden. hefften. Erencken. vñ
 hymnemen soll. Wer sich des nit verrou
 dert. der versteet es nicht. Daz ich aber
 gesprochen hab. den engel töten. das
 versteet recht. als ich es meyn. das ist
 des geistlichen todes. vrschlichen seyn
 ner glider halben. das die bösen mensch
 en sind. Als die iuden sind gewesen. die
 cristum auß neyd zu dem tod gepracht
 habē. Darumb sy dester schuldiger sind
 worden des ewigen tods. Auch d sünd
 halbenn die in dem tod cristi getöt ist.
 als die glos spricht vber die obgemelte
 wort sant paulus. so der vnschuldig. der
 cristus ist getötet wirt. so wirt die sünd
 gereutziget. auch wirt der böse geyst
 nach einem geistlichen synn getöt. weñ
 sein bößhigkeit. crafft. bößheit. vñ seyn
 ne wercke. in den guten menschen vernich
 tet. od die sünd. in den die sich bekerē
 zerstört werden. Vñ sih an. wie der arg
 listig feind in seiner eygen behädigkeit
 ist gelaicht worden. an der einfeltigkeit
 der götlichen weißheit. Er hat die zar
 ten haut cristi. gleich als das perment.
 in dem die gelübrenus der barmhertzig
 keit vñ guttaten gottes. die er mensch
 lichem geschlecht versprochen oder ver
 heißen het. stunden. Durch stechen vnd
 cancellieren wöllen. als mā einem brieff
 thut. weñ man yne felschen oder crafft
 los will machen. vnd hat C als oben ge
 meldt ist C die brieff. die er wid vns het.
 mer durch stochen. geldschert. vnd cancel
 liert. vñ also crafftlos gemacht. Also
 hat die durchlöchert vñd angenagelt

hand. Des allerercknesten sterbendem
 menschen cristi. die starcken auff gelöste
 vngeshinderten freien hand des grössen
 starcken tractens der dz drittail d sterne
 vñ dem hymel auff die erde gezogen hat.
 dem kein gewalt auff dyser erden zu ge
 gleicht mag werden. wyder vñ auff sich
 selbs gewedet. das daz. daz er cristo hat
 wöllen thun. an ime. vnd wider yn selbs
 außgegangen ist. vnd hayß ich ein wund
 der. vñ ist wol ein wund gottes. dz d ge
 fangen den freyen gefangen hat. Ja d
 gebunden. genagelt. der sich mit gerege
 mocht. hat yetz sterbend den vntötlich
 en freyen habendē gefangen vñ gebun
 de. Der d durch den gantzē leib rürckel
 vnd durchlöchert was. mit den wunden
 vñ mit seinem plut cācelliert. vñ der mit
 den hendē angenagelter. hat die starck
 en hantgeschriefft des götliche vrtayles
 durchlöchert. getilcket. oder cācelliert dz
 sy kraftlos würd. Der frager. Wz
 ist cancelliern. Der antwortter.

Das heysset cancelliern. wenn man
 durch einen byeff oder geschriefft streicht
 zu einem zeichen. das sy falsch vñ kraft
 los sey.

Der sybendvñd hunderst gegenwürf
 Vñ d andern frucht des leydes vnser
 herren.

Die and frucht. die wir haben auß
 dem leide cristi. ist die. das wir ge
 sichert seyn wordē. vñ dz vber das. das
 yetz obē gemeldt ist vñ zweyer sache we
 ge. Zum ersten deshalbē dz vnser feind
 vberwunde vñ gestürtzt. ia auch gefang
 en ist. Zum andern. daz die hell zerstört
 ist. Der frager. Vñ dem. dz vnser
 feind durch die gedult cristi vberwunde
 vñ gefangen sey wordē. hast du yn dem
 allernächste voryge artickel gesagt. wie

Von den fruchten

zest Du es yetz für einen sundern artickel. Der antwoort. Es ist war. ich hab erst dauon gesagt. es ist aber einfelliglich beschreibenn. aber es gehört eigentlich hieher. als zu einem fürderlichen teil diß artickels. Den die vorigen teil sind die gewesen. Das erst. Das wir empunden vñ entledigt sind vñ der pürde des moysaische gesetzes. Daz ander. Das wir auch erlöset sind vñ den penen desselben gesetzes. vñ auch vñ andern penē. die got der herre den vbertretern seiner gepot troet. oder thet. die in der heilige geschriff. besund die hebreysch Thorath. das ist das gesetz. d fünf pücher moysi. genennt ist. gesetzt sind. Welche geschriff der böse geyst wid vns behielt. gleich als gottes händ geschriff. Aber hie sind zwey andere teil. Das erst ist die vberwindung vñ vntterwerffung der feind. Das ander die zerstörung der helle. Wie aber der haubtfeind lucifer vberwunden sey. ist vorgemelt worden. Wie aber ander feind. die menscheinn sind gewesen. als iuden vñ heiden vberwundē seyen od vberwunden werde. Daz ist oft gemeldet worden. besunder von den iuden. vñ mā siht es teglich. wie sie vntter den cristen keinen gewalt habē. Den als vil ynē die cristen verhengē. sunder sie sind vntter dem gewalt der cristenlichen fürstenn gentzlich. also das sy mit ynen mügenn thun. wie sy wöllen. Sind sy aber vntter dē heidē. so sind si auch vntterworffen vñ verschmeht on gewalt. Die heidē die allermeist wider die cristen vñ die mechtigsten waren. das sind die römer vñ die lateynische gewesen. die nun allermeist christo vntterworffen. vñ für die cristen vñ selbs criste sind. Von

den heiden zereden. Die seyder des kaysers herachy zeytē entsprungē sind. als die sarracen. oder machumecianer. ist ze wissen. wievil der selbē. vñ wie mechtig sy sind. so haben sy doch die cristenheit mit mügen vberwinden. noch vntter sich pringē. als sy gern thetē. sunder sy sind oft emynder gelegen. wenn sy wider od vber die cristen gezogen sind. Es sey daz das die cristen. das mit irem sündliche leben verschuldēt haben. das sie got der herre zu straffirer sünd in den henden der vnglaubigē verlassen hat. als es zu vnsern zeitten mit den Eryechē beschēhen ist. die vil hundert iar sich von der lateynischen vñ römischen kirchen geschaiden. vñ sunder artickel wider den glauben der genantē römischen kirchē gehalten haben. vñ sind also mit allem geteilet von der einigkeit der heiligenn cristenlichen kirchē. sunder auch irrend in dem glauben vñ ketzter worden. vñ haben den. die von dem römische glauben sind. vil schmahheit vñ vnere erbotten. Also sind sie vntter dē gewalt der türcken. die auch sarracen sind. komen.

Sünst habē die criste. die d römischen kirchen. vntterworffen sind. vil sigs gehabt wider die selben heydē. also wo die heiden einen sig gehabt habenn. da haben die cristen wol drey gehabt. Das findt man in den historien vñ kroniken allermeist der spaniöl. das die heidenn den cristen bey zwey vñ dreyssig malē obgelegen sind. Aber die cristen habē den heiden vber zehen vñ hundert malen obgelegen. vñ vber das. das oft geschrieben wirt. das die cristen vnzellich vil heiden erschlagen haben. reycht die summ der gezelten vber dreyzehen hundert tausent. vñ neun vñ neunzig tausent

des leidens cristi

Vnd habe sy constantinopel die haupt
stat des keyserthums der kriecken mit
dem land das dar zu gehort. gewonnen.
so haben yn die könig von hyspania. cor
dubam vnd tolet vnd sibilien vñ granat
mit vil lands angewunnē. Vnd ist wol
zumercken. das zu vnsern zeittē d̄ grof
mechtig türck mit seiner grossen macht
vor einer insel vnd stat Rodis zu schan
den ist worden. Vñ mir zweyfelt nit dar
an. wenn nur die cristen eins weren. vnd
leben nach irem gesetz. sy weren allen
heiden zuwidersteen starck gnug. vñ be
dr̄fften sich vor nyemand fürchten.

Aber so diß leben ein steter strey vñ
ein vbung vñ anfechtung ist. als d̄ hey
lig Job in dē. vij. capitel. spricht. so mag
kein steter frid sein in diser werlt. da die
bösen vntter den guten. vñ die guten
vntter den bösen vermengt sind. das die
guten von den bösen geübt werden.
Aber darynn steet die sicherheit der gu
ten cristen. das sy von nyemandt. ya von
keinem feind mügen on iren eignen wil
len vberwunden oder geschediget wer
den. ya wenn sy auch nyder ligē. so ligē
sy ob. vñ wenn sy allermeist vberwundē
werden. so vberwindē sy allermeist. wenn
sy nun in dem glauben vñ in der lieb cri
sti beleiben. Darumb helt man höhers
von sant mauriciē vnd von sant achacio
vñ irer ritterlichen gesellschaft. die sich
nit gewert haben. wider ir durchechter.
sunder sy habē sich lassen töten. als ob
sy weder craft noch macht. weder hend
noch waffen heten. mit den sy widersteē
oder sich beschirmen mochten. den von
dem grossen keyser Karolo vñ seiner
grossen rytterschafft. die vil mechtiger
heidnischer könig bestrytē vnd erschla
gen haben. wiewol die selben ritter. die

zu zeitten vmbkümē sind. auch selig vñ
heilig sind worden. Vñ zu einem zeichē
ires seligen sterbens. so gruneten ir gles
nen oder spieß. wann sie sy in die erden
steckten. als auff ein zeit grunetē. als
mich bedunckt. behalt ich es recht. die
viertzigtausent. vñ die selben. der die
glenen waren. die grün waren worden
in der nacht. als sy die an dem abent in
die erden gesteckt hetten. die wurde all
von den heiden in dem streyt erschlage.
an dem nachgeenden tag. Auff ein zeit
het der keyser karolus etlich. der spyß
gegrunet hetten. eingeschlossen. vñ
wolt sy also behalten. das sy nit in den
streyt zügen vñ erschlagen würden.
da fand er sy nach dem streyt in der be
schlyessung gestorben vnd tod. wiewol
sy nit bey dem streyt persönlich od̄ lei
plich waren gewesen. Das setz ich hie.
als es mich dunckt nach d̄ gedechtnus.
wer es eigentlich woll wissen. der such
es in der historien des ertzbischoffs vñ
remis mit namē Turpini. Das hab ich
hie gesetzt zu einem zeichen. das die. sy
in den streytē wider die heydē gehabt.
vmb des heiligen glaubens willen erny
der gelegen vñ erschlagenn worden
sind. die sind behalten vñ selig worden.
als es durch gotliche botschafft geoff
fenbaret vñ mit wunderwerken be
wert worden ist. Doch begeet man die
selben nit also herrlichen. vñ loblich in
der cristenheit. als die. sy on weer vñ
widerstreyt sich haben lassen töte. die
ettlicher maß. nach der werlt weise zel
reden. mer scheynenn ernyder gelegen.
vñ vberwundenn sein. denn keyser ka
rols ritterschafft. die gewonlich abge
legen vñ das feld vñ sig behaltē hat.
ob auch etlich zu irer ewigen seligkē

Von den fruchten

erschlagen sind worden. Vñ das ist die meinung dñ teiles. Das die rechten cristen vnüberwintlich sind. sy ligen ob vñ vntter. gen den vnglaubigē. so vberwint den sy doch. die weil sy anders in d was ren liebe cristi beleiben. Das bestetiget der heilig bischoff sant Marimus in ey ner predig. da er spricht. Vntter den streytmennern. wirt der. d erschla gen ist. vberwunden genennet. Dasselb redt die werlt von iren liebhabern. aber cristus redet anders zu seinen glaubigē Wann in der heiligen cristenheit wirt ettwas fundenn. durch das sölliche red oder meynung crafftlos oder wan ge macht wirt. Das der nit vberwunden ge sprochen werd. der ein vberwinder ge tötet wirt. Wann es ist ein ander ding. vmb der werlt willen getöt werden. vñ ein anders vmb christus willen werden getöt. Dann welcher vmb der werlt wil len getöt wirt. der wirt vberwunden. so er getöt wirt. Darvñ wirt er nit vber winder. fund ein vberwinder gefunden so er getöt wirt. Dann wird er nit vber wunden. so wird er nit erschlagen. Aber d vñ cristus willen getöt wirt. der wirt nit vberwunden gesprochen oder genēt. wann er wirt mit vberwunden. wiewol er getöt wirt. sunder er wirt warlich ein vberwinder getöt. Dann wenn er getöt tet wirt. so wirt er ein obliker oder ansy ger. Wan die kron wirt d obligern ge gebe. Warum soll man laugnen. Das d der also getöt ist. ein vberwinder sey. d vmb desselben willen. Das er getöt ist. von dem gerechte richter getrönt wirt. Dñ sind die wort des heilige bischofs Marini. mit vil adern auf die meinung. Das keiner der in der liebe cristi beleibt.

vberwunden mag werden. Vñ das ist die sicherheit. die vñ cristus mit seinem leiden verdient hat. vñ auch ebenbild lich C als sant Augustin in einer predig spricht d bewisen. vñ crefftiglich ge macht vñ gegeben hat. Er sprach zu seinen iungern nach dem abt mal. Dy se wort hab ich zu euch geredt. das ir in mir frid habet. In der werlt werdet ir zwangsal habē. Aber ir söl ein getraw en haben. ich hab die werlt vberwunden. Als ob er sprechen wolt. Alles das ich geredt hab. dz hab ich darvmb geredt. Das ir zu frid kummet. Der nit daryn steet. dz ir nichtz leidet. so ewer verdienst in diser zeit allermeist in dē leiden steet. sunder daryn steet ewer frid. dz ir nit mäger geschediget werden. Vñ das beschilt dem. wenn ir durch den glau ben vñ die liebe in mir beleibet. Dann so ir also in mir beleibet. ob etlich dem die werlt von aufwendig drückt vñ an sicht. so dient euch dasselb zu grösserm gut. zu mererm verdienst. zu höher trö vñ uren. zu grösserer freud vñ selig keit. vñ also zu gantzem frid. Denn den. die mich liebhabē. kumen alle ding. auch die vbeln zu gut. also das ynen die schand. die sie vmb meinen willen leidē. zu grossen uren. die armut zu reychtū. der verlust zu gewyn. die schmechung zu erhöhung. die forcht zu sicherheyt. die traurigkeit zu ewiger frölichkeit. diene vñ gedeyhen wirdet.

Der ander vñ widerwertig articel des erstenn teyls des sibenhundert sten gegenwurffs.

Das aber die aufsetz vñ argly nigē hinderlag vnserer feind vñ

des leidens cristi

7

Der geprochen. vñnd also hinder sich ge-
triben werden. durch den. der durch sol-
lich hinderlag d̄ feind. gedultiglich ge-
tragen. vñndtumen. vñnd auch den selbē
C nach dem eüssern schein vñnter ges-
legen ist. dz ist ye ein wunder gottes ge-
wesen.

Der erst artickel des ädern teils des
syben vñndhundersten gegenwurffs.

Das ander teil diß gegenwurffs
das wir gesichert sind. ist dz. dz
die helle zerstört ist. dasselb ist in zwey
erley weise zeuersteen. Zum ersten des
teils halben der hell. das man die vor-
hell nennt. in die dy väter furen. vor der
virstende vnnsers herren. oder vor se-
leydenn ee die war vnnsere erlösung. vñnd
die schuld durch das leidenn christi be-
zalt was. vñ da es den namen der helle
hett. der pen halben des schadens vñnd
der beraubung des gesichtes vñnd der
nyessung der götlichen schonheit vñnd
endlosen gutheit. Dann nach dem ley-
de cristi vor der virstende. ob es den na-
men der helle het. der stat vñnd der ver-
gangē pen halbē. so ward es doch auch
das paradeis genent. der gegenwertig
keyt halb des erlösers vñnd der frewd
die man het. in der blossen od̄ offenba-
ren anschawung vñnd nyessung seiner al-
lerbegirlichstē vñnd lüstlichsten gotheit.
die d̄ grundlos wag aller süßigkeit ist.

Vñ nach de als es die helle hieß
der pen halb. so ist es zerstört worden.
durch die gegenwertigkeit cristi. als er
nach seinem heilsamen vñnd lebendig-
machenden sterben an dem creütz. abge-
faren was zu diser vorhelle. nach d̄ sele
mit crafft der gotheit. mit der sy in der
person des suns vereymiget. vñnd eins.

als ein einige person was. Da er durch
die allerhechteste clarheyt seiner gotts-
heit die finsternuß erleuchtet oder mer
vertribe. die pand auflöset. die belange
den erfrewet. die gefangen lediget. die
verstossen zusamen berufft. vñnd d̄ gley-
chen vil thet. Nach dem aber als er in
seiner virstende die beschloßnen aufsfü-
ret. vñnd mit ym name von der selbenn
stat. da hat er die selbē stat zerstört. d̄de
vñ wußt gelassen. als ei hofstat die ver-
lassen vñnd vnwonhafftig oder vnheim-
lich vñnd vngeheür wirt. Darumb dz nye
mandt mer da wonet. Zum andern
mal hat er die hell zerstört nach d̄ wey-
se der rede. als man spricht. der hat das
reich oder land oder stat zerstört. d̄ yñe
einen grossen abbruch thut an irem zu-
gang. Als wenn ein grosser zugang zu
einer stat were vñ allen landen. auff de
land. vñnd auff dem wasser. daruon sie
reich würd. wer die selbē zusart ableg-
te. od̄ fast hindert vñ mindert. so sprech-
man. er verderbte vñ zerstört die stat.
Also so vnser herr vnzelich tausent. die
sünst gen helle gefaren werem. daruor
behüt vñnd erlöset hat. vñnd teglich er-
löset. die dar kummē möchten vñnd mü-
ßen. wenn er nit daruor were. wer mag
es denn laugnen. das er die hell zerstört
re. nit also zunersteen. das er die herauf-
neme. die yetz da yñe sind. sunder das
er vnzelich behüt. das sy nit darein fare
Dauon sprach der herr durch den heyl-
ligē propheten Osce in dem dreyzehē
den capi. Ich wird sy von der hand des
todes erledigē. vñ dem tod werde ich sy
erlösen. O tod ich wird dei tod werde.
Hell ich wird dein pyß werden. diß sind
die wort gottes. sant gregorius spricht

Bb iij

Von den fruchten

in dē. xij. buch vber Job. Wer einē biß
in ein Ding tut. der nympt es ein teil. vñ
lasset es ein teil. Also hat der herre einē
teil auß der hell genomen. als die altnā
ter vñnd die gerechten der alten ee auß
der vorhelle. Er hat einen teil vñd weyt
den grosten gelassen. als alle die. dy in
todsünden oder in der erbsünd. verfare
oder gestor bē warē. Also hastu die mey
nung. das die hell d guten halb zerstört
ist. wañ keiner kumpt mer in die vorhell.
In die rechten hell der verdampften ist
nye yemants gerechts komen. so kumpt
auch nymmermer yemants guts darcin
Das fegfeur wirt auch hell genēt vñd
ist ein teil der obern helle. ob wol vil in
das selb kumen. so wirt es doch entlich
Cnach dē öbern syñ zeredē d auch zer
stört. Also werden die gutē entlich ewig
gliche gesichert. Sie werde gesichert vñ
dē feint. wañ er ist überwundē vñd wirt
ewiglichē gefangē vñ gepūdē sein. Sie
werdē gesichert vor d hell. wañ sy ist od
wirt zerstört dan sy wirt beraubt gehin
dert o d ganz geleret. Vñ so d feind al
so starck was. das ym nyemand wider
steen mocht. das er yn nit hin züge. der
kercker der hell was auch also starck vñ
wol bewart. das ym nyemand entrynne
mocht. nyemandt mocht sich aufreissen.
das er yn nit hielte. der tod wz auch al
so mechtig. dz lei lebēdiger ye so starck
ward. das er sich sein eruern möcht. dz
er yne nit erwürgt. So ist dz ye ei grof
ya ein ober grof wunder gewesen. das
die all überwunden sind worden. durch
einen söllichen. das ist der teüfel durch
einen menschen. der tod durch einē ster
benden oder toten. die hell durch einen
gecreürzigten. die all als der teüfel der
ein vñtölicher engel ist. vñd der tod vñ

die hell. von einem mēschen. den der teü
fel durch sein diener gefangē vñ gepū
den gemartert vñd gepeiniget. zu dem
creütz. zu dem tod. vñ vrschlich zu der
helle gezückt oder gepracht hat. durch
welches der teüfel selbs gefangen. die
helle zerprochen. vñ der tod in den auß
erweltem C als sant gregorius in dem
nächstgenantē buch vber das wort. O
tod ich wird dein tod werden spricht d
gantz getödet ist worden. Vñ sih wie
sicher die außeweltē. durch den. d den
tod gedultiglich für sye gelittē. vñ yn
vorhin ser geförcht vñnd doch darinn
nit hat wöllen meyden oder fliehen. seyr
er worden.

Die drit frucht des leidens ymnsers
herren. ist. dz wir dardurch zu frid sind
kumē. vñ dz ist der achtvñdhunderst ge
genwurtff.

Die dritt frucht des leidens cristi
ist die fridmachung. die selb steet
in zweye stückē. Zum erste in dē das er
des vaters zorn gestillet. vñ zum adern
in dem. das er die feindschaft der men
schen zerstört hat.

Der erst teil des ersten artickels.
Vm erste ist durch das leyde cristi
des vaters zorn gestillet vñd hinge
legt wordē. dz mā verstee soll nach ge
wöheit d red d heilige geschrift. die dy
straff od bus. die dy götliche gerechtig
keit d creatur vñ d sünd willē antit od
auflegt. zorn heisset od nent. Vñ dz ist
d zorn gottes gewese. dz er nach vnser
eltern adas vñ eue sünd keynē mēschen
zu vollumner gnade als zu der warcm
himlischen seligkeit wolt auffnemē. biß
ym für die selben gnug beschebe. das
nye gesehen ist. denn in der gedult vñd
demütigkeyt vñnd gehorsamkeyt. des

des leidens cristi

leidens isti. Darumb ist durch dasselb
der zorn gottes des vaters abgewendt
vnd gestilt. vnd der mensch mit got ver
sonet vnd zu gnaden genomen wordē.
Das beweyset sant Paulus zu den rō/
mern in dem. v. ca. auff die meynung. Da
wir seind warē. da sind wir mit gott ver
sonet worden. durch den tod seins suns.
vil wer so wir nun gerechtfertiget vnd
vesōnet sind durch sein plut. so werden
wir durch yne behütt vor dem zorn. vnd
behalten in seinem leben. Ich hab den
syn genomen auß seinen wortē.

Der gegenwurff diß teils.

Aber das ist ein vrgroß wunder
gewese. dz d zorn gottes durch
das gestilt vnd hingenomen ist wordē.
Durch dz er allermeist enzünd vñ vnuer
zeiblichen bewegt. vnerleschlich pryn/
nend. vnuerfōnlich gereitzet solt wordē
sein. als durch die töding seins allerlieb
sten einigen suns. doch eigentlich zere/
den. soll man nit sprechen. das der zorn
gottes durch das vnrecht hingenomen
sey. als durch die töding. die als ferr od
also vil als sy von den bösen was. aller/
böst gewesen ist. besunder durch dz ge/
duktig leiden desselben vnrechten dz so
vil angenehmer got dem vater von seinē
sun gewesen ist. souil das vnrecht. dz er
gelitten hat. grösser ist gewesen. Wan
die grösse des vnaussprechenlichē vñ/
rechtens grösset die grösse der gedult.
vñ grösset den verdienst. Vnd ich hab
mügen sprechen. das gottes des vaters
zorn durch das gestilt ist wordē. durch
das er allermeist gereitzet solt wordenn
sein. das ist. das sein allerliebster sun vñ
den menschē. vmb der lieb vñ. trew wil/
len er auff diß erdtrich künmen was. das
er sy durch sein herte arbeit erlösete vñ

allen vbeln dem sy warē. oder zu dem
sy kummē solten. vñ prechte sy zu allem
guten. des sy begirig oder dürfftig wa/
ren. so vnmenschlich vñ yemerlich ist ge/
töt wordē. vñ das ist wol ein wundber/
liche gütigkeit vñ eremütigkeit gottes.
vmb der willē. er in sunderheit ewiglich
gebenedeyt sey.

Das ander teil diß erstenn artickels
in dem vil gesetzt vñ gemeldt wirt vñ d
hohfart vñ dem rüme wider die iuden.
vñ von dem rümen der iude vor andern
geschlechtē. vnd von dem grossen vbel.
das zu Jherusalem was allermerst des
hungers halb. da die rōmer dauor lagē.
vñ warvñ got d herr das rōmisch reich
hab lassen geschwecht wordē. vñ abne/
mē. als es zum glaube kumē ist. vnd vil
anders.

Dum ändern ist durch dz leidē cri/
sti die feindschaft d mēschē zer/
stört. vñ also die liebe vnd freundschaft
wid gepracht wordē. Wan sunst vñ vor
d zeit des glaubens cristi vñ ee d glaub/
cristi in d werlt geprediget vñ auff geno/
mē ward. da was ein groß zwytrechtig/
keit zwischē dē iudē vñ dē heidē. Wan
ye ein geschlecht verachtet vnd hasset
dz and. vñ d vntterscheid willē d glau/
bē. vñ geseze. vñ gotz diest. Dan die iu/
dē bettetē einē got an. die heidē vil gōt/
ter. Die iudē teten ir knabē beschneidē.
vñ hielten den sabath. Das erst wz den
heidē ein grawe vñ ein schand. dz and
was yne ein torheit vñ ein gespött. Wi/
derumb hielten die iuden die heidē für
narren C als sy auch in der warheyt wa/
ren C das sy die abgötter anbettetenn.
Sy hielten sy für vnreynn. das sy nie
beschnyttenn warenn. als wir yetzo die
iudenn C billichen C haltenn. das sy nit

Von den fruchten

gewaschen noch getauft sind. Und sie
 überhuben sich. Das sy die außerveltē
 gottes weren. vñ der patriarchen sūne.
 Die got der herre vor allen andern erwe
 let. mit ynen geredt. vñ ynē seine geset
 z vñ gepot gegebē. vñ grosse ding C ob
 sy es hielten vñ versprochen vñ gelobt
 hete. Und kurtzlich was got der herre
 wunderwerck mit iren eltern gewürckt
 het. Das zohenn sy alles ynen selbs mer
 zu cren. Dan got dem herrē zu lobē vñ
 zu danckbarkeit zu. Wie aber die heidē
 den iuden vber söllichs rümen vñ gei
 den oder erhebe kunden begegnen. Das
 mügen wir auß etlichen reden. es key
 sers Titi. die er zu ynen. oder von ynen
 gethan hat mercken. Da dem selben die
 yemerlich geschicht d̄ marien fürkame.
 Die iren eigē sun gemetziget. gepraten.
 vñ geessen het. Da getarr der allerheiz
 ligst Eggeppus sprechem. Das er einen
 grawen enpfing vñ der suchelernigkeyt
 des vnseeligē landes. vñ hub sein augen
 auff in die himel vñ sprach. Wir sind
 zu streyten kumen. aber wir fechten mit
 mit menschen. Wir streyten wider alle
 grewliche grymmigkeit der grausaml
 chen wilden tier. Wan die selben grym
 migen tier habē ir iunge lieb. vñ nerē sy
 auch wen sy selbs hungert. vñ die. Die
 sy andern tier fressen. Die enthaltē sich
 von dem af der toten leib irer gleichen.
 Aber das ist vber alle bitterket. Das ein
 muter die glider fresse. die sie geporn
 hat. Rein will ich sein von disem vbel.
 Ich entpind mich dir. vñ entschuldige
 mich vor dir. was gewaltē du in dē hy
 mel bist. Du weißt. Das ich ynē vñ grūd
 meins hertzen offt den frid dar gepotē
 vñ geopfert hab. vñ des ich mich nit
 scheme znueriechen anfiger vñ obliker

hab ich sy gebetten. Wan ich hab auch
 der. die sach vñ heubter söllicher vnges
 hörten vbel sind. wöllen schonē vñ vber
 sehen. Des volck's schonen vñ die stat be
 halten. Aber was solt ich thun dē vñ dē
 spenstigen vñ widerstreittenden. was
 solt ich thun den. die wider die irē wüt
 teten. Ich hab offt die waffen vñ har
 nysch hingelegt. aber da sy vñ dē mord
 der iren mit auff hörten. so hab ich wid
 kert in den streyt. mit das ich die bes
 nen oder belegerten verderbte. sund d̄
 ich sy von den auffrurige tyrannē oder
 wüttrichen vñ mörderern erlösete. Wan
 sy habē vns oft vñ dē maurē ermanet.
 Das wir stürmen vñ fechten soltē. d̄ sy
 nit schwerlicher vñ den iren getöt wüt
 dē. Was purger sind die. sy des feinds
 zebeschirmen begern. Ich het wol ge
 hört von der vntregliche grymmigkeit
 dis volck's. Das sich auß vnglaublichen
 wönen in alle stolzheit erhebt. d̄ ir ge
 schlecht von himel herab einen vrsprung
 habe. In welchem himel sy zum erstem
 leiplich form an sich genomen haben. al
 so woner des himels gewesen. zebawen
 das erdtrich. herab gestigē seyen. von d̄
 erden wider auff zu himel farern. mit
 truckem fuß durch das meer gegangē.
 Das die flut des meers vor ynē geflohe
 seyen. die fluß des iordans seye hinder
 sich gewiche. vñ wider in iren vrsprung
 geflossen. Die sunn sey still gestanden.
 Das sy ir feind überwündenn. Das sy die
 nacht nit hinderte. Das die iren in feuri
 gen wagem. in den himel gezuht seyen
 worden. Das die himelischen gewelt für
 sy gestritten haben vñd alles heer irer
 feind on ir gegenwertigkeit erschlagen
 sey. vñ das sy schlaffend überwunden
 haben. Dise ding alle het ich wol verno

des leidens cristi

men. aber ich meinete sy erhöhe die götlichen guttete. Die mit yne beschēhe weren. mit meynt ich dz sy ir gedürstigkeit so weyt strecken. Das sy sich vermessen auch von den römern mit zu überwunden werden. Aber nun sihe ich wol. Das wir einen krieg für wider die. dy sich vnüberwindlich glaubē. so sy sich rüme vñ vberheben das sy der sintflut vber beliben. vñ erbherrē der plitze. vñ gest des erdrichs. vñ wanderer des meeres. vñ auffsteiger des luftr. ya auch der himel seyen. den das wasser für ein maur ist. Der lufft zu einē weg. Der himel zu einer wönig. Die flammen weychen ynen. Die band haltē sie nit. Den durstige zerfließet der felse. vñ ergeußet sich zu iren trāck. Den hungerigen wirt der himel auffgesperret. vñ schickt yne speys. mit de fleisch der zarten edeln fōgelin werden ire zelt auff dem feld erfüllet. sy essen der engel prot. Die fließenden wasser gesteen ynen. Die bitteren werde yne süß. Die sunn steet ynen still. Die finsternus wirt yne liecht. Was mag dannoch mer sein. Wenn mügen die verzagē die als sy sprechē dz gestorbe lebē. vñ begrabē wider ersteen. Es ist auch ein gemeiner won. Das sich diß volck wid die gottheit erhebt hab. vñ die pen gibt des ein vrtund. Wann auff den heutigenn tag prünnet ir land vñ der sünd willen der selben. Die darynnen wonen. Es hat auch das gynen der erden etlich von ynen lebendig verschlickt. Wie lāg wonen wir in disen orte. Da auch die erde zerspaltet vñ ernider fēlt. Wir haben auch das tod meer vñ des lands gewechs tod gesehen. ein sürrs ertrich ler schadten. grüner frucht. aufwendig schōheit. inwēdig üßeln. Wer mag zwei

feln. Das wir nit bey der hellwonen. so bey ynen auch die element sterben. Ja wir habē auch bey yne die tod gesehen. Die nach dem tod pflegt zelebē. Die mitigkeit d natur. vñ die den gestorbenen vber pleibet. Die geistlichkeit des gotz diests. wan wer hat auch sei gestorbe elter nit lieb. wer hat sie verschaidne kinder nit lieb. dz im Cob die kind sterbē mit ei zarte gedechnus mit belangē des hertze an irer stat beleybe. Aber bey dy sen erkennet die muter auch iren lebendige sun nit. Sie erhört nit den anschreyende. sy erbarmet sich nit vber den weynende. Vñ vñb einer grausamē speys willen einer einige stund. so wirfft sy ir mutermördisch hend an ir eigenn kind. Wol ein vnseelige stat. in der ein söllich er fleischpanck vñnd ein sölliche metzgt ist. Billich soll sy mit ire eigen nyderfal bedeckt. vñ als ei giftige schelmē grub der gantzen werlt verworffen. vñ verborge werde. dz sye die sunn nit sehe. dz sy das liecht der gestirne nit anschauē. Das die wind der lüften nit verunreiniget werden. dz fegēfeuer soll sy aussprengen. Der frager. Du sagst greuliche ding. Hat d kaiser titus ein söllich greulich vrtail vber iherusalē gegeben. Das ein sölliche heilige stat gewesen ist. wie haltenn wir sy denn in so grossen erten. wirdenn vñnd begirdenn.

Der antworter. Wir haltenn iherusalem in erem. vñb des gutenn willem. Das da beschēhem ist. als menschliche erlösung vñ stiftung der heiligen cristenliche kirchen. vñnd der gleychem. von den oben berürt ist. Der keyser Tytus vrtailt sy als ein suchtle. gyfftyge. vñnnseelige vñnd verderbliche statt. Die zerschleyfft. verderbt. vertilgt.

von den fruchten

verprient vnd verworffen solt werde. vñ
der grossen mörlichen sünd wegen. die
da beschaffen. vnd beschehen warē. vnt-
ter den. die sy fürderlichsten warē. die
sy wider den behalter aller werlt an der
göttlichen person vñnd wider alle die sy
an yn glaubten. begangen hetenn. Dar-
umb da d̄ heilig Egesippus in d̄ fünf-
ten buch von dem iüdischem krieg be-
schreibt den yemerlichenn stand. der zu
iherusalem was. zu den zeittenn. da die
drey wütrich. Johannes. Symon. vnd
Eleasarus. in d̄ stat wider einand stryt-
tē. ee die rōmer dar für kamē. da spricht
er vntter andern cleglichen wortē also.

Vil die von dem end der werlt gen
iherusalem zu dem tempel vmb bettens
willen kummē waren. vñnd hofften da
fürderung irs heils zeerwerbenn. soult
sy sich mer zum tempel hielten. soult ka-
men sy in grösser verderbnus vnd ver-
ferlichkeit. Du hetest gesehen tod ligē.
fremden mit den burgerinn. die priester
mit den leyē. die tapfern vñ erbern mit
den puben. die vnkeuschen mit den rey-
nen. ir aller plut durch eināder vermēgt
Vñnd die ynnern eingeng vñnd teil des
tempels. gleich als ei pach mit gūß des
pluttes vberstösset. In dem vmbegang
geschwalen alle ding vor plut. also dz et-
lich die einander anfielen zestreytē fie-
len vor toben vnd heltzeten vor schlüp-
ferkeit vñd sancken. oder ertrancken in
dem plut. Vñoch lieffen sie dennoch mit
ab. sunder ye mer sy verferlichkeit sahe.
ye mer sy vnynniger vñd wüttend wur-
den. Dann ye. ein parthey wolt die an-
dern vber bößern. Besunder was d̄ Jo-
hannes vñerlegenn in dem streit. der ob
ym den Eleasari het. vntter ym d̄ Sy-
mon. Lieffen die öbern ab. so engsteten

yn die vnttern. Zerstöbert er die selben.
so machet er sich an die öbern. vñd ließ
kein parthey zu rue. Wa er eine veriagt
so sprāg er an die andern. vñ ober nech-
tig vñd vnuerdrossen in der grewlichen
grymmigkeit vñd in dem fechten. wa sy
assen. da schof er feür ein. das begryff
den die höhe der decher der heüser. die
vol getreyds vñd weytz vñd anderer na-
rung warenn. die dem volck zu lengrer
auffenthaltung gedient heten. vñd ver-
prant alles das es fand. Vñnd wa es
mer fand vñd söllicher leibs narung. da
verderbt es mer. also fielen die hohenn
zimmer der heüser. vñnd das verprient
gut mit ynen von der höhe ernyder. das
also mit plut mit puunst. mit niderfallen
mit hunger. das geeder vñd die kraft d̄
gantzen stat abgehauen ward. Es was
kein stat von verferlichkeit frey. Es waz
kein zeit rat zennehen. Es was kein hof-
nung das es besser möcht werden. Es
was kein möglichkeit zefliehen. od̄ söll-
chen vbeln entrinnen. Alle ding waren
vol leydes. vol grauens. vol grewlicher
grymmigkeit. An allen orten vñnd
vñnd clag. forcht. schreyen. geschrey der
frawen. heülen der alten. seüftzeim der
sterbenden. verzweyflung der lebēdige.
also das du die für vnseelig hieltest. die
in d̄ lebe belibē warē. die selig. die ge-
storben waren. Das volck ward wider
seinen willen gehalten in der stat. das
sich gern ergebē het. nach dem als yetz
die rōmer die zwou vordern mauren zer-
prochen heten. vñ waren zu den ynnern
kūmen. vñd verhieffen yn das leben. vñ
gnad. wa sy ynen getrauten. vñd sich er-
gebē. Aber die puben. von den oben ge-
sagt ist. hielten sie mit gewalt. das sy nit
daruon mochten. Vñnd wer begryffen

ward das er fliehe wolte zu den romern.
 Setzten sy grospen an. Ein cleier arck/
 won was ein sach eins schweren bittren
 todes. Man sucht auch die warheyt mit
 durch zeichen vñ redlich bewertung. sind
 durch grosse marter. Wer gelt hett. den
 zig mā der verretterey. vñ zoh in hin zum
 tod. Wer arm was. vñ het mit dem
 er sein lebē erlösen möcht. der must ster
 ben. Also was weder arms noch reichs
 sicher. Der hunger vñ die auffrur ward
 vñ tag grösser. vñ das toben vñ wütē
 grausammer. Mā fand kein Korn od ge
 trayd. Nyemant getorst öffentlich prot
 essen. Wurd mā es ynnen. dz mā yndert
 zeessen het. so zoch man zehand für das
 haus. vñ stürmet es. Mā erwürgt den
 hausherrē. dz er es verborgē het. Fand
 mā den nichts. so martert mā die in dem
 haus. als die. dy es verborgē hettē. Vil
 wünschten den tod. das sy also vñ dem
 hunger oder vñ der marter erlöset wür
 den. Vber dz warē die wütrich so grym
 mig. vñ vndarmhertzig. das sy die. dy es
 begerten. mit tötten wolten. Wan sy mis
 gūnnētē inen die guttate des todes. auf
 das. dz sy der yemerlichē pein des grym
 migen hungers mit entgiengen. dz sy yetz
 mit erbermlycher megerin aufgeleret.
 die glied vñ inwēdig verzeret vñ gefres
 sen. das fleisch bis an das gebayn verza
 delte hett. Sie zohen ir kranken leichnam
 als die halb totte. die kaum etemē moch
 tē. auff d erden vñ. Vñnd wa sy ettwas
 fandē. das vñ kraut. dorphen. od plettern
 oder der gliche empfielē. ob es auch sch
 welck was. noch leckētē sy es mit schwa
 chem leyb auff der erden ligend. Wer
 reich was. der het alles sein gut vñ ein
 metzlein waitz gegeben. Man sah nye
 mant kauffen noch verkauffen. denn dz

selb büffet man vber alles vnrecht. Es
 ward kein tisch bereit. kei stul od sessel.
 kein liecht. Hett yemāt ichts vñ getrayd.
 der asse das heimlich vñ verborgē vn
 gebachē. Hört er sich etwas regē so ver
 barg er es bald. dz er vñ nyemāt begrif
 fen. beranbt. verratten oder getöt würd
 Alle einheit. da yemāt allein was. die wñ
 argkwenig. vñ verdacht. Alle gemein wñ
 vol zencks. vol streyts. vol mords. Der
 hunger schloß auch alle liebe. alle begird
 alle erbermd. alle zucht vñ alle schā auß
 Wan die scham was den hūgerygē sch
 edlich an dem leben. der mā verbarg dy
 speys vor der frauen. die frau vor dem
 mā. die eltern vor den kindern. pe eins
 vor dem andern. Vñ was ymāt also mit
 dz er den andern mittayle wolte. so zucht
 man es im mit gewalt auß der hand. das
 er nichts behielt. Es was ein ellende zer
 berliche speys. ein yemerlichs essen. dy
 kind zuchtē es den eltern. die eltern den
 kindern. vñ zohen es ein ander auß dem
 rachen. Ettlich frassen. dz die andern vn
 gedewet vñ außgeworffen hettē. Es wñ
 auch mit ein grauē dz man verlegen ale
 vñ vnschmeckig schwelckend od stinck
 end vñ vnstetig ding ab. So was es mit
 ein schand. das eins dem andern den let
 sten muntfol od tropfen des lebens vor
 dem mund abprach. Vñ wie vnseelig dise
 gestalt des essens was. noch was sy mit
 on forcht. dz mā sy mit spūretē od ergrif
 fe. Darin sperret man die türe der heu
 ser zu. das nyemant kōme. dz fremd speis
 süchte zeessen von andern mündern. der
 nach hūntyscher weyse anderer vnder
 ung mit d zungē leckete. Aber dz mocht
 nit vngelüffet beleybenn. das man die
 heuser also versperzt. dann wa mā das
 sah. da verdacht mā die. dy in dem haus
 Cc

Von den fruchten

waren. Daz sy die speyse verbergē wolten. So sprangen die auffrührigē zu. vñ stürmetē daz beschlossē hauf od kamer. od was sy versperet fandē. vñ legte den leute new vñd vntreglich pen an. Das sie. sy auch an der scham peinigeten. Daz sy des schmerzē deſter mer empfunde. Vil vntter ynen. wenn sy die mörder sahen. emprecken. zuckten die speyse die sy für sich bereit heten. Das sy doch noch einmal vor irem tod assen oder iren künsttigen tod rächen. vñ die speyse den Buben nit zuteil od zu lieb wurd. Dann die lotter namen die letzten speyse den arbeitſeligen hungerstoten leute in den letzten nöten on ir eigen nott. wann die verfluchten vnſeligen teufliſchen mörder hungeret nichts. Dann sy hete den purgern. Das. Das sy mit irer sauren arbeit vñ sorgen gewunne oder erspart heten. genumen. vñ frassen vñ geudetē von d fremdem gut. also das die. dy das gut gewinnen heten. mußte mangeln vñ hungers. ya todes not leidend. vñ die püßnen. Die ryffian. die rauber steckten vol vñd gündten doch den. der das gut was. mit Das sy ein müdvoll auch in den letzten nöten darvon prechte. sunder sy peynigete sy auff das gewlichst vñ schentlichst. vñ die brauchung des iren. allein auf lauterem mutwillen. on all ir eigenn nott durfft. was ettwā ein muter der. der yamier irs schreyende Kindes in den letzten nöten zu hertzen gieng. vñd wolt ym etwas safftes von der speis mit irem eygenen mund eingeben. so muß sy als bald das milt werck büßen. Dann so man sy ergrieff in solliche werck. so durchstach mā sy mit dem kind. als es also. an dem mütterlichen halß oder an d brust hieng. Auch etlich die lieber tod den lebendig

were gewesen. giengē für die stat. ob sy ettwā kreutter od wurtzeln fundē. Daz sy die aufrauffte. oder die rinde von den baumē schelete. ob sy etwā feuchtigkeit oder grüns darin fundē möchte. Welche von den römern getott wurde. wenn sy sie ergriffen. oder ob sy den römern entrinnen. so fielen sie vntter der pforten ernyder. als die. dy vor hunger so kraftlos waren. Das sy nit essen mochten. Komen sie dem wider in die stat. so komen dy mörder vber sy vñd zuckte in vnbarinhertziglichen auf der schos. oder vñ dem busen mit gewalt daz. daruñ sy yr lebē gewagtheten. Also zuckten oft den vnſelige ir mitburger das. Daz ynen die feind gelasſen hetten. Dannoch half es sy nichts. Das sy also einander die ellendenn speis zuckten. dan ynen geschwalen die beich von ynnen. oder der grym des gederms kam sy an. oder der durchpuch krenckt vñd warf sy ernyder. Das ynen wirf beschah. nach dem vnſeligen essen. den inē vor wz gewesen. Darnach merte sy den schelmen mit dem. Daz sy die belg d grünen edechſen vñd anderlay ſchlangenn kochten. Auch wa sy todte pferd fandē. da zoh einer hin d ander her. vñ zangte vñ stritte daruñ. als die wütende wolff Des iammers ist souil der vñ dem hunger allein beschribē wirt. Daz mir daruor graute. solte ich daz alles hie meldē. Darumb laß ich es yetz hie fallen. vñ geschweyge hie d andern vbel. die vber die maß groß gewesen sind. vñ setz daz hie zu einē endtliche beschluß. Daz sich die iude in sollichen vnaussprecheliche vbeln. die wol ein ebenbild d hellische penē gewesen sind. nit erkennt noch gedemütiget. sind dan noch vermessen vñ vberhebt haben. Des halbē sy billich vñ den heyden verſpott

des leidens cristi

sind worden. Als oben gemeldet ist.

Wie sich aber die heyde vñ zuuor an die rōmer irer grossen macht vñ irs gewaltcs oberhubē. daz müge wir auß der antwort des keyfers Titi mercken. die er den fürstē d̄ auffrūrigen mit namē iohā n̄ vñ Symon vñ iren gesellen gab. da sy begertē d̄z er hieß aufhöre zeshyessen vñ zewerffen. vñ stille zehaltē. biß er sy erhörte. Da hieß er stille haltē vñ sprach. Ir schallhafftige aller menschē. dise zeit ist vil zespāt zu der barmhertzigkeit. So yetz nichts d̄z behalten m̄ig werden d̄ belibē ist. Mā hat eūch gnade erbotten. vñ yr habt es verachtet. vñ ir hielt es für ein verzweyflūg. das ist. das ir maintet wir getrautē eūch nit anzegereynnē oder züberwindē. Darum̄ so enputtē wir eūch gnad vñ sicherheit. vñ nit darūm̄. d̄z wir eūch zu gnadē nemē wolte. Aber mir was d̄z laid. d̄z ewere schōne gebew. die keyn schuld daran hetten. vñ ewer bōßheit willen. solten zerstört werde. d̄z erbarmet mich. das. daz arm gemein volk solt getöt werde. Ich wollt schonen. ir liesset es nit beschēhen. Ich schlug die sturm̄ auf. ir oberfieleť vnns. Ich entbot frid. yr woltet in nit auffnemē. Ich redt eūch oft zu. dick bespracht ich eūch. ich schem mich sein nit zesagen Ich hab eūch mit bittē. stöltzer vñ mutwilliger gemacht. Was nun. Mainet ir das eūch die rōmischen heerspit̄z wichē. vñ daz ir mit eūrer menige woltet vñ künē od̄ vbergeē d̄z heer. d̄z alle land vberwunden hat. des tayl allein eūch gestritten hat. wān ewer land möcht es nit gantz erlitten haben. so vordert es auch die nott nit. Wān wir habē grösser sorg d̄z gantz ertrich zebeschirmē. den wider ymat zestreittē. Wir habē nichts news

zefuchen. Vns ist nichts fremds. d̄s den daz gantz ertrich besessen ist. Dise ewer mōrderey habē wir lāg gleich als ei narben an dem leybe mit gedult vbersehen. vñ sind zum letzten bewegt wordē. dy selben hin zenemen. daz ewr ungehorsame den glantz des rōmischen keyserthumes nit vertunkelte. Ir habē der rōmischen kraft nit mit streitten. sunder mit ewer m̄ sterben entpfundē. Dān wir habē eūere heer nit in dem veld. sind hind̄ den mairē gesehen. da eūch ewer starcke beschl̄essung nichts zu beschirmūge eūrs heyles geholffenn hat. Dann welche mair möcht den vorsteē. den auch d̄z hoh meer nit vorsteet. od̄ welche stat möcht so wol mit mairē befestiget sein. Das sy vō vnsern vmblegern nit bestritten vñ gerōnnen möchte werde. So die rōmische waffen auch brittanier land durchdrungen haben. d̄z mit der mairē des wūtenden elements vmbgebe ist. Eūch hab d̄z wasser des roten meers C als die iūdischen mārlein ynnhaltē d̄ yngestalt einer mairē C da ir dardurch gegangen seyet vñ gebe C die rōmische stercke hat die mairē des hohen meers durchprochē. Ich vergünne eūch ewer gutate nichts. d̄z meer hab eūch gesehen. vñ geflohen auß das. d̄z ir dem feind. vō dem ir beschloßsen waerē. entpfliēhen möchtet. wann yr mochtend den feynd nit durchprechenn noch gedulden. Vns wer die flucht des meeres schedlich gewesen. wer es geflohe. Wir habē voran einen streit mit den stūten gefürt. vorhin haben wir d̄z wutend meer vberwunden. ee wir zu den feinden kamen. Britania hat vns zu herren aufgenūmen. als die. dy yetzo dem meer angesigt hettē. In d̄z sy gehofnet habē. d̄z habē wir vns vntterwoffen. das d̄z

Cc ij

Von den fruchten

meer diete zu der größe vnser sigspils. Aber ir vberhübt euch villeicht d krafft des leibs. Seyt ir icht stercker. Denn die teutsche. dy mit den hohen maure d albē umbzeunt sind. noch dat sy die römisch stercke i dienst gepracht. Wir römer sind auch vber die wolckē gestigen. vñ habē die völker. die auf den wolken gestigen sind vberwunden. Wir habē einen weg durch den luft. yedermā aufgethā. Wir entgünē euch des meers wege nit. Also verr dz vnser weg der anfiger sey gewesen. ewer wege d flüßēdē. Darum d römisch stercke sind die perg mider gessen. die bäch versigen. sy haben verlore den lauf. den i die natur gegeben het. vñ habē in dahin gewēdt. Sa die vberwind hin gewelt habē. Ewer iordan sey C als ir sprechet C hind sich gewendt. vñ in seinen vrsprung wider gelauffen. dz er euch einē weg berayte. die römisch unckfraw cloelia hat desselbē nit bedō: ft. die dy band zerrissen hat. vñ ist dē feind enttrunnē. vñ vber dz fließend wasser vntter die römischen heer geloffen. Wir verwunden vns auch nit vast ser ewer brüst. vñ den die hebreyschen kinder enttrunnē sollen sein. als ir grof gesang daruō singet. Vnser mutus hat sein hand in dz prinnend feur gestossen. vñ nit darauß gezogen. bis er als ein vberwind des feurs ein wundwerck seinen feindē seiner stercke ein iaget. die gleich als der flammē nit gefüllet od empfundē hett. Darum begerten die veind zum lestē des frids. die des sigs gewislich gehofnet hetten. Oder haben euch dy hymlichen futer vñ die speis der reggen wider die römischen macht erhebt. Aber es wer zymlich gewesen. daz ir bedacht hetet daz dz drittail des ertrichs affrica. dz die werlt neret. der römischē

macht vntterworffen ist. Dasselb land. dz alle mensche neret. dienet vns. In vnserm gewalt steet der hunger aller werlt. vñ die narüg aller lebendige. dz dy natur allen mensche in gemei gegeben hat. dz hat die römisch macht ir aygen recht gemacht. Sie hat den hamibal wider geschlagen. vñ in das ellend getribē. den d vmbtrais der erde nit begriffe. Affrica was seinen burgern zu enng. Hispanier lann d bedacht. nit weyt genug seyn ze wonenn. Franckenreich was ym C als er durch zohe C zu schmal. vnser welch land bedacht ym seiner freuntshaft vñ gesellschaft vnwirdig sei. Ir rümet euch C dz sey also C dz euch die plitzen gedö: cke. vñ verfochten. vñ die hymlichen gewalt für euch gestritten haben. Wir habē den hamibal. d dē plitzē gegleicht ist gewesen vberwunden. vñ dē gleich als ob er tonnerte vñ hagelte. dise werlt mit seinem vngewitter gequetst ward. Also wurden vnser maure durch. od vñ seine waffen gepochet. dānoch was es nit not. dz vnser feind. als ewer assirier schlaffend getört wurde. sund mer streittend. Dann man sucht den sig nit in dem schlaf. sund in dem streit. Wann die kraft ist nit vast herlich. die von gnad des glückes kñpt. Vnser feid sind nit durch die röte der wasser gen dem schein der auffgeenden sunnē betrogē worde. dz sy vñ d gestalt willen des plutes wenerē. dz wir erschlagen weren. vñ also vnrettlich yn vnser hend kōmen. sund wissend vñ streittend oder zum streit berait haben sy die feld der lender mit irē körpern bedeckt vñ mit yrem aygnen platt gefült. Was stercke het euch i solche stoltzheit erhebt. Sacht ir nit. dz die vns dienerē die vber euch herscherē vñ euch gebottē. Egipte

land. Daz euch pflege zepemigē. gibt ons
ierlichen zins. vñ berait ons weg biß gen
india zeziehen. auß dem frays des ertes
richs. vñ ein anders ertrich zefuchen. vñ
die heymlichen ynsel des meers. vñ die
allerferristen der summen. vñ des hohen
meers. vñ einwoner einer andern werlt
vnserm keyserthumb zu zefügenn. Was
sol ich sagenn von Anthyochs reich. der
euch schwer pen angelegt. vñ eurn got
tes dienste hyngelaget hat. den wir euch
widerumb gegeben habenn. Dann wir
maynen es sey herlicher das mā den kō
nigen gepietete. vñ vber sy hersche. denn
das mā ynen das reich neme. Hat nit an
thyochia. das der thron oder stul eferer
herren ist. sein herren verworffenn. vñ
vns zu herrē crwelet. Ir selbs. habt ynit
zu vns ein zusucht gehabt. das yr d sel
ben herzschaft enpflihen möchtet. Ha
ben wir nit euch auffgenūmen. vñ wyß
sy beschirmet. Wir haben euch gegündet
vñ behalten ewr recht. das ir nach ew
ern gesetzen leben möchtet. Wir haben
euch gewalt geben eurn gotzdienst ze
halten. Wir begern nit euer heiligkeit ze
wissen. sunder wir haben die geeret. Pō
peyus hat ewern tempel gewinnenn. Er
hat yn aber nit zerprochem. Er hat die
stat bekūmert. Er hat sy aber behaltē. er
hat alle zverd vñ gaben gantz gelassen
Ober dise dig alle. habt ir vñdäckbern
gemaint. vns widerstand zethun. Vñnd
habt vns dise widergeltung gegebē. Daz
ir zum dritten mal abgefallē vñ wider
spenstig seyt worde. Es sey d nero zeuer
achten gewesen. aber die rōmisch krafte
ward an im allein nit ersigt. Er het den
vespasianū zu einem ritter. der yetz fräck
enreich zu frid geprach het. der so starck
in streitten was. Daz Nero durch in vber

wand. vñ durch in zeförchten was. Als
so getreu was er seinem herren dem key
ser. das er allein das nit suchet. das er al
lei verdienet. allein begeret er nit. des er
allein für all and wirdig was. Aber Ce
sius het euch belaidiget. Da söltet ir eū
er clag fürgepracht. vñ nit waffen be
rayt haben. Als nun mein vater vespasi
anus gesant was. da er euch vnvorsehen
vnberait vñ gehling möcht vberfallen
haben. da ist er das galileysch land vmb
gezogen. vñ hat weit von euch gepiet.
das ir die stoltzheit hyngleget. vñ gnad
begetet. Er hat sein macht erzaygt. Vñ
da er euch beschlossen hielt. do zoh er in
egypten land. das er euch fristung vñd
stat vñ zeit gebe euch eyns bessern zebe
raten. Aber vnser abwesen hat euch stōß
tzer vñ muttwolliger gemacht. Wan yr
habt gemaint. wir seyen mit andern sach
en bekūmert gewesen. Aber wir sind nym
mer also bekūmert. das wir dem frays
des ertrichs abwesend seyen. Dan auch
abwesend sind wir gegenwertig. Vñnd
wenn wir in ferren landen seyen. so steen
wir neher bey. Dan wie die sel in dem lei
be alle seiner glider mit yrer kraft leben
dig macht. also ist die rōmisch fürsichtig
keit beywesend allen diten yres keyser
thumbs. vñ regiert den gantzen rōm
schen vmbkreys als gegenwertig. Wan
hat die göttlich fürsichtigkeit allen mē
schlichen gemüthen krafft gegeben zere
gieren den leib. wie vil mer hat sy als ein
leblich substanz zu auffethaltig vñ besch
irmung d rōmischen krafte verlißē. durch
die gleich ein ayniger leib die gētze vn
sers keyserthubs geselet od i dem wese
auffenthaltē wirt. Das sey vñ d red
des keyfers Titi gemeldet. welches rede
ich darumb hye gemeldet hab auff bayd
Ce iij

Von den fruchten

82. als was er von der iuden rümen ge-
 halten. vnd von der römer macht gegew-
 det hab. Vnd so sy bayd die iuden vnd
 die römer vber die maß hohfertig synd
 gewesen. so hat sy cristus. den sy verach-
 tet. vnd gegen dem sy sich also sere auff-
 erhebt haben. das sy nit wolten leyden.
 Das man sein zu guttem gedechte. oder
 sein namen nennte. bayd also gedemüti-
 get das sy baid. daz. von dem sy also ge-
 deten. verloren haben. die iuden iren tem-
 pel. ir stat. ir land. iren gotzdiens. vnd al-
 le ir herrlichkeit. vnd hat sy lassen vmb-
 kummen. verderbt. zerstört. gefangē. zer-
 trent. verkaufft. vnd getödt werden. von
 den. die sy für yn erwelet hettem. da sy
 sprachē wir haben keinen kōnig. den den
 keyser. Darumb musten sy des keyfers ge-
 walt vnd seiner herrschaft empfinden.
 Item nit allein hetten sy den keyser für
 cristum zu einem herren erwelet. sunder
 sy erweleten auch den namhaftigē mör-
 der Barraban. für cristum. zum lebē. dz
 weyt erger vnd dem allermiltisten herrē
 aller herren schmechlicher ist gewesen.
 Denn das erst. Denn wolten sy yn ye nit
 zu einem herren gehabt haben. sy möch-
 ten yn doch des lebens das sy doch all-
 von yn hettē. gegünnet haben. Aber dar-
 umb. dz sy den nemer für den geber des
 lebens erwelet hetten. so musten sy so bö-
 se greulich vnd grymige mörder vnd wü-
 trich zu peinigern habē. daz ich nit main-
 dz böser grymmiger vñ vnbarmbertzi-
 ger böshait in der werlt ye gewesen sey-
 en. Vnd es hat mercklich sach warumb
 man dz selb glauben sölle auch auß der
 geschriff. Des gleichen hat christus
 die römer auch gedemütiget. wan er hat
 sy seinem glanbē vnterworfen. vñ ynen
 yren grossen gewalte. des sy sich so grös-

lich vberhüben. genumen. Vnd das chri-
 stus sein macht bewise. so hat er yn die
 römer nit wölle vnterwerffen. erst nach
 dem als sy die grosse macht verlorē het-
 ten. sund die weyl sy noch so mechtig wa-
 re. dz man da bey sein macht brüfte. Dar-
 nach hat er sy lassenn gedemütiget wer-
 dē durch das. das sy nit lang hernach in
 dem gewalt haben abgenumen. das ynē
 also die materi der hohfart vnttetzogen
 würde. Der frager. Es ist mir nit
 lüstlich zgedēcken. daz dz rōmisch reich
 also abgenumē hat. nach dem als es den
 glaubenn an sich genummen hat. Mich
 gedēchte das es hüpscher wer gewesen.
 Das das rōmisch keyserthum mechtiger
 wer wordē. nach der annemung des glaw-
 ben. denn schwacher. das die vnwilligē
 römer nit vrsach hetten gehabt zu mür-
 meln wider den glawben. als sy denn ge-
 than haben. nach dem als sant Augusti-
 meldt in den büchern vō der stat gottes.
 die er auch darumb gemacht hat. das er
 den selben mürmlern antwortete. die da
 clagten das Rom darumb von den bar-
 barenn den gottlenden gewinnen wer
 wordē. das die römer die menge d gōtt.
 den sy pflagen zcopfern. vnd yren dienst
 gelassen vnd vbergeben. vnd den glaw-
 ben christi an sich genummen hetten.

Der antworter. Vber dz mürmeln
 der vnglawbigen heyden wil ich hie nit
 antworten. dan der heylig grof lerer sāt
 Augustin in den genantē büchern von d
 stat gottes. vnd sein iunger Orosius in
 dem buch das mā nennt Ormestam mü-
 di. habenn vbrigs gnug darüber geant-
 wort. Aber das du sprichst. es gedēcht
 dich hüpscher sein. das dz keyserthum
 mer mechtiger denn schwacher wer wor-
 den. nach dem als es den glawbē an sich

genommen hat. Darüber antwort ich vnd
sprich. Das es mir auch schön leuchtet.
wan ym also were. Wan ich wolt ye den
gröste gewalt der cristenheyt bas gūn-
nen. Denn den heyde. Als ich des gleich
en gern sehe. Das wir allweg frid vnd al-
weg gnug hetten. allweg sicher möchten
sein. allweg frölich on sorg der teyrung.
on forcht der pestilentz. vnd der feynd.
O Das wer ein schöns lebē. ein stills ge-
woigs wesen. Das wer ein freuntlichs
lieplichs ding. wenn es nur got dem her-
ren auch also wol gefiel. vnd daz cristus
der herre ein senfts sichers wunsams le-
ben erwelet het. vnd wolt vns vmb ei-
sölichs das ewig selig leben geben. so wer
es ye nach vnserm synn ein feins ding.
Aber so sant Pauls vnd Barnabas er-
ten. das man durch vil trübsal mus eyn-
geen in das reich der hymel. vnd cristus
hat die cristenheit gestiftet. dz sy in dē
reich der hymel ewiglich en regierē sol.
zu dem man durch trübsal kumen mus.
so gehört der cristenheit mer zu. dz sy vn-
terworffen sey vnd gedemütiget werde
yn diser zeit. nach dem ebbild cristi. den
das sy hersche vnd in gewalt erhebt sey.

Der frager. Nach der weyße so
sölten die christen yederman vntterworf-
fen sein. vnd den heyden allen vntter
den füßen ligen. Warumb sind sy dann
also mechtig. das sy noch vil lender vnd
gantze königreich haben. vnd vermüge
alle heyden mit. also vil. das sie die gantz
en christenheit vntter sich pringenn.

Der antworter. Wie wol wir (als
sant Ambrosius vber sant lucas ewäge-
lio spricht) mit leichtlich den sin gottes
oder sein rat mügen erfaren. doch so vns
gott der herre etwas yn der geschriffte

fürhellst. so scheint es ye das gott d her-
wölle. das wir seiner werck vnd vntailē.
seiner wunder vnd gerechtigkeit. seiner
weishait vnd anderer vollkommenheyt
sollen warnemenn. Das wir dar durch yn
grössere kuntschafft seiner allerheylig-
stenn vnd höchsten gottheit kumen. die
wir nit. denn in yren wercken hie schaw-
en mügen. Darumb so gott der herre so
vil vō den reichen dyser werlt. allermait
den vieren. fürnemen königreichen. vnd
yn sunder dem römischen in den prophe-
ten. vnd vorauf durch daniel gemeldt.
fürgehalten. vntter gleichnussen yn ge-
sichten erzaigt. vnd geoffenbart hat. so
hat er vns anlaitung darüber vnd dar-
von zegedencken gegeben. Darumb wo
got der herre etwas tut besund in gro-
sen dingen. die ein gantze gemayn aller-
mait der gantzen cristenheit antreffen.
zympt es vns. Das wir darynne die weis-
heit. gerechtigkeit. güttheit. vnd ander
vollkommenheit der allerhöhesten gott-
heit suchen. vnd ynen nach spüren. Vnd
ist kein grösser Argument bey vns. war-
umb ein ding beschehen solt. denn dz es
beschehen ist. Auff solliche mainung
sprich ich. Es solt die christenheit nit all-
weg gewalt vber die gantzen werlt ha-
ben. so soll sy mit allwegen vntterworf-
fen sein. Die sache warumb sy nit allwe-
gen herschenn soll. hast du gehört. Hör
nun eyn wenig warumb sy nit gantz vnt-
tergedrückt sol sein. Du hast yetz gehört
das wir yn den dingenn. die yn der zeyt
beschehen sölenn. geen yn die schaw-
ung der göttliche vollkommennheyt.
Wer nun die christenheyt allweg vnt-
tergedrückt. vnd verschmecht worden.
als sy zum ersten vil iar gewesen ist. von

Von den fruchten

Den zeitten neronis bis zu den zeiten dy
ocleciani vñ maximiani. Wa erschein dan
die macht cristi. Schin es nit vor den vn
glaubigen. Das chrlus seine glaubigen
nit möchte erhebe. od sy auch beschütze.
Wa schin auch sein barmhertzigkeit ge
gen seiner armen cristeheit. die er alweg
tief vntter den füßenn irer feind in das
kot getrette werde. Wie vil tausent wur
den gehindert zum glauben zekumen. vñ
forcht wege sölicher gefectnus. vñ vnt
tertrückung. als es den vor zeyt i den zey
te d durchrechtung beschehe ist. vil tausend
sind hinder sich gezogen. das sy nit cristen
wurde. die yetz criste waren. die sind ab
trünig wurde. Wie glaubte die vnglau
bigen. das cristus den seinen möchte das
reich der hymel geben. so sy nye gesehen
hätten. dz sy das zeitlich reich der erden
gehabt hätten. Wa schin die gerechtigt
keit cristi. vñ d die hohfertige als war
lich die römer wider cristu warē. d gede
mütiget wurde. were sy nit cristo vntter
worffen worden. Wa schin die warheit
der wort cristi. die er gesprochen het. ein
yeglicher der sich erhöht. wirt gedemüti
get. vñ der sich demütiget. wirt erhöht.
were die römer nit gedemütiget noch dy
criste erhöht wurde. Vmb sölicher vñ
vil ander sachen willen. woz es billich. dz
die cristeheit. die bey zweihundert iare vñ
lenger vñ den haiden gedrückt. gepeiny
get. durchrechtet. vñ auf dz letst veruolgt
woz worden. auch ein weil erhöht würd.
dz die gutte nit verzweifelte. vñ die bö
sen auch yn sich selbs geschlage wurde.
vñ erkent en. dz es nit auß on macht cri
sti köme. Das die criste so lang durchrech
tet würden. Darum wen wir die zeit der
durchachtung vñ der erhöhung gegen
einander rechne. so ist schier eine als lag.

als die ander. Dan vñ d zeyt des grosse
kaysers Constantini. bis zu der zeit des
kaysers heraclij. vnter dem die sect des
verfluchten machmets aufgestande ist.
sind. ongenuerde bey dreyhundert iaren
verlossen. in den. die cristenlichen kaiser
in grosser macht gewesen seyen. wie wol
sy ein teil vñ den ketzern in irzal verfür
wurden. so waren sy doch criste. Vil wa
ren gar gutt andechtig rechtglaubig kays
ser. als Iouinianus. valerianus. The
odosius. archadius. Honorius. aber The
odosius. Marcianus. Justinus. Justini
anus. der die kaiserliche recht geordnet
hatt. Tiberius der zumal ein andechti
ger kaiser gewesen ist. Mauricius der
ein weyl wider den heiligen pabst Gre
gorium gewesen ist. Aber er ist gebüßet
vñ mit allem seinem geschlecht behal
ten worden. Das ste nun alles on seine
ort. Das wir auff vnser materien belep
ben. Die cristenheit ist bey dritthalbhū
dert iar in grosser demütigung vñ wi
derwertigkeit. vñ auch bey souil iaren.
vñ mer in grosser macht gewesen. Aber
nit in so grosser. als die römer vor warē.
noch in sölicher stille. Dann es gehört yr
nit zu. das sy vnangefochten bleyb in di
ser zeit. so ir d ewig frid. die ewig ru. die
ewig freud vñ seligkeit. berait ist i iener
werlt. Darumb ob dy vnglaubigen zu
vñbung der gutten etwas vortails habē
auff diser erden. das sol nyemant verwi
dern. so sy nichts. denn ewigen iamer vñ
schmerzen sollen haben in yener werlt.
Vñ so cristus d herre sei macht bewise
hat. vñ auch sein gerechtigkeit vñ barm
hertzigkeit i de dz er die hohfertige iude
vñ haidē gedemütiget. vñ die gedemüti
geten cristen erhöht hat. baid ober hay
den vñ ober inden. ob er darnach den

gewalt der römer. die so lanig wider in
gethan gestritten vnd sein cristenheyt
durchrecht vñ durch die gantzen werlt
vñ sy geweltig warē vñ veruolgt haben.
hat lassen syncken vñ fallē. des soll sich
nyemāt verwündern. wan es ist billich ge
wesen. dz die hohfart gedemütiget. der
muttwill gestrafft. die sünd gebüßet. vñ
der irtumb gebessert wird. Es was bil
lich. dz sy lezten erkennē. dz cristus got
vñ allmechtig wer. vñ sy mensche. der ge
walt nit wer gestandē i irem gewalt od
auch yrer götter. als sy den felschlich ge
maint hettē. sünd in d hand des. den sy
so lang. nit allein verachtet. sunder auch
auf grossen haß vnmeschlich durchrech
tet. daruñ sy sich warlich des gewalts d
allein vñ im ist. vnwidig gemacht hettē

Der frager. Wer das vor hin be
schehe. ee sy cristē wurde. dz sy in d zeit
pres vnglaubēs gebüßet weren wordē.

Derantworter. Die büß die da be
schicht vñ dem mensche. die weyl er noch
in den sündē ligt. vñ der willē er büßen
sollt got dem herrē zu gnadē nit ange
nē. noch dem mensche verdienstlich. sun
der weñ er die sünd gelassē hat. nach dē
als wir in vil capiteln habē in den geist
lichē rechtē. Daruñ soltē die römer vor
hin zu der warheit vñ gerechtigkeit des
cristē glaubēs bekert. vñ darnach für dy
vergägnen sünd büßen od gebüßet wer
dē. Ober dz alles wa erschin die macht
christi. wenn er erst die römer im vntter
worffen. vñ sy gedemütiger het. so sy an
dz gedemütiget vñ machtlos werē wor
dē. Daruñ beschē alle ding nach schō
ner ordnūg. als ferz sy als vñ got gesch
ickt. Betracht werde. Der frager. Ich
muß schweyge. du begegnest mir doch
vñ vñ vñ. wo ich hin auß will. Der

antworter. So nun aber cristus der
herr sein macht vñ sein gerechtigkeit be
weisen hat. in der demütigūg der hayden
vñ d iuden. wan er hat die iuden den rō
mern vntterworffen. welche iuden dan
noch in d selbe zeit irer vntterwerffung.
vil vñ bels wider die cristē gestift. vñ vil
durchrechtūg aufgetriben habē. als wir
vil dauō findē in den geschichtē d zwelf
pottē. wie wol dz selb vor d grossen ver
derbūg vñ zerstrewūg d iudē beschehen
ist. so waren sy doch vntter dem gewalt
d rōmer. Auch nach d genanten grossen
zerstrewūg d iudē. habē sy vil boßheit in
vil landē gestift wñ die cristē. als wir in
den legendē etlicher heilige findē. So
nun cristus die iuden den rōmern. vñ die
rōmer seinem glaubē vntterworffē hat.
dem sich die plündē verstopftē hohferti
gen iudē bis an den heütige tag nit ha
bē wollen vntterwerffen. so hat es vnser
herre so schön geordnet. dz die cristheit
die macht nit gätz verloren vñ auch nit
gätz behalten hat. Vñ gätz verlorē. dz
sy sich in dem glaubē aufenthalte vñ wi
der die vnglaubigen beschütze. vñ auch
nit gewalt beschirmen mūg. vñ also vil
menschen selig mūgē werde. Vñ gantz
behalte. dz sy in d demütigkeit vñ forcht
steē. dz sy vsach d vñ vñ d tugēt hab.
als die dy yr selbs nit gemeltig ist. sünd
ir glückseligkeit vñ sicherheyt steet i der
hand gottes. den sy zeförchten. anzerūf
fen. vñ hilf vñ beyständ vñ beschützung
vñ auffenthaltung zebittē hat. Also ist
offt die cristenheit gezwungē wordē. vñ
wirt getrungen sich vor gott dem herren
zedemütigen vñ yn an zerūffen vñ d
forcht willen der macht vñ d menge der
haidenn. das sunst nit beschehen wer
noch bescheh. so sy nymanndt förchtet.

Von den fruchten

Desselben gleichen weñ gott d̄ herr der
 cristenheit bey steet vñ verleihet ir anzei-
 gen den vnglaubigē. so hat sy grof sach-
 got dem herrē zedäcken. vñ in ime als irē
 beschirmern zehoffen. Wirt sy den ange-
 fochten vō den vnglaubigē. so hat sy vñ
 sach zestreittē. od̄ darzu zehelffen vñ ze-
 gebē. vñ also gnad vñ aplas zeuerdienē.
 D̄z alles ir zu nutz vñ zu fürderung d̄ tu-
 gent zu der ewigē seligkeit dient. Das
 dich d̄z auch nit bekūmere. Das rom den
 zeitlichē gewalt verlore hat. so merck da
 bey. d̄z sy gott der herre. vber das. d̄z er
 den glaubigē rōmern als ādern d̄z ewig
 reich gubt. so hat er der rōmischenn statt
 auch in diser zeit für d̄z irdisch reich d̄z
 himlisch. vñ für den zeitlichē cūßern ge-
 walt. den geistlichen ynnern gewalt. der
 die conscientz antrifft. vñ vns vor gott
 bindt. gegebē. Vñ dānoch zu dem selbē
 geistlichen gewalt ist d̄ stat zu rom grof-
 ser gewalt des päbstlichē stuls halbē be-
 lyben in werlichē sachē. vñ rehts hal-
 bē. in allen dingen. Vñ d̄z ist weit grōf-
 ser. den der tyrannisch gewalt. den mā in
 zeitlichē dingē hat. Vñ d̄ obertreffug
 sollichs geistlichē gewalts vñ würdig-
 keit. spricht d̄ heylig pabst leo i d̄ predig
 von dem fest. sant peters vñ sant pauls.
 D̄s sind. O rom dem heilige vāter vñ
 ware hirtē. die dich cauff das d̄z du in
 die himlischē reich eingestochte oder ge-
 beltzet würdest. Vil bas vñ selyglicher
 gestiftet habē. den die. durch der fleys.
 die ersten gründe deiner mauren gelegt
 sind wordē. vō den der. d̄ dir den namen
 gegebē hat. der hat dich mit dem mord
 seins bruders besleckt. D̄se sind die dy
 dich in dise glori od̄ ere erhöht habē. d̄z
 du bist ein heiligs geschlecht. ein außers
 weltis volk. ein priesterliche vñ künigliche

statt. vñ durch den heilige stul sant pe-
 ters. d̄z haubt des gantzē ertrichs wor-
 denn. vil weyter fürwyhest du durch den
 göttlichen gottes dienst. den du vor ter-
 rest nach irdischer herrschaft. Dāñ wie
 wol du durch vil sig gemeret vñ erhöht.
 d̄z recht deines keyserthūbes. auff dem
 meer vñ auf dē ertrich ausgestreckt hast.
 so ist es doch mynd d̄z dir die arbeit der
 streit vnttertenig gemacht. den d̄z dir d̄
 cristlich frid vntterworffen hat. d̄z sey
 vō den wortē sant leons gesetzt. Auf dē
 du clerlich hast. d̄z rom yetzo in einer hō-
 harn weis herschet. dann vor. Also ist es
 durch dē glaube cristi hōher wordē. den
 es vor wz. Aber so es also erhöht ist vñ
 sant peters stul willē. wie hoh vñ würdig
 ist den sant peters stul. Sihst du wie sant
 peters stul. der auch ein iud gewesen ist.
 aber darū d̄z er vor andern andechtig
 vñ inbrünstig in dem glaube vñ der lie-
 be cristi ist gewesen. So ist im in sunder-
 heit die stat vntterworffen. der die gätz
 werlt vntterworffen was. Herwiderumb
 sind die iuden. die sich christo mit vntter-
 werffē wolltē. vntterworffen wordē. den
 die vor zeytē. da die rōmer an dem mech-
 tigistē warē. aller werlt mustē vntterwor-
 fen sein. d̄z ist den dienern cristi als ferr
 oben gemeldt ist. Nun zebeschließ
 sen disen articel auf dem ich so lang be-
 standen bin. ist zemerckē. d̄z vns der hey-
 lig zwelfpot sant pauls etwas heymlich
 rates gottes oder seiner verborzner vor-
 taylen melden will. da er in dem aylften
 capitel zu den rōmern spricht. Ist es. d̄z
 du auß dem wilden vngeschlachten ol-
 baum aufgehauen vñ wider die natur
 yn eynen gutten olbaum eyngebeltzet
 bist. weye vil mer werden dysē. nach der
 natur premm olbaum eyngebeltzet.

Das ist der schlechte sin diser wort. Ist es dz du haid. der du in der abgötterey. vnd vō den. die den abgöttern gedient haben. geborn bist. eingebeltzt vñ eingeleibt vnd verainet wirst den patriarchen prophete vñ zwelfpottē durch yrē glawben. wie vil mer werden die iuden. dy vō den patriarchē vñ rechtgläubigē geborn od vrsprünglich. nach der natur her kumen sind. zu dem rechte glawbē wid kumen. Fürbas spricht sant Pauls. wann ich wil nit. das ir die heymliche verborzgenheit mit wissen sollet. dz die plintheit eins teils halbē in ysrahel beschehe ist. bis die vōlle der geschlecht. das ist der heyden. eingtunge. vnd also alles israhel selig wurd. Im sant Pauls wil dz dy rōmer der heymlichen verborzgeheyt nit rinvissend solten sein. dz sy sich mit weis deüchten. vñ legt es darnach auff auff den sin. dz gott d herre baid die hayden vñ die iuden. zum erste lasset yren. wid den glawbē. vnd berüft sy darnach zum glawben. vñ nympt sy auff zu gnade. das sy baid erkennen dz ir berüffung. recht fertigung vñ seligmachung nit vō ynen od auß irem verdienst sey. sund auß lautter Barmhertzigkeit gottes. Darüb wie got. der herr die heide lang zeit het lassen irren. mer den andhalb tausent iar. da die iude den rechte glawben. sunder ein tail hieltē. vnd hat die heide zu dem glawbē. berüft. da die iude geuallē vñ abtrünig sind worden. also hat er die iuden yetzo. auch schyer anderthalb tausent iar. lassē yrrē. Aber nach dem. als sant pauls auß götlicher offenbarung. da zweifelt mir nit an d gehabt hat. So werden sy nach langem vnglawbē. zum letzte iren irrtum. oder irrsal erkennen. vñ sich all zu dē heiligē cristē. glawbē bekeren. vñ cristū den

waren messiam erkennen. Vñ den wirt alle werlt yn einen waren glawben cristi kumen. vñ alle zwitacht. mishelligkeit. feintschafft. vñ vnaynigkeit hingenümē. Kayns wirt sich wider das ander erheben. vnd das ander verachten. sund yder man wirt die gnad cristi erheben. sich d selben frewen. in die selben hoffnen. vnd daruin. gott dem herren dancken. Dann wie der heid erkennē wirdt. dz er in seiner abgötterey müst ewiglichen verlorē sein worden. also wirdt der iud erkennē. dz er yn seinem gesetz. on die gnad cristi nymer möcht selig worden sein. Dife veraynig vñ verrichtung. oder versönig. der iuden vñ der heyden miteinander. ist be deutet worden. in der versönunge herodis. der ein iud was. vñ pylati. d ein heid was. in d zeit des leidēs cristi. dy freünd würdē. da sy vor hin feind gegen einander warē. als sant Lucas schreibt yn dē dreyvndzweintzigsten capitel.

Der widerwertig artickel.

Vnd merck ob dz nit ein groß wū der sey. das der. vnd ein söhler. dy iude vnd die heyden. die einand so feind seyen. vnd warē. daz sy nyemat verrichtē od zu freundschaft bringen mocht. verricht hat. ia d hat sy verricht. verainet vnd freünd gemacht. vñ wirt sy noch vil mer vnd vil gentzer. vnd volkūmenlicher veraynen vñ freünd machen. dem sy baid so feind sind gewesen. dz sy sunst gegē einander tödtlich feind warē. in seinem habs vñ in gemayndlich mit einander zedurch echtē. ayns vnd freünd sind worden. vñnd synd durch das selb freünd wordē. yn dem sy yn bayd feyntlich verfolgt habē. daz ist durch mittel seiner lere vnd seins glawbēs. durch verdieft seis leidēs vñ todes. i dem sy einhellig sind gewesen.

Von den fruchten

Dann die iuden wollten in gecreutziget vnd tod haben. so haben in die heide mit den henden inen zu lieb getödt. Dz aber bald iuden vñ haide. dar durch seye ains vñ freünd worden. vnd zu frid kummē. Dz findest du in dem andern capitel zu den von Epheso. Da lyf es mit der glos des maisters von den hohen synnen.

Der neündvndhunderst gegenwurf
Wo der vierden frucht des leydens vnser herren.

Die vierd frucht des leidens christi ist die verwandlung oder verenderung der gläubigen yn den herren. Das beschicht durch dyse zwu weys. Zum erstē das vns o herr an sich zeüht. Zum andern das er vns alle bittere sig süß macht.

Der erst teil des ersten artickels diß neünden vnd hundersten gegenwurfs.

Der ersten verendert vns vnser herre in sich. Das dz allerwünschlichst vnd begirlichests ist. Das der creatur begegnen oder widerfarē mag. Das darynne steet. Das alle krefft des mēschē in cristū auffgezogē werde. Also dz alle gedancē. aller will. alle begird. vnd alle hoffnung. alle lieb. alle freünd. alles wolgefallen. vnd der gleichen. auff cristum vnd in ine gee. Das dem menschen nichts anders liebe denn cristus. od vñ cristus willenn. Das in nichts anders gelust zgedencken. denn cristum. vñ seine worten. vñ seinen wercken. vñ seiner würdigkeit. vñ seiner demütigkeit. vñ seiner menscheit. von seiner gottheit. vñ seiner tugēt. vñ seinem leiden. vnd der gleichē. Darauff den diß büchlein allermāist get. zuuor an der gedancē halb. die ye yn dem gutte vnser halb. dz erst sind. Dan wir mügē ye mit guttes wöllen noch lie

ben oder lieb haben in wercken od taten wir gedencken denn dar an. Vnd was wir von vns selbs nit vermügen. Das mügen wir durch begirlichs vnd flehlichs gebette erwerben. Vnd ob wir ettlichs guts der tugent nit erwürbenn. so ist es doch gutt vnd verdienstlich. Das wir es begern vnd darū bittenn. Darauff dyß büchlein weyhet. Söllich auffziehē vnser syn vñ begirde. hat der herr gemaint. Da er sprach Johannis an dem zwelfte capitel. Ist es das ich von der erden erhöht wyrd. so wird ich alle ding zu mir ziehen. Mit dem erhöhem wollt er seyn sterben an dem creutz zeuersteen geben. Als der heilig ewangelist selbs als pald anplegt nach dem selben wort.

Der ander artickel des ersten tayls diß gegenwurfs.

Der gegenwurf dißes tayles ist. Dz diese auffziehung zu im ist beschehen. durch den. oder von dem. der obenn mit den henden vber sich gehenckt vñ an genagelt was. vnd mit dem leybe vntter sich hieng. wag vnd sanck. vnd die nagel der süß zohē vnttersich. so doch der. der vber sich on mittel etwz ziehē sol. die hende vnttersich sencken vnd strecken muß. mit freiheit des regens vnd bewegens. oder er schafft nichts. allermāist. weñ er mit dem leib vnttersich sinckt. vñ dy süß vnttersich gezogen werde. Doch mit mittel ziehen hat ein ander weyhe. Dan da selbst zeüht man auff mit abziehenn. als man einen aymer wassers auff od vber sich zeühet. mit dem. Das man den andē vnttersich zeühet. vñ der gleichē. Sprichst du aber. Das heilig creutz wer als et wag gewesen. in welcher wag ein bret so vil mer vber sich geet. souil dz ander mer vnttersich wiigt. Das wider sprich ich nit

des leidens cristi

Dānoch beleybt dz wunder. den der herr
 sprach mit. far ich ab. so faren die meinē
 vber sich. sund er sprach. wird ich erhōht
 vō der erdē. so zeüh ich alle ding zu mir.
 Also redt er nach der erste weiße. als ei
 er den andn zeuht mit krafft vñ beweg
 ung C zu ziehūg D arm. vñ zu dē selbē
 ist not. dz der mēsch frey d hēnd vñ. des
 leibs sey. dz er sich bucken vñ auffrichtē
 die hēnd strecken vnd zu im ziehen mūg.
 Was alles an dem herrē nit gewesen ist
 Wan er mocht sich weder bucken noch
 streckē. wēd bewegē noch geregē. Wan
 kein mensch ist ye als gefangē gewesen.
 als vnser herr an dē notstal des crütz/
 es. Darumb was es ein wund. dz er da
 solte sōliche ding thun die gemeldt sūnd
 wordē. Als die tafeln d strengē vñ star/
 cken gesetze vnd vteryle gottes abtilgen
 C so doch geschribē steet in dem achtze
 hēndē vñ hūnderstē psalmē. Dein gerech
 tigkeit o herr ist gerechtigkeit i die ewig
 keit. vnd dein gesetz ist die warheit. Vñ
 aber eihis. in die ewigkeit sind alle vteryl
 deier gerechtigkeit D vñ vnser feind be
 streittē. oberwindē vñ pindē. den tot tōt
 ten. die hell zerprechē. dz feurig schwert
 abwendē. dz paradeis auff sperren. alle
 ding an sich ziehen. vñ d gleichē. Der
 frager. Du zwingst mich mit deiner
 red. dz ich mir aber ein frag muß lassen
 einfallen. Wan du setzest zway widrwer
 tige dig. dz die vrtail d göttliche gerech
 tigkeit ewiglich bleybē. vnd seyen doch
 durch das leyde cristi getilgt vnd hinge
 nūmen. Wiemūge die zway mit einand
 besteeen. Derantworter. Wie vil
 du hōrest. so bistu doch noch nit gar vast
 geübt. an der heilige geschriffte. So doch
 die wort vnser herren auff bald dōt so
 pberwar sind. das mēschlich vernūft die

hōhe. der veste der warheit. mit gūng er
 langē od begreiffen mag. Herwiderum
 sind die wort der iudē. die doch den wort
 ten des herrē gleich hellig warē. vō auß
 sen auff all dōt falsch gewesen. Also wer
 dise wort recht vernympt. dē sind sy bay
 de war. sy zu taylen nach der figur. vñnd
 nach d warheit. od gegen den guttē vnd
 gegē dē böse. od nach dē haubt zenemē.
 od nach dē leybe. dz haubt ist cristus. d
 leib die cristenheit. od nach den taten vñ
 nachfolgendē frūchtē. nach dem verd
 enst. vnd dem lon vñ vil der gleichē. Als
 dz du dise ding ein tail bey ebenbildē dē
 ster bas vernemst. wa yn dem gesetz ge/
 sprochē wirt. dz. od dz. sol eūch ei ewigs
 od eelichs gesetz sein. trifft es die sitten
 vñ dz gesetz d natur on. so ist es schlecht
 nach dem buchstabē zenerstein. Vñ dz
 selb hat d herr nit getilckt noch hingēn
 mē. sund mer bestettiget. vnd bah außge
 legt. gemeret vñ volbracht. darūb sprach
 er mathei i dē sūnfrē. Ir sōlt mit mainē.
 dz ich kūmē sey. dz gesetz zeldōse. sund ze
 erfüllen. ir habt gehōrt dz gesprochē ist
 zu den altē. Du wirst nit tōrtē. wellicher
 aber tōt. d wirdt schuldig des gericht.
 Aber ich sag eūch dz ein yglicher. d vber
 seinen prud zūrnet. ist verfallen dem ge/
 richt. Wer aber racha spricht. d ist schul
 dig od verfallen dem rat. Wer aber narz.
 spricht. d ist verfallen dem hellische feur.
 Ir habt gehōrt das zu den altē gespro
 chen ist. Du wirst nit die ee prechē. Aber
 ich sag eūch. dz ein yglicher. der ein frau
 en siht. yr zebegern. hat yetzo die ee ge/
 sprochē in seinem hertze. Ir habt gehōrt
 dz gesprochē ist. du wirst liebhabē dein
 en nechstem zc. Aber ich sage eūch habt
 lieb ewr feind. thut wol. den die eūch haf
 sen vnd bittert für die. dy eūch verfolgen
 Dd

Von den fruchten

vñ durchzechre 2c. Der ding prediget der herre vil als mā da selbst lisset. durch die er die gebott des göttliche gesetzes nit allein erhüb. vñ fürhielt. sund was etwaz vnuolkmēs od minders darynne. dz er füllet vñ volbracht er. Der frager.

Ich erken es. er hat es volbracht vñ erfüllt vñ also hochgezogē daz vnser plödigkeit dunckt. wir mügen es nit erlangen. Der antworter. Du sprichst wol dz es vnser plödigkeit duncke. Wann es kumpt warlich auß vnserer geystlichem kräckheit. dz es vns also dückt. doch hat es vns nichts vnmüglihs gebottē. Wa ein gutter will ist. der mag es mit d hilff der göttliche genad so weit volbringen. dz sich gott dar an benügen lasset. Dan in söllichen redē soll mā ein auffsehē haben auff die willtür des freyen willens. mer dann auff synnlichkeit. mer auff die forme. den auff die materien. die materi des zorns ist die entzündig des pluttes vñ das hertz. vñ die vbergeeng d gallē. die da verbittert. das. dz vñ sy ist. dz wir vñ der vyphischen art habē. vñ leyden es oft wider vnsern willen. wañ es stet nit in vnserm gewalt. als es nit i vnserm gewalt stet. dz vns dz plutt nit vntter das antlitz lauffe. wē mā in vnserm gehörd ettwaz vnerlihs od schampers von vns sagt. Die form des zorn ist begird d rachsals. die hat zwey heimwesen od vntter wüf. in den sy ist. als auff irem gründ od boden. daz ist die synnlichkeit vñ die vernunft. od d vernünfrig frey wille. Vñ der zorn der materie halb als er yn dem plut oder in dem hertzen ist. vñ auch der form halb. als er in dem teyl der synnlichkeit ist. besund dem dz vns nit vnterworfen od i dem gewalt des freye wille ist. ist vns nit bey sölliche penē des vntayls

od rates od des hellischen feüres oder C dz ichs kurtzer nenne O bey tod sündē verbottē. Sund nach dem als er d form halb in dem freyen wille ist. daz ist nach dem als d mēsch dem zorn willkuret vñ nach hengeret. Vñ ich red yetzo vñ dem zorn nach dem als es ein vntugent ist. so sich d mēsch begert zerechen. vñ kein ander maynig oder ende hat. den sein rachsals. O d nympt er auch ettwaz aders wort. so ist doch dz d forb. Dasselb verpeit der herre vñ was auß dem selben zorn kummet. es seyen zeichē oder wort. Wañ die werck waren vorhin in dem gesetz verbottē. Vñ was ich von dem zorn gesagt hab dz sag ich auch vñ d vnlaßtern liebe. Wañ die weil sy allein yn der synnlichkeit stet. als wē eins ei schöne person siht. vñ hat einē lust an yrer gestalt. vñ wirdt zuflaischlicher begird gezogen vñ willkurt doch nit dar ein. sund er widerstrebt mit dem willen d vernunft. das er ym fürsetzt. dz er weder in werck noch yn wollust der werck. noch yn wollust der gedanken von den wercken. als vñ den wercken die sündlich wollust gebē. verwilligen wölle. vñ schlechtlich will er keinen wollust entpfindē. der dar zu diene. od vñ disem gründ kumpt. Vñ empfindt er ettwas vñrdelicher begirde in im. d will er nit empfindē. vñ misfallt im. Ob ein söllicher ein begerend gesprochē mag werdē d synnlichkeit halbe. so ist er doch nit begerend d vernunft halbē. daruñ ist sölliche begirde nit bey tod sündē verbottē. der herr spricht auch nit. wer ein frauē ansiht vñ begeret ir. sund wellicher sy siht ir zebegern. d hat yetzo die ee geprochē in seinem hertzen. daryñ zway dig zemerckē sind. dz erst dz gar leicht ein tod sünd beschilt. so er nit

des leidens cristi

eygentlich spricht. ansicht. sund er spricht
sicht. dz minder ist. dan wir sehen oft vil
daz wir nit ansehē. dan ansehē. legt vber
dz sehen etwz zu. als die maynung des se-
hens od warnemung od auffmerckung od
sunders zu kerē zu dē sichtberliche ding
vñ der gleiche. Wan sehēs künde wir ge-
sehenden nit enpern. den so ein ding vor
vnsern augē ist. wir müssen es wol sehen
wir woltē den die augē zuchū vñ plintz
en oder vñhebe oder vns abwenden zc.
Darum wer es gar ein hert ding. hett d
herz schlecht gesprochen wer ein frauen
sicht. mā verstünd es den für dz ansehen
das mit fleysch beschicht. Doch hat der
herre gesprochen. das er vnns forchtsam.
sorgfältig. fürsichtig vñd behutsam
machte. auch das wir nit verzweyfelten.
an seinen gebottē. als an den. die wir nit
halten möchtē. so hat er hinzu gesetzt. ir
oder sy zebegerē. dz er da bey zuuersteē
geb. das dz eusser gesicht on dz ymer an-
sehē vñ Begerē mit schadt. Darum will d
herre das d mensch fürsichtig vñ behüt-
sam sey. dz er nit allein seinen leumet vn-
besleckt vñ vnuerfert behalt. vor den mē-
schen. sund dz er auch vñ fürderlicher sei
cōscentz oder gewissen vñ hertz rain vñ
vnuermaligt behalt vor got. der das vn-
ser ansicht. Denn der spiegel des gemü-
tes. mag gar leichtlich verurraint wer-
dē. doch so leichtlich nit. es muß eintwe-
ders ein verkerter. od ein syderlicher ver-
seimiger will dar bey sein. Ein verkerter
der in dy sündliche wollust perwilliget. ei-
syderlicher. als der d sich nit weret aber
auch nit gantz perwilliget oder wilkürt.
so lasset er doch die wollust her streichē
vñ als ein schlägen zu ym schleichen. vñd
widerstrebt nit mit dem willē. Darum ist
er an im selbs schuldig. als einer an seins

em leben schuldig wer. d einer schlangē
nit begerte noch lockete noch sie zu ym
zekūmen raytsete. aber wen er sie seh zu
ym schleichē so flüh er nit. er weret od be-
waret sich nit. sunder er lieh es beschehē
Wer wolt vō einem solchē sprechē. das
er entschuldiget wer. wen er vō d schläg-
en vergift vñ beschediget wurd. Merck
daz beyspil. Also mag ein tod sünd leicht-
lich beschehen vñ atsch nit leichtlich. es
muß ye der frey will daran schuldig sei.

Der frager. dz ist aber wid emā-
der. Der antwoorter. Es ist nit wid
eināder. Sih die maynung der wort an.
Es mag ei tod sünd gar leichtlich besche-
hē. vō den. die on gottes forcht gewissē
los vñ verachter irer selen heyl seyē. Als
die. dy allezeit berait werē zesündē wen
sy zeit statt vñ gegenwūrf vñ materien
darzu hettē. Als ein gemeyner strabaw-
ber. der begert vñ wart auch darauf. Er
wolt das im allwegenn yemant bekōme.
den er berauben möcht. Darum als oft
er einen siht etwas haben. daz er im gern
neme. wen er in an einem ort het. da er in
geweltigenn möchtē. Magst du daran
zweyfelē. dz er nit tod sünd thue. als mit
vō einem edelmā mer den ei mal gesagt
ist wordē. d gewōnlich pflag dz pater no-
ster in der hād zetragen vñ zebetten. vñ
warttet doch nichtz destmynō seiner sch-
antz. vñ schickt die gesellen auff dy ware
vñ trib sy auff vñ richtet sy an. Vñ wen
er solliche dig tet. dānoch lieh er sich nit
hindern. in dem gebett. er fieng es auch
nit wider vornen an. sunder wenn er yetz
vntter dem gebet vnglück angericht het.
so gieng er für sich in dem gebett. als ob
er ettwas gar gutes geschafft hett. was
heilst du darvon. Der frager. O
wee des gebettes. Es muß gar ein iūger

Ddij

Von den fruchten

teufel gewesen sein. Der vō dem geschray erschrocken od̄ geflohen ist. Der antwortter. Nun möchte sich gefüge er het sich gar frum̄ gedenckt. Darum̄ das er souil betet. so mā einē mūnch od̄ geistlichē vīndt. der mit mit rō bettē kan. vnd thu darzu was er wōll. wenn er ein kleyne wenig auff im hat. gen söllichē sündē zu rechnē. er hab den vor gebeicht. oder mit reu vñ fürsatz zu beichtē als bald er quēlichen mag. die gewissen gestillet. Hett diser edelmā einen söllichē gemerckt. er het villeicht gesprochen od̄ gedacht. Er ist ein narr oder fantast. vñ nichts wert. er kan nit betten. Aber ich kan bettē. ich laß mich söllich narrenwerck nit künern noch hindern. Der frager. Es mag sein. sag fürter. Der antwortter. Wz ich gesagt hab vō den raubern. Das verstee auch von den bucherern. eeprechern. vō den die in stetter feindschaft ligē. vñ der gleichē. die all vō einem gesicht i tod sünd fallen. nit des gesichts sunder d̄ bösen begird halbē. dy auß dem gesicht entspringt. der d̄ verkert will als bald noch hengt. Als ein spiler siht einen vil gelts haben. er ged enckt als bald. o het ich dir es mit spilē angewunnē. oder möchte ich dir es angewynnē. Vñ er wolt es in der warheit. dz es also were. Vñ merck eben was ich sag. Ich sprich. Er wolt es in d̄ warheit. dz im also were. Man̄ gedecht er es allein. oder sprech es auch on erger nuz. vñ wer im nit in dem hertze oder in dem willen. wie wol daz sprechē ein lüge wer. so wer er doch nit ein spiler. des halben das er tödtlichē sünd. Also beschicht es mit den eeprechern vñ mit allē dē dy mit einander vneelichē zu haltē. Also beschicht es mit den diebē. dy etwas sehen dz sy geren stelē auß geitigkeit. Also ist

mit den mōrdern vnd noch mer. Also ist es mit allen den die wissentlich vnd willichlich in der gewōheit d̄ sündē ligē. dy ein sünd also oft gethā habē oder thun. Das sy dar durch gleich in ein gewōheit vñ schicklichkeit od̄ nayglichkeit d̄ sünd künern sind. Durch die sy getribē werden d̄ gleichē zethū. vñ widerstrebe der selbē nit. Sy habē nit layd darūb. sunder wōllen es hin für treibē. als biß her. Den selben pricht nichts zu vbūg der sünd den materij. Darum̄ wie dem feur nichts gepricht den materi. wa es die berait fyndet als dūrz stro. dūrz hobelspen. dūrz zūnter. vñ bech od̄ schwefel. so gret es an on arbeit. vnd pyrmnet. also ist es. wa dz feur der vntugēd materiē findt. Dar vñ hab ich gesprochen. daz die sünd. die auch tödtlich ist. leichtlich beschēhe mag.

Herwider vñ beschicht sy nit leichtlich vō den die ires lebēs geiffen sind. die auß kintlicher forcht dy sy zu got habē ymer zu sorgfelig seye. dz sy sich hūten vor allem dem dz wider die ere gottes vñ wider sein gebott scheint sein. die kaum ettwas mūgē sehē. hōrē. gedencē oder reden. dz nit nach der tug ent ist. es sey die gewissen hie vñ straff vñ zwynng sy zeüberhōrē od̄ zeurtailē. ob dz. das sy thun od̄ thun wōllen mit got bestee mūge oder nit. Dan̄ es ist in yrem fūrnemē dz sy nichts wōllen thun oder gedencē dz wiß gott seye. den sy allen dinge fürsetzen. Vō söllichē mag ich sprechē dz sy nit leichtiglich tod sünd thun. Dann so das ye in irem willen oder fürsatz ist. dz sy ee schand schadē vñ den tod wōltē leydē. den in die sünd verwilligē. so er hebt sich kaum ei söllicher grosser streit in einem reichē geytigē menschē dē mā alles seyn gutt neme. oder auch in dem.

des leidens cristi

Den man tödtē will. als in einem söllichē menschē. wēn er vō der sünd angefochtē wirt. Durch die in die vnschuld. d̄ glawb oder trew zu gott. Sy liebe vnd die gnad gottes. die er vber alle d̄ig hoch vñ werd schetzet vñ helt. genōmē würde. Darūn mag das nit leichtlich beschēhē. D̄z er also die huld gottes vbergebe. Bedenckt sich ein geittiger mensch oft zwēintzig mal ee er einē gulde auch in erlichē d̄igēn auß gibz. vñ mag es dānoch zūn lēstē nit vber d̄z hertz p̄ngen. D̄z er in hin auß gebe. sunder er helt an sich vnd stosset in hin hinder. was mainst du. das es mit den sey. die da erkennen. das d̄z gold nit also kōstlich ist gegē dem kott d̄z h̄as sen. als die göttlich liebe gegen allē dem das auff d̄iser erden grob geachtet wirt.

Der frager. Es rewet mich nit d̄z ich dich aber eyn mal getzetzet hab.

Der antworter. Ich las beschēhen Es ist doch schyer bey dem end. vñ soull lenger du mich an einer materiē auffhaltest. soull ee mußt du mich an einer andēn materiē lassen geē. Der frager. Gee furt. Du hast gesagt wie vnser herr die gebot des gesetzes. die sy sittē antreffē. vñ vō dem gesetz der natur sind nit hyn genūmen. sunder mer bestetiget. vnd volbracht hat. Was soll mā dēn vō den andern halten. die mit also gethan sind. als vō dem samstag der iuden feyrtag. den gott der herre selbs gefeyrt vñ zefeyren gebottē hat. vō der beschneydūg vnd vō māgerlay opfern. die in dem gesetz moy si vō gott gebottē sind wordē. vñ vō den gerichtys gebottē wie beleybē die selben ewiglich. Der antworter. Mich dunckt mā möcht die antwort d̄iser frag leichtlich ziehen. auß den vntterschaidē. die vormalz gemeldt sind wordē. D̄z du

aber zu frid seyst auch auff die mānig d̄iser frag. so frag ich dich. Wēn ei fūrt eyn versamlung auß andacht stiftet. da zwelff chorherren vnd zehē vicary vnd sechs chorschuler. die sy siben zeit. vñ d̄z chorampt singen solten. kōme einer dēn von seinem geschlecht nach im. der den selbē stift. in ein closter sant benedictē oder sant Bernharts orden verwādelte. Darynnē fūnfstzig mūnch oder mer wol reformierter. gott dem herren nit allein mit singen vñ lesen dienten. sunder auch mit ādzer manigfeltiger clōsterlicher vñ tugentlicher vbung. was woltest du vō dem selbē sprechē. Hett er seines vorfaren stiftung zerstört vñ hingenūmen oð gehalten. Der frager. Ich gedōrft nit wol sprechē das er sy zerstört hett. so er sy zu einem bessern vñ höhern stād gefürdert vñ gepracht het. Der antworter. Du antwortest nach vernūft. dān bante dir einer ein gut. oder bestūnde ein ampt. das dir iārlichē ein marck silbers trüg oder prechte. Ich main du zūrneste nichts darūn. ob er es besserte. d̄z es iārlichē ei marck goldes prechte. Also fūrtz lichē sind die vitail vñ gebot gottes mer in bessere verwādelte. denn hingenūmen. Der sabat oð samstag ist gangē yn den suntag. mā sollt den samstag feyrē zu eier gedechtnus vñ dāckbertē d̄ schöpffung. aber was wer es vns nūtz gewesen. das wir beschaffen weren. solten wir nit erlöset sein wordē. Darumb ist das grōsser. das vns gott der herre von dem ewigen tod durch seinen tod erlöset. vñnd durch sein v̄stend vns zu dem ewigen leben gewidemet hat. denn das er vns zu einem verliertichē leben beschaffen hat. Darūb ist die feierūg des sunntags verwādelte wordē. vñ geet der eren vnd dem

Von den fruchten

gebot gottes nichts ab. wann es ist gleich.
also nahend. vñ einem sūntag zu dem an-
dern. als vñ eym samstag zu dem andn.
Also ist die beschneydung in das sacra-
mēt des heyligē tauffes verwandelt. yn
dem nit allei die menner beschnittē wer-
dē. sūnd auch die frauē. nit in dē fleisch.
besūnd in dem geyst. nit alleyn zu einem
zeichē. dz mā in abrahās geschlecht ge-
nūmen. sūnd in den adel cristi in die gött-
liche kintheit erhöhet. vñ zugewūst wer-
de. nit dz mā vñ vberigē fleisch an einem
glid beschnittē. sūnd entlich vñ allen ge-
prieche erle diget werd. nit das mā allein
vñ d' erbsūnd vñ andn sūndē gerayniget
vñ enpundē. sūnd auch mit sūndn tugen-
dē vñ vollkūmner gnad begabet. vñ on al-
le hindernus zu dem eingang des hymel-
ischenn reichs gefertiget werde. das die
beschneydung nit verleyhen mocht zc.
Also sind vñerlay opfer yn eyn eyniges
opfer des fronleichnams vnseres her-
ren ihesu christi verwandelt. das on end
würdiger. gott angenemer. vñnd krefftig-
ger ist. denn die opfer der alten ee. Die
vñteil oder gebott der gerechtigkeit. sind
verwādel in die vñg d' gedult vñ barm-
hertzigkeit. dz würdiger vñ besser ist. als
kernaist dēshalbē. der es duldet vñ leidet
Dauid spricht der herre in dem fünfften
capitel Mathei. Ir habt gehört das ge-
sprochenn ist. aug. vñd aug. zan vñd zan.
Aber ich sag euch. nit widersteē dem bö-
sen. Sunder ist es. das dich ymanto sch-
lechts an den rechtrē backen. so beut ym
auch den andn dar. vñ wer mit dir i dem
rechten kriegē. vñd dir deinē rock nemen
will. dem laß auch den mantel. Sihst du
wie der herre die vñtail der strengen ge-
rechtigkeit in die vñbung der gedult vñd
sensmütigkeit verwādel hat. durch dz

man weyt auff allen sēten zu einem hö-
hern bessern end kōme (wenn man es
glaubē wolte) dēñ auch durch dyrach-
sal der gerechtigkeit. Der frager.
Gee furt ich laß mich benügen. Wenn
ich erkenn dz mā dise baide mag sprech-
en. das die gebott des alten gesetzes dy
nit vñ dem gesetz der natur seyen. hingen-
nūmen od' abgelegt sind. vñ bleybē doch
ewiglich. Sy sind hingenūmē nach der
form. in der sy gegebē sind worden. aber
sy beleybē dannoch yn yrer bedēutung.
dz ist. in dem. das sy bedēut haben. oder
in yres gleichen. oder yn der geschuffte.
oder in der gedechtnus. od' in der krafft.
oder frucht. So auch adam bis an den
heutigenn tag beleibt in seinen kindern.
So sein kurtz essen. dz nit ei stund (als
ich halt) d' geweret hat. so hart beleibt in
seiner krafft in seiner bittern fruchte. dz
syder der stund. als es beschēhen ist. nye
ein stund. ya nye ein punct einer stund ge-
wese ist. es hab gewürckt. Aber geet mā
auff dz ynnere. vñ auff den grūd. so findt
man. das dz vñtail der göttliche gerecht-
igkeit würckt darynn. vñd ist kein augen-
plick in diser werlt. in dem die gerechtig-
keit gottes nit würcke in allen mensche.
sy seyen gutt oder böß. als kein augen-
plick ist. es würcke die barmhertzigkeit
gottes in allen menschen. sy seyen gute
od' böß. wie wol die barmhertzigkeit got-
tes fürderlicher in den gutten. vñ die ge-
rechtigkeit fürderlicher yn den bößenn
würckt. zum minste verhenglich. vñ auf
das endt zerechnen vñd wer nichts an-
ders. dar durch wir möchtē beweren. dz
die vñtail götlicher gerechtigkeit belibē
So wer vns das gnug. dz der herr sprich-
t. Mathei an dem fünften capitel. ich
sag euch für war. bis der hymel vñd dz

des leydens cristi

ertrich zergeet. so wirt mit ein. J. od̄ eyn
büchstab vō dem gesetz zergeen. bis es
alles beschribt. Der antworter. Du
hast da gar einen tieffen grundt berürt.
vnd mit kurtzer red vil beschlossen. vnd
ich hab dich nie also geleert gespüret. als
in disen worten. Darumb widerruff ich
billich. was ich oben gesprochē hab. dz
du mit vast geübt sevest in der heilige ge-
schafft. So ich aber nun sih. das du mer
vernumbst den ich gedacht hett. So hab
ich sach das nochuolgend zeuerkurtzen.

Das ander stücklein des neunendvnd
hundersten gegenwurffs.

Um andern hat ons unser herre
in sich verwädelt. vnd verwädelt
vnns durch das. das er die bitteren dñg
süß macht. als er seinen lieben heyligen
mārtren alle peyn leicht gemacht hat.
wie man von sant Steffan singt dy stein
des bachs sind ym süß gewesen. im volz
gend all gerechten selen nach.

Der widerwertig artickel.

Und so das durch den beschehen
ist. vnd beschribt. des mund also ie
merklich an dem creütz verbittert ist wor-
den. wann er ist mit gallen gespeiset. mit
essig vnd mirrichwein getrenckt. das ist
ye ein wonder.

Der zehendvndhunderst gegewurf.

Die fünfft frucht. die wir vō dem
leyden cristi haben. ist die einlay-
tug in daz reich der hymel. Das hat zwu
guttat in im beschlossen.

Des ersten stückleins erster artickel.

Um ersten. ist durch das leyden
cristi das feurig schwert. dz got
der herre mit dem cherub für das para-
deys gemacht het Cbey dem die hyndē

nusen vnser eingangs in den hymel be-
deut werden C hyngenummen werden.

Der widerwertig artickel.

Und so das beschehen ist. durch
den. des hend vnd füsse mit eyse-
nen nageln angeschlagen vnd gehefft
synd gewesen. das ist ye ein wonder.

Der artickel des andern stückleins.

Um andern wirdt vñnd ist dy
thür des reichs der hymeln auff
gesperret durch das leyden vnser her-
ren ihesu cristi.

Der widerwertig artickel.

Und so das durch den beschehen
ist. den das yrdisch holtz. vñ dar-
nach der stayn des grabes gefangen. vñ
verschlossenn. vñnd die helle entfang-
enn hat. das ist ye eyn wonder oberwun-
der.

Der aylfftrondhunderst gegenwurffe.

Als leben aller lebendē. dem auch
die totten lebē. styrbt. das es dem
tod tötte. vñnd das seyn tod der totten
leben sey.

Der zwelftrondhunderst gegewurf.

Die auffenthaltug aller ding wirt
du der paynbrechung gehayschet.
vñnd geurtaylet. das ist. das ich oben rad-
prechung genennet hab. als wir teüsch-
enn die paynbrechung nennen. Darumb
das man den mördern. die pain mit dem
rad zerstöft. Die selben peyn wolten die
iuden. vñnd Begereten es von dem rich-
ter. das man sy dem herren auch antete.
mit mit demrade. als es nun gewonheyt
ist. sunder als es die zeit gewoheit was.
villeicht mit kolben od̄ agtsten. od̄ wars
mit man die pain der mördern zerschlug.
Dise schmahheit der pludürstige hund
der iuden. die sy irem besundern aygnen
Dd iij

Von den dingen die zu

herrē vñ aller werlt schöpfer vñ auffen-
thalter wolte angelegt habē. ist so groß.
Dz man ein sunder groß buch darvon ze-
machē hette. Warum aber der herr dise
pein nit leiden wolt oder solt. Dz findest
du in sant iohannsen passion. Johannis
am. xix. capitel.

Der dreyzehend vñ hunderst gegen
wurff.

DAls heyl der francken. die hailung
der verwundte. wirt verwundt vñ
sein verwundt ist der verwundten ertz-
ney. büß. vñ zu haylung.

Der vierzehend vñ hunderst gegen
wurff.

DEr eingenömen hat. d. ist aufge-
goffē worden. vñ der aufgelert. ist
durch aufgießung erfüllt worden. Das
versteet also. Da der herr aufgegossen vñ
sein heyligs rosenfarbs plut von ym ge-
flossen was. Dz er sprechen mocht. als in
in dem einvñhunderstē psalmē steet. mei-
bayn sind dürr worden. als ein gryeb. Da
begund in ser zedürstē. Da er dz meldt.
Da gabē sy ime essich vñ gallen zu einem
gespött zetrincken. Da er dz bitter track
einnam. Da gab er als bald darauf Cals
er gesprochen hett. Es ist volbracht. mit
dē wort. Vatter i dem hend enpfilh ich
meinen geist i den gaist auff. also ward
er aufgegossen. wan sein sel vñ dz men-
schlich lebē fure auß seinē leyb. Da man
im darnach die seytte öffnet. vñ wasser
vñ plut auß seiner seytte floße. Da ward
er noch mer aufgegoffē. So aber dz selb
sein plut vñ wasser nach d krafft nit ma-
terlich noch fōrmlich sunð verdyeßlich.
bedeutlich. vñ wückerlich zu kindern got-
tes geratē ist. also. Dz mā in ertlicher glei-
chmus weyse mocht sprechē. Dz plut wer
gleich als die visch milch gewesen. vñ dz

wasser als der rogen. Wan dz plut chri-
sti wücker in dem wasser des heyligē cri-
stenlichē taufs. vñ gebirt vnzeliche kind
gottes. Durch die dy samlung d glaubigē.
Die heylig cristeheit ersetzt. vñ volbracht
wirdt. Die des herrē gespons oder praut.
ya auch sein leyb als er yr haubt ist. So
mag ich sprechē. Dz sein außlerung. sei fül-
lung ist. vñ ye mer d war leib cristi gele-
ret. ye mer der geystlich leyb cristi vol-
bracht ist wordē. ye mer sein plut vergos-
sen ist. ye mer sein geistlicher leib mit kin-
dern vñ aller gnadē mit tugendē vñ vil
verdienens erfüllt ist wordē. Also ist der
tod des warē leibs cristi. Dz leben seyns
geystlichen leybs gewesen. sein sterben
vnser werden. sein außlerung vñ wöheit
vnser einfällung vñ vollkommenheit. sein
erligen vnser widerpringen. vñ des glei-
chen. gedenc auch in andern widerwer-
tigen dingen.

Der fünffzehend vñ hunderst gegen
wurff.

DEr aufsteyger in den hymel ist vñ
dem creüt genömen worden. Der
nach seinem tod vñ aygner krafft die hy-
mel erstige hat. d. must durch ader hend
von dem creüt genömen werden.

Der sechzehend vñ hunderst gegen
wurff.

Die vnuerwesung wirt gesalbt. d.
Der durch die gnad des heyligen
geistes vor alle gesalbtē gesalbt ist. ia vñ
dē die criste. die den namen vñ im d salb
halbē habē. wan cristus ist als vil gespro-
chē. als ein gesalbter. vñ vñ cristo wordē
die glaubigē criste genennet. d. vñ dem dy
glaubigē zu kempfern wñ die himlischē
geystliche gewelt vñ kreft gesalbt wordē.
Dz sy obliget gekrōnet wordē. vñ dem sy
zu geystlichen priestern werden gesalbt.

der begrebnus cristi gehoren

Dz sy gott dem herrē würdigliche diene
vñ angenehme opfer opfern mügen. d. vñ
des gayst d. sundwesenlich on mās i ym
ist. Sie glaubigē zu kōnigē des himlischē
reichs gesalbt werde. d. ist wñ dy wūrm.
Die den menschliche leib nach dē tod er-
bē. mit bittern mirren vñ alabatig ge-
salbt worden. Das er nit verzert wūrdē.
vñ solt dar zu mer vñ mer gesalbt werde.
Dz er vñ den irdischē wūrmē tod erne-
ret vñ erweret wūrd. der vñs mit der gnad
des heilige geist. d. vñ im aufgeet i den
sacramentē salbt. Daz wir mit im leben vñ
regniere mit den engeln vñ heyligē i den
hymeln. Doch dz ich gesprochē hab daz
er gesalbt sey wordē verstee von Joseph
vñ Nicodemo die bey einē centner mir-
rachs vñ alabatig an seinen heyligē leib
legten. vñ solt noch meer gesalbt werde
vñ sant maria magdalena vñ yren gespy-
len. Die sich darzu verait herē. herē sy in
in dem grab gefundē. Dz er tod von der
wūrmē erneret vñ errettet wūrd. Dz will
ich nit gesprochē habē. Dz es zeglauben
sey dz sein leib der mit dem balsam d. we-
senlich lebendigen vñ vñuerenderlichen
gottheit gesalbt was vñ den wūrmē ver-
zeret wer worden. sund daz die dy yn ge-
salbt habē oder salbē wolte. dz selb auß
einfeltigkeit oder vñuolckummeheit des
glaubes besorgte vñ fürkūmen vñ we-
rē wolte oder zum mynnsten. als die dy
sölchs besorgten gethan haben.

Der sybendzehendvñhunderst ge-
genwurf.

D Er vñs auß den hadern der tōd-
lichait. auß den altē hadern d. sch-
entliche sūntlichkeit auß wickelt. Das er
vñs mit den kōnigliche claidern der hei-
ligkeit. vñ der vñtōrtlichkeit beclaide. vñ
ziere. d. ist in totten clayder gewickelt vñ

eingebundē worden. der vñs auflōset. d.
ist gebundē wordē. der alle zig tregt. ist
getragē. der die seinē in den himel tregt.
ist in das todte grab getragen worden.

Der achtzehendvñhunderst gegenwurf.
D Er aufführer der beschlophen. der
ledigmacher der gefangnē. ist ein
geschlossen worden. der die totte vñ den
grebern weckt. der ist begraben worden.

Der neūnzehend vñhunderst gegen-
wurf.

D Je seligkeit vñ seligmachūg ist ge-
clagt vñ bewaint wordē. Die zeit.
da alles laid vñ traureu in dem herrē ge-
endet vñ vergangē was. da er alle die er
freit vñ selig macht. die er in langem be-
lāgen in der vorhell fand. vñ macht men-
schlichem geschlecht grösser freud vñ
grössern trost. den es von anbegynn der
werlt ye gehabt hett. da ward er iemer-
lich geclagt vñ bitterlich bewaint auß dē
ser erden. vñ seinen freunden vñ liebha-
bern. In bewaynet Nicodemus vñ Jo-
seph vñ arimathia. In bewaynet Johā-
nes vñ Maria. In bewaynet od clage
Nicodemus als seinen maister. Joseph
als seinē liebe freünd. In bewainet sant
Johannes als seynen getrewen herren.
Maria magdalena als yre sundern lieb-
haber vñ versprecher. Sein allerliebste
mutter hett vñzelich gegenwürff laids vñ
hertzlichs leydens. Vñ als ich gedēck
ein yeglichs hat sich zu seinem ort vñnd
ampt geschickt. Sant Maria magdale-
na mit waynen vñ küssen zu den füssen
bey den sye besunder gnad vñnd barm-
hertzigkeit empfangen het. Nicode-
mus zu der seytten mit den salben. Jo-
seph zu dem rugken mit dem tuch einze-
hüllen. Sant iohāns mit antaste der gōe-
liche brust. auff der er die vñdorn nachē

so süßiglich gerwet het. Die muter mit
umbfengen zu dem obern tail des fron/
leichnans cristi. da ist nye grösser hertz/
licher tugentlich layd gewesen.

Der zwainzigistondhunderst gegen
wurff.

DEr. der allein vntter den totē frey.
Da die freyheit vñ der freymacher
gewesen ist. d̄ ist mit einem grossen stein
verlegt. mit sigeln verschlossen. vñ mit
gewappeter hand verhütt. vñ gelegert
vñ das er mit entrene oder hyn kōme. ver
wart worden.

Der letst fünffer ist vmb gekeret. dz
das frōlich zuñ letstē kōme. vñ C nach d̄
gelipnus vnser̄s herren d̄ die traurig/
keit in freud verwādel̄t vñ geēdet werd̄.

DEr. der in d̄ warheit gestorben
vñ begrabē wordē ist. vñ wirt
felschlich vō den vnglaubigen
des tods der natur. der schuld. od̄ sünd.
vñ der verdāpnus tod gehalten. der selb
lebt mit allein des lebens der natur. der
gnadē. vñ d̄ ewigē seligkeit. sunder auch
des göttlichē lebēs. wan̄ er ist mit alleyn
vō dem tod vñ grab lebendig erstanden
sund̄ er hat auch vil totē mit im erwecket

Der zwayvndzweyntzigist vñ hund/
derst gegenwurff.

DEr. der vō den vnglaubigē geach
tet wirdt. dz er vñ seiner missetat
• willen in die hell gefaren sey. vñ ist von
gnadē wegē i der warheit zu d̄ hell̄ gefa
rē. d̄ ist mit allein zu himel aufgefārē. sun
der er hat auch vnzelich mit ym gefürt.

Der dreyvñzwainzigistondhunderst
gegenwurff.

DEr. der vō den vnmiltē vnglawbi/
gē feindē i der tieffe der hell des
lucifers gesell in den grōstē schāpersten
penē felschlich vñ lesterlich geschetze

vñ gesetzt wirdt. der sitz ob allen gewel
tē vñ fürstēhūmē. ob allē himlischē tro
nē zu der rechten gottes in der ere des
vaters vber alle herschung hymelreichs
vñ ertreichs zc.

Der viervndzweyntzigist vñ hūderst
gegenwurff.

DEr. des vberbleibling i d̄ser werlt
i verfüring vñ zerstörung alles gōt
liche gesetz̄s vñ dienst̄s vō den vnmiltē
iudē geurteilt werdē. der heit vñ aufent
helt alleyn durch sein lere vñ sacrament.
Durch seinē gewalt wid̄ allē werltlichen
gewalt. wie mechtig er ist. wid̄ allen helli
schē gewalt. wie listig vñ vbertrefflich
vñ erschöcklich er ist. den warē gottes
diēst. den warē glaudē. dz recht vollkum
mē gesetz̄e gottes in seinē glaudigē. die
er regiert vñ heyliget durch seinen heilic
gē geist. den er yne schickt vñ gib̄t. durch
den er sy erleucht. vñ sterckt. begabt. vñ
tröst. dz sy aller listigkeit des teufels. als
ler anfechtig des fleisch. aller durchech
tung der werlt. vñ kurtzlich aller wider
wertigkeit. die sy vō d̄ warheit des glau
bēs vñ vō d̄ gerechtigkeit des warē gotz
dienst̄s abziehē will. mit tugent vorstee.

Der letst gegenwurff.

DEr. der vō den verplentē gottes le
sterern gehaltē vñ geurteilt wirt.
dz er vñ seiner missetat willē ein hert vñ
tail vō got enpfahē. vñ einē sūll. der
wirt i söllicher glori vñ maiestat. in söllich
chē gewalt vñ hohem stat. in so grosser
krafft vñ wirdigkeit. in söllicher endlos
er grohmichtigkeit. ei gemeiner richter
alles fleischs. dz ye ein vernünftige sel en
pfangen hat. kummen. vñ so genaw vñ tai
len. vber alle gedanken. wort. werck. vñ
tat. dz kein menschlich hertz weyt gnug
dise ding zebegreyffen hat. den werden

leydens cristi in gebets weys

Die feind cristi in vnaussprechlicher schand vñ pein steen. vñ ligen vñ vñ dem vñ teil zu ewiger qual gezogen. Aber die liebhaber cristi werde vñ die böse in grosser bestadenheit steen. vñ mit cristo dem geliebte in die ewigē freud vñ seligkēyt geen. Darum las vñ den gütigē cristū bittē. dz er vñ sein stette liebe vnuerlicher wölle gebē. dz wir mit seinen waren liebhabern in ime ewiglichē mūgē frolockē vñ glorierē. Der frager. Dz verleihe vñs sein endlose barmhertigkeit. dz wir yñer vñ yñer beleibē in seiner huld vñ göttlichē gnadē. Der antworter. Amen. Gott dem herrē sey ymmer ewiglich gedanckt. Der frager. Amen.

Die volger hernach form vñ weyse der betrachtung des leidens vnser herrē in gebettes weys. nach dem als d̄ mēsch die betrachtung in gebet kere vñ formieren mag. vñ so in ettlichē gegēwürffē vorhin daruō gesetzt ist. besund̄ in dem erstē vñ sechzehendē. auß den mā wol mercken kan. wie mā die and̄n gegēwürff in form vñ weyse des gebettes vñ opfers bringē mag. so will ich hie nit vñ allen gegenwürffē setzē. dz es nit zu lang vñ zuuerdrossē werd. den. die es lesen. sund̄ vñ ettlichē. die an dem geringstē zu d̄ hand mūgē sein. vñ die krefstigstē zebewegē zu der andacht. vñ die gemaynstē in der erkentnis des gemaynē menschē. Vñ ist nit die mainung. dz man das. das hie gesetzt wirdt. also vñ wort zu wort. als es hie gezeichnet ist. sprechē od̄ bedenckē sülle. man wölle es den sunst gern thun. Sund̄ dz mā ye ein stücklein zu einer zeit mit auffmerckung oberlese. vñ ober ein zeit aber eins. vñ also nach

einand mit gutter muß. vñ nem also die maynung darauß. vñ vasse etwas daruō in die gedechtnus. was mā an dem bastē möcht behalten. oder das mer zu der andacht dienet. dz mā auch zu zeitē möcht sprechen oder gedencen. wenn man für der figurē eyne gieng. od̄ vor einer stünde. oder ein figur des leidens cristi sehe. Hett aber der mensch zu zeitē der muß. das er ettlich betrachtung von wort zu wort spreche. da er nit bessers hette. od̄ zūg ein verkürtzūg auß ynen. vñ sprech die selben zu zeitē. so tet er dester bap. Vñ ob es zum erstē nit andacht gebe. daruñ wer mit not dz der mēsch daruon ließe. dan̄ die gnad der andacht stet mit in vnserm gewalt. sund̄ in der hand gottes. Wir sullen wasser einschencken vñ materien bereyten. es steet an dem herren. das er C wenn er will D das wasser zu wein macht. Füllet mā vil wassers ei so mag dester mer weis darauß werdē. Daruñ las nit daruō. ob es dir zum erstē nit andacht gebe. denn die andacht gehört yn ettlicher weyse mer zu d̄ frucht vñ zu dem lon der tugēt. den̄ zu dem verdienst. Hierūb wen̄ du auch nit andacht entpfindst in tugētlicher ebūg. darumb solt du nit ablassē. wan̄ die arbeit ist dir dannoch verdienstlich. vñ mit der arbeit verdienst du den lon od̄ die frucht. Dar vñ vbe dich vñ arbait gedultiglich es wirt zu seinē zeitē d̄ arbit lonē. Für das ist zu wissen dz ettlich vmbstend od̄ sache sind. die dz gebett in sundheit gott dem herrē angeneim vñ wolgefellig. vñ vor im erhölich vñ dem mēschē fruchteber vñ verdienstlich machen. Als dy betrachtung d̄ göttlichen maiestat. auß der. der mensch bewegt wirt zu ere erbietung. Item betrachtung aigner fürffrigkēyt

Von der betrachtung des

vnd vnwürdigkeit. Das den menschen be-
wegt zu demütigkeit vñ zehitzigkeit des
gebetes. Daz er C. wenn er sein not. verfer-
lichkeit. maniqueltige geprechlichkeit.
vñ die sorgfältigkeit. in der er vmb seier
vngewissenheit wilē. steet vñ bedēckt. als
er den nit wayffet. ob er in der gnad got-
tes sey. od mit. vñ ob er dasselb auch wes-
ste. Daz er in der gnad gottes were. so ist
er doch nit gewyß. wie er in seinem letz-
tē end gefundē werd. Daz er in sich selbs
schlahe. vñ lern erkennen. wie vast er der
gnadē gottes bedürffe. Dañ betrachtung
söllicher ding bewegt den mensche. das
er hitziglich mit grosser begyrd bettet.
vñ die barmhertzigkeit gottes anrufft.
vñ das selb hilfft auch zu der kraft des
gebettes. Ich will hie geschweygē gros-
ses glaubēs. vñ d sundern liebe zu d got-
liche ere. vñ vil anders. Daz zu krefftigem
gebett gehören sol. Daz sey allein hie ge-
meldet. Daz vntter mancherlay gebettes
ein geschlecht ist. Daz vor andē gar kreff-
tig sol sein. vñd gleicht sich in etlicher
weise d beschwerung zu. Die dy menschen
gegē eināder prauchē. wen einer den an-
dern auff das höhst dunge will. Daz er yn
erhöre soll. als wir yn dem achte capitel
Thobie lesen. vnd darnach in dem neun-
dē. Daz Thobias zum engel sprach. Du
sihst wol wie mich raguel beschworē hat.
Des beschwerung ich nit verachten mag.
als ob er sprechē wolte. Des er mich mit
beschwerung gebettē hat. Daz mag ich ym
nit versagen. Des gleichē. da die iudē vn-
sern herren auff daz allerhöhst zwingen
wolte. Daz er ynen veriehen solt. Das sy yn
fragtē. Da stund d bischof. auf. vñ sprach
zu im. Ich beschwer dich bey dem lebēdi-
gen gott. das du vns sagst. ob du des be-
deyten gottes sun seyst. vñ mit dem selb-

ben lieb sich d herr zwingen. Aber das
ein mensch seinen obern also nöten vnd
zwingen will. Daz ist sündt. vñ zuuoran ge-
gē got dem herrē. gegē dem man yn lei-
erlay sach diser weys geprauchē sol. Dañ
es ist wider die zucht. ere. vñ vnttertenig-
keit. Die mā gegē der göttliche maiestat
haltē sol. Aber so wir nit als in zwingen
der weise mit gott redē füllen. so ist vns
für die selbē weise ein bittende form ge-
gebē. Die dy selbē kraft hat. vñ doch mit
züchtē on vnere ist. vntter andern weise
des gebettes. Darum so geet die mayn-
ung des gantzē vorgeendē büchleis für-
derlich darauff. Die weis pflegt die
cristenheit zefüren. So sy spricht in d la-
zin. Durch des sacramēts willē seiner
menschwerdung erlös vns herr. Durch
seiner zukunfft willē erlös vnns herr.
Durch deier gepurt willē erlös vns herr.
Durch des taufs vñ deier heyligē vastē
willē erlös vns herr. Durch des creütz-
es vñ deines leydens willē vñ d gleichen
Jre vñ d weys willen. od nach ir. pflegt
man die gebett. die mā zu dem vater sch-
licht od spricht. also zu enden. Durch cri-
stū vnsern herrē. od durch vnsern herren
ihesum cristū deine sun zc. Vñ also hast
du daz die heilig cristlich kirch ir gebett
gewöhnlich pflegt zebeschliessē mit diser
weise. zu einem zeichē daz grosse kraft in
diser weis beschlossē ist. Vnd so die
maynung dises gantzen büchleins für-
derlich darauf geet. vñ dienet darzu. so mag
stu wol mercken. wie nütz vñ hailfam es
sey. daz mā sich daryn vbe vñ oft prauche.
vñ allweg als bald hab. auff daz. das mā
es müg prauchē. so mā muß od zeit hat.
allermeist diser nachuolgendē gebet od
betrachtung halb. Die mā auch i sundheyt
beseyts mōcht herauf schreyben. mit dē

leidens cristi in gebets weisz

kyrleypson. vnd Et in terra. Das man sy zu zeitt vber seher vnd lese das mā et was andacht oder guter gedanken vñ begird dar auß schöpfte. Es ist auch zu wissen. das ettliche wort vor ettliche gebetten geen. die in ynē oder in irer bedeutung sölliche ding oder eigenschaft gottes beschliessen. Durch der selben gedechtnus oder veriehung willenn. Das gebett gott dem herren dester angemer. vnd desselben halb dester crefftiger. vnd dem menschen dester verdienstlicher vnd fruchtbarer wirt. an wer wol dz mā die selbē grüntlich verstünde aber ir auflegung machet dise vorred gar lüg. Item ettliche gebett werden zu der person gottes des vaters gericht. den man bitt vnd anrufft vmb des verdiensts willen des sunes. Ettlich sind gericht zu der person des suns. aber mā mag die selbē eigenschaft vmbkerē. doch mit söllicher vntterscheid. das man die eigenschaft oder zu eiqung der personē auch wend. wen man die personen veruandelt. vnd das gantz gebet richte. das söllich verendrung mit vermengung vñ vnordnung bringe. wer diser bescheydenheyt oder solliches vntterscheides nit weyß. dem rat ich. dz er bey der form beleiβ die hie entworffen ist. vnd das mich die eyufeligen mercken. wie ich es main. wen mā das gebette zu der person des vatters richt. so bitt man yn vmb seins suns od vmb des suns tugend vnd gedult willē. vnd der gleichen. vnd mag ym das ver dienen desselben seins suns fürhalten vnd opfern. vnd söllich weyse sol mā mit führen. wen man das gebett zu dem sun richt. also. man soll den sun nit bittē vñ seins suns willē. oder vmb seines sunes gedult oder verdiensts willen. dan d sun

hat keinen sun. sund wenn man den sun will bitten oder anruffen. so soll mā yn nit bey seinem sun. oder seines sunes tugent oder gedult manē. sinder bey seiner eignē tugēd vñ gedult. Es ist auch gepürlich. das man bey der person beleiβe. als wenn einer zu got redt. als zu der andern person. das er nit als von d dritten person rede. er wöll denn von eyner person zu der andern reden. als zu der person des vaters. von der person des suns. oder widerümb. vnd das setz ich hie zu einer warnung. Wan ich hab es erfahren vnd gesehen. das in sölliche dingen auch von den. die da soltē gelert sein. geirret wirt. Das man das merckē so merck auff. wenn man also spricht.

O milter herr ihesu crist. d vmb vnsers heyls willen an dem creütz. gehangen ist. ich bitte dich vñ der größe willen. des leidens vnd der gedult die vnser herr vñ d schöpfer für vns gelitten hat. erbarm dich vber vns. milter vater vmb ihesus willen vnnsers herren. Das laut vbel. dz mā die personē also durch einander mengt. vnd ist ein zeichen das eins seiner wort nit war nymmet od nit versteet. Darümb soll man merckenn zu welcher person man das gebett richte. vñ soll von der selben person nit als vō der dritten reden. vnd die personen der heilige drifeltigkeit nit vermischē. Darümb in dem eegemelten gebet sollt man also sprechē. O milter herr ihesu crist der du vmb vnsers heils wille an dē creütz gehangen pist. ich bitte dich vñ der größe willen des leidens vñ der gedult. die du vnser herr vñ schöpfer für vns gelitten hast. erbarm dich vber vns milter erlöser. vñ deiner tugend willen. oder dē gleichen. Den anfang. der

Von der betrachtung des

hernachfolget in oder vor dem erstem gebett. möchtest du wol zu zeitte prau- chen. wann er beschleüßet ye in ym söllis- che ding. die got dem herren erlich sein vnd deshalben angemen. Wann sie vers- iehen oder begreiffen in yne sölliche ey- genschafft. durch die sy göttlich maie- stat größlich erhebt vnd erhöht wirt in dem gemüt des menschen. ð sy betracht vñ ettwas versteet Item sy begreiffen in ynen. das dich zu andacht vnd demü- tigkeit bewegt. als das gott der herre dein schöpfer ist. vnd du sein werck vnd creatur. das du arm vñ dürfftig bist. vñ er barmhertzig. das er dein herre vñ dein gantz geweltig ist. vnd du sein ey- gen. vnd zu seinem dienst verpundē pist Das er mit recht mit dir thun mag. wz er will. vnd du hast kein sach wider yne zuclagen. noch macht dich zewideren. Das er sich erbarmen mag. vber wen er will. vñ auch verlassen wen er will. wann er mag freylich mit seiner creatur thun. was er will zu seinē lob nach seinē wol- gefallen. Vnd was er vns guttes thut das thut er auß seinen gnaden vñ barm- hertzigkeit. Darumb wir ym zedankenn haben. vnd kunden ym nit gnug danckē zc. Vil der gleichen vñ höhers vnd tief- fers ist in disen worten begriffen. dar- durch die götlich maiestat erhöht wirt. das ich vmb grobigkeit vñ vndankber- keit od vnuolkenheit willen ettlicher menschen nit wol getarr an das recht legen. die da mainen got den herren zu einem schuldner zehaben. vñ wissen we- nig zgedencken von der vbergeenden vbertrefflichkeit vñ unbegreyflichen höhe seiner maiestat. welche. so die ken- neten sehen. das sy got dem herrē soull- mer schuldig wern. souil sy mer mainen

das er ynen schuldig sey. vnd sehen. das er yne nichts schuldig ist. vmb ire werck denn pen. die sie ym gern möchte lassen farn. Dz sey gnug wid sölliche. Vñ folgen hernach in gebettes vñ anruf- fens weis. ettlich betrachtung von ettli- chen gegenwürffen des leidens vnser herren ihesu cristi. Vnd zum ersten von den ersten zu der person gottes des va- ters von der person des sunes. Vor wel- hen ettwas geet. vñ der vbertrefflich- keit der götlichen maiestat zuuoran der allmechtigkeit halb. Aber darumb das es zulang würde. wenn man also den göt- lichen eigenschafften wolt nach geden- cken. wiewol es nütz vnd gut wer. wann darinne steet das hoch edel vnd verdiest- lich schawend lebē. vñ bewegt sölliche betrachtung den menschen zu der des- mütigkeit vnd zu der ere der götlichen maiestat. so wirt es doch vmb der kurtz- willen abgeprochen.

O barmhertziger schöpfer. heil- ger herr allmechtiger vater. ewi- ger got. vmb der endlosen vngemessen- heit wille deines adels. deiner seligkeit. deiner maiestat. aller deiner ymmer vn- uerwandelt beleiender. wesenlicher. vn- geendte volkommenheit. vmb deiner end- losen macht willen. durch die alle ding so gar vñ gantzlichen in deinem gewalt steen. dz auch die ding. die nit sind. müs- sen deinē wille vntterworffen sein. war- zu du wilt. wann sy müssen sein od wer- den. wann du wilt. vnd was du wilt. vñ war zu du sy prauchē wilt. dar zu hastu so gut recht. vñ vollen gewalt. das nye- mandt sprechen mag. warumb thust du also. vnd als nichts sich weren mag. das es nit werde. wen du wilt. das es werd. Also mag nichts werde du wöllest den.

leidens cristi in gebets weisz

Das es werd vnd als nichtz mag werde.
 Du wöllest es dann. also mag nichts anders werden. dann das du wilst. nichts mag grössers. edlers. oder höhers werden. dann du wilst. vñ wie nichts on deynen willen werde mag. also mag nichts beleiße. Du aufenthaltest es dan. vñ wie aller ding werde vñ wesen in deine gewalt steet. also steet alles ir muge. alles ir wircken. alle crefft auch der vernünftige creatur. alles ir wissen. all ir begird all ir glück. all ir heil. in deinem gewalt. vnd ye mer du natürlichs liechts der selben creatur für andere verlihen hast. ye mer sy on das liecht deiner gnaden vertunckelt wirt. ye weiser sy sich dunckt on dein erkentnis. ye mer sy betört wirt. ye freyer sy von deine gesetzen will sein. ye gefangner sy ist. ye mynder sy deine willen vntterworffenn sein. ye mer sy muß vntterworffenn sein. wann ye mynder sy vntterworffenn wil sein deinem gebietten den willen zu volbringung ires willens. ye mer sy muß vntterworffenn werden deinem büssende willen wider allen ire mutwillige willen. dann wer dein diener mit will sein. d muß seines tods feinds des bösen geistes vñ seiner knecht diener sein. wer mit dein tepel will sein. der muß des vnreinen bösen feinds priuete sein. vñ kurtzlich wer dich verachtet. der muß von allen creaturen verachtet vnd durchhecht werde. wan ye höher d mensch on dich will sei. ye mer er genydet wirt. ye stercker er will sei. ye schwächer er ist. wan ye geweltiger er ist. ye mind er den vntugendē vñ zuuor der hohfart. die alles gut vntterdrückt. widersteen mag. vber welchen die selb herschet vñ vntterzeuht in der gehorsame. die er dir herre got schuldig ist. ye mechtiger er denn ist

vnd will sein. in diser werlt on got. ye vnmügender er ist in der warheyt. ye reich er. ye ermer. ye geerter ye geschēdter. ye edler. ye schnöder. ye glücklicheliger. ye vnglückhafter vñ kurtzlich zeredē. ye seliger er scheynt sein. ye vnseeliger ist er.
 O herre got das du vns das einleisch tete. als es in der warheyt ist. dz wir es erkennen. das wir es betrachtēt. wie crefftiglich dein macht stetiglich widerstrebt den hohfertigen. wie streng dein gerechtigkeit ist vber die verberten vñ barmhertigen tyrannen. wir demütigt vns oft anders vor deiner maiestat. dē wir thun.
 Die obgeschribenenn betrachtung magst du lesen das du selber doch ein wenig merckst. was bey d endlosen macht gottes gemaint werd.
 So aber das gebett kurtz soll sein. auff das das der mensch nit verdröffen werde. vñd verliet die andacht. so muß ich es verkürtzē. vñ ob es alles mit einander zusammen genummen. lang scheint. so ist doch oben gemeldt. das man ye ein wenig für sich neme. vñd auß dem selben ein mainung schöpfen soll. die man zu zeitten prauchen mug in gebetes weisz. wenn du in nachfolgenden betrachtungen oder gebetten etwas gedencst od meldest von den götliche vollkommenheiten. so ist es fast gut zu vbung der demütigkeit vnd zu reitzung der andacht. dz du zum myndsten in den gedanken. od in deiner mainung gegen den selb vollkommenheiten haltest dein manigfaltig vñ widerwertig geprechenlichkeit. vñ begereest in dem grund deines hertzen. das sich got der herre vmb seiner vollkommenheit willen. vber dein geprechenlichkeit wölle erbarmen. als das du mich merckst wenn du sprichst. Vñ deines

Von der betrachtung des

endlosen adels willen. So gedenc̃ dar
bey. oder hab es in der heimlichen may-
ñg̃ deines gemütes. ob du es auch nit
aussprichst mit den Worten des munds.
Erbarm dich vber mich ṽnd verwürff
mich nit meines sch̃nd̃en werdens od̃
vrsprungs halben. Vñ werest du al-
so demütig. das du dz oder d̃sgleich̃e
hinzu setzest. ob es dir auch eiñe gr̃aw̃e
machet. so demütiget es doch dich vor
got seine herren. von dem die geschrift
der alten ṽnd der neuen es spricht. dz er
den h̃offertigen widersteet ṽnd gibe
gnad den demütigen. Nach d̃e ich
laider sch̃nd̃oder bin. den die vberflüssig-
keit des h̃irns. dz mit verachtig h̃inge-
worffen. ṽnd mit grossen gr̃awen geses-
hen. ṽnd mit eylen vertreten wirt. das
man es nit sehe. Also muß ich ṽmb der
sch̃nd̃igkeit meines vrsprungs. vñ ṽm
der s̃ünd̃ wollen entlich h̃ingerhan. ṽnd
vntter die erden verscharr̃et. vñ verbor-
gen werden. das ich dem gesicht ṽnd d̃e
geruch der lebendigen nit eiñe gr̃awen
mach. vñ dein barmhertzigkeit sey dar-
vor. das die sel. die du nach deinem bild
geschaffenn hast. nit als ein vnfrucht-
bers vnertigs holtz in das feur geworff-
en werde. ṽnd an dem iungsten tag. so
leib vñ sel wider zusammen k̃amen wirt. o
herr so erzeig dein gütigkeit. dz sy bey-
de nit als ein giftigs nater vnzifer. in
das hellisch feur h̃ingeworffen werde.
Sih an ewige gutheit. sih an mit d̃e mil-
ten aug̃ deiner barmhertzigkeit. zu was
sch̃nd̃igkeit vns die s̃ünd̃ vnser eltern
gepr̃acht hat. ṽnd hab erbernde vber
ṽnser verfertlichkeit. durch deines aller-
edelsten sunes demütigkeit. der vnns in
seinem heilig̃e plute geadelet. vñ kostper
gemacht hat. Also weñ du ged̃eckst

seiner seligkeit. so b̃eger das er sich ṽmb
der selben willen erbarme vber dein ar-
beit̃seligkeit. vñ vñseligkeit. waist du nit
wie vñselig du seyst oder w̃z vñseligkeit
sey. so waist er es aber. wilt du es auch
wissen so laß dir lesenn das gantz buch
des hab̃stes Innocency. von der sch̃nd̃-
igkeit vñ vñseligkeit menschlicher art.
so zeygt er dir das. das du stets an dir
selbs trest vñ leidest. vñ sihst es nit. al-
so wenn du gedenc̃st seiner maiestat. so
b̃eger das er sich erbarm vber dein vn-
terworffenheit. bey seiner voll̃m̃eheyte
b̃eger erbernde. vber dein geprechlich-
keit. bey seiner macht. erbernde. vber
dein pl̃ödigkeit. bey seiner h̃oh̃e würdig-
keit. erbernd vber dein verworffenheit.
od̃ vñwürdigkeit. bey seiner heiligkeit be-
gere vñ bitt erbernde vber deĩe s̃ünd̃lich-
keit. das du also schwach pist den s̃ünd̃e
zewidersteen. ṽnd der gleichen thu in al-
len andern oder in ettlichem. die du al-
lerb̃ast erkennst. so enpfahst du manig-
feltig frucht̃ daon.

Betrachtung etlicher artickel des
leidens vñsers herren in gebets weyse
zu der person des vaters ṽo der person
des suns.

O Barmhertziger schöpfer heil-
ger herr. allmechtiger vater. ewi-
ger got. ṽmb der endlosen h̃oh̃e vñ gr̃ös-
se willeñ deins adels. deiner seligkeit.
deiner maiestat. ṽnd aller deiner ṽöll̃n-
menheit. Ṽmb deiner endlosen mache
willen. Ṽmb der vñerr̃acklichen vber-
treff̃enlichkeit willen. der h̃oh̃e deiner
gotheit. ṽnd aller maiestatlich̃sten ṽnd
ersten vrspr̃unglichkeit aller wesenlich-
keit. ṽnd geschaffnen gutheit. von der
wegen dich alle irdischen. ṽnd himlisch̃
en gewelt vñ hersch̃agen er̃e vñ anbet̃e

leidens cristi in gebets weisz

sollen. Umb deiner unbegreifliche wir-
 digkeit vnd kostperkeit willen. gegē der
 oder vō d wege. nichtz so edel ist. nichtz
 so hoch ist. so würdig. oder so heilig ist. dz
 es für etwas gehalten sey. denn als vil
 vñd weit du wilt. Darumb verschwin-
 det vor dir alle größe. aller gewalt muß
 sich vor deinē gewalt fürchten. alle ere
 vnd würdigkeit schemē. alle höhe neigē.
 alle auffgerechtigkeit buckenn. alle vn-
 schuld vnd menschlich gerechtigkeit be-
 sorgen. alle heiligkeit vnd maiestat muß
 dich anbetten. Wann auch alle werltli-
 che weisheit ist vor dir ein totheit. alle
 macht ein pfödigkeit. alle gerechtigkeit
 gegen der deinen. ein vngerechtigkeit.
 So dan kein lebēdiger mensch sich vor
 dir rechtfertigen mag. oder getarr. o er
 schröcklicher herr aller herren. so bit-
 tenn wir dein dürftige creaturen. dein
 barmhertzigkeit. vmb aller deiner ege-
 melten vñd aller andern volkommenhe-
 ten auch vmb deiner miltmütigkeit wil-
 len. durch die du dich. vber deine crea-
 tur allermeyst vernunftiger natur. als
 vber deine sūder gemainte vnd gelieb-
 te werck. wenn sy dich anrufft. souil mer
 erbarmst. souil sy on dein sund gnad el-
 lender vnd vnseiger ist. es sey denn dz
 sy durch dei barmhertzigkeit zu dir irē
 end. zu dem du sy beschaffenn hast. ent-
 lichen kumen werde. Umb deiner gut-
 heit willen durch die du dich selbs der
 selbē vernunftigē creatur zenyessen be-
 reit. vñ sy dar zu vñ darumb beschaffen
 hast. das sy in der anschawung deiner
 schonheit. in der niessung deiner süßig-
 keit. in gewisser sichern haltung söllich-
 er freudenreicher nyessung. durch die
 ewigkeit warlich geseliget wird. Vñ
 der sundern gutwilligkeit willen. die du

beweyst. den. die in deinen eingepor-
 nen allerliebsten vnd liebhabenden sun
 glauben vnd hoffen. Umb deines aller-
 miltstē rates willen. durch den. du den
 selben deinē ewigē sun ein sölliche sam-
 lung von menschlicher natur hast wöl-
 len bereitte. die yn souil lieber vñ lieber
 hette. souil sy mer sach der liebe in yn
 fünde. die sich souil mer in yn fremete
 vñ yn souil danck berer wer. souil sy vō
 mer vñ grössern obeln durch yn erlöset
 vnd zu grössern gut durch yn kummern
 wer. Umb seines ewigen vnunterge-
 prochnen fürsatzes willen. durch den er
 für die selben samlung C die du yn als
 ein geliebte praut durch in bereitte wol-
 test zu deiner ere vnd dir wol zugefallē.
 Darumb das sy dein werck wer durch in
 von dir beschaffen C leiden vnd sterbē
 wolt. Umb deiner angemenigkeit wil-
 len. durch die du einen sölliche grossen
 wolgefallen in dem selben fürsatz ge-
 habt hast. dz du alle die. dy dasselb für-
 genūmen leidē verachtetē auch verach-
 ten vñ von deinē angefiht vñ der warē
 seligkeit verwerffen vñ verdammē wol-
 test. wie edel hoh vnd würdig sy ymmer
 weren. vñd alle die dy dasselb ereten.
 dē verdienst desselben sich vntterwürf-
 fen. in dasselb glaubten. vnd hoffnetē.
 nach deinem fürnemen. die hast du zu
 gnaden vñ zu der ewigen seligkeit wöl-
 len aufnehmen. wie schlecht vnd vnacht-
 ber sy weren. als das vorhin in den. en-
 geln wol erschynen ist. vnd erscheynt in
 den menschen teglich. Wann den als
 lerschönesten vñd allerhöchsten vntter
 allen himlischen geisten. hast du mit al-
 len den. die yn angehangen sind. vō dē
 himel vñ vō deinen gnaden verstoffen.
 Darumb dz er sich der würdigkeit. die du
 Ee iij

Von der Betrachtung des

Der menschlichen natur in deine sun be-
reit hest vntterfahen. vnd sich dem ver-
dienst der demütigkeit desselben deys-
nes suns in vnser natur mit vntterwerf-
fen wolt. Desgleichen ist kein mensch.
er sey könig oder keyser. ye so weys od-
so tugenthafft gewesen. Das er dir on-
diz mittel wolgefalle möcht. Kei mensch
ist ye so arm vñ einfeltig gewesen. Dem
du sei gnad versagt habst. so er sich de
verdienst des leides deines suns durch
andechtig annemen seiner sacramēt de-
mütiglich vntterworffenn hat. So lieb
vñ so werd hast du deinen warē sun. so
hoch achtest du sein demütigkeit. so ein
groß wolgefallen hast du von ewigkeit
gehabt in seine fürsatz. Vmb sollich
grosses wolgefallens willen. das du ge-
habt hast in der künfftigen gehorsame
deines allererentreichstē suns. vñ hast
es nun vñ ewiglich in der vergangnen.
wiewol dir alle ding gegenwertig. vnd
nichts künfftig oder vergangē ist. Dar-
umb auch dein wolgefallē in den zeit-
lichen wercken vñ tugentlichen vbungē
deines allerliebsten sunes vnser herrē
ewig ist. Vmb sollich wolgefallē vñ
vmb aller der ding willen. die oben ge-
meldt sind. Bitt ich dich barmhertziger
vater. erbarm dich vber mich. Ich kein
andere fürderliche hoffnung vñ zuver-
sicht hab. Denn in dasselb verdienen des
leidens deines allerliebste suns. vnd in
dein heilige barmhertzigkeit. Durch dz
verdienen vnd fürbittē der iunckfrawē
mutter deines suns. vnd so du mich auch
der selben nature hast wöllen machen.
die du in deinem sun vber all ander cre-
atur erhöhen vñ würdigē. vnd yne in ir
demütigen. vnd vmb verdienstes willen

Der selben demütigūg. alle die selig ma-
chen woltest. die sy selben demütigung
ereten. liebeten. vñ mit lob vñ danckber-
keit vber alles das. das ye in der zeit be-
schehen ist. erhöbē. vnd woltest deinem
sun von der selbenn nature ein gespons
bereiten. in der er geeret. vnd die in ym
ewiglich geseliget wurd. welche natur
er auch in einigkeit seiner götlichen per-
son nemen wolt. vnd wolt sy in ym auch
vber alle englisches natur erhöhen. vñ al-
le die. sy ired genossen werenn. Darmit
C wñ sy ym durch die lieb anhängē. D
erfrewen vnd würdigē. So du dan auß
deiner miligkeit mich unwürdigē auch
der selben natur gemacht hast. vnd hast
mir darzu die gnad verlichenn. das ich
durch den waren glauben dein liebe zu
der selben vnser natur erkent hab. vñnd
bin durch das sacrament des glaubē
auch worden ein glied der heiligen sam-
lung der cristenlichen kirchen. die du in
deinem sun so lieb hast. Darumb ich dich
ewiglich beger zedäcken. so bitt ich dich
allermiltster herr. das du mich in einig-
keit der selbenn kirchen. vñnd in ewiger
liebe deines suns halten. vñnd behalten
wöllest. vñnd wöllest dein mylte meinūg
auß der du vns so manigfelliglich mit
deinem sun. vñnd yn mit vns. vñnd vnns
durch yn. miteinander verpinden. vñ zu-
samen hast wöllen knüpfen C das wir
manigfellig sach der liebe gegen ym vñ
vmb seinen willen gegen einander herē.
auß welchen sachē der liebe vnser freud
in yener werlt gegen einander gemanig-
felliget wurd C an mir armen nit lassen
gehindert werden. Auf welcher milten
meinung du allerbester herr. d du so gut
bist. dz du kein vbel verhengest. du wist

leidens cristi in gebets weisz

test denn ettwas gutes od bessers dar
 auß zelesen. auch C nit on milt sach C nit
 ein wenig vbelß vber vns verhegt hast.
 Das sollich vbel deinen auferwelten zu
 grösserm gut diene. Das sy nit allein sa-
 chen hetten der liebe. vnd sich zu freu-
 en in deinem geliebten sun. als in irē vr-
 sprung. in dem sy von ewigkeit werē ge-
 wesen. nach weis der form. nach der sy
 solten werden. auß dem sy weren. durch
 die schöpfung. wann sy sind auß gewalt
 des willens deines suns. welcher wille
 auch dein ist. wan dein will. vñ sein will.
 ist ein will. als dein vñ sein substanz oder
 wesen eis ist. aber die einigkeit ewig we-
 sens machet. dz vnser einigkeit zu euch
 dester grösser ist. dann wer es möglich.
 Das du vns beschaffen hettest. vnd nit
 durch yn. als durch dein krafft od weis-
 heit oder geistliche hand. noch nach ym.
 als deinem pild vnd vnserm exemplar.
 oder ebēpild. nach dem wir beschaffen
 sind. noch zu ym. als zu dem wir vns wi-
 derumb kēren sollen. noch vmb seinen
 willen. als vmb des eren willen wir be-
 schaffen sind. vnd vil der gleichen. wo
 der eins on die ādern möchte sein. so ge-
 hörten wir ym doch grösslich vnd na-
 hend zu. darumb das wir auß dir werē.
 der du so ein nahēder vater deinem sun
 bist. also. ob du nit der sun bist. so bist du
 doch das. das der sun ist. dz ist souil ge-
 meint. Bist du nit die person des suns.
 so bist du doch mit im eins wesens oder
 ein wesen. vnd ein got. welcher einigkeit
 gleichen in den creaturen nit gefunden
 mag werdenn. darumb wir nit begreiff-
 en mügen. wie nahend wir deinem sun
 zugehortenn. wenn wir das. das doch
 unmöglich ist. in der pildung setzen. das

wir von dir. das ist. auß dir werenn. nit
 durch yn. oder nach ym. od auch auß ym
 Aber so wir nun auch auß ym sind. als
 auß dir. vnd durch yn. vnd nach ym. vñ
 zu ym. vnd vñ seinen willen. vñ in ym. vñ
 für yn. vnd in yne. Das alles materien
 gibt vnd geben wirt. der preit. die du
 ym bereitest der liebe zu ym. vnd der
 freud in ym. wann auß solchem sachen
 folgt hernach. Das er als ir vater. ir vr-
 sprung. ir ebenpild. ir gegenwurff. ir
 preitgam. ir auffenthalter. ir end. ir
 pruder. vnd sy gegen ym als sein schwe-
 ster. sein nachpild. ya sein gespons oder
 geistliche praut ist. vnd kurtzlich ein ye-
 gliche eigenschafft in christo hat irē ge-
 genhalt in der kirchenn oder samlung d
 auferwelten. Aber o allerweissster res-
 gierer aller creature. du hast dich an sol-
 lichen grossen sachen der pillichen liebe
 vnd freuden nit lassen benügen. sunder
 außrat deiner unerförschlichen weis-
 heit C zu beweyhung deiner allmechtig-
 keit. weisheit. guthait vnd gerechtig-
 keit C wollen verhengē. Das der mensch
 angefochten. vnd von dem feind seins
 heiles. vnd seiner eren. betrogen. ver-
 furt. vnd vnzelichen vbeln vntterworf-
 fen würde. auff das. das er deines suns
 seins vrsprunges vnd liebhabers zu ey-
 nē helffer. erlöser. fürfechter. fürgnug-
 thuner. vnd widerbringer bedörffte.
 darzu nott würd sein. das er des mesch-
 en C solt dz alles ordentlich beschē C
 natur ansich neme. auff das. dz dir vñ d
 selbē natur gnug beschē. die dich vñ
 geeret het. vñ auch d böß feind. vñ d na-
 tur überwünde würd. die er vor het vber-
 wundenn. Das also die selb natur wider
 zu irer ere kēme. vnd also menschlicher
 Ee iij

nature sach gegeben wurd. Der liebe zu
deine sun. nit allein als zu nem schöpfer
vñ vrsprung. auß dem sy wer. vñ als
zu irem end. zu dem sy wer. vñ d̄ gleichē
als obē gemeldet ist. sunder das sy auch
sach het der liebe zu ym. als zu irem er
löser. vñ als zu dē. der in ir. auß ir. vō ir.
nach ir. zu ir. vñ ir en willē. vñ in sy wer.
vñ vō dem sy wer. Wan er ist in dē pa
triarchē gewesen. nach dē vrsprung der
leiplichen substätz. Er ist auß yne. wan
auß d̄ iunckfrawē maria geporn. Auch
ist er auß yne. das ist. auß dem verdieft
irer grossen begirde vñ irer tugētlīchē
werck. mit den sy verdient habē. das er
menschlich natur von yne. dz ist. vō irē
geschlechte ansich neme. Er ist von ir.
das ist. vō der substantz mēschlicher na
tur. wan sein heiliger leib ist geformirt
wordē vō dem reinē plut der iunckfrau
en marie. die von den patriarchen her
kumpt. Er ist nach der menschlichē na
tur. wan er hat adams vñ mēschlich ge
stalt an sich genūmen. durch die er den
menschen gleich ist wordē. vñ seiner mu
ter enlich. Er ist zu ir wordē. wan er hat
sich gantz gekert zu irer liebe. zu irem
nutz. ir heil zeschaffen. vñ als wir singē
in dem grossen glaubē. vñ vns mēschē
vñ vñ vñsers heils willen ist er von den
himeln herab gestyge. vñ in dem fleisch
empfangē worden. von dē heiligē geist.
auß maria der iunckfrawen empfangē.
vñ mensch worden. vñ also ist er auch in
sy. das ist. in die menschlichē natur wor
den. nit das die götlich natur. die vñ
uerwandlich ist. in die mēschlich ver
wandelt sey. sunder darum dz er warer
got. mensch ist wordē. das ist. ware men
schlich natur gantz an sich genūmē hat

Vñ das er den menschē ym noch neher
machte. so hat er den menschen gleich
als auß seinem hertze gepere oder wöl
len geporn vñd von seinem plut vñd
fleisch generet werden. Also hat er wöl
lenn. das der mensch nit allein auß ym.
sunder auch von ym wer. Vñd nit als
lein hat er vñs wöllenn zu pruden vñ
zu kindern habenn. sunder er hat auch
ein kind wöllenn werdenn menschlich
er natur. die dy eltern mer neygt zu der
liebe der kinder. den hinwiderumb auff
das. ob der vñdancber mensch durch
eins oder etlich nit gezogen würde.
das er doch durch die andern ob durch
vil. wenn er sy betrachtet. zu seiner
liebe würd beweget. Vñd ob ander
creaturen der erstenn etlich mit dem
menschen gemayn habenn. als das
sy auß dir. durch deinen sun seyen. so
ist es doch nit dē gleichenn als mit dē
menschen dann sind es vñuernunftig.
creaturen. so sind sy nit für sich. oder
vñb ir selbs willen gemaint. sunder vñ
des menschen willen. vñd sind auch nit
nach deinem sun in söllicher weis als d̄
mensch. Dann sy sind nit nach ym ge
pildet. noch deiner gleychnus empfen
glich. das sy dich erkennen. liebhaben
vñd nyessenn mūgenn. deshalbenn sy
auch nit zu dir. oder deinen sun zeliē
zenyessen zefrolockenn mit vernunfti
ger freud. in ym. vñ zelobē wordē sind.
sunder das sy dem mēschen vrsach vñd
materi weren. dich zeloben vñ dir zedan
cken. Sind sy aber vernunftig vñ verstet
lich. als die engel. so sind sy eigētlīch ze
rede. mit vō deine sun. dan sy werde nit
wiß geporn auß seine plut vñ geist. als
der mensch der getauft wirt. er ist auch

leidens cristi in gebets weisz

mit von ynen als von den menschen. vnd
 der gleichem möcht man vil erzelem.
 Darumb aller süßister herr vnd got. so
 finde wir kein creatur. die deinem aller
 liebsten sun. vñ durch yn dir. o himlisch
 er vater so nahet vñ so manigfaltiglich
 zu gehöre. als die menschlich. besunder
 der glaubigē halben. Deshalbe dir keyn
 creatur also verpundē. verpflichtet. vnd so
 schuldig. Ich lieb zehabē dir zedie
 nen. dich zu eren. dir zedankem. in dir
 sich zefrewen. dir anzehangen. mit dir
 sich zebekümmern. als die menschlich na
 tur. Vñ sih an herr. was soll ich sagen.
 Das ein schand vnd grawen ist zegeden
 cken. Die warheit. vnd die offenberlich
 gewisheit zwingt mich. dz ich dz muß
 bekennen. Darumb mich mein gewissen
 nit mag nit verdemlichē vrtellen. dz ist.
 Das ich der verdammus nit würdig sey.
 Cnach rechter gerechtigkeit > wz kan
 ich anders sagen. dan die lauttere war
 heit. dz layder C darüber sich dei hertz
 miltmütigkeit wölle mer erbarmen. den
 dein gerechtigkeit zürnen. vñ vnser an
 gepowen bößheit willen. wider die vns
 oft weder kunst noch gutwilligkeit be
 schützen mag C kein creatur ist. die ge
 gen dir so grob. so vnersam. so vndäck
 ber. so abgeckert. so herrt. so vnuerstāde.
 vñ kurtzlich zeredē so mutwillig. so wid
 spenstig. vnd verkert sey. als der mēsch.
 vnd die gewöhnlichen allermeist. den du
 allermeist guts vō aussen thust. so doch
 vnser höchster adel daran steet. Das wir
 dich o allerwünlichster herre mügen
 erkennen. haben vnd nyessen. Nun seh
 wer da wöll. wie strelich wir seyen. wie
 fast wir deier barmhertzigkeit bedörf
 fen. Darūb milter barmhertziger gott.
 nach d̄ groß vñ menige deiner erbermd

erbarne dich vber die grobigkeit vñnd
 vile vnser missetat. vber die menige vñ
 schwere. vnser pen vñ vnseeligkeit. Dan
 es ist kein grösser vnseeligkeit dann böß
 sein. vñ stetigs die pen wölle stichē. vnd
 doch allweg thun. Darumb man die pen
 muß leidē. stetigs wölle lebe. vñ dē tod
 aufziehē. vñ doch stets wölle pflegē der
 ding. durch der willē man grössere pen
 mit dem ewigē tod muß wartē. Vñ so
 kei grössere vnfeld ist. den die sünd lieb
 habē. so folgt hernach das wir mit des
 ster mynd vnseeliger sind. dz wir sünden
 vñ böß siud. Ist nun die vnfeld ein ge
 genwurff d̄ erbermd. so sein wir armen
 souil mer zeeerbarmē. als vil wir mer mit
 sündē vñ schulde belade sind. Darumb
 allerimlastet got. on des gnad nyemand
 sich d̄ sünd erwerben mag. ker vnser vbel
 zu gut. vnsern schadē zu gewin. vnser vn
 seligkeit zu materi vñ vrsach grösserer
 seligkeit. Das wir vnns ewiglich dester
 mer in deinē allerliebste sun frewē. vñ
 yn dester hertziglicher danken. vnd yn
 auß feüriger lieb dester hitziglicher vñ
 begirlicher lobē. vñ süßiglicher niessen.
 so vil als wir mit allei grosse vnausspre
 cheliche güter vō seiner miltigkeit. vnd
 durch sei verdienē enpfahē werde. sund
 auch souil mer als vil d̄ vbel. auß den er
 vns erlöset hat. mer vñ die sūd vñ schuld
 grösser gewesen sind. Auch bitt ich dich
 herr. d̄ du d̄ endlos wag vñ vrsprünglich
 prün aller geordneter liebe pist. Deshal
 bē du die liebe in menschlich geschlecht
 seen vñ pflätzē woltest. vñ dz vnser lieb
 zu deinem sun dester grösser würde. so
 woltest du kein sach d̄ liebe aufschlies
 senn. oder vnterwegenn lassenn. Dar
 umb woltest du das dein sun menschl
 iche natur von den ansich neme. von

Von der betrachtung des

Den vil oder all menschen herkommen.
als von ysaac. vnd abraham. vñ von noe
vñ adam. auff das. dz wir mit de vātern
vnd die vāter durch yn. mit vns. vñ auch
wir. vnd die altē mit ym. durch die lieb
desten genawer verknüfft vñ desten net
her vereyniget wūrdenn. das sein vater
vñser vater. vñnd durch yn. vnd in yme.
vns als kinder lieb habē. vnd wir sy als
vāter eren wūrdenn. vmb söllicher deiner
gnedigen wūrdigkeit willen. durch die
du sölliche freundschaft den heiligen
vātern den patriarchen C von der ges
schlecht dein ewiger sun vñser natur an
sich nemen solt C beweisen. vnd in ynen
machen vñ stiften. vnd in vns. vnd and
ir nachkūmen. bis on das ende flößen.
vnd auffenth alten woltest. Auch vmb d
ere willen die du ynen angelegt hast. dz
du dich ynen vor andern hast geoffen
baret. das du die. d geschlecht du deine
sun in sunder bereit hast. als abraham.
ysaac. iacob. iudam. vnd leui. von andern
geschlechtē gesündert. vñ vor allen an
derm erwelet. sy gebenedeyet. ynen die
menschwerdūg deines liebē sunes vnd
aller geschlecht benedeyung in yme. ver
heissen hast. verleihs vns. das wir wūrdi
ge kinder deines allerliebsten suns ver
dienē zewerdē. der mit verachtet hat die
menschen zu grosvātern zehaben. Es
hat yn mit vnwūrdig gedaucht. der mens
schen kind zewerdē. dz er der menschen
kinder. zu kindern gottes C der du vnd
er mit dem heiligen geist bist C machte.
Vñ wie du dei allerhöchste sundere wūr
digkeit. das ist. die vāterlichkeit. durch
die du got zu eim sun hast. den mensche
als vil es zimlich vñ mūglich was. auß
deiner endlosen miltgebigkeit hast wōl
len mittailen. das sy auch gott zu eynem

sun gewunnen. also verleihs vns. das wir
all. durch einen deinen waren natürlich
en sunē deine zugewūnschten vñnd war
lichen liebhabende vnd ewiglich gelieb
te kinder werden. der mit dir lebt vñnd
regniert. in einigkeit des heiligen geists
ein got durch alle werlt d werltē. Amē.

Ein betrachtung in gebettes weyße
vber die fünffte eilfften. zwolffte fünf
zehenden gegenwürffe.

Derr got vater. der endlosen ewy
gen weisheit. d du die glori vñnd
ere. die künfftig gnad vñnd maiestat dey
nes eingeborne suns. durch dein vorbo
ten die heiligen propheten geoffenbar
ret vnd zu gewisheit vñsers glaubens
vorhin verkündet. vnd in geschriften ges
setzet. vñnd sein tugend vñnd heiligkeit
durch vil vorgeend gerechten. vnd auch
sein manfellig wūrdigkeit. bey den erst
gepornē sūnen. bey priestern vñnd rich
tern. bey patriarchen vñ nazareyen. bey
fürsten vnd hertzogen. bey kōnigen vñ
bischoffen. vnd bey iren taten vñnd ge
schichten sein wunderberliche werck. vñ
großtettigkeit. bey irer durchrechtig die
ynen beschēhē ist. sein verfolgūg vñ bey
irē leidē. sein gedult hast wōllen bedēut
werdē. also dz du alle wūnderwerck vñnd
grosse tat. die du durch die altē od mit
ynē ye gethā hast. solten vns zeichen vñ
anzeygūg sei. wz grosser guttat du vns
durch deine allerliebste sunē gethā hast
vñ teglich tust. od thū wirst. dz vns al
so alle geschrift auf yne vñ auf betrach
tūg seiner werck. vñ seines leidēs wyse
vñ leitete. erleuchte herre die augē vñ
fers gemütes in d warē erkētnas seiner
allerhöste wūrdigkeit. vñnd allertiefften
demütigkeit. seiner allermynn̄samesten
miltigkeit. vñ allergedultigsten sc̄nffte

leidens cristi in gebets weisz

mütigkeit. Das vns dise vñ andere seine tugēt. ober alle ding. hoch. schön. lieplich wunnsam vñ begirlich einleuchten. vñ scheinen. vñ nach zůfůlgung seiner tugenthafftigkeit anzůnden vñ reitzen. Das vns sůnst nichts gelůst. Denn vñ ym zegedencken. vñ ym lieb zehaben oder vñb seinen willenn entlich zethun. was wir 3rdenlich thun w3llen oder s3llem. Dann dir himlischer vatter mag nichts wolgefallen dan in yme. vñ durch yne. wann als du nichts gemacht hast. dan durch yne. also liebet dir nichts dann durch yne. Darumb allerh3chster vater. ze3h vñnser gedanken. sym. vñnd mit. hertz. vñnd begird. ze3h sy nit allein von allen s3ntlichen vñzimlichen vñ schedlichen dingen. sunder ze3h sy auch vñ allen eyteln vppigen f3rwitzigen vñ myn der nott3rftigen dingen. ze3h sy allein in die liebe deines allerliebsten sunes. Dann alles das wir s3chen in andern dingen. das findē wir tausentfeltiglich mer in yme. vñnd was wir mainen. dz vñs ausserthalb sein f3rdern s3lle. zu dē. dz wir begern C als zu der seligkeit C Das hindert vñs mer vñ das ist vnser grosse torheit vñ ein wunderliche vnfeld. vñ vñsinnigkeit. Das wir so beguryg synd. sch3ne ding zesehen. grosse vñnd seltzame zeh3rn. s3sse ding zeneyssen. kostpēre ding zehaben. vñ der gleichē. vñ das wir dasselb alles so gar nit allein gnugsam vñ reichlich. sund auch 3berfl3ssig. vñ so ober alle ma3 groß in deynem sun findē. dz alle vñnser creft nit gnugsam wern dasselb ze3mbegreiffen. vñnd zebeschliessen. ob sy es auch zu voller settygung zeneyssen erlangen m3gen. vñnd durch deiner gnad hilff dar ei gesendē vñ dar mit 3mbegeben werde. als die

fisch in dē meer. die allweg trincken. vñ das meer mit allem nit austrincken. sun der auch nit mindern. wie vil mer ist es. herr mit dir. dz du dz endlos wag bist. als les gutē. vñ aller s3ssikeit. so dē also ist. ist es dē nit ei iemerlich vnseeligkeit mit vñs. dz wir des gutē C besund des l3stlichē vñ n3tzē. nach vnserm bed3cken C so begirig sind. vñ m3gē es in dz rechten warheit i aller werlt nyndert findē. dan allein in deinē sun gehauffet. vñ 3bergeend. vñ w3lle es doch in yme nit s3chen. Darumb hab ich herr begert. das du vnser begirde vñ syñ. da hin ziehest. da alle sch3ne. alle freud. alles gut. vñ alle selde ist. ober dz nichtz lieplichers mag gesehen werden. nichts reichers besessen. nichts s3ssers noch lustperlichers genossenn. nichts herrlichers erfochtem. nichts begirlichers erworbe. nichts fr3lichers vñ seligers verdiēt vñ erl3gt wer dē. dz ist zu vñ in deinē allerliebste sun. dz er vñs alle ding. i alle sey. als er dan in alle geheiligetē vñ geweihtē in allen wirdigkeytē vñ 3berkeytē. bedeūt ist. dz wir alle durch in. also deine kind werde. vñ sei nachfolgēd pr3d. dz er dei erstgeborner vñ vnser nasareus sey. dz sich dir f3r vñs vñnd zu vnserm heil geheiligt hat. das er vnser hertzog sey. vñtter des laittug wir i dē geistlichē streit alle vnsern feindē m3gē angesigen. dz er vnser f3rst sey. dē wir williglich vñtterwoorffē seye. dz er vnser k3nig sey. dz g3tz in vñs. vñ ober vñs regniere. dēñ souil herschen wir mer ober alles dz. dz vñtter vñs soll sein. souil er mer ober vñs herschet. vñ so vil k3mē all vnser creft mer zu frid. souil er gētzlicher i vñs regniert. vñ souil habē wir mer vnfrides vñ widstads in vñs. so vil wir dir herre widerstendiger synd.

9
vnd so vil wir deinem sun mer dienen.
soul mer dienen vns alle ding. Darvñ
himlischer vatter. so vntterwerff vns
gantz deinem sun. Das er gantz als ein
gewaltiger König in allen vnsern creff-
ten regniere. auff das. das es alles zu
frid vnd zu rue kume. vñ er gern in vns
wone. Verleih auch das er vnser pries-
ter sey. des opfer. das er dir für vns al-
le von ym selbs geopfert hat. für vns
auch teglich vñ dir auffgenomē. durch
das vns vnser sünd verziehen. vnd gnad
erworben. tugent verlihen. alles gut ge-
geben. vnd dir. vmb alle guttet gedäckt
werd. Das er vnser bischoff sey. vñ vns
den weg zu dir bereit. der vnser steter
fürsprech vnd guter mitler vnd versüs-
ner gegen dir sey. verleih dz er auch vn-
ser barmhertziger richter sey. nach ge-
wonheit der richter. die in der alten ee.
vor den Königen sind gewesen. die mer
gut tadinghmenner zeuerrichtē warē.
den vrtailer zuuerdamme. mer fürsech-
ter des volcks zubeschirmen. denn rich-
ter zenerurteilen. Darvñ sy erlöser od
behalter des volcks auch genennt wer-
den. Nach der selbē weyse begern wir
milter herr deinen sun zu einem rychter
zhaben. der vns mit dir versüne. vns
vor den feinde beschütz. die feinde für
vns bestreyt. vnd vns in dem gelobten
land behalt. dz er als d war patriarch
vnd vnser fürstlicher vater. vns mit sey-
nem ellend hie verdient hat. vñ wir vñ
seines verdienstes willen von seinen we-
gen besitzen sülle. als seine nachkūme-
de kinder. von dem wir alles gute. das
wir besitzen söllenn. habenn werdenn.
der mit dir lebt vñ regniert in eywigkeit
des heiligen geistes durch alle werlt d
werlt Amen.

Etwas betrachtung vber den sech-
sten sibenden achten neinden vnd zeh-
henden gegenwurff in gebettes weyß.
O Warhafftiger gerechter rich-
ter aller werck vnd taten d ver-
nünfftigenn creaturen. mit allein offens-
barer. sunder auch der allerheimlichste
des gemütes vnd der hertzen. der du al-
le ding in warem vrtail gethā hast. dan
wir haben dir gesünd. vnd sind. deinen
gebotten mit gehorsam gewesen. Aber
wir bytten dich gib ere deinem namen.
vnd thu mit vns nach der menge vñnd
grösse deiner barmhertzigkeit. vñ vñb
der vnaussprechenlichen gedult willen
deines lieben suns. der mit den mynsten
buchstaben deines gesetzcs hat wölle
lassen hingeen. den er nit halten wolt.
nach deiner rechten meining. deshalbē
er verdient hat. das durch ym. vñ in yme
alle geschlechter. die in yne glaubtē. sol-
ten von dir gebenedeyet vnd gesegnet
werden. dan noch hat er die fluch vnser
ungehorsame. vber sich wölle nemen.
vnd vns die benedeyung seiner gehor-
samkeit lassen. Vñ sölllicher seiner wir
discheyt. gehorsam. auffnemunge. wille
vnser fluch. die wir so manigfaltiglich
durch die vbertretung deiner gepott ver-
dienen oder verschuldē. bitten wir dich
o milter vatter. nym von vns die ver-
schuldten fluch. vñnd behüte vns aller-
meist vor dem letzten grossen fluch. vñnd
gibe vns zeuerdienen den seggen. den er
an dem iungsten tage vber die gerech-
ten wirt geben. so er sprechē wirt. Kñpt
her ir gesegnete meines vaters. besitzer
das reich. dz euch bereit ist von. anfang
der werlt. Ich bekenn herre das ich mit
dem. das ich die edeln zeitte. die du mir
bis her so gnediglich verlihen hast. so

leiden cristi in gebets weyse

gar vnfruchtberlich vnd oft vbel angelegt han. verschuldet hab. Das ich eintweder als ein vnfruchtber baume solt abgehauen vnd in das feur geworffen. od zu grösserm meinem schaden. als d feygenbaum. der nichts dann bletter hette. Das ich nyimmer mer frucht prechte. verflucht werden. Das mir mein leben souil schedlicher würde. souil es lenger werte. Das die lunge des lebens. dienete zu der schwere des ewigen todes. Das ist d fluch. der vns vor adern flächen zeförchtē ist. Vor einem sollichen fluche behüte vns milder gott. Wann vns der tod nützer were dann ein solliches verfluchtes lebē. durch das wir steet zu dem ewigen tod berayt würdē. Als ein holtz. dz man nit pzent. sunder verret. darū. das es dester mer bynne. wenn es in dz feur geworffen wirt. Bedeck herre. dz dein auferwelter sun in der gehorsam vñ volbringung deines allerlichestē willens hie auff erden einen augenblick nye gefeyret hat. vñd hat doch nach vnser weyse zeredenn. nach dem fleisch eynen gutten tag nye gehabt. So begereten wir. wē es gesein möcht. nit nach deinē allerheyligistē gesetzen. sunder nach vnserm verkerren muttwillen zelebē. vñ deinen gerechten gebotten vnsern halben gefreyet. vñd entlediget. vñd vnser wilken. wie vngerecht er ist. geweltig sein. vñ so wir on deinen willen weder werden noch leben. on dein sunder gnad guttes weder würcken noch wollen mügen. so sind wir doch also töret vñd vn synnig. dz wir wider deinen willen wollen leben. vñd on danckbarkeit. on dein gerechtigkeit. geslück vñd seld haben. Vñd so wir wolten das ydermā dein milte gesetz gegē vns hielt. so wolten wir sy doch gegen andē

nit halten. Wir wollen von nyemant betrogen werden. vñd wollen doch andere verführen. Wir wollen von yederman geeret werden. vñ wollen doch andere schmeihen vñd vbergeben. Wir wollen nit allein das man vns nit felschlich vñd lügenlich nachrede. Sund wir wölle auch dz mā die warheit geschweyg. so sy vñd vns ist. vñ wideruñ wölle wir lieber felschlich gelobt werde von dem guttē. dz nit in vns ist. Denn das wir warhaftiglichen gestrafft wollen werden von dem vbel. das in der warheit in vns ist. Aber wir wollen zu zeitē nit allein verporigne vñd heymliche geprechen vnserer nechsten aufschreyen. sunder wir ertrachten auch lügen in zebeschemen. Wir wollen von nyemāt auch mit recht beschediget oder beschweret sein. vñd wollen die andern oft wider alles recht belaydigenn vñd beschweren. Vñd wenn ymants rō vns vorderte. dz von recht sein were. wir wereten vñs sein (ob wir möchten) mit gewalt vnangesehen alles recht. vñ wollen doch eym andern das sein wider recht nemenn. was sol ich sagen von der menge vnserer missetāt. die bey vns wēd mā noch zal hat. vñd dannoch (das dz bösest ist. darüber du allermayst zurnest) wollen wir schön vñd rein sein. vñ vnser bosheit nit erkennē noch gescholten. sunder ir oft rum habē. O herr wa wollen wir vnser angesicht hin wendenn. wenn du den fynstern abgrund vnser hertzeē erleuchtē wirt. vñ die grewliche vngestalt vñd die teüflischen schenpartē vnserer vntugent an dz liecht ziehē vñd offenbarenn wirst. O herr der du alle vnser sünd tilgen. vnser vnstetigkeit seubern. vnser krüme schlichten. vnser vngestalt beschönen. vnser vngerechtigkeit

Von der betrachtung des

verzeihen. vnser schuld vergeben. vnsern
vbeln allen ein ende magst geben. so vn-
ser leben nichts anders pflegt. den vbeln
zehauffen. gnad zeuerschütteln. deynen
zorn zeraytzen fluch zesameln. vñ einen
bösen tod mit ewigen penen zeuerschul-
den. vor dem vns dein barmhertzigkeit.
Durch das verdienē der gehorsam dein-
es allerliebsten sunes behütten wölle. so
bitten wir dein allermiltigste gütigkeit.
vmb der yetzgenantē gehorsamkeit wil-
len. gib deinen seggen ober vnser leben.
ober vnser werck. ober alle vnser ge-
dancken. vnd fürnemen. das es vnns al-
les fruchtber vnd nütz werd zu vnserm
ewigen heyl. vnd vmb der vnaussprechē-
lichen wirdischait willen der liebe deines
sunes. so ei stillen. seßmütiges. arbeit-
sams. fruchtbers ebēbildlichs lebē hat
wölle fürē yn der zeit seiner tödlichkeit
auf diser erdē. vñ so eins herrtē schwerē
tods für vns wölle sterben. Bittē wir
dich allermiltmütigster vater verwädel
vnser arms strefflichs sündlichs. yn ein
tugentsams besserlichs lebenn. das wir
durch sein gedult der für vns so eins bit-
tern herten todes. hat wölle getöt wer-
den. ein seligs ende mügen verdienen.

Vmb vergyessung willen seines vn-
schuldige kostparn plüttes. das als ein-
es vihes oder als eins grossen vbelket-
ten böswichts. vnwürdiglich auff die
erden vergossen. vnd von den schänden
büben (das ein grawen ist zegedenck
en) auch vnter die füß getretten ist
worden. so ein tropf desselben ein gnug-
same war vor dir wer gewesen zeerlösen
alles menschlich geschlecht vñ dem ewi-
gen tod. vnd im zekauften die ewigen se-
ligkeit. Vmb seiner liebe willen. der
vns darumb. das wir deine werck waren.

von dir durch yn beschaffen. Deshalben
er vns so kostper geachtet hat. dz er sein
allerkostpers plutt vnd lebē. also vnacht-
ber vñ schänd wölle lassē geschetzt wer-
den. Vmb seiner liebe willen. die er zu
dir hat. Vmb deiner liebe willen. die du
zu ym hast. Vmb deiner vnd seiner lie-
be willen zu vns. bitten wir. O barmher-
tziger vater. veracht vnd verwürff vnns
mit vmb vnserer schändigkeit willen. sun-
der gedencē der teuren war vnser erlö-
ung. Gedencē auß was wyrdischait
die endlose göttliche mayestat deines
sunes. auß was grosser liebe zu dir. vñ zu
den deinen. auß was gehorsame deines
allermiltigsten väterlichen willenns. auß
was liebe zu der ere deiner väterlichen
mayestat. dasselbig heilig plut an sich ge-
nummē habe. Gedencē wie rain es dein
sun von dem raynen plut der allerkünig-
yken iunckfrawen. Durch mit würckung
deines heyligen geystes. geformiert. ge-
weyht. vñ geheyliget. yn eynigkeit seiner
person genummen hab. Gedencē. wie
hoch es in der selbige person gewirdiget
vnd geheyliget sey. Gedencē. wie spär-
lich es generet sey worden. armuthhalb
der neren. Gedencē wie rain. künig vnd
lautter es getragen vnd gehalten sey.
Wie emsiglich in aller gehorsam zu dir
er ere in tugenden vñ deinem dienst tag
vnd nacht geübet sey worden. Gedencē
durch was angst vñ nott es aufgedräng-
en hab. durch was qual vnd pein es in d-
geyßlung. in der krönung. in der creutzig-
ung. von seinem leib. auß seinem haupt.
vñ seinē hendē vñ füßen aufgezogen vñ
vergossen sey wordē. Gedencē wie mil-
tiglich es aufgegossē vñ erschossen sey
Wie gedultiglich sei schmerzlich auß-
zyehung vnd schmeihung gelidenn sey.

leidens cristi in gebets weyse

Wie demütiglich vnnnd andechtiglich es dir. O himlischer vater geopfert sey. Auf was liebe vñ trew es vns vñ Deine sun zu einem stetten oder teglichem opfer für vnser sünd. vnnnd zu einem tranck der lieb zu dir. vnd veraynigung mit dir. vnd verwandlung in dich. gegeben sey. Gedenck. wie teir vnd werd vns deyn sun geachtet oder gemachet hab. i dem. Das er so kostpere war für vns so geüdiglich gegeben hat. Vnd veracht vns vnd vnsern schaden vnnnd verlust nit. Die wir Deinen allerliebsten sun souil gestaden haben. Vmb des gantz geprenten opfers willen. seiner vnerleschlichen stettprinnenden feürygenn liebe. Durch die er vmb Deiner endlosen liebe willen. so süßiglich. auch gege den die in grosem teüflischen hab gegen im pranenn. geprunnen hat. Behütt vns allermiltster höhöster vater vor allen dingenn. vor dem allergrößten vbel aller vbel. dz auch alle hellische vbel vbertrifft. das ist. vor dem hab Deiner guttheit vnnnd maiestat. Des gedechnus allein einen zittermachenden schrecken eintreybt dem betrach tenden gottföchtigen hertzen. dann on disen hab wer das hellisch feür treglich vor eynem söllichen erschrockenlichen vbel behütt vns barmhertzig gott gnediglich. vnd mach auß vnserm hertzen einen altar. yn dem Dein lieb prynne. vnd pleyb prinnend stettiglich. Vnd so der endlos schatz des verdienstes Deins suns vor den augen der vnglaubigē verborzen. vnd deshalben verachtet vnnnd verworffen wirt. als denn die allerunseligisten iuden den glauben. vnd den namen Deines ewigen sunes. sein lere. seyn auffatzung. sein stiftung. alle sein ordnung. durch die dy menschen behalteun

vnd selig sölten werden. verworffen. vñ als verfürlich vnd schedlich verbottenn vnd verbant habē. Damit der böß veind durch sy. aller werlt hayl vñ seligkeit hindern wolt. als er darnach durch die römischenn keyser C die schyer alle werlt vntter yrem gewalt hetten da sy heyden warē) auch vntterstandē hat. mit dem er zeigēnis gibt vnserm glauben. wider seinen willen. dann wer vnser glaub nit also hailfam vnd gerecht. er wer den verdampfen gaysten C die alles gutt hasen vnd lust haben in der vnwarheit vnd bosheit) nit also widzem. verleyh vns himlischer vater. vmb der gedult willen Deines allergetreuestē Kindes. durch die er dise schmahheit auch hat wöllen leyden. das seyne allerbeste werck. die nyemant gnug loben mag. die allerergstenn vnd schedlichsten. von den vnglaubigen geurtaylet würden. auff das. das sy den glaubigen dester nützer. fruchtbarer vñ kreffziger zu der seligkeit würden. Verleyh vns C bitten wir) das vns alles sein thun vnd meyden. alles sein würcen vnd leyde. souil mer zu fürderung vnser ewigē hayles diene. souiles mer vñ den vnmiltten iuden vnd andern vnglaubigen verachtet vnd verworffen ist. oß so die geystlichen güter nit gemyndert werden. so sy vilen aufgetaylet vnd verlihen werden. sunder sy werden mer gemeret. So bittē wir O allermiltster vater der du begereß alle menschen selig zemachen. verleyh vmb der ere willē Deines allerheyligisten namens gemayn genad in alle weyte werlt. das alle menschen in den heyligen gelawbē kummen. vñ ware glider Deiner heyligen kirchē auch verdiensts halben werden. das yderman Deinem allerliebsten sun durch die liebe

Von der betrachtung des

anhang. Das also der schad der vergäng-
 ne zeit wider gebracht werde. durch die
 fülle der gnad der nachuolgenden zeit.
 vnd der verlust der vorfaren der gewyn
 werd d nachkommenen. so es doch scheint
 in der heyligen geschafft gegründet sein.
 Das alle werlt noch zu dem waren criste
 glauben künmen soll. vnd wol zeglouben
 ist. Das das. durch das verdienen vñ für
 bitt der glaubigen vñ vorauß deiner lie-
 Ben heyligen gefürdert solle werde. Daz
 fürderlich durch daz leiden deines suns
 verdient ist wordē. so bitten wir dich. O
 allerinistister vatter. durch dasselb ver-
 dienen deines suns vnd aller lieben hey-
 ligen. sih an. was grossen schades adas
 sünd vñ d vnglaube d alte gebracht hab
 sih an. was vnzeliche werlt die hell ver-
 schlickt habe. sih an. wie lang der laydig
 feind deiner ere vnd menschlichs hailes.
 Der sathanas die werlt verfür vñd be-
 sessen hab. zürn vber die lenge vnd mē-
 ge der vbel. die er gestift hat. Erbarme
 dich vber die menge der. die teglich ver-
 derben vnd verloren werden. es sey den
 dz yne dein gnad durch mittel des glau-
 bens in deynem sun. zu hilff kōme. Siehe
 an. das sy von dir nach deine bild besch-
 offen. vnd durch das plutt vnd sterbenn
 cristi. als fere es an im ist. erlöset synd.
 Ach des schnöden vnseiligen tropffenn.
 der vmb geptigkeit willē zeitlicher herr
 schafft. sy so iāmerlich verfür hatt. ver-
 flucht sey er yn abgrundt der helle. der
 souil vnzelich tausent selē nunimals mer
 vber achthundert iar in die ewigē verdāp-
 nus vñ seier vermaledeyte hohfart wil-
 len gebracht hat. O allmechtiger ewi-
 ger güttiger gott. wie verporren vnd er-
 schrockennlich sind deine vrtayl. Das du
 eym sollichen schnöden hinfallende bus-

ben. als der machumet gewesen ist. sol-
 lich groß sach verhengst. Aber so du ge-
 recht bist in allen deinen wegen. vnd hei-
 lig in allen deynen werckenn. so gebürt
 vns. das wir dich in allen deinen vrtay-
 len lobē. vnd dir dancken auß gantzem
 grundt vnser hertze. das du. da die ori-
 entischen vnd mittägischen gefallen vñ
 abtrünig sind wordē. vns occidentisch-
 en. die wir wonen gen nydergang d sun-
 nen vnd gen mitternacht. halt berüft zu
 deiner himlischen hohzeit. vnd zu d ewi-
 gen seligkeit. das vns die sunn der war-
 heit vnd der gerechtigkeit. vñ daz liecht
 des lebēs vnd deiner gnadē aufgieng.
 Da es ynen vntter gangen ist. Es ist wol
 zebesorgē. das du sy nit on ir schuld ver-
 lassen habst. dz sy nit also andechtig vñ
 danckber. also geflissen vnd lautter in d
 warheit des heyligen glaubens seye ge-
 wese. als billich gewesen were. Verley-
 he vns O güttiger barmhertziger got.
 das wir fest halten. vñd deiner miltri-
 geit danckber werden gefundē. vñ dein
 gnad nit on frucht enphahen. sunder zu
 nutz vnd zu vnserm ewigē heyl einnemē
 vnd weyttere die heyligen cristenheit vñ
 strecke die gnad deiner barmhertzigkeit
 yn alle weyte werlt. in alle geschlecht d
 mensche. Wann es scheint nach d barm-
 hertzigkeit vnser vernunftte zerechnē.
 dz du mer zebittē seyst für die dy ver-
 sind. dann für die dy künfftig möchten
 sein. dann die. dy in gegenwertiger zeite
 sind. kumpt ynen dein gnad nit zu hilff.
 so müssen sie ewige pen leiden. Aber die
 dy noch nit geporn sind. mügen gehyn-
 dert werden. also das sy nit geborn wer-
 den. werdenn sy nit geborn. so ist nit nott
 das sy verdampft werden. ob sy auch nit
 behalten werden. Darumb ligt mynd an

leidens cristi in gebets weyse

Den selben. die noch geboren mügen werden. vnd mügen auch da hynden beleyben. denn an den die yetzo herfür künmen sind. Dann lieber herr. es ist ye cyn söllich erschröckelichs sig solche grosse vnaußsprechliche pen Als vns dy heylig geschriff vnd die cristenlich leer fürhelt. ymmer ewiglich on alle hoffnung d' besserung oder leuchterig müßsen oder werden leyden. das die forcht oder sorg vnd grawen der selben. ettlich menschen zu dem tod bringt. vnd treybt sy zu dem selben. dz sy fürchten. So die angst der forcht vnd der gedanken dar vñ. so vntreglich ist. den. die es on ansichung vnd betrachtung deiner barmhertzigkeit zu hertzen nemen. was wirt den auß der gegenwertigkeit desselben vermerlichen leydes. vor dem vns dein milte gütigkeit durch alles leydes willen. deines allerliebsten suns. gnediglich wölle behütten. Darumb bitten wir für die. dy yetzo sind. fürderlich. das du sy auch zu dem glawben bringst yn dem sy söllichen grossen vbeln entgegen vñ selig werden mügen. das ist zu dem heyligen cristenlichen glawben vnd vnsern sacramenten. Aber vil mer bitten wir für die dy yetzo in dem glauben sind. das du dy selben stercken. auffenthalten bestettig vnd regieren wöllest. das sy den glawbe vnd was darzu gehört in eren haltē. vnd in an die werck legen. vñ in dem leben mit vbung der tugent bereweysen. dz dein gnadenreich miltigkeit souil mer in ynen erscheyße. souil minder stat yn den andern findt. Wan es ist deinem allerliebhabendsten sun. der alle ding gethan oder gelittē hat vmb menschlichen hayls willen. mit ein claims leyden gewesen. die weil er in vnserm tödlichen lebē gewe-

sen ist. dz er erkant hat. dz souil vnzelich er mensche wüde sein. die seiner vnaußsprechlichen liebe vñ den grossen ding ein. die er auß söllicher liebe tet vnd thun wolt. lidt oder leyden wolt. nit allein nit dancken würden. als billich were. sunder auch nit glawbe wolten. noch darvon hören sagen. Ja es ist seiner leidē vñ hertzlicher laid. der grösste eins gewesen. dar vñ so es ains vñ seinen allergrösten leyde gewesen ist. so gehört es i den schatz seiner verdienst. vñ also in den gemayne schatz der heilige cristenlichen kirchen. Vñ also beschicht es durch ordnung deiner vnbegreyfflichen weyßheit. der du alle ding. auch die bösen. zu dem besten künst wendē. das. was an einem abgeet. daz geet an dem andern zu. dan du bist also gutt. dz du kein vbel verhengst. du wöllest den etwas gutz od' bessers dar auß lesen. darumb bitten wir dein gütigkeit. o aller miltster vater vñ des hertzlichen laids willen deines allerliebsten suns. wendē den selben grossen schaden der durch den vnglawbe in den vnglawbigē beschicht. in den gewyn deiner glawbigen. das sie dir souil danckberer vñ andechtiger werden. so vil der mer ist. den die grof genad. dich vñ deinē sun durch den rechten waren glauben zeerkennen. nit verlihen ist. mit dem du ewiglich gelobt vñ gebenedeyet seyeft in allē deine. vrtaylen Amen.

Von dem zehenden gegenwurff ist die betrachtung etwas verzogen. doch dienet es zu bewegung d' danckberkeit. die wir gott dem herren schuldig sind. vñ die grossen gab des heiligen cristen glawbes. in dem mā allein behaltē mag werde. d' vnzelichen mensche nit verlihe

Von der betrachtung des

ist. Darum müssen sy verdampft werden. Doch wirt ir verlust den außserweltē dā noch zu grossen gut dyenen. Also wirdt der schad mit on grossen gewyn sein.

Fürbas volgt hernach ein betrach-
tūg in gebettes weyse. vō dem sechzehē
den gegenwurff. der in der rechtē mäte
rien. die das leidē cristi als gegēwertig
antrifft. mit dem sybenzehende der für
derlichst vnd erst ist. Zu der person des
vaters.

O Aller höchster vater. der du deine
dir mit gleich grossen vnd in aller
maiestat vñ allmechtigkeit gleichuolken
menen sun. vō himel herab in dise ellen-
de werlt. vmb vnser hailes willen hast
wölle senden. vñ er hat sich vñ vnsern
willē. dir zu eren. in der gehorsame wol
zegefallen. so tieff wölle zu vnserm di-
enst naygen vñ demütigē. das er vns vn-
würdigen erhöhet. verzeih vns. o allme-
chtiger vatter. vnser maniguelstige hoh-
fart vñ oppigkeit. durch die wir dich lay-
der oft ongeeret. vñ deinen willē wider-
standen habē. vñ vmb der gedulte willē
des vnaussprechenlichē vnrechtēs. das
er hat wölle leidē. er sprich ich. der in als
ler maiestat vñ würdigkeit so hoch ist. daz
sölliche endlose höhe seiner eren vō kei-
er worden verstantnus ymmer mag be-
gryffen werde. Darum vō nott die tyeffe
seiner demütigkeit auch aller creatur vn-
ergründlich ist. Darum mag in der selbē
seiner demütigkeit lei mēsch ymmermer
gnug dancken. vnd hette er auch aller en-
gel mūglichkeit. nyemant mag yn gnug
loben. hette er auch aller menschē zung-
en. vñ aller hymlichē gayst verstantnus
vñ sprach. der selb söllicher maiestat vñ
demütigkeit deiner aller gehorsamester
sune hat wölle geduldē. das mā in als

den aller schndödisten. vñ doch den aller
hohfertigstē verleimete. durch hechte an-
clagte. vnd zum letstenn an den möder
galgen des creützes. als einen begerer
königlicher maiestat. einen widerspen-
stigen keyserlicher maiestat. einen aller
grösten lesterer göttlicher maiestat pre-
chte. Vnd das hat er gelidten von den.
die selbs sölliche warē. dy er gern mit sei-
er ler. mit dem ebenbild seiner demütig-
keit vnd gehorsamkeit. vō söllicher gro-
sen hohfart vnd widerspenstigkeit. o sy
yn felschlich zigē. vñ sy warhafftiglich
heten. gezogen hett. Aber sy wolten sich
mit dāvon lassen pringen. bis sy zu grū-
der verderbt vñ zerstört wurden. Vmb söl-
licher seiner gedult willen erlös vns als
lermiltster vater von dem grossen vbel
das aller sünd haubt. sach. mittel. vnd en-
de ist. daz alle tugent verderbt. dz den al-
lerbesten. allermaitst hinderlag stelt. dz
vō seiner nydlag gestercket wirdt. Dā
ye mer es nyder gestürtzt. vnd vberwun-
den wirt. ye freuendlicher vñ tertziglich
er es sich zu anfechten wider auffricht.
Das so subtyl ist. dz es auch die hohge-
lerten kaum erkennen kunden. so gayst-
lich ist es. das es die allerheyligsten al-
lermaist durch ir gröffe der tugend vnd
heyligkeit vntersteet zefellen. Vnd die
es vnterweylen allermeyst leyden. die
mercken es nit. So hoch vnd hymlich ist
diz vbel vnd hohfart. dz es an den ober-
sten chor o engel geraicht hat. So mech-
tig ist es. das es den. dem kein gewalt o
erden gegleicht oder gleich groß entge-
gen gehalten mag werden. vō der höhe
der hymeln in den abgrund der hell ge-
zogen vnd geworffen hat. Was getraw-
ens sullen wir armen yrdischē fleischlich
en. tōreten. vñischen. schwachen vnd vō

leidens cristi in gebets weyse

geburt verruckt versürte menschen. auf
vnsrer krafft haben. wes füllen wir vnns
vnsrer fürsichtigkeit halben vermessen
So der allerklingst der alledurchleuch-
tigste. vnd fürnemest aller engel. durch
dy hohfart oberlistiget. versürt. verplet
vnd betrogen ist worden. das er seinen
schweren vnd grossen val nit hat müge
fürsehen noch fürkumen. Sunder er ist
gestürzt. vnd auf dem allerschönstenn
engel der allerscheützlichst teüfel wor-
den. O multer barmhertziger gott. wie
bedürffen wir deiner gnad vnd des ver-
dienstes d' demütigkeit deines allerna-
testtlichsten suns. vnd des geduligen
leydens seiner beschemung vnd geschē-
dung die er C den nyemants gnug eren
mag D so vnuerdient eingennumen hat.
so ser vast wol. das wir nit von der hoh-
fart gefellet. vnd darumb ewiglich mit
dein verdamprenn lucifer C der deines
suns demütigkeit verachtet hat D geschē-
endet. sunder mer in der ere deines suns
ewiglichen erfreuet werden. welches
demütigkeit. dein ere. vnd aller heyligen
erhöhung ist. die wir dir. O allerhöchster
vatter. heüt vñ ymmermer für ein gnug-
thuung. für vnser hohfart opfern. vñ
begeren sy geopfert werden. vñ opfern
dir desselben gleichen sein beschemung
vnd schande. die er darumb hat wöllen
leyden. vnd dir opfern. das du die selbe
vnuerdienten für vnser verdienten auff-
nemest vnd lieffest vns die selbe faren.

Vñ dem sybenzehende gegenwurff
dz ist. vñ der menschwerdung cristi. in der
er vnserm leib mit der sel an sich genum-
me hat. ein betrachtung zu d' person des
vaters. vñ ein opfer für die fleischliche
sünde.

O Wunderberlicher regyrer aller
ding. herr vñ schöpfer d' gaist. als
les fleischs. d' du dein grostetigkeit al-
lermaist beweysest in d' veruüfftigē crea-
tur. in der d' gaist i dz fleisch gefecket ist.
als i menschlicher natur. die du dir i sun d'
erwelet hast. dz du deine wunder mit ir.
vnd in ir beweysen. dein multigkeit erzey-
gē. dein tugēt vñ. dein barmhertzigkeit
manigueltigē. dein gnad aufgießen. dy
grösse deiner guthait ereügē. dei weyß-
heit vñ alle dein volkümtheit mercklich
an den tag woltest legē. durch welche na-
tur du auch alle dein werck zieren. vñ wi-
der in dich yren vsprung führen. vnd also
ir vnuolkümtheit erfüllen vñ volbring-
en. dar mit du die selbe natur. vber all an-
der würdigē. vñ erhöhen woltest. das du
dein alles volbracht hast. da du dei aller-
geystlichsts. allertrefftigstes. ewiges
wort. durch dz du alle ding beschaffen
hast. mit vnserm plöden vñ tödtlichen
fleisch angethan vnd geckleidet hast. dar-
ymmen du die grösste gnade vñ gutat vñ-
rer vor verschmechtē natur bewisen hast.
die einer creatur ymmer möchte bewise
werdē. deshalb die menschlich natur
vber all and' creatur dir zu danckbarkeit
verpundē ist. Aber so also dei allerliech-
testen vnd rainests wort. vnser fleisch ze-
leütern vñ zeheligē an sich genümē hat.
dz es vns fleischliche lerete nach dem
geist auch i dē fleisch zewandn vñ zelebē
vñ hat vns darzu zeraitzē. ei söllich ebē
bild geistlichs lebēs vorgetragē. dz in
niemāt in d' reynigkeit gleich nachuolgtē
mag. wan sein fleischliches ist geistlich-
er gewesen. denn vnser geistliches.
So ist es vñ den fleischlichen iuden. die
nichts anders wisten dan dz fleisch. flei-
schlich geurtailt. vñ der fleischlichkeit

Betrachtung des leidens cristi gebets weys

gezygē wordē. Wie vol vnbillichkeit vn
rechts vñ falscheit dz zeyhen vñ verleu-
men sey gewesen. Daz kan nit allein keyn
fleisch (dz ist kein mensch) vrtaylen.
sund es kan es auch kein geist. dy wor-
de ist. gantzlich begreyffen. laß auch die
cherubin in der höchsten ierarchey sein. dy
als vil gesprochen sind. als die rölle der
kunst. Wir mügen dz bekennen. ist dz
ein fleischlichkeit. dz ellend süchē für dz
vatterlād. den kalten feuchte winter für
den liechte wunnsame summer. die unge-
heüre nacht für dē gewünschte tag. die
dürfftigkeit vñ armutt für die reichthum
vñ oberflüssigkeit. die kelte für die wirt-
me. die hertigkeit für die sennfftigkeit.
ein hōle für ein haupthōhe. einen stal für
einen sal. heüschober für frauē zimmer.
mistheüflein für bysemäpflein. arme
tuchlein für seydenē küsselein. steyne od
hültzē kryplein für güldē wieglein. heü
herwfflein für pflaumfederlein. für eyn
zartes edels viertzeheierigs inckfreülei
dz d himlische gewelt vnd fürstentumē
keyserin solt sein. vnd für ir tegigs kind-
lein. dz ein gätz geweltiger herre himel
reichs vnd ettreichs. vnd ein könig aller
werlt solt sein. vertribē vñ landtrünnig
für auffgenümen. zum tod gesücht. für.
zu dem reich gefordert werden. In der
wüste wonen. für. in den größten paläste
sytzē. viertzig tag kein speys nemen. für
köstlich wildpret essen. Sölche hunger
leyden. Daz im der feind getrost stain zu
speis zu machē fürhalte. ymmer vō ein-
em land in das ander vertriben werden.
vñ mindert ein aygene wonig od gewisse
zuflucht. sunder on allen orte nachsteller
hinderleger od verretter habē. den gätz
en tag arbayten. die gantzē nacht wach
en vnd petten. Nach der arbeit des tag

ges weder zeeffen noch zeligen haben.
nach der arbeit der nacht. wōd rast noch
vntterleybung habē. In den grōste eren
dz grōst mitleydē mit den feynde habē.
In den aller grōsten guttate. die grōste
durchachtung leiden. In der zeit d frew-
dē allermayst betrubt werden. wa allers-
mayst volks ist. allermayst geschmeht vñ
geschendt werden. für senfft salben. mit
gayfeln zerzerret werden. für gold vnd
edel gestain mit holtz od pintzen zu ein-
em gespōt. für rosentrentzlein od zarte
plümlein. mit dōmen gekrōnt wordē In
der grōste müde vñ krankheit. In dem
allergrōsten schmerzē vñ siechragē. dz
hangen für dz ligen. dz hert galgeholtz
für ein siechbett. die dōmen kron für dy
pflaumfederē küsse. In dem allergrōste
hunger gallenn zu einer speyse. für das
leyst mal. In dem grōsten vñ letste durst
essich für ein drack. In dem sterbenn
spotter fürclager haben. ist das alles vñ
des gleichen (des souil ist. das es nye
mant mag außspreche) ein flaischlich-
keit oder ein flaischlichs leben. so ist Co
himlischer vater Co dein sun auch. vnd nit
wenig fleischlich gewesen. vnd nach söls-
licher weys weren wir geystlich. Ist es
aber widersynns. so merck ein yeglicher
mensch. was grossen vnrechts demem
kind. deinem wort dem spiegel aller laut-
terkeit. des lebens hertigkeit. raynigkeit
vñ strengkeit genaw bedacht. auch den.
die ein strēgs lebē fürē. einē schreckē ei-
iagt. deshalbē dz sy im nit getraue nach-
zekümē. angelegt sey wordē. Daz mā den
selbē deinē sunē d flaischlichkeit gezygē
vñ als einē söliche geschmeht vñ verme-
ret hat. dz er darib hat wölle leydē. dz
sein raynigkeit vnser schäpere vnflättig-
keit bedeckte. vnd sein vnuerschulte bet

Von menschlicher vntrew

schemung vns von der ewigen schand
erlösete. Darum vmb seiner lautterkeit
vnd allerreynisten menschwürdig wil
len. die ye darum beschehen ist. das wir
flaischlichen mensche. vō vnserm flaisch
lichen lebē. zu einem geistlichen gezogen
würden. bitten wir dich. O himlischer
vatter. verleyh vns vnserm zerstörlichen
fleisch. vnd seinen bösen begirden abze
herben. vnd nach dem gaist zeleben. das
wir auch vō dem gaist das ewig lebē mit
gen schneyden. vñ verzeyh vns barmher
ziger gott was wir von liebe oder wol
lust wegen des armen schndden fleischs
ye gesündet haben. vnd behütt vnns vō
der pen vnd schand. die wir darumb ley
den sölten. das bitten wir vmb des heyl
ligen vnschuldigen leidens willē seines
allerliebsten sunes. der für vnns hat ge
duldet. das man yne fleischlich vntailete.
Vñ sölliche seine gedult opfern wir dir
vnd beggeren das sy auch für vns schein
vor deinem angesicht. als sy denn von im
allweg fürgehaltē wirt den augē seiner
maiestat. mit gegenhaltung seiner vnauf
sprechenlichen reynigkeit vnd allerleut
tersten gäyftlichkeit. der mit dir regniet
in aynigkeit des heyligen geystes yn
yimmerwende ewigkeit Amen.

Von sundern dreyen geprechen. die
wir in vns haben.

Unter andern vnzlichen vnsern
geprechen. sind auch die drey vnz
tugent in vnns. das wir vntrew sind. vor
auf gott dem herren. vnd das wir gern
groß weren in eren. in dem von der men
schen in macht vnd gewalt. vñ der gleich
en. Item wir lebeten gern lang. vñ wöl
len doch nit tugentlich leben. Fragst du
wie wir gott dem herre vngetreu seyen.
so hör vor. wer getreu sey. So lernest du

erkenne. wer vngetrew sey. Sagt dir nit
dein vernunft Cwan sy anders durch den
glaubē vñ durch die geschriffte erleuchte
ist. auß welcher geschriffte sy hat. das der
mensch billichen got dem herre sölliche
lieb berweyfen sol. das er in auß gantzem
hertze. auß gantzer sel. auß gantzem ges
müt. vñ kurtzlich zu beschließen auß al
len krefftē vñ aller vermüglichkeit lieb
hab. vñ so dise wort in inen beschließen.
dz man nichts anders sol lieb habē. dan
allein gott. oder vñ seinen willen. dann
alle vnser krefte sölten mit seiner lieb bes
kümert vnd erfüllet sein. also das vnns
nichts anders liebe dan gott. nichts an
ders frewe. dann gott. vund seyn ere.
nichts anders betrübe. dann sein vnere.
vnd der gleichen. So dem also ist. vnd
die liebe vordert dz mā grosse ding vñ
des geliebte willen söl wölle thun. vñ
leiden. oberzeugt den dich mit dein ver
nunfft das man vñ des willen. den mā
allerliebste sol habē. vñ mit allein vber al
le ding. sund auch i alle dingē. dz ist. mā
sol in nit allein lieber oder mer liebhabē
dann andere ding. Sunder mā sol auch
nichts anders. auch sich selbs nit liebha
bē. dan vñ seinen willen. soll mā den nit
die allergröste ding vñ seiner liebe wil
len wölle thun. vñ die gröste vbel wöl
len leidē. wa es die ere gottes vorderte.
Sihst du nun wer gott dem herren ge
trew sey. So nun oft vnter einer groß
sen menge laum ein wenig funden wer
den. die gott dem herren vmb grossen
lon. als vmb das hymelreich vnd die ewi
gem seligkeit dyenen wölle. wer wolt
yme denn on allenn lon dyenenn. Vund
so man ym vmb den lon nit gern dyenen
will. wie wolt man ym denn dyenenn.
wenn man darumb ewiglichenn leyden

Von menschlicher vntreu

solt. Wann vnser herr also sprach. Wol
an. welcher will mich erenn. als ich wert
byn. das ist. das der mensch alles dz. daz
er kan vnd mag vmb meinen willen thun
wöll. Cals im abprechen von allen lusten
des leybes. von aller lustlicher speys vñ
tranc. vñ vñ schlaff. vñ wöll arbait.
vnd müde. armut. vnd mangel leyden. al
le freünd vbergeben. ein nacht nit beley
ben. Da er die andern gewesen ist. vntter
keynem obdach ligen. regen vnd schnee.
kott vnd vngewitter. kelt vnd frost. on
flayder vnd herberg dulden. vnd dar zu
gekerckert. geplöcket. vnd gestöcket. ge
wegē. gequelet. gemartert. an die präg
er hin vnd her gestelt. mit gerten aufge
haben vmb vnd vmb geschendt. vnd ge
lestert werden. vñnd kurtzlich alles das
leyden. das arm arbeitelig mensche ley
den mügen. vnd sölich leben all sein tag
füren. vnd darumb keynes lones wartē.
sunder nach dysen sölichen yemerliche
leben ewige pein oder hell leidē. welcher
will das alles thun vnd leyden. das er
doch bewere das er warlichen sich selbs
oder das sein nit süch. sunder er begert
allein zebeweysen. was man billich vmb
meiner ere vñnd liebe willen solt berayt
sein zethun. oder zeleydē. wenn ich es be
gerete. Wer meinst du der vast eylen. vñ
her für springen vñ sprechen würd. herr
ich will es thun. Ich gedenck es würd ei
yeglicher dem andern der eren bas gūn
den. Vnd weren hundert die sich dar zu
erbüttē. ich förcht es wer kaum einem ze
glaubenn. das er verharrete. wie wol es
leier on sunder gnad gottes thū möcht.
vnd gott der herr möcht es verleyhenn.
wenn er wollt. Aber dz vermag vnser na
tur nit. das sy also gott dem herren die
nete. wa sy mer der pein solt warten dan

des lons. vnd also mag sy gott dem her
ren mit getreu sein. sunder sy sucht sich
selbs. vnd yren nutz. Darumb wa yr ett
was zustünd zeleiden vmb gottes willē.
on hoffnung der widergeltung. sie wick
hinter sich als ein krep. so sy auch vmb
die ewigen seligkeit zeleiden. der gnade
gottes bedarff. wie wol sy die selben se
ligkeit nymmer weder mit thū noch mit
leyden verdient. sy sehe dann fürderlich
enn die liebe gottes an. das w auß gnad
müß verlihen werden. das will ich alles
darumb gesetzt haben. das wir erkennē
wie vngetrew wir von vnser bösen art
seyen. wie wol wir durch die genad gots
tes von solcher böser art mügen erledig
et werden. Aber sölicher vngeschlach
ter art halben mügen wir gar leichtlich
rsach haben. das wir in die vntrew kop
pen. Es sey auß forcht. vngedult. auß bö
ser begird. auß vñndordentlicher liebe. auß
der alle vnordnūg kumpt. dann die hoh
fart ist nichts anders denn vngeordnet
te liebe aygner vbertreffung. Geyttig
keit ist nichts anders denn vngeordnete
liebe des geltēs oder der reichthū. Vñ
leischait ist nichts anders dann vnge
ordnete liebe oder begirde d flaischlich
en wollust. Also ist es auch mit andern
vntugenden. auß den allen mügen wir
gar leichtlich angefochten werden. das
wir gott vnser schöpfer vñ herrē vber
geben vnd trewnichig an im werdenn.

Das wir in dem schatz des leides cri
sti opfer vnd gnugthun finden für alle
vnser sünde.

Darum bedürffen wir des achtzes
hendē gegewurfs ser wol. dz wir
yn zu einem opfer vñ für ein gnugthun
habenn für vnser vntrew. Vñnd also
findest du yn dem schatz des leydenis

Wie gemein der schatz des leydens cristi ist

vñ lebēs cristi opfer für alle dein sündē vñ vntugent. Für dein hohfart vñ vngheorsam den sechtzehenden gegēwurff. Für die fleischlichen sünd den sybenzehenden. Für die vntrew den achtzehenden. Für die vnordenlichen liebe des gegenwertigen lebens den neunzehendē. Für das. dz du dich groß machst. vñnd wolltest gern vmb vñnd vñ fñrnem vñ vñrnem daran sein. vñnd wilt die andern nit lassen zñm pret kummen. Das ein hohfart vñ vntugend ist den zwayntzigistē. Für das. dz du die heyligen sacrament nit würdiglichen empfangen vñnd geprauchst hast. Das ein grösser geprauch ist. Dann es gehört allein zu rechtem peichten souil. Das ettlich. Die darzu vnjern wollten grob sünd thun. vñnd vor auß ee ettwas das yn en gar wee tete leyden. ee sy todsünd wolltē thun. D̄ geen all ir tag mit vñnd. vñnd steen dānoch allweg in sorgen. Das sy ym villeicht nit gnug thuen. Was sol man den von den andern allē sage. für söllich misprauchūg. oder voltn̄ meheit yn der prauchūg. enphahūg. hallung. raychūg. vñ vñbung der sacramēt. Hast du den zwayvñndzwaintzigisten gegenwurff. Für das. dz du oft maynst. Du tußt ettwas auß tugent vñ einsprechung des heyligen geystes. dz du villeicht auß aygentöpffigkeit. auß vermessenheit. auß eim gezenck. auß eytler ere. auß arguem gesūch. auß eynsprechung des feindes. auß treybung des flaischs oder der natur. oder der gleichen tußt. hast du den dreyvñndzweintzigisten gegenwurf. Für das. das du die heyligen zeit nit geert hast vñnd hast den feyrtag. C wider das dritt gebott. nit geheyliget od gehalten. hast du den viervñndzweintzigistē gegenwurff. Für das. das du die heyliz

gen stet als kirchē vñnd kirchoff nit hast in eren gehalten. sunder da geschwatzt. nachgeredt. gemürmelt. der hohfart od der eyteln ere gepflegē. bist verdrossen. vngedultig yn dem göttlichen ampt. an der predig. yn dem gepett gewesen. oder hast ander sünd oder verpottne ding da geübet. als lauffen. verlauffen. teydygen oder tagen. oder was es dāñ möcht sein. denn vil dings ist an den geweyhtē stetten. vñnd an den heyligen zeitten vñnd feyrtagen verbottē das sunst erlaubt ist. Für söllich vnere die du den heyligen stetten beweyhet hast. hast du den fünf vñndzwaintzigisten gegenwurff. Für dz das du vil guts auß faulhayt vñnd trageheit vñnterwegen gelassen oder verzogē hast. hast du den ayvñnddreyssigistenn. Für die vñnmessigkeit yn essenn vñnd yn trincken. hast du den zweenvñnddreyssigisten vñnd dreyvñnddreyssigistenn. Wenn yemant sünd tette von forcht wegē des todes oder von liebe wegen dis gegenwertigen lebens. als Sannit Sebastian der allerheyligist märtter prediget. das die vnordenlich liebe. dis lebēs leret den menschē alles vbel vñ treybt yn zu aller bosheit. zu allē lastern vñ sünden. Für söllich sūntliche liebe des lebēs vñ forcht des todes hast du ei gnūgthū vñ ein opfer i dē viervñnddreyssigistē gegēwurff. Für neyd vñnd haf haben wir ein opfer yn dem sechs vñndvertzigistenn gegenwurff. Für die sünd der fünff synn haben wir die vñbung der fünff syn vñnfers herren. vñnd yr leyden. als sy gesetzt synd yn dem sechs vñndfünfftzigistenn gegenwurff. vñnd vier nechstenn nachuolgendenn. vñnd yn dem dreyvñndsechtzigistenn. Wid alle wollüst des flaischs habē wir den sybenvñndsechtzigistē vñ d̄ gayflūg.

Was man in dem schatz des leidens

Wider die hohfart den achtvndsechzigisten von der krönung. Für die eytel ere oder wider sie. habē wir den neunvñsechzigisten gegēwurf. Wider den zorn. den viervndsechzigisten vnd sybenvndsechzigisten. vnd das erst wort an dem creütz vnd vil ander. Wider liegen vnd lägenhaftigkeit. den zwēvñsibentzigisten. vnd fünfvñdneuntzigisten. Wider die gotzlesterung. den eynvñdsibentzigisten. Wider die geyttigkeit. den sechs vnd sechzigisten gegenwurf vnd zwēvñdhundertsten. Von der tailung d clai der des herren. Vnd also findest du für alle dein sünd büß vnd gnugthuung yn dem reichen schatz des lebens vnd leydes vnser herre vñ haylmachers. Wan deiner sünd vnd vntugend mag souil nit sein. d tugend des herren sind noch mer Darüb magstu souil sünd nit gethā habē. du findest souil opfer für sie. Dar vmb wiltu dz dir dein pen. die du für deisündt leyde soltest. bald verzigē vñ abgelaßen werde. so soltu emssig vnnd geflissen sein yn söllicher betrachtung des leidens cristi. Wann es spricht ye Kabanus magnentius yn dem buch von dem lob des heyligen creützes in der vierde proph. das die obersten heer die cherubin vnd Seraphin. das sind die allerhöchste engel. zaygen vns das. daz vnns ettwan in den figure d altar des heyligē creützes es fürkündet ist. vnnd die heylig ere des opfers. daz an im geopfert ist wordenn. Sy melden auch welches die kraft vnserer erlöschung sey. welches die güter der besonung seyen. die vns vnser kōnig cristus hat wölken geben. da er auff disem altar nach seinem fürsatz gelidē hat. vñ hat mit dem flammen seines leydens die vngerechtigkeit. vnd die sünd vnserer boß

heit verzeret. Man vñdt hñ vñ he geschriben das der herre dem menschen der sein leiden betrachtet. alle sein sünd. die er bis auff die selben zeit oder stund gethan hat. als lautter vnd gentzlichen verzeyhenn wöll. als ob er nye gesündet hett. Dz wer gar ein tröstlichs wort. ich ways aber mit wannen her sölliche geschriff vñ dyser vñ andern vierzehē fruchten der andechtigen betrachtung des leydens cristi. Die man also gemaynlichen hyn vnd her gezeichnet vnd geschriben findet d einen vrsprung hab. Aber das wayß ich wol. dz sant bernhart yn d zweyvñdsechzigisten predig. ober das buch von der liebhabenden sel. da er dis wort auflegt. mei taub in den löchern des felsen. zeüht er auch dise wort auß dem dreyvñdhundertsten psalmen. d felse ist ein zuflucht den ygeln. oder den hasen. das die glos auflegt von den sündn vñ forchtamen. Sprich sant bernhart also. Was guts ist nit in den felsen. oder was guts wirt nit bey den felsen bedäut. In dem felsen wird ich erhöhet. yn dem felsen byn ich sicher. In dem felsen stee ich steyf od fest. Ich byn sicher vor dem feind. Ich stee vest das ich mich nit bedarff fürchten vor dem fall. vnd daz dar vmb. wann ich byn erhöhet von der erde. Wann vnser wandern ist in den himeln. von dannen wir vns nit fürchten. weder zefallen noch geworffen werden. Wann der fels ist in den hymeln. vñ in yme ist vestigkeit vñ sicherheit. Der felse ist ein zuflucht den ygeln. Vnd in der warheit zereden. wa ist den francken vest vñ sicherere rw. denn in den wunden. des haylmachers. Da selbst wo ich souil sicherer. souil mechtiger ist gehalten oder hayl ze machen. Herab baf spricht er. Ich hab

cristi opfer findt fur alle sundt

groß sünd gethan. Die gewissen wirt be-
trübt. aber sy wirt mit gannet durch be-
trübt. wann ich wird der wundē des her-
ren gedencen. Wann er ist vmb vnser
missetat willen verwundt worden. Dan
was ist also vast zum tod. das nit durch
den tod cristi gehaylet werd. Darum so
also ein mechtig vñ krefftig etzney in dz
gemüt kumpt. so mag kein seuch od siech
tag so böß sein. das er mich erschrecke.
Dif sind Sant Bernharts wort. Vmnd
herab das setzt er. das die schertz d gōtt
lichen miltigkeit. vnd die reichthume sein-
er gutheit. die groß menge der göttlich-
en süßigkeit. die völle der gnade vñ vol-
kumneheit. der tugent gelegt sein in die
löcher dif felsen. Bey den er maint vñ
versteet die wunden vnser herren. Vñ
wie man in die selbenn fōm. vnd söllich
schertz find. spucht er. Darumb hört die
cristenheit den preüttgam sprechē. mein
taub in den löchern des felsen. das sy
mit gantzer andacht in den wunden cris-
ti vmbgeet. vnd wonet in ynen mit stet-
ter betrachtung. Ich bitte dich wie
möcht sant bernhart clerlicher zenerste
en geben. das durch die andechtigē be-
trachtung des leidens cristi. dem mensch-
en die sünd verzigē. tugēd ein gegossen
oder gemert würden. sunder gnad vñ an-
dacht verlihen. Er wirt vor dem bößenn
feind behüt vñ beschützt. in guttē be-
stetiget. zu göttlicher erkentnus erhō-
het. vñ zu himlischen begirnden geraitz-
et. als dz das vñ weytter bewert ist wor-
den in dem andern stück des ersten tays-
les dif büchleins. Darumb sey es hie ge-
nug. Auf den gemelten dinge magst du
selbs mercken. wirt so groß krafft vñ tu-
gent in die andechtigen betrachtung ge-
setzet. wie vil krefftiger ist es das man

gott den herrē bey dem selbē vñ durch
dasselb hitziglich vñ begirlich anrufft
vñ im dzselb adechtiglich. dāckberlich.
vñ demütiglich fürhelt vñ opfert. al-
lermaist in dem ampt. in dem man on dz
söllichs opfer des leidens cristi bedēit.
vñ begeet. als yn dem ampt der heyligē
messe. vorauß yn der gegenwertigkeit
des heyligen fronleichnams vnser her-
ren. da das war opfer vñ der opfferer
wesenlich gegenwertig sind. Darüß ler-
ne auß disen nachuolgende betrachtung
en ettwas ziehen von dem leyden cristi
auch für dein sünde zeopfern. denn dar-
vmb ist die meß also krefftig. das sy das
gantze leben vñ leyden cristi bedēit. vñ
hat den gegenwertig. der gelidten hat.
vñ die meß vñ das sacrament seynes
fronleichnams vñ seines rosenfarben
pluttes zu gedechtnus seines leidens auf-
gesetzt. Daruon spricht das geystlich
recht. de cōse. dif. ij. c. Quid sit sanguis.
Dif haylsam opfer wyderpringt vnns
durch die heymlichenn bedēitung den
tod des ayngepornen suns gottes. wel-
her. wie wol er von den totten erstandē
ist. vñ in der tod nit mer herschē wirt.
vñ beleibt vntöttlich vñ vnuerwesen-
lich lebendig in ym selber. Doch stirbt
er widerumb in disem sacramēt. vñ sein
fleisch leydet zu hayl des volks. Dannē
her sollen wir wegen wie gethan (das
ist) wie krefftig. wie nütz. wie haylsam
dif sacramēt sey. das vmb vnser entpy-
dung willen dem leyden des ayngewor-
nen suns nachfolgt. Dif sind die wort
des heyligen pabstes Gregorij. genum-
men auß dem sechzigistē capitel des vi-
erdē büchs dyalogorū. wie wol die wort
an einer stat anders lautē denn an der
andern. Vñ lichts bestmynder. wenn du
Gg

Von der betrachtung des

auch nit bey der mess noch in der kirche bist. solt du dannoch dein hertz mit sollicher betrachtung oben. dann durch sollich betrachtung wirdt dein hertz ein lebendiger tempel gottes. vnd ist weit besser das du selber sehest gottes tempel. Den das du on das in gottes tempel sehest. Na findt auch vntter den fruchten der betrachtung des leydens cristi gesetzt. wenn der mensch. der mit andacht das leyden cristi bedenckt. an dem selbē tag. an dem er es also betrachtet het. on das sacrament stirbe. so wirt es ym also geachtet. als ob er dz sacrament empfangen het. Vnd das sol nyemant wund nemen. Den da cristus das sacramēt seines heyligen fronleichnams vnd seines heyligen plates auffsetzt. vnd seine iugern zenyessen gabe. sprach er. Das thut ym meiner gedechtnus. das ist zu einer gedechtnus meines todes. Auf dem mag man mercken wie groß die betrachtung des leydens cristi von ym geachtet wirt. So er dz allerhöchst sacramēt seines heyligen fronleichnams daruñ aufgesetzt hat. das man seines leidens dar bey gedenden sol. Sprichst du aber. das es nit gnug sey. das man es betrachte. mā muß ym auch nachuolgen. ich antwort. Ich gerar dz nit laugen. man muß ym in ettlicher weise nachuolge. als er selbs spricht Mathei in dem zehenden capitel. Wer nit sein creütz nympt. vnd nit nachuolgt. der ist mein nit würdig. Vnd in dem vierzehenden capitel Luce. Wer sein creütz nit treget vñ kumpt nach mir der mag nit mein iunger sein. Aber souil als dasselb höher vnd vollkumner ist. so vil mynder mügen wir es von vns selbs thun. on sund gnad gottes. daruñ muß sen wir dasselb mit gebett von gott bitten

ten vnd erwerben. vnd kein gebett ist krefftiger. denn das. Darinnen ym das verdienen des thunes vnd leydens cristi furgehalten vnd zu hilff angerufft vnd genummē wirt. auff welche weis disse nachuolgedē betrachtung geend. Darvmb so die andechtig betrachtung vnd anruffung des leydens cristi die gnad vñ nachuolgung verdient vnd erwirbt. so schreibt man das gutt. das auß d nachuolgung kumpt. auch der betrachtung zu

Sant Gregorius spricht in dē buch von dem streyt der tugent vnd vntugēt. Ist es. das daz leiden des haylmachers zu dem gemüt gefüret wirt. so ist nichts also hert das nit mit gleichē gemüte getragen werde. Sihst du das der lerer die nachuolging auff die betrachtung grünt. dann was ist. herte ding mit gleichē gemüte. vñ gedultiglich tragen. Den dem leyden cristi nachuolgen. Darumb thu d mensch das. das er wol vñ leichtiglich mag thun. vnd das ym ein grosser lust sol sein. vnd er betrachte was der allerhöchst edelst vnd best herz vmb seiner liebe willen gethan vñ gelidē hat. so wirt er enzündt vñ gesterckt auch ettwas zu thun. vnd zetragen vmb seinen willenn.

Auf den dingen. wie yetzo vnd auch vor ym den gegenwürffen gemeldt seyn worden. mag ein gestifner mensche wol ziehen. wie man einen yeglichen articke des leydes cristi mag in ein form vñ weyse eins gepets pringen. daruñ prich ich hie vil ab. das es. den die dy kurtze liebe haben nit zuverdrossen werde. vnd kün auff die gemaynen articke die yedermā kund sind.

Ein gebett zu gott dem vater vñ der angst vnseren herren an dem ölberg. das mā auch yn sund vor der selbē figur des

leidens cristi in gebets weys

Olbergs sprechen oder gedencke möcht.

Omb des heyligen angstberlichen
blutflüssigē schwaißes willē. Den
vnsrer herre vñ fürfechter ihesus cristus
vmb vnsrer sterckung willen an dem ol-
berg vergossen hat. Bitt ich dein milde
barmhertzigkeit. O aller eremütigster
vater. verlaß mich nit in meinen nōtten.

Eum mir zu hilff in allen meinen vnd bes-
tund in den letzten scüfftzigē vñ engstē
Ber so ich gesetzt hab das man
diz gebett sprechen oder gedēck-
en mag vor der figur des olbers. so ist
es villeicht besser für die andacht dē sch-
lechten leutte. Das sy diz gebette od be-
trachtūg richten zu der person des suns
des pild vñ figur sy vor den augen habē
dē ynēn heymlicher ist. vnd also mag mā
alle dise gebett od betrachtūge richtē zu
welher person mā will. nach dem als es
der andacht des menschen baß dyenet.
also ferz das man die vmbstende. vō den
oben gesetzt ist. halte.

Wiltu die maynung deiner betrach-
tung zu der person des suns richtem. so
sprich oder gedencke auff einen söllichen
lyn.

O Herz ihesu criste allermyltster
erlöser. barmhertzyger hayland.
großmütiger fürfechter. der du bist der
war trōster der betrübten. die sicherheit
der forcht samē. der allerkünest hertzog
vñ haubtmā aller der. die wider die vñ
tugent vñ yren fürstē vñ das reich der
himeln streittē. der du vor deinem gro-
ßen streitt. den du wider den fürsten der
finsternus vnd finder des todes für al-
les menschlich geschlecht. durch mittel
deines leidens vnd der gedult füren vñ
besteen woltest. yn söllich groß angst vñ
nott kummē bist. das du von deinen hey-

ligen gelidern gleich als plattflüssigem
schwayß hast wölle verrözen vnd ver-
giessen. vmb des selben angstperlichen
schwayßes willen. den du also verröret
hast. Vmb der grossen angst willen. die
dein vnschuldig sensmütig vnd gütig
hertze gelitten hatt. Vmb des streittes
willen. in dem dein krefft gefochten ha-
ben. das du vns schwachen. starck vber-
winder machtest. Vmb deiner tieffem
vnd hertlichen traurigkeit willen. in der
dein liepliche sel als yn ein grundlohes
meer der trübsal vñ bitterkeit versenck-
t ist gewesen. auff das. dē du vns vō dem
ewigē hertzlayd erlösen möchtest. dē du
bist der endlohe abgrund der warē ewi-
gen seligen freud. Vmb des grossen
verdrißes willen deines aller langwir-
igistē vnuerdroßnen gemütes. das doch
in keinem leyden oder streyt ye erligem
mocht. Vmb der grossen engstlichē for-
cht willen deiner vnerschrockenē erschreck-
enden vnd sichermachendē großmütig-
keit. Vmb deiner nyderfaltung vnd des
mütigū willen. der du dy maiestat bist.
die von allen himlischē geweltē. fürsthū-
men. vñ herrschafften angebetet sol
werdē. wie vil mer sol sy von den ertwū-
men werden geeret. vñ angebetet. Vñ
deines allerandechtigistē. demütigsten
vnd hitzigstem gebettes willen. der du
doch selbs aller dig geweltig vñ die we-
senlich allmechtigkeit bist. Vmb der vn-
erhörung willen deiner allerhösten end-
lophen würdigkeit. das ist. vmb des willē.
das du in deinen nōtten vnd engsten nit
wo ltest erhört werdē. So doch niemāts
billicher erhört werden solt. auff das. dē
wir vnwürdigen in vnsern nōtten erhört
würde. vmb diser vñ aller andern sachē
willen. Bitten wir dich o allertrewister
Gg ij

Von der betrachtung des

fürfechter vñnd beschirmer verlaß vns
nit in vnsern nöten. kün vns zu hilff vñ
zu trost in vnsern lesten engsten vñ seuf-
tzigen. Das wir von der forchte Deines
zorns erlöset werden. Das wir durch ge-
wyße hoffnung Deiner gnaden vñ der
ewigen seligkeit erfreuet vñ getröstet
werden. Der du mit dem vater vñnd mit
dem heiligen geist regnierst ewiger got
in alle werlt der werlt. Amen.

Ein gemeiner oberlauff des leidens
cristi von der gefengtnus oder dem El-
berg an. biß an die auffführung. vñnd dñs
sen oberlauff möcht der mensch zu zeit
ten hinder dem ampt der heiligē meß.
oder vor. oder nach. od̄ ander zepte. weñ
er der muß hat. oberlesen. vñnd also sein
gebett vñnd begird mit dem gebett vñnd
opfer der heiligē cristelichē kirchen vñ
mit dem verdienst cristi. vñnd aller heilī-
gen C. dz es deßter angenemer würde C
vermengen. vñnd wirt diß gebet zu der
person des vaters gericht. Darumb dz
das opfer des leydens cristi. darynnen
fürgehalten wirt.

Ewiger vater vnseres herren ihe-
su cristi. vater aller erbermde vñ
miltigkeit. vater alles trostes vñnd volkū-
ner seligkeit. vmb alles des dienstes wil-
len Deines allerhohwirdigsten sunes.
Des allermynste werck dir vmb der end-
losen wirdigkeit willen seiner person er-
licher sind gewesen. den die allerhöchste
wercke der allergrösten heiligenn. sonit
als sy von ynen sind. vñnd so seine myn-
sten die grösten der grösten vnzelichen
weyt vbertreffen. wie weyt vbertreffen
denn die grossen. Vmb der tieffe ge-
lassenheit vñnd grüntlichen ergebūg wiß

len desselben Deines allerliebste sunes.
Durch die er in seinen allergrösten ang-
sten. die ym plütigē schweiß auß seinen
heiligen gelidern getrieben. vñnd aufge-
drencket haben. so demütiglich. andech-
tiglich. hitziglich. vñnd doch mit gelassen-
heit vñnd gantz vntterworffner gehor-
samkeit. bittend. anruffend. vñnd flehend
nit hat zu zeitlichem trost erhört. sund̄
verlassen wöllen werden. vñnd das. vor dē
er sich so bitterlichē ser forchte. für das
er dich so ynniglichen hat. gedultiglich
en wöllen leiden. auff das das wir vn-
wirdigen vñnd dürfftigen sünd̄er C die al-
ler Deiner gnadē vñnd guttate vnserer ver-
dienstes halb vñnd wirdig sind C in vnsern
engsten. wenn vns die nott zwingt. dich
anzeruffen. mit C als wir wol verschuldt
hätten C von dir verlassenn. sunder gne-
diglichen erhört vñnd geweret würdē.
So er aber hat wöllen bitten. vñnd nit er-
hört werden. Das wir erhört wurden. Er
hat wöllenn geengstet werden. Das wir
von den engsten erledigt würdē. Er hat
wöllen streitten. nit sich zeweren. od̄ wiß
der das leiden. vñnd die seind zebeschirmē
sunder wider sein gemüte od̄ natürliche
willē. wider die begird der synnlichkeit.
nach dem er mer vñnd billicher sach het
sich zewidern des leidens vñnd des ster-
bens. Dann ye yemants gehabt hett. wiß
der die selben hat er wöllen streitten. dz
wir zu frid kummen. Er hat wöllen trau-
ren. Das wir erfreuet würdenn. Er hat
wöllen leyden. Das er. der allerlieplichst
gehasset würd. Das wir heßlichen d̄ lieb
wirdig wurden. Er hat. wöllen gefang-
en werden. Das wir auß der gefengtnus
ledig wurden. Vñnd also hat er vns von
allen söllichen vñnd vbeln oder penen. die er
für vns hat wölle leyde. od̄ pres gleichē

leidens cristi in gebets weyß

wollen erlösen. Vmb sollicher seiner gedult vnd wirdschait willen. vmb sollich er seiner tugent. vnd gegen dir demütig keit. vnd gehorsam willen. vñ aller mayst vmb des willen. dz er yn sollichem seyn/ em gebette. in sollichen grossen engsten seyn hertz. als gemeldt ist. mit sollicher grösser begird. adacht. vñ demütigkeit. vor deine angesicht aufgegossen hat. vñ doch nit hat wollen erhört werden. das wir in vnserm vnwürdigen gebett erhört würden. Bitten wir dich C O allermiltister vater C nym vnser arms gebett auff. vñnd erhöre vnns nach der menge deynes grundloßenn barmhertzigkeit. Vñm vnser demütigs opfer auff. nym auff das opfer der cristenlichen kirchē. das dir teglichē bis auff die letzte zeit vō ir. durch alle adechtig priester schaft geopfert wirt. Vmb verdiensts willen. auch aller lieben heiligen vāter. der hey ligen zwelfspotten. pābst. patriarchen. bischoffe. vnd priester. die ye gewesen sind. vñ aller auferweltē. die ye andacht zu dem sacrament des fronleychnams seines geliebten suns. vñ zu seinem hey ligen leiden gehabt haben. nun habē vñ werde habē. Bitten wir herr dein barm hertzigkeit. nym das opfer des selbenn deines allerliebsten sunes. das dir sein/ en halben allweg genem ist. aber wir be geren daz es dir auch vnserthalben vnd für vns angemen vñnd wolgefellig sey. für vns. Vñm es auff von den henden der heyligen cristenheit. nym auch vnns armen vnd vnser werck vmb seinen wil len auff. Vñ so wir so heßlich seyen vō vnser vnzelichen vntugend vnd vntrew wegen. das wir auch liebhabend zehaf ten weren. nit darumb. das wir got ordē

lich lieb hetten. sunder darumb das wir gewöñlich vñndordentlich. das ist. vmb vn/ sers nutzes willen liebhabē. so bittē wir allermiltister vater. nym vnns vnd vnser gebett auff. vmb des willen. vnd in dem der vns hassenden lieb gehabt hat. vns C sprich ich C die C wenn wir auch lieb hettē. C soltē gehasset werde. vns solche hassenden hat er. der so lieblich ist. das er auch hassend vber alle ding solt lieb gehabt werden. vnns C die yn für sein lyeb gehasset habenn C hat er C byß yn den tod C lieb gehabt. Darumb O lieber barmhertziger vater vmb seinenn vnd seynes verdienstes willenn. nym yn für vnns. vñnd vns in yme auff. Der so vnwürdiglich vnd vnbillich ist gehasset wordē. so er ein sollicher liebhaber auch der vñdankbern ist gewesen. Der so vn trülichen verraten ist worden. so er auch den vngetrewen so getrew ia die wesen/ lich trew ist. Der so gering vnd leichtgäl tig ist geachtet gewesen. das er vñ dreis sig pfennig in den tod den feinden ver/ kaufft worden ist. So er vns schnöden. die yn vmb einen apfel yn vnsern eltern vbergeben. vnd vnns seinem feind dem teufel verkaufft haben. so teur vnd löst lich geachtet hat. das er sein kostper ros senfarb plutt. seinen leib. sein sel C Als er selbs spricht C dz ist sei lebē. für vns hat gegeben. Der so hinderleglich. durch den verretter verkütschaft so vngestüm lich mit gewalt vñnd gewappeter hand angefallē vñ gefangē ist. so er. so ein gütiger erlöser d gefangē ist. Der so sch mehlich vnd vnarmhertziglich gehan delt. geführt. geschlept. geultert. gestosse. getriben. gefeselt. gezogen vnd geboselt ist worden. so er vns muttwilige vn/

G gñ

Von der betrachtung des

gezogene widerspöttige kegel. so zertig-
lich als Isaias vñ moyses melden. tregt
vnd obertregt. Der so mangeltiglich
vñ vnter dem rat der falsche heyl-
igen vnd arglistigē iuden ist geenstiget
worden. so er ynen. so sy von den feindē
geengstet waren gewesen. so einen weyt-
tem weg. auch durch das treff mecr ze-
entrymnen gemacht hat. Der so offen-
berlich als ei vbelterter dem plutrichter
für geführt ist worden. so er die heyligkeit
ist. Der so felschlichen mit ertrachte lüg-
nen angeclagt. vnd auff das böst dar ge-
geben ist worden. so er die endlose tu-
gent ist. Der so gröblichen von grossen
vbeln angezogen vñd gefragt ist wor-
den. so er der allerstrengst richter vñ die
höchst gerechtigkeit ist. die de aller myn-
ste gedanken mit vngerechtfertiget las-
set. Der einem schnöden buben vnd ein-
em offenbaren böswicht vñ statmörder
nit allein nach ist gesetzt worden. yn der
fürbitt zu dem leben. oder vorgefetzt zu
dem tod. sunder auff das allerhöchst hitz-
iglichen zu dem allerschentlichste vñd
gröblichsten tod der mörder geayschet
worden. da der mörderisch böswicht zu
dem leben 7 das er den andern genum-
men hett 7 begeret. vñ geayschet ward.
so d'herr ihesus doch die göttlich miltig-
keit was. die allen lebendige 8z lebē gibr.
Der nit allei zu schade seiner armē hab
vñ seier hohē ere. sund auch zuuerderb-
ung vñ verlust seies allervnschuldigiste.
nützeften. hailfamsen lebens geurtailt
vñd verdampft ist worden. so er die aller-
grööst guttegigkeit ist. Der in allen sein-
en synnen grymliche gepeyniget ist wor-
den. so er allen unsern synnen zartet yn
seinen creaturen. Der so vbel gehandelt

vñd vnbarhertziglich geschlagen ist
worden. so er die senfftmutigkeit was.
so heyllichen vñd feintlichen angeplick-
et vñ angespürtzt. so er die allerlittsamst
schone vñd tugentreichste lyepligkeit
was. so lesterlich vñd feynschimpflich
verspottet. so er die erschreckend feur-
prünstig ernsthaftigkeit was. Behüt
vns eretreicher got vor offelicher schäd-
laß vns nit zu einē gespödt vnser feind-
werden. sunder dich zu deiner ere ewigē
lichen loben.

Von der gayßlung vnser herren.

OAllmechtiger gott. des ordnung
nyemāt zerstö:n mag. des gewalt
nyemāt widersteen mag. des vrayl. nye-
mans entpfliessen mag. des schöpfung
vñd würckung nyemant hyndern mag.
des büß nyemāt leichtern mag. des maß
nyemant myndern mag. des ewigen ent-
lichen rat vñd fürnemen nyemant wend-
den oder endern mag. Darin kein boß-
heit mag das ioch deiner gerechtigkeit
hin werffenn. kein hohfart deinen zorn
verachten. kein trätzigkeit deinen ernst
zetzen. kein kunheit oder grobmütigkeit
getar: dir begegnen. wann alle kraft vñ
macht muß dich fürchten. dann wen du
woltest. so möcht die hell mit allen penē
vñd bösen feindē den mensche nit sche-
digen noch betrubenn. wenn du woltest.
so möcht er von einem myndern den ey-
n bynlein ist. sein leben nit erretten. Alleyn
die war demütigkeit. rew. gedult. vñ büß-
fertigkeit mügen dich ziehen zu gnedig-
keit. Daz sein die. den du gewalt gegebē
hast wider dein strege gerechtigkeit. O
barhertziger gott. vatter. wen wir für
dein streng gericht fürgeführt vñd von
unsern feinden gerügt vñ angeclagt. zu

leidens cristi in gebets weyse

penen vnd dem ewigen tode gehaischet werde. So bist in sunder angedenck. wie vnbillich dein allerheilighster sun als ein vermaynter vbelsetter dem haidnischen pluttrichter ist fürgefürt vñ geantwort. felschlich angeclagt. hitziglich vnd begirlichen zum tod geayschet. wie eyneim schändē buben vñ mörder nach gesetzt. wie vngleichlich verurtaylet. vñ vngerechtlich gerichtet ist worden. vñ rechne die selben vnbilliche ding gegen vnsern billichen. Dann was möchte billichers verstanden werden. denn das dy vernünfftig creature C die du lieb hast vñd hast ir souil guttes gethan vnd empfolhen. vñd souil böß verzigen. souil guttes verhasßenn. wer sy dir gehorsam. souil vñbels getroet. würd sy dei gebot verachten C dir fürgepracht werd. das sie rechning geb von söllichen dingen die yetz gemeldet sind. Vñd wer erkennt nit. das sy billich von allen creaturen C wa sy vñ dein sundere grosse guttet mit danckber ist. vñd mispraucht dein gab. wider dein ere C sol gerügt vñd beclagt. vñd zum tod vñd der verdampnus geaischen vñd verurtaylet werden. Aber lieber herre. so wir erkennen müssen. das das alles billich ist. das der mensch gott dem herren seinem richter. der du bist. fürgepracht. vñd vor im gerecht fertiget vñd geurtaylet werd. was es icht billich. das got der herr. der auch dein sun ist. eym sündigen menschen fürgefürt würd. dz er vor im besagt. von ym verhöret vñd geurtaylet würd. Darum milder gott. so dasselb als so vnbillich was. als billich diß ist. vñd dein allervnschuldigster. vñ heylighster sun. der die endlohe heyligkeit vñd gerechtigkeit wesenlich ist. dem du gewalt hast gegeben zeurtaylenn alles fleisch.

hat die salbem schmahheyt vñd vnere vñ vnsern willen wöllen leidē. So bittē wir dein barmhertzigē gütige mitigkeit vñb der selben gedult wilkenn deins allerliebsten suns. schlahe eins gegen dem andern ab. vñd nym die gedult der lügenhafftigen anlag. die vber. vñd wider yne beschehen ist. für die warhafftigen auff. die wir verschuldenn. das die falsch besagung des vnschuldigenn geschwarg. vñd hyntersich treybe. die waren die wider vns beschehen solt. Dann darumb hatt vnser behalter dein lieber sun die lügen wöllen leyden. das vñns die warheyt nit schadete. als er das vnrecht oder die vngerechtigkeit hat wöllen leyden. das vñns die gerechtigkeit nit schadete. Wann so wir layder lügenhafftig vñ vngerecht sein. so ist die warheit vñd gerechtigkeit wider vns. Vñd darumb hat die warheit wölkenn verlogen vñd lügenhafftig geschätzt werden. das die lügenhafftigenn warhafftig würdenn geschehen. mit ym dem. das sy lügenhafftig sind. sunder in dem. das sy der warheit. die dein sun ist. durch den glawbē vñ liebe zu ym. vñ durch veriebhung yrer sünd. ahvengē. Darum hat der allerdemütigst vñd gehorsamst dein sun der allein alles deyn gesetz nach aller deiner höchsten vñ ynnlichste maynung gantzlich grüntlich vñ allervollkommenlichst gehalten hat. als ei vbertretter vñ zerstörer deines gesetztes. vñ ei widspeniger aller gehorsam geschēd wölle werde dz wir nit als die vngehorsamē geschēte sünd als dy gehorsamē beschönt würdē Darum hat die tugēt wöllen gerügt. vñ d größten vntugent gezygen werden. das die vntugenthafften tugenthafftig geachtet würden. Darum ist die gerecht

Eg iij

Von der betrachtung des

9
 tigkeyt durch vnrecht verurtheylet wor-
 denn. Das die vngerechten nit als dy-
 vngerechten von den gerechten geur-
 theylet. sunder als die gerechte von dem
 vrtayl vnnnd der verdampnus erlöset. ge-
 freyt. vnnnd behalten würden. als vnns
 das alles vnd des gleichē dein heyliger
 vnd warhafftiger buttel verkündet vnnnd
 in einem kurtzenn wort beschließet. da
 er spricht zu den von Chorinto. das du
 den. der die sünd nit gekent hat. dy sünd
 gemacht hast. dz wir dein gerechtigkeit
 in wir. Darum barmhertziger va-
 ter als du deinen allerheiligste sun hast
 lassenn einen sündler geachtet. vnnnd als
 einen sölliche verachtet. durchrechtet ver-
 clagt vnd geurtheylet werdenn. auff das.
 das wir sunder. vor dir. als die gerechte
 beschönet. geeret vnd besonet würdenn.
 Also laß auch sein vnnerschulte pen eyn
 Bus vnd dir eingnugt hun des oß auch
 gnugleydendes opfer für vnser woluer-
 schult pen sein. auff das. wenn vns deyn
 gerechtigkeit zu der pen. die wir billich
 vmb vnser sünd vnd vngnugsamen Bus
 willen leyden solte. vrtaylen will. dz dein
 barmhertzigkeit die vnschuldigen groß-
 sen pen. die vnser haubt dein allerheilig-
 ster sun des vnschuld vñ tugent nyemāt
 genug erheben mag. für vns sein dürfftis-
 ge gelider gelidten hat. her für ziehe. vñ
 den augē deier gütigkeit fürhalte. auff
 das. das wir durch das verdynenn des
 gedultigen leidens desselben deines al-
 kerliebsten suns. von den grossen penen.
 die wir verschult haben erlöset werden.
 Dañ barmhertziger vater. ob wir nit mit
 leydens noch barmhertzigkeit in vnsern
 penen C die vns doch so wee thun C wir
 dig sind. sund mer gespörtes. so ist doch

dein auferwelter sun der selbē soult mer
 würdig. soult wir ir vnwürdiger sind. Dar-
 vñ herz bittē wir dei barmhertzigkeit. dz
 sy ir sein leyden laß zu hertzen geen. vñ
 gedenc. für wen. vnd vmb wes willenn
 er so groß marter gelidten hab. vnd op-
 fer sy der gerechtigkeit. für die vnser. vñ
 erwerb vns gnad vmb verdienstes willē
 der gedult. Des. der so offenberlich ent-
 plößet vnd beschemet ist wordenn. so er
 die hort. gezierd. vnd ein beschöning ist
 der geprechen vnd scham alles mensch-
 lichen geschlechtes. Der so schmechlich
 gehantzelt vnnnd angetast. so hert vnnnd
 streng gefesselt vnd angebunden. so vn-
 gütiglich geschlagen ist worden. so er
 das senfft gedultig opfer osterlamb woz
 Des linde haut so hertigliche zerzauset
 Des aller zertest iunckfremdlichen fleisch.
 so merterlichen zerzerret. vñ gepeinigt.
 Des erentreiche seyten so ellendlich
 zerrissen vnd zerruckt. Des allergedul-
 tigen ruck. so iemerlich zerharven vñ ver-
 wündet. Des edele herrliche prust so grym-
 miglichen zerschlagen vnd plutrünstig
 Des vnschuldigen kostpers miltschlüssigs
 plut so vntaurlichen vergossen. Des gna-
 denreiche sel. so mit grossem schmerzen
 vnd wee in yrem empfindenn gequelet.
 Des hohe göttliche maiestat so vnauf-
 sprechenlichen großlichen geschmebet
 ist wordenn. So er die barmhertzigkeit
 vnd verzerrung ist. Der diß alles so ge-
 dultiglichen gelidte vnd dir o himlisch
 er vater C das du deinen zorn. von vnns
 abwendest C für vnser misstat. so des
 mütiglichen vnd andechtigliche geop-
 fet hat. Durch das verdienen seiner hey-
 ligenn gedult. Bittenn wir dich milter
 vatter her ab deynen zorn von vnns.

leidens cristi in gebets weyse

verleih vns dein gnad. zemeiden alles das. das wider dein gesetz ist. vñ zethun was dir lieb ist. vnd zueerharrē in allem dem. das dir angemen ist. das wir dich allweg loben vñ dir ewiglichē mit freuden dancken mügen Amen.

Von der krönung vnsers herren zu dem vater.

Oh. des willē. der so bitter angstlichē mit der menge d̄ langen. herren. spitzen. scharpfen. tieffdringende dōnen gekrōnet. gequelet. verwundt. vñ an seinem heyligen allerhohwirdigsten gottes maiestetlichē haubt durchstochē vnd mit seinem vnschuldigen rosenfarben plutt. Als wir miltiglichsen glawben d̄ gentzlich vberwunnen. oder mer vberflossen ist worden. In welcher engstlichen qual kein auffhorung. als yn etlichē andern penen. kein vntterleybung. kein miltierung oder leychterung. kein be Helflichkeit. kein abwenckē oder weichen. kein ruo od̄ rast. sunder mangs erschellen des zartē h̄rns. vil staygerig. stetres wūttē. vnd grymmiges stechen gewesen ist. das so oft gemeinet ist worde. so oft die ritter d̄ ein gantz heer woz d̄ sei allermitest haubt yetzo mit dem rorstab vngütiglich geschlagen. yetzo mit flachen henden. sein mynsam ernsthaftig angesiht frayblichen mit grymmigē anfarem. mit zornigem anschrautzē. mit schmeßlichem anzannen vnd anspürtzē. gepleüt oder im mit den schweren herte vnd villeicht gewappeten feusten. hertt strach auff seinen demütigen nack. mit lautruffendem schreyen. vnd gespött gegeben haben. Vnd das haben sy ym zu einem gespött gethan. Der begerten tyranny vñ wūtrichey. das ist. darun̄ d̄

sy in geschenden vñ zu einem spott dem volk machen möchtē. das er darnach gestanden oder gerungen vnd dar auff gedungen hett. das er vber das volk herschen. sy peinygen. vnd seinen muttwille mit yedermā treyben möcht wie er wolt. Des zygen sy in mit gespött. vnd lestertē in. vnd machten ein spottspil auß im. mit mōrtlichen schmerzen. vñ veint schertzen. Auß im C sprich ich d̄ vñnd mit ym der doch keynen armē ye verschmeht. keinen demütigē ye verachtet. keins cynfeltigen ye gespottet het. sunder er hett die demütigē erhöhet. die armen. kōig der hymeln verkündt. die cynfeltigen zu den verborgnen kostern schetzenn des reichs gottes vñ der höchsten würdigkeit gefordert vnd erwelet. er het sich keyns vbel̄s seiner todfeind ye gefreüt. sunder vber ir künstig vbel ynniglich gewaint. Keiner werltlichen ere hett er ye begert sunder sich verschlagē vor dem volk. daz ine mit gewalt zucken vñnd einen kōig machen wolt. vnd was geflohen. Er het keinen vnbeholfnen menschē ye betrübt sunder die betrübten grōßlichen vñ wūderberlichen getrōstet. Es sah die wittwa zu nayn. betrübt. vñnd waynen. vmb yren aynigen sun. an dem all ir trost gelegen was. da man in zu dem grab trug. er hett ein hertzlich erbermd mit ir. vnd erquicket yn von dem tod. vnd gab yne ir lebendig vnd gesund wid. Er sah den fürsten der synagog mit namen yairum betrübt. vmb sein tochter. die verschayden was. die macht er ym wider lebēdig vnd frisch. vnd erfrewt vater vnd muter. Er sah Mariam magdalenā wainē. vñ yren todte pruder. vnd waynet mit ir. Er waynet mit den waynenden. Er betrübt sich mit den betrübten. Aber o des aller

Von der betrachtung des

seligste wayners & allein wende mocht was er bewaint. O des allerkräftigste trösters. der nit alleyn süsse oder gutte wort. sund gewünschte werck gab. Er hub mit krafft seynes wortes. das Lazarus sel auß der tieffenn hell. vnd leyb vnnnd sel zusamen gefügt. mit gepunden hendē vñ füßen vñ verbunden augē. vñ bedeckte angesicht auß dem grab. Sölcher seiner milte tröst ist das heylig ewangeliiu vol. wan seine gutat vbergehen dy zal der menge halbe. sye vbertreffen vnser gesprech der tugend halbe. sy vberfare vnser synn vñ witz der größe halb. sye vberfliegen vnser verstetnus wunderberlicher höhe halbe. Darumb ein solliche milte guttheit peimige. einer solliche end loße macht spottē. vñ sich an ir einem nit lassen benügen. als weder an der merterliche pen. es gee den mit gespöt zu. noch an dem gespött. es bescheh den mit grofser bitterm pen vñ marter. wem dz nit zu hertze geet. ich ways nit ob er ein hertz hat. hat er aber ei hertze. so ist es staic in nit fleischeyn. O milder vater herre got du sprichst durch deinen heilige propheeten Osee. Effraym ist gleich wordē als ein verfürte taub. die kei hertz hat. Wir sind layder effaym on ein hertz. dann yemer du vns guttes vor andern creature tuft. vñ gethan hast. ye minder wir es bedencken. Effraym vñ manasses wollen ye pröder sein. das ist glückseligkeit dyser zeit. vnd vergessenheit deiner gnade Milder vater. schöpfe ein miltes. tugentreichs. danckpers. liebhabēdes hertz yn vns. Nym von vns C als du durch den heyligen propheten gesprochen. vñ versprochen hast. nym von vns D dz stein ein hertz. vnd gib vnns eyn zarts fleischeins hertz. das die liebe vñ das leidē deines

allergetreuesten suns in sich ziehe. vñ in im empfinde. dz es den liebhabēde warlichen vñ verharrenlich lieb hab. vñ mit dem leydendē laid. auff das. das es sich mit dem frewenden freuen vñ mit dem regnierendē ewygliche regniere werd. der mit dir lebt vñ regniert in aynigkeit des heyligenn geystes durch alle werle der werlt Amen.

Von der fürfürung vnnsers herren als er von Pylato dem volk fürgeführt vnd gezaget ist worden. vnd wirt in dyser betrachtung die person veredert. dan zum erstem ist sy gericht zu der person des vaters. darnach kert sy sich zu der person des suns. vnnnd varhart also bys an das end. Also magst du anderstwo auch thun. das du dein betrachtung oder gebett yetzo zum vater. yetzo zum sun richtest. oder vor zum sun. darnach zum vater. doch mit der weyße. die oben gemeldet ist.

O Herr aller herren. König aller König. got richter aller götter. dz ist. aller der. die götter gen emnt werde. so al layn ein ayniger warer wesenlicher gott ist. der du mit deinem sun vnserm herre ihesu christo. vnd dem heyligē gaist bist. vmb des yetz genanten deines suns willen. yn des namen du vnns hast wollen selig machen. der sein würdigkeit vñ göttliche maiestat. so fleyslich verborgē vnd auch den. die sy kanten. das sy es nit melden oder offenbaren gedörfen. verbotten hett. vnd ist doch als ein geschmehter. als einer der vñ seiner höfart willen. geschendet. vñ mit bitterm peinlichem gespött gestraffet were. dem schändē gepöfel fürgehaltē vñ gezaigt worden. als den. die da sehen vnd vntailen sollten. ob er gnug gestraffet wer od nit.

leidens cristi in gebets weyse

umb sollicher Demütigūg vñ Beschemūg
willen. Des. vor dem alle richter vñ ges
welt erscheinen vñ vō im geurtayler wer
den müssen. bitten wir dich erschrocken
licher richter barmhertzyger vater. Bis
vns gnedig. wēn wir deinem gericht. dz
du durch yn besitzen wirst. fürgepracht
werden. das wir rechnung aller vnser
wort vñ werck. aller fürsetz oder willē.
vñ gedanken geben. vñ seins vrtayls
wartten sollen. dem du alles gericht en
pfolhen. vñ allen gewalt in hymel vñ
auff erden gegeben hast.

Nie wirt die person verendert vñ dy
red vō der person des vaters zu der per
son des suns gewendt.

Denn bis ingedenck. o milter harn
hesu criste. in was zittern vñ bid
men. yn was schame vñ schmerzen. yn
was forcht vñ angsten. dein zarte men
schait. in angesiht deiner feind. vñ des
tozrechten vñ danckbern gepöfels gestā
den sey. da du also vbel gehandelt vñ ge
gayfelt. also schmerzlichen verspott vñ
gekrönt. mit den zaichen der verspottūg
aller deiner würdigkeit. vñ straffung der
felschlich gezigne hohfart. als mit dem
purperuaren gewand. vñ mit der dōme
kron. vñ der gleichen gefestert. dem to
benden volk C das durch die irrenden
vñ durch neyd vñ haf verplendte seine
bischof vñ gelerte versürt was C für
geführt wardest. vñ erbarm dich vber vn
ser engstliche forcht. durch die wir vns
mit vnbillich. vor deinem strengē gericht
zebesorgen haben. umb des grausamen
geschrays willen. dz deiner menschlich
en natur so erschrockenlich vñ deinem
miltē hertzen C als ein scharpfes sch
wert C so ser schmerzlich durchstech
end gewesen ist. da sy vber vñ wid dich

zu dem pluſtrichter mit greulichem vñ
gestūme ruffen geschrey haben. creütz
ige in. creützige in. vñ sein pluſt kum ober
vns vñ vber vnſere kinder. bittē wir dein
miltigkeit umb der selbē gütigkeit wil
len. die dich dar zu gezogen hat. das du
solliche greulichs geschray wider dich
vñ vnſern willē dulden vñ hōrē woltest.
geschwayge vnſer feynd vñ anclager.
die in deinem gericht wider vns steen
werden. vñ verriag alle die. dy vns zu sch
anden vñ zu schade bringē wōllen. Vñ
so die schnōden vñ grymnigē iude. dich
C der du endloſer guttheit vñ maiestat
biſt C aintweders auf hohfentiger. ver
schmehung so leicht vñ vnwerd geach
tet haben. dz sy mayntē. dz dein vnſchul
digs pluſt nit solt gerochen werden. o
d auf groſſem neyd vñ zorn. so heſſlich
angesehē vñ gehalten. dz sy bayd ir arge
leben vñ hail. vñ auch yrer kinder ge
lück vñ selde dar an ſetzen wōllen. So
bittē wir dich. vñ der selbē deiner vñ auß
ſprechenliche liebe vñ tugent willen. die
dich dar zu bewegt hat. dz du vñ vnſern
willē C aintweders so schnōd woltest ge
achtet werden. pen. marter vñ tod. vor
got verachtet wer o
d solt ſein. o
d so heſ
lich. als ob dein marter vñ tod gott den
herrē so beſeglich vñ begirlich vñ vō. dē
menſchē auf haf so begert vñ gewünſt
solt ſein. das sy auch leib vñ lebē daran
wagte. vñ keines ſchadens. o darauf kū
mē möchte. achte ſōlten. der du herre so
koſtper zeachte biſt. dz nichts wed in hy
mel noch auf erdē. wie hoh es iſt gegen
dir C denn als vil du wilt C zeachte iſt.
so gutt biſt du das dich nyemant so lieb
mag habenn. als werd oder würdig du
der liebe biſt. Vñnd du. der du so heyl
lich vñnd so vber hohwirdig biſt C

Von der betrachtung des

woltest von den warlich schänden vnd
heflichen tuden. so schänd vñ so hefig-
lich geschetzt vñ geurtaylet werden. das
du vns schändē vñ hefliche vmb vnser
manigfaltigen höhfart vñ bosheit wil-
len. mit woltest verachte. oder von deiner
liebe verstoßen vñ verdamme. Sunder
mer vñ deiner heilige gedult vñ demü-
tigkeit willen. die du in deinem leiden be-
weisen hast. zu gnad. zu deiner stetten lie-
be. vñ zu der ewige seligkeit barmhertz-
iglich aufnehmen. der du mit dem vater
vñ aynigkeit des heyligen geystes reg-
nerst warer gott durch alle werlt der
werlt Amen.

Von der erbermlichen auführung
vnsern herren zu seiner person.

O Berweltiger herre hymelreichs
vñ ertreichs. des alle stett hay-
mend sind. dem alle zeit hochzeit ist. des
alle herren dyener sind. gegen dem alle
heilige sündler sind. des alle richter ver-
fallen schuldiger sind. des alle freye ge-
fange sind. des alle gelerte vñ geschult
weyßen alle pfaffheit vñ maisterschafft
alle gesetzgeber vñ propheten. alle bis-
choff vñ patriarchen schuler sind. des
alle oberkeit vntterthan ist. des alle dig-
aygen sind. vmb der hohen gedult wil-
len der vnaussprechliche vnbillichayt
deines yemerliche aufführens. als du vn-
schuldiges opffer. anff das aller werlt
sünd gelegt sind worde. bist als ei schul-
diger. schedlicher. vbelter. auß vrtayl
eins vngerechten. vbelter. falschen
vntterrichters zu wolgefallen vñ dack-
bern. neydige. lügenhafftige. schalkhaff-
tigen. gotzuerretern. verfürern des vnse-
ligen volkes. vñ zu dem vngestümē ge-
schrey desselbe verfürten vñ synnigē ge-
pofels. auß d stat zu vñ mit dem creutz

an dem du hangen vñ sterbe soltest auß
geführt worde. auß der stat sprich ich. die
Cyber die gemeine weyse. durch die als
le ding von art von natur vñ vñ not sein
müssen sein. Durch ein sund weyß dei-
was. als die. vñ vñ gott deinem himlisch
en vater. der durch dich alle stet beschaf-
fen hat. für dich in sunderheit vor allen
andern stetten fürsehen. erwelet. vñ be-
halten was. Die von deynen eltern ge-
stift. vñ verlore mit dem schwert. wider-
gewonnen. gebawt vñ wider gebawt.
erhöhet vñ zu einem königliche sitz. zu
einer haubtstat des gantzē königreichs
zu einem richterstul vñ gerechtigkeit. zu
einer hohen schul der göttlichen kunst
vñ weisheit. zu einem gesch der bischof
vñ der priesterschafft. der propheten vñ
geystlichkeit vñ maysterschafft. vñ auch
zu einer zuflucht der gantzē landschafft
gewidmet. vñ gesetzt w. Vñ welcher w.
w. vñ recht war könig aller könig. dan al-
lei du Welher w. vñ recht war richter den
du. Welher w. der oberst bischoff vñ
fürst aller priester denn du. des alle prie-
ster vñ bischoff der alten ee figure wa-
ren. alle bischof vñ pebst der neuen ee.
dyener vñ statthalter sind. Darumb sch-
lecht vñ kurtzlich zebeschließen. du bist
der recht könig. vñ du dein kirch. dz ist.
das gesind vñ die samlung die in dich ge-
glaubt. dir nachvolgt vñ dir angehang-
en hat. als die heiligen zwelffpottē vñ
ander iungern. vñ welche denn die ersten
samlung der criste zu iherusale gemacht
habē. die sind der recht war tempel. der
stul vñ das königreich. die haubtstatt. vñ
richter stul. die hohen schul. vñ alles das
zu dem die stat iherusale gewidmet w.
Darumb du bist allein der. dem die stat
nach göttlicher maynung vñ ordnung

leidens cristi in gebets weysz

aller fürderlichst vnd aller aygentlichst
zugehört. vnd kein stat hat ye einen mē-
schen so aygentlich zugehört. als dir dy
se stat zugehört. Ich sprech auch gern.
Dz kein stat vntter dem hymel got dem
herren also aygentlich zugehört. als dir
dise stat zugehört. vmb der sachen willē
die oben gemeldt sind. Dar zu hetest du
sy mit deiner leypplichen gegewertigkeyt
gewirdiget. vñ geheiliget. du woltest sy
zum ersten haubt grundstain der waren
stat gottes des himlischen iherusalems
setzen. auff den du dein heylige kirchen
bawē woltest. Vñ merck wer da wöll.
wie verbunden dir die stat gewesen sey.
waz ere vñ däckperkeit sy dir vor andern
stetten schuldig sey gewesen. wie manig
feltig recht du zu der stat gehabt habst.
vber sie zehersche vñ in yr zeregieren.
wie groß sach vnd recht du zu ir gehabt
habst. sy zestraffē an leib vñ an gutt. Dar
vñ dz sy dich in deiner einheit. so du yr
warer geborner erbherr warest. verlaw-
get vñ wider ir gesetzt einem kōig eines
adern geschlechtes anhieng. wider dich.
vnd dich dar zu. dem selben kōig. da er
dich zum tod sucht. verraten hett. Vber
daz alles. da du wider sölliche grosse vn-
trewe. sy erst vñ wirdigest. da schmebet
vñ durchechtet sie dich. Sie verbot dei-
en namen zu nennē. Sie verbot die verie-
hung deiner wirdigkeit. bey dem hohen
bann. Sie gebott. wer da westet. wa du
werest. dz er dich verratē sölt. Die gewel-
tigen in der stat. als die gleichner vnd
yres gleichē. schuffen dz mā dich vahn
solt. Welhe stat ist ye irem natürlichen
herren ungetreuer gewesen. Wider söl-
liche vntrew woltest du allergedultig-
ster vnd getrewster herre in ir. vñ den
yren demütiglich dyenē. vñ so demütig

lich daz du auch deinem plutuerkauffer
C der dich leichtgältiger sayl bot. denn
ein vnuernunftig vñ. vñ satzt die ware
deines plutes vñ lebēs in den willen der
kauffer D die fūß wuschest vñ speyhest
ine mit deinem aignē flaisch. vñ trückest
in mit deinem kostbaren plutt. das er so
wolfayl in den tod gab. so demütiglich
so getreulich. so vbermiltgeädiglich di-
entest du den kindern der stat. die dir so
vngetreu. so wißspenstig. so verräterisch
was. so du doch yr natürlicher erbherre
warest. dem nye yemans weder i kōigē
noch in kaysern in dem adel. in der weys-
heit. in der macht vnd tugent hat mügen
gegleicht werdē. Du woltest i diser stat
ellend vñ fremd sein. so sy doch dein vñ
deyner eltern geburt stat was. du wol-
test darynn arm vñ dürftig sein. so doch
alle ding leut. vñ ir hab in einer sundern
gefreyetē weis dein warē. Vnd wiewol
du souil rechtes vñ auch gewaltē zu d
statt vber andere hettest. so samdest du
doch mit einē da. der dich zu haus neme.
auch in dem tag deies einreytēs vñ dei-
er erē. da sy dich als yrē kōig empfieng
Vñ so einer d deine C mit ver daruon
auf liebe begert. vnd dich mit grossenn
freudē zu haus genomē hat. also durch-
leüchtig vñ gewirdiget ist wordē. dz mā
noch heit bey tag. so die freünd einand
allermayst zu haus ladē vñ nemē. als an
den kirchweyhen auff dem gew von ym
singt vñ sagt. bis an dz end d werlt. noch
dfter gedeckt mā der. die dich zu haus
empfieng mit namen martha. so fandest
du doch in der grossen weytē stat C d
gründ vñ bodē heißer vñ hof. herrschaft
vñ aygeschafft personē vnd gütter dein
warē D mit allein nach d gemeynē weyse
nach d alle ding seyn sind. sund auch d

sundern zu ainung halben. von der du sprichst. durch moysen leuitici. xxi. Euer erd sol mit ewiglich verlaufft werden. wan sy ist mein. vñ ir seyt mei herkommen. vñ bawleit. vñ ich bin euer herr. der ich euch auß egipte land außgeführt hab. dz ich euch das land chanaan gebe. vñ we re ewer gott. wan israhels kind sind mei knecht. die ich auß egipten land geführt hab. ich bin euer herre vñ gott. auch der erbschaft halb. vñ der oben gemeldt ist. vber die. von der sant pauls spricht 2d hebreos. j. das dich gott der vater einen erbherrē aller ding gesetzt hat. was sol ich sagen. menschlich vernufft ertrinct ee sy es ergründt. wie aygentlich vñ manigfaltiglich dise stat dein aygen was. yn der du doch ellend woltest sein. dz du sy ein haymet der pilgram. ya ein muter aller haubtburger der himelischen statt. ia ein muter des ewigē reichs machtest. vñ so sy so gantz dein aygē was. vñ du vñ pres hayles willen in ir so arbeit sam so dienstber. so arm. so dürfftig. vñ so ellend warest worden. so fandest du doch nit eynen mensche. der dich beherberge wolt. an dem tag. dānoch deines triumpfs vñ des hohzeits. deines obligens vñ vberwindens. Wan du herr soltest yn d selbē wochen. die allergrößtē feind des menschlichen geschlechtes bestreittē vñ vberwindē als die sünde. den lucifer. dy hell. vñ den tod. vñ soltest die. dy da hym geführt gefangen. vñ eingelegt waren. vñ dir zu gehöret. ledig machen. vñ daz haubt aller feindschaft gefangen legē. vñ an dem achten tag vñ dem tod trium phierē. vñ einen sige oder hohzeit des si ges haben. Vñ so es nit bequēlich woz vñ vñb des glaubens willen daz du dz sigspil als ander vberwinder d hie yn

dieser werlt. offenkliche begienst. oder hieltest. nach dem sig. wan dz sol behal ten werden. bis an das end der werlt. so woltest du dasselb spil. oder sei figur vñ bedēutung vorhin begeben. Vñ das hat dir allein zugehört vñ nyemant anders. dān nyemāt ist vñ im selbs seines vber windes vorhin gewis. dān du allein wa rest also gewis. dz du wurdest obligē. ee du strittest. als gewis du warest. daz du obgelegen werest. da es beschche was. Darum zu einem gewiszen zeichen des vngewisheitē künfftigen siges vñ ob ligens. dz du haben würdest wider den fürsten des todes. so begegnet dir das volt auß der statt an dem tag. als du ein rittest. mit palmen esten die nach der ge schuft die vberwindung bedēittē. vñ en pfingen dich mit iubel vñ frolockung. mit sundrer glori vñ cer erbieltung. als einen sundern kōnig vñ vberwinder. da du dannoch enmittē vntter ynen vber yr künfftig vbel bitterliche waintest. Vñ dārum hab ich den selben palntag den tag deines triumpfes vñ deines sigspi les vñ des hohzeites deines künfftigen obligens genennt. an dem du mit großē schal mit grossen freuden vñ eren eyn geführt wardest. Vñ so du herlich en pfangē warest wordē. so leret sich doch dz glück daz doch in dem gewalt vier hend stünd d so bald vñ. dz du nit einen mēschē vandest. der dich an den abend laden od vber nacht beherbergen wolt. Also ellend bist du in deinē haymet wor dē. das du vñ fremden vñ ellendē bur ger yn deiner statt in dem himelischē iher usalē machtest. vñ fürtest vñ yn dein es allerreichsten vaters haus. vñ mach test vñ mit den engeln sein hausgenossē vñ dein mit erben vñ mitgenossen deiner

leidens cristi in gebets weys

eren als kinder gottes. vnd erbherren
des königreichs der himeln. Vnd so du
vns also mit deinem elled sie haymet vñ
das vatterland. mit deyner dürfftigkeit
das himlisch erbtail verdienen woltest.
so bist du doch auß deyner aygnen statt.
auß deinem väterliche erb. mit den mörd
derischen schechern zu d verleumte stat.
an der mā sie vberkätter verderbt. zu ley
den den tod der mörder. mit einem sun
dern zeichen der schanden. als mit belas
tung oder befestigung deines aygnē gal
gens geführt wordenn. O allermiltster
herre wer möcht gnug bedenkenn oder
wegen. wie wee dir beschehen were yn d
tragung der sünd allerwerlt. die dir mitt
dem creütz aufgelegt sind worden. wer
möcht erkennen wie schwer dir diser last
sey gewesen. wie schmerzlich vnd alles
leydens vnd laids vol. dir diser ausgang
sey gewese. angesehe wie müd du werest
der du die gantzen nacht nye weden. wo
noch rast gehabt hettest. d du den gantz
en tag hin vnd her vnbarhertziglich
geboßelt. gemartert. vnd gepeiniget wa
rest worden. des leib vmb vnd vmb ver
wundt. verferet. vnd zerrissenn was. des
süß haubt vol scharpffer dörn stack. des
achseln vber ir macht beschwert. des hēd
hertiglich gebundē waren. des bain zit
erten. des gantzer leib pidmet. des plut
vast verrözet. des alle krafft erlegen. des
zart hirn von dem vngestümen geschray
erschellet was. Dan wer möcht gnug be
synnen. was grossen geschelles vñ dich
wer gewesen. angesehen das du so weyt
vnd so verz. sunder des leumetshalbē er
kennt warest. das du allermenglich yn
so grossem wunder vñ hoher achtung wa
rest. Dann wer möcht sein gewesen. der
von seinen grossen wunderwerken mit

gehört hett. Darumb sprich ich wol. wer
möcht ymmer gnug besynnen was gros
sen gedrengs vmb dich sey gewesen. wie
manig tausent augen auff dich gewor
fen seyen worden. wie viler mensche synn
vnd gemüt zu dir gekeret. wie manig wi
derwertig vrtail von dir. wie ein grof ge
dümer vñ ruffen od mürmeln vber dich.
was grossen dringēs auff dich. oder zu
dir. was grossen werens vnd treybens
von dir. was grossen frolockens deyner
feind vber dich. Darumb das ir muttwill
an dir einen fūrgang solt habē. w3 gros
sen iāmerlichen waynens vñ clagēs dei
er liebhaber. w3 hertzhichs laids vñ mit
leidens deiner freünd. mit dir sey gewes
sen. Vnd das alles mit einander was ei
beschwerung oder merung deines laids.
Dann die. dy auff dich drāgen. begertē
dich zesehen. mit als du anzesehe warest.
sunder als einen schuldige grossen vbel
tetter vnd verfūrer. Die ynen weretē. dy
tettē es darumb. das sy in deiner töttung
nit gehindert würdē. Die sich deines to
des freweten. Die versündeten sich mōrt
lich ser. vnd wurden schuldig an deinem
vnschuldigen plut. Der. die deynen tod
wayneten vñ clagtē grof hertzhich laid.
gieng dir mit mynder zuhertze. dan dein
aygen leyden. Darumb was dein sel vnd
leib alles vol leidens vñd schmerzēns.
Darzu so dienet zeit vñ stat. vñ and vmb
stende. als die menge des volks desauff
söllich zeyt. als da zemal was. wol mer
dan dritthalb tausēt malē tausēt zu iher
usalē zusammen komē. als iosephus sch
reibet. (vltio libro de bello iudayco.)
Nun vñ söllicher deiner erbermdliche
cleglichen so vnuerschuldter vnbillicher
auffführung willen. Bitten wir dich O
barhertziger richter. bis vnns gnedig.
hij

Von der betrachtung des

Wenn wir für dein gerecht gericht kummen. vñ so wir verdient habe. dz wir von deinem freudenreichē angesiht. vñ deinem wunsamē vaterland. vñ der frölichen gesellschaft aller heilige vñ engel. von d hohē wirdygkeit der kinder gottes zu d laydige statt vñ pen der verdäp̃tē. in die erschreckenden grausamē gesellschaft d bösen feind solten verstoßen werde. so gedenc̃ o aller senfft mütigstes vñ gedultigstes lamb gottes. diser deiner er Bermliche aufffüring. vñ alles des layds deiner aller betrübtesten werden mutter daz ir zarts hertz in der zeit deines aufffürens vñ leidens erlitten hat. vñ des grossen hertzlaides. aller deiner liebhaber vñ liebhaberin. zu der selbē zeit. vñ erbarm dich vber vnser grof vbel vñ hertzlayd des ymer keyn end wirdt sein. solten wir ewiglich C da dein barmherzigkeit vñ dz verdienst deines heyligen leidens vñ des mitleidens deiner reinē muter vñ iunckfrawen marie vor sey C vñ deinen gnade verstoßen sein. O hertz gedenc̃ das du diß alles vmb vnser erlöschung willen von vnser hales wegen hast wöllen leiden. daz du vns mit recht möchtest gnedig sein. laß dich vnser elenden iamer erbarmen. vñ verwädel vnser zeitliche forcht. in die ewigen sicherheit. deiner begirliche gnedigkeit vñ ymerwerendē seligkeit. der du alzeit vñ ewiglichen gelobt vñ gebenedeyet seyst mit gott deinem vater vñ dem heyligen geyst in alle werlt der werlt Amen.

Ein betrachtung mit verwunderung von der creützigung vnser herren vñ wirdt dise betrachtung als zu dem herren an dem creütz hangend gericht. die wol zu zeitten zelefen. wer auff die maynung das die creützigung cristi dem mensche

dest mer zu hertzen gieng. vñ ein kurz er gedanc̃ von dem leiden cristi oder ge Bettlein dest schmachthafftiger durch die andacht würde. vñ das ist auch die maynung aller diser vorgeendē betrachtung. das mā vntterweylen eine lese auf das. wenn der mensch für ein figur des leidens cristi geet oder sy ansiht od dar an gedēckt es sey die fürfüring. die gang lung die krönung. die aufffüring od als er an dem creütz hangt. das es im souil mer andacht gebe. souil als er höher ver stentnus vñ clerer erkentnus dauō hat.

O ich vor d figur deies creützes **O** aller miltster erlöser C vñ vor dem thron der allgnedigsten. milt mütigkeit vñ vor dem spiegel so seltsamer wunderberlichkeit stee oder knye. vñ dein iamerlichs hangenn ansiehe. So ich den sachen deiner marter nach gedenc̃ en will. so erschluchtet mein hertz. so in grossen roundern. dz es nit wayß wa es sich fürderlichen hin keren oder wenden süll. Es wayß nit ob es sich mer verwunden oder schemenn. mer betrüben oder freuenn soll. Ich bin nit gewyß. ob ich dich herr oder mich mer clagen wöll. ob ich mer erschreckenn oder frolocken sol. Wolt yemants wissen warum ich so vn gewiß were. der wirdig sich mit mir. i disen allerhöchsten gegenwurff zesehe. vñ vrtayle welhes man für dz ander süll er welen oder yehenn. Welhes menschlich hertz mag sich gnug verwundern. d grōf se der göttlichen wirdischait. das der vn schuldig für den schuldigen. der alluel tig gutteter für den manigfaltigē vbel tätter. der gerecht vñ vnschuldiger richter für den bewysnē verurtayleten verreter. die heyligkeit für den kirchenprache. d edel getrew herre für den schñoden vn

leidens cristi in gebets weyß

getrewē knecht. Der kōnig der himeln vñ
der engeln. für einen hellprand. vñ vñ
terwūrflyng der teufele. warer gottes
sun. für einen vnflätigen regenwurm. dz
göttlich heil. für ein vergifftig nater vn
zifer. Der ewig gott. für den tod schuld
gen verwesenlichen mensche an den möz
der galgen geurtaplet. an daz creütz ge
henckt. vñ daran getödtet solt werden.
Welher solt sich nit schemen. dz er sein
em got vñ herrē ein sach gewesen wer.
eyns söllichen schweren herten vñ ver
leumeten todes. Welchen solt das nit be
trüben. wenn er bedenckt. das vñ seiner
schampern. schentlichē sündlichē wollust
willen. Der kōnig der glori so grossen sch
mertze in seinem iunckfreilichē leb vñ
des mensche hofart willen. Der kot vñ
mist ist. so grosse scham. vñ vñ seinē fei
dē. so groß gespöt in seinem bitterm ster
ben leidet. vñ einnympt. Vñ wer hat
nit sach. vnaußsprechlicher freud. weñ
er gedencckt. daz der schöpffer aller crea
turen. die menschlichē natur so werd vñ
teür geachtet hat. dz er vñ yres hailen
willen. so grosse ding thun. vñ so grosse
pen leidē wolt. Vñ so er vñ liebe wil
len des mensche so vñmenslich pen ge
litten hat. wie kündt in denn der mensch
gung clagen. so in alle engel nit vollobē
mögen. Vñ so der geliebt mensche eyn
em söllichen liebhaber so vñdancbē ist.
das er sich seltem wirdiget söliche lyebe
auch zebedencken. wer kündt das deñ ge
nug bewainen oder clagē. Vñ weñ wir
bedencken wie einen hertē tod. du vnser
vnschuldiger fürbürg. vñ allerheiligher
ayniger sun gottes. vñ vnser sünd wil
len gelidten hast. so erschrickt nit vnbi
lich vnser hertz vor forcht vnser todes.

so wir dem selben von vnser sünd wege.
verfallen sind. Also kummen wir yn eyn
nott. das wir kaum eins senftrē todes ge
türren begeren. so du vnser hertz vñ
ser sünd willen. so mit grossem schmerz
en hast wöllen sterben. Herwiderumb. so
wir bedencken. daz du vnser barmhertz
iger hailmacher. vñ behalter. vil grosser
herter pen. darumb gelitten hast. das du
vñ daruor behüttē. oder daruō erlösen
woltest. so enpfahenn wir ein hoffnung.
das du vñleicht vnser leidē. dar um vber
oder auff dich genummenn hast. das du
vñ desselben vertragen. oder vberhebē
wöllest. als man es denn in der erfarnig
gefunden hat. dz du ertlich. die auch sün
der gewesen sind. gar gnediglich vñ dy
ser werlt zu der ewigen seligkeit genum
men hast. dann du hast ynen so groß rew
verlihen. das du sy on andere pen nach
diser zeit zu deynen gnaden genummen
hast. Des haben wir ein anzaigang vñ
ebenbild yn dem schecher. der neben dir
hienge Cals man helt C zu der rechtem
seytten. dem du den vorsprung vor allen
heyligen der schnellen seligwerdung ge
geben hast. Aus dem wir mercken müge
was grossen gnad vñ seligkeit von dir
Cals du an dem creütz hyengest C ge
flossen ist. da der himelisch schatz. der in
dir verborzen was. auffgesperzt ist wor
den. Wem sölt das nit hoffnung. deiner
barmhertzigkeit zuuergebung der sünd
vñ zu erwerbung deiner gnad bringen.
Darumb mag ich wol sprechen. das alle
begird vñ bewegung vnnsers hertzen
ein söllichen hohē gegenwurff an disem
deinem heyligen creütze findet. dz aller
menschen augen. alle sein hüpscheyt nit
ersehen möchtem. aller menschen synne
Hh iij

Von der betrachtung des

34 4
möchte sein süßigkeit mit all entpfinde.
alle hertzen möchten sein mangeltige
frucht. reichthumb. vñ nutzbarkeit mit be
hymnen. oder bedencenn. Alle verstent
nus möchte die tyeffe seiner verborgnen
sacramenten vnd gnadenreiche bedeüt
rungen vnd würckungen mit ergründen
noch begreyffen. Dann kein grösser sch
mertz ist ye gefület od entpfunde wor
denn. Keyn grösser layd oder hertzlichs
leyden ist ye getragen worden. kein gröf
ser gedult ist ye bewysen wordenn. Keyn
grössere tugend ist ye geübet wordenn.
Keyn grössere liebe ist ye erzaigt worde.
Keyn strenger vñt ist ye gefellet wor
den. Keyn grössere wirdischeit vnd barm
hertzigkeit ist ye gehört worde. Kei gröf
ser gnad od gab ist ye verlihe worde. Kei
tugentlichers vnd vollummers exēpel od
ebenbild ist ye fūrggehalten worde. Keyn
clerer vnd wunderberlicher spiegel ist ye
gesehen worden. kein süßere harpff hat
ye gelauttet. kein wollauttend saptēspil
hat ye süßer erclungen. kein kostperer vñ
völler schatz ist ye an das liecht kummē.
kein clerer liecht ist ye angezündt worde
kein heysser feur ist ye geschürt oder an
geprennt worde. kein wasserreicher süß
er prunn ist ye gegraben oder gefunde
wordenn. kein hübscher. edler fruchtbe
rer. höher. braytter. lustperer. schönplū
ender. wolriecheder. geheurer. vñ alweg
grunender baum ist ye gewachsen oder
gesetzt worden. kein wollüstiger weyn
reicher reb oder weinstock ist ye gepflan
tzt worden. kein wurtzreicher vnd heil
samer appotegk ist ye geöffnet worden.
kein reicher from ist ye auffgericht wor
de. kein völler keler oder kamer ist ye auf
gethan wordenn. kein speysreicher tisch

ist ye berayt worden. kein künstenreicher
büch ist ye geschriben oder gelesen wor
den. kein schöner vnd maysterlicher mon
strantz ist ye gemacht worden. kein heyl
tunreicher altar ist ye gebawet oder ge
weyhet worden. kein angenehmer opffer
ist gott dem vatter ye geopfert worden.
kein sighaffter baner ist ye auff geworf
fen wordenn. kein herlicher triumpf od
sigsil ist ye begangen worden. was sol
ich sagen von dem das mit allein allenn
zungen vñ außsprechenlich. sunder auch
Cals oben steet Dallen verstentnussenn
vñ begriffenlich ist. Darum zu einem be
schluß. sprich ich. das sycherer zusucht
vnd freyheit. da die schuldigen hyn flie
hen möchten. nye verkündet noch erkent
oder kundt ist worden. Wan es ist ye dz
zeiche. dz du auffgericht hast zusamen
die flüchtigen. von den glaubigenn. vñ
auffzenemen die zerstreuten. vñ ver
tribnen von den. die deinen namenn an
ruffenn. als der heylig prophet Isayas
geweyssagt hat. am ailtten capitel. Dar
vmb in dise freyheit willich. vntter dein
creutz lauf ich. vntter dei vchssen flüß
ich. hynnter dich verbyrg ich mich. Für
dis gericht mit vñlarob deiner barmher
zigkeit appellier ich. vntter dei vertach
hoffen ich. Darumb nach den wortenn
deines. vñ durch dich. vnser weysen vñ
getreuen vaters dauids. der vnns dyse
freyheit gewisen hat. Nach wunderber
lich dein barmhertzigkeit. der du die ses
lig machst. die in dich hoffen. Vor den.
die deiner rechten hand widersteen. be
hütt mich. als man die aygnen augapfel
bewart. vntter dem schatten deiner flü
gel beschirm mich. vor dem angesicht der
vñmiltten die mich peynigen. wann mein

leidens cristi in gebets weysz

feind haben mein sel umbgeben C Also spricht danid. in dem sechzehendē psalmē C Darumb fleuß ich zu deinē creütz C wan als aber d selb spricht yn dē neun vñfünfftzigstē psalmē C Du hast den dy dich fürchtē. ein zeichē gebe. dz sy fliehē vor dem angesicht des Bogens. dz ist deines strēgen gerichtes C als es auch yn d glos außgelegt wirt C Wz ist dz zaichē od die bedeütug. durch die vns gezeitigt wirt. dz wir vor dem bogē fliehen sollen. anders. den dz baner des heyligē creützes. dz du bist. d du darumb an dem creütz hast wollen auffgericht werdē. das die. den der bog deiner gerechtigkeit troet. vnd erschreckt sy. als der yetz gespannet ist. vñ schiffen will. ein zuflucht haben zu deinē creütz. vntter dein arm. als die iung en hünlein vor dem weyharn fliehen vntter die flugel der preutzhennē. Vnd wie dy tarobē vor dem habich fliehē in dialcher des felse. vñ sind da sicher. also hast du vns ein sichere zuflucht wollen zeitigē vñ machē in deinen wunden. C Als sant Bernhart meldet vber das buch d liebhabendē sel. in d zwavñsechtzigsten predig C Also wenn vns dein gerechtigkeit troet zeuerdammē. so winckē vnns dein Barmhertzigkeit. dz wir vns beruffen vñ appelliern zu dem creütz. als für dē thro d verzeihug vñ gnedigkeit. für den richsterstul deiner gedult vñ Barmhertzigkeit Wan da findē wir dich. wie wir dich haben wollen. da finden wir ein gestalt. mit die vns C ir selbs halb C erschreckē soll. sund sie vns mer erbarmē mag. In dem hymel bist du mir zu hoch. yn d hell bistu mir zu tieff. yn dem Krippeleyn werest du mir ebē. weñ ich rein wer. aber ich sih an. dz dich in deiner Eintheit allei die. dy rein vñ heilig sind. hantzeln. als die allerlaut

terst aller iuckfrawē dein allerheiligste muter maria. vñ d heilig priester vnd prophet Symeō vñ ioseph dei nerer. vñ sant Anna. vnd d gleichē Darüber redest du nichts mit Worten. ob du redest mit den werckē. dz mit yedermā versteet. In deiner predigē erschreckest du mich mer. dan du mich tröstest. dan du gibst solche hōhe vollkūmene gepott. dz sich mei plödigkeit daruor entsetzt. dan ob du auch grofsen lon. den. die sy haltē. verheysen hast. so hast du doch auch den vbertretern. pen vñ dz ewig feur getroet. In deinen werckē treybst du mich zu erschluchtzug deiner wundberlichē allnechtigkeit. In dem grab ligst du tod. vñ woz du wunders würckest in den hellen. dz wissen wir nit. als vil wir wölle. In deiner vrsede erscheynest du vntörtlich vñ wāderst nit meer bey vns nach gewōnlicher gestalt vnd weyß stetiglich. in deiner auffart erscheynest du wundberlich. yn dem sitzen zu d rehtē seyten deines himelischē vaters hōhwirdig vnd geweltig. Aber gen vnserm künftigen vrtail bist du verborgen vñ erschrockenlich. Darumb fürchten wir vns mit vnbillich vor deiner maiestat richsterstul. aber an dē creütz bist du aller erbermd vñ gnadē vol. darumb laß ich mich nit wylliglichē dānnen tringen. dan ich fürcht es möcht mir sunst misslingenn Rōm ich für den thro deiner gerechtigkeit. ich besorg mir wer grof qual vñ peuberaht. Darumb will ich yn diser freyheit beleiβē. ich getraw nyemāt soll mich vō dānnē treyβē. noch für einander gericht mit gewalt hinziehē. ich bin hie für das oberst gericht gedihē. Wan dz gericht d hōhe Barmhertzigkeit. ist mit mindē deñ d schwerē gerechtigkeit. Wa ich für dz selb mit schulde kōme. ob ich auch deines

Von der betrachtung des

345 anlaches warneme. ich gedörst mich nit wol dar an lassenn. Du hast getroet du wöllest solliche verlassen. wa sy in not vñ die letste angst würde künne. Des her ich mich nit vast wol angenummē. Nye hör ich weit ein baslauttende weys. mit mir wirst du heüt sein in dem paradeis. Ich will des gewissern in d freyheit spilen. vñ zu dē gericht d gnaden zilen. Ich sih auch die muter der barmhertzigkeit. vor deine creütz steē i grossen laid. Welches laid ir grof freünd. trost vñ frumen prigt so sy für ei kind. vnzelich tausēt gewidrt. wer wais ob ich auch eier möcht werde. Es wer mir dz begirlichst auf diser erdē Bey ir steet d allerliebste iüger dei. d vor andern ein schawer ist deiner peyn. Der darüb ir zu einē kind wirt gegeben. O lieber herr möcht ich dz auch erlebē. dz mā sy mein muter schetzete. durch dz ich irē verlust ersetzete. mit andn vnzelichē zu d selden stat. die sy durch dein verlust gewunnē hat. Vñ hat doch dich mit ynen wid enpfangē. darüb irē fründen nichts ist abgegāgen. Sy hat dich verlorē auff ein kleine zeit. ir werde vil geborn in allē landē weit. Bey ir will ich hie mit flehē borge. biß ich gesichert wird vō sorgen. Ich wais nit wie du mich dort wirst ansehē. dz mag ich gewislich vō deiner gestalt iehē. dz alles dz lieplich ist das ich vor mir sih. Darum tröst sich mein hertz nit vnbillich. Daryñ wird ich auch nit ei wenig getröstet. dz ich dich nackend sih vñ gartz enpflossēt. Dein haubt hastu mid zu vns geseckt. nichts sih ich ar kwenigs vō d trew gewenckt. Dein syn sind all zu vns herab genaiget. Daryñ wirt vns gar offēbar dy ware lieb gezaiget. Ein hand siht die andn gar vō verre an. Keine d andern zu steür od zu hilf kummē kan. Dar vñ kanst du dich hantzels nit erwerē. vō

Seine fleisch vñ leibe wölle wir vns herē. Etwan muste dich iuckfrawē füren. nun last du dich dy schelt anrürē. Du läst dir an manchē glid mit scharpfē stieden schrepffen. dz mā vō deine leybe den balsā saft mäg schöpfē. Gar genglich dyserbinkorb mit süßem hönig ist fließē. Des maint die vnerflich sel auch mit ci clain es zegeniessen. Sy siht dz kostper rosenfarb plut an herde vñ an füßer. da mit begert sy irē dürre durst mit grossē lust zu büßen. Dar zu belägt sy ser ir prust zu d deine zufüge. dz mag auch nyemāt mit warē rechte rüge. Wan da findt sy dz haimlich nest. d tuged vñ d heiligkeit in dem alles gut da haymē ist. d frid. die freünd vñ miltigkeit. Die trew die liebe. dy wonēt da. i irer weyrtē völkē. mit wa rer gottes maiestat. nun sih wer weichē sölle. Mā sol mer durch d seitrē loch in sy reiff wölle kriechen. die süße deines hertze wißts zu kostē vñ zu riechē. Sei antlitz leucht gar ein plaichē schein. dz soll d liebe aygeschafft sei. Mit dē siht du vns gar erbermbdlichē an. vnd gibst vns ein hertz zu dir zegan. Du sicherst vns vor schlaßē vñ vor plagē. wan deyn hend sind mit eyßen angeschlagenn. wir habenn dich als ergryffenn behemmet vnd gefangenn. wir sehen dich mit hendē vñ füßen an den nageln hangen. Du magst dich vns nit vntterziehen. Du magst weder weichen noch fliehenn. Du getarst weder zürnen noch schreyen. das man es nit der vngedult mäge zu schreybē. Darüb hie hab ich dich gar recht erwyscht. da du in vnsern gewalt kummenn bist. Du bist einem bösen tier in die hend geschwungen. Darzu hat dich dein trew gar geweltiglich gezwungenn. Es wirt dich nit auß seinem gewalt lan. Du habst denn seines hertzen willen gethan. Das

leidens cristi in gebets weyse

sey dir von einer vnwürdigen zungen. zu lob deiner grossen gedult kurtz gesung-
en. Ich muß ye ein wenig iubilieren. solt
es vñer dise gedencē vnzieren. Nun
bit ich dich O allermiltister erlöser vñ
deines grossen schmerzē willen. den
du an dem creütz für vns gelitten hast.
Vmb deynes wunderberlichen gedult
willen. die du in allem deinem vnschuld-
gem leidē gehaltē hast. Vñ deiner end-
losen liebe willen. die du vns darinnen
C dz du eins sollichen herten todes für
vns sterben woltest bewisen hast. Vñ
der liebe willen. die du zu der ere deines
himelischē vaters gehabt hast. vñ d wil-
len. du solliche schmachheit. solchen gros-
sen schmerzen. solch gespött. solch der-
weyßen. vñ kurtzlich zeredē. solch gro-
marter vñ pen. mit einem solchem ver-
leimeten tod leyden woltest. dz du bewy-
sest. wie hoch die ere der väterlichen ma-
iestat zeachte were. vñ d willen. mā kein
pen. kein schand. keine tod. wie erschrock-
enlich. grausam vñ vnerlich er wer. scheu-
hen solt. Vñ des wolgefallens willen
deines ewigē vatters. das er gehabt hat
in deiner gehorsamē demütigkeit. vñ d
berliche gedult vñ senftmütigkeit. Vñ
d glori vñ ere willen deiner gebenedeytē
mēschait. die sy durch solche gehorsam
vñ gedult verdienet hat. Vmb des rech-
ten willen. dz du hast zeuerdammē vñ ze
behalten wen du wilt. dz du auch. durch
demütigkeit vñ gedult deines vnschul-
digē leidens verdynen woltest. wie wol
es dir vñ art vñ aygēschafft deiner edeln
geburt. vñ vñ recht der natur zugehört
Vñ der zeichen willen der liebe. die du
vns in allem deinem leben. in allem de-
em leiden. vñ besund yn deinē sterbē an
dem creütz bewyßen hast. Vñ der wun-

derberliche süßen wort willē. die du an
dem creütz geredt hast. yn den du deinē
himelischen vater. so getreulichē. für die.
dy dir den tod tetten. gebetē hast. in den
du dein heylige hohe iunckfröliche ge-
pererin. deinem iunger zu eier muter ge-
geben hast. In den du auch dem möder
der dich anrufft dz paradeis versproch-
en hast. verzeyh vns lieber herre vnser
manigfaltige sünd. die wir wid dei liebe
vñ vnsern nechsten begangē haben. Bys
vnser milter fürsprecher vor deinē hym-
lischē vater. verleih vns gnad vor deiner
werdē muter. das sy vns vntter iren Ein-
dern erkennen vñ zelen vñ vñ deiner lie-
be willen C d du für vns gestorben bist.
vñ vns. ir figürliche in sant iohāsen per-
son so getreulichē yn deinē letstē end en-
pfolhē hast C nymmer verlassen wöll. Ge-
deck vnser zu gutt in deinē reich. Vñ
vns nach vnserm end auf. yn dz himelisch
paradeis. d du vñ deinem himelischē va-
ter. in deinē leiden hast wöllē verlassen
werdē. das wir. vnwürdige. nit verlassen
würde. Der du solchē grossen durst vñ
begird nach vnserm hail gehabt hast. dz
du nichts vntterwegē hast gelassen. das
zu fürderung desselben dyenen möcht. es
wer zu leidē od zuthū. Laß dir o allermil-
tister seligmacher vnsern geyst an vnser
rem letstē end anpfolhē sei. den wir nun
yetzo dir in die hend deiner gütigkeit vñ
barmhertzigkeit C ob wir es in d selben
zeit nit thū möchtē. obereylig schmerz-
ens od gepuchte halben d vernüft C en-
pfelhe. d du dei sel für vns gegebē. vñ
deinē geist in bedeutnus des vnsern. yn
die hend deies himelischē vaters anpfol-
hē hast. Mit dem du nun vñ alweg lebst
vñ regnierst in ayngkeit des heyligen
geystes yn alle werlt der werlt Amen.

Ein betrachtung

34 So das kyrieleyson ein versach ist ge
wesen diß gantzê puchs. so folgt nit vn
bequemlich ein betrachtung vber das
selb kyrieleyso hie hernach. die ei mēsch
zu zeittē vberlesen möcht. das er etwas
andacht dar auß schöpffe. die ym eifal
len vnd dienē möcht. dēster begirlicher
die götliche barmhertzigkeit i dē gedā
cken seines hertzen anzerüffen. wenn er
es sōng oder hōrte singen.

Kyrri herr gott almechtiger
vater der du pist der bodeloh
wag endloses wesens. der ab
gründlich prunn der ewigen hōhstē sub
stātz der gutheit. die souil hōher scheint
als vil man sie mecr ersiht. souil schöner
als vil man sy genawer beschawet. souil
vnbegreiflicher. als vil man bas er
greiffet. souil süßer als vil mā ir mer vñ
mer versücht. souil maiestetlicher vñ er
schrockenlicher. als vil man ir heymlich
er wirt. souil lustlicher lieber vñ werder
als vil man sy mer vnd mer neisset. souil
tieffer vñ tieffer. als vil man sy mer vñ
mer ergründenn wil. souil vōller. als vil
man sie mer schöpfenn wil. souil reicher
als vil man mer von ir nemenn wil. souil
milter. als vil man mer von ir heyschen
will. souil senffter vñd gütiger. als vil
man sie mit clagen der sünden vñ armut
mer bekümmern will. Du bist d̄ anfang
auß dem alle ding entspringen. Du bist
der vrsprung der gotheit. die erst d̄ göt
lichen personē in der allerhōhstē dreyig
keit. der andern personē vñanbegunnes
anbegynnen. vrsprungs vñ mit zeitliches
außflōßens oder anhebēs halb. wan vō
dir ist got der sun durch die weis d̄ na
tur. als durch die gepurt die von ewig
keit ist. vñb deiner allerfruchtberesten

art willen. Vnd vōn dir vñd deinem al
serliebstem sun flēisset auß der heylig
geist. in weis der allerreichsten gab. auß
dem allermildesten willen endloser gū
tigkeit. die in dir ewigem vater vrspru
glich ist. d̄ du souil fruchtberer pist. als
vil du der erst anfang. on anfang C von
dem du seyst d̄ bist. Vmb sōlicher deys
ner alleredelsten hōhsten sundern eigen
schafften willen. vñb deiner gottuater
lichenn würdigkeit willenn bit ich dich.

eleison erbarm dich vber vns arme
menschen. die wir vntter allen deine cre
aturē. die dich durch die verstantnis er
kennen mēgen. den aller vntterstē grad
halten. vñ doch auß guttat deiner schöp
fung. durch die du vns nach deine bild
geformirt vnd beschaffenn hast. deiner
gutheit. vñd der waren seligkeit enpfen
glich seyen. Aber souil grōsserer gūter
wir auß deiner gab empfenglich seyen.
als vil grōsserem vbeln werdē wir auß
vnsern sünden ewiglich vntterwo:ffen.
es sey denn das vns dein barmhertzig
keit zehilfe kum̄. vñd zu den gūtern die
du den guten bereit hast. leyte vñ bring
Darumb barmhertziger vater. erbarm
dich vber vns das du. der du bist. d̄ erst
vrhab vñd schöpfer aller natur. auch ein
milter geber seyst der gnad vñd tugent
licher werck zeverdienen. vñd des lones
zu frōliche nyessen. zu ewigē lob deiner
großtetigenn maiestat in alle werlt der
werlt Amen.

Kyrri herr ewiger vatter vnser
herren ihesu cristi. vñb desselben
deines eingepornen suns willen. der vō
dir so vñmēssiglich vō ewigkēyt geliebt
wirt. vñd dich so lieb hat. vñb aller der
ding willen. die er vñb der lieb willenn
deiner vāterliche ere ye gewōlt. yn mens

Über das Kyrieleison.

schlicher natur geredt. gethan. od gelitte
hat. allermait dz er im von ewigkeit für
genummen hat. für die natur auß der du
ym ein gespons beraytten woltest dy du
durch ym. nach ym. zu ym. für ym z schaf-
fen woltest. dir zu lieb zu ere vnd zu wol
gefallen. sich in yr zedemütigē. vnd für
sie zeleiden z Hie gedenc in sunder
heit. was dich gelust von den gegewürf-
fen. Umb sollicher demütigung. tu-
gent. vnd willigen leidens willen deines
allerliebsten sunes. das er geduldet hat
dir zu wolgefallen für vnser hail. daz er
vnns zu gnaden vnd seldenn prechte.
eleyson. Erbarm dich vber vns.

Ryri. Herr allermiltist vater
ter. des endlose miltigkeit vnd
groftrettigkeit bey der aufgryf-
ung der wesentlichen vngendeten gab.
ym der alle gütter gegeben werden. er-
zayt vnd bewysen wirdt. das die person
deines heyligenn geystes ist. der mit dir
o allerhöchster vater vnd deinem eynges-
bornen sun vnserm herren ihesu christo
ein ayniger. warer. wesennlicher. ewiger.
gleichmitallmechtiger got geglawbt ge-
eret. vñ angebetet wirdt. Umb des sel-
ben heyligen geystes willen der dein we-
senliche lieb von dir liebendē zu dem get-
liepten ist. durch den du vnns zu kindern
wünschest. vnd als kinder väterlich lyeb
hast. süßiglich zeüßst. miltiglich nerst.
zerttiglich tröstest. vñ durch sawres vñ
süßes zu deinen gnaden vñ zu dem ewi-
gen erb d himelischē seligkeit beraittest.
eleyson Erbarm dich vber vns.

Christe Gesalbter Mes-
sia. der du des alleröbersten

ewiger sun bist. durch der liebe willē des
selbē allerhöchste vaters. die er zu dir hat
auß d er dir ein solche gespos auß vnser
natur beraytten wollt. die alle sacht vnd
gegenwürff der liebe in dir fünde vnd
hete. als in dem. in dem. auß dem. durch
den. nach dem. ab dem. vñ dē. zu dem. vn-
ter dē. vor dē. bei dē. vñ des willē. zu des
eren. In den. sy. gewesen. wo: dē. were. vñ
künfftig würd. vmb welher gesponsenn
liebe willen (das die samlung deyner
waren glawbigen. die heylig cristenlich
kirch ist) du herr auch soltest. in ir. auß
ir. durch sy. nach ir. ab ir. vñ ir. zu ir. vnter
yr. vor ir. bey ir. vmb yren willen. ir zu erē
vnd zu trost in sie wöllen werden. als du
(vnser herr) denn wordē bist. der du
auß väterlicher liebe vnd willen. auß ei-
em sun zu vnzelichtausenden sūnen wor-
den bist. der vater hat dich allein gesch-
ickt. vnd enpfāht dich selb vnzelichtaus-
sentst wider heym. vñ beleyst dennoch
ewiger eingebornen aynigliche geliebt.
wann er liebt nyemant denn in dir. alle
geliebte sind in dir geliebt. vñ du wirst
in ynen allē geliebt. Darum vñ solcher
liebe willē. dy gott dein vater zu dir hat.
vñ der liebe willē dy du zu im vñ zu der
ere seiner väterliche maiestat hast. vmb
alles des willē. dz d vater vñ deiner ere
vñ liebe willē gethā hat. vñ aller d ding.
willē die du herr vñ seier ere vñ liebe wil-
lē ye gethā. getribē. geredt. gewöllt. für-
gesetzt zethun vñ zeleiden. gedult vñ ge-
lidet hast. allermest in dem vnd yn dem.

Hie bedeck hast du d muß od zeit etz
wz sunders vñ den werckē od vñ dem let
dē vnser herrē. od dz mā lisset in dē ewā
gelio des selbē tags. od beget mā ei fest
vnser herren. oder hastu ein gewiß zil.
von dem du dy tag des zeitlichen lebens
vnser herren rechnest et cetera.

hñ vñ

Ein betrachtung

34 **Eleyson.** Erbarm dich vber vns. vñ verzeyh vns was wir ye mit werckē auß vnwissenheit gesündt habē. verleih vns vmb deiner liebe willen die warheyt die dir zugēaygnet wirdt zethun. zehaltē. ze beschirmen. für die warheit des heyligē cristenlichen glawbens Ob es not thet zesteen vñ zeleyden. Verzeyh vns daz gutt zu erkennen das wir es auß deyner hilff thun mügen. das wir an die schar d engel die dir allwegen dyenen. kummen. dich zu erē deines vaters ewiglich zu lieben. vñ zu loben Amen.

Criste Mediator. Mittler gottes vñnd der menschem. vnser erlöser vñ barmhertziger behalter. der du nit vmb vnser verdiensts willen. sunder auß deiner end losē güttigkeit so vil grosser werck der demütigkeit vñ gehorsam vmb vnser hayles willen hast wöllen thun. vñnd so grof pen vñ schmahheit für dein grof vntzeliich guttat hast wöllen leyden. vmb dein selbs. vñ vmb deiner grossen arbeit willen. die du von vnsern wegen gehabt hast. vmb deyner allermilttesten zehier willenn. die du barmhertziger hayl macher auß mittleyden vnser manigfeltigen vbele vñ scheden vergossen hast. vmb deines heyligenn pluttuergyessens willē. mit dem du vns erlöset hast. durch deynes heyligenn. Wenn oder gedencck nemlichenn hye was du wilt.

Eleyson. Erbarm dich vber vnns. vñ vertzeyh vns was wir auß vnwissenheit. mit Worten ye verschult haben. verleih vns deinen namen zeneriechen. vñ zeren. den namen. den wir von dir haben. das wir von dir C hriste d christen heyl

sen. in der warheit tragen. das wir bis in das end in deinem glawben getreulichē verharre. das wir vns vō der gesellschaft der ertzengel. die sunder borte. der ding die den glauben antreffend. seyen gewesen. in der offenen anschawung der ding die wir hie geglaubt haben. mügē ewiglich lichen freuen.

Criste Der du mit dem vñ der freude als mit der gnad des heyligen geystes vor allen deinen mitgenossen on maß vor alle deine heyligē gesalbt gesprochen wirst. vmb des selben heyligen geystes willen. der von dem vatter vñ dir sun. in weyß der aller milstē gnadereichsten gab auß geet. der die heyligen propheten das sy dich künfftig verkündten. erleucht vñ be wegt hat. der dein werde muter. die ewi gen iunckfrawen maria. das sy dich würdiglich enpfahē möcht. geheyliget mit sundrer gnad erfüllet geweiht vñ dein schwanger gemacht hat. der sant iohansen in muter leib. mit sampt der muter. dz sy dich erkennen. vñ meldeten erfüllte hat. der dich dem heiligen priester symeon vñ sant Annen der heiligen wittwey. die weyßsagen waren. gezeit vñ geoffenbart hat. der in der tauben gestalt ob dir in dem tauff. zu zeigēnus deiner tugent heyligkeit vñ würdigkeit erscheinē ist. der in der gestalt feüriger zungen dein iungern Can dem fünfzigistē tag nach deiner vstende. dem zehende nach seiner auffart zu aym zaichē das allein durch yn vñ sein gnad. dein heiligs gesetz gehaltē. die sünd verzigē. die schuld vergeben. den ellendē die heymfart. den armen ir aufstend gutt. den aygnē oder knechten die freyheit erlaubt. den arbeit

Über das Kyrieleyson.

tenden wo. vnd son. Den forchtsammenn
sicherheit verlyhen möcht werdenn Der
fült. erleucht. gesterckt. angetzündt. vnd
dich durch sie. durch die weyttem werlt
geprediget. vnnnd glorificiert hat. der yr
predig vnd lere mit grossen wunderzeich
en bestetiget hat. der nit allein die mens
ner. sunder auch die meydlein vndaunge
zarte kinder mit sölicher kraft gesterckt
vñ mit sölicher wunderberlicher weyß
heit erfüllt vnd erleucht hat. das sie die
großmechtige keiser vñ grimmigē wüte
rich. die aller werlt erschöckentlich vnnnd
zeförchten waren. nit allein vmb deiner
lieb willē auß deiner gnad nit geförcht.
sund auch mit allen yren penen die sy wi
der sie betrachtē mochte. verachtet vnd
verlacht. vnd die weysen dyser werlt ge
schwaigt. vnd der tozheit gestraft habē
Wan warlich alle weyßheit dyser werlt
on dein erkenntnis (die du durch den
heyligē geist ynnwēdig lereſt) ein toz
heit ist. On beystad d' gnad deines hey
ligen geistes ist alle kunheit vñ getürftig
keit ein vermessenheit. Wa aber dein hey
liger geist sterckt. da mag nyemāt krenck
en. Wa er sichert. da mag nyemāt ersch
recken. Wem er beystet vñ hilfft. d' mag
nit vnterligē. Wen er füert. der mag nit
irr geen. Wen er tröstet den mag nymāt
betrüben. Das ist wol bewysen worden
in deinen heyligē mertrern die so groß
lich vñ dyser werlt sind angefochte wor
denn. das sie von deinē glauben wichen.
vñ sind doch durch die gnad deines
heiligen geistes vnüberwintlich belibē.
d' vns in deiner lieb angetzündt. der dein
glawbigē durch sein gnad vñ dein sacra
ment rechtfertiget vñ heyliget. d' vns zu
allē guttē bewegt. vñ vnser werck vñ ge
bette dir angeneh vñ vns verdienstlich
macht. vnd kurtzlich zubeschliessen der

sein allerwunnſamſten wöning in dein
er menscheit. vnd vmb deiner liebe willē
in deinen liebhabern so vil mer hat. als
vil sy dich mer liebē. vñ dem sy alles gut
haben. **eleyson.** Erbarm dich vber
vns vnd verzeyh vns. was wir ye mit ge
denckenn oder begirden auß vnwissen
heit gesündet haben. gib vns durch die
gnad dyſes deines heiligen geistes all
wegen gutts zgedencken. vnd zewollen
das wir zu den hymeliſche kreſten nā
hen mügen.

Kyrie Herz got heiliger geist
der du des almechtigen aller
höchſten gottes des vaters.
geyst. gab. vnd krafft genennt wirdſt. vñ
dem vnd seinem sun du vñ ewigkeir. als
eyn endloſe guttwilligkeit oder guttigi
keit. vñ der endloſen guttheit außgeest.
mit welchem vater vnnnd sun. du ein aynt
ger. weſenlicher. warer. ewiger. endloſer
gott biſt. vnnnd yn der gotttheit die dritt
perſon. durch die vns die endloſe groß
tettigkeit der väterlichen miltigkeit. vñ
die frucht der ſünliche liephlichkeit (die
vns vnſer herr ihesus cristus. durch dy
gehorsam vnd demütigkeit ſeiner heylig
en meſcheit manigfeltiglich verdient
hat) bewysen. erzaygt. vnnnd erbotten
wirdt. vmb der ere willen des ſelben va
ters. des ſo manigfeltig vnzelich guttat
vns auß deiner gnad durch das verd
enen vñ tugēd ſeines ſuns bewiſe wirdt.
eleyson Ebarm dich vber vns vnd
verzeyh vns was wir ye mit wercken auß
boſheit wider dein guttheit gethan ha
bē. wan wie wol ſchwer iſt zu verzeihen.
dz das auß gewiſer boſheit. vñ nit auß
vnwiſſenheit oder blödigkeit entſpringt
So vberwidt doch die endloſe guttheit

Ein betrachtung

3-18 Die zeitlichen bosheit. vnd der allermildest vatter bereyhet sein allmechtigkeit allermayst in der schonung vnd barmhertzigkeit. vñ die weyl du vns verleihst das wir dich anruffen müge. vnd deines gnaden begeren. so füllen wir hoffnung habenn zu deiner gütigkeit. dem alle süßigkeit zugeschriben wirdt. habē wir nit rew gnug für vnser sünd. so begern wir vnd bitten von deinen gnade. gnad der waren rew. die nyemāt an dein gnad haben mag. Wir bitten auch deinesenffte miligkeit. behütt vns allermayst vor den süden. die vns hindern an deines barmhertzigkeit. gib vns verharrung yn warer hoffnung deyner gütigkeit. das wir raychen mügenn zu der gleichniss d' hohen hymelischen throne. durch die einwohnung vnd stetten beleybung deiner süßen rastung vnd heymlichkeit.

Ryri herr gott heyliger geist. der du die allerseligsten iunckfrawen mariam C das sy würdiglichen gott den sun in yrem iunckfrewlichen leib enpfahen vnd anbeschloßne leyb yn dir töttlich lebenn geperen möcht C mit deiner sundern guaden erfüllt. ge- weyht. geheyliget. vnd berayt hast. der du die matery des allerheyligste leybs vnseren herren von dem allerreynesten plutt des iunckfrewlichen leibs genummen vnd geformiert hast. der du den selben leib mit seiner vernunftigenn vnd verstentlichen sel. In aynigkeit der göttlichen person des sunes mit deiner allernadereichsten mitwückung genummē. in sunderheit on maß mit deier gnaden erfüllt. zu einer ewigenn sundergefreyeten. erhöhten. geheyligeten. wunnsammen wönnig. besessen vnd dir gantz

zugeayguet hast. in der du stetiglichen ewen. vnd dein miligkeit C gegen den dy sy in diser waren arch des neuen testaments süchten vnd anrufften C genetliche vben vnd beweysen woltest. vmb des liebe vnd ere willenn den du also durch die propheten geweyssagt vñ verkündt hast. den du durch sant iohannsen ampt geoffenbart vnd gezaigt hast. den du durch die heyligen zwelfspotten vnd ander iun- gern durch die weyrtē werlt geprediget vnd ercleret hast. der vmb deiner genaden willen C die selben vns vō dem vater zu erwerben C so vil auff diser erdē gethan geaitbätet. geduldet vnd gelitten hat. vñ seier ere vñ liebe wille bittē wir dich **eleison** Erbarm dich vber vns. vnd verzeyh vns alles das wir auß bosheyt ye geredt haben. vnd behütt vns das wir nit in vnuerzeyhlich sünd d' gotz lesterung oder widersprechung der erkantē göttlichen warheit. vnd der gleichen fallen. sunder verleihs vns vor allen dingen die warheit des cristen glawbens zliebenn vnd groß zachten. vñ yn dem lob vnd der danckbarkeit göttlicher guttatē vnd gerechten vrtaylen vnd werck. hohē wolgeuallen vnd frewd zehaben. das wir in nachuolung der hohweyßen clarleuchtenden vnd liechtscheinenden engel. vns von der ober erheben endlosen weyßheit der allerhöhten göttliche gutthait mit wunnen ewiglichen zu verwundern haben.

Ryri herr got heyliger geist der du ein schöpfer aller worden geyst der engelschen vñ der menschliche bist. von dem das lebenn alles flaysches. Von dem die heyligkeit aller heyligen. yn dem der

Vber das Kyrieleyson.

prunm aller heyligkeit. durch den alle seligkeit der verstantlichen creaturen ist. der du der finger der rechten hand gottes bist. vñ dem die himel vñ all ir krafft ist. der du die allerhöchst gab gottes. yn der alle gaben gegeben werden. ia mit der. vñ in welcher. gott der vatter vñnd got d' sun gegeben wirdt. mit den du wesentlich ein endlos ewigs gut. in dē alles gut gētzlich beschlosse wirdt bist. d' du d' anweher d' ādacht. d' brüwer d' ungeformirt. d' begraber d' dūrfftigen. ein erleurer der verborgnen rede. cyn demütiger der stolzenn. ein erleuchter vñ clarificierer der demütigenn. ein feuchtmacher der dūrren. ein fruchtgeber der fruchtpern. d'z allerlūstest feur der götlichen lieplichkeit. vñnd geystlicher hymelischer eiprünstigkeit. du bist d' hertz begirlich gast der selē. der wunnsam einwoner. vñnd erfüllter der ynnigkeit des gemüttes. du bist d' vortreyber des feindes. der geber des warē frids. du treibst auß die finsternus der ynnern blintheit. du geußest ein das liecht der weyßheyt. du verleybst die waren fremd. vñnd gewise sicherheit. du bist ein eingeber vñnd liebhaber der gutten gedancenn. vñnd raynen begirden. du bist der höchst lerer aller warheit. d' oberst mayster aller mayster. du vntterweyfst die aynfeltigē. du wermest die kalten. du hitzigest dy loen. du sterckst die schwachen. du heylest die verrundē. du machst gesundt die siechen. du erfreust die traurigen. du sicherst die forchtsamen. du tröstest die betrübten. du erquickst die erlegenn. du heyligest vñnd machst selig all außewelten. durch dein gnad werden vnns die sünd vertzigen. durch dich werden vnns die

siben gab mit somp seligkeyten verlihen. durch dich wyrdt vnns gebett erhört. durch dich werden vnnsere werck des ewigen lones werdt. Alles gut d'z durch all heyligenn ye ist beschehen. das muß man (der mit yren will) dir zulege. Wann aller menschen werck. tat. willen vñnd wort. möchten nichtz zu gutt oder nutz dyenen. es wer den das sy auß deir krafft vñnd gnad. auß deiner hilff vñnd einsprechung beschehenn. der du senfftlich salbs. süßlich anblasest. zertlichenn anrührst. aber sicherlich fürest du. künlich ermanest du. trewlich vñnd frefftiglich hilffst vñnd beschirmst du. redlich sig verleybst du. erlich einleyrest du. lieblich empfhest du. herrlichenn trōnest du. reychlichen belonest du. süßiglichen tußt du. rwen. frölichenn vñnd lustlichenn nyessenn. seliglichen mit regnyeren. was kan man gleich wirdigs vñnd deiner vn begriffelichenn mayestat gedencen oder findenn. der du bist der nechst endlos prunm vñnd vrsprung aller vnnsere seligkeit. der vrsach aller süßigkeit. von dem alles vnnsere gutt fleußet. vñnd hōt nymmer auff zufließenn. vñnd ye mer du fleußest. ye mer du dich ergeußest. ye mer deyn vn erschöpflich ader erschüßet. vmb söllicher deiner vnuerfigner allweg oberfließen den myltigkeit willen bitten wir dich

eleyson Erbarm dich vber vnns. vñnd verzeyh vnns alles das. daz wir ye auß boßheyt oder vngedult. oder vnyniger hohfart. wyder die ere der götlichen guttheit. vñnd maiestat vnmitiglich gewōlt. gedacht. fürgesetzt. oder begert habē. Bedeck d'z wir ei weflichs. blōds vñ tötlichs flaisch seye. gedencē das wir hyn geen vñ nit wider kerē geyst seyen

Ein betrachtung

349
Die weder guts wöllen noch thū mügen
noch yn dem angefangenn gutten be-
leybenn. es sey denn das wir gemetzlich
mit seiner gnad. für kummeim. belaytet
vnd stetiglich gehalten werden. Dar
vmb füre vns. halt vns. für kum vns.
das wir allweg gutts wöllenn. gutts ge-
denckenn. gutts fürsetzen. entzündt das
lichte deier erkentnis in vnser synnen.
geuß ein dein süsse lieb yn vnser hertze.
vestig all vnser krefft in deiner andacht.
vnd ewiger tugend. das wir nach gleich
nuß der süßprinnenden engel gantz klar
funckelstein in dem feur deier liebe wer-
den. In der wir dich ewigliche nyessen
vnd dir dancken mügen Amen.

Dise vorgeschriben betrachtung ober
das kyrieleyson Ist gesetzt zu einer ein-
bildung der. die gern etwas ynnere vñg
für die langen weyl. vntter den langenn
kyrieleyson heten. vñd doch nichts be-
raytts zu der hand haben. da mit sy den
noch yn der maynug der bedeutnis der
kyrieleyson beleyben möchten. vñd so mā
darym neim mal die barmhertzigkeit
gottes anrufft das drey mal drey synd.
welche zal der heyligenn triueltigkeit zu
gehört. so ist dise betrachtung auff drey
triueltigkeit geordenet. auf die triueltig-
keit der göttlichen personen. wyder die
triueltigkeit der sündlichen werck. vñd yr
sachen. zu der triueltigkeit der engelisch
en iherarcheyen. Dann wir sünden clay
der triueltiglichenn oder yn dreyerlay
weyssen. das ist in gedenccken oder begir-
den. in worten vñd in wercken. dz ist bey
den dreien toten bedeut. die der herr er-
quicket hat. Eynen yn dem haws. Den an-
dern vor der port. Den dritten yn dem

grab. Darumb singen die myndern priu-
der in einem ymnus den der bapst Gre-
gorius d neund gemacht hat. Domū
portam et tumulum pater francisce visi-
ta. et ene prolem miseram a somno mor-
tis excita. Das haus. die port. vñd das
grab. besich vater francisce. vñ dz arm ge-
schlecht der euen erweck vñ dem schlaff
des todes. Vñd dyse dreyerlay sünd ha-
ben drey sach oder vrsach auf denen sye
bescheyenn. das ist plödigkeit. vnwissen-
heit. vñd bosheit. yederlay sünd mag be-
schehe auf d sache eynen. Denn wer da
sündet. d sündt ayntweders daruñ. dz
er mit wayßet daz es sünd ist od wayßet
er daz es sünd ist vñ thut es dar vber. so
beschicht es aintweders auf bosheit als
in denē die eynen verfertē willē habē vñ
auf erueling vñd muttwillen sünden.
oder auf plödigkeit. als die dy auf an-
fechtung sünden. vñd ist ynen doch layd
das sy angefochten werdenn. Vñd so
die plödigkeit wyder die macht ist dye
dem vater zu geaygnet wirdt. die vnwis-
senheit wider die weyßheit die got dem
sun zu geaygenet ist. die bosheit wider
die guttheit die dem heyligenn geyst zu
geaygenet wirdt. so ruffenn wir ein yede
person vñb barmhertzigkeit an. vñd so
wir auf einem yglicheñ der selben ge-
raunten geprechenn. das ist auf plödig-
keit. vnwissenheit. oder bosheit pflegen
zu sünden. yn den obgenannten dreyenn
materien. das ist in dem hertzen mit bö-
senn begyrdenn. mit dem mund yn woz-
tenn. mit den gliedern yn wercken. so ruf-
fenn wir eyn ygliche person drey malen
an vñb die barmhertzigkeit. vñd so dy
göttlicheñ personenn mit eyner end-
lophen hēb aneynander hēb habenn.

uber das kyrieleison


so bitten wir ein ygliche vñ der andern
willen. vñd auch vmb ir selbs willen. Das
ist vmb ir apgenschaft vñd seligkeit wil
len. als den vater zum erstenn vmb seyn
selbs willen. zum andern mal vmb seines
suns willen. zum dritten vmb des heylig
gen geystes willenn. Den sun ruffen wir
an vmb barmhertzigkeit. zum ersten vñ
des vaters willen. zum andern vmb seyn
selbs willen. Das ist vñ seiner werck wil
len. vñd seines leydens willen. zum drit
ten vmb des heyligen geistes willen. Als
so ruffen wir auch den heyligē geist an.
vmb des vaters willen. vñ des suns wil
len. vñd sein selbs willen. Vñ so wir vñ
d sünd willen die wir triueltiglich thun
wider die ere der heiligen dreyen perso
nen. sollten berawbt werdenn der gesel
schafft der engeln die in dreyē triueltig
keiten stet. Das ist in dreyen yerarcheyen
der ein ygliche drey chör hat. so begere
wir neun mal der barmhertzigkeit. Das
wir vmb vnser neinfeltigen sünd willen
mit gehyndert werden. sunder durch die
barmhertzigkeit gottes gefürdert vñd
eingefürt werden zu der frölichen gesel
schafft der seligen engelen Amen.

Auf diser rubryck magst du die mainung
der vorgeschribenenn betrach tung ober
das kyrieleyson deſter baß mercken vñd
behalten. die zu einer vsach der ynnern
vbung gesetzt ist. für die dy nit anders
oder bessers habē vñ wolten doch gern
ettwas haben. mit dem sy die zeit vntter

dem langen gesang fruchtberlichen hñ
brechtē. Nit das sy sich an diſe betrach
tung als sy hie stet gantz pinden sollen.
es sey denn das gesang als lang. Das sy
das wol bedencken müge vñd gern thun
wollen. sunder das sy etwas dar auß ne
men mynder oder meer nach dem als dz
gesang kurtzer oder lenger ist. vñ die an
dacht gibt.

Also endet sych hie das Buch. der
Schatzbehalter oder schrein der waren
reichtümer des heils vñd ewiger selig
keit genant. zu lob vñd ere dem göttlich
en vñd cristenlichen namen. mit grossen
vleys auß den schrifftren zusamen geles
sen vñd auffgerichtet. Vñd durch den
Erbern vñd Achtpern Anthonien Ro
berger. yn der keyserlichen Reichstatt
Nürnberg. Nach der geburt Christi.
vierzehenhundert. vñd yn dem eynvñnd
neñtzigisten iar. Am Eritag dem ach
tenden tag des Monats Nouembriſ
aufgedrucket. Vñd wem gott der herr
ettwas gutts auß lesung diſs büchs ver
leiht ze gedenckenn oder zethun. der ge
denck auch gen got des. der das zusamē
gelesen hat. vmb des heyligen leydes cri
sti willen. durch das wir allein müssen se
lig werden. Das vñns die göttlich barm
hertzigkeit durch das verdynen d ewi
gen Juncfrawen vñd muter gottes. vñ
aller lieben heyligen zu seiner ewigē ere
verleihe Amen.

250



John W. H.

RARE
INCUN
BS
554
F89
1491

848
7575

Inv.#
131

